


Marĩp̃aya Kerere

Wereri Turi



New Testament in Siriano

## **Marĩpaya Kerere Wereri Turi New Testament in Siriano**

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Siriano

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-08-06

---

PDF generated using Haiola and XeLaTeX on 22 Feb 2024 from source files dated 29 Jan 2022

1a0774e8-d152-5929-891b-95e0d2238786

## Contents

SAN MATEO . . . . .	1
SAN MARCOS . . . . .	59
SAN LUCAS . . . . .	95
SAN JUAN . . . . .	156
LOS HECHOS . . . . .	200
ROMANOS . . . . .	252
1 CORINTIOS . . . . .	276
2 CORINTIOS . . . . .	299
GÁLATAS . . . . .	314
EFESIOS . . . . .	324
FILIPENSES . . . . .	332
COLOSENSES . . . . .	337
1 TESALONICENSES . . . . .	343
2 TESALONICENSES . . . . .	348
1 TIMOTEO . . . . .	351
2 TIMOTEO . . . . .	357
TITO . . . . .	362
FILEMÓN . . . . .	365
HEBREOS . . . . .	367
SANTIAGO . . . . .	386
1 SAN PEDRO . . . . .	392
2 SAN PEDRO . . . . .	399
1 SAN JUAN . . . . .	403
2 SAN JUAN . . . . .	409
3 SAN JUAN . . . . .	410
SAN JUDAS . . . . .	411
EL APOCALIPSIS . . . . .	414

## SAN MATEO

*Jesucristo ñekūsāmarā āārīturiāmūrīrīdea*

*(Lc 3.23-38)*

<sup>1</sup> Jesucristo ñekūsāmarā iripoegue marā āsū āārīnerā āārīmá. Jesucristo, David parāmi āārīturiagu āārīdi āārīmí. David, Abraham parāmi āārīturiagu āārīdi āārīmí.

<sup>2</sup> Abraham Isaac pagu, Isaac Jacob pagu,  
Jacob Judásā pagu āārīdi āārīmí.

<sup>3</sup> Judá pūrā Fares, Zara wāikurā āārīnerā āārīmá. Īgūsā pago Tamar wāikudeo āārímó.  
Fares Esrom pagu, Esrom Aram pagu,

<sup>4</sup> Aram Aminadab pagu, Aminadab Naasón pagu,  
Naasón Salmón pagu, <sup>5</sup> Salmón Booz pagu āārīdi āārīmí. Īgū pago Rahab wāikudeo āārímó.  
Booz, Obed pagu āārīdi āārīmí. Īgū pago Rut wāikudeo āārímó.  
Obed Isaí pagu āārīdi āārīmí.

<sup>6</sup> Isaí Israel bumarā opu David pagu āārīdi āārīmí.  
David, Urías marāpo āārīdeo merā Salomón wāikugure pūrākudi āārīmí.

<sup>7</sup> Salomón Roboam pagu, Roboam Abías pagu,  
Abías Asa pagu, <sup>8</sup> Asa Josafat pagu,  
Josafat Joram pagu, Joram Uzías pagu,

<sup>9</sup> Uzías Jotam pagu, Jotam Acáz pagu,  
Acáz Ezequías pagu, <sup>10</sup> Ezequías Manasés pagu,  
Manasés Amón pagu, Amón Josías pagu,

<sup>11</sup> Josías, Jeconíasā pagu āārīdi āārīmí. Īgūsā āārīripoere Israel bumarārē Babilonia marā  
gapu ñeā, Īgūsāya nikūgue āānerā āārīmá.

<sup>12</sup> Irasirigu, Jeconías Babilonia nikūgue Salatiel wāikugure pūrākudi āārīmí.  
Salatiel Zorobabel pagu, <sup>13</sup> Zorobabel Abiud pagu,  
Abiud Eliaquim pagu, Eliaquim Azor pagu,

<sup>14</sup> Azor Zadoc pagu, Zadoc Aquim pagu,  
Aquim Eliud pagu, <sup>15</sup> Eliud Eleazar pagu,  
Eleazar Matán pagu, Matán Jacob pagu,

<sup>16</sup> Jacob, José pagu āārīdi āārīmí.

José, María marāpu āārīdi āārīmí. María, Jesús masakare taubu “Cristo” wāikugu pago  
āārīdeo āārímó.

<sup>17</sup> Abraham merā keopurori, Daviguere marī keotūnumakū, āārīpererā Abraham  
parāmerā āārīturiarā catorce burigora masāporewāgānerā āārīmá. David merā Īgū  
parāmerā āārīturiarārē keomakū, Babiloniague Israel bumarārē Īgūsā āāburo dupuyuro  
keotūnumakū, catorce burigora masāporewāgānerā āārīmá. Dupaturi Babiloniague  
Īgūsā ejadero puru, Īgūsā parāmerā āārīturiarārē keopurorimakū, Cristo deyoadero puru  
keotūnumakū, catorce burigora masāporewāgānerā āārīmá doja.

*Jesucristo deyoadea*

*(Lc 2.1-7)*

<sup>18</sup> Jesucristo deyoaburi āsū waayuro. Īgū pago María, José merā marāpukubo  
iriyupo. Īgūsā suro merā āārīrikuburo dupuyuro Ōāgū deyomarīgū turari merā nijīpo  
āārīnugāsiayupo. <sup>19</sup> José igo merā mojōsiabu diayemarē irigu āārīyupu. Irasirigu, igo  
nijīpo āārīrīrē masīgū, masaka iūrōgue igore: “Ñerō irideo āārímó”, ārī weresādūabi,  
Īgūsā masībirimakūta igore béobu iriadiyupu. <sup>20</sup> Irire Īgū gūñaripoe Marīpure wereboegu,  
kērōgue Īgūrē deyoa, āsū ārīyupu:

—José, David parāmi āārīturiagu, Maríare ñerō gũñabirikōāka! Igo, Ōāgũ deyoamarīgũ turari merā nijīpo āārīnugāsiamo. Irasirigu güiro marīrō igo merā mojōsiaka! <sup>21</sup> Igo majīgūrē pūrākugokumo. Īgũ Īgũyarā masakare Īgūsā ñerī iridea wajare taubu āārīgukumi. Irasirigu Īgūrē “Jesús”<sup>\*</sup> wāiyegukoa, āriyuru Marīpura wereboegu Josére.

<sup>22</sup> I āārīpereri Marīpu Īgũya kerere weredupuyudire gojadorederosūta waayuro. Āsũ ārī gojasūdero āārībú:

<sup>23</sup> Sugo nomeō umámu merā āārībirikerego, sugu majīgũ pūrākugokumo. Īgũ “Emanuel” wāikugukumi, ārī gojasūdero āārībú.<sup>☆</sup>

“Emanuel”, ārīrō: “Marīpu marī merāta āārīmi”, ārīduaro yáa.

<sup>24</sup> José kārīadi yobeja, puru Marīpura wereboegu Īgūrē doreaderosūta María merā mojōsiayuru. <sup>25</sup> Irasirikeregu, igo magūrē pūrākuburo dupuyuro igore marāpokubi irirosū āārīkōāyuru. Igo pūrākūadero puru, majīgūrē “Jesús” wāiyeyuru.

## 2

### *Masīrīmasā Jesúre ĩārā waadea*

<sup>1</sup> Herodes wāikugu, Judea nikũ marā opu āārīripoe Jesús iri nikũma makā Belēgue deyoayuru. Īgũ deyoadero puru, abe marīriro gapu marā neñukārē ōārō masīrīmasā Jerusalēgue ejañurā. <sup>2</sup> Irogue eja, iri makā marārē sērēñañurā:

—Sugu majīgũ deyoadi judío masaka opu āārību, ¿noógue āārīrī? Guaya nikũgue guā āārīmakũ, abe marīriro gapu neñukāmu Īgũ deyoarire ĩmugũ boyopurorimakũ ĩābú. Irasirirā Īgūrē buremurā aarirā iriabu, ārīñurā.

<sup>3</sup> Opu Herodes Īgūsā irasũ arādeare pébokagu, buro gũñarikuyuru. Āārīpererā Jerusalén marāde gũñarikũñurā. <sup>4</sup> Irasirigu Herodes āārīpererā paía oparārē, Moisés doredeare buerimasādere siiu need, Īgūsārē sērēñayuru:

—Cristo, Marīpu iriubu, ¿noógue deyoabu āārāyuri? āriyuru. <sup>5</sup> Īgũ irasũ arīmakũ, āsũ ārī yuñurā:

—Judea nikũma makā Belēgue deyoagukumi. Iripoegue Marīpura kerere weredupuyudi āsũ ārī gojadi āārīmí:

<sup>6</sup> Belén wāikuri makāgue sugu Opu deyoagukumi. Īgũ Marīpuyarā Israel bumarārē korebu āārīgukumi.

Irasiriro Belén Judea nikũ āārīrī makārī watope ubu āārīrī makā āārīkerero, gaji makārī nemorō āārīrokoa, ārī gojadi āārīmí, ārī wereñurā Herodere.<sup>☆</sup>

<sup>7</sup> Īgūsā irasũ arīmakũ pégu, Herodes masīrīmasārē siiu, masaka péberogue sērēñayuru:

—¿Naásũ āārīmakũ neñukāmu deyoari? āriyuru. <sup>8</sup> “Irīnugue deyoami”, ārī yuñmakũ pégu, Īgūsārē Belēgue āsũ ārī iriuyuru:

—Iro marārē: “¿Noógue āārīrī, majīgũ deyoadi?” ārī sērēñarā waaka! Īgūrē bokajarā, ōōta goedujarika, yure Īgũ āārīrōrē weremurā! Yude Īgūrē buremugũ waadukoa, āriyuru Īgūsārē.

<sup>9-10</sup> Īgũ irasũ arīmakũ pé, Belēgue waakōañurā. Maague waamakũ, neñukāmu, abe marīriro gapu boyoadi Īgūsā dupuyuro waadupuyuyuru, Īgūsā waarī maarē ĩmugũ. Īgūsā neñukāmurē ĩārā, buro usyañurā. Neñukāmu Īgūsā dupuyuro waa, majīgũ Īgũ āārīrī wii weka dujanugājayuru.

<sup>11</sup> Irasirirā iri wiigue ñajārā, majīgūrē, Īgũ pago María merā āārīgūrē bokajañurā. Īgūrē ĩā, Īgũ puro ñadukupuri merā ejamejā: “Ōātarimi”, ārī buremuñurā. Īgūsā āiadea kũmarīrē tũpā: oro, incienso, mirra wāikuri sārōrī wajaparire Īgūrē sīñurā. <sup>12</sup> Puru Īgūsā kārīripoe Marīpu kērōgue wereyuru:

<sup>\*</sup> **1:21** “Jesús”, ārīrō: “Marī Opu marīrē taumi”, ārīduaro yáa. <sup>☆</sup> **1:23** Is 7.14 <sup>☆</sup> **2:6** Mi 5.2

—Musāya makāgue goedujáarā, Herodes puro waarí maarē dujáabirikōōka! Gaji maa gapu dujáaka! āri wereyupu. Irasirirā gaji maa gapu goedujáañurā.

*José, María merā majīgūrē Egiptogue āiduriadea*

<sup>13</sup> Masīrīmasā goedujáadero puru, Marīpure wereboegu Josere kērōgue deyoa, āsū āri wereyupu:

—Yobeka! Majīgūrē, ĩgū pago merā Egipto nikūgue āiduriwāgāka! Yu murē: “Dujarika!” āri weremakūgue dujarika! Herodes majīgūrē āmabu yāmi ĩgūrē wējēbu, āri wereyupu.

<sup>14</sup> ĩgū irasū ārīmakū pégu, José yobe, majīgūrē āi, pago merā űamita Egiptogue waakōāyupu. <sup>15</sup> Herodes okaropā irogue āārīñurā. Irasiriro Marīpuya kerere weredupuyudi Marīpu magūrē ĩgū ārīdeare gojaderosūta waayuro. Marīpu āsū ārīdi āārīmí: “Yu magūrē Egiptogue āārīgūrē siiubu”.

*Herodes űma pūrārē wējēbéodoredea*

<sup>16</sup> Herodes, masīrīmasā ĩgū puro goedujáabirimakū ĩāgū, guatariakōāyupu. Irasirigu Belén marārē, iri makā turo āārīrādere űma pūrāgārē wējēpeokōādoreyupu. Masīrīmasā ārīdeare gūñagū: “Ōōpāta majīgū masākumi”, āri gūñayupu. Irasirigu pe bojori oparārē, pe bojori doka oparārē wējēbéodoreyupu. <sup>17</sup> ĩgū irasiriri Jeremías Marīpuya kerere weredupuyudi gojaderosūta waayuro. Āsū āri gojadi āārīmí:

<sup>18</sup> Ramā wāikurogue buru bujawereri merā dujaritua, orerākuma. Raquel parāmerā āārīturiarā Israel bumarā nome ĩgūsā pūrārē buru orerākuma. ĩgūsā pūrārē wējēmakū ĩārā, bujawereduúbirimakū, gajerā ĩgūsārē gūñaturamakū iri-masībirikuma, āri gojadi āārīmí.✧

<sup>19</sup> Herodes boadero puru, Marīpure wereboegu Josere Egiptogue āārīgūrē kērōgue deyoa, āsū āriyupu doja:

<sup>20</sup> —Majīgūrē wējēdhanerā boapereakōāma. Irasirigu majīgūrē, pago merā Israel bumarāya nikūgue āi dujáaka doja! āriyupu.

<sup>21</sup> ĩgū irasū ārīmakū pégu, José yobe, majīgūrē, pago merāta Israel bumarāya nikūgue āiākōāyupu. <sup>22</sup> José gapu Judea nikūgue ejagu, Herodes magū Arquelao wāikugu ĩgū pagu dagure gorawayudi āārīmi, ārīrī kerere pégu, gūiyupu. Irasirigu, kērōgue Marīpu ĩgūrē werederosūta Judea nikūrē taria, Galilea nikūgue waakōāyupu. <sup>23</sup> Iri nikūguere Nazaret wāikuri makāgue eja, āārīyupu. Irasiriro Marīpuya kerere weredupuyunerā gojaderosūta waayuro. Āsū āri gojanerā āārīmá: “ ‘Cristo, Marīpu iriudi Nazaretmuta āārīmi’, ārīrākuma masaka”, āri gojanerā āārīmá.

### 3

*Juan masakare wāiyerimasū buedea*

(Mr 1.1-8; Lc 3.1-9, 15-17; Jn 1.19-28)

<sup>1</sup> Iripoere Juan masakare wāiyerimasū Judea nikū masaka marīrōgue ĩgū puro ejarārē Marīpuyare buenugāyupu. <sup>2</sup> Āsū āri werenayupu:

—Musā űerō iririre bujawereka! Musā gūñārīrē gorawayuka! Mérō duyāa, Marīpu ĩgūyarārē doreri ejaburo, āri werenayupu.

<sup>3</sup> Iripoeguemu Isaiás Marīpuya kerere weredupuyudi, Juan iriburire āsū āri gojadi āārīmí:

Sugu, masaka marīrōgue buru gainírī merā: “Marī Opu aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” āri weregukumi, āri gojadi āārīmí.✧

<sup>4</sup> Juāya suríro camellu poari merā suadea suríro āārīyuro. ĩgūya yujawēñarīdade waibu gasiro merā irideada āārīyuro. Poreroa, mume makānūu marāyare baarikayupu.

<sup>5</sup> Jerusalén marã, ããrĩperero Judea nikũ marã, dia Jordán wãikũdiya turo marãde ãgũrẽ pãrã ejañurã. <sup>6</sup> Ìgũsã ñerõ irideare bujawere, Marĩpũre weretarimakũ ããgũ, ãgũsãrẽ deko merã wãiyeyupũ dia Jordán wãikũdiyague.

<sup>7</sup> Juan, wãrã fariseo bumarã, saduceo bumarã ãgũrẽ wãiyedorerã ejamakũ ããgũ, ãsũ ãrĩyupũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? “Marĩpũ, gũa ñerõ iriri waja gũare wajamoãbirikõãburo”, ãrĩrã, ¿yũre wãiyedorerã aarari? <sup>8</sup> Mũsã: “Gũa ñerõ irideare bujawere, gũñarĩrẽ gorawayuabũ”, ãrĩrã, mũsã ñerõ irideare piri, õãrĩ gapũre irika! Mũsã irasirimakũ, Marĩpũ mũsãrẽ wajamoãbirikumi. <sup>9</sup> Mũsã: “Gũa Abraham parãmerã ããrĩturiarã ããrĩmakũ, Marĩpũ gũare wajamoãbirikumi”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãa. Marĩpũ i ãtãyeri merã Abraham parãmerã ããrĩturiarã waamakũ irimasĩmi”. <sup>10</sup> Mũsã ñerĩ iririre piribirimakũ ããgũ, Marĩpũ mũsãrẽ bẽogũkumi. Sugũ yukũ ñerĩ dukakũdire ãã, kõme merã nugũrĩgue merãta diti, peamegue soebẽorosũ mũsãrẽ bẽogũkumi. <sup>11</sup> Mũsã ñerõ irideare bujawere, mũsã gũñarĩrẽ gorawayumakũ ããgũ, yũ mũsãrẽ deko merã wãiyegũkoa. Yũ pũrũ aarigũ, yũ nemorõ turagũ ããrĩmi. Yũ gapũ ubu ããrĩgũ, ãgũrẽ neõ sũropebirikõka. Ìgũ mũsãrẽ Õãgũ deyomarĩgũ merã, peame merã wãiyegũkumi. Irasirigũ Õãgũ deyomarĩgũrẽ mũsã merã ããrĩnĩmakũ irigũkumi, ñerĩrẽ soebẽorosũ mũsãrẽ ñerĩrẽ bẽoburo, ãrĩgũ. <sup>12</sup> Trigo gasirire korobẽogũ irirosũ ããrĩmi. Gasirire koro odo, iri yerire baari duripĩri wiigue duripĩgũ irirosũ õãrõ irirãrẽ ãgũ pũroque ããgũkumi. Gasiri gapũre peamegue soebẽogũ irirosũ ñerõ irirãrẽ peamegue bẽogũkumi. Iri peame neõ yaribirikõka, ãrĩ werenayupũ Juan masakare.

*Juan Jesũre deko merã wãiyedea*  
(Mr 1.9-11; Lc 3.21-22)

<sup>13</sup> Juan masakare dia Jordán wãikũdiyague deko merã wãiyeripoe Jesũs Galileague ããrãdi ãgũrẽ wãiyedoregũ waayupũ. <sup>14</sup> Iroque ejamakũ, Juan ãgũrẽ wãiyedũabiradiyupũ:

—¿Mũ gapũ yũre wãiyerono irigũ yũre wãiyedoregũ aarĩri? ãrĩyupũ.

<sup>15-16</sup> Jesũs gapũ ãgũrẽ yũjũyupũ:

—Yũre wãiyeka! Marĩrẽ ããrĩpereri Marĩpũ dorederosũta iriro gããmea.

Ìgũ irasũ ãrĩmakũ pẽgũ: “Jãũ”, ãrĩ, Jesũre wãiyeyupũ. Wãiyẽ odomakũ, Jesũs diague níadi majãnũgãmakũta, ãmũgasi tũpãkõãyuro. Õãgũ deyomarĩgũ buja irirosũ deyogũ dijari, ãgũ weka ejabekamakũ ããyupũ. <sup>17</sup> Marĩpũ ãmũgasigue ããrĩgũ ãsũ ãrĩyupũ Jesũre:

—Ìĩ yũ magũ, yũ maĩgũ ããrĩmi. Ìgũ merã bũro usũyãa, ãrĩyupũ.

## 4

*Wãtĩ Jesũre ãrĩmesãdidea*  
(Mr 1.12-13; Lc 4.1-13)

<sup>1</sup> Pũrũ Õãgũ deyomarĩgũ Jesũre masaka marĩrõgue ããyupũ, wãtĩ ãgũrẽ ãrĩmesãburo, ãrĩgũ.

<sup>2</sup> Iroguere Jesũs cuarenta ñarĩ, cuarenta ñamĩrĩgora baabiriyupũ. Pũrũ ãboakõãyupũ.

<sup>3</sup> Ìgũ ãboamakũ ããgũ, wãtĩ ãgũ pũro eja, ãsũ ãrĩyupũ:

—Diayeta Marĩpũ magũ ããrĩgũ, mũ turaro merã i ãtãyerire pã duparu waamakũ irika! ãrĩyupũ.

<sup>4</sup> Jesũs gapũ ãgũrẽ yũjũyupũ:

—Yũpũya werenĩrĩ gojãdea pũgue: “Baari dita masakare okamakũ iribea. ããrĩpereri Marĩpũya werenĩrĩ gapũ ãgũsãrẽ okamakũ yãa”, ãrĩ gojasũdero ããrĩbũ, ãrĩ wereyupũ Jesũs wãtĩrẽ.

<sup>5</sup> Pũrũ wãtĩ Marĩpũya makã Jerusalẽgue Jesũre ãña, Marĩpũya wii wekague ãĩmũrĩa,

<sup>6</sup> ãgũrẽ ãsũ ãrĩyupũ:

—Diayeta Marĩpũ magũ aãrĩgũ, yebague parimadijaka! Ìgũya werenĩrĩ gojadea pũgue: Marĩpũ Ìgũrẽ wereboerãrẽ murẽ koredoregũkumi, neõ ùtãyegue meébejabirikõãburo, aãrĩgũ, aãrĩ gojasũdero aãrĩbũ, aãrĩ wereyupũ wãtĩ Jesũre.\*

<sup>7</sup> Jesũs Ìgũrẽ yũjũyupũ:

—Yũpũya werenĩrĩ gojadea pũgue: “Bũremurĩ marĩrõ Marĩpũre: ‘Mũ turari merã yũre gajino iri Ìmuka!’ aãrĩbirikõãka!” aãrĩ gojasũdero aãrĩbũ, aãrĩ wereyupũ Jesũs wãtĩrẽ.

<sup>8</sup> Pũrũ wãtĩ Jesũre ùmarĩ buũru wekague aĩmurĩayupũ doja. Irogue aãrĩpereri i ùmũma makãrĩrẽ, masaka oparidere Ìmupeokõãyupũ. <sup>9</sup> Irire Ìmupeo, Jesũre ãsũ aãrĩyupũ:

—Mũ ñadũkupuri merã ejamejãja, yũre: “Mũ, yũ Opũ aãrã”, aãrĩ bũremumakũ, i aãrĩpererire murẽ sĩgũra, aãrĩyupũ.

<sup>10</sup> Ìgũ irasũ aãrĩmakũ, Jesũs ãsũ aãrĩyupũ:

—Satanás, yũ pũrore wirika! Yũpũya werenĩrĩ gojadea pũgue: “Marĩpũ direta bũremuka! Ìgũ doreri direta irika!” aãrĩ gojasũdero aãrĩbũ, aãrĩ wereyupũ Jesũs wãtĩrẽ.

<sup>11</sup> Ìgũ irasũ aãrĩmakũ pégũ, wãtĩ waakõãyupũ. Ìgũ waadero pũrũ, Marĩpũre wereboerã Jesũre iritamurã ejañurã.

*Jesũs Galilea nikũgue masakare buenũgãdea*

*(Mr 1.14-15; Lc 4.14-15)*

<sup>12</sup> Juãrẽ peresu iridea kerere pégũ, Jesũs Galilea nikũgue waakõãyupũ. <sup>13</sup> Iro aãrĩrĩ makã Nazarere tariwãgã, Capernaum wãikũri makãgue ejayupũ. Galilea wãikũri ditaru tũro aãrĩbũ Capernaum. Iri makã Zabulón bumarãya nikũ, Neftalí bumarãya nikũ aãrĩunadero aãrĩbũ. <sup>14</sup> Jesũs irogue ejagũ, iripoeguemu Marĩpũya kerere weredupuyudi Isaiás gojaderosũta iriyupũ. ãsũ aãrĩ gojadi aãrĩmĩ:

<sup>15</sup> Zabulón bumarãya nikũ, Neftalí bumarãya nikũ aãrĩunadero, judío masaka aãrĩmerãya nikũ aãrã. Ditaru tũro, dia Jordán wãikũdiya abe ñajãrõgue Galilea wãikũri nikũ aãrã.

<sup>16</sup> Iro marã, naĩtĩãrõgue aãrĩrã irirosũ Marĩpũyare masĩbema. Ìgũsã masĩbiri waja peamegue waabonerã aãrĩma. Irasũ aãrĩkererã, sĩãgorire Ìãrã irirosũ Ìgũsãrẽ taubure Ìãrãkuma. Ìgũta Ìgũsãrẽ Marĩpũre masĩmakũ irigũ aarigũkumi. Irasirirã boyorogue aãrĩrã irirosũ aãrĩrãkuma, aãrĩ gojadi aãrĩmĩ.\*

<sup>17</sup> Jesũs irogue aãrĩgũ, masakare ãsũ aãrĩ buenũgãyupũ:

—Mũsã ñerĩ iririre bũjawereka! Mũsã gũñarĩrẽ gorawayuka! Mérõ dũyãa, Marĩpũ Ìgũyarãrẽ doreri ejaburo, aãrĩyupũ.

*Jesũs wapikũrã waaĩ wẽjẽrĩmasãrẽ siiudea*

*(Mr 1.16-20; Lc 5.1-11)*

<sup>18</sup> Jesũs Galilea wãikũri ditaru tũroque ejagũ, Simõrẽ, Ìgũ pagũmũ Andrere bokajayupũ. Simõta “Pedro” wãikũyupũ. Ìgũsã waaĩ wẽjẽrĩmasã aãrĩñurã. Ditarugue Ìgũsãya buidire meéyorã iriñurã. <sup>19</sup> Jesũs Ìgũsãrẽ:

—Nãka, yũ merã! Daporare mũsãrẽ waaĩ wẽjẽrĩmasã aãrĩrĩrẽ piri, Marĩpũya kerere wererimasã aãrĩmakũ irigũkoa, aãrĩyupũ.

<sup>20</sup> Ìgũ irasũ aãrĩmakũ pérã, mata Ìgũsãya buiriyukure pĩkõã, Jesũs merã waakõãñurã.

<sup>21</sup> Pũrũ Jesũs yoaweyaro waa, Santiagore, Ìgũ pagũmũ Juãrẽ bokajayupũ. Ìgũsã Zebedeo wãikũgũ pũrã aãrĩñurã. Ìgũsãya doódirugue Ìgũsã pagũ merã Ìgũsãya buiriyukure ãmurã iriñurã. Jesũs Ìgũsãrẽ: “Nãka, yũ merã!” aãrĩ siiuyupũ. <sup>22</sup> Ìgũ irasũ aãrĩmakũ pérã: “Jãũ”, aãrĩ, Ìgũsãya doódirure, pagũre pĩkõã, Jesũs merã waakõãñurã.

*Jesũs wãrã masakare buedea*

*(Lc 6.17-19)*



<sup>23</sup> Jesús ããrĩperero Galilea nikũrẽ judío masaka nerẽrĩ wiirigue buegorenayupũ. Õãrĩ kerere, Marĩpũ Ìgũyarãrẽ doregũ ããrĩrĩrẽ bueyupũ. Irasũ ããrĩmakũ pũrĩrikurãrẽ ããrĩpereri Ìgũsã pũrĩrĩrẽ tauyupũ. <sup>24</sup> Ìgũ irasiriri kerere ããrĩperero Siria nikũ marã masĩpereakõãñurã. Irasirirã gajerosũperi sĩrĩrĩ oparãrẽ, pũrĩrikurãrẽ, wãtẽa ñajãsũnerãrẽ, ñamasĩrĩrĩ oparãrẽ, waamasĩmerãdere Jesús pũrogue ããñurã. Irasirigũ ããrĩpererãrẽ tauyupũ Jesús.

<sup>25</sup> Ìgũ irasirimakũ Ìãrã, wãrã Galilea nikũ marã, Decápolis wãikũri nikũma makãrĩ marã, Jerusalén marã, Judea nikũ marã, dia Jordán wãikũdiya abe mũrĩro gapũ marã Ìgũ merã waañurã.

## 5

### *Jesús buúrugue masakare buedea*

<sup>1</sup> Jesús, masaka wãrã Ìgũ pũro ejamakũ Ìãgũ, buúrugue mũrĩa, eja doayupũ. Ìgũ irogue doamakũ, Ìgũ buerã Ìgũ pũro nerẽnũgãjañurã. <sup>2</sup> Ìgũsã nerẽnũgãjamakũ Ìãgũ, Jesús Ìgũsãrẽ ãsũ ãrĩ buerũroriyupũ:

*“Ãsũ irirãno usuyama”, ãrĩ buedea*

*(Lc 6.20-23)*

<sup>3</sup> —“Marĩpũ iritamubirimakũ, Ìgũ gããmerĩrẽ irimasĩña marĩbokoã”, ãrĩ gũñarãno, ãmũgasigue Marĩpũ Ìgũyarãrẽ dorerogue waarãkuma. Irogue ma Ìgũsãya ããrã. Irasirirã usuyama.

<sup>4</sup> ‘Bũjawereri merã ããrĩrãrẽ Marĩpũ Ìgũsãrẽ gũñaturamakũ irigukumi. Irasirirã usuyama.

<sup>5</sup> “Gajerã nemorõ ããrã”, ãrĩ gũñamerã, Marĩpũ Ìgũsãrẽ: “Ì nikũrẽ sĩgura”, ãrĩdeare oparãkuma. Irasirirã usuyama.

<sup>6</sup> ‘Marĩpũ gããmerĩrẽ iridũarã, ãaboarã baadũarã, ñemesiburã iiridũarã irirosũ ããrĩma. Marĩpũ Ìgũsãrẽ iritamugukumi, Ìgũ gããmerĩrẽ iriburo, ãrĩgũ. Ìgũsãrẽ iritamugũ, iirĩ, baayapianerã irirosũ ããrĩmakũ irigukumi. Irasirirã usuyama.

<sup>7</sup> ‘Gajerãrẽ bopoñarĩ merã Ìãrãrẽ Marĩpũ Ìgũsãrẽ bopoñarĩ merã Ìãgũkumi. Irasirirã usuyama.

<sup>8</sup> ‘Ñerĩ opamerã Marĩpũre Ìãrãkuma. Irasirirã usuyama.

<sup>9</sup> ‘Gajerãrẽ õãrõ siuñajãrĩ merã ããrĩmakũ iridũarãrẽ Marĩpũ Ìgũsãrẽ: “Yũ pũrã ããrĩma”, ãrĩgũkumi. Irasirirã usuyama.

<sup>10</sup> ‘Marĩpũ gããmerĩrẽ iriri waja, gajerã Ìgũsãrẽ ñerõ tarimakũ irisũrã ãmũgasigue Marĩpũ Ìgũyarãrẽ dorerogue waarãkuma. Irogue ma Ìgũsãya ããrã. Irasirirã usuyama.

<sup>11</sup> ‘Yũre mũsã bũremurĩ waja gajerã mũsãrẽ ñerõ werenĩkerepũrũ, mũsãrẽ ñerõ irikerepũrũ, ããrĩpereri gajerosũperi ñerĩ kere ãrĩkerepũrũ, usuyaka! <sup>12</sup> Marĩpũya kerere weredupuyunerãrẽ mũsã dupuyuro ããrĩnerãrẽ ãsũta ñerõ irinerã ããrĩmã. Irasirirã mũsãrẽ ñerõ irikerepũrũ, õãrõ usuyari merã ããrĩrikũka! Pũrugue wãro õãrĩ oparãkoa ãmũgasiguere, ãrĩyupũ Jesús.

*I ãmũguere Marĩpũyare irirã moã, sĩãgori irirosũ ããrĩma, ãrĩ buedea*

*(Mr 9.50; Lc 14.34-35)*

<sup>13</sup> Irasũ ãrĩ odo, Jesús ãsũ ãrĩ buenemoyupũ:

—Mũsã ì ãmũguere Marĩpũyare irirã moã okari irirosũ ããrã. Moã okadea okabirimakũ, dupaturi okamakũ irimasĩbirikoa. Béoõãkoa. Béoaderõ pũrũ, masaka kũrawasiribéoõãkuma. Irasirirã mũsã moã okari irirosũ Marĩpũyare irinĩkõãka!

<sup>14</sup> ‘Mũsã ì ãmũ marãrẽ sĩãgori irirosũ ããrã. Irasirirã Marĩpũyare mũsã irimakũ Ìãrã, Ìgũrẽ masĩrãkuma. Buúru wekague ããrĩrĩ makãrẽ duúmasĩña máa. <sup>15</sup> Masaka sĩãgodirure sĩãgorã, dupa kũma dokague pĩbirikuma. Sĩãgo, wii dekogue siukuma, iri wii marã ããrĩpererã õãrõ boyorogue ããrĩburo, ãrĩrã. <sup>16</sup> Ì irirosũ mũsãde Marĩpũyare õãrõ iriri merã

masakare musā ĩgũyarā āārĩrĩrē masĩmakũ irika, ĩgũrē ũmugasigue āārĩgũrē: “Ōātarigu āārĩmi”, ārĩ bũremuburo, ārĩrā!

*Jesús Moisés doredeare buedea*

<sup>17</sup> 'Musā yũre āsũ ārĩ gũñabirikōāka: “Marĩpũ Moisére doreri pídeare, irasũ āārĩmakũ Marĩpũya kerere weredupuyunerā gojadeare béogu aarigú irikumĩ”, ārĩ gũñabirikōāka! Irire béogu aarigú meta iribũ. Iri āārĩpererire keoro iriyuwarikũgũ aarigú iribũ. <sup>18</sup> Diayeta musārē werea. Ũmugasi, i nikũ āārĩrōpāta Marĩpũ neō mérōgā su wāĩ ĩgũ doreri pídeare béobirikumi. Āārĩpereri ĩgũ: “Āsũ irigura”, ārĩdeare keoro iriyuwarikũgũkumi. <sup>19</sup> Iri dorerire su wāĩrē tarinũgārāno, gajerārē: “Gũa irirosũ irika!” ārĩ buerā, ũmugasigue Marĩpũ ĩgũyarārē dorerogue ĩgũ ĩāmakũ ubu āārĩrā āārĩrākuma. Gajerā gapũ iri dorerire ōārō irirā, gajerārē ĩgũsā irirosũ iridorerā, ũmugasigue ĩgũyarārē dorerogue ĩgũ ĩāmakũ oparā irirosũ āārĩrākuma. <sup>20</sup> Ire musārē werea. Musā, Moisés doredeare buerimasā, fariseo bumarā nemorō Marĩpũ gāāmerĩrē iribirikererā, Marĩpũ ĩgũyarārē doreroguerē neō waabirikoa.

*Jesús masaka guarimarē buedea  
(Lc 12.57-59)*

<sup>21</sup> 'Marĩpũ musā ñekūsāmarārē doredeare musā pénerā āārĩbũ. ĩgũsārē āsũ ārĩdi āārĩmĩ: “Masakare wějēbirikōāka! Gajigũre wějēdinorē wajamoāka, ĩgũ wějēdea waja!” <sup>22</sup> Yũ gapũ musārē werea. Sugũ ĩgũyagũ merā guagũ, wajamoāsũgũkumi. ĩgũyagũre: “Mũ wjamáa”, ārĩ bũridagũnorē marĩ oparā wajamoārākuma. ĩgũyagũre: “Waibũ irirosũ pémasĩrĩ opabea mũ”, ārĩgũnorē peamegue waamagoegorāa.

<sup>23</sup> 'Irasirirā Marĩpũya wiima soepeorogue ĩgũrē bũremurā gajino pĩrā waamurā: “Yaagũ yũ merā guami”, ārĩ gũñabokarā, <sup>24</sup> Marĩpũre sĩburire pĩkōā, musāyagũ pũrogue waa: “Yũ mũrē ñerō irideare kātika!” ārĩ sērēka ĩgũrē! Musā gāme āmuadero pũrũ, dupaturi Marĩpũya wiigũ musā sĩduadeare ĩgũrē sĩrā waaka!

<sup>25</sup> 'Sugũ musārē weresāduagũ, weresārĩrē beyerimasũ pũrogue musārē āĩduamakũ, mata maague ĩgũ merā waarā, ĩgũ musārē weresārĩrē āmuka! ĩgũ merā ōārō āmubirimakũ, beyerimasũguere musārē weresāgũkumi. ĩgũ musārē weresāmakũ pégũ, beyerimasũ musārē suraraguere wia, peresu iridoregũkumi. <sup>26</sup> Diayeta musārē werea. Beyerimasũ musārē wajaridoredeare wajaripeobirimakũ, neō musārē wiubirikumi.

*Jesús: “Gajigũ marāpo merā ñerō iribirikōāka!” ārĩ buedea*

<sup>27</sup> 'Iripoegue marā weredeare musā pénerā āārĩbũ. Āsũ ārĩnerā āārĩmā: “Gajigũ marāpo merā ñerō iribirikōāka!” <sup>28</sup> Yũ gapũ musārē werea. Sugũ nomeōrē ñerō iridũari merā ĩāgũ, ĩgũ gũñarĩgue igo merā ñerō irisiāmi.

<sup>29</sup> 'Irasirirā musāya koyeru diaye gapũmarũ merā ĩā, ñerō irirā, irirure gorewe-abéorosũ iri ñerō iririre pirika! Musā koyerure béomakũ, iriru dita dediria. Ñerō iririre pirimerā āārĩpereri musāya dupũ merā peamegue béosũrākoa. <sup>30</sup> Musāya diayema mojō merā ñerō irirā, iri mojōrē dítítá béorosũ iri ñerō iririre pirika! Musāya mojōrē béomakũ, iri mojō dita dediria. Ñerō iririre pirimerā āārĩpereri musāya dupũ merā peamegue béosũrākoa.

*Jesús masakare: “Musā marāposā nomerē béobirikōāka!” ārĩ buedea  
(Mt 19.1-12; Mr 10.11-12; Lc 16.18)*

<sup>31</sup> 'Iripoegue marā idere ārĩnerā āārĩma: “Sugũ ĩgũ marāpore béoduagũ: ‘I waja merā mũrē béoa’, ārĩ gojari pũrē sĩrō gāāmea”, ārĩnerā āārĩmā. <sup>32</sup> Yũ gapũ musārē werea. Sugũ, ĩgũ marāpo gajigũ merā ñerō iribirikererũ igure béogu, igure gajigũ merā marāpũkũmakũ irigũ, igure ñerō irimakũ irikumĩ. Irasũ āārĩmakũ, ĩgũ béodeo merā marāpokũgũde ñerō irigũ irikumĩ.

### *Jesús: “Āsū irigura”, ārīrmarē buedea*

<sup>33</sup> 'Iripoegue marārē weredeare musā pénerā āārībú. Āsū ārī werenerā āārīmá ĩgūsārē: “ ‘Marīpu wāī merā āsū irigura’, ārīderosūta marī Opu ĩūrō keoro irika!” <sup>34</sup> Yu gapu musārē werea. Musā gajerārē: “Āsū irigura”, ārīrā, Marīpure wāīpeobirikōāka! “Ĕmugasima merā āsū irigura”, ārībirikōāka! Ĕmugasi, Marīpu doaro ubu āārīrō meta āārā. <sup>35</sup> I nikūma merādere wāīpeobirikōāka! I nikū Marīpuya nikū āārā. Irasirio ĩgū kuraña doanīrō irirosū āārā. Jerusalén merādere wāīpeobirikōāka! Jerusalén marī Opu turatariguya makā āārā. <sup>36</sup> “Yaa dipuru merā āsū irigura”, ārī wāīpeobirikōāka! Musā irasū ārīrī merā neō musāya dipuruma poaire nīrīda, o borerida waamakū irimasībirikoa. <sup>37</sup> “Āsū irigura”, o “Āsū iribirikoa”, ārīrā, wāīpeoro marīrō su diayeta wereka! Wāīpeori merā: “Āsū irigura”, ārīrā, wāī gāāmerīrē irirā yāa.

### *Jesús masaka ñerō iri gāmirīmarē buedea (Lc 6.29-30)*

<sup>38</sup> 'Iripoegue marā weredeare musā pénerā āārībú. Āsū ārīnerā āārīmá: “Murē gajigu muya koyerure pátīāderosūta mude ĩgūya koyerure pátīā gāmika! Muya guikarure ĩgū pānuaderosūta mude ĩgūya guikarure pānu gāmika!” ārīnerā āārīmá. <sup>39</sup> Yu gapu musārē werea. Musārē ñerō iridire irasū ĩākōāka! ĩgūrē ñerō iri gāmibirikōāka! Sugu musāya wayupārā diaye gapure pámakū, kúgapuma wayupārādere pádoreka! <sup>40</sup> Sugu murē weresārīrē beyerimasū puro āia: “ĩgūya surīrore sīdoreka, ĩgū yure ñerō iridea waja”, ārī weresāmakū, iriñerē sīka! Irasū āārīmakū, muya wekamañedere sīnemoka ĩgūrē! <sup>41</sup> Sugu surara gajinorē su kilómetro murē āīwāgādoremakū, gaji kilómetro āīwāgānemobosaka doja! <sup>42</sup> Sugu murē gajinorē sērēmakū, sīka ĩgūrē! Gajino murē wayumakū sīka ĩgūrē! “Wayubirikoa”, ārībirikōāka!

### *Jesús: “Musārē ĩāturirārē maīka!” ārī buedea (Lc 6.27-28, 32-36)*

<sup>43</sup> 'Gaji iripoegue marā weredeare musā pénerā āārībú. Āsū ārīnerā āārīmá: “Musā merāmarārē maīka! Musārē ĩāturirā gapure ĩāturi doo, gāmika!” ārīnerā āārīmá. <sup>44</sup> Yu gapu musārē werea. Musārē ĩāturirārē maīka! Musārē ñerō werenīrārē: “Ōārō āārīburo”, ārīka! Musārē ĩāturi doorārē ōārō irika! Musārē ñerō ārī bīridamakū, musārē ñerō irimakū, ĩgūsāya āārīburire Marīpure sērēbosaka! <sup>45</sup> Irasirirā Marīpu ũmugasigue āārīgū pūrā āārīrākoa. Marīpu ñerārē, ōārādere abe asimakū yāmi. ĩgū dorerire irirā puro, irimerā purudere deko merēmakū yāmi. Irasirirā musāde ĩgū irirosūta masakare surosū ōārō irika! <sup>46</sup> Musārē maīrā direta maīrā, ĩñeéonorē ũmugasigue wajatabokuri? Romano marā opure niyeru wajaseabosarimasāde ñerā āārīkererā, ĩgūsārē maīrārē maīma. <sup>47</sup> Musāyarā direta ōārō bokatīrīñeārā, ĩñeéno ōārīrē gajerā nemorō iribokuri? Marīpure masīmerāde ĩgūsāyarārē ōārō bokatīrīñeāma. <sup>48</sup> Irasirirā, Marīpu ũmugasigue āārīgū neō ñerī marīgū āārīrōsūta musāde neō ñerī marīrā āārīka! ārī wereyupu Jesús.

## 6

### *Jesús ōārō iririkurimarē buedea*

<sup>1</sup> Jesús āsū ārī werenemoyupu:

–“Ōārīrē irirā āārā”, ārīrā, masaka ĩūrō musā iririre iri ĩmubirikōāka! Musā irire irasirimakū, Marīpu ũmugasigue āārīgū musā irasiridea wajare sībirikumi. <sup>2</sup> Irasirirā boporārē iritamurā, āārīpererārē werebirikōāka! Irigatorimasā irirosū iribirikōāka! ĩgūsā boporārē iritamurā, marī nerērī wiirigue nerēanerā, makā dekogue āārīrā ĩūrō: “Ōārā āārīma”, ārīburo, ārīrā, iri ĩmuma. Diayeta musārē werea. Masaka ĩgūsārē ōārō

ãrĩrĩ merã wajatari opasiama. <sup>3</sup> Mũsã gapũ boporãrẽ gajino sĩrã, masaka ããberogue sĩka!  
<sup>4</sup> Marĩpũ, mũsã irasirimakũ ããgũ, mũsãrẽ õãrõ wajatamakũ irigũkumi.

*Jesús Marĩpũrẽ sãrãrẽrẽ buedea*  
*(Lc 11.2-4)*

<sup>5</sup> 'Marĩpũrẽ sãrãrẽ, irigatorimasã irirosũ iribirikõãka! ãgũsã marĩ nerẽrĩ wiirigue, makã dekogue masaka ããburo, ãrĩrã, sãrẽ ãmuma. Diayeta mũsãrẽ werea. Masaka ãgũsãrẽ ãrĩrĩ merã wajatari opasiama. <sup>6</sup> Mũsã gapũ Marĩpũrẽ sãrãrẽ, mũsãya taribugue ñajãa, disipũro bia, gajerã ããberogue ãgũrẽ sãrẽka! ãgũ deyomarĩgũ ããrĩkeregũ, mũsã merã ããrĩgũkumi. Irasirigũ, gajerã ããberogue mũsã ãgũrẽ sãrẽmakũ ããgũ, mũsãrẽ õãrõ wajatamakũ irigũkumi.

<sup>7</sup> 'Marĩpũrẽ sãrãrẽ, ubu ããrĩrĩ werenĩrĩ merã dupaturi sãrẽdujabirikõãka! Marĩpũrẽ masĩmerã irasũ yãma. "Wãri werenĩrĩ merã gũa sãrẽmakũ, gũare pãgũkumi", ãrĩ gũñama.  
<sup>8</sup> ãgũsã irirosũ iribirikõãka! Mũsã sãrẽburo dupuyuro Marĩpũrẽ mũsã gããmerĩrẽ masĩsiami.  
<sup>9</sup> Irasirirã ãsũ ãrĩ sãrẽrõ gããmea Marĩpũrẽ:

Gũapũ ãmũgasigue ããrĩgũ, ããrĩpererã mũrẽ gopepyari merã bũremuburo.

<sup>10</sup> Mũ ããrĩpererãrẽ doreri aariburo. ãmũgasigue marã mũ gããmerõ irirosũta i nikũ marãde iriburo.

<sup>11</sup> ãmũrikũ gũare baari sĩka!

<sup>12</sup> Gajerã gũare ñerõ irideare gũa kãtirosũta mũde gũa ñerõ irideare kãtika!

<sup>13</sup> Gũa ñerõ iridũamakũ kãmutaka! Ñegũ gũare ñerĩ ãrĩmesãrĩrẽ tau kãmutaka! Mũ sugũta gũare doregũ, turatarigũ, gũa bũremugũ ããrĩnĩgũkoa, ãrĩ sãrẽka Marĩpũrẽ!

<sup>14</sup> 'Gajerã mũsãrẽ ñerõ irideare mũsã kãtimakũ ããgũ, Marĩpũrẽ ãmũgasigue ããrĩgũ mũsã ñerõ irideare kãtigũkumi. <sup>15</sup> Gajerã mũsãrẽ ñerõ irideare mũsã kãtibirimakũ, Marĩpũrẽ mũsã ñerõ irideare kãtibirikumi.

*Jesús bererimarẽ buedea*

<sup>16</sup> 'Marĩpũrẽ bũremurã bererã, irigatorimasã irirosũ iribirikõãka! ãgũsã bererã, ãgũsãya diapure bũjawererã irirosũ iri ãmuma, masaka ãgũsã bererire ããmasĩburo, ãrĩrã. Diayeta mũsãrẽ werea. Masaka ãgũsãrẽ ãrĩrĩ merã wajatari opasiama. <sup>17</sup> Mũsã gapũ bererã, mũsã irinarõsũta irika! Mũsãya diapure waakoe, õãrõ wũũapukõãka! <sup>18</sup> Mũsã irasirimakũ, gajerã mũsã bererire masĩbirikuma. Marĩpũrẽ gapũ deyomarĩgũ ããrĩkeregũ, mũsã merã ããrĩmi. ãgũ dita mũsã gajerã ããberogue iririre ããgũ, mũsãrẽ õãrõ wajatamakũ irigũkumi.

*Jesús marĩ ãmũgasigue wajataturire buedea*  
*(Lc 12.33-34)*

<sup>19</sup> 'Wãri i nikũmarẽ sea neõ duripĩbirikõãka! I nikũma borewiji boakõãrokoa. Boabirimakũ, burua baadediukõãrãkuma. Baadediubirimakũ, yajarimasã ñajãa, yajakõãrãkuma.  
<sup>20</sup> Irasirirã mũsã ãmũgasima opaburi gapũrẽ gũñaka! ãmũgasima neõ borewiji boabirikoa. Iroguere burua mũsã opaburire neõ baadediubirikuma. Yajarimasãde neõ ñajãa, yajabirikuma. <sup>21</sup> Mũsã i ãmũma direta: "Opadũakoa", ãrĩ gũñarã, irire bũro maĩrãkoa. ãmũgasima gapũrẽ: "Opadũakoa", ãrĩ gũñarã, irire bũro maĩrãkoa.

*Jesús masakaya koye sããgodiru irirosũ ããrĩrẽrẽ buedea*  
*(Lc 11.34-36)*

<sup>22</sup> 'Mũsãya koye mũsãya gũñarĩguere sããgodiru irirosũ ããrã. Mũsã õãrĩ koye oparã irirosũ ããrĩmakũ, mũsãya gũñarĩguere õãrõ sããgoro irirosũ ããrã. Irasirirã Marĩpũyare masĩa. <sup>23</sup> Mũsã ñerĩ koye oparã irirosũ ããrĩmakũ, mũsãya gũñarĩguere naĩtĩãrõ irirosũ ããrã. Marĩpũyare masĩbea. I naĩtĩãrĩ, ñetaria. Irire masĩbirimakũ ñegorãa.

*Jesús: "Niyerure maĩrã, Marĩpũrẽ maĩbema", ãrĩ buedea*  
*(Lc 16.13)*

<sup>24</sup> Neõ sugũ moãboerimasũ pẽrã oparãrẽ moãboemasĩbirikumi. Sugũ opũre maĩgũ, gajigu gapũre maĩbirikumi, o sugũ opũre bũremugũ, gajigu gapũre yũjubirikumi. Niyerudere maĩtarigu, Marĩpu gapũre maĩbemi.

*Jesús, Marĩpu ãgũ pũrãrẽ korerimarẽ buedea*  
(Lc 12.22-31)

<sup>25</sup> Irasirigu musãrẽ ire weregũra. Musã ããrĩkũrĩre gũñarã, “¿Ñeonorẽ baarãkuri, ñeonorẽ iirĩrãkuri, ñeonorẽ sãñarãkuri?” ãrĩ gũñarikũbirikõãka! Marĩ okari gapũ, baari nemorõ wajakũa. Marĩya dupũ, surĩ nemorõ wajakũa. <sup>26</sup> Mirãrẽ ãmarõgue wũrãrẽ ãka! ãgũsã baadũarã, otebema. Otedea dukare seabema. Baari duripĩri wiiridere opabema. Marĩpu ãmũgasigue ããrĩgũ gapũ ãgũsãrẽ baari sĩmi. Musã gapũ, mirã nemorõ wajakũtarinũgã. <sup>27</sup> Musã bũro gũñarikũri merã neõ mérõgã masãnemobirikoa. Musã irasũ gũñarikũri wajakũa.

<sup>28</sup> Irire masĩkererã, ¿nasirirã musã surĩ sãñaburire gũñarikũri? Makãnúũma goori masãrĩrẽ gũñaka! Iri moãbirikerero, suabirikerero õãrĩ surĩ sãñarõ irirosũ deyoa. <sup>29</sup> Musãrẽ werea. Opũ Salomón surĩ õãrĩ sãñadero nemorõ iri goori gapũ õãrĩ deyoa. <sup>30</sup> Iri goorire Marĩpu õãrĩ goori deyomakũ irikererũ, mérõgã pũrũ ñãĩdija pereakõãa. Gajinũ gapũ peamegue soebéokõãsũa. Iri mata pereburi ããrĩkererũ, Marĩpu iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ musãrẽ õãrõ irigakumi. Surĩre sĩgũkumi. Musã gapũ ãgũrẽ mérõgã bũremurĩ opãa. <sup>31</sup> Irasirirã: “¿Ñeonorẽ baarãkuri, ñeonorẽ iirĩrãkuri, ñeonorẽ sãñarãkuri?” ãrĩ gũñarikũbirikõãka! <sup>32</sup> Marĩpũre masĩmerã bũro gũñarikũri merã irire ãmanĩkõãma. Marĩpu ãmũgasigue ããrĩgũ gapũ ããrĩpereri musã gããmerĩrẽ masĩsiami. Irire musãrẽ sĩgũkumi. <sup>33</sup> Irasirirã, Marĩpu musã Opũ ããrĩrẽ, ãgũ gããmerĩrẽ, ãgũ dorerire, ããrĩpereri nemorõ gããmerũrorika! Musã irasirimakũ, ããrĩpereri musã baa, iirĩburire, musã surĩ sãñaburidere sĩwekapeogũkumi. <sup>34</sup> Irasirirã: “¿Naásũ waarokuri ñamigãrẽ?” ãrĩ gũñarikũbirikõãka! Gajinũmarẽ musã ñerõ tariburire gũñarikũdupuyubirikõãka! Dapagãma direta gũñaka! Dapagãrẽ musã ñerõ tariburi ããrĩsĩãa, ãrĩ wereyupũ Jesús.

## 7

*Jesús, gajerãrẽ: “Ñerã ããrĩma”, ãrĩ werewũabirikõãka! ãrĩ buedea*  
(Lc 6.37-38, 41-42)

<sup>1</sup> Jesús irire ãrĩ odo, ãrĩnemoyupũ doja:

—Gajerãrẽ: “Ñerã ããrĩma”, ãrĩ werewũabirikõãka! Musã werewũabirimakũ ãgũ, Marĩpu musãrẽ: “Ñerã ããrĩma”, ãrĩ ããbirikumi. <sup>2</sup> Gajerãrẽ: “Õãrõ iribema”, ãrĩ ããrõsũta Marĩpu musãrẽ ããgũkumi. Gajerãrẽ: “Ãsũ ããrĩma”, ãrĩ ããrõsũta Marĩpu musãrẽ ããgũkumi. <sup>3</sup> Musã ñerõ iridea, koyerugue wãri turu oparosũ ñetariri ããrĩrẽ gũñabirikererã, musãyagu ñerõ iridea, koyerugue nikũyegã oparosũ ããrĩrẽ: “Ñegorãa”, ãrĩ gũñãa. <sup>4</sup> Irasirirã musã ñerõ iridea, koyerugue wãri turu oparosũ ããrĩrã, musãyagũre ãgũya koyerugue ããrĩrĩ nikũyegãrẽ: “¿Ãrĩbõsi?” ãrĩmasĩbea. <sup>5</sup> Musã ñerõ iririkũrã, irigatorikũrã ããrã. Musãya koyerugue ããrĩrĩ turu gapũre ãrĩbõpũroriro irirosũ musã ñerõ iririre pirĩpũrorika! Irasiri odo, musãyagũre: “Mũ ñerõ iririre pirikõãka!” ãrĩ masã.

<sup>6</sup> Marĩpũre ñerõ ãrĩ buridarãrẽ ãgũya kerere werebirikõãka! ãgũsãrẽ wererã, diayẽare õãrĩrẽ sãrã, o yeseare ñaguĩda wajakũaridare sãrã irirosũ iribokoa. Diayẽa guarã, õãrĩ sĩkererũ, gãmenũgã kũrĩkõãkuma. Yesea iridare noó gããmerõ kũrawasiribéokuma. ãgũsã irirosũ ããrĩrãrẽ, ubugorata Marĩpũya kerere werebirikõãka!

*Jesús: “Marĩpũre sãrãrã, ãsũ ãrĩ sãrãka!” ãrĩdea*  
(Lc 11.9-13; 6.31)

7 'Marĩpũre sērēka! Īgūrē sērēmakū, sīgukumi. Ōārĩrē āmarā, bokarākoa. Wiigue ñajādũarā oemakū, Marĩpũ disipũro tũpā ñajādoregũ irirosũ musā sērērĩrē pégukumi. 8 Īgūrē sērērānorē sīgukumi. Āmarāno, bokarākuma. Wiigue ñajādũarā oerā irirosũ Īgūrē sērēmakū ĩāgũ, Īgūsārē ñajādoregũ irirosũ Īgūsā sērērĩrē ōārō pégukumi.

9 'Musā pũrā pārē sērēmakū, ūtāyere sĩbirikoa. 10 Waaĩ sērēmakũdere, āñarē sĩbirikoa. 11 Ñerā āārĩkererā, musā pũrārē ōārĩrē sĩmasĩa. Marĩpũ ūmũgasigue āārĩgũ gapũ, musā nemorō ōārĩrē sĩmasĩmi. Irasirigu Īgūrē sērērārē irire sīgukumi.

12 'Musā, gajerā musārē ōārō irimakū gāāmerōsũta musāde Īgūsārē ōārō irika! Moisés gojadea pũgue, Marĩpũya kerere weredupuyunerā gojadea pũguedere irasũta iridoredero āārĩbũ.

*Jesús eyabiri disipũrore ñajāri keori merā buedea*  
(Lc 13.24)

13 'Marĩpũ pũroque ñajādũarā Īgũyare irika! Iroque ñajāmakū diasagorāa. Eyabiri disipũro ñajārō irirosũ āārā. Peamegue waaró gapũ eyari disipũro ñajārō, eyari maarē waaró irirosũ āārā. Iri maarē waamakū diasabea. Irasirirā wārā masaka iroque waarā yāma. 14 Marĩpũ pũro gapũre waamakū diasagorāa. Irasirirā mērāgāta masaka, eyabiri disipũro ñajārōrē, iroque eyabiri maarē bokama. Iroque waarā, Marĩpũ merā ōārō āārĩrākuma.

*Jesús yukũre dukũ merā ĩāmasĩsũa, ārĩ buedea*  
(Lc 6.43-44)

15 'Ōārō pémasĩka! "Marĩpũya kerere weredupuyurimasā āārā", ārĩgatorārē pébirikōāka! Īgūsā oveja guamerā, ōārĩrē irirā irirosũ musā pũroque ejarākuma. Irasirikererā, Īgūsā gũñarĩguere diayéa makānũũ marā guarā irirosũ, ñerā āārĩma. 16 Īgūsā ñerō irimakū musā Īgūsārē: "Ñerā āārĩma", ārĩ ĩāmasĩrākua. Poragu iguire dukakũbirikoa. Ñaagũde higo wāĩkũrĩre dukakũbirikoa. 17 Ōādi yukũ ōārĩrē dukakũ. Ñedi gapũ ñerĩrē dukakũ. 18 Yukũ ōādi ñerĩrē dukakũbirikoa. Ñedide ōārĩrē dukakũbirikoa. 19 Ōārĩ dukakũbiridire pábeo, peamegue soekōāma. 20 Irasirirā: "Marĩpũya kerere weredupuyurimasā āārā", ārĩgatorārē Īgūsā iriri merā: "Ārĩgatorikũrā āārĩma", ārĩ ĩāmasĩrākua musā.

*Jesús āārĩpererā masaka Marĩpũ pũroque waabirikuma, ārĩ buedea*  
(Lc 13.25-27)

21 'Wārā yũre: "Mũta āārā gua Opũ", ārĩkererā, āārĩpererā ūmũgasigue Yũpũ Īgũyarārē dorerogue ñajābirikuma. Yũpũ ūmũgasigue āārĩgũ gāāmerĩrē irirā dita Īgũ āārĩrōguere ñajārākuma. 22 Yũpũ āārĩpererā ñerārē wajamoārĩnũ ejamakū, wārā yũre: "Gua Opũ, mũyare masakare buebũ. Mũ wāĩ merā wātēārē béowiu, wārĩ ōārĩrē iri ĩmubũ", ārĩrākuma. 23 Īgūsā irasũ ārĩkererũ: "Musārē neō masĩbiribũ. Ñerĩrē irirā āārā musā. Irasirirā yũ pũrore wirika!" ārĩgũkoa.

*Jesús pe wii keori merā buedea*  
(Mr 1.22; Lc 6.47-49)

24 'Yũ werenĩrĩrē péduripĩgũno, yũ dorerire irigũno, ōārō pémasĩgũ āārĩmi. Sugu ūtāyegue ūkũārĩ goberi máñajāa, wii ōārō núdi irirosũ āārĩmi. 25 Pũrũ deko merē, dia wáro yura, mirũ bũro wējēpukerepũrũ, iri wii ūkũārō núdea wii āārĩsĩā, neō mirũabirikoa. 26 Yũ werenĩrĩrē pékeregũ, yũ dorerire iribi gapũ sugu ĩmparogue wii iridi irirosũ āārĩmi. 27 Pũrũ deko merē, dia wáro yura, mirũ bũro wējēpumakū, mata ōjēdija, kōmopereakōākoa, ārĩ wereyupũ Jesús.

28 Īgũ bue odomakū, masaka Īgũ buerire pégukari merā: "Ōātarĩro buemi", ārĩ gũñañurā. 29 Moisés gojadeare buerimasā irirosũ buebiriypũ. Sugu doregũ irirosũ bueyupũ Jesús.

## 8

*Jesús kãmi boagure taudea*  
(Mr 1.40-45; Lc 5.12-16)

<sup>1</sup> Jesús buúrugue aãrãdi dijarimakū iãrã, wãrã masaka ïgūrē tuyañurã. <sup>2</sup> Sugū kãmi boagū Jesúre ïãgū, ïgū pũro ñadukupuri merã ejamejã, ïgūrē sērēyupũ:

—Yũ Opũ, mũ yũ pũrĩrikurire taudũagũ taumasĩa, ãrĩyupũ.

<sup>3</sup> ïgū irasũ ãrĩmakū pégu, Jesús ïgũya mojõ merã ïgūrē moãñayupũ.

—Mũrē taugũra. Kãmi marĩgũ dujaka! ãrĩyupũ.

ïgū irasũ ãrĩmakũta, kãmi yariakõãyuro. <sup>4</sup> Irasirigũ Jesús ïgūrē ãrĩyupũ:

—Gajerã masakare mũ tariadeare werebirikõãka! Paĩ pũrogue mũrē kãmi yariadeare ïgūrē ïmugũ waaka, ïgū mũrē: “Kãmi marĩgũ aãrĩmi”, ãrĩburo, ãrĩgũ. ïgū irasũ ãrãdero pũrũ, Moisés gojadea pũgue sĩdoredeare sĩka! Mũ irire irimakū iãrã, masaka mũrē kãmi yariadeare masĩrãkuma, ãrĩyupũ Jesús ïgūrē.

*Jesús surara opũre moãboegure taudea*  
(Lc 7.1-10)

<sup>5</sup> Pũrũ Jesús Capernaugue ejamakū, romano marã surara opũ ïgū pũro ejanugã, ïgūrē iritamurĩ sērēyupũ:

<sup>6</sup> —Gũa Opũ, yũre moãboegu bũro pũrĩrikugũ yaa wiigũe oyami. Bũari merã bũro pũrĩsũgũ iriami, ãrĩyupũ.

<sup>7</sup> Jesús ïgūrē ãrĩyupũ:

—ïgūrē taugũ waagũra.

<sup>8</sup> Surara opũ ïgūrē yũjũyupũ:

—Yũ Opũ, yaa wiire mũrē: “Ñajãrika!” ãrĩ masĩbirikoa. Yũ ubu aãrĩgũ aãrã. Irasirigũ mũ õõgueta doreri merã yũre moãboegu tarigukumi. <sup>9</sup> Gajerã oparã yũre dorema. Yũde gajerã surarare dorea. Yũ sugũre: “Waaka!” ãrĩmakū, waami. Gajigũre: “Aarika!” ãrĩmakū, aarĩmi. Yũ, yũre moãboegure: “Ire irika!” ãrĩmakū, irire yãmi, ãrĩyupũ.

<sup>10</sup> Jesús surara opũ irasũ ãrĩrĩrē pégu, pégukakõãyupũ. ïgūrē tũyarãrē ãsũ ãrĩyupũ:

—Diayeta mũsãrē werea. ïrĩ surara opũ Israel bumũ aãrĩbirikeregu, yũre bũremumi. ïrĩ irirosũ yũre bũremugũ neõ sugũ Israel bumũrē bokajabiribũ. <sup>11</sup> Mũsãrē werea. Wãrã masaka ïrĩ irirosũ yũre bũremurãkuma. ïgũsã aãrĩperero marã judío masaka aãrĩmerã aãrĩkererã, mũmũgasigue Marĩpũ ïgũyarãrē dorerogue eja, marĩ ñekũsãmarã Abraham, Isaac, Jacob merã doa, baarãkuma. <sup>12</sup> Gajerã judío masaka: “Gũa Opũ aãrĩrĩrogue waamurã aãrã”, ãrĩkererũrũ, ïgũsã bũremubiri waja Marĩpũ ïgũsãrē naĩtĩãrõgue béodediugukumi. Irogũere pũrĩsũrã bũro ore, bũjawereri merã ïgũsãya guikare kũrĩduútũrãkuma, ãrĩyupũ Jesús.

<sup>13</sup> Irasũ ãrĩ odo, surara opũre ãrĩyupũ:

—Dujãaka mũya wiigũe! Mũ bũremurõsũta waarokoa mũrē moãboegure, ãrĩyupũ.

ïgū irasũ ãrĩrĩpoeta, ïgūrē moãboegure pũrĩrĩ tariakõãyuro.

*Jesús, Pedro múñekõrē taudea*  
(Mr 1.29-31; Lc 4.38-39)

<sup>14</sup> Pũrũ Jesús Pedroya wiigũe waayupũ. Iri wiigũe ñajãgũ, Pedro múñekõrē peyarogue bũro nimakũrikũgo oyagore bokajayupũ. <sup>15</sup> Irasirigũ igoya mojõrē moãñayupũ. ïgū moãñamakũta, nimakũri tariakõãyuro. Iri tarimakū wãgãnugã, ïgũsãrē baari ejoyupo.

*Jesús wãrã pũrĩrikũrãrē taudea*  
(Mr 1.32-34; Lc 4.40-41)

<sup>16</sup> Naĩmejãrĩpoe aãrĩmakū, masaka wãrã wãtẽa ñajãsũnerãrē Jesús pũrogue ãijañurã. ïgū werenĩrĩ merã wãtẽa ïgũsãguere ñajãnerãrē béowiuyupũ. Irasũ aãrĩmakū, aãrĩpererã

pũrĩrikũrãrẽ tauyupũ. <sup>17</sup> Irire irigu, iripoeguema Marĩpũya kerere weredupuyudi Isaías gojaderosũta iriyupũ. Āsũ arī gojadi āārĩmĩ: “Marĩ turabirire, marĩ sĩrĩrĩrẽ marĩrẽ taubosami”, arī gojadi āārĩmĩ.

*Gajerã Jesũre: “Mũrẽ tũyadũakoa”, ārĩdea*  
(Lc 9.57-62)

<sup>18</sup> Jesũs wãrã masaka ĩgũ pũro nerẽmakũ ĩãgũ, ĩgũ buerãrẽ:

—Nãka, ditaru sikoerũgue taribujarã! ārĩyupũ. <sup>19</sup> ĩgũ irasũ ārĩmakũ, sugũ Moisés gojadeare buerimasũ Jesũs pũro eja, ārĩyupũ:

—Buegũ, mũ noó waaró mũrẽ tũyagũra, ārĩyupũ.

<sup>20</sup> Jesũs ĩgũrẽ yũjũyupũ:

—Makãnúũ marã diayéa ĩgũsã kãrĩrĩ toreri opama. Mirãde ĩgũsã kãrĩrõ opama. Yũ āārĩpererã ĩgũ gapũ kãrĩrõ opabea, ārĩyupũ.

<sup>21</sup> Gajigu ĩgũ buerire tũyagu ĩgũrẽ ārĩyupũ:

—Yũ Opũ, yũpũ boamakũ ĩgũrẽ yãa odo, mũrẽ tũyagũra, ārĩyupũ.

<sup>22</sup> Jesũs ĩgũrẽ yũjũyupũ:

—Yũre tũyadũagũ, daporata yũ merã aarika! Yũre bũremumerã, boanerã irirosũ āārĩrãta boanerãrẽ yãaburo, ārĩyupũ.

*Jesũs mirũ, makũrĩrẽ toemakũ iridea*  
(Mr 4.35-41; Lc 8.22-25)

<sup>23</sup> Irasũ arī odo, doódirugue ĩgũ buerã merã mũrĩñajãyupũ. <sup>24</sup> ĩgũsã mũrĩñajãa, taribu-jaripoe ditarure mirũ bũro waayuro. Makũrĩ doódirure pãñajãmiũkõãdiyuro. Irasũ waaripoere Jesũs gapũ kãrĩgũ iriyupũ. <sup>25</sup> Irasirirã ĩgũrẽ yobeñurã:

—Gũa Opũ, gũare tauka! Marĩ mirĩmurã yãa, ārĩñurã.

<sup>26</sup> ĩgũsã irasũ ārĩmakũ, Jesũs yũjũyupũ:

—¿Nasirirã bũro gũiri mũsã? Yũre mërõgã bũremurĩ opãa mũsã, ārĩyupũ.

Irasũ ārĩgũta wãgãñũgã: “Mirũ, makũrĩ iropãta, toeaka!” ārĩyupũ. ĩgũ irasũ ārĩmakũ, mirũ, makũrĩde toedijapereakõãyuro. <sup>27</sup> ĩgũ irasirimakũ ĩãgũka, āsũ arī gãme werenĩñurã:

—¿Ñeémũno masakũ āārĩrĩ ñĩ? Mirũ, makũrĩde ĩgũrẽ tarinũgãbea, ārĩñurã.

*Jesũs Gadara marãrẽ wãtẽa ñajãnerãrẽ béowiudea*  
(Mr 5.1-20; Lc 8.26-39)

<sup>28</sup> Pũrũ Jesũs ditarure taribuja, Gadara marãya nikũgue ejayupũ. Iroguere ejamakũ, pẽrã ũma masãgoberi watopegue āārãnerã ĩgũrẽ bokatĩrĩñurã. ĩgũsã wãtẽa ñajãñũnerã goerã āārĩñurã. Irasirirã iro waarĩ maarẽ masaka neõ waabiriñurã. <sup>29</sup> ĩgũrẽ bokatĩrĩ, āsũ arī gainĩñurã:

—Jesũs, ũmũgasigue marã Opũ magũ, ¿nasirigu aarigũ yãri mũ gũa pũroguere? ¿ĩgũ āārĩpererã ñerãrẽ wajamoãrĩnũ ejabirikerepũrũ, gũare poyarikũmakũ irigu aarĩri mũ? ārĩñurã.

<sup>30</sup> ĩgũsã koregue wãrã yesea āma baarã iriñurã. <sup>31</sup> Irasirirã wãtẽa Jesũre āsũ arī sërẽñurã:

—Gũare béowiugũ, sĩĩsã yeseaguere ñajãdoreka! ārĩñurã.

<sup>32</sup> —Jãũ, ĩgũsãrẽta ñajãrã waaka! ārĩyupũ Jesũs.

ĩgũ irasũ ārĩmakũ, ĩgũsã pẽrã ũmaguere āārãnerã yeseaguere ñajãñurã. ĩgũsã ñajãmakũta, yesea dupatũrugue ũma mirẽbuãa, ditarugue meébia dijãa, mirĩ boapereakõãñurã.

<sup>33</sup> Irasũ waamakũ ĩãrã, yeseare korerimasã gũkari merã makãgue ũmadujãa, āārĩpererĩ ĩgũsã ĩãdeare, irasũ āārĩmakũ wãtẽa ñajãñũnerãrẽ waadeare wereñurã. <sup>34</sup> Irire pẽrã, iri makã marã āārĩpererã Jesũs pũroguere waa, ĩgũrẽ ĩãrã, turaro merã ĩgũsãya nikũrẽ wiridoreñurã.



## 9

*Jesús dupu buadire taudea*  
(Mr 2.1-12; Lc 5.17-26)

<sup>1</sup> Irasirigu Jesús doódirugue m̄rĩñajãa, ditarure taribuja, ãḡya makãgue ejayupu. <sup>2</sup> Iroguere sugu dupu buadire ãḡu peyaro merã Jesús puero ãijañurã. Jesús, ãḡusã ãḡurẽ buremumakũ ããḡũ, dupu buadire ãsũ ãrĩyupu:

–Gũñaturaka! Yu, mu ñerõ irideare kãtia, ãrĩyupu.

<sup>3</sup> ãḡu irasũ ãrĩmakũ p̄erã, surãyeri Moisés gojadeare buerimasã ãsũ ãrĩ gũñañurã: “ãḡu werenĩrĩ merã Marĩp̄ure ñerõ werenĩmi”. <sup>4</sup> Jesús gapu ãḡusã gũñarĩrẽ ããmasĩ, ãsũ ãrĩyupu:

–¿Nasirĩã yure ñerõ gũñarĩ musã? <sup>5</sup> ¿Naásũ ãrĩrĩ gapu diasaberi ãrĩ buadire: “Yu, mu ñerõ irideare kãtia”, ãrĩrĩ, o “Wãgãñugã, waaka!” ãrĩrĩ gapu diasaberi? <sup>6</sup> Yu ããrĩpererã tãḡũ i ãmugue ããrĩrãrẽ ãḡusã ñerõ irideare Marĩp̄u dorero merã kãtimasã. Irasirigu ãrĩ buadire taugura, musãrẽ irire masĩdoregu, ãrĩyupu. Irasũ ãrĩ odo, buadire ãrĩyupu:

–Wãgãñugã, mu oyaderore ãi, m̄uya wiigue waaka! ãrĩyupu.

<sup>7</sup> ãḡu irasũ ãrĩmakũ p̄egu, buadi ããrãdi wãgãñugã, ãḡya wiigue waakõãyupu. <sup>8</sup> Masaka, ãḡu irasũ waarĩre ããrã, ããḡukakõãñurã. Marĩp̄ure: “Oãtaria, mu turari masakure s̄irĩ”, ãrĩ, usuyari s̄ĩñurã.

*Jesús Mateore siudea*  
(Mr 2.13-17; Lc 5.27-32)

<sup>9</sup> P̄uru Jesús iro merã waa, yure ããbokami. Yu Mateo\*, romano marã op̄ure niyeru wajaseabosagu ããrĩbũ. Jesús, yu moãrĩ taribugue doagure ãã, yure: “Nãka, yu merã!” ãrĩmi. ãḡu irasũ ãrĩmakũ p̄egu, wãgãñugã, ãḡu merã waakõãbũ.

<sup>10</sup> P̄uru yaa wiigue Jesús ãḡu buerã merã baaripoe wãrã niyeru wajaseabosarimasã, gajerã ñerõ irirãde baarã ejama. <sup>11</sup> ãḡusã merã ãḡu baamakũ ããrã, fariseo bumarã gapu ãḡu buerãrẽ s̄erẽñama:

–¿Nasirigu musãrẽ buegu niyeru wajaseabosarimasã, ñerõ irirã merã baari? ãrĩma.

<sup>12</sup> ãḡusã irasũ ãrĩmakũ p̄egu, Jesús ãrĩmi:

–P̄urĩrĩ marĩrã kúririmas̄urẽ ãmabema. P̄urĩrikurã gapu ãḡurẽ ãmama. <sup>13</sup> Marĩp̄uya werenĩrĩ gojadea p̄ugue ãḡusã gojadeare buerã waaka! ãsũ ãrĩ gojasũdero ããrĩbũ iri p̄ugure: “Yure buremurã, waimurãrẽ w̄jẽ soepeomakũ gããmebea. Gajerãrẽ musã bopoñarĩ merã ããmakũ gããmea”, ãrĩmi Marĩp̄u, ãrĩ gojasũdero ããrĩbũ. “Oãrã ããrã”, ãrĩ gũñarãrẽ siugũ aaribiribũ. “Ñerõ irirã ããrã”, ãrĩ gũñarã direta siugũ aarigũ iribũ, ãḡusã ñerõ irideare bujawere, gũñarĩrẽ gorawayuburo, ãrĩgũ, ãrĩmi Jesús fariseo bumarãrẽ.

*Jesúre bererimarẽ s̄erẽñadea*  
(Mr 2.18-22; Lc 5.33-39)

<sup>14</sup> P̄uru Juan masakare wãiyegu buerire t̄uyarã Jesúre s̄erẽñarã ejama:

–Gua Marĩp̄ure buremurã berea. Irasũ ããrĩmakũ fariseo bumarãde berema. ¿Nasirirã mu buerã gapu gua irirosũ iriberi? ãrĩma.

<sup>15</sup> Jesús ãḡusãrẽ yujumi:

–Sugu mojõsiadi bosenu irimakũ, ãḡu siuanerã ãḡu merã ããrĩrã bujawerebirikuma. P̄uru ãḡurẽ gajerã ããmakũ, bujawereri merã bererãkuma†.

<sup>16</sup> Masaka maama surĩro gasiro merã bugũñerẽ seretũbirikuma. Irasũ seretũmakũ, maama gasiro ãḡusã koadero p̄uru, tããneeõ, bugũñerẽ wãri gobe yeguenemomakũ irikoa. <sup>17</sup> Waimurã gasiri merã iridea ajuri bugu ajurigue maama igui dekore

\* 9:9 Mateo pe wãi opayupu. ãḡuta Levĩ wãikuyupu. † 9:15 Jesús irire irasũ ãrĩgũ: “Yu sugu mojõsiadi bosenu irigu irirosũ ããrã. Yu buerã, mojõsiadi siuanerã irirosũ ããrĩma. Irasirirã, puugue yu ãḡusã merã ããrĩbirimakũ ããrã, bujawereri merã bererãkuma”, ãrĩgũ irimi.

diribirikuma. Irasũ dirimakũ, maama igui deko pãmu, buḡu ajuro sēraturabiri oore-akõãkoa. Irasiriro igui deko, ajurode kõmoko. Irasirirã maama igui dekore maama ajurogue diriro gãamea, ãrĩmi Jesús ĩḡũsãrẽ‡.

*Jesús Jairo magõrẽ, gajego nomeõ ĩḡũya surĩrore moãñagõrẽ taudea*  
(Mr 5.21-43; Lc 8.40-56)

<sup>18</sup> Jesús ĩḡũsãrẽ wereripoe judío masaka nerẽrĩ wii opu Jesús puero eja, ñadukupuri merã ejamejã, ĩḡũrẽ ãrĩmi:

—Yu magõ daporata kõmoakõãmo. Igoe muya mojõ merã ñapeogu aarika! Irasirimakũ, dupaturi okagokumo, ãrĩmi.

<sup>19</sup> ĩḡũ irasũ ãrĩmakũ pé, Jesús wãḡãnuḡã, ĩḡũ merã waami. Guã ĩḡũ buerãde ĩḡũ merã waabu. <sup>20</sup> Guã maague waaripoe sugo nomeõ Jesús purupu gapu eja, ĩḡũya surĩro yuware moãñayupo. Igo pe mojõma pere su gubu peru pẽrẽbejari bojorigora dí wiriri merã pũrĩrikugo ããrĩyupo. <sup>21</sup> ãsũ ãrĩ ḡũñayupo: “Ĩḡũya surĩrore yu moãñarĩ merã dita yu pũrĩrikuri tarirokoa”, ãrĩ ḡũñayupo. <sup>22</sup> Igo moãñamakũ péña, Jesús ḡãmenuḡã, igore iã, ãrĩmi:

—Ḡũñaturaka! Mu yure buremurĩ opáa. Irasirigo mu pũrĩrikurire tausũa, ãrĩmi. ĩḡũ irasũ ãrĩmakũta, pũrĩrĩ marĩḡõ dujamo.

<sup>23</sup> Puru Jesús Jairoya wiigue ejami. Iroque ñajãḡu, majĩḡõ boadeore yáaburo dupuyuro bayapeorimasãrẽ, gajerã buro ore, gainĩrãrẽ bokaja, <sup>24</sup> ĩḡũsãrẽ ãsũ ãrĩmi:

—Wiriaka musã! Majĩḡõ boabemo. Kãrĩḡõ yámo.

Ĩḡũ irasũ ãrĩmakũ pérã, ĩḡũrẽ burima. <sup>25</sup> Jesús ĩḡũsãrẽ wiriadore, boadeo ããrĩrĩ taribugue ñajãa, igoya mojõrẽ ñeãyupu. ĩḡũ ñeãmakũta masãbeja, wãḡãnuḡãyupo. <sup>26</sup> Masaka ããrĩperero iro ããrĩrã Jesús iriadea kerere péperekõãñurã.

*Jesús pẽrã koye iãmerãrẽ taudea*

<sup>27</sup> Jesús iro ããrãdi wiriamakũ, pẽrã koye iãmerã ĩḡũrẽ gainĩ tɔyama:

—David parãmi ããrĩturiagu, ḡuare bopoñaka! ãrĩma.

<sup>28</sup> Jesús, wiigue ñajãmakũ, koye iãmerãde ñajãa, ĩḡũ puogue ejanuḡãma. Irasirigu Jesús ĩḡũsãrẽ sërẽñami:

—¿Yu musãrẽ koye iãmakũ irimasĩrĩrẽ buremurĩ? ãrĩmi.

—Guã Opu, buremua, ãrĩ yujuma.

<sup>29</sup> ĩḡũsã irasũ ãrĩmakũ péḡu, ĩḡũsãya koyere ñapeomi:

—Musã buremurõsũta musãrẽ iãmakũ irĩḡura, ãrĩmi.

<sup>30</sup> ĩḡũ irasũ ãrĩmakũ, ĩḡũsã õãrõ iãkõãma. Irasirigu Jesús ĩḡũsãrẽ ãrĩmi:

—Yu musãrẽ taurire gajerãrẽ werebirikõãka! ãrĩmi.

<sup>31</sup> ĩḡũ irasũ ãrĩkererupu, ããrĩperero iro marãrẽ Jesús ĩḡũsãrẽ iriadeare were-wasiripeokõãñurã.

*Jesús werenĩbire werenĩmakũ iridea*

<sup>32</sup> Koye iãmerã ããrãnerã iri wiire wiriaripoeta, gajerã sugu werenĩbi wãtĩ ñajãsũdire Jesús puero ãĩjama. <sup>33</sup> Jesús ĩḡũrẽ iã, wãtĩ ĩḡũguere ñajãdire béowiumi. ĩḡũ wãtĩrẽ béowiumakũta, werenĩbiradi werenĩnuḡãmi. ĩḡũ irasirimakũ iãrã, ããrĩpererã iãḡuka:

—Marĩ õõ Israel nikũrẽ ãsũ iririnorẽ neõ iãbiribu, ãrĩma.

<sup>34</sup> Fariseo bumarã gapu Jesúre:

—Ĩĩ, wãtẽa opu turari merã wãtẽãrẽ béowiumi, ãrĩ werewuama.

*Jesús masakare bopoñarĩ merã iãdea*

<sup>35</sup> Jesús ããrĩpereri makãrĩrẽ judío masaka nerẽrĩ wiirigue masakare buegorenagu waami. Õãrĩ kerere, Marĩpu ĩḡũyarãrẽ doreḡu ããrĩrĩmarẽ buenami. Irasũ ããrĩmakũ,

‡ 9:17 Masaka, iripoegue iririkudeama, maama bueri merã buemorẽduamakũ iãḡũ, Jesús irasũ ãrĩmi.

pūrīrikurārē āārīpereri gajerosūperi sīrīrī oparārē taunami. <sup>36</sup> Masakare ĩgũ, bopoñarī merā ĩgūsārē ĩami. “ĩgūsā bujawererā, gũñaturamerā, oveja sugũ ĩgūsārē korerimasū opamerā irirosū āārīma”, ārī gũñayupu. <sup>37</sup> Irasirigũ āsū ārīmi guare ĩgũ buerārē:

–Marīpuyare neō pémerā, poeague oteri dukā buribejadea irirosū wārā āārīma. ĩgūsārē ĩgũyare weremurā gapũ iri pooere moārīmasā irirosū mérāgā āārīma. <sup>38</sup> Irasirirā marī Opure iri pooe opu irirosū āārīgūrē: “Gajerā muyare weremurārē iriuka!” ārī sērēka! ārīmi Jesús guare.

## 10

### *Jesús pe mojōma pere su gubu peru pērēbejarā ĩgũ buedoregũ pímurārē beyedeā* (Mr 3.13-19; Lc 6.12-16)

<sup>1</sup> Pũgũ Jesús guare pe mojōma pere su gubu peru pērēbejarā ĩgũ buerā āārīmurārē siiu, guare ĩgũ turarire sīmi, āārīpereri pūrīrērē tau, wātēa masakare ñajānerādere béowiuburo, ārīgũ.

<sup>2</sup> Āsū wāikurā āārībú gũ Jesús beyenerā: Simón wāikugũ āārīmí. ĩgūrēta “Pedro” wāiyemi Jesús. Simón pagumũ Andrés wāikumi. Gajigũ Santiago āārīmí. ĩgũ pagumũ Juan wāikumi. ĩgūsā Zebedeo pūrā āārīmá. <sup>3</sup> Gajerā Felipe, Bartolomé, Tomás āārīmá. Yu Mateo, romano marā opure niyeru wajaseabosarimasū āārīdi āārībú. Gajigũ Santiago, Alfeo magũ āārīmí. Gajigũ Tadeo āārīmí. ĩgũta Lebeo wāikumi. <sup>4</sup> Gajigũ Simón, celote wāikuri bumũ āārīmí. Gajigũ Judas Iscariote wāikugũ āārīmí. ĩgũta Jesúre wējēduarāguere ĩgūrē ĩmubu āārīmí.

### *Jesús ĩgũ buerārē buedoregũ iriudeā* (Mr 6.7-13; Lc 9.1-6)

<sup>5</sup> Jesús guare ĩgũ buerā pe mojōma pere su gubu peru pērēbejarārē turarire sī odo, āsū ārī were iriumi:

–Judío masaka āārīmerā puruguere waabirikōāka! Irasū āārīmakũ, Samaria nikũma makārīguedere waabirikōāka! <sup>6</sup> Israel bumarā Marīpuyare masīmerā, oveja dedirinerā irirosū āārīrā pũro gapũ waaka! <sup>7</sup> ĩgūsārē āsū ārī wererā waaka: “Mérō duyáa, Marīpu ĩgũyarārē doreri ejaburo”, ārīka! <sup>8</sup> Pūrīrikurārē tauka! Boanerārē masũka! Kāmi boarādere tauka! Wātēa masakare ñajānerārē béowiuka! Yu turarire musārē wajamarīrō sīa. Irasirirā, yũ musārē wajamarīrō sīrōsũta wajamarīrō ĩgūsārē tauka!

<sup>9</sup> Waarā, neō niyeru oro, plata, cobrere, <sup>10</sup> musāya aju āābirikōāka! Surí, sapatu musā sāñarī merā dita waaka! Tuariyukure āābirikōāka! Moārīmasā ĩgūsā moārī waja merā wajata baama. Irasirirā musā masakare bueri waja baari musārē sīrākuma.

<sup>11</sup> Makārē ejarā, iri makā marā: “Īta oārō irigũ āārīmi”, ĩgūsā ārīgũ pũro dujaka! Musā iro āārīrōpā ĩgũya wiire āārīka! Waarāgue iri wiire wirika! <sup>12</sup> Iri wiire ñajārā, wii marārē: “Marīpu musārē siuñajārī sīburo”, ārī oādoreka! <sup>13</sup> Musārē oārō bokatīrīñeāmakũ, ĩgūsārē: “Marīpu siuñajārī sīrī merā oārō āārīrikuka!” ārīka! Musārē gāamemerā, i siuñajārī merā āārībirikuma. <sup>14</sup> Musārē ĩgūsā ñeābirimakũ, musā buerire péduabirimakũ ĩārā, ĩgūsāya wiire, o ĩgūsāya makārē wiriarā, nikũwera musāya guburigue tuadeare mojēbéoka, ĩgūsārē wajamoāburire ĩmurā! <sup>15</sup> Diayeta musārē werea. Marīpu āārīpererā ñerārē wajamoārīnũ ejamakũ Sodoma, Gomorra marārē wajamoārō nemorō musārē gāamemerārē wajamoāgukumi.

### *Jesúre buremurārē gajerā ñerō iriburire weredeā*

<sup>16</sup> Yũre oārō péka! Ovejare makānũ marā diayéa guarā watopegue iriurosū ñerā masaka watopegue musārē iriua. Irasirirā oārō pémasīka! ĩgūsā watopegue ñerō iriro marīrō āārīrikuka! <sup>17</sup> Pémasīka! Masaka musārē ĩgūsā oparārē wiarākuma, musārē wajamoādorērā. Judío masaka ĩgūsā nerērī wiiriguedere musārē tārārākuma. <sup>18</sup> Irasū

ãārĩmakũ, musã yũre buremurĩ waja, ĩgũsãya makãrĩ marã oparã pũroque, ĩgũsãya nikũ marã oparã pũroque ãĩārākuma musãrẽ wajamoãdoremurã. Irasirirã musãrẽ iroque ãĩāmakũ, oparãrẽ, judío masaka ãārĩmerãdere yaa kerere wererãkoa musã. <sup>19</sup> Musãrẽ oparã pũroque ãĩāmakũ: “¿Naásũ ārĩrākuri ĩgũsãrẽ?” ārĩ gũñarĩkũbirikõãka! Oparã musãrẽ sērẽñamakũ, Marĩpũ gũñarĩ sĩrĩ merã wererãkoa. <sup>20</sup> Irasirirã musã gũñarĩ merã werebirikoa. Marĩpũ, Ōãgũ deyomarĩgũ merã musãrẽ masĩrĩ sĩrĩ merã werenĩrãkoa.

<sup>21</sup> 'Iripoere masaka, ĩgũsãyarã yũre buremumakũ ĩārã, ĩgũsãrẽ oparãguere wẽjẽdorerã wiarākuma. Pagũsãmarã ĩgũsã pũrãrẽ oparãguere wẽjẽdorerã wiarākuma. Gajerã, ĩgũsã pagũsãmarãrẽ ĩãturi, oparãguere wẽjẽdorerã wiarākuma. <sup>22</sup> Irasirirã masaka ãārĩperero i ãmũ marã yũre musã buremurĩ waja musãrẽ ĩãturi doorākuma. Marĩpũ gapũ yũre piriro marĩrõ buremugũrẽ taugũkumi. <sup>23</sup> Su makã marã musãrẽ ñerõ irimakũ, gaji makãgue duriwãgãka! Diayeta musãrẽ werea. ãārĩpereri Israel nikũma makãrĩrẽ musã buegorena odoburo dupuyuro, yũ ãārĩpererã tĩgũ Marĩpũ iriudi i ãmũgue dupaturi aarigũkoa doja.

<sup>24</sup> 'Neõ sugũ buegũ, ĩgũrẽ buegũ nemorõ ãārĩbemi. Moãboerimasũde ĩgũ opũ nemorõ ãārĩbemi. <sup>25</sup> Sugũ buegũ ĩgũrẽ buedi irirosũ dujadũamakũ õãgorãa. Moãboerimasũde ĩgũ opũ irirosũ dujadũamakũ õãgorãa. Masaka yũre musã Opũre: “Ĩĩ Beelzebũ, wãtẽa opũ ãārĩmi”, ārĩrã, musã yaarãdere ñerõ ārĩ werenĩrãkuma.

*Jesús: “¿Noãrẽ gũiri merã buremurõ gããmerĩ?” ārĩ weredea  
(Lc 12.2-7)*

<sup>26</sup> 'Irasirirã musãrẽ ñerõ iridũarãrẽ gũibirikõãka! ãārĩpereri gajerã ĩãberogue irideare, duriroque irideadere pũrũgue masĩsũrokoa. <sup>27</sup> Yũ musãrẽ masaka pẽberogue weredeare ĩgũsã pẽroque wereka! Yũ musãrẽ gajerã ĩãberogue werenĩdeare makã dekogue bure busũro merã wereka! <sup>28</sup> Musãrẽ wẽjẽrã musãya dupũ direta boamakũ irirãkuma. Musãya yũjũpũrãrĩ gapũre boamakũ irimasĩbirikuma. Irasirirã gũibirikõãka! Marĩpũ gapũre gũika! ĩgũ gapũ musãya dupũ, musãya yũjũpũrãrĩrẽ peamegue béomasĩmi. Irasirirã ĩgũrẽ gũiri merã buremuka!

<sup>29</sup> 'Masaka pẽrã mirã wajarirã, su niyeru tigã, méréõgã wajakũri tigãrẽ sĩkuma. ĩgũsã méréõgã wajakũkererũ, Marĩpũ gapũ ĩgũsãrẽ õãrõ koremi. ĩgũsãrẽ: “Boaburo”, ārĩbirikerepũ, neõ sugũgã yebague yuridija, boabemi. <sup>30</sup> Marĩpũ ãārĩpereri musã ãārĩrikũrire masĩgũ, musãya poarire: “Irikũ ããrã”, ārĩ masĩpeokõãmi. <sup>31</sup> Irasirirã gũibirikõãka! Musã, mirã nemorõ wajakũ. Irasirigũ Marĩpũ mirãrẽ korero nemorõ musãrẽ koregũkumi.

*Jesús: “Masakare yũre buremurĩrẽ wereka!” ārĩdea  
(Lc 12.8-9)*

<sup>32</sup> 'Sugũ, masaka pẽuro: “Jesũyagũ ããrã”, ārĩ weremakũ, yũde Yũpũ ãmũgasigue ããrĩgũ pẽuro ĩgũrẽ: “Yaagũ ããrĩmi ĩĩ”, ārĩ weregũra. <sup>33</sup> Sugũ yũre masĩkeregũ, masaka pẽuro: “Ĩgũrẽ masĩbea”, ārĩ weremakũ, yũde Yũpũ ãmũgasigue ããrĩgũ pẽuro: “Yũde ĩgũrẽ masĩbea”, ārĩ weregũra, ārĩmi Jesús.

*Jesús: “Masakare gãme dukawarirãkuma”, ārĩ weredea  
(Lc 12.51-53; 14.26-27)*

<sup>34</sup> Irasũ ārĩ odo, masakare ãsũ werenemomi:

—Musã yũre: “Ĩgũ i ãmũguere aarigũ, masakare siuñajãrĩ merã ãārĩmakũ irigũ aarimĩ”, ārĩ gũñabirikõãka! Irasirigũ aarigũ meta iribũ. Yũ ejarita, masakare ĩgũsã basi gãme dukawarimakũ yãa. Irasirirã surãyeri yũre buremurãkuma. Gajerã yũre buremumerã gapũ ĩgũsãrẽ ĩãturirãkuma. <sup>35</sup> Sugũ yũre buremurĩ waja, ĩgũ magũ ĩgũrẽ ĩãturigũkumi. Sugo yũre buremurĩ waja, igo magõ igore ĩãturigũkumo. Sugo mũñekõ yũre buremurĩ waja, igo bepo igore ĩãturigũkumo. <sup>36</sup> Irasirirã su wĩĩ marã ĩgũsãyagũ yũre buremumakũ ĩārã, ĩgũrẽ ĩãturirãkuma.

<sup>37</sup> 'Sugu yare maĩrõ nemorõ ãgũ pagusãmarã gapure maĩtarinugãgũ, yaagu ããrĩmasĩbirikumi. Yare maĩrõ nemorõ ãgũ pũrã gapure maĩtarinugãgũde, yaagu ããrĩmasĩbirikumi. <sup>38</sup> Sugu yare tuyaduari waja curusague pábiatú wějēsũbu irirosũ ããrĩkeregu, neõ piriro marĩrõ yare tuyanĩkõãburo. Yare tuyaduari, yaagu ããrĩmasĩbirikumi. <sup>39</sup> Sugu i ãmugue ãgũ okarire maĩgũ, peamegue béosũgũkumi. Gajigu yare tuyari waja gajerã ãgũrẽ wějēkerepũrũ, Marĩpũ gapũ ãgũrẽ taugũkumi, ãgũ pũrogue ãgũ merã ããrĩburo, ãrĩgũ.

*Jesús marĩ ãmũgasigue wajataburire werede*

(Mr 9.41)

<sup>40</sup> 'Sugu musãrẽ yaarãrẽ õãrõ bokatĩrĩñeãgũ, yudere bokatĩrĩñeãmi. Yare bokatĩrĩñeãgũ, yare iriudidere bokatĩrĩñeãgũkumi. <sup>41</sup> Marĩpũ ãgũya kerere weregure õãrĩ wajatamakũ irigũkumi. Sugu Marĩpũya kerere weregu ããrĩrĩrẽ ããmasĩ, ãgũrẽ õãrõ bokatĩrĩñeãgũ, ãgũ irirosũ õãrĩ wajatagũkumi. Sugu gajigu ãgũ õãgũ ããrĩrĩrẽ ããmasĩ, ãgũrẽ õãrõ bokatĩrĩñeãgũ, ãgũ irirosũ ãgũde õãrĩ wajatagũkumi. <sup>42</sup> Sugu ubu ããrĩgũ yare tuyagure gajigu ãgũrẽ iritamuduarũ deko yusari tĩãmakũ ããgũ, Marĩpũ ãgũdere õãrõ irigũkumi, ãrĩ weremi Jesús.

## 11

*Juan masakare wãiyerimasũ ãgũ buerire tuyarãrẽ Jesús pũro iriudea*

(Lc 1.17; 7.18-35)

<sup>1</sup> Jesús gũare pe mojõma pere su gubu peru pẽrẽbejarã ãgũ buerãrẽ irasũ ãrãdero pũrũ, Galilea nikũgue ããrĩrĩ makãrĩ marãrẽ buegorenagũ waakõãmi.

<sup>2</sup> Juan masakare wãiyerimasũ peresugue ããrĩyupũ. Irogue ããrĩgũ, Cristo iriri kerere pẽgu, ãgũ buerire tuyarãrẽ Jesũre ãsũ ãrĩ sãrẽñarã waaka:

<sup>3</sup> —“¿Mũta ããrĩrĩ, Cristo masakare taugu aaribu iriayupũ, ãgũsã ãrĩdi, o gajigure yũrãkuri gũa?” ãrĩ sãrẽñarã waaka! ãrĩ iriuyupũ.

<sup>4</sup> Irasirĩã, Jesús pũrogue ejarã, Juan sãrẽñadoredeare ãgũrẽ sãrẽñama. Jesús ãgũsãrẽ yujami:

—Musã pẽrere, musã ããrĩrẽ Juãrẽ wererã waaka! <sup>5</sup> Koye ããbiranerã õãrõ ããma. Waa-masĩbiranerã waamasĩakõãma. Kãmi boanerã yaripereakõãsũama. Gãmipũ pẽbiranerã pãakõãma. Boanerãde masãkõãma. Boporã, Marĩpũ masakare tauri kerere weremakũ pẽma. <sup>6</sup> “Yare buremurĩrẽ piribi, usuyari opagũkumi”, ãrĩ wererã waaka Juãrẽ! ãrĩmi Jesús.

<sup>7</sup> ãgũsã waadero pũrũ, Jesús Juãyamarẽ masakare ãsũ ãrĩ werenũgãmi:

—Musã masaka marĩrõgue Juãrẽ ããrã waarã, gũigure gũñaturabire ããrã waarã meta irikuyo. ãgũ turabi, mirũ tãborere wějēpubéorosũ ããrĩbemi. <sup>8</sup> Irasũ ããrĩmakũ, musã ãgũrẽ irogue ããrã waarã, õãrĩ suri sãñagũrẽ ããrã waarã meta irikuyo. Õãrĩ suri sãñarãno oparãya wiirigue ããrĩkuma. Juan ãgũsã irirosũ ããrĩbemi. <sup>9</sup> Musã irogue ãgũrẽ ããrã waarã, Marĩpũya kerere weredupuyurimasãrẽ ããrã waarã iriyo. Musãrẽ werea. Diayeta Juan Marĩpũya kerere weredupuyunerã nemorõ ããrĩmi. <sup>10</sup> Marĩpũya werenĩrĩ gojadea pũgue gojasũdero ããrĩbũ Juan iriburire. Irasirigu Marĩpũ ãgũ magũrẽ ãsũ ãrĩdi ããrĩmĩ:

Mũ waaburo dupuyuro yaa kerere weredupuyurimasãrẽ iriugũra mũ waaburore ãmuyudoregu, ãrĩ gojasũdero ããrĩbũ.\*

<sup>11</sup> 'Musãrẽ diayeta werea. Juan aariburi dupuyuro neõ sugu ãgũ nemorõ yaamarẽ masĩgũ marĩdi ããrĩmĩ. Irasũ ããrĩkerepũrũ, sugu Marĩpũ ãmũgasigue ããrĩgũyagu gapũ Juan nemorõ yaamarẽ masĩgũ ããrĩgũkumi. ããrĩpererã nemorõ ubu ããrĩgũ ããrĩkeregu, masĩgũ ããrĩgũkumi.

<sup>12</sup> 'Juan masakare wãiyedi buenũgãdeapoegueta, daporaguedere masaka ãmũgasigue Marĩpũ ãgũyarãrẽ dorerogue ããjãduarãrẽ burõ ñerõ tarimakũ yãma. ãgũsã turari merã

\* 11:10 Mal 3.1

Īgūsārē peremakū iriduarā iriadima. <sup>13</sup> Juan aariburo dupuyuro āārīpererā Marīpuya kerere weredupuyunerā Īgūsā gojadea merā, Moisés gojadea merā Marīpū Īgūyarārē doreri kerere werenerā āārīmá. <sup>14</sup> Iripoegue Marīpū Īgūya gojadea pūgue: “Yaa kerere weredupuyurimasūrē Elías irirosū āārībure iriugura”, ārīdi āārīmí. Juan irasū ārīsūdita āārīmi. Irire b̄remurō gāāmea. <sup>15</sup> Gāmpūrī oparā, yu wererire oārō péka!

<sup>16</sup> ‘Masaka dapora marā, ¿ñeémarāno irirosū āārīrī? Majīrā makā dekogue Īgūsā merāmarā merā bira gainí doanírā irirosū āārīma. Āsū ārī gainíma: <sup>17</sup> “Gua tērediru purimakū, bayabirabu. Bujawereri merā gua bayamakū, orebirabu”, ārīma. <sup>18</sup> Juan masakare wāiyerimasū pā baabiri, igui deko pāmudeare iirībiri. Īgū irasirimakū Īārā: “Wātī ñajāsūdi āārīmi Īī”, ārībū mūsā Īgūrē. <sup>19</sup> Pūru yu āārīpererā tīgū baa, iirīmakū Īārā: “Baapagu, iirīpagu āārīmi”, ārībū. “Romano marā opure niyeru wajaseabosarimasā merāmū, ñerō irirā merāmū āārīmi”, ārībū mūsā yure. Mūsā guare\* b̄remubirikererā, gua iririre Īārā: “Marīpū Īgūsārē masīrī sīmi”, ārī masībokoa, ārīmi Jesús.

*Jesús makārī marārē Īgūsā Īgūrē b̄remubirire weredea  
(Lc 10.13-15)*

<sup>20</sup> Pūru Jesús iroma makārī marārē turimi. Īgūsā wári Īgū Marīpū turari merā iririre iri Īmumakū Īākererā, Īgūsā ñerō iririre bujawerebiri, neō piribirima. Irasirigu Īgūsārē āsū ārīmi:

<sup>21</sup> —Mūsā Corazín marā, Betsaida marāde ñerō tarirākoa. Iripoegue marā Tiro, Sidón marā, mūsā Īūrō Marīpū Īgū turari merā iri Īmurōsū iri Īmumakū Īārā, Īgūsā ñerō irideare piribonerā āārīmá. Īgūsā ñerō irideare b̄uro bujawererire Īmurā, bujawereri surí sāña, nitīrē dipuru weka mawasiripeobonerā āārīmá. Mūsā gapu Marīpū turari merā yu iri Īmurīrē Īākererā, mūsā ñerō iririre neō piribea. <sup>22</sup> Irasirigu mūsārē werea. Marīpū āārīpererā ñerārē Īgū wajamoārīnū ejamakū, Tiro, Sidón marārē wajamoārō nemorō mūsārē wajamoāgukumi. <sup>23</sup> Mūsā Capernaum marāde: “Īmugasigue mūrīārākoa”, ārī gūñadāa. Iroguere neō waabirīkoa. Boanerā āārīrōgue béodijusūrākoa. Sodoma marārē yu mūsārē Marīpū Īgū turari merā iri Īmuderōsūta iri Īmumakū, iri makā daporadere āārībokoa dapa. <sup>24</sup> Irasirigu mūsārē werea. Marīpū āārīpererā ñerārē Īgū wajamoārīnū ejamakū, Sodoma marārē wajamoārō nemorō mūsā gapure wajamoāgukumi, mūsā ñerō iririre piribiri waja, ārīmi Jesús.

*Jesús: “Yu p̄roguē siuñajārā aarika!” ārīdea  
(Lc 10.21-22)*

<sup>25</sup> Iripoere Jesús Īgū Pagure āsū ārīmi:

—Au, yu mūrē: “Ōātaria mū”, ārī, usuyari sīa. Mū ūmugasi marā, i nikū marā Opū āārā. Irasirigu: “Masītarinugārā, āārīpererire pémasīa”, ārī gūñarārē mūyare masīmakū iribea. Majīrā irirosū mūrē b̄remurā gapure mūyare masīmakū yāa. <sup>26</sup> Au, irasūta āārā. Mū gāāmederosūta usuyari merā irasū yāa, ārīmi Jesús Īgū Pagure.

<sup>27</sup> Pūru masakare āsū ārī werenemomi:

—Yuru yure āārīpereri irimasīrīrē sīmi. Neō sugū masakū yu āārīrikurire masībemi. Yuru dita yure masīmi. Neō sugū masakū Yuru āārīrikurire masībemi. Yu dita Īgūrē masīa. Yu Īgūrē masīdorerāde Īgūrē masīma. <sup>28</sup> Mūsā Marīpūre tuyaduarā nukārī ūūma oērā irirosū āārīrā yu p̄ro aarika! Yu mūsārē siuñajārī sīgura. <sup>29</sup> Mūsā yu iridoreri gapure irika! Yu iririkurire masīka! Yu mūsārē bopoñarī merā Īā, iritamugū āārā. Irasirirā yu iridorerire irirā, yu merā oārō siuñajārī bokarākoa. <sup>30</sup> Yu iritamurō merā yaare mūsā irimakū diasabea. Irasirirā yu dorerire irirā, nukābiri kārāwūririre ūūmarōsū āārīrākoa, ārīmi Jesús.

\* **11:19** Jesús: “guare”, irasū ārīgū: “Īgū basi iririre, Juan irideare”, ārīgū irimi.

## 12

*Siuñajārīnu āārīmakū, Jesús buerā trigo yerire tūrīdea  
(Mr 2.23-28; Lc 6.1-5)*

<sup>1</sup> Iripoere judío masaka siuñajārīnu āārīmakū, Jesús trigo otedero watope waamakū, gha ĩgū buerā uaboasīā, trigo yerire tūrī koro baabu\*. <sup>2</sup> Gha irasirimakū ĩārā, fariseo bumarā Jesúre āsū ārīma:

—Īāka! ¿Nasirirā siuñajārīnurē moādobirikerepuru, mu buerā irasū yári? ārīma.

<sup>3</sup> Jesús ĩgūsārē ārīmi:

—¿Iripoeguemu David, ĩgū merāmarā merā uaboagu, ĩgū irideare musā buebiriri? <sup>4</sup> ĩgū merāmarā merā Marīpuya wiigue ñajāa, Marīpu ĩūrō peyari pā duparure baadi āārīmí. Marīpu paía āārīmerārē: “Iri pā duparure baabirikōāka!” ārīdi āārīmí. David gapu paí āārībirikeregu, irire baagu, Marīpu ĩūrō ĩgū dorerire tarinugāgū meta iridi āārīmí. <sup>5</sup> Paía Marīpuya wiigue moārā, siuñajārīnurē siuñajābema. Siuñajābirikererā, Marīpu dorerire tarinugābema. ¿Iri buebiriri musā, Marīpu Moisére doreri pídea pūguere? <sup>6</sup> Musārē werea. Marīpuya wiire buremurō nemorō yu gapure buremurō gāāmea. <sup>7</sup> Marīpu ĩgūya wereníri gojadea pūgue āsū ārīdi āārīmí: “Yure buremurā waimurārē wējē soepeomakū gāāmebea. Gajerārē musā bopoñarī merā ĩāmakū gāāmea”, ārīdi āārīmí. Musā irire pémasīrā yu buerā ñerō iribirikerepuru, ĩgūsārē: “Ñerō yāma”, ārībiribokoa. <sup>8</sup> Yu āārīpererā tīgū āārīsīā, siuñajārīnurē masaka gajino ĩgūsā iriburire doremasīa, ārīmi Jesús.

*Jesús mojō díweredire taudea  
(Mr 3.1-6; Lc 6.6-11)*

<sup>9</sup> Irasū ārī odo, waa, judío masaka nerērī wiigue ñajāmi. <sup>10</sup> Iro sugu masakū mojō díweredi āārīmí. Irasirirā fariseo bumarā Jesúre: “Ñerō yāmi”, ārī weresāduarā, ĩgūrē sērēñama:

—¿Siuñajārīnu āārīmakū, sugu pūrīrikugure taudoreri āārīrī? ārīma.

<sup>11</sup> Jesús yujumi ĩgūsārē:

—Siuñajārīnu āārīkerepuru, musāyagu oveja gobegue meñajāmakū ĩārā, ĩgūrē āi wiukōākoa. <sup>12</sup> Marīpu sugu masakure, oveja nemorō maítarinugāmi. Irasirirā siuñajārīnurē masakare oārō irirā, Moisés doredeare tarinugārā meta yāa, ārīmi.

<sup>13</sup> Irasū ārī odo, mojō díweredire ārīmi:

—Muya mojōrē soeoka!

Īgūya mojōrē soeomakūta, gaji mojō irirosū oārī mojō dujabu. <sup>14</sup> ĩgū irasirimakū ĩārā, fariseo bumarā gua wiria: “¿Nasirisīā, marī Jesúre wējērākuri?” ārī gāme wereníñurā.

*Iripoeguemu Marīpuya kerere weredupuyudi Jesús ĩgū iriburire gojadea*

<sup>15</sup> Jesús ĩgūsā ĩgūrē wējēduarire masī, waakōāmi. ĩgū waamakū, wārā masaka ĩgūrē tuyama. Irasirigu āārīpererā pūrīrikurārē taumi. <sup>16</sup> ĩgūsārē taugu: “Yaamarē gajerārē werebirikōāka!” ārīmi. <sup>17</sup> Jesús irasirigu, Marīpuya kerere weredupuyudi Isaías go-jaderosūta irimi. Āsū ārī gojadi āārīmí:

<sup>18</sup> Āsū ārīmi Marīpu: “Ī yure moāboegu, yu beyedi, yu maīgū āārīmi. ĩgū merā usuyāa. Ōāgū deyomarīgūrē ĩgūrē sīgura. Irasirigu yu turari merā āārīpererā masakare diayema iririre weregukumi.

<sup>19</sup> ĩgū guaseo, gainībirikumi. ĩgū makā dekogue buro gainígoenamakū neō pébirikuma.

<sup>20</sup> Turamerārē bopoñarī merā ĩā, iritamugukumi. Irasirigu, ĩgūsā miūmerēñu biu peaboadiñu irirosū āārīmakū ĩāgū, peabéogu irirosū ĩgūsārē iribirikumi.

\* **12:1** Deuteronomio 23.25: Moisés gojadea pūgue āsū ārī gojasūdero āārībú: “Sugu masakū gajiguya poeague waagú, ĩgūya mojōrī merā trigo yerire tūrī koro baaburo. Wiirimajī merā diti āābirikōāburo”, ārī gojasūdero āārībú.

Bujawererārē gũñaturamakū irigukumi. Irasirigu, ĩgũsā sĩãgodiru yauboadiru irirosũ ããrĩmakū ĩãgũ, yaubéogũ irirosũ ĩgũsārē iribirikumi. ĩgũ Opũ ñajãburi dupuyuro ĩgũsārē irasirigukumi. ĩgũ Opũ ñajãdero pũrũ, masakare diayema iririre irimakū irigukumi.

<sup>21</sup> Irasirirã ããrĩperero marã ĩgũ doreburire usũyari merã yúrãkuma”, ãrĩmi, ãrĩ gojadi ããrĩmĩ Isaías.\*

*Jesúre: “Wãtĩ turari opami”, ãrĩ werewũadea  
(Mr 3.19-30; Lc 11.14-23; 12.10)*

<sup>22</sup> Pũrũ masaka wãtĩ ñajãsũdire Jesúre taudorerã ãñjama. ĩgũ wãtĩ ñajãsũdi: werenĩbi, koye ĩãbi ããrĩmĩ. ĩgũsã ãñjamakū ĩã, Jesús ĩgũrē taumi. ĩgũ irasirimakū, õãrõ ĩã, werenĩmi.

<sup>23</sup> ããrĩpererã masaka, ĩgũ tarimakū ĩãgũka, ãsũ ãrĩ gãme sērēñama:

—Ĵĩ David parãmi ããrĩturiagu masakare taubu meta ããrĩkuri? ãrĩma.

<sup>24</sup> ĩgũsã irasũ ãrĩmakū pérã, fariseo bumarã gapũ ãsũ ãrĩma:

—Ĩ wãtẽa opũ Beelzebú turari merã wãtẽãrē béowiumi, ãrĩma.

<sup>25</sup> Jesús ĩgũsã gũñarĩrē masĩsĩã, ĩgũsārē ãsũ ãrĩmi:

—Su nikũ marã ĩgũsã basi dukawari gãmekẽãrã, pereakõãkuma. Su makã marã, o su wii marã ĩgũsã basi dukawari gãmekẽãrã, pereakõãkuma. <sup>26</sup> Irasũta wãtẽa opũ ĩgũyarã wãtẽãrē béowiugũ, ĩgũ basita ĩgũyarãrē dukawari pereakõãmakū iribokumi. Irasirigu, Ĵnoãrē dorenemobokuri? <sup>27</sup> Mũsã yũre: “Wãtẽa opũ Beelzebú turari merã wãtẽãrē béowiumi”, ãrĩ werewũãã. Mũsã buerire tũyarã gapũ wãtẽãrē béowiurã, Ĵnoã turari merã béowiukuri? Mũsã ĩgũsārē: “Marĩpũ turari merã wãtẽãrē béowiuma”, ãrã. Irasiriro mũsã yũre werewũari diaye ããrĩbea. <sup>28</sup> Yũ Õãgũ deyomarĩgũ turari merã wãtẽãrē béowiuã. Irasiriro Marĩpũ ĩgũyarãrē doreri mũsã pũroguere ejasiãã, ãrĩ masĩsũã.

<sup>29</sup> Irire keori merã mũsãrē werenemogũra. Neõ sugũ masakũ, turagũya wiire ĩgũrē siapũroribirikeregũ, ĩgũ oparire ěmagũ ñajãmasĩbirikumi. ĩgũrē siadero pũrugue merē ĩgũyare ěmamasĩkumi, ãrĩmi†.

<sup>30</sup> Irasũ ãrĩ odo, ãsũ ãrĩnemomi:

—Yũre gããmemerã, yũre ĩãturirã ããrĩma. Masakare yũre siiu neeõtamumerã, ĩgũsārē waawasirimakū irirã ããrĩma.

<sup>31</sup> Mũsãrē diayeta werea. Marĩpũ ããrĩpereri masaka ñerõ iririre, ñerõ ãrĩ werenĩrĩdere kãtimasĩmi. Õãgũ deyomarĩgũrē ĩgũsã ñerõ ãrĩ werenĩmakū tamerãrē neõ kãtibirikumi.

<sup>32</sup> Yũ ããrĩpererã tĩgũrē ĩgũsã ñerõ ãrĩ werenĩmakū, Marĩpũ irire kãtimasĩmi. Õãgũ deyomarĩgũ gapũre ĩgũsã ñerõ ãrĩ werenĩmakū, irire neõ kãtibirikumi. Dapora, i ùmũ peredero pũruguedere ĩgũsã irasũ ãrĩdeare neõ kãtibirikumi, ãrĩmi Jesús.

*Yukũre irigu dũka merã ĩãmasĩsũã, ãrĩ weredea  
(Lc 6.43-45)*

<sup>33</sup> Irasũ ãrĩ odo, Jesús gaji keori merã buenemomi:

—Õãdi yukũ õãrĩrē dukakũã. Ñedi yukũ ñerĩrē dukakũã. Yukũre irigu dũka merã ĩãmasĩsũã‡. <sup>34</sup> Mũsã ãña irirosũ ñerã ããrã. Mũsã ñerã ããrĩsĩã, õãrĩrē werenĩmasĩbea. Marĩ gũñarõsũta marĩ werenĩrĩ wirikõãã. <sup>35</sup> Õãgũ õãrĩ gũñarĩ opami. Irasirigu õãrĩrē werenĩmi. Ñegũ ñerĩ gũñarĩ opami. Irasirigu ñerĩrē werenĩmi. <sup>36</sup> Mũsãrē werea. Marĩpũ ããrĩpererã ñerãrē wajamoãrĩñũ ejamakũ, ããrĩpereri masaka noó gããmerõ werenĩmoãmadeare ĩgũsārē masĩmakū irigukumi. <sup>37</sup> Mũsã õãrõ werenĩdea waja Marĩpũ mũsãrē: “Waja opabema”, ãrĩgukumi. Mũsã ñerõ werenĩdea waja mũsãrē: “Waja opama”, ãrĩgukumi, ãrĩmi Jesús fariseo bumarãrē.

\* 12:21 Is 42.1-4 † 12:29 Jesús: “Wãtĩ nemorõ turagũ ããrã”, ãrĩgũ, irasũ ãrĩmi. ‡ 12:33 Jesús: “Yukũre irigu dũka merã ĩãmasĩsũã”, ãrĩgũ: “Marĩ, gajerã werenĩrĩrē pérã, ĩgũsã ããrĩrikũrĩre masĩã”, ãrĩgũ irimi.



*Masaka ñerã Jesúre Marĩpu turari merã iri ïmudoredea  
(Mr 8.12; Lc 11.29-32)*

<sup>38</sup> Pũũ surãyeri fariseo bumarã, Moisés gojadeare buerimasã ïgũrẽ ãrĩma:

—Buegu, Marĩpu turari merã guare iri ïmuka! ãrĩma. “Ïgũ irire irimasĩbi, Marĩpu iriudi meta ããrĩmi”, ãrĩduarã irasũ ãrĩñurã.

<sup>39</sup> Jesús yũjumi:

—Mũsã dapora marã masaka ñerã, Marĩpũre gããmemerã ããrã. Mũsã yũre Marĩpu turari merã gajino iri ïmudoredea. Mũsã irasiridorekerepũũ, Marĩpũya kerere weredupuyudi Jonás irideea direta wereguara. <sup>40</sup> Jonás urenũ, urre ñami waaí wãguya paru poekague ããrĩderosũta yũde ããrĩpererã tĩgũ urenũ, urre ñami yeba poekague ããrĩgukoa. <sup>41</sup> Iripoegue Nínive marã Jonás Marĩpũya kerere weremakũ pérã, ïgũsã ñerõ irideare bujawere, ïgũsã gũñarĩrẽ gorawayunerã ããrĩmã. Dapora yũ Jonás nemorõ masĩgũ õõgue mũsã merã ããrã. Yũ Marĩpũya kerere werekerepũũ, mũsã ñerõ iririkũrĩre bujawerebea. Irasirirã, Marĩpu ããrĩpererã ñerãrẽ wajamoãrĩnũ ejamakũ, Nínive marã mũsã dapora marãrẽ: “Ñegorabu”, ãrĩrãkuma. <sup>42</sup> Marĩpu ããrĩpererã ñerãrẽ wajamoãrĩnũ ejamakũ, sugo iripoeguemo Sabá nikũ marã opo mũsã dapora marãrẽ: “Ñegorabu”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opũ Salomón wãri masĩrĩ merã wererire pégo aarigó. Dapora yũ Salomón nemorõ masĩgũ õõgue mũsã merã ããrã. Yũ mũsã merã ããrĩkerepũũ, mũsã gapũ yũ wererire péduabea, ãrĩmi Jesús.

*Jesús, wãtĩ dupaturi masakũguere ñajãrĩmarẽ weredea  
(Lc 11.24-26)*

<sup>43</sup> Irasũ ãrĩ odo, keori merã werenemomi doja:

—Wãtĩ masakũguere ããrãdi wiri, pũũ deko marĩrõgue ïgũ siuñajãburore ãmagorenagũ waakumi. <sup>44</sup> Irore bokabi, ãsũ ãrĩ gũñakumi: “Yũ wiridi, yaa wii irirosũ ããrĩmi. Dupaturi yũ wiridiguereta goeñajãguara doja”, ãrĩ gũñakumi. Irasirigu ïgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi. <sup>45</sup> Irasirigu gajerã wãtẽa su mojõma pere gaji mojõ peru pẽrẽbejarã ïgũ nemorõ ñerãrẽ siiu, ïgũsã ããrĩpererã merã masakũguere ããrĩnikõãkumi. Irasirigu masakũ ïgũ dupuyuro ããrĩrikũdero nemorõ ñerõ ããrĩkumi. Dapora marã Marĩpũre gããmemerã, yũre péduamerã irasũta ñerõ waarãkuma, ãrĩmi Jesús.

*Jesús pago ïgũ pagupũrã merã ïgũrẽ ïãgõ ejadea  
(Mr 3.31-35; Lc 8.19-21)*

<sup>46</sup> Jesús masakare wereripoe ïgũ pago, ïgũ pagupũrã merã ïgũ ããrĩrĩ wii disipũro ejayupo ïgũ merã werenidũago. <sup>47</sup> Sugũ igore ïã, Jesúre weremi:

—Mũpo, mũ pagupũrã disipũro níama, mũ merã werenidũarã, ãrĩmi.

<sup>48</sup> Ïgũ irasũ ãrĩmakũ pégu, Jesús ïgũrẽ ãrĩmi:

—¿Noã ããrĩrĩ yũpo, yũ pagupũrã? ãrĩmi.

<sup>49</sup> Irasũ ãrĩgũ, guare ïgũ buerãrẽ soepu, ãsũ ãrĩmi:

—Ïisã, yũpo, yũ pagupũrã irirosũ ããrĩma. <sup>50</sup> Yũpũ ãmũgasigue ããrĩgũ gããmerĩrẽ irirãno, yũ pagũmũ, yũ pagũmo, yũpo irirosũ ããrĩma, ãrĩmi Jesús.

## 13

*Jesús oterimasũ keori merã buedea  
(Mr 4.1-9; Lc 8.4-8)*

<sup>1</sup> Irinata Jesús wiigue ããrãdi ditarugue waa, iri ditaru tũro eja doami. <sup>2</sup> Masaka wãrã ïgũ pũro nerẽmakũ ïãgũ, doódirugue mũrĩñajãa, eja doami. ããrĩpererã masaka ïmparogue dujanũgãma ïgũ buerire pémurã. <sup>3</sup> Irasirigu wãri keori merã ïgũsãrẽ ãsũ ãrĩ buemi:

—Sugũ oterimasũ ïgũya oteri yerire meéwasirigu waakumi. <sup>4</sup> Ïgũ meéwasiriwãgãmakũ, gaji yeri maague yurikoa. Iro yuriadea yerire mirã eja, baapeokõãkuma. <sup>5</sup> Gaji

yeri ũtāyerikurogue yurikoa. Iro sīmerērōgā nikū āārīmakū, iro yuriadea yeri mata puriadikoa. <sup>6</sup> Iri nikū sīmerērōgā āārīmakū, puriñajādi, p̄r̄u abe asimakū, nugūrī marīsīā, ñaī, boakōākoa. <sup>7</sup> Gaji yeri pora watopegue yurikoa. Pora gap̄ puritarim̄r̄ia, oteri gap̄re wējēkōākoa. <sup>8</sup> Gaji yeri ōārī nikūgue yurikoa. Iri yeri puri, ōārō dukakukoa. Suñu cien yeri, gajiñu sesenta yeri, gajiñu treinta yeri dukakukoa. <sup>9</sup> Musā gāmpūrī oparā, yu wererire péduripika! ārīmi Jesús.

*Jesús buerā ĩgūrē: “¿Nasirigu keori merā bueri?” ārī sērēñadea  
(Mr 4.10-12; Lc 8.9-10)*

<sup>10</sup> P̄r̄u gua ĩgū buerā ĩgū p̄ro waa, ĩgūrē sērēñabu:

—¿Nasirigu masakare keori merā bueri? ārību.

<sup>11</sup> Jesús ḡare yuj̄mi:

—Marīpu ĩgūyarārē doregu āārīr̄rē, iripoegue masībirideare musārē masīmakū yāmi. Gajerā ĩgūrē buremumerā gap̄re irasiribemi. <sup>12</sup> ĩgūyare masīrānorē masīnemomakū irigukumi. Irasirirā wāro masīrī oparākuma. Gajerā ĩgūrē buremumerā ĩgūyare masīmerārē ĩgūsā mérō masīadideare pémasībirimakū irigukumi. <sup>13</sup> Irasirigu yu ĩgūsārē keori merā buea. ĩgūsā Marīpu iririre ĩākererā, ĩāmasībema. ĩgūyare pékererā, péduripibema. Neō pémasībema. <sup>14</sup> Irasirirā Marīp̄ya kerere weredupuyudi Isaías gojaderosūta yāma. Āsū ārī gojadi āārīmī:

Āsū ārīmi Marīpu: “Yaare pékererā, musā neō pémasībea. Yu iririre ĩākererā, musā neō ĩāmasībea.

<sup>15</sup> Yaa werenīr̄rē péduabirisīā, musā neō pémasībea. Gāmpūrī pémerā, koye ĩāmerā irirosū āārā. Musā irasū āārīmerā, yaare ĩāmasī, ōārō pémasībokoa. Yu pémasīrī sīr̄rē oparā yare buremubokoa. Irasirigu musārē taubokoa”, ārīmi Marīpu, ārī gojadi āārīmī Isaías.\*

<sup>16</sup> Gua gap̄re ārīmi:

—Musā gap̄re pémasīa. Irasirirā usuyāa. Yu iririre ĩārā, yu wererire pérā, yare buremua.

<sup>17</sup> Diayeta musārē werea. Wārā iripoegue marā Marīp̄ya kerere weredupuyunerā, gajerā Marīp̄re buremunerā musā dapora ĩārīrē buro ĩāduanerā āārādima. Irire ĩāduakererā, irire ĩābirinerā āārīmā. Musā dapora pére buro péduakererā, pébirinerā āārīmā.

*Jesús oterimasū keori merā ĩgū bueadeare: “Āsū ārīduaro yāa”, ārī werede*  
*(Mr 4.13-20; Lc 8.11-15)*

<sup>18</sup> Irasirirā ōārō péka! Yu oterimasū keori merā bueadeare musārē weregura. Iri āsū ārīduaro yāa. Marīpu ũmugasigue āārīgū ĩgūyarārē doreri kere, oteri yeri irirosū āārā. <sup>19</sup> Surāyeri masaka iri kerere pékererā, pémasībema. Maa buriri maa irirosū āārīma. Iri kerere péadero p̄r̄u, oteri yeri iri maague yuridea yerire mirā baapeoderosū, wātī aari, ĩgūsā péadideare ēmapeokōāmi. <sup>20-21</sup> Gajerā masaka ũtāyerikuri yeba irirosū āārīma. Iri kerere pérā, mata usuyari merā: “Ōāgorāa”, ārī gūñama. Irire pékererā, oteri yeri ũtāyerikurogue yuriadero p̄r̄u, puri, nugūrī puriñajābiriderosū waama. Mérōgā p̄r̄u ĩgūsā Marīp̄yare péduari waja gajerā ĩgūsārē ñerō irimakū ĩārā, o ñerō tarisīā, mata ĩgūyare pirikōāma. <sup>22</sup> Gajerā masaka porakuri yeba irirosū āārīma. Iri kerere pékererā, oteri yeri porakurogue yuriadero p̄r̄u, pora gap̄ puritarim̄r̄ia wējēderosū, i ũmumarē buro gūñarikuma. Doebiridere buro gāāmenemoma. Irasirirā Marīp̄yare kātima. Otediñu duka marīdiñu irirosū dujama. <sup>23</sup> Gajerā masaka ōārī nikū irirosū āārīma. Marīp̄ya kerere pérā, ōārō pémasīma. Irasirirā oteri yeri ōārī nikūgue yuriadero p̄r̄u, puri ōārō dukakuderōsū ōārīrē yāma. Surāyeri cien yeri, gajerā sesenta yeri, gajerā treinta yeri dukakurosū irirā āārīma, ārīmi Jesús.

\* 13:15 Is 6.9-10

*Jesús trigo otedea watopegue ñerĩ tá oteri keori merã buedea*

<sup>24</sup> Jesús irasũ ãrĩ odo, gaji keori merã buemi:

—Marĩpu ãmugasigue ããrĩgũ ãgũyarãrẽ doreri i irirosũ ããrã. Sugu pooe opu ãgũya poeegue õãrĩ yerire otekumi. <sup>25</sup> Su ñami merã ããrĩpererã kãrĩripoe ãgũrẽ ãaturigu poeegue eja, ãgũ trigo otedea watopegue ñerĩ táre otekumi. Ote odo, waakõakumi. <sup>26</sup> Trigo yeri puriwiriadero puru, ñerĩ táde purikoa. Puru trigo dukakukoa. Iri dukakumakũ ããrã, iri pooe opure moãboerimasã ñerĩ tá ããrĩmakũ ããmasĩkuma.

<sup>27</sup> Irasirirã iri pooe opure wererã waakuma:

—Gua opu, çnasiriro õãrĩ yeri direta m̃aya poeere otesũdero ããrĩkererũ, ñerĩ táde puriyuri? ãrĩkuma. <sup>28</sup> ãgũsã irasũ ãrĩmakũ pégu, ãsũ ãrĩkumi:

—Yure ãaturigu iri ñerĩ táre otekumi, ãrĩkumi.

ãgũ irasũ ãrĩmakũ pérã, ãgũrẽ moãboerimasã s̃erẽñakuma doja:

—çÑerĩ táre gua taãseabéorã waamakũ gããmekuri m̃? ãrĩkuma.

<sup>29</sup> —Taãseabirikõãka! Ñerĩ táre taãsearã trigodere duuabokoa. <sup>30</sup> Iri, ñerĩ tá merãta puri masãkõãburo. Trigo ñãĩmakũ, gajerã duka seaboerimasãrẽ ãsũ ãrĩ iriugura: “Ñerĩ táre taãseap̃rori, dupa dotori siaka, irire soemurã! Puru trigore seaka, irire yu durip̃ri wiigue durip̃murã!” ãrĩgura, ãrĩkumi, ãrĩmi Jesús.

*Jesús mostaza wãĩkuri yegã puri masãdea keori merã buedea*

(Mr 4.30-32; Lc 13.18-19)

<sup>31</sup> Irasũ ãrĩ odo, gaji keori merã buemi:

—Marĩpu ãmugasigue ããrĩgũ ãgũyarãrẽ doreri sugu masakũ ãgũya poeegue suye oteriye mostaza wãĩkuri yegãrẽ oterosũ ããrã. <sup>32</sup> Iri oteri yegã ããrĩpereri oteri yeri nemorõ mérĩ yegã ããrĩkoa. Irasũ ããrĩkerero, otemakũ, puru yukũ wãdi irirosũ puri masãkoa. Irasirirã wãrã irigu dup̃rigue ãgũsãya surĩ suakuma, ãrĩmi Jesús\*.

*Jesús pã wemasãrĩ morẽrĩ poga keori merã buedea*

(Lc 13.20-21)

<sup>33</sup> Puru gaji keori merã buemi:

—Marĩpu ãmugasigue ããrĩgũ ãgũyarãrẽ doreri i irirosũ ããrã. Sugo nomeõ pã dup̃rure iribo, mérõgã pã wemasãmakũ iriri poga merã trigo pogare morẽkumo. Irire wemasãseyaburo, ãrĩgõ, irasirikumo. Irasiriro Marĩpu ãgũyarãrẽ doreri iri pã wemasãrĩ morẽrĩ poga irirosũ ããrã, ãrĩmi†.

*Jesús masakare keori merã buenadea*

(Mr 4.33-34)

<sup>34</sup> Jesús masakare i ããrĩpereri buerire weregu, keori merã dita buenami. Keori marĩrõ ãgũsãrẽ buenabirimi. <sup>35</sup> Irasirigu Marĩp̃ya kerere weredupuyudi gojaderosũta irimi. ãsũ ãrĩ gojadi ããrĩmĩ Jesús masakare wereburimarẽ:

Keori merã weregukoa. Iri merã weregu, Marĩpu i ãm̃rẽ iridero purugue marã neõ masĩbirideare dapora marãrẽ weregura, ãrĩ gojadi ããrĩmĩ.\*

*Jesús ñerĩ tá, trigo otedea watopegue puri masãdeare buenemodea*

\* **13:32** Jesús i kere merã buegu: “Marĩpu ãmugasigue ããrĩgũrẽ b̃remurã mérãgã ããrĩngãkererũ, purugue gajerã ãgũsã merã ãgũrẽ b̃remunãgãmakũ, wãrã ããrĩrãkuma; o sugu Marĩp̃re b̃remunãgãgũ, mérõgã b̃remurĩ opami. Purugue, mostaza wãĩkuri yegãrẽ otedero puru yukũ wãdi puri, masãrõsũ Marĩpu iritamurĩ merã wãro ãgũrẽ b̃remurĩ opagukumi”, ãrĩ buegu irimi. † **13:33** Jesús i kere merã buegu: “Marĩp̃re b̃remurã ããrĩperero i ãm̃guere ãgũyarãrẽ doregu ããrĩrẽ masakare buerã waamakũ, ããrĩpereri buri marã watopegue wãrã irire pé, ãgũrẽ b̃remunãgãrãkuma; o sugu Marĩp̃re b̃remunãgãgũ Marĩpu ãgũyarãrẽ doregu ããrĩrẽ buenĩgũ, Marĩpu iritamurĩ merã Marĩpu doreri direta iridãgukumi”, ãrĩ buegu irimi. ☆ **13:35** Sal 78.2

<sup>36</sup> Pɥɥ Jesús masakare seretu odo, wiigwe ñajãmi. Īgũ ñajãmakũ ãã, gɥa ĩgũ buerã ĩgũ pɥrogue ñajãa, ĩgũrẽ sêrẽñabu:

—Trigo otedea watopegue ñerĩ tá puri masãdea keorire werenemoka! ¿Naásũ arĩduaro iriari? arĩbu.

<sup>37</sup> Gɥa irasũ arĩmakũ pégu, Jesús yɥjumi:

—Yɥ arĩpererã tĩgũ, iri poee opɥ oãrĩ yeri otedi irirosũ arãã. <sup>38</sup> Poee gapɥ i ãmɥ irirosũ arãã. Marĩpɥ ĩgũyarãrẽ dorerogue arĩmurã gapɥ oãrĩ yeri irirosũ arĩma. Wãtĩyarã ñerĩ tá irirosũ arĩma.

<sup>39</sup> Wãtĩ poee opɥre ĩaturigu irirosũ arĩmi. I ãmɥ pererinɥ iri otedea dukare searinɥ irirosũ arãã. Marĩpɥre wereboerã, poee opɥre dukã seaboerimasã irirosũ arĩma.

<sup>40</sup> Iri ñerĩ táre ĩgũsã taaseadeare peamegue soebéoderosũta i ãmɥ pererinɥ ejamakũ waarokoa. <sup>41</sup> Irasũ waaripoe yɥ arĩpererã tĩgũ, yɥre wereboerãrẽ iriugukoa. Irasirirã ĩgũsã masakare ñerĩ irimakũ irirãrẽ, Marĩpɥ dorerire tarinugãrãdere neeõrãkuma. <sup>42</sup> Neeõ odo, perebiri peamegue ĩgũsarẽ béorãkuma. Irogue bɥro pũrĩsũrã ĩgũsãya guikare kũrĩduútú orerãkuma. <sup>43</sup> Marĩpɥ gããmerĩrẽ irirã gapɥ ãmɥgasigue ĩgũyarãrẽ dorerogue arĩrã, abe ãmɥmɥ irirosũ gosewasirirãkuma. Mɥsã gãmpũrĩ oparã, yɥ wererire péduripĩka!

#### *Jesús wáro niyeru yáapídea keori merã buedea*

<sup>44</sup> Gaji mɥsarẽ werea. Marĩpɥ ãmɥgasigue arĩgũ ĩgũyarãrẽ doreri i irirosũ arãã. Sugɥ masakɥ wáro niyeru gajigɥya nikũ poekague yáapídeare bokakumi. Irire bokagɥ, bɥro ɥɥyakumi. Irasirigu ĩgũ bokadeare bɥro gããmesĩã, dupaturi yáapĩkõakumi doja. Irasirigu arĩpereri ĩgũyare gajerãrẽ duakumi. Īgũ duadea waja merã iri nikũrẽ wajarikumi‡.

#### *Jesús perla wãikɥriye keori merã buedea*

<sup>45</sup> Gaji mɥsarẽ werea doja. Marĩpɥ ãmɥgasigue arĩgũ ĩgũyarãrẽ doreri i irirosũ arãã. Sugɥ wajaririmasũ wajapari yeri perla wãikɥri yerire ãma wajaridɥakumi. <sup>46</sup> Iri yerire ãmagũ, wajapatariri yere bokakumi. Iri yere bɥro gããmesĩã, arĩpereri ĩgũyare duakumi. Īgũ duadea waja merã iri yere wajarikumi.

#### *Jesús buidi keori merã buedea*

<sup>47</sup> Gaji mɥsarẽ werea doja. Marĩpɥ ãmɥgasigue arĩgũ ĩgũyarãrẽ doreri, waaĩ wějẽrĩmasã buidi meéyo, arĩpererã waaĩ arĩrãkɥ ñeãrõ irirosũ arãã. <sup>48</sup> ĩgũsãya buidire waaĩ ɥtɥrimakũ ĩãrã, waaĩ wějẽrĩmasã ĩmparogue tũãmajã, waairé beyekuma. Oãrã waairé ĩgũsãya puuirigue seasãkuma. Ñerãrẽ béokõakuma. <sup>49</sup> I ãmɥ pererinɥ arĩmakũ, masakare asũta waarokoa. Marĩpɥre wereboerã oãrãrẽ, ñerãrẽ beyerã aarirãkuma. <sup>50</sup> Beye odo, ñerãrẽ perebiri peamegue béorãkuma. Irogue bɥro pũrĩsũrã ĩgũsãya guikare kũrĩduútú orerãkuma, arĩmi Jesús.

#### *Jesús iripoeguema buerire, maama bueridere weredea*

<sup>51</sup> Pɥɥ gɥare sêrẽñami:

—¿I arĩpererire pémasĩrĩ mɥsã? arĩmi.

—Éũ, pémasĩã, arĩ yɥjubɥ.

<sup>52</sup> Gɥa irasũ arĩmakũ, arĩmi:

—Sugɥ Moisés gojadeare buerimasũ Marĩpɥ ãmɥgasigue arĩgũ ĩgũyarãrẽ doregu arĩrĩmarẽ masĩgũ, wii opɥ irirosũ arĩgukumi. Irasirigu wii opɥ, iripoegue ĩgũ opadeare, maama ĩgũ oparidere arĩwiugɥ irirosũ, maama buerire, iripoeguema bueridere oãrõ masĩrĩ merã weregukumi, arĩmi Jesús gɥare.

‡ 13:44 Jesús i kere merã buegu: “Masakũ arĩpereri ĩgũyare gããmerõ nemorõ Marĩpɥyare gããmegũ arĩkumi”, arĩ buegu irimi.

*Jesús Nazarete gue goedujáadea*  
(Mr 6.1-6; Lc 4.16-30)

<sup>53</sup> Jesús iri keori merã were odo, iro ããrãdi waa, <sup>54</sup> Ìgũ masãdea makãgue ejami. Irogue eja, judío masaka nerẽrĩ wiigüe buemi. Masaka, Ìgũ buemakũ pérã, péguakakõãma. Ásũ ãrĩ gãme wereníma:

—¿Noógue bueyuri, ñi iropã masĩbu? ¿Nasirisĩã, iri Ìmurĩrẽ irimasĩyuri? <sup>55</sup> Ìi taboa moãdi magũ ããrĩmi. Ìgũ pago María wãikũmo. Santiago, José, Simón, Judas Ìgũ pagupũrã ããrĩma. <sup>56</sup> Ìgũ pagupũrã nomede i makã marãta ããrĩma. Ìgũ marĩ irirosũ ããrĩkeregũ, ¿nasirisĩã, i ããrĩpererire masĩrĩ? ãrĩma.

<sup>57</sup> Irasirirã Ìgũrẽ buremudũabirima. Jesús gapũ Ìgũsãrẽ ãrĩmi:

—Ããrĩpererogue sugũ Marĩpũya kerere weredupuyugũre gajerã buremuma. Ìgũya nikũ marã, Ìgũya wii marã gapũ Ìgũrẽ buremubema, ãrĩmi.

<sup>58</sup> Irasirigũ Jesús, Ìgũsã Ìgũrẽ buremubirimakũ Ìãgũ, iri makãrẽ wãri Marĩpũ turari merã iri Ìmubirimi.

## 14

*Juan masakare wãiyerimasũ boadea*  
(Mr 6.14-29; Lc 9.7-9)

<sup>1</sup> Iripoere Herodes Galilea nikũ marã opũ, Jesús iriri kerere péyupũ. <sup>2</sup> Irire pégu, Ìgũrẽ moãboerãrẽ ãsũ ãrĩyupũ:

—Ìgũ irire irasũ irigũ, Juan masakare wãiyerimasũta boadigue masãdi ããrĩkumi. Irasirigũ wãri iri Ìmurĩrẽ irikumi, ãrĩyupũ.

<sup>3</sup> Juan boaburi dupuyuro Herodes Ìgũ pagũmũ Felipe marãpo Herodías wãikugore ãma, marãpokũmakũ Ìãgũ, <sup>4</sup> ãsũ ãrĩdi ããrĩmi:

—Mũ pagũmũ marãpore marãpokũgũ, Marĩpũ dorerire tarinũgãgũ yãa, ãrĩdi ããrĩmi. Irasirigũ Herodes Ìgũrẽ ñeã, peresu iridi ããrĩmi. <sup>5</sup> Ìgũ Juãrẽ wẽjẽdũadi ããrĩmi. Judío masaka gapũ: “Ìi Juan Marĩpũya kerere weredupuyurimasũ ããrĩmi”, ãrĩ gũñanerã ããrĩmã. Irasirigũ Herodes: “Juãrẽ yũ wẽjẽmakũ yũ merã guabokuma”, ãrĩgũ, Ìgũsãrẽ gũidi ããrĩmi. <sup>6</sup> Pũrũ Herodes Ìgũ deyoadea bosenu irigũ iridi ããrĩmi. Ìgũ irasiririnũrẽ Herodías magõ Ìgũ siiuanerã Ìũrõ baya Ìmudeo ããrĩmó. Igo baya Ìmumakũ Ìãgũ, Herodes bureo usũyadi ããrĩmi. Irasirigũ igore: <sup>7</sup> “Ãrĩgatoro marĩrõ, mũ yũre sërẽrĩnorẽ sīgũra”, ãrĩdi ããrĩmi. <sup>8</sup> Ìgũ irasũ ãrĩmakũ pégo, igo pagore: “¿Ñeéonorẽ sërẽgokuri yũ?” ãrĩdeo ããrĩmó. Irasirigo igo pago sërẽdoreaderosũta Ìgũrẽ sërẽdeo ããrĩmó:

—Juan masakare wãiyerimasũya dipurure dititã, soropa wãripa merã Ìgũya dipurure yũre sĩka! ãrĩdeo ããrĩmó.

<sup>9</sup> Igo irasũ ãrĩmakũ pégu, Herodes bureo bujaweredi ããrĩmi. Ìgũ siiuanerã péuro: “Ãrĩgatoro marĩrõ, mũ yũre sërẽrĩnorẽ sīgũra”, ãrãdi ããrĩsĩã, gũyasĩrĩgũ, igore: “Mũrẽ sĩbirikoa”, ãrĩmasĩbiridi ããrĩmi. Irasirigũ, igo Ìgũrẽ sërẽrõsũta iridi ããrĩmi. <sup>10</sup> Irasirigũ, Ìgũyagũ surara Juan peresugue ããrĩgũ pũro waa, Ìgũya dipurure dititãdi ããrĩmi. <sup>11</sup> Pũrũ soropa merã Ìgũya dipurure ãrĩri, Herodías magõrẽ wiadi ããrĩmi. Ìgũ wiamakũ ñeã, igo pagore ãã sĩdeo ããrĩmó.

<sup>12</sup> Juan boadero pũrũ, Ìgũ buerire tũyanerã Ìgũya dupũre ãiwãgã, yãarã waanerã ããrĩmã. Yãa odo, Juan boadeare Jesũre wererã ejama.

*Jesús cinco mil ãmarẽ baari ejodea*  
(Mr 6.30-44; Lc 9.10-17; Jn 6.1-14)

<sup>13</sup> Juãrẽ wẽjẽadea kerere pégu, Jesús doódirugue mũrĩñajãa, masaka marĩrõgue gũa Ìgũ buerã merã waakõãmi. Ìgũ irogue waarĩre pérã, masaka Ìgũsãya makãrĩrẽ wiri, Ìgũ dupuyuro maague waa, ejasianerã ããrĩmã. <sup>14</sup> Gũa ditaru gaji koepũgue taribujaja, Jesús

doódirugue sãñadi majãnuḡã, wárã masakare bokajami. Irasirigu ìḡúsãrê bopoñarĩ merã ìã, pũrĩrikurã ìḡúsã ãirianerãrê taumi. <sup>15</sup> Naĩmejãwãḡãriḡoe ḡua Jesús buerã ìḡũ pũro waa, ãsũ ãrĩbu ìḡũrê:

—Naĩmejãrõḡue yãa. Õõ masaka marĩrõḡue ããrã. Irasirigu masakare waadoreka! Makãrĩḡue ìḡúsã baaburire wajarirã waaburo, ãrãdibu.

<sup>16</sup> ḡua irasũ ãrĩmakũ péḡu, Jesús ãrĩmi:

—Waabirikõáburo. Mũsã ìḡúsãrê baari sĩka! ãrĩmi.

<sup>17</sup> ḡua ìḡũrê ãrĩbu:

—Su mojõma pã duparu, waaídere pẽrãta opãa, ãrĩbu.

<sup>18</sup> —Irire yũre ãĩrika! ãrĩmi Jesús.

<sup>19</sup> Pũru masakare tá weka doadoremi. Irasirigu su mojõma pã duparure, pẽrã waairé ãĩ, ãmũgasigue ìãmu, Marĩpũre: “Mũrê usuyari sĩa”, ãrĩmi. Ærĩ odo, iri pã duparure pea, ḡuare ìḡũ buerãrê sĩmi masakare gueredoreḡu. Irasirirã ḡua ìḡúsãrê irire guerebu. <sup>20</sup> Irasirirã ããrĩpererã baayapiakõãma. Pũru ìḡúsã baadũáadeare pe mojõma pere su gubu peru pẽrẽbejari puuirigora seasã, mũudobobũ. <sup>21</sup> Iro baanerã: nome, majĩrã keõña marĩrõ ãma direta keomakũ cinco mil gora ããrĩmã.

### *Jesús deko weka waadea*

*(Mr 6.45-52; Jn 6.16-21)*

<sup>22</sup> Pũru Jesús ḡua ìḡũ buerãrê doódirugue mũrĩñajãdore, ditarugue ìḡũ dupuyuro taribujadoremi. ìḡũ ḡapũ iroḡue dujami dapa masakare seretubu. <sup>23</sup> Seretu odo, buũru wekague sugata waayupu Marĩpũre sêrẽḡũ waagũ. Ñami ejaripoe sugata ããrĩyupu iroḡuere. <sup>24</sup> ḡua ḡapũ ditaru dekogue ããrĩbũ. Mirũ bũro waabu. Irasiriro makũrĩ doódirure pátũpaukõãbu. Irasirirã taribujajabiribu dapa.

<sup>25</sup> Pũru ãḡãbo wereripoe Jesús ditarugue buaja, ḡua pũroḡue deko weka aarimĩ. <sup>26</sup> ìḡũ deko weka aarimakũ, ḡua ìḡũrê ìãmasĩbirisĩã, ìãḡukakõãbu. Güiri merã: “Masaku boadi wãtĩ ããrĩmi”, ãrĩ gainĩbu.

<sup>27</sup> ḡua güimaku ìãḡũ, Jesús ḡuare ãsũ ãrĩmi:

—Gũñaturaka! Yuta ããrã. Güimerãta! ãrĩmi.

<sup>28</sup> ìḡũ irasũ ãrĩmakũ péḡu, Pedro ãrĩmi ìḡũrê:

—Mũ, yũ Opũ ããrĩḡũ, yũre deko weka waa, mũ pũroḡue aaridoreka! ãrĩmi.

<sup>29</sup> —Jãũ, aarika! ãrĩmi Jesús.

Irasũ ãrĩmakũ péḡu, Pedro doódirugue sãñadi dujinũḡã, deko weka Jesús pũroḡue waami.

<sup>30</sup> ìḡũ irasũ waakereḡu, mirũ bũro wẽjẽpumakũ ìãḡũ, güigorami. Irasirigu mirĩdijagu:

—Yũ Opũ, yũre tauka! ãrĩ gainĩmi.

<sup>31</sup> ìḡũ irasũ ãrĩmakũta, Jesús ìḡũya mojõrê ñeã: “Yũre mérõḡã bũremurĩ opãa. ¿Nasirigu yũre bũremuturaberi?” ãrĩmi.

<sup>32</sup> Pũru Jesús Pedro merã doódirugue aari, mũrĩñajãmakũ, mirũ waadea toekõãbu.

<sup>33</sup> Irasũ waamakũ ìãrã, ḡua doódirugue ããrĩrã ñadukũpuri merã Jesús pũro eja doa, ìḡũrê:

—Mũ diayeta Marĩpu magũ ããrã, ãrĩ bũremubu.

### *Jesús Genesaret marãrê pũrĩrikurãrê taudea*

*(Mr 6.53-56)*

<sup>34</sup> Pũru taribujaja, Genesaret\* wãĩkũri nikũḡue ejabu. <sup>35</sup> Iro marã Jesúre ìãmasĩsĩã, ããrĩpererã iro ããrĩrãrê ìḡũ ejari kerere wereñurã. Irasirirã ããrĩpererã pũrĩrikurãrê taudorerã ìḡũ pũroḡue ãĩjama. ìḡũrê ãsũ ãrĩ sêrẽma:

<sup>36</sup> —Mũya surĩro yuwa direta ìḡúsãrê moãñadoreka! ãrĩma. Irasirirã ããrĩpererã pũrĩrikurã ìḡũya surĩrore moãñanerã ìḡúsã sĩrĩrĩ opadeare tarisũma.

\* **14:34** Genesaret wãĩkũri nikũ, Galilea wãĩkũri ditaru tũro ããrĩyuro.

## 15

*Masakare ñerã waamakũ iririre buedea  
(Mr 7.1-23)*

<sup>1</sup> Pũru surãyeri fariseo bumarã, Moisés gojadeare buerimasãde Jerusalẽgue ããrãnerã Jesús pũro eja, ãgũrẽ sãrẽñama:

<sup>2</sup> —¿Nasirirã mũ buerã, marĩ ñekũsãmarã iriunaderosũ iriberi? Marĩ ñekũsãmarã baaburi dupuyuro mojõkoederosũ iribema, ãrĩma.

<sup>3</sup> Jesús ãgũsãrẽ yũjũmi:

—Yũde mũsãrẽ sãrẽñagũra. ¿Nasirirã Marĩpũ doreri gapũre irirono irirã, mũsã ñekũsãmarã iriunadeare yãri? <sup>4</sup> Marĩpũ ãsũ ãrĩdi ããrĩmĩ: “Mũpũre, mũpore bũremuka! Sugũ ãgũ pagũsãmarãrẽ ñerõ werenĩgũ wẽjẽdoresũgukumi”, ãrĩdi ããrĩmĩ. <sup>5</sup> ãgũ irasũ ãrĩkererũ, mũsã gapũ masakare ãgũsã pagũsãmarãya ããrĩburire buerã, ãsũ ãrã: “Sugũ ãgũ pagũre, o ãgũ pagore: ‘Yũ mũsãrẽ sũboadeare Marĩpũre sũpeokõãbũ. Irasirigũ mũsãrẽ iritamumasĩbirikoa’, ãrĩmakũ õãgorã”, ãrĩ buea. <sup>6</sup> Irasũ buerã, masakare ãgũsã pagũsãmarãrẽ iritamubirimakũ, Marĩpũ dorerire ubu ããbẽomakũ yãa, mũsã ñekũsãmarã iriunadeare iritayadorerã. <sup>7</sup> Masaka ãũrõ dita õãrõ yãa mũsã. ãgũsã ããberogue ñerõ iririkurã ããrã. Iripoegue Marĩpũya kerere weredupuyudi Isaiás diayeta gojadi ããrĩmĩ mũsã irigatorire gojagũ. ãsũ ãrĩ gojadi ããrĩmĩ:

<sup>8</sup> ãsã masaka ãgũsãya disĩ merã yũre õãrõ werenĩkererã, ãgũsãya yũpũrãrĩgue yũre neõ bũremubema.

<sup>9</sup> Irasiriro ãgũsã yũre bũremurã nerẽrĩ wajamáa. ãgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ, ãrĩ yũjũmi Jesús fariseo bumarãrẽ.✠

<sup>10</sup> Irasũ ãrĩ odo, masakare ãgũ pũro siiu, ãsũ ãrĩmi:

—Yũ wererire õãrõ pẽkũĩnũ pẽka! <sup>11</sup> Sugũ masakũya disigue baari ñajãri, ãgũrẽ ñegũ waamakũ iribea. ãgũya disigue wiriri gapũ, ãgũrẽ ñegũ waamakũ yãa, ãrĩmi.

<sup>12</sup> ãgũ irasũ ãrãdero pũru, gũa ãgũ buerã ãgũ pũro waa, ãgũrẽ ãrĩbũ:

—¿Mũ masĩrĩ? Mũ irasũ ãrãdeare pẽrã, fariseo bumarã guakõãma, ãrĩbũ.

<sup>13</sup> Gũa irasũ ãrĩmakũ, Jesús ãsũ ãrĩ yũjũmi:

—Yũpũ ãmũgasigue ããrĩgũ ããrĩpereri ãgũ otebirideare nugũrĩ merãta duua bẽogu irirosũ ãgũsãrẽ bẽogukumi. <sup>14</sup> Irasirirã ãgũsãrẽ irasũ ããkõãka! ãgũsã Marĩpũyare masĩbirikererã, gajerã ãgũyare masĩmerãrẽ buema. Irasirirã koye ããmerã gajerã koye ããmerãrẽ tũãdupuyurã irirosũ ããrĩma. Sugũ koye ããbi gajigũ koye ããbire tũãdupuyuwãgãgũ, ãgũsã pẽrãgueta gobegue meẽñajãkõãrãkuma, ãrĩmi Jesús.

<sup>15</sup> ãgũ irasũ ãrĩmakũ pẽgũ, Pedro gapũ Jesũre ãrĩmi:

—Gũare wereka! Masakũ ãgũya disĩ wiriri keori, ¿naásũ ãrĩduaro yãri? ãrĩmi.

<sup>16</sup> Jesús yũjũmi:

—¿Mũsãde pẽmasĩberi dapa? <sup>17</sup> ããrĩpereri marĩ baari, marĩya disigue ñajãa, parugue waa, pũru tariwereakõãa. <sup>18</sup> Masaka werenĩrĩ, ãgũsãya disĩ wiriri ããrã. ãgũsã gũñarĩgue ñerĩrẽ oparã ñerõ werenĩma. Iri ãgũsãrẽ ñerã waamakũ yãa. <sup>19</sup> ãgũsã gũñarĩgue ñerĩ oparã ãsũ ããrĩma. Ñerĩ gũñarã, masakare wẽjẽbẽorã, gajigũ marãpo, gajego marãpũ merã ñerõ irirã, ãma nome merã, nome ãma merã ñerõ gãmebirarã, yajarã, ãrĩgatorã, masakare ñerõ kere wererã ããrĩma. <sup>20</sup> Iri ñerĩ ãgũsã gũñarĩgue opari, ãgũsãrẽ ñerã waamakũ yãa. Masaka ãgũsã ñekũsãmarã iriunaderosũ baaburi dupuyuro mojõkoebirimakũ, ãgũsãrẽ ñerã waamakũ iribea, ãrĩmi Jesús.

*Judío masako ããrĩbeo Jesũre bũremudea  
(Mr 7.24-30)*

21 Pɥɥ Jesús Tiro, Sidón wāikuri makārī āārīrōgue waami. 22 Irogue ejamakū, sugo nomeō Canaán nikūmo irogue āārīgō Jesús pɥro gainíjamo:

—Yɥ Opɥ, David parāmi āārīturiagu yɥre bopoñaka! Yɥ magō wātī ñajāsūdeo buro ñerō tarigo yámo, ārīmo.

23 Igo irasū ārīmakū pékeregɥ, Jesús igore yɥjubirimi. Irasirirā gɥa ĩgū buerā ĩgūrē ārībɥ:

—Waadoreka igore! Marīrē ñerō gainí tɥyawāgārimo, ārībɥ.

24 Gɥa irasū ārīmakū pégu, Jesús igore ārīmi:

—Yɥɥ yɥre, Israel bumarā oveja dedirinerā irirosū āārīrā direta iritamudoregɥ iriumi, ārīmi.

25 Igo Israel bumo āārībirikerego, Jesús guburi pɥro ñadukɥpuri merā ejamejā, āsū ārīmo:

—Yɥ Opɥ, yɥre iritamuka! ārīmo.

26 Jesús igore yɥjɥmi:

—Wii opɥ ĩgū pūrā baarire ěma, diayéare ejomakū oābea, ārīmi.

27 ĩgū irasū ārīkerepɥɥ, igo gapɥ ĩgūrē ārīmo doja:

—Yɥ Opɥ, irasū āārīkerepɥɥ, diayéa gapɥ wii marā baawasiridijurire baaboema, ārīmo.

28 Igo irasū ārīmakū, Jesús igore yɥjɥmi:

—Mɥ yɥre buremurī opataria. Mɥ sērēōsūta waarokoa, ārīmi.

ĩgū irasū ārīripoeta, igo magōguere wātī ñajādi wiriakōāyɥɥ. Irasirigo tariyupo.

### *Jesús wárā pūrīrikurārē taudea*

29 Jesús irogue āārādi waa, Galilea wāikuri ditaru turo tariwāgāmi. Pɥɥ buúrugue mārīa, eja doami. 30 ĩgū iro doamakū, wárā masaka ejama. Waamasīmerārē, koye ĩāmerārē, werenímasīmerārē, poyarimasārē, wárā gajerā pūrīrikurārē ĩgū pɥro āijapíma. Irasirigɥ Jesús ĩgūsārē taumi. 31 Irasirimakū ĩārā, masaka ĩāgukakōāma. Werenímasībirinerā werenímakū ĩārā, poyarimasā āārīñerā tarimakū ĩārā, waamasībirinerā waamasīmakū ĩārā, koye ĩābirinerā ĩāmakū ĩārā, ĩāgukakōāma. Irasirirā Marīpɥre: “Marī Israel bumarā Opɥ, turatarigɥ āārīmi”, ārī, ɥsɥyari sīma.

### *Jesús cuatro mil āmarē baari ejodea (Mr 8.1-10)*

32 Pɥɥ Jesús gɥare ĩgū buerārē siiu, ārīmi:

—Īsā masakare bopoñarī merā ĩāa. Yɥ merā ɥrenɥgora āārīsīama. ĩgūsārē baari pereakōāa. ĩgūsārē ɥa merā ĩgūsāya wiirigue goedujáamakū gāāmebirikoa. ĩgūsā baamerāta waarā, maa dekota turari perea kōmoakōābokuma, ārīmi.

33 ĩgū irasū ārīmakū, gɥa ĩgū buerā ĩgūrē ārībɥ:

—¿Nasirisīā, marī oō masaka marīrōgue ĩsā wárā masaka baaburire bokabokuri? ārībɥ.

34 Jesús gɥare sērēñami:

—¿Diíkɥ pā duparure opari mɥsā? ārīmi.

—Su mojōma pere gaji mojō peru pērēbejari duparu, irasū āārīmakū waaí mérāgā opāa, ārī yɥjubɥ.

35 Irasirigɥ Jesús masakare yebague doadore, 36 su mojōma pere gaji mojō peru pērēbejari pā duparure, waaigādere āi, Marīpɥre ɥsɥyari sīmi. Odo, pā duparure, waaigādere pea, gɥare sīmi. Irasirirā gɥa irire masakare guerebɥ. 37 Irasirirā āārīpererā irire baayapiakōāma. Pɥɥ ĩgūsā baadɥáadeare su mojōma pere gaji mojō peru pērēbejari puuirigora seasā, ɥtɥudobobɥ. 38 Iro baanerā: nome, majīrā keoña marīrō ɥma direta keomakū, cuatro mil gora āārīmá. 39 Pɥɥ Jesús masakare seretu odomakū, doódirugue mārīñajāa, Magdala wāikurogue ĩgū merā waakōābɥ.



## 16

*Fariseo bumarã, saduceo bumarã Jesúre Marĩpu turari merã iri ĩmudoredea  
(Mr 8.11-13; Lc 12.54-56)*

<sup>1</sup> Jesús Magdala wãikurogue ejadero pũũ, fariseo bumarã, saduceo bumarã ĩgũrẽ ĩãrã ejarã: “Marĩpu turari merã iri ĩmurĩrẽ irika!” ãrĩma. “Īgũ irire irimasĩbi, diayeta Marĩpu iriudi meta ããrĩmi”, ãrĩduarã, irasũ ãrĩma. <sup>2</sup> Jesús gapũ ĩgũsãrẽ yũjũmi:

—Musã ñamika abe õãrõ diiañajãmakũ ĩãrã: “Õãrĩ ñami ããrĩrokoa”, ãrã. <sup>3</sup> Boyoripoe ñĩpimakũ ĩãrã: “Dekonũ ããrĩrokoa”, ãrã. Æmarõmarẽ ĩãrã: “Ãsũ waarokoa”, ãrĩ masĩa. Irire õãrõ masĩkererã, inũ Marĩpu turari merã yũ iri ĩmurĩ gapũre ĩãrã, neõ õãrõ pémasĩbea. <sup>4</sup> Dapora marã masaka ñerã, Marĩpũre gããmemerã ããrĩma. Yũre Marĩpu turari merã gajino iri ĩmudorema. Īgũsã irasiridorekerepũũ, Marĩpũya kerere weredupuyudi Jonás iridea direta weregũra, ãrĩmi.

Irasũ ãrĩ odo, ĩgũsãrẽ béowãgã, gajerogue waakõãmi.

*Jesús fariseo bumarã, saduceo bumarã ñerĩ buerire weredeia  
(Mr 8.14-21)*

<sup>5</sup> Pũũ gũa ditarugue taribujarã, pãrẽ kãtikõãnerã ããrĩbũ. <sup>6</sup> Irasirigũ Jesús gũare ãrĩmi: —Fariseo bumarã, saduceo bumarã ĩgũsã pã wemasãrĩ morẽrĩrẽ õãrõ pémasĩka! ãrĩmi.

<sup>7</sup> Īgũ irasũ ãrĩrĩrẽ gũa gapũ pémasĩbiribũ. Irasirirã gũa basi gãme ãsũ ãrĩ werenĩbũ:

—Marĩ pãrẽ ãrĩbiradeare ĩãgũ, irasũ ãrĩkumi, ãrĩbũ.

<sup>8</sup> Gũa irasũ ãrĩrĩrẽ masĩsĩa, gũare sërẽñami:

—¿Nasirirã: “Pãrẽ ãrĩbirabũ”, ãrĩ gãme werenĩrĩ musã? Yũre mérõgã bũremurĩ opãa musã. <sup>9</sup> ¿Musã pémasĩberi dapa? ¿Yũ cinco mil ãmarẽ su mojõma pã duparure dukawa ejodeare gũñaberi musã? Īgũsã baayapiadero pũũ, ¿diĩkũ puuirigora ĩgũsã baadũãadeare musã seasã utũudobori? <sup>10</sup> ¿Pũũ yũ su mojõma pere gaji mojõ peru pẽrẽbejari pã duparure dukawa, cuatro mil ãmarẽ ejodeadere gũñaberi musã? Īgũsã baayapiadero pũũ, ¿diĩkũ puuirigora ĩgũsã baadũãadeare musã seasã utũudobori? <sup>11</sup> ¿Nasirirã musã yũ wererire pémasĩberi? Yũ: “Fariseo bumarã, saduceo bumarã pã wemasãrĩ morẽrĩrẽ õãrõ pémasĩka!” ãrĩgũ, pãrẽ ãrĩgũ meta iriabũ, ãrĩmi.

<sup>12</sup> Īgũ irasũ ãrĩmakũ pérã, gũa pémasĩbũ. Pã wemasãrĩ morẽrĩrẽ ãrĩgũ meta irimi. Fariseo bumarã, saduceo bumarã ãrĩgatori merã bueri gapũre: “Õãrõ pémasĩka!” ãrĩgũ irimi.

*Pedro Jesúre: “Mũ Cristo ããrã”, ãrĩ weredeia  
(Mr 8.27-30; Lc 9.18-21)*

<sup>13</sup> Pũũ Jesús Cesarea Filipino wãikuri makã pũrogue waami. Irogue eja, gũare ĩgũ buerãrẽ sërẽñami:

—Masaka yũre ããrĩpererã tĩgũrẽ, ¿naásũ ãrĩ gũñarĩ? ãrĩmi.

<sup>14</sup> Gũa ĩgũrẽ yũjubũ:

—Surãyeri mũrẽ: “Juan masakare wãiyerimasũ ããrĩmi”, ãrĩma. Gajerã: “Elías ããrĩmi”, gajerã: “Jeremías ããrĩmi, o gajigũ Marĩpũya kerere weredupuyurimasũ ããrĩmi”, ãrĩma, ãrĩbũ.

<sup>15</sup> Irasũ ãrĩmakũ, Jesús gũare sërẽñami:

—Musãkoa yũre, ¿naásũ ãrĩ gũñarĩ? ãrĩmi.

<sup>16</sup> Īgũ irasũ ãrĩmakũ pégu, Simón Pedro ĩgũrẽ ãrĩmi:

—Mũ, Marĩpu iriudi, Cristo ããrã. Marĩpu okanígũ magũ ããrã mũ, ãrĩmi.

<sup>17</sup> Irasũ ãrĩmakũ, Jesús ĩgũrẽ yũjũmi:

—Simón, Jonás magũ, mũ yũre yũjũri, masaka mũrẽ weredeia meta ããrã. Yũpũ ãmũgasigue ããrĩgũ irire mũrẽ masĩmakũ yãmi. Irasirigũ mũ usũyari opãa. <sup>18</sup> Mũrẽ werea. Mũ “Pedro”\* wãikũa. I ãtãye weka turari wiire iriboderosũ yũ mũ merã yaarãrẽ yũre

\* 16:18 “Pedro”, ãrĩrõ: “ãtãye”, ãrĩduaro yãa.

buremuturarã ããrĩmakũ irigũkoa. Irasirigũ wãtĩ ãgũ turari merã yũre buremurãrẽ neõ tarinũgãbirikumi. <sup>19</sup> Yũ marẽ Marĩpũ ãgũyarãrẽ doreroguema sawire sũgũkoa, mũ iroguemarẽ iridoreburire. Irasirigũ mũ Marĩpũ ãmũgasigue ããrĩgũ dorerosũta: “I ãmũguere ãsũ waabirikõãburo”, ãrĩmakũ, irire waabirimakũ irigũkumi. Mũ ãgũ dorerosũta: “I ãmũguere ãsũ waaburo”, ãrĩmakũ, irire waamakũ irigũkumi, ãrĩmi Jesús.

<sup>20</sup> Jesús irasũ ãrãdero pũrũ, gũare ãrĩmi:

–Gajerã masakare yũre: “Marĩpũ iriudi, Cristo ããrĩmi ãrĩ”, ãrĩ werebirikõãka! ãrĩmi.

### *Jesús ãgũ boaburire weredea*

*(Mr 8.31-9.1; Lc 9.22-27)*

<sup>21</sup> ãgũ irasũ ãrĩrĩnũ merãta Jesús gũare ãgũ buerãrẽ ãgũ boaburire werenũgãmi:

–Yũre Jerusalẽgue waaró ããrã. Iroguemarã: judío masaka mũrã, paia oparã, Moisés gojadeare buerimasã yũre bũro ñerõ tarimakũ irirãkuma. Yũre wẽjẽrãkuma. ãgũsã irasirikerepũrũ, ãrenũ waaró merã Marĩpũ yũre masũgũkumi, ãrĩmi.

<sup>22</sup> ãgũ irasũ ãrĩmakũ pẽgũ, Pedro Jesũre yoaweyarogue ãia, ãgũrẽ ãsũ ãrĩmi:

–Yũ Opũ, irire ãrĩbirikõãka! Marĩpũ, mũ ãrĩrõsũ marẽ waamakũ kãmutaburo. Mũ ãrĩrõsũ marẽ waabirikõãburo, ãrĩmi.

<sup>23</sup> ãgũ irasũ ãrĩmakũ pẽgũ, Jesús gãmenũgã, ãgũrẽ ãsũ ãrĩmi:

–Satanás, yũ pũrore wirika! Mũ, Marĩpũ yũre dorerire iribirimakũ iridũagũ yãa. Marĩpũ gããmerĩrẽ gũñabea. Masaka gũñarõsũ gũñãa mũ, ãrĩmi.

<sup>24</sup> ãgũ irasũ ãrĩ odo, gũare ãrĩmi:

–Sugũ yũre tũyadũagũ ãgũ iridũarire piriburo. Irasirigũ yũre tũyadũari waja curusague pábiatũ wẽjẽsũbu irirosũ ããrĩkeregũ, neõ piriro marĩrõ yũre tũyanĩkõãburo. <sup>25</sup> Sugũ i ãmũgue ãgũya okari direta maĩgũ peamegue béosũgũkumi. Gajigũ gapũ yũre tũyari waja gajerã ãgũrẽ wẽjẽkerepũrũ, Marĩpũ pũroguere ãgũ merã usũyari bokagũkumi. <sup>26</sup> Sugũ masakũ i ãmũmarẽ ããrĩpereri opakeregũ, ãgũ boari pũrũ waaburi gapũre gũñabiri waja peamegue waagũ, õãrĩrẽ neõ wajatabirikumi. Irasirigũ i ãmũgue opari direta gũñagũ, ãgũ boadero pũrũ, peamegue béosũgũkumi. Iroguere ãgũ wiridũagũ i ãmũgue opari merã neõ wajarimasĩbirikumi. <sup>27</sup> Yũ ããrĩpererã tũgũ, Yũpũ gosewasiriri merã, ãgũrẽ wereboerã merã i ãmũguere dupaturi aarigũ, ããrĩpererã masakare ãgũsã irideakũ keoro wajarigũkoa. <sup>28</sup> Diayeta werea yũ. Surãyeri mũsã õõguere ããrĩrã mũsã boaburo dupuyuro yũ ããrĩpererã tũgũ, Opũ ñajãmakũ ããrãkoa, ãrĩmi Jesús.

## 17

### *Jesús ãgũ deyori gorawayudea*

*(Mr 9.2-13; Lc 9.28-36)*

<sup>1</sup> Su mojõma pere gaji mojõ suru pẽrẽbejarinũrĩ pũrũ, Jesús Pedrore, Santiagore, ãgũ pagũmũ Juãrẽ ãmarĩ buúrũgue siiu mũrĩãmi. <sup>2</sup> Iri buúru wekague ãgũsã mũrĩjadero pũrũ, ãgũsã ãũrõ ãgũ deyori gorawayuakõãyũpũ. ãgũ diapu abe ãmũmũ irirosũ gosewasiriyuro. ãgũya surĩro goserĩne, õãrõ borero waayuro. <sup>3</sup> Irasũ waaripoeta iripoegue marã Moisés, Elías Jesús merã weretamunĩmakũ ããrĩnũrã. <sup>4</sup> ãgũsãrẽ ããgũ, Pedro Jesũre ãrĩyũpũ:

–Gũa Opũ, marĩ õõ ããrĩmakũ õãtaridũãa. Mũ gããmemakũ, õõguere ãre wiiigã irigũra. Mũya wii, Moiséya wii, Elíaya wii irigũra, ãrĩyũpũ.

<sup>5</sup> ãgũ irasũ ãrĩ werenĩripoe, õãrõ gosewasiriri mikãyebo ãgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ pẽñũrã:

–Ñi yũ magũ, yũ maĩgũ ããrĩmi. ãgũ merã bũro usũyãa. Õãrõ péka ãgũrẽ! ãrĩyũpũ.

<sup>6</sup> Irasũ ãrĩmakũ pẽrã, Jesús buerã bũro güiri merã, ejamejã, ãgũsãya diapurire yebague moomejãkõãñũrã. <sup>7</sup> ãgũsã irasirimakũ ããgũ, Jesús ãgũsã pũro waa, ãgũsãrẽ moãña:

–Wãgãnũgãka! Güibirikõãka! ãrĩyũpũ.

<sup>8</sup> Īgũ irasũ āřĩmakũ ĩũrã, gajerãrẽ ĩãbiriñurã. Jesús direta ĩãñurã.

<sup>9</sup> Pũũ buúrugue ããrãnerã dijariñurã. Irogue dijariũ Jesús ĩgũsãrẽ turaro merã āřĩyũũ: –Dapora mũsã ĩãdeare gajerãrẽ werebirikõãka! Yũ ããřĩpererã tĩgũ boa, masãdero pũũgugue irire wereka! āřĩyũũ.

<sup>10</sup> Īgũ irasũ āřĩmakũ, ĩgũ buerã ĩgũrẽ sērẽñãñurã:

–¿Nasirĩã Moisés gojadeare buerimasã: “Cristo, Marĩpũ iriubu aariburo dupuyuro Elías aaripũrorigũkumi”, āřĩrĩ? āřĩ sērẽñãñurã.

<sup>11</sup> Jesús ĩgũsãrẽ yũjũyũũ:

–Mũsã āřĩrõsũta Elías aaripũrorigũkumi ããřĩpererire ãmuyubu. <sup>12</sup> Yũ gapũ ãsũ āřĩ weregũra mũsãrẽ. Elías ejasiami. Īgũ ejakerepũũ, masaka ĩgũrẽ ĩãmasĩbirima. Irasirĩã ĩgũsã gããmerõ iriduarire ĩgũrẽ ñerõ irima. Īgũrẽ iriderosũta yũ ããřĩpererã tĩgũrẽ ñerõ irirãkuma, āřĩyũũ.

<sup>13</sup> Īgũ irasũ āřĩmakũ pãrãgue, pãmasĩñurã. “Īgũ: ‘Elías ejasiami’, āřĩgũ, Juan masakare wãĩyẽdire āřĩgũ yãmi”, āřĩ masĩñurã pama.

### *Jesús ñamasĩrĩrĩ opagũre taudea*

*(Mr 9.14-29; Lc 9.37-43)*

<sup>14</sup> Pũũ ĩgũsã buúrugue ããrãnerã wãrã masaka pũro dijajama. Īgũsã dijajamakũ ĩãgũ, sugũ masakũ aari, Jesús pũro ñadũkũpuri merã ejamejã, ĩgũrẽ āřĩmi:

<sup>15</sup> –Yũ Opũ, yũ magũrẽ bopoñaka! Īgũ ñamasĩrĩrĩ opagũ ããřĩmi. Bũro ñerõ tarinami. Irasirigũ peamegue meẽmejãma, diaguedere meẽbianokõãmi. <sup>16</sup> Irasirigũ ĩgũrẽ mũ buerã pũrogue ãĩjadabu. Īgũsã ĩgũrẽ taumasĩbirama, āřĩmi.

<sup>17</sup> Īgũ irasũ āřĩmakũ pãgũ, Jesús yũjũmi:

–Mũsã dapora marã, yũre bũremurĩ opamerã, diayemarẽ neõ pãmasĩmerã ããrã. ¿Noópã yoarĩpoe mũsã merã ããřĩgũkuri? ¿Noópã yoarĩpoe mũsã yũre bũremubirire gũñaturagũkuri? Majĩgũrẽ õõ gapũ ãřĩka! āřĩmi.

<sup>18</sup> Īgũrẽ ãĩjamakũ, Jesús wãtĩ majĩgũguere ããřĩgũrẽ: “Wirika ĩgũrẽ!” āřĩmi. Jesús ĩgũrẽ béowiumakũta, majĩgũ tariakõãmi.

<sup>19</sup> Pũũ gũa Jesús buerã gajerã pãberogue ĩgũrẽ sērẽñabu:

–¿Nasirĩã gũa gapũ wãtĩrẽ béowiumasĩbirayuri? āřĩbũ.

<sup>20</sup> Jesús yũjũmi:

–Mũsã Marĩpũre mërõgã bũremurĩ opasĩã, ĩgũrẽ béowiumasĩbirabu. Diayeta mũsãrẽ werea. Mũsã bũremurĩ opari mostaza wãĩkũri yegãpã irirosũ ããřĩkerepũũ, i buúrure: “Sõõgue waaburo”, āřĩ masĩbokoã. Mũsã irasũ āřĩmakũ, i buúru mũsã dorerosũta waabokoã. Marĩpũre bũremurĩ oparã ããřĩpererire irimasĩã. <sup>21</sup> ĩno wãtĩrẽ béowiuduarã, bereri merã Marĩpũre bũro sērẽrõ gããmeã, āřĩmi.

### *Jesús ĩgũ boaburire werenemodea*

*(Mr 9.30-32; Lc 9.43-45)*

<sup>22</sup> Pũũ Galilea nikũgue gũa waagorenabu. Irogue Jesús gũare āřĩmi:

–Masaka yũre ããřĩpererã tĩgũrẽ ñeã, gajerãguere wiarãkuma. <sup>23</sup> ĩgũsã yũre wẽjẽrãkuma. Yũre wẽjẽaderõ pũũ, urenũ waaró merã Marĩpũ yũre masũgũkumi, āřĩmi. “Yũre wẽjẽrãkuma”, āřĩmakũ pãrã, gũa bũro bujawerebũ.

### *Marĩpũya wiima ããřĩburire niyeru wajasearire sērẽñãdea*

<sup>24</sup> Pũũ gũa Jesús merã Capernaugue waabu. Irogue ejadero pũũ, Marĩpũya wiima ããřĩburire niyeru wajaseabosarimasã Pedro pũro eja, ĩgũrẽ sērẽñãma:

–¿Mũsãrẽ buegũ Marĩpũya wiima ããřĩburire niyeru wajariri? āřĩma.

<sup>25</sup> Pedro ĩgũsãrẽ yũjũmi:

–Wajarimi, āřĩmi.

Pũũ Pedro wiigũe ñajãã, Jesũre sērẽñãburipoeta Jesús gapũ ĩgũrẽ sērẽñãpũrorimi:

—Simón, ¿naásũ gũñarĩ mũ? I mũmarã oparã masakare niyeru wajaseaduarã, ¿noã gapure wajaseakuri? ¿Īgũsãyarãrẽ, o gajero marã Īgũsãya nikũgue ejanerã gapure wajaseakuri? ãrĩmi.

<sup>26</sup> —Gajero marã gapure wajaseakuma, ãrĩ yũjũmi Pedro.

Īgũ irasũ ãrĩmakũ, Jesús ãrĩmi:

—Irasirigũ sugũ opũ Īgũyarãrẽ wajaseabirikumi. <sup>27</sup> Marĩpũyarã marĩ ããrĩkererã, Marĩpũya wiima ããrĩburire niyeru wajaseabosarãrẽ marĩ merã guamakũ iribirikoa. Irasirirã wajarirãkoa. Wejerida ãĩ, ditarugue waaĩ wẽjẽgũ waaka! Baapũrorigũre túwea ãĩka! Īgũya disigue niyeru tire bokagũkoa. Pũru iriti merã marĩ pẽrãyare Marĩpũya wiima ããrĩburire wajarigũ waaka! ãrĩmi.

## 18

*Jesús sugũ gajerã nemorõ ããrĩgũyamarẽ weredea*  
(Mr 9.33-37; Lc 9.46-48)

<sup>1</sup> Iripoere gũa Jesús buerã Īgũ pũro eja, sërẽñabũ:

—Ūmũgasigue Marĩpũ Īgũyarãrẽ dorerogue, ¿noã gũa watopere ããrĩpererã nemorõ ããrĩgũkuri? ãrĩbũ.

<sup>2</sup> Gũa irasũ ãrĩmakũ, Jesús majĩgũrẽ siiu, Īgũrẽ gũa watopegue ãĩnú, ãrĩmi:

<sup>3</sup> —Diayeta mũsãrẽ werea. “Majĩgũ irirosũ ããrã, gajerã nemorõ ããrĩbea”, ãrĩ gũñaka! Mũsã: “Gajerã nemorõ ããrã”, ãrĩ gũñarĩrẽ gorawayumerã, ũmũgasigue Marĩpũ Īgũyarãrẽ dorerogue neõ waabirikoa. <sup>4</sup> Sugũ Īgũ basi: “Yũ ubu ããrĩgũ, majĩgũ irirosũ ããrã”, ãrĩ gũñagũ, Marĩpũ ũmũgasigue ããrĩgũ ĩũrõ gajerã nemorõ ããrĩmi. <sup>5</sup> Sugũ yaagũre, ĩĩ majĩgũ irirosũ ããrĩgũrẽ õãrõ bokatĩrĩñeãgũ yũdere bokatĩrĩñeãmi.

*Gajerãrẽ ñerõ irimakũ iribirikõãka! ãrĩ weredea*  
(Mr 9.42-48; Lc 17.1-2)

<sup>6</sup> ‘Sugũ yũre bũremurãrẽ ĩĩ majĩgũ irirosũ ããrĩrãrẽ ñerõ irimakũ irigũno, bũro wajamoãũgũkumi. Irasiriro Īgũ gajerãrẽ ñerõ irimakũ iriburi dupuyuro masaka Īgũrẽ wãriye ũtãye merã wãnugũgue siasiu, wãdiyague meéyomakũ õãboko. <sup>7</sup> I ũmũguere masakare ñerõ irimakũ iriri ããrã. Irasirirã ñerõ tarima. I Īgũsãrẽ ñerõ irimakũ iriri ããrĩnĩkõãrokoa. Gajerãrẽ ñerõ irimakũ irigũno gapũ ñetariro tarigũkumi.

<sup>8</sup> ‘Irasirirã mũsãya mojõ, o gubu merã ñerõ irirã, iri mojõrẽ, o iri gubure dititã béorosũ iri ñerõ iririre pirika! Su mojõ, o su gubu opakrerã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. Īgũsã pe mojõ, o pe gubu opakrerã, peamegue waamakũ ñetarirokoa. <sup>9</sup> Mũsãya koyeru merã ĩã, ñerõ irirã, iririre goreweabéorosũ iri ñerõ iririre pirika! Su koyeru opakrerã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. Īgũsã pe koyeru opakrerã, peamegue waamakũ ñetarirokoa.

*Jesús oveja dediridi keori merã buedea*  
(Lc 15.3-7)

<sup>10</sup> ‘Neõ sugũ ĩĩsã majĩrãrẽ ubu ĩãbéobirikõãka! Mũsãrẽ werea. Ūmũgasigue Yũpũre wereboerã Īgũsãrẽ korerã Īgũ merã ããrĩnĩkõãma, Īgũsãrẽ Īgũ iritamudorerire irimurã.

<sup>11</sup> Yũ ããrĩpererã tĩgũ dediribonerãrẽ taugũ aarigũ iribũ.

<sup>12</sup> ‘Yũ wererire, ¿naásũ gũñarĩ? Ovejare korerimasũ cien oveja opagũ, sugũ oveja dedirimakũ ĩãgũ, gajerã noventa y nueve ovejare makã tũro Īgũsã baarogue duripĩkõã, dediriadire ãmagũ waakumi. <sup>13</sup> Diayeta mũsãrẽ werea. Īgũrẽ bokagũ, gajerã noventa y nueve dediribiranerã nemorõ Īgũrẽ usuyakumi. <sup>14</sup> Āsũta Marĩpũ ũmũgasigue ããrĩgũ ĩĩsã majĩrã irirosũ ããrĩrãrẽ dedirimakũ gããmebemi, ãrĩmi Jesús.

*“Muyagu murē ñerō irimakū āsū irika!” ārīdea  
(Lc 17.3)*

<sup>15</sup> Irasū ārī odo, āsū ārī werenemomi:

—Muyagu murē ñerō irimakū, gajerā péberogue ĩgū merā irire wereníka! ĩgū irire òārō merā āmuduhagu: “Murē ñerō iribu! Kātika yu irideare!” ārīmakū, musā dupaturi usuyari merā gāme wapikurākoa. <sup>16</sup> ĩgū irire āmuduhabirimakū, sugu o pērārē siiu, dupaturi ĩgū puro waaka! ĩgūsā péurogue ĩgū murē ñerō irideare wereka! Irasiriro Marīpuya werenírī gojadea pūgue dorederosūta pērā o urerā iri ñerō irideare wererire pédero puru: “Diyeta irasū waabu”, ārī masīrākuma. <sup>17</sup> Murē ñerō iridi ĩgūsā péurogue āmuduhabirimakū, āārīpererā yure buremurā merā nerē, ĩgūsārē ĩgū ñerō irideare wereka! ĩgūsā péuroguedere āmuduhabirimakū ĩārā, ĩgūrē: “Marīpure buremubi, o romano marā opure ñegū niyeru wajaseabosarimasū irirosū āārīmi”, ārī ĩāka!

<sup>18</sup> ‘Diyeta musārē werea. Musā Marīpu ũmugasigue āārīgú dorerosūta: “I ũmugwere āsū waabirikōāburo”, ārīmakū, irire waabirimakū irigukumi. Musā ĩgū dorerosūta: “I ũmugwere āsū waaburo”, ārīmakū, irire waamakū irigukumi.

<sup>19</sup> ‘Gajidere musārē werea. Musā pērā surōsū gūñarī merā: “Āsū Marīpure sērērā!” ārīmakū, Yuru ũmugasigue āārīgú musā sērērōsūta irigukumi. <sup>20</sup> Pērā, o urerā yure buremurā nerēmakū, yude ĩgūsā watopegue āārā, ārīmi Jesús.

<sup>21</sup> Irasū ārīmakū pégu, Pedro Jesús puro ejanugā, āsū ārī sērēñami ĩgūrē:

—Yu opu, ¿diikugora yaagu yure ĩgū ñerō irimakū kātigukuri? ¿Su mojōma pere gaji mojō peru pērēbejarigora ĩgū yure ñerō irimakū kātigukuri? ārīmi.

<sup>22</sup> Jesús ĩgūrē yujumi:

—“Su mojōma pere gaji mojō peru pērēbejarigora ĩgū yure ñerō irimakū kātigukoa”, ārībirikōāka! ĩgū ñerō irinariku kātika! ārīmi.

*Jesús sugu moāboerimasū ĩgū merāmu ñerō irideare kātiduhabi keori merā buedea*

<sup>23</sup> Irasū ārī odo, keori merā buemi guare Jesús:

—Irasiriro Marīpu ũmugasigue āārīgú ĩgūyarārē doreri āsū āārā. Sugu opu ĩgūrē moāboerimasārē ĩgūsā ĩgūrē wajamorīrē wajaridorekumi. <sup>24</sup> ĩgūsā ĩgūrē wajamorīrē āmunugāripoe gajerā ĩgūyarā sugu wáro wajamogūrē ĩgū puro āīakuma. <sup>25</sup> ĩgū wajorīrē wajarimasībirimakū ĩāgū, ĩgū opu ĩgūyarārē: “ĩgūrē, ĩgū marāpore, ĩgū pūrārē ĩgū opari āārīpereri merā gajerāguere duarā waaka!” ārīkumi. “Irasirigu ĩgūsārē duari waja merā ĩgū yure wajorīrē wajarigukumi”, ārīkumi.

<sup>26</sup> Irasū ārīmakū pégu, wáro wajamogū gapu ñadukupuri merā ejamejā, ĩgū opure buro sērēkumi: “Yu opu, guare gajerāguere duabirikōāka! Yúka dapa! Bopoñaka yure! Murē yu wajorīrē āārīpererire wajaripeokōāgukoa”, ārīkumi.

<sup>27</sup> Irasū ārīmakū pégu, ĩgūrē bopoñarī merā ĩā, ĩgūrē wiukumi. “ĩgū wajorodea pereakōāa”, ārī, irire kātipeokōākumi. <sup>28</sup> ĩgū irasiriadero puru, wáro wajorodi waa, gajigu ĩgū merāmu ĩgū opure moāboerimasūrē bokajakumi. ĩgū merāmu gapu ĩgūrē mérōgā wajorokumi. ĩgūrē bokajagu, mata ĩgūya wānugūrē buro ñeā: “Murīgora, yure mu wajorōrē wajoripurumuka!” ārīkumi.

<sup>29</sup> ĩgū irasū ārīmakū, ĩgū merāmu gapu ñadukupuri merā ejamejā, ĩgūrē buro sērēkumi: “Yúka dapa! Bopoñaka yure! Murē yu wajorōrē āārīpererire wajaripeokōāgukoa”, ārīkumi. <sup>30</sup> ĩgū buro sērēmakū pékeregū, ĩgūrē yujubirikumi. Irasirigu ĩgūrē peresugue iridorekumi. “Yure ĩgū wajorōrē wajaripeomakūgue wiuka!” ārīkumi.

<sup>31</sup> Wáro wajorodi ĩgūrē mérōgā wajorogūrē irasirimakū ĩārā, gajerā moāboerimasā buro bujawereri merā ĩgū iriadea āārīpererire ĩgūsā opure wererā waakuma. <sup>32</sup> Irire pégu, ĩgūsā opu wáro wajorodire siiu, āsū ārīkumi: “Mu ñetaria. Mu yure buro sērēmakū,

m̄u ȳure wajamodeare k̄atipeokōābu. <sup>33</sup> Ȳu irasirikerep̄u, m̄u gap̄u m̄u merām̄urē ĩgũ m̄urē m̄erōgā wajamodeare k̄atibirayuro. M̄u ȳure wajamodeare ȳu k̄atiderosũta ĩgũ m̄urē wajamodeadere m̄u k̄atimakũ õātariboakuyo. ¿Nasirigu ĩgũrē bopoñabirari m̄u?” ārikumi.

<sup>34</sup> 'Irasũ ārĩ odo, ĩgũ merā b̄uro guagu, ĩgũrē peresu irikumi b̄uro wajamoādoge. ĩgũ wajamorĩrē wajaripeobi neō wiribirikumi, ārĩ weremi Jesús.

<sup>35</sup> P̄u āsũ ārĩnemomi:

—Ȳu ũm̄ugasigue āārĩgũ m̄usārē irasũta wajamoāgukumi, m̄usāyarā ĩgũsā m̄usārē ñerō irideare m̄usā õārō merā k̄atibirimakũ, ārĩmi.

## 19

*Jesús masakare: “M̄usā marāposā nomerē béobirikōāka!” ārĩ buedea (Mr 10.1-12; Lc 16.18)*

<sup>1</sup> Jesús irire wereadero p̄u, Galilea nikũgue āārādi gua ĩgũ buerā merā Judea nikũgue waa, dia Jordán wāik̄adiya gaji koep̄ugue waami. <sup>2</sup> Irogue waamakũ ĩārā, wārā masaka ĩgũrē t̄uyama. Irasirigu irogue p̄ur̄irik̄arē taumi.

<sup>3</sup> Irasirimakũ ĩārā, surāyeri fariseo bumarā Jesús p̄uro eja, ĩgũrē ñerĩ ĩgũ werenĩmakũ irid̄uarā, s̄erēñama:

—¿Sugu masakũ ĩgũ gāāmerō ĩgũ marāpore béomakũ, marĩ doreri āārĩkuri? ārĩma.

<sup>4</sup> Jesús ĩgũsārē ȳjumi.

—¿Marĩp̄uya werenĩrĩ gojadea p̄urē buebiriri m̄usā? Āsũ ārĩ gojasũdero āārĩb̄u: “Neōgoraguere Marĩp̄u i ũm̄urē irigu, ũm̄u, nomeō iridi āārĩmĩ”, ārĩ gojasũdero āārĩb̄u.

<sup>5</sup> Āsũ ārĩ gojanemosũdero āārĩb̄u doja: “Sugu ũm̄u ĩgũ pagusāmarārē wiri, ĩgũ marāpo merā āārĩgukumi. Irasirirā ĩgũsā p̄erā āārĩkererā, Marĩp̄u ĩūrō su dup̄ta irirosũ āārĩrākuma”, ārĩ gojasũdero āārĩb̄u. <sup>6</sup> Irasirirā p̄erā irirosũ āārĩbema. Su dup̄ta irirosũ āārĩma. Marĩp̄u ĩgũsārē su dup̄ta irirosũ āārĩmakũ iridero p̄u, gajigu ĩgũsārē gāme béomakũ iribirikōārō gāāmea, ārĩmi Jesús.

<sup>7</sup> ĩgũ irasũ ārĩmakũ p̄erā, fariseo bumarā s̄erēñama doja:

—M̄u irasũ ārĩkerep̄u, Moisés gap̄u āsũ ārĩ gojadi āārĩmĩ: “Sugu ĩgũ marāpore béod̄uagu: ‘I waja merā m̄urē béoa’, ārĩ gojari p̄urē s̄irō gāāmea”, ārĩ gojadi āārĩmĩ. ¿Nasirigu irasũ ārĩ gojayuri? ārĩma.

<sup>8</sup> Jesús ĩgũsārē ȳjumi:

—M̄usā ñekūsāmarā Marĩp̄u dorerire irid̄uabirimakũ ĩāgũ: “M̄usā marāposā nomerē béomas̄a”, ārĩ gojadi āārĩmĩ Moisés. ĩgũ irasũ ārĩ gojakerep̄u, neōgoragueta Marĩp̄u m̄usā marāposā nomerē béomakũ gāāmebiridi āārĩmĩ. <sup>9</sup> M̄usārē werea. Sugo marāp̄uk̄ugo gajigu merā ñerō iribirikerep̄u, igo marāp̄u gap̄u igure béo, gajegore marāpok̄ugu, igo merā ñerō irigu yāmi. Gajigu béodeore marāpok̄ugude igo merā ñerō irigu yāmi, ārĩmi.

<sup>10</sup> ĩgũ irasũ ārĩmakũ p̄erā, gua ĩgũ buerā ārĩb̄u:

—ĩgũsā marāposā nomerē béo, gajego merā āārĩmakũ õābea. Irasirirā marāpo marĩmakũ õābokoa, ārĩb̄u.

<sup>11</sup> Jesús guare ȳjumi:

—Āārĩpererā masaka marāpo, o marāp̄u marĩrāta āārĩbokatiũbirikuma. Marĩp̄u marāpok̄udorebirinerā, o marāp̄uk̄udorebirinerā dita bokatiũmas̄ma. <sup>12</sup> Surāyeri ũma marāpok̄umas̄ibema. ĩgũsā watopegue surāyeri ũma deyoarāgueta poyarimasā āārĩnerā nomerē marāpok̄umas̄ibema. Masaka gajerā ũmarē marāpok̄umas̄ibirimakũ yāma. Gajerā ũma, Marĩp̄u ũm̄ugasigue āārĩgũ ĩgũyarārē doreguya direta irid̄uarā marāpok̄ubema. Irasirirā marāpo, o marāp̄u marĩrā āārĩbokatiũd̄uarā, āsũta āārĩn̄ikōāburo, ārĩmi Jesús.

*Jesús majr̄āya āārĩburire Marĩp̄ure s̄erēbosadea (Mr 10.13-16; Lc 18.15-17)*

13 Pw̄u masaka majĩrãrẽ Jesús pw̄o ãijama, ãgũsãrẽ ñapeo, Marĩpw̄e ãgũsãya ããrĩburire sãrẽbosadorerã. ãgũsã ãijamakũ ããrã, gwa ãgũ buerã ãgũsãrẽ bokatĩrĩ: “ãgũrẽ garibobirikõãka!” ãrĩbũ. 14 Jesús gapũ gw̄are ãrĩmi:

—Majĩrã yũ pw̄ogue aariburo. Kãmutabirikõãka ãgũsãrẽ! Ũmũgasigue Marĩpw̄e ãgũyarãrẽ dorerogue ããrĩmurã, ããrã majĩrã yũre usũyari merã bokatĩrĩñeãrã irirosũ ããrĩma, ãrĩmi.

15 Irasirigũ majĩrãrẽ ñapeo, Marĩpw̄e ãgũsãya ããrĩburire sãrẽbosa odo, gajerogue waakõãmi doja.

*Sugũ maamũ wãri doebiri opagũ Jesús merã werenídea  
(Mr 10.17-31; Lc 18.18-30)*

16 Pw̄u sugũ maamũ Jesús pw̄ogue eja, ãgũrẽ sãrẽñami:

—Õãgũ buegũ, yũ ãmũgasigue perebiri okari opadũagũ, ¿ñeéno õãrĩrẽ irigũkuri? ãrĩmi.

17 Jesús ãgũrẽ ãrĩmi:

—¿Nasirigũ yũre: “Õãgũ ããrã”, ãrĩrĩ? Marĩpw̄e sugũta õãgũ ããrĩmi. Mũ ãmũgasigue perebiri okari opadũagũ, Marĩpw̄e dorerire irika! ãrĩmi.

18 ãgũ irasũ ãrĩmakũ pégu, maamũ ãsũ ãrĩ sãrẽñami doja:

—¿Dĩ gapũre irigũkuri? ãrĩmi.

Jesús ãgũrẽ yũjũmi:

—Masakare wẽjẽbirikõãka! Gajigũ marãpo merã ñerõ iribirikõãka! Yajabirikõãka! Gajerãyamarẽ ãrĩgatori merã werebirikõãka! 19 Mũpw̄e, mũpore gopeyari merã bũremuka! Mũ basi maĩrõsũta mũ pw̄o ããrĩrãrẽ maĩka! ãrĩmi.

20 ãgũ irasũ ãrĩmakũ, maamũ Jesũre ãrĩmi doja:

—Iri doreri ããrĩpererire majĩgũgueta neõ tarinũgãbiribũ yũ. ¿Ñeéno dũyari, yũre yũ irinemoburi? ãrĩmi.

21 Jesús ãgũrẽ ãrĩmi:

—Mũ, Marĩpw̄e ããrõ ãgũ dorerire iripeodũagũ, mũ oparire duagũ waaka! Mũ duadea wajare boporãrẽ sĩka! Irasirigũ ãmũgasiguere wãri õãrĩ opagũkoa. Irasiri odo, yũ merã aarika! ãrĩmi.

22 ãgũ irasũ ãrĩmakũ pégu, maamũ ãgũ wãri oparire maĩsĩã, bũro bũjawereri merã waakõãmi.

23 ãgũ bũjawereri merã waamakũ ããgũ, Jesús gw̄are ãgũ buerãrẽ ãrĩmi:

—Diayeta mũsãrẽ werea. Wãri doebiri oparãrẽ Marĩpw̄e ãmũgasigue ããrĩgũ ãgũyarãrẽ doreroguerẽ waamakũ diasagorã. 24 Mũsãrẽ dupaturi werea. Camellu awiru gobegãrẽ ñajãtariweremasĩbirikumi. I nemorõ wãri doebiri opagũre Marĩpw̄e ãgũyarãrẽ doreroguerẽ waamakũ diasã, ãrĩmi.

25 ãgũ irasũ ãrĩmakũ pérã, gwa ãgũ buerã péguka, ãsũ ãrĩ gãme sãrẽñabu:

—Iro merẽ, ¿noã gapũ Marĩpw̄e tausũmurã ãgũ pw̄ogue waamurã ããrĩbokuri? ãrĩbũ.

26 Jesús gw̄are ããrĩ, ãrĩmi:

—Masaka ãgũsã basi ãgũsã iriri merã Marĩpw̄e pw̄ogue waamasĩbema. Marĩpw̄e dita masakare ãgũ pw̄o ããrĩmurã waamakũ irimasĩmi. ããrĩpererire irimasĩmi, ãrĩmi.

27 ãgũ irasũ ãrĩmakũ pégu, Pedro ãgũrẽ ãrĩmi:

—Gwa Opũ, gwa mũrẽ tũyarã, ããrĩpereri gwa opadeare pípeokõãbũ. Irasirirã gwa gapũ, ¿ñeénorẽ oparãkuri? ãrĩmi.

28 Jesús gw̄are ãsũ ãrĩ yũjũmi:

—Diayeta mũsãrẽ werea. I ãmũ peredero pw̄u ããrĩpereri maama gorawayuripoe yũ ããrĩpererã tĩgũ ãmũgasi gosewasirirogue Opũ doarogue doagũkoa. Yũ iro doamakũ, mũsãde yũre tũyarã, pe mojõma pere su gubu peru pẽrẽbejari oparã doarigue doarãkoa. Irasirirã mũsã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa. 29 Yũ merã waarã, ãgũsãya wiirire, ãgũsã pagũpũrãrẽ, pagũsãmarãrẽ, pũrãrẽ, ãgũsãya pooerire pípeorã, wãri õãrĩ wajatarãkuma. ãgũsã iro dupuyuro opaderosũ cien

nemorō opanemorākuma. Irasū āārīmakū Marīpu merā perebiri okari oparākuma. <sup>30</sup> Wārā daporare oparā āārīrā, p̄r̄uḡuere ubu āārīrā dujarākuma. Wārā daporare ubu āārīrā gap̄u, p̄r̄uḡuere oparā āārīrākuma, ārī weremi Jesús ḡuare ĩḡū buerārē.

## 20

### *Jesús igui poee moārā keori merā buedea*

<sup>1</sup> Irasiriḡu dupaturi Jesús keori merā buemi doja:

—Marīpu ūm̄uḡasigue āārīḡū ĩḡūyarārē doreri āsū āārā. Suḡu igui poee op̄u boyo-dujimejāripoe ĩḡūya poeere moām̄urārē siiuḡu waakumi. Āsū ārīkumi: <sup>2</sup> “Sun̄u moārī waja suti niyeru ti wajariḡura”, ārīkumi ĩḡūsārē. P̄r̄u ĩḡūsārē ĩḡūya poeegue moādoreḡu iriukumi. <sup>3</sup> P̄r̄u goeripoe dupuyuro nueve hora āārīmakū, makā dekogue waa, gajerā moārī opamerārē bokajakumi. <sup>4</sup> ĩḡūsārē bokaja, ārīkumi: “M̄usāde yaa poeere moārā waaka! Keoro wajariḡura”, ārīkumi. Irasirirā ĩḡūya poeegue moārā waakuma. <sup>5</sup> P̄r̄u poee op̄u goeripoe āārīmakū, ñamika tres hora āārīmakūdere gajerārē moādorekumi doja. <sup>6</sup> P̄r̄u ñamikague cinco hora āārīmakū, makā dekogue waakumi doja. Irogue eja, gajerā moārī opamerārē bokaja, ĩḡūsārē sērēñakumi: “¿Nasirirā dapagārē moābirikererā doaneākōārī m̄usā?” ārīkumi. <sup>7</sup> “Neō suḡu ḡuare: ‘Moārā waaka!’ ārībiami”, ārī yujukuma. Irasiriḡu poee op̄u ĩḡūsārē: “M̄usāde yaa poeere moārā waaka! Keoro wajariḡura”, ārīkumi. Irasirirā ĩḡūsāde ĩḡūya poeere moārā waakuma.

<sup>8</sup> ‘Abe ñajāripoegue āārīmakū, poee op̄u ĩḡūya poeere siu moāḡūrē āsū ārīkumi: “Moārārē siu, moārā ejatūnunerārē wajarip̄rori, ĩḡūsā ejaburi dupuyuro ejanerārē wajari odo, ejap̄rorianerārē wajaritūnuka!” ārīkumi. <sup>9</sup> Irasiriḡu, cinco hora āārīmakū moān̄uḡānerārē sun̄u moārī wajataropā suti niyeru ti wajarikumi. <sup>10</sup> ĩḡū irasū wajarimakū ĩārā, moāp̄rorianerā: “ḡua gap̄uere ĩḡūsā nemorō wajariḡukumi”, ārī ḡūñadikuma. ĩḡūsādere s̄urosūta wajarikōākumi. <sup>11</sup> Irasū wajarimakū ĩārā, poee op̄u merā gua, ĩḡūrē ārīkuma: <sup>12</sup> “Īsā ḡua p̄r̄uḡue ejanerā gap̄u su horata moāama. ḡua gap̄u sun̄u oārō moāneākōāb̄u. B̄uro abe asiripoe moāb̄u. ḡua irasū moāneākerep̄ru, s̄urosū wajarikōāb̄u m̄u”, ārīkuma. <sup>13</sup> ĩḡūsā irasū ārīmakū p̄ḡu, poee op̄u gap̄u suḡu ĩḡūsā watope āārīḡūrē ārīkumi: “Ȳu merām̄u, ȳu m̄urē ñerō iriḡu meta yāa. Ȳu m̄urē: ‘Suti niyeru ti wajariḡura’, ārīmakū p̄ḡu: ‘Jáu’, ārāb̄u m̄u. Irasiriḡu ȳu ārāderosūta m̄urē keoro wajariabu. <sup>14</sup> Irasiriḡu ȳu wajariadeare āi, waakōāka! Īrē m̄u p̄r̄uḡue ejadidere m̄urē wajariaderopāta wajariḡura. <sup>15</sup> I yaa niyeru āārā. Irasiriḡu ȳu ḡāāmerō wajarimasā. Gajerārē ȳu oārō sīmakū ĩāḡū, ḡȳure ĩaturiri m̄u?” ārīkumi poee op̄u.

<sup>16</sup> ‘I keori ārīrōsūta Marīpu ĩḡūyarā āārīp̄rorinerārē, ĩḡūsā p̄r̄u ĩḡūyarā āārīrādere s̄urosū oārīrē sīḡukumi, ārī weremi Jesús ḡuare.

### *Dupaturi Jesús ĩḡū boaburire weredea*

(Mr 10.32-34; Lc 18.31-34)

<sup>17</sup> Jesús Jerusalén waarī maague waagū, ḡuare pe mojōma pere su gubu peru p̄r̄eḡejarā ĩḡū buerārē gajerā p̄eberogue siiuwāḡā, ārīmi:

<sup>18</sup> —Oārō péka! Marī Jerusalēḡue waarā yāa. Irogue ȳu āārīpererā t̄ḡū, paía oparāḡuere, irasū āārīmakū Moisés gojadea buerimasāḡuere wiasūḡukoa. ĩḡūsā ȳure: “Boaburo”, ārīrākuma. <sup>19</sup> Irasirirā judío masaka āārīmerāḡuere ȳure wiarākuma. ĩḡūsā ȳure burida, tārā, curusague pábiatú wējērākuma. ĩḡūsā ȳure wējēadero p̄r̄u, uren̄u waaró merā masāḡukoa, ārīmi Jesús.

### *Santiago, Juan pago Jesúre sērēdea*

(Mr 10.35-45)

<sup>20</sup> P̄r̄u Zebedeo marāpo igo p̄r̄ā Santiago, Juan merā Jesús p̄rogue eja, ĩḡūrē sērēbo ñaduk̄upuri merā ejamejāmo.



21 Igo irasirimakū, Jesús igore sērēñami:

—¿Ñeénorē gāāmerī m̄? ārīmi.

Igo ĩgūrē yujumo:

—M̄, Op̄ ñajāgū, ĩsā ȳ pūrā pērārē m̄ merā doremurā sóoka! Suḡare m̄ diaye gap̄, gajiḡare kúgap̄ doadoreka! ārīmo Jesúsre.

22 Igo irasū ārīmakū pégu, Jesús igo pūrārē ārīmi:

—M̄sā ȳre sērērīrē pēmasībea. Ȳ buro ñerō tariḡakoa. ¿Ȳ ñerō tarirosū m̄sāde ñerō tarirā, bokatīūrākuri? ārīmi.

Īgūsā yujuma:

—Bokatīūkōārākoa, ārīma.

23 Jesús ĩgūsārē ārīmi:

—Diayeta āārā. Ȳ irirosū m̄sāde ñerō tarirākoa. Ȳ gap̄ m̄sārē ȳ diaye, kúgap̄ doamurārē beyemasībea. Ȳp̄ āmusiadi āārīmī irire. Irasirirā ĩgū beyenerā dita ȳ diaye, kúgap̄ doarākuma, ārīmi.

24 Ḡa pe mojōmarā ĩgū buerā gap̄ Santiago, Juan ĩgūsā Jesúsre sērērīrē pérā, ĩgūsā merā guab̄. 25 Ḡa guamakū ĩāgū, Jesús āārīpererārē ḡare siiu need, āsū ārī weremi:

—I nikū marā oparā Marīp̄re b̄remumerā gap̄ ĩgūsāyarārē dorerā, turaro merā dorema. Īgūsā doka marāde irasūta dorema. Irire masīa m̄sā. 26 M̄sā tamerā ĩgūsā irirosū iribirikoa. M̄sā watopeguere op̄ āārīduagu, m̄sārē moāboegu irirosū āārīburo.

27 Suḡ m̄sā watopegue āārīgā, gajerā nemorō āārīduagu, moāboegu irirosū āārīburo.

28 Ȳde irasūta āārā. Ȳ āārīpererā tīgū masaka ȳre iritamuburo, ārīgū meta aaribú. Ȳ gap̄ ĩgūsārē iritamugū aaribú. Irasiriḡ wārā masakare ȳ boari merā ĩgūsā ñerō iridea wajare wajaribosagu aarigū irib̄, ārīmi Jesús ḡare.

### *Jesús pērā koye ĩāmerārē taudea*

*(Mr 10.46-52; Lc 18.35-43)*

29 P̄r̄ Jericógue āārānerā ḡa wirimakū, wārā masaka Jesúsre t̄yama. 30 Ḡa waarí maa turo, pērā koye ĩāmerā doama. Jesús iro tariwāgārīrē péñarā āsū ārī gainíma:

—Ḡa Op̄, David parāmi āārīturiagu, ḡare bopoñaka! ārīma.

31 Īgūsā irasū ārī gainímakū, masaka gap̄ ĩgūsārē: “Toeaka!” ārīma. Īgūsā irasū ārīkerep̄r̄, ĩgūsā gainíadero nemorō gainínemoma:

—Ḡa Op̄, David parāmi āārīturiagu, ḡare bopoñaka! ārīma.

32 Īgūsā irasū ārīmakū pé, Jesús dujanugāja, ĩgūsārē siiu, āsū ārī sērēñami:

—¿Ñeénorē ȳ m̄sārē irimakū gāāmerī? ārīmi.

33 —Ḡa Op̄, ḡare koye ĩāmakū irika! ārī yujuma.

34 Īgūsā irasū ārīmakū, Jesús ĩgūsārē bopoña, ĩgūsāya koyere moāñami. Īgū moāñamakūta, ĩākōama. Irasirirā Jesúsre t̄yama.

## 21

### *Jesús Jerusalēgue ejadea*

*(Mr 11.1-11; Lc 19.28-40; Jn 12.12-19)*

1 Ḡa Jesús merā Jerusalēgue ejaburo dupuyuro Betfagé wāikuri makāgue ejar̄orib̄. Betfagé, buúru Olivos wāikuri buúru p̄ro āārībú. Jesús irogue ejaḡ, ḡa merāmarā pērārē 2 āsū ārī iriumi:

—Si makā marī bokatīūrō āārīrī makāgue waaka! Irogue ejarā, burra ĩgūsā sianúadeore majīgū merā bokajarākoa. Īgūsārē bokajarā, ĩgūsā siadeadare kura, ārīka! 3 M̄sārē: “¿Nasirimurā ĩgūsārē kurari?” ārīmakū pérā: “Marī Op̄ gāāmeami. Dapora wiagukumi doja”, ārīka! ārī iriumi.

<sup>4</sup> Ire irasũ irigũ, Marĩpũya kerere weredupuyudi gojaderosũta irimi. Āsũ āĩ gojadi āārĩmĩ:

<sup>5</sup> Jerusalén marārē āsũ āĩ wereka: “Mũsā Sión\* marā ĩāka! Mũsā Opũ mũsā pũrogue mũsārē iritamugũ aarĩmi.

Ubu āārĩgũ irirosũ burra majĩgũ weka peyawāgārimi”, āĩ gojadi āārĩmĩ.✧

<sup>6</sup> Irasirirā Jesús iriuanerā iri makāgue waa, ĩgũ iridoreaderosũta iriñurā. <sup>7</sup> Burrore, pago merā Jesús pũrogue āĩjamakũ, gũaya surĩ wekamarē túwea, ĩgũsā weka peobũ. Gũa irasiriadero pũrũ, Jesús, majĩgũ wekague mũrĩbejami. <sup>8</sup> Mũrĩbeja, Jesús Jerusalēgue peyawāgāmakũ ĩārā, masaka wārā ĩgũsāya weka sãnarĩ surĩre túwea āĩ, ĩgũ waarĩ maarē sēõpĩdupuyuma ĩgũrē buremurā. Irasũ āārĩmakũ, gajerā yuku dupũri pũrikũrire diti āĩ, maarē pĩdupuyuma, ĩgũ waarĩ maa õārĩ maa āārĩburo, ārĩrā. <sup>9</sup> Irasirirā ĩgũ dupuyuro waarā, ĩgũ pũrũ tũyarā āsũ āĩ gainĩma:

—Opũ David parāmi āārĩturiagũre usũyari sĩrā! ĩĩ Marĩpũ marĩrē taugũ iriudi õārõ aariburo. Marĩpũre: “Õātaria mũ āārĩpererā Opũ ũmũgasigue āārĩgũ”, āĩ, usũyari sĩrā! ārĩma.

<sup>10</sup> Jesús Jerusalēgue ejamakũ, irogue āārĩrā ĩāgũkapereakõāma. Wārā ĩgũsā basi āsũ āĩrĩ gāme sērēñama:

—¿Noā āārĩrĩ ĩĩ? ārĩma.

<sup>11</sup> Gajerā masaka yũjũma ĩgũsārē:

—Ĩĩ Marĩpũya kerere weregũ Jesús wāĩkũgũ āārĩmi. Galilea nikũma makā Nazaretmũ āārĩmi, ārĩma.

*Jesús Marĩpũya wiigũe duarārē béowiudea*

*(Mr 11.15-19; Lc 19.45-48; Jn 2.13-22)*

<sup>12</sup> Pũrũ Jesús Marĩpũya wiigũe ñajāmi. Ñajāa, doebiri duarārē, ĩgũsā duarire wajarĩrādere bokajagũ, ĩgũsārē béowiumi. Niyeru gorawayurimasāya niyeru sãnarĩ kũmarĩrē yomeéwiunokõāmi. Bujare dua doanĩrāya doaripēĩrdere irasũta irimi. <sup>13</sup> ĩgũsārē āsũ ārĩmi:

—Marĩpũ ĩgũya werenĩrĩ gojadea pũgue āsũ ārĩdi āārĩmĩ: “Yaa wii, yũre buremurā yũre sērērĩ wii āārā”, ārĩdi āārĩmĩ. Mũsā gapũ yajarimasāya wii irirosũ āārĩmakũ yāa, ārĩmi.

<sup>14</sup> Jesús Marĩpũya wiigũe āārĩripoe koye ĩāmerā, waamasĩmerāde ĩgũ pũrogue ejama. ĩgũsā ejamakũ ĩāgũ, ĩgũsārē taumi. <sup>15</sup> Paĩa oparā, Moisés gojadeare buerimasā gapũ ĩgũ turari merā iri ĩmumakũ ĩārā, iri wiigũe majĩrā ĩgũrē: “Opũ David parāmi āārĩturiagũ õātaria mũ”, ārĩ gainĩmakũ pérā, ĩgũ merā guama. <sup>16</sup> Irasirirā Jesũre āsũ ārĩma:

—¿ĩĩsā majĩrā ārĩrĩrē pėri mũ? ārĩma.

Jesús yũjũmi:

—Pėa. ¿Marĩpũya werenĩrĩ gojadea pũrē ire buebiriri mũsā? Āsũ ārĩ gojasũdero āārĩbũ: Mũ majĩrārē, mirĩrāgārē õārõ usũyari merā mũrē bayapeomakũ iribũ, ārĩ gojasũdero āārĩbũ, ārĩmi Jesús ĩgũsārē.✧

<sup>17</sup> Irasũ ārĩ odo, ĩgũsārē béowāgā, Betania wāĩkũri makāgue waakõāmi. Irogue eja, kārĩmi.

*Jesús higueraagũre ñaĩnũgāmakũ iridea*

*(Mr 11.12-14, 20-26)*

<sup>18</sup> Gajĩnũ boyoripoe Jesús Jerusalēgue goedujāagũ, ũaboakõāmi. <sup>19</sup> Irasũ ũaboagũ, maa tũro nĩdi higuera wāĩkũdire ĩāgũ, irigũ dukare āmagũ waadimi. Dũka marĩbũ irigũ gapũ. Pũrĩ dita āārĩbũ. Dũka marĩmakũ ĩāgũ, Jesús āsũ ārĩmi:

—Igũ yukũ neõ dupaturi dukakũbirikoa, ārĩmi.

ĩgũ irasũ ārĩrĩ merāta, irigũ ñaĩnũgākõābũ. <sup>20</sup> Irigũ irasũ waamakũ ĩārā, gũa ĩgũ buerā ĩāgũkakõābũ.

\* **21:5** Zacarías 9.9: Iripoegue marā Jerusalén wāĩkũri makārēta “Sión” ārĩnerā āārĩmā. ✧ **21:5** Zac 9.9 ✧ **21:16** Sal 8.2

—¿Nasiro mata irigu ñaĩakõãrĩ? ãrĩ sêrêñabu Jesúre.

<sup>21</sup> Jesús gũare yujumi:

—Diayeta mũsãrê werea. Mũsã: “Marĩpu ãsũ irimasĩbirikumi”, ãrĩ gũñarõ marĩrõ ãgũrê bũremurã, yũ irigũre ñaĩmakũ iriaderosũ mũsãde irimasĩrãkoa. Irigũre yũ iriadero nemorõ diasarire irimasĩrãkoa. Irasirirã Marĩpũre: “I buúrure dia wádiyague béoka!” ãrĩmakũ, mũsã ãrĩrõsũta waarokoa. <sup>22</sup> Mũsã Marĩpũre bũremurĩ merã sêrêmakũ, mũsã sêrêrõsũta Marĩpu mũsãrê irigũkumi, ãrĩmi Jesús.

*Judío masaka oparã Jesúre: “¿Noã murê doreri?” ãrĩ sêrêñadea  
(Mr 11.27-33; Lc 20.1-8)*

<sup>23</sup> Pũru Jesús Marĩpũya wiigũe ñajãmi. Ìgũ irogũe bueripoe paía oparã, gajerã judío masaka murã ãgũ pũrogũe waa, ãgũrê sêrêñama:

—¿Noã murê doreri, mũ irire irasirimakũ? ¿Noã murê: “Ãsũ irika!” ãrĩrĩ? ãrĩma.

<sup>24</sup> Jesús ãgũsãrê yujumi:

—Yũde mũsãrê sêrêñagũra. Mũsã yujumakũ, yũde mũsãrê yujugũra. <sup>25</sup> Juan masakare deko merã wãiyemakũ, ¿noã ãgũrê wãiyedoregũ iriuri, Marĩpu, o masaka? ãrĩmi.

Ìgũ irasũ ãrĩmakũ pérã, ãgũsã basi ãsũ ãrĩ gãme wereníma:

—¿Naásũ ãrĩ yujurãkuri marĩ? “Marĩpu Juãrê doredi ããrĩmĩ”, marĩ ãrĩmakũ, Jesús marĩrê: “¿Nasirirã ãgũ weredeare bũremubiriri mũsã?” ãrĩbokumi. <sup>26</sup> ããrĩpererã masaka: “Juan Marĩpũya kerere weredupuyudi ããrĩmĩ”, ãrĩ gũñama. Marĩ: “Masaka Juãrê wãiyedorenerã ããrĩmã”, ãrĩmakũ, masaka marĩ merã guabokuma, ãrĩma. <sup>27</sup> Irasirirã Jesúre ãsũ ãrĩ yujuma:

—Juãrê wãiyedoredire gũa masĩbea, ãrĩma.

Ìgũsã irasũ ãrĩmakũ, Jesús ãgũsãrê ãrĩmi:

—Mũsã yũre: “¿Noã murê irire iridoreri?” ãrĩ sêrêñadeare yũde mũsãrê yujubea, ãrĩmi.

*Jesús sugũ pũrã pũrã keori merã buedea*

<sup>28</sup> Jesús irasũ ãrĩ odo, ãgũsãrê keori merã buemi:

—¿Naásũ ãrĩ gũñarĩ, yũ ãsũ ãrĩ weremakũ pérã? Sugũ pũrã pũrã opakumi. Sugũre ãsũ ãrĩkumi: “Makũ, igũi otedea poeegue moãgũ waaka!” ãrĩkumi. <sup>29</sup> “Waabea”, ãrĩ yujukumi. Pũru: “Waagũra”, ãrĩ gũña, poeegue moãgũ waakumi. <sup>30</sup> Pũru ãgũsã pagũ gajigũ ãgũ magũ pũro waakumi. Ìgũ ãrãderosũta ãgũdere: “Poeegue moãgũ waaka!” ãrĩkumi. Ìgũ: “Jáũ”, ãrĩkeregũ, waabirikumi. <sup>31</sup> ¿Níũ gapũ pagũ dorerire iriyurĩ? ãrĩ sêrêñami Jesús.

—Ìgũ moãdorepũroriadi gapũ iriyurũ, ãrĩ yujuma.

Ìgũsã irasũ ãrĩmakũ, Jesús ãrĩmi:

—Mũsãrê diayeta werea. Mũsã romano marã opũre niyeru wajaseabosarimasãrê, ãma merã gãmebira wajatarimasã nomerê: “Ñerã ããrĩma”, ãrĩkerepũru, ãgũsã gapũ mũsã nemorõ Marĩpu ãgũyarãrê dorerogũere waarãkuma. <sup>32</sup> Juan masakare wãiyedi mũsãrê: “Ãsũ irika, Marĩpu dorerire irirã!” ãrĩ buegũ aarikerepũru, mũsã ãgũ buerire neõ bũremubiribũ. Ìsã romano marã opũre niyeru wajaseabosarimasã, ãma merã gãmebira wajatarimasã nome gapũ ãgũ buerire pérã, irire bũremuma. Ìgũsã irasirimakũ ããkererã, mũsã gapũ mũsã ñerõ iririre bũjawere, mũsã gũñarĩrê neõ gorawayubiribũ. Ìgũ buerire neõ bũremubiribũ, ãrĩmi Jesús.

*Jesús ñerã moãrã keori merã buedea  
(Mr 12.1-12; Lc 20.9-19)*

<sup>33</sup> Jesús dupaturi ãsũ ãrĩ werenemomi:

—Gaji keori merã yũ weremakũ péka doja! Sugũ masakũ ãgũya nikũrê poe opakumi. Iri poeere iguidarire otekumi. Ote odo, iri poeere tũrore sãrĩsãkõãkumi. Iro ãtãyegũ igũ kũrabipiri gobere irikumi. Wii ãmarĩ wiigãrê irikumi, iri poeere korerã õãrõ ãã

koreburo, ārīgū. Irasiri odo, gajerārē iri pooere wayukumi. “Yaa oteri dukare deko merā sīrākoa, yu musārē iri pooere wayuri waja”, ārikumi. Irasū ārī odo, gajerogue waakōākumi. <sup>34</sup> Puru igui nīripoe ejamakū, ĩgūrē moāboerārē ĩgūya pooere moārā purogue ĩgūya oteri dukare deko merā sērēdoregū iriukumi. <sup>35</sup> Iri pooere moārā gapu ĩgū iriuanerā irogue ejamakū ĩārā, ĩgūsārē nērō irikuma. Sugure burō pá, gajigure wējē, gajigure ütāyeri merā deakuma. <sup>36</sup> ĩgūsā irasiriadeare pégu, iri pooe opu gajerā ĩgūrē moāboerārē ĩgū iriupurorianerā nemorō iriukumi. ĩgūsā ejamakū ĩārā, iri pooere moārā ĩgūsādere irasūta nērō irikuma doja.

<sup>37</sup> ĩgūsā irasiriadero puru, pooe opu ĩgū magūrē iriukumi. “Yu magū gapure buremurākuma”, ārī gūñadikumi. <sup>38</sup> Iri pooere moārā gapu ĩgū magū ejamakū ĩārā, ĩgūsā basi āsū ārī gāme wereníkuma: “Ī purugure i pooere opabu āārīmi. ĩgūrē wējēkōārā! Irasirirā marī basi i pooere oparākoa”, ārikuma. <sup>39</sup> Irasirirā ĩgūrē nēā, pooe turogue āiwāgā, wējēbéokōākuma, ārīmi Jesús.

<sup>40</sup> Irasū ārī odo, judío masaka oparārē sērēñami:

—Iri pooere moārā ĩgū magūrē wējēadero puru, pooe opu irogue ejagu, ¿nasirigukuri ĩgūsārē? ārīmi.

<sup>41</sup> ĩgūrē yujuma:

—ĩgūsā nērārē bopoñarō marīrō wējēkōāgukumi. Puru gajerārē ĩgūya pooere wayugukumi. ĩgūsā gapu ĩgū igui oteri dukare deko merā ĩgūrē sīrākuma, ārīma.

<sup>42</sup> ĩgūsā irasū ārīmakū, Jesús āsū ārīmi ĩgūsārē:

—¿Musā Marīpuya werenīrī gojadea pūrē ire buebiriri? Āsū ārī gojasūdero āārībú: Suye ütāye wii iririmasā ĩgūsā béoadeaye merā gajigu gapu oārō turari wii irigukumi. Marīpu irasiridi āārīmí. Marī ĩgū irasirideare ĩārā: “Oātaria”, ārī gūñāa, ārī gojasūdero āārībú.✧

<sup>43</sup> Irasirigu musārē werea yu. Marīpu ĩgūyarārē dorerogue āārīmurārē ĩgū oārī sīrīrē musārē sībirikumi. Musārē ĩgū sīboadeare gajerā ĩgū dorerire irirā gapure sīgukumi. <sup>44</sup> Sugu i ütāye weka meémejāgū, matākōāgukumi. I ütāye gapu ĩgū weka meébejaro, ĩgūrē oārī pogagāgue meémutūbéokōārokoa, ārīmi Jesús. ((Jesús i keori merā weregu: “Sugu yare gāāmebi wajamoāsūgukumi”, ārīgū irimi.))

<sup>45</sup> Paía oparā, fariseo bumarā iri keori merā Jesús irasū ārī weremakū pérā: “Marīrē ārīgū irasū ārikumi”, ārīñurā. <sup>46</sup> Irasirirā ĩgūrē nēādūadiñurā peresu irimurā. Irasū nēādūakererā, āsū ārī gūñañurā: “Masaka Jesúre: ‘Marīpuya kerere weredupuyugu āārīmi’, ārīma”, ārīñurā. Irasirirā ĩgūsārē gūisīā, Jesúre nēāmasībiriñurā.

## 22

### *Jesús sugū mojōsiari bosenu iriri keori merā buedeā*

<sup>1</sup> Jesús dupaturi gaji keori merā ĩgūsārē buenemomi. Āsū ārīmi:

<sup>2</sup> —Marīpu ūmagasigue āārīgū ĩgūyarārē doreri āsū āārā. Su nikū marā opu ĩgū magū mojōsiari bosenu irikumí. <sup>3</sup> Irasirigu opu ĩgūrē moāboerārē: “Yu magū mojōsiari bosenu ĩārā aarika!” ĩgū ārīnerārē siiudoregū iriukumi. ĩgūsā siimakū ĩgūsā gapu: “Waabea”, ārikōākuma. <sup>4</sup> Irasirigu opu gajerā ĩgūrē moāboerārē iriukumi doja. “Yu siiunerārē āsū ārī wererā waaka: ‘Yure moāboerārē yaarā wekure, gajerā yaarā ejorā oārō diikurārē wējēdoresiabu. Āārīpereri yu magū mojōsiari bosenu baaburi āmu odosiabu. Irasirirā: Bosebaarā aarika!’ ārī wereka ĩgūsārē!” ārī iriukumi. <sup>5</sup> ĩgū siiunerā gapu irire pékererā, bosenu ĩārā waabirikuma. Sugu ĩgūya poeegue waakōā, gajigu ĩgū moārīrē ĩāgū waakōākumi. <sup>6</sup> Gajerā gapu opure moāboerārē nēā, pá, wējēbéokōākuma. <sup>7</sup> ĩgūsā irasiririre pégu, opu burō guakumi. Irasirigu ĩgūyarā surarare iriukumi, ĩgūsārē

✧ 21:42 Sal 118.22-23

wějēanerārē wajamoãdoregu. Irasirirã ĩgũyarã surara ĩgũsãrē wějēpeokõã, ĩgũsãya makãrē soebéokõãkuma. <sup>8</sup> Pũũ opũ gajerã ĩgũrē moãboerãrē ãsũ ãrĩkumi: “Yũ magũ mojjõsiari bosenu marē ãmusiabu. Yũ siuunerã gapũ ñerã ããrĩsĩã, aaribirikuma. <sup>9</sup> Irasirirã ããrĩpererã makã dekoma maarĩgue ããrĩrãrē musã bokajarãrē siurã waaka!” ãrĩkumi. <sup>10</sup> ĩgũ irasũ ãrĩmakũ, ĩgũrē moãboerã waa, ããrĩpererã ĩgũsã bokajarãrē: ñerãrē, õãrãrē siu, opũya wiigue ãĩakuma. Irasirirã, ĩgũ bosenu iriri taribure uturiakõãkuma.

<sup>11</sup> Pũũ opũ ĩgũsãrē ĩãgũ ñajãgũ, sugũre mojjõsiari bosenu ma surĩro sãñabire ĩãkumi. <sup>12</sup> Irasirigũ ĩgũrē ãsũ ãrĩ sērēñakumi: “Yũ merãmu, ¿nasirigũ mojjõsiari bosenu ma surĩro sãñabirikeregu, ñajãriari mu?” ãrĩkumi. ĩgũ irasũ ãrĩ sērēñamakũ pégũ, ĩgũ gapũ yujubirikumi. <sup>13</sup> ĩgũ yujubirimakũ ĩãgũ, opũ ĩgũrē moãboerãrē ãsũ ãrĩkumi: “Ĩrē ñeã, ĩgũya mojjõrĩrē, guburidere sia, ãi wiria, naĩtĩãrõgue ĩgũrē béorã waaka! Irogue bũro pũrĩsũgũ ĩgũya guikare kũrĩduútũ oregukumi”, ãrĩkumi, ãrĩ weremi Jesús.

<sup>14</sup> Irasũ ãrĩ odo, ãsũ ãrĩnemomi:

—Ĩĩ opũ keori irirosũ Marĩpũ wãrã siiukerepũũ, ĩgũ beyerã gapũ mérãgã ããrĩma, ãrĩmi.

*Romano marã opũ masakare niyeru wajasearire Jesúre sērēñadea*  
(Mr 12.13-17; Lc 20.20-26)

<sup>15</sup> Jesús irasũ ãrãdero pũũ, fariseo bumarã waakõãma. ĩgũrē weresãduarã: “Ĩgũrē diaye yujubirimakũ irimurã ire sērēñarã!” ãrĩ gãme werenĩñurã. <sup>16</sup> Irasirirã surãyeri ĩgũsã buerire tũyarãrē, Herodeya bumarã merã Jesús pũrogue iriũñurã. ĩgũsã Jesús pũrogue ejarã, ĩgũrē ãrĩma:

—Buegu, gũa mu iririkũrire masĩa. Mu ãrĩgatoro marĩrõ werenĩa. “¿Naásũ gũñarĩ masaka yũre?” ãrĩ gũñarõ marĩrõ Marĩpũyare diayeta ĩgũsãrē buea. Oparãrē, ubu ããrĩrãdero ããrĩpererãrē sũrosũta ĩãa. <sup>17</sup> Irasirigũ gũare wereka! ¿Naásũ gũñarĩ mu? Romano marã opũ marĩrē niyeru wajasearire marĩ wajarimakũ, ¿õãgorari, o õãberi? ãrĩma Jesúre.

<sup>18</sup> Jesús gapũ ĩgũsã ĩgũrē ñerõ iridũarire masĩsĩã, ãsũ ãrĩmi:

—Irigatorikũrã ããrã musã. ¿Nasirirã yũre ñerõ yujumakũ iridũari musã? <sup>19</sup> Niyeru tire musã romano marã opũre wajarihuri tire ãĩrika! ãrĩmi.

Ĩgũ irasũ ãrĩmakũ pérã, sunũ moãrĩ waja wajataropã wajakũri tire ãĩãma. <sup>20</sup> ĩgũsã iri tire ãĩjamakũ, ĩgũsãrē sērēñami:

—I tiguere, ¿noãya diapu keori, noãya wãĩ tuuyari? ãrĩmi.

<sup>21</sup> —Romano marã opũya diapu keori, ĩgũya wãĩta tuuyãa, ãrĩ yujuma.

Ĩgũsã irasũ ãrĩmakũ pégũ, Jesús ĩgũsãrē ãsũ ãrĩmi:

—Iro merē romano marã opũya ããrĩrĩrē ĩgũrē sĩka! Marĩpũya gapũre Marĩpũre sĩka! ãrĩmi.

<sup>22</sup> ĩgũ irasũ ãrĩmakũ pérã, pégũka, ĩgũrē piriwãgãkõãma.

*Saduceo bumarã, Marĩpũ boanerãrē masũburire Jesúre sērēñadea*  
(Mr 12.18-27; Lc 20.27-40)

<sup>23</sup> Irinũrẽta surãyeri saduceo bumarã Jesús pũrogue ejama. ĩgũsã: “Masaka boanerãgue masãbirikuma”, ãrĩ bũremurã ããrĩmã. Irasirirã Jesúre ãsũ ãrĩma:

<sup>24</sup> —Buegu, Moisés ãsũ ãrĩdi ããrĩmĩ: “Sugũ marãpokũdi pũrã marĩkeregu ĩgũ marãpore boaweomakũ, ĩgũ pagũmu igore dúunorẽgũkumi. Irasirirã, igo merã ĩgũ pũrãkũrã, ĩgũ tĩgũ dagũ pũrã irirosũta ããrĩrãkuma”, ãrĩdi ããrĩmĩ. <sup>25</sup> Iripoegue gũa watopeguere sugũ pũrã su mojjõma pere gaji mojjõ peru pẽrẽbejarã ããrĩunanerã ããrĩmã. ĩgũsã tĩgũ gapũ marãpokũ, pũrã marĩgũta boakõãyupũ. Irasirigũ ĩgũ dagũ dokamũta ĩgũ marãpo ããrĩdeore dúunorẽyupũ. <sup>26</sup> ĩgũde ĩgũ tĩgũ dagũ irirosũta pũrã marĩgũta boakõãyupũ. ĩgũsã pẽrã dokamũde pũrã marĩgũta boakõãyupũ. Irasũ dita pũrã marĩrãta boapereakõãñurã.

<sup>27</sup> ĩgũsã pũũ ĩgũsã marãpode boakõãyupo pama. <sup>28</sup> ĩgũsã su mojjõma pere gaji mojjõ

peru pērēbejarā ũma āārīpererā igore marāpokũñurā. Irasirirā boanerā masāmakũ, ¿niño marāpogora āārīgokuri? ārī sērēñama.

<sup>29</sup> Jesús ĩgũsārē yujumi:

—Mũsā diaye gũñabea. Marĩpũya werenĩrĩ gojadeare, Marĩpũ turaridere masĩbea.

<sup>30</sup> Boanerā ĩgũsā masādero pũrũ, ĩgũsā ũmũgasigue Marĩpũre wereboerā irirosũ āārĩrākuma. Iroguere marāpokũbirikuma. ĩgũsā pũrā nomedere nomesubirikuma.

<sup>31</sup> ¿Marĩpũya werenĩrĩ gojadea pũgue boanerā ĩgũsā masāburire mũsā buebiriri? Āsũ ārĩdi āārĩmĩ: <sup>32</sup> “Yũ Abraham, Isaac, Jacob Opũ āārā”, ārĩdi āārĩmĩ. Irasirirā ĩgũsā boanerā āārĩkererā, Marĩpũ merā okarā āārĩma. Irasirigũ Marĩpũ okarā Opũ āārĩmĩ. Boanerā neõ dupaturi masābirikõāmũrā Opũ āārĩbemi, ārĩmĩ Jesús.

<sup>33</sup> ĩgũ irasũ ārĩmakũ pérā, masaka: “Õārõ buemi”, ārĩ péguakakõāma.

*“¿Dĩ gapũ Marĩpũ doreri gajĩ doreri nemorõ āārĩrĩ?” ārĩ sērēñadea  
(Mr 12.28-34)*

<sup>34</sup> Jesús saduceo bumarārē ĩgũsā ĩgũrē sērēñanemomasĩbirimakũ iririre pérā, fariseo bumarā nerēma. <sup>35</sup> Irasirigũ sugũ ĩgũsā merāmũ, Moisés gojadeare buerimasũ Jesũre diaye yujũbirimakũ iridũaguũ, āsũ ārĩ sērēñami:

<sup>36</sup> —Buegũ, ¿dĩ gapũ Marĩpũ doreri gajĩ doreri nemorõ āārĩrĩ? ārĩmĩ.

<sup>37</sup> Jesús ĩgũrē yujumi:

—Mũya yujũpũrā merā, mũ āārĩrikuri merā, āārĩpereri mũ gũñarĩ merā Marĩpũre mũ Opũre maĩka! <sup>38</sup> I doreri, gajĩ nemorõ āārĩtarinũgārĩ āārā. <sup>39</sup> I doreri pũrũma āsũ ārā: “Mũ basi maĩrõsũta mũ pũro āārĩrārē maĩka!” <sup>40</sup> Marĩ i pe dorerire irirā, āārĩpereri Moisés doredeare, Marĩpũya kerere weredupuyunerā buedeare irirā yāa, ārĩmĩ Jesús.

*“¿Noã parāmi āārĩturiagu āārĩrĩ Cristo?” ārĩ sērēñadea  
(Mr 12.35-37; Lc 20.41-44)*

<sup>41</sup> Fariseo bumarā iroguere nerēanerā āārĩripoe Jesús ĩgũsārē sērēñami:

<sup>42</sup> —¿Naāsũ gũñarĩ mũsā Cristo, Marĩpũ iriudire? ¿Noã magũ āārĩrĩ ĩgũ? ārĩmĩ.

—Cristo, David parāmi āārĩturiagu āārĩmĩ, ārĩ yujũma.

<sup>43</sup> ĩgũsā irasũ ārĩmakũ péguũ, Jesús ĩgũsārē ārĩmĩ:

—David, Cristo ñekũ āārĩkeregũ, ¿nasirigũ Õāgũ deyomarĩgũ ĩgũrē weredorederosũta Cristore: “Yũ Opũ āārĩmĩ”, ārĩyuri? David āsũ ārĩ gojadi āārĩmĩ:

<sup>44</sup> Marĩpũ yũ Opũre āsũ ārĩmĩ: “Õõ, yũ diaye gapũ doaka, yũ merā dorebu!

Irasirirĩpoe mũrē ĩaturirārē mũ dorerire tarinũgānemobirimakũ irigũra”, ārĩmĩ.\*

<sup>45</sup> David, Cristo ñekũ āārĩkeregũ, ĩgũrē: “Yũ Opũ āārĩmĩ”, ārĩdi āārĩmĩ. ¿Nasirigũ, Cristo, David parāmi āārĩturiagu āārĩkerepũrũ, David ĩgũrē irasũ ārĩyuri? ārĩmĩ Jesús.

<sup>46</sup> ĩgũ irasũ ārĩrĩrē pérā, neõ ĩgũrē yujũmasĩbirima. Irasirirā gũirā, ĩgũrē dupaturi sērēñanemobirima.

## 23

*Jesũs fariseo bumarārē, Moisés gojadeare buerimasārē ĩgũsā ñerõ iririre werede  
(Mr 12.38-40; Lc 11.37-54; 20.45-47)*

<sup>1</sup> Pũrũ Jesús masakare, gũa ĩgũ buerādere ārĩmĩ:

<sup>2</sup> —Moisés gojadeare buerimasā, fariseo bumarā, Marĩpũ Moisére doreri pídeare: “Āsũ ārĩdũaro yāa”, ārĩ wererā āārĩma. <sup>3</sup> Irasirirā ĩgũsā wererire õārõ iritũyaka mũsā! ĩgũsā iririkuri gapũre ĩākũĩbirikõāka! ĩgũsā wererosũta iribema. <sup>4</sup> Masakare dorerā: “Āsũ irika!” ārĩrā, ĩgũsārē gajino bũro nũkũrĩ kõātārĩrā irirosũ āārĩmakũ yāma. Masaka ĩgũsā dorerire bokatĩũbirikerepũrũ, ĩgũsārē neõ iritamubema, ĩgũsā dorerire iriburo, ārĩrā.

\* 22:44 Sal 110.1

<sup>5</sup> 'Masaka iāmakū dita ōārīrē iri ĩmuma. Marīpuya werenírī ĩgūsā gojadea pūrī sārī kūmarīgā gajerāya nemorō eyari kūmarīgārē ĩgūsāya diapuserorire, ĩgūsāya dukaridere siatúma, masaka ĩgūsārē: “Marīpuyare ōārō masĭma”, ārīdorerā. Irasū āārīmakū, ĩgūsāya dipuru peyari gasirore gajerāya nemorō yoari yuradari opari gasirire peyama, masaka ĩgūsārē: “Marīpure b̄remutarima”, ārīdorerā. <sup>6</sup> Bosenurī āārīmakū, oparā doarigue dita doadumama. Marī nerērī wiiriguedere ñajārā, ōārī doaripērīgue dita doadumama. <sup>7</sup> Makā dekoguere masakare ōārō b̄remurī merā ĩgūsārē bokatīrī ōādoremakū gāāmema. Gajerārē ĩgūsārē: “Ḡuare buerā āārīma”, ārīmakū gāāmema.

<sup>8</sup> ĩgūsā irasū ārīkerepuru, musā gapu masakare: “Musā guare buerā āārā”, ārīdorebirikōāka! Musā sugu pūrāta āārā. Yu musārē buegu suguta āārā. <sup>9</sup> I ūmuguerē neō sugu masakare: “Ḡuapu āārīmi”, ārībirikōāka! Ūmugasigue āārīgú dita Marīpu āārīmi\*. <sup>10</sup> Neō sugu musā watopegue āārīgūrē: “Marī opu āārīmi”, ārībirikōāburo. Yu, Marīpu iriudi Cristo, suguta musā Opu āārā. <sup>11</sup> Musā watopegue āārīgú gajerā nemorō āārīgú, musārē moāboerimasū irirosū musārē iritamugū āārīgukumi. <sup>12</sup> Sugu ĩgū basi: “Gajerā nemorō āārā”, ārī gūñagūnorē Marīpu ĩgūrē ubu āārīgú dujamakū irīgukumi. Gajigu: “Gajerā nemorō āārībea”, ārī gūñagū gapure Marīpu ĩgūsā opu āārīmakū irīgukumi.

<sup>13</sup> 'Musā Moisés gojadeare buerimasā, fariseo bumarā irigatorikurā āārā. Musā bueri merā masakare ūmugasigue Marīpu ĩgūyarārē dorerogue waabonerārē kāmutarā yāa. Musāde iroguere waabirikoā. Gajerā iroguere waaduarādere kāmūtāa. Irasirirā ñerō tarirākoa.

<sup>14</sup> 'Musā Moisés gojadeare buerimasā, fariseo bumarā irigatorikurā āārā. Wapiweyarā nome wajamomakū iā, ĩgūsāya wiirire ēmanokōāa. ĩgūsārē bopoñabirikererā, yoaripoe Marīpure sērē ĩmugatoa, masaka musārē: “Marīpure ōārō b̄remuma”, ārīburo, ārīrā. Irasirirā ñerō tarirākoa. Marīpu musārē gajerā nemorō wajamoāgukumi.

<sup>15</sup> 'Musā Moisés gojadeare buerimasā, fariseo bumarā irigatorikurā āārā. Dia wádiyague taribuja, yoaroma makārīgue musā buerire t̄yabure āmarā waāa. ĩgūrē boka, musā bueri merā ĩgūrē musā nemorō perebiri peamegue waabu āārīmakū yāa. Irasirirā ñerō tarirākoa.

<sup>16</sup> 'Musā koye iāmerā gajerārē t̄ādupuuyuwāgāmasīmerā irirosū masakare Marīpuyare keoro buebea. Irasirirā ñerō tarirākoa. ĩgūsārē āsū ārī buea: “Sugu: ‘Marīpuya wii merā āsū irigura’, ārī wāipeodeare iribirimakū, waja opabemi”, ārā. Idere āsū ārī buea: “Gajigu: ‘Marīpuya wiima oro merā āsū irigura’, ārī wāipeodeare iribirimakū, waja opami”, ārā.

<sup>17</sup> Koye iāmerā irirosū Marīpuyare diaye gūñamerā, pémasīmerā āārā musā. Marīpu ĩgūya wiire, iri wiima oro nemorō ōārī āārītarinugāmakū yāmi. Irasirigu marīrē, ¿dí gapure b̄remurī merā gūñamakū gāāmerī, orore, o ĩgūya wii gapure? <sup>18</sup> Musā idere āsū ārī buea: “Sugu: ‘Marīpuya wiima soepeoro merā āsū irigura’, ārī wāipeodeare iribirimakū, waja opabemi”, ārā. Idere āsū ārī buea: “Gajigu: ‘Iri soepeoro weka peodea merā āsū irigura’, ārī wāipeodeare iribirimakū, waja opami”, ārā. <sup>19</sup> Koye iāmerā irirosū Marīpuyare diaye gūñamerā, pémasīmerā āārā musā. Marīpu ĩgūya wiima soepeorore, marī iro weka peodea nemorō ōārī āārītarinugāmakū yāmi. Irasirigu marīrē, ¿dí gapure b̄remurī merā gūñamakū gāāmerī, soepeorore, o iro weka peodea gapure? <sup>20</sup> Irasirigu sugu: “Marīpuya wiima soepeoro merā āsū irigura”, ārī wāipeogu, āārīpereri iri soepeoro weka peyari merādere wāipeogu irikumi. <sup>21</sup> Sugu: “Marīpuya wii merā āsū irigura”, ārī wāipeogu, Marīpu iri wiigū āārīgú merādere wāipeogu irikumi. <sup>22</sup> Sugu: “Ūmugasima merā āsū irigura”, ārī wāipeogude, Marīpu iroguere Opu doarogue doagu merādere wāipeogu irikumi.

<sup>23</sup> 'Musā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Musā oteri mutārīgā: menta, anís, comino wāikuri baari morērīnorē sea neō, dukawa, pe mojōma diruri irikoa. Sudiru Marīpuya wiigū āākoa, ĩgū dorerire

\* **23:9** Jesús irire ārīgú: “I ūmuguerē neō sugu masaku Marīpu āārīnīgā irirosū mámi”, ārīgū irimi.

irimurã. Irasirikererã, iri nemorõ õãrĩ gapure iribeã. Diayema iririre, gajerãrẽ bopoñarĩ merã ããrĩrẽ, Marĩpũre bũremurĩrẽ neõ iribeã. Irasirirã mũsã oterire Marĩpũre sĩduũro marĩrõ diayemadere irika! Gajerãrẽ bopoñaka! Marĩpũre bũremuka! <sup>24</sup> Koye ããmerã gajerãrẽ tũãdupuyuwãgãmasĩmerã irirosũ masakare Marĩpũyare keoro buebeã. ããrĩpereri mũsã doreri gapure irikererã, iri nemorõ doreri gapure neõ iribeã.

<sup>25</sup> 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masaka ãũrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã mũsã basi wãri opadũarã gajerãyare yajarã, iripa poekague koeña marĩrĩpa gurari utariripa irirosũ ããrã. <sup>26</sup> Mũsã fariseo bumarã, koye ããmerã irirosũ, Marĩpũyare pẽmasĩmerã ããrã. Irasirirã mũsã gũñarĩrẽ gorawayupũrorika, soropa poeka gapure õãrõ koeadeapa irirosũ ããrĩmurã. Irasirirã, soropa weka gapũdere õãrõ koeadeapa irirosũ ããrĩrãkoa.

<sup>27</sup> 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masãgoberi irirosũ ããrã. Masaka, iri masãgoberire utã majĩrĩ boreri merã õãrõ wũkãdea majĩrĩ merã biamakũ ããrã: "Õãrõ deyoa", ãrĩ ããma. Iri õãrõ deyokerepũrũ, poekague boanerãya gõãrĩ, ããrĩpereri ñerĩ boadeã sãñãkoa. <sup>28</sup> Mũsãde i irirosũta ããrã. Masaka mũsãrẽ ããmakũ, õãrã irirosũ ããrã. Irasũ ããrĩkererã, poekague mũsã gũñarĩguere ñerĩrẽ opataria. Irasirirã irigatorikũrã, ñerõ iririkũrã ããrã.

<sup>29</sup> 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã, iripoegue marã Marĩpũya kerere weredupuyunerãya masãgoberire õãrõ ãmua. Gajerã õãrõ irinerãya masãgoberi weka weanũdeadere õãrõ ãmua. <sup>30</sup> ãmu odo, ãsũ ãrĩ werenĩã: "Marĩ ñekũsãmarã darã Marĩpũya kerere weredupuyunerãrẽ wẽjẽnerã ããrĩmã. Gũã ãgũsã ããrĩdeapoeque ããrĩnerã tamerã ãgũsãrẽ wẽjẽtamubiribokuyo", ããrã. <sup>31</sup> Mũsã irire irasũ ããrĩã, mũsã basita: "Gũã Marĩpũya kerere weredupuyunerãrẽ wẽjẽnerã parãmerã ããrĩturiarã ããrã", ããrĩã yãã. <sup>32</sup> Irasirirã mũsã ñekũsãmarã ñerõ iripũroriwãgãriderosũta iriyuwarikũkõãka mũsãde!

<sup>33</sup> 'Mũsã ñerõ iririkũrã ããrã irirosũ ããrã. Mũsã ñerõ iriri waja Marĩpũ mũsãrẽ peamegue béoburire neõ duribirikoa. <sup>34</sup> Irasirigũ yũ mũsã pũroque Marĩpũya kerere weredupuyurãrẽ, ãgũyare masĩrãrẽ, mũsãrẽ buerimasãdere iriugũra. Yũ irasũ iriukerepũrũ, mũsã gapũ surãyerire wẽjẽrãkoa. Gajerãrẽ curusague pábiatũ wẽjẽrãkoa. Gajerãrẽ mũsã nerẽrĩ wiirigue tãrã, noó ãgũsã waarĩ makãrĩ waamakũ tũyagorenarãkoa ãgũsãrẽ ñerõ iridũarã. <sup>35</sup> Irasirirã ããrĩpererã masaka õãrãrẽ wẽjẽdea waja, mũsã waja opãã. Mũsã ñekũsãmarã Abel diayemarẽ iridire wẽjẽpũroriwãgãrĩrã, Zacarĩas Berequĩas magũguere wẽjẽtũnunerã ããrĩmã. ãgũrẽ Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã. <sup>36</sup> Diayeta mũsãrẽ wereã. ããrĩpererãrẽ ãgũsã wẽjẽdea waja dapora marã wajakũrãkuma.

*Jesús Jerusalén marãrẽ bũjawereri merã weredeã  
(Lc 13.34-35)*

<sup>37</sup> 'Mũsã Jerusalén marã, Marĩpũya kerere weredupuyurãrẽ wẽjẽkõãã. Marĩpũ iriunerãrẽ utãyeri merã deã wẽjẽã. Wãri yũ mũsãrẽ ãgãbo igo pũrãrẽ igoya kẽdupũri merã neeõnũrõsũ neeõnũ koredũadibũ. Mũsã gapũ yũ irasũ irimakũ neõ gããmebiribũ. <sup>38</sup> Irasiriro mũsã ããrĩrĩ makã, béodeã makã dujarokoa. <sup>39</sup> Diayeta mũsãrẽ wereã. Dapora merãta mũsã yũre ããnemobirikoa. Pũrũgue mũsã: "Marĩpũ iriudi õãtarigũ ããrĩmi, õãrõ aariburo", ããrĩãgue, yũre dupaturi ããrãkoa doja, ããrĩmi Jesús.

## 24

*Jesús: "Marĩpũya wii béosũrokoa", ããrĩ weredeã  
(Mr 13.1-2; Lc 21.5-6)*

<sup>1</sup> Jesús Marĩpũya wiigũ ããrãdi wiriadero pũrũ, gũã ãgũ buerã ãgũ pũro waa, ãsũ ããrĩbũ:



—Ĩāka i wiire! Ōārī wii, wári wii āārā, ārībũ.

<sup>2</sup> Jesús gapũ yujumi:

—Musā i wiire daporare ĩādāa. Diayeta musārē werea. I wiima āārīpereri musā ĩādea, i ūtāyeride mutādiwapereakōārokoa. Neō suye ūtāye gajiyē weka weamūrīadeade dujabirikoā, ārīmi.

*Jesús: “I ūmũ pereburi dupuyuro āsũ waarokoa”, ārī weredeā*

*(Mr 13.3-23; Lc 21.7-24; 17.22-24)*

<sup>3</sup> Pũũ Olivos wāikũri buúrugue eja, irogue doami Jesús. Iro ĩgũ doamakũ, gũā ĩgũ buerā ĩgũ pũrogue eja, gajerā péberogue sērēñabũ:

—Guare wereka! ¿Naāsũ āārīmakũ, mũ ārāderosũ waarokuri? ¿Ñeeno iri ĩmugukuri, mũ dupaturi aarigũ? ¿Naāsũ waarokuri, i ūmũ pereburi dupuyuro? ārībũ.

<sup>4</sup> Jesús yujumi:

—Ōārō pémasīka! Gajerā musārē ārīgatorire pébirikōāka! <sup>5</sup> Wárā ārīgatorimasā aarirākuma. “Marīpũ iriudi, Cristo āārā yũ”, ārīrākuma. ĩgũsā ārīgatomakũ pérā, wárā masaka ĩgũsārē bũremurākuma. <sup>6</sup> Masaka musā pũro gāmewējērērē pérā, yoarogue marā gāmewējērē kerere pérā, gũkabirikōāka! Irasũta waarokoa. Irasũ waakerepũũ, i ūmũ pereburo dũyarokoa dapa. <sup>7</sup> Su bumarā gaji bumarā merā gāmekēārākuma. Su nikũ marā gaji nikũ marā merā gāmewējērākuma. Masaka wárā ūaboari merā boarākuma. Gajerā pũrĩrikũ ñerō tarirākuma. Wári makārĩguere nikũ ñomerokoa. <sup>8</sup> I āārīpereri merā masaka ñerō taripũroriwāgārīrākuma.

<sup>9</sup> Irasirirā gajerā musārē ñeā, āĩa, oparāguere ñerō iridorerā wiarākuma. Musārē wējērākuma. Yũre bũremurĩ waja āārīpererā i ūmũ marā musārē ĩāturi doorākuma. <sup>10</sup> Irasũ waaripoe wárā yũre bũremuadinerā bũremuduúrākuma. Irasirirā gāme ĩāturi doo, ĩgũsā merāmarā āārādinerārē ĩgũsārē ĩaturirāguere wiarākuma. <sup>11</sup> Wárā: “Marīpũya kerere weredupuyurimasā āārā”, ārīgatorākuma. Irasirirā wárā masaka ĩgũsārē bũremurākuma. <sup>12</sup> Masaka iro dupuyuro ñerō iridero nemorō ñerō irirākuma. Irasirirā wárā ĩgũsā gāme maĩrĩrē pirirākuma. <sup>13</sup> ĩgũsā musārē ñerō irikerepũũ, musā yũre neō bũremuduúbirimakũ, Marīpũ musārē taugũkumi, ĩgũ pũro āārīnĩkōāburo, ārīgũ. <sup>14</sup> Marīpũyare wererā āārīpererā i ūmũ marārē ĩgũyarārē doregũ āārĩrĩ kerere wererākuma, āārīpereri bumarā irire masĩburo, ārĩrā. ĩgũsā āārīpererā iri kerere péperedero pũũ, i ūmũ pererokoa.

<sup>15</sup> Iripoegue Marīpũya kerere weredupuyudi Daniel i ūmũ pereburo dupuyuro waaburire āsũ ārĩ gojadi āārĩmĩ: “Ñegũ Marīpũre ĩaturigu Marīpũya wii ñerĩ marĩrĩ wiigue ñajāgũkumi”, ārĩ gojadi āārĩmĩ. ((Irasirirā iri wiigue ĩgũ āārĩmakũ ĩārā, i pũrē buerāno: “I ūmũ pereburo yāa”, ārĩ masĩrākuma.)) <sup>16</sup> Ñegũ irogue āārĩmakũ ĩārā, Judea nikũ marā buurĩgue ūmaduriburo. <sup>17</sup> Sugũ ĩgũya wii wekague āārĩgũ, wii poekague ĩgũyare āĩgũ ñajābita ūmaduriburo. <sup>18</sup> Sugũ ĩgũya poegue āārĩgũde, ĩgũya surĩre wiigue āĩgũ dujáabita ūmaduriburo. <sup>19</sup> Irasũ waarĩnũrĩrē nijĩpagosā nome, ĩgũsā pũrā mirĩrāgā oparā nomede ñerō tarirākuma. <sup>20</sup> Irasirirā Marīpũre āsũ ārĩ sērēka: “Puĩbũre, siuñajārĩnũ\* āārĩmakũ, guare i irasũ waabirikōāburo”, ārĩka ĩgũrē! <sup>21</sup> Irasũ waarĩnũrĩrē masaka bũro ñerō tarirākuma. Marīpũ i ūmũrē iripũroridero pũrũre masaka ñerō taridero nemorō ñerō tarirākuma. I ĩgũsārē ñerō waaburi neō dupaturi irasũ waanemobirikoā. <sup>22</sup> Irasirigu Marīpũ masakare i ñerō waarĩre: “Yoaripoe waabirikōāburo”, ārĩgũkumi. ĩgũ irasiribiri-makũ, neō sugũ masakũ taribiribokumi. Irasirigu ĩgũ beyenerārē bopoñasĩā, ĩgũsārē ñerō waarĩre: “Iropāta waaburo”, ārĩgũkumi.

<sup>23</sup> Gajerā musārē: “Ĩāka! Ōōta Cristo āārĩmĩ”, ārĩmakũ pérā, o gajerā musārē: “Cristo sōōgue āārāmi”, ārĩmakũ pérā, bũremubirikōāka! <sup>24</sup> Wárā ārīgatorimasā aarirākuma. Surāyeri: “Yũ Cristo āārā”, ārĩrākuma. Gajerā: “Marīpũya kerere weredupuyurimasũ

\* 24:20 Judío masaka siuñajārĩnũ, sábadō āārā.

ãārã”, ãrĩrākuma. Mũsārē ĩgũsã ãrĩgatorire bũremudorerã, wãri gajino iri ĩmurākuma. Irasirikererã, Marĩpũ beyenerãrē ĩgũrē bũremuduũmakũ irimasĩbirikuma. <sup>25</sup> Iri waaburi dupuyuro yũ mũsãrē weresiãã, irire masĩburo, ãrĩgũ. <sup>26</sup> Irasirirã gajerã masaka mũsãrē: “Cristo sũo masaka marĩrũgũe ããrãmi”, ãrĩmakũ pãrã, ĩãrã waabirikũãka! Gajerã mũsãrē: “Ĩãka! I wiima taribugũe ããrĩmi”, ãrĩmakũ pãrã, ĩgũsãrē bũremubirikũãka! <sup>27</sup> Yũ ããrĩpererã tĩgũ gũñaña marĩrũ i mũmũgũe dupaturi aarigũkoa. Ũmarũgũe, abe mũrĩro gapũ, ĩgũ ñajãrũ gapũ bupu miãrũ irirosũ aarigũkoa. <sup>28</sup> Mĩmũa nerẽmakũ ĩãrã, masaka sugũ waĩbũ boadi ããrĩrũrẽ masĩkuma. I irirosũ yũ aarimakũ ĩãrã, ĩgũsã wajamoãũburire masĩrākuma, ãrĩ weremi Jesũs.

*Jesũs ããrĩpererã tĩgũ: “Ãsũ aarigũkoa”, ãrĩ weredeã*  
(Mr 13.24-37; Lc 21.25-33; 17.26-30, 34-36)

<sup>29</sup> Irasũ ãrĩ odo, gũare ãsũ ãrĩnemomi:

—Masaka ñerũ tarirĩnũrĩ pũrũta abe mũmũmũ naĩtĩãkũãgũkumi. Abe ñamimũ boy-onemobirikumi. Neñũkã mũmũgasigũe ããrĩrã yuridijarĩrãkuma. Ũmarũgũe marã turarãde naradari merã bẽosũrãkuma. <sup>30</sup> Irasũ waaripoere masaka yũ ããrĩpererã tĩgũ mũmũgasigũe merã aarimakũ ĩãrãkuma. Irasirirã ããrĩpereri i mũmũma makãrĩ marã yũ wãri Marĩpũ turari merã, ĩgũ gosewasiriri merã mikãyebori weka aarimakũ ĩãrã, gũirã orerãkuma. <sup>31</sup> Yũ aarigũ, yũre wereboerãrē ããrĩperero i mũmũguere iriugũkoa. Puriduru bũro bũsũmakũ, ĩgũsã yũ beyenerãrē ããrĩpererogũe ããrĩrãrē neẽrãkuma.

<sup>32</sup> Ire mũsã masĩburo, ãrĩgũ, higuera gũ keori merã weregũra. Irigũ pũ maamamakũ ĩãrã: “Bojori waaburo mẽrũgã dũyãã”, ãrĩ masĩa. <sup>33</sup> Irigũ waarũsũta i ããrĩpereri yũ ãrĩrĩ irasũ waamakũ ĩãrã: “Cristo dupaturi aariburo mẽrũgã dũyãã”, ãrĩ masĩrãkoa. <sup>34</sup> Diayeta mũsãrē werea. I ããrĩpereri yũ ãrĩrĩ, dapora marã pereburo dupuyuro irasũ waarokoa. <sup>35</sup> Ũmũgasi, i nikũde pereakũãrokoka. Yũ werenĩrĩ gapũ neũ perebirikoka. ããrĩpereri yũ ãrĩrũsũta waayũwarĩkũrokoka.

<sup>36</sup> Yũ dupaturi aariburĩnũrē, iri horare neũ sugũ masĩbirikumi. Marĩpũre wereboerã mũmũgasigũe ããrĩrãde masĩbema. Yũ Marĩpũ magũde masĩbea. Yũpũ sugũta masĩmi.

<sup>37</sup> Noẽ ããrĩdeapoe marãrē waaderosũta yũ ããrĩpererã tĩgũ aariburo dupuyurogãrē waarokoa. <sup>38</sup> Iripoere i nikũ Marĩpũ miũburo dupuyuro masaka õãrũ baa, ĩĩrĩ, moĩõsia, ĩgũsã pũrã nomerē nomesu ããrĩrĩkũnerã ããrĩmã. Noẽsã doõdirugũe ñajãrĩnũgũedere irasũta irinĩkũãnerã ããrĩmã. <sup>39</sup> Gũñaña marĩrũ merã wãro deko merē, i nikũ mirĩpereakũãdero ããrĩbũ. ĩgũsãde mirĩpereakũãnerã ããrĩmã. Irasũta yũ ããrĩpererã tĩgũde gũñaña marĩrũ merã i mũmũguere dupaturi aarigũkoa. <sup>40</sup> Irasũ waaripoere pãrã poogũe moãrã ããrĩrãkuma. Sugũ yũre bũremugũ ãĩãũgũkumi. Gajigũ yũre bũremubi irogueta bẽowãgãũgũkumi. <sup>41</sup> Nomede pãrã nome ojodũka biurã ããrĩrãkuma. Sugo yũre bũremugũ ãĩãũgũkumo. Gajego yũre bũremubeo irogueta bẽowãgãũgũkumo.

<sup>42</sup> Õãrũ pẽmasĩka! Yũ mũsã Opũ dupaturi aariburi horare neũ masĩbea mũsã. <sup>43</sup> Ire õãrũ masĩka! Wii opũ ĩgũya wiire sugũ yajarimasũ ñami merã ejaburi horare masĩgũ, kãrĩrũ marĩrũ korekumi, ĩgũya wiire ñajãburire kãmutabu. <sup>44</sup> Yũ ããrĩpererã tĩgũ gũñaña marĩrũ aarigũkoa. Irasirirã, wii opũ irirosũ mũsãde yũ aariburire õãrũ yũro gããmea, ãrĩmi Jesũs.

*Jesũs pãrã moãboerimasã keori merã buedeã*  
(Lc 12.41-48)

<sup>45</sup> Pũrũ Jesũs gajĩ keori merã gũare buenemomi:

—Sugũ moãboegũ ĩgũ opũre bũremugũ, pẽmasĩgũ ãsũ irikumi. ĩgũ opũ gajerogũe waagũ, ĩgũrē ĩgũya wiire gajerãrē ĩgũrē moãboerãrē koredoregũ pĩkumi. Irasirigũ ĩgũrē ĩgũsãrē baarire keoro siũ baadoregũ pĩkumi. <sup>46</sup> Irasirigũ ĩgũ opũ ĩgũya wii goedũjajamakũ ĩãgũ, ĩgũrē moãboegũ ĩgũ doredorosũta iridi ããrĩsĩã, mũsũyakumi. <sup>47</sup> Diayeta mũsãrē werea. ĩgũ pĩderosũta ĩgũ keoro irideare ĩãgũ, ĩgũ opũ ĩgũrē ããrĩpereri ĩgũyare koredoregũ pĩgũkumi.

48-49 Īgūrē moãboegu ñegũ gapu ãsũ irikumĩ. “Yũ opu mata goebirikumi”, ãrĩ gũñagũ, gajerã ĩgũ opu moãboerãrē ñerõ pãbira, mejãrikurã merã iirĩ baagorenakumi. <sup>50</sup> ĩgũ irasirigorenarĩnurē gũñaña marĩrõ ĩgũ opu goejakumi. ĩgūrē moãboegu gapu: “Īgũ iri hora goegukumi”, ãrĩ masĩbirikumĩ. <sup>51</sup> ĩgũ opu goejagu ĩgūrē moãboegu ñerõ irideare pégũ, ĩgūrē burõ wajamoãgukumi. Irasirigu irigatorikurãrē béorogue ĩgūrē béogukumi. Iroguere ĩgũ burõ pũrĩsũgũ ĩgũya guikare kũrĩduútũ oregukumi, ãrĩmi Jesús.

## 25

### *Jesús pe mojõmarã maamarã nome keori merã buedea*

<sup>1</sup> Pũru Jesús dupaturi keori merã guare ãsũ ãrĩ buemi doja:

—Marĩpu ãmugasigue ããrĩgũ ĩgũyarãrē doreri ãsũ ããrã. Pe mojõmarã nõome ããrĩkuma. Su ñami ĩgũsãya sãgõri duparu merã mojõsiadi bokatĩrĩrã waakuma. <sup>2</sup> Su mojõmarã nome sãgõri duparu ĩgũsã ãĩaburire õãrõ ãmuyubirikuma. Gajerã su mojõmarã nome gapu ĩgũsã ãĩaburire õãrõ ãmuyukuma. <sup>3</sup> ãmuyumerã nome ĩgũsãya sãgõri duparure ãĩakererã, ĩgũsã gorawayuburire uye ãĩabirikuma. <sup>4</sup> ãmuyurã nome gapu ĩgũsãya sãgõri duparure ãĩ, gaji uye ĩgũsã gorawayuburire ãĩakuma. <sup>5</sup> Irasirirã, mojõsiadi mata ejabirimakũ, ĩgũsãrē wuja ejamakũ kãrĩakõãkuma. <sup>6</sup> Pũru ñami deko ããrĩmakũ, gajerã masaka: “Mojõsiadi aarisiami. ĩgūrē bokatĩrĩrã aarika!” ãrĩ gainĩmakũ pékuma. <sup>7</sup> ĩgũsã gainĩmakũ pérã, yobe, ĩgũsãya sãgõri duparure ãmukuma. <sup>8</sup> Uye gorawayuburire ãĩabiranerã nome gapu, gajerã gaji uye ãĩãnerã nomerē ãsũ ãrĩkuma: “Guaya sãgõri duparu yariro yãa. Irasirirã mérõgã mũsãya uye guadere sĩka!” ãrĩ sērēadikuma. <sup>9</sup> ãmuyuanerã nome gapu ãsũ ãrĩ yujakuma: “Guaya uye mũsãrē sĩmakũ, mũsãrē, guadere ejabiribokoa. Irasirirã uye duarã pũro mũsã basi wajarirã waaka!” ãrĩkuma. <sup>10</sup> Irasirirã ãmuyubiranerã nome uye wajarirã waakõãkuma. ĩgũsã waadero pũru, mojõsiadi ejakumi. ĩgũ ejamakũ ĩãrã, ãmuyuanerã nome gapu ĩgūrē bokatĩrĩkuma. Irasirirã ĩgũ merã bosenu iriri wiigüe ĩãrã ñajãkõãkuma. ĩgũsã ñajãperemakũ, iri wii marã disipũrore biakõãkuma. <sup>11</sup> Pũrugue ãmuyubiranerã nome gapu ejakuma. “Gua Opu, guadere tũpãsóoka!” ãrĩkuma. <sup>12</sup> ĩgũsã irasũ ãrĩmakũ pégũ, mojõsiadi ãsũ ãrĩ yujakumi: “Diayeta yũ mũsãrē masĩbea”, ãrĩkumi ĩgũsã nomerē, ãrĩ weremi Jesús.

<sup>13</sup> Irasũ ãrĩ odo, guare ãrĩmi:

—Yũ ããrĩpererã tĩgũ dupaturi aariburinurē, iri horadere neõ masĩbea mũsã. Irasirirã ãmuyunerã nome mojõsiadi bokatĩrĩrã waamurã ĩgũsãya sãgõri duparure ãmuyuderõsũ mũsãde yũ aariburire õãrõ ãmuyuka! ãrĩmi Jesús.

### *Jesús sugũ opu ĩgūrē moãboerãrē niyeru sĩrĩ keori merã buedea*

<sup>14</sup> Irasũ ãrĩ odo, gaji keori merã guare ĩgũ buerãrē buenemomi doja:

—Marĩpu ĩgũyarãrē doregu, sugũ wii opu irirosũ ããrĩmi. Wii opu gaji nikũgüe waabu, ĩgūrē moãboerãrē siiu, ĩgũya niyerure koredoregu pĩkumi.

<sup>15</sup> Irasirigu, ĩgũsãrē: “Õõpã merã wajatanemorãkuma”, ãrĩ ĩãmasĩsĩã, ĩgũya niyeru wajapari tirire dukawakumi. Sugũre su mojõma tiri, gajigũre pe ti, gajigũre su ti sĩkumi. ĩgũsãrē sĩ odo, waakõãkumi. <sup>16</sup> Irasirigu su mojõma tiri opagu, mata iri tiri merã gajino wajari, dua, gaji su mojõma tiri wajatanemokumi. Irasirigu pe mojõma tiri opakumi. <sup>17</sup> Pe ti opagude irasũta gaji pe ti wajatanemokumi. Irasirigu wapikuri tiri opakumi. <sup>18</sup> Su ti opagu gapu yebague gobe má, iri gobegüe ĩgũ opu sãdea tire yãapĩkõãkumi.

<sup>19</sup> Yoadero pũru, wii opu goekumi. Goeja, ĩgũya niyeru tiri merã ĩgũsã wajatanemod-eare ãmubu, ĩgūrē moãboerãrē siiukumi. <sup>20</sup> Irasirigu su mojõma tiri sĩsũdi ĩgũ opu pũrogu eja, pe mojõma tiri ĩgūrē wiakumi. “Yũ opu, su mojõma tiri yũre sĩbu mu”, ãrĩkumi. “Īãka! Iri tiri merã gaji su mojõma tiri wajatanemobu”, ãrĩkumi ĩgũ opu. <sup>21</sup> ĩgũ irasũ ãrĩmakũ

pégũ, ìgũ opũ àrĩkumi: “Õãgoráa. Mũ yũre moãboegũ òãgũ àãrã. Yũ dorederosũta yũ mérõgã mũrẽ pídea merã òãrõ iriyo. Irasirigũ wári yaare koredoregũ pígyara. Yũ merã àãrĩgũ, usuyari merã àãrĩka!” àrĩkumi ìgũ opũ ìgũrẽ. <sup>22</sup> Pũrũ pe ti sĩsũdide ìgũ opũ pũrogue eja, ìgũrẽ àsũ àrĩkumi: “Yũ opũ, pe ti yũre sĩbũ mũ. Ìãka! Iri tiri merã gaji pe ti wajatanemobũ”, àrĩkumi. <sup>23</sup> Ìgũ irasũ àrĩmakũ pégũ, ìgũ opũ àrĩkumi: “Õãgoráa. Mũ yũre moãboegũ òãgũ àãrã. Yũ dorederosũta yũ mérõgã mũrẽ pídea merã òãrõ iriyo. Irasirigũ wári yaare koredoregũ pígyara. Yũ merã àãrĩgũ, usuyari merã àãrĩka!” àrĩkumi ìgũ opũ ìgũrẽ.

<sup>24</sup> Pũrũ su ti sĩsũdi gapũ, ìgũ opũ pũrogue eja, ìgũrẽ àsũ àrĩkumi: “Yũ opũ, mũrẽ moãboerãrẽ bũro turaro merã moãdoregũ àãrã. Mũ basi moãbirikeregũ, ìgũsãrẽ oterire otedore, ìgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ. <sup>25</sup> Irasirigũ mũrẽ gũigũ, yebague gobe má, iri gobegue mũya niyeru tire yáapĩkõãbũ. Ìãka! I ti àãrã mũya niyeru ti”, àrĩkumi ìgũ opũrẽ.

<sup>26</sup> Ìgũ irasũ àrĩmakũ pégũ, ìgũ opũ àrĩkumi: “Mũ yũre moãboegũ ñegũ àãrã. Térìkũgũ àãrã. Mũ yũre àsũ àrã: ‘Mũ basi moãbirikeregũ, mũrẽ moãboerãrẽ oterire otedore, ìgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ’, àrã mũ yũre. <sup>27</sup> Mũ irasũ àrĩgũ, ¿nasirigũ, yũ mũrẽ sĩdea tire niyeru duripĩri wiigũ duripĩbiriri? Irogue duripĩmakũ, i wii moãrã iri ti merã wáro wajatanemobosabokuma mũrẽ. Irasirigũ, yũ goejamakũ, mũ yũre ìgũsã iriri merã wajatanemobosadeare wiaboakuyo”, àrĩkumi ìgũ opũ ìgũrẽ. <sup>28</sup> Irasũ àrĩ odo, gajerãrẽ irogue àãrĩrãrẽ àrĩkumi: “Ìgũrẽ niyeru tire ãma, pe mojõma tiri opagũ gapũre sĩa! <sup>29</sup> Sugũ wári opagũ sĩnemosũgũkumi. Irasirigũ ìgũ wári opadero nemorõ opagũkumi. Gajigũ opabi ìgũ mérĩgã opadideare ãmapeokõãsũgũkumi. <sup>30</sup> Ì yũre moãboegũ keoro iribire naĩtĩãrõgue béokõãka! Irogue bũro pũrĩsũgũ ìgũya guikare kũrĩduútũ oregũkumi”, àrĩkumi ìgũsã opũ, àrĩ weremi Jesús.

### *Jesús i ãmũ marãrẽ wajamoãburire weredeã*

<sup>31</sup> Irasũ àrĩ odo, gũare àrĩnemomi:

—Yũ àãrĩpererã tĩgũ, àãrĩpererã yũre wereboerã merã i ãmũ marãrẽ doregũ aarigũ, gosewasiriri merã Opũ doarogue doagũkoa. <sup>32</sup> Yũ irogue doamakũ, yũre wereboerã àãrĩpereri buri marã masakare yũ diaye neeõrãkuma. Ìgũsãrẽ neeõ odomakũ, sugũ ejorã koregũ ovejare, cabrare boje dukawanúrõsũ yũ ìgũsãrẽ dukawanúgũkoa. <sup>33</sup> Yũre bũremurãrẽ oveja irirosũ àãrĩrãrẽ yũ diaye gapũ nũgũkoa. Yũre bũremumerãrẽ cabra irirosũ àãrĩrãrẽ yũ kũgapũ nũgũkoa. <sup>34</sup> Yũ irasiridero pũrũ, yũ àãrĩpererã Opũ, yũ diaye gapũ nĩrãrẽ àsũ àrĩ weregũkoa: “Yũrũ mũsãrẽ òãrõ irisiami. I ãmũrẽ irigũgueta mũsãya àãrĩburire ìgũyarãrẽ doreroguerẽ ãmuyusiami. Irasirirã ìgũ merã àãrĩrã aarika! <sup>35</sup> Yũ ãboamakũ ìãrã, mũsã yũre baari ejobũ. Yũ ñemesibumakũ, mũsã yũre iiriri tĩãbũ. Yũ mũsã pũro gãmeñajãgũ ejamakũ, yũre kãrĩrõ wayubũ. <sup>36</sup> Surí marĩgũ yũ àãrĩmakũ ìãrã, mũsã yũre surĩre sãbũ. Pũrĩrikũmakũ, mũsã yũre ìãrã ejabũ. Peresugue yũ àãrĩmakũdere yũre ìãrã ejabũ”, àrĩgũkoa. <sup>37</sup> Yũ irasũ àrĩmakũ pãrã, yũ diaye gapũ nĩrã Yũrũ: “Õãrã, waja opamerã àãrĩma”, àrĩ ìãnerã yũre sãrẽñarãkuma: “Gũa Opũ, ¿naásũ àãrĩmakũ, mũ ãboamakũ gũa mũrẽ baari ejori? ¿Naásũ àãrĩmakũ, mũ ñemesibumakũ mũrẽ iiriri tĩãrĩ? <sup>38</sup> ¿Naásũ àãrĩmakũ, mũ gũa pũro gãmeñajãgũ ejamakũ, kãrĩrõ wayuri? ¿Naásũ àãrĩmakũ, mũ surí marĩgũ àãrĩmakũ gũa mũrẽ surí sãrĩ? <sup>39</sup> ¿Naásũ àãrĩmakũ, mũ pũrĩrikũmakũ, o peresugue mũ àãrĩmakũdere gũa mũrẽ ìãrã ejari?” àrĩrãkuma yũre. <sup>40</sup> Ìgũsã irasũ àrĩmakũ pégũ, yũ àãrĩpererã Opũ, ìgũsãrẽ àsũ àrĩ yũjũgũkoa: “Diayeta mũsãrẽ werea. Mũsã sugũ yaarã watopegue àãrĩpererã nemorõ ubu àãrĩgũrẽ òãrõ irirã, yũreta òãrõ irirã iribu”, àrĩgũkoa ìgũsãrẽ.

41 Īgūsārē irasū ārī odo, yu kúgaru nířārē āsū ārī wereguko: “Yuru wajamoāsūmurā āārā musā. Yu purore wirika! Perebiri peamegue waaka! Yuru iri peamerē wātēa opu, ĩgūyarā merā āārīburore āmuyusiami. 42 Yu haboamakū ĩārā, musā yure baari ejobiribu. Yu nemesibumakū, musā yure iiriri tīābiribu. 43 Yu musā puro gameñajāgū ejamakū, yure kārīrō wayubiribu. Surí marīgū yu āārīmakū, musā yure surí sābiribu. Yu pūrīrikumakū, peresugue yu āārīmakūdere musā yure ĩārā ejabiribu”, ārīguko ĩgūsārē. 44 Yu irasū ārīmakū pérā, ĩgūsā yure sērēñarākuma: “Gua opu, ĩnaāsū āārīmakū, mu haboamakū, nemesibumakū, gua puro gameñajāgū ejamakū, surí opabirimakū, pūrīrikumakū, peresugue mu āārīmakū gua murē iritamubiriri?” ārīrākuma yure. 45 Īgūsā irasū ārīmakū, yu āārīpererā opu ĩgūsārē āsū ārī wereguko: “Diayeta musārē werea. Musā sugu yaarā watopegue āārīpererā nemorō ubu āārīgūrē iritamumerā, yureta iritamumerā iribu”, ārīguko ĩgūsārē. 46 Puru ĩgūsā perebiri peamegue wajamoāsūrākuma. Yuru: “Ōārā, waja opamerā āārīma”, ārī ĩānerā garu ĩgū purogue perebiri okarire oparākuma, ārī weremi Jesús.

## 26

### *Oparā Jesúre ñeāburire āmudea* (Mr 14.1-2; Lc 22.1-2; Jn 11.45-53)

1 Jesús iri āārīpererire bue odo, guare ĩgū buerārē ārīmi:

2 —Penu dnyāa, pascua bosenu ejaburo. Irire musā masīa. Iri bosenu āārīmakū, yu āārīpererā tīgūrē ñeā, oparāguere wiarākuma, curusague pábiatú wējēdoremurā, ārīmi.

3 Iripoere paía oparā, Moisés gojadeare buerimasā, judío masaka murāde Caifás paía opuya wii disipuroma yebague nerēñurā. 4 Irogue nerērā, ĩgūsā Jesúre ārīgatori merā ñeā, wējēburire āmuñurā.

5 Irire āmurā:

—Bosenu āārīmakū, ĩgūrē ñeābirikōārā! Masaka marī merā guarā, marīrē gainí turi-bokuma, ārīñurā.

### *Sugo nomeō Jesúre sārōrī piupeodea* (Mr 14.3-9; Jn 12.1-8)

6 Īgūsā ĩgūrē wējēburire āmuripoere Jesús Betania wāikuri makāgue Simón kāmi boadiya wiigue āārīmí. 7 Irogue ĩgū āārīmakū, sugo nomeō suru sūrōdiru opago, Jesús puro ejamo. Igo opadiru “alabastro” wāikuri utāye merā iridiru, sārōrī wajapari opadiru āārībú. Jesús baa doanírīpoe ĩgūya dipurure iri sārōrīrē piupeomo. 8 Igo irasū piupeomakū ĩārā, gua Jesús buerā guarā āsū ārību:

—¿Nasirigo iri irasiriwasiribéokōārī? 9 Iri sārōrīrē duago, wáro niyerure wataboakumo. Iri niyeru merā boporārē iritamuboakumo, ārību.

10 Jesús, gua irasū ārīmakū pégu, guare ārīmi:

—¿Nasirirā igore garibori musā? Ire yure irasirigo, oārīrē irigo yámo. 11 Boporā musā watopeguere āārīnikōārākuma. Yu tamerārē musā merā āārīnīmakū ĩābirikoa. 12 Igo i sārōrī yure piupeogo, yaa dupure ĩgūsā yure yāaburo dupuyuro āmuyugo irirosū irigo yámo. 13 Diayeta musārē werea. Marīpu masakare tauri kerere wererā āārīperero i umugue waagorenarā, iri yure irideadere gajerārē wererākuma, igore gūñaburo, ārīrā, ārīmi Jesús guare.

### *Judas Iscariote Jesúre wējēdarāguere ĩgūrē ĩmuburire āmudea* (Mr 14.10-11; Lc 22.3-6)

14 Jesús irasū ārādero puru, sugu gua Jesús buerā pe mojōma pere su gubu peru pērēbejarā watopemu Judas Iscariote wāikugu paía oparā merā werenígū waayuru.

15 Īgūsārē ārīyuru:

—Yu Jesúre musārē wiamakū, ĩnoópā niyeru wajarirākuri yure? ārīyuru.

Īgũ irasũ āřĩmakũ pérã, ĩgũrẽ treinta niyeru tiri plata merã iridea tirire wajariñurã.  
 16 Īgũsã wajarimakũ, Judas: “¿Naásũ āārĩmakũ ĩgũsãrẽ yũ Jesúre wiamakũ õãkuri?” āřĩ gũñayurũ.

*Jesús ĩgũ buerã merã baatũnudea*

*(Mr 14.12-25; Lc 22.7-23; Jn 13.21-30; 1 Co 11.23-26)*

17 Pũrũ pã wemasãřĩ morẽña marĩřĩ baari bosenu pũroririnũ āārĩmakũ, gũa Jesús buerã ĩgũ pũrogue waa, ĩgũrẽ sērẽñabũ:

—¿Noógue mũ pascua bosenu baaburire āmumakũ gããmekuri? āřĩbũ.

18 Īgũ gũare āřĩmi:

—Jerusalẽgue waaka! Iro mũsã bokajagũre āsũ āřĩka: “Gũare buegu mũrẽ āsũ āřĩ weredoreami: ‘Yũ ñerõ tariburo mērõgã ðuyáa. Pascua bosenu āārĩmakũ, yũ buerã merã mũya wiigue baagũkoa’, āřĩmi”, āřĩka! āřĩmi Jesús.

19 Irasirĩã, pascua bosenu āārĩmakũ, Jesús doreaderosũta gũa baaburire āmunerã āārĩmã.

20 Naĩmejãripoe Jesús gũa ĩgũ buerã pe mojõma pere su gubu peru pērẽbejarã merã baa doanĩmi. 21 Gũa baaripoe gũare āřĩmi:

—Diyeta mũsãrẽ werea. Sugũ mũsã watope āārĩgã yũre wějẽduarãguere yũre ĩmugũkumi, āřĩmi.

22 Īgũ irasũ āřĩmakũ pérã, gũa buro bujawereri merã sugũno dita ĩgũrẽ sērẽñayobũ:

—Gũa Opũ, ¿yũ āārĩřĩ mũrẽ ĩmubu? āřĩbũ.

23 Gũa irasũ āřĩ sērẽñamakũ, gũare yũjũmi:

—Yũ merã i pare pã yosa baagũta āārĩmi yũre wějẽduarãguere yũre ĩmubu. 24 Marĩpũya werenĩřĩ gojadea pũgue gojaderosũta yũ āārĩpererã tĩgũrẽ waaró yáa. Yũre ĩmubu gapũre ñetariro waarokoa. Īgũ deyoabirimakũ õãboyo, āřĩmi Jesús.

25 Īgũ irasũ āřĩmakũ, Judas Jesúre wějẽduarãguere ĩgũrẽ ĩmubu sērẽñami:

—Gũare buegu, ¿yũ mũrẽ ĩmubu āārĩřĩ? āřĩmi.

Jesús ĩgũrẽ yũjũmi:

—Éũ, mũta āārã, āřĩmi.

26 Irasũ āřĩ odo, gũa baaripoe Jesús pãrẽ āĩ, Marĩpũre: “Mũrẽ usũyari sĩa”, āřĩ, pãrẽ pea, gũare ĩgũ buerãrẽ āsũ āřĩ gueremi:

—Ire baaka! Yaa dupũ āārã, āřĩmi.

27 Pũrũ iirĩripare āĩ, Marĩpũre: “Mũrẽ usũyari sĩa”, āřĩ, gũare iripare sũ, āsũ āřĩmi:

—Mũsã āārĩpererã ire iirĩka! 28 I yaa dí āārã. Yũ boagũ, dí béori merã wãrã masaka ñerõ iridea wajare wajaribosagũkoa. Irasirigũ yaa dí béori merã Yũpũ ĩgũsãrẽ: “Õãrõ irigura”, āřĩdeare iriyuwarikũgũkumi. Irasirigũ ĩgũsã ñerõ irideare kãtigũkumi. 29 Mũsãrẽ werea. Igui dekore marĩ dapora iirĩrosũ yũ dupaturi neõ iirĩnemobirikoa. Pũrũ Yũpũ ĩgũyarãrẽ dorerogue mũsã merã maama igui dekore iirĩgũkoa, āřĩmi Jesús gũare.

*Jesús Pedrorẽ: “Yũre masĩkeregũ: ‘Masĩbea’, āřĩgũkoa”, āřĩ weredea*

*(Mr 14.26-31; Lc 22.31-34; Jn 13.36-38)*

30 Pũrũ Marĩpũre bayapeo odo, gũa iri wiigue āārãnerã wiria, Olivos wãĩkũri buúrũgue waabũ. 31 Irogue ejagũ, Jesús gũare āřĩmi:

—Dapagã ñami mũsã āārĩpererã gũñaturaro marĩrõ yũre béowãgãperekõãrãkoa. Mũsã irasiriburire Marĩpũya werenĩřĩ gojadea pũgue āsũ āřĩ gojasũdero āārĩbũ: “Yũ oveja koregũre wějẽmakũ irigũkoa. Irasirimakũ, ĩgũyarã oveja ũmawasiriakõãrãkuma”, āřĩ gojasũdero āārĩbũ. 32 Yũ boadigue masãdero pũrũ, mũsã dupuyuro Galileague waadupuyugũkoa, āřĩmi gũare.

33 Īgũ irasũ āřĩmakũ pégũ, Pedro āsũ āřĩ yũjũmi:

—Gajerã āārĩpererã mũrẽ béowãgãkerepũrũ, yũ gapũ mũrẽ neõ béowãgãbirikoa, āřĩmi.

<sup>34</sup> Jesús Pedrore ārīmi:

—Diayeta mūrē werea. Dapagā ñami āgābo wereburo dupuyuro m̄u yare masīkereḡu, urea gajerārē: “Masībea”, ārīgatogakoa, ārīmi.

<sup>35</sup> Pedro ĩgūrē ārīmi:

—Ȳu m̄u merā boabu āārīkereḡu: “Masībea”, ārīgatobirikoa, ārīmi.

Āārīpererā ḡua ĩgū buerā, Pedro ĩgū ārīrōsūta ārīb̄u Jesúre.

*Jesús Getsemanígue Marīp̄ure sērēdea*  
(Mr 14.32-42; Lc 22.39-46)

<sup>36</sup> P̄ur̄u Jesús ḡua ĩgū buerā merā waa, Getsemaní wāīkurogue eja, ḡuare ārīmi:

—Ōōta doaka m̄usā dapa! Sōōgue Marīp̄ure sērēḡu waagú yáa, ārīmi.

<sup>37</sup> Irasū ārī odo, Pedrore, Zebedeo pūrā pērāguereta siiuwāgāmi. ĩgū b̄uro gūñarik̄u, b̄ujawereyup̄u. <sup>38</sup> Irasū b̄ujawereḡu, ĩgū siiuwāgānerārē ārīyup̄u:

—B̄uro b̄ujawereri merā kōmoma goero péñakoa. Ōōta dujaka! M̄usāde ȳu kārīberosūta kārīmerāta ȳure yúka! ārīyup̄u.

<sup>39</sup> Irasū ārī odo, yoaweyaro waanemo, yebague ĩgūya diapure moomejā, Marīp̄ure āsū ārī sērēyup̄u:

—Au, ȳu ñerō tariburire taud̄uagu taumasīa. Ȳu irasū ārīkerep̄ur̄u, ȳu gāāmerōsū iribirikōāka! M̄u gāāmerōsū gap̄u ȳure waaburo, ārīyup̄u.

<sup>40</sup> Irasū ārī sērē odo, urerā ĩgū buerā p̄urogue ejagu, ĩgūsā kārīrārē bokaja, Pedrore ārīyup̄u:

—¿Nasirirā su horanogāgora m̄usā ȳure kārīmerāta yúmasīberi? <sup>41</sup> Kārīmerāta! Marīp̄ure sērēka, wātī ārīmesārīrē iribokoa, ārīrā! M̄usā gūñarī merā ōārīrē irid̄uadāa. Irire irid̄uakererā, bokatīūbea, ārīyup̄u.

<sup>42</sup> Irasū ārī odo, dupaturi waa, Marīp̄ure sērēyup̄u doja:

—Au, i ȳu ñerō tariburire taud̄uabi, m̄u gāāmerōsū irika! ārīyup̄u.

<sup>43</sup> P̄ur̄u ĩgū buerā urerā p̄uro dupaturi ejagu, kārīrārēta bokajayup̄u doja. ĩgūsārē w̄uja pūrītariyuro. <sup>44</sup> ĩgūsārē ĩākōā, dupaturi Marīp̄ure sērēḡu waayup̄u doja. ĩgū sērēaderosūta sērēyup̄u. <sup>45</sup> P̄ur̄u ĩgūsā p̄uro eja, ārīyup̄u:

—¿M̄usā siuñajā, kārīrā yári dapa? Ȳure āārīpererā tīgūrē ñerāguere ĩgūsā wiari hora ejasiáa. <sup>46</sup> Wāgānugāka! Náka, waarā! Ȳure wējēduarāguere ȳure ĩmubu aarisiami, ārīyup̄u Jesús.

*Jesúre ñeāwāgādea*  
(Mr 14.43-50; Lc 22.47-53; Jn 18.2-11)

<sup>47</sup> ĩgū irasū ārī wereripoe Judas, ḡua Jesús buerā pe mojōma pere su gubu peru pērēbejarā watopem̄u āārādi ejami. Wārā masaka sareri majīrī, yuk̄u dukari oparā ĩgū merā ejama. ĩgūsā paía oparā, judío masaka m̄urā ĩgūsā iriuanerā āārīmá. <sup>48</sup> ĩgūsā ejaburi dupuyuro Judas ĩgūsārē Jesúre ĩmubu āsū ārī weredi āārīmí: “Ȳu ĩgūya wayupārā mimigūta āārīgukumi. ĩgūrē ñeāka!” ārīdi āārīmí. <sup>49</sup> Irasiriḡu Jesús p̄uro ejagu, ĩgūrē ārīmi:

—Ḡuare bueḡu, ¿āārīrī m̄u? ārī, ĩgūya wayupārārē mimimi.

<sup>50</sup> ĩgū irasirimakū ĩāgū, Jesús ĩgūrē ārīmi:

—Ȳu merām̄u, ¿nasiriḡu aarigú iriari? M̄u iriḡura, ārādeare irika! ārīmi.

Irasirirā masaka Jesús p̄uro eja, ĩgūrē ñeāwāgākōāma.

<sup>51</sup> ĩgūsā ĩgūrē ñeāwāgāripoe suḡu ĩgū buegu ĩgūya sareri majīrē tūāwea āi, paía opure moāboeḡuya gāmpūrē dititá dijukōāmi. <sup>52</sup> ĩgū irasirimakū ĩāgū, Jesús gap̄u ĩgūrē ārīmi:

—M̄uya sareri majīrē duripikōāka! Sareri majī merā gajerā merā gāmewējērāno, sareri majī merāta wējēsūrākuma. <sup>53</sup> ¿M̄usā masīberi? Ȳup̄ure ȳu sērēmakū, daporata ĩgūrē wereboerārē pe mojōma pere su gubu peru pērēbejari burigora ȳure iritamumurārē

iriubokumi. <sup>54</sup> Yu sērēmākū, Marīpuya werenírĩ gojadea pũgue gojaderosũ waabiribokoa, ārĩmi Jesús.

<sup>55</sup> Irasũ ārĩ odo, masakare ārĩmi:

—¿Nasirirã sareri majĩrĩ merã, yukũ dukari merã sugũ yajarimasūrē ñeãrã aarirã irirosũ yũre ñeãrã aarĩri? Ɖmarikũ Marīpuya wiigũ yũ musãrē bue doanĩmakũ, musã yũre neõ ñeãbiribũ. <sup>56</sup> Daporare i ããrĩpereri musã yũre irasirirã, Marīpuya kerere weredupuyunerã gojaderosũta irirã yãa, ārĩmi Jesús.

Īgũrē ñeãmakũ ĩãrã, gũa ĩgũ buerã ĩgũrē sugũreta ũmaweonũwãgãkõãbũ.

*Jesũre oparã pũrogue ãĩadea*

*(Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Irasirirã Jesũre ñeãnerã paĩa opũ Caifãya wiigũ ãĩãñurã. Iri wiiguere Moisés gojadeare buerimasã, judío masaka murãde nerēsiañurã. <sup>58</sup> Pedro gapũ yoawayaro Jesũre tũyañajãa, Caifãya wii disipũro ñajãrõma yebague eja, Marīpuya wiire korerã surara merã doayupũ. “¿Naásũ iriyuwarikũrãkuri?” ārĩgũ, irogue ĩã doanĩyupũ.

<sup>59</sup> Paĩa oparã, judío masaka murã, ããrĩpererã oparã irogue nerēanerã Jesũre ārĩgatori merã weresãmurãrē ãmarã iriñurã ĩgũrē wẽjẽmurã. <sup>60</sup> Īgũsã pũrogue wãrã masaka ārĩgatori merã ĩgũrē weresãrã ejakererã: “Īgũ i ñerõ iridea waja boaburo”, ārĩ weresãrĩrē neõ bokabiriñurã. Pũrũ gajerã pẽrã ĩgũrē ārĩgatori merã weresãrã ejañurã.

<sup>61</sup> Āsũ ārĩñurã:

—Īĩ ãsũ ārĩmi: “Marīpuya wiire béomasĩa. Ɖrenũ waaró merãta iri wiire dupaturi iri odomasĩa”, ārĩmi, ārĩñurã.

<sup>62</sup> Īgũsã irasũ ārĩmakũ pẽgũ, paĩa opũ wãgãñugã, Jesũre ārĩyupũ:

—¿Īgũsãrē yũjuberi mũ? ¿Nasirirã murē irasũ ārĩ weresãrĩ? ārĩyupũ.

<sup>63</sup> Jesús gapũ yũjubiriyupũ. Īgũ yũjubirimakũ ĩãgũ, paĩa opũ ĩgũrē ārĩyupũ:

—Marīpũ okanĩgũ pẽuro diaye wereka! ¿Mũta ããrĩrĩ, Cristo Marīpũ magũ? ārĩyupũ.

<sup>64</sup> Jesús ĩgũrē ārĩyupũ:

—Īgũta ããrã mũ ārĩrõsũta. Idere musãrē werea. Pũrũ yũ ããrĩpererã tĩgũrē Yũpũ turagu diaye gapũ doamakũ ĩãrãkoa. Ɖmũgasima mikãyebori weka yũ aarimakũdere ĩãrãkoa, ārĩyupũ.

<sup>65</sup> Īgũ irasũ ārĩmakũ pẽgũ, paĩa opũ ĩgũ guarire ĩmugũ, ĩgũya surĩrore tũãyegue, ãsũ ārĩyupũ:

—Īĩ irasũ ārĩ werenĩgũ, Marīpũre ñerõ ārĩgũ yãmi. ¿Nasirimurã gajerã ĩgũrē weresãrĩrē neõ pẽnemobokuri marĩ? Musã, ĩgũ basita Marīpũre ñerõ ārĩrĩrē pésiãa. <sup>66</sup> ¿Naásũ gũñarĩ? ārĩyupũ.

—Marīpũre ĩgũ ñerõ ārĩrĩ waja boaburo, ārĩ yũjuñurã.

<sup>67</sup> Irasũ ārĩ odo, ĩgũ diapure síku eotú, ĩgũrē doteñurã. Gajerã ĩgũya diapure pá, <sup>68</sup> ãsũ ārĩñurã:

—Mũ Cristo ããrĩgũ, ārĩbokaka: “¿Noã murē pári?” ārĩñurã.

*Pedro Jesũre masĩkeregũ: “Masĩbea”, ārĩdea*

*(Mr 14.66-72; Lc 22.56-62; Jn 18.15-18, 25-27)*

<sup>69</sup> Iri wii poekague ĩgũsã irasiriripoere Pedro disipũro ñajãrõma yebague doanĩyupũ. Īgũ irogue doamakũ, sugo paĩa opũre moãboego ĩgũ pũro eja, ĩgũrē ārĩyupo:

—Mũde Jesús Galileamũ merã ããrĩdita ããrã, ārĩyupo.

<sup>70</sup> Igo irasũ ārĩmakũ pẽgũ, Pedro ããrĩpererã iro ããrĩrã pẽurogue ārĩgatori merã:

—Mũ irasũ ārĩrĩrē pẽmasĩbirikoa yũ, ārĩyupũ.

<sup>71</sup> Pũrũ iri wii tũroma sãrĩrõ disipũrogue waayupũ. Irogue gajego ĩgũsãrē moãboego ĩgũrē ĩãgõ, iro ããrĩrãrē ārĩyupo:

—Jesús Nazaretmũ merã ããrĩdita ããrĩmi ĩĩ, ārĩyupo.

<sup>72</sup> Pedro ārĩgatori merã dupaturi yũjũyupũ:



—Marĩpu péuro diayeta werea. Yũ ìgũrẽ masĩbea, ãrĩyupũ.

<sup>73</sup> MÉRÔGĀ pũrũta masaka irogue ããrĩrã Pedro pũrogue waa, ìgũrẽ ãrĩñurã:

—Mũ diayeta Jesús buerã merãmũta ããrã. Pémasĩrõta ìgũsã irirosũ werenia, ãrĩñurã.

<sup>74</sup> Ìgũsã irasũ ãrĩmakũ, Pedro yũjũyupũ:

—Marĩpu péuro diayeta werea. Yũ mũsãrẽ diaye werebirimakũ, Marĩpu yũre wajamoãburo. Ìgũrẽ neõ masĩbea yũ, ãrĩyupũ.

Ìgũ irasũ ãrĩripoeta ãgãbo wereyupũ. <sup>75</sup> Pedro, ãgãbo weremakũ pégu, Jesús ìgũrẽ: “Ãgãbo wereburo dupuyuro mũ yũre masĩkeregu, urea: ‘Masĩbea’, ãrĩgatogukoa”, ãrãdeare gũñabokayupũ. Irire gũñaboka, wiria, bujawereri merã buro oreyupũ.

## 27

### *Jesúre Pilato pũro ãĩjãdea*

(Mr 15.1; Lc 23.1-2; Jn 18.28-32)

<sup>1</sup> Boyodujimejãripoe ããrĩpererã paia oparã, judío masaka mũrã merã nerẽ: “Ãsũ iri, Jesúre wějẽrã”, ãrĩ ãmuñurã. <sup>2</sup> Irasũ ãrĩ ãmu odo, Jesúre sia, ãĩwãgã, Poncio Pilato wãikũgũre Judea nikũ marã opũre wiañurã.

### *Judas Iscariote boadea*

<sup>3</sup> Ìgũsã Jesúre wějẽrãkuma, ãrĩrĩrẽ pégu, Judas gapũ buro bujawereri merã ìgũ Jesúre ìmuadeare gũñayupũ. Irasirigu treinta niyeru tiri plata merã iridea tiri ìgũsã ìgũrẽ wajaridea tirire paia oparãrẽ, judío masaka mũrãrẽ wiagu waayupũ. Irogue eja, ìgũsãrẽ ãrĩyupũ:

<sup>4</sup> —Yũ ñetariro iriakubũ. Yũ ñerĩ iribire oparãguere wiadire: “Boaburo”, ãrãñurã, ãrĩyupũ.

Ìgũ irasũ ãrĩmakũ, ìgũrẽ yũjũñurã:

—Mũ irasiriadea gũaya meta ããrã. Mũya ããrã, ãrĩñurã.

<sup>5</sup> Ìgũsã irasũ ãrĩmakũ pégu, Judas Marĩpũya wiigue niyeru tirire meéwasiribéo, waakõãyupũ. Waa, pũgubudare siasiu, ìgũ basi ìgũya wãnugũrẽ túsãnú, parimadija, boakõãyupũ.

<sup>6</sup> Paia oparã niyeru tirire sea neeõrã, ãsũ ãrĩñurã:

—I niyeru ìgũsã masakũre wějẽburi waja wajariadea ããrã. Irasirirã i niyerure Marĩpũya wiima duripiri kũmague pímasĩbirikoa. Marĩrẽ doreri irasiridorebea, ãrĩñurã.

<sup>7</sup> Pũrũ ãsũ ãrĩñurã: “I niyeru merã diari sorori weagũya nikũrẽ wajarimakũ õãrokoa. Irasirirã gajero marã õõgue boamakũ, iri nikũ ìgũsãrẽ yáaburi nikũ ããrĩrokoa”, ãrĩñurã.

<sup>8</sup> Irasirirã masaka iri nikũrẽ: “Dí béodea nikũ ããrã”, ãrĩ wãiyema. Daporaguedere irasũta wãikũkõã. <sup>9</sup> Ìgũsã irasirimakũ, Jeremías Marĩpũya kerere weredupuyudi gojaderosũta waabũ. ãsũ ãrĩ gojadi ããrĩmĩ: “Israel bumarã treinta niyeru tiri plata merã iridea tirire ìgũrẽ wajarideare ãĩma. <sup>10</sup> Irasirirã iri tiri merã diari sorori weagũya nikũrẽ wajarima. Irasirirã, Marĩpu yũre: ‘Ãsũ irirãkuma’, ãrĩ gojadorederosũta yãma”, ãrĩ gojadi ããrĩmĩ.

### *Pilato Jesúre sěrẽñãdea*

(Mr 15.2-5; Lc 23.3-5; Jn 18.33-38)

<sup>11</sup> Pilato, Jesúre ìgũ pũrogue ìgũsã ãĩjamakũ, ìgũrẽ sěrẽñayupũ:

—¿Mũta ããrĩrĩ judío masaka Opũ? ãrĩyupũ.

—Mũ ãrĩrõsũta ìgũta ããrã, ãrĩ yũjũyupũ Jesús.

<sup>12</sup> Paia oparã, judío masaka mũrã ìgũrẽ weresãrĩ gapũre yũjubiriyupũ. <sup>13</sup> Irasirigu Pilato ìgũrẽ ãrĩyupũ:

—¿Ããrĩpereri ìgũsã mũrẽ weresãrĩrẽ péberi mũ? ãrĩyupũ.

<sup>14</sup> Jesús gapũ neõ yũjubiriyupũ. Ìgũ yũjubirimakũ ìãgũ, Pilato ìãgũkakõãyupũ.

*Jesúre wějědoredea**(Mr 15.6-20; Lc 23.13-25; Jn 18.38-19.16)*

15 Bojoriku pascua bosenu ããrĩmakũ, Pilato sugu peresugue ããrĩgũrẽ masaka wiu-doregure wiunayupu. 16 Iripoere sugu Barrabás wãĩkugu peresugue ããrĩyupu. Masaka ĩgũ ñerõ irideare masĩñurã. 17 Irasirigu ĩgũsã nerẽmakũ ĩãgũ, Pilato ĩgũsãrẽ sěrẽñayupu:

—¿Nií gapure yu wiumakũ gããmerĩ musã? ¿Barrabáre, o Jesús: “Cristo” ĩgũsã ãrĩgũ gapure? ãrĩyupu.

18 Wárã masaka Jesúre buremumakũ ĩãrã, oparã ĩgũrẽ ĩãturisĩã, Pilato purogue ãĩãnerã ããrĩmã. Pilato gapu ĩgũsã ĩãturirire masĩkõãyupu. Irasirigu Jesúre wiudũadiyupu.

19 Puru Pilato masaka weresãrĩrẽ beyerimasũ doarogue doaripoe, ĩgũ marãpo ĩgũrẽ kere iriuyupo: “Ĩgũ diayema irigure gajerosũ neõ iribirikõãka! Dapagã ñami ĩgũrẽ waaburire buru goero kěãkubu”, ãrĩ kere iriuyupo.

20 Paía oparã, judío masaka murã gapu masakare ãsũ ãrĩdoreñurã: “ ‘Barrabáre wiuka, Jesús gapure wějěka!’ ãrĩka!” ãrĩdoreñurã. 21 Puru Pilato masakare dupaturi sěrẽñayupu doja:

—¿Ĩgũsã pěrãrẽ nií gapure yu wiumakũ gããmerĩ musã? ãrĩyupu.

—Barrabás gapure wiuka! ãrĩ yujũñurã.

22 ĩgũsã irasũ ãrĩmakũ pégu, Pilato sěrẽñayupu:

—¿Nasirigukuri yu, ĩ Jesús: “Cristo” ĩgũsã ãrĩgũ gapure? ãrĩyupu.

Ããrĩpererã:

—Curusague pábiatú wějěka ĩgũrẽ! ãrĩ yujũñurã.

23 Irasirigu Pilato ãsũ ãrĩyupu:

—¿Ñeéno ñerĩrẽ iriari ĩ, musã irasũ ãrĩmakũ? ãrĩyupu.

Masaka gapu dupaturi gainínemoñurã:

—Curusague pábiatú wějěka ĩgũrẽ! ãrĩñurã.

24 ĩgũsã ĩgũrẽ péduabirimakũ, ĩgũsã guari merã gainĩmakũ pégu, Pilato dekore ãĩwãgãridoreyupu. Iri merã masaka ĩurõ mojõkoe, ãsũ ãrĩyupu:

—Ĩrẽ waja opabire wějědoreri, yu doreri meta ããrã. Musã doreri ããrã, ãrĩyupu.

25 ĩgũ irasũ ãrĩmakũ pěrã, ããrĩpererã masaka ãsũ ãrĩñurã:

—Gua murẽ ĩrẽ wějědoreri waja, gua, gua pũrã ããrĩpererã merã waja oparãkoa, ãrĩñurã.

26 ĩgũsã irasũ ãrĩmakũ pégu, Pilato Barrabáre peresugue ããrĩgũrẽ wiuyupu. Puru surarare Jesúre tãrãdore, ĩgũrẽ ĩgũsãrẽ wiayupu, ĩgũrẽ curusague pábiatú wějědoregu.

27 Irasirirã surara Jesúre Pilatoya wiima yebague ãĩjañurã. Irogue ããrĩpererã surarare Jesús puro neeõñurã. 28 Puru ĩgũya surĩrore túwea ãĩ, opaya surĩro irirosũ deyoriñe diariñerẽ ĩgũrẽ sãñurã. 29 Pora merã iriadea berore ĩgũya dipurure peoñurã. Irasiri odo, yukure diaye gapu moãsua, ĩgũ puro ñadukupuri merã ejamejã, ĩgũrẽ ãsũ ãrĩ buridañurã:

—Buremurã aarika judío masaka Opure! ãrĩñurã.

30 ĩgũrẽ síku eotú, ĩgũsã moãsuadire tũãwea ãĩ, irigu merãta ĩgũya dipurure pánañurã.

31 ĩgũrẽ burida odo, ĩgũsã sãdea surĩrore túwea, ĩgũya surĩro gapure sãñurã doja. Sã odo, curusague pábiatú wějěmurã ĩgũrẽ ãĩ wiriakõãñurã.

*Jesúre curusague pábiatúdea**(Mr 15.21-32; Lc 23.26-43; Jn 19.17-27)*

32 ĩgũsã ĩgũrẽ ãĩwãgãrã, sugu masakure Simón wãĩkugu Cirenemurẽ bokatĩrĩma. ĩgũrẽ Jesús kõãdea curusare kõãdorema.

33 ĩgũrẽ irasũ ãĩwãgãrã, Gólgota wãĩkurogue ãĩjama. “Gólgota”, ãrĩrõ: “Masaku dipuru boaweadea pero”, ãrĩduaro yáa. 34 Irogue eja, igui deko sũĩrĩ merã morẽdeare Jesúre tĩãdima. Jesús irire iirĩña, puru iirĩbirimi.

<sup>35</sup> Īgūrē curusague pábiatú āiwāgūnú odo, surara Īgū surí sãñadeare: “Ubu ārīboka birarā: ‘¿Noārē dujarokuri?’ ” ārīma, irire Īgūsā basi gāme dukawamurā. Īgūsā irasirirā, Marīpuya kerere weredupuyudi gojaderosūta irima. Āsū ārī gojadi āārīmí: “Yaa suríre Īgūsā basi ārīboka bira dukawarākuma”, ārī gojadi āārīmí. <sup>36</sup> Irasiriadero p̄r̄u, surara curusa p̄ro eja doama, Jesúre korerā. <sup>37</sup> “Ī Āsū iridea waja boami”, ārīrā: “Īta judío masaka Op̄u āārīmí”, ārī gojadea majīrē curusague Jesúya dipuru weka pábiatúma.

<sup>38</sup> Pērā yajarimasādere curusarigue pábiatú āiwāgūnúma. Suḡure Īgū diaye gap̄u, gajiḡure Īgū kúgap̄u pábiatú āiwāgūnúma. <sup>39</sup> Masaka Jesús p̄ro tariwāgānarā, ñerō ārī b̄rida, Īgūsāya dipure yure, ārīma:

<sup>40</sup> —M̄u āsū ārī wereníb̄u: “Marīpuya wiire béo, p̄r̄u uren̄u waaró merāta iri wiire dupaturi iri odoḡukoa”, ārīb̄u. Irasiriḡu m̄u basi tauka! M̄u diayeta Marīp̄u magū āārīgū, curusague merā dijarika! ārīma.

<sup>41</sup> Irasūta paía oparā, Moisés gojadeare buerimasā, fariseo bumarā, judío masaka murāde ārī b̄ridama. Āsū ārī gāme wereníma:

<sup>42</sup> —Gajerā gap̄ure taumi. Īgū basi gap̄u taumasībemi. “Israel bumarā Op̄u āārā”, ārīmi. Irasirirā, curusague merā Īgū dijarimakū ĩārā, marī Īgūrē b̄remurākoa. <sup>43</sup> Īgū: “Marīp̄ure b̄remua, Īgū magū āārā”, ārīmi. Irasiriḡu Īgū ārīderosūta Marīp̄u Īgūrē maīgū, iritamuburo, ārī b̄ridama.

<sup>44</sup> Yajarimasā Jesús p̄ro curusarigue pábiatú āiwāgūnúsuanerāde irasūta Īgūrē ñerō ārī b̄ridama.

### *Jesús boadea*

*(Mr 15.33-41; Lc 23.44-49; Jn 19.28-30)*

<sup>45</sup> Goeripoe āārīmakū, i nikū āārīpererogue naĩtĩākōāb̄u. Ūre hora gora naĩtĩāb̄u. <sup>46</sup> Ūre hora ejamakūta Jesús b̄ro gainími:

—Elí, Elí, ¿lama sabactani? ārīmi. Irasū ārīgū: “Ȳu Op̄u, ȳu Op̄u, ¿nasiriḡu yure béori m̄u?” ārīgū irimi.

<sup>47</sup> Surāyeri irogue āārīrā, Īgū irasū ārī gainímakū pérā:

—Marīpuya kerere weredupuyudire Elíare siiuḡu yámi, ārīma.

<sup>48</sup> Mata suḡu Īgūsā merām̄u ũmawāgā, igui deko piari yosadea ȳs̄ure yuk̄u yuwague siatú, āiwāgā, Jesúre iirīburo, ārīgū, soemuúmi. <sup>49</sup> Īgū irasirimakū ĩārā, gajerā gap̄u āsū ārīma:

—Iropāta irika! Elías Īgūrē tauḡu aarimakū ĩāñarā dapa marī, ārīma.

<sup>50</sup> Jesús dupaturi b̄ro gainínemo, kōmoakōāmi. <sup>51</sup> Īgū kōmomakūta, Marīpuya wii poekama taribu disip̄ro kām̄utari gasiro ũmarō gap̄u merā yegue dijari, deko merā yeguesiajayuro. Nikū b̄ro ñomeb̄u. Ūtāyeri pagayeride waariakōāb̄u. <sup>52</sup> Masāgoberi t̄p̄ākōāyuro. Wárā Marīp̄ure b̄remurā boanerā masāñurā. <sup>53</sup> Jesús masādero p̄r̄u, Īgūsā masāgoberigue āārīnerā wiria, Marīpuya makāgue Jerusalēgue waañurā. Īgūsā irogue ejamakū, masaka wárā Īgūsārē ĩāñurā.

<sup>54</sup> Romano marā surara op̄u Īgūyarā surara merā Jesúre koreanerā, nikū ñomemakū, āārīpereri irasū waaríre ĩārā, b̄ro ḡuka, gūiri merā āsū ārīma:

—Ī ĩ diayeta Marīp̄u magū āārādañumi, ārīma.

<sup>55</sup> Wárā nome yoaweyarogue Jesúre ĩūnima. Īgūsā Galileague Jesúre iritamugorenanerā nome āārímá. <sup>56</sup> Īgūsā nome watopeguere María Magdalena wāik̄ugo, gajego María wāik̄ugo Santiago, José pago, gajego Zebedeo marāpo āārímá.

### *Jesúya dup̄ure masāgobegue pídea*

*(Mr 15.42-47; Lc 23.50-56; Jn 19.38-42)*

<sup>57</sup> P̄r̄u naĩmejāripoe āārīmakū, José wári opaḡu, Arimatea wāik̄uri makām̄u irogue ejami. Īgū Jesús buerire t̄yaḡu āārīmí. <sup>58</sup> Irasiriḡu Pilato p̄roguere waa, Jesúya dup̄ure

yáabu sērēyupũ. Īgũ ārī sērēmakũ pégu, Pilato surarare Jesúya dupũre sīdoreyupũ ĩgũrē.  
<sup>59</sup> Irasirigũ José waa, Jesúya dupũre āidiju, ōārī suríro gasiro gurari marĩrĩ gasiro merā ĩgũya dupũre ōmayupũ. <sup>60</sup> Ōma odo, ĩgũrē yáabodea masāgobegue píyupũ. Iri gobe, maama gobe ūtāyegue mádea gobe āārĩyuro. Irogue Jesúya dupũre pí odo, wári majĩ ūtā majĩ merā iro ñajārōrē ōārō biakōã, waakōãyupũ. <sup>61</sup> Īgũ irasiriripoe María Magdalena, gajego María merā iri gobe bokatĩūrō ĩũdoanĩñurā.

### *Surara Jesúya dupũre pídea gobere koredea*

<sup>62</sup> Gajinũ gapũ judío masaka siuñajārĩnũ\* āārĩmakũ, paía oparā, fariseo bumarā Pilato pũrogue waañurā. <sup>63</sup> Āsũ ārĩñurā Pilatore:

—Gua opũ, sōō āārĩdi okagugue ārĩgatorikugũ ārĩdeare gua gũñáa. Āsũ ārĩmi: “Yũ boa, urenũ pũrũ masāgũkoa”, ārĩmi. <sup>64</sup> Irasirigũ mũyarā surarare urenũgora ĩgũya dupũre píaderogue koredoregũ iriuka, ĩgũ buerā ñami merā ĩgũya dupũre yajabirikōãburo, ārĩgũ! Īgũsā yajadero pũrũ masakare: “Jesús boadigue masākōãmi”, ārĩbokuma. Irasiriro ĩgũ ārĩgatodea nemorō ĩgũsā ārĩgatori gapũ ñetarirokoa, ārĩñurā.

<sup>65</sup> Īgũsā irasũ ārĩmakũ, Pilato yũjũyupũ:

—Jáũ, ĩsā yaarā surara ōōgue āārĩma. Īgũsārē āĩaka, iri masāgobe gajerosũ waari, ārĩrā! Irasirirā mũsā bokatĩūrō ĩgũsārē koredoreka! ārĩyupũ.

<sup>66</sup> Īgũ irasũ ārĩmakũ, ĩgũsā waa, iri gobe biadea ūtā majĩrē ōārō wĩtābiatoñurā, masaka ĩgũsā ñajādeare ĩāmasĩrāra, ārĩrā. Irasũ āārĩmakũ, surarare iri gobere ōārō koredoreñurā.

## 28

### *Jesús masādea*

*(Mr 16.1-8; Lc 24.1-12; Jn 20.1-10)*

<sup>1</sup> Judío masaka siuñajārĩnũ pũrũ, gajinũ boyodujimejārĩpoe gaji semana ñajārĩnũ āārĩmakũ, María Magdalena, gajego María merā Jesúre pídea gobere ĩārā waañurā.

<sup>2</sup> Gũñaña marĩrō nikũ bũro ñomeyuro. Irasũ waaripoe marĩ Opũre wereboegũ ũmũgasigue merā dijari, masāgobere ĩgũsā biadea ūtā majĩrē tũpā, iri majĩ weka doayupũ.

<sup>3</sup> Īgũ bupu miārōsũ ōārō gosewasirigũ āārĩyupũ. Īgũya suríro ōārō borero āārĩyuro.

<sup>4</sup> Surara iri gobere koreanerā ĩgũrē ĩārā, bũro gũiri merā narada, kōmorā irirosũ waañurā. <sup>5</sup> Pũrũ Marĩpũre wereboegũ irogue ĩārā waanerā nomerē ārĩyupũ:

—Gũibirikōãka! Yũ masĩa, mũsā Jesús ĩgũsā curusague pábiatú wějēadire āmarā yáa. <sup>6</sup> Īgũ ōōrē mámi. Īgũ ārĩderosũta masāsiami. Īgũya dupũre ĩgũsā píaderore ĩārā aarika! <sup>7</sup> Pũrũ mumurō merā ĩgũ buerārē: “Īgũ boadi āārĩkeregũ, masāmi. Mũsā dupuyuro Galileague waagũkumi. Irogue ĩgũrē ĩārākoa”, ārĩ wererā waaka! Irire mũsārē weregũ aarigú iriabu, ārĩyupũ Marĩpũre wereboegũ.

<sup>8</sup> Īgũ irasũ ārĩmakũ pérā, masāgobere ĩārā waanerā nome gũikererā, mumurō merā usuyari merā Jesús buerārē wererā ũmadujáañurā. <sup>9</sup> Īgũsā ũmadujáarā nomerē Jesús ĩgũsārē bokatĩrĩ, ōādoreyupũ. Īgũrē ĩārā, ĩgũ pũro ñadũkupuri merā ejamejā, ĩgũya guburire ñeā, ĩgũrē bũremuñurā.

<sup>10</sup> Jesús ĩgũsārē āsũ ārĩyupũ:

—Gũibirikōãka! Yaarā yũ buerārē: “Galileague waaka!” ārĩ wererā waaka! Irogue yũre ĩārākuma, ārĩyupũ.

### *Surara ĩgũsā ĩādeare werede*

<sup>11</sup> Īgũsā nome Jesús buerārē wererā waaripoe surāyeri surara masāgobere koreanerā Jerusalēgue waañurā. Irogue eja, paía oparārē āārĩpereri masāgobegue waadeare werepeokōãñurā. <sup>12</sup> Īgũsā irasũ ārĩ weremakũ pérā, paía oparā, judío masaka mũrā merā

\* **27:62** Judío masaka siuñajārĩnũ, sábado āārā.

nerẽñurã. Irasirirã ãgũsã: “¿Nasirirãkuri?” ãrĩ ãmu odo, surarare wáro niyerure sĩ, <sup>13</sup> ãsũ ãrĩñurã:

—Masakare ãsũ ãrĩka: “Ñami merã gũa kãrĩripoe Jesús buerã masãgobegue eja, ãgũya dupure yajakõãnerã ããrãma”, ãrĩka! <sup>14</sup> Pilato musã irasũ ãrĩ kerere pémakũ, gũa ãgũ merã werenírãkoa, musãrẽ wajamoãbirikõãburo, ãrĩrã, ãrĩñurã.

<sup>15</sup> ãgũsã irasũ ãrĩmakũ pérã, surara niyerure ñeã, waakõãñurã. Purũ paía oparã ãgũsãrẽ weredoreaderosũta gajerãrẽ wereñurã. Irasirirã, ãgũsã irasũ ãrĩrĩ kerere wárã judío masaka pénerã ããrĩmã. Daporaguedere ãgũsã ãrĩgatodeare bũremukõãma dapa.

*Jesús ãgũ buerãrẽ ãgũyare buedoregũ pídea  
(Mr 16.14-18; Lc 24.36-49; Jn 20.19-23)*

<sup>16</sup> Purũ gũa Jesús buerã pe mojõma pere su gubu suru pẽrẽbejarã Galileague waa, buúrugue ãgũ gũare waadoredea buúrugue waabu. <sup>17</sup> Irogue eja, Jesúre ããrã, ãgũrẽ bũremubũ. Surãyeri gũa merã waanerã gapũ: “¿ãgũta ããrĩkuriye ãrĩ?” ãrĩ gũñama. <sup>18</sup> Irasirigũ Jesús gũa purũ aari ejanũgã, ãsũ ãrĩmi:

—Yurũ yure ããrĩpererogue i nikũ, ãmũgasiguedere dorebure sóosiami. <sup>19</sup> Irasirirã ããrĩpereri buri marã masakare yaa kerere buerã waaka, ãgũsãde musã irirosũta yaa buerire tũyaburo, ãrĩrã! Yurũ wãĩ merã, yũ wãĩ merã, Õãgũ deyomarĩgũ wãĩ merã ãgũsãrẽ deko merã wãiyeka! <sup>20</sup> ããrĩpereri yũ musãrẽ doredeare ãgũsãrẽ bueka, irire iriburo, ãrĩrã! Ire masĩka musã! Yũ musã merã ããrĩnikõãgũkoa. I ãmũ pereadero purũguedere musã merã ããrĩnikõãgũkoa, ãrĩ weremi gũare Jesús.

Iropãta ããrã.

## SAN MARCOS

### *Juan masakare wāiyerimasū buedea*

(Mt 3.1-12; Lc 1.80; 3.1-9, 15-17; Jn 1.19-28)

<sup>1</sup> Marīpū magū Jesucristoya kere wereri, āsū nūgādero āārībū:

<sup>2</sup> Iripoegue Isaías Marīpūya kerere weredupuyudi, Marīpū īgū magūrē ārīdeare gojadi āārīmī. Marīpū īgū magūrē āsū ārīdi āārīmī:

Mū waaburo dupuyuro yaa kerere weredupuyubure iriugūkoa, mū waaburore āmuyudoregū.✧

<sup>3</sup> Īgū masaka marīrōgue būro gainírī merā āsū ārī weregūkumi:

“Marī Opū aariburi dupuyuro īgū aariburi maarē diayema maa ōārī maa āmurā irirosū diayemarē irika!” ārī gainīgūkumi, ārī gojadi āārīmī.✧

<sup>4</sup> Irasirigū Juan masaka marīrōgue masakare wāiyepūroriwāgārigū, āsū ārī werenayupū īgūsārē:

—Mūsā ñerō irideare būjawereka! Mūsā gūñarīrē gorawayuka! Deko merā wāiyesūanerā dujaka! Irasirirā mūsā ñerō irideare kātisūrākoa. <sup>5</sup> Āārīpererā Judea nikū marā, Jerusalén marāde īgū wererire pérā ejañurā. Īgūsā ñerō irideare Marīpūre weretaripeomakū īāgū, Juan īgūsārē dia Jordán wāikūdiyague wāiyeyupū.

<sup>6</sup> Juāya surī camellua poari merā suadea āārīyuro. Īgūya yūjūwēñarīda waibū gasiro merā irideada āārīyuro. Poreroa, mume makānūū marāyare baarikūyupū. <sup>7</sup> Masakare āsū ārī werenayupū:

—Gajigū yū pūgū aaribu, yū nemorō turagū āārīmī. Yū gapū ubu āārīgū, īgūrē neō sūropebirikoa. <sup>8</sup> Yū mūsārē deko merā wāiyea. Īgū gapū Ōāgū deyomarīgū merā wāiyegūkumi. Irasirigū Ōāgū deyomarīgū mūsā merā āārīnīkōāgūkumi mūsārē iritamubu, ārīyupū.

### *Juan Jesúre deko merā wāiyedea*

(Mt 3.13-17; Lc 3.21-22)

<sup>9</sup> Iripoere Jesús Galilea nikūma makā, Nazaret wāikūri makāgue āārādi, Juan pūroque ejayupū. Īgū ejamakū, Juan īgūrē dia Jordán wāikūdiyague wāiyeyupū. <sup>10</sup> Īgū wāiye odomakū, Jesús diague āārādi majānūgāgūta ūmūgasi tūpāmakū īāyupū. Ōāgū deyomarīgū buja irirosū deyogū īgū weka dijariyupū. <sup>11</sup> Irasū waaripoe Marīpū ūmūgasigue merā Jesúre āsū ārī werenīyupū:

—Mū yū magū, yū maīgū āārā. Mū merā būro ūsūyāa, ārīyupū.

### *Wātī Jesúre ārīmesādidea*

(Mt 4.1-11; Lc 4.1-13)

<sup>12</sup> Jesúre Juan wāiyeri pūrugāta Ōāgū deyomarīgū masaka marīrōgue āīayupū.

<sup>13</sup> Irasirigū Jesús iroque waa, cuarenta nūrīgōra makānūū marā waimūrā guarā watopegue āārīyupū. Īgū iroque āārīmakū, wātēa opū Satanás wāikūgu īgūrē ārīmesādīyupū. Marīpūre wereboerā īgūrē iritamurā ejañurā.

### *Jesús Galilea nikūgue masakare buenūgādea*

(Mt 4.12-17; Lc 4.14-15)

<sup>14</sup> Herodes Juārē peresugue sóodobodero pūgū, Jesús Galilea nikūgue masakare Marīpūya kerere weregorenagū wāgāyupū. <sup>15</sup> Āsū ārī werenayupū:

—Marĩpu iripoegue: “Āsũ waarokoa”, ārĩdea ejasiáa. Daporare mérõgã duyáa, ĩgũyarārẽ doreri ejaburo. Irasirirã musã ñerõ iririre bajawereka! Musã gũñarĩrẽ gorawayuka! ĩgũ masakare tauri kere gapure buremuka! ārĩyupu Jesús.

*Jesús wapikurã waaĩ wějērĩmasārẽ siiudea*

(Mt 4.18-22; Lc 5.1-11)

<sup>16</sup> Pũru Jesús Galilea wāĩkuri ditaru taro waagú, Simõrẽ, ĩgũ pagumu Andrére bokajayupu. ĩgũsã waaĩ wějērĩmasã āārĩsĩã, ditarugue ĩgũsãya buidire meéyorã iriñurã. <sup>17</sup> Jesús ĩgũsārẽ āsũ ārĩyupu:

—Náka, yu merã! Daporare musārẽ waaĩ wějērĩmasã āārĩrĩrẽ piri, masakare Marĩpuya kerere wererimasã āārĩmakũ irigũkoa.

<sup>18</sup> ĩgũ irasũ ārĩmakũ pérã, mata ĩgũsãya buiriyukure irota píkõã, ĩgũ merã waakõãñurã.

<sup>19</sup> Pũru Jesús yoaweyaro waa, Zebedeo pũrã Santiagore, ĩgũ pagumu Juārẽ doódirugue ĩgũsãya buiriyukure āmu sãñanĩmakũ ĩāyupu. <sup>20</sup> Jesús ĩgũsārẽ siiuyupu. ĩgũ siumakũ pérã: “Jáa”, ārĩ, ĩgũsãya doódirugue ĩgũsã pagu Zebedeore, ĩgũrẽ iritamurã merã pí, Jesús merã waakõãñurã.

*Wātĩ ñajãsũdi Jesúre bokatĩrĩdea*

(Lc 4.31-37)

<sup>21</sup> ĩgũ merã waa, Capernaum wāĩkuri makāgue ejañurã. Iroque judío masaka siuñajārĩnu\* āārĩmakũ, Jesús ĩgũsã nerērĩ wiiguet† ñajãa, masakare buenugāyupu. <sup>22</sup> Moisés gojadeare buerimasã irirosũ buebiriyupu. Ōārõ doreri opagu irirosũta bueyupu. ĩgũ irasũ buemakũ pérã, pégukakõãñurã. <sup>23</sup> Iri wiiguere ĩgũsã merã sugu wātĩ ñajãsũdi āārĩyupu. Āsũ ārĩ gainíyupu:

<sup>24</sup>—Jesús Nazaretmu, ¿nasiribu guu puro aarĩri? ¿Guare peamegue béogu aarigú yári? Yu murẽ ĩamasĩkõãa. Mu, Mupu iriudi, õatarigu āārã, ārĩyupu.

<sup>25</sup> Jesús wātĩrẽ:

—Werenĩbita! Wirika ĩgũrẽ! ārĩyupu.

<sup>26</sup> ĩgũ irasũ ārĩmakũ pégu, wātĩ masakure meémejã, naradamakũ iri, buro gainí, wiriakõāyupu. <sup>27</sup> Jesús wātĩrẽ béowiumakũ ĩārã, āārĩpererã masaka ĩāguka, ĩgũsã basi āsũ ārĩ gāme sērẽñañurã:

—¿Ñeéno āārĩrĩ, ñeéno maama bueri āārĩrĩ i? ĩĩ wātẽārẽ ĩgũ turaro merã wiridoremakũ, neõ ĩgũrẽ tarinugābema, ārĩñurã.

<sup>28</sup> Mérõgã puruta āārĩperero Galilea nikũ marã Jesús iriadea kerere péseyakõãñurã.

*Jesús, Simón Pedro máñekõrẽ taudea*

(Mt 8.14-15; Lc 4.38-39)

<sup>29</sup> Jesús nerērĩ wiiguet āārãdi Santiago, Juan merã wiria, Simón, Andréya wiiguet waayupu. <sup>30</sup> Simón máñekõ buro nimakurĩkugo peyarogue oyayupo. Irasirirã Jesúre: “Sĩrĩgõ yámo”, ārĩ wereñurã. <sup>31</sup> Irasũ ārĩmakũ pégu, Jesús igo puro ejanugã, igoya mojõrẽ ñeã tũāwāgũnũmakũta nimakuri tariakõāyuro. Iri tarimakũ, ĩgũsārẽ baari ejoyupo.

*Jesús wárã pũrĩrikurãrẽ taudea*

(Mt 8.16-17; Lc 4.40-41)

<sup>32</sup> Abe ñajãdero pũru naĩmejāripoe iri makã marã āārĩpererã pũrĩrikurãrẽ, wātẽa ñajãsũnerãdere Jesús purogue āĩjañurã. <sup>33</sup> Irasirirã āārĩpererã iri makã marã ĩgũ āārĩrĩ wii disipurogue nerẽñurã. <sup>34</sup> Jesús wárã pũrĩrikurãrẽ tauyupu. Wárã wātẽa masakare ñajãnerãdere béowiyupu. Wātẽa, Jesús Marĩpu magũ āārĩrĩrẽ masĩñurã. Irasirigu Jesús: “Werenĩmerãta!” ārĩyupu.

\* **1:21** Judío masaka siuñajārĩnu, sábado āārã. † **1:21** Judío masaka nerērĩ wii, sinagoga wāĩkuri wii āārã. Iroque ĩgũsã siuñajārĩnu āārĩmakũ nerẽ, Marĩpuya werenĩrĩ gojadea pũguet gojadeare buenama.

*Jesús Galilea nikũgue masakare buedea**(Lc 4.42-44)*

<sup>35</sup> Jesús gajinũ gapũ naĩtĩaweyaripogãta yobe, iri makã turo masaka marĩrõgue Marĩpure sērēgũ waayupũ. <sup>36</sup> Simón, ĩgũ merãmarã merã Jesús marĩmakũ ĩãgũ, ĩgũrē ãmagũ waayupũ. <sup>37</sup> ĩgũrē bokagũ:

—Āārĩpererã masaka mũrē ãmarã iriama, ārĩyupũ.

<sup>38</sup> ĩgũ irasũ ārĩmakũ, Jesús ãsũ ārĩyupũ:

—Nãka, gaji makãrĩ õõ pũro weya ãārĩrĩ makãrĩ marãdere buegũ waadũakoa. Ire iributa i ãmũguere aaribũ.

<sup>39</sup> Irasirigũ ãārĩperero Galilea nikũgue judío masaka nerērĩ wiirigũ buegorenagũ, wãtẽa masakare ñajãnerãrē béowiunayupũ.

*Jesús kãmi boagũre taudea**(Mt 8.1-4; Lc 5.12-16)*

<sup>40</sup> Jesús irasiriripoe sugũ kãmi boagũ ĩgũ pũro eja, ñadakũpuri merã ejamejãja, ĩgũrē sērēyupũ:

—Mũ, yũ pũrĩrikũrere taudũagũ taumasĩa, ārĩyupũ.

<sup>41</sup> ĩgũ irasũ ārĩmakũ pégũ, Jesús bũro bopoñarĩ merã ĩgũrē ĩã, ĩgũya mojõ merã moãña, ãsũ ārĩyupũ:

—Mũrē taugũra. Kãmi marĩgũ dujaka!

<sup>42</sup> ĩgũ irasũ ārĩrĩ merãta kãmi yaripereakõãyuro. Irasirigũ kãmi marĩgũ dujayupũ.

<sup>43-44</sup> Jesús ĩgũrē turaro merã ãsũ ārĩyupũ:

—Gajerã masakare mũ tariadeare werebirikõãka! Paĩ pũroque mũya kãmi yariadeare ĩgũrē ĩmũgũ waaka, ĩgũ mũrē: “Õãa, kãmi marĩgũ ããrã”, ārĩburo, ārĩgũ! ĩgũ irasũ ãrãdero pũrũ, Moisés gojadea pũgue sĩdoredeare sĩka! Mũ irire irimakũ ĩãrã, masakade mũya kãmi yariadeare masĩrãkuma.

<sup>45</sup> Jesús ĩgũrē: “Gajerãrē yũ mũrē tauadeare werebirikõãka!” ārĩkererũrũ, kãmi boadi gapũ irire masaka ãārĩperero marãrē wererũroriyupũ. Irasirigũ Jesús masaka ĩũrõ makãrĩguere ñajãmasĩbiriũrũ. Makã tũroque dita waanayupũ. Iroque ĩgũ ãārĩkererũrũ, masaka ãārĩperero marã ĩgũ pũroque ĩãrã ejanañũrã.

**2***Jesús dupũ buadire taudea**(Mt 9.1-8; Lc 5.17-26)*

<sup>1</sup> Mērõgã pũrũ Jesús dupaturi Capernaugue goedujáayupũ. ĩgũ goejadero pũrũ, iro marã masaka ĩgũ wiigũ ãārĩrĩrē masĩñũrã. <sup>2</sup> Irasirirã mata wãrã masaka iri wiire nerē, disipũrogueta mũrĩwirĩnũgãjakõãñũrã. Jesús ĩgũsãrē Marĩpũya kerere weregũ iriyupũ.

<sup>3</sup> ĩgũ wereripoe wapikũrã ãma dupũ buadire Jesús pũroque ãĩjañũrã. <sup>4</sup> Masaka wãrã ãārĩmakũ, ĩgũrē ãĩñajãmasĩbiriũrã. Irasirirã iri wii wekague mũrĩa, Jesús weka su gobe ãĩwea, ĩgũ oyaro merãta ĩgũrē dijuñũrã. <sup>5</sup> Jesús, ĩgũsã ĩgũrē bũremumakũ ĩãgũ, buadire ãsũ ārĩyupũ:

—Yũ, mũ ñerõ irideare kãtia.

<sup>6</sup> ĩgũ irasũ ārĩmakũ pérã, surãyeri Moisés gojadeare buerimasã iri wiigũ doarã Jesũre ãsũ ārĩ gũñañũrã: <sup>7</sup> “¿Nasirigũ ñĩ ĩgũ werenĩrĩ merã Marĩpure ñerõ ārĩrĩ? Masaka ñerõ irideare neõ sugũ masakũ kãtimasĩbirikumi. Marĩpũ sugũta masĩkumi”, ārĩ gũñañũrã.

<sup>8</sup> Jesús ĩgũsã gũñaĩrē ĩãmasĩ, ãsũ ārĩyupũ:

—¿Nasirirã irasũ gũñaĩrē mũsã? <sup>9</sup> ¿Naásũ ārĩrĩ gapũ diasaberi ñĩ buadire: “Yũ, mũ ñerõ irideare kãtia”, ārĩrĩ, o “Wãgãnũgã, mũ oyarore ãĩkõã waaka!” ārĩrĩ gapũ diasaberi?

<sup>10</sup> Yũ ãārĩpererã tĩgũ i ãmũgue ãārĩrãrē ĩgũsã ñerõ irideare Marĩpũ dorero merã kãtimasĩa.



Irasirigu ñi buadire taugura, musārē irire masĩdoregu, ārĩyupũ. Irasũ ārĩ odo, buadire ārĩyupũ:

11 —Yũ murē āsũ ārā: Wāgānugā, mũ oyaderore āikōā, mũya wiigue waaka!

12 Īgũ irasũ ārĩrĩ merāta āārĩpererā masaka ĩũrō wāgānugā, ĩgũ oyaderore āĩ, waakōāyupũ. Irasiririre ĩārā, ĩāgũka, Marĩpũre: “Ōātaria mũ, neō āsũ iririnorē ĩāñamerā āārĩbú”, ārĩ, usuyari sĩñurā.

### *Jesús Levire siiudea*

(Mt 9.9-13; Lc 5.27-32)

13 Pũrũ Jesús dupaturi ditaru tũrogue waayupũ. Irogue wárā masaka ĩgũ pũro nerēmakũ ĩāgũ, ĩgũsārē bueyupũ. 14 Pũrũ iro āārādi waa, Alfeo magũrē Levĩ\* wāikũgũre ĩgũ moārĩ taribugue doagũre ĩāyupũ. ĩgũ romano marā opũre niyeru wajaseabosagu āārĩyupũ. Jesús ĩgũrē ĩā:

—Náka, yũ merā! ārĩyupũ.

Īgũ irasũ ārĩmakũ pégu, Levĩ wāgānugā, ĩgũ merā waakōāyupũ.

15 Jesús Levĩya wiigue waamakũ ĩārā, wárā niyeru wajaseabosarimasā, gajerā ñerō irirāde ĩgũrē tũyañurā. Levĩya wiigue eja, Jesús ĩgũsā merā ĩgũ buerā merā baa doanĩyupũ.

16 Jesús ĩgũsā merā baa doanĩmakũ ĩārā, fariseo bumarā, Moisés gojadeare buerimasāde Jesús buerārē āsũ ārĩñurā:

—¿Nasirigu musārē buegu niyeru wajaseabosarimasā, ñerō irirā merā iirĩ, baari?

17 ĩgũsā irasũ ārĩmakũ pégu, Jesús ārĩyupũ:

—Pũrĩrĩ marĩrā kũririmasũrē āmabema. Pũrĩrikũrā gapũ ĩgũrē āmama. Yũ: “Ōārā āārā”, ārĩ gũñarārē siiugu aaribiribũ. “Ñerō irirā āārā”, ārĩ gũñarā gapũre siiugu aaribú, ārĩyupũ.

### *Jesúre bererimarē sērēñadea*

(Mt 9.14-17; Lc 5.33-39)

18 Juan buerā, fariseo bumarāde bererā iriñurā. Irasirirā gajerā masaka Jesús pũro eja, ĩgũrē sērēñañurā:

—Juan buerā, fariseo bumarā buerire tũyarāde Marĩpũre bũremurā berenama. ¿Nasirirā mũ buerā gapũ ĩgũsā irirosũ iriberi?

19 Jesús ĩgũsārē yũjũyupũ:

—Sugu mojõsiadi bosenu irimakũ, ĩgũ siiuanerā ĩgũ merā āārĩrā, berebirikuma. 20 Pũrũ ĩgũrē gajerā āĩāmakũ, bũro bũjawererĩ merā bererākuma.

21 Masaka maama surĩro gasiro merā bũgũñerē seretũbirikuma. Irasũ seretũmakũ, maama gasiro ĩgũsā koeadero pũrũ, tũāneeō, bũgũñerē wári gobe yeguenemomakũ irikoa. 22 Waimũrā gasiri merā iridea ajuri bũgũ ajurigue maama igui dekore diribirikuma. Irasũ dirimakũ, maama igui deko pāmu, bũgũ ajuro sērāturabiri, oore-akōākoa. Irasiriro igui deko, ajurode kōmoko. Irasirirā maama igui dekore maama ajurogue diriro gāāmea, ārĩyupũ†.

*Siuñajārĩnũ āārĩmakũ, Jesús buerā trigo yerire tũrĩdea*

(Mt 12.1-8; Lc 6.1-5)

23 Sunũ, judío masaka siuñajārĩnũ āārĩmakũ, Jesús trigo otedero watope waamakũ, ĩgũ buerā trigo yerire tũrĩ, koro, baawāgāñurā‡. 24 Fariseo bumarā, Jesús buerā irasirimakũ ĩārā, Jesúre ārĩñurā:

—Īāka! ¿Nasirirā siuñajārĩnũrē moādobirikerepũrũ, mũ buerā irasũ yári?

25 Jesús ĩgũsārē yũjũyupũ:

\* 2:14 Levĩ pe wāĩ opayupũ. ĩgũta Mateo wāikũyupũ. † 2:22 Fariseo bumarā, Moisés gojadeare buerimasā iripoegue marā iriunadeama bueri, maama bueri merā buemorēduamakũ ĩāgũ, irasũ ārĩyupũ Jesús. ‡ 2:23 Deuteronomio 23.25: Moisés gojadesa pũgue āsũ ārĩ gojasũdero āārĩbú: “Sugu masakũ gajigũya poegue waagá, ĩgũya mojõrĩ merāta trigo yerire tũrĩ, koro, baaburo. Wiirimajĩ merā diti āĩbirikōāburo”, ārĩ gojasũdero āārĩbú.

—¿Iripoegue opu David igũ merãmarã merã uaboagu, igũ irideare buebiriri? <sup>26</sup> Igũ merãmarã merã Marĩpuya wiigüe ñajãa, Marĩpu iũrõ peyari pã duparure baadi ããrĩmĩ. Abiatar paia opu ããrĩripoe irasiridi ããrĩmĩ. Marĩpu paia ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapu paĩ ããrĩbirikeregu, irire baagu, Marĩpu iũrõ igũ dorerire tarinugãgũ meta iridi ããrĩmĩ, ãrĩyupu.

<sup>27</sup> Irasũ ãrĩ odo, ãsũ ãrĩyupu doja:

—Iripoegue Marĩpu masakaya ããrĩburire siuñajãrĩnrẽ igũsãrẽ pídi ããrĩmĩ. Masaka gapu inunorẽ igũsã iriburire doremasĩbema. <sup>28</sup> Yu ããrĩpererã tĩgũ ããrĩsĩã, siuñajãrĩnrẽ masakare gajino igũsã iriburire doremasĩã, ãrĩyupu Jesús.

### 3

#### *Jesús mojõ diíweredire taudea* (Mt 12.9-14; Lc 6.6-11)

<sup>1</sup> Gajinu Jesús judío masaka nerẽrĩ wiigüe ñajãyupu doja. Iri wiigüe sugu masaku diayema mojõ gapu diíweredi ããrĩyupu. <sup>2</sup> Fariseo bumarã, Moisés gojadeare buerimasã Jesúre iãduripítuya: “Siuñajãrĩnrẽ ããrã, irasirirã ñi mojõ diíweredire igũ taumakũ igũrẽ weresãrã!” ãrĩ gũñañurã. <sup>3</sup> Jesús mojõ diíweredire:

—Wãgãnugã, masaka iũrõgue ejanugãgũ aarika! ãrĩyupu. <sup>4</sup> Irasũ ãrĩ odo, gajerã iri wii ããrĩrãrẽ ãsũ ãrĩ sãrẽñayupu:

—¿Siuñajãrĩnrẽ Marĩpu marĩrẽ ñeonorẽ iridoreyuri, õãrĩrẽ, o ñerĩrẽ, masakare taurire, o wẽjãrĩrẽ?

Igũsã gapu igũrẽ yujubiriñurã. <sup>5</sup> Irasirigu Jesús igũsãrẽ guari merã iãyupu. Igũsã pémasĩduabirimakũ iãgũ, bujawereyupu. Irasirigu mojõ diíweredire:

—Muya mojõrẽ soeoka! ãrĩyupu.

Igũ irasũ ãrĩmakũ pégu, soeoyupu. Igũ soeomakũ, igũya mojõ õãkõãyuro. <sup>6</sup> Irire iãrã, fariseo bumarã iri wiigüe ããrãnerã wiria, Herodes merãmarã merã nerẽ: “¿Nasirisĩã, marĩ igũrẽ wẽjãrãkuri?” ãrĩ gãme werenĩñurã.

#### *Jesús ditaru turogue wãrã masakare buedea*

<sup>7</sup> Jesús gapu igũ buerã merã ditaru turogue waakõãyupu. Gajerã masaka Galilea nikũ marã wãrã igũrẽ tayañurã. <sup>8</sup> Judea nikũ marã, Jerusalén marã, Idumea nikũ marã, dia Jordán wãikudiya gajikoepu marã, gajerã Tiro, Sidón wãikuri makãrĩ turo marãde Jesús iriri kerere pérã, igũrẽ iãrã ejañurã. <sup>9-10</sup> Jesús wãrã pũrĩrikurãrẽ taugu iriyupu. Igũ irasũ taumakũ iãrã, ããrĩpererã pũrĩrikurã igũ parogue ejanugãñurã igũrẽ moñamurã. Irasirigu, igũsã wãrãgora ããrĩmakũ iãgũ, Jesús igũ buerãrẽ suru doódirure ãmudoreyupu, masaka igũrẽ kũñarõgãgora ejanugãbirikõãburo, ãrĩgũ. <sup>11</sup> Wãtãa igũrẽ iã, igũ iũrõ ñadukupuri merã ejamejã:

—Mu ãmugasigue marã Opu magũ ããrã, ãrĩ gainĩñurã.

<sup>12</sup> Igũsã irasũ ãrĩmakũ, Jesús wãtããrẽ turaro merã:

—Yaamarẽ werenĩmerãta! ãrĩyupu.

#### *Jesús pe mojõma pere su gubu peru pẽrẽbejarã igũ buedoregu pímurãrẽ beyedea* (Mt 10.1-4; Lc 6.12-16)

<sup>13</sup> Gajinu Jesús buúru wekague marĩa, igũ gããmerãrẽ siiuyupu. Igũ siiumakũ pé, igũ puero nerẽñurã. <sup>14</sup> Irasirigu Jesús pe mojõma pere su gubu peru pẽrẽbejarã igũ merã ããrĩmurãrẽ, Marĩpuya kerere igũ buedoremurãrẽ beyeyupu. <sup>15</sup> Igũsãrẽ igũ turarire sũyupu, pũrĩrikurãrẽ tau, wãtãa masakare ñajãnerãdere béowiuburo, ãrĩgũ.

<sup>16</sup> ãsũ wãikurã ããrĩñurã: Simón wãikugu ããrĩyupu. Igũrẽta “Pedro” wãiyeyupu Jesús.

<sup>17</sup> Gajigu Santiago, igũ pagumu Juan igũsã Zebedeo wãikugu pũrã ããrĩñurã. Jesús igũsãrẽ “Boanerges” wãiyeyupu. “Boanerges”, ãrĩrõ: “Bupua masã”, ãrĩduaro yãa. <sup>18</sup> Gajerã:

Andrés, Felipe, Bartolomé\*, Mateo, Tomás, Santiago ããrĩñurã. Santiago, Alfeo magũ ããrĩyupũ. Gajerã: Tadeo, Simón ããrĩñurã. Simón, celote wãikũri bumũ ããrĩyupũ. <sup>19</sup> Gajigũ Judas Iscariote wãikũgũ ããrĩyupũ. Īgũta Jesũre wẽjẽduarãguere Īgũrẽ ĩmubu ããrĩyupũ.

*Jesũre: “Wãtĩ turari opami”, ããrĩ werewũadea*  
(Mt 12.22-32; Lc 11.14-23; 12.10)

Pũrũ Jesũs ĩgũ buerã merã su wiigũe ñajãyupũ. <sup>20</sup> Dupaturi wãrã masaka ĩgũ pũro nerẽñurã doja. Irasirigũ Jesũs, ĩgũ buerã merã baamasĩbiriyupũ. <sup>21</sup> Jesũya wererã irasũ waarĩre pãrã: “Niãrõtãrĩakõãkumi”, ããrĩñurã. Irasirirã gajerogue ĩgũrẽ ãĩadũarã ejadiñurã.

<sup>22</sup> Gajerã Moissẽ gojadeare buerimasã Jerusalẽgue merã aaranerã ãsũ ãrĩñurã:

—Ĩĩ, wãtẽa opũ Beelzebũ ñajãsũdi ããrĩmi. Irasirigũ Beelzebũ turari merã wãtẽãrẽ bẽowiumi, ãrĩñurã.

<sup>23</sup> Īgũsã irasũ ãrĩmakũ pẽgũ, Jesũs masakare siiu, su keori merã ãsũ ãrĩ wereyupũ:

—¿Nasirigũ Satanãs ĩgũ basita bẽowibokuri? <sup>24</sup> Su nikũ marã ĩgũsã basi dukawari gãmekẽãrã, pereakõãkuma. <sup>25</sup> Su wii marã ĩgũsã basi dukawari gãmekẽãrã, pereakõãkuma.

<sup>26</sup> Satanãs ĩgũyarã merã dukawari gãmekẽãgũ, ĩgũ basita yuwarikũdijakõãkumi.

<sup>27</sup> Neõ sugũ masakũ, turagũya wiire ĩgũrẽ siapũroribirikeregũ, ĩgũ oparire ãmagũ ñajãmasĩbirikumĩ. Īgũrẽ siadero pũrugũe merẽ ĩgũyare ãmamasĩkumi, ãrĩyupũ. Jesũs wãtĩ nemorõ turagũ ããrã, ãrĩgũ, irasũ ãrĩyupũ.

<sup>28</sup> Pũrũ ãsũ ãrĩnemoyupũ:

—Mũsãrẽ diayeta werea. Marĩpũ ããrĩpereri masaka ñerõ iririre, ĩgũsã ñerõ ãrĩ werenĩrdere kãtimasĩmi. <sup>29</sup> Ōãgũ deyomarĩgũrẽ ĩgũsã ñerõ ãrĩ werenĩmakũ tamerãrẽ neõ kãtibirikumi. Irasũ waja opanĩkõãrãkuma, ãrĩyupũ.

<sup>30</sup> Īgũsã ĩgũrẽ: “Wãtĩ ñajãsũdi ããrĩmi ĩĩ”, ãrĩ werewũari waja irasũ ãrĩyupũ Jesũs.

*Jesũs pago ĩgũ pagupũrã merã ĩgũrẽ ĩãgõ ejadea*  
(Mt 12.46-50; Lc 8.19-21)

<sup>31</sup> Īgũ iro ããrĩripoe Jesũs pago, ĩgũ pagupũrã merã ejayupo. Īgũ ããrĩrĩ wii disipũrogueta ejanũgãja, iro ããrĩrãrẽ Jesũre siiudoreñurã. <sup>32</sup> Irasirirã Jesũs pũro doarã ĩgũrẽ ãrĩñurã:

—Mũpo, mũ pagupũrã disipũroguẽ mũrẽ ãmarã ejañurã.

<sup>33</sup> Jesũs gapũ ãsũ ãrĩyupũ:

—¿Noã ããrĩrĩ yũpo, yũ pagupũrã?

<sup>34</sup> Iririre ãrĩ odo, ĩgũ pũro doarãrẽ ĩã, ãsũ ãrĩyupũ:

—Ĩĩsã, yũpo, yũ pagupũrã irirosũ ããrĩma. <sup>35</sup> Marĩpũ gããmerĩrẽ irirãno, yũ pagũmũ, yũ pagũmo, yũpo irirosũ ããrĩma, ãrĩyupũ.

## 4

*Jesũs oterimasũ keori merã buedea*  
(Mt 13.1-9; Lc 8.4-8)

<sup>1</sup> Gajinũ Jesũs ditaru tũrogũe buenũgãyupũ doja. Masaka wãrã ĩgũ pũro nerẽñurã. Īgũsã wãrã nerẽmakũ ĩã, Jesũs doódirugũe mũrĩñajãa, eja doayupũ. Masaka ĩmparogue dujanũgãñurã ĩgũ buerire pẽmurã. <sup>2</sup> Irasirigũ wãri keori merã ĩgũsãrẽ ãsũ ãrĩ bueyupũ:

<sup>3</sup> —Ōãrõ pẽka! Sugũ oterimasũ ĩgũ oterire otegũ waakumi. <sup>4</sup> Īgũ irire meẽwasiriwãgãmakũ, gajĩ yeri maague yurikoa. Iro yuriadea yerire mirã eja, baapeokõãkuma. <sup>5</sup> Gajĩ yeri ãtãyerikũrogũe yurikoa. Iro nikũ sĩmerẽrõgã ããrĩmakũ, iri yeri mata puriadikoa. <sup>6</sup> Puriñajãdi, pũrũ abe asimakũ nugũrĩ marĩsĩã, ñãĩ, boakõãkoa. <sup>7</sup> Gajĩ yeri pora watopegũe yurikoa. Pora gapũ puritarimũrĩã, iro yuridea yerire wẽjẽkõãkoa. Irasiriro dukã marĩrĩta boakõãkoa. <sup>8</sup> Gajĩ yeri õãrĩ nikũgũe yurikoa. Iri yeri puri, masã,

\* **3:18** “Bartolomé”, ãrĩrõ: “Tolomé magũ”, ãrĩduaro yãa. Īgũta Natanael wãikũgũ ããrĩdi ããrĩmĩ. San Juan 1.43-51: Jesũs Natanaere siiudea kere ããrã.

õãrõ dukakukoa. Suñu treinta yeri, gajiñu sesenta yeri, gajiñu cien yeri dukakukoa, ãrĩyupu.

<sup>9</sup> Irire were odo:

—Gãmipũrĩ oparã, yu wererire pèduripĩka! ãrĩyupu Jesús.

*Jesús buerã ìgũrẽ: “¿Nasirigu keori merã bueri?” ãrĩ sërẽñadea  
(Mt 13.10-17; Lc 8.9-10)*

<sup>10</sup> Masaka waadero pũru, Jesús sugũta ããrĩmakũ ããrã, ìgũ buerã pe mojõma pere su gubu peru pèrẽbejarã, gajerã ìgũ merã ããrĩrãde iri keori merã bueadeare:

—¿Naásũ ãrĩduaro iriari, guare mu bueadea? ãrĩñurã. <sup>11</sup> Irasũ ãrĩmakũ pègu, Jesús ìgũsãrẽ ãrĩyupu:

—Marĩpu ìgũyarãrẽ doregu ããrĩrĩrẽ iripoegue masĩbirideare musãrẽ masĩmakũ yãmi. Yu gajerãrẽ ìgũrẽ buremumerã gapure keori merã dita buea. <sup>12</sup> Irasirirã Marĩpu iririre ããkererã, ããmasĩbema. ìgũyare pèkererã, õãrõ pèmasĩbema. Marĩpu, ìgũsã ñerõ iriri gapure pirimakũ ããgũ, kãtibokumi, ãrĩyupu.

*Jesús oterimasũ keori merã ìgũ bueadeare: “Ãsũ ãrĩduaro yãa”, ãrĩ weredea  
(Mt 13.18-23; Lc 8.11-15)*

<sup>13</sup> Jesús gaji ìgũsãrẽ ãrĩnemoyupu doja:

—¿Musã, iri keori merã yu bueadeare pèmasĩberi? Irire pèmasĩmerã, ¿nasiri gaji gapure pèmasĩbokuri? <sup>14</sup> Marĩpuya kerere weregu, oteri yerire otegu irirosũ ããrĩmi. <sup>15</sup> Surãyeri masaka buriri maa irirosũ ããrĩma. Marĩpuya kerere pèadero pũru, oteri yeri iri maague yuridea yerire mirã baapeoderosũ, wãtẽa opu Satanás aari, ìgũsã pèadideare emapeokõami. <sup>16-17</sup> Gajerã masaka ããtayerikuri yeba irirosũ ããrĩma. ìgũsã Marĩpuya kerere usuyari merã pema. Irire pèkererã, oteri yeri ããtayerikurogue yuriadero pũru, puri nugũrĩ puriñajãbiriderosũ waama. Irasirirã mérõgã pũru ìgũsã Marĩpuyare pèduari waja gajerã ìgũsãrẽ ñerõ irimakũ ããrã, o ñerõ tarirã, ìgũsã pèadeare pirikõama. <sup>18</sup> Gajerã masaka porakuri yeba irirosũ ããrĩma. Marĩpuya kerere pema. Irire pèkererã, oteri yeri porakurogue yuriadero pũru, pora gapu puritarimurĩa wèjèderosũ, <sup>19</sup> i umama gapure buru gũñarikuma. “Wãri oparã õãrõ ããrĩrãkoa”, ãrĩ gũñarĩ, gajinorẽ buru gããmenemorĩ Marĩpuya kerere pèadideare kãtimakũ yãa. Otediñu duka marĩdiñu irirosũ dujama. Irasirirã Marĩpuyare iribema. <sup>20</sup> Gajerã masaka õãrĩ nikũ irirosũ ããrĩma. Marĩpuya kerere õãrõ pèduripĩma. “Õãgorãa”, ãrĩ, Marĩpuyare õãrõ yãma. Irasirirã otediñu wãri dukakurosũ ããrĩma. Surãyeri treinta yeri, gajerã sesenta yeri, gajerã cien yeri dukakurosũ ããrĩma, ãrĩyupu Jesús.

*Jesús sããgodiru keori merã bueadea  
(Mt 5.15-16; Lc 8.16-18)*

<sup>21</sup> Gaji Jesús ãrĩnemoyupu doja:

—Masaka sããgodirure ãã, dupa kũma dokague, o kãrĩrõ dokaguedere pĩbirikuma. Ubu gapu umarõgue siukuma, õãrõ sããgoburo, ãrĩrã. <sup>22</sup> Masaka ããberogue duripideare sããgorogue ããmasĩrõ irirosũ ããrĩpereri masaka masĩbirideare masĩsũrokoa. Irasiriro yayedea irirosũ neõ ããrĩbirikoa. <sup>23</sup> Gãmipũrĩ oparã, yu wererire õãrõ pèduripĩka!

<sup>24</sup> Irasũ ãrĩ odo, ãsũ ãrĩnemoyupu doja:

—Musã pèrere õãrõ pèmasĩka! Mérõgã pèmasĩduarã, mérõgã pèmasĩrãkoa. Wãro pèmasĩduarã, wãro pèmasĩrãkoa. Marĩpu ìgũya kerere musã pèmasĩduaropã pèmasĩrĩrẽ sīgukumi. Irasũ ããrĩmakũ, wãro pèmasĩduarãrẽ sĩnemogukumi. <sup>25</sup> Irasirigu ìgũya kerere õãrõ pèmasĩrãrẽ wãri pèmasĩrĩ sĩnemogukumi. Gajerã pèmasĩmerã gapure ìgũsã pèmasĩadideare emasũrãkuma. Irasirirã neõ pèmasĩmerã ããrĩrãkuma, ãrĩyupu.

*Oteri masãrĩ keori merã bueadea*

<sup>26</sup> Irasũ ãrĩ odo, gaji keori merã bueyupu doja:

—Marĩpu ìgũyarãrẽ doreri ãsũ ããrã. Sugu masakũ ìgũya poeague oteri yerire meéwasirigu irirosũ ããrã. <sup>27</sup> Ìgũ irasũ meéwasiriadero purũ, ñami merã kãrĩkumi. Purũ boyoripoe yobekumi. Ëmarĩ, ñamirĩ tarikoa. Ìgũ oteadea yeri puri masãkoa. Ìgũ gapũ irire: “Irasũ waakoa”, ãrĩ masĩbirikumi. <sup>28</sup> Iri yeri yeba poekague ããrĩsĩã, puri, pũrĩ wiripurori, purũ dupañerĩgã wiri, ðuka yeri deyoakoa. Purũgue pama õãrõ ðuka buribejakoa. <sup>29</sup> Iri buribeja odomakũ ãã, Ìgũrẽ moãboerãrẽ irire sea duripĩmurãrẽ iriukumi, ãrĩyupũ Jesús.

*Jesús mostaza wãikuri yegã puri masãdea keori merã buedea*  
(Mt 13.31-32; Lc 13.18-19)

<sup>30</sup> Irasũ ãrĩ odo, gaji ãrĩnemoyupũ doja:

—Marĩpu ìgũyarãrẽ doreri, ¿Ñeéno irirosũ ããrĩkuri? ¿Ñeéno keori merã weregakuri? <sup>31</sup> I irirosũ ããrã. Suye oteriye mostaza wãikuri yegãrẽ oterosũ ããrã. Iri oteri yegã ããrĩpereri oteri yeri nemorõ mérĩ yegã ããrã. <sup>32</sup> Irasũ ããrĩkerero, otemakũ, purũ yukũ wádi ðupurĩ padi masãkoa. Irasirirã mirã irigu ðupurĩgue, yusurogue ìgũsãya surĩ suakuma, ãrĩyupũ Jesús ìgũ buerãrẽ, ìgũsã merã ããrĩãdere.

*Jesús masakare keori merã buenadea*  
(Mt 13.34-35)

<sup>33</sup> Jesús masakare ãsũ buenayupũ. Marĩpũya kerere weregũ, wári keori merã masaka pémasĩrõgueta buenayupũ. <sup>34</sup> Ìgũsãrẽ buegũ, keori merã dita buenayupũ. Ìgũ buerã merã dita ããrĩgũ gapũ: “Ãsũ ãrĩðharo yáa iri”, ãrĩ werenayupũ ìgũsãrẽ.

*Jesús mirũ, makũrĩrẽ toemakã iridea*  
(Mt 8.23-27; Lc 8.22-25)

<sup>35</sup> Jesús masakare oteri keori merã bueadeanũ naĩmejãripoe ìgũ buerãrẽ ãsũ ãrĩyupũ:

—Náka, ditaru sikoepũgue taribujarã!

<sup>36</sup> Ìgũ irasũ ãrĩmakũ pé, masakare seretu, ìgũ sãñadea doódirugue murĩñajãa, ìgũrẽ ãrĩ taribujakõãñurã. Gajerã gaji doóriduparu merã wapikũwãgãñurã. <sup>37</sup> Ìgũsã taribujaripoe mirũ buru waa, makũrĩ ìgũsãya doódirure páñajãmiũakõãdiyuro. Buru goero waayuro ìgũsãrẽ.

<sup>38</sup> Jesús gapũ wejaturoma doaripẽrõgue peyari gasiro merã ãõtú kãrĩbejakõãyupũ. Irasirirã ìgũ buerã ìgũrẽ ãsũ ãrĩ yobeñurã:

—¿Gũare buegũ, mũ ããberi? Marĩ mirĩmurã yáa, ãrĩñurã. <sup>39</sup> Ìgũsã irasũ ãrĩmakũ pégũ, Jesús wãgãñugã, mirũrẽ, makũrĩdere toedoreyupũ:

—Iropãta, toeaka! ãrĩyupũ. Ìgũ irasũ ãrĩmakũ, mirũ, makũrĩ buru waadea toedi-japereakõãyuro.

<sup>40</sup> Purũ Jesús ìgũ buerãrẽ ãrĩyupũ:

—¿Nasirirã gũiri mũsã? ¿Yure buremurĩ opaberi dapa mũsã iropã gũirã?

<sup>41</sup> Ìgũsã gapũ buru gũka, ãsũ ãrĩ gãme werenĩñurã:

—¿Ñeémũno masakũ ããrĩrĩ ãrĩ? Mirũ, makũrĩgueta ìgũrẽ tarinũgãbea, ãrĩñurã.

## 5

*Jesús Gerasamũrẽ wãtẽa ñajãnerãrẽ béowiudea*  
(Mt 8.28-34; Lc 8.26-39)

<sup>1</sup> Jesús ìgũ buerã merã ditarure taribuja, Gerasa\* marãya nikũgue ejayupũ. <sup>2</sup> Jesús doódirugue ããrãdi majãñũgãripoe sugu masakũ wãtĩ ñajãñũdi, masãgoberi watopegue ããrãdi Jesũre bokatĩrĩyupũ. <sup>3</sup> Ìgũ masãgoberi watopegue ããrĩgũ ããrĩyupũ. Neõ sugu ìgũrẽ pũguburi merã, kõmedari merãdere siapĩmasĩbiriñurã. <sup>4</sup> Wári ìgũya guburire, mojørĩdere kõmedari merã siapĩnadiñurã. Ìgũsã siapĩriku, ìgũsã siadeadarire tũãtawasiri béonokõãyupũ.

\* 5:1 Gerasa, Gadara wãikuri makãrĩ Decápolis wãikuri nikũgue ããrĩyuro.

Neō sugu ĩgūrē tarinugāmasĩbiriñurā. <sup>5</sup> Ũmarikũ, ñamirikũ buurĩgue, masāgoberi watopegue gainĩgorenayupu. ĩgũ basita ũtāyeri merā ĩgũya dupare pá kāmítúnayupu. <sup>6</sup> Jesúre yoarogueta ĩāgũ, ũmawāgāri, ĩgũ ĩūrō ñadukũpuri merā ejamejāyupu. <sup>7-8</sup> Jesús āriyupu:

—Wātĩ, mu ñajādire wirika!

Irasũ ārimakũ pégu, buro gainĩrĩ merā āsũ āriyupu:

—Jesús, ũmugasigue āārĩpererā nemorō turagu magũ, ¿nasiribu yári mu yure? Mupu ũmugasigue āārĩgũ péuro murē sērēa. Yure poyarikũmakũ iribirikōāka!

<sup>9</sup> Jesús ĩgūrē sērēñayupu:

—¿Naásũ wāikuri mu?

—Wárā āārā gu. Irasirigu Legión wāikua yu, āriyupu.

<sup>10</sup> Irasũ ārĩ odo, Jesúre buro sērēyupu doja:

—Guare i nikūrē béowiubirikōāka! āriyupu. <sup>11</sup> Iro buúru puero wárā yesea āma baarā iriñurā. <sup>12</sup> ĩgūsārē ĩārā, wātēa Jesúre sērēñurā:

—Guare yeseaguere ñajādoregu iriuka!

<sup>13</sup> —Jáu, ĩgūsārēta ñajārā waaka! āriyupu Jesús wātēārē. ĩgũ irasũ ārimakũ, masakugue āārānerā wiria, yesea dos mil āārĩrārē ñajāñurā. ĩgūsā ñajāmakũ, yesea ũma mirēbuáa, ditarugue meébia dijáa, mirĩ boaperekōāñurā.

<sup>14</sup> Irasũ waamakũ ĩārā, yeseare korerimasā gukari merā ũmadujáa, ĩgūsāya makā marārē, iri makā turo marādere wererā waañurā. ĩgūsā weremakũ pérā, masaka āārĩpererā: “¿Naásũ waáyuri?” ārĩ, ĩārā ejañurā. <sup>15</sup> Jesús puero ejarā, wātēa ñajāsũdi āārādire iro doagure ĩāñurā. Surĩro sāñadi, oārō pémasĩrĩ merā āārĩyupu. Masaka ĩgūrē ĩārā, buro güiñurā. <sup>16</sup> Jesús masakure wātēārē béowuadeare ĩānerā yeseare waadeadere wereñurā. <sup>17</sup> Irire pérā, Gerasa marā Jesúre: “Waaka guaya nikūrē!” ārĩñurā.

<sup>18</sup> ĩgūsā irasũ ārimakũ pégu, Jesús doódirugue marĩñajāyupu. ĩgũ marĩñajāmakũ, wātēa ñajāsũdi āārādi Jesúre: “Yude mu merā waadũakoa”, ārĩ sērēadiyupu. <sup>19</sup> ĩgũ irasũ ārimakũ pégu, Jesús ĩgūrē āsũ āriyupu:

—Yu merā waabirikōāka! Muya wiigugue goedujáaka! Murē mu Opũ oārō iriadeare, ĩgũ bopoñarĩ merā ĩādeare muya wii marārē weregu waaka! āriyupu.

<sup>20</sup> ĩgũ irasũ ārimakũ pégu, Decápolis† wāikurogue waa, iroma makārĩ marārē āārĩpereri Jesús ĩgūrē irideare werenugāyupu. Āārĩpererā ĩgũ wererire pérā, pégukakōāñurā.

*Jesús Jairo magōrē, gajego nomeō ĩgũya surĩrore moāñagōrē taudea  
(Mt 9.18-26; Lc 8.40-56)*

<sup>21</sup> Jesús Gerasa marāya nikũgue āārādi doódirugue marĩñajāa, gaji koepugue taribujakōāyupu. ĩgũ irogu ejamakũ ĩā, ditaru turogue wárā masaka ĩgũ puero nerēñurā. <sup>22</sup> ĩgũ irogu āārĩripoe sugu judío masaka nerērĩ wii oparā merāmu Jairo wāikugũ ejayupu. Jesúre ĩāgũ, ĩgũya guburi puero ñadukũpuri merā ejamejāja, ĩgūrē buro sērēyupu:

<sup>23</sup> —Yu magō kōmobogue iriamo. Muya mojōrĩ merā ñapeo, igore taugu aarika! Mu irasirimakũ, okagokumo, āriyupu. <sup>24</sup> ĩgũ irasũ ārimakũ pégu, Jesús ĩgũ merā waayupu. ĩgũ waamakũ, wárā masaka ĩgūrē kũñarōgā tuuyañurā. <sup>25</sup> ĩgūsā watopegue sugo nomeō pe mojōma pere su gubu peru pērēbejari bojorigora dí wiriri merā pũrĩrikũgo āārĩyupo. <sup>26</sup> Wárā kúrĩrimasā igore kúrĩkerepu, neō taribiriyuro. Igo niyeru opadideare āārĩpereri ĩgūsārē wajaripeokerepu, sōo gapu buro waayuro. <sup>27-28</sup> Igo, Jesús pũrĩrikurārē taurire péyupo. Irasirigo masaka watopegue waa: “ĩgũya surĩrore yu moāñamakũ, pũrĩrĩ yure tarirokoa”, ārĩ güñarĩ merā, Jesús puupu gapu ejanugā, ĩgũya surĩrore moāñayupo. <sup>29</sup> Mata igo dí wiriadea tariakōāyuro. “Yure pũrĩrĩ tarikoa”, ārĩ péñayupo. <sup>30</sup> Igo moāñamakũta,

† 5:20 Gerasa, Gadara wāikuri makārĩ Decápolis wāikuri nikũgue āārĩyuro.

Jesús ìgũ turaro merã sugo pũrĩrikugore tauadeare masĩkõãyupũ. Irasirigu masakare gãmenugã ìã:

—¿Noã yaa surĩrore moãñarĩ? ãrĩyupũ.

<sup>31</sup> Ìgũ irasũ ãrĩmakũ pérã, ìgũ buerã ìgũrẽ ãrĩñurã:

—¿Mũ ìãberi? Wárã masaka mārẽ kãñarõgã tuuyama. ¿Nasirigu ìgũsãrẽ: “¿Noã yare moãñarĩ?” ãrĩ sērẽñarĩ?

<sup>32</sup> Jesús gapũ masaka ããrĩpererãrẽ ìãyupũ, ìgũrẽ moãñadeore ìãbokabu. <sup>33</sup> Jesús igo pũrĩrikũri tariadeare masĩmakũ ìã, gũi naradari merã ìgũya guburi pũro ñadũkũpuri merã ejamejã, ããrĩpererire diaye ãrĩrĩ merã werepeokõãyupo.

<sup>34</sup> Jesús igure ãrĩyupũ:

—Mũ yare buremurĩ opáa. Irasirigo mũ pũrĩrikũrere tausũa. Ƴsũyari merã waaka! Mũ pũrĩrikũadea tariakõãa, ãrĩyupũ.

<sup>35</sup> Jesús irasũ ãrĩripoe Jairoya wiigue ããrãnerã ejañurã:

—Mũ magõ kõmoakõãmo. Iropãta marĩrẽ buegũre garibonemoka! ãrĩñurã.

<sup>36</sup> Ìgũsã irasũ ãrĩkerepũrũ, Jesús Jairore ãsũ ãrĩyupũ:

—Gũibirikõãka! Buremurĩ opaka yare!

<sup>37</sup> Irasirigu Jesús masakare: “Aaribirikõãka!” ãrĩ, Pedro, Santiago, ìgũ pagũmũ Juãrẽ siiu, Jairoya wiigue ìgũsã merã waayupũ. <sup>38</sup> Iri wiigue ejagu, wárã masaka bũro busuro orerãrẽ bokajayupũ. <sup>39</sup> Jesús, wiigue ñajãa, ìgũsãrẽ ãsũ ãrĩyupũ:

—¿Nasirĩã mũsã iropã busuro oreri? Igo majĩgõ boabemo. Kãrĩgõ yámo.

<sup>40</sup> Ìgũ irasũ ãrĩmakũ pérã, ìgũrẽ bũriñurã. Irasirigu Jesús ããrĩpererãrẽ wiriadoreyupũ. Ìgũsã wiriadero pũrũ, majĩgõ pagũsãmarãrẽ, ìgũ merãmarãrẽ igo peyarogue siiu ñajãyupũ.

<sup>41</sup> Ñajãja, igoya mojõrẽ ñeã, igure:

—Talita, cumi, ãrĩyupũ. “Talita, cumi”, ãrĩrõ: “ ‘Majĩgõ, wãgãnũgãka! ’ ãrã”, ãrĩduaro yáa.

<sup>42</sup> Ìgũ irasũ ãrĩmakũta, majĩgõ wãgãnũgã, waamasĩyupo. Igo pe mojõma pere su gubu peru pẽrẽbejari bojori opago ããrĩyupo. Masaka, igo masãmakũ ìãrã, ìãgũkatariakõãñurã.

<sup>43</sup> Jesús gapũ ìgũsãrẽ turaro merã:

—Igo masãdeare gajerãrẽ werebirikõãka! ãrĩyupũ. Irasũ ãrĩ odo, igo pagũsãmarãrẽ: “Igre baari ejoka!” ãrĩyupũ.

## 6

### *Jesús Nazaregue goedujáadea* (Mt 13.53-58; Lc 4.16-30)

<sup>1</sup> Pũrũ Jesús iro ããrãdi ìgũya nikũgue goedujáayupũ. Ìgũ buerãde ìgũ merã waañurã.

<sup>2</sup> Judío masaka siuñajãrĩnũ ããrĩmakũ, Jesús ìgũsã nerẽrĩ wiigue ñajãa, masakare buenũgãyupũ. Wárã masaka iro ããrĩã ìgũ buemakũ pérã, pégũkakõãñurã:

—¿Noógue bueyuri ñi iropã masĩbu? ¿Noã ìgũrẽ iropã masĩrĩrẽ sĩyuri, ìgũ turari merã iri ìmuburire? <sup>3</sup> Ì taboa merã gajino irigu ããrĩmi. María magũ, Santiago, José, Simón, Judasã tĩgũ ããrĩmi. Ìgũ pagũpũrã nomede õõ marĩya makãta ããrĩma, ãrĩ gãme werenĩñurã ìgũsã basi. Irasirirã ìgũrẽ buremudũabiriñurã.

<sup>4</sup> Jesús gapũ ìgũsãrẽ ãrĩyupũ:

—Ããrĩpererogue sugũ Marĩpũya kerere weredupuyugũre gajerã buremuma. Ìgũya nikũ marã, ìgũya wererã, ìgũya wii marã gapũ ìgũrẽ buremubema, ãrĩyupũ.

<sup>5</sup> Irasirigu iro ããrĩgũ, wári Marĩpũ turari merã iri ìmubiriyupũ. Surãyerita pũrĩrikũrãrẽ ìgũya mojõrĩ merã ñapeo tauyupũ. <sup>6</sup> Iro marã ìgũrẽ buremubirimakũ ìãgũ, gũkatariakõãyupũ. Pũrũ iri makã tũroma makãrĩ marãrẽ buegũ waayupũ.

### *Jesús ìgũ buerãrẽ buedoregũ iriudea* (Mt 10.5-15; Lc 9.1-6)

<sup>7</sup> Irasirigu Jesús igũ buerã pe mojõma pere su gubu peru pẽrẽbejarãrẽ siiu needõ: “Yu turari merã wãtẽa masakare ñajãnerãrẽ béowiurã waaka!” ãrĩ, igũsã ããrĩpererãrẽ pẽrã dita dukawa iriuyupu. <sup>8</sup> Igũsãrẽ iriugu, gajino baari, aju, niyeru ããadorebiriuyupu. Igũsã tuari yuku direta ããadoreyupu. <sup>9</sup> Igũsã sãñarĩ merã dita waadoreyupu. Gaji igũsã suri sãñaburi ããadorebiriuyupu. <sup>10</sup> Asũ ãrĩyupu:

—Sugu musãrẽ õãrõ bokatĩrĩneãmakũ, igũya wiita dujaka! Iri makãrẽ wiri waarãgue iri wiire wirika! <sup>11</sup> Su makã marã musãrẽ gããmebirimakũ iãrã, musã werenĩrẽ pẽduabirimakũ iãrã, iri makãrẽ tariwãgã, iri makãma nikũwera musãya guburigue tuadeare mojẽbéokõaka! Igũsã musãrẽ gããmebiri waja irasirika, igũsãrẽ Marĩpu wajamoãburire pẽmasĩburo, ãrĩrã! Yu musãrẽ diayeta werea. Marĩpu ããrĩpererã ñerãrẽ wajamoãrĩnu ejamakũ, Sodoma, Gomorra marãrẽ wajamoãrõ nemorõ igũsãrẽ wajamoãgukumi, ãrĩyupu.

<sup>12</sup> Igũ irasũ ãrãdero puru, waakõãñurã. Waa, masakare: “Musã ñerõ irideare bujawereka! Musã gũñarĩrẽ gorawayuka!” ãrĩñurã. <sup>13</sup> Irasũ ããrĩmakũ, wãrã wãtẽa masakare ñajãnerãrẽ béowiuñurã. Wãrã purĩrikurãrẽ uye merã wãkã, tauñurã.

*Juan masakare wãiyerimasũ boadea*

*(Mt 14.1-12; Lc 9.7-9)*

<sup>14</sup> ããrĩperero marã masaka Jesús igũ iriri kerere pẽseyakõãñurã. Herodes, Galilea nikũ marã opude pẽyupu. Irire pẽgu, asũ ãrĩyupu:

—Juan masakare wãiyerimasũ boadigue masãdi ããrĩkumi. Irasirigu turari merã wãri iri ñmurĩrẽ irikumi, ãrĩyupu.

<sup>15</sup> Gajerã gapu ãrĩñurã:

—Igũ, Elías iripoegue Marĩpuya kerere weredupuyudi ããrĩkumi.

Gajerã ãrĩñurã:

—Igũ, sugu iripoeguemu, Marĩpuya kerere weredupuyudi irirosũ ããrĩgũ ããrĩkumi, ãrĩñurã.

<sup>16</sup> Herodes irire pé, asũ ãrĩyupu:

—Igũ, Juan ããrĩkumi. Yu igũrẽta igũya dipurure dititãdorebu. Daporare dupaturi masãkumi doja, ãrĩyupu.

<sup>17-18</sup> Juan boaburi dupuyuro Herodes igũ pagumu Felipe marãpore ãma, igore marãpokudi ããrĩmĩ. Igo Herodías wãikãdeo ããrĩmõ. Igũ irasirimakũ iã, Juan Herodere:

—Mu pagumu marãpore marãpokugu, Marĩpu dorerire tarinugãgũ yãa, ãrĩdi ããrĩmĩ. Igũ irasũ ãrĩrĩ waja Herodes igũyarã ãmarẽ Juãrẽ peresu iridoredi ããrĩmĩ.

<sup>19-20</sup> Herodías gapu Juãrẽ purĩsũgũ iãdeo ããrĩmõ. Irasirigo igũrẽ wẽjẽduadeo ããrãdimõ. Herodes gapu Juãrẽ: “Õãrĩrẽ irigu, õãgũ ããrĩmĩ”, ãrĩ gũña, buremurĩ merã igũrẽ gũidi ããrĩmĩ. Juan weremakũ pẽgu, buro gũñarikudi ããrĩmĩ. Irasũ gũñarikukeregu, usuyari merã igũ wererire pẽdi ããrĩmĩ. Irasirigu igũrẽ wẽjẽdorebiridi ããrĩmĩ. Irasirigo Herodías igũrẽ wẽjẽduakerego, wẽjẽdoremasĩbirideo ããrĩmõ. <sup>21</sup> Puru Herodías igũrẽ wẽjẽduadeo ããrĩsãã, õãrõ bokadeo ããrĩmõ. Herodes igũ deyoadeanu ããrĩmakũ, igũya nikũ marã oparãrẽ, igũyarã surara oparãrẽ, gajerã Galilea marã oparãdere siiu, igũsã merã bosebaadi ããrĩmĩ.

<sup>22</sup> Igũ siuanerã merã baari taribugue baaripoe Herodías magõ ñajãa, igũsã iũrõ baya ñmudeo ããrĩmõ. Igo baya ñmumakũ iãrã, Herodes, igũ siuanerãde usuyanerã ããrĩmã. Irasirigu Herodes igore ãrĩdi ããrĩmĩ:

—Mu gããmerĩnorẽ sãrẽka yare! Mu sãrẽrĩrẽ murẽ sĩgura, ãrĩdi ããrĩmĩ.

<sup>23</sup> Irasirigu iro ããrĩrã pẽuro: “Ãrĩgatoro marĩrõ mu sãrẽrõsũta murẽ sĩgukoa. Yu opari, yaa nikũ ããrĩrĩ deko ejatuaropã murẽ sĩgukoa”, ãrĩdi ããrĩmĩ. <sup>24</sup> Igũ irasũ ãrĩmakũ pẽgo, igo pago puro waa, sãrẽñadeo ããrĩmõ:

—¿Ñeonorẽ sãrẽgokuri yu?



—Juan masakare wāiyerimasūya dipurure sērēka! āri yujudeo āārīmó.

<sup>25</sup> Igo pago irasū āārimakū pégo, mata opu Herodes purogue waa, ĩgūrē āārideo āārīmó:

—Daporata Juan masakare wāiyerimasūya dipurure dititá, soropa wáripa merá sīmakū gāāmekoa.

<sup>26</sup> Igo irasū āārimakū, opu Herodes buro bujaweredi āārīmí. ĩgū siiuanerā péuro: “Mu sērērīrē murē sīgura”, ārādi āārīsīā, gūyasīrīgū, igore: “Mu sērērīrē sībirikoa”, āārimasībiridi āārīmí. <sup>27</sup> Irasirigū mata ĩgūyagu surarare peresu iriri wiigue Juāya dipurure dititá āāiwāgāridoregu iriudi āārīmí. <sup>28</sup> Irasirigū surara irogue waa, Juāya dipurure dititá, soropa merā āāidi āārīmí. Āija, Herodías magōrē wiadi āārīmí. ĩgū igore iripare wiamakū, ñeā, igo pagore āā sīdeo āārīmó.

<sup>29</sup> Juan buerā ĩgūrē waadea kerere pérā, irogue waa, ĩgūya dupure āāiwāgā, yāañurā.

### *Jesús cinco mil āmarē baari ejodea*

*(Mt 14.13-21; Lc 9.10-17; Jn 6.1-14)*

<sup>30</sup> Jesús ĩgūyare buedoregu iriuanerā ĩgū puro goedujajarā, ĩgūsā iriadeare ĩgūsā masakare bueadeare werepeokōañurā.

<sup>31</sup> ĩgūsā goedujajadero puru, wārā masaka ĩgūsā puro gāmeñajārā ejañurā. Irasirirā Jesús buerā baamasībiriñurā. Irasirigū Jesús ĩgūsārē:

—Náka, marī dita masaka marīrōgue siuñajārā! āāryupu. <sup>32</sup> Irasirigū Jesús ĩgū buerā merā doódirugue murīñajāa, ĩgūsā dita masaka marīrōgue waakōañurā. <sup>33</sup> ĩgūsā waamakū ĩārā, wārā masaka Jesúre ĩāmasīñurā. Irasirirā āārīpereri makārī marā maague waa, Jesús ejaburogue ũmajasiañurā. <sup>34</sup> Jesús doódirugue sāñadi majānugāja, wārā masakare ĩāyupu. ĩgūsārē ĩāgū: “Īsā oveja sugū ĩgūsārē koregu opamerā irirosū āārīma”, āri gūñayupu. Irasirigū ĩgūsārē bopoñarī merā ĩā, wāri buenugāyupu. <sup>35</sup> Namika āārīmakū, Jesús buerā ĩgū puro waa, ĩgūrē āārīñurā:

—Ōō masaka marīrōgue āārā. Namikague āārīsīāa. <sup>36</sup> Irasirigū masakare waadoreka! Makārīgue, makārī turoma wiirigue baari wajarirā waaburo. Marī ōōguere baari opabea, āārīñurā.

<sup>37</sup> Jesús gapu:

—Musā ĩgūsārē baari sīka! āāryupu.

ĩgū irasū āārimakū pérā:

—¿Gua ĩgūsā baaburire wajarirā waamakū gāāmekuri? ĩgūsā baaburi doscientos nurī moā wajataropā wajakurokoa, āārīñurā.

<sup>38</sup> Jesús ĩgūsārē āāryupu:

—¿Díku pā duparu opari musā? ĩārā waaka!

—Jámu, āri, baarire ĩārā waa:

—Su mojōma pā duparu āārā, waaí pērāta āārīma, āārīñurā.

<sup>39</sup> Irasirigū Jesús ĩgūsārē āāryupu:

—Masakare tá weka boje yebori dita doayodoreka! <sup>40</sup> Irasirirā su yebore cien, gajī yebore cincuenta doajañurā. Āārīpererā irasū dita doajañurā. <sup>41</sup> ĩgūsā eja doaperemakū, Jesús su mojōma pā duparu, pérā waairé āi, ũmagasigue ĩāmu, Marīpūre: “Murē usuyari sīa”, āāryupu. Āri odo, iri pā duparure pea, ĩgū buerārē sīyupu, masakare gueredoregu. Waaídere irasūta iriyupu, āārīpererārē gueredoregu. <sup>42</sup> Irasirirā āārīpererā ōārō baayapiakōañurā. <sup>43</sup> Puru ĩgūsā baadūáadeare Jesús buerā seasārā, pe mojōma pere su gubu peru pērēbejari puuirigora utaudoboñurā. <sup>44</sup> Pā duparure baanerā: nome, majirā keoña marīrō ũma direta keomakū, cinco mil gora āārīñurā.

### *Jesús deko weka waadea*

*(Mt 14.22-27; Jn 6.16-21)*

<sup>45</sup> Pɔɔ Pɔɔ Jesús ĩgũ buerãrẽ doódirugue mɔrĩñajãdore, Betsaida wãĩkɔri makãgue ĩgũ dupuyuro taribujadoreyupɔ. ĩgũsã taribujaripoe Jesús masakare: “Ōãrõ waaka!” ãrĩ seretuyupɔ. <sup>46</sup> Seretu odo, buúrugue Marĩpɔre sërẽgũ mɔrĩayupɔ. <sup>47</sup> Naĩwãgãriripoe Jesús sugũta buúru wekague ããrĩyupɔ. ĩgũ buerã gapɔ ditaru dekogora ããrĩñurã. <sup>48</sup> Mirũ ĩgũsãrẽ taribujamasĩña marĩrõ ĩgũsã diaye wẽjẽpumakũ ĩãyupɔ Jesús. Pɔɔ boyo mɔrĩriripoe ditarugue buaja, deko weka ĩgũsã pɔro aari, ejanugã, ĩgũsãrẽ tariwãgãbu irirosũ iriyupɔ. <sup>49</sup> ĩgũ irasũ deko weka ejanugãmakũ ĩãrã: “Masakɔ boadi wãtĩ ããrĩmi”, ãrĩ gũña, bɔro gɔkari merã gainĩñurã. <sup>50</sup> ããrĩpererã ĩgũrẽ ĩãrã, bɔro gɔkãñurã. ĩgũsã gɔkamakũ ĩãgũ, mata Jesús ĩgũsãrẽ ãrĩyupɔ:

—Gũñaturaka! Yũta ããrã. Gũimerãta!

<sup>51</sup> ĩgũ irasũ ãrãdero pɔɔ, ĩgũsã sãñadiru doódirugue mɔrĩñajãyupɔ. ĩgũ mɔrĩñajãmakũta, mirũ toekõãyuro. Irasũ waamakũ ĩãrã, ĩãgɔkatariakõãñurã. <sup>52</sup> ĩgũ pã duparure Marĩpɔ turari merã iri ĩmuadeare pẽmasĩbiriñurã. ĩgũyamarẽ õãrõ pẽmasĩturabiriñurã.

*Jesús Genesaret marãrẽ pũrĩrikũrãrẽ taudea*  
(Mt 14.34-36)

<sup>53</sup> Jesús doódirugue mɔrĩñajãmakũ, ĩgũ merã taribuja, Genesaret\* wãĩkɔri nikũgue eja, doódirure siatúpau majãkõãñurã. <sup>54</sup> ĩgũsã majãmakũ, mata masaka Jesúre ĩãmasĩñurã. <sup>55</sup> Irasirirã ĩgũsãya nikũ ããrĩpererogue ũmawãgã, pũrĩrikũrãrẽ ĩgũsã peyari merãta ĩgũ ããrĩrõgue ãĩjañurã. <sup>56</sup> ããrĩperero ĩgũ waaró ĩgũ ejaburi dupuyuro paga makãrĩ marã, mutã makãrĩgã marã, makãrĩ tɔro marãde pũrĩrikũrãrẽ wiiri disipɔrorigue ãĩwiupĩñurã. ĩgũsã pɔro ĩgũ ejamakũ ĩã, ĩgũrẽ:

—Mɔya surĩro yuwa direta ĩgũsãrẽ moãñadoreka! ãrĩ sërẽñurã. Irasirirã ããrĩpererã ĩgũya surĩrore moãñarã ĩgũsã pũrĩrikũadeare tarisũñurã.

## 7

*Masakare ñerã waamakũ iririre buedea*  
(Mt 15.1-20)

<sup>1</sup> Pɔɔ fariseo bumarã, Moisés gojadeare buerimasãde Jerusalẽgue ããrãnerã eja, Jesús pɔro nerẽñurã. <sup>2</sup> Irasũ nerẽrã, ĩgũsã: “Baaburi dupuyuro mojõkoeka!” ãrĩdeare surãyeri Jesús buerã mojõkoero marĩrõ baamakũ ĩãrã, ĩgũsãrẽ werewũñurã. <sup>3</sup> Fariseo bumarã, ããrĩpererã judío masaka ĩgũsã ñekũsãmarã iriunaderosũ ĩgũsãya mojõrĩrẽ mojõkoepɔrori baanañurã. <sup>4</sup> ĩgũsã baari duarogue ejanerãde mojõkoepɔrorisĩã, baanañurã. Wãri gaji ĩgũsã ñekũsãmarã iriunadeare iritũyañurã. Irasirirã ĩgũsã ñekũsãmarã: “Ãsũ dita irika!” ãrĩdeare irirã, ĩgũsã ĩirĩriduparure, ĩgũsã ĩirĩburi duripĩriduparure, ĩgũsãya kõmesororire, ĩgũsã doaripẽrĩrẽ koenañurã. <sup>5</sup> Irasirirã fariseo bumarã, Moisés gojadeare buerimasãde Jesúre ãsũ ãrĩ sërẽñañurã:

—¿Nasirirã mɔ buerã marĩ ñekũsãmarã iriunaderosũ baaburi dupuyuro mojõkoeberi? ãrĩñurã.

<sup>6</sup> Jesús ĩgũsãrẽ ãrĩyupɔ:

—Mũsã masaka ĩãberogue ñerõ iririkũrã, irigatorikũrã ããrã. Iripoegue Marĩpɔya kerere weredupuyudi Isaías mũsã dapora irigatorire gojagu, diayeta ãsũ ãrĩ gojadi ããrĩmĩ: Masaka ĩgũsãya disi merã yũre õãrõ werenĩkererã, ĩgũsãya gũñarĩgue yũre neõ bɔremubema.

<sup>7</sup> Irasiriro ĩgũsã yũre bɔremurã nerẽrĩ wajamãa. ĩgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ.\*

<sup>8</sup> Irasirirã mũsã ñekũsãmarã iriunaderosũ irimurã Marĩpɔ dorerire pirikõãa, ãrĩyupɔ Jesús.

\* 6:53 Genesaret wãĩkɔri nikũ, Galilea wãĩkɔri ditaru tɔro ããrĩyuro. ☆ 7:7 Is 29.13

<sup>9</sup> Āsū ārīnemoyupū doja:

—Mūsā ñekūsāmarā doredeare irituyarā, Marīpū doreri gapure béokōāa. <sup>10</sup> Iripoegue Moisés āsū ārī gojadi āārīmī: “Mupure, mupore buremuka! Sugu ĩgū pagusāmarārē ñerō werenígū wējēdoresūgukumi”, ārī gojadi āārīmī. <sup>11</sup> Mūsā gapū masakare āsū ārī buea: “Sugu ĩgū pagure, o ĩgū pagore: ‘Yū mūsārē sīboadeare Marīpūre sīpeokōābu. Irasirigu mūsārē iritamumasībirikoa’, ārīmakū ōāgorāa”, ārī buea. <sup>12</sup> Mūsā masakare irasū ārī buerā, masakare ĩgūsā pagusāmarārē iritamubirimakū yāa. <sup>13</sup> Irasirirā mūsā ñekūsāmarā pídeare gajerārē irire irituyadorerā, ĩgūsārē Marīpū doreri gapure ubu ĩāmakū yāa. Gaji wāri irinorē yāa, ārīyupū Jesús fariseo bumarārē.

<sup>14</sup> Irasū ārī odo, Jesús masakare siiu, āsū ārīyupū:

—Yū wererire āārīpererā ōārō pékūñú, péka! <sup>15</sup> Masakaya disigue ñajāri ĩgūsārē ñerā waamakū iribea. ĩgūsāya disi wiriri gapū, ĩgūsārē ñerā waamakū yāa. <sup>16</sup> Gāmpūrī oparā, yū wererire péduripíka! ārīyupū. <sup>17</sup> Pūru Jesús masaka merā āārādi, wiigue ñajākōāyupū. Irogue ĩgū buerā ĩgū keori merā wereadeare sērēñañurā. <sup>18</sup> ĩgūsā sērēñamakū pégu, ārīyupū:

—¿Mūsāde pémasīberi dapa? Āārīpereri baari masakaya disigue ñajāri, ĩgūsārē ñerā waamakū irimasībea. ¿Irire pémasīberi mūsā? <sup>19</sup> ĩgūsā baadea ĩgūsā gūñarīgue ñajābea. ĩgūsāya paru gapū ñajāa, pūru tariwiria, ārīyupū. Irire ārīgū: “Āārīpereri baari ōārī āārā”, ārīgū iriyupū. <sup>20</sup> Gaji ārīnemoyupū doja:

—Masaka ĩgūsā gūñarīguere opari gapū, ĩgūsārē ñerā waamakū yāa. <sup>21</sup> ĩgūsā gūñarīgue ñerī oparā, āsū āārīma. Ñerī gūñarā, gajerā marāposā nomerē gāmebirarā, nome merā ñerī iririkurā, masakare wējēbéorā, <sup>22</sup> gajerāyare yajarā, gajigu oparinorē buro uaribejarā, gajerārē ñerō irirā, ārīgatorā, ñerā, gajino oparārē ĩāturirā, gajerārē ñerō kere wererā, “Gajerā nemorō āārā yū”, ārī gūñakererā pémasīrī marīrō irirā āārīma. <sup>23</sup> Iri āārīpereri ñerī masaka gūñarīgue opari ĩgūsārē ñerā waamakū yāa, ārīyupū Jesús ĩgū buerārē.

### *Judío masako āārībeo Jesúsre buremudea*

*(Mt 15.21-28)*

<sup>24</sup> Pūru Jesús iro āārādi waa, Tiro, Sidón wāikuri makārī turogue ejayupū. Irogue eja, su wiigue ñajāyupū masaka ĩgū āārīrōrē masībirikōāburo, ārīgū. Irasirikeregu, masīkōāsūyupū. <sup>25</sup> Sugo nomeō wātī ñajāsūdeo pago ĩgū ejadeare pégo, mata ĩgū pūro waa, ĩgūya guburi pūro ñadukupuri merā ejamejāyupo. <sup>26</sup> Igo judío masako āārībeo āārīyupo. Igo deyoadea makā Sirofenicia wāikuri makā āārīyuro. Jesús pūro ñadukupuri merā ejamejāja, ĩgūrē sērēyupo:

—Wātīrē béowiuka yū magōrē! ārīyupo. <sup>27</sup> Jesús igore ārīyupū:

—Wii opu pūrā baarire ēma, diayéare ejomakū ōābea.

<sup>28</sup> Igo ĩgūrē yujyupū:

—Irasūta āārā yū Opū. Irasū āārīkerepūru, diayéagueta baari peyaro doka majīrā baawasiridijurire baaboema, ārīyupo.

<sup>29</sup> Jesús igore ārīyupū:

—Mū ōārō yujya. Irasirigo mūya wiigue goedujāaka! Wātī mū magōrē ñajādi wirisiami, ārīyupū.

<sup>30</sup> ĩgū irasū ārādero pūru, igoya wiigue goedujāa, igo magōrē peyarogue oyagore bokajayupo. Wātī igore ñajādi wiriasiyupū. Irasirigo tariyupo.

### *Jesús sugu werenírī kukugure gāmpū pébire taudea*

<sup>31</sup> Jesús Tiro wāikuri makā turogue āārādi dupaturi wiri, Sidón wāikuri makārē tariwāgā, Decápolis wāikuri nikūrē tariwere, Galilea wāikuri ditarugue ejayupū doja.

<sup>32</sup> Irogue ejamakū ĩā, iro marā sugu gāmpū pébire werenírī kukugure Jesús pūro āā:

—Muya mojõrĩ merã ñapeoka ïgũrẽ! ãrĩ sërẽñurã. <sup>33</sup> Irasirigu Jesús masaka ñãbero gapu ïgũrẽ ãia, mojõsũrĩ merã pébiya gãmipũrĩrẽ soesóo, síku eoepo, ïgũya nedirure moãñayupu. <sup>34</sup> Pupu ùmugasigue ñamu, siuñajãñugãja, ãsũ ãrĩyupu:

—Efata! ãrĩyupu. “Efata”, ãrĩrõ: “Toyoka!” ãrĩduaro yáa.

<sup>35</sup> Ìgũ irasũ ãrĩmakũta, pébiya gãmipũrĩ toyoakõãyuro. Mata ïgũya nediru turadea niirõãmakũ, õãrõ werenímasĩyupu. <sup>36</sup> Jesús gapu ïgũrẽ taumakũ ñãnerãrẽ: “Gajerãrẽ werebirikõãka!” ãrĩyupu. Ìgũ: “Werebirigorakõãka!” ãrĩkerepupu, ïgũsã gapu gajerãrẽ werepeokõãñurã. <sup>37</sup> Buro ñãguka, usuyari merã ãsũ ãrĩñurã:

—Ããrĩpererire õãrõ yámi. Gãmipũ pémerãrẽ õãrõ pémakũ yámi. Werenímasĩmerãdere õãrõ werenímasĩmakũ yámi, ãrĩñurã.

## 8

### *Jesús cuatro mil ãmarẽ baari ejodea* (Mt 15.32-39)

<sup>1</sup> Pupu dupaturi wárã masaka Jesús pũroque nerẽanerãrẽ baari peremakũ ñãgũ, ïgũ buerãrẽ siiu, ãrĩyupu:

<sup>2</sup> —Ûrenugora waáa, ñisã masaka yu merã ããrĩrõ. Ìgũsãrẽ baari pereçoãa. Irasirigu ïgũsãrẽ bopoñarĩ merã ñãa. <sup>3</sup> Surãyeri yoarogue aarinerã ããrĩmã. Ìgũsã baamerãrẽta ïgũsãya wiirigue goedujáadoremakũ, maa dekota turabiriakõãbokuma, ãrĩyupu.

<sup>4</sup> Ìgũ irasũ ãrĩmakũ pérã, ïgũ buerã yuññurã:

—¿Nasirisã, õõ masaka marĩrõguere baari boka ejobokuri marĩ ïgũsãrẽ?

<sup>5</sup> Jesús ïgũsãrẽ sërẽñayupu:

—¿Díku pã duparu opari mũsã?

—Su mojõma pere gaji mojõ peru pẽrẽbejari duparu opáa, ãrĩ yuññurã.

<sup>6</sup> Irasirigu Jesús masakare yebague doadore, iri pã duparure ãi, Marĩpũre: “Mũrẽ usuyari sã”, ãrĩyupu. Irasiri odo, pã duparure pea, ïgũ buerãrẽ sĩyupu, masakare gueredoregu. <sup>7</sup> Waaigãdere mérãgã opañurã. Jesús ïgũsãgãrẽ ãi, Marĩpũre: “Mũrẽ usuyari sã”, ãrĩ, iridere ïgũ buerãrẽ masakare gueredoreyupu. <sup>8</sup> ããrĩpererã irire baayapiakõãñurã. Pupu ïgũsã baadũáadeare Jesús buerã su mojõma pere gaji mojõ peru pẽrẽbejari puuiri seasã utudoboñurã. <sup>9</sup> Iro baanerã: nome, majĩrã keoña marĩrõ ùma direta keomakũ, cuatro mil gora ããrĩñurã. <sup>10</sup> Pupu Jesús ïgũsãrẽ seretu, ïgũ buerã merã doódirugue marĩñajãa, Dalmanuta wãikari makã tũroque waayupu.

### *Fariseo bumarã Jesúre Marĩpu turari merã iri ñmudoredea* (Mt 16.1-4; Lc 12.54-56)

<sup>11</sup> Pupu fariseo bumarã Jesús merã werenĩrã ejañurã. Irasũ ejarã: “Marĩpu turari merã iri ñmurĩrẽ irika!” ãrĩñurã. “Ìgũ irire irimasĩbi, Marĩpu iriudi meta ããrĩmi”, ãrĩduarã, irasũ ãrĩñurã. <sup>12</sup> Ìgũsã irasiridoremakũ pégu, Jesús burõ bujawereri merã siuñajãñugãja, ãrĩyupu:

—Mũsã dapora marã masaka, ¿nasirimurã Marĩpu turari merã iri ñmurĩrẽ ñãduari? Diayeta mũsãrẽ werea. Marĩpu turari merã iri ñmurĩrẽ mũsã ñũrõ neõ iribirikoa, ãrĩyupu.

<sup>13</sup> Ìgũsãrẽ irasũ ãrĩ odo, ïgũsã iro nĩrõta, doódirugue marĩñajãa, ditaru sikoepugue taribujakõãyupu ïgũ buerã merã.

### *Jesús Fariseo bumarã, Herodeya bumarã ñerĩ buerire weredea* (Mt 16.5-12)

<sup>14</sup> Iroque taribujarã, ïgũsã baaburire kãtikõãñurã. Doódirugue suruta pã opañurã.

<sup>15</sup> Irasirigu Jesús ïgũsãrẽ goepeyari merã wereyupu:

—Fariseo bumarã, Herodeyarãya pã wemasãrĩ morẽrĩrẽ õãrõ pémasĩka! ãrĩyupu.

<sup>16</sup> Ìgũ buerã gapu ïgũ irasũ ãrĩrĩrẽ pémasĩmerã, ïgũsã basi ãsũ ãrĩ gãme werenĩñurã:

—Marĩ pã opabirimakũ ããgũ, irasũ ãrĩkumi, ãrĩñurã.

<sup>17</sup> Jesũs, ãgũsã irasũ ãrĩrĩrẽ masĩkõãyurũ. Irasirigũ ãgũsãrẽ ãrĩyurũ:

—¿Nasirirã: “Pã opabea”, ãrĩ gãme werenĩrĩ? ¿Masĩberi? ¿Pemasĩberi musã dapa? <sup>18</sup> ¿Koye opakrerã, ããberi? ¿Gãmipũrĩ opakrerã, pẽberi? ¿Yũ irideare gũñaberi musã? <sup>19</sup> ¿Yũ cinco mil masaka ãmarẽ pe mojõma pã duparure yũ dukawa sĩdeare gũñaberi? ãgũsã baayapiadero purũ, ¿diĩku puuiri ãgũsã baadũãadeare seasã utũudobori? ãrĩyurũ Jesũs.

—Pe mojõma pere su gubu peru pẽrẽbejari puuiri, ãrĩ yũñurã.

<sup>20</sup> ãgũsã irasũ ãrĩmakũ pẽgũ:

—Purũ su mojõma pere gajĩ mojõ peru pẽrẽbejari pã duparure cuatro mil masakare yũ sĩdero purũ, ¿diĩku puuiri ãgũsã baadũãadeare seasã utũudobori?

—Su mojõma pere gajĩ mojõ peru pẽrẽbejari puuiri, ãrĩ yũñurã.

<sup>21</sup> ãgũsã irasũ ãrĩ yũñumakũ, ãgũsãrẽ:

—¿Musã irire gũñakererã, pẽmasĩberi dapa? ãrĩyurũ Jesũs.

### *Jesũs Betsaidamũrẽ koye ããbire taudea*

<sup>22</sup> Ditarure taribuja, purũ Betsaida wãĩkuri makãrẽ ejañurã. ãgũsã irogue ejamakũ ããrã, iro marã sugũ koye ããbire Jesũs puro ãã:

—Mũya mojõ merã moãñaka, ãgũrẽ taridoregũ! ãrĩ, burũ sẽrẽñurã. <sup>23</sup> ãgũsã irasũ ãrĩmakũ pẽgũ, Jesũs koye ããbiya mojõrẽ ñeã, iri makã turogue ãgũrẽ tũãwãgã, sĩku merã ãgũya koyere eopeoyurũ. Irasiri odo, ãgũya mojõrĩ merã ãgũrẽ ñapeo:

—¿Mũrẽ gajino deyori? ãrĩ sẽrẽñayurũ Jesũs. <sup>24</sup> ãgũ ããpã, ããdiyurũ. Irasirigũ Jesũre:

—Masakare ããdãã. ãgũsã yuku irirosũ deyorã waanamakũ ãã, ãrĩyurũ.

<sup>25</sup> ãgũ irasũ ãrĩmakũ, Jesũs dupaturi ãgũya mojõrĩ merã ãgũya koyere ñapeoyurũ doja. Iropãgueta ããrĩpereri õãrõ deyoyuro ãgũ ããmakũ. <sup>26</sup> Irasirigũ Jesũs ãgũrẽ:

—Mũya wiigue diayeta goedujãakõãka! Makãguere waabirikõãka! I mũrẽ yũ iriadeare gajerã masakare iro ããrĩrãrẽ werebirikõãka! ãrĩyurũ.

### *Pedro Jesũre: “Mũ Cristo ããrã”, ãrĩ weredea*

*(Mt 16.13-20; Lc 9.18-21)*

<sup>27</sup> Purũ Jesũs ãgũ buerã merã Cesarea Filipo wãĩkuri makã turo ããrĩrĩ makãrĩgue waañurã. Maa waagũ, ãgũ buerãrẽ ãsũ ãrĩ sẽrẽñayurũ:

—Masaka yũre, ¿naãsũ ãrĩ gũñarĩ? ãrĩyurũ.

<sup>28</sup> ãgũ buerã ãgũrẽ yũñurã:

—Surãyeri mũrẽ: “Juan, masakare wãĩyerimasũ ããrĩmi”, ãrĩma. Gajerã: “Elías ããrĩmi”, gajerã: “Marĩpũya kerere weredupuyurimasã merãmũ ããrĩmi”, ãrĩma, ãrĩñurã.

<sup>29</sup> —Mũsãkoa yũre, ¿naãsũ gũñarĩ? ãrĩ sẽrẽñayurũ.

Pedro ãgũrẽ yũñayurũ:

—Mũ, Marĩpũ iriudĩ, Cristo ããrã, ãrĩyurũ.

<sup>30</sup> ãgũ irasũ ãrĩmakũ, Jesũs ãgũsãrẽ:

—Yũ ããrĩrĩkũrĩre gajerãrẽ werebirikõãka! ãrĩyurũ.

### *Jesũs ãgũ boaburire weredea*

*(Mt 16.21-28; Lc 9.22-27)*

<sup>31</sup> Purũ ãgũsãrẽ ãsũ ãrĩ buenũgãyurũ:

—Yũ ããrĩpererã ãgũ burũ ñerõ tarigukoa. Judío masaka mũrã, paía oparã, Moisés gojadeare buerimasã yũre gããmemerã yũre wẽjẽrãkuma. Yũre wẽjẽkererũ, urenu waaró merã masãgũkoa doja, ãrĩyurũ Jesũs. <sup>32</sup> ãgũsãrẽ pẽmasĩma õãrõ wereyurũ. ãgũ irasũ ãrĩmakũ pẽgũ, Pedro gapũ Jesũre gajero gapũ ããjanũgã, ãgũrẽ turaro merã: “Irire ãrĩbirikõãka!” ãrĩyurũ. <sup>33</sup> Jesũs gapũ gãmegoronũgã, ãgũ buerãrẽ ãã, Pedrorẽ ãrĩyurũ:

—Satanás, yũ purore wirika! Mũ, Marĩpũ yũre dorerire kãmutadũagu yãã. Mũ gũñarĩ, Marĩpũ gũñarĩ ããrĩbea. Masaka gũñarõsũ gũñãã mũ, ãrĩyurũ.

<sup>34</sup> Irasũ ãrĩ odo, masakare, ìgũ buerãrẽ siiu, ãrĩyupũ:

—Sugũ yũre tũyadũagũ ìgũ iridũarire piriburo. Irasirigũ yũre tũyari waja curusague pábiatú wējēsũbu irirosũ ããrĩkeregũ, neõ piriro marĩrõ yũre tũyaníkõãburo. <sup>35</sup> Sugũ i ãmũgue ìgũya okari direta maĩgũ, peamegue waagũkumi. Gajigũ yũre bũremugũ, Marĩpũ masakare tauri kerere ìgũ wereri waja gajerã ìgũrẽ wējēkerepũ, ìgũ gapũ tarigũkumi.

<sup>36</sup> Sugũ masakũ i ãmũmarẽ ããrĩpereri opakeregũ, ìgũ boari pũrũ waaburi gapũre gũñabiri waja peamegue waagũ, õãrĩrẽ neõ wajatabirikumi. <sup>37</sup> Irasirigũ peameguere wiridũagũ, i ãmũ opari merã neõ wajarimasĩbirikumi. <sup>38</sup> Dapora marã ñerã Marĩpũre gããmemerã ããrĩma. Noó yũre, yũ werenĩrĩrẽ masĩkererã, gũyasĩrĩrĩ merã yũre: “Masĩbea”, ãrĩmakũ, yũde gũyasĩrĩrĩ merã ìgũsãrẽ: “Masĩbea”, ãrĩgũkoa. Yũ ããrĩpererã tĩgũ, Yũpũ gosewasiriri merã, ìgũrẽ wereboerã õãrã merã i ãmũguere dupaturi aarigũ, yũre gũyasĩrĩnerãrẽ yũde gũyasĩrĩgũkoa, ãrĩ wereyupũ Jesũs ìgũsãrẽ.

## 9

<sup>1</sup> Jesũs ãrĩnemoyupũ doja:

—Diayeta mũsãrẽ werea. Surãyeri mũsã õõguere ããrĩrã, mũsã boaburo dupuyuro, Marĩpũ ìgũ turaro merã ìgũyarãrẽ doreri aarimakũ ìãrãkoa, ãrĩyupũ.

*Jesũs ìgũ deyori gorawayudea*  
(Mt 17.1-13; Lc 9.28-36)

<sup>2</sup> Jesũs, su mojõma pere gaji mojõ suru pẽrẽbejarinũrĩ pũrũ Pedrore, Santiagore, Juãrẽ ãmarĩ buúrugue ìgũsã direta siiu marĩayupũ. Irogue ìgũsã ìũrõ ìgũ deyori gorawayuakõãyupũ. <sup>3</sup> Ìgũya surĩro goseriñe, õãrõ borero waayuro. Neõ sugo nomeõ surĩ koego irasũ boreri waamakũ irimasĩgõ mámo. <sup>4</sup> Irasũ waaripoeta iripoegue marã Moisés, Elías deyoanugã, Jesũs merã weretamunĩmakũ ìãñũrã. <sup>5-6</sup> Irasirirã bũro gũñũrã. Pedro naásũ ãrĩmasĩbirisã, Jesũre:

—Gũare buegũ, marĩ õõ ããrĩmakũ õãtaridũáa. Irasirirã urre wiigã irirãra. Mũya wii, Moiséya wii, Elíaya wii irirãra, ãrĩyupũ. <sup>7</sup> Ìgũ irasũ ãrĩripoe su yebo mikãyebo dijari ìgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ pẽñũrã:

—Ìĩ yũ magũ, yũ maĩgũ ããrĩmi. Ìgũrẽ õãrõ péka!

<sup>8</sup> Irasũ ãrĩmakũ, Pedrosã gãmenugã ìũrã, Moisére, Elíare ìãbiriñũrã. Jesũs direta nímakũ ìãñũrã.

<sup>9</sup> Pũrũ Jesũs buúru wekague ìgũrẽ waamakũ ìãdeare: “Gajerãrẽ werebirikõãka!” ãrĩ dijariyupũ.

—Yũ ããrĩpererã tĩgũ boa, masãdero pũrugue irire gajerãrẽ wereka! ãrĩyupũ. <sup>10</sup> Irasirirã ìgũ doreaderosũta gajerãrẽ werebirikererã, ìgũsã basi gãme ãsũ ãrĩ sãrẽñañũrã:

—“Yũ boa, masãdero pũrũ”, ãrĩgũ, ¿nasirigũ irasũ ãrãyuri? ãrĩñũrã. <sup>11</sup> Irasirirã Jesũre ãsũ ãrĩ sãrẽñañũrã:

—¿Nasirirã Moisés gojadeare buerimasã: “Cristo, Marĩpũ iriubu aariburi dupuyuro Elías aaripũrorigũkumi”, ãrĩrĩ? ãrĩ sãrẽñañũrã.

<sup>12</sup> Jesũs ìgũsãrẽ yũjũyupũ:

—Mũsã ãrĩrõsũta Elíata aaripũrorigũkumi, ããrĩpererire ãmuyubu. Marĩpũya werenĩrĩ gojadea pũgue yũre ããrĩpererã tĩgũrẽ waaburire ãsũ ãrĩ gojasũdero ããrĩbũ:

Ìgũta bũro ñerõ tarigũkumi. Masaka ìgũrẽ gããmebirikuma, ãrĩ gojasũdero ããrĩbũ.✠

<sup>13</sup> Yũ gapũ mũsãrẽ: “Elías ejasiami”, ãrã. Ìgũ irasũ ejamakũ, masaka ìgũsã gããmerõ iridũarire ìgũrẽ ñerõ irima. Ìgũrẽ waaburire iripoegue Marĩpũya werenĩrĩ gojadea pũgue gojaderosũta ìgũrẽ irisiamã, ãrĩyupũ Jesũs Pedrosãrẽ.

*Jesũs sugũ majĩgũrẽ wãtĩ ñajãsũdire taudea*  
(Mt 17.14-21; Lc 9.37-43)

14 Jesús Pedrosã merã buúrugue ããrãdi dijajagu, gajerã ìgũ buerã pũro wárã masaka nerëanerãrë bokajayupu. Moisés gojadeare buerimasãde ããrĩñurã. Ìgũ buerã merã gãme guaseorã iriñurã. 15 Pũru Jesúre ìãrã, ããrĩpererã ìãguka, ìgũ pũro ùmawãgã, ìgũrë õãdoreñurã.

16 Jesús ìgũ buerãrë:

—¿Ñeënorë gãme guaseoari, mũsã ìgũsã merã? ãrĩ sërëñayupu.

17 Ìgũ sërëñamakũ pégu, sugũ ìgũsã watope ããrĩgũ Jesúre ãrĩyupu:

—Buegu, mũrë yũ magũrë wãtĩ ñajãsũdire ããriabu. Wãtĩ ìgũrë werenĩbirimakũ irinami.

18 Noó ìgũ waaró wãtĩ ìgũrë yebague ñeã meépiunokõãmi. Ìgũ irasirimakũ ìgũya disigue sũmu wiri, ìgũya guikare kũrĩduútúa, buanokõãmi. Yũ mũ buerãrë: “Majĩgũrë wãtĩrë béowiubosaka!” ãrãdabu. Neõ bokatĩũbirama, ãrĩyupu.

19 Jesús ìgũsãrë ãrĩyupu:

—Mũsã yũre bũremurĩ opabirigorakõãa. ¿Noópã yoaripoe mũsã merã ããrĩgũkuri? ¿Noópã yoaripoe mũsã yũre bũremubirire gũñaturagũkuri? Majĩgũrë õõ gapũ ãrika! ãrĩyupu.

20 Irasirirã majĩgũrë Jesús pũro ããñurã. Ìgũ pũro ãĩjamakũ, wãtĩ Jesúre ìãgũ, majĩgũrë narada, yebague tũrũjamejã, sũmutumakũ iriyupu. 21 Irasũ waamakũ ìãgũ, Jesús ìgũ pagũre sërëñayupu:

—¿Dĩipoegue ãsũ waanũgãrĩ ìgũ? ãrĩyupu.

Ìgũ pagũ yũjũyupu:

—Majĩgũgãgueta irasũ ããrĩmĩ. 22 Wãtĩ ìgũrë wëjẽduagu peamegue meémejã, diaguedere meébiamakũ irinami. Irasirigu mũ gũare iritamumasĩgũ, bopoñarĩ merã ìã, gũare irita-muka! ãrĩyupu Jesúre.

23 Jesús ãrĩyupu ìgũrë:

—Marĩpu, mũ yũre bũremumakũ ìãgũ, mũya ããrĩburire irigu, ããrĩpererire irimasĩmi, ãrĩyupu.

24 Ìgũ irasũ ãrĩmakũ pégu, majĩgũ pagũ ãsũ ãrĩ gainíyupu:

—Mũrë bũremua. Nemorõ bũremumakũ irika yũre! ãrĩyupu.

25 Jesús, wárã masaka ìgũsã pũro ùma nerëmakũ ìãgũ, wãtĩrë wiridoreyupu:

—Ìĩ majĩgũrë werenĩbirimakũ, pébirimakũ iridi ìgũrë wirika! Dupaturi ìgũrë ñajãbita pama! ãrĩyupu.

26 Ìgũ irasũ ãrĩmakũ pégu, wãtĩ gainí, majĩgũrë bũro naradari merã yebague tũrũjamejamakũ, kõmoadi irirosũ waamakũ irisã, ìgũrë wiriyupu. Irasũ waamakũ ìãrã, ããrĩpererã masaka: “Kõmoakõãmi”, ãrĩñurã. 27 Jesús ìgũya mojrë ñeã, ìgũrë tũãwãgũnúmakũ, wãgãñũgãyupu.

28 Pũru Jesús, wiigũ ñajãjamakũ, ìgũ buerã masaka péberogue ìgũrë sërëñañurã:

—¿Nasirirã gũa gapũ wãtĩrë béowiumasĩbirayuri?

29 Jesús ìgũsãrë yũjũyupu:

—Ìĩno wãtĩrë béowiuduarã, bereri merã Marĩpure bũro sërëõ gããmea, ãrĩyupu.

### *Jesús ìgũ boaburire werenemodea*

*(Mt 17.22-23; Lc 9.43-45)*

30-31 Pũru Jesús irogue ããrãdi ìgũ buerã merã waa, Galilea nikũgue tariwerewãgãyupu. Ìgũ waaróre gajerã masĩmakũ gããmebiradiyupu. Ìgũ buerãrë buegu irasiriyupu. ãsũ ãrĩ bueyupu ìgũsãrë:

—Masaka yũre ããrĩpererã tĩgũrë ñeã, gajerãguere wëjẽdorerã wiarãkuma. Ìgũsã yũre wëjẽadero pũru, urenũ waaró merã masãgũkoa doja, ãrĩyupu. 32 Ìgũ irasũ ãrĩrĩrë ìgũsã gapũ pémasĩbirĩñurã. Pémasĩbirikererã, ìgũrë gũirã: “¿Naásũ ãrĩduagu iriari, irasũ ãrĩgũ?” ãrĩ sërëñabirĩñurã.

*Jesús sugu gajerã nemorõ ããrĩgũyamarẽ weredea*  
(Mt 18.1-5; Lc 9.46-48)

<sup>33</sup> Jesús Capernaugue eja, pũũ wiigũe ñajãja, ãgũ buerãrẽ sãrẽñayupũ:

—Musã maa aarirã, ¿ñeénorẽ gãme werení guaseowãgãrirã iriari? ãrĩyupũ.

<sup>34</sup> ãgũ irasũ ãrĩmakũ pérã, yujubiriñurã. Maa aarirã, ãgũsã basi: “¿Noã marĩ watopere ããrĩpererã nemorõ ããrĩgũkuri?” ãrĩ werení guaseowãgãrirã iriñurã. Irasirirã Jesúre yujubiriñurã. <sup>35</sup> ãgũsã yujubirimakũ ãgũ, Jesús eja doaja, ãgũ buerã pe mojõma pere su gubu peru pãrẽbejarãrẽ siiu, ãsũ ãrĩyupũ:

—Sugũ ããrĩpererãrẽ doregũ ããrĩduagũ ããrĩpererãrẽ moãboegũ irirosũ ããrĩpererãrẽ iritamurõ gããmea, ãrĩyupũ.

<sup>36</sup> Irasũ ãrĩ, majĩgũrẽ ãgũsã dekogue ãinú, ãgũrẽ kõã, ãgũya gosowekague ãĩpeo, ãrĩyupũ:

<sup>37</sup> —Sugũ yaagũre ãĩ majĩgũ irirosũ ããrĩgũrẽ õãrõ bokatĩrĩñeãgũ yũdere bokatĩrĩñeãmi. Yũre bokatĩrĩñeãgũ yũ ãireta bokatĩrĩñeãgũ meta yãmi. Yũpũ yũre iriudidere bokatĩrĩñeãmi, ãrĩyupũ Jesús.

*Jesús: “Marĩrẽ ããturibi, marĩ merãmũ ããrĩmi”, ãrĩ weredea*  
(Mt 10.42; Lc 9.49-50)

<sup>38</sup> Pũũ Juan Jesúre ãrĩyupũ:

—Guare buegũ, sugũ masakũ mũ wãĩ merã wãtããrẽ: “Wirika musã ñajãdire!” ãrĩ béowiumakũ ããbu. ãgũ, marĩ merã ããrĩbirimakũ ããrã, ãgũrẽ: “Irire neõ irinemobirikõãka!” ããrãbu, ãrĩyupũ.

<sup>39</sup> Jesús gapũ ãrĩyupũ:

—Kãmutabirikõãka ãgũrẽ! Neõ sugũ yũ wãĩ merã gajino iri ãmugũ, pũũ yũre ñerõ wereníbirikumi. <sup>40</sup> Marĩrẽ ããturibi, marĩ merãmũta ããrĩmi. <sup>41</sup> Diayeta musãrẽ werea. Musãrẽ: “Cristoyarã ããrĩma”, ãrĩ, musãrẽ deko tĩãrãnorẽ diayeta Marĩpũ ãgũsãrẽ wajatari opamakũ irigũkumi.

*Gajerãrẽ ñerõ irimakũ iribirikõãka! ãrĩ weredea*  
(Mt 18.6-9; Lc 17.1-2)

<sup>42</sup> 'Sugũ yũre bũremurãrẽ ãĩ majĩgũ irirosũ ããrĩrãrẽ ñerõ irimakũ irigũno, bũro wãjamoãũgũkumi. Irasiriro, ãgũ gajerãrẽ ñerõ irimakũ iriburi dupuyuro masaka ãgũrẽ wãriye ãtãye merã wãnugũgue siasiu, wãdiyague meéyomakũ õãbokoa. <sup>43</sup> Irasirirã musãya mojõ merã ñerõ irirã, iri mojõrẽ dititã béorosũ ñerõ iririre pirika! Su mojõ merãta Marĩpũ pũroque waamakũ õãtãrirokoa. Ñerõ iririre pirimerã gapũ perebiri peamegue béosũrãkuma. ãgũsã pe mojõ opakerrerã, iroque waamakũ ñetãrirokoa. Iroguere peame neõ yaribirikoa. <sup>44</sup> Beka iroque waarãrẽ baaníkõãrãkuma. Neõ boabirikuma. Peame neõ yaribirikoa.

<sup>45</sup> 'Musãya gubu merã ñerõ irirã, iri gubure dititã béorosũ ñerõ iririre pirika! Su gubu merãta, Marĩpũ pũroque waamakũ õãtãrirokoa. Ñerõ iririre pirimerã gapũ perebiri peamegue béosũrãkuma. ãgũsã pe gubu opakerrerã, iroque waamakũ ñetãrirokoa. Iroguere peame neõ yaribirikoa. <sup>46</sup> Beka iroque waarãrẽ baaníkõãrãkuma. Neõ boabirikuma. Peame neõ yaribirikoa.

<sup>47</sup> 'Musãya koyeru merã ãã, ñerõ irirã, irirure gorewea, béorosũ ñerõ iririre pirika! Su koyeruta opakerrerã, Marĩpũ ãgũyarãrẽ dorerogue waamakũ õãtãrirokoa. Ñerõ iririre pirimerã gapũ perebiri peamegue béosũrãkuma. ãgũsã pe koyegueta opakerrerã, iroque waamakũ ñetãrirokoa. <sup>48</sup> Beka iroque waarãrẽ baaníkõãrãkuma. Neõ boabirikuma. Peame neõ yaribirikoa.

<sup>49</sup> 'I ãmũguere ããrĩpererã Marĩpũre bũremurã moã okari irirosũ ããrĩrã, peamegue ãjũ pũrĩsũrõsũ ñerõ tariri merã õãrõ ããrĩrãkuma. <sup>50</sup> Moã okamakũ õãgorãa. Irasirirã gajerã merã õãrõ ããrĩrã moã okari irirosũ ããrã. Moã okadea okabirimakũ, dupaturi okamakũ



irimasĩbirikoa. Irasirirã moã okari irirosũ ããrĩka! Gajerã merã õãrõ ããrĩnikõãka! ãrĩ wereyupũ Jesús ãgũsãrẽ.

## 10

*Jesús masakare: “Musã marãposã nomerẽ béobirikõãka!” ãrĩ buedea*  
(Mt 19.1-12; Lc 16.18)

<sup>1</sup> Jesús Capernaugue ããrĩdi waa, Judea nikũgue eja, dia Jordán wãikũdiya gaji koepũgue ejayupũ doja. Irogue wãrã masaka ãgũ pũro nerẽmakũ ããgũ, ãgũ irinarõsũta dupaturĩ ãgũsãrẽ bueyupũ. <sup>2</sup> ãgũ bueripoe fariseo bumarã Jesũre ñerĩ werenĩmakũ iridũarã, ãsũ ãrĩ sãrẽñarã ejañũrã:

–Sugũ masakũ ãgũ marãpore béomakũ, ¿marĩ doreri ããrĩkuri? ãrĩñũrã.

<sup>3</sup> Jesús ãgũsãrẽ yũjũyupũ:

–¿Naásũ doreyuri Moisés musãrẽ?

<sup>4</sup> ãgũ irasũ ãrĩmakũ, ãgũrẽ ãsũ ãrĩñũrã:

–“Sugũ masakũ ãgũ marãpore béoduaguũ: ‘I waja murẽ béoa’, ãrĩ gojari pũrẽ sũrõ gããmea”, ãrĩ gojadi ããrĩmĩ, ãrĩñũrã.

<sup>5</sup> ãgũsã irasũ ãrĩmakũ, ãsũ ãrĩyupũ Jesús:

–Musã ñekũsãmarã Marĩpũ dorerire iridũabirimakũ ããgũ: “ãgũsã marãposã nomerẽ béoduarã, béokõãburo”, ãrĩ gojadi ããrĩmĩ Moisés. <sup>6</sup> ãgũ irasũ ãrĩ gojakerepũrũ, neõgoragueta Marĩpũ i ãmurẽ irigu, ãmũũ, nomeõ iridi ããrĩmĩ. <sup>7</sup> Sugũ ãmũũ ãgũ pagũsãmarãrẽ wiri, ãgũ marãpo merã ããrĩgũkumi. <sup>8</sup> Irasirirã ãgũsã pãrã ããrĩkererã, Marĩpũ iũrõ su dupũta irirosũ ããrĩrãkuma. Irasirirã pãrã ããrĩbema. Su dupũta irirosũ ããrĩma. <sup>9</sup> Marĩpũ ãgũsãrẽ su dupũta irirosũ ããrĩmakũ iridero pũrũ, gajigu ãgũsãrẽ gãme béomakũ iribirikõãrõ gããmea, ãrĩyupũ.

<sup>10</sup> Jesús irasũ ãrĩ odo, ãgũ buerã merã wiigue ñajãkõãyupũ. Irogue ãgũ buerã irire sãrẽñanemoñũrã doja. <sup>11</sup> Jesús ãgũsãrẽ yũjũyupũ:

–Sugũ masakũ ãgũ marãpore béodi gajego merã marãpokũgu, igo merã ñerõ irigu yámi.

<sup>12</sup> Nomeõde igo marãpũre béogo, gajigu merã marãpũkũgo, ãgũ merã ñerõ irigo yámo, ãrĩyupũ.

*Jesús majĩrãya ããrĩburire Marĩpũre sãrẽbosadea*  
(Mt 19.13-15; Lc 18.15-17)

<sup>13</sup> Pũrũ masaka majĩrãrẽ Jesũre moãñadorerã ãgũ pũro ãĩjañũrã. ãgũsã ãĩjamakũ ããrã, ãgũ buerã gapũ ãgũsãrẽ bokatĩrĩ: “ãgũrẽ garibobirikõãka!” ãrĩñũrã. <sup>14</sup> ãgũsã irasũ ãrĩmakũ pégũ, Jesús ãgũsã merã gua, ãsũ ãrĩyupũ:

–Majĩrã yũ pũrogue aariburo. Kãmutabirikõãka ãgũsãrẽ! Marĩpũ ãgũyarãrẽ dorerogue ããrĩmurã ãĩsã majĩrã yũre usũyari merã bokatĩrĩñẽarã irirosũ ããrĩma. <sup>15</sup> Diayeta musãrẽ werea. ãĩsã majĩrã Marĩpũre ãgũsã Opũre gããmerã irirosũ ããrĩmerãno, ãgũyarãrẽ doreroguere waabirikuma, ãrĩyupũ.

<sup>16</sup> Irasũ ãrĩ odo, majĩrãrẽ ãĩ, kõã, ãgũsãrẽ ñapeo, Marĩpũre ãgũsãya ããrĩburire sãrẽbosayupũ.

*Sugũ maamũ wãri doebiri opagũ Jesús merã werenĩdea*  
(Mt 19.16-30; Lc 18.18-30)

<sup>17</sup> Jesús irogue ããrãdi waaripoe sugũ maamũ ãmaja, ãgũ ñadũkupuri merã Jesũya guburi pũro ejamejãja, sãrẽñayupũ:

–Õãgũ buegu, yũ ãmũgasigue perebiri okarire wajatadũagu, ¿ñeonorẽ irigũkuri? ãrĩyupũ.

<sup>18</sup> Jesús ãgũrẽ yũjũyupũ:

–¿Nasirigu yũre: “õãgũ”, ãrĩrĩ? Marĩpũ sugũta õãgũ ããrĩmi. <sup>19</sup> Mũ, ãgũ doreri pídeare masĩa: “Masakare wẽjẽbirikõãka! Gajigu marãpo merã ñerõ iribirikõãka! Yajabirikõãka!

Gajerã irideare ãrĩgatori merã werebirikõãka! Gajerãyare ãrĩgatori merã ãĩbirikõãka! Mu pagusãamarãre goepeyari merã buremuka!” ãrĩ wereyupu Jesús ïgũrẽ.

<sup>20</sup> Maamu Jesũre yujuyupu:

—Buegu, iri doreri ããrĩpererire majĩgũgueta tarinugãbiribu yu, ãrĩyupu.

<sup>21</sup> Jesús ïgũrẽ maĩrĩ merã ïã, ãsũ ãrĩyupu:

—Murẽ su wãĩ duyãa. Mu oparire duagu waaka! Mu duadea wajare boporãrẽ sĩka! Irasirigu ãmugasiguere wãri õãrĩ opagũkoa. Irasiri odo, yu merã aarika! ãrĩyupu.

<sup>22</sup> ïgũ irasũ ãrĩmakũ pẽgu, ïgũ wãri oparire maĩsĩã, bure bujawereri merã waakõãyupu.

<sup>23</sup> ïgũ bujawereri merã waamakũ ïãgũ, Jesús ïgũ buerãrẽ ïã, ãrĩyupu:

—Wãri doebiri oparãrẽ Marĩpu ïgũyarãrẽ doreroguere ïgũsã waadũamakũ diasagorãa, ãrĩyupu.

<sup>24</sup> ïgũ irasũ ãrĩmakũ, ïgũsã gapu pẽgũka, pẽmasĩbiriñurã. Jesús dupaturi werenemoyupu doja ïgũsãrẽ:

—Yu buerã, mũsãrẽ werea. Masaka: “Wãri opari merã õãrõ waarokoa yure”, ãrĩ gũñarãrẽ Marĩpu ïgũyarãrẽ doreroguere ïgũsã waamakũ diasagorãa. <sup>25</sup> Camellu awiru gobegãgue ñajãtariweremasĩbirikumĩ. I nemorõ, wãri doebiri opagure Marĩpu ïgũyarãrẽ doreroguere waamakũ diasãa, ãrĩyupu.

<sup>26</sup> ïgũ irasũ ãrĩmakũ pẽrã, nemorõ pẽgũka, ïgũsã basi gãme sërẽñanurã:

—Iro merẽ, ¿noã gapu Marĩpu tausũmurã ïgũ pũroguere waamurã ããrĩbokuri? ãrĩñurã.

<sup>27</sup> Jesús ïgũsãrẽ ïã, ãrĩyupu:

—Masaka ïgũsã basi ïgũsã iriri merã Marĩpu pũroguere waamasĩbema. Marĩpu dita ïgũsãrẽ ïgũ pũro ããrĩmurã waamakũ irimasĩmi. ïgũ dita ããrĩpererire irimasĩmi, ãrĩyupu.

<sup>28</sup> ïgũ irasũ ãrĩmakũ pẽgu, Pedro ïgũrẽ ãrĩyupu:

—Gua Opũ, gua murẽ tuyarã, ããrĩpereri gua opadeare pípeokõãbu, ãrĩyupu.

<sup>29</sup> Jesús yujuyupu:

—Diyeta mũsãrẽ werea. Yu merã Marĩpũya kerere wererã waarã, ïgũsãya wiirire, ïgũsã pagupũrãrẽ, pagusãamarãrẽ, pũrãrẽ, ïgũsãya pooerire pípeorã, wãri õãrĩ wãjatarãkuma. <sup>30</sup> ïgũsã iro dupuyuro opaderosũ i ãmũguere cien nemorõ ïgũsãya wiiri, ïgũsã pagupũrã, pagosã nome, pũrã, ïgũsãya pooeri oparãkuma. ïgũsã, jaarã ããrĩmakũ ïãrã, gajerã ïgũsãrẽ ñerõ tarimakũ irikerepũru, wãri õãrĩ wãjatarãkuma. I ãmũ peremakũ, ãmugasiguere perebiri okari oparãkuma. <sup>31</sup> Wãrã daporare wãri oparã, pũrũguere neõ gajino opamerã dujarãkuma. Opamerã gapu, pũrũguere wãri oparã dujarãkuma, ãrĩyupu Jesús.

### *Dupaturi Jesús ïgũ boaburire weredeã*

*(Mt 20.17-19; Lc 18.31-34)*

<sup>32</sup> Pũru Jesús Jerusalẽgue waarĩ maague ïgũ buerã dupuyuro majãyupu. ïgũ dupuyumakũ ïãrã, ïãgũkakõãñurã. “¿Marĩrẽ iroguere naãsũ waarokuri?” ãrĩ gũña, gũiri merã ïgũ pũru tuyañurã. Irasirigu Jesús ïgũ buerã pe mojõma pere su gubu peru pẽrẽbejarãrẽ siiu, ïgũrẽ waaburire werenugãyupu doja:

<sup>33</sup> —Õãrõ pẽka! Marĩ Jerusalẽgue waarã yãa. Iroguere yu ããrĩpererã tĩgũ, paía oparãguere, Moisés gojadeare buerimasãguere wiasũgũkoa. ïgũsã yure: “Boaburo”, ãrĩrãkuma. Irasirirã judío masaka ããrĩmerãguere wiarãkuma. <sup>34</sup> ïgũsã yure bureida, síku eotúbira, bure tãrãrãkuma. Irasiri odo, yure wẽjẽrãkuma. ïgũsã yure wẽjẽadero pũru, ãrenũ waarõ merã masãgũkoa, ãrĩyupu Jesús.

### *Santiago, Juan merã Jesũre sërẽdeã*

*(Mt 20.20-28)*

<sup>35</sup> Pũru Zebedeo pũrã Santiago, Juan Jesús pũro waa ejanugã, ïgũrẽ ãsũ ãrĩ sërẽñurã:

—Guare buegu, gua sërẽrõsũta guare irika! ãrĩñurã.

<sup>36</sup> Jesús ìgūsārē sērēñayurᵃ:

—¿Ñeénorē yᵃ irimakū gāāmerī mᵃsā?

<sup>37</sup> Ìgūrē yᵃjuñurā:

—Mᵃ Opᵃ ñajāgū, guadere mᵃ merā doremurā sóoka! Sugure mᵃ diaye gapᵃ, gajigure kúgapᵃ doadoreka! ārīñurā.

<sup>38</sup> Jesús ìgūsārē ārīyurᵃ:

—Mᵃsā yᵃre sērērīrē pémasībea. Yᵃ bᵃro ñerō tarigᵃkoa. ¿Yᵃ ñerō tarirosū mᵃsāde ñerō tarirā, bokatīūrākuri? ¿Yᵃre ìgūsā wējērōsū mᵃsādere ìgūsā wējēmākū, bokatīūrākuri? ārīyurᵃ.

<sup>39</sup> —Bokatīūkōārākoa, ārī yᵃjuñurā.

Jesús ìgūsārē ārīyurᵃ:

—Yᵃ irirosū mᵃsāde ñerō tari, boarākoa. <sup>40</sup> Yᵃ gapᵃ mᵃsārē yᵃ diaye, kúgapᵃ doamurārē beyemasībea. Yᵃrᵃ āmusiadi āārīmī irire. Irasirirā ìgū beyenerā dita yᵃ diaye, kúgapᵃ doarākuma, ārīyurᵃ.

<sup>41</sup> Gajerā Jesús buerā pe mojōmarā gapᵃ Santiago, Juan ìgūsā Jesúre sērērīrē pérā, ìgūsā merā guañurā. <sup>42</sup> Ìgūsā guamakū ìāgū, Jesús ìgūsārē ìgū pᵃro siiu need, ārīyurᵃ:

—I nikū marā oparā Marīpᵃre bᵃremumerā ìgūsāyarārē turaro merā dorema, ìgūsā dorerire iridorerā. Irire masīa mᵃsā. <sup>43</sup> Mᵃsā tamerā ìgūsā irirosū iribirikoa. Mᵃsā watopeguere opᵃ āārīduagᵃ, mᵃsārē moāboegᵃ irirosū āārīrō gāāmea. <sup>44</sup> Sugᵃ mᵃsā watopegue āārīgú gajerā nemorō āārīduagᵃ, āārīpererārē moāboegᵃ irirosū āārīburo. <sup>45</sup> Yᵃde irasūta āārā. Yᵃ āārīpererā tīgū masaka yᵃre iritamuburo, ārīgū meta aaribú. Yᵃ gapᵃ ìgūsārē iritamugū aaribú. Irasirigᵃ wārā masakare yᵃ boari merā ìgūsā ñerō iridea wajare wajaribosagᵃ aarigú iribᵃ, ārīyurᵃ Jesús.

### *Jesús Bartimeo wāikugᵃre koye ìābire taudea*

*(Mt 20.29-34; Lc 18.35-43)*

<sup>46</sup> Pᵃrᵃ Jesús ìgū buerā merā Jericógue ejayurᵃ. Iri makārē tariwāgāmakū, wārā masaka ìgūsā merā waañurā. Ìgūsā waarī maa tᵃro sugᵃ koye ìābi doayurᵃ. Ìgū Bartimeo wāikugᵃ, Timeo magū āārīyurᵃ. Ɖmᵃrikᵃ iri maa tᵃro masakare niyeru sērē doanínayurᵃ.

<sup>47</sup> Masaka: “Jesús Nazaretmᵃ aarīmi”, ārīmakū pégu, āsū ārī gainínugāyurᵃ:

—Jesús, David parāmi āārīturiagᵃ, yᵃre bopoñarī merā ìāka! ārīyurᵃ.

<sup>48</sup> Ìgū irasū ārī gainímakū pérā, wārā masaka: “Toeaka!” ārādiñurā. Ìgūsā irasū ārīkerepᵃrᵃ, ìgū gapᵃ ìgū gainíadero nemorō:

—David parāmi āārīturiagᵃ, yᵃre bopoñarī merā ìāka! ārī gainíyurᵃ.

<sup>49</sup> Ìgū irasū ārīmakū pé, Jesús dujanugāja, masakare:

—Siurika ìgūrē! ārīyurᵃ.

Ìgū irasū ārīmakū pérā, gajerā ìgūrē siiu: “Ɖsᵃyaka! Wāgānugāka! Murē siiumi”, ārīñurā.

<sup>50</sup> Ìgūsā irasū ārīmakū pé, ìgūya surīro wekamañerē túweapí, pari wāgānugā, Jesús pᵃro ejanugājayurᵃ. <sup>51</sup> Jesús ìgūrē sērēñayurᵃ:

—¿Ñeénorē yᵃ mᵃrē irimakū gāāmerī? ārīyurᵃ.

Bartimeo yᵃjuyurᵃ:

—Buegᵃ, yᵃre koye ìāmakū irika! ārīyurᵃ.

<sup>52</sup> Jesús ìgūrē ārīyurᵃ:

—Mᵃ yᵃre bᵃremurī opáa. Irasirigᵃ tausūa, ārīyurᵃ.

Ìgū irasū ārīmakūta, koye ìābiradi òārō ìāmasīakōāyurᵃ. Pᵃrᵃ maague Jesúre tᵃyawāgāyurᵃ.

## 11

*Jesús Jerusalēgue ejadea**(Mt 21.1-11; Lc 19.28-40; Jn 12.12-19)*

<sup>1</sup> Pɥɥɥ Jesús ĩgũ buerã merã Jerusalēgue ejaburo dupuyuro, Betfagé, Betania wãĩkuri makãrĩ pɥro ejarɥroriyupɥ. Iri makãrĩ Olivos wãĩkuri buúru ããrĩdujimejãrõ ããrĩyuro. Irogue ejagɥ, Jesús pērã ĩgũ buerãrē ãsũ ãrĩ iriuyupɥ:

<sup>2</sup> —Si makã marĩ bokatiũrõ ããrĩrĩ makãgue waaka! Irogue ejarã, sugɥ burrore ĩgũsã sianúadire neõ suñarõ peyasũña marĩgũrē bokajarãkoa. ĩgũrē kura, ãrĩka! <sup>3</sup> Sugɥ mɥsãrē: “¿Nasirimurã yári?” ãrĩmakũ: “Marĩ Opɥ gãameami. Dapora wiagakumi doja”, ãrĩka! ãrĩ iriuyupɥ.

<sup>4</sup> ĩgũ irasũ ãrĩmakũ, pērã waa, maa tɥro ããrĩrĩ wii disipɥro burrore ĩgũsã sianúadire bokaja, ĩgũrē kurañurã. <sup>5</sup> ĩgũsã irasirimakũ ĩãrã, iro ããrĩrã sērēñañurã:

—¿Nasirirã yári? ¿Nasirimurã burrore kurari? ãrĩñurã.

<sup>6</sup> ĩgũsã irasũ ãrĩmakũ pērã, Jesús ãrãderosũta wereñurã. ĩgũsã irasũ ãrĩ weremakũ pērã: “Ãĩaka!” ãrĩ yɥɥñurã. <sup>7</sup> Pɥɥɥ burrore Jesús pɥrogue ãĩãñurã. Ãĩja, ĩgũsãya wekama surĩre túwea, burro weka peoñurã. Jesús ĩgũ wekague mɥrĩbeja waayupɥ. <sup>8</sup> Masaka wárã ĩgũsãya wekama surĩre túwea ãĩ, ĩgũ waaburi maarē sēõpĩdupuyunũrã ĩgũrē buremurã. Gajerã yukɥ dupuri pũrikurire diti, maarē pĩdupuyunũrã, ĩgũ waarĩ maa õãrĩ maa ããrĩburo, ãrĩrã.

<sup>9</sup> Irasirirã ĩgũ dupuyuro waarã, ĩgũ pɥɥ tɥyarãde ãsũ ãrĩ gainĩñurã:

Marĩ Opɥre ɥɥyari sĩrã! ĩĩ Marĩpɥ marĩrē taugɥ iriudi õãrõ aariburo.

<sup>10</sup> Marĩ Opɥ ñajãburi õãrõ aariburo. Marĩ ñekũ David opɥ ããrĩderosũta õãrõ ããrĩburo.

Marĩpɥre: “Õãtaria mɥ ããrĩpererã Opɥ ɥmɥgasigue ããrĩgũ”, ãrĩ, ɥɥyari sĩrã! ãrĩñurã.✠

<sup>11</sup> Irasirigɥ Jesús Jerusalēgue eja, Marĩpɥya wiigue ñajãa, ããrĩpereri iri wiimague ããrĩrĩrē ĩãpeokõãyupɥ. ĩã odo, Betaniague ĩgũ buerã pe mojõma pere su gubu peru pērēbejarã merã waayupɥ. ĩgũsã irogue waaripoere ñamikague ããrĩsiayuro.

*Jesús higuera gɥ dũka marĩdire ñãĩmakũ iridea**(Mt 21.18-19)*

<sup>12</sup> Gajinɥ gapɥ Betaniague ããrãnerã Jerusalēgue goedujãañurã doja. Jesús irogue goedujãagɥ, ɥaboakõãyupɥ. <sup>13</sup> Yoarogue merã higuera wãĩkũdire õãrõ pũrikũdire ĩã: “Dũkakũkoa”, ãrĩgũ ĩãgũ waadiyupɥ. Irigɥ gapɥ dũka marĩyuro. Dũkakũripoe ããrĩbiriyoero. Irasirigɥ pũrĩ direta bokajayupɥ. <sup>14</sup> Irigɥ dũka marĩmakũ ĩãgũ, Jesús ãsũ ãrĩyupɥ:

—Igɥ dũkare masaka neõ dupaturi baabirikuma. Neõ dũkakũbirikõa, ãrĩyupɥ.

Ĩgũ irasũ ãrĩmakũ, ĩgũ buerã péñurã.

*Jesús Marĩpɥya wiigue duarãrē béowiudea**(Mt 21.12-17; Lc 19.45-48; Jn 2.13-22)*

<sup>15</sup> Pɥɥɥ Jerusalēgue eja, Jesús Marĩpɥya wiigue ñajãyupɥ. Irogue doebiri duarãrē, wajarirãdere béowiuyupɥ. Niyeru gorawayurimasãya niyeru sãñarĩ kũmarĩrē yomeéwiunokõãyupɥ. Bujare dua doanĩrãya doaripēridere irasũta iriyupɥ. <sup>16</sup> “Neõ duari ãĩ ñajãbirikõãka, Marĩpɥya wiiguere!” ãrĩyupɥ Jesús masakare. <sup>17</sup> ãsũ ãrĩ bueyupɥ ĩgũsãrē:

—Marĩpɥ ĩgũya werenĩrĩ gojadea pũgue ãsũ ãrĩdi ããrĩmĩ: “Yaa wii, yɥre buremurã yɥre sērērĩ wii wãĩkurokoa. Irasirirã ããrĩpereri nikũ marã i wiigue yɥre sērēã aarirãkuma”, ãrĩdi ããrĩmĩ. Mɥsã gapɥ, ĩgũ irasũ ãrĩkererɥɥ, yajarimasãya wii irirosũ ããrĩmakũ yãa, ãrĩyupɥ Jesús.

✠ 11:10 Sal 118.25-26

18 Īgũ irasũ ārĩmakũ, ããrĩpererã masaka pégukakõãñurã. Irasirirã paia oparã, Moisés gojadeare buerimasãde ĩgũrẽ gũñurã. “¿Nasiri ĩrẽ wějērākuri?” ārĩ gũñamañurã. 19 Pũũ naĩmejāripoe Jesús ĩgũ buerã merã iri makārẽ wiriwāgākõāyupũ doja.

*Jesús buerã higueraḡũ boanḡgādire ĩādea*  
(Mt 21.20-22)

20 Gajinũ boyoripoe maague waarã, higueraḡũ nugũrĩḡue merãta ñañḡgādire ĩãñurã.

21 Pedro iriḡũre Jesús ārãdeare gũña, ĩgũrẽ ārĩyupũ:

—Bueḡũ, ĩāka! Iḡũ higueraḡũ mũ boadoredi boakõāsiayo, ārĩyupũ.

22 Jesús yũjũyupũ:

—Marĩpũre bũremuka! 23 Diayeta mũsārẽ werea. Sugũ Marĩpũre bũremugũ, ĩgũrẽ: “I buúrure dia wádiyague béoka!” ārĩmakũ, ĩgũ ārãderosũta waarokoa. Mũsã: “Marĩpũ ãsũ irimasĩbirikumi”, ārĩ gũñarõ marĩrõ: “Īgũrẽ yũ sērẽaderosũta waarokoa”, ārĩ bũremumakũ, Marĩpũ diayeta irasirigũkumi. 24 Irasirigũ mũsārẽ irire wereḡũra doja. Marĩpũre sērẽrã: “Yũ sērẽrõsũta waarokoa yũre”, ārĩ bũremumakũ, mũsã sērẽrõsũta irigũkumi. 25 Irasirirã Marĩpũre mũsã sērẽburo dupuyuro gajerã mũsārẽ ñerõ iridea waja ĩḡũsã merã guarire pirika! ĩḡũsã ñerõ irideare kātika! Irasirimakũ ĩāḡũ, Mũsãpũ ãmũgasigue ããrĩḡũ mũsã ñerõ irideare kātigũkumi. 26 Gajerã mũsārẽ ñerõ irideare mũsã kātibirimakũ ĩāḡũ, ĩḡũde mũsã ñerõ irideare kātibirikumi, ārĩyupũ Jesús.

*Judío masaka oparã Jesúre: “¿Noã mũrẽ doreri?” ārĩ sērẽñādea*  
(Mt 21.23-27; Lc 20.1-8)

27 Īgũ irasũ ārãdero pũũ, dupaturi Jerusalḡgue waañurã doja. Irogue eja, Jesús Marĩpũya wiigũe waanamakũ ĩārã, paia oparã, Moisés gojadeare buerimasãde, judío masaka mũrã merã ĩḡũ pũrogue waa ejanḡgã, 28 ĩḡũrẽ sērẽñāñurã:

—¿Noã mũrẽ doreri mũ irasirimakũ? ¿Noã mũrẽ: “Ãsũ irika!” ārĩrĩ? ārĩñurã.

29 Jesús ĩḡũsārẽ yũjũyupũ:

—Yũde mũsārẽ sērẽñāḡũra. Mũsã yũjũmakũ, yũde mũsārẽ yũjũḡũra. 30 ¿Noã Juārẽ masakare deko merã wãĩyedoreḡũ iriuyuri, Marĩpũ, o masaka? Yũjũka! ārĩyupũ Jesús.

31 Īgũ irasũ ārĩmakũ pérã, ĩḡũsã basi ãsũ ārĩ ḡãme werenĩñurã:

—“Marĩpũ Juārẽ doredi ããrĩmĩ”, marĩ ārĩmakũ, Jesús marĩrẽ: “¿Nasirirã ĩḡũ weredeare bũremubiriri mũsã?” ārĩbokumi. 32 ããrĩpererã masaka: “Diayeta Juan Marĩpũya kerere weredupuyudi ããrĩmĩ”, ārĩ gũñama. Marĩ: “Masaka Juārẽ wãĩyedorenerã ããrĩmã”, ārĩmakũ, masaka marĩ merã ḡuabokuma, ārĩñurã. Masakare ḡũisĩã, irire irasũ ārĩñurã.

33 Irasirirã: “Masĩbirikoa”, ārĩ yũjũñurã Jesúre.

Irasirigũ Jesús ĩḡũsārẽ ārĩyupũ:

—Mũsã yũre: “¿Noã mũrẽ irire doreri?” ārĩ sērẽñādeare yũde mũsārẽ yũjũbea, ārĩyupũ.

## 12

*Jesús ñerã moārã keori merã buedea*  
(Mt 21.33-46; Lc 20.9-19)

1 Pũũ Jesús paia oparãrẽ, Moisés gojadeare buerimasãrẽ, judío masaka oparãrẽ keori merã ãsũ ārĩ wereyupũ:

—Sugũ masakũ ĩḡũya pooegue iguidarire otekumi. Ote odo, iri pooe turo ãtãyeri merã sãrĩsãkumi. Ëtãyegue igui kũrabipiri gobere irikumi. Wii ãmarĩ wiigãrẽ irikumi, iri pooere korerã õãrõ ĩã koreburo, ārĩḡũ. Irasiri odo, gajerãrẽ iri pooere wayu: “Yaa oteri dukare yũre deko merã sĩrãkoa, yũ mũsārẽ iri pooere wayuri waja”, ārĩkumi. Irasũ ārĩ odo, gajerogue waakõākumi. 2 Pũũ igui ñĩripoe ejamakũ, ĩḡũrẽ moãboegũre ĩḡũya pooere moārã pũrogue iriukumi, ĩḡũya pooema oteri dukare deko merã sērẽdoreḡũ. 3 Iri pooere moārã ḡapũ ĩḡũ irogue ejamakũ ĩārã, ĩḡũrẽ ñeã, pākuma. Neõ gajino sĩrõ marĩrõ ĩḡũrẽ

iridujukuma. <sup>4</sup> Pɔɔri iri pooe opɔɔ gajigu ŋgūrē moãboegure iriukumi doja. Ŋgūrē dipurure pá, kãmitúkuma. Ŋgūrē bɔrida, iridujukuma. <sup>5</sup> Iri pooe opɔɔ gajigure iriukumi doja. Ŋgūrē wējēkōākuma. Pɔɔri wárã iriukumi doja. Surãyerire pá, gajerãrē wējēkōākuma.

<sup>6</sup> 'Irasirigu iri pooe opɔɔ magũ, ŋgũ bɔro maŋgũ dita dɔyakumi. “Yɔ magũrē bɔremurãkuma”, ãrĩ gũñarĩ merã ŋgūrē iriutũnuadikumi. <sup>7</sup> Iri pooere moãrã gapɔ ŋgũ magũ ejamakũ ãrã, ŋgũsã basi ãsũ ãrĩ gãme wereníkuma: “Ŋita pɔɔguere i pooere opabu ããrĩmi. Ŋgūrē wējēkōãrã! Irasirirã marĩ basi i pooere oparãkoa”, ãrĩkuma. <sup>8</sup> Irasirirã ŋgūrē ñeã, wējē, pooe tɔrogue ŋgũya dupɔre ãiwãgã béokōākuma, ãrĩyupɔ Jesús.

<sup>9</sup> Irasũ ãrĩ odo, ŋgũsãrē sērēñayupɔ:

—Iro merē pooe opɔɔ, ¿nasirigukuri ŋgũya pooere moãrãrē? ãsũ irigakumi. Irogue waa, ŋgũsãrē wējē, ŋgũya pooere gajerã gapɔre sɔgukumi.

<sup>10</sup> ¿Mũsã Marĩpɔya werenĩrĩ gojadesã pũrē ire buebiriri? ãsũ ãrĩ gojasũdero ããrĩbú: Suye ãtãye wii iririmasã ŋgũsã béoadeaye merã gajigu gapɔ ããrĩ turari wii irigakumi.

<sup>11</sup> Marĩpɔ irasiridi ããrĩmĩ. Marĩ ŋgũ irasirideare ããrã: “Ŋãtaria”, ãrĩ gũñãã, ãrĩ gojasũdero ããrĩbú, ãrĩ wereyupɔ Jesús ŋgũsãrē.✧

<sup>12</sup> Judío masaka oparã ŋgũ i keori merã irasũ ãrĩ weremakũ pérã: “Marĩrē: ‘Ŋgũsã irirosũ ñerã ããrã’, ãrĩgũ irikumi”, ãrĩ pémasĩ, ŋgūrē ñeã, peresu iridũadiñurã. Irasiridũakererã: “Masaka ŋgūrē marĩ irasirimakũ ããrã, marĩ merã guabokuma”, ãrĩ gũñãñurã. Irasirirã ŋgũsãrē gũi, Jesúre pirikōã, gajerogue waakōãñurã.

*Romano marã opɔɔ masakare niyeru wajasearire Jesúre sērēñadea  
(Mt 22.15-22; Lc 20.20-26)*

<sup>13</sup> Pɔɔri Jesúre weresãdũarã, surãyeri fariseo bumarãrē, Herodeya bumarãdere Jesús pɔrogue ŋgūrē wári sērēña, diaye yɔjubirimakũ iridorerã iriũñurã. <sup>14</sup> Ŋgũsã iriuanerã Jesús pɔrogue ejarã, ãsũ ãrĩñurã:

—Buegɔ, mɔ iririkũrere masã. Mɔ ãrĩgatoro marĩrõ werenia. Marĩpɔyare diayeta buea. “¿Naásũ gũñarĩ masaka yãre?” ãrĩ gũñarõ marĩrõ diayeta ŋgũsãrē werea. Oparãrē, ubu ããrĩãdere ããrĩpererãrē sũrosũta ãã. Irasirigu gũare wereka! Romano marã opɔɔ marĩrē niyeru wajasearire marĩ wajarimakũ, ¿õãgorari, o õãberi? ¿Wajariro gããmerĩ, o wajaribirikõãrõ gããmerĩ? ãrĩñurã.

<sup>15</sup> Jesús gapɔ ŋgũsã irigatori merã ŋgūrē ñerõ iridũarire masĩsãã, ãsũ ãrĩyupɔ:

—¿Nasirirã yɔ ñerõ yɔjubmakũ iridũari mũsã? Niyeru tire yãre ãrĩka! Iri tire ããmurã! ãrĩyupɔ.

<sup>16</sup> Ŋgũ irasũ ãrĩmakũ pérã, suti ããñurã. Jesús ŋgũsãrē sērēñayupɔ:

—I tiguere, ¿noãya diapu keori, noãya wãĩ tuuyari? ãrĩyupɔ.

—Romano marã opɔɔ diapu keori, ŋgũ wãĩta tuuyãã, ãrĩ yɔjubñurã.

<sup>17</sup> Irasirigu Jesús ŋgũsãrē ãrĩyupɔ:

—Iro merē romano marã opɔɔ ããrĩrĩrē ŋgūrē sĩka! Marĩpɔya gapɔre Marĩpɔre sĩka! ãrĩyupɔ.

Ŋgũ irasũ ãrĩmakũ pégũkakõãñurã.

*Saduceo bumarã, Marĩpɔ boanerãrē masũrĩrē Jesúre sērēñadea  
(Mt 22.23-33; Lc 20.27-40)*

<sup>18</sup> Pɔɔri surãyeri saduceo bumarã Jesús pɔrogue ejañurã. Ŋgũsã: “Masaka boanerãgue masãbirikuma”, ãrĩ bɔremurã ããrĩñurã. Irasirirã Jesúre ãsũ ãrĩñurã:

<sup>19</sup> —Buegɔ, Moisés marĩrē ãsũ ãrĩ gojapídi ããrĩmĩ: “Sugɔ marãpokũdi pũrã marĩkeregu igore boaweomakũ, ŋgũ pagumũ igore dúunorẽgũkumi. Irasirirã, ŋgũ igo merã pũrãkũrã ŋgũ tĩgũ dagũ pũrã irirosũta ããrĩrãkuma”, ãrĩdi ããrĩmĩ. <sup>20</sup> Iripoeguere sugɔ pũrã su mojõma pere gaji mojõ peru pẽrẽbejarã ããrĩunanerã ããrĩmã. Ŋgũsã tĩgũ gapɔ marãpokũ, pũrã

✧ 12:11 Sal 118.22-23

marĩgũta boakõâyupu. <sup>21</sup> Irasirigu ĩgũ dagu dokamuta ĩgũ marãpo ããrĩdeore dúunorẽyupu. ĩgũde, ĩgũ tĩgũ dagu irirosũta pũrã marĩgũta boakõâyupu. ĩgũsã pẽrã dokamude pũrã marĩgũta boakõâyupu. <sup>22</sup> Irasũ dita pũrã marĩrãta boapereakõãñurã. ĩgũsã puru ĩgũsã marãpode boakõâyupo pama. <sup>23</sup> ĩgũsã su mojõma pere gaji mojõ peru pẽrẽbejarã ãma igore marãpokũadiñurã. Irasirirã boanerã masãmakũ, ¿niño marãpogora ããrĩgokuri? ãrĩñurã.

<sup>24</sup> Jesús ĩgũsãrẽ yujuyupu:

—Mũsã diaye gũñabea. Marĩpuya werenĩrĩ gojadeare, ĩgũ turaridere mũsã neõ masĩbea. <sup>25</sup> Boanerã ĩgũsã masãdero puru, ĩgũsã ãmugasigue Marĩpũre wereboerã irirosũ ããrĩrãkuma. Iroguere marãpokũbirikuma. ĩgũsã pũrã nomedere nomesubirikuma. <sup>26</sup> ¿Moisės gojadea pũguere boanerã ĩgũsã masãburire buebiriri? Iripoeguere yukugãgue ãjũrõgue Marĩpu Moisére ãsũ ãrĩdi ããrĩmĩ: “Yũ Abraham, Isaac, Jacob Opũta ããrã”, ãrĩdi ããrĩmĩ. <sup>27</sup> Irasirirã ĩgũsã boanerã ããrĩkererã, Marĩpu merã okarã ããrĩma. Irasirigu Marĩpu boanerã dupaturi masãbirimurã Opũ ããrĩbemi. Okarã, boanerãgue dupaturi masãmurã Opũ ããrĩmi. Irasirirã mũsã: “Boanerã masãbirikuma”, ãrĩ gũñarã, diaye gũñabea, ãrĩyupu Jesús.

*“¿Dĩ gapũ Marĩpu doreri gaji doreri nemorõ ããrĩrĩ?” ãrĩ sërẽñadea  
(Mt 22.34-40)*

<sup>28</sup> ĩgũsã Jesús merã werenĩripoe sugu Moisés gojadeare buerimasũ ĩgũsã puru ejayupu. Jesús ĩgũ õãrõ yujũrire pé, ãsũ ãrĩ sërẽñayupu ĩgũrẽ:

—¿Dĩ gapũ Marĩpu doreri gaji doreri nemorõ ããrĩrĩ?

<sup>29</sup> Jesús ĩgũrẽ yujuyupu:

—Gaji doreri nemorõ ããrĩrĩ i ããrã: “Israel bumarã õãrõ péka! Marĩpu sugũta mũsã Opũ ããrĩmi. <sup>30</sup> Irasirirã mũsãya yujũpũrãrĩ merã, mũsã ããrĩrikuri merã, ããrĩpereri mũsã gũñarĩ merã, mũsã turari merã Marĩpũre mũsã Opũre maĩka!” <sup>31</sup> I doreri purũma ãsũ ãrã: “Mũ basi maĩrõsũta mũ purũ ããrĩrãrẽ maĩka!” I pe dorerita gaji ããrĩpereri doreri nemorõ ããrã, ãrĩyupu Jesús.

<sup>32</sup> ĩgũ irasũ ãrĩmakũ, Moisés gojadeare buerimasũ ãsũ ãrĩ yujuyupu:

—Buegu, irasũta ããrã. Mũ ãrĩrĩ diayeta ããrã. Marĩpu sugũta ããrĩmi. Gajigu ĩgũ irirosũ ããrĩgũ mámi. <sup>33</sup> Marĩrẽ marĩya yujũpũrãrĩ merã, marĩ gũñarĩ merã, ããrĩpereri marĩ turari merã Marĩpũre maĩrõ gããmea. Marĩ basi maĩrõsũta gajerãrẽ maĩrõ gããmea. Marĩpũre buremurã ĩgũ ĩũrõ waimũrã wẽjẽ soepeomakũ õãgorãa. I nemorõ Marĩpũre, masakadere marĩ maĩmakũ õãtaria, ãrĩyupu.

<sup>34</sup> ĩgũ pẽmasĩrĩ merã õãrõ yujũmakũ ĩã, Jesús ĩgũrẽ ãrĩyupu:

—Mérõ duyãa, Marĩpu mũ Opũ ããrĩrĩrẽ mũ pẽmasĩburo, ãrĩyupu.

Jesús irire irasũ ãrãdero purũ, neõ sugu ĩgũrẽ sërẽñanemobiriñurã.

*“¿Noã parãmi ããrĩturiagu ããrĩrĩ Cristo?” ãrĩ sërẽñadea  
(Mt 22.41-46; Lc 20.41-44)*

<sup>35</sup> Jesús Marĩpuya wiigue buegu, ãsũ ãrĩ sërẽñayupu:

—¿Nasirirã Moisés gojadeare buerimasã: “Cristo, David parãmi ããrĩturiagu ããrĩmi”, ãrĩrĩ? <sup>36</sup> David, Cristo ñekũ ããrĩkeregu, Õãgũ deyomarĩgũ ĩgũrẽ weredorederosũta ãsũ ãrĩ gojadi ããrĩmi:

Marĩpu yũ Opũre ãsũ ãrĩmi: “Õõ, yũ diaye gapũ doaka, yũ merã dorebu! Irasiriripoe mũrẽ ĩãturirãrẽ mũ dorerire tarinũgãnemobirimakũ irigura”, ãrĩmi, ãrĩ gojadi ããrĩmi David.\*

<sup>37</sup> David, Cristo ñekũ ããrĩkeregu, ĩgũrẽ: “Yũ Opũ ããrĩmi”, ãrĩdi ããrĩmi. ¿Nasirigu, Cristo, David parãmi ããrĩturiagu ããrĩkerepurũ, David ĩgũrẽ irasũ ãrĩyuri? ãrĩyupu Jesús.

Wãrã masaka iri wiigue ããrĩrã ĩgũ wererire mũsuyari merã pẽñurã.

*Jesús Moisés gojadeare buerimasã yamarẽ weredea*  
(Mt 23.1-36; Lc 11.37-54; 20.45-47)

<sup>38</sup> Jesús ãsũ ãrĩ buenemoyurũ:

—Moisés gojadeare buerimasã ñerõ iririre õãrõ pémasĩka! Oparã irirosũ surí yoari sãña, masaka iũrõgue waagorenama. Makã dekoguere masakare õãrõ buremurĩ merã ãgũsãrẽ bokatĩrĩ õãdoremakũ gããmemã. <sup>39</sup> Marĩ nerẽrĩ wiiriguere ñajãrã, õãrĩ doaripẽrĩgue dita doadũama. Bosenũrĩ ããrĩmakũdere oparã doarigue dita doadũama. <sup>40</sup> Wapiweyarã nome wajamomakũ ãã, ãgũsãya wiirire ãmanokõãma. ãgũsãrẽ bopoñarĩ merã ããbirikererã, yoaripoe Marĩpũre sêrẽ ãmugatoma, masaka ãgũsãrẽ: “Marĩpũre õãrõ buremuma”, ãrĩburo, ãrĩrã. ãgũsã irasiriri waja, Marĩpũ ãgũsãrẽ gajerãrẽ wajamoãrõ nemorõ wajamoãgũkumi, ãrĩyurũ Jesús.

*Wapiweyo bopogo Marĩpũya wiigue igo niyeru tiri sãdea*  
(Lc 21.1-4)

<sup>41</sup> Pũrũ Jesús Marĩpũya wiima ãgũsã ãmuburi niyeru neeõrĩ kũma pũro masaka ãgũsã niyeru sãmakũ ãã doanĩyurũ. Wãri doebiri oparã iri kũmaguere wãro niyeru sãñurã. <sup>42</sup> Sugo wapiweyo iri kũma pũro ejanũgã, pe tigã mérõgã wajakari tirigãrẽ sãyupo. <sup>43</sup> Iri tirire igo sãmakũ ããgũ, Jesús ãgũ buerãrẽ siiu, ãrĩyurũ:

—Diyeta mũsãrẽ werea. Igo wapiweyo bopogo niyeru sãgõ, Marĩpũ iũrõ gajerã ããrĩpererã sãdero nemorõ sãmo. <sup>44</sup> Gajerã wãri doebiri oparã wãro sãkerepũrũ, ãgũsãya wãro dũyãa. Igo gapũ bopogo ããrĩkerẽgo, igo baari wajariboadeare ããrĩpereri sãpeokõãmo Marĩpũre buremugõ, ãrĩyurũ Jesús.

## 13

*Jesús: “Marĩpũya wii béosũrokoa”, ãrĩ weredea*  
(Mt 24.1-2; Lc 21.5-6)

<sup>1</sup> Jesús Marĩpũya wiigue ããrãdi wiriaripoe sugũ ãgũ buegũ ãsũ ãrĩyurũ:

—Gũare buegũ, ããka i wiire pagari ãtãyeri merã iridea wii miẽrẽ, ãrĩyurũ.

<sup>2</sup> Jesús ãgũrẽ yũjũyurũ:

—Mũsã i wiire wãri wiire daporare ããdãa. Pũrũgue neõ suye ãtãye gajiyẽ weka weamũrĩadeade dujabirikoã. ããrĩpereri mũtãdijapereakõãrokoa, ãrĩyurũ Jesús.

*Jesús: “I ãmũ pereburi dupuyuro ãsũ waarokoa”, ãrĩ weredea*  
(Mt 24.3-38; Lc 21.7-36)

<sup>3</sup> Pũrũ Jesús ãgũ buerã merã Olivos wãĩkuri buúru Marĩpũya wii bokatĩũrõ ããrĩrĩ buúrugue waayurũ. Jesús irogue eja doamakũ, Pedro, Santiago, Juan, Andrés ãgũrẽ ãgũsã seyaro sêrẽñãñurã:

<sup>4</sup>—Gũare wereka! ¿Naásũ ããrĩmakũ, mũ ããrãderosũ waarokuri? ¿Ñeéno iri ãmugakuri, iri ããrĩpereri irasũ waaburi dupuyuro? ãrĩñurã.

<sup>5</sup> Jesús ãgũsãrẽ yũjũyurũ:

—Õãrõ pémasĩka! Gajerã mũsãrẽ ãrĩgatorire pébirikõãka! <sup>6</sup> Wãrã ãrĩgatorimasã aarirãkuma. “Yũ Marĩpũ iriudi Cristo ããrã”, ãrĩrãkuma. ãgũsã irasũ ãrĩgatomakũ pérã, wãrã masaka ãgũsãrẽ buremurãkuma.

<sup>7</sup> Masaka mũsã pũro gãmewẽjẽrĩrẽ pérã, yoarogue marã gãmewẽjẽrĩ kerere pérã, gũkabirikõãka! Irasũta waarokoa. Irasũ waakerepũrũ, i ãmũ pereburo dũyarokoa dapa. <sup>8</sup> Su bumarã, gaji bumarã merã gãmewẽjẽrãkuma. Su nikũ marã, gaji nikũ marã merã gãmewẽjẽrãkuma. Wãri makãrĩguere nikũ ñomerokoa. Masaka wãrã wãboari merã boarãkuma. I ããrĩpereri merã masaka ñerõ taripũroriwãgãrĩrãkuma.

<sup>9</sup> Gajerã mũsãrẽ ñeã, ãã, oparãguere ñerõ iridorerã wiarãkuma. Mũsã judío masaka nerẽrĩ wiirigue ããrĩmakũ, mũsãrẽ pãrãkuma. Mũsã yare buremurĩ waja makãrĩ marã oparã pũroque, iri nikũ marã oparã pũroque ããsũrãkoa. Irasirimakũ, mũsã Marĩpũya



ōārī kerere wererākoa īgūsārē. Irasirirā mūsā basi ōārō pémasīka! <sup>10</sup> I ūm̄ pereburo dupuyuro Marīp̄uyare wererā āārīpereri buri marārē īgūya kerere wererākuma. <sup>11</sup> Masaka mūsārē oparā p̄rogue āīāmakū: “¿Naásū ārīrākuri īgūsārē?” ārī gūñarikumerāta waaka! Oparā mūsārē sērēñamakū, Marīp̄u gūñarī sīrī merā wererākoa. Irasirirā mūsā basi werenībirikoa. Ōāgū deyomarīgū iritamurī merā, īgū werenīrī sīrī merā wererākoa.

<sup>12</sup> I ūm̄ pereburo dupuyuro masaka īgūsā pagupūrārē, īgūsā tīrārē oparāguere wējēdorerā wiarākuma. Pagusāmarā īgūsā pūrārē, pūrā īgūsā pagusāmarārē oparāguere wējēdorerā wiarākuma. <sup>13</sup> Yure mūsā buremurī waja āārīperero marā masaka mūsārē īāturi doorākuma. Mūsārē īgūsā ñerō irikerer̄m̄, yure buremurīrē piribirimakū, Marīp̄u mūsārē tauḡkumi.

<sup>14</sup> I ūm̄ pereburo dupuyuro ñegūrē Marīp̄ure īaturiḡure īārākoa. Marīp̄uya wiiḡue īgūrē āārīdorebiridea wiiḡue nīmakū īārākoa. Iripoeḡue Marīp̄uya kerere weredupuyudi Daniel īgūrē gojadi āārīmī. Īgū gojadeare bueḡno, pémasīburo. Āsū ārī gojadi āārīmī: “Iro īgū nīmakū īārā, Judea nikūḡue āārīrā buurīḡue ūmaduriburo”. <sup>15</sup> Irasū waaripoere masakare ñerō waarokoa. Suḡm̄ īgūya wii wekague āārīḡú wii poekague īgūyare āīgū ñajābirikōāburo. <sup>16</sup> Suḡm̄ īgūya pooeriḡue āārīḡúde īgūya surīre wiiḡue āīgū dujābirikōāburo. <sup>17</sup> Irasū waarīn̄rīrē nijīpagosā nome, gajerā īgūsā pūrā mirīrāgā oparā nomede b̄uro ñerō tarirākuma. <sup>18</sup> Irasirirā Marīp̄ure āsū ārī sērēka: “Puib̄u āārīmakū, irasū waabirikōāburo”, ārī sērēka!

<sup>19</sup> Irasū waarīn̄rīrē masaka ñerō tarirākuma. Marīp̄u i ūm̄rē irip̄roridero p̄r̄ure masaka ñerō taridero nemorō ñerō tarirākuma. I īgūsārē ñerō waaburi neō dupaturī irasū waanemobirikoa. <sup>20</sup> Irasiriḡu Marīp̄u masakare i ñerō waarīre: “Yoaripoe waabirikōāburo”, ārīḡukumi. Īgū irasiribirimakū, neō suḡm̄ masak̄u taribiribokumi. Irasiriḡu īgū beyenerārē bopoñasīā, īgūsārē ñerō waarīre: “Iropāta waaburo”, ārīḡukumi.

<sup>21</sup> Irasū ñerō waaripoere gajerā mūsārē: “Īāka! Ōōta Cristo āārīmī”, o “Sōō āārāmi Cristo”, ārīmakū pérā, buremubirikōāka! <sup>22</sup> Wārā ārīgatorikarā aarirākuma. Surāyeri: “Yū Marīp̄u iriudi Cristo āārā”, o “Marīp̄uya kerere weredupuyurimasā āārā”, ārīrākuma. Irasirirā masakare īgūsā ārīgatorire buremudorerā, wāri gajino iri īmurākuma. Irasirikererā, Marīp̄u beyenerārē īgūrē buremuduúmakū irimasībirikuma. <sup>23</sup> Iri irasū waaburi dupuyuro mūsārē i āārīpererire weresiāa. Irasirirā ōārō pémasīka! ārī wereyup̄u Jesús īgū buerārē.

*Jesús i ūm̄ḡue īgū dupaturī aariburire weredeā  
(Mt 24.29-35, 42-44; Lc 21.25-36)*

<sup>24</sup> Jesús āsū ārī werenemoyup̄u īgūsārē:

—Irasū ñerō waarīn̄rī p̄r̄m̄, abe ūm̄m̄m̄ naītīākōāḡukumi. Ñamimude boyonemobirikumi. <sup>25</sup> Neñukā ūm̄gasiḡue āārīrā yuridijarirākuma. Ūmarōḡue marā turarāde naradari merā béosūrākuma. <sup>26</sup> Irasū waaripoere masaka yū āārīpererā tīgū, b̄uro turari merā, gosewasiriri merā mikāyebogue i nikūguere dupaturī aarimakū īārākuma. <sup>27</sup> Yure wereboerārē āārīperero i nikūguere iriuḡura. Irasirirā yaarārē Marīp̄u beyenerārē āārīpereroḡue āārīrārē yū p̄rogue neeōrākuma.

<sup>28</sup> Ire mūsā masīburo, ārīgū, higeraḡu keori merā wereḡura. Iriḡu pū maamamakū īārā: “Bojori waaburo mérōgā d̄uyáa”, ārī masīa. <sup>29</sup> Iriḡu waarósūta i āārīpereri yū ārīrī irasū waamakū īārā: “Marīp̄u iriudi dupaturī aariburo mérōgā d̄uyáa”, ārī masīrākoa. <sup>30</sup> Diayeta mūsārē werea. I āārīpereri yū ārīrī, dapora marā īgūsā boapereburo dupuyuro irasū waarokoa. <sup>31</sup> Ūm̄gasi, i nikūde pereakōārokoa. Yū werenīrī gap̄u neō perebirikoa. Āārīpereri yū mūsārē ārīrōsūta waayumarikurokoa.

<sup>32</sup> Yū dupaturī aariburin̄rē, iri horare neō suḡm̄ masībemi. Marīp̄ure wereboerā ūm̄gasiḡue āārīrāde masībema. Yū Marīp̄u magūde masībema. Yūp̄u suḡta masīmi.

<sup>33</sup> 'Musāde y<sub>u</sub> aariburin<sub>u</sub>rē masībea. Irasirirā ōārō pémasīrī merā yúka! “G<sub>u</sub>are iritamuka!” ārī sērēka Marīp<sub>u</sub>re! <sup>34</sup> I keori merā musārē wereg<sub>u</sub>ra. Wii op<sub>u</sub> yoarogue gāmeñajāgū waaburi dupuyuro ĩgūrē moāboerārē ĩgūya wiire koredorekumi. Surāyerire ĩgū moārīrē píkumi. Gajig<sub>u</sub>re wii disip<sub>u</sub>ro koredorekumi, ĩgū dujariburire ōārō yúdoreg<sub>u</sub>. <sup>35</sup> Irasiri odo, waakōākumi. ĩgūrē moāboerā gap<sub>u</sub> ĩgū dujariburin<sub>u</sub>rē neō masībirikuma. Ñamika, o ñami deko, āgābo wereripoe, o boyoripoe aaribokumi. ĩgūsā ōārō yúbirimakū, ĩgū gūñaña marīrō aarigú, ĩgūsārē kārīrārē bokajagakumi. Wii op<sub>u</sub>re moāboerā ĩgū dujariburin<sub>u</sub>rē ĩgūsā masībiriderosūta musāde y<sub>u</sub> dupaturi aariburin<sub>u</sub>rē masībea. <sup>36</sup> Gūñaña marīrō y<sub>u</sub> aariburire masīrā, y<sub>u</sub>re ōārō pémasīrī merā yúka! Sug<sub>u</sub> kārīgū irirosū āārīgú y<sub>u</sub>re ōārō yúbirikumi. ĩgū irirosū āārībirikōāka! <sup>37</sup> Y<sub>u</sub> musārē ārīrīrē āārīpererārē ārīg<sub>u</sub>ra. Ōārō pémasīrī merā yúka! ārī wereyup<sub>u</sub> Jesús ĩgū buerārē.

## 14

*Oparā Jesúre ñeāburire āmudea*  
(Mt 26.1-5; Lc 22.1-2; Jn 11.45-53)

<sup>1</sup> Pen<sub>u</sub> pascua bosen<sub>u</sub>, judío masaka pā wemasārī morēña marīrī baari bosen<sub>u</sub> d<sub>u</sub>yaripoe paía oparā, Moisés gojadeare buerimasā nerēñurā. Jesúre ārīgatori merā ĩgūsā ĩgūrē ñeā, wējēburire āmuñurā. <sup>2</sup> Irire āmurā, āsū ārīñurā:

—I bosen<sub>u</sub> āārīmakū ĩgūrē ñeābirikōārā! Masaka marī merā guarā, marīrē gainí turibokuma, ārīñurā.

*Sugo nomeō Jesúre sūrōrī piupeodea*  
(Mt 26.6-13; Jn 12.1-8)

<sup>3</sup> Jesús Betania wāik<sub>u</sub>ri makāgue, Simón kāmi boadiya wiig<sub>u</sub>e āārīyup<sub>u</sub>. ĩgū iri wiig<sub>u</sub>e āārīrā merā baa doanírīpoe sugo nomeō suru sūrōdiru opago Jesús p<sub>u</sub>ro ejanugāyupo. Igo opadiru “alabastro” wāik<sub>u</sub>ri útāye merā iridiru, sūrōrī “nardo” wāik<sub>u</sub>ri wajapari opadiru āārīyuro. Irirure tūpā, Jesúya dipurure piupeoyupo.

<sup>4</sup> Gajerā iri wiig<sub>u</sub>e āārīrā igo irasirimakū ĩārā, gua, āsū ārī gāme wereníñurā:

—¿Nasirigo iri sūrōrīrē irasiriwasiribéokōārī? <sup>5</sup> Igo irire duamakū, trescientos niyeru tiri su bojori moā wajataropā wiriboakuyo. Iri waja merā boporārē iritamuboakumo, ārīñurā. Igo irasiririre suyubirīñurā.

<sup>6</sup> Jesús gap<sub>u</sub> ĩgūsārē ārīyup<sub>u</sub>:

—Igore garibobirikōāka! ¿Nasirirā igore garibori? Igo y<sub>u</sub>re ōārīrē yámo. <sup>7</sup> Boporā musā watopeguere āārīnīkōārākuma. Irasirirā ĩgūsārē iritamud<sub>u</sub>rā iritamumasīa. Y<sub>u</sub> tamerārē musā merā āārīnīmakū ĩābirikoa. <sup>8</sup> Igo ōārō irid<sub>u</sub>aro bokatīūrō y<sub>u</sub>re ōārō iriamo. Yaa dup<sub>u</sub>re masāgobegue ĩgūsā píburi dupuyuro āmuyugo, y<sub>u</sub>re sūrōrī piupeosiamo. <sup>9</sup> Diayeta musārē werea. Marīp<sub>u</sub> masakare tauri kerere wererā āārīperero i āmugue waagorenarā, igo y<sub>u</sub>re irideadere gajerārē wererākuma, igore gūñaburo, ārīrā, ārīyup<sub>u</sub> Jesús.

*Judas Iscariote Jesúre wējēd<sub>u</sub>arāguere ĩgūrē ĩmuburire āmudea*  
(Mt 26.14-16; Lc 22.3-6)

<sup>10</sup> P<sub>u</sub>r<sub>u</sub> Judas Iscariote wāik<sub>u</sub>g<sub>u</sub> sug<sub>u</sub> Jesús buerā pe mojōma pere su gubu peru pērēbejarā watopem<sub>u</sub> paía oparā p<sub>u</sub>roque waa, ĩgū Jesúre ĩgūsāguere ĩgūrē ĩmuburire wereníyup<sub>u</sub>.

<sup>11</sup> ĩgū irasū ārīmakū pérā, us<sub>u</sub>yari merā: “ĩgūrē m<sub>u</sub> g<sub>u</sub>are ĩmumakū, niyeru m<sub>u</sub>rē wajarirākoa”, ārīñurā.

Irasirig<sub>u</sub> Judas: “¿Naásū āārīmakū ĩgūsārē y<sub>u</sub> Jesúre wiamakū ōākuri?” ārī gūñayup<sub>u</sub>.

*Jesús ĩgū buerā merā baatūnudea*  
(Mt 26.17-29; Lc 22.7-23; Jn 13.21-30; 1 Co 11.23-26)

12 Pɛɛ judío masaka pã wemasãrĩ morẽña marĩrĩ baari bosenu pɛroririnu ããrĩmakũ, Marĩpɛ ãũ oveja majĩrãrẽ wẽjẽ baañurã. Irinũta Jesús buerã ãũ ãrĩ sãrẽñañurã:

—¿Noógue mɛ pascua bosenu baaburire ãmumakũ gããmekuri? ãrĩñurã.

13 ãũ irasũ ãrĩmakũ pé, Jesús ãũ buerã pãrãrẽ ãũ ãrĩ iriuyupɛ:

—Jerusalégue waaka! Irogue sugɛ dekosoro kããwãgãgũ mɛsãrẽ bokatĩrĩgɛkumi. ãũrẽ tɛyaka! 14 ãũ, wiigue ñajãmakũ, iri wii opɛre: “Gɛare buegɛ, ãũ ãrĩ sãrẽñadoreami: ‘¿Diĩ taribugue yɛ buerã merã i pascua bosenu baaagɛkuri?’ ãrãmi”, ãrĩka! 15 Mɛsã irasũ ãrĩmakũ pé, wãri taribu ãmarógue ãmuadea taribuguerẽ ãmugɛkumi. Irogue marĩ baaburire ãmuka! ãrĩyupɛ Jesús.

16 Irasirirã iri makãgue waa, irogue eja, Jesús wereadersũta bokaja, pascua bosenu baaburire ãmuñurã.

17 Pɛɛ naĩmejãripoe Jesús ãũ buerã pe mojõma pere su gubu peru pãrẽbejarã merã iri taribugue baagɛ ejayupɛ. 18 ãũ baa doanĩripoe Jesús ãũsãrẽ ãrĩyupɛ:

—Diayeta mɛsãrẽ werea. Sugɛ mɛsã watopemɛ yɛ merã baa doanígũta yɛre wẽjẽduarãguere yɛre ãmugɛkumi, ãrĩyupɛ.

19 ãũ irasũ ãrĩmakũ pãrã, bũro bũjãwereri merã sugɛno dita ãũrẽ sãrẽñañoñurã:

—¿Yɛ ããrĩrĩ mãrẽ ãmubu? ãrĩñurã. Gãjãrãde irasũ dita ããrĩñurã.

20 Jesús ãũsãrẽ yɛjũyupɛ:

—Sugɛ mɛsã pe mojõma pere su gubu peru pãrẽbejarã watopemɛ yɛ merã baagũta ããrĩmi. 21 Marĩpɛyã werenĩrĩ gojãdea pũgue gojãderosũta yɛre ããrĩpererã tĩgũrẽ waarõ yãa. Yɛre ãmubu gapɛre ñetariro waarokoa. ãũ deyoabirimakũ õãboyo, ãrĩyupɛ.

22 Jesús, ãũsã baaripoe pãrẽ ãrĩ, Marĩpɛre: “Mũrẽ mɛyari sã”, ãrĩ, pã, ãũsãrẽ ãũ ãrĩ guereyupɛ:

—Ire baaka! Yaa dupɛ ããrã, ãrĩyupɛ.

23 Pɛɛ iirĩripãrẽ ãrĩ, Marĩpɛre: “Mũrẽ mɛyari sã”, ãrĩ, ãũsãrẽ iripãrẽ sũyupɛ. Irasirirã ããrĩpererã iirĩñurã.

24 ãũsãrẽ ãũ ãrĩyupɛ:

—I yaa dí ããrã. Yɛ masakare boabosagɛ yaa dí béori merã wãrãrẽ Yɛpɛ: “ãũsãrẽ õãrõ irigũra”, ãrĩdeare iriyuwarikũgũkoa. 25 Diayeta mɛsãrẽ werea. Igui dekore marĩ dapora iirĩrosũ yɛ dupaturi neõ iirĩnemobirikoa. Pɛɛ Yɛpɛ ãũyãrãrẽ dorerogue mɛsã merã maama igui dekore iirĩgũkoa, ãrĩyupɛ Jesús ãũ buerãrẽ.

*Jesús Pedrorẽ: “Yɛre masĩkeregɛ: ‘Masĩbea’, ãrĩgũkoa”, ãrĩ weredea (Mt 26.30-35; Lc 22.31-34; Jn 13.36-38)*

26 Pɛɛ Marĩpɛre bayapeo odo, Olivos wãĩkãri buúrũgue waakõãñurã doja. 27 Irogue Jesús ãũsãrẽ ãrĩyupɛ:

—Mɛsã ããrĩpererã gũñaturaro marĩrõ yɛre béowãgãperekõãrãkoa. Mɛsã irasiriburire Marĩpɛyã werenĩrĩ gojãdea pũgue ãũ ãrĩ gojasũdero ããrĩbũ: Yɛ oveja koregũre wẽjẽmakũ irigũkoa. Irasirimakũ, ãũyãrã oveja ãmawasiriakõãrãkuma, ãrĩ gojasũdero ããrĩbũ.\*

28 Yɛ boadigue masãdero pɛɛ, mɛsã dupuyuro Galileague waadupuyugũkoa, ãrĩyupɛ.

29 Pedro gapɛ Jesús ãrĩyupɛ:

—ãũsã ããrĩpererã mũrẽ béowãgãkererũ, yɛ gapɛ mũrẽ neõ béowãgãbirikoa, ãrĩyupɛ.

30 Jesús ãũrẽ yɛjũyupɛ:

—Mũrẽ diayeta werea. Dapagã ñami ãgãbo pã wereburi dupuyuro mɛ yɛre masĩkeregũ ãrã gãjãrãrẽ: “Masĩbea”, ãrĩgatogũkoa, ãrĩyupɛ.

31 Pedro ãũrẽ ãrĩyupɛ:

—Yɛ mɛ merã boabu ããrĩkeregũ: “Masĩbea”, ãrĩgatobirikoa, ãrĩyupɛ.

ããrĩpererã ãũ buerã Pedro ãrĩrõsũ dita ãrĩñurã.

\* 14:27 Zac 13.7

*Jesús Getsemanígue Marĩpũre sērēdea*  
(Mt 26.36-46; Lc 22.39-46)

<sup>32</sup> Pũru Getsemaní wāikũroguẽ ejañurã. Iroguẽ Jesús ìgũ buerãrẽ:

—Õõta doaka mũsã dapa! Marĩpũre sērẽgũ waagú yáa, ãrĩyupũ.

<sup>33</sup> Irasũ ãrĩ odo, Pedro, Santiago, Juãrẽ siiuwãgãyupũ. Ìgũ bũro gũñariku, bujawereyupũ.

<sup>34</sup> Ìgũsãrẽ ãrĩyupũ:

—Bũro bujawereri merã kũmoma goero pẽnakoã. Kãrĩmerãta õõ doa yũka! ãrĩyupũ.

<sup>35-36</sup> Irasũ ãrĩ odo, yoaweyaro waanemo, yebague moomejãja, Marĩpũre ãsũ ãrĩ sērẽyupũ:

—Au, ããrĩpererire irimasĩa mũ. I yũ ñerõ tariburire taudũagu tauka! Yũ irasũ ãrĩkerepũ, yũ gããmerõsũ iribirikõãka! Mũ gããmerõsũ gapũ yũre waaburo, ãrĩyupũ.

<sup>37</sup> Pũru ìgũsã pũroguẽ ejagu, ìgũsã kãrĩrãrẽ bokajayupũ. Pedrore ãrĩyupũ:

—Simón, ¿kãrĩgũ yári? ¿Nasirigu su horanogora yũre kãrĩbita yũmasĩberi? <sup>38</sup> Kãrĩmerãta! Marĩpũre sērẽka, wãtĩ ãrĩmesãrĩrẽ iribokoa, ãrĩrã! Mũsã gũñarĩ merã õãrĩrẽ iridũadãa. Irire iridũakererã, bokatĩũbea, ãrĩyupũ.

<sup>39</sup> Irasũ ãrĩ odo, Marĩpũre ìgũ sērẽaderosũta dupaturi sērẽgũ waayupũ doja. <sup>40</sup> Dupaturi ìgũsã pũro ejagu, kãrĩrãrẽta bokajayupũ doja. Ìgũsãrẽ wũja pũrĩtariyuro. Irasirirã, naásũ ãrĩ yũjũmasĩbiriñurã.

<sup>41</sup> Ureagora kãrĩrãrẽ bokajagu, Jesús ìgũsãrẽ ãrĩyupũ:

—Siuñajã, kãrĩka pama! Iropãta ejãa. Yũre ããrĩpererã tĩgũrẽ ñerãguere wiari hora ejasiãa. <sup>42</sup> Wãgãñũgãka! Náka, waarã! Yũre wẽjẽdũarãguere yũre ìmubu aarisiami, ãrĩyupũ Jesús.

*Jesúre ñeãwãgãdea*  
(Mt 26.47-56; Lc 22.47-53; Jn 18.2-11)

<sup>43</sup> Ìgũ irasũ ãrĩ wereripoe Judas, Jesús buerã pe mojõma pere su gubu peru pẽrẽbejarã watopemũ ããrãdi ejayupũ. Wãrã masaka sareri majĩrĩ, yukũ dukari opanerã Jesús pũrore ìgũ merã ejañurã. Ìgũsã paía oparã, Moisés gojadeare buerimasã, judío masaka mũrã iriuanerã ããrĩñurã. <sup>44</sup> Ìgũsã Jesús pũro ejaburi dupuyuro Judas ìgũsãrẽ ãsũ ãrĩ weredi ããrĩmĩ: “Yũ ìgũya wayupãrãrẽ mimigũta ããrĩgũkumi. Ìgũrẽ ñeã, õãrõ sia, ããka!” ãrĩdi ããrĩmĩ.

<sup>45</sup> Judas, Jesús pũro ejagũta: “Gũare buegũ”, ãrĩ, ìgũya wayupãrãrẽ mimiyupũ.

<sup>46</sup> Ìgũ mimimakũ ìãrã, Judas merã aaranerã Jesúre turaro merã ñeãwãgãñurã.

<sup>47</sup> Sugũ Jesús buegũ gapũ paía opũre moãboegũre sareri majĩ merã ìgũya gãmipũrẽ ditiã dijukõãyupũ. <sup>48</sup> Jesús gapũ ìgũsãrẽ ãrĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aariri? <sup>49</sup> Umariku Marĩpũya wiigũe mũsã watopegue buebu. Iroguere mũsã yũre neõ ñeãbiribũ. Mũsã irasiriri Marĩpũya werenĩrĩ gojadea pũgue gojaderosũta waarõ yáa yũre, ãrĩyupũ Jesús.

<sup>50</sup> Jesúre ñeãmakũ ìãrã, ããrĩpererã ìgũ buerã sugũreta ùmaweonúwãgãkõãñurã.

<sup>51</sup> Sugũ maamũ ìgũ õmasiariñe merã dita Jesúre tũyayupũ. Ìgũdere ñeãkõãñurã. <sup>52</sup> Ìgũsã ìgũrẽ ñeãmakũ, ìgũ õmasiariñerẽ meépĩ, surĩ marĩgũ ùmaduriwãgãkõãyupũ.

*Jesúre oparã pũroguẽ ããdea*  
(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Pũru Jesúre paía opũ pũroguẽ ããjañurã. Iroguere paía oparã, Moisés gojadeare buerimasã, judío masaka mũrã ããrĩpererã nerẽñurã. <sup>54</sup> Pedro gapũ yoaweyaro Jesúre tũyañajã, paía opũya wii disipũro ñajãrõma yebague eja, Marĩpũya wiire korerã surara merã peame tũro sũma doanĩyupũ.

<sup>55</sup> Paía oparã, judío masaka murã, ããrĩpererã iroque nerẽanerã Jesúre ãrĩgatori merã weresãmurãrẽ ãmarã iriñurã ãgũrẽ wẽjẽmurã. Irasirikererã, bokabiriñurã. <sup>56</sup> Wárã gajerã ãrĩgatori merã Jesúre weresãkerepũ, keoro ejabiriyuro. <sup>57</sup> Gajerãde wãgãñugãja, ãrĩgatori merã ãsũ ãrĩ weresãñurã:

<sup>58</sup> —Gua, ãgũ ãsũ ãrĩmakũ pébu: “Marĩpũya wii masaka iridea wiire béokõãgura. Pũũ arenu waaró merã gaji wii, masaka iribiri wiire irigũra”, ãrĩmi, ãrĩñurã.

<sup>59</sup> ãgũsã irasũ ãrĩrĩde keoro ejabiriyuro.

<sup>60</sup> Irasirigu paía opu ãgũsã watopegue wãgãñugãja, Jesúre sërẽñayupu:

—¿ãgũsãrẽ yũjũberi mu? ¿Nasirirã murẽ irasũ ãrĩ weresãrĩ? ãrĩyupu.

<sup>61</sup> Jesús gapũ yũjũbiriyupu. ãgũ yũjũbirimakũ ãã, paía opu dupaturi sërẽñayupu doja:

—¿Mu Marĩpu õatarigu magũ Cristota ããrĩrĩ?

<sup>62</sup> Jesús ãgũrẽ ãrĩyupu:

—Yũ ãgũta ããrã. Yũ ããrĩpererã tĩgũrẽ Yũpu turagu diaye gapũ doamakũ ããrãkoa. ãũũgasima mikãyebori weka yũ aarimakũdere ããrãkoa, ãrĩyupu Jesús.

<sup>63</sup> ãgũ irasũ ãrĩmakũ pégu, paía opu ãgũ guarire ãmugũ, ãgũya surĩrore tũãyegue, ãsũ ãrĩyupu:

—¿Nasirimurã gajerã ãgũrẽ weresãrĩrẽ pénemobokuri marĩ? <sup>64</sup> Musã, ãgũ basita Marĩpũre ñerõ ãrĩrĩrẽ pésiãã. ¿Naásũ gũñarĩ? ãrĩyupu.

ãgũ irasũ ãrĩmakũ pérã, ããrĩpererã ãsũ ãrĩñurã:

—Marĩpũre ãgũ ñerõ ãrĩrĩ waja boaburo, ãrĩñurã.

<sup>65</sup> Irasirirã surãyeri Jesúre síku eotú, surĩro gasiro merã ãgũya koyere siabiato, ãgũrẽ pá:

—“¿Noã murẽ pári?” ãrĩbokaka! ãrĩñurã. Marĩpũya wiire korerã Jesúre ãã, ãgũya diapure burõ pánañurã.

*Pedro Jesúre masĩkeregu: “Masĩbea”, ãrĩdea*  
(Mt 26.69-75; Lc 22.56-62; Jn 18.15-18, 25-29)

<sup>66</sup> Pedro gapũ paía opu ya wii disipũro ñajãrõma yebague doanĩyupu. Iro ãgũ doaripoe sugo nomeõ paía opu moãboego ejayupo. <sup>67</sup> ãgũ peame tũro sũma doanĩmakũ ããgõ, ãgũrẽ ãsũ ãrĩyupo:

—Mũde Jesús Nazaretmũ merã ããrĩdita ããrã, ãrĩyupo.

<sup>68</sup> Pedro ãrĩgatori merã ãsũ ãrĩ yũjũyupu igore:

—ãgũrẽ masĩbea. Mu irasũ ãrĩrĩrẽ pémasĩbirikoa yũ, ãrĩyupu.

Irasũ ãrĩ, iri wii tũroma sãrĩrõ disipũroque wiriaripoeta ãgãbo wereyupu.

<sup>69</sup> Moãboego Pedrore dupaturi ãã, iro ããrĩrãrẽ ãrĩyupo doja:

—ãã, Jesús merãmũta ããrĩmi, ãrĩyupo.

<sup>70</sup> Pedro dupaturi igore ãrĩgatoyupu doja:

—ããrĩbea yũ, ãrĩyupu.

Mérõgã pũrũta iro ããrĩã Pedrore ãrĩñurã doja:

—Mu diayeta Jesús buerã merãmũta ããrã. Mu Galileamũta ããrã. Pémasĩrõta ãgũsã irirosũ werenia, ãrĩñurã.

<sup>71</sup> ãgũsã irasũ ãrĩmakũ, Pedro ãrĩyupu:

—Marĩpu péuro diayeta werea. Yũ musãrẽ diaye werebirimakũ, Marĩpu yũre wãjãmõaburo. Yũ musã werenĩgũrẽ masĩbea, ãrĩyupu.

<sup>72</sup> ãgũ irasũ ãrĩripoeta dupaturi ãgãbo wereyupu. Pedro, ãgãbo weremakũ pégu, Jesús ãgũrẽ: “ãgãbo pea wereburo dupuyuro mu yũre masĩkeregu, urea: ‘Masĩbea’, ãrĩgatogũkoa”, ããrãdeare gũñaboka, burõ oreyupu.

## 15

*Jesúre Pilato pũro ãñjãdea*  
(Mt 27.1-2, 11-14; Lc 23.1-5; Jn 18.28-38)

<sup>1</sup> Boyodujimejãripoe ããrĩpererã judío masaka oparã, paía oparã, murã, Moisés gojadeare buerimasã nerẽ: “¿Nasirirãkuri marĩ Jesúre?” ãrĩ werenĩñurã. Werení odo, ìgũrẽ sia, ãiwãgã, Pilatore wiañurã. <sup>2</sup> Pilato Jesúre sërẽñayupũ:

—¿Muta ããrĩrĩ judío masaka Opũ? ãrĩyupũ.

—Mu ãrĩrĩõsũta ìgũta ããrã, ãrĩ yũjuyupũ Jesús.

<sup>3</sup> Paía oparã Jesúre: “Íĩ ñerõ iridi ããrĩmi”, ãrĩ, wári weresãñurã.

<sup>4</sup> Ìgũsã irasũ ãrĩmakũ pégu, Pilato dupaturi Jesúre ãsũ ãrĩ sërẽñayupũ:

—¿Neõ yũjuberi? Péka! Ìgũsã murẽ wári weresãrã yáma, ãrĩyupũ.

<sup>5</sup> Jesús gapũ neõ yũjubiriyupũ. Irasirigu Pilato ìãgukakõãyupũ.

### *Jesúre wějẽdoredea*

(Mt 27.15-31; Lc 23.13-25; Jn 18.38-19.16)

<sup>6</sup> Bojorikũ pascua bosenu ããrĩmakũ, Pilato sugũ peresugue ããrĩgũrẽ masaka wiu-doregũre wiunayupũ. <sup>7</sup> Iripoere Barrabás wãikũgũ gajerã romano marã oparãrẽ béoduarã masakare wějẽnerã merã peresugue ããrĩyupũ. <sup>8</sup> Iri bosenu ããrĩmakũ, Pilato pũrogue wárã masaka nerẽ:

—Mu bojorikũ irinarõsũta irika doja! ãrĩ sërẽñurã.

<sup>9</sup> Pilato ìgũsãrẽ yũjuyupũ:

—¿Musã judío masaka Opũre yũ wiumakũ gããmerĩ? ãrĩyupũ. <sup>10</sup> Pilato, paía oparã Jesúre ìãturisã, ìgũsã ìgũrẽ wiamakũ masìgũ, irasũ ãrĩyupũ. <sup>11</sup> Paía oparã gapũ masakare: “Barrabáre wiuka!” ãrĩ gainídoreñurã.

<sup>12</sup> Ìgũsã irasũ ãrĩmakũ pé, Pilato ìgũsãrẽ sërẽñayupũ:

—Musã judío masaka Opũ, ãrĩgũ merã gapũre, ¿nasirimakũ gããmekuri?

<sup>13</sup> Ìgũ irasũ ãrĩmakũ, bũro gainírĩ merã:

—Curusague pábiatú wějẽka ìgũrẽ! ãrĩñurã.

<sup>14</sup> Pilato ìgũsãrẽ ãrĩyupũ:

—¿Ñeéno ñerĩrẽ iriari ìgũ, musã irasũ ãrĩmakũ?

Ìgũsã gapũ dupaturi:

—Curusague pábiatú wějẽka ìgũrẽ! ãrĩ gainíñurã.

<sup>15</sup> Irasirigu Pilato ìgũsã ìgũ merã õãrõ dujamakũ iridũagũ, ìgũsã gããmerõsũta Barrabáre wiuyupũ. Jesús gapũre tãrãdore, pũru surarare wiayupũ, ìgũrẽ curusague pábiatúdogũ.

<sup>16</sup> Irasirirã surara Jesúre Pilatoya wii disipũroma yebague ãijañurã. Irogue ããrĩpererã surarare Jesús pũro neeõñurã. <sup>17</sup> Pũru suríro bũro diariñerẽ ìgũrẽ sãñurã. Ìgũya dipurure pora bero ìgũsã iriadea berore peoñurã. <sup>18</sup> Pũru: “Bũremurã aarika judío masaka Opũre!” ãrĩ gainíñurã.

<sup>19</sup> Ìgũya dipurure yukũ dukã merã pá, ìgũrẽ síku eotúbiranañurã. Ìgũrẽ bũridarã ñadũkupuri merã ejamejãjanañurã. <sup>20</sup> Pũru irasiri bũrida odo, suríro diariñerẽ túwea, ìgũya surírore sãñurã doja. Irasiri odo, ìgũrẽ curusague pábiatú wějẽmurã ãĩãkõãñurã.

### *Jesúre curusague pábiatúdea*

(Mt 27.32-44; Lc 23.26-43; Jn 19.17-27)

<sup>21</sup> Ìgũrẽ ãĩãrã, sugũ Cirenemũ Simón wãikũgũre poogue ããrãdi dujarigure bokatĩrĩñurã. Ìgũ Alejandro, Rufo wãikũrã pagũ ããrĩyupũ. Ìgũrẽ bokatĩrĩ, Jesús kõãdea curusare kõãdoreñurã.

<sup>22</sup> Gólgota wãikũrogue Jesúre ãijañurã. “Gólgota”, ãrĩrõ: “Masakũ dipuru boaweadea pero”, ãrĩdũaro yáa. <sup>23</sup> Irogue eja, Jesúre igui deko mirra wãikũri merã morẽadeare tíãdiñurã. Jesús gapũ iirĩbiriyupũ. <sup>24-25</sup> Pũru irogue ñamigãgã nueve hora ããrĩmakũ Jesúre curusague pábiatú ãiwãgãnũkõãñurã pama. Odo, ìgũya suríre: “¿Noãrẽ dujarokuri?” ãrĩboka birañurã, irire ìgũsã basi gãme dukawamurã.

26 “Íĩ àsũ iridea waja boami”, ãrĩrã: “Íĩta judío masaka Opũ ããrĩmi”, ãrĩ gojadea majĩrẽ curusague Ígũ weka pábiatúnũrã. 27 Jesús merã pẽrã yajarikũrãrẽ gajĩ curusarigue pábiatú ãiwãgũnúũrã. Sugũre Ígũ diaye gapũ, gajigũre kúgapũ pábiatú ãiwãgũnúũrã. 28 Jesúre Ígũsã irasirimakũ, Marĩpũya werenĩrĩ gojadea pũgue gojaderosũta waayuro: “Ígũ ñerĩ irigũ irirosũ ñerã merã wẽjẽsũgũkumi”, ãrĩ gojasũdero ããrĩbã.

29 Masaka irogue ããrĩrã Jesús pũro ejanugãja, bũridari merã Ígũrẽ Ígũsãya dipure sagui, ñerõ werenĩũrã.

—Jũú, mũ Marĩpũya wiire béo, pũrũ mũrenũ waaró merãta iri wiire dupaturi iri odogũkoa, ãrĩ werenĩbũ. 30 Irasirigũ mũ basi tauka! Curusague merã dijarika! ãrĩũrã. 31 Paía oparã, Moisés gojadeare buerimasãde Ígũrẽ àsũ ãrĩ bũridañũrã:

—Gajerã gapũre taumi. Ígũ basi gapũ taumasĩbemi. 32 Diayeta Cristo, Israel bumarã Opũ ããrĩgũ, curusague merã Ígũ dijarimakũ ããrã, marĩ Ígũrẽ bũremurãkoa, ãrĩ bũridañũrã. Ígũ merã pábiatú ãiwãgũnúũnerãde irasũta ãrĩ bũridañũrã.

### *Jesús boadea*

(Mt 27.45-56; Lc 23.44-49; Jn 19.28-30)

33 Goeripoe ããrĩmakũ, i nikũ ããrĩpererogue naĩtĩãkõãyuro. Ñre hora gora naĩtĩãyuro. 34 Ñre hora ejamakũta Jesús bũro gainíyupũ:

—Eloi, Eloi, ¿lama sabactani? ãrĩyupũ. Irasũ ãrĩgũ: “Yũ Opũ, yũ Opũ ¿nasirigu yũre béori mũ?” ãrĩgũ iriyupũ. 35 Surãyeri iro ããrĩrã, Ígũ irasũ ãrĩ gainĩmakũ pẽrã:

—Péka! Marĩpũya kerere weredupuyudire Elíare siiugũ yámi, ãrĩũrã. 36 Sugũ Ígũsã merãmũ ãmawãgã, igui deko piari yosadea yũsure yukũ yuwague siatú, Jesúre iirĩburo, ãrĩgũ soemuúyupũ. Irasũ soemuúgũ, àsũ ãrĩyupũ:

—Íãñarã marĩ, Ígũ curusague ããrĩgũrẽ Elías ãĩdijugũ aarimakũ, ãrĩyupũ.

37 Jesús bũro gainí, kõmoakõãyupũ. 38 Ígũ kõmomakũta Marĩpũya wii poekama taribu disipũro kãmutari gasiro ãmarõ gapũ merã yegue dijarĩ, deko merã yeguesiajayuro.

39 Jesús boamakũ ããgũ, romano surara opũ:

—Íĩ diayeta Marĩpũ magũ ããrãdañumi, ãrĩyupũ.

40 Nomedede yoaweyarogue Jesúre ãũnĩũrã. Ígũsã nome watopeguere María Magdalena ããrĩyupo. Gajego María Santiago, Ígũ tĩgũ José pago ããrĩyupo. Gajego Salomé ããrĩyupo.

41 Jesús Galileague ããrĩmakũ, Ígũrẽ iritamunerã nome ããrĩũrã. Gajerã nome wãrã ããrĩũrã, Jerusalẽgue Ígũ merã waanerã nome.

### *Jesúya dupũre masãgobegue pídea*

(Mt 27.57-61; Lc 23.50-56; Jn 19.38-42)

42-43 Naĩmejãripoe ããrĩmakũ, judío masaka siuñajãrĩnũ ñajãburo dupuyuro José, Arimatea wãikũri makãmũ Pilato pũro eja. Judío masaka oparã watopemũ ããrĩyupũ. Ígũ Marĩpũ Ígũyarãrẽ doreburire yúgũ iriyupũ. Irasirigũ gũiro marĩrõ Pilato pũro eja, Jesúya dupũre yáabu sãrẽyupũ.

44 Ígũ irasũ ãrĩ sãrẽmakũ, Pilato pégũkakõãyupũ. Irasirigũ surara opũre siiu:

—¿Jesús ããrĩrõta boakõãrĩ? ãrĩ sãrẽñayupũ.

45 Surara opũ Ígũrẽ: “Boakõãmi”, ãrĩ yujũmakũ pégũ, Pilato Josére Jesúya dupũre ãĩdijudoreyupũ.

46 Irasirigũ José õãrĩ surĩro gasiro wajari, Jesúya dupũre ãĩdiju, iri gasiro merã õmayupũ. Pũrũ su gobe masãgobe ãtãyegue mádea gobegue píyupũ. Irasiri odo, iri gobere ãtã majĩ merã biayupũ. 47 Ígũ Jesúya dupũre yáamakũ, María Magdalena, gajego María José pago ããrĩũrã.

## 16

*Jesús masādea**(Mt 28.1-10; Lc 24.1-12; Jn 20.1-10)*

<sup>1</sup> Judío masaka siuñajārīnu\* tariadero puru, María Magdalena, gajego María, Santiago pago, gajego Salomé, sūrōrī wajariñurā Jesúya dupure piupeomurā. <sup>2</sup> Semana āārīpuroririnurē† ĩgūsā nome ñamigāgā, abe mūrīripoe Jesúya dupure yáadea masāgobegue waañurā. <sup>3</sup> Irogue waarā:

—¿Noā marīrē iri masāgobe biadea ūtā majīrē tūpābosarākuri? ārī wereníwāgāñurā.

<sup>4</sup> Irogue ejarā, iri gobere biadea ūtā majī miērē gajerogue oyamakū ĩañurā. <sup>5</sup> Irasirirā iri gobegue ñajāa, sugu maamu diayemapārē gapu surīro yoaro ōārō borero sñādi doamakū ĩañurā. ĩgūrē ĩārā, ĩagukakōāñurā.

<sup>6</sup> ĩgū gapu ĩgūsāno merē ārīyupu:

—Gukabirikōāka! Mūsā Jesús Nazaretmurē, ĩgūsā curusague pábiatú wējēadire āmarā yāa. Masāsiami. Ōōrē mámi. ĩāka, ĩgūsā ĩgūrē píaderore! <sup>7</sup> ĩgū buerārē, irasū āārīmakū Pedrore wererā waaka! ĩgū mūsā dupuyuro Galileague waasiami. Irogue mūsā ĩgūrē ĩārākoa ĩgū ārīderosūta, ārīyupu.

<sup>8</sup> ĩgū irasū āārīmakū pé, buro guka naradari merā waakōāñurā. Buro gūisīā, gajerārē ĩgūsā ĩādeare werebiriñurā.

*Jesús María Magdalenarē deyoadea**(Jn 20.11-18)*

<sup>9</sup> Jesús semana āārīpuroririnū boyoripoe, ĩgū masādero puru María Magdalenarē deyoapuroriyupu. Igo su mojōma pere gajī mojō peru pērēbejarā wātēārē ĩgū béowiusūdeo āārīyupo. <sup>10</sup> Jesús igore deyoadero puru, ĩgū buerārē igo ĩādeare werego waayupo. ĩgūsā buro bujawereri merā orerā iriñurā. <sup>11</sup> Igo ĩgūsārē: “Jesús okami, ĩgūrē ĩābu”, ārī wererire pérā, bremubiriñurā.

*Jesús ĩgū buerire tūyarā pērārē deyoadea**(Lc 24.13-35)*

<sup>12</sup> Puru Jesús gajerā pērārē makā turogue waarārē deyoayupu. ĩgū deyoapurorigu, deyoderosū deyobiriñurā. Irasirirā ĩgūrē ĩāmasībiriñurā.

<sup>13</sup> ĩgūrē ĩāmasī, puru ĩgū buerā āārīrōgue waa, Jesús ĩgūsārē deyoadeare wereñurā. ĩgūsādere bremudhabiriñurā.

*Jesús ĩgū buerārē ĩgūyare buedoregu pídea**(Mt 28.16-20; Lc 24.36-49; Jn 20.19-23)*

<sup>14</sup> Jesús ĩgū boa, masādero puru, ĩgū buerā pe mojōma pere su gubu suru pērēbejarārē ĩgūsā baa doanírōgue deyoa, ārīyupu:

—¿Nasirirā, yu masādea kerere pékererā, bremuberi, ĩgūsā mūsārē werekererupu? Bremurī opabea mūsā, ārīyupu.

<sup>15</sup> Puru ĩgūsārē āsū ārīyupu doja:

—Āārīpererogue marārē Marīpu masakare tauri kerere wererā waaka! <sup>16</sup> Yure bremurā, deko merā wāīyesūrā tausūrākuma. Yure bremumerā gapu peamegue béosūrākuma. <sup>17</sup> Yure bremurā yu wāī merā, yu turaro merā wātēārē masakaguere ñajānerārē béowiurākuma. Gajī masā ya ĩgūsā dupuyuro werenímasībirideare wereníurākuma. <sup>18</sup> Āñarē ñeāmakū, ĩgūsārē ñerō waabirikoā. Nima iirīmakūdere pūrībirikoā. Pūrīrikurārē ĩgūsāya mojōrī merā ñapeomakū, ĩgūsārē pūrīrī tarirokoā, ārīyupu Jesús ĩgū buerārē.

\* 16:1 Judío masaka siuñajārīnu, sábadō āārā. † 16:2 Semana āārīpurorinuno, domingo āārā.



*Jesús ãmugasigue marĩadea*  
(Lc 24.50-53)

<sup>19</sup> Marĩ Opũ Jesús irasũ ãrĩ were odoadero pũũ, Marĩpũ ãgũrẽ ãmugasigue ãĩmarĩayũ. Irasirigũ irogue ejagũ, Marĩpũ diaye gapũ eja doayũ. <sup>20</sup> ãgũ buerã ãgũ masakare tauri kerere ããrĩpererogue wererã waañurã. ãgũsã irasũ weregorenamakũ, marĩ Opũ Jesús ãgũsãrẽ iritamuníkõãyũ. Irasirigũ ãgũ turari merã ãgũsãrẽ iri ãmurĩrẽ irimakũ irinayũ, masakare ãgũsã wererire: “Diayeta ããrã”, ãrĩ bũremudoregũ.  
Iropãta ããrã.

## SAN LUCAS

### *Lucas, opɔ Teófilo wāikɔgɔre gojadea*

<sup>1-2</sup> Opɔ Teófilo, yɔ mɔrɛ òǎdorea. Gɔa watopere Jesús irinɔgǎdeare Ìǎnerǎ gɔare Ìgɔya kerere buema. Wǎrǎ gajirǎ, Ìgɔsǎ gɔare buederosùta keoro gojanɔgǎsianerǎ ǎǎrǐmǎ. <sup>3-4</sup> Yɔde ǎǎrǐpereri Jesús irinɔgǎdeare masǐpeodɔagɔ, òǎrò buebɔ. Irasirigɔ mɔrɛ gajirǎ buedeare: “Diayeta ǎǎrǎ”, ǎrǐ masǐburo, ǎrǐgɔ, irire keoro gojáa.

### *Marǐpɔre wereboegɔ Juan masakare wǎiyerimasǎ deyoaburire weredea*

<sup>5</sup> Herodes, Judea nikù marǎ opɔ ǎǎrǐripoe sugɔ paí Zacarías wāikɔgɔ ǎǎrǐyupɔ. Ìgɔ, paí Abías wāikɔgɔya bumɔ ǎǎrǐyupɔ. Ìgɔ marǎpo Isabel wāikɔgɔ, paí Aarón wāikɔgɔ parǎmeò ǎǎrǐturiagogue ǎǎrǐyupɔ. <sup>6</sup> Ìgɔsǎ pǎrǎgueta Marǐpɔ Ìǎròrɛ diayemarɛ irirǎ, Moisére doreri pídeare tarinɔgǎbiriñurǎ. Irasirirǎ gajirǎ Ìgɔsǎrɛ: “Ñerǐ irirǎ ǎǎrǐma”, ǎrǐmasǐbiriñurǎ. <sup>7</sup> Isabel pǔrǎ marǐgòno ǎǎrǐyupɔ. Irasirirǎ pǔrǎ marǐrǎta, muñuakòǎñurǎ.

<sup>8</sup> Sunɔ Zacaríaya bumarǎrɛ Marǐpɔya wiigue Marǐpɔ Ìǎrò moǎrǐ ǎǎrǐyuro. Irasirirǎ, Ìgɔ paíare iridorederosùta irirǎ irogu waañurǎ. <sup>9</sup> Irogu ejadero pɔrɔ, Ìgɔsǎ paía irinaròsù Zacaríare sǔròrǐ soemubure beyebokañurǎ. Irasirigɔ Zacarías Marǐpɔya wiima taribugue soemugɔ ñajǎyupɔ. <sup>10</sup> Ìgɔ irire soemuripoe iri taribu wirinɔgǎrògue wǎrǎ masaka Marǐpɔre sǎrɛrǎ iriñurǎ. <sup>11</sup> Ìgɔ soemuripoe sugɔ Marǐpɔre wereboegɔ sǔròrǐ soemurò diaye gapɔ Zacaríare deyoayupɔ. <sup>12</sup> Zacarías Ìgɔrɛ Ìǎgɔ, Ìǎguka, nasirimasǐbiriypɔ. Bɔro gúiyupɔ. <sup>13</sup> Ìgɔ gúimakù Ìǎgɔ, Marǐpɔre wereboegɔ gapɔ ǎsù ǎrǐyupɔ:

—Zacarías, gúibirikòǎka! Marǐpɔ mɔ sǎrɛrǐrɛ pémi. Mɔ marǎpo Isabel sugɔ majǐgɔ pǔrǎkɔgokumo. Ìgɔrɛ “Juan” wǎiyeka! <sup>14</sup> Ìgɔ merǎ bɔro ɔsɔyagɔkoa. Wǎrǎ gajirǎ Ìgɔ deyoamakù, ɔsɔyarǎkuma. <sup>15</sup> Ìgɔ Marǐpɔ Ìǎròrɛ ubu ǎǎrǐgɔ meta ǎǎrǐgɔkumi. Igui deko pǎmurǐrɛ, siburidere neò iirǐbirikumɔ. Ìgɔ deyoaburi dupiyurogueta Òǎgɔ deyomarǐgɔrɛ opatarisiagɔkumi. <sup>16</sup> Wǎrǎ Israel bumarǎrɛ Marǐpɔre gúñaduúnerǎrɛ dupaturǐ gúñamakù irigɔkumi doja. <sup>17</sup> Marǐ Opɔ aariburi dupiyuro Elías Marǐpɔya kerere weredupiyudi werederosùta Òǎgɔ deyomarǐgɔ turari merǎ masakare weregɔkumi. Pagɔsǎmarǎ Ìgɔsǎ pǔrǎ merǎ òǎrò ǎǎrǐburo, ǎrǐgɔ; tarinɔgǎrǐmasǎdere oparǎ dorerire òǎrò yɔjɔburo, ǎrǐgɔ, Marǐpɔyare weregɔkumi. Irasirigɔ masaka marǐ Opɔre òǎrò ɔsɔyari merǎ bokatǐrǐñeǎburo, ǎrǐgɔ, irire weregɔkumi, ǎrǐyupɔ Marǐpɔre wereboegɔ Zacaríare.

<sup>18</sup> Ìgɔ irasù ǎrǐmakù pégɔ, Zacarías sǎrɛñayupɔ:

—¿Nasirigɔ yɔ ire: “Diayeta ǎǎrǎ”, ǎrǐmasǐbukuri? Yɔ bɔgɔrogora ǎǎrǎ. Yɔ marǎpode bɔro ǎǎrǐmo, ǎrǐyupɔ.

<sup>19</sup> Ìgɔ irasù ǎrǐmakù pégɔ, ǎsù ǎrǐ yɔjɔyupɔ:

—Yɔ Marǐpɔre wereboegɔ, Gabriel wāikɔgɔ, Marǐpɔ pɔro ǎǎrǐgɔ ǎǎrǎ. Ìgɔta yure iriuami, mɔrɛ ì òǎrǐ kerere weredoregɔ. <sup>20</sup> Dapagorare yɔ wererire mɔ bɔremubiri waja, werenǐbi dujagɔkoa. Mɔ magɔ deyoadero pɔrɔ, werenígɔkoa doja. Marǐpɔ: “Irasù waaburo”, ǎrǐmakù, yɔ mɔrɛ ǎrǎderosùta waarokoa, ǎrǐyupɔ Gabriel Zacaríare.

<sup>21</sup> Ìgɔ irasù ǎrǐ wereripoere masaka, iri taribu wirinɔgǎrògue ǎǎrǐrǎ Zacaríare yúrǎ iriñurǎ. “¿Naásù waayuri, Ìgɔ iropa yoaripoe deyomarǐgɔ?” ǎrǐ gúñañurǎ. <sup>22</sup> Zacarías iri taribugue ǎǎrǎdi wirijagɔ, Ìgɔsǎrɛ weredɔagɔ, neò werenǐmasǐbiriypɔ. Irasirigɔ Ìgɔya mojòrǐ merǎ irikeoyupɔ. Masaka, Ìgɔ irasirimakù Ìǎrǎ: “Iri taribugue Marǐpɔ Ìmuadeare Ìǎgɔkakòǎkumi”, ǎrǐ gúñañurǎ.

<sup>23</sup> Zacarías Marǐpɔya wiigue Marǐpɔ Ìǎrò moǎrǐrɛ iripeo, Ìgɔya wiigue goedujǎakòǎyupɔ. <sup>24</sup> Pɔrɔ Ìgɔ marǎpo Isabel nijǐpo ǎǎrǐnɔgǎyupɔ. Su mojòmarǎ abe

neõ wiriro marĩrõ igoya wiigüe ããrĩkõãyupo. <sup>25</sup> Æsũ ãrĩ gũñayupo: “Marĩrũ, yũ pũrã marĩgõ ããrĩdeore iritamugũ irasũ yámi, masaka yũre ããbéobirikõãburo, ãrĩgũ”.

### *Marĩrũre wereboegũ Mariare Jesús deyoaburire weredea*

<sup>26</sup> Isabel nijĩpo ããrĩnugãdero pũrũ, su mojõma pere gaji mojõ suru pẽrẽbejari abe waaró merã Marĩrũ ããrĩnugãdero wereboegũ Gabriere Galilea nikũma makã Nazaret wãikũri makãgüe, <sup>27</sup> sugo nomeõ María wãikũgo, neõ sugũ ããrĩbeo pãroguë iriyuypũ. Igo, José wãikũgũ opũ David parãmi ããrĩturiagũ merã marãpũkũbo iriyupo. <sup>28</sup> Gabriel, igo ããrĩrõguë ñajãa, igore:

—Mũrẽ õãdorea. Marĩrũ mũrẽ õãrõ irigũ ããrĩmi. Ñgũ marĩ Opũ mũ merã ããrĩmi. Æãrĩpererã nome nemorõ mũrẽ õãrõ iritarinugãgũkumi, ãrĩ õãdoreyupo.

<sup>29</sup> María, ããrĩnugãdero ããrĩnugãdero, ããrĩnugãdero irasũ ããrĩrẽ pẽgo, pẽgũkakõãyupo. “¿Naásũ ããrĩdũaro irikuri ããrĩnugãdero ããdoreri?” ãrĩ, bũro gũñayupo. <sup>30</sup> Igo gũkamakũ ããrĩnugãdero, Marĩrũre wereboegũ ããrĩyupo:

—María, gũbirikõãka! Marĩrũ ããrĩnugãdero mũ ããrĩ bokabũ. Mũ merã ããrĩyami. <sup>31</sup> Irasirigo mũ dapagorare nijĩpo ããrĩnugãgokoa. Sugũ majĩgũ pũrãkũgokoa. Ñãrĩnugãdero “Jesús” wãiyegokoa. <sup>32-33</sup> Ñãrĩnugãdero ããrĩnugãdero meta ããrĩnugãdero. Marĩrũ ããrĩpererã nemorõ turagũ, ããrĩnugãdero: “Yũ magũ ããrĩnugãdero mũ”, ããrĩnugãdero. David, mũ magũ ñekũ, Israel bumarã opũ ããrĩdi ããrĩmi. Marĩrũ Davire opũ píderosũta mũ magũdere Opũ pígũkumi Israel bumarãrẽ dorenĩbure. Ñãrĩnugãdero ããrĩnugãdero neõ perebirikõãka, ããrĩyupo.

<sup>34</sup> Ñãrĩnugãdero irasũ ããrĩmakũ pẽgo, María ããrĩnugãdero sẽrẽñayupo:

—¿Nasiriro yũre irasũ waabukuri, yũ neõ sugũ ããrĩnugãdero merã ããrĩbirikeremakũ? ããrĩyupo.

<sup>35</sup> Igo irasũ ããrĩmakũ pẽgũ, ããrĩnugãdero ããrĩyupo:

—Õãrĩnugãdero ããrĩnugãdero ããrĩnugãdero dijari gũkumi. Marĩrũ ããrĩpererã Opũ turari, su ããrĩnugãdero túbĩaro irirosũ ejarokoa mũrẽ. Irasirigũ mũ magũ deyoabu, Marĩrũyagũ ããrĩnugãdero ããrĩnugãdero. Masaka ããrĩnugãdero: “Marĩrũ magũ ããrĩmi”, ããrĩnugãdero. <sup>36</sup> Mũ basudeo Isabede, bũro ããrĩnugãdero, sugũ majĩgũ pũrãkũgokumo. Masaka igore: “Pũrã marĩgõ ããrĩmo”, ããrĩkeremakũ, su mojõma pere gaji mojõ suru pẽrẽbejari abegora opasiamo. <sup>37</sup> Marĩrũre ããrĩnugãdero iridũari, neõ diasabea, ããrĩyupo.

<sup>38</sup> Ñãrĩnugãdero irasũ ããrĩmakũ pẽgo, María ããrĩyupo:

—Yũ marĩ Opũre moãboego ããrĩnugãdero. Marĩrũ, mũ ããrĩrõsũta iriburo yũre, ããrĩyupo.

Igo irasũ ããrĩnugãdero pũrũ, Marĩrũre wereboegũ waakõãyupo.

### *María Isabere ããrĩnugãdero waadea*

<sup>39</sup> Irinũrĩta María mumurõ merã Judea nikũ ããrĩnugãdero watopegue ããrĩrĩ makãgüe waayupo. <sup>40</sup> Irogue eja, Zacarĩaya wiigüe ñajãa, Isabere õãdoreyupo. <sup>41</sup> Igo õãdorerire pẽmakũ, Isabel magũ igoya patoregue ããrĩnugãdero bũro gãmeñayupo. Igo, Ñãrĩnugãdero ããrĩnugãdero opatariyupo. <sup>42</sup> Irasirigo turaro merã ããrĩnugãdero ããrĩyupo:

—Marĩrũ ããrĩpererã nome nemorõ mũrẽ õãrõ iritarinugãdero. Mũ magũdere õãrõ yámi. <sup>43</sup> Mũ, yũ Opũ pago yũre ããrĩnugãdero ejamakũ õãrĩnugãdero. <sup>44</sup> Mũ ããdorerire yũ pẽmakũta, yũ magũ yaa patoregue ããrĩnugãdero bũro ããrĩnugãdero merã gãmeñami. <sup>45</sup> Marĩrũre wereboegũ mũrẽ wereadeare: “Keoro waarokoa”, ããrĩ bũremusĩã, õãrõ ããrĩnugãdero merã ããrĩnugãdero, ããrĩyupo Isabel Mariare. <sup>46</sup> Irasirigo María ããrĩnugãdero ããrĩyupo:

Yaa yũpũrãgüe yũ Opũre: “Õãrĩnugãdero mũ”, ããrĩ, ããrĩnugãdero sĩa.

<sup>47</sup> Marĩrũ yũre taugũ merã bũro ããrĩnugãdero.

<sup>48</sup> Yũ ubu ããrĩnugãdero ããrĩkeremakũ, Marĩrũ yũre ããrĩnugãdero moãboegore gũñami. Irasirirã dapagora merã masaka yũre: “Marĩrũ igore õãrõ iridea merã bũro ããrĩnugãdero ããrĩnugãdero”, ããrĩnugãdero ããrĩnugãdero.

<sup>49</sup> Marĩrũ turatarigũ yũre wãri õãrĩrẽ yámi. Ñãrĩnugãdero ããrĩnugãdero, neõ ñerĩ opabi ããrĩmi.

<sup>50</sup> Æãrĩpererã gopeyari merã ããrĩnugãdero ããrĩnugãdero ããrĩnugãdero ããrĩnugãdero.

- 51 Īgũ turari merã wári ðãrĩrẽ iri ĩmumi. “Gũa gajirã nemorõ ããrã”, ãrĩ gũnarãnorẽ ubu ããrĩrã dujamakũ yámi.
- 52 Oparãrẽ ubu ããrĩrã dujamakũ yámi. Ubu ããrĩrã: “Gajirã nemorõ ããrĩbea”, ãrĩ gũnarã gapure oparã dujamakũ yámi.
- 53 H̄aboarimasãrẽ wári ðãrĩ sĩmi. Wári oparã gapure neõ gajino opamerã dujamakũ yámi.
- 54-55 Marĩ ñekũsãmarãrẽ: “Iritamugũra”, ãrĩderosũta Abrahãrẽ, ĩgũ parãmerã ããrĩturiarãdere iritamuníkõãmi. Irasirigũ marĩ Israel bumarãrẽ, ĩgũrẽ moãboerãrẽ ĩgũ ãrĩdeare neõ kãtiro marĩrõ bopoñarĩ merã iritamuníkõãmi, ãrĩyupo Marĩa.\*
- 56 Marĩa, Isabel merã urerã abegora ããrĩyupo. Pũrũ igoya wiigue goedujãakõãyupo.

### *Juan masakare wãiyerimasã deyoadea*

- 57 Pũrũ Isabel majĩgũ deyoarinopoe nijĩwãgũdero pũrũ, igo magũ deyoayupũ.
- 58 Irasirirã igo pũro ããrĩrã, igoyarã, Marĩpũ igore ðãrõ iridea kerere pérã, igore usuyatamurã waañurã. 59 Igo magũ deyoadero pũrũ, su mojõma pere gaji mojõ ureru pẽrẽbejarinurĩ waaró merã majĩgũrẽ ĩgũya dupũma gasirogãrẽ\* wiirirã waañurã. ĩgũrẽ ĩgũ pagũ “Zacarías” wãirẽ wãiyedũadiñurã. 60 Isabel gapũ ĩgũsãrẽ:

— ããrĩbea. ĩgũ: “Juan” wãikũgũkumi, ãrĩyupo.

61 Igo irasũ ãrĩmakũ pérã, igore:

— ¿Nasirigũ irasũ wãikũbukuri? Neõ mũyarã irasũ wãikũrã máma, ãrĩñurã.

- 62 Irasirirã Zacarĩare: “¿Mũ naásũ wãiyedũakuri?” ãrĩrã, mojõrĩ merã irikeo, sẽrẽñañurã. 63 Irasirigũ Zacarías su taboa majĩ sẽrẽ, iri majĩgue:

— “Juan wãikũgũkumi”, ãrĩ gojayupũ. ĩgũ gojarire ĩãrã, gũkakõãñurã. 64 Irire gojaguta Zacarías werenĩbi ããrãdi wereniakõãyupũ doja. Irasirigũ Marĩpũre: “Õãtaria mũ”, ãrĩ, usuyari sĩyupũ. 65 ããrĩpererã Zacarías pũro ããrĩrã, ĩgũ werenĩmakũ pérã, gũkakõãñurã. ããrĩpererogue Judea nikũ marã ãtãyuku watopegue ããrĩrãrẽ Juan deyoadeare wereñurã.

- 66 ĩgũ deyoadea kerere pérã, ããrĩpererã gũña, ãsũ ãrĩ gãme sẽrẽñañurã:

— ĩĩ majĩgũ bũgũro waagũ, ¿naásũ ããrĩrikũgũkuri Marĩpũ turari merã deyoadi? ãrĩñurã.

### *Zacarías Marĩpũre bayapeodea*

- 67 Zacarías, Õãgũ deyomarĩgũrẽ opatarigũ Marĩpũ ĩgũrẽ weredorerire ãsũ ãrĩ wereyupũ:

68 Marĩpũre Israel bumarã Opũre usuyari sĩrã! Marĩ ĩgũyarã pũrogo marĩrẽ taugũ aarĩmi.

- 69 Irasirigũ marĩrẽ taubure turatarigũre iriugũkumi. ĩgũ, David Marĩpũre moãboerimasũ ããrĩdi parãmi ããrĩturiagũgue ããrĩmi.

70 Iripoegue Marĩpũ, ĩgũya kerere weredupiyurimasã ñerĩ marĩrã merã marĩrẽ tauburire ãsũ ãrĩ weredi ããrĩmĩ:

- 71 “ããrĩpererã mũsãrẽ ĩãturirãrẽ, wajarãkũrãrẽ, mũsãrẽ tariweremakũ irigũra”, ãrĩ weredi ããrĩmĩ.

72 Irasirigũ marĩ ñekũsãmarãrẽ: “ ‘Mũsãrẽ bopoñarĩ merã ĩãgũ, ðãrõ irigũra’, ãrĩdeare neõ kãtibiriko”, ãrĩ weredi ããrĩmĩ.

73 Irire Marĩpũ marĩ ñekũ Abrahãrẽ weredi ããrĩmĩ.

74 Irasirigũ marĩrẽ ĩãturirãrẽ wijatagũkumi, gũiri marĩrõ ĩgũ dorerire iritũyaburo, ãrĩgũ.

75 ããrĩperero marĩ okaro bokatĩũrõ marĩrẽ ĩgũyarã, diayemarẽ irirã ããrĩmakũ irigũkumi, ãrĩyupũ Zacarías.

Irasũ ãrĩ odo, ĩgũ magũgãrẽ ãrĩyupũ:

\* 1:54-55 1 S 2.1-10; Sal 113.5-9; Gn 17.7 \* 1:59 Gn 17.1-14: Iripoegue Marĩpũ Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupũma gasirogãrẽ wiiridoredi ããrĩmĩ. Pũrũ iri dorerire Moisére pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero pũrũ irasũ yáma.

- 76 Maku, masaka murē: “Marĩpu ããrĩpererã nemorõ turaguya kerere weredupiyurimasũ ããrĩmi”, ãrĩrãkuma. Mu, marĩ Opu aariburi dupiyuro ĩgũ aariburi maarē diayema maa ãmugũ irirosũ ĩgũyare weregu waagukoa.
- 77 Marĩpuyarãrē ãsũ ãrĩ weregukoa: “Marĩpure: ‘Gua ñerõ irideare kãtika!’ ãrĩ sērēmakũ, musãrē kãtigukumi. Irasirigu musãrē perebiri peamegue waabonerãrē taugukumi”, ãrĩgukoa.
- 78 Marĩpu marĩrē bopoñarĩ merã maĩsã, umu, maamanu boyoro irirosũ waamakũ irigukumi, umugasigue merã marĩrē taubure iriugu.
- 79 Naĩtĩãrõgue ããrĩrãrē boyori sīgukumi perebiri peamegue waabonerãrē ĩgũrē masĩburo, ãrĩgũ. Irasirigu marĩrē ĩgũ merã õãrõ siñajãrĩ bokamakũ irigukumi, ãrĩ wereyupu Zacarías.\*
- 80 Majĩgũ õãrĩ gũñarĩ merã, Marĩpu turari merã masãyupu. Masaka marĩrõgue yoaripoe ããrĩyupu. Irogue ããrĩgũta Israel bumarãrē buenugãyupu.

## 2

### *Jesús deyoadea* (Mt 1.18-25)

1 Marĩpu magũ deyoaburi dupiyuro romano marã opu Augusto wãikugu ĩgũya nikũ marãrē ããrĩpererãrē keoñabu, ĩgũsã wãirē gojatúdoreyupu. 2-3 Irasirirã ããrĩpererã masaka ĩgũsã ñekũsãmarã deyoadea makãrĩgue ĩgũsã wãirē gojatúrã waañurã. Siria nikũ marã opu Cirenio wãikugu ããrĩripoe gojatúnugãñurã.

4 Irasirigu Josede, Galilea nikũma makã Nazaregue ããrãdi, Judea nikũma makã Belẽgue waayupu. Belén, David deyoadea makã ããrĩyuro. ĩgũ, David parãmi ããrĩturiagu ããrĩsã, irogue waayupu. 5 ĩgũ marãpo ããrĩbo María merã ĩgũ wãirē gojatũgu waayupu. María gapu nijĩpo ããrĩyupo. 6 Irasirigo irogue ããrĩgõ, nijĩwãgũyupo. 7 Kãrĩrĩ wĩ uturimakũ ããrĩrã, José, María merã wekua wiigue kãrĩrã waañurã. Iri wiigue María neõ pũrãkũbeo ããrĩdeo, majĩgũ pũrãkũnugãyupo. ĩgũ deyoamakũ, surĩ gasiri merã õma, wekua baari korogue ĩgũrē sãyupo.

### *Marĩpure wereboerã oveja korerimasãrē deyoadea*

8 Belén tãroque ovejare korerimasã ããrĩñurã. Ñamiriku irogue dita ĩgũsãyarã ovejare koreboyoanañurã. 9 Irogue ĩgũsãrē gũñaña marĩrõ sugu Marĩpure wereboegu deyoayupu. ĩgũ deyoamakũ, Marĩpu gosesiriri ĩgũsãrē boyoyuro. Irasũ waamakũ ĩãguka, bũro gũñurã. 10 Marĩpure wereboegu ãsũ ãrĩyupu ĩgũsãrē:

—Gũibirikõaka! Musãrē õãrĩ kerere ãirigu yãa, ããrĩpererã masaka usuyaburire.

11 Dapagã ñami, David deyoadea makãguere musãrē taubu deyoami. ĩgũ Marĩpu iriudi, Cristo musã Opu ããrĩmi. 12 Musã majĩgũrē ĩãrã waarã, surĩ gasiri merã õmadire, wekua baari korogue sãñagũrē bokajarãkoa. Irasirirã ĩgũrē ĩãrã: “Diayeta ããrãñumi”, ãrĩrãkoa, ãrĩyupu.

13 ĩgũ irire ãrĩripoeta gajirã wãrã Marĩpure wereboerã deyoa, Marĩpure buremurã ãsũ ãrĩ bayañurã:

14 Marĩpu umugasigue ããrĩgũrē: “Õãtaria mu”, ãrĩ, usuyari sãrã! I umugue ĩgũ merã õãrõ ããrĩrã siñajãrĩ opaburo, ãrĩ bayañurã.

15 Marĩpure wereboerã umugasigue mũrĩladero puru, ovejare korerimasã ĩgũsã basi gãme werenĩñurã:

—Nãka, dapagorata Belẽgue! Marĩpure wereboegu marĩrē wereaderosũta ĩãrã waarã! ãrĩñurã.

\* 1:79 Mal 3.1; Is 9.2

<sup>16</sup> Irasirirã mumurõ merã ããrã waañurã. Irogue eja, Josere, Mariare bokajañurã. Majĩgũ gapure wekũ baari korogue sãñagũrẽ ããñurã. <sup>17</sup> Ìgũrẽ ããrã, iro ããrĩrãrẽ Marĩpure wereboegu majĩgũyamarẽ wereadeare wereñurã. <sup>18</sup> Ìgũsã irire weremakũ pérã, ããrĩpererã péguakakõãñurã. <sup>19</sup> María gapũ ããrĩpereri Ìgũsã wererire pégo, igoya yũjũpũrãgueta gũñaduripíyupo. <sup>20</sup> Ovejare korerimasã Marĩpure wereboegu wereaderosũta ããrĩpereri Ìgũsã péadea, ããdea keoro waamakũ ããrã, Marĩpure: “Õãtaria mũ”, ãrĩ, usuyari merã goedujãakõãñurã.

*Jesúre Marĩpure wiigwe ããidea*

<sup>21</sup> Pũũ su mojõma pere gaji mojõ ureru pẽrẽbejarinũrĩ waaró merã majĩgũrẽ Ìgũya dũpũma gasirogãrẽ wiiriñurã. Wiiri odo, Marĩpure wereboegu Mariare, igo nijĩpo ããrĩburo dupiyuro ãrĩderosũta Ìgũrẽ “Jesús” wãiyeyñurã.

<sup>22</sup> Pũũ Moisés: “Ãsũ irika ãmũrẽ pũrãkũadero pũũ!” ãrĩdeare iripeo, José, María merã Jesúre Jerusalẽgue ããñurã, Marĩpure wiigwe Marĩpure: “Mũyagũ ããrĩmi”, ãrĩ ãmurã waarã. <sup>23</sup> Irire irirã, Marĩpure dorederosũta iriñurã. Ãsũ ãrĩ gojasũdero ããrĩbũ Marĩpure doreri gojãdea pũgue: “Ããrĩpererã ãma deyoapũrorirã Marĩpure ããrĩburo”, ãrĩ gojasũdero ããrĩbũ. <sup>24</sup> Irasirirã José, María merã Jerusalẽgue Marĩpure dorederosũta irirã waañurã. Ãsũ ãrĩ gojasũdero ããrĩbũ doja: “Pẽrã buja, o Ìgũsã marĩmakũ buja irirosũ deyorãgã pẽrã sũka, Marĩpure ãũrõ wẽjẽ soepeoburo, ããrã”.

<sup>25</sup> Iripoere Jerusalẽguere sugũ bũgũro Simeón wãikũgũ ããrĩyupũ. Ìgũ õãgũ, Marĩpure bũremugũ ããrĩyupũ. Israel bumarãrẽ taugũ aaribure yũgũ iriyupũ. Õãgũ deyomarĩgũ Ìgũ merã ããrĩnĩkõãyupũ. <sup>26</sup> Iripoegwe Õãgũ deyomarĩgũ Ìgũrẽ ãsũ ãrĩ weredi ããrĩmi: “Cristo, Marĩpure iriubure ããbita boabirikoa mũ”, ãrĩdi ããrĩmi. <sup>27-28</sup> Jesúre Ìgũ pagũsãmarã Jerusalẽgue ããjarinũrẽ Õãgũ deyomarĩgũ Simeõrẽ Marĩpure wiigwe waadoreyupũ. Marĩpure dorederosũta Jesúre iri wiigwe ããjamakũ ãã, Simeón Ìgũrẽ kõã, Marĩpure usuyari sũ, ãsũ ãrĩyupũ.

<sup>29</sup> Yũ Opũ, mũ iripoegwe ãrĩderosũta keoro yãa. Irasirigũ dapagorare yũ mũrẽ moãboegu usuyari merã boamasã.

<sup>30</sup> Ìĩ majĩgũrẽ masakare taubure yaa koye merã ããa.

<sup>31</sup> Ìgũrẽ masĩdoregũ, ããrĩpererã masaka ãũrõgwe iriubũ.

<sup>32</sup> Ìgũta judío masaka ããrĩmerãrẽ mũrẽ masĩmakũ irigũ, sũãgori sũgũ irirosũ irigũkumi.

Ããrĩpererã masaka: “Marĩpure Ìgũyarã Israel bumarãrẽ õãrõ iritamumi”, ãrĩrãkuma, ãrĩyupũ Simeón.\*

<sup>33</sup> Simeón majĩgũyamarẽ irasũ ããrĩmakũ pérã, Ìgũ pagũsãmarã péguakakõãñurã. <sup>34</sup> Simeón Ìgũsãrẽ: “Marĩpure mũsãrẽ õãrõ iriburo”, ãrĩ odo, Jesús pagore ãsũ ãrĩyupũ:

–Ìĩ majĩgũ Marĩpure beyedi ããrĩmi. Wãrã Israel bumarã Ìgũrẽ bũremumerã perebiri peamegwe béodijusũrãkuma. Ìgũrẽ bũremurã gapũ ãmũgasigwe ããmũrĩãsũrãkuma. Marĩpure turari merã Ìgũ iri ãmũmakũ ããrã, wãrã masaka ããrõ werenĩrãkuma Ìgũrẽ. <sup>35</sup> Irasiriri merã ããrĩpererã masaka Ìgũsãya yũjũpũrãrĩgwe gũñarĩrẽ masĩsũrokoa. Mũ gapũ i merã mũya yũjũpũrãrẽ sareri majĩ merã saremakũ pũrĩsũrõsũ bũro bũjaweregokoa, ãrĩyupũ Simeón Mariare.

<sup>36</sup> Gajigo Marĩpure wiigwe Marĩpure kerere weredupiyugode ããrĩyupo. Igo Ana wãikũgo, Fanuel magõ, Aser bumo, búro ããrĩyupo. Maamogora marãpũkũdeo ããrãdimo. Pũũ, su mojõma pere gaji mojõ peru pẽrẽbejari bojori waaró merã igo marãpũ boakõãyupũ. <sup>37</sup> Irasirigo wapiweyo dujayupo. Ìgũsã Jesúre Marĩpure wiigwe ããjaripoere ochenta y cuatro bojorigora opayupo. Iri wiigwe ãmũrikũ, ãnamirikũ bereri merã Marĩpure sãrẽnayupo. <sup>38</sup> Jesúre ããjamakũ ããgõ, Ìgũ pũro aari ejanũgã, Marĩpure usuyari sũyupo. Pũũ ããrĩpererã Jerusalén marãrẽ taubure yũrãrẽ Jesús deyoadearẽ wereyupo.

\* 2:32 Is 42.6; 49.6; 52.10

### *Nazaretgue goedujáadea*

<sup>39</sup> José, María Jerusalégue ããrãnerã, Marĩpũ dorederosũta ããrĩpereri iripeo, Galilea nikũ ĩgũsãya makã Nazaretgue goedujáakõãñurã. <sup>40</sup> Irogue majĩgũ turagu õãrõ masĩgũ masãyupũ. Marĩpũ ĩgũrẽ õãrõ iritamuyupũ.

### *Jesús Marĩpũya wiigue waadea*

<sup>41</sup> Bojorikũ Jesús pagusãmarã pascua bosenuĩ ããrĩmakũ, Jerusalégue waanañurã. <sup>42</sup> Jesús pe mojõma pere su gubu peru pẽrẽbejari bojori oparipoe ĩgũsã irinarõsũ ĩgũ merã iri bosenuĩ irogue taurã waañurã. <sup>43</sup> Iri bosenu tariadero purũ, ĩgũsãya makãgue Nazaretgue goedujáakõãñurã. Jesús gapũ Jerusalégua dujakõãyupũ. ĩgũ pagusãmarã ĩgũ irogue dujarire masĩbiriñurã. <sup>44</sup> “Gajirã marĩ merãmarã merã aarikumi”, ãrĩ gũñadiñurã. Purũ Jerusalẽrẽ ĩgũsã wiriadeanu ñamika ããrĩmakũ, ĩgũsã merãmarã watopegue ĩgũrẽ ãmadiñurã. <sup>45</sup> ãma, ĩgũrẽ bokabiri, maa deko merãta gãme dujáakõãñurã doja Jerusalégue ãmarã waarã.

<sup>46</sup> Ërenũ purũ Marĩpũya wiigue Moisés gojadeare buerimasã watopegue doagure bokañurã. ĩgũsã werenĩrĩrẽ pé, ĩgũsãrẽ sãrẽñanayupũ. <sup>47</sup> ĩgũ masĩrĩ merã wererire, ĩgũ õãrõ yujurire pérã, ããrĩpererã pégukakõãñurã. <sup>48</sup> ĩgũ irogue doamakũ ĩãrã, ĩgũ pagusãmarã ĩãgukakõãñurã. Pago ĩgũrẽ ãrĩyupo:

—Makũ, ¿nasirigu gũare irasiriari mũ? Yũ, mũpũ merã buro gũñarikari merã mũrẽ ãmaabũ, ãrĩyupo.

<sup>49</sup> Jesús pagore ãsũ ãrĩ yujuyupũ:

—¿Nasirirã yũre ãmaarĩ? Yũpũyare yũre iriro gããmea ĩgũya wiiguere. ¿Irire masĩberi mũsã? ãrĩyupũ.

<sup>50</sup> ĩgũ irasũ ãrĩrĩrẽ ĩgũ pagusãmarã gapũ pemasĩbiriñurã.

<sup>51</sup> Purũ Jesús ĩgũsã merã Nazaretgue goedujáakõãyupũ. ĩgũ irinĩrõsũta ĩgũsã dorerire tarinũgãrõ marĩrõ yujunayupũ. ĩgũ pago gapũ ããrĩpereri ĩgũ Jerusalégue iriadeare igoya yujupũrãgue gũñaduripĩyupo. <sup>52</sup> Jesús wãri masĩrĩ merã masãyupũ. Marĩpũ ĩgũrẽ: “Õãgũ ããrĩmi”, ãrĩ ĩãyupũ. Masakade ããrĩpererã irasũta ãrĩ ĩãñurã.

## 3

### *Juan masakare wãiyerimasã buedea*

(Mt 3.1-12; Mr 1.1-8; Jn 1.19-28; 8.31-47)

<sup>1</sup> Pe mojõma pere su gubu pẽrẽbejari bojori Tiberio wãikũgu romano marã opu ããrĩrĩ ñajãdero purũ, gajirã ĩgũ dokamarã ĩsãkũ ããrĩñurã: Poncio Pilato, Judea nikũ marã opu ããrĩyupũ. Herodes, Galilea nikũ marã opu ããrĩyupũ. ĩgũ pagũmũ Felipe: Iturea, Traconite, pe nikũ marã opu ããrĩyupũ. Gajigu Lisantias, Abilinia nikũ marã opu ããrĩyupũ. <sup>2</sup> Gajirã pẽrã: Anás, Caifás wãikũrã paia oparã ããrĩñurã. ĩgũsã oparã ããrĩripoere Zacarías magũ Juãrẽ masaka marĩrõgue ããrĩgũrẽ Marĩpũ ĩgũyare weredoreyupũ.

<sup>3</sup> Irasirigu Juan ããrĩperero dia Jordán wãikũdiya tũrogue masaka irogue ejarãrẽ:

—Mũsã ñerõ irideare bujawereka! Mũsã gũñarĩrẽ gorawayu, wãiyedoreka! Irasirimakũ, mũsãrẽ Marĩpũ mũsã ñerõ irideare kãtigukumi, ãrĩ werenayupũ. <sup>4</sup> Juan irire irigu, iripoegue Marĩpũya kerere weredupiyudi Isaías gojaderosũta iriyupũ. ãsũ ãrĩ gojadi ããrĩmi:

Masaka marĩrõgue sugũ buro gaguinĩrĩ merã weregukumi: “Marĩ Opũ aariburi dupiyuro ĩgũ aariburi maarẽ diayema maa õãrĩ maa ãmurã irirosũ diayemarẽ irika!

<sup>5</sup> Dupa tũrũrĩ ããrãdeare yasurope piusũrokoa. Ëtãyuku ããrãdeade keoro dujarokoa. Maarĩ dupaberori ããrãdeade diayema maarĩ dujarokoa. Goberikuri maarĩde su bãparogueta dujarokoa.

<sup>6</sup> Marĩpu marĩrẽ taubure iriumakũ, ããrĩpererã masaka ããrĩmakũ”, ãrĩ gojadi ããrĩmĩ.\*

<sup>7</sup> Wárã masaka Juan pũroque wãiyedorerã ejañurã. Juan ãgũsãrẽ ãrĩyupu:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? Marĩpu, gũ ñerõ iriri waja wajamoãbirikõãburo, ãrĩrã, ¿mũsã yũre wãiyedorerã aarari? <sup>8</sup> Mũsã: “Gũ ñerõ irideare bujawere, gũñarĩrẽ gorawayuabu”, ãrĩrã, mũsã ñerõ irideare piri, õãrĩ gapũre irika! Mũsã: “Gũ Abraham parãmerã ããrĩturiarã ããrĩmakũ, Marĩpu gũare wajamoãbirikumĩ”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãa. Marĩpu i ãtãyeri merã Abraham parãmerã ããrĩturiarã waamakũ irimasĩmĩ”. <sup>9</sup> Mũsã ñerĩ iririre piribirimakũ ããgũ, Marĩpu mũsãrẽ bẽogukumi. Sugũ yukũ ñerĩ dukakũdire ãã, kõme merã nugũrĩgue merãta diti, peamegue soebẽorosũ mũsãrẽ bẽogukumi, ãrĩyupu Juan.

<sup>10</sup> ãgũ irasũ ãrĩmakũ pãrã, Juãrẽ sãrẽñañurã:

—¿Gũare nasiriro gããmerĩ?

<sup>11</sup> Juan ãgũsãrẽ yũjũyupu:

—Sugũ peñe surĩro opagu, opabire suñe sĩburo. Baari opagu, baari opabire dukawaburo, ãrĩyupu.

<sup>12</sup> Gajirã romano marã oparãrẽ niyeru wajaseabosarã, Juan pũro wãiyedorerã ejañurã. ãgũsãde Juãrẽ sãrẽñañurã:

—Gũare buegu, ¿gũare nasiriro gããmerĩ?

<sup>13</sup> ãgũsã irasũ ãrĩmakũ, Juan ãrĩyupu:

—Mũsã oparã mũsãrẽ wajaseadoreaderopata wajaseaka! ãgũsã doreadero nemorõ wajaseabirikõãka! ãrĩyupu.

<sup>14</sup> Gajirã surara Juãrẽ sãrẽñañurã:

—¿Gũakoare nasiriro gããmerĩ? ãrĩñurã.

ãgũsã irasũ ãrĩmakũ, ãsũ ãrĩ yũjũyupu:

—Gajirã oparire ãmabirikõãka! ãgũsãrẽ niyeru ãmaduarã ãrĩkatori merã ãgũsã iribirideaguereta weresãbirikõãka! Mũsã moã wajatari merã usũyaka! ãrĩyupu.

<sup>15</sup> Masaka: “¿Naásũ ããrĩmakũ Marĩpu iriubu aarigũkuri?” ãrĩ gũñarã iriñurã. Irasirirã, Juan wererire pãrã: “¿Ñi Juan, Cristo ããrĩkuri?” ãrĩ gũñañurã. <sup>16</sup> Juan ããrĩpererã masakare ãsũ ãrĩyupu:

—Yũ mũsãrẽ deko merã wãiyea. Gajigu yũ pũrũ aarigũ, yũ nemorõ turagu ããrĩmĩ. Yũ gapũ ubu ããrĩgũ, ãgũrẽ neõ sũropebirikoa. ãgũ aarigũ, mũsãrẽ Õãgũ deyomarĩgũ merã, peame merã wãiyegukumi. Irasirigu mũsãrẽ Õãgũ deyomarĩgũ mũsã merã ããrĩnĩmakũ irigũkumi, ñerĩrẽ soebẽorosũ mũsãrẽ ñerĩrẽ bẽoburo, ãrĩgũ. <sup>17</sup> Trigo gasirire korobẽogu irirosũ ããrĩmĩ. Gasirire koro odo, iri yerire baari duripĩri wiigue duripĩgũkumi. Iri gasiri gapũre peamegue soebẽokõãgũkumi. Iri peame neõ yaribirikoa, ãrĩyupu. <sup>18</sup> Juan gaji wãri irasũ wereri merã masakare: “ãsũ irika!” ãrĩ werenayupu. Irasirigu iri merã Marĩpũya õãrĩ kerere werenayupu.

<sup>19</sup> Iripoere opu Herodes ãgũ pagũmũ Felipe marãpore Herodías wãikũgore ãma, marãpokũyupu. Iri waja, gaji wãri ñerõ iridea waja, Juan ãgũrẽ: “Mũ irasirimakũ ñetaria”, ãrĩ wereyupu. <sup>20</sup> Herodes, Juan wererire pãrono irigu, ñerõ irinemo, ãgũrẽ peresu iriri wiigue sóodoreyupu.

*Juan Jesũre deko merã wãiyedea  
(Mt 3.13-17; Mr 1.9-11)*

<sup>21</sup> Juan peresu iriri wiigue sóosũburi dupiyuro ããrĩpererã masaka ãgũ pũro wãiyedorerã ejarãrẽ wãiyeyupu. Jesũde ãgũ pũroque wãiyedoregu ejayupu. Juan ãgũrẽ wãiyee odomakũ,

\* 3:6 Is 40.3-5



Jesús Marĩpure sērĩripoe ùmugasasi tũpãkõãyuro. <sup>22</sup> Õãgũ deyomarĩgũ, buja irirosũ deyogu dijari, Jesús weka ejabejayupũ. Marĩpu ùmugasigue ããrĩgũ ãsũ ãrĩyupũ Jesúre:  
—Mũ yũ magũ, yũ maĩgũ ããrã. Mũ merã burũ usuyáa, ãrĩyupũ.

*Jesucristo ñekũsãmarã ããrĩturiadea*  
(Mt 1.1-17)

<sup>23</sup> Jesús treinta bojori opagũ masakare buenugãyupũ. Masaka Jesúre: “José magũ ããrĩmi ñĩ”, ãrĩ gũñadiñurã.

José, Elí magũ ããrĩyupũ. <sup>24</sup> Elí Matat magũ,  
Matat Leví magũ, Leví Melqui magũ,  
Melqui Jana magũ, Jana José magũ,  
José Matatías magũ, <sup>25</sup> Matatías Amós magũ,  
Amós Nahum magũ, Nahum Esli magũ,  
Esli Nagai magũ, Nagai Maat magũ,  
<sup>26</sup> Maat Matatías magũ, Matatías Semeí magũ,  
Semeí José magũ, José Judá magũ,  
<sup>27</sup> Judá Joana magũ, Joana Resa magũ,  
Resa Zorobabel magũ, Zorobabel Salatiel magũ,  
Salatiel Neri magũ, Neri Melqui magũ,  
<sup>28</sup> Melqui Adi magũ, Adi Cosam magũ,  
Cosam Elmodam magũ, Elmodam Er magũ,  
Er Josué magũ, <sup>29</sup> Josué Eliezer magũ,  
Eliezer Jorim magũ, Jorim Matat magũ,  
Matat Leví magũ, <sup>30</sup> Leví Simeón magũ,  
Simeón Judá magũ, Judá José magũ,  
José Jonán magũ, Jonán Eliaquim magũ,  
Eliaquim Melea magũ, <sup>31</sup> Melea Mainán magũ,  
Mainán Matata magũ, Matata Natán magũ,  
Natán opũ David magũ ããrĩdi ããrĩmí.  
<sup>32</sup> David Isai magũ, Isai Obed magũ,  
Obed Booz magũ, Booz Salmón magũ,  
Salmón Naasón magũ, <sup>33</sup> Naasón Aminadab magũ,  
Aminadab Aram magũ, Aram Esrom magũ,  
Esrom Fares magũ, Fares Judá magũ,  
Judá Jacob magũ ããrĩdi ããrĩmí.  
<sup>34</sup> Jacob Isaac magũ, Isaac Abraham magũ ããrĩdi ããrĩmí.  
Abraham Taré magũ, Taré Nacor magũ,  
Nacor Serug magũ, <sup>35</sup> Serug Ragau magũ,  
Ragau Peleg magũ, Peleg Heber magũ,  
Heber Sala magũ, <sup>36</sup> Sala Cainán magũ,  
Cainán Arfaxad magũ, Arfaxad Sem magũ,  
Sem Noé magũ ããrĩdi ããrĩmí.  
Noé Lamec magũ, Lamec Matusalén magũ,  
<sup>37</sup> Matusalén Enoc magũ, Enoc Jared magũ,  
Jared Mahalaleel magũ, Mahalaleel Cainán magũ,  
Cainán Enós magũ, Enós Set magũ,  
Set Adán magũ ããrĩdi ããrĩmí.  
<sup>38</sup> Adán neõgorague Marĩpu iridi, ĩgũ magũ ããrĩdi ããrĩmí.

## 4

*Wātī Jesúre ārīmesāididea  
(Mt 4.1-11; Mr 1.12-13)*

<sup>1</sup> Jesús Ōāgū deyomarīgūrē opatariakōāyurū. Irasirigū Ōāgū deyomarīgū ĩgū dia Jordán wāikūdiyague āārādire masaka marīrōgue āāyurū. <sup>2</sup> Iroque Jesús cuarenta narīgora āārīyurū. Iroque āārīripoe wātī ĩgūrē ārīmesāgū ejayurū. Iri cuarenta narīrē Jesús neō baabiriyurū. Irasirigū ūaboakōāyurū. <sup>3</sup> ĩgū ūaboamakū ĩāgū, wātī Jesúre āsū ārīyurū:

—Diayeta Marīrū magū āārīgū, mū turaro merā i ūtāyere pā waamakū irika! ārīyurū.

<sup>4</sup> Jesús ĩgūrē yūjūyurū:

—Yūpūya werenīrī gojadea pūgue: “Baari dita masakare okamakū iribea. Āārīpereri Marīpūya werenīrī garū ĩgūsārē okamakū yāa”, ārī gojasūdero āārībū, ārī wereyurū Jesús wātīrē.

<sup>5</sup> Pūrū wātī Jesúre ūtāū wekague āīmūrīayurū. Iroque suñarōta āārīpereri i ūmūma makārīrē ĩmupeokōāyurū. <sup>6</sup> Irire ĩmupeo odo, āsū ārīyurū:

—I yūre sīdea āārā. Irasirigū yū sīduagure sīgukoa, ĩgū i āārīpereri opū āārīburo, ārīgū. <sup>7</sup> Mū yūre űadakuṑuri merā ejamejāja, būremumakū, i āārīpereri mūrē sīgura, ārī wereyurū wātī Jesúre. <sup>8</sup> Jesús ĩgūrē yūjūyurū:

—Satanás, yū pūrore wirika! Yūpūya werenīrī gojadea pūgue: “Marīrū ditare būremuka! ĩgū doreri ditare irika!” ārī gojasūdero āārībū, ārī wereyurū Jesús wātīrē.

<sup>9</sup> Pūrū wātī Jesúre Jerusalēgue āā, Marīpūya wii wekague āīmūrīa, ĩgūrē āsū ārīyurū doja:

—Diayeta Marīrū magū āārīgū, ōōgue merā yebague parimadijaka! <sup>10-11</sup> Marīpūya werenīrī gojadea pūgue āsū ārī gojasūdero āārībū:

Marīrū ĩgūrē wereboerārē mūrē koredoregukumi, neō ūtāyegue meébejabirikōāburo, ārīgū, ārī gojasūdero āārībū, ārī wereyurū wātī Jesúre.\*

<sup>12</sup> Jesús ĩgūrē ārīyurū:

—Yūpūya werenīrī gojadea pūgue: “Būremurī marīrō Marīpūre: ‘Mū turari merā yūre gajino iri ĩmuka!’ ārībirikōāka!” ārī gojasūdero āārībū, ārī wereyurū Jesús wātīrē.

<sup>13</sup> Irasirigū wātī Jesúre gaji ārīmesārī bokabiri, waakōāyurū dapa.

*Jesús Galilea nikūgue masakare buenūgādea  
(Mt 4.12-17; Mr 1.14-15)*

<sup>14</sup> Pūrū Jesús masaka marīrōgue āārādi Galilea nikūgue goedujáayurū. Ōāgū deyomarīgū turarire opatariyurū. Āārīperero Galilea nikū marā ĩgū iridea kerere masīpereakōāñurā.

<sup>15</sup> Jesús iroque ejagū, makārīkū judío masaka nerērī wiirigue\* buenayurū. ĩgū buemakū pérā, āārīpererā: “Ōārō buemi”, ārī būremuñurā.

*Jesús Nazaregue goedujáadea  
(Mt 13.53-58; Mr 6.1-6; Jn 4.44)*

<sup>16</sup> Pūrū Jesús Nazaregue ĩgū masādea makāgue goedujáayurū. ĩgū irinarōsūta judío masaka siñajārīnū† āārīmakū, ĩgūsā nerērī wiigū waa, űajāyurū. Iri wiigū Marīpūya werenīrī gojadea pūrē bue ĩmubu wāgānūgāyurū. <sup>17</sup> Irasirigū iri wii koregū Jesúre Marīpūya kerere weredupiyudi Isaías gojadea pūrē sīyurū. ĩgū sīmakū, Jesús iri pūgue āsū ārī gojadeare boka, bue ĩmuyurū:

<sup>18</sup> Yū Opū, Ōāgū deyomarīgū yū merā āārīmakū yāmi, ĩgū dorerire iriburo, ārīgū. ĩgūyare iridoregū yūre beyepīdi āārīmī.

\* **4:10-11** Sal 91.11-12 \* **4:15** Judío masaka nerērī wii, sinagoga wāikūri wii āārā. Iroque ĩgūsā siñajārīnū āārīmakū nerē, Marīpūya werenīrī gojadea pūgue gojadeare buenama. † **4:16** Judío masaka siñajārīnū, sábadō āārā.

Irasirigu boporārē ĩgūya kerere weredoregũ, buro bujawererārē usuyamakũ iridoregũ, peresugue āārĩrārē taudoregũ, koye ĩāmerārē ĩāmakũ iridoregũ, ñerō irisūrārē taudoregũ yũre iriudi āārĩmĩ.

19 Marĩ Opũ ĩgūyarārē taugũ aariburire weredoredi āārĩmĩ, ārĩ gojadi āārĩmĩ Isaías, ārĩ bue ĩmuyupũ Jesús.\*

20 Bue ĩmu odo, ĩgũ bueadea pūrē tūrā, iri wii koregũre wia, eja doayupũ. Āārĩpererā iri wiigũe āārĩrā ĩgūrē ĩāduúbiriñurā. 21 Jesús āsũ ārĩ werenugāyupũ ĩgūsārē:

—Dapagā merā yũ mūsārē bue ĩmumakũ, Isaías gojaderosũta waāa.

22 Jesús irasũ ārĩmakũ pérā, āārĩpererā pégũkakōāñurā. “Ōārĩ werenĩrĩ merā weremi”, ārĩ gũñañurā. Irasũ gũñakererā, ĩgūsā basi gāme sērēñañurā:

—¿ĩ José magũ meta āārĩrĩ? ārĩñurā.

23 Jesús, ĩgūsā irasũ ārĩmakũ pégu, ĩgūsārē āsũ ārĩyupũ:

—Masaka ĩgūsā ārĩnarōsũ mūsā yũre: “Mũ ōārō kúrigũ āārĩrĩrē ĩmugũ, mũ basita kúrika!” ārĩkoa. Gajidere ārĩkoa: “Gũa, mũ Capernaugue iri ĩmudea kerere pébũ. Irasirigũ iroguere mũ iriderosũta i makā, mũ masādea makādere iri ĩmuka!” ārĩkoa, ārĩyupũ.

24 Irasũ ārĩ odo, āsũ ārĩnemoyupũ:

—Diayeta mūsārē werea. Neō sugũ Marĩpũya kerere weredupiyurimasārē ĩgūya nikũ marā ōārō bokatĩrĩñeābema. 25 Irasirigũ mūsārē ire ōārō masĩmakũ gāāmea. Iripoegue Elías Marĩpũya kerere weredupiyudi āārĩdeapoere masaka Marĩpũre bũremubiri waja, ure bojori gaji bojori dekogora neō deko merēbiridero āārĩbũ. Āārĩpererogũ baaride marĩdero āārĩbũ. Marĩya nikūrē wārā wapiweyarā nome āārĩnerā āārĩmā. 26 ĩgūsā wārā āārĩkeremakũ, Marĩpũ Elĩare ĩgūsārē iritamudoregũ neō iriubiridi āārĩmĩ. Gaji nikũmo Sarepta wāĩkũri makāmo Sidón pũro āārĩgō gapũre iritamudoregũ Elĩare iriudi āārĩmĩ. 27 Eliseo Marĩpũya kerere weredupiyudi āārĩdeapoedere wārā kāmĩ boarā marĩya nikūrē āārĩunanerā āārĩmā. ĩgūsā wārā āārĩkeremakũ, Marĩpũ Eliseore ĩgūsārē taudoregũ neō iriubiridi āārĩmĩ. Siria nikũmũ Naamán wāĩkũgũ gapũre taudoregũ Eliseore iriudi āārĩmĩ, ārĩ wereyupũ Jesús.

28 Jesús irasũ ārĩmakũ pérā, āārĩpererā iri wiigũe āārĩrā ĩgũ merā buro guañurā.

29 Irasirirā wāgāñugā, ĩgūrē ñeā, āĩākōāñurā. Iri makā ũtāũ weka iridea makā āārĩyuro. Irasirirā iri makā turogue ĩgūrē āĩa, túmeédijudũarā iriadiñurā. 30 Jesús gapũ ĩgūsā watopeta tariwerewāgākōāyupũ.

*Wātĩ ñajāsũdi Jesúre bokatĩrĩdea  
(Mr 1.21-28)*

31 Pũrũ Jesús Capernaugue waayupũ. Iri makā Galilea nikũgue āārĩyuro. Iroguere eja, judío masaka siñajārĩnũ āārĩmakũ, ĩgūsā nerērĩ wiigũe ĩgūsārē bueyupũ. 32 Sugũ doregũ irirosũ ōārō masĩrĩ merā ĩgũ buemakũ pérā, pégũkakōāñurā.

33 Iri wiiguere ĩgūsā merā sugũ wātĩ ñajāsũdi āārĩyupũ. Āsũ ārĩ gaguinĩyupũ:

34 —Jesús Nazaretmũ, ¿nasiribu gũa pũro aarĩri? ¿Gũare peamegue béogũ aarĩgũ yári? Yũ mũrē ĩāmasĩkōāa. Mũ, Marĩpũ iriudi, ōātarigũ āārā, ārĩyupũ.

35 Jesús wātĩrē:

—Werenĩbita! Wirika ĩgūrē! ārĩyupũ.

ĩgũ irasũ ārĩmakũ, wātĩ masaka ĩũrō ĩgũ ñajādire yebague túmeépĩ, ñerō iriro marĩrō wiriakōāyupũ. 36 Jesús wātĩrē béowiumakũ ĩārā, āārĩpererā masaka ĩāgũka, ĩgūsā basi āsũ ārĩ gāme werenĩñurā:

—¿Ñeéno werenĩrĩ āārĩrĩ i? ĩgũ turaro merā wātēārē wiriadoremakũ, mata wiri-anokōāma, ārĩñurā.

37 Pũrũ Jesús iriadeare āārĩperero iri makā turo marārē weresiriñurā.

\* 4:19 Is 61.1-2

*Jesús, Simón Pedro máñekõrẽ taudea*  
(Mt 8.14-15; Mr 1.29-31)

<sup>38</sup> Jesús, nerẽri wiigüe aãrãdi wiria, Simõya wiigüe waayupũ. Simón máñekõ bũro nimakurikũgo iriyupo. Jesús ejamakũ iãrã, igore taudorerã ìgũrẽ sêrẽñurã. <sup>39</sup> Ìgũsã irasũ sêrẽmakũ pégu, Jesús igo pũro waa ejanũgã: “Pũrĩrĩ tarika igore!” ãrĩyupũ. Ìgũ irasũ ãrĩrĩ merãta igore nimakuri aãrãdea tariakõãyuro. Irasirigo wãgãnũgã, ìgũsãrẽ baari ejoyupo.

*Jesús wãrã pũrĩrikurãrẽ taudea*  
(Mt 8.16-17; Mr 1.32-34)

<sup>40</sup> Ñamika, abe ñajãdero pũru, iri makã marã ããrĩpererã gajirosũperi pũrĩrikurãrẽ Jesús pũroque ãijañurã. Jesús pũrĩrikurãrẽ, ìgũya mojõrĩ merã ñapeo, tauyupũ. <sup>41</sup> Wãrã wãtẽa masakare ñajãnerãdere béowiuyupũ. Wãtẽa wirirã, Jesũre ãsũ ãrĩ gaguinĩñurã:

—Mũ, Marĩpu magũ aãrã, ãrĩñurã. Ìgũsã Jesũre, ìgũ Cristo, Marĩpu iriudi ããrĩrĩrẽ masĩñurã. Irasirigu Jesús wãtẽãrẽ werenidorebiriyupũ.

*Jesús Galilea nikũgue masakare buedea*  
(Mr 1.35-39)

<sup>42</sup> Gajinu boyoripoe Jesús makã tũro masaka marĩrõgue waayupũ. Ìgũ waadero pũru, masaka ìgũrẽ ãma, ìgũ pũroque ejañurã. Ìgũrẽ: “Gũa merã dujaka dapa!” ãrãdiñurã.

<sup>43</sup> Jesús gapũ ìgũsãrẽ ãrĩyupũ:

—Marĩpu ìgũyarã Opũ ããrĩrĩrẽ yure weredoregu iriudi ããrĩmĩ. Irasirigu gaji makãrĩ marãdere ire weregu waagũra, ãrĩyupũ.

<sup>44</sup> Irasirigu ããrĩperero Galilea nikũ marãrẽ judío masaka nerẽri wiirigüe buegore-nayupũ.

## 5

*Jesús ìgũ buerãrẽ wãrã waaĩ wẽjẽmakũ irideia*  
(Mt 4.18-22; Mr 1.16-20; Jn 21.3, 6)

<sup>1</sup> Gajinu Jesús Genesaret\* wãikuri ditaru tũroque ããrĩmakũ, wãrã masaka ìgũ pũrore utarinũgãjañurã Marĩpũya kerere péduarã. <sup>2</sup> Jesús iri ditaru tũro waaĩ wẽjẽrĩmasãya doóriduparu peru masaka marĩrĩ payamakũ ìãyupũ. Waaĩ wẽjẽrĩmasã gapũ ìgũsãya buiriyukure koerã iriñurã. <sup>3</sup> Jesús Simõyarugüe marĩñajãa, ìgũrẽ soewijudoreyupũ. Soewijupau odomakũ ìã, Jesús irirugüe eja doa, masakare buenũgãyupũ. <sup>4</sup> Bue odo, Simõrẽ ãsũ ãrĩyupũ:

—Doódiru merã ditaru deko ãkũãrõgue wija, mũsãya buiriyukure meéyoka waaĩ ñeãmurã, ãrĩyupũ.

<sup>5</sup> Simón ìgũrẽ yũjũyupũ:

—Gũare buegu, dapagã ñamirẽ wẽjẽboyoakõãdabu. Neõ wẽjẽbirakubu. Mũ dorerosũta buidire meéyoñagũra doja, ãrĩyupũ.

<sup>6</sup> Ìgũsã meéyomakũ, waaĩ wãrã ñajãa, buidire ooreakõãdiñurã. <sup>7</sup> Wãrã ñajãmakũ ìã, ìgũsã merãmarã gajiru doódirugüe ããrĩrãrẽ buadeañurã, ìgũsãrẽ ñeãtamudorerã. Irasirirã ìgũsã eja, waaire seasãmakũ, perugüeta mirĩboyakõãyuro.

<sup>8</sup> Irasũ waamakũ ìãgũ, Simón Pedro Jesús pũro ñadũkupuri merã ejamejãja, ìgũrẽ ãrĩyupũ:

—Yũ Opũ, mũ õãtarigu aãrã. Yũ gapũ ñegũ aãrã. Irasirigu yũ pũrore ããrĩbirikõãka! ãrĩyupũ.

<sup>9</sup> Simón, wãrã waaĩ ñajãmakũ ìãgũkagũ, irasũ ãrĩyupũ. Ìgũ merã ããrĩrãde ìãgũkakõãñurã.

<sup>10</sup> Gajiru doódiru ããrĩrã ìgũ merãmarã Zebedeo pũrã Santiago, Juan ããrĩñurã. Ìgũsãde ìãgũkakõãñurã. Jesús gapũ Simõrẽ ãrĩyupũ:

\* 5:1 Genesaret wãikuri nikũ, Galilea wãikuri ditaru tũro ããrĩyuro. Irasiriro Galilea ditaruta Genesaret wãikũyuro.

—Güibirikōāka! Dapagorare mu waaí wějērīmasū āārīrīrē piri, Marīpaya kerere masakare wererimasū āārīgukoa, āriyupū.

<sup>11</sup> Irasirirā īgūsāya doóriduparure ditaru turo tūāmajūpíkōā, āārīpereri īgūsāyare píkōā, Jesús merā waakōāñurā.

*Jesús kāmī boagure taudea*  
(Mt 8.1-4; Mr 1.40-45)

<sup>12</sup> Pūru Jesús su makāgue āārīripoe sugū kāmī boagu ejayupū. Jesúre īāgū, īgū puro ñadukupuri merā ejamejā, īgūya diapure yebague moomejāja, īgūrē sērēyupū:

—Yu Opū, mu yu pūrīrikurire tauduagu taumasīa, āriyupū.

<sup>13</sup> Īgū irasū ārīmakū pégu, Jesús īgūya mojō merā īgūrē moāña, āsū āriyupū:

—Mūrē taugura. Kāmī marīgū dujaka! āriyupū. Īgū irasū ārīrī merāta kāmī yaripereakōāyuro. <sup>14</sup> Irasirigū turaro merā Jesús īgūrē āriyupū:

—Gajirā masakare mu tariadeare werebirikōāka! Paíre mūrē kāmī yariadeare ĩmugū waaka! Īgū mūrē īāgū: “Kāmī marīgū āārā”, ārīgukumi. Pūru Moisés gojadea pūgue sīdoredeare sīka! Mu irire irimakū īārā, āārīpererā masaka mūrē kāmī yariadeare masīrākuma, āriyupū.

<sup>15</sup> Jesús īgūrē: “Gajirārē mu tariadeare werebirikōāka!” ārīkeremakū, āārīpererogue marā masaka Jesús īgūrē iriadeare pépereakōāñurā. Irasirirā wārā masaka īgū pūrogoe īgū buerire pérā, īgūsā pūrīrikuridere taudorerā, ejañurā. <sup>16</sup> Jesús gapu masaka marīrōgue Marīpure sērēgū waanayupū.

*Jesús dupu buadire taudea*  
(Mt 9.1-8; Mr 2.1-12)

<sup>17</sup> Sunu Jesús buemakū, surāyeri fariseo bumarā gajirā Moisés gojadeare buerimasāde irogoe doañurā. Īgūsā āārīperero Galilea nikūma makārī marā, Judea nikūma makārī marā, Jerusalén marā āārīñurā. Jesús pūrīrikurārē taubu, Marīpu turarire opayupū. <sup>18</sup> Īgū bueripoe gajirā iro marā sugū dupu buadire īgū oyaro merāta āijañurā. Īgūrē wiigüe āiñajāa, Jesús pūrogoe píduarā iriadiñurā. <sup>19</sup> Masaka wārā āārīmakū, āiñajāmasībiri, iri wii wekague mūrīa, su gobe āiwea, īgūrē masaka watopegue īgū oyaro merāta Jesús puro dijuñurā. <sup>20</sup> Jesús, īgūsā īgūrē buremumakū īāgū, buadire āriyupū:

—Yu, mu ñerō irideare kātia.

<sup>21</sup> Īgū irasū ārīmakū pérā, fariseo bumarā, Moisés gojadeare buerimasā āsū ārī gūñañurā: “¿Ñeémano masakū āārīrī ĩi? Īgū werenírī merā Marīpure ñerō ārīmi. Masaka ñerō irideare neō sugū masakū kātimasībirikumi. Marīpu suguta masīkumi”, ārīñurā.

<sup>22</sup> Jesús īgūsā gūñarīrē īāmasī, āsū āriyupū:

—¿Nasirirā irasū gūñarī musā? <sup>23</sup> ¿Naāsū ārīrī gapu diasaberi ĩi buadire: “Yu, mu ñerō irideare kātia”, ārīrī, o “Wāgānugā, waaka!” ārīrī gapu diasaberi? <sup>24</sup> Yu āārīpererā tīgū i ũmugue āārīrārē īgūsā ñerō irideare Marīpu dorero merā kātimasīa. Irasirigū ĩi buadire taugura, musārē irire masīdoregu, āriyupū. Irasū ārī odo, buadire āriyupū:

—Yu mūrē āsū ārā. Wāgānugā, mu oyaderore āi, maya wiigüe waaka! āriyupū.

<sup>25</sup> Īgū irasū ārīrī merāta īgūsā ĩūrō wāgānugā, īgū oyaderore āi, īgūya wiigüe waagú, Marīpure: “Ōātaria mu”, ārī, usuyari sīyupū. <sup>26</sup> Masaka, Jesús irasiririre īāguka, īgūsāde Marīpure: “Ōātaria mu”, ārī, usuyari sīñurā. Buro güiri merā āsū ārīñurā:

—Dapagārē neō marī īābirideare īāa, ārīñurā.

*Jesús Levíre siiudea*  
(Mt 9.9-13; Mr 2.13-17)

27 Pɩɩ Jesúſ iro merã waa, Leví† wãikugure bokajayupɩ. Leví romano marã opure niyeru wajaseabosagu ããrĩyupɩ. Īgũ moãrĩ taribugue doamakũ ĩãgũ, Jesúſ ĩgũrẽ ãrĩyupɩ:  
—Nãka, yɩ merã!

28 Īgũ irasũ ãrĩmakũ pégu, Leví wãgãnugã, ĩgũ moãdea ããrĩpererire pípeo, Jesúſ merã waakõãyupɩ. 29 Pɩɩ Leví ĩgũya wiigüe eja, Jesúſre bosenu iripeoyupɩ. Wárã niyeru wajaseabosarimasã, gajirã masaka ĩgũsã merã baa doaníñurã. 30 Jesúſ ĩgũsã merã doamakũ ĩãrã, fariseo bumarã, Moisés gojadeare buerimasã Jesúſ buerãrẽ ãsũ ãrĩ werewuãñurã:

—¿Nasirirã niyeru wajaseabosarimasã, ñerõ irirã merã iirí, baari mɩsã? ãrĩñurã.

31 Jesúſ ĩgũsãrẽ yɩjuyupɩ:

—Pũrĩrĩ marĩrã kúririmasũrẽ ãmabema. Pũrĩrikurã gapɩ ĩgũrẽ ãmama. 32 Yɩ: “Õãrã ããrã”, ãrĩ gũñarãrẽ siiugu aaribiribu. “Ñerõ irirã ããrã”, ãrĩ gũñarã ditare siiugu aarigú iribu, ĩgũsã ñerõ irideare bujawere, gũñarĩrẽ gorawayuburo, ãrĩgũ, ãrĩyupɩ.

*Jesúſre bererimarẽ sêrẽñãdea*

*(Mt 9.14-17; Mr 2.18-22)*

33 Jesúſ irasũ ãrĩmakũ pérã, ĩgũrẽ sêrẽñãñurã:

—Juan buerã, fariseo bumarã buerire tɩyarãde Marĩpɩre buremurã bere, ĩgũrẽ sêrẽnama. ¿Nasirirã mɩ buerã gapɩ õãrõ iirí, baari? ãrĩñurã.

34 Jesúſ ĩgũsãrẽ yɩjuyupɩ:

—¿Sugu mojõsɩadi bosenu irimakũ, mɩsã ĩgũ siiuanerãrẽ ĩgũ merã ããrĩãrẽ bujawereri merã beremakũ irimasĩbukuri? 35 Pɩɩ ĩgũrẽ gajirã ãĩãmakũ, bujawereri merã bererãkuma, ãrĩyupɩ.

36 Irire ãrĩ odo, keori merã ĩgũsãrẽ ãsũ ãrĩ wereyupɩ doja:

—Masaka neõ surĩro maamañerẽ tábirikuma buɣuñerẽ seretúmurã. Irasũ seretúrã, maamañerẽ poyanorẽrã irikuma. Maama gasiro merã buɣuñerẽ seretúadero õãrõ deyobirikoa. 37 Waimurã gasiri merã iridea ajuri buɣu ajurigüe maama igui dekore diribirikuma. Irasũ dirimakũ, maama igui deko pãmu, buɣu ajuri sêrãturabiri, oore-akõãkoa. Irasiriro igui deko, ajuride kõmoko. 38 Irasirirã maama igui dekore maama ajurigüe diriro gããmea. 39 Masaka igui deko pãmurĩrẽ iirirã, maama igui dekore gããmebirikuma, maama buerire péduaberosũ. “Igúi deko pãmudea gapɩ, maama igui deko nemorõ õãã”, ãrĩrãkuma, ãrĩyupɩ Jesúſ ĩgũsãrẽ.

## 6

*Siñajãrĩnɩ ããrĩmakũ, Jesúſ buerã trigo yerire tãrĩdea*

*(Mt 12.1-8; Mr 2.23-28)*

1 Gajinɩ, judío masaka siñajãrĩnɩ ããrĩmakũ, Jesúſ trigo otedero watope waamakũ, ĩgũ buerã trigo yerire tãrĩ koro baawãgãñurã\*. 2 ĩgũsã irasirimakũ ĩãrã, surãyeri fariseo bumarã ĩgũsãrẽ sêrẽñãñurã:

—¿Nasirirã siñajãrĩnɩrẽ moãdorebirikeremakũ, irasũ yári mɩsã? ãrĩñurã.

3 Jesúſ ĩgũsãrẽ yɩjuyupɩ:

—¿Mɩsã iripoeguemɩ David ĩgũ merãmarã merã uaboagu, ĩgũ irideare buebiriri? 4 ĩgũ merãmarã merã Marĩpɩya wiigüe ñajãa, Marĩpɩ ĩũrõ peyari pã duparure baadi ããrĩmí. Marĩpɩ paía ããrĩmerãrẽ: “Iri pã duparure baabirikõãka!” ãrĩdi ããrĩmí. David gapɩ paí ããrĩbirikeregu, irire baagu, Marĩpɩ ĩũrõ ĩgũ dorerire tarinugãgũ meta iridi ããrĩmí, ãrĩyupɩ.

5 Irasũ ãrĩ odo, ãsũ ãrĩyupɩ doja:

† 5:27 Leví pe wãĩ opayupɩ. ĩgũta Mateo wãikuyupɩ. \* 6:1 Deuteronomio 23.25: Moisés gojadea pügüe ãsũ ãrĩ gojasũdero ããrĩbú: “Sugu masakũ gajigũya poegüe waagú, ĩgũya mojõrĩ merã trigo yerire tãrĩ koro baaburo. Wiirimajĩ merã diti ãĩabirikõãburo”, ãrĩ gojasũdero ããrĩbú.

—Y<sub>u</sub> ããrĩpererã tĩgũ ããrĩsĩã, siñajãrĩnũrẽ masaka gajino ïgũsã iriburire doremasĩa, ãrĩyupũ Jesús.

*Jesús mojõ diíweredire taudea*  
(Mt 12.9-14; Mr 3.1-6)

<sup>6</sup> Gajinu siñajãrĩnu ããrĩmakũ, Jesús judío masaka nererĩ wiigüe ñajãa, ïgũsãrẽ bueyupũ. Iri wiigüe sugũ masakũ diayema mojõ gapũ diíweredi ããrĩyupũ. <sup>7</sup> Fariseo bumarã, Moisés gojadeare buerimasã Jesúre bũro ïãduripítuya: “Siñajãrĩnu ããrã, irasirirã ñi mojõ diíweredire ïgũ taumakũ, ïgũrẽ weresãrãra”, ãrĩ gũñañurã. <sup>8</sup> Jesús ïgũsã gũñañirẽ ïãmasĩ, mojõ diíweredire:

—Wãgãnugã, masaka ïũrõgue ejanugãgũ aarika! ãrĩyupũ. ïgũ irasũ ãrĩmakũ pégu, mojõ diíweredi wãgãnugã, Jesús pũro ejanugãyupũ. <sup>9</sup> ïgũ ejanugãmakũ, Jesús gajirã iroque ããrĩrãrẽ ãsũ ãrĩyupũ:

—Mũsãrẽ sërẽñaduakoa. ¿Siñajãrĩnũrẽ Marĩpu marĩrẽ ñeénorẽ iridoreyuri, õãrĩrẽ, o ñerĩrẽ, masakare taurire, o wějërĩrẽ? ãrĩyupũ.

<sup>10</sup> Sërẽña odo, masaka ããrĩpererãrẽ ïã, mojõ diíweredire ãrĩyupũ:

—Mũya mojõrẽ soeuka!

ïgũ irasũ ãrĩmakũ pégu, soeuyupũ. ïgũ soeumakũ, ïgũya mojõ õãkõãyuro. <sup>11</sup> ïgũ irasirimakũ ïãrã, fariseo bumarã, Moisés gojadeare buerimasã bũro guañurã: “¿Nasirirãkuri marĩ ïĩrẽ?” ãrĩ gãme werenĩñurã.

*Jesús pe mojõma pere su gubu peru pẽrẽbejarã ïgũ buedoregu pímurãrẽ beyede*  
(Mt 10.1-4; Mr 3.13-19)

<sup>12</sup> Irinũrĩrẽ Jesús ãtãũgue Marĩpure sërẽgũ waayupũ. Iroque iri ñamirẽ Marĩpure sërẽboyoakõãyupũ. <sup>13</sup> Boyoripoe ïgũ buerire tayarãrẽ siu needõ, ïgũsã watopegue ããrĩrãrẽ pe mojõma pere su gubu peru pẽrẽbejarã ãmarẽ beyeyupũ: “Mũsãrẽ yaa kerere buegorenaturãrẽ beyepía”, ãrĩyupũ. <sup>14</sup> ïsãku ããrĩñurã: Simón wãikũgu ããrĩyupũ. ïgũrẽta “Pedro” wãiyeyupũ Jesús. Simón pagũmũ Andrés; gajirã: Santiago, Juan, Felipe, Bartolomé†, <sup>15</sup> Mateo, Tomás, Santiago ããrĩñurã. Santiago, Alfeo magũ ããrĩyupũ. Gajigu Simón ããrĩyupũ. ïgũ celote wãikuri bumũ ããrĩyupũ. <sup>16</sup> Gajigu Judas ããrĩyupũ. ïgũ Santiago magũ ããrĩyupũ. Gajigu Judas Iscariote wãikũgu ããrĩyupũ. ïgũta Jesúre wějẽduarãguere ïgũrẽ ïmubu ããrĩyupũ.

*Jesús wãrã masakare buedea*  
(Mt 4.23-25)

<sup>17</sup> Jesús iri ãtãũgue ããrãdi ïgũsã merã dijija, iri ãtãũ ããrĩdijimejãrõgue ããrĩyupũ. ïgũ beyeãnerã, gajirã wãrã ïgũ buerire tayarã merã ããrĩyupũ. Gajirã wãrã ããrĩperero Judea nikũ marã, Jerusalén marã, wãdiya tũro marã Tiro, Sidón marã ããrĩñurã. ïgũsã Jesús pũro ïgũ buerire pérã, ïgũsã pũrĩrikũrere taudorerã ejanerã ããrĩñurã. <sup>18</sup> Jesús wãtẽa ñajãsũnerãdere tauyupũ. <sup>19</sup> ïgũ ããrĩpererãrẽ Marĩpu turaro merã taumakũ ïãrã, ããrĩpererã masaka ïgũrẽ moãñaduãñurã.

*Jesús usũyari, bũjawereridere buedea*  
(Mt 5.1-12)

<sup>20</sup> Pũrũ Jesús ïgũ buerãrẽ ïã, ãsũ ãrĩyupũ:

—Marĩpu mũsã Opũ ããrĩmi. Irasirirã boporã ããrĩkererã, usũyaka!

<sup>21</sup> Dapagorare mũsã ãboari merã ããrĩrã, pũngũguere yapirãkoa. Irasirirã usũyaka!

’Dapagorare bũro bũjawereri merã orerã, pũngũguere usũyari merã bũrirãkoa. Irasirirã usũyaka!

† 6:14 “Bartolomé”, ãrĩrõ: “Tolomé magũ”, ãrĩduaro yãa. ïgũta Natanael wãikũgu ããrĩdi ããrĩmĩ. San Juan 1.43-51: Jesús Natanaere siiudea kere ããrã.

22 'Mũsã yũre ããrĩpererã tĩgũrẽ bũremumakũ ããrã, gajirã mũsãrẽ ããturi doorãkuma. Mũsãrẽ: “Gũa merã ããrĩmerãta!” ããrĩ bẽorãkuma. Mũsãrẽ ñerõ werenĩrãkuma. “Ñerã ããrĩma”, ããrĩ werewũarãkuma. Ĩgũsã irasũ ããrĩkeremakũ, usũyari merã ããrĩrikũka!  
23 Iripoegue marĩ ñekũsãmarã Marĩpũya kerere weredupiyunerãrẽ irasũta iriunanerã ããrĩmã. Irasirirã dapagora marã mũsãrẽ mũrãrõta ñerõ irimakũ ããrã, bũro usũyaka! Bũro usũyari merã ããrĩrikũka! Mũsã ãũmũgasigue waamakũ, Marĩpũ õãrĩ wãro wajatari sĩgũkumi mũsãrẽ.

24 'Mũsã i ãũmũmarẽ wãri oparã gapũ usũyari bokasiãa. Pũrũguere usũyari neõ bokabirikoã. Irasiriro mũsãrẽ ñegorãa.

25 'Mũsã dapagorare yapirã, pũrũguere bũro ãaboarãkoã. Usũyari neõ bokabirikoã. Irasiriro mũsãrẽ ñegorãa.

'Dapagorare Marĩpũyare bũridarã, pũrũguere bũro bũjawereri merã orerãkoã. Usũyari neõ bokabirikoã. Irasiriro mũsãrẽ ñegorãa.

26 'Masaka ããrĩpererã mũsãrẽ: “Õãrã ããrĩma”, ããrĩkeremakũ, usũyari neõ bokabirikoã. Iripoegue mũsã ñekũsãmarã Marĩpũyare ããrĩkatori merã wererimasãrẽ: “Õãrã ããrĩma”, ããrĩunanerã ããrĩmã.

*Jesús: “Mũsãrẽ ããturirãrẽ maĩka!” ããrĩ buedea  
(Mt 5.38-48; 7.12)*

27 'Yũ werenĩrĩrẽ õãrõ pẽduripĩrãnorẽ ããsũ ããrĩ weregũra. Mũsãrẽ ããturirãrẽ maĩka! Mũsãrẽ doorãrẽ õãrõ irika! 28 Mũsãrẽ: “Ñerõ waaburo”, ããrĩrãrẽta õãdoreka! Mũsãrẽ ñerõ ããrĩ bũridarãrẽta Marĩpũre ĩgũsã õãrõ ããrĩburire sẽrẽbosaka! 29 Sugũ masakũ mũsãya wayupãrãrẽ pãmakũ, gajipãrẽ gapũdere pãdoreka! Mũsãya surĩro wekamañerẽ ãmamakũ, mũsãya camisadere sĩka! 30 ããrĩpererã mũsãrẽ gajino sẽrẽãnorẽ sĩka! Sugũ masakũ mũsã oparire ããĩmakũ, ĩgũrẽ: “Wiaka!” ããrĩbirikõãka! 31 Gajirã mũsãrẽ õãrõ irimakũ gããmerõsũta mũsãde ĩgũsãrẽ õãrõ irika!

32 'Mũsãrẽ maĩrã ditare maĩmakũ õãbea. Mũsã irasũ maĩrĩ wajamãa. Gajirã, ñerã ããrĩkererã, ĩgũsãrẽ maĩrãrẽ maĩkuma. 33 Mũsãrẽ õãrõ irirã ditare õãrõ irimakũ õãbea. Mũsã irasiriri wajamãa. Ñerãde ĩgũsãrẽ õãrõ irirãrẽ õãrõ irikuma. 34 Gajirãrẽ wayurã ĩgũsãrẽ: “Gũa wayuadeare keoro wiaka doja!” ããrĩmakũ õãbea. Mũsã irasiriri wajamãa. Ñerõ irirãde gajirã ñerãrẽ wayukuma. ĩgũsã wayuadeare: “ããrĩpereri wiarãkuma doja”, ããrĩ gũñakuma. 35 Irasirirã ñerã irirosũ iribirikõãka! Mũsãrẽ ããturirãdere maĩka! ĩgũsãrẽ õãrõ irika! ĩgũsãrẽ wayurã, mũsã wayuadeare: “Wiaka doja!” ããrĩbirikõãka! Irasirirã wãri õãrĩ wajatari bokarãkoã. Marĩpũ ããrĩpererã nemorõ turagũ pũrã ããrĩrãkoã. Masaka Marĩpũre usũyari sĩbirikeremakũ, ĩgũsãrẽ bopoñarĩ merã ããmi dapa. Ñerã ããrĩkeremakũ, ĩgũsãrẽ irasũ ããmi dapa. 36 Irasirirã mũsãde Mũsãpũ ãũmũgasigue ããrĩgũ masakare bopoñarĩ merã ããrõsũta gajirãrẽ bopoñarĩ merã ããka!

*Jesús: “Gajirãrẽ: ‘Ñerã ããrĩma’, ããrĩ werewũabirikõãka!” ããrĩ buedea  
(Mt 7.1-5; Jn 13.16; 15.20)*

37 'Gajirãrẽ: “Ñerã ããrĩma”, ããrĩ werewũabirikõãka! Mũsã werewũabirimakũ ããgũ, Marĩpũ mũsãrẽ: “Ñerã ããrĩma”, ããrĩ ããbirikumi. Gajirã mũsãrẽ ñerõ irimakũ ããrã: “Marĩpũ ĩgũsãrẽ wajamoãburo”, ããrĩbirikõãka! Mũsã irasũ ããrĩbirimakũ, Marĩpũ mũsãrẽ: “Wajamoãgũra”, ããrĩbirikumi. Gajirã mũsãrẽ ñerõ irideare kãtika! Mũsã kãtimakũ, Marĩpũde mũsã ñerõ irideare kãtigũkumi. 38 Gajirãrẽ sĩka! Mũsã sĩmakũ, Marĩpũ mũsãrẽ wãri õãrĩ sĩgũkumi. Ajuro wãri ajuro gajino utũriri ajuro õãrõ ñadiuadea ajuro irirosũ sĩgũkumi. Mũsã gajirãrẽ sĩderopata Marĩpũ mũsãrẽ sĩgũkumi, ããrĩyupũ Jesús.

39 Irasũ ããrĩ odo, keori merã wereyupũ doja:



–Sugũ masakũ koye ãabi gajigũ koye ãabire tũãdupiyuwãgãmasĩbirikumi. Ìgũsã pẽrãgueta maarẽ ãamerã gobegue meẽñajãkõãkuma. <sup>40</sup> Sugũ buerimasũ Ìgũ buerã nemorõ masĩkumi. Ìgũ buerãde Ìgũ buederosũ buepeosĩã, Ìgũsãrẽ buedi masĩderosũta Ìgũsãde masĩrãkuma.

<sup>41</sup> Mũsã ñerõ iridea, koyerugue wári turu oparosũ ñetariri ããrĩrĩrẽ gũñabirikererã, mũsãyagũ ñerõ iridea, koyerugue nikũyegã oparosũ ããrĩrĩrẽ: “Ñegorãã”, ãrĩ gũñãã.

<sup>42</sup> Irasirirã mũsã ñerõ iridea, koyerugue wári turu oparosũ ããrĩrã, mũsãyagũre Ìgũya koyerugue ããrĩrĩ nikũyegãrẽ: “¿Ãibéosi?” ãrĩmasĩbea. Mũsã ñerõ iririkarã, irikatorikarã ããrã. Mũsãya koyerugue ããrĩrĩ turu gapũre ãibéopũroriro irirosũ mũsã ñerõ iririre piripũrorika! Irasiri odo, mũsãyagũre: “Mũ ñerõ iririre pirikõãka!” ãrĩ masĩã, ãrĩyupũ Jesũs.

*Jesũs yukũre dũka merã ããmasĩsũã, ãrĩ buedea*

*(Mt 7.17-20; 12.34-35)*

<sup>43</sup> Irasũ ãrĩ odo, gajĩ keori merã wereyupũ doja:

–Yukũ õãdi ñerĩ dũkakũbirikoa. Yukũ ñedide õãrĩ dũkakũbirikoa. <sup>44</sup> ããrĩpereri yukũre dũka merã ããmasĩsũã. Poragũ higo wãĩkarire dũkakũbirikoa. Ñaagũde iguire dũkakũbirikoa. <sup>45</sup> Irasirigũ sugũ masakũ õãgũ, yukũ õãrĩ dũkakũdi irirosũ ããrĩmi. Ìgũ gũñarĩgue õãrĩ gũñarĩ opasĩã, õãrĩrẽ yãmi. Gajigũ ñegũ, Ìgũ gũñarĩgue ñerĩ gũñasĩã, ñerĩrẽ yãmi. Marĩ gũñarĩgue gũñarõsũta werenĩrãkoa. Irasirirã masaka ñerĩ gũñarĩ oparã, ñerĩ werenĩrãkuma. Õãrĩ gũñarĩ oparã gapũ õãrĩ werenĩrãkuma.

*Jesũs pe wii keori merã buedea*

*(Mt 7.24-27)*

<sup>46</sup> ¿Nasirirã mũsã yũre: “Yũ Opũ ããrã mũ”, ãrĩkererã, yũ dorerire neõ iriberi? <sup>47</sup> Sugũ yũ pũro eja, yũ werenĩrĩrẽ pẽduripĩ, pũru yũ dorerire irigũ, ãsũpero irigũ irirosũ ããrĩmi. <sup>48</sup> Sugũ ãtãyegue ãkũãrĩ goberi mãñajãã, wii õãrõ nugũdi irirosũ ããrĩmi. Pũru dia wãro yura, Ìgũya wiiguere deko ãma meẽtũkeremakũ, neõ mirũabirikoa. <sup>49</sup> Yũ werenĩrĩrẽ pẽkeregũ, yũ dorerire iribi gapũ sugũ Ìmpĩparogue wii iridi irirosũ ããrĩmi. Dia wãro yuraro, Ìgũya wiire ãmabéokõãkoa. Irasiriro ããrĩpereri kũmopereakõãkoa, ãrĩ wereyupũ Jesũs masakare.

## 7

*Jesũs surara opũre moãboegũre taudea*

*(Mt 8.5-13)*

<sup>1</sup> Jesũs masakare irire were odo, Capernaugue waakõãyupũ. <sup>2</sup> Iroguere romano marã surara opũ ããrĩyupũ. Ìgũrẽ moãboegũ sĩrĩgũ kũmorĩ pũrogãgue ããrĩyupũ. Surara opũ Ìgũrẽ bũro mãĩyupũ. <sup>3</sup> Irasirigũ, Jesũs iridea kerere pẽgũ, judĩo masaka mũrãrẽ Jesũs pũrogue iriuyupũ, Ìgũrẽ moãboegũre taugũ aaridoregũ. <sup>4</sup> Ìgũsã Jesũs pũrogue ejarã, Ìgũrẽ turaro merã ãsũ ãrĩ sẽrẽñurã:

–Surara opũ gũare mũ pũro iriuadi, õãgũ ããrĩmi. Irasirigũ Ìgũrẽ iritamuka! <sup>5</sup> Ìgũ judĩo masakũ ããrĩbirikereregũ, marĩya nikũ marãrẽ bũro mãĩmi. Ìgũta Ìgũya niyeru merã gũã nerẽrĩ wiire moãdoremi. Irasirigũ Ìgũrẽ iritamuka! ãrĩñurã.

<sup>6</sup> Irire pẽgũ, Jesũs Ìgũsã merã waayupũ. Surara opũ, Ìgũya wii pũro Ìgũsã ejawãgãrimakũ ããgũ, Ìgũ merãmarãrẽ Jesũre ãsũ ãrĩ weredoregũ iriuyupũ:

–Yũ Opũ, mũrẽ garibonemodũabirikoa. Yũ ubu ããrĩgũ ããrĩsĩã, yaa wiire mũ ñajãrimakũ, bũro gũyasĩrĩkoa. <sup>7</sup> Irasirigũ yũde mũ pũrogue waabea. Mũ werenĩrĩ turari merã yũre moãboegũre: “Sĩrĩrĩ tarika Ìgũrẽ!” ãrĩmakũ tarigũkumi. <sup>8</sup> Gajirã oparã yũre dorema. Yũde gajirã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩka Jesũre! ãrĩ iriuyupũ.

<sup>9</sup> Īgũ weredoreadeare ĩgũsã weremakũ pégu, Jesús gũkakõãyupũ. Īgũrẽ tũyarãrẽ gãmenugã ĩã, ãsũ ãrĩyupũ:

—Mũsãrẽ werea. Sĩĩ surara opũ Israel bumũ ããrĩbirikeregu, yũre bũremumi. Israel bumarã watopeguere sũĩ irirosũ yũre bũremugũrẽ neõ bokajabiribu, ãrĩyupũ Jesús.

<sup>10</sup> Īgũ irasũ ãrãdero pũrũ, surara opũ iriuanerã ĩgũya wiigũe goedujããñurã. Irogue goedujajarã, sĩrĩgũ ããrãdire tariadiguere bokajañurã.

### *Jesús wapiweyo magũrẽ masũdea*

<sup>11</sup> Pũrũ Jesús Capernaugue ããrãdi Naĩn wãĩkũri makãgue waayupũ. Īgũ buerã, gajirã masaka wãrã ĩgũ merã waañurã. <sup>12</sup> Iri makãrẽ ejaripoe iri makã marã, sugũ masakũ boadire kõãwãgãriñurã ĩgũrẽ yãarã waarã. Īgũ wapiweyo magũ, sugũ ããrĩgũ ããrãdiyupũ. Īgũ pago ĩgũrẽ yãamurã merã waamakũ, wãrã masaka wapikũwãgãriñurã. <sup>13</sup> Igore ĩãgũ, marĩ Opũ Jesús bũro bopoñarĩ merã ĩã, ãsũ ãrĩyupũ:

—Orebirikõãka!

<sup>14</sup> Irasirigu Jesús masãpore pũro ejanugã, moãñayupũ. Īgũ moãñamakũ ĩãrã, iri porere kõãrã dujanugãñurã. Jesús boadire ãsũ ãrĩyupũ:

—Yũ murẽ ãrã: “Wãgãñugãka!”

<sup>15</sup> Īgũ irasũ ãrĩmakũ, boadi wãgãdoã, werenĩnugãyupũ. Irasirigu Jesús ĩgũrẽ pagore wiayupũ. <sup>16</sup> Irire ĩãrã, ããrĩpererã masaka ĩãgũkakõãñurã. Marĩpũre: “Oãtaria mũ”, ãrĩ, usũyari sũñurã. Īgũsã basi ãsũ ãrĩ gãme werenĩñurã:

—Ĩ Marĩpũya kerere wererimasũ, turatarigu, marĩ watopeguere ejami.

Idere ãrĩñurã:

—Marĩpũ ĩrẽ iriuñumi ĩgũyarãrẽ iritamudoregu, ãrĩñurã.

<sup>17</sup> Irasirirã ããrĩpererogũ Judea nikũ marã, iri nikũ tũro marãde Jesús ĩgũrẽ masũdea kerere péperekõãñurã.

### *Juan masakare wãĩyerimasũ ĩgũ buerire tũyarãrẽ Jesús pũrogue iriudea (Mt 11.2-19)*

<sup>18</sup> Juan masakare wãĩyerimasũ peresugue ããrĩripoe ĩgũ buerire tũyarã ããrĩpereri Jesús irideare ĩgũrẽ wererã waañurã. Juan irire pégu, ĩgũsã merãmarã pẽrãrẽ siiu:

<sup>19</sup> —Jesũre ãsũ ãrĩ sẽrẽñarã waaka! “¿Mũta ããrĩrĩ Cristo gũare taugu aaribu iriayupũ, ĩgũsã ãrĩdi, o gajigũre yũrãkuri gũa?” ãrĩ sẽrẽñarã waaka! ãrĩ iriuyupũ. <sup>20</sup> Irasirirã, Jesús pũro ejarã, ĩgũrẽ ãrĩñurã:

—Juan masakare wãĩyerimasũ gũare murẽ ãsũ ãrĩ sẽrẽñadoreami: “¿Mũta ããrĩrĩ Cristo gũare taugu aaribu iriayupũ, ĩgũsã ãrĩdi, o gajigũre yũrãkuri gũa?”

<sup>21</sup> Īgũsã ejaripoere Jesús wãrã pũrĩrikũrãrẽ, wãtẽa ñajãsũnerãrẽ, koye ĩãmerãdere taugu iriuyupũ. <sup>22</sup> Irasirigu Jesús ãsũ ãrĩ yũjuyupũ Juan iriuanerãrẽ:

—Mũsã ĩãrĩrẽ, mũsã pẽrĩre, Juãrẽ wererã waaka! Koye ĩãbiranerã õãrõ ĩãma. Waa-masĩbiranerã waamasĩakõãma. Kãmi boanerã yariperekõãsũama. Gãmipũ pẽbiranerã pẽakõãma. Boanerãde masãkõãma. Boporã, Marĩpũ masakare tauri kerere weremakũ pẽma. <sup>23</sup> “Yũre bũremurĩrẽ piribi, usũyari opagũkumi”, ãrĩ wererã waaka Juãrẽ! ãrĩyupũ Jesús.

<sup>24</sup> Īgũsã waadero pũrũ, Jesús Juãyamarẽ masakare ãsũ ãrĩ werenũgãyupũ:

—Mũsã masaka marĩrogue Juãrẽ ĩãrã waarã, gũigũre gũñaturabire ĩãrã waarã meta irikuyo. Īgũ turabi, mirũ tãborere wẽjãpubéorosũ ããrĩbemi. <sup>25</sup> Irasũ ããrĩmakũ, mũsã ĩgũrẽ irogue ĩãrã waarã, õãrĩ surĩ sãñagũrẽ ĩãrã waarã meta irikuyo. Oãrĩ surĩ sãñarãno oparãya wiirigue ããrĩkuma. Juan ĩgũsã irirosũ ããrĩbemi. <sup>26</sup> Mũsã irogue ĩgũrẽ ĩãrã waarã, Marĩpũya kerere weredupiyurimasũrẽ ĩãrã waarã iriyo. Mũsãrẽ werea. Juan diayeta Marĩpũya kerere weredupiyunerã nemorõ ããrĩmi. <sup>27</sup> Marĩpũya werenĩrĩ gojãdea pũgue gojasũdero ããrĩbũ Juan iriburire. Irasirigu Marĩpũ ĩgũ magũrẽ ãsũ ãrĩdi ããrĩmi:

Mu waaburo dupiyuro yaa kerere weredupiyubure iriugura, mu waaburore amuyudoregu, ari gojasuidero aaribu.\*

28 'Musare werea. Juan aariburi dupiyuro neõ sugu igu nemoro yaamarẽ masigu maridi aarimi. Irasu aarikerepuru, sugu Maripu umugasigue aariguyagu gapu Juan nemoro yaamarẽ masigu aarigukumi. Aariperera nemoro ubu aarigu aarikeregu, masigu aarigukumi, ariyupu Jesus.

29 Igu irasu aririre pera, aariperera masaka, romano mara opare niyeru wajaseabosarimasade Juan waiyesunerã aarisia: "Maripu diayeta irigu aarimi", ari masinura. 30 Fariseo bumarã, Moises gojadeare buerimasã gapu Juare waiyedorebirinerã aarisia, Maripu igusare iridarire gaamebiriura. 31 Irasirigu mari Opu Jesus asu arinemoypu:

—Masaka dapagora marã, ¿neemarano irirosu aariri? 32 Majira makã dekogue igusa meramarã merã bira gaguini doanira irirosu aarima. Asu ari gaguina: "Gua terediru purimakã, bayabirabu. Bajawereri merã gua bayamakã, orebirabu", aima. 33 Juan masakare waiyerimasu pa baabirimakã, igui deko pamudeare iiribirimakã iara, igure: "Wati najasudi aarimi i", aribu musã. 34 Puru yu aariperera tigu baa, iirimakã iara: "Baapagu, iiripagu aarimi", aribu. "Romano marã opare niyeru wajaseabosarimasã meramu, nerõ irira meramu aarimi", aribu musã yure. 35 Musã yaamarẽ, Juayamarẽ masibirikeremakã, guare masira gapu: "Diayeta Maripu iriunerã aarima", ari masima, ariyupu Jesus.

### *Jesús, fariseo buma Simón waiuguya wiigie ejadea*

36 Igu irasu aradero puru, sugu fariseo buma Jesure iguya wiigie baadoregu siuayupu. Irasirigu Jesus iguya wiigie waa, eja, baari peoro puro eja, doayupu. 37 Sugo nomeõ iri makamo, nerõ iririmasõ, Jesus fariseoya wiigie baagu ejadea kerere pe, irogue waayupo. Suru borewariru "alabastro" waiuri utaye merã iridirure oarõ sarõri opadirure aiayupo. 38 Aia, Jesus purupu gapu ejanugaja, igo nerõ irideare buro bajawereri merã gũna, ore, Jesus puro meedoaja, iguya guburi wekare igoya kódeko meébejamakã ia, igoya poañapu merã túkoe bojoyupo. Túkoe bojo, buremurí merã iguya guburire mimi, igo sarõri aiadea merã iguya guburire pípeoyupo. 39 Igo irasirimakã iagu, fariseo buma Jesure baadoregu siuadi igu basi gũnayupu: "Igo iguya guburire moañagõ nerõ iririmasõ aarimo. Ii diayeta Maripuya kerere wereru aarigu, irire masiabukumi", ari gũnayupu.

40 Jesus igu gũnarire iamasi, igure ariyupu:

—Simón, yu mare gajino weredukoa, ariyupu.

—Buegu, wereka yure! ariyupu Simón.

41 Igu irasu arimakã pegu, Jesus i keori merã wereyupu igure:

—Sugu masakare niyeru wayurimasu aarikumi. Pera uma wajamokuma igure. Sugu wari niyeru koeri quinientos moarinuri wajataropa wajamokumi. Gajigu meri koeriga cincuenta moarinuri wajataropa wajamokumi. 42 Iguã pera, igusa wajamorire wajariri opabirimakã iagu, niyeru wayudi igusare peraguereta: "Tropata, musã wajamorí pereburo. Irire katigukoa", arikumi. Irasirimakã, ¿nií gapu niyeru wayudire buro maikuri? waro wajamodi, o mérõgã wajamodi gapu, ariyupu Jesus.

43 Simón yujuyupu:

—Waro wajamodi gapu buro maibukumi, ariyupu.

—Diayeta yuja mu, ariyupu Jesus igure.

44 Irasu ari odo, Jesus nomeore ia, Simõre ariyupu:

—¿Igo yure iriadeare iari mu? Muya wiigie yu najajamakã, mu yure yaa guburi koeburire deko sibirabu. Igo gapu yaa guburire igoya kódeko merã koe, igoya poañapu merã túkoe bojoamo. 45 Yu oadoremakã, mu yure bokatiri paba, mimibirabu. Igo gapu yu najajadero purugue yaa guburire mimiadeo neõ mimiduúbemo. 46 Mu gapu yaa dipurure

uye òãrĩ sãrõrĩ merã pípeobirabu. Igo gapu yaa guburire sãrõrĩ pípeoamo. <sup>47</sup> Irasirigu Simón, yu mure werea. Igo ñerõ iridea wãri ããrĩkeremakũ, yu irire kãtia. Yu irasirimakũ, yure bũro maĩmo. Gajigu gapu, yu ĩgũ ñerõ irideare kãtimakũ: “Yu mérõgãta ñerõ irideare opãa”, ãrĩ gũñasiã, yure sirũta maĩmi, ãrĩyupu Jesús.

<sup>48</sup> ĩgũrẽ irasũ ãrĩ odo, nomeõrẽ ãsũ ãrĩyupu:

—Mu ñerõ irideare kãtia yu, ãrĩyupu.

<sup>49</sup> ĩgũ irasũ ãrĩmakũ pãrã, gajirã masaka iri wiigüe ĩgũ merã baadoregu siuanerã ãsũ ãrĩ gãme werenĩnurã:

—¿Ñeémũno masakũ ããrĩrĩ ĩĩ, irasũ ñerõ irideare kãtigu? ãrĩnurã.

<sup>50</sup> Jesús gapu nomeõrẽ ãrĩyupu doja:

—Yure buremusiã, perebiri peamegue waabodeo tausũsiãa. Irasirigo òãrõ siñajãrĩ merã waaka! ãrĩyupu.

## 8

### *Nome Jesúre iritamudea*

<sup>1</sup> Pũru Jesús paga makãrĩ marãrẽ, mutã makãrĩgã marãdere Marĩpu ĩgũyarãrẽ doreri kerere weregorenagũ waayupu. ĩgũ buerã pe mojõma pere su gubu peru pẽrẽbejarã ĩgũ merã waañurã. <sup>2</sup> Nomede ĩgũ merã waañurã. Pũrĩrikurã ããrĩnerã Jesús taunerã nome ããrĩnurã. Gajirã nome, wãtẽa ñajãnerãrẽ Jesús béowiusũnerã ããrĩnurã. Sugo María Magdalena wãikũgo ããrĩyupo. Igo su mojõma pere gaji mojõ peru pẽrẽbejarã wãtẽãrẽ Jesús béowiusũdeo ããrĩyupo. <sup>3</sup> Gajigo Juana wãikũgo, Cuza wãikũgu marãpo ããrĩyupo. Cuza Herodeya wiigüe moãboerimasã opu ããrĩyupu. Gajigo Susana wãikũgo ããrĩyupo. Gajirã nomede wãrã Jesús merã waañurã ĩgũ buerire pẽduarã. ĩgũsã nome, ĩgũsã opari merã Jesúre, ĩgũ buerãdere iritamuñurã.

### *Jesús oterimasã keori merã buedea*

*(Mt 13.1-9; Mr 4.1-9)*

<sup>4</sup> Wãrã masaka wãri makãrĩ marã Jesús puo ĩgũrẽ ĩãduarã nerẽñurã. ĩgũsã wãrã nerẽmakũ, Jesús i keori merã ãsũ ãrĩ bueyupu ĩgũsãrẽ:

<sup>5</sup> —Sugu oterimasũ ĩgũya oteri yerire meésirigu waakumi. ĩgũ meésiriwãgãmakũ, gaji yeri maague yurikoa. Masaka iri maague waarã, iro yuriadea yerire kũramutũkõãkuma. Mirãde iri yerire boka, baapeokõãkuma. <sup>6</sup> Gaji yeri ãtãyerikũrogue yurikoa. Iri yeri puriadikoa. Puriadi, deko marĩmakũ ñãĩ, boakõãkoa. <sup>7</sup> Gaji yeri pora watopegue yurikoa. Pora gapu puritarimurã, oteri gapure wẽjẽkõãkoa. <sup>8</sup> Gaji yeri òãrĩ nikũgue yurikoa. Iri yeri òãrõ puri, wãri dukakũkoa. Su dupaũu cien yerigora dukakũkoa, ãrĩyupu.

Iri keori merã were odo, ĩgũsãrẽ turaro merã ãsũ ãrĩyupu doja:

—Musã gãmipũrĩ oparã, yu wererire pẽduripĩka! ãrĩyupu Jesús masakare.

### *Jesús buerã ĩgũrẽ: “¿Nasirigu keori merã bueri?” ãrĩ sãrẽñãdea*

*(Mt 13.10-17; Mr 4.10-12)*

<sup>9</sup> Pũru ĩgũ buerã ĩgũrẽ sãrẽñañurã:

—¿Naásũ ãrĩduaro iriari, guare mu wereadea? ãrĩñurã. <sup>10</sup> Jesús ĩgũsãrẽ yujuyupu:

—Marĩpu ĩgũyarãrẽ doregu ããrĩrĩrẽ iripoegue masĩbirideare dapagorare musãrẽ masĩmakũ yãmi. Gajirã gapure keori merã dita buea. Irasirirã ĩgũsã Marĩpu iririre ĩãkererã, ĩãmasĩbirikuma. ĩgũyare pẽkererã, pẽmasĩbirikuma.

### *Jesús oterimasã keori merã ĩgũ bueadeare: “Ãsũ ãrĩduaro yãa”, ãrĩ weredea*

*(Mt 13.18-23; Mr 4.13-20)*

<sup>11</sup> Yu iri keori merã bueadea ãsũ ãrĩduaro yãa. Iri oteri yeri Marĩpuya werenĩrĩ irirosũ ããrã. <sup>12</sup> Surãyeri masaka Marĩpuya werenĩrĩrẽ pẽkererã, pẽmasĩbema. Maa buriri maa irirosũ ããrĩma. ĩgũya werenĩrĩrẽ pẽadero puu, oteri yeri iri maague yuridea yerire mirã

baapeoderosũ, wātĩ ĩgũsã gũñarĩgue eja, ĩgũsã péadideare ĩmapeokõãmi. ĩgũsã Marĩpũre bũremubiri, tausũbirikõãburo, ãrĩgũ, irasũ yámi. <sup>13</sup> Gajirã masaka ũtãyerikũri yeba irirosũ ããrĩma. ĩgũsã Marĩpũya werenĩrĩrẽ ɯɯyari merã pékeremakũ, oteri yeri ũtãyerikũrogue yuriadero pũɯ, nugũrĩ marĩderosũ ĩgũsãrẽ waáa. Irasirirã yoaweyaripoe bũremuadima. Pũɯ Marĩpũyare iridũari waja gajirã ĩgũsãrẽ ñerõ irimakũ ĩãrã, mata ĩgũyare pirikõãma. <sup>14</sup> Gajirã masaka porakũri yeba irirosũ ããrĩma. Marĩpũya werenĩrĩrẽ pékererã, oteri yeri porakũrogue yuriadero pũɯ, pora gapũ puritarimãrĩa, wẽjẽderosũ, i ũmũmarẽ bũro gũñarikũma. Irasirirã wári oparire gũñataria, ĩgũsã gããmerõ iridũasĩã, Marĩpũya werenĩrĩrẽ kãtima. <sup>15</sup> Gajirã masaka õãrĩ nikũ irirosũ ããrĩma. Irasirirã Marĩpũya werenĩrĩrẽ õãrõ pérã, péduripĩma. Õãrĩ gũñarĩrẽ oparã, Marĩpũyare iridũarã ããrĩma. Gajirã ĩgũsãrẽ ñerõ irikeremakũ, ĩgũyare piribema. Wári õãrĩ dukakũdiñũ irirosũ ããrĩma, ãrĩyupũ.

*Jesús sĩagodiru keori merã buedea*

*(Mt 5.15-16; Mr 4.21-25)*

<sup>16</sup> Pũɯ gajĩ keori merã bueyupũ doja:

—Masaka sĩagodirure sĩagorã, kõmesoro merã muúpĩbirikuma. Kãrĩrõ dokaguedere doobirikuma. Ũmarõ, wii dekogue siukuma. Irasirirã gajirã iri wiire ñajãrã, sĩagodiru ũjũgorore õãrõ ĩã, ñajãkuma. <sup>17</sup> ããrĩpereri masaka iripoegue masĩbirideare masĩsũrokoa. Masaka ĩãberogue duripĩdeare sĩagoro ããrĩrõgue ĩãmasĩrõ irirosũ masĩsũrokoa. Yayedea irirosũ neõ ããrĩbirikoa.

<sup>18</sup> Irasirirã Marĩpũya werenĩrĩrẽ pérã, õãrõ pémasĩka! Irire õãrõ péduripĩgũnorẽ Marĩpũ wári pémasĩrĩ sĩnemogũkumi. Gajigũ õãrõ pébirikeregũ: “Masĩa yũ”, ãrĩ gũñami. ĩgũ irasũ ãrĩ gũñakeregũ, õãrõ pémasĩbemi. ĩgũ pémasĩadideare ĩmasũgũkumi. Irasirigũ neõ pémasĩbi dujagũkumi pama, ãrĩyupũ Jesús.

*Jesús pago, ĩgũ pagupũrã merã ĩgũrẽ ĩãgõ ejadea*

*(Mt 12.46-50; Mr 3.31-35)*

<sup>19</sup> Pũɯ Jesús pago, ĩgũ pagupũrã merã ĩgũrẽ ĩãgõ ejayupo. Masaka wárã ĩgũ pũrogue ããrĩmakũ, ejamasĩbiriypo. <sup>20</sup> Irasirigũ sugũ iroogue ããrĩgũ Jesúsre wereyupũ:

—Mũpo, mũ pagupũrã merã mũrẽ ĩãũarã, masaka pũɯpũgue níama, ãrĩyupũ.

<sup>21</sup> ĩgũ irasũ ãrĩmakũ pégu, Jesús ãsũ ãrĩ yũjũyupũ:

—Marĩpũya werenĩrĩrẽ õãrõ péduripĩrã, ĩgũyare õãrõ iritũyarã, yũpo, yũ pagupũrã irirosũ ããrĩma, ãrĩyupũ.

*Jesús mirũ, makũrĩrẽ toemakũ iridea*

*(Mt 8.23-27; Mr 4.35-41)*

<sup>22</sup> Sunũ Jesús ditaru tũrogue ããrĩgũ, ĩgũ buerã merã doódirugue mũrĩñajãa, ĩgũsãrẽ:

—Náka, ditaru sipãrẽgue taribujarã! ãrĩyupũ.

—Jáũ, ãrĩ, waakõãñurã. <sup>23</sup> Iro taribujagũ, Jesús kãrĩñajãkõãyupũ. Pũɯ ditaruguere bũro mirũ waayuro. Doódiruguere makũrĩ páñajãa, miũkõãdiyuro. Bũro goero waayuro ĩgũsãrẽ. <sup>24</sup> Irasũ waamakũ ĩãrã, Jesúsre yobeñurã:

—Gũare buegũ, marĩ mirĩmurã yáa, ãrĩ gaguinĩñurã.

Ĩgũsã irasũ ãrĩmakũ pégu, Jesús yobe, mirũ, makũrĩrẽ toedoreyupũ. ĩgũ toedoremakũ, mirũ, makũrĩ bũro waadea toedijapereakõãyuro. <sup>25</sup> Pũɯ ĩgũ buerãrẽ ãrĩyupũ:

—¿Mũsã yũre bũremurĩ opaberi?

Ĩgũsã gapũ gũkanerã ããrĩsĩã, ĩãgũka, ĩgũsã basi gãme sãrẽñañurã:

—¿Ñeémũno masakũ ããrĩrĩ ĩĩ? ĩgũ mirũrẽ, makũrĩrẽ toedoremakũ toedijakõãa, neõ tarinũgãbea ĩgũrẽ, ãrĩñurã.

*Jesús Gadaramurē wātēa ñajānerārē béowiudea  
(Mt 8.28-34; Mr 5.1-20)*

<sup>26</sup> Puru Galilea nikū bokatīūrō, Gadara wāikurogue taribujajañurā. <sup>27</sup> Jesús doódirugue āārādi majānugāmakū, sugu masakū iri makāmū ĩgū puro ejanugāyupu. ĩgū wātēa ñajāsūdero puru yoakōāyuro. Neō surí sãñabi, wiiguere āārībi, masāgoberi watopegue dita āārīgú āārīyupu.

<sup>28-29</sup> Wātī masakure wári ñeā meémejānayupu. Irasirirā masaka ĩgūrē ñeā, ĩgūya mojóirē, guburidere kōmedari merā suanadiñurā ĩgūrē biadobomurā. ĩgū gapu ĩgūsā suarikū, tūātanokōāyupu. Irasirigū wātī ĩgūrē masaka marīrōgue waamakū irinayupu.

Jesús wātīrē: “Wirika mū ñajādire!” ārīyupu. Masakū Jesúre ĩāgū, ĩgū puro ñadukupuri merā ejamejā, buro gaguinīyupu:

—Jesús, ũmugasigue marā Opū āārīpererā nemorō turagu magū, ¿nasiribu yári mū yure? “Yure poyarikūmakū iribirikōāka!” ārī, buro sērēa, ārīyupu.

<sup>30</sup> Jesús ĩgūrē sērēñayupu:

—¿Ñeému wāikuri mū? ārīyupu.

—“Legión” wāikua yū, ārī yujuyupu. “Legión”, ārīrō: “wárā”, ārīduaro yáa. Wárā wātēa ñajasūdi āārīsīā, irasū wāikuyupu. <sup>31</sup> Wātēa masakugue ñajānerā Jesúre:

—Guare buro ũkūārī gobegue waadobirikōāka! ārī sērēñurā.

<sup>32</sup> Iro ũtāūgue wárā yesea āma baarā iriñurā. ĩgūsārē ĩārā, wātēa Jesúre sērēñurā:

—Yeseague guare ñajādoreka!

—Jáa, ĩgūsāguereta ñajārā waaka! ārīyupu. <sup>33</sup> ĩgū irasū ārīmakū, wātēa masakugue āārānerā wirirā, yeseague ñajāñurā. ĩgūsā ñajāmakū, yesea ũma mirēbuáa, ditarugue meébia dijáa, mirí boapereakōāñurā.

<sup>34</sup> Irasū waamakū ĩārā, yeseare korerimasā gukari merā ũmadujáa, ĩgūsāya makā marārē, iri makā turo marādere wererā waañurā. <sup>35</sup> Irire pérā: “¿Naásū waáyuri?” ārī, Jesús puro ĩārā waañurā. Irogu eja, wātēa béowiusūdire bokajañurā. Jesús puro, suríro sãñadi, oārō pémasīrī merā doayupu. Masaka ĩgūrē ĩārā, buro güiri merā ĩāñurā.

<sup>36</sup> Wātēārē béowiumakū ĩānerā irogu ejarārē irire wereñurā.

<sup>37</sup> Irire pérā, āārīpererā Gadara nikū marā buro güisīā, Jesúre: “Waaka oōrē!” ārīñurā. ĩgūsā waadoremakū pégu, Jesús doódirugue marīñajāyupu.

<sup>38</sup> ĩgū marīñajāmakū ĩāgū, wātēa béowiusūadi Jesúre:

—Yude mū merā waadukoa, ārī sērēadiyupu.

Jesús gapu ĩgūrē ārīyupu:

—Yū merā waabirikōāka! <sup>39</sup> Muya wiigugue goedujáaka! Āārīpereri Marīpu murē oārī iriadeare weregu waaka! ārīyupu.

ĩgū irasū ārīmakū pégu, ĩgūya makāgue waakōāyupu. Irogu eja, Jesús ĩgūrē oārī iriadeare āārīpererā ĩgūya makā marārē wereyupu.

*Jesús Jairo magōrē, gajigo nomeō ĩgūya suríro moāñagōrē taudea  
(Mt 9.18-26; Mr 5.21-43)*

<sup>40</sup> Jesús Gadara nikūgue āārīripoe wárā masaka Galilea nikūgue ĩgūrē yúrā iriñurā. Irasirirā, ĩgū taribujajamakū ĩārā, buro usuyari merā bokatīrñurā. <sup>41</sup> Iripoere sugū judío masaka nerērī wii opū Jairo wāikugu Jesús purogue ejayupu. Eja, Jesúsya guburi puro ñadukupuri merā ejamejāja, ĩgūrē: “Yaa wiigugue waaka!” ārī, buro sērēyupu. <sup>42</sup> ĩgū magō buro sīrīgō kōmorī purogāgue āārīyupo. Igo sugota āārīyupo. Pe mojóma pere su gubu peru pērēbejari bojori opayupo. Jesús Jairoya wiigugue waamakū, wárā masaka ĩgūrē kñarōgā tuuyañurā.

<sup>43</sup> ĩgūsā watopegue sugo nomeō pe mojóma pere su gubu peru pērēbejari bojorigora dí wiriri merā purīrikūgo āārīyupo. Irasirigo igo opadea niyerure kūrirmasārē wajari

peremejākōāyupo. Īgūsā kúrikeremakūta, igo pūrīrikuri neō taribiriyuro. <sup>44</sup> Jesús iro waamakū ĩāgō, ĩgū pũrũpũ gapũ waa ejanũgā, ĩgũya suriro yuware moāñayupo. Igo moāñamakūta, igo dí wiririadea tariakōāyuro.

<sup>45</sup> Irasirigu Jesús sērēñayupũ:

—¿Noā yũre moāñarĩ? ārĩyupũ.

Āārĩpererā: “Gũa neō moāñabea”, ārĩñurā.

Pedro, ĩgũ merāmarā merā:

—Gũare buegũ, ¿nasirigu irasũ ārĩ sērēñarĩ? Masaka wārā kũñarōgā tuuyama mũrē, ārĩñurā.

<sup>46</sup> Jesús gapũ ĩgūsārē ārĩyupũ:

—Sugo nomeō moāñañumo yũre. Igo moāñamakū, yũ turari merā igo pūrīrikurire tauayo. Irire masĩa yũ, ārĩyupũ.

<sup>47</sup> ĩgũ irasũ ārĩmakū pégo: “Yũ iriadeare masĩmi”, ārĩ gũña, bũro gũi naradari merā ĩgũ guburi pũro ñadũkupuri merā ejamejāja, āārĩpererā péuro Jesúre: “Yũ mũya surirore moāñamakūta yũ pūrīrikũadea tariakōābũ”, ārĩ weryupo. <sup>48</sup> Jesús igore ārĩyupũ:

—Mũ yũre bũremurĩ opáa. Irasirigo mũ pūrīrikurire tausũa. Ũsũyari merā waaka! ārĩyupũ.

<sup>49</sup> Jesús irasũ ārĩripoe sugũ masakũ Jairoya wii āārādi ejayupũ, Jairore weregũ ejagũ:

—Mũ magō kōmoakōāmo. Marĩrē buegũre garibonemobirikōāka! ārĩyupũ.

<sup>50</sup> ĩgũ irasũ ārĩmakū pégũ, Jesús Jairore āsũ ārĩyupũ:

—Gũibirikōāka! Bũremurĩ opaka yũre! Mũ magō tarigokumo, ārĩyupũ.

<sup>51</sup> Irasirigu Jairoya wiigue eja, gajirārē ñajādobiriyupũ. Pedrore, Juārē, ĩgũ tĩgũ Santiagore, boadeo pagusāmarā ditare siiu ñajāyupũ. <sup>52</sup> ĩgūsā ñajājaripoere āārĩpererā iri wiigue āārĩrā bũro orerā iriñurā. Jesús ārĩyupũ ĩgūsārē:

—Orebirikōāka! Majĩgō boabemo. Kārĩgō yámo.

<sup>53</sup> ĩgũ irasũ ārĩmakū pérā, oeanerā gapũ ĩgũrē bũriñurā. “Igo boadeare masĩa gũa”, ārĩ gũñañurā. <sup>54</sup> Jesús gapũ boadeo pũro ejanũgā, igoya mojōrē ñeā, turaro merā igore āsũ ārĩyupũ:

—Majĩgō, wāgānũgāka!

<sup>55</sup> ĩgũ irasũ ārĩmakū, igoya yũjupũrā goeyuro. Irasirigo mata wāgādoakōāyupo. Jesús igo pagusāmarārē: “Baari ejoka igore!” ārĩyupũ. <sup>56</sup> Igo okamakū ĩārā, igo pagusāmarā gũkatariakōāñurā. Jesús igore ĩgũ masũadeare gajirārē weredobiriyupũ.

## 9

### *Jesús ĩgũ buerārē buedoregũ iriudea (Mt 10.5-15; Mr 6.7-13)*

<sup>1</sup> Pũrũ Jesús ĩgũ buerārē pe mojōma pere su gubu peru pērēbejarārē siiu need, ĩgũ turarire sĩyupũ: “Iri turari merā āārĩpererā wātēārē béowiumasĩrākoa. Pūrĩrĩdere tau-masĩrākoa”, ārĩyupũ. <sup>2</sup> Irasirigu ĩgūsārē Marĩpũ ĩgũyarārē doreri kerere weredoregũ, pūrīrikurādere taudoregũ āsũ ārĩ iriuyupũ:

<sup>3</sup> —Waarā, gajinorē neō āābirikōāka! Mũsā tuadire, ajuro, baari, niyeru, gaji surĩ mũsā gorawayuburidere āābirikōāka! <sup>4</sup> Makā ejarā, mũsā ejadea wiita āārĩkōāka! Iri makārē waarāgue iri wiire wirika! <sup>5</sup> Gaji makā marā masaka mũsārē gāāmebirimakū, iri makārē diayeta tariakōāka! Irasũ tariarā, nikũwera mũsāya guburigue tuadeare mojēbéokōāka! ĩgūsā mũsārē gāāmebiri waja Marĩpũ ĩgūsārē wajamoāburire masĩburo, ārĩrā, irasirika! ārĩyupũ Jesús.

<sup>6</sup> ĩgũ irasũ ārĩ odoadero pũrũ, waakōāñurā. Irasirirā āārĩpereri makārĩgue Marĩpũ masakare tauri kerere weregorenarā, pūrīrikurādere taugorenarā waañurā.

*Juan masakare wāiyerimasā boadea*  
(Mt 14.1-12; Mr 6.14-29)

<sup>7</sup> Iripoere Galilea nikū marā opu Herodes āārīpereri Jesús iriri kerere péyupu. Gajirā Jesúre masīmerā: “Īgū, Juan masakare wāiyerimasāta boadigue masādi āārīkumi”, ārīñurā. Herodes gapu irire pégu: “¿Nasiriro irasū waáari?” ārī, buro gūñarikuyupu. <sup>8</sup> Gajirā: “Elías iripoegue āārīunadi deyoakumi”, ārīñurā. Gajirā: “Sugu Marīpuya kerere weredupiyudi iripoegue āārīunadi masākumi”, ārīñurā. <sup>9</sup> Herodes gapu āsū ārīyupu: “Yuta Juārē Īgūya dipurure dititádorebu. ¿Niino gapu āārībukuri iropa wári werenisūgū?” ārīyupu. Irasirigu Jesúre buro ĩaduadiyupu.

*Jesús cinco mil āmarē baari ejodea*  
(Mt 14.13-21; Mr 6.30-44; Jn 6.1-14)

<sup>10</sup> Jesús ĩgū buerā buedoregu iriunerā goedujajarā, ĩgūsā irideare werepeokōāñurā ĩgūrē. Pupu Jesús ĩgūsārē masaka marīrōgue Betsaida wāikuri makā turogue siuayupu.

<sup>11</sup> ĩgūsā iroque waarī kerere pérā, wārā masaka Jesúre tuyañurā. Jesús ĩgūsārē ōādore, Marīpu ĩgūyarārē doreri kerere wereyupu. Pūrīrikurā ĩgūrē taudorerārē tauyupu.

<sup>12</sup> Namika āārīmakū, Jesús buerā pe mojōma pere su gubu peru pērēbejarā ĩgū puro eja, ĩgūrē ārīñurā:

—Masakare waadoreka! Ōō puro āārīrī makārīma wiirigue ĩgūsā kārīrī, baari āmarā waaburo. Ōō marī āārīrōguere neō gajino máa, ārīñurā.

<sup>13</sup> Jesús gapu ārīyupu:

—Musā ĩgūsārē baari sīka!

Īgūsā yujūñurā:

—Gua pā duparu su mojōma duparuta, waaídere pērāta opáa. Mérōgā baari āārā. Masaka gapu wārāgora āārīma. Irasirirā gua gaji baari wajarirā waamerā ĩgūsārē ejobirikoa, ārīñurā.

<sup>14</sup> Wārā masaka āārīñurā ĩgūsā merā. Ūma ditare keomakū, cinco mil āārīñurā. Irasirigu Jesús ĩgū buerārē ārīyupu:

—Masaka āārīpererārē boje yebori cincuenta dita dukawa, ĩgūsārē doadoreka! ārīyupu.

<sup>15</sup> Irasirirā ĩgū buerā ĩgū ārīrōsūta āārīpererā masakare doadoreñurā. <sup>16</sup> Masaka doapere-makū, Jesús su mojōma pā duparure, pērā waairé āi, ūmugasigue ĩāmu, Marīpura usuyari sī, irire peayupu. Pea, ĩgū buerārē masakare gueredoregu sīyupu. <sup>17</sup> Irasirirā āārīpererā masaka irire baayapiakōāñurā. Pupu ĩgūsā baaduāadeare Jesús buerā pe mojōma pere su gubu peru pērēbejari puuirigora seasā utudoboñurā.

*Pedro Jesúre: “Mú Cristo āārā”, ārī werede*  
(Mt 16.13-19; Mr 8.27-29; Jn 6.68-69; 12.24-25)

<sup>18</sup> Gajinu Jesús ĩgū sugata Marīpura sērēgū iriyupu. ĩgū buerā ĩgū merā āārīñurā. Irasirigu Jesús ĩgūsārē āsū ārī sērēñayupu:

—Masaka yure, ¿naásū ārī gūñarī? ārīyupu.

<sup>19</sup> ĩgūsā yujūñurā:

—Surāyeri mūrē: “Juan, masakare wāiyerimasā āārīmi”, ārīma. Gajirā: “Elías iripoegue āārīunadi āārīmi”, gajirā: “Sugu Marīpuya kerere weredupiyudi iripoegue āārīunadi, masādi āārīmi”, ārīma, ārīñurā.

<sup>20</sup> Irasū ārīmakū, Jesús ĩgūsārē sērēñayupu:

—Musākoa yure, ¿naásū ārī gūñarī? ārīyupu.

Pedro ārīyupu ĩgūrē:

—Mú, Marīpu iriudi, Cristo āārā, ārīyupu.

*Jesús ĩgū boaburire werede*  
(Mt 16.20-28; Mr 8.30-9.1; Jn 12.24-25)



<sup>21</sup> Pedro irasũ āřĩřĩrē pégu, Jesús ĩgũ buerārē buro turaro merā: “Gajirārē ire were-birikōāka!” āřĩyupũ. <sup>22</sup> Irasũ āřĩ odo, āsũ āřĩyupũ doja:

—Yure āārĩpererā tĩgũrē buro ñerō tariro āārā. Judío masaka mūrā, paía oparā, Moisés gojadeare buerimasā yure gāāmebirisā, gajirārē yure wējēdorerākuma. ĩgũsā yure wējēadero pũũ, urenũ waaró merā Marĩpũ yure masũgũkumi, āřĩyupũ.

<sup>23</sup> Pũũ āārĩpererā masakare āřĩyupũ:

—Yure tũyadũarāno ĩgũsā iridũarire piriburo. Irasirirā yure tũyari waja curusague pábiatú, wējēsũmurā irirosũ āārĩkererā, piriro marĩrō yure tũyanĩkōāburo. <sup>24</sup> I ũmũgue ĩgũsāya okari ditare maĩrāno perebiri peamegue béosũrākuma. Gajirā gapũ yure tũyari waja, masaka ĩgũsārē wējēkeremakũ, Marĩpũ pũroque waarākuma, ĩgũ merā ōārō āārĩnĩmurā. <sup>25</sup> Sugũ masakũ i ũmũmarē āārĩpereri opakeregũ, ĩgũ boari pũũ waaburi gapũre gũñabiri waja peamegue waagú, ōārĩrē neō wajatabirikumi. <sup>26</sup> Masaka yure, yaa kerere gũyasĩřĩmakũ, yude ĩgũsārē gũyasĩřĩgũkoa. Yũ āārĩpererā tĩgũ yũ goesiriri merā, Yũpũ, ĩgũrē wereboerā ōārā goesiriri merā dupaturi aarigũkoa. Irasũ aarigú, yure gũyasĩřĩnerārē gũyasĩřĩgũkoa. <sup>27</sup> Diayeta mũsārē werea. Surāyeri mũsā ōōgue āārĩrā, mũsā boaburi dupiyuro Marĩpũ ĩgũyarārē doregũ āārĩřĩrē ĩārākoa, āřĩyupũ Jesús.

*Jesús ĩgũ deyori gorawayudea*  
(Mt 17.1-8; Mr 9.2-8)

<sup>28</sup> ĩgũ irasũ ārādero pũũ su mojōma pere gaji mojō urenũ pērēbejarinũřĩ waadero pũũ, Jesús ũtāũ wekague Marĩpũre sērēgũ waagú, Pedro, Santiago, Juārē siiu marĩayupũ.

<sup>29</sup> Irogue Marĩpũre sērēripoe ĩgũya diapu deyori gorawayuakōāyuro. ĩgũya surĩro buro borero kũmijũřĩñe waayuro. <sup>30</sup> Irasũ waaripoe ĩgũ pũro ũma pērā deyoa, ĩgũ merā weretamunĩñurā. ĩgũsā iripoegue marā Moisés, Elías āārĩñurā. <sup>31</sup> ĩgũsāde goesiriri merā deyoañurā. Iripoegue: “ĩgũrē āsũ waarokoa”, āřĩderosũta Jerusalēgue ĩgũ boaburire Jesús merā werenĩñurā.

<sup>32</sup> Pedrosā buro wũjakũkererā, kārĩrō marĩrō Jesús goesiririre, ĩgũ merā āārĩrārē ĩañurā. <sup>33</sup> Moisés, Elías Jesús pũro āārānerā waaripoe Pedro āřĩyupũ:

—Guare buegũ, marĩ ōōgue āārĩmakũ ōātaridũāa. Irasirirā ure wiigā irirāra. Mũya wii, Moiséya wii, Elíaya wii irirāra, āřĩyupũ.

ĩgũ irasũ āřĩkereguta, ĩgũ āārĩrē neō pémasĩbiriyupũ. <sup>34</sup> ĩgũ irasũ āřĩripoe su yebo ĩĩmikāyebo túbiayuro ĩgũsārē. Iri ĩgũsārē túbiamakũ, buro gũĩñurā. <sup>35</sup> Marĩpũ ĩĩmikāyebo poekague āsũ āřĩ werenĩmakũ péñurā:

—Ī yũ magũ, yũ beyedi āārĩmi. ĩgũrē ōārō péka! āřĩyupũ.

<sup>36</sup> Marĩpũ werenĩadero pũũ, Jesús ditare ĩañurā. Pedrosā gapũ Jesús i nikũgue āārĩřĩñurā neō sugũ masakũre ĩgũsā ĩādeare werebiriñurā.

*Jesús sugũ majĩgũrē wātĩ ñajāsũdire taudea*  
(Mt 17.14-21; Mr 9.14-29)

<sup>37</sup> Gajinũ gapũ ĩgũsā ũtāũgue āārānerā dijijadero pũũ, wārā masaka Jesúre bokatĩřĩñurā. <sup>38</sup> Sugũ masakũ ĩgũsā watopegue āārĩgú turaro merā āřĩyupũ:

—Guare buegũ, yũ marē buro sērēa. Yũ magũ suguta āārĩgũrē bopoñarĩ merā ĩāka!

<sup>39</sup> Wātĩ ĩgũrē ñeā, gũñaña marĩrō gaguinĩ, naradamakũ irinami. Irasirigũ majĩgũ ĩgũya disigue sũmu wirisũnami. Wātĩ ĩgũrē buro ñerō tarimakũ irinami. ĩgũrē neō piridũabemi.

<sup>40</sup> Mũ buerārē wātĩrē buro béowiudoreadabũ. ĩgũsā neō bokatĩũbirama, āřĩyupũ.

<sup>41</sup> Jesús yũjũyupũ:

—Mũsā dapagora marā, yure bũremurĩ opamerā, diayemarē neō pémasĩmerā āārā. ¿Noópa yoaripoe mũsā merā āārĩgũkuri? ¿Noópa yoaripoe mũsā yure bũremubirire gũñaturagũkuri? āřĩyupũ. Irasũ āřĩ odo, wātĩ ñajāsũdi pagure:

—Mũ magũrē āřĩka! āřĩyupũ.

<sup>42</sup> Majīgũ Jesús pũro waa ejanugãmakũ, wãtĩ ĩgũrẽ yebague túmeépikõãyupũ. ĩgũrẽ dupaturi bũro naradamakũ iriyupũ. Jesús gapũ wãtĩrẽ: “Majĩgũrẽ wirika!” ãrĩ, tauyupũ. Irasiri odo, ĩgũrẽ pagũre wiayupũ. <sup>43</sup> Masaka ããrĩpererã Marĩpũ wãri turari merã iririre ĩãrã, ĩãgukakõãñurã.

*Jesús dupaturi ĩgũ boaburire weredea*  
(Mt 17.22-23; Mr 9.30-32)

Ĩgũsã ããrĩpererã Jesús iriadeare: “Õãtaria”, ãrĩ gũñaripoeta Jesús ĩgũ buerãrẽ ãrĩyupũ:

<sup>44</sup> –Yũ musãrẽ wererire õãrõ pèduripĩka! Kãtibirikõãka! Masaka yũre ããrĩpererã tĩgũrẽ ñeã, gajirãguere wiarãkuma, ãrĩyupũ.

<sup>45</sup> ĩgũsã gapũ ĩgũ irasũ ãrĩrĩrẽ õãrõ pèmasĩbiriñurã. Marĩpũ ĩgũsãrẽ irire pèmasĩmakũ iribiriyupũ dapa. Irasirirã Jesúre gũirã: “¿Naásũ ãrĩduagu iriari, mũ irasũ ãrĩgũ?” ãrĩ sèrẽñabiriñurã.

*Jesús sugũ gajirã nemorõ ããrĩgũyamarẽ weredea*  
(Mt 18.1-5; Mr 9.33-37; Jn 13.20)

<sup>46</sup> Pũrũ ĩgũ buerã ãsũ ãrĩ guaseonugãñurã: “Marĩ watopere, ¿noã marĩ ããrĩpererã nemorõ ããrĩrĩ?” ãrĩñurã. <sup>47</sup> Jesús ĩgũsã gũñarĩrẽ ĩãmasĩkõãyupũ. Irasirigũ sugũ majĩgũrẽ ĩgũ pũro ãñũ, ãrĩyupũ:

<sup>48</sup> –Sugũ yaagũre, ĩĩ majĩgũ irirosũ ããrĩgũrẽ õãrõ bokatĩrĩñeãgũ, yũdere bokatĩrĩñeãmi. Yũre õãrõ bokatĩrĩñeãgũ, yũre iriudidere bokatĩrĩñeãmi. Sugũ musã watopemũ: “Gajirã nemorõ ããrĩbea”, ãrĩ gũñagũ, gajirã nemorõ ããrĩmi, ãrĩyupũ.

*Jesús: “Marĩrẽ ĩãturibi, marĩ merãmũ ããrĩmi”, ãrĩ weredea*  
(Mr 9.38-40)

<sup>49</sup> Pũrũ Juan Jesúre ãrĩyupũ:

–Guare buegũ, sugũ masakũ mũ wãĩ merã wãtẽãrẽ: “Wirika musã ñajãdire!” ãrĩ béowiumakũ ĩãbũ. ĩgũ, marĩ merãmũ ããrĩbirimakũ ĩãrã, ĩgũrẽ: “Irire neõ irinemobirikõãka!” ãrãbũ, ãrĩyupũ.

<sup>50</sup> Jesús gapũ ãrĩyupũ:

–Kãmutabirikõãka ĩgũrẽ! Sugũ marĩrẽ ĩãturibi, marĩ merãmũta ããrĩmi, ãrĩyupũ.

*Jesús Santiagore, Juãrẽ weredea*

<sup>51</sup> Pũrũ Jesús ãmũgasigue mũrĩaburi dupiyuro ejawãgãrĩripoe: “Jerusalẽgue waagũra”, ãrĩyupũ. <sup>52</sup> ĩgũ waaburi dupiyuro gajirãrẽ Samaria nikũgue ããrĩrĩ makãgue ĩgũ kãrĩburore ãmayudoregũ iriuyupũ.

<sup>53</sup> Samaria marã gapũ judío masaka merã gãmesuribirisĩã, Jesús Jerusalẽgue waaburire pèrã, ĩgũrẽ bokatĩrĩñeãduabiriñurã. <sup>54</sup> Jesús buerã Santiago, Juan Samaria marã ĩgũrẽ bokatĩrĩñeãduabirimakũ ĩãrã, ãsũ ãrĩñurã:

–Gũa Opũ, ¿iripoegue Elías Marĩpũya kerere weredupiyudi iriderosũ, ãmũgasima peamerẽ diju, ĩgũsãrẽ wẽjèdoremakũ gããmekuri? ãrĩñurã.

<sup>55</sup> ĩgũsã irasũ ãrĩmakũ pé, Jesús ĩgũsãrẽ gãmenugã, ĩã, ãrĩyupũ:

–Irasũ ãrĩbirikõãka! Musãrẽ irasũ werenĩmakũ irigũre masĩbea. Musã werenĩrĩ Õãgũ deyomarĩgũ wereri ããrĩbea. <sup>56</sup> Yũ ããrĩpererã tĩgũ masakare béogũ aaribiribũ. ĩgũsãrẽ taugũ aarigũ iribũ, ãrĩyupũ. Irasũ ãrĩ odo, gajĩ makãgue waakõãyupũ doja.

*Gajirã Jesúre: “Mũrẽ tũyadũakoa”, ãrĩdea*  
(Mt 8.19-22)

<sup>57</sup> ĩgũsã maague waamakũ, sugũ masakũ ĩgũsã pũro eja, Jesúre ãrĩyupũ:

–Yũ Opũ, mũ noó waaró mũrẽ tũyagũra, ãrĩyupũ.

<sup>58</sup> Jesús ĩgũrẽ yũjũyupũ:

—Makānūu marā diayéa ĩgūsā kārĩrĩ toreri opama. Mirāde ĩgūsā kārĩrõ opama. Yu āārĩpererā tĩgũ gapu kārĩrõ opabea, ārĩyupu.

<sup>59</sup> Pũũ Jesús gajigũre ārĩyupu:

—Náka, yu merā!

Ĩgũ gapu yũjũyupu:

—Yu Opũ, yũũ boamakũ ĩgũrẽ yáa odo, mũrẽ tũyagũra, ārĩyupu.

<sup>60</sup> Jesús ĩgũrẽ yũjũyupu:

—Yũre bũremumerā, boanerā irirosũ āārĩrāta boanerārẽ yáaburo. Mu gapu Marĩpu ĩgũyarārẽ doreri kerere weregu aarika! ārĩyupu.

<sup>61</sup> Gajigu Jesúsre ārĩyupu:

—Yu Opũ, mũrẽ tũyagũra. Yu mũrẽ tũyaburi dupiyuro yaa wii marārẽ seretugu waadũakoa dapa, ārĩyupu.

<sup>62</sup> Jesús ĩgũrẽ ārĩyupu:

—Sugu masakũ moānũgāgũ waadi, moāduabi gāmenũgādujāagu, moābirikumi. Marĩpu dorerire iritũyanũgāgũ, ĩgũ gāāmerĩrẽ piribi, gāmenũgādujāagu irirosũ āārĩkumi. Irasirigu Marĩpũyare õārõ iritũyabirikumi, ārĩyupu.

## 10

### *Jesús setenta y dos ĩgũ buerārẽ iriudea*

<sup>1</sup> Pũũ marĩ Opũ Jesús gajirā setenta y dos ũmarẽ beye, pērā dita dukawa, ĩgūsārẽ āārĩpereri ĩgũ waaburi makārĩguere <sup>2</sup> āsũ ārĩ iriuyupu:

—Wārā masaka Marĩpũyare neõ pémerā, poeque oteri duka bũribejadea irirosũ āārĩma. ĩgūsārẽ Marĩpũyare weremurā gapu, iri pooere moārĩmasā irirosũ mérāgā āārĩma. Irasirirā marĩ Opũre: “Gajirā mũyare weremurārẽ iriuka!” ārĩ sērēka! <sup>3</sup> Mũsāde Marĩpũyare wererā waaka! Oveja majĩrārẽ makānūu marā diayéa watopegue iriurosũ yu mũsārẽ ñerā āārĩrõguere iriua, Marĩpũyare weredoregu. <sup>4</sup> Mũsāya ajuri, niyeru āābirikõāka! Gubu suri, mũsā sāñarĩ merā dita waaka! Maague masakare bokajarā, õāadore yoaripoe weretamunĩbirikõāka!

<sup>5</sup> ‘Su wiino ñajārā, iri wii marārẽ: “Marĩpu mũsārẽ siñajārĩ sĩburo”, ārĩ õāadorepũrorika!

<sup>6</sup> Iri wii marā Marĩpu siñajārĩ sĩrĩrẽ opadũarā mũsārẽ õārõ bokatĩrĩñeārā, Marĩpu siñajārĩ sĩrĩ merā õārõ āārĩrikũrākuma. Mũsārẽ gāamemerā, i siñajārĩ merā āārĩbirikuma. <sup>7</sup> Mũsā ejadea wiita dujaka! Iri wii marā mũsārẽ ejorire baa, iirĩka! Sugu moārĩmasũ ĩgũ moārĩ waja keoro wajatakumi. Mũsā Marĩpũyare buerā, moārĩmasā irirosũ āārā. Mũsārẽ iri wii marā ejori, mũsā ĩgūsārẽ Marĩpũyare bueri waja āārā. Irasirirā gaji wiirigue āārĩgorenabirikõāka! <sup>8</sup> Mũsā su makāgue ejarā, iro marā mũsārẽ õārõ bokatĩrĩñeā, ĩgūsā baari ejomakũ, õārõ baaka! <sup>9</sup> Iri makā marā pũrĩrikũrārẽ tauka! Āsũ ārĩ wereka: “Mérõ dũyāa, Marĩpu doreri mũsā pũroque aariburo”, ārĩka!

<sup>10</sup> Gaji makāgue mũsā ejamakũ, iro marā mũsārẽ bokatĩrĩñeābirimakũ, wiriwāgārā, āsũ ārĩka ĩgūsārẽ: <sup>11</sup> “Mũsāya makāma nikũwera guaya guburire tuadeare mojēbéoa. Mũsā guare gāāmebiri waja Marĩpu mũsārẽ wajamoāburire masĩmakũ irirā, irasũ yáa. Ire õārõ pémasĩka! Mũsā guare gāāmebirikeremakũ, mérõ dũyāa, Marĩpu doreri aariburo”, ārĩka ĩgūsārẽ! <sup>12</sup> Mũsārẽ werea. Marĩpu āārĩpererā ñerārẽ wajamoārĩnu ejamakũ, mũsārẽ gāāmebirinerārẽ Sodoma marārẽ wajamoārõ nemorõ wajamoāgũkumi, ārĩyupu Jesús.

### *Jesús makārĩ marārẽ ĩgūsā ĩgũrẽ bũremubirire weredea* (Mt 11.20-24)

<sup>13</sup> Pũũ Jesús gaji makārĩ marārẽ āsũ ārĩyupu:

—Mũsā Corazĩn marā, Betsaida marāde ñerõ tarirākoa. Iripoegue marā Tiro, Sidón marā, mũsā ĩũrõ Marĩpu ĩgũ turari merā iri ĩmurõsũ iri ĩmumakũ ĩārā, ĩgūsā ñerõ irideare piribonerā āārĩmā. ĩgūsā ñerõ irideare bũro bũjawererire ĩmurā, bũjawereri suri sāña,

nitikurogue doabonerã ããrĩmá. Ìgũsã ñerõ irideare piri, õãrĩ gapure iribonerã ããrĩmá. Mũsã gapu Marĩpu turari merã iri ìmurĩrẽ ìãkererã, mũsã ñerõ iririre neõ piribea. <sup>14</sup> Irasirigu mũsãrẽ werea. Marĩpu Ìgũ ããrĩpererã ñerãrẽ wajamoãrĩnu ejamakũ, Tiro, Sidón marãrẽ wajamoãrõ nemorõ mũsãrẽ wajamoãgukumi. <sup>15</sup> Mũsã Capernaum marã: “Ûmugasigue mũrĩãrãkoa”, ãrĩ gũñadãa. Iroguere neõ waabirikoã. Boanerã ããrĩrõgue béodijusũrãkoa, ãrĩyupu.

<sup>16</sup> Irasũ ãrĩ odo, Ìgũ buerãrẽ ãrĩyupu:

—Mũsã wererire péduripirãno yu wereridere péduripíma. Mũsãrẽ gããmemerãno yudere gããmebema. Yure gããmemerãno yure iriudidere gããmebema, ãrĩyupu.

### *Jesús setenta y dos iriunerã goedea*

<sup>17</sup> Pũpu Jesús setenta y dos iriunerã buro usuyari merã goejañurã:

—Gua Opũ, wãtẽãrẽ mu dorero merã, mu wãĩ merã gua béowiumakũ, õãrõ yujuaama, ãrĩñurã.

<sup>18</sup> Jesús ãrĩyupu Ìgũsãrẽ:

—Bupu miãrõ irirosũ wãtẽa opu Satanás ùmugasigue ããrãdi, yurimadijarimakũ ìãbu.

<sup>19</sup> Õãrõ péka! Yu mũsãrẽ turari sĩbu, ãñarẽ, korebabare kũrapeo, ããrĩpereri wãtĩ turaridere neõ ñerõ irisũrõ marĩrõ tarinugãburo, ãrĩgũ. <sup>20</sup> Mũsã wãtẽãrẽ wiridoremakũ Ìgũsã õãrõ yujuaadeare usuyabirikõãka! Mũsã Marĩpuyarã ããrĩmakũ, ùmugasigue mũsã wãĩ gojatúsũdero ããrĩbũ. Iri gapure usuyaka! ãrĩyupu.

### *Jesús Ìgũ Pagure usuyari sĩdea*

*(Mt 11.25-27; 13.16-17)*

<sup>21</sup> Ìgũ irasũ ãrĩripoe Õãgũ deyomarĩgũ Jesúre buro usuyamakũ iriyupu. Irasirigu Jesús Ìgũ Pagure ãsũ ãrĩyupu:

—Au, yu mũrẽ: “Õãtaria mu”, ãrĩ, usuyari sĩa. Mu ùmugasĩ marã, i nikũ marã Opũ ããrã. Irasirigu: “Masĩtarinugãrã, ããrĩpererire pémasĩa”, ãrĩ gũñarãrẽ muyare masĩmakũ iribea. Majĩrã irirosũ mũrẽ buremurã gapure muyare masĩmakũ yãa. Au, irasũta ããrã. Mu gããmederosũta usuyari merã irasũ yãa, ãrĩyupu.

<sup>22</sup> Pũpu masakare ãrĩyupu:

—Yupu yure ããrĩpereri irimasĩrĩrẽ sĩmi. Neõ sugu masakũ yu ããrĩrikũrere masĩbemi. Yupu dita masĩmi. Neõ sugu masakũ Yupu ããrĩrikũrere masĩbemi. Yu dita masĩa. Yu Ìgũrẽ masĩdorerãde Ìgũrẽ masĩma, ãrĩyupu.

<sup>23</sup> Irasũ ãrĩ odo, Ìgũ buerãrẽ ìã, Ìgũsã ditare ãsũ ãrĩyupu:

—Mũsãya koye merã yure ìãa. Irasirirã usuyãa. <sup>24</sup> Mũsãrẽ werea. Wãrã iripoegue marã Marĩpuya kerere weredupiyunerã, irasũ ããrĩmakũ oparã iripoegue ããrĩnerã mũsã dapagora ìãrĩrẽ ìãduanerã ããrãdima. Irire ìãduakererã, ìãbirinerã ããrĩmá. Mũsã dapagora périre péduakererã, pébirinerã ããrĩmá, ãrĩyupu.

### *Jesús õãgũ Samariamũ keori merã weredeã*

<sup>25</sup> Pũpu sugu Moisés gojadeare buerimasũ Jesúre diaye yujubirimakũ iridũagu wãgãnugã, Ìgũrẽ ãsũ ãrĩ sêrẽñayupu:

—Buegu, ¿ñeonorẽ yure iriro gããmerĩ, ùmugasigue perebiri okari opabu? ãrĩyupu.

<sup>26</sup> Jesús Ìgũrẽ yujuyupu:

—¿Naásũ ãrĩ gojasũyuri, Moisés gojadeã pũgue? Mu irire buegu, ¿naásũ péñarĩ? ãrĩyupu.

<sup>27</sup> Moisés gojadeare buerimasũ Ìgũrẽ yujuyupu:

—Ãsũ ãrĩ gojasũdero ããrĩbũ: “Marĩpu mu Opũre buro maĩka! Mũya yujupũrã merã, mu ããrĩrikũri merã, mu turari, ããrĩpereri mũya gũñarĩ merã Ìgũrẽ maĩka! Mu basi maĩrõsũta mu puo ããrĩãdere maĩka!” ãrĩ gojasũdero ããrĩbũ, ãrĩyupu.

<sup>28</sup> Irire pégu, Jesús Ìgũrẽ ãrĩyupu:

—Diyeta yujua mu. Irire irigu, ùmugasigue perebiri okarire opagũkoa, ãrĩyupu.

29 Moisés gojadeare buerimasũ gapu masaka igũrẽ: “Oãgũ aãrĩmi”, aãrĩ gũñamakũ gããmegũ, Jesũre sãrẽñayupu doja:

—¿Noã aãrĩrĩ, yu puo aãrĩrã? aãrĩyupu.

30 Igũ irasũ aãrĩmakũ pẽgu, Jesũs keori merã wereyupu igũrẽ:

—Sugu masakũ Jerusalẽgue aãrãdi Jericó waarĩ maague buáakumi. Igũ iroque buáamakũ, yajarimasã igũrẽ bokatĩrĩ, ñeã, igũ opadea aãrĩpererire emapeo, igũya suridere túwea, aã, igũrẽ buro pá, kãmitú, waakõakuma. 31 Igũsã irasũ iriadero puu, sugu paí iri maarẽ waakumi. Igũrẽ iãkeregũ, yoarogue iãtariakõakumi. 32 Igũ puu, gajigu Levíya bumũ iri maarẽ waakumi. Igũde igũrẽ iãkeregũ, yoarogue iãtariakõakumi. 33 Puu sugu Samariamũ iri maarẽ waakumi. Igũrẽ iãboka, buro bopoñarĩ merã igũrẽ iãkumi. 34 Irasirigu igũ puo waa ejanugã, igũya kãmirẽ uye, igui deko pãmudea merã pípeo, surí gasiri merã õmakumi. Oma odo, igũyagu burro wekague aãpeo, igũrẽ aãkõakumi. Aã, su wii naarĩmasã kãrĩrĩ wiigue eja, iroque igũrẽ korekumi dapa. 35 Gajinu gapu igũya niyeru penũ moã wajataropa iri wii opure sũkumi. “Oãrõ koreka iãrẽ!” aãrĩkumi. “Dupaturi aarigú, mure wajarinemogura iãrẽ koreri waja”, aãrĩkumi, aãrĩyupu Jesũs. 36 Irire were odo, Moisés gojadeare buerimasũrẽ sãrẽñayupu:

—¿Naásũ gũñarĩ mu irire pẽgu? ¿Niĩno gapu iĩsã urerã watopemu yajarimasã pádire igũ puo aãrĩgũrẽ irirosũ õãrõ iriyuri? aãrĩyupu.

37 Moisés gojadeare buerimasũ yujuyupu:

—Igũrẽ bopoñarĩ merã iã iritamudi gapu, aãrĩyupu.

Igũ irasũ aãrĩmakũ, Jesũs igũrẽ aãrĩyupu:

—Mũde ñi bopoñarĩ merã iãdi iriderosũta gajirãrẽ irigu waaka! aãrĩyupu.

### *Jesũs Marta, Maríaya wiigue ejadea*

38 Puu Jesũs igũ buerã merã waa, su makãgue ejayupu. Iri makãguere sugo Marta wãikugo igũrẽ bokatĩrĩñeã, igoya wiigue ñajãdoreyupu. 39 Jesũs iri wiigue ñajãjamakũ, Marta pagamo María wãikugo igũya guburi puo eja doayupu igũ werenĩrĩrẽ pẽduago. 40 Marta gapu aãrĩpereri igo moãrĩrẽ buro gũñarikuyupu. Irasirigo igo pagamo Jesũya guburi puo doamakũ iãgõ, igũ puo waa, igũrẽ aãrĩyupu:

—Gua opu, yu sugota aãrĩpererire moãgõ irikõãdáa. ¿Mu iãberi, yu pagamo yure neõ iritamubirimakũ? Igore iritamudoreka yure! aãrĩyupu.

41 Igo irasũ aãrĩmakũ pẽgu, Jesũs yujuyupu:

—Marta, mu wãri gajino moãrĩrẽ gũñarikua. 42 Su wãrẽta iriro gãamea marĩrẽ. María i õãrĩrẽ beyemo. Irasirirã, yu werenĩrĩrẽ igo pẽduamakũ, gajirã neõ igore irire pirimakũ iribirikuma, aãrĩyupu.

## 11

### *Jesũs Marĩpũre sãrẽrĩrẽ buedea*

(Mt 6.9-15; 7.7-11)

1 Sunũ Jesũs gajiroque Marĩpũre sãrẽgũ iriyupu. Igũ sãrẽ odomakũ, sugu igũ buegu aãrĩyupu igũrẽ:

—Gua opu, Juan masakare wãiyerimasũ igũ buerãrẽ Marĩpũre sãrẽrĩrẽ buederosũ guadere bueka! aãrĩyupu.

2 Jesũs igũsãrẽ aãrĩyupu:

—Marĩpũre sãrẽrã, aãrĩrã:

“Gua puũ umugasigue aãrĩgú, aãrĩpererã mure gopeyari merã buremuburo. Mu aãrĩpererãrẽ doreri aariburo. Umugasigue marã mu gããmerõ irirosũta i nikũ marãde iriburo.

3 Umuriku guare baari sũka!

4 Gajirã guare ñerõ irideare gua kãtirosũta mude gua ñerõ irideare kãtika! Gua ñerõ iridũamakũ kãmutaka!

Ñegũ guare ñerĩ ãrĩmesãrĩrẽ tau kãmutaka!” ãrĩka Marĩpũre sãrẽrã! ãrĩyupũ Jesús.

5 Irasũ ãrĩ odo, keori merã wereyupũ ãgũsãrẽ:

—Yũ ire weremakũ pérã, ¿naásũ gũñarĩ mũsã? Ñami deko ããrĩmakũ, sugũ masaku ãgũ merãmũya wiigũe waa, ãgũrẽ ãsũ ãrĩ sãrẽkumi: “Yũ merãmũ, Ƴreru pã duparu sĩka yũre! 6 Gajigũ yũ merãmũ yaa wiigũe naagũ ejáami. Yũ ãgũrẽ gajino mérõ ejorino neõ opabirakubũ. Irasirigũ mure sãrẽgũ aarabũ”, ãrĩkumi. 7 ãgũ irasũ ãrĩmakũ pékeregũ, wii poekague ããrĩgũ gapũ ãsũ ãrĩ yũjukumi: “Yũre garibobirikõãka! Makãpũrore õãrõ biakõãsiabũ. Yũ pũrã yũ merã kãrĩrãgũe yãma. Wãgãnũgã, mure sãgũ waasubirikoa”, ãrĩkumi ãgũrẽ. 8 Ire mũsãrẽ werea. ãgũ merãmũ ããrĩkeremakũ, ãgũrẽ sãbirikumi. Sãbirikeregũ, ãgũrẽ piriro marĩrõ sãrẽmakũ ãã, ãgũrẽ: “Garibonemobirikõãburo”, ãrĩgũ, ããrĩpereri ãgũ gããmerĩrẽ sãkõãkumi pama. 9 Irasirigũ mũsãrẽ werea. Marĩpũre sãrẽka! Mũsã sãrẽmakũ, sãgũkumi. Õãrĩrẽ ãmarã, bokarãkoa. Wiigũe ñajãduarã oemakũ, Marĩpũ makãpũro tũpã ñajãdoregũ irirosũ mũsã sãrẽrĩrẽ pégũkumi. 10 ãgũrẽ sãrẽãnorẽ sãgũkumi. ãmarãno bokarãkuma. Wiigũe ñajãduarã oerã irirosũ ãgũrẽ sãrẽmakũ ããgũ, ãgũsãrẽ ñajãdoregũ irirosũ ãgũsã sãrẽrĩrẽ õãrõ pégũkumi. 11 Mũsã pũrã pãrẽ sãrẽmakũ, Ƴtãyere sãbirikoa. Waaĩ sãrẽmakũdere ãñarẽ sãbirikoa. 12 ãgãbo diu sãrẽmakũ, korebabare sãbirikoa. 13 Ñãrã ããrĩkererã, mũsã pũrãrẽ õãrĩrẽ sãmasã. Marĩpũ Ƴmũgasigũe ããrĩgũ gapũ mũsã nemorõ õãrĩrẽ sãmasãmi. Irasirigũ Õãgũ deyomarĩgũrẽ sãgũkumi ãgũrẽ sãrẽãrẽ, ãrĩyupũ Jesús.

*Jesũre: “Wãtĩ turari opami”, ãrĩ werewũadea  
(Mt 12.22-30; Mr 3.20-27)*

14 Pũrũ Jesús wãtĩ masakũre werenĩmasãbirimakũ irigũre béowiugũ iriyupũ. Wãtĩrẽ béowiumakũ, werenĩbiradi werenĩakõãyupũ. Masaka, ãgũ irasirimakũ ããrã, ããgũkakõãñũrã.

15 Gajirã gapũ Jesũre ãsũ ãrĩ werewũãñũrã:

—Ĩĩ wãtẽa opũ Beelzebũ turaro merã wãtẽãrẽ béowiumi, ãrĩñũrã.

16 Gajirãde ãgũrẽ:

—Mũ diayeta turari opagũ, iri turari merã gajino Ƴmũgasimarẽ iri ãmuka! ãrĩñũrã.

17 Jesús gapũ ãgũsã gũñarĩrẽ masãsãã, ãsũ ãrĩyupũ:

—Su nikũ marã ãgũsã basi dukawari gãmekẽãrã, pereakõãkuma. Su wii marã ãgũsã basi dukawari gãmekẽãrã, pereakõãkuma. 18 Mũsã yũre: “Wãtẽa opũ Beelzebũ turari merã wãtẽãrẽ béowiumi”, ãrĩ werewũãã. Yũre ãgũ turari merã wãtẽãrẽ béowiudoregũ, ãgũ basi ãgũyarãrẽ béobukumi. Irasirirã ãgũsã basi dukawari gãmekẽãrã, pereakõãbukuma. 19 Iri irasũ ããrĩmakũ, mũsã buerire tũyarã gapũ wãtẽãrẽ béowiurã, ¿noã turari merã béowiukuri? Mũsã ãgũsãrẽ: “Marĩpũ turari merã wãtẽãrẽ béowiuma”, ãrã. Irasiriro mũsã yũre werewũari diaye ããrĩbea. 20 Yũ gapũ Marĩpũ turari merã wãtẽãrẽ béowiumakũ, Marĩpũ doreri mũsã pũroguere ejasiãã, ãrĩ masãsãã.

21 ‘Sugũ wii opũ turagũ ããrĩpereri mojõkũgũ, ãgũya wiimarẽ õãrõ koremasãkumi. Gajirã ãgũ oparire ẽmamasãbirikuma. 22 “I mojõkũsãã, yaa wiire õãrõ koremasãã”, ãrĩ gũñakeremakũ, gajigũ ãgũ nemorõ turagũ gapũ ãgũrẽ tarinũgã, ããrĩpereri ãgũ mojõkũrere ẽmagũkumi. Irasirigũ ãgũ oparire ãĩpeo, ãgũ merãmarãrẽ gueregũkumi. 23 Yũre gããmemerã, yũre ããturirã ããrĩma. Masakare yũre siiu neeõtamumerã, ãgũsãrẽ waasirimakũ irirã ããrĩma, ãrĩyupũ.

*Jesũs, wãtĩ dupaturi masakũguere ñajãrĩmarẽ weredeã  
(Mt 12.43-45)*

24 Irasũ ãrĩ odo, gajĩ keori merã ãgũsãrẽ wereyupũ doja:

—Wãtĩ masakũguere ããrãdi wiri, pũrũ deko marĩrõgũe ãgũ siñajãburore ãmagorenagũ waakumi. Irore bokabi, ãsũ ãrĩ gũñakumi: “Yũ wiridi, yaa wii irirosũ ããrĩmĩ. Dupaturi yũ

wiridiguereta goeñajãgura doja”, ãrĩ gũñakumi. <sup>25</sup> Irasirigũ ãgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi. <sup>26</sup> Irasirigũ gajirã wãtẽa su mojõma pere gaji mojõ peru pẽrẽbejarã ãgũ nemorõ ñerãrẽ siiu, ãgũsã ããrĩpererã merã masakũguere ããrĩnikõãkumi. Irasirigũ masakũ ãgũ dupiyuro ããrĩrikũdero nemorõ ñerõ ããrĩkumi, ãrĩyupũ Jesũs.

*Jesũs diayema usũyarimarẽ werede*

<sup>27</sup> Jesũs irire wereripoe sugo nomeõ masaka watopegue ããrĩgõ gaguiniyupo:  
—Mũrẽ pũrãkũ masũdeo usũyatarikumo, ãrĩyupo Jesũre.

<sup>28</sup> Jesũs gapũ igore ãrĩyupũ:  
—Marĩpũya werenĩrĩrẽ pẽrã, ãgũ dorerire irirã gapũ õãrõ usũyarãkuma, ãrĩyupũ.

*Masaka ñerã Jesũre Marĩpũ turari merã iri ãmudoredea*  
(Mt 12.38-42; Mr 8.12)

<sup>29</sup> Pũrũ Jesũs ãgũ pũro masaka wãrã nerẽwãgãrĩripoe ãsũ ãrĩ wereyupũ ãgũsãrẽ:  
—Dapagora marã masaka ñetarirã ããrĩma. Yũre Marĩpũ turari merã gajino iri ãmudorekeremakũ, Marĩpũya kerere weredupiyudi Jonás iridea ditare weregũra. <sup>30</sup> Iripoegue Marĩpũ Jonãrẽ Nĩnive wãikũri makã marãrẽ weredorederosũ yũre ããrĩpererã tĩgũrẽ dapagora marã masakare weredoremi. <sup>31</sup> Marĩpũ ããrĩpererã ñerãrẽ wajamoãrĩnu ejamakũ, sugo iripoeguemo Sabã nikũ marã opo musã dapagora marãrẽ: “Ñegorabu”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opũ Salomón wãri masĩrĩ merã wererire pẽgo aarigó. Dapagora yũ Salomón nemorõ masĩgũ õõgue musã merã ããrĩkeremakũ, musã gapũ yũ wererire pẽdũabea. <sup>32</sup> Iripoegue Nĩnive marã Jonás Marĩpũya kerere weremakũ pẽrã, ãgũsã ñerõ irideare bujawere, ãgũsã gũñarĩrẽ gorawayunerã ããrĩmã. Dapagora yũ Jonás nemorõ masĩgũ õõgue musã merã ããrã. Yũ Marĩpũya kerere werekeremakũ, musã ñerõ iririkũrere bujawerebea. Irasirirã, Marĩpũ ããrĩpererã ñerãrẽ wajamoãrĩnu ejamakũ, Nĩnive marã musã dapagora marãrẽ: “Ñegorabu”, ãrĩrãkuma, ãrĩyupũ.

*Jesũs masakaya koye sããgodiru irirosũ ããrĩrĩrẽ buede*  
(Mt 5.15; 6.22-23)

<sup>33</sup> Irasũ ãrĩ odo, gaji keori merã wereyupũ:  
—Masaka sããgodirure sããgorã, deyomarĩrõgue duúbirikuma. Dupa kũma dokaguedere pĩbirikumã. Sããgo, wii dekogue siukumã, gajirã iri wiire ñajãrã iri sããgodiru boyorore õãrõ ãã ñajãburo, ãrĩrã. <sup>34</sup> Musãya koye musãya gũñarĩguere sããgodiru irirosũ ããrã. Musã õãrĩ koye oparã irirosũ ããrĩmakũ, musãya gũñarĩguere õãrõ sããgoro irirosũ ããrã. Irasirirã Marĩpũyare masĩa. Musã ñerĩ koye oparã irirosũ ããrĩmakũ, musã gũñarĩguere naĩtĩãrõ irirosũ ããrã. Marĩpũyare masĩbea. <sup>35</sup> Irasirirã pẽmasĩka, musãya gũñarĩgue sããgori, naĩtĩãrĩ waabirikõãburo, ãrĩrã! <sup>36</sup> Musãya gũñarĩgue sããgori, naĩtĩãrõ marĩrõ irirosũ ããrĩmakũ, ããrĩpereri Marĩpũyare pẽmasĩrãkoa. Irasirirã sããgori boyorogue ããrõsũ õãrõ pẽmasĩrĩ merã ãgũyare iritũyarãkoa, ãrĩyupũ Jesũs.

*Jesũs fariseo bumarãrẽ, Moissẽ gojadeare buerimasãrẽ ãgũsã ñerõ iririre werede*  
(Mt 23.1-36; Mr 12.38-40; Lc 20.45-47)

<sup>37</sup> Jesũs irasũ ãrĩ odoadero pũrũ, sugũ fariseo bumũ ãgũya wiigũ baadoregũ siuayupũ ãgũrẽ. Irasirigũ Jesũs ãgũ merã waa, ãgũya wiigũ ñajãa, eja doayupũ ãgũ merã baabu. <sup>38</sup> Fariseo bumũ gapũ judío masaka irinĩrõsũ Jesũs baaburi dupiyuro ãgũ mojõkoebirimakũ ããgũ, ããgũkakõãyupũ. <sup>39</sup> ãgũ ããgũkamakũ ããgũ, marĩ Opũ Jesũs ãgũrẽ ãrĩyupũ:  
—Musã fariseo bumarã masaka ããrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã gajirãyare yajadũarã, ñerĩ ditare iridũarã ããrĩsã, iripa poekague gũrari utũriro irirosũ ããrã. <sup>40</sup> Irasirirã neõ pẽmasĩbea. Marĩpũ, marĩya dũpũre

irigũ, marĩ gũñarĩdere iridi ããrĩmĩ. ¿Irire pémasĩberi mũsã? <sup>41</sup> Mũsã oparire gajirãrẽ sĩrã, òãrõ gũñarĩ merã sĩka! Irasirirã soropa poeka gapũdere koeadeapa irirosũ ããrĩrãkoa.

<sup>42</sup> Mũsã fariseo bumarã bũro ñerõ tarirãkoa. Mũsã oteri mutãrĩgã: menta, ruda wãikũri baari morẽrĩnorẽ, ããrĩpereri oteridari dukakũrinogãdere sea neeõ, keoro dukawa, pe mojõma diruri irikoa. Sudiru Marĩpũya wiigũe ãã: “Ìgũrẽ yũ sĩrĩ ããrã”, ãrĩ, irogue píkoa, ìgũ dorerire irimurã. Irasirikererã, gajirãrẽ diayema iririre iribea. Marĩpũre maĩbea. Irasirirã mũsã oterire ìgũrẽ sĩduũro marĩrõ diayemadere irika! Marĩpũre maĩrĩ merã bũremuka!

<sup>43</sup> Mũsã fariseo bumarã bũro ñerõ tarirãkoa. Mũsã nerẽrĩ wiiriguere nerẽrã, òãrĩ doarigue dita doadũãa. Makã dekoguere masakare mũsãrẽ gopepyari merã bokatĩrĩ òãdoremakũ gããmea.

<sup>44</sup> Mũsã Moisés gojadeare buerimasã, fariseo bumarãde bũro ñerõ tarirãkoa. Mũsã masãgoberi irirosũ ããrã. Irasirirã masaka iri goberi ããrĩrõ weka tãpĩtariarã, iri goberi poekague ããrĩrĩrẽ masĩberosũ mũsã ñerõ oparire masĩbema, ãrĩyupũ Jesús.

<sup>45</sup> Ìgũ irasũ ãrĩmakũ pégũ, sugũ Moisés gojadeare buerimasũ ãrĩyupũ ìgũrẽ:

—Buegũ, mũ fariseo bumarãrẽ irasũ ãrĩgũ, gũadere ãrĩ turigũ yãa, ãrĩyupũ.

<sup>46</sup> Jesús gapũ ìgũrẽ ãsũ ãrĩyupũ:

—Mũsãde, Moisés gojadeare buerimasã bũro ñerõ tarirãkoa. Mũsã gajirãrẽ: “Ãsũ irika!” ãrĩ, dorerã, ìgũsãrẽ gajino bũro nukũrĩ kòãtãrĩrã irirosũ ããrĩmakũ yãa. Irasirirã iri dorerire bokatĩũbema. Ìgũsã mũsã dorerire bokatĩũbirikeremakũ, ìgũsãrẽ neõ iritamubea iri dorerire iriburo, ãrĩrã.

<sup>47</sup> Irasirirã mũsã bũro ñerõ tarirãkoa. Iripoegue marã Marĩpũya kerere weredupiyunerã masãgoberi weka weanũdeare mũsã ãmua. Ìgũsãrẽta mũsã ñekũsãmarã wẽjẽnerã ããrĩmã. <sup>48</sup> Ìgũsã irasũ wẽjẽdero pũrũgue, dapagora mũsã ìgũsã iripoegue irideare iriwekabejakõãa, ìgũsã wẽjẽnerãya masãgoberi weka weanũdeare ãmurã. Irasirirã mũsã ìgũsã wẽjẽdeare: “Ñegorabu”, ãrĩ gũñabea. Mũsã ñekũsãmarã Marĩpũya kerere weredupiyunerãrẽ gããmebiriderosũ mũsãde yũre gããmebea.

<sup>49</sup> Irasirigũ iripoegue Marĩpũ ìgũ masĩrĩ merã ãsũ ãrĩdi ããrĩmĩ: “Yaa kerere weredupiyurimasãrẽ, yaare buerimasãdere iriugũra. Irire buemakũ ìã, surãyerire masaka wẽjẽrãkuma. Gajirãrẽ ñerõ iridũarã, noó ìgũsã waaró tũyagorenarãkuma”, ãrĩdi ããrĩmĩ Marĩpũ. <sup>50-51</sup> Marĩpũ i ãmurẽ iriadero pũrũ, Abere ìgũ tĩgũ wẽjẽdi ããrĩmĩ. Pũrũ Marĩpũya kerere weredupiyunerãrẽ wẽjẽnerã ããrĩmã. Pũrũ Zacariãdere Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã. Irasirigũ Marĩpũ ããrĩpererãrẽ ìgũsã wẽjẽdea waja dapagora marãrẽ wajamoãgũkumi.

<sup>52</sup> Mũsã Moisés gojadeare buerimasã bũro ñerõ tarirãkoa. Mũsã Marĩpũyare masĩkererã, mũsã basi irire iridũabea. Irasirirã gajirãrẽ irire masĩdũarãrẽ masĩbirimakũ yãa, ãrĩyupũ Jesús.

<sup>53</sup> Ìgũ irasũ ãrãdero pũrũ, Moisés gojadeare buerimasã, fariseo bumarãde ìgũ merã guatariakõãñurã. Irasirirã bũro ìgũrẽ werewũa, wãri ìgũrẽ sẽrẽñanũgãñurã. <sup>54</sup> Ìgũ diaye yũjubirimakũ pérã, ìgũrẽ weresãdũarã, irasiriñurã.

## 12

### *Jesús fariseo bumarã irikatorire weredea*

<sup>1</sup> Ìgũsã irasiriripoe Jesús pũro masaka wãrã nerẽñurã. Ìgũsã wãrã ããrĩsĩã, gãme kũratĩãnokõãñurã. Jesús ìgũ buerãrẽ ãsũ ãrĩ werenũgãyupũ:

—Fariseo bumarã irikatorire òãrõ pémasĩka! Ìgũsã irikatori pã wemasãrĩ morẽrĩ irirosũ ããrã. <sup>2</sup> ããrĩpereri gajirã ìãberogue irideare, durirogue irideadere pũrũgue masĩsũrokoa. <sup>3</sup> Mũsã naĩtĩãrõgue irirosũ gajirã péberogue werenĩdeare boyorogue irirosũ



Marĩpu ìgūsārē pémakū irigukumi. Músā wii poekague yayero werenídeadere makā dekogue gaguinirōsū gajirārē òārō pémakū irigukumi.

*Jesús: “¿Noārē güiri merā b̄remurō gāāmerĩ?” āĩ weredea  
(Mt 10.26-31)*

<sup>4</sup> Músārē yu merāmarārē werea. Músārē wējērā, músāya dupu ditare boamakū irirākuma. Puruquere músārē neō ñerō irinemobirikuma. Irasirirā músārē wējēduarārē güibirikōāka! <sup>5</sup> Yu músā gopeyari merā güibure weregura. Marĩpu gapure güiri merā b̄remuka! Masakare ìgūsā okarire ēmamasĩmi. Ìgū ēmadero puru, ìgūsārē perebiri peamegue béomasĩmi. Irasirirā ìgū gapure güiri merā b̄remuka!

<sup>6</sup> Masaka su mojōmarā mirā wajarirā, pe niyeru koegā, mérōgā wajakuri koerigārē sīkuma. Ìgūsā mérōgā wajakukeremakū, Marĩpu gapu ìgūsārē òārō koremi. Neō sugure kātibemi. <sup>7</sup> Marĩpu āārĩpereri músā āārĩrikurire masīgū, músāya poarire: “Irikū āārā”, āĩ masĩpeokōāmi. Irasirirā güibirikōāka! Músā, mirā nemorō wajakua. Irasirigu Marĩpu mirārē korero nemorō músārē koregukumi.

*Jesús: “Masakare yure b̄remurĩrē wereka!” āĩdea  
(Mt 10.32-33; 12.32; 10.19-20)*

<sup>8</sup> Músārē werea. Sugū, masaka péuro: “Jesúyagu āārā”, āĩ weremakū, yu āārĩpererā tīgūde Marĩpūre wereboerā péuro: “Yaagu āārĩmi ĩ”, āĩ weregukoa. <sup>9</sup> Sugū yure masĩkeregu, masaka péuro: “Ìgūrē masĩbea”, āĩ weremakū, yu āārĩpererā tīgūde Marĩpūre wereboerā péuro: “Yude ìgūrē masĩbea”, āĩ weregukoa.

<sup>10</sup> Sugū yure āārĩpererā tīgūrē ñerō āĩ werenímakū, Marĩpu kātimasĩmi. Òāgū deyomarīgū gapure ñerō āĩ werenímakū, neō kātibirikumi.

<sup>11</sup> Masaka músārē ìgūsā nerērĩ wiiri oparā purogue, weresārĩrē beyerimasā purogue, o makārĩ marārē dorerā purogue músārē ìgūsā weresāmurā āĩmakū: “¿Naásū yujurākuri, o naásū ārĩrākuri ìgūsārē?” āĩ, buro güñarikubirikōāka! <sup>12</sup> Ìgūsā músārē sērēñamakūta, Òāgū deyomarīgū masĩrĩ sĩrĩ merā ìgūsārē wererākoa, ārĩyupu Jesús.

*Jesús: “Wári doebiri oparārē goegorāa”, āĩ weredea*

<sup>13</sup> Puru sugū masaka watopegue āārĩgū Jesúre ārĩyupu:

—Buegu, guapu boagu ìgū opadeare guare pími. Irasirigu yu tīgūrē irire keoro dukawa, yudere sīdoreka! ārĩyupu.

<sup>14</sup> Jesús gapu ìgūrē yujuyupu:

—Músāpu pídeare músārē dukawabu āārĩbea yu, ārĩyupu.

<sup>15</sup> Irasū ārĩ odo, āārĩpererārē ārĩyupu:

—Pémasĩka músā! Doebirire, gajinodere wáro gāāmebirikōāka! Masaka wári oparā, òārĩ okari gapure opabema, wári opari ditare güñarā, ārĩyupu.

<sup>16</sup> Irasū ārĩ odo, keori merā wereyupu ìgūsārē:

—Sugū masakū wári doebiri opakumi. Ìgū otedeade wárigora dukakukoa. <sup>17</sup> Irasirigu ìgū basi güñakumi: “¿Nasirigukuri? Yaa oteri duka sea duripíburi wii máa”, ārĩkumi. <sup>18</sup> Puru güñakumi doja: “Āsū irigura. Yu gajino duripĩri wii āārĩpuroridea wiire béo, nemorō wári wii irigura. Iri odo, iri wiigue yaa oteri dukare āārĩpereri, yaa doebiridere duripígura. <sup>19</sup> Puru yu basi āsū ārĩgura: ‘Wári doebiri opáa. Wári bojorima baaburidere opáa. Irasirigu siñajā, baa, iirĩ, usuyagura’, ārĩkumi. <sup>20</sup> Marĩpu gapu ìgūrē ārĩkumi: “Mu neō pémasĩbi āārā. Dapagā ñamita boagukoa. Mu boamakū, ¿noā oparākuri mu duripíadeare?” ārĩkumi. <sup>21</sup> Irasūta waarākuma, masaka ìgūsāya doebiri ditare güñarā. Ìgūsāya āārĩburi ditare güña, wári doebirire duripĩrākuma. Irasirikererā, Marĩpūre güñamerā, ìgū ĩūrōrē boporā irirosū āārĩrākuma, ārĩyupu Jesús.

*Jesús, Marĩpu ĩgũ pũrãrẽ korerimarẽ buedea*  
(Mt 6.25-34)

<sup>22</sup> Pũru Jesús ĩgũ buerãrẽ ãsũ ãrĩyupu doja:

—Irasirigu musãrẽ ire weregura. Musã ããrĩrikurire gũñarã: “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ, bũro gũñarikubirikõãka! <sup>23</sup> Marĩ okari gapu, baari nemorõ wajakua. Marĩya dupu, surĩ nemorõ wajakua. Irasiriro musã ããrĩrikuri, musã opari nemorõ wajakua. <sup>24</sup> Mirãrẽ gũñaka! ĩgũsã baaduarã, otebema. Otedea dukare seabema. Baari duripiri wiiridere opabema. Marĩpu gapu ĩgũsãrẽ baari sĩmi. Musã gapu, mirã nemorõ wajakutarinugãa. <sup>25</sup> Musã bũro gũñarikuri merã neõ mérõgã masãnemobirikoa. <sup>26</sup> Musã irasũ gũñarikuri wajamarĩkeremakũ, ¿nasirirã gajinorẽ bũro gũñarikuri? Musã gũñarikuri merã ããrĩpererire neõ irimasĩbirikoa.

<sup>27</sup> ‘Makãnúuma goori masãrĩrẽ gũñaka! Iri moãbirikerero, suabirikerero, õãrĩ surĩ sãñarõ irirosũ deyoa. Musãrẽ werea. Opu Salomón surĩ õãrĩ sãñadero nemorõ iri goori gapu õãrĩ deyoa. <sup>28</sup> Iri goori makãnúugue mata puridea goori ããrĩkeremakũ, Marĩpu õãrĩ goori deyomakũ irikeremakũ, mérõgã pũru ñãĩdija pereakõãa. Gajinu gapu peamegue soebéokõãsũa. Iri mata pereburi ããrĩkeremakũ, Marĩpu iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ musãrẽ õãrõ irigukumi. Musã ĩgũrẽ mérõgã bũremukeremakũ, musãrẽ surĩ sīgukumi. <sup>29</sup> Irasirirã ãmũrikũ musã baaburire, musã iirĩburire bũro gũñarikuri merã ãmãbirikõãka! <sup>30</sup> I ãmũ marã Marĩpũre bũremumerã bũro gũñarikuri merã irire ãmanĩkõãma. ĩgũsã irasũ ããrĩkeremakũ, Marĩpu musã gããmerĩrẽ masĩsiami. Irire musãrẽ sīgukumi. <sup>31</sup> Irasirirã musã Marĩpũre masĩrã, ĩgũ musã Opu ããrĩrĩrẽ gããmepũrorika! Musã irasirimakũ, musã baa, iirĩburire, musã surĩ sãñaburidere sĩwekapeogukumi.

*Jesús marĩ ãmũgasigue wajataburire buedea*  
(Mt 6.19-21)

<sup>32</sup> ‘Musã yaarã, mérãgã, oveja su yebo marã irirosũ ããrã. Irasũ ããrĩkererã, gũibirikõãka! Musãpu ãmũgasigue ããrĩgũ ĩgũyarãrẽ dorerogue musã ĩgũ merã ããrĩmakũ gããmemi, ĩgũ merã doreburo, ãrĩgũ. <sup>33</sup> Irasirirã musã oparire duaka! Iri duadea wajare niyerure boporãrẽ sĩka! ãmũgasiguemarẽ gũñaka! Irasirirã irogue perebiri wajatarire, ajurogue doebiri neõ perebirire oparosũ oparãkoa. Irogue wajatarire yajarimasã ñajãa, ãĩmasĩbirikuma. Buruade baadedeubirikuma. <sup>34</sup> Musã i ãmũma ditare: “Opadũakoa”, ãrĩ gũñarã, irire bũro maĩrãkoa. ãmũgasima gapũre: “Opadũakoa”, ãrĩ gũñarã, irire bũro maĩrãkoa.

*Jesús i ãmũgue dupaturi aariburi dupiyuro õãrõ ãmuyudoredea*

<sup>35</sup> ‘Yu i ãmũgue dupaturi aariburi dupiyuro õãrõ ãmuyuanerãgue ããrĩka! Sĩãgodirure sĩãgoanerã irirosũ yũre yũka! <sup>36</sup> Sugu masakũ, mojõshadi pũrogue mojõshari bosenu waamakũ, ĩgũrẽ moãboerã ĩgũ dujariburire yũkuma. ĩgũsã opu ĩgũya wiigue goedu-jaja, ñajãdũagu makãpũrore ĩgũ dotemakũ pérã, ĩgũrẽ moãboerã mata tũpãkuma. ĩgũsã yũrosũta musãde yũ dujariburire yũka! <sup>37</sup> ĩgũsã opu goemakũ, ĩgũ doreaderosũta irirã, usũyarãkuma. ĩgũsã irasirimakũ ĩãgũ, ĩgũsã opu ĩgũsãrẽ moãboegu irirosũ ĩgũsãrẽ: “Baari peoro pũro doarã aarika!” ãrĩgukumi ĩgũsãrẽ baari ejobu. <sup>38</sup> ĩgũrẽ moãboerã ĩgũ ñami deko ããrĩmakũ, o boyoripoe ããrĩmakũ, ĩgũ goeburire õãrõ yũanerã ããrĩsĩã, usũyarãkuma. <sup>39</sup> Ire masĩka! Sugu wii opu ĩgũya wiigue yajarimasũ ejaburi horare masĩgũ, ĩgũrẽ yũkumi ĩgũya wiigue ñajãburire kãmutabu. <sup>40</sup> Irasirirã musãde õãrõ yũka! Yu ããrĩpererã tĩgũ gũñaña marĩrõ aarigũkoa. Irasirirã yaare iririre neõ piriro marĩrõ yũre yũka musã! ãrĩyupu Jesús.

*Jesús pẽrã moãboerimasã keori merã buedea*  
(Mt 24.45-51)

<sup>41</sup> ĩgũ irasũ ãrĩmakũ, Pedro gapu sẽrẽñayupu:

—Gua Opu, i keori merā weregu, ɔgu ditare weregu yári, o ããrĩpererãrẽ wereri? ãrĩyupu.

<sup>42</sup> Igũ irasũ ãrĩmakũ, Jesús gaji keori merã ãsũ ãrĩ wereyupu Igũsãrẽ doja:

—Sugu moãboerimasũ Igũ opure b̄remugũ ðãrõ pémasĩgũ ãsũ irikumi. Igũ opu gajirogue waagú, Igũrẽ: “Yaa wii marãrẽ ðãrõ koreka!” ãrĩ píkumi. Irasirigu baaripoe ããrĩmakũ, gajirã moãboerimasãrẽ baarire keoro ejokumi. <sup>43</sup> Irasirigu, Igũ opu Igũya wii goedu-jajamakũ ããgũ, Igũ opu dorederosũta iriadi ããrĩsã, ðãrõ usuyakumi. <sup>44</sup> Diaye musãrẽ werea. Igũ irasirimakũ ããgũ, Igũ opu ããrĩpereri Igũyare Igũrẽ koredoregu pígakumi. <sup>45</sup> Gajigu moãboerimasũ ñegũ gapu ãsũ irikumi. “Yu opu yoaripoe deyobemi”, ãrĩ gũñagũ, gajirã Igũ opure moãboerãrẽ ãmarẽ, nomedere ñerõ pábira, baa, iiri, mejakumi. <sup>46</sup> Igũ irasiriripoe gũñaña marĩrõ Igũ opu goejakumi. Igũrẽ moãboegu gapu: “Igũ iri hora goegukumi”, ãrĩmasĩbirikumi. Irasirigu Igũ opu goejagu, Igũ ñerõ irideare pégu, Igũrẽ buro wajamoãgakumi. Marĩpue b̄remumerãrẽ béorogue Igũrẽ béogukumi.

<sup>47</sup> Irasirigu sugu moãboerimasũ Igũ opu iridorerire masĩkeregũ, ðãrõ ãmubiri, irire neõ iribirimakũ ããgũ, Igũ opu Igũrẽ wajamoã, buro tãrãgakumi. <sup>48</sup> Gajigu moãboerimasũ gapu Igũ opu iridorerire masĩbi, irire iribirimakũ ããgũ, Igũ opu Igũrẽ sirũweyata tãrãgakumi. Marĩpu masakare Igũ iridorerire masĩmakũ yámi. Irasirigu ðãrõ masĩgũrẽ Igũ iridorerire ðãrõ iridoremi. Pũrũ Igũrẽ masĩnemomakũ irigu, Igũ iridea nemorõ ðãrĩrẽ iridoremi, ãrĩyupu Jesús.

*Jesús: “Masakare gãme dukawarirãkuma”, ãrĩ weredea  
(Mt 10.34-36)*

<sup>49</sup> Pũrũ Jesús Igũsãrẽ ãrĩyupu doja:

—Béoadearẽ peame merã soebéorosũ i ãmũ marã ñerõ iririre béogu aarigú iribũ. Dapagoragãta iri ñerĩ ããrĩpererire soebéomakũ ããduasiadaa. <sup>50</sup> Yu ñerõ tarigukoa. Yu ñerõ tariburire gũñagũ, buro bujawereri merã ããrĩrikua. Irasirigu irire tariwerepeogugue buro usuyagukoa. <sup>51</sup> Musã yure: “Igũ i nikũguere aarigú, masakare siñajãrĩ merã gãme ããrĩrikumakũ irigu aarimĩ”, ɔãrĩ gũñarĩ? Irasũ ããrĩbea. Musãrẽ werea. Masakare Igũsã basi gãme dukawarimakũ irigu aaribú. Irasirirã surãyeri yure b̄remurãkuma. Gajirã yure b̄remubirikuma. <sup>52</sup> Dapagã merã su wii marã su mojõ marã yaa kerere péadero pũrũ, Igũsã basi gãme dukawarirãkuma. Urerã, pẽrã merã, pẽrã, urerã merã gãme ããturirãkuma. <sup>53</sup> Surãyeri masaka yure b̄remunugãdero pũrũ, gajirã yure b̄remubiridero pũrũ, ãsũ waarãkuma. Sugu Igũ magũrẽ ããturigukumi yure b̄remumakũ ããgũ. Gajigu Igũ pagure ããturigukumi. Gajigo igo magõrẽ ããturigokumo. Gajigo igo pagore ããturigokumo. Sugo múñekõ igo bepore ããturigokumo. Sugo bepo igo múñekõrẽ ããturigokumo yure b̄remumakũ ããgõ, ãrĩyupu Jesús.

*Masaka Jesús iririre ããmasĩbiridea  
(Mt 16.1-4; Mr 8.11-13)*

<sup>54</sup> Pũrũ Jesús masakare ãsũ ãrĩ wereyupu doja:

—Musã abe ñajãrõ gapu ããmĩkãyeborire ããrã: “Deko merẽburo yãa”, ãrã. Musã ããrãderosũta waãa. <sup>55</sup> Sur gapu merã mirũ aarimakũ: “Asirinũ ããrĩrokoa”, ãrã. Musã ããrãderosũta asirinũ ããrã. <sup>56</sup> Musã irikatorikũrã, i nikũmarẽ, ãmarõmarẽ ããrã: “Õãrĩnũ, o ñerĩnũ waarokoa”, ãrĩ masã. Irire ðãrõ masĩkererã, ɔnasirirã inũrĩrẽ Marĩpu turari merã yu iri ãmuri gapure ããrã, neõ ðãrõ pémasĩberĩ? ãrĩyupu.

*Marĩrẽ ããturigure ðãrõ merã gãme ããmudoredea  
(Mt 5.25-26)*

<sup>57</sup> Irasũ ãrĩ odo, ãsũ ããrĩnemoyupu doja:

—ɔMusã diayema iririre ãã beyemasĩberĩ dapa? <sup>58</sup> Sugu musãrẽ weresãduamakũ, Igũ merã oparã pũrogu waarã, Igũrẽ: “Dupaturi irasũ iribirikoa”, ãrĩ gãme ãmuka! Musã

Īgūrē āmubirimakū, weresārīrē beyerimasūguere mūsārē weresāgukumi. Puru beyerimasū mūsārē peresu iridoregū, suraraguere wiagukumi. <sup>59</sup> Mūsārē werea. Beyerimasū mūsārē wajaridorerire mūsā wajaripeobirimakū, neō mūsārē wiubirikumi, ārīyupu.

## 13

*Jesús masakare: “Mūsā gūñarīrē gorawayuka!” ārīdea*

<sup>1</sup> Jesús irasū ārīripoe gajirā Īgūrē āsū ārī wereñurā:

—Galilea marā Marīpu ĩūrō waibure wējē, soepto buremuripoe Pilato gapu Īgūsārē wējēyupu. Īgū irasū wējēmakū, waibu dí merā masaka dí morēākōāyuro, ārīñurā. <sup>2</sup> Īgūsā irasū ārīmakū pégu, Jesús ārīyupu:

—Pilato wējēnerārē, ¿naásū gūñarī? ¿Īgūsā irasū wējēsūrā, gajirā Galilea marā nemorō ñerā āārīdea waja boayuri? <sup>3</sup> Āārībea. Mūsārē werea. Mūsāde ñerī iririre bujoweremerā, mūsā gūñarīrē gorawayumerā, boarā, perebiri peamegue waarākoa. <sup>4</sup> Irinugue gajirā dieciocho masakare Siloé wāikuri wii ũmarī wii Īgūsā weka turidija, tāū wējēyuro. ¿Naásū gūñarī mūsā Īgūsārē waadeare? ¿Īgūsā irasū boarā, gajirā Jerusalén marā nemorō ñerā āārīdea waja boayuri? <sup>5</sup> Āārībea. Mūsārē werea. Mūsāde ñerīrē bujoweremerā, mūsā gūñarīrē gorawayumerā, boarā, perebiri peamegue waarākoa, ārīyupu Jesús.

*Jesús higeragu duka marīdi keori merā weredea*

<sup>6</sup> Jesús Īgūsārē irasū ārī odo, keori merā wereyupu:

—Pooe opu Īgūya poeque Īgū otedi higeragu wāikudire opakumi. Sunu: “Dukakukoa”, ārī, ĩāgū waakumi. Neō bokabirikumi. Duka marīkoa. <sup>7</sup> Bokabirisīā, iri poe moāgūrē werekumi: “Īāka! Ũre bojorigora igu dukare āmadāa. Duka máa. Irasirigu irigure pábéokōāka! Duka marīkerero, gajino oteboaderore kāmutanía”, ārīkumi. <sup>8</sup> Īgū irasū ārīmakū pégu, Īgūrē moāboegu āsū ārīkumi: “Ũu opu, i bojorigora tamerārē níñaburo dapa. Ũu irigu purore nikūrē sea odo, waibu gura merā ũjātūñagura. <sup>9</sup> Ũu irasū iriadero puru, gajipoe iriro dukakubukoa. Duka marīmakū ĩāgū, pábéodoreka!” ārīkumi, ārī wereyupu Jesús.

*Siñajārīnu āārīmakū, Jesús dupamutīrō nígōrē taudea*

<sup>10</sup> Sunu judío masaka siñajārīnu āārīmakū, Jesús Īgūsā nerērī wiigue buegu iriyupu.

<sup>11</sup> Iro sugo nomeō dieciocho bojorigora pūrīrikugo āārīyupo. Wātī igore dupamutīrō nímakū iriyupu. Irasirigo diaye nímasībiriyo. <sup>12</sup> Igo irasū āārīmakū ĩāgū, Jesús igore: “Aarika!” ārī siuyupu:

—Nomeō, mu pūrīrikuri tausūsiāa, ārīyupu.

<sup>13</sup> Irasū ārīgūta, igore Īgūya mojōrī merā ñapeoyupu. Īgū ñapeomakūta, diaye níyupo. Puru Marīpura: “Ōātaria mu”, ārī, usuyari sīnugāyupo. <sup>14</sup> Jesús siñajārīnu igore taumakū ĩāgū, iri nerērī wii opu gapu Īgū merā guayupu. Irasirigu, masakare āsū ārīyupu:

—Semanařiku, marī moārīñurī, su mojōma pere gajī mojō suru pērēbejarinurī āārā. Irasirirā mūsā pūrīrikurā taudoreduarā, irinurīrē taudorerā aarika! Dapagāno marī siñajārīnurē irinorē iribirikōārō gāāmea, ārīyupu.

<sup>15</sup> Īgū irasū ārīmakū pégu, marī Opu Jesús āsū ārīyupu:

—Mūsā irikatorikurā āārā. Mūsā wekure, o burrore oparā siñajārīnu āārīkeremakū, Īgūsārē suadeadarire kura, Īgūsārē deko iirīdorerā āibuāa. <sup>16</sup> Igo Abraham parāmeō āārīturiagore wātēa opu Satanás dieciocho bojorigora pūrīrikumakū irimi. Iro merē siñajārīnu āārīmakū, ¿igore taubirikōārō gāāmeadayuri? ārīyupu Jesús. <sup>17</sup> Īgū irasū ārīmakū pērā, Jesure ĩaturirā āārīpererā guyasīrīperekōāñurā. Gajirā gapu āārīpereri Jesús ōārī iririre ĩārā, usuyañurā.

*Jesús mostaza wāikuri yegã puri masãdea keori merã weredeã*  
(Mt 13.31-32; Mr 4.30-32)

<sup>18</sup> Puru arĩyuru doja:

—Marĩpu ĩgũyarãrẽ doreri, ĩñeeno irirosũ aãrĩkuri? ĩÑeeno keori merã weregũkuri? <sup>19</sup> I irirosũ aãrã. Suye oteriye mostaza wāikuri yegãrẽ oterosũ aãrã. Iri yegãrẽ sugũ masaku ĩgũya poogue otekumi. ĩgũ oteadero puru, yuku wádi irirosũ puri, masãkoa. Irasirirã mirã wárã irigũ dupurigue ĩgũsãya suri suakuma, arĩyuru.

*Jesús pã wemasãrĩ morẽrĩ poga keori merã weredeã*  
(Mt 13.33)

<sup>20</sup> Dupaturi keori merã werenemoyuru:

—Marĩpu ĩgũyarãrẽ dorerire, ĩñeeno keori merã werenemogũkuri? <sup>21</sup> I irirosũ aãrã. Pã wemasãrĩ morẽrĩ poga irirosũ aãrã. Sugo nomeo pã irigo, mérõgã pã wemasãmakũ iriri poga merã trigo pogare morẽkumo. Igo irasũ morẽadero puru, iri poga mérõgã aãrĩkerero, wemasãseyakõãkoa, arĩyuru.

*Jesús eyabiri makãpurore ñajãri keori merã weredeã*  
(Mt 7.13-14, 21-23)

<sup>22</sup> Puru Jesús Jerusalẽgue waagũ, paga makãrĩrẽ, mutã makãrĩgãdere buetariwãgãyuru.

<sup>23</sup> Iroque sugũ masaku ĩgũrẽ asũ arĩ sãrẽñayuru:

—Yu Opu, ĩMarĩpu perebiri peamegue waabonerãrẽ taumurã mérãgã aãrĩkuri? arĩyuru.

ĩgũ irasũ arĩmakũ pẽgu, Jesús i keori merã wereyuru:

<sup>24</sup> —Marĩpu purogue ñajãduarã, ĩgũyare irika! Musãrẽ werea. Wárã ĩgũ purogue ñajãduakererã, ñajãmasĩbirikuma. Iroque ñajãduamakũ diasagorã. Eyabiri makãpuro ñajãrõ irirosũ aãrã. <sup>25</sup> Marĩpu, sugũ wii opu irirosũ aãrĩmi. Wii opu wãgãngã, makãpurore biadero puru, musã gapu makãpurogue aãrĩrã ĩgũya wiire ñajãduarã, asũ arĩrãkoa ĩgũrẽ: “Gua opu, guare tũpãsoogu aarika!” arĩrãkoa. Irasũ arĩkeremakũ, wii opu gapu: “Musãrẽ masĩbea. Noó marã aãrĩrã aãrĩkoa”, arĩgũkumi. <sup>26</sup> ĩgũ irasũ arĩmakũ, musã gapu asũ arĩrãkoa: “Gua mu merãta baa, iiri iribu. Guaya makãguedere buegorenabu”, arĩrãkoa. <sup>27</sup> Musã irasũ arĩmakũ, asũ yũjugũkumi: “ ‘Musãrẽ masĩbea. Noó marã aãrĩrã aãrĩkoa’ arĩsiãa. Musã ñerõ irirã aãrã. Irasirirã aãrĩpererã waaka! Yu purore wirika!” arĩgũkumi wii opu musãrẽ. <sup>28</sup> Irasirirã, Abraham, Isaac, Jacob, aãrĩpererã Marĩpuya kerere weredupiyunerã merã Marĩpu ĩgũyarãrẽ dorerogue aãrĩmakũ iãrã, musã gapu makãpurogue beosunerã aãrĩsiã, pũrĩsũrã musãya guikare kũrĩduútú orerãkoa. <sup>29</sup> Irasũ waaripoere norte marã, sur marã, abe marĩriro marã, abe ñajãrõ marã Marĩpu ĩgũyarãrẽ dorerogue eja, usuyari merã baa doanĩrãkuma. <sup>30</sup> Irasirirã dapagorare ubu aãrĩrã, puruguerẽ oparã dujarãkuma. Dapagorare: “Oparãgora aãrã”, arĩrã gapu puruguerẽ ubu aãrĩrã dujarãkuma, arĩyuru Jesús.

*Jesús Jerusalén marãrẽ ĩãgũ oredea*  
(Mt 23.37-39)

<sup>31</sup> Jesús irasũ arĩripoe surãyeri fariseo bumarã ĩgũ purogue eja, asũ arĩñurã:

—Herodes marẽ wẽjẽduami. Irasirigũ gajirogue waaka! arĩñurã.

<sup>32</sup> Jesús gapu ĩgũsãrẽ yũjũyuru:

—Asũ arĩ wererã waaka, ĩgũ arĩkatorikugure: “Dapagãrẽ, ñamigãdere asũta irigura. Wãtẽãrẽ beowiugũkoa. Pũrĩrikurãrẽ taugũkoa. Irasirigũ ñamigã sinu gapu odogũkoa”, arãmi, arĩ wereka ĩgũrẽ! <sup>33</sup> Dapagã, ñamigã, ñamigã sinu gapudere Jerusalẽgue waagura. Iro marã Marĩpuya kerere weredupiyunerãrẽ wẽjẽnerã aãrĩmã. Irasirigũ yure Marĩpuya kerere weredupiyugure ĩgũsã wẽjẽbure iri makãgue aãrĩrõ gããmea.

<sup>34</sup> ‘Musã Jerusalén marã Marĩpuya kerere weredupiyurimasãrẽ wẽjẽkõãa. ĩgũ iri-unerãrẽ ütãyeri merã dea wẽjẽa. Wári yu musãrẽ, agãbo igo pũrãrẽ, igoya kẽdupuri merã

neeõnúrõsũ neeõnúduadibu. Mũsã gapũ yũ irasũ irimakũ neõ gããmebiribu. <sup>35</sup> Irasiriro mũsã ããrĩrĩ makã, béodea makã dujarokoa. Mũsãrẽ diayeta werea. Mũsã yũre dupaturi ããbirikoa. Pũrũgue mũsã: “Marĩpũ iriudi õãtarigu õãrõ aariburo”, ãrĩrã, yũre dupaturi ããrãkoa doja, ãrĩyupũ Jesús.

## 14

### *Jesús sugũ bijiri pũrĩrikũgũre taudea*

<sup>1</sup> Sunũ Jesús, judío masaka siñajãrĩnũ ããrĩmakũ, sugũ fariseo bumarã opũya wiigue baagũ waayupũ. Irogue ããrĩrã gajirã fariseo bumarã ãgũrẽ ããnũrũnikõãñurã. <sup>2</sup> ãgũsã baaro pũrogue sugũ masakũ bijiri pũrĩrikũgũ Jesús diaye ããrĩyupũ. <sup>3</sup> Irasirigu Jesús, Moisés gojadeare buerimasãrẽ, fariseo bumarãdere ãsũ ãrĩ sãrẽñayupũ:

—Siñajãrĩnũ ããrĩmakũ, ¿sugũ pũrĩrikũgũre taudoreri, o taudoreberi? ãrĩyupũ.

<sup>4</sup> ãgũ irasũ ãrĩmakũ pérã, neõ yũjubiriñurã. ãgũsã yũjubirimakũ ããgũ, Jesús bijiri pũrĩrikũgũre tauyupũ. Odo, ãgũrẽ: “Õãrõ waaka!” ãrĩyupũ. <sup>5</sup> Pũrũ ãgũsãrẽ sãrẽñayupũ doja:

—Siñajãrĩnũ ããrĩkeremakũ, mũsãyagũ burro, o mũsãyagũ wekũ gobegue meẽñajãdire ããrã, ¿mata ãi wiubiribukuri? ãrĩyupũ.

<sup>6</sup> ãgũsã gapũ, ãgũ irasũ ãrĩ sãrẽñarĩrẽ yũjũmasĩbiriñurã.

### *Mojõsũari bosenu siiusũnerãya keori merã weredea*

<sup>7</sup> Jesús fariseo bumarã opũya wiigue ããrĩgũ, iri wiimũ siiuanerã ejamakũ ããyupũ. ãgũsã õãrĩ doaripãrĩrẽ beyeñurã, oparã irirosũ doamurã. ãgũsã irasirimakũ ããgũ, Jesús i keori merã wereyupũ ãgũsã ããrĩpererãrẽ:

<sup>8-9</sup> —Sugũ wii opũ mojõsũari bosenu irigu mũsãrẽ siuadero pũrũ, mũsã ãgũya wiigue ejarã, oparã doarire beye doabirikõãka! Iri wii opũ gajirã ãgũ siiuanerãrẽ mũsã nemorõ gopeyarã ejamakũ ããgũ, mũsãrẽ ãsũ ãrĩgũkumi: “ãrĩsã gapũre mũsã doarire sũka! Mũsã gapũ sõõgue doarã waaka!” ãrĩgũkumi. ãgũ irasũ ãrĩmakũ pérã, mũsã gũyasĩrĩrĩ merã ubu ããrĩrã doarigue doarã waarãkoa. <sup>10</sup> Irasirirã, wii opũ mũsãrẽ siiumakũ, ubu ããrĩrã doarigue doaka! Mũsã irasirimakũ ããgũ, iri wii opũ mũsãrẽ: “Oparã doarigue doarã aarika!” ãrĩgũkumi. ãgũ irasirimakũ ããrã, gajirã ãgũ siiuanerã mũsãrẽ bũremurĩ merã ããrãkuma. <sup>11</sup> Sugũ ãgũ basi: “Gajirã nemorõ ããrã”, ãrĩ gũñagũnorẽ Marĩpũ ãgũrẽ ubu ããrĩgũ dujamakũ irigũkumi. Gajigu: “Gajirã nemorõ ããrĩbea”, ãrĩ gũñagũ gapũre Marĩpũ ãgũrẽ gajirã nemorõ ããrĩmakũ irigũkumi, ãrĩyupũ.

<sup>12</sup> Irasũ ãrĩ odo, ãgũrẽ siuadire ãsũ ãrĩyupũ:

—Mũ bosenu irigu, mũ merãmarãrẽ, mũ pagupũrãrẽ, mũyarãrẽ, doebiri oparãrẽ siu-birikõãka! Mũ ãgũsãrẽ siiumakũ, mũrẽ ãgũsãde siu gãmibukuma. ãgũsã irasiriri merã ãgũsã baadeare mũrẽ ejo gãmibukuma. <sup>13</sup> Mũ bosenu irigu, boporãrẽ, poyarimasãrẽ, guburi bũanerãrẽ, koye ããmerãrẽ siuka! <sup>14</sup> Mũ irasirimakũ, Marĩpũ mũrẽ õãrõ irigũkumi. ãgũsãrẽ mũ siuidea waja, ãgũsã mũrẽ siu gãmibirikuma. Irasirigu Marĩpũ diayemarẽ irirã boanerãrẽ masũrĩnũ ããrĩmakũ, mũrẽ õãrĩrẽ wãjarigũkumi, ãrĩyupũ Jesús.

### *Jesús bosebaarinũ keori merã buedea*

<sup>15</sup> ãgũ irasũ ãrĩmakũ pãgũ, sugũ irogue baa doanígũ ãgũrẽ ãrĩyupũ:

—Marĩpũ ãgũyarãrẽ dorerogue ãgũ pũro baa doanĩrã bũro mũsũyarãkuma, ãrĩyupũ.

<sup>16</sup> ãgũ irasũ ãrĩmakũ, Jesús keori merã wereyupũ ãgũrẽ:

—Sugũ wãri bosebaarinũ irigu wãrã masaka siukumi. <sup>17</sup> ãgũ siuadero pũrũ, bosenu ããrĩrĩnũrẽ ãgũrẽ moãboegũre ãgũ siiuanerãrẽ weredoregũ iriukumi. “Aarika! ããrĩpereri bosenumarẽ ãmusiami”, ãrĩ weredorekumi. <sup>18</sup> ãgũ irire weremakũ pérã, ããrĩpererã: “Masĩña máa, waabirikoa”, ãrĩkuma. ãgũ siupũrorisũadi moãboegũre ãsũ ãrĩkumi: “Da-pagorata nikũ wãjari odo. Irore ããgũ waabu yãa. Irasirigu mũ opũre: ‘Masĩña máa,

waabirikoa', ārāmi, ārī wereka!" ārīkumi. <sup>19</sup> Gajigu āsū ārīkumi: "Wekua pe mojōmarā wajariabu. Īgūsārē keoñagū waabu yāa. Irasirigu mu opure: 'Masīña máa, waabirikoa', ārāmi, ārī wereka!" ārīkumi. <sup>20</sup> Gajigu āsū ārīkumi: "Yu dapagorata mojōsua odoa. Irasirigu iri bosenurē waabirikoa", ārīkumi. <sup>21</sup> Īgū irasū ārīmakū, moāboegu gapu goedujāa, Īgū opure Īgūsā ārādeare werekumi. Īgū weremakū pégu, opu buro gua, āsū ārīkumi Īgūrē moāboegure: "Murīgorāa. Makā dekoma maarīgue āārīrārē āmagú waaka! Irasirigu boporārē, poyarimasārē, koye iāmerārē, gubu buanerārē mumurō merā yaa wiigüe āirika!" ārīkumi. <sup>22</sup> Puru moāboegu Īgū opure werekumi: "Yu opu, mu doreaderosūta masakare siuabu. Wii gapure uturibema dapa", ārīkumi. <sup>23</sup> Īgū irasū ārīmakū pégu, Īgū opu Īgūrē dorekumi doja: "Maarīgue waaka! Paga maarīgue, mutā maarīgāgue mu bokajarārē turaro merā siuwāgārika! Irasirimakū, yaa wiire uturirākuma. <sup>24</sup> Diayeta murē werea. Neō sugu yu siupuroriadinērā baaboadideare mérōgā baabirikuma", ārīkumi opu Īgūrē moāboegure, ārī wereyupu Jesús.

*Jesús: "Sugu yure tuyadumakū diasagorāa", ārī weredea (Mt 10.37-38)*

<sup>25</sup> Wārā masaka Jesúre tuyañurā. Irasirigu Īgūsārē gāmenugā iā, āsū ārīyupu:

<sup>26</sup> —Sugu yaa buerire buetuyadumagu, Īgū pagure, pagore, marāpore, pūrārē, pagupūrārē, pagupūrā nomerē, Īgū basi maīrō nemorō yu gapure maīrō gāamea. <sup>27</sup> Sugu yure tuyaduari waja curusague pábiatú wējēsūbu irirosū āārīkeregu, yure neō piriro marīrō yure tuyanikōāburo. Yure tuyadumabi, yu buegu āārīmasībirikumi. <sup>28</sup> Sugu, musā watopegue āārīgú, umarī wiire iriburo dupiyuro: "¿Neeno merā iripeogukuri?" ārī gūñagū, iri wiire iriburi wajakuburire keopurorikumi. <sup>29</sup> Wajakuburire keopuroribi, iri wiire iripeobirikumi. Īgū iripeobirimakū iārā, gajirā Īgūrē buridakuma. <sup>30</sup> "Iāka! Īi wiire iriadiñumi. Iripeomasībiriñumi", ārī buridakuma Īgūrē. <sup>31</sup> Su nikū marā opu, gajigu opu merā gāmewējēburo dupiyuro Īgūyarā surarare keopurorikumi. "¿Yu diez mil surara merā, gajigu veinte mil surara opagu merā gāmewējēgū waagú bokatīūbukuri?" ārī gūñakumi. <sup>32</sup> Keoña: "Bokatīūbirikoa", ārīkumi. Irasirigu, gajigu opu Īgūyarā surara merā gāmewējēgū aarimakū, yorogue Īgū āārīmakūta: "Gāmewējēbirikōārā", ārī kere iriukumi Īgūyagure. <sup>33</sup> I irirosūta yu buerā āārīdumarā musā iriburire oārō gūñadupiyuro gāamea. Āsū āārā. Musā gāamerīrē piridumamerā yu buerā āārīmasībea.

*Moā oārō okari irirosū āārīrō gāamea, ārī weredea (Mt 5.13; Mr 9.50)*

<sup>34</sup> Moā oārō okari āārīmakū oāgorāa. Moā okadea okabirimakū, dupaturi okamakū irimasīña máa. <sup>35</sup> Moā okabirimakū oābea. Béokōārō gāamea. Irasirirā musā moā okabirimakū béosūburi irirosū neō āārībirikōāka! Gānipūrī oparā, ire oārō péka! ārī wereyupu Jesús.

## 15

*Jesús oveja dederidi keori merā buedea (Mt 18.10-14)*

<sup>1</sup> Gajinu wārā romano marā opure niyeru wajaseabosarimasā, ñerō iririmasāde Jesús puro Īgū buerire pérā ejañurā. <sup>2</sup> Īgūsā irasū ejamakū iārā, fariseo bumarā, Moisés gojadeare buerimasāde Jesúre āsū ārī werewuñurā:

—Īi ñerārē bokatīrīñeā, Īgūsā merā baami, ārīñurā.

<sup>3</sup> Īgūsā irasū ārīmakū pégu, Jesús i keori merā wereyupu Īgūsārē:

<sup>4</sup> —Oveja korerimasū cien oveja opagu, sugu oveja dederimakū iāgū, noventa y nueve ovejare makā turo Īgūsā baarogue duripíkōā, dederiadire āmagú waakumi. Īgūrē bokagugue āmuduúkumi. <sup>5</sup> Īgūrē bokagu, usuyari merā Īgūrē āikōā, <sup>6</sup> Īgūya wiigüe āi

dujáakõäkumi. Āi dujaja, ĩgũ pũro āārĩrārē, ĩgũyarārē siiu neeõkumi. “Yaagu oveja dederiadire bokáabu. Irasirirã yũ merã usuyaka!” ārĩkumi.

<sup>7</sup> Mũsārē werea. Sugu ñerõ irigu, oveja dederiadi irirosũ āārĩmi. Irasirigu ĩgũ ñerõ iririre bujawere, ĩgũ gũñarĩrē gorawayumakũ, Marĩpu pũro āārĩrã buro usuyama. Gajirã wárã masaka ĩgũsã noventa y nueve oveja, makã turogue duripínerã irirosũ āārĩrã, āsũ ārĩ gũñadima: “Ñerõ iribea gũa gapũ. Irasirirã gũa ñerõ iririre bujawereri opabea”, ārĩ gũñama. ĩgũsã irasũ ārĩ gũñamakũ, Marĩpu pũro āārĩrã usuyabema.

### *Jesús niyeru koe dederidea keori merã buedea*

<sup>8</sup> Sugo nomeõ pe mojõma niyeru koeri wajapari koeri opakumo. Su koe dederimakũ ĩãgõ, sĩagodirure sĩago, wiire ooa, õārõ āmapeokumo. Iri koere bokagogue āmaduúkumo. <sup>9</sup> Iri koere bokago, igo pũro āārĩrārē, igoyarārē siiu neeõkumo. “Yaa niyeru koe, dederiadea koere bokáabu. Irasirirã yũ merã usuyaka!” ārĩkumo. <sup>10</sup> Mũsārē werea. Sugu ñerĩrē irigu ĩgũ ñerĩ iririre bujawere, ĩgũ gũñarĩrē gorawayumakũ, Marĩpũre wereboerã buro usuyarākuma. ĩgũ dederiboadi dederibirimakũ ĩārã, buro usuyarākuma, ārĩyupu Jesús.

### *Jesús sugu pērã pũrãkũdi keori merã buedea*

<sup>11</sup> Irasũ ārĩ odo, Jesús gaji keori merã bueyupu doja:

—Sugu masakũ pērã ũma pũrãkũkumi. <sup>12</sup> Sunũ pagũmũ gapũ pagũre āsũ ārĩkumi: “Au, mũ boagu, yũre sĩburire dapagorata yũre sĩweoka!” ārĩkumi. ĩgũ irasũ ārĩmakũ pégu, ĩgũ pũrã pērãguereta ĩgũ oparire dukawa, sĩkumi. <sup>13</sup> Měrõgã purũta, pagũmũ gapũ ĩgũ pagũ sĩadeare āārĩpereri duapeokõäkumi. Pũrũ ĩgũ duadea waja niyeru merã yoarogue gaji nikũgue waakõäkumi. Irogue eja, ĩgũya niyerure ñerõ iriri merã irisiripeokõäkumi. <sup>14</sup> ĩgũya niyeru irisiribéoadero pũrũ, iri nikũguere baari perekõãkoa. Irasirigu buro uaboapũrorinũgãkumi. <sup>15</sup> Irasirigu, sugu iri nikũmũ pũro, moārĩ āmagũ waakumi. ĩgũ gapũ ĩgũrē ĩgũya moārĩ āārĩrõgue yeseare koredoregu iriukumi. <sup>16</sup> Yapidũagu, yeasea baarireta baadũadikumi. Neõ gajirã ĩgũrē baari ejobirikuma. <sup>17</sup> Irasirigu āsũ ārĩ gũñanũgãkumi: “Yũpũya wiire wárã ĩgũrē moãboerã āārĩkeremakũ, baari wáro dũyanabu. Yũ gapũ õõguere buro uaboari merã kõmogũgue irikoa. <sup>18</sup> Irasirigu yũpũ pũrogoe goedujáagũra doja. Āsũ ārĩgũra ĩgũrē: ‘Au, yũ Marĩpu ĩũrõrē ñerõ irikubu. Mũdere irasũta irikubu’, ārĩgũra. <sup>19</sup> ‘Ñegũ āārã. Yũre: “Yũ magũ āārã”, ārĩbirikõãka! Irasirigu yũre sugu mũrē moãboegu irirosũ opaka!’ ārĩgũra yũpũre”, ārĩ gũñakumi. <sup>20</sup> Irasũ ārĩ gũña, maague waa, ĩgũ pagũya wiigue goedujáakõäkumi.

ĩgũ yoarogue aarimakũta, ĩgũ pagũ ĩgũrē ĩã, buro bopoñakumi. Pũrũ ũmawãgã, ĩgũrē bokatĩrĩ, pábũa, mimi irikumi. <sup>21</sup> Irasirigu ĩgũ pagũre ārĩkumi: “Au, yũ Marĩpu ĩũrõrē ñerõ irikubu. Mũdere irasũta irikubu. Ñegũ āārã. Yũre: ‘Yũ magũ āārã’, ārĩbirikõãka! Irasirigu yũre sugu mũrē moãboegu irirosũ opaka!” ārĩkumi ĩgũ pagũre. <sup>22</sup> ĩgũ irasũ ārĩkeremakũ, ĩgũ pagũ gapũ ĩgũrē moãboerãrē ārĩkumi: “Murĩgorãa. Surĩ õārĩrē āĩrã waa, sãka! Mojõsũrũ tũsãrĩ berodere sãka! Gubu surĩdere sãka! <sup>23</sup> Wekũ majĩgũ õārõ diikũgũre āĩrã waa, wějẽka, ĩgũrē baa, yũ magũ goejari bosenu irimurã. <sup>24</sup> ĩĩ yũ magũ boakõäkumi, ārãdi goejami. Okami. Dederidire marĩ bokãa”, ārĩkumi. Pũrũ bosenu irinũgãkuma.

<sup>25</sup> ĩgũsã bosenu iriripoe, masã tĩgũ gapũ poeegue āārĩkumi. Irogue āārãdi goedujarigu, wii pũro ejagu, ĩgũsã bayarire pékumi. <sup>26</sup> ĩgũsã bayamakũ pégu, sugu ĩgũ pagũre moãboegũre siiu, sērēñakumi: “¿Naásũ waári wiiguere?” ārĩkumi. <sup>27</sup> “Mũ pagũmũ pũrĩrĩ marĩgũ, õãgũ goejami. Irasirigu mũpũ usuyari merã wekũ majĩgũ diikũgũre wějẽdoreami”, ārĩ yũjukumi moãboegu ĩgũrē. <sup>28</sup> ĩgũ irasũ ārĩ weremakũ pégu, masã tĩgũ gapũ buro guakumi. Wiigue ñajãbirikumi. ĩgũ ñajãbirimakũ ĩãgũ, ĩgũ pagũ wiria, ĩgũrē: “Ñajãrika!” ārãdikumi. <sup>29</sup> “Au, péka! Yũ wári bojori mũ dorerire neõ suñarõ tarinũgãrõ marĩrõ mũrē



moãbosabu. Yu irasirikeremakũ, neõ sugu waibu sibiribu, yu merãmarã merã bosenu iriburo, ãrĩgũ. <sup>30</sup> Ñĩ mu magũ gapu ñerã nome merã muyare irisiribéodi ããrĩmĩ. Irire irisiribéo odo, ñgũ goejamakũ, weku diikugure ñgũrẽ wẽjẽ, ejoa”, ãrĩkumi ñgũ pagure. <sup>31</sup> “Maku, mu yu merã ããrĩnikõãa. Irasiriro ããrĩpereri yu opari muya dita ããrã. <sup>32</sup> Ñĩ mu pagumu boakõakumi, ãrãdi goejami. Okami. Dederidire marĩ bokãa. Irasirirã ñgũ goejamakũ, marĩ bosenu iri usuyamakũ õãgorãa”, ãrĩkumi ñgũ magũrẽ, ãrĩ wereyupu Jesús.

## 16

### *Jesús, wári doebiri opaguyare koreboegu keori merã werede*

<sup>1</sup> Jesús irasũ ãrĩ odo, ñgũ buerãrẽ i keori merã wereyupu:

—Sugu masakũ wári doebiri opagu ããrĩkumi. Irasirigu, ñgũyare koregure opakumi. Gajirã gapu ñgũ õãrõ korebirimakũ ñãrã, ñgũ opugure: “Muya niyerure irisirigu iri-ami”, ãrĩ weresãkuma. <sup>2</sup> Ñgũsã weresãmakũ pégu, ñgũyare koregure siu: “Gajirã yaa niyeru mu irisirire weresãma. Yaare mu moãrĩrẽ gojatúri pũrẽ yure ñmuka! Irasirigu yaare korenemobirikõãka pama!” ãrĩkumi ñgũ opu ñgũrẽ. <sup>3</sup> Ñgũ irasũ ãrĩmakũ, niyeru koregu ãsũ ãrĩ gũñakumi: “Yu opu yure béowiubu yami. Yu turabea. Irasirigu turaro moãrĩrẽ bokatũbirikoa. Gajirãrẽ niyeru sãrẽ doanĩgũ, guyasĩrĩgorakoa. ¿Nasirigukuri yu?” ãrĩ gũñakumi. <sup>4</sup> Pũru gũñanemokumi doja: “Dapagorare yu iriburire masĩsĩãa. Yure moãrĩ marĩmakũ, yu ãsũ irimakũ ñãrã, yure gajirã ñgũsãya wiirigue ñajãdorerãkuma”, ãrĩ gũñakumi. <sup>5</sup> Irasirigu, ñgũ opure wajamorãrẽ suguno ditare siu, sãrẽñakumi ejarurorigure: “¿Yu opure noõpa wajamorĩ mu?” ãrĩ sãrẽñakumi. <sup>6</sup> Wajamogũ ñgũrẽ yujakumi: “Cien dukari olivo wãikudi uyere wajamokoa”, ãrĩkumi. Ñgũ irasũ ãrĩ weremakũ, ãsũ ãrĩkumi ñgũrẽ: “Doaka, murĩgorãa! Mu wajamorĩrẽ gojatúdea pũ, i pũ ããrã. Iri pũrẽ ãrĩ, gajĩ pũguere cincuenta dukarita gojatúka!” ãrĩkumi. <sup>7</sup> Pũru gajigure sãrẽñakumi: “¿Mũkoa, noõpa wajamorĩ?” ãrĩkumi. Wajamogũ ñgũrẽ yujakumi: “Cien trigo ajuri wajamokoa”, ãrĩkumi. Ñgũ irasũ ãrĩmakũ, ãsũ ãrĩkumi ñgũrẽ: “Mu wajamorĩrẽ gojatúdea pũ, i pũ ããrã. Iri pũrẽ ãrĩ, gajĩ pũguere ochenta ajurita gojatúka!” ãrĩkumi. <sup>8</sup> Ñgũ opu, ñgũ irasũ õãrõ irikatomeremakũ ñãgũ: “Mu ñegũ ããrĩkeregũ, mu masĩrĩ merã õãrõ niyerure moãmasĩãa”, ãrĩkumi. I umugue marã Marĩpũre masĩbirikererã, Marĩpũyarã ñgũsãya niyerure moãmasĩrõ nemorõ moãmasĩma, ãrĩ wereyupu Jesús.

<sup>9</sup> Irasũ ãrĩ odo, ãsũ ãrĩ werenemoyupu:

—Mũsã i umuma oparire boporãrẽ sũka, mũsãrẽ maĩburo, ãrĩrã! Mũsã irasũ sĩmakũ, mũsã opadea pereadero pũru umugasigue mũsã ejamakũ, irogu ããrĩrã mũsãrẽ usuyari merã bokatĩrĩñãrãkuma.

<sup>10</sup> ‘Sugu mériãgã opari merã õãrõ irigu, wári opari merãdere õãrõ irigukumi. Gajigu mériãgã opari merã õãrõ iribi, wári opari merãdere õãrõ iribirikumi. <sup>11</sup> Mũsã i umuma merã õãrõ iribirimakũ, ¿noã Marĩpũyare diaye õãrĩ oparire sĩbukuri mũsãrẽ? <sup>12</sup> Gajiguyare mũsã õãrõ iribirimakũ, ¿noã mũsã õãrõ ããrĩburire sĩbukuri mũsãrẽ?

<sup>13</sup> ‘Neõ sugu moãrĩmasũ pãrã oparãrẽ moãboemasĩbirikumi. Sugu opure maĩgũ, gajigu gapure maĩbirikumi, o sugu opure buremugũ, gajigu gapure yujubirikumi. Ñgũsã irirosũta niyerure maĩtarigu, Marĩpũ gapure maĩbemi, ãrĩyupu Jesús.

<sup>14</sup> Ñgũ irasũ ãrĩmakũ pãrã, fariseo bumarã gapu niyerure maĩrã ããrĩsĩã, ñgũrẽ buridañurã. <sup>15</sup> Ñgũsã irasũ buridamakũ pégu, Jesús ñgũsãrẽ wereyupu:

—Mũsã, masaka ñũrõrẽ õãrõ iriadãa. Ñgũsã, mũsã iririre ñãrã: “Õãrã diayemarẽ irirã ããrĩma”, ãrĩrĩrẽ buru péduãa. Marĩpũ gapu mũsã gũñarĩrẽ masĩmi. Masaka ñgũsã basi iririre: “Õãtaria”, ãrĩ gũñadima. Marĩpũ gapu ñgũsã iririre: “Ñetaria”, ãrĩ ñãmi.

### *Jesús, Marĩpũ dorerire, ñgũ marĩ Opũ ããrĩrĩrẽ werede*

<sup>16</sup> Juan masakare wāiyedi ejaburo dupiyuro Marīpū ĩgū Moisére doreri pídea merā, ĩgūya kerere weredupiyunerā buedea merā marīrē doredi āārīmí. Dapagora gapure Juan ejadero pūru, Marīpūya ōārī kerere, ĩgūyarārē dorerire yū werea. Yū irire were-makū pérā, masaka ĩgūsā turari merā ĩgūyarārē doreroguerere buro ñajādūama.

<sup>17</sup> Ūmugasi, i nikūde pererokoa. Iri perekeremakū, Marīpū Moisére doreri pídeare neō béobirikumi. Iri doreri merā āārīpereri ĩgū: “Āsū irigūra”, ārīdeare iriyuwarikugukumi ĩgū ārīderosūta, ārīyupū Jesús.

*Jesús masakare: “Mūsā marāposā nomerē béobirikōāka!” ārī buedea  
(Mt 19.1-12; Mr 10.1-12)*

<sup>18</sup> Irasū ārī odo, āsū ārīnemoyupū:

—Sugū ĩgū marāpore béo, gajigo merā marāpokugū, igo merā ñerō irigū yāmi. Gajigu béodeore marāpokugūde igo merā ñerō irigū yāmi, ārīyupū.

*Jesús doebiri wāri opagūya, gajigū Lázaro wāikugūya keori merā buedea*

<sup>19</sup> Pūru Jesús gajī keori merā wereyupū doja:

—Sugū wāri doebiri opagū āārīdi āārīmí. Surí wajaparire sāñadi āārīmí. Irasirigū wāri opagū āārīsīā, ūmūrikū bosenu irigū irirosū ōārī ditare baarikūdi āārīmí. <sup>20</sup> Gajigū bopogū Lázaro wāikugū, ĩgūya dūpu āārīperero kāmikugū wāri doebiri opagūya wīi makāpuro doanadi āārīmí. <sup>21</sup> Wāri doebiri opagū baamakū, bopogū gapū ĩgū baasiridijuri pogare baayapidugū, sea, baadi āārīmí. ĩgū iro doaripoe diayéa ĩgū pūro eja, ĩgūya kāmīrē neerēnerā āārīmá.

<sup>22</sup> Pūru bopogū boakōādi āārīmí. ĩgū boamakū, Marīpūre wereboerā paraíso wāikūrogue Abraham āārīrōgue ĩgūrē āīmūrīānerā āārīmá. Mérōgā pūru wāri doebiri opagūde boakōādi āārīmí. ĩgū boamakū, ĩgūrē yāanerā āārīmá. <sup>23</sup> Irasirigū doebiri opagū āārādi boanerā āārīrōgue ejagū, buro poyari merā āārīdi āārīmí. ĩgū irogue āārīgú, ūmūgasigue ĩāmu, Abrahārē yoarogue āārīmakū ĩādi āārīmí. Lázarodere ĩgū merā āārīmakū ĩādi āārīmí. <sup>24</sup> Irasirigū buro gaguinīdi āārīmí: “Yū ñekū Abraham, bopoñarī merā ĩāka yure! Lázarore iriuka! ĩgū yure ĩgūya mojōsūrū merā dekore yosa, yaa nediture yusañajāmakū irigū aariburo. Yū ipeameguere buro poyagū irikoa”, ārīdi āārīmí. <sup>25</sup> ĩgū irasū ārīkeremakū, Abraham gapū ĩgūrē āsū ārīdi āārīmí: “Makū, okagū āārīgūgue āārīpererire ōārīrē opabū mū. Lázaro gapure ūmūrikū ñerō waabū. Dapagorare mū ñerō tariripoere ĩgū gapū ōōguere usuyari merā āārīkōāgū yāmi.

<sup>26</sup> Gajī āsū āārā. Ūkūārī gobe miē āārā. Irasirirā ōōguere āārīrā mū pūroguere waamasībema. Mū pūroguere āārīrā ōōgue aaridūakererā, aarimasībema”, ārīdi āārīmí Abraham. <sup>27</sup> ĩgū irasū ārīmakū, doebiri opadi āsū ārīdi āārīmí: “Yū ñekū Abraham, mūrē buro sērēa. Lázarore yūpūya wīigū iriuka! <sup>28</sup> Yū su mojōma pererā pagupūrākūa. Lázarore weredoregū iriuka, ĩgūsārē ōōguere ñerō waarōguere aaribirikōāburo, ārīgū”, ārīdi āārīmí. <sup>29</sup> ĩgū irasū ārīmakū, Abraham gapū yūjūdi āārīmí: “Marīpū ĩgū dorerire Moisére pídeare, Marīpūya kerere weredupiyunerā gojadedere opama mū pagupūrā. Irasirirā irire bue, būremuburo”, ārīdi āārīmí. <sup>30</sup> ĩgū irasū ārīmakū, doebiri opadi gapū yūjūdi āārīmí: “Yū ñekū Abraham, ĩgūsā irire opakērerā, ōārō būremubirikuma. Lázaro boadigue masā, ĩgūsā pūro waa, ĩgūsārē weremakū, ĩgūsā ñerō iririre bujawere, ĩgūsā gūñārīrē gorawayurākuma. Irasirirā ōārī gapure irirākuma pama yū pagupūrā”, ārīdi āārīmí. <sup>31</sup> ĩgū irasū ārīmakū, Abraham gapū ĩgūrē āsū ārī weredi āārīmí: “Mū pagupūrā Marīpū ĩgū dorerire Moisére pídeare, ĩgūya kerere weredupiyunerā gojadedere būremumerā, Lázaro boadigue masā, ĩgūsārē weremakūdere Marīpūre būremubirikuma”, ārīdi āārīmí Abraham, ārī wereyupū Jesús.

## 17

### *Gajirārē ñerō irimakā iribirikōāka! ārī weredeā* (Mt 18.6-7, 21-22; Mr 9.42)

<sup>1</sup> Jesús ĩgū buerārē āsū ārī wereyupũ:

—Masakare ñerō irimakū iriri, āārīnikōārokoa. Gajirārē ñerō irimakū irigũno gapũ ñetariro tarigũkumi. <sup>2</sup> Sugũ yũre buremugārē majīgũ irirosū āārīgūrē ñerō irimakū irigũ, buro wajamoāsũgũkumi. Irasiriro, ĩgū gajigũre ñerō irimakū iriburi dupiyuro masaka ĩgūrē wáriye ũtāye merā wánugũgue suasiu, wádiyague meéyomakū oābukoa. <sup>3</sup> Irasirirā oārō pémasĩka musā! Mũyagũ mūrē ñerō irimakū ĩāgũ: “Irinorē iribirikōāka!” ārĩka ĩgūrē! Irasirigũ ĩgū ñerō iriadeare bujawere, ĩgū gũñarĩrē gorawayumakū ĩāgũ, ĩgū ñerō iriadeare kātika! <sup>4</sup> Irasirigũ sunūrē su mojōma pere gaji mojō peru pērēbejarigora mūrē ñerō irimakū ĩāgũ, irikũta mūrē kātiri sērēgũ ejamakū, kātika! ārĩyupũ.

### *Marĩpũre buremurĩrē weredeā* (Mt 13.31-32)

<sup>5</sup> Jesús irasū ārĩmakū pérā, ĩgū buerā āsū ārĩñurā:

—Gũare Marĩpũre buremunemomakū irika!

<sup>6</sup> ĩgūsā irasū ārĩmakū, marĩ Opũ Jesús ārĩyupũ:

—Marĩpũre musā buremurĩ opari, mostazayegā irirosū mérōgā āārĩkeremakū, igũ sicómoro wāikũdire: “Tũāduuawāgā, wádiyague ejanugārō waaka!” ārĩbukoa. Musā buremurĩ merā doremakū, musā ārĩrōsũta waakoa, ārĩyupũ.

### *Sugũ moāboerimasũ iririre weredeā*

<sup>7</sup> Irasū ārĩ odo, āsū ārĩnemoyupũ doja:

—Musā watopegue āārĩgũ sugũ moāboegũre opakumi. ĩgũ poogũ moākumi, o wekũare korekumi. ¿ĩgũ moā odo, wiigũ dujajamakū ĩārā, ĩgūrē: “Murĩgora, baagũ aarĩka!” ārĩbukuri? <sup>8</sup> Ārĩbirikoa. Āsū gapũ ārĩkoa: “Yũ baaburire āmuka! Pũrũ yũ baa, iirĩ iriripoere yũre baari sīnemobu yũka! Yũ baa odoadero pũrũ, mũde baagũkoa pama”, ārĩkoa musārē moāboegũre. <sup>9</sup> ¿ĩgũ musā moādorere oārō irimakū ĩārā, ĩgūrē: “Oāa, mũ merā usũyáa”, ārĩbukuri? Ārĩbirikoa. <sup>10</sup> Musāde ĩgũ irirosũta āārĩpereri Marĩpũ dorere iri odo, āsū ārĩka! “Gũ ĩgūrē moāboerā, ubu āārĩrā āārā. ĩgũ doreri gũare pídea ditare iriabũ”, ārĩka! ārĩyupũ.

### *Jesús pe mojōmarā kāmĩ boarārē taudeā*

<sup>11</sup> Gajinũ Jesús Jerusalēgue waagũ, Samaria nikũ, Galilea nikũ watope tariwāgāyupũ.

<sup>12</sup> Iro āārĩrĩ makāgue ĩgũ ejaripoe pe mojōmarā ũma kāmĩ boarā ĩgūrē bokatĩrĩrā aarĩñurā. Kāmĩ boarā āārĩsĩā, yoaweyarogue dujanugā, suro merā gaguinĩñurā:

<sup>13</sup> —Jesús, buegũ, gũare bopoñarĩ merā ĩāka! ārĩñurā.

<sup>14</sup> Jesús ĩgūsārē ĩāgũ, āsū ārĩyupũ:

—Paĩare musāya dupũre ĩmurā waaka! ārĩyupũ.

ĩgūsā maague waaripoe ĩgūsāya kāmĩ yaripereakōāyuro. Kāmĩ marĩrā dujañurā.

<sup>15</sup> Irasirigũ sugũ ĩgūsā watopemũ ĩgũya kāmĩ yarimakū ĩāgũ, Jesús pũrogue gāmedujarigũ, busũro merā Marĩpũre: “Oātaria mũ”, ārĩ, usũyari sĩyupũ. <sup>16</sup> Jesús pũro ejaagũ, ĩgũya guburĩ pũro ñadũkũpuri merā ejamejāja, ĩgũya diapure yebague moomejāja, Jesúre: “Oāa”, ārĩ, usũyari sĩyupũ. ĩgũ Samariamũ āārĩyupũ. <sup>17</sup> Jesús, ĩgũ sugũta irasirimakū ĩāgũ, āsū ārĩyupũ:

—Pe mojōmarā āārāma kāmĩ tausũanerā. ¿Gajirā su mojōma pere gaji mojō wapikũdiru pērēbejarā gapũ noógue āārĩkuri? <sup>18</sup> ĩĩ gũaya nikũmũ āārĩbi dita Marĩpũre usũyari sīgũ gāmedujariañumi. ¿Nasirirā gajirā ĩgũ merā āārānerā gapũ aaribirayuri? ārĩyupũ.

<sup>19</sup> Irasū ārĩ odo, ĩgūrē āsū ārĩyupũ:

—Wāgānugā, waaka! Mũ Marĩpũre buremurĩ opasĩā, kāmĩ marĩgũ dujabũ, ārĩyupũ.

*Jesús, Marĩpu doreri ejaburire weredea  
(Mt 24.23-28, 36-41)*

<sup>20</sup> Iro ããrĩrã fariseo bumarã Jesúre ãsũ ãrĩ sērēñañurã:

—¿Naásũ ããrĩmakũ, Marĩpu ĩgũyarãrē doreri ejarokuri? ãrĩñurã. ĩgũsã irasũ ãrĩmakũ pégu, yũjũyupũ:

—Marĩpu ĩgũyarãrē doreri ejamakũ, mũsã ĩãmasĩbea. <sup>21</sup> “Marĩpu ĩgũyarãrē doreri oõgue ããrãbũ, o sõõgue ããrã”, ãrĩmasĩña máa. ĩgũyarãrē doreri mũsã watopegue ããrĩsíaa, ãrĩyupũ.

<sup>22</sup> Irasũ ãrĩ odo, ĩgũ buerãrē ãsũ ãrĩyupũ:

—Pũrugue yũ ããrĩpererã tĩgũ i ãmũgue dupaturi aariburire bũro ĩãdũarãkoa. Yũ aariburi dupiyuro sunũ yũre ĩãdũakererã, neõ sunũ ĩãbirikoa. <sup>23</sup> Gajirã mũsãrē ãsũ ãrĩrãkuma. “ĩãka! Cristo oõta ããrĩmi”, o gajirã: “Cristo sõõgue ããrãmi”, ãrĩrãkuma. ĩgũsã irasũ ãrĩkeremakũ, ĩgũsãrē neõ tũyabirikõãka! <sup>24</sup> Yũ ããrĩpererã tĩgũ i ãmũguere dupaturi aarigũ, bupu ããrĩperero ãmarõrē gũñaña marĩrõ miãrõsũ, gũñaña marĩrõ aarigũkoa. <sup>25</sup> Yũ dupaturi aariburo dupiyuro yũre bũro ñerõ tariro ããrã. Dapagora marã yũre gããmebirikuma. <sup>26</sup> Noé ããrĩdeapoe marãrē waaderosũta yũ ããrĩpererã tĩgũ aariburo dupiyurogãrē waarokoa. <sup>27</sup> Noé ããrĩdeapoere masaka baa, iirĩ, mojósmũaunanerã ããrĩmã. ĩgũsã pũrã nomerē nomesunanerã ããrĩmã. Noé doódiru wádirugue ñãjãrĩñũgedere irasũta irinikõãunanerã ããrĩmã. Pũrũ Marĩpu ĩgũsã ããrĩpererãrē miũbéopeokõãdi ããrĩmĩ. Irasũta waarokoa yũ dupaturi aarimakũdere. <sup>28</sup> Lot ããrĩdeapoedere mũrãrõta iriunanerã ããrĩmã. Baa, iirĩ, wajari, dua, ote, wiirire iriunanerã ããrĩmã. <sup>29</sup> ĩgũsã irasũ iriripoe ĩgũsãya makã Sodoma wãĩkũri makãrē Lot wirideanũrē deko merẽrõsũ, ãmũgasima peame, azufre wãĩkũri poga ãjũdijari, ĩgũsãrē wẽjẽpeokõãdero ããrĩbũ. <sup>30</sup> Yũ ããrĩpererã tĩgũ gũñaña marĩrõ i ãmũgue dupaturi aarirĩnũrē masakare irasũta waarokoa.

<sup>31</sup> Irasũ waaripoere sugũ ĩgũya wii wekague ããrĩgũ, wii poekague ĩgũyare ãĩgũ dijabirikõãburo. Mũrãrõta gajigũ ĩgũya pooegue ããrĩgũ, ĩgũya wiigũ dujãabirikõãburo. <sup>32</sup> Lot marãpo igoya makãrē ĩãgãmedujugo, moã turu irirosũ poyanũgãdeare gũñaka! <sup>33</sup> Sugũ ĩgũya ããrĩburi ditare gũñagũ perebiri peamegue waadederigũkumi. Gajigũ yaare gũñagũ tarigũkumi. Marĩpu pũroque waagũkumi ĩgũ merã õãrõ ããrĩnĩbu.

<sup>34</sup> Mũsãrē werea. Irasũ waaburi ñãmirē, pẽrã peyarogue kãrĩrãkuma. Sugũ yũre bũremugũ ãĩsũgũkumi. Gajigũ yũre bũremubi dujagũkumi. <sup>35</sup> Nomede pẽrã ojodũka biurã ããrĩrãkuma. Sugo yũre bũremugõ ãĩsũgokumo. Gajigo yũre bũremubeo dujagokumo. <sup>36</sup> Pẽrã pooeguere moãrã ããrĩrãkuma. Sugũ ãĩsũgũkumi. Gajigũ dujagũkumi, ãrĩyupũ.

<sup>37</sup> ĩgũ irasũ ãrĩmakũ pẽrã, ĩgũ buerã sērēñañurã:

—Gũa Opũ, ¿noógue irasũ waarokuri? ãrĩñurã.

Jesús yũjũyupũ:

—Mimua nerẽmakũ ĩãrã, masaka sugũ waibũ boadi ããrĩrõrē masĩkuma. I irirosũ yũ aarimakũ ĩãrã, ĩgũsã wajamoãsũburire masĩrãkuma, ãrĩ wereyupũ Jesús.

## 18

*Jesús sugo wapiweyo, weresãrĩrē beyerimasã keori merã buedea*

<sup>1</sup> Pũrũ Jesús ĩgũ buerãrē buegu, ãsũ ãrĩyupũ: “Mũsã Marĩpũre sērẽrã, piriro marĩrõ gũñaturari merã sērẽka!” ãrĩyupũ. Irasirigũ i keori merã wereyupũ. <sup>2</sup> ãsũ ãrĩyupũ:

—Su makãrē sugũ weresãrĩrē beyerimasũ ããrĩkumi. ĩgũ Marĩpũre, masakadere bũremubirikumi. <sup>3</sup> Iri makãrẽta sugo wapiweyo ããrĩkumo. Igo ĩgũ pũroque ĩgũrē iritamurĩ sērẽgõ waanakumo: “Yũre ĩãturigure wajamoãdoreka!” ãrĩnakumo. <sup>4</sup> Igo irasũ ãrĩriku, igore: “Iribirikoa”, ãrĩnakumi. ĩgũ irasũ ãrĩkeremakũ, wãri ĩgũrē sērẽ, garibokumo. Igo gariborire piribirimakũ ĩãgũ, ãsũ ãrĩ gũñakumi ĩgũ basi: “Yũ Marĩpũre, masakadere

buremubi aarikeremakū, <sup>5</sup> igo yare garibotarimo. Yare irasū garibogo yare gariboreamakū yámo. Irasirigu igore iaturigure igo weresarirē pé, igurē wajamoadoregukoa pama”, arikumi, arī wereyupu Jesús.

<sup>6</sup> Irasū arī odo, marī Opure werenemoyupu:

—Īi weresarirē beyerimasū ñegū aarikeregu, igo sērēnirirē pékumi. Īgū irasirideare oārō pémasika musā! <sup>7</sup> Īgū nemorō Marīpu gapu Īgū beyenerārē umarī, ñamirī Īgurē buro sērēnirārē iritamugukumi. “Iritamubirikoa”, arībirikumi Īgūsārē. <sup>8</sup> Musārē werea. Marīpu gajirā Īgūsārē ñerō irimakū iāgū, Īgūsā sērērirē pé, yooboro marīrō Īgūsārē iritamugukumi. ¿Īgū irasū oārō pégu aarikeremakū, yu aarīpererā tīgū i umague dupaturi aarigū, Marīpure buremurārē Īgurē sērērārē bokagukuri? arīyupu.

*Jesús fariseo bumu, gajigu romano marā opure niyeru wajaseabosarimasū keori merā bueadea*

<sup>9</sup> Jesús irasū arī odo, gajī keori merā bueyupu. “Gua gapu oārā aārā. Gajirā gapu ñerō irirā aarīma”, arī gūñarārē i keori merā asū arī wereyupu:

<sup>10</sup> —Pērā ūma Marīpuya wiigue Īgurē sērērā waakuma. Sugū fariseo bumu, gajigu romano marā opure niyeru wajaseabosarimasū aarīkuma. <sup>11</sup> Fariseo bumu gapu ejanugā, iāmu, asū arī werenikumi: “Gua pu, yu mūrē usuyari sīa. Yu, gajirā yajarimasā, ñerī iririmasā, nome merā ñerō iririmasā irirosū aarībea. Irasū aarīmakū, neō ĩi romano marā opure niyeru wajaseabosarimasū irirosū aarībea. Irasirigu mūrē usuyari sīa. <sup>12</sup> Semanariku penu berea mūrē buremugū. Pe mojōma niyeru koeri wajatagu, su koe mūrē sīa. Aarīpereri yu wajatarire mūrē irasū dita sīa”, arīkumi. <sup>13</sup> Niyeru wajaseabosarimasū gapu neō ñajārōgue dujanugā, muúsiunugāja, Īgū ñerī oparire gūña, bujawere, umugasigue neō iāmurō marīrō Īgūya koretibire pá, asū arīkumi Marīpure: “Yu ñegū aārā, irasirigu yare bopoñarī merā iāka!” arīkumi. <sup>14</sup> Musārē werea. Īi niyeru wajaseabosarimasū, Marīpu iūrō oāgūgue Īgūya wiigue dujáakumi. Fariseo bumu gapu, Marīpu iūrō waja opaguta Īgūya wiigue dujáakōākumi. Asū aārā. Sugū Īgū basi: “Gajirā nemorō oāgū aārā”, arī gūñagūnorē Marīpu Īgurē ubu aarīgū aarīmakū irigukumi. Gajigu Marīpure: “Ñerō iriabū, irasirigu yare bopoñarī merā iāka!” arīgū gapure Marīpu Īgū iūrō oāgū aarīmakū irigukumi, arī wereyupu Jesús.

*Jesús majirāya aarīburire Marīpure sērēbosadea  
(Mt 19.13-15; Mr 10.13-16)*

<sup>15</sup> Pūpu masaka majirāgārē Jesúre moañadorerā Īgū puro aijañurā. Īgūsā aijamakū iārā, Jesús buerā Īgūsārē bokatīrī: “Īgurē garibobirikōāka!” arīñurā. <sup>16</sup> Jesús gapu majirāgārē Īgū puro siiu, Īgū buerārē arīyupu:

—Majirā yu pūroguere aariburo. Kāmutabirikōāka Īgūsārē! Marīpu Īgūyarārē dorerogue aarīmurā, iīsā majirā yare usuyari merā bokatīrīñeārā irirosū aarīma. <sup>17</sup> Diayeta musārē werea. Iīsā majirā Marīpure Īgūsā Opure gāamerā irirosū aarīmerāno, Īgūyarārē doreroguere waabirikuma, arīyupu.

*Sugū maamu wari doebiri opagu Jesús merā werenidea  
(Mt 19.16-30; Mr 10.17-31)*

<sup>18</sup> Pūpu sugū judío masaka oparā merāmu Jesúre sērēñayupu:

—Oāgū buegu, yu umugasigue perebiri okarire wajatadugu, ¿ñeonorē irigukuri? arīyupu.

<sup>19</sup> Jesús Īgurē arīyupu:

—¿Nasirigu yare: “oāgū”, arīrī? Marīpu suguta oāgū aarīmi. <sup>20</sup> Mu, Īgū doreri pídeare masīa: Gajigu marāpo merā ñerō iribirikōāka! Masakare wējēbirikōāka! Yajabirikōāka! Gajirāyamarē arīkatori merā werebirikōāka! Mu pagusāmarārē goepeyari merā buremuka! arīyupu.

21 Īgũ irasũ ārĩmakũ pégu, Jesúre yujuyupu:

—Iri doreri āārĩpererire majĩgũgãgueta iripeosiabu yu, ārĩyupu.

22 Īgũ irasũ ārĩmakũ pégu, Jesús ĩgũrẽ āsũ ārĩyupu:

—Murẽ su wãĩ dũyáa. Āārĩpereri mũ oparire duagu waaka! Mũ duadea wajare boporãrẽ guereka! Irasirigu ũmũgasiguere wári õārĩ opagũkoa. Odo, yu merã aarika! ārĩyupu.

23 Īgũ irasũ ārĩmakũ pégu, ĩgũ gapu ĩgũ wári oparire maĩsĩã, buro bujawereri merã āārĩnũgãyupu. 24 Īgũ bujaweremakũ ĩãgũ, Jesús āsũ ārĩyupu:

—Wári doebiri oparãrẽ Marĩpu ĩgũyarãrẽ dorerogue ĩgũsã waadũamakũ diasatari-akõãa. 25 Camellu awiru gobegãgue ñajãtariweremasĩbirikumi. I nemorõ wári doebiri opagure Marĩpu ĩgũyarãrẽ dorerogue waamakũ diasãa, ārĩyupu.

26 Īgũ irasũ ārĩmakũ pérã, masaka āsũ ārĩñurã:

—Iro merẽ, ¿noã gapu Marĩpu tausũmurã ĩgũ pũrogue waamurã āārĩbukuri? ārĩñurã.

27 Jesús ĩgũsãrẽ ārĩyupu:

—Masaka ĩgũsã basi ĩgũsã iriri merã Marĩpu pũrogue waamasĩbema. Marĩpu dita ĩgũsãrẽ ĩgũ pũro āārĩmurã waamakũ irimasĩmi, ārĩyupu.

28 Īgũ irasũ ārĩmakũ pégu, Pedro ĩgũrẽ ārĩyupu:

—Gua Opũ, gua murẽ tuyarã, āārĩpereri gua opadeare pípeokõãbu, ārĩyupu.

29 ĩgũrẽ Jesús āsũ ārĩ yujuyupu:

—Diyeta mũsãrẽ werea. Marĩpu ĩgũyarãrẽ doreri kerere wererã waarã, ĩgũsãya wiirire, marãposã nomerẽ, ĩgũsã pagupũrãrẽ, pagusãmarãrẽ, pũrãrẽ pípeorã, wári õārĩ wajatarãkuma. 30 ĩgũsã iro dupiyuro opaderosũ i ũmũguere nemorõ wári õārĩ wajatarãkuma. Pũru i ũmũ peremakũ, ũmũgasigue perebiri okari oparãkuma Marĩpu merã āārĩnĩmurã, ārĩyupu.

### *Dupaturi Jesús ĩgũ boaburire werede*

*(Mt 20.17-19; Mr 10.32-34)*

31 Pũru Jesús ĩgũ buerãrẽ pe mojõma pere su gubu peru pẽrẽbejarã ditare siiuwãgã, ārĩyupu:

—Õārõ péka! Marĩ Jerusalẽgue waarã yáa. Irogue āārĩpereri Marĩpũya kerere weredupiyunerã yure āārĩpererã tĩgũrẽ gojaderosũta yure waarokoa. 32 Irasirirã yure ñeã, judío masaka āārĩmerãguere wiarãkuma. ĩgũsã yure burida, ñerõ werení, síku eotúbirarãkuma. 33 Yure buro tãrãrãkuma. Irasiri odo, wẽjẽrãkuma. ĩgũsã yure wẽjẽadero pũru, urenũ waaró merã masãgũkoa, ārĩyupu.

34 ĩgũ buerã ĩgũ irasũ ārĩ wererire āārĩpererire neõ pémasĩbiriñurã. Marĩpu irire ĩgũsãrẽ pémasĩmakũ iribiriyupu dapa.

### *Jesús Jericómũrẽ koye ĩãbire taudea*

*(Mt 20.29-34; Mr 10.46-52)*

35 Pũru Jesús Jericó wãĩkũri makã tũrogue ejaripoe ĩgũ waarĩ maa tũro sugũ koye ĩãbi niyeru sãrẽ doanĩyupu. 36 Irasirigu masaka wãrã ĩgũ pũro tariwãgãnamakũ pégu, iro āārĩrãrẽ sãrẽñayupu: “¿Nasirirã masaka wãrã tariwãgãnarĩ?” ārĩyupu.

37 —Jesús Nazaretmũ aarigũ yámi, ārĩñurã.

38 ĩgũsã irasũ ārĩmakũ pégu, āsũ ārĩ gaguinĩyupu:

—Jesús, David parãmi āārĩturiagu, yure bopoñarĩ merã ĩãka! ārĩyupu.

39 ĩgũ irasũ ārĩ gaguinĩmakũ, masaka ĩgũ dupiyuro āārĩrã gapu ĩgũrẽ: “Toeaka!” ārĩñurã. ĩgũsã irasũ ārĩkeremakũ, ĩgũ gaguinĩadero nemorõ gaguinĩnemoyupu:

—David parãmi āārĩturiagu, yure bopoñarĩ merã ĩãka! ārĩyupu.

40 ĩgũ irasũ ārĩmakũ pé, Jesús dujanũgãja, masakare: “Āĩrika ĩgũrẽ!” ārĩyupu. ĩgũ irasũ ārĩmakũ pérã, gajirã ĩgũrẽ āĩwãgãñurã. ĩgũ pũrogue āĩjamakũ, Jesús ĩgũrẽ sãrẽñayupu:

41 —¿Neénorë yu murë irimakü gããmerĩ? ãrĩyupu.

—Yu Opu, yure koye ãmakü irika! ãrĩ yujuyupu.

42 —Jáu, ãka pama! Mu yure buremurĩ opáa. Irasirigu tausüa, ãrĩyupu Jesús ãgürë.

43 Ìgü irasü ãrĩmaküta, õãrõ ãmasãakõãyupu. Irasirigu Jesúre tuyawãgã, Marĩpure: “Õãtaria mu”, ãrĩ, usuyari sĩyupu. Æãrĩpererã ãgürë irasü waamakü ããrãde, Marĩpure usuyari sĩñurã.

## 19

### *Jesús Zaqueore ããbokadea*

1 Puru Jesús Jericógue eja, iri makãrë tariwãgãgü iriyupu. 2 Irore sugu masakü Zaqueo wãikugü wãri doebiri opagu, romano marã opure niyeru wajaseaboerimasã opu ããrĩyupu. 3 Ìgü Jesúre ããduadiyupu. Masaka wãrã watopeguere umabi ããrĩsã, Jesúre neõ ããbokabiriyupu. 4 Irasirigu ãmadupiyuwãgã, Jesús tariwãgãburo purumu yukü sicómoro wãikudigue murĩayupu ãgürë: “Ìãgura”, ãrĩgü. 5 Jesús irigu puro tariagu, ãmarõgue peyagure ããboka, ãgürë ãsü ãrĩyupu:

—Zaqueo, murĩgora, dijirika! Yu dapagãrë muya wiita dujagukoa, ãrĩyupu.

6 Ìgü irasü ãrĩmakü pé, Zaqueo mumurõ merã dijiri, Jesúre buro usuyari merã bokatĩrĩgü waayupu. 7 Ìgü irasirimakü ããrã, ããrĩpererã masaka werewuãñurã: “¿Nasirigu Jesús ñegüya wiigüe dujagu waáari?” ãrĩñurã. 8 Irasirigu Zaqueo ãgüya wiigüe ejadero puru, wãgãñugã, marĩ Opu Jesúre ãrĩyupu:

—Yu Opu, péka! Gajino boporãrë yu oparire deko merã dukawagura. Yu gajirãrë ãrĩkatori merã yajadeare wapíkuri ããrĩnemorõ ãgüsãrë wiagura, ãrĩyupu.

9 Jesús irire pégu, iri wii ããrĩrãrë ãsü ãrĩyupu:

—Dapagã merã ãgü, ãgüya wii marã, ãgüsã ñerõ iridea wajare tausüma. Ìgüde Abraham parãmi ããrĩturiagu, yure buremugü ããrĩmi. 10 Yu ããrĩpererã tĩgü perebiri peamegue waadederibonerãrë ãma, taugu aarigü iribu, ãrĩyupu.

### *Jesús pe mojõma niyeru koeri keori merã buedea*

11 Jesús Zaqueo merã werenimãkü masaka péñurã. Ìgü Jerusalén turogue ããrĩmakü ããrã, ãsü gũñañurã: “Gũñaña marĩrõ Marĩpu ãgüyarãrë dorero ejaburo yãa”, ãrĩ gũñañurã. Irasirigu Jesús keori merã ãgüsãrë 12 ãsü ãrĩ wereyupu:

—Sugu masakü, opu ñajãburo dupiyuro yoarogue gaji nikügüe waakõãkumi. Ìgürë opu sóoadero puru, ãgüya nikürë goekumi. 13 Ìgü waaburo dupiyuro ãgürë moãboerã pe mojõmarãrë siiukumi. Siiu, ãgüsãkü su koe wajapari niyeru koe sã, ãgüsãrë ãsü ãrĩkumi: “Yu irogue ããrĩripoe i niyeru koe merã gajino wajari, duaka, gaji niyeru koeri wajatanemomurã!” ãrĩkumi. 14 Irasü ãrĩ odo, opu ñajãbu waakõãkumi pama. Ìgüya nikü marã gapu ãgürë gããmebirikuma. Irasirirã, ãgü waadero puru, gajirãrë ãgürë weredorerã iriukuma. Irasirirã ãgürë: “Mu, gu opa ããrĩmakü gããmebea”, ãrĩkuma. 15 Ìgüsã ãgürë gããmebirikeremakü, ãgüsã opu ñajãkumi. Opu ñajãa odo, ãgüya nikügüe goedujãakumi. Irasü goedujajagu, ãgürë moãboerãrë ãgüsã niyeru koe merã wajatanemoadeare masibu, ãgüsãrë siiukumi. 16 Ìgü puro ejapurorigu ãsü ãrĩkumi: “Yu opu, mu niyeru koe yure sãdea koe merã gaji pe mojõma koeri wajatanemobu”, ãrĩkumi. 17 Ìgü irasü ãrĩmakü pégu, ãgü opu ãrĩkumi: “Õãgorãa. Mu yure moãboegu õãgü ããrã. Yu dorederosüta yu mérõgã murë pídea merã õãrõ iriyo. Irasirigu pe mojõma makãrĩrë doregu ããrĩgukoa”, ãrĩkumi ãgü opu ãgürë. 18 Puru gajigu ãsü ãrĩkumi: “Yu opu, mu niyeru koe yure sãdea koe merã gaji su mojõma koeri wajatanemobu yude”, ãrĩkumi. 19 Ìgü irasü ãrĩmakü pégu, ãgü opu ãrĩkumi: “Su mojõma makãrĩrë doregu ããrĩgukoa”, ãrĩkumi.

20 Puru gajigu ãsü ãrĩkumi: “Yu opu, muya niyeru koe õõ ããrã. Iri koere suriro gasiro merã õma, duripibu. 21 Mu gajirãrë buro turaro merã moãdoregu ããrã. Mu

basi moãbirikeregu, otebi ããrĩkeregu, mure moãboerãre oterire otedore, ãgũsarẽ oteri dukare seadore, irire mu basita opaa. Irasirigu mure guiabũ”, arĩkumi ãgũ opure. <sup>22</sup> ãgũ irasũ arĩmakũ pẽgu, ãgũ opu arĩkumi: “Mu yure moãboegu ñegũ ããrã. Irasirigu mure wajamoãgura. Mu yure wereri merãta mure weregura. Mu yure asũ arã: ‘Mu gajirãre buru turaro merã moãdoregu ããrã. Mu basi moãbirikeregu, otebi ããrĩkeregu, mure moãboerãre oterire otedore, ãgũsarẽ oteri dukare seadore, irire mu basita opaa’, arã mu yure. <sup>23</sup> Mu irasũ arĩgũ, çnasirigu yu mure sidea koere niyeru duripiri wiigwe duripibiriri? Irogue duripimakũ, i wii moãrã iri koe merã wãro wajatanemobosabukuma mure. Irasirigu, yu goejagu, mu yure ãgũsarẽ iriri merã wajatanemobosadeare ñeãboakuyo”, arĩkumi ãgũ opu ãgũrẽ. <sup>24</sup> Irasũ arĩ odo, gajirãre ãgũ pũro ããrĩrãre arĩkumi: “ãgũrẽ niyeru koere ema, pe mojõma koeri opagu gapure sika!” arĩkumi. <sup>25</sup> ãgũ irasũ arĩmakũ, ãgũsarẽ asũ arĩkuma ãgũrẽ: “Gũ opu, pe mojõma koeri opagu opasiami”, arĩkuma. <sup>26</sup> ãgũsarẽ irasũ arĩmakũ, opu asũ arĩ yujakumi: “Musãre werea. ããrĩpererã ãgũsarẽ opari merã õãrõ irirã õãrĩrẽ sɩnemosũrãkuma. Gajirã õãrõ irimerã ãgũsarẽ meroãgã opadideare emapeokõasũrãkuma. <sup>27</sup> Dapagorata yure ãaturirãre yure opu ñajãmakũ gããmemerãre yu pũrogue arĩka! Yu ãũrõ wẽjeka ãgũsarẽ!” arĩkumi opu ãgũrẽ moãboerãre, arĩ wereyupu Jesũs.

### *Jesũs Jerusalẽgue ejadea*

*(Mt 21.1-11; Mr 11.1-11; Jn 12.12-19)*

<sup>28</sup> Irasũ arĩ odo, gajirã dupiyuro Jerusalẽgue waayupu doja. <sup>29</sup> Irogue waa, Betfagẽ, Betania wãĩkuri makãrĩ pũro ejarũroriyupu. Iri makãrĩ, Olivos wãĩkuri utãũ ããrĩdujimejãrõgue ããrĩyuro. Irogue ejagu, ãgũ buerã pẽrãre asũ arĩ iriuyupu:

<sup>30</sup> —Si makã marĩ bokatũũrõ ããrĩrĩ makãgue waaka! Iro ejarã, sugũ burrore ãgũsarẽ suanũadire neõ suñarõ peyasũña marĩgũrẽ bokajarãkoa. ãgũrẽ kura, õõgue arĩka! <sup>31</sup> Sugu musãre: “çNasirimurã ãgũrẽ kurari?” arĩmakũ: “Marĩ Opu gããmeami”, arĩka! arĩ iriuyupu.

<sup>32</sup> ãgũ irasũ arĩmakũ, ãgũ buerã pẽrã makãgue waañurã. Irogue Jesũs ãgũ arãderosũta waayuro. <sup>33</sup> Irasirirã burrore ãgũsarẽ kuramakũ ããrã, ãgũ oparã ãgũsarẽ sereñañurã:

—çNasirimurã burrore kurari? arĩñurã.

<sup>34</sup> ãgũsarẽ irasũ arĩmakũ pẽrã, asũ arĩ yujũñurã:

—Marĩ Opu ãgũrẽ gããmeami, arĩñurã.

<sup>35</sup> Pũru burrore Jesũs pũrogue ããñurã. ããrã, ãgũsarẽ wekama surire tũwea, burro weka peo, Jesũre ãgũ wekague murebejamakũ iriñurã. <sup>36</sup> Jesũs peyawãgãrimakũ, masaka ãgũsarẽ wekama surire tũwea ããrã, ãgũ waaburi maarẽ seõpidupiyũñurã ãgũrẽ buremurã. <sup>37</sup> Irasirirã Jerusalẽn pũrogue eja, Olivos wãĩkuri utãũ dijarirã, ããrĩpererã Jesũre buremurã ãgũrẽ irogue tũyanerã ããrĩpereri ãgũ Marĩpu turaro merã iri ãmumakũ ããrãdeare gũñarã, usuyari merã Marĩpũre: “Õãtaria mu”, arĩ, buru gaguiniñurã ãgũrẽ buremurã. <sup>38</sup> Asũ arĩñurã: Marĩ Opu usuyari sãrã! ããrã Marĩpu marĩrẽ taugu iriudi õãrõ aariburo. ãmugasigwe ããrĩrã siñajãburo.

ãgũsarẽde Marĩpũre: “Õãtaria mu ããrĩpererã Opu ããrĩgũ”, arĩ, usuyari sãburo, arĩñurã.✧

<sup>39</sup> ãgũsarẽ irasũ arĩmakũ pẽrã, surãyeri fariseo bumarã irogue ããrĩrã Jesũre arĩñurã:

—Buegu, mu buerãre wereka! Toedoreka ãgũsarẽ! arĩñurã.

<sup>40</sup> ãgũsarẽ irasũ arĩmakũ, Jesũs ãgũsarẽ yujũyupu:

—Musãre werea. ãgũsarẽ usuyari merã werenĩbirimakũ, Marĩpu i utãyerire gaguiniñurã iribukumi, arĩyupu. <sup>41</sup> Pũru Jesũs Jerusalẽn tũro eja, iri makãrẽ ããrã, oreypupu. <sup>42</sup> Asũ arĩyupu:

—Jerusalẽn marã, dapagã Marĩpu musãre õãrõ siñajãrĩ sãduarire pẽmasĩmakũ õãtariboakuyo. Marĩpu irasũ sãduakeremakũ, musã irire neõ pẽmasĩduabea. Irasirigu Marĩpu musãre irire pẽmasĩdorebemi. <sup>43</sup> Irasiriro musãre ñerõ waarĩnu ejarokoa. Musãre ãaturirã musãya makã tũrore wea kãmutamejãjarãkuma. Musã wiriboadeare ããrĩpererogwe



biapeokōārākuma m̄sārē ñeāmurā. <sup>44</sup> Irasirirā m̄sārē yebague wējēmeépírākuma. M̄sārē iri makā marā āārīpererārē wējēpeokōārākuma. Ɖtāyeri weadeade neō gajiyē weka dujabirikoā. M̄sārē Marīp̄m̄ ĩgū taud̄marin̄m̄ ejakeremakū, m̄sā ĩgūrē ĩāmasībiridea waja, ĩgūrē béodea waja irasū waarokoa, ārī wereyup̄m̄ Jesús.

*Jesús Marīp̄m̄ya wiigüe duarārē béowiudea*  
(Mt 21.12-17; Mr 11.15-19; Jn 2.13-22)

<sup>45</sup> P̄m̄m̄ Jerusalēgue ejaḡm̄, Jesús Marīp̄m̄ya wiigüe ñajāyup̄m̄. Irogue ñajāa, doebiri duarārē, ĩgūsā duarire wajarirādere bokaja, ĩgūsārē béowiuyup̄m̄. <sup>46</sup> ĩgūsārē āsū ārīyup̄m̄:

—Marīp̄m̄ ĩgūya werenīrī gojadea pūgue āsū ārīdi āārīmī: “Yaa wii, yure b̄remurā yure sērērī wii āārā”, ārīdi āārīmī. M̄sā gap̄m̄ yajarimasāya wii irirosū āārīmakū yāa, ārīyup̄m̄ Jesús.

<sup>47</sup> Ɖmarik̄m̄ Jesús Marīp̄m̄ya wiigüe masakare bueḡm̄ waanayup̄m̄. ĩgū irasū bueḡm̄ ejamakū ĩā, Moisés gojadeare buerimasā, paía oparā, gajirā judío masaka oparāde: “¿Nasiri ĩgūrē wējērākuri?” ārī gūñamañurā. <sup>48</sup> ĩgūsā ĩgūrē wējēduakeremakū, masaka āārīpererā ĩgū werenīrīrē ōārō p̄n̄arūñurā. Irasirirā Jesúre wējēduarā: “Āsū irirā, ĩgūrē wējēmurā”, ārī, āmumasībiriñurā.

## 20

*Judío masaka oparā Jesúre: “¿Noā m̄rē doreri?” ārī sērēñadea*  
(Mt 21.23-27; Mr 11.27-33)

<sup>1</sup> Gajin̄m̄ Jesús Marīp̄m̄ya wiigüe āārīrārē Marīp̄m̄ masakare tauri kerere bueḡm̄ iriyup̄m̄. ĩgū irasū buemakū, paía oparā, Moisés gojadeare buerimasā, judío masaka m̄rā merā ĩgū p̄rogue eja, <sup>2</sup> ĩgūrē sērēñañurā:

—Wereka ḡware! ¿Noā m̄rē doreri, m̄ irasirimakū? ¿Noā m̄rē: “Āsū irika!” ārīrī? ārīñurā.

<sup>3</sup> Jesús ĩgūsārē ȳj̄yup̄m̄:

—Yude m̄sārē sērēñaḡm̄ra. Ȳj̄j̄ka ȳdere! <sup>4</sup> Juan masakare deko merā wāiyemakū, ¿noā ĩgūrē wāiyedoreḡm̄ iriuyuri, Marīp̄m̄, o masaka? ārīyup̄m̄.

<sup>5</sup> ĩgū irasū ārīmakū p̄rā, ĩgūsā basi āsū ārī gāme werenīñurā:

—¿Naāsū ārī ȳj̄rākuri marī? “Marīp̄m̄ Juārē doredi āārīmī”, marī ārīmakū, Jesús marīrē: “¿Nasirirā ĩgū weredeare b̄remubiriri m̄sā?” ārībukumi. <sup>6</sup> Āārīpererā masaka: “Diayeta Juan Marīp̄m̄yare weredupiyudi āārīmī”, ārī gūñama. Marī: “Masaka Juārē wāiyedorenerā āārīmā”, ārīmakū, masaka marīrē Ɖtāyeri merā dearākuma, ārīñurā. <sup>7</sup> Irasirirā Jesúre āsū ārī ȳj̄ñurā:

—Juārē wāiyedoredire ḡma masībea, ārīñurā.

<sup>8</sup> ĩgūsā irasū ārīmakū, Jesús ĩgūsārē ārīyup̄m̄:

—Iro merē m̄sā yure: “¿Noā m̄rē irire doreri?” ārī sērēñadeare yude m̄sārē ȳj̄bea, ārīyup̄m̄.

*Jesús ñerā moārā keori merā buedea*  
(Mt 21.33-44; Mr 12.1-11)

<sup>9</sup> P̄m̄m̄ Jesús i keori merā masakare āsū ārī buen̄ḡyup̄m̄:

—Suḡm̄ masakā ĩgūya pooegüe iguidarire otekumi. Ote odo, gajirārē iri pooere wayu: “Ȳm̄ otedea dukare deko merā sīrākōa, ȳm̄ m̄sārē iri pooere wayuri waja”, ārīkumi. Irasū ārī odo, gajirogue waakōākumi. Yoaripoe deyomarīkumi. <sup>10</sup> P̄m̄m̄ igui ñīripoe āārīmakū, ĩgūrē moāboeḡm̄re ĩgūya pooema oterī dukare deko merā sērēdoreḡm̄ iriukumi. Pooere moārā gap̄m̄ ĩgū iriudadire irogue ejamakū ĩārā, ĩgūrē pākuma. Neō sutō iguitō sīrō marīrō ĩgūrē iridujukuma. <sup>11</sup> P̄m̄m̄ pooe op̄m̄ gajiḡm̄ ĩgūrē moāboeḡm̄re iriudadikumi doja. Pooere moārā gap̄m̄ ĩgūdere pá, ñerō irikuma. Neō gajino sīrō marīrō ĩgūdere iridujukuma.

12 Pɔɔɔ pɔɔe opɔ gajigɔ ɔgɔrɛ moãboegɔre iriuadikumi doja. Pooere moãrã gapɔ ɔgɔrɛ kãmitú, iri pɔɔe tɔrogue béokõãkuma.

13 ɔgɔsã irasiriadero pɔɔɔ, pɔɔe opɔ ãsũ ãrɔ gũñakumi: “¿Nasirigukuri yɔ?” ãrɔkumi. “Ãsũ irigɔra. Yɔ magũ yɔ maɔgɔrɛ iriugɔra. ɔgɔrɛ iriumakũ, ɔgɔrɛ bɔremurãkuma”, ãrɔ gũñadikumi. 14 Irasirigɔ ɔgũ magɔrɛ iriukumi. ɔgũ irogue ejamakũ ɔãrã, pɔɔe moãrã gapɔ ɔgɔsã basi ãsũ ãrɔ gãme wereníkuma: “Íta pɔɔɔguere i pɔɔere opabu ããrɔmi. ɔgɔrɛ wɛjékõãrã! Irasirirã marɔ basi i pɔɔere oparãkoa”, ãrɔkuma. 15 Irasirirã ɔgɔrɛ ñeã, pɔɔe tɔrogue ãiwãgã, wɛjébéokõãkuma, ãrɔyupɔ Jesús.

Irasũ ãrɔ odo, ɔgɔsãrɛ sɛrɛñayupɔ:

—Mɔsã péñamakũ, ɔgũ magɔrɛ wɛjɛadero pɔɔɔ, ¿nasirigukuri pɔɔe opɔ ɔgɔya pɔɔere moãrãrɛ? ãsũ irigɔkumi. 16 Irogue waa, ɔgɔsãrɛ wɛjɛ, iri pɔɔere gajirã gapɔre sɔgɔkumi, ãrɔyupɔ Jesús.

ɔgũ irasũ ãrɔmakũ pérã, masaka gapɔ ãsũ ãrɔñurã:

—Neõ marɔrɛ irasũ waabirikõãburo, ãrɔñurã.

17 Jesús gapɔ ɔgɔsãrɛ ɔã, ãsũ ãrɔ sɛrɛñayupɔ:

—Marɔpɔya werenírɔ gojadea pũgue ãsũ ãrɔ gojasũdea, ¿naásũ ãrɔduaro yãri? ãsũ ãrɔ gojasũdero ããrɔbú:

Suye ãtãyere wii iririmasã béoadeaye merã gajigɔ gapɔ õãrõ turari wii irigɔkumi.✧

18 Sugɔ i ãtãye weka meémejãgũ, mutãkõãgɔkumi. I ãtãye gapɔ ɔgũ weka meébejaro ɔgɔrɛ õãrɔ pogagãgue meémutúbéokõãrokoa, ãrɔyupɔ Jesús.

*Romano marã opɔ masakare niyeru wajasearire Jesúre sɛrɛñadea*

*(Mt 21.45-46; 22.15-22; Mr 12.12-17)*

19 Paía oparã, Moisés gojadeare buerimasãde ɔgũ i keori merã irasũ ãrɔ weremakũ pérã: “Marɔrɛ: ‘Pooe moãrã irirosũ ñerã ããrã’, ãrɔgũ irikumi”, ãrɔ péña, ɔgɔrɛ peresu irimurã buro ñeãduadiñurã. Irasũ ñeãduakererãta: “Masaka, ɔgɔrɛ marɔ irasirimakũ ɔãrã, marɔ merã guarãkuma”, ãrɔñurã. Irasirirã ɔgɔsãrɛ gũisã, ñeãmasɔbiriñurã. 20 Irasirirã: “Gajinũ ɔgɔrɛ ñeãrãra”, ãrɔ, ɔãnurãtɔyañurã. ɔgũ ñerõ yajumakũ weresãmurã péduarã iriadiñurã. Irasirirã gajirãrɛ irikatorãrɛ ɔgũ pɔro iriũñurã ɔgũ werenírɔrɛ pédorerã. “ɔgɔrɛ sɛrɛñarã waarã, masaka ɔũrõrɛ diaye irirã irirosũ ããrɔka!” ãrɔ, ɔgɔsãrɛ iriũñurã. “Jesús ñerõ werenímakũ pérã, iri nikũ marã opɔ pɔrogue peresu iridorerã ãiwãgãrãra”, ãrɔrã, ɔgɔsãrɛ iriũadiñurã. 21 ɔgɔsã Jesús pɔrogue ejarã, ãsũ ãrɔñurã:

—Buegɔ, mɔ iririkurire masã. Mɔ ãrɔkatoro marɔrõ werenía. Marɔpɔyare diayeta buea. “¿Naásũ gũñarɔ masaka yɔre?” ãrɔ gũñarõ marɔrõ diayeta ɔgɔsãrɛ werea. Oparãrɛ, ubu ããrɔrãdere ããrɔpererãrɛ surosũta ɔãa. 22 Irasirigɔ gɔare wereka! Romano marã opɔ marɔrɛ niyeru wajasearire marɔ wajarimakũ, ¿õãgorari, o õãberi? ãrɔñurã Jesúre.

23 Jesús gapɔ ɔgɔsã ñerõ iriduarire masɔsã, ɔgɔsãrɛ ãrɔyupɔ:

24 —Niyeru koere ãrɔka! I koeguere, ¿noãya diapu keori, noãya wã ɔtuuyari? ãrɔyupɔ.

—Romano marã opɔya diapu keori, ɔgũ wãita tuuyãa, ãrɔ yajumãñurã.

25 ɔgɔsã irasũ ãrɔmakũ pégɔ, Jesús ɔgɔsãrɛ ãsũ ãrɔyupɔ:

—Iro merɛ romano marã opɔya ããrɔrɔrɛ ɔgɔrɛ sɔka! Marɔpɔya gapɔre Marɔpɔre sɔka! ãrɔyupɔ.

26 Irasirirã masaka péuro neõ ɔgɔrɛ ñerõ ãrɔ werenímakũ irimasɔbiriñurã. Ubu gapɔ ɔgũ yajurire pérã pégɔka, toekõãñurã.

*Saduceo bumarã, Marɔpɔ boanerãrɛ masũburire Jesúre sɛrɛñadea*

*(Mt 22.23-33; Mr 12.18-27)*

27 Pɔɔɔ surãyeri saduceo bumarã Jesús pɔrogue ejañurã. ɔgɔsã: “Masaka boanerãgue masãbirikuma”, ãrɔ bɔremurã ããrɔñurã. Irasirirã Jesúre ãsũ ãrɔñurã:

✧ 20:17 Sal 118.22

28 –Buegɯ, Moisés marĩrẽ ʼsũ ʼrĩ gojapídi ʼãrĩmí: “Sugɯ marāpokɯdi pūrā marĩkeregu igore boaweomakũ, ĩgũ pagɯmɯ igore dúunorẽgɯkumi. Irasirirā, ĩgũ igo merā pūrākɯrā ĩgũ tĩgũ dagɯ pūrā irirosũta ʼãrĩrākuma”, ʼrĩ gojapídi ʼãrĩmí.

29 ʼIripoeguere sugɯ pūrā, su mojõma pere gaji mojõ peru pērẽbejarā ʼãrĩunanerā ʼãrĩmá. ĩgũsā tĩgũ gapɯ marāpokɯ, pūrā marĩgũta boakõāyupɯ. 30 Irasirigɯ ĩgũ dagɯ dokamɯta ĩgũ marāpo ʼãrĩdeore dúunorẽyupɯ. ĩgũde, ĩgũ tĩgũ dagɯ irirosũta pūrā marĩgũta boakõāyupɯ. 31 ĩgũsā pērā dokamɯde pūrā marĩgũta boakõāyupɯ. Irasũ dita pūrā marĩrāta boapereakõāñurā. 32 ĩgũsā pɯɯ ĩgũsā marāpode boakõāyupo pama. 33 ĩgũsā su mojõma pere gaji mojõ peru pērẽbejarā ũma igore marāpokɯadiñurā. Irasirirā boanerā masāmakũ, ¿niño marāpogora ʼãrĩgokuri? ʼrĩñurā.

34 Jesús ĩgũsārẽ yɯjɯyupɯ:

–I ũmɯgue ʼãrĩrā, ũma, nome merā marāpokɯma. ĩgũsā pūrā nomedere nome-suma. 35 ĩgũsā irasirikeremakũ, ũmɯgasigue ʼãrĩmurā gapɯ irasũ ʼãrĩbirikuma. Marĩpɯ: “Ōārā ʼãrĩma”, ʼrĩ ĩārā, boanerāgue masā, pɯɯ ĩgũ pɯrogue mɯrĩārākuma. Iroguere marāpokɯbirikuma. ĩgũsā pūrā nomedere nomesubirikuma. 36 Marĩpɯre wereboerā irirosũ neõ dupaturi boabirimurā ʼãrĩsĩā, irasiribirikuma. ĩgũsā Marĩpɯ masũnerā, ĩgũ pūrā ʼãrĩrākuma. 37 Iripoeguere Moisés ĩgũ yukɯgāgue ũjũrõgue waadeare gojadi ʼãrĩmí. ĩgũ iroguere ʼãrĩmakũ, Marĩpɯ ʼsũ ʼrĩdi ʼãrĩmí ĩgũrẽ: “Yɯ Abraham, Isaac, Jacob Opɯta ʼãrā”, ʼrĩdi ʼãrĩmí. I merā boanerā masāburire marĩ masā. 38 Abraham, Isaac, Jacob boanerā ʼãrĩkererā, Marĩpɯ merā okarā ʼãrĩma. Irasirigɯ Marĩpɯ boanerā dupaturi masābirimurā Opɯ ʼãrĩbemi. Okarā Opɯ ʼãrĩmí. ʼãrĩpererā masaka boakererā, Marĩpɯ ĩũrõ okarā ʼãrĩma, ʼrĩyupɯ Jesús.

39 ĩgũ irasũ ʼrĩmakũ pērā, surāyeri Moisés gojadeare buerimasā ʼsũ ʼrĩñurā:

–Buegɯ, mɯ õārõ yɯjɯa, ʼrĩñurā. 40 Irasirirā neõ dupaturi gaji ĩgũrẽ sērẽñadɯbiriñurā.

*“¿Noā parāmi ʼãrĩturiagɯ ʼãrĩrĩ Cristo?” ʼrĩ sērẽñadea  
(Mt 22.41-46; Mr 12.35-37)*

41 Jesús gapɯ ʼsũ ʼrĩyupɯ:

–¿Nasirirā Moisés gojadeare buerimasā: “Cristo, David parāmi ʼãrĩturiagɯ ʼãrĩmí”, ʼrĩrĩ? 42 David, Salmos wāikɯrĩ gojadea pũgue ʼsũ ʼrĩ gojadi ʼãrĩmí:

Marĩpɯ, yɯ Opɯre ʼsũ ʼrĩmí: “Ōõ, yɯ diaye gapɯ doaka yɯ merā dorebu!

43 Irasiriripoe mɯrẽ ĩaturirārẽ mɯ dorerire tarinɯgānemobirimakũ irigɯra”, ʼrĩmí, ʼrĩ gojadi ʼãrĩmí David.✧

44 David, Cristo ñekũ ʼãrĩkeregɯ, ĩgũrẽ: “Yɯ Opɯ ʼãrĩmí”, ʼrĩdi ʼãrĩmí. ¿Nasirigɯ, Cristo, David parāmi ʼãrĩturiagɯ ʼãrĩkeremakũ, David ĩgũrẽ irasũ ʼrĩyuri? ʼrĩyupɯ Jesús.

*Jesús, Moisés gojadeare buerimasārẽ: “Ñerõ yáa”, ʼrĩ weresādea  
(Mt 23.1-36; Mr 12.38-40; Lc 11.37-54)*

45 ʼãrĩpererā masaka péurogue Jesús ĩgũ buerārẽ ʼsũ ʼrĩyupɯ:

46 –Moisés gojadeare buerimasā ñerõ iririre õārõ pémasĩka! Oparā irirosũ surí yoari sãña, masaka ĩũrõgue waagorenama. Makā dekoguere masakare õārõ bɯremurĩ merā bokatĩrĩ õādoremakũ gāāmema. Nerẽrĩ wiiriguere ñajārā, õārĩ doaripẽrĩgue dita doadɯama. Bosenɯrĩ ʼãrĩmakũdere oparā doariguge dita doadɯama. 47 Wapiweyarā nome wajamomakũ ĩā, ĩgũsāya wiirire ēmanokõāma. ĩgũsārẽ bopoñarĩ merā ĩābirikererā, yoaripoe Marĩpɯre sērẽ ĩmukatoma, masaka ĩgũsārẽ: “Marĩpɯre õārõ bɯremuma”, ʼrĩburo, ʼrĩrā. ĩgũsā irasiriri waja Marĩpɯ ĩgũsārẽ gajirā nemorõ wajamoāgɯkumi, ʼrĩyupɯ Jesús.

## 21

### *Wapiweyo bopogo Marĩpaya wiigue niyeru koeri sãdea (Mr 12.41-44)*

<sup>1</sup> Jesús Marĩpaya wiigue ããrĩgú, iri wiima ĩgúsã ãmuburi niyeru neeõrĩ kũmague wári doebiri opará ĩgúsã niyeru sãmakũ ĩãyupu. <sup>2</sup> Sugo wapiweyo bopogode iri kũmague pe koegã, mérõgã wajakuri koerigãrẽ sãmakũ ĩãyupu. <sup>3</sup> Iri koerire igo sãmakũ ĩãgũ, ãsũ ãrĩyupu:

—Diayeta mũsãrẽ werea. Igo wapiweyo bopogo i kũmague niyeru sãgõ, Marĩpaya ĩũrõ gajirã ããrĩpererã ĩgúsã sĩadero nemorõ sãamo. <sup>4</sup> Gajirã wári doebiri opará wáro sĩkeremakũ, ĩgúsãya wáro dũyáa. Igo gapu bopogo ããrĩkerego, igo baari wajariboadeare sĩpeokõãmo Marĩpure bũremugõ, ãrĩyupu.

### *Jesús Marĩpaya wiire béoburimarẽ werede (Mt 24.1-2; Mr 13.1-2)*

<sup>5</sup> Surãyeri ĩgũ buerã Marĩpaya wiimarẽ ĩãrã, ãsũ ãrĩñurã:

—Õãrĩ ãtãyeripa merã iridea wii ããrã. Masaka iri wiire ĩgúsã sĩdeade õãrĩ ããrã, ãrĩñurã. ĩgúsã irasũ ãrĩmakũ pégu, Jesús ĩgúsãrẽ ãrĩyupu:

<sup>6</sup> —Mũsã i wiimarẽ dapagorare ĩãdáa. Sunu i wiima ããrĩpereri marĩ ĩãdea, i ãtãyeride mutãdijapereakõãrokoa. Neõ suye ãtãye gajiye weka weamũrĩadeade dujabirikoa, ãrĩyupu.

### *Jesús: “I mũmũ pereburi dupiyuro ãsũ waarokoa”, ãrĩ werede (Mt 24.3-28; Mr 13.3-23)*

<sup>7</sup> ĩgũ irasũ ãrĩmakũ pérã, ĩgũrẽ sërẽñañurã:

—Gũare buegu, ¿naásũ ããrĩmakũ mũ ãrãderosũ waarokuri? ¿Ñeeno iri ĩmugukuri, iri irasũ waaburi dupiyuro? ãrĩñurã.

<sup>8</sup> Jesús yũjũyupu:

—Õãrõ pémasĩka! Gajirã wárã ãrĩkatorimasã aarirãkuma. “Yũ Marĩpaya iriudi, Cristo ããrã”, ãrĩrãkuma. “Dapagorare i mũmũ pereburo aarisiáa”, ãrĩrãkuma. ĩgúsã ãrĩkatorire pébirikõãka! <sup>9</sup> Masaka mũsã pũro gãmewějērĩrẽ pérã, gajirogue marã ĩgúsã oparãrẽ béori kerere pérã, gũkabirikõãka! I mũmũ pereburi dupiyuro irasũ waapũrorirokoa. Irasũ waakeremakũ, i mũmũ pereburo dũyarokoa dapa, ãrĩyupu.

<sup>10</sup> Irasũ ãrĩ odo, ĩgúsãrẽ ãsũ ãrĩnemoyupu doja:

—Su bumarã, gaji bumarã merã gãmewějērãkuma. Su nikũ marã, gaji nikũ marã merã gãmewějērãkuma. <sup>11</sup> Wári makãrĩguere nikũ bũro ñomerokoa. Masaka wárã ãaboari merã boarãkuma. Pũrĩrikuri merã ñerõ tarirãkuma. Mũugasiguere bũro goeri, wári gajino deyoarire ĩãrã, masaka bũro gũirãkuma.

<sup>12</sup> I ããrĩpereri irasũ waaburo dupiyuro mũsã yũre bũremurĩ waja gajirã mũsãrẽ ñeã, ñerõ irirãkuma. Irasirirã marĩ judío masaka nererĩ wiirigue mũsãrẽ weresã, peresu irirãkuma. Makãrĩ marã opará pũroguere ãĩãnarãkuma mũsãrẽ wajamoãdorerã. <sup>13</sup> ĩgúsã iroguere mũsãrẽ ãĩjamakũ, mũsã gapu Marĩpaya õãrĩ kerere wererãkoa ĩgúsãrẽ. <sup>14</sup> ĩgúsã mũsãrẽ opará pũroguere ãĩwãgãmakũ ĩãrã, oparãrẽ yũjũburire gũñarikũbirikõãka! “¿Naásũ ãrĩrãkuri ĩgúsãrẽ?” ãrĩ gũñarikũbirikererãta ããrĩka! <sup>15</sup> Mũsã werenĩmakũ iritamugũra. Mũsãrẽ irasũ iritamugũ, masĩrĩ merã õãrĩ werenĩrĩ merã weremakũ irigũra. Mũsã irasũ weremakũ pérã, mũsãrẽ ĩãturirã gapu mũsã werenĩrĩrẽ bokatĩũbirikuma. “Iri diaye ããrĩbea”, ãrĩmasĩbirikuma. <sup>16</sup> Surãyeri mũsã pagusãmarã, mũsã pagupũrã, mũsãya makã marã, mũsã merãmarãde mũsãrẽ oparãguere wějẽdorerã wiarãkuma. Irasirirã mũsãrẽ surãyerire wějẽrãkuma. <sup>17</sup> Yũre mũsã bũremurĩ waja ããrĩperero marã masaka mũsãrẽ ĩãturi doorãkuma. <sup>18</sup> ĩgúsã irasirikeremakũ, sudagã mũsãya poadagã neõ dederibirikoa. <sup>19</sup> Irasirirã mũsãrẽ ñerõ irikeremakũ, yũre bũremurĩrẽ pirimerã, Marĩpaya pũroguere perebiri okari oparãkoa.

<sup>20</sup> 'Irasirirā wárā surara Jerusalén turo gãmegorobiatúmakū ìārā, iri makārē ìgūsā béoburo mérōgā ðuyáa, ārī masīrākoa. <sup>21</sup> Irasū waamakū ìārā, Judea nikūgue āārīrā ūtāyukugue ūmaduriburo. Jerusalēgue āārīrāde iri makārē wiriburo. Iri makā turo āārīrā Jerusalēguere dupaturi goedujáabirikōāburo. <sup>22</sup> Irasū waarinurī Marīpū ñerārē wajamoārīnurī āārīrokoa. Irasiro āārīpereri ìgūya werenīrī gojadea pūgue gojaderosūta waarokoa. <sup>23</sup> I nikū marā buro pūrīrō péñarākuma. Marīpū ìgūsārē buro wajamoāgukumi. Irasū waamakū, nijīpagosā nome, ìgūsā pūrā mirīrāgā oparā nomede buro ñerō tarīrākuma. <sup>24</sup> Surāyeri i makā marā gãmewējērōgue boarākuma. Boamerā gapure āārīpereri nikūgue āīwāgā, peresu irirākuma. Judío masaka āārīmerā Jerusalērē ñerō irirākuma. Irasirirā iri makā marārē tarinūgārākuma. Marīpū, judío masaka āārīmerārē: “Iri makā marārē neō opabirikōāka pama!” ārīmakūgue opaduūrākuma.

*Jesús i ūmūgue ìgū dupaturi aariburire weredeá*

(Mt 24.29-35, 42-44; Mr 13.24-37)

<sup>25</sup> 'I ūmū pereburi dupiyuro abe ūmūmū, abe ñamimū, neñukāde deyori gor-awayuakōārākuma. Wádiya turaro busuri, makūrī nikūguere buro ejarokoa. Irasirirā i ūmū marā āārīpererā buro gūkari merā diaye gūñamasībirikuma. <sup>26</sup> Ūmarōgue marā turarā naradari merā béosūrākuma. Irasū waamakū ìārā, masaka i ūmū pereburire: “¿Aarisiakuri?” ārī gūñarā, buro gūiri merā kōmorā irirosū neō gūñajabirikuma. <sup>27</sup> Irasū waaripoere masaka yū āārīpererā tīgū, wáro Marīpū turari merā, ìgū gosesiriri merā ñimikāyebogue i nikūguere yū dupaturi aarimakū ìārākuma. <sup>28</sup> Yū ārīderosūta iri goerire waapurorimakū ìārā, mūsā yaará āārīrā gūibirikōāka! Gūñaturari merā ūmūgasigwe ìāmuka! Mérōgā ðuyáa, Marīpū mūsārē pereburi peamegue waabonerārē tauri ejaburo, ārīyupū Jesús.

<sup>29</sup> Irasū ārī odo, i keori merā ìgūsārē werenemoyupū:

—Higueragū, o gajigū yukū noó gāāmedire ìāka! <sup>30</sup> Irīgū pū maamamakū ìārā: “Bojori waaburo mérōgā ðuyáa”, ārī masīa. <sup>31</sup> Irīgū waarósūta i āārīpereri yū ārīrī irasū waamakū ìārā: “Marīpū ìgūyarārē doreri aariburo mérōgā ðuyáa”, ārī masīrākoa. <sup>32</sup> Diayeta mūsārē werea. I ūmū marā boapereburo dupiyuro i āārīpereri yū ārīrī irasū waarokoa. <sup>33</sup> Ūmūgasi, i nikūde pereakōārokoa. Yū werenīrī gapū neō perebirikoa. Āārīpereri yū ārīrīosūta waayuwarikūrokoa.

<sup>34-35</sup> 'Yū dupaturi aariburinūrē neō masībea mūsā. Irasirirā oārō pémasīka! Bosenuārērē irirā, ñerērē iribirikōāka! Mejābirikōāka! I ūmūmarē buro gūñarikūbirikōāka! Mūsā ire irasirimerā, gūñaña marīrō i ūmūguere yū aarimakū ìārā, gūkabirikoa. Waibū gūñaña marīrō weadeadague ìgū meésiajarosūta gūñaña marīrō yū aaririnū masakare āārīpereri nikū marārē waarokoa. <sup>36</sup> Irasirirā oārō pémasīrī merā yūka! Marīpure āsū ārī sērēnikōāka! “I ūmū peremakū, gūare iritamuka! Turarire sīka, gūare oārō tariburo, ārīgū! Irasirirā gūa āārīpererā tīgūrē gūiro marīrō bokatīrīrākoa”, ārī sērēka ìgūrē! ārīyupū Jesús.

<sup>37</sup> Jesús ūmūrikū Marīpūya wiigwe buenayupū. Ñamirikū bue odogū, Olivos wāikūdi ūtāūgue waa, irogue āārīboyoanayupū. <sup>38</sup> Boyoripoe āārīmakū, āārīpererā masaka Marīpūya wiigwe ìgū buerire pērā waanañurā.

## 22

*Judas Iscariote Jesúre wējēduarāguere ìgūrē ñmuburire āmudea*

(Mt 26.1-5, 14-16; Mr 14.1-2, 10-11; Jn 11.45-53)

<sup>1</sup> Iripoere judío masaka pā wemasārī morēña marīrī baari bosenu, mérōgā ðuyayuro. Iri bosenu pascua wāikūyuro. <sup>2</sup> Paía oparā, Moisés gojadeare buerimasā Jesúre wējēduarā: “¿Nasiri ìgūrē wējērākuri marī?” ārīñurā. ìgūsā Jesúre wējēduakererā, masakare gūñurā.

<sup>3</sup> Iripoere wātī, Judas Iscariote wāikuguguerē ñajāyupũ ñerō iridoregũ. Judas, Jesús buerā pe mojōma pere su gubu peru pērēbejarā watopemũ āārādiyupũ. <sup>4</sup> Wātī ñajādero pũũ, Judas paía oparā, Marīpũya wiire korerā surara oparā pũro waayupũ. Irogue eja, ĩgũ Jesúre ĩmuburire ĩgūsā merā wereniyupũ. <sup>5</sup> ĩgũ irasũ āāĩmakũ pérā, usuyari merā: “ĩgūrē mũ gũare ĩmumakũ, mūrē niyeru wajarirākoa”, āāĩñurā. <sup>6</sup> Judas: “Jáũ”, āāĩ, pũũ: “¿Naásũ āāĩmakũ, masaka ĩāberogue oparāguere yũ Jesúre wiamakũ ōārokuri?” āāĩ gũñayupũ.

*Jesús ĩgũ buerā merā baatũnudea*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Pũũ pā wemasāĩ morēña marĩĩ baari bosenu āāĩñugārĩñũ āāĩyuro. Irinũ pascua bosenu iririnũ āāĩmakũ, Marĩpũ ĩūrō oveja majĩgūrē ĩgūsā wējērĩñũ āāĩyuro. <sup>8</sup> Irinũta Jesús Pedrore, Juārē āsũ āāĩ iriyupũ:

—Marĩ pascua bosenu baaburire āmurā waaka!

<sup>9</sup> ĩgũ irasũ āāĩmakũ pérā, āsũ āāĩ sērēñañurā:

—¿Noógue marĩ pascua bosenu baaburire āmumakũ gāāmekuri? āāĩñurā.

<sup>10-11</sup> Jesús ĩgūsārē yũjuyupũ:

—Jerusalégue waaka! Irogue sugũ dekosoro kōāwāgāgūrē bokajarākoa. ĩgūrē tũyaka! ĩgũ ñajāri wiigüe ejarā, iri wii opũre: “Gũare buegũ, āsũ āāĩ sērēñadoreami: ‘¿Díĩ taribugue yũ buerā merā i pascua bosenu baa gũkuri?’ āāĩmi”, āāĩka! <sup>12</sup> Mũsā irasũ āāĩmakũ pé, wári taribu, āmarōgue ĩgūsā āmu odoadea taribure ĩmugũkumi. Irogue marĩ baaburire āmuka! āāĩyupũ Jesús.

<sup>13</sup> Irasirirā iri makāgue waa, irogue eja, Jesús wereaderosũta bokaja, pascua bosenu baaburire āmuñurā.

<sup>14</sup> ĩgūsā baaripoe ejamakũ, Jesús ĩgũ buerā pe mojōma pere su gubu peru pērēbejarā merā baa doanĩyupũ. <sup>15</sup> Irogue baa doanĩgũ, ĩgūsārē āāĩyupũ:

—Yũ boaburo dupiyuro i pascua bosenu baarire mũsā merā bũro baadũāa. <sup>16</sup> Mũsārē werea. I bosenu marĩ dapagora irirosũ yũ dupaturi neō irinemobirikoa. Pũũ Yũpũ ĩgũyarārē dorerogue dupaturi iriyuwarikũgũkoa, āāĩyupũ.

<sup>17</sup> Irasũ āāĩ odo, iirĩripare āĩ, Marĩpũre: “Mūrē usuyari sĩa”, āāĩ, ĩgūsārē āsũ āāĩyupũ:

—Ire āĩ, dukawa iirĩka! <sup>18</sup> Mũsārē werea. I igui dekore marĩ dapagora iirĩrosũ yũ dupaturi neō iirĩnemobirikoa. Yũpũ ĩgũyarārē doreri ejadero pũrugue dupaturi iirĩgũkoa doja, āāĩyupũ.

<sup>19</sup> Pũũ pārē āĩ, Marĩpũre: “Mūrē usuyari sĩa”, āāĩ, pārē pea, ĩgūsārē āsũ āāĩ guereyupũ:

—I yaa dũpũ āārā. Yũ mũsā ñerō iridea waja boagũkoa. Irasirirā mũsā dapagora iriaderosũ nerē, pārē baarikũ, yũ mũsārē boabosarire gũñaka! āāĩyupũ.

<sup>20</sup> ĩgūsā baa odoadero pũũ, pārē āāĩaderosũta iirĩripadere āĩ, ĩgūsārē āsũ āāĩyupũ:

—Yũ mũsārē boabosagũ, yaa dí béori merā Yũpũ mũsārē: “Ōārō irigũra”, āāĩdeare iriyuwarikũgũkoa.

<sup>21</sup> Dapagorare yũre wējēduarāguere yũre ĩmubu ōō yũ merā baa doanĩmi. <sup>22</sup> Marĩpũ āāĩaderosũta yũre āāĩpererā tĩgūrē waaró yāa. Yũre ĩmubu gapũre ñetariro waarokoa, āāĩyupũ.

<sup>23</sup> ĩgũ irasũ āāĩmakũ pérā, ĩgūsā basi āsũ āāĩ gāme sērēñañurā:

—¿Noā marĩ watopēguere irasiribukuri? āāĩñurā.

*Jesús buerā: “Marĩ watopere, ¿noā āāĩpererā nemorō āāĩgũkuri?” āāĩ guaseodea*

<sup>24</sup> Pũũ Jesús buerā āsũ āāĩ gāme guaseoñurā:

—Marĩ watopere, ¿noā āāĩpererā nemorō āāĩgũkuri? āāĩñurā.

<sup>25</sup> Jesús gapũ ĩgūsārē āāĩyupũ:

—I nikũ marā oparā Marĩpũre bũremumerā gapũ ĩgūsāyarārē dorerā, turaro merā dorema. Irasirirā ĩgūsā oparārē: “Masakare ōārō iritamurā āāĩma”, āāĩma. <sup>26</sup> Mũsā

tamerã i nikũ marã oparã irirosũ iribirikõãka! Æsũ gapu irika! Musã watopeguere sugu gajirã nemorõ ããrĩdũagu, musã nemorõ ubu ããrĩgũ maamu irirosũ ããrĩburo. Musãrẽ doredũagu, moãboegu irirosũ musãrẽ iritamugũ ããrĩburo. <sup>27</sup> Musã gũñamakũ, ¿niino gapu gajigu nemorõ ããrĩgũ ããrĩrĩ? ¿Baa doanígũ gapu, o ãgũrẽ baari ejogu gapu ããrĩrĩ? Æsũ ããrã. Baa doanígũ gajigu nemorõ ããrĩmi. Yu gapu musã watopegue ããrĩgũ, musãrẽ moãboegu irirosũta musãrẽ iritamugũ aaribũ.

<sup>28</sup> Masaka yure ñerõ irikeremakũ, musã yu merã ããrĩníkõãbu. <sup>29</sup> Irasirigu, Yuru yure ãgũyarã Opu píderosũ, yu musãdere oparã sóogura. <sup>30</sup> Irasirirã, yu ãgũyarã Opu ããrĩrõgue musãde, yu merã iiri, baa doanírãkoa. Irogue musã pe mojõma pere su gubu peru pẽrẽbejari oparã doarire doarãkoa. Irasirirã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa, ãrĩyuru.

*Jesús Pedrose: “Yure masĩkeregu: ‘Masĩbea’, ãrĩgũkoa”, ãrĩ weredea  
(Mt 26.31-35; Mr 14.27-31; Jn 13.36-38)*

<sup>31</sup> Irasũ ãrĩ odo, marĩ Opu Jesús Pedrose ãsũ ãrĩyuru:

—Simón, yure péka! Wãtẽa opu Satanás Yurure sãrẽadami, trigo gasirire koro, yusasiribéoro irirosũ musãrẽ yure buremurĩrẽ pirimakũ iridũagu. <sup>32</sup> ãgũ irasũ iridũakeremakũ, yu gapu m̃ya ããrĩburire Yurure sãrẽbosabu, mu yure buremurĩrẽ piribirikõãburo, ãrĩgũ. Irasirigu yure dupaturĩ õãrõ gũñaturadero puru, m̃yarã yure buremurãrẽ gũñaturamakũ irika! ãrĩyuru.

<sup>33</sup> ãgũ irasũ ãrĩmakũ pégu, Pedro ãrĩyuru:

—Yu Opu, murẽ peresu irirã, yudere mu merãta peresu iriburo. Murẽ wẽjẽrã, yudere mu merãta wẽjẽburo, ãrĩyuru.

<sup>34</sup> Jesús ãgũrẽ ãrĩyuru:

—Pedro, murẽ werea. Dapagã ñami ãgãbo wereburo dupiyuro yure masĩkeregu urea gajirãrẽ: “Masĩbea”, ãrĩkatogakoa, ãrĩyuru.

*Jesúre ãgũsã ñeãburo dupiyuro waadea*

<sup>35</sup> Irasũ ãrĩ odo, Jesús ãgũ buerãrẽ ãsũ ãrĩ sãrẽñayuru doja:

—¿Sõõ ããrĩdeapoere musã niyeru, surĩ ããrĩ ajuri, gubu surĩ opamerã musãrẽ yu iriudeapoere ñeãnorẽ gããmenemorĩ?

—Neõ gajino gããmenemobiribu, ãrĩ yuñũrã.

<sup>36</sup> ãgũsã irasũ ãrĩmakũ, ãrĩyuru doja:

—Dapagora gapure surĩ, niyeru ããrĩ ajuri oparã, irire ããka! Musãrẽ sareri majĩrĩ marĩmakũ ããrã, musãya surĩ wekamarẽ dua, su majĩ wajarika! <sup>37</sup> Ire musãrẽ werea. Marĩp̃ya werenĩrĩ gojadea pũgue gojaderosũta yure waaró yáa. Æsũ ãrĩ gojasũdero ããrĩbũ: “ ãgũde ñegũ irirosũ ñerã watopeguere ããrĩdi ããrĩmi’, ãrĩsũgukumi”, ãrĩ gojasũdero ããrĩbũ, ãrĩyuru. ãgũ irasũ ãrĩmakũ pẽrã, ãgũ buerã ãgũrẽ ãrĩñurã:

<sup>38</sup> —Gua Opu, pe majĩ sareri majĩrĩ opãa, ãrĩñurã.

—Õãsiáa, ãrĩ yuñyuru Jesús.

*Jesús Getsemanigue Marĩp̃re sãrẽdea  
(Mt 26.36-46; Mr 14.32-42)*

<sup>39</sup> Puru Jesús ãgũ irinarõsũ Olivos wãikudi ãtãũgue waakõãyuru. ãgũ buerãde ãgũ merã waañurã. <sup>40</sup> Irogue ejagu, Jesús ãgũsãrẽ ãrĩyuru:

—Marĩp̃re sãrẽka, wãtĩ ãrĩmesãrĩrẽ iribukoa, ãrĩrã, ãrĩyuru.

<sup>41</sup> Irasũ ãrĩ odo, ãgũ suguta yoawayaro waa, ñadukupuri merã ejamejãja, Marĩp̃re ãsũ ãrĩ sãrẽyuru:

<sup>42</sup> —Au, yu ñerõ tariburire taudũagu, tauka! Yu irasũ ãrĩkeremakũ, yu gããmerõsũ iribirikõãka! Mu gããmerõsũ gapu yure waaburo, ãrĩyuru.

<sup>43</sup> Īgū irasū āřĩmakū, Marĩpũre wereboegũ ãmũgasigue ããrãdi Jesũre deyoayupũ ĩgũrẽ gũñaturamakū irigũ. <sup>44</sup> Jesũs bũro pũrĩsũgũ Marĩpũre sãrẽadero nemorõ ĩgũrẽ sãrẽnemoyupũ doja. Īgũ ñajãsuririta dí yeri pagayeri wiri, yebague yuriyuro.

<sup>45</sup> Marĩpũre irasū āřĩ sãrẽ odo, wãgãnũgã, ĩgũ buerã pũrogue ejagũ, bũro bujawereri merã kãrĩrãrẽ bokajayupũ. <sup>46</sup> Irasirigũ ĩgũsãrẽ āřĩyupũ:

—¿Nasirirã kãrĩrĩ? Yobeka! Marĩpũre sãrẽka, wãtĩ āřĩmesãrĩrẽ iribukoa, āřĩrã, āřĩyupũ.

*Jesũre ñeãwãgãdea*

*(Mt 26.47-56; Mr 14.43-50; Jn 18.2-11)*

<sup>47</sup> Īgũ irasū āřĩ wereripoe masaka wãrã ejañurã. Judas pe mojõma pere su gubu peru pẽrẽbejarã buerã watopemũ ããrãdi masakare dupiyuyupũ. Jesũs pũro eja, ĩgũrẽ bokatĩrĩ, ĩgũya wayupãrãrẽ mimiyupũ. <sup>48</sup> Īgũ irasū mimimakū ĩãgũ, Jesũs gapũ ĩgũrẽ āřĩyupũ:

—Judas, ¿yũre ããrĩpererã tĩgũrẽ yũre ĩãturirãguere wiagũ, yaa wayupãrãrẽ mimirĩ mũ? āřĩyupũ.

<sup>49</sup> Īgũ irasū āřĩmakū, Jesũs buerã ĩgũrẽ masaka ñeãburire masĩrã: “Gũa Opũ, ¿gũa sareri majĩrĩ merã ĩgũsã merã gãmekẽãsi?” āřĩñurã.

<sup>50</sup> Irasū āřĩ, sugũ Jesũs buegũ ĩgũya sareri majĩ merã paía opũre moãboagũre diaye gapũma gãmipũrẽ dititã dijukõãyupũ. <sup>51</sup> Īgũ irasirimakū ĩãgũ, Jesũs āřĩyupũ:

—Iropata irika! Inorẽ irinemobita! āřĩyupũ.

Āřĩ odo, gãmipũ ããrãderore moãñayupũ. Īgũ moãñamakū, ĩgũya gãmipũ õãkõãyuro doja.

<sup>52</sup> Irasiri odo, ĩgũrẽ ñeãmurãrẽ: paía oparãrẽ, Marĩpũya wiire korerã surara oparãrẽ, judío masaka mũrãdere āřĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aarĩri? <sup>53</sup> Ĕmũrikũ Marĩpũya wiigue mũsã merã yũ ããřĩmakū, yũre neõ ñeãbiribũ. Irasū ããřĩkeremakū, dapagora mũsã yũre ñerõ iriripoe ejasiãa. Wãtĩ naĩtĩãrõgue ããřĩgũ mũsãrẽ dorerire irirã yãa mũsã, āřĩyupũ.

*Pedro Jesũre masĩkeregũ: “Masĩbea”, ãrĩdea*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Pũrũ Jesũre ñeã, paía opũya wiigue ãĩãñurã. ĩgũsã ĩgũrẽ ãĩãmakū, Pedro ĩgũsãrẽ yoaweyarogue tũyayupũ. <sup>55</sup> Irogue ejarã, makãpũro ñajãrõma yeba dekogue peame diiũñurã. Irasirirã irime tũro sũma doanĩñurã. Pedro ĩgũsã pũro eja, ĩgũsã watopegue doayupũ. <sup>56</sup> Sugo moãboerimasõ, ĩgũ peame tũro doamakū ĩãgõ, ĩgũrẽ õãrõ ĩã, gajirãrẽ ãsũ āřĩ wereyupo:

—Ĩde ĩgũ merã ããrĩdita ããrãmi, āřĩyupo.

<sup>57</sup> Igo irasū āřĩmakū pãgũ, Pedro āřĩkatori merã:

—Yũ ĩgũrẽ neõ masĩbea, āřĩ yũjũyupũ. <sup>58</sup> Mẽrõgã pũrũ gajigũ ĩgũrẽ ĩã, ãsũ āřĩyupũ:

—Mũde Jesũs buerã merãmũta ããrã, āřĩyupũ.

—Neõ ããřĩbea yũ, āřĩyupũ Pedro.

<sup>59</sup> Su hora pũrũ gajigũ gajirãrẽ ãsũ āřĩ wereyupũ:

—Ĩĩ diayeta ĩgũ merã ããrĩdita ããřĩmi. Galileamũta ããřĩmi, āřĩyupũ.

<sup>60</sup> Īgũ irasū āřĩmakū, Pedro yũjũyupũ:

—Yũ, mũ werenĩgũrẽ masĩbea, pẽmasĩbirikoa, āřĩyupũ.

Īgũ irasū āřĩripoeta ãgãbo wereyupũ. <sup>61</sup> Īgũ weremakū, marĩ Opũ Jesũs yoaweyarogue ããřĩgũ Pedore ĩã gãmeuyupũ. Īgũ irasū ĩãmakū, Pedro, Jesũs ĩgũrẽ: “Dapagã ñami ãgãbo ĩgũ wereburo dupiyuro mũ yũre masĩkeregũ, urea: ‘Masĩbea’, āřĩkatogũkoa”, āřĩdeare gũñabokayupũ. <sup>62</sup> Irire gũñaboka, wiria, bujawereri merã bũro oreyupũ.

*Jesũre ñerõ iri bũridadea*

*(Mt 26.67-68; Mr 14.65)*



<sup>63</sup> Jesúre korerã surara ãgũrẽ burida, páñurã. <sup>64</sup> Irasũ ãgũrẽ párã, suríro gasiro merã ãgũya koyere suabiato:

—¿Noã murẽ pári? Áñibokaka! ãñĩñurã.

<sup>65</sup> Wári gaji ñerõ ãñĩ buridañurã.

*Jesúre opará p̄rogue ãñide*

(Mt 26.59-66; Mr 14.55-64; Jn 18.19-24)

<sup>66</sup> Gajinũ gapũ boyodujimejãripoe judío masaka murã, paía opará, Moisés gojadeare buerimasãde nerẽñurã. Pũũ ãgũsã nerẽrõgue Jesúre ãñja, ãsũ ãñĩ sãrẽñãñurã:

<sup>67</sup> —Wereka gũare! ¿Mũ, Marĩpũ iriudi Cristota ãñĩrĩ? ãñĩñurã.

Jesús ãgũsãrẽ yũjũyũpũ:

—Mũsãrẽ: “Yũ ãgũta ãñãrã”, ãñĩmakũ, yũre bũremubirikoa. <sup>68</sup> Mũsãrẽ gajinorẽ yũ sãrẽñãmakũ, yũre yũjubirikoa. <sup>69</sup> Mũsã yũre bũremubirikeremakũ, mérõgã pũũ Yũpũ turatarigũ yũre ãñĩpererã tĩgũrẽ ãgũ diaye gapũ doamakũ irigũkumi, ãñĩyũpũ.

<sup>70</sup> ãgũ irasũ ãñĩmakũ pérã, ãñĩpererã ãgũrẽ sãrẽñãñurã:

—¿Irasũ ãñĩgũ, Marĩpũ magũta ãñĩrĩ mũ? ãñĩñurã.

—ãgũta ãñãrã mũsã ãñĩrõsũta, ãñĩ yũjũyũpũ Jesús.

<sup>71</sup> ãgũ irasũ ãñĩmakũ, ãsũ ãñĩñurã:

—Nasirimurã gajirã ãgũrẽ weresãrĩrẽ pẽnemobirikoa marĩ! ãgũ werenĩrĩrẽ marĩ basita pésiãa, ãñĩñurã.

## 23

*Jesúre Pilato p̄ro ãñjade*

(Mt 27.1-2, 11-14; Mr 15.1-5; Jn 18.28-38)

<sup>1</sup> Irasũ ãñĩ odo, ãñĩpererã wãgãñũgã, Jesúre opũ Pilato wãĩkũgũ p̄rogue ãñĩñurã. <sup>2</sup> Jesúre irogue ãñjarã, ãsũ ãñĩ weresãñũgãñurã:

—Ĩĩ marĩya nikũ marãrẽ ñerõ iridoremakũ péabu. Romano marã opũ niyeru wãjasearire: “Wajaribirikõãka!” ãñĩrĩrẽ péabu. Gajidere: “Yũ judío masaka Opũ, Cristo ãñãrã”, ãñãmi, ãñĩñurã.

<sup>3</sup> ãgũsã irasũ ãñĩmakũ pégu, Pilato Jesúre sãrẽñayũpũ:

—¿Mũta ãñĩrĩ, judío masaka Opũ?

—Mũ ãñĩrõsũta ãgũta ãñãrã, ãñĩ yũjũyũpũ Jesús.

<sup>4</sup> ãgũ irasũ ãñĩmakũ, Pilato paía oparãrẽ, masaka irogue ãñĩrĩrãrẽ ãñĩyũpũ:

—Ĩĩrẽ neõ ñerĩ iridea máa, yũ ãñmakũ, ãñĩyũpũ.

<sup>5</sup> ãgũ irasũ ãñĩkeremakũ, ãgũsã gapũ bũro weresãñemoñurã:

—ãgũ bueri merã masaka oparãrẽ tarinũgãmakũ iriami. Galilea nikũgue irire irinũgãmi. Dapagorare i makãguedere irasũta irigũ ejãami, ãñĩñurã.

*Jesúre Herodes p̄ro ãñjade*

<sup>6</sup> ãgũsã irasũ ãñĩmakũ pégu, Pilato gapũ sãrẽñayũpũ:

—¿Ĩĩ Galileamũta ãñĩrĩ? ãñĩyũpũ.

<sup>7</sup> “Iromũta ãñĩmi”, ãñĩ, ãgũsã yũjũmakũ pégu, Pilato surarare: “Jesúre Galilea nikũ marã opũ Herodes p̄ro ãñãka!” ãñĩyũpũ. Iripoere Herodes Jerusalẽgue ãñĩyũpũ. <sup>8</sup> Iro dupiyuro Herodes Jesús iridea kerere pédi ãñĩmĩ. Irasirigũ yoaripoe ãgũrẽ bũro ãñduagu iriadiyũpũ. Jesús ãgũ turari merã iri ãñmũmakũ ãñduagu iriadiyũpũ. Irasirigũ ãgũ p̄ro ãgũsã Jesúre ãñjamakũ ãñgũ, bũro mũũyayũpũ. <sup>9</sup> Wári Jesúre sãrẽñadiyũpũ. ãgũ sãrẽñakeremakũ, Jesús gapũ ãgũrẽ neõ yũjubiriyũpũ. <sup>10</sup> Paía opará, Moisés gojadeare buerimasãde Herodes p̄ro ejanerã, Jesúre turaro merã weresãñurã. <sup>11</sup> Pũũ Herodes ãgũya surara merã Jesúre burida, ñerõ iriñurã. ãgũrẽ buridarã, õãñĩ surírore opũyañerẽ sãñurã. Irasiri odo, Herodes:

“Īgūrē Pilato p̄rogoe āñaka doja!” āriyup̄. <sup>12</sup> Herodes, Pilato merā iro dupiyuroguere gāme ĩad̄abirinerā āārīkererā, irin̄a merā gāmes̄riñurā.

*Jesúre wējēdoredea*

*(Mt 27.15-26; Mr 15.6-15; Jn 18.39-19.16)*

<sup>13</sup> P̄ru Pilato paía oparārē, judío masaka oparārē, masakadere siiu need, <sup>14</sup> āsū āriyup̄:  
—M̄sā ĩrē ȳ p̄ro āñarā: “Ī masakare ñerō iridoremi”, ārāb̄u m̄sā ȳre. M̄sā ĩūrō, ȳ ĩrē sērēñapeob̄u. M̄sā ĩrē weresākeremakū, ĩ ñerō iridea máa, ȳ ĩāmakū. <sup>15</sup> Herodede: “Īrē neō ñerī iridea máa”, ārāyup̄. Dupaturi ĩrē ȳ p̄ro iriuañumi doja. Irasiriro ĩrē wējēdoreri máa. M̄sāde ire masā. <sup>16</sup> Irasiriḡu ȳ ĩgūrē tārādoreḡukoa. P̄ru ĩgūrē wiuḡra, ārādiyup̄ Pilato.

<sup>17</sup> Pilato, bojorik̄u pascua bosenu āārīmakū, suḡu peresugue āārādire ĩgūsā wiudoreḡure wiunayup̄. <sup>18</sup> Irasirirā, Pilato: “Jesúre wiuḡra”, ĩgū ārīmakū pérā, āārīpererā masaka suro merā āsū ārī gaguinín̄gāñurā:

—Jesúre wējēkōāka! Barrabás gap̄re wiuka! ārīñurā.

<sup>19</sup> Ī Barrabáre iro dupiyuro Jerusalēgue oparārē ĩgū béod̄adea waja, gajirārē ĩgū wējēdea waja, peresu irinerā āārīmá. <sup>20</sup> Pilato Jesús gap̄re wiud̄adiyup̄. Irasiriḡu masakare ĩgūrē wiuburire dupaturi sērēñayup̄ doja. <sup>21</sup> ĩgū Jesúre wiud̄akeremakū, ĩgūsā gaguiníadero nemorō gaguiníñurā doja:

—Curusague pábiatú wējēka ĩgūrē! Wējēkōāka ĩgūrē! ārīñurā.

<sup>22</sup> ĩgūsā irasū ārīmakū, Pilato urea waaró merā ĩgūsārē āsū ārādiyup̄ doja:

—¿Ñeéno ñerīre iriari ĩ, m̄sā irasū ārī gaguinímakū? Ȳ ĩāmakū, neō ĩgūrē ñerī iridea máa. Irasiriro ĩrē wējēdoreri máa. Irasiriḡu ĩgūrē tārādore, wiuḡra, ārādiyup̄.

<sup>23</sup> ĩgū irasū ārīmakū, masaka, paía oparāde b̄ro gaguinínemo: “Curusague pábiatú wējēka ĩgūrē!” ārīñurā. Pilato, ĩgūsā irasū ārī gaguinímakū neō bokatīñurā: “M̄sā gāāmerō irika!” āriyup̄. <sup>24</sup> Irasiriḡu, ĩgūsā ārīrōsūta Jesúre curusague pábiatú wējēdoreyup̄. <sup>25</sup> P̄ru ĩgūsā sērērōsūta Barrabáre peresugue āārīgūrē, oparārē béod̄adire, masakare wējēdi gap̄re wiuyup̄. Irasiri odo, Pilato: “M̄sā gāāmerōsū irika Jesúre!” āriyup̄.

*Jesúre curusague pábiatúdea*

*(Mt 27.32-44; Mr 15.21-32; Jn 19.17-27)*

<sup>26</sup> Jesúre curusague wējēm̄urā ĩgūsā āiwāgāripoe suḡu Simón wāik̄uḡu Cirene wāik̄uri makām̄u Jerusalén t̄rogoe āārādi goedujariyup̄. Irasirirā ĩgūrē bokatīñurā, ñeā, Jesús kōādea curusare kōāt̄yadoreñurā.

<sup>27</sup> Wārā masaka Jesúre waaburire ĩārā ĩgūrē t̄yañurā. ĩgūsā watopegue nome ĩgūrē ĩārā, gaguiní b̄jawereri merā oret̄yañurā. <sup>28</sup> ĩgūsā oremakū pégu, Jesús ĩgūsārē ĩāgāmeu, āsū āriyup̄:

—Jerusalén marā nome ȳre orebirikōāka! M̄sā basi, m̄sā p̄rāya āārīburire oreka!

<sup>29</sup> P̄rugue masaka ñetariro tarirākuma. Āsū ārīrākuma: “Neō p̄rākumerā, miññamerā nome āārīmakū oāt̄aribuyo”, ārīrākuma. <sup>30</sup> ĩt̄ayukure āsū ārīrākuma: “Ḡare t̄ū wējē, dedeukōāburo”, ārīrākuma. <sup>31</sup> Masaka ȳre waja opabire ñerō irimakū, waja oparā gap̄ ñetariro tarirākuma, āriyup̄.

<sup>32</sup> Jesúre āiwāgārā, p̄rā ñerō iririmasādere ĩgū merā wējēsūmurārē āiwāgāñurā.

<sup>33</sup> ĩgūsārē āiwāgārā, masak̄u dipuru boaweadea pero wāik̄urogue eja, Jesúre curusague pábiatú āiwāgūñurā. ñerō iririmasādere curusarigue pábiatú āiwāgūñurā. Suḡure ĩgū diaye gap̄u, gajiḡure ĩgū kúgap̄u pábiatú āiwāgūñurā. <sup>34</sup> ĩgūsā Jesúre curusague pábiatú āiwāgūñumakū, Jesús āriyup̄:

—Au, ĩgūsā ñerō iririre kātika! ĩgūsā ȳre irasiririre pémasībema, āriyup̄.

Surara ĩgũ suri sãñadeare: “Ubu ãrĩboka birarã: ‘¿Noãrẽ dujarokuri?’ ” ãrĩñurã irire ĩgũsã basi gãme dukawamurã. <sup>35</sup> Masaka iroque ããrĩrã ĩãníñurã. Oparãgueta Jesúre ãsũ ãrĩ buridañurã:

—Gajirã gapure taumi. Irasirigu diayeta Cristo, Marĩpu beyedi ããrĩgũ ĩgũ basi tauburo, ãrĩñurã.

<sup>36</sup> Surarade ĩgũrẽ buridañurã. ĩgũ puro waa ejanugãrã, igui deko sũĩrĩrẽ ĩgũrẽ iirídoreadiñurã. <sup>37</sup> Irire irirã, ĩgũrẽ ãsũ ãrĩñurã:

—Mũ diayeta judío masaka Opũ ããrĩgũ, mũ basi tauka! ãrĩñurã.

<sup>38</sup> “Ĩĩ ãsũ iridea waja boami”, ãrĩrã: “Ĩĩta judío masaka Opũ ããrĩmi”, ãrĩ gojadea majĩrẽ curusague ĩgũ weka pábiatũñurã. Griego ya merã, latín ya merã, hebreo ya merã gojasũyuro.

<sup>39</sup> Sugũ ñerõ iridi, Jesús merã ĩgũsã pábiatũ ãĩwãgũnúdi Jesúre ñerõ ãrĩ turiyupũ:

—Mũ diayeta Cristo ããrĩgũ, mũ baside tau, guadere tauka! ãrĩyupũ.

<sup>40</sup> ĩgũ irasũ ãrĩmakũ pégu, gajigu gapũ ĩgũrẽ ãsũ ãrĩyupũ:

—Irasũ ãrĩbirikõãka! ¿Marĩpure gũiberi irasũ ãrĩgũ? Marĩrẽ suro merã wajamoãma.

<sup>41</sup> Marĩ gapure marĩ ñerĩ iridea waja diayeta wajamoãma. ĩĩ gapũ ñerĩrẽ neõ iribi ããrĩmi, ãrĩyupũ.

<sup>42</sup> Irasũ ãrĩ odo, Jesúre ãsũ ãrĩyupũ:

—Jesús, mũyarã Opũ ñajãgũ, yũdere gũñaka! ãrĩyupũ.

<sup>43</sup> —Diayeta mũrẽ werea. Dapagãta yũ merã paraíso wãĩkurogue ããrĩgukoa, ãrĩyupũ Jesús ĩgũrẽ.

### *Jesús boadea*

*(Mt 27.45-56; Mr 15.33-41; Jn 19.28-30)*

<sup>44</sup> Pũru goeripoe ããrĩmakũ, i nikũ ããrĩpererogue naĩtĩãkõãyuro. Ure hora gora naĩtĩãyuro.

<sup>45</sup> Abede deyomarĩyupũ irasũ waaripoere. Marĩpũya wii poekama taribu makãpũro kãmutari gasiro deko merã yeguesiajakõãyuro. <sup>46</sup> Irasirigu Jesús turaro merã ãsũ ãrĩ gaguĩnĩyupũ:

—Aũ, yaa yũjũpũrãrẽ mũrẽ wiãã, ãrĩyupũ.

Irasũ ãrĩgũta, kõmoakõãyupũ.

<sup>47</sup> Romano marã surara opũ irasũ waamakũ ĩãgũ, Marĩpure usũyari sũyupũ. ãsũ ãrĩyupũ:

—Diayeta ĩĩ ñerõ iribi ããrãdañumi, ãrĩyupũ.

<sup>48</sup> ããrĩpererã masaka iro Jesúre waarĩre ĩãrã ejanerã ĩgũ boamakũ ĩãrã, burõ bujawererĩ merã ĩgũsãya koretibirire páwãgã, ĩgũsãya wiirigue dujãakõãñurã. <sup>49</sup> ããrĩpererã Jesús merãmarã, Galileague ĩgũrẽ tũyanerã nomede yoarogue Jesúre irasũ waarĩre ĩãníñurã.

### *Jesúya dũpũre masãgobegue pídea*

*(Mt 27.57-61; Mr 15.42-47; Jn 19.38-42)*

<sup>50-51</sup> Iroque sugũ José wãĩkũgũ Judea nikũmũ, Arimatea wãĩkũri makãmũ ããrĩyupũ. ĩgũ õãgũ, diayemarẽ irigu, Marĩpu ĩgũyarãrẽ doreri ejaburire yũgũ ããrĩyupũ. ĩgũ judío masaka oparã watopemũ ããrĩkeregũ, Jesúre ĩgũsã: “Wẽjẽka!” ãrĩmakũ pégu: “Jãũ”, ãrĩbiridi ããrĩmĩ. <sup>52</sup> Irasirigu Pilato pũroque waa, Jesúya dũpũre yãabu sãrẽyupũ. <sup>53</sup> Sãrẽ odo, Jesúya dũpũre curusague ããrĩrĩ dũpũre ãĩdiju, õãrĩ suri gasiro merã õmayupũ. Õma odo, ãtãyegue mádea gobegue píyupũ. Iri gobe neõ sugũ boadire yãasũña marĩrĩ gobe ããrĩyuro. <sup>54</sup> José Jesúre yáarinũ judío masaka siñajãrĩnũ ããrĩburire ĩgũsã ãmuyurĩnũ ããrĩyuro. I siñajãrĩnũ ñajãburo mérégã dũyayuro.

<sup>55</sup> Galileague Jesúre tũyanerã nome masãgobegue José waamakũ ĩãrã, waañurã. Iri gobegue Jesúya dũpũre ĩgũ pímakũ ĩãñurã. <sup>56</sup> ĩgũsã irasũ ĩãdero pũrũ, ĩgũsã ããrĩrĩ wiigue dujãakõãñurã. Dujaja, sũrõrĩrẽ ĩgũya dũpũre pípeoburire ãmuñurã. ãmu odo, siñajãrĩnũ ããrĩmakũ, Moisés dorederosũta siñajãñurã.

## 24

*Jesús masãdea**(Mt 28.1-10; Mr 16.1-8; Jn 20.1-10)*

<sup>1</sup> Semana ããrĩpuroiririnu\* ããrĩmakũ, boyodujimejãripoe ïgũsã nome dupaturi Jesúya dupure yáadea masãgobegue waañurã. ïgũsã sũrõrĩ ãmuadeare ãĩãñurã. Gajirã nomede ïgũsã merã wapikũwãgãñurã. <sup>2</sup> Irogue ejarã, iri gobe biadea ãtã majĩrẽ gajirogue oyamakũ ãñurã. <sup>3</sup> Irire ãrã, diayeta ñajãkõãñurã. Irogue ñajãjarã, neõ marĩ Opũ Jesúya dupure bokabiriñurã. <sup>4</sup> Irasirirã bũro gũka, naásũ irimasĩbiriñurã. “¿Naásũ waáayuri?” ãrĩ gũñaripoeta gũñaña marĩrõ pẽrã ãma surĩ gosesiriri sãñarã ïgũsã puro nímakũ ãñurã. <sup>5</sup> ïgũsãrẽ ãrã, bũro gũiri merã muúsiañurã. ïgũsã irasirimakũ ãrã, ãma ïgũsãrẽ ãrĩñurã:

—¿Nasirimurã boanerãrẽ yáarogue okagure ãmarĩ? <sup>6</sup> Õõrẽ mámi. Masãsiami. Gũñaka, ïgũ mũsã merã Galileague ããrĩgũ mũsãrẽ ãrĩdeare! <sup>7</sup> ãsũ ãrĩmi: “Yũ ããrĩpererã tĩgũ ããrĩgũ masaka ñerãguere wiasũgũkoa. ïgũsã yure curusague pábiatú wẽjẽmakũ, ãrenũ waarõ merã Marĩpu yure masũgũkumi”, ãrĩmi, ãrĩñurã.

<sup>8</sup> ïgũsã irasũ ãrĩmakũ pẽrã, Jesús ãrĩdeare gũñabokañurã. <sup>9</sup> Irasirirã masãgobegue ããrãnerã goedujajarã, ããrĩpereri ïgũsã ãdeare Jesús buerã pe mojõma pere su gubu suru pẽrẽbejarãrẽ wereñurã. Irasũ ããrĩmakũ, gajirãrẽ Jesúre bũremurã ããrĩpererãrẽ irire wereñurã. <sup>10</sup> Jesús buerãrẽ iri kerere wererã ejanerã nome ãsãkũ ããrĩñurã: María Magdalena, Juana, gajigo María Jacob pago, irasũ ããrĩmakũ gajirã nome ããrĩñurã. <sup>11</sup> ïgũsã ãdeare werekeremakũ, Jesús buerã gapũ bũremubiriñurã. “Irasũ ãrĩkõãrã yáma ãsã nome”, ãrĩ gũñañurã.

<sup>12</sup> Pedro gapũ masãgobegue ããgũ ãmawãgãyupũ. Iri gobegue ããgũ ejagũ, Jesúya dupure õmadea gasiro gajiro gapũ túpeodea gasiro ditare ããyupũ. Irire ããgũka: “¿Naásũ waáayuri?” ãrĩ gũña, ïgũ ããrĩrĩ wiigũ dujáakõãyupũ.

*Emaús wãĩkũri makã waarĩ maague Jesús pẽrãrẽ deyoadea**(Mr 16.12-13)*

<sup>13</sup> Jesús masãdeanũrẽta pẽrã ïgũ buerire tayarã Emaús wãĩkũri makã waarĩ maague waarã iriñurã. Emaúgue waarõ, Jerusalén merã wiriwãgãmakũ pe mojõma pere su gubu suru pẽrẽbejari kilómetro yoaro ããrĩyuro. <sup>14</sup> Maa waarã, ããrĩpereri Jesúre waadeare werenĩñurã. <sup>15</sup> Irire werenĩripoe Jesús ïgũsã puro aari, ïgũsã merã waayupũ. <sup>16</sup> ïgũ, ïgũsã merã waamakũ ããkeremakũ, gajino ïgũsãrẽ ïgũrẽ ããmasĩbirimakũ iriyuro.

<sup>17</sup> Jesús ïgũsãrẽ sãrẽñayupũ:

—¿Ñeéonorẽ werenĩrã yãri, mũsã maa waarã? ãrĩyupũ.

ïgũ irasũ ãrĩmakũ pẽrã, bũro bũjawereri merã maa deko dujanũgãñurã. <sup>18</sup> Cleofas wãĩkũgũ Jesúre ãsũ ãrĩ yũjũyupũ:

—ããrĩpererã inãrĩ Jerusalẽgue waadeare masĩma. ¿Mũ sugũta irogue ããrãdi irasũ waadeare masĩberi? ãrĩyupũ.

<sup>19</sup> ïgũ irasũ ãrĩmakũ, Jesús ïgũsãrẽ:

—¿Naásũ waáari? ãrĩyupũ.

ïgũrẽ ãrĩñurã:

—Jesús Nazaretmũrẽ ïgũsã iriadeare werenĩrã iriabũ. ïgũ Marĩpũya kerere weregu ããrãdimi. ããrĩpererã masaka ãũrõ, Marĩpu ãũrõguedere ïgũ turari sĩrĩ merã irigũ, ïgũyare weregu ããrãdimi. <sup>20</sup> Paía oparã, gajirã marĩ oparã merã ïgũrẽ wẽjẽdorerã, romano marã oparãrẽ wiáama. ïgũsã irasũ wiamakũ, curusague pábiatú wẽjẽama. <sup>21</sup> “ïgũ marĩrẽ taubu, marĩ Israel bumarã Opũ ããrĩbu, marĩ yúdi ããrĩmi”, ãrĩ gũñadibũ gũã ïgũrẽ. Irasiriro dapagã merã ãrenũ waáa, ïgũrẽ wẽjẽadero pũrũ. <sup>22</sup> Surãyeri gũã merãmarã nome, ïgũsã

\* 24:1 Semana ããrĩpuroiririnu, domingo ããrã.

wereri merã guare gukamakũ iriama. Dapagã ñamigãgora ïgũrẽ yáaderogue ejañurã. <sup>23</sup> Irogue eja, ïgũya dupure bokamerãta, gua purogue goedujajama. “Irogue guare kërõ irirosũ waamakũ, Marĩpũre wereboerãrẽ ïãbu”, ãrãma. Marĩpũre wereboerã ïgũsãrẽ: “Jesús okami”, ãrãdeadere wereama guare ïgũsã nome. <sup>24</sup> Pũru gajirã gua merãmarã ïgũrẽ yáaderogue eja, ïgũsã nome ãrãderosũta ïãñurã. ïgũsãde Jesũre ïãbirañurã, ãrĩ wereñurã Cleofasã Jesũre.

<sup>25</sup> ïgũsã irasũ ãrĩmakũ pégu, Jesús ïgũsãrẽ ãrĩyupũ:

—Mũsã pémasĩmerã ããrã. ¿Noõpa yoaripoe Marĩpũya kerere weredupiyunerã gojadeare õãrõ pémasĩrĩ merã buremubirikõãrĩ mũsã? <sup>26</sup> Marĩpũ iriudi Cristo ïgũ ãmugasigue mũrĩaburo dupiyuro, ïgũyarã Opũ ñajãburo dupiyuro ïgũrẽ ñerõ tarigukumi, ãrĩ gojanerã ããrĩmã. ¿Ire masĩberi mũsã? ãrĩyupũ.

<sup>27</sup> Jesús irasũ ãrĩ odo, Marĩpũya kerere weredupiyunerã gojadea pũgue ããrĩpereri ïgũsã ïgũrẽ gojayudeare: “Ãsũ ãrĩduaro yãa”, ãrĩ wereyupũ ïgũsãrẽ. Moisés gojadeare werenugãyupũ. Pũru ããrĩpererã Marĩpũya kerere weredupiyunerã gojadeare wereyupũ.

<sup>28</sup> Pũru ïgũsã waaró Emaúgue ejamakũ, Jesús iri makãrẽ tariwãgãgũ irirosũ iriyupũ.

<sup>29</sup> ïgũ irasũ tariwãgãmakũ ïãrã, ïgũrẽ ãsũ ãrĩñurã:

—Gua merã dujaka! Ñamikague ããrã. Naĩmejãrõgue yãa, ãrĩñurã.

Irasirigu Jesús ïgũsã merã waa, ïgũsãya wiigüe ñajãkõãyupũ ïgũsã merã dujagu. <sup>30</sup> Pũru ïgũsã merã baa doanígũ, pãrẽ ãĩ, Marĩpũre: “Mũrẽ usuyari sĩa”, ãrĩ, pãrẽ pea, ïgũsãrẽ guereyupũ. <sup>31</sup> ïgũ irasirimakũ ïãrãgueta: “Jesũta ããrĩmi”, ãrĩ ïãmasĩñurã. ïgũsã ïãmasĩmakũta, dederiakõãyupũ ïgũsãrẽ. <sup>32</sup> ïgũ irasũ dederiadero pũru, ïgũsã basi ãsũ ãrĩ gãme werenĩñurã:

—Maague ïgũ marĩrẽ: “Marĩpũya werenĩrĩ gojadeare: ‘Ãsũ ãrĩduaro yãa’”, ãrĩ werenĩmakũ pérã, bure usuyari merã: “Õãtaria”, ãrĩ péñabu, ãrĩñurã.

<sup>33</sup> Irasirirã mata Jerusalẽgue gãme dujáakõãñurã. Irogue eja, Jesús buerã, pe mojõma pere su gubu suru pẽrẽbejarã nerẽanerãrẽ, gajirã ïgũsã merãmarãdere bokajañurã. <sup>34</sup> ïgũsã ejamakũ ïãrã, iro nerẽanerã ãsũ ãrĩñurã:

—Diayeta marĩ Opũ masãñumi. Simõrẽ deyoayupũ, ãrĩñurã.

<sup>35</sup> ïgũsã irasũ ãrĩmakũ pérã, Emaúgue waanerãde ïgũsãrẽ maague waadeare wereñurã. Jesús pãrẽ pea, ïgũsãrẽ ïgũ sĩmakũ, ïgũrẽ ïãmasĩadeare wereñurã iro nerẽanerãrẽ.

### *Jesús ïgũ buerãrẽ deyoadea*

*(Mt 28.16-20; Mr 16.14-18; Jn 20.19-23)*

<sup>36</sup> ïgũsã irire irasũ ãrĩ werenĩripoe Jesús ïgũsãrẽ deyoa, ãsũ ãrĩ õãdoreyupũ:

—¿Ããrĩrĩ mũsã? Siñajãrĩ merã ããrĩrikũka! ãrĩyupũ.

<sup>37</sup> ïgũ deyoamakũ, ïãgũkakõãñurã. “Boadi yũjupũrã deyoamakũ ïãrã irikoa marĩ”, ãrĩ gũñañurã. Irasirirã bure gũñurã. <sup>38</sup> ïgũsã gũimakũ ïãgũ, Jesús ïgũsãrẽ ãrĩyupũ:

—¿Nasirirã ïãgũkari mũsã? ¿Nasirirã yũre ïãrã: “ïgũ boadi dupaturi okabiribukumi”, ãrĩ gũñarĩ mũsã? Irire gũñabirikõãka! <sup>39</sup> ïãka, yaa mojõrĩrẽ, yaa guburidere! Yũta ããrã. Yũre moãñaka! Irasirirã masĩrãkoa yũ ããrĩrĩrẽ. Sugu boadi ïgũ yũjupũrã merã deyoagu dupũ opabemi. Diĩ, gõãrĩ opabi ããrĩkumi. Yũ gapũ diĩre, gõãrĩrẽ opãa, ãrĩyupũ Jesús. <sup>40</sup> Irasũ ããrĩgũta, ïgũya mojõrĩrẽ soeu, ïgũya guburidere ïmuyupũ ïgũsãrẽ.

<sup>41</sup> ïgũsã gapũ mérõgã buremurĩ opakerrerã, bure usuyari merã: “¿Diayeta ïgũta ããrĩkuri?” ãrĩ gũñañurã.

ïgũsã irasũ mérõgã buremurĩ opamakũ, Jesús masĩkõãyupũ. Irasirigu ïgũsãrẽ sërẽñayupũ:

—¿Musã baari opari õõrê? ãrĩyupũ. <sup>42</sup> Ìgũ irasũ ãrĩmakũ pé, waaí mupũadea dukare sĩñurã. Mume dekodere ìgũrê sĩñurã baaburo, ãrĩrã. <sup>43</sup> Irire sĩmakũ, ìgũsã ìũrõ ãi baayupũ. <sup>44</sup> Baa odo, Jesús ìgũsãrê wereyupũ doja:

—Sõõ ããrĩdeapoe musã merã ããrĩgũ, yũ musãrê werederosũta dapagorare yũre waabũ. Moisés yaamarê gojaderosũta yũre waabũ. Marĩpũya kerere weredupiyunerã gojaderosũta, Salmos wãĩkũri pũrê gojanerãde ìgũsã yũre gojaderosũta waabũ. ããrĩpereri Marĩpũ ìgũsãrê irasũ gojadorederosũta yũre waabũ, ãrĩyupũ Jesús. <sup>45</sup> Irasũ ãrĩ odo, Marĩpũya werenĩrĩ gojadeare ìgũsãrê pémasĩmakũ iriyupũ. <sup>46</sup> Æsũ ãrĩyupũ:

—Iripoegue Marĩpũya kerere weredupiyunerã gojadea pũgue ãsũ gojasũdero ããrĩbũ: “Cristo, Marĩpũ iriudi boakõãgũkumi. Ìgũ boagu, urenu waaró merã masãgũkumi doja. <sup>47</sup> Ìgũ masãdero pũrũ, ìgũrê bũremurã ìgũya wãĩ, ìgũ turaro merã ããrĩpereri nikũ marãguere ìgũya kerere weregorenarãkuma. Jerusalén marãrê werepũroriwãgãrãkuma. Æsũ ãrĩ wererãkuma: ‘Musã ñerĩ iririre bujawereka! Musã gũñarĩrê gorawayuka! Irasirigu Marĩpũ musã ñerĩ irideare kãtigũkumi’”, ãrĩrãkuma, ãrĩ gojasũdero ããrĩbũ. <sup>48</sup> Musã i ããrĩpereri yũre waadeare ìãnerã ããrã. Irasirirã irire gajirãrê wererãkoa. <sup>49</sup> Yũpũ iripoegue ãrĩderosũta yũ musãrê Õãgũ deyomarĩgũrê iriugũra, ìgũ musãguere ããrĩnĩkõãburo, ãrĩgũ. Irasirirã õõ Jerusalèta dujaka dapa, ìgũ musãrê ãmũgasima turarire sĩgũ aarimakũ, ãrĩyupũ Jesús.

*Jesús ãmũgasigue mũrĩadea  
(Mr 16.19-20)*

<sup>50</sup> Pũrũ Jesús ìgũsãrê Betania wãĩkũri makã tũrogue ãĩayupũ. Irogue eja, Jesús ìgũya mojõrĩ soemu: “Yũpũ musãrê õãrõ iritamuburo”, ãrĩyupũ. <sup>51</sup> Irasũ ãrĩgũta ìgũsãrê pĩkõã, ãmũgasigue ãĩmũrĩãkõãsũyupũ. <sup>52</sup> Ìgũsã, ìgũ mũrĩãmakũ ìãrã: “Õãtarigu ããrĩmi”, ãrĩ bũremuñurã. Pũrũ bũro usũyari merã Jerusalègue goedujãakõãñurã. <sup>53</sup> Æmũrikũ Marĩpũya wiigue ìgũrê: “Õãtaria mũ”, ãrĩ, usũyari sĩnañurã.

Æsũ ããrã. Irasũta ããrĩburo.  
Lucas

## SAN JUAN

### *Jesucristo Marĩpuya werenĩrĩrẽ weregũ marĩ irirosũ dupũkũgũ ããrĩnũgãrĩmarẽ gojadea*

<sup>1</sup> Neõgoragueta i ùmũ ããrĩburi dupiyuro Jesucristo Marĩpuya werenĩrĩrẽ weregũ ããrĩsiadi ããrĩmĩ. Marĩpũ merã ããrĩgũ, Marĩputa ããrĩmĩ. <sup>2</sup> Neõgoragueta ìgũ Marĩpũ merã ããrĩsiadi ããrĩmĩ. <sup>3</sup> Irasirigu Marĩpũ ìgũ merã i ùmũma ããrĩburi ããrĩpererire iridi ããrĩmĩ. Irasiriro i ùmũma ããrĩpereri Marĩpũ ìgũ merã iridea ããrã. <sup>4</sup> Jesucristo, Marĩpũ merã perebiri okarire sĩgũ ããrĩmĩ. I okari merã masakare sĩãgori sĩgũ ããrĩmĩ. Irasirigu ìgũsãrẽ Marĩpũre masĩmakũ yámi. <sup>5</sup> Marĩpũre masĩmerã naĩtĩãrõgue ããrĩrã irirosũ ããrĩma. Jesucristo sĩãgori sĩgũ ããrĩgũ ìgũsãrẽ Marĩpũre masĩmakũ yámi. Naĩtĩãrĩ sĩãgorire neõ yaumasĩbea.

<sup>6</sup> Jesucristo i ùmũgue aariburi dupiyuro Marĩpũ Juan\* wãĩkũgũre iriudi ããrĩmĩ. <sup>7</sup> Juan, Jesús masakare sĩãgori sĩgũ ããrĩgũ ìgũ i ùmũgue aariburire weremi, ããrĩpererã irire pérã ìgũrẽ bũremuburo, ãrĩgũ. <sup>8</sup> Juan masakare sĩãgori sĩgũ ããrĩgũ meta ããrĩmĩ. ìgũsãrẽ Jesucristo aariburi gapũre weredupiyudi ããrĩmĩ. <sup>9</sup> Jesucristo diayeta ããrĩpererã masakare sĩãgori sĩgũ ããrĩgũ i ùmũgue ããrĩrãrẽ Marĩpũre masĩmakũ irigu aaridi ããrĩmĩ.

<sup>10</sup> Jesucristo i ùmũguere ããrĩdi ããrĩmĩ. Marĩpũ ìgũ merã i ùmũrẽ irikeremakũ, i ùmũ marã gapũ ìgũrẽ neõ masĩbirinerã ããrĩmã. <sup>11</sup> Ìgũya nikũgue aarikeremakũ, ìgũya nikũ marã gapũ ìgũrẽ bokatĩrĩñeãbirinerã ããrĩmã. <sup>12</sup> Ìgũrẽ bokatĩrĩñeã, bũremurã gapũre Marĩpũ pũrã ããrĩmakũ yámi. <sup>13</sup> Ìgũsã pagusãmarã ìgũsãrẽ pũrãkũrã, Marĩpũ pũrã ããrĩmakũ iribema. Irasũ ããrĩmakũ, ìgũsã pagũ ìgũ gããmerõ iriri merã ìgũsãrẽ Marĩpũ pũrã ããrĩmakũ iribemi. Marĩpũ gapũ ìgũsãrẽ ìgũ pũrã ããrĩmakũ yámi.

<sup>14</sup> Jesucristo, Marĩpũya werenĩrĩrẽ weregũ marĩ irirosũ dupũkũgũ ããrĩnũgãdero pũrũ, i ùmũgue gũa merã ããrĩgũ, masakare bũro maĩrĩ merã, diaye werenĩgũ ããrĩmĩ. Gũa ìgũ gosesiririre ìãbũ. Ìgũ Marĩpũ magũ sugũ ããrĩgũ, ìgũ irirosũta turagũ, õãgũ ããrĩmĩ. <sup>15</sup> Juan masakare wãiyedi Jesucristore ìãgũ, gũare ãsũ ãrĩ weremi:

— Ìĩ ããrĩmĩ yũ mũsãrẽ weredi. Mũsãrẽ ãsũ ãrĩ werebũ: “ Ìgũ yũ pũrũ aarikeregũ, yũ deyoaburo dupiyuro ããrĩsiadi ããrĩmĩ. Irasirigu yũ nemorõ ããrĩmĩ”.

<sup>16</sup> Jesucristo marĩrẽ maĩtarigu ããrĩsĩã, marĩ ããrĩpererãrẽ õãrõ iritamuníkõãmi. <sup>17</sup> Marĩpũ ìgũ dorerire Moisés merã marĩrẽ pídi ããrĩmĩ. Jesucristo merã gapũre Marĩpũ ìgũ marĩrẽ maĩrĩrẽ, ìgũ werenĩrĩ diaye ããrĩrĩrẽ ìmumi. <sup>18</sup> Neõ sugũ masakũ Marĩpũre ìãdi mámi. Jesucristo ìgũ magũ sugũ ããrĩgũ gapũ ìgũ Pagũ merã ããrĩsĩã, marĩrẽ ìgũrẽ masĩmakũ yámi.

### *Juan masakare wãiyerimasã Jesucristoyare weredea (Mt 3.11-12; Mr 1.7-8; Lc 3.15-17)*

<sup>19</sup> Judío masaka oparã Jerusalén ããrĩrã paĩare, Levíya bumarãdere Juan pũrogue ìgũrẽ: “¿Noã ããrĩrĩ mũ?” ãrĩ sãrẽñadorerã iriuñurã. <sup>20</sup> Ìgũsã irasũ ãrĩ sãrẽñarã ejamakũ, Juan ìgũsãrẽ pémasĩma õãrõ ãsũ ãrĩ yũjumi:

— Yũ, Cristo Marĩpũ masakare taudoregũ iriudi ããrĩbea, ãrĩmĩ.

<sup>21</sup> Irasirirã ìgũrẽ dupaturi sãrẽñama doja:

— Iro merẽ, ¿niĩno gapũ ããrĩrĩ? ¿Iripoeguemu Marĩpũya kerere weredupiyudi Elías ããrĩrĩ? ãrĩma.

Juan ìgũsãrẽ yũjumi:

— Ìãrĩbea, ãrĩmĩ.

Ìgũ irasũ yũjumakũ pérã, dupaturi ìgũrẽ sãrẽñama doja:

\* **1:6** Jesucristo i ùmũgue aariburi dupiyuro Marĩpũ iriudi, Juan wãĩkũgũ masakare wãiyedi ããrĩmĩ.

—¿M<sub>u</sub>, sōō ããrīdeapoe masaka Marīp<sub>u</sub>ya kerere weredupiyug<sub>u</sub> aaribu ããrāyup<sub>u</sub>, ĩgūsã ãrīdi ããrīrī? ãrīma.

Juan yuj<sub>u</sub>mi:

—Ããrībea.

<sup>22</sup> Irasirirã ĩgūrē ãsū ãrīma:

—¿Niño gap<sub>u</sub> ããrīrī? G<sub>u</sub>are iriuanerã ĩgūsã p<sub>u</sub>roque m<sub>u</sub> yuj<sub>u</sub>rire g<sub>u</sub>a ãĩãmakū gããmema. Irasirig<sub>u</sub> wereka g<sub>u</sub>are! M<sub>u</sub> basi, ¿naásū ãrī gũñarī? ãrīma.

<sup>23</sup> Irasirig<sub>u</sub> Juan iripoeguem<sub>u</sub> Isaías Marīp<sub>u</sub>ya kerere weredupiyudi gojadea merã ĩgūsãrē ãsū ãrī yuj<sub>u</sub>mi:

—Masaka marīrōgue sug<sub>u</sub> b<sub>u</sub>ro busuro merã were gaguinígorenagū ãsū ãrī werea: “Marī Op<sub>u</sub> aariburi dupiyuro ĩgū aariburi maarē diayema maa òãrī maa ãmurã irirosū diayemarē irika!” ãrī werea, ãrīmi Juan.

<sup>24-25</sup> ĩgū irasū ãrī yuj<sub>u</sub>makū pérã, fariseo bumarã iriuanerã ĩgūrē sērēñama doja:

—M<sub>u</sub>, Cristo Marīp<sub>u</sub> iriudi, o Elías, o sōō ããrīdeapoe Marīp<sub>u</sub>ya kerere weredupiyudi ããrã, ãrībi, ¿nasirig<sub>u</sub> masakare wãiyeri?

<sup>26</sup> Juan ĩgūsãrē ãrīmi:

—Y<sub>u</sub> masakare deko merã wãiyea. Sug<sub>u</sub> m<sub>u</sub>sã watopeguere m<sub>u</sub>sã masībi ããrīmi. <sup>27</sup> ĩgū, y<sub>u</sub> p<sub>u</sub>ru aarikereg<sub>u</sub>, y<sub>u</sub> nemorō ããrīmi. Y<sub>u</sub> ubu ããrīgū, ĩgūrē neō saropebirikoa, ãrīmi.

<sup>28</sup> Juan ĩgū masakare wãiyenarōgue Betania wãikuro, dia Jordán wãikudiya abe m<sub>u</sub>rīro gap<sub>u</sub> i ããrīpererire ĩgūsãrē weremi.

### *Marīp<sub>u</sub> Jesúre oveja majīgū irirosū ããrīgūrē iriudi ããrīrmarē Juan weredea*

<sup>29</sup> Gajin<sub>u</sub> gap<sub>u</sub> Juan, Jesús ĩgū p<sub>u</sub>ro aarimakū ĩãgū, g<sub>u</sub>are ãsū ãrīmi:

—Īãka! Īi Marīp<sub>u</sub> iriudi, oveja majīgū† irirosū ããrīmi. ĩgū boari merã i ãm<sub>u</sub> marãrē ĩgūsã ñerō iridea wajare peremakū irig<sub>u</sub>kumi. <sup>30</sup> Īita ããrīmi y<sub>u</sub> m<sub>u</sub>sãrē iro dupiyuro ãsū ããrīmi, ãrī weredi. “Īgū y<sub>u</sub> p<sub>u</sub>ru aarikereg<sub>u</sub>, y<sub>u</sub> deyoaburo dupiyuro ããrīsiadi ããrīmí. Irasirig<sub>u</sub> y<sub>u</sub> nemorō ããrīmi”, ãrī wereb<sub>u</sub>. <sup>31</sup> Y<sub>u</sub>de ĩgūrē: “Marīp<sub>u</sub> iriudi ããrīmi”, ãrīmasībirib<sub>u</sub>. ĩgūrē masībirikereg<sub>u</sub>, Israel bumarã masakare deko merã wãiyeg<sub>u</sub> aarigū irib<sub>u</sub>, ĩgūsã ĩgūrē masīburo, ãrīgū, ãrīmi.

<sup>32</sup> Irasū ãrī odo, Juan ãsū ãrī werenemomi doja:

—Õãgū deyomarīgū ãm<sub>u</sub>gasigue merã buja irirosū deyog<sub>u</sub> dijari, Cristo weka ejamakū ĩãb<sub>u</sub>. <sup>33</sup> Marīp<sub>u</sub> y<sub>u</sub>re masakare deko merã wãiyedoredi dupiyurogue ãsū ãrīmi: “M<sub>u</sub> Õãgū deyomarīgū dijari, sug<sub>u</sub> masak<sub>u</sub> weka ejamakū ĩãg<sub>u</sub>koa. ĩgūta masakare Õãgū deyomarīgū merã wãiyeg<sub>u</sub>kumi, ĩgū ĩgūsã merã ããrīnikõãburo, ãrīgū”, ãrīmi Marīp<sub>u</sub> y<sub>u</sub>re.

<sup>34</sup> Irasū waamakū ĩãgū: “Īgūta Marīp<sub>u</sub> magū ããrīmi”, ãrī masīb<sub>u</sub>. Irasirig<sub>u</sub> m<sub>u</sub>sãrē irire werea, ãrīmi Juan.

### *Jesús buerã ĩgū merã ããrīp<sub>u</sub>roridea*

<sup>35</sup> Gajin<sub>u</sub> gap<sub>u</sub> irogueta Juan dupaturi ããrīmí doja. G<sub>u</sub>a pērã ĩgū buerã ĩgū merã ããrīb<sub>u</sub>.

<sup>36</sup> Jesús g<sub>u</sub>a p<sub>u</sub>ro tariamakū ĩãgū, Juan ãsū ãrīmi:

—Īãka! Īi oveja majīgū irirosū Marīp<sub>u</sub> iriudi ããrīmi.

<sup>37</sup> ĩgū irasū ãrīmakū pérã, g<sub>u</sub>a pērã Juan buerã Jesúre t<sub>u</sub>yab<sub>u</sub>. <sup>38</sup> Irasirig<sub>u</sub>, g<sub>u</sub>a ĩgūrē t<sub>u</sub>yamakū gãmen<sub>u</sub>gã ĩã:

—¿Ñeénorē gããmerī? ãrīmi.

G<sub>u</sub>a ĩgūrē ãrīb<sub>u</sub>:

—¿Bueg<sub>u</sub>, noógue ããrãrī m<sub>u</sub>?

† 1:29 Exodo 29.38-43; Números 28.1-4,9, 16-19; 29.7-8: Iripoegue Marīp<sub>u</sub> Moisére ĩgū dorerire ãsū ãrī pídi ããrīmí: “Israel bumarãrē ãsū ãrīka: ‘M<sub>u</sub>sã y<sub>u</sub> dorerosūta y<sub>u</sub>re b<sub>u</sub>remurã, oveja majīgūrē òãgūrē y<sub>u</sub> ĩūrō wējē soepeoka! M<sub>u</sub>sã irasirimakū ĩãgū: ‘M<sub>u</sub>sã ñerō iridea wajare opamerã ããrã, m<sub>u</sub>sãrē wajamoãbirikoa’, ãrī ĩãg<sub>u</sub>kumi’, ãrīka!” ãrīdi ããrīmí.



39 Īgũ guare ārĩmi:

—Īārā aarika!

Irasirirā gũa ĩgũ merā waa, ĩgũ kārĩrõgue ñamika cuatro hora āārĩmakũ ejabu. Irogue eja, iri ñamirē ĩgũ merā āārĩbũ. 40 Gũa pērā: yũ, Andrés merā Juan weredeare pénerā āārĩsĩā, Jesúre tuyabu. Andrés, Simón Pedro pagumu āārĩmĩ.

41 Gajinu gapu, Andrés ĩgũ tĩgũ Simón Pedore āmapurumugũ waami. Īgũ pũrogue eja, ĩgũrē ārĩyupu:

—Marĩpu iriudi Mesíare bokajabu, ārĩyupu. “Mesías”, ārĩrõ: “Cristo”, ārĩduaro yáa.

42 Irasirigu Andrés Simõrē Jesús pũrogue āĩjami. Jesús ĩgũrē ĩāgũ, āsũ ārĩmi:

—Mũ, Simón wāikugu Jonás magũ āārā. Puru mu “Cefas” wāikugukoa, ārĩmi. “Cefas”, ārĩrõ: “Pedro”, ārĩduaro yáa.

### *Jesús Felipere, Natanaere siiudea*

43 Gajinu gapu Jesús: “Galilea nikũgue waagura”, ārĩ, Felipere bokaja:

—Náka, yu merā! ārĩmi.

44 Felipe Betsaida wāikuri makāmu āārĩmĩ. Pedro, Andrésāde iri makā marāta āārĩmā.

45 Jesús ĩgũrē: “Náka!” ārĩmakũ pégu, Felipe Natanaere siiugu waami. Īgũ pũrogue eja, ĩgũrē ārĩyupu:

—Moisés ĩgũya doreri gojadea pũgue ĩgũ gojadire bokajabu. Marĩpuya kerere weredupiyunerāde ĩgũrēta gojanerā āārĩmā. Īgũsā gojadi Jesús Nazaretmũ, José magũ āārāmi, ārĩyupu Felipe.

46 Īgũ irasũ ārĩmakũ pégu, Natanael gapu ĩgũrē ārĩyupu:

—Neõ sugu Nazaretmũ õārõ irigu mámi, ārĩyupu.

Felipe gapu ĩgũrē ārĩyupu:

—Náka, ĩmusi.

47 Jesús, Natanael ĩgũ pũro ejarimakũ ĩāgũ, āsũ ārĩmi:

—Īĩ õāgũ, diayeta Israel bumugora, ārĩkatori marĩgũ āārĩmi.

48 Īgũ irasũ ārĩmakũ pégu, Natanael ĩgũrē sērēñami:

—¿Naásũpero merā yure masĩrĩ mu?

Jesús ārĩmi:

—Felipe, mure siiuburi dupiyuro higeragu doka mu āārĩmakũ ĩābũ, ārĩmi.

49 Īgũ irasũ ārĩmakũ pégu, Natanael ĩgũrē ārĩmi:

—Buegu, mu Marĩpu magũ, Israel bumarā Opũ āārā, ārĩmi.

50 Jesús ĩgũrē ārĩmi:

—Yu mure: “Higeragu doka mu āārĩmakũ ĩābũ”, ārĩrĩ ditare pésĩā, yure buremua. Pũruguere i nemorõ Marĩpu turari merā yu iri ĩmurĩrē ĩāgukoa, ārĩmi.

51 Āsũ ārĩnemomi doja:

—Diayeta musārē werea. Pũruguere umugasi tũpāmakũ ĩārākoa. Irasũ tũpāmakũ, Marĩpũre wereboerā yu āārĩpererā tĩgũ pũrore murĩāna, dijarina irimakũ ĩārākoa, ārĩmi Jesús.

## 2

### *Jesús Caná wāikuri makāgue mojõsũadiya bosenure ĩāgũ waadea*

1 Jesús Felipere, Natanaere siiudero puru, unenu waaró merā, Galilea nikũguere Caná wāikuri makārē sugu mojõsũadiya bosenu āārĩbũ. Jesús pagode iri bosenure ĩāgõ waamo.

2 Gũa Jesús buerādere, ĩgũ merā iri bosenure ĩādorerā siiuma. 3 Pũru iri bosenu ma igui deko peremakũ ĩāgõ, Jesús pago ĩgũrē ārĩmo:

—Igui deko pereakõābũ ĩgũsārē.

4 Igo irasũ ārĩmakũ pégu, Jesús ārĩmi:

—¿Nasirigo irire yure wereri mu? Masaka yure masĩburo duyakõāa dapa, ārĩmi.

<sup>5</sup> Igo gapu, ĩgũ irasũ ģĩkeremakũ, tĩãboerãrẽ ģĩmo:

—Yũ magũ musãrẽ dorerosũta irika!

<sup>6</sup> Iri wiiguere su mojõma pere gaji mojõ suru pẽrẽbejari sorori õtãyeri merã iridea sorori ããrĩbũ. Judío masaka Marĩpu dorederosũ irirã ĩgũsã gurari koeburi deko duripĩri sorori ããrĩbũ. Sororiku wãro deko cincuenta o setenta litros ejari sorori ããrĩbũ.

<sup>7</sup> Jesús tĩãboerãrẽ ģĩmi:

—I sororire deko piusã utudoboepokõãka! ģĩmi.

ĩgũ irasũ ģĩmakũ pẽrã, iri sororire piusã, utudoboepokõãma. <sup>8</sup> ĩgũsã odomakũ, Jesús ģĩmi:

—Mẽrõ ãĩsĩã, bosenu siiu irigũre tĩãrã waaka! ģĩmi.

“Jãũ” ģĩrĩ, ãĩãma.

<sup>9</sup> Iri bosenu siiu irigũ Jesús dekoreta igui deko iriadeare masĩbirimi. Tĩãboerã dita irire masĩma. Irasirigũ iri bosenu siiu irigũ irire iirĩñagũ, mojõsũadire siiu, ãsũ ģĩmi:

<sup>10</sup> —Gajirã igui deko õãrĩrẽ tĩãdorepũrorikuma. Pũru ĩgũsã siuanerã wãro iirĩadero pũru, igui deko ubu ããrĩrĩrẽ tĩãdorekuma pama. Mũ gapu igui deko õãrĩrẽ duripĩayo gũare tĩãtũnubu, ģĩmi.

<sup>11</sup> Jesús Galilea nikũma makã Canã wãĩkũri makãgue irire irigũ, Marĩpu turaro merã iri ĩmupũrorimi. ĩgũ irasirimakũ ĩãrã, gũã ĩgũ buerã: “Diayeta Marĩpu iriudi ããrĩmi”, ģĩrĩ bũremubũ.

<sup>12</sup> Pũru Jesús Capernaum wãĩkũri makãgue waakõãmi. ĩgũ pago, ĩgũ pagupũrã, gũã ĩgũ buerãde ĩgũ merãta waabũ. Iri makãgue eja, yoaweyaripoe ããrĩbũ.

*Jesús Marĩpũya wiigũe duarimasãrẽ bẽowiudea  
(Mt 21.12-13; Mr 11.15-18; Lc 19.45-46)*

<sup>13</sup> Pascua bosenu mẽrõ dũyaripoe Jesús Jerusalén wãĩkũri makãgue waami. <sup>14</sup> Irogue ejagu, Marĩpũya wiigũe ñajãã, wekũã, oveja, buja duarimasãrẽ bokajami. Irasũ ããrĩmakũ, niyeru gorawayurimasã ĩgũsãya kũmarĩ pũro doarãrẽ bokajami. <sup>15</sup> ĩgũsã irasirimakũ ĩãgũ, pũgubu merã tãrãridari iri, ĩgũsãrẽ, ĩgũsãyarã ovejare, wekũare makãgue tãrãnrũwiumi. Niyeru gorawayurimasãrẽ ĩgũsãya niyeru kũmarĩrẽ túmeépĩsirimi.

<sup>16</sup> Irasiri odo, buja duarimasãrẽ ãsũ ģĩmi:

—Ĩĩsãrẽ ãĩwiriaka! Yũpũya wiire doebiri duari wii iribirikõãka! ģĩmi Jesús.

<sup>17</sup> ĩgũ irasũ ģĩmakũ pẽrã, gũã ĩgũ buerã Marĩpũya werenĩrĩ gojãdea pũgue ãsũ ģĩrĩ gojãdeare gũñabokabũ:

Yũ Opũ, mũya wiire bũro maĩã. ĩgũsã iri wiire ñerõ irimakũ ĩãgũ, bũro bũjawereri merã ããrã, ģĩrĩ gojasũdero ããrĩbũ.\*

<sup>18</sup> Judío masaka oparã Jesús irasirimakũ ĩãrã, ĩgũrẽ sẽrẽñama:

—¿Nasirigu ĩgũsãrẽ bẽowiuari? Marĩpu irire mũrẽ iridoremakũ, ĩgũ turari merã iri ĩmuka, gũã masĩma õãrõ! ģĩma.

<sup>19</sup> Jesús ĩgũsãrẽ ģĩmi:

—I wiire musã bẽomakũ, mũrenũ merãta yũ dupaturi odonũgũkoa doja, ģĩmi.

<sup>20</sup> ĩgũ irasũ ģĩmakũ pẽrã, ģĩma:

—I wiire irirã, cuarenta y seis bojorigora irima. ¿Nasiribu mũ gapu mũrenũ merãta odobukuri?

<sup>21</sup> Jesús iri wiire weregũ, ĩgũya dũpu gapũre weregũ irimi. <sup>22</sup> Jesús boa, masãdero pũru, gũã ĩgũ buerã ĩgũ irasũ ãrĩdeare gũña, pẽmasĩbũ. Irasirirã Marĩpũya werenĩrĩ gojãdea pũgue ĩgũrẽ gojãdeare, ĩgũ werẽdeare: “I diayeta ããrĩyo”, ģĩrĩ bũremubũ.

*Jesús ããrĩpererã masaka gũñãrĩrẽ ĩãmasĩdea*

<sup>23</sup> Pascua bosenu ããrĩmakũ, Jesús Jerusalẽgue ããrĩmi. Masaka ĩgũ Marĩpu turari merã iri ĩmumakũ ĩãrã, wãrã: “Marĩpu iriudi ããrĩmi”, ģĩrĩ bũremuma. <sup>24</sup> ĩgũsã irasũ

\* 2:17 Sal 69.9

buremukeremakū, Jesús gapu āārīpererā ĩgūsā gūñarīrē ĩāmasĩkōāmi. Irasirigu ĩgūsārē: “Yure gūñaturari merā buremuníkōārākuma”, ārī ĩābirimi. <sup>25</sup> Masaka gūñarīrē oārō ĩāmasĩgū āārīsīā: “¿Naāsū gūñarī ĩgūsā?” ārī sērēñabirikeregu, ĩāmasĩmi.

### 3

#### *Nicodemo Jesús merā werenidea*

<sup>1</sup> Sugū judío masaka oparā merā fariseo bumū Nicodemo wāikugū āārīmí. <sup>2</sup> Su ñami Jesúre ĩāgū ejayupu. ĩgū pūroque eja, ĩgūrē ārīyupu:

—Buegu, Marīpu mū merā āārīmí. Irasirigu ĩgū turari merā mū iri ĩmumasīa. Mū iri ĩmurīrē ĩārā, gūa masīa. Marīpu marē iriudi āārīmí gūare buedoregu, ārīyupu.

<sup>3</sup> ĩgū irasū ārīmakū pégu, Jesús ĩgūrē ārīyupu:

—Diayeta mūrē werea. Sugū masakū dupaturi deyoagu irirosū āārīgú dita Marīpu ĩgūyarārē doreroque waamasĩmi, ārīyupu.

<sup>4</sup> ĩgū irasū ārīmakū pégu, Nicodemo Jesúre sērēñayupu:

—¿Nasiri irasū waabukuri? Sugū masakū buguroque dupaturi deyoabu, ĩgū pagoya patoreguere ñajāmasĩbirikumi, ārīyupu.

<sup>5</sup> Jesús ĩgūrē yujuyupu:

—Diayeta mūrē werea. Sugū masakū deko merā, Ōāgū deyomarīgū merā deyoagu dita Marīpu ĩgūyarārē doreroque waamasĩmi. <sup>6</sup> Masaka pūrākumakū, ĩgūsā pūrā masakata āārīma. Ōāgū deyomarīgū ĩgū merā deyoarā gapure Marīpu pūrā āārīmakū yāmi. <sup>7</sup> Irasirigu mū: “Āārīpererā dupaturi deyoarā irirosū āārīrō gāāmea”, ārīrē pégu, pégukabirikōāka! <sup>8</sup> Mirū noó gāāmerō wējāpuwāgāa. Iri busurire péa. Irire pékererā, sōō merā aara, iro waaró yāa, ārī masīña máa. Irasūta āārā, Ōāgū deyomarīgū ĩgū merā deyoarārē Marīpu pūrā āārīmakū iriri āsū waaró yāa, ārī masīña máa, ārīyupu Jesús.

<sup>9</sup> ĩgū irasū ārīmakū pégu, Nicodemo āsū ārī sērēñayupu Jesúre doja:

—¿Nasiro irasū āārībukuri? ārīyupu.

<sup>10</sup> Jesús ĩgūrē yujuyupu:

—¿Mū Israel bumarārē Marīpuyare buegu āārīkeregu, ire masīberi? <sup>11</sup> Diayeta mūrē werea. Gūa masīrē, gūa ĩādeare mūsārē werea. Mūsā gapu irire buremubea. <sup>12</sup> Yū i ũmuma ubu āārīrē weremakū mañurē buremubea. ¿Nasirimurā ũmugasimarē yū wereri gapure buremubukuri?

<sup>13</sup> Neō sugū masakū ũmugasiguere mūrīa, purū dijaridi mámi. Yū sugūta āārīpererā tīgū ũmugasigu āārīdi oō i ũmugue dijaribū.

<sup>14</sup> ĩripoegue masaka marīroque Moisés kōme merā āña keori irideare yukugue āĩsiu, āĩwāgūnūdi āārīmí. I āña keorire yukugue āĩsiu, āĩwāgūnūderosū masaka yure āārīpererā tīgūrē curusague pábiatú, āĩwāgūnūrākuma. <sup>15</sup> Irasirirā āārīpererā yure buremurāno perebiri peamegue waabirikuma. ũmugasiguere perebiri okari gapure oparākuma.

#### *Jesús Nicodemorē: “Marīpu i ũmū marārē buro maĩmi”, ārī weredea*

<sup>16</sup> Marīpu i ũmū marārē buro maĩsīā, ĩgū magū sugū āārīgūrē iriudi āārīmí. ĩgūrē buremurāno perebiri peamegue waabirikuma. ũmugasiguere Marīpu merā perebiri okari gapure oparākuma. <sup>17</sup> Marīpu ĩgū magūrē masakare peamegue waabonerārē taudoregu i ũmuguerē ĩgūrē iriudi āārīmí. Masakare wajamoādooregu meta i ũmuguerē ĩgūrē iriudi āārīmí.

<sup>18</sup> Marīpu ĩgū magūrē buremurārē neō wajamoābirikumi. ĩgūrē burenumerā gapure: “Wajamoāgura”, ārī weresiāmi. ĩgū magūrē sugūta āārīgūrē buremubiridea waja ĩgūsārē wajamoāgukumi. <sup>19</sup> Marīpu magū i ũmuguerē aarimí, masakare Marīpūre masīmakū iribu. Irasirigu ĩgūsārē sīāgori sīgū āārīmí. ĩgūrē burenumerā gapu ĩgūrē gāāmebema. ĩgūsā ñerī iriri gapure buro gāāmema. Irasirirā boyorogue āārīmerā, naĩtārōgue āārīduarā

irirosū āārīma. Irasirigu Marīpu īgūsārē wajamoāgukumi. <sup>20</sup> Āārīpererā ñerō irirā Marīpu magūrē gāamebema. Boyorogue āārīduamerā irirosū āārīma, gajirā īgūsā ñerō iririre masībirikōāburo, āārī. <sup>21</sup> Marīpu yare keoro irirā gapu īgū magūrē gāamema. Boyorogue āārīduarā irirosū āārīma, gajirā īgūsā ōārīrē irimakū īārā: “Marīpu īgūsārē iritamumi”, āārī masīburo, āārī, āārī wereyupu Jesús.

### *Juan masakare wāiyerimasā Jesúyare werede*

<sup>22</sup> Puru Jesús guare īgū buerārē Judea nikūgue siiuwāgāmi. Irogue eja, iro marā merā yoaweyaripoe āārī, īgūsārē wāiyerā iribu. <sup>23</sup> Juāde masakare Enón wāikuri makāgue wāiyeyupu. Enón, Salim wāikuri makā puro āārībú. Irogue dia wādiya āārībú. Irasirirā masaka īgū purogue wāiyedorerā waanañurā. <sup>24</sup> Gajirā īgūrē peresu iriburi dupiyuro āārīyuro.

<sup>25</sup> Iripoere surāyeri Juan buerā sugu judío masakū merā īgūsā koerikuri merā guaseopuroriñurā. <sup>26</sup> Puru Juan purogue waa, īgūrē āsū āārī wereñurā:

—Buegu, dia Jordán wāikudiya gaji koepugue mu merā āārīdi, guare mu weredi, dapagorare masakare wāiyegu iriami. Āārīpererā īgū purogue waarā iriama, āārīñurā.

<sup>27</sup> Īgūsā irasū āārīmakū pégu, Juan āārīyupu:

—Sugu masakū Marīpu turari merā ōārīrē iriri, Marīpu īgūrē pídea āārā. <sup>28</sup> Musā yu weredeare pébu. “Marīpu iriudi Cristo āārībea yu”, āārību. Yu Cristo āārībirikeremakū, Marīpu gapu Cristo aariburi dupiyuro yare īgūyare weredupiyudoregu iriumi. <sup>29</sup> Āsū āārā. Sugu mojōsumakū, nomeō īgū merā āārīgō waakumo. Īgū merāmu, mojōsumakū īāgū, īgū werenīmakū pégu, buro usuyakumi. Irasirigu mojōsumadi merāmu usuyaderosūta masaka Cristo merā waamakū īāgū, yude usuyari opataria. <sup>30</sup> Masaka Cristore tayarō gāamea. Yu gapure tayarōduúkoārō gāamea, āārīyupu Juan.

### *Jesucristo ūmagasigue merā dijaridi āārīmi, āārī werede*

<sup>31</sup> Irasū āārī odo, Juan āsū āārīnemoyupu doja:

—Ūmagasigue merā dijaridi āārīpererā nemorō masīgū āārīmi. Sugu masakū i ūmumu, i ūmumarē werenīkumi. Ūmagasigue merā dijaridi gapu āārīpererā nemorō masīgū āārīmi. <sup>32</sup> Īgū īādeare, īgū pédeare weremi. Īgū irire werekeremakū, neō sugu īgū wererire buremubemi. <sup>33</sup> Īgū wererire buremurā gapu: “Marīpu diaye āārīrīmarē āārīkatori marīrō āārīgū āārīmi”, āārī īmuma. <sup>34</sup> Marīpu Cristore īgū iriudire Ōāgū deyomarīgūrē opatarimakū iridi āārīmí. Irasirigu Cristo Marīpuya werenīrē weremi. <sup>35</sup> Marīpu īgū magū Cristore buro maīmi. Irasirigu īgūrē āārīpereri, āārīpererārē doregu āārīmakū iridi āārīmí. <sup>36</sup> Marīpu magūrē buremurā ūmagasigue īgū merā perebiri okarire opama. Īgū magūrē buremudamerā gapu iri okarire neō opabirikuma. Marīpu īgūsārē buro wajamoāgukumi, āārīyupu Juan.

## 4

### *Jesús Samaria nikūmo merā werenīdea*

<sup>1</sup> Jesús buerā, Juan buerā nemorō wārā āārīrī kerere, Jesús, Juan nemorō masakare wāiyeri kerere, fariseo bumarā péñurā. <sup>2</sup> Īgūsā iri kerere pékeremakū, Jesús gapu īgū basi masakare wāiyebirimi. Gua īgū buerā gapu īgūsārē wāiyebu. <sup>3</sup> Fariseo bumarā iri kerere pédeare masīgū, Jesús Judea nikūgue āārādi, Galilea nikū gapu guare siiu, goedujáami.

<sup>4</sup> Galileague goedujáagu, Samaria nikūgue tariwāgāmi. <sup>5</sup> Iro tariwāgāgū, iri nikūma makā Sicar wāikuri makāgue ejami. Iri makā, Jacob iripoeguemu īgū magū Josére sīdea nikū puro āārībú. <sup>6</sup> Irogure deko gobe Jacob iridea gobe āārībú. Jesús yoaro aaradi, garibore, iri gobe puro siñajā eja doami. Goeripoe ejaburi dupiyuro āārībú. <sup>7-8</sup> Īgū irogue doaripoeta gua īgū buerā makāgue baari wajarirā waabu. Gua waadero puru, iri gobegure sugo nomeō Samariato deko wāgo ejayupo.

Igo irogue ejamakū ñāgū, Jesús igore āriyupū:

—Yure deko tīāka!

<sup>9</sup> Īgū irasū ārīmakū pégo, Īgūrē āriyupo:

—¿Nasirigu mu judío masakū āārīkeregū, yure Samariamorē: “Deko tīāka!” āri sērērī? āriyupo. Iripoere judío masaka Samaria marā merā neō gāmesuribirima. Irasirigo irasū āriyupo Īgūrē.

<sup>10</sup> Igo irasū ārīmakū, Jesús āriyupū:

—Mū Marīpū masakare sīrīrē masīgō, yudere masīgō, yure: “Okari sīrī dekore sīka\*”! āri sērēboakuyo. Mū sērēmakū, yū iri dekore sīboakuyo, āriyupū.

<sup>11</sup> Īgū irasū ārīmakū, Īgūrē āriyupo doja:

—Mū deko āīburi sorore opabea, i gobe ūkūāgorāa. ¿Noógue mū i okari sīrī deko bokagakuri? <sup>12</sup> Iripoegue marī ñekū Jacob i gobema dekore iirīdi āārīmī. Īgū pūrā, Īgūyarā ejorāde iirīnerā āārīmā. Īgū marīrē i gobere pīdi āārīmī. ¿Mū gapū Īgū nemorō masīgū āārīrī? āriyupo.

<sup>13</sup> Jesús igore yujuyupū:

—Āārīpererā i gobema deko iirīrā, dupaturi ñemesiburi oparākuma. <sup>14</sup> Yū sīburi gapure iirīrā, neō ñemesiburi opabirikuma. Īgūsārē Īgūsāya yujupūrārīguere deko ūmayoro irirosū āārīrokoa. Irasirirā i merā perebiri okari oparākuma, āriyupū.

<sup>15</sup> Īgū irasū ārīmakū pégo, Īgūrē āriyupo:

—Iri dekore sīka yure! Mū yure sīmakū, yū neō dupaturi ñemesiburi opabirioa. Irasū āārīmakū, i gobeguere neō dupaturi deko wāgo aaribirioa pama, āriyupo.

<sup>16</sup> Jesús igore āriyupū:

—Mū marāpūre siiugo waaka! Īgūrē siiu, oōgue Īgū merā dupaturi aarika! āriyupū.

<sup>17</sup> Igo Īgūrē yujuyupo:

—Yū, marāpū marīgō āārā.

Jesús igore āriyupū:

—Mū yure: “Marāpū marīgō āārā”, ārīgō, diayeta yujūa. <sup>18</sup> Mū su mojōmarā ūma merā marāpūksiadibū. Dapagora mū merā āārīgū mū marāpū diaye āārībemi, mū Īgūrē neō mojōsūabiribū. Irasiriro mū yujuri diayeta āārā.

<sup>19</sup> Īgū irasū ārīmakū pégo, āriyupo:

—“Mū Marīpūya kerere weredupiyurimasū āārīkoa”, āri gūñāa yū. <sup>20</sup> Gūa ñekūsāmarā Samaria marā sigū ūtāūgue Marīpūre būremunerā āārīmā. Mūsā judío masaka gapū gūare: “Jerusalēgue Marīpūre būremurō āārā. Irogue Marīpūre būremurā waaka!” āārā gūare mūsā, āriyupo.

<sup>21</sup> Igo irasū ārīmakū pégu, Jesús āsū āriyupū:

—Yū werenīrīrē péka! Pūrugue mūsā i ūtāūguere, Jerusalēguedere Marīpūre būremurā waabirioa. Mūsā irasiriburo mērōgā dūyāa. <sup>22</sup> Mūsā Samaria marā mūsā būremugūrē masībea. Gūa judío masaka gapū gūa būremugūrē oārō masīa. Īgū masakare taubu judío masakū āārīmī. <sup>23</sup> Marīpūre diayeta būremurā Īgūsāya yujupūrārīgue būremurākuma. Marīpū Īgūrē būremurārē āsūta būremurō gāāmemi. Īgūrē āsū būremuripoe ejaro, dapagorare ejasiāa. <sup>24</sup> Marīpū deyomarīgū āārīmī. Irasirigu Īgūrē būremurāya yujupūrārīgue āārīmī. Irasirirā Īgūsāya yujupūrārīgue diayeta Īgūrē būremurō gāāmea Īgūsārē, āriyupū.

<sup>25</sup> Īgū irasū ārīmakū, Īgūrē āriyupo:

\* **4:10** Jn 11.25: Jesús ārīmi: —Yū boanerārē masāmakū irigu, Īgūsārē okari sigū āārā. Yure būremugū boadigue āārīkeregū, okagakumi. Jn 14.6: Jesús ārīmi: —Yū dita Yūpū pūrogue waarī maa irirosū āārā. Yū diayema āārīrīrē masakare masīmakū irigu, Īgūsārē okamakū irigu āārā. Yū merāta Yūpū pūrogue waarākuma.

—Y<sub>u</sub> masĩa. Mesías, Marĩp<sub>u</sub> iriudi Cristo aarigukumi. Īgũ aarigú, marĩrẽ ããrĩpererire weregukumi, ãrĩyupo.

<sup>26</sup> Igo irasũ ãrĩmakũ pégu, ãsũ ãrĩ deyoromuyup<sub>u</sub>:

—Y<sub>u</sub> m<sub>u</sub> merã werenígũ Marĩp<sub>u</sub> iriudita ããrã, ãrĩyup<sub>u</sub> Jesús.

<sup>27</sup> Īgũsã irasũ weretamuripoe g<sub>u</sub>a baari wajarirã ejanerã Jesús p<sub>u</sub>rogoe goedujajab<sub>u</sub>. Īgũ sugo nomeõ Samariamo merã werenĩmakũ ĩãrã, ĩãgukakõãb<sub>u</sub>. Īgũrẽ neõ: “¿Ñeéonorẽ gããmeari? o ¿ñeénomarẽ igo merã werenĩari?” ãrĩ sërẽñabirib<sub>u</sub> Jesúre.

<sup>28</sup> P<sub>u</sub>r<sub>u</sub> nomeõ igo deko wárisorore irota béodobokõã, makãgue waakõãmo. Irogoe ejago, masakare wereyupo:

<sup>29</sup> —Náka, musãde ĩãrã aarika! Sõõ sug<sub>u</sub> ãmá<sub>u</sub> ããrãmi. Īgũ ããrĩpereri y<sub>u</sub> irideare masĩpeokõãmi, irire werepeokõãmi y<sub>u</sub>re. ¿Īgũ Cristo, Marĩp<sub>u</sub> iriudi ããrĩkuri? ãrĩyupo igoya makã marãrẽ.

<sup>30</sup> Igo irasũ ãrĩmakũ pérã, Jesús p<sub>u</sub>rogoe ĩgũrẽ ĩãrã waañurã. <sup>31</sup> Īgũsã ĩgũ p<sub>u</sub>ro aariburi dupiyuro g<sub>u</sub>a ĩgũrẽ ãrĩb<sub>u</sub>:

—Bueg<sub>u</sub>, g<sub>u</sub>a murẽ ãñriadea baarire baaka! ãrĩ sĩadib<sub>u</sub>.

<sup>32</sup> Jesús gap<sub>u</sub> g<sub>u</sub>are ãrĩmi:

—Y<sub>u</sub> baari opáa, irire musã masĩbea.

<sup>33</sup> Īgũ irasũ ãrĩmakũ pérã, g<sub>u</sub>a basi ãsũ ãrĩ gãme sërẽñapurorib<sub>u</sub>:

—¿Gajipoe irirã gajirã ĩgũrẽ baari ejoayuri? ãrĩb<sub>u</sub>.

<sup>34</sup> Jesús gap<sub>u</sub> g<sub>u</sub>are ãrĩmi:

—Y<sub>u</sub>re iriudi gããmerĩrẽ irig<sub>u</sub>, ĩgũ y<sub>u</sub>re moãdoredeare iriyuwarikug<sub>u</sub>, baayapig<sub>u</sub> irirosũ ããrã. <sup>35</sup> Musã ãsũ ãrã: “Wapikurã abe duyáa, ĩgũsã otedea dukã sĩburo”. Y<sub>u</sub> gap<sub>u</sub> musãrẽ ãsũ ãrã: “Īgũsã otederore ĩãka! Dukã borerire searipoe ejasiáa”. <sup>36</sup> Sug<sub>u</sub> otedea dukare searimasũ ĩgũ moãdea wajare wajatami. Marĩp<sub>u</sub>yã werenĩrĩrẽ wereg<sub>u</sub> ĩgũ irirosũ ããrĩmi. Īgũ wererire pérã, y<sub>u</sub>re b<sub>u</sub>remuma. Irasirirã ãmugasigue perebiri okarire oparãkuma. Īgũsã, ĩgũ otedea dukã seari irirosũ ããrĩma. Irasirirã oterimasũ, ĩgũ otedea dukare searimasũ irirosũ ããrĩrã, usuyama, masaka y<sub>u</sub>re b<sub>u</sub>remumakũ ĩãrã. <sup>37</sup> Masaka ãsũ ãrĩ werew<sub>u</sub>akuma: “Sug<sub>u</sub> masak<sub>u</sub> otekumi. P<sub>u</sub>r<sub>u</sub> gajig<sub>u</sub> i otedea dukare seakumi”, ãrĩkuma. Īgũsã irasũ ãrĩ werew<sub>u</sub>adea diayeta ããrã. <sup>38</sup> Iripoegue Marĩp<sub>u</sub>yã werenĩrĩrẽ weredupiyunerã oterimasã irirosũ ããrĩnerã ããrĩmã. Dapagora y<sub>u</sub> musãrẽ iriua. Musã ĩgũsã iripoegue otedea dukare searimasã irirosũ ããrã. Irasirirã ĩgũsã moãdea wajare musã wajatarã irirosũ ããrã. Īgũsã moãderoguere moãwekabejarã irirosũ irirã yáa, ãrĩmi Jesús.

<sup>39</sup> Samariamo makãgue ejadero p<sub>u</sub>r<sub>u</sub>: “Sõõ ããrãdi ããrĩpereri y<sub>u</sub> irideare masĩpeokõãmi”, ãrĩmakũ pérã, wãrã iri makã marã Jesúre b<sub>u</sub>remuñurã. <sup>40</sup> Irasirirã Jesús p<sub>u</sub>ro aarirã, ĩgũrẽ: “G<sub>u</sub>a merã dujaka!” ãrĩ sërẽma. Īgũsã irasũ ãrĩmakũ pégu, Jesús ĩgũsã merã pen<sub>u</sub> dujami.

<sup>41</sup> Īgũ wererire pérã, gajirãde wãrã ĩgũrẽ b<sub>u</sub>remuma. <sup>42</sup> Irasirirã nomeõrẽ ãrĩma:

—G<sub>u</sub>a m<sub>u</sub> wereadea ditare pérã, Jesúre b<sub>u</sub>remuadab<sub>u</sub>. Dapagora tamerãrẽ g<sub>u</sub>a basi ĩgũ wererire pésĩã, ĩgũrẽ b<sub>u</sub>remua. G<sub>u</sub>a masĩa. Īgũ diayeta Marĩp<sub>u</sub> iriudi, i ãm<sub>u</sub> marãrẽ peamegue waabonerãrẽ taug<sub>u</sub> ããrĩmi, ãrĩma.

### *Jesús Galilea nikũ marã op<sub>u</sub> dokam<sub>u</sub> magũrẽ taudea*

<sup>43</sup> Jesús pen<sub>u</sub> Samariague ããrãdi, Galilea nikũgue waami. <sup>44</sup> Iro dupiyuro Jesús ãsũ ãrĩdi ããrĩmĩ: “Marĩp<sub>u</sub>yã kerere weredupiyug<sub>u</sub>re ĩgũyã nikũ marã ĩgũrẽ b<sub>u</sub>remubema”, ãrĩdi ããrĩmĩ. <sup>45</sup> Galileague ejamakũ, iro marã ĩgũrẽ õãrõ bokatĩrĩñeãma. Iro dupiyuro ĩgũsãde Jerusalẽgue pascua bosenu ĩãrã ejanerã ããrĩmã. Irasirirã ããrĩpereri Jesús irogoe irideare ĩãnerã ããrĩmã.

<sup>46</sup> Jesús Galileague ejadero p<sub>u</sub>r<sub>u</sub>, Caná wãĩkuri makãgue ĩgũ dekoreta igui deko iridea makãgue goemi. Iri makãguere sug<sub>u</sub> Galilea marã op<sub>u</sub> dokam<sub>u</sub> ããrĩmĩ. Īgũ magũ

Capernaum wāikuri makāgue āārīgú, pūrīrikugū iriyupū. <sup>47</sup> Irasirigū opū dokamū, Jesús Judeague āārādi ĩgū Galileague ejari kerere pégu, Jesús pūro aarimí. Āsū ārī sērēmi ĩgūrē:

—Yū magū boabu iriami. ĩgūrē taubosagu aarika! ārīmi.

<sup>48</sup> ĩgū irasū ārīmakū pégu, Jesús ārīmi:

—Marīpu turari merā yū iri ĩmurīrē ĩābirikererā, neō yūre buremubea musā, ārīmi.

<sup>49</sup> Opū dokamū gapū Jesúre ārīmi:

—Gua Opū, yū magū boaburo dupiyuro aarika!

<sup>50</sup> Jesús ĩgūrē ārīmi:

—Mūya wiigie dujáaka! Mū magū okagukumi, ārīmi.

Opū dokamū, ĩgū irasū ārīrīrē pégu, buremurī merā ĩgūya wiigie dujáakōāmi. <sup>51</sup> ĩgūya wiigie ejawāgāriripoe ĩgūrē moāboerā bokatīrī wereñurā:

—Mū magū okami, ārīñurā.

<sup>52</sup> ĩgūsā irire ārīmakū pégu: “¿Naásū āārīmakū oārī?” ārī sērēñayupū. ĩgūsā ĩgūrē ārīñurā:

—Ñamika goeripoe pūrugāta nimakuri tariabu ĩgūrē, ārīñurā.

<sup>53</sup> Irasū ārīmakū pégu, ĩgū pagū ārīyupū: “Jesús yūre: ‘Mū magū okagukumi’, ārī wereripoeta nimakuri tariakuyo”, ārīyupū. Irasirigū, āārīpererā ĩgūya wii marā merā Jesúre buremuyupū.

<sup>54</sup> Jesús Judea āārādi dupaturi Galileague ejadero pūru, opū dokamū magūrē ĩgū tauadea merā Caná wāikuri makāgue pea Marīpu turari merā iri ĩmumi.

## 5

### *Jesús dūpu bñadire taudea*

<sup>1</sup> Pūru Jesús Jerusalēgue judío masaka bosenu ĩāgū waami. <sup>2</sup> Iri makā tūro sārīrōgue su makāpūro “Oveja” wāikuri makāpūro pūro wári gobe deko gobe ĩgūsā iridea gobe āārībú. Iri gobe hebreo ya merā “Betzata” wāikubū. Iri gobe tūroguere su mojōma taridupabu tiiāña marīrī āārībú. <sup>3-4</sup> Iri taridupabugue wārā masaka pūrīrikurā oyama. Koye ĩāmerā, waamasīmerā, guburi bñasūnerā āārīmá. Gajipoere Marīpūre wereboegu iri gobegue dijajanayupū. Irogue dijajagu, dekore gāmeñamakū irinayupū. ĩgū irasiriadero pūru, iri gobegue buañajāpūrorigūno ĩgū sīrīrē tarisūnayupū. Irasirirā deko gāmeñaburire yūrā irogue oyama. <sup>5</sup> Irogue sugū dūpu bñadi oyami. ĩgū treinta y ocho bojorigora pūrīrikugū āārīyupū. <sup>6</sup> Jesús iri gobe tūro tariwāgāgū, ĩi bñadi oyagūre ĩāmi. “Yoaripoe pūrīrikugū āārīmi”, ārī masīkōāmi. Irasirigū ĩgūrē āsū ārī sērēñami:

—¿Mū pūrīrikurire taumakū gāāmerī? ārīmi.

<sup>7</sup> ĩgū Jesúre yūjūmi:

—Yū Opū, sugū yūre iritamugū neō mámi. Deko gāmeñamakū, yū iri gobe ñajādūamakū, gajirā yū dupiyuro ñajāpūrorinama, ārīmi.

<sup>8</sup> Jesús ĩgūrē ārīmi:

—Wāgānugāka! Mū oyarore āīaka! ārīmi.

<sup>9</sup> Irasū ārīmakūta, ĩgū pūrīrikuri taribū. Irasirigū wāgānugā, ĩgū oyarore tuútūrā, āīākōāmi. Jesús ĩgūrē tauadeanu judío masaka siñajārīnu\* āārībú.

<sup>10</sup> Irasirirā judío masaka oparā Jesús tausūadi ĩgū oyarore āīāmakū ĩārā, ĩgūrē ārīñurā:

—Dapagā marī siñajārīnu āārā. Mū oyarore kōāgū, marī dorerire tarinugāgū yāa, ārīñurā.

<sup>11</sup> ĩgū ĩgūsārē yūjūyupū:

—Yūre tauadi: “Mū oyarore āīaka!” ārāmi.

<sup>12</sup> ĩgū irasū ārīmakū pérā, ĩgūrē āsū ārī sērēñañurā:

—Irire mūrē irasū ārādi, ¿noāno āārārī?

\* 5:9 Judío masaka siñajārīnu, sábado āārā.

<sup>13</sup> Jesús buadire tauadero puru, iro aārĩrã masaka wārã watopegue waakõãmi. Irasirigu buadi aārãdi ĩgūrẽ tauadire: “Īgũta aārĩmi”, aārĩ masĩbiriypuru. <sup>14</sup> Puru Jesús Marĩpuru wiigue ĩgūrẽ bokajagu, aārĩmi:

—Pemasĩka! Dapagorare mu pũrĩrikuri marĩgũ aārã. Irasirigu ñerĩrẽ irinemobirikõãka! Dupaturi ñerĩrẽ irigu, mu pũrĩrikadero nemorõ ñerõ tarigukoa, aārĩmi.

<sup>15</sup> Īgũ irasũ arãdero puru, buadi aārãdi judío masaka oparã purogue waa, ĩgũsarẽ wereypuru:

—Yure tauadi Jesús wãikugu aārĩmi, aarĩypuru.

<sup>16</sup> Irire pērã, judío masaka oparã ĩgũsã siñajãrĩnu aārĩmakũ Jesús buadire tauadea waja ĩgūrẽ ñerõ iripurori, wẽjẽduadiñurã.

<sup>17</sup> Īgũsã ĩgūrẽ ñerõ iriduumakũ ĩãgũ, Jesús ĩgũsarẽ aārĩmi:

—Yuru piriro marĩrõ moãgũ yãmi. Yude moãa, aārĩmi.

<sup>18</sup> Īgũ irire aarĩmakũ pērã, judío masaka oparã dupiyuro ĩgūrẽ wẽjẽduadero nemorõ wẽjẽduadiñurã. Īgũsã siñajãrĩnu aārĩmakũ buadire ĩgũ tauadea waja, ĩgũ Marĩpuru: “Yuru”, aarĩrĩ waja ĩgūrẽ irasũ wẽjẽduadiñurã. “Īgũ: ‘Yuru’, aarĩgũ, ĩgũ basi: ‘Yu Marĩpuru suro merã aārã’, aarĩgũ yãmi”, aarĩ gũñañurã.

### *Jesús ĩgũ Pagu ĩgūrẽ dorerosũta ĩgũ iririre weredea*

<sup>19</sup> Irasirigu Jesús ĩgũsarẽ asũ aarĩ weremi:

—Diayeta musãrẽ werea. Yu Marĩpuru magũ yu gããmerõ neõ iribea. Yuru iririre ĩãgũ, iri ditare yãa. <sup>20</sup> Yuru yure ĩgũ magūrẽ maĩmi. Irasirigu aarĩpereri ĩgũ iririre yure ĩmumi. I dapagorare ĩgũ turari merã yu iridea nemorõ gajire yure iridoregukumi. Īgũ turari merã irire yu iri ĩmumakũ ĩãrã, ĩãgũkarãkoa musã. <sup>21</sup> Yuru boanerãrẽ masũ, okari sĩrõsũta yude yu okari sĩduarãrẽ sigukoa. <sup>22</sup> Yuru masaka ñerõ iridea waja ĩgũsarẽ wajamoãbemi. Yu gapuru aarĩpereri ĩgũ turarire pími, ĩgũsarẽ wajamoãbure. <sup>23</sup> Aarĩpererã ĩgūrẽ buremurõsũta yudere buremuburo, aarĩgũ, yure irasiridoremi. Yure ĩgũ magūrẽ buremumerã Yurudere buremubema. Īgũ yure iriudi aarĩmi.

<sup>24</sup> Diayeta musãrẽ werea. Yu werenĩrẽrẽ pērã, yure iriudire buremurã, umugasigue Yuru merã perebiri okari opama. Wajamoãsũbirikuma. Īgũsã perebiri peamegue waabonerã tarisiamã. <sup>25</sup> Diayeta musãrẽ werea. Peamegue waabonerã yu Marĩpuru magũ werenĩmakũ pẽripoe dapagorare ejasiãa. Yu wererire pērã, yure buremurã Marĩpuru merã okarãkuma. <sup>26</sup> Yuru masakare okari sigũ aarĩmi. Irasirigu yu ĩgũ magūrẽ ĩgũ irirosũta ĩgũsarẽ okari sĩmakũ yãmi. <sup>27</sup> Yu aarĩpererã tĩgũ aārã. Irasirigu Yuru yure masaka ñerõ iridea waja ĩgũsarẽ wajamoãdoremi. <sup>28</sup> Musã ire pērã, pẽgukabirikõãka! Sunu boanerã aarĩpererã yu werenĩmakũ pẽrãkuma. <sup>29</sup> Īgũsã, yu werenĩmakũ pērã, masãgoberigue aarĩnerã masã, wiripereakõãrãkuma. Oarĩrẽ irinerã masãrãkuma, umugasigue perebiri okari opamurã. Ñerĩ irinerã gapu masãrãkuma, perebiri peamegue wajamoãsũmurã.

### *Jesús ĩgũyamarẽ werenemodea*

<sup>30</sup> Yu gããmerõ neõ irimasĩbea. Yuru yure iriudi gããmerĩrẽ, ĩgũ yure masakare wajamoãdorerosũta yãa. Irasirigu ĩgũsarẽ wajamoãgũ diayeta yãa. <sup>31</sup> Yu basi: “Yu Marĩpuru magũ ĩgũ iriudi aārã”, aarĩ weremakũ: “Mu werenĩrĩ neõ diaye aarĩbea”, aarĩbukoa musã. <sup>32</sup> Gajigu aarĩmi yaamarẽ weregu. Īgũ Yuru aarĩmi. Īgũ yaamarẽ wereri diayeta aārã. Irire yu õãrõ masã. <sup>33</sup> Musã gajirãrẽ Juãrẽ masakare wãiyerimasũrẽ yaamarẽ sẽrẽñadorerã iriubu. Īgũde yaamarẽ diayeta weremi. <sup>34</sup> Yu gapu sugu masakare yure: “Marĩpuru iriudi aarĩmĩ”, aarĩ werebure neõ amabea. Irasũ amabirikeregu, Juan yaamarẽ weredeare: “Diayeta aārã”, aarĩ werea, musã yure buremu, peamegue waabirikõãburo, aarĩgũ. <sup>35</sup> Juan musãrẽ siãgodiru irirosũ aarĩmĩ. Īgũ wereri siãgodiru ujũgoro irirosũ aarĩbũ. Īgũ wererire pērã, yoaweyaripoe musã usuyadibu. <sup>36</sup> Juan weredea nemorõ yu iriri merã



yɛ āārīrikurire masīsūa. Yɛpɛ turari merā īgū yɛre iriyuwarikudoredeare irigɛ yáa. I merā yɛre īgū iriudi āārīrīrē masīsūa. <sup>37</sup> Yɛpɛ yɛre iriudi, yaamarē ōārō weremi. Īgū irasū werekeremakū, īgū werenírīrē mɛsā neō pébea. Īgū deyorire neō iābea. <sup>38</sup> Yɛre Yɛpɛ iriudire mɛsā neō bɛremubea. Irasirirā īgūya kerere neō péduripíbea. <sup>39</sup> Yɛpɛyɛ werenírī gojadea pūrē mɛsā ōārō bueníkōāa. “Gɛa i pūrē buerā, Marīpɛ merā perebiri okarire bokarākoa”, ārī gūñáa mɛsā. Iri pūguere yaamarēta gojasūdero āārībú. <sup>40</sup> Iri pūguere yaamarē irasū gojasūkeremakū, mɛsā gapɛ yɛre gāāmebea. Irasirirā i okari yɛ sīrīrē opabirikoa.

<sup>41</sup> Masakare yaamarē ōārō werenímurārē āmabea. <sup>42</sup> Yɛ mɛsā masaka āārīrikurire masīa. Mɛsā Marīpɛre maírā meta āārā. <sup>43</sup> Yɛpɛ gāāmerōsūta yɛ aarikeremakū, mɛsā yɛre gāāmebea. Gajigɛ gapɛ īgū basi īgū gāāmerō aarimakū, mɛsā īgūrē gāāmerākoa. <sup>44</sup> ¿Nasirirā yɛre bɛremubukuri mɛsā? Mɛsā basi: “Ōārō yáa”, ārī gāme werenírīrē gāāmea. Marīpɛ sugɛ āārīgú mɛsārē: “Ōārō yáa”, ārī werenírī gapɛre gāāmebea. <sup>45</sup> Mɛsā yɛre gāāmebiri waja: “Īgū Paguguerere guare weresāgukumi”, ārī gūñabirikōāka! “Moisés dorerire irirā, Marīpɛ merā ōārō āārīrākoa”, ārī gūñakeremakū, Moisés gapɛ mɛsārē weresāgukumi. <sup>46</sup> Moisés īgū gojadea pūgue yaamarē gojadi āārīmí. Irasirirā īgū gojadeare bɛremurā, yɛdere bɛremuboayo mɛsā. <sup>47</sup> Moisés gojadeare mɛsā bɛremumerā, ¿nasirirā yɛ wereri gapɛre bɛremubukuri? ārīmi Jesús.

## 6

### *Jesús cinco mil āmarē baari ejodea*

*(Mt 14.13-21; Mr 6.30-44; Lc 9.10-17)*

<sup>1</sup> Jesús Jerusalēgue dupɛ buadire taudero pɛrɛ, gɛa īgū buerā īgū merā Galilea wāikurī ditaru gaji koepɛgue taribujabɛ. Iri ditaruta “Tiberias” wāikɛbɛ. <sup>2</sup> Masaka Jesús īgū turari merā pūrīrikurārē taumakū iāsīā, wárā īgūrē tɛyama. <sup>3</sup> Ditaru gaji koepɛgue īgū ejadero pɛrɛ, gɛa merā útāūgue mɛrīa, doami. <sup>4</sup> Irinɛ judío masaka bosenu, pascua bosenu ejaburo mérōgā dɛyabɛ. <sup>5</sup> Jesús wárā masaka īgū pɛro aarimakū iāgū, Felipere sērēñami:

—¿Noogue marī īsā masaka āārīpererā baaburire wajarirākuri? ārīmi.

<sup>6</sup> Jesús īgū basi īgū iriburire masīkeregu: “Felipe yɛre, ¿naásū yɛjugukuri?” ārīgū, irasū ārīmi. <sup>7</sup> Felipe īgūrē yɛjumi:

—Marī dosciento nɛrī moādea waja wajataropa pā duparu wajari, masakare marī gueremakū, neō ejabirikoa, ārīmi.

<sup>8</sup> Īgū irasū ārīmakū pégu, gɛa merāmu Andrés, Simón Pedro pagɛmu Jesúre ārīmi:

<sup>9</sup>—Ōō īī majīgū su mojōma pā duparu, pērā waaí opami. Masaka gapɛ wárāgora āārīma. Irasiriro īgūsārē baari neō ejabirikoa.

<sup>10</sup> Īgū irasū ārīmakū pégu, Jesús guare īgū buerārē ārīmi:

—Masakare āārīpererārē doadoreka! ārīmi.

Iro ōārō tákuro āārībú. Irasirirā iri weka doama. Őma ditare keomakū, cinco mil gora āārīmá. <sup>11</sup> Īgūsā eja doaperemakū iāgū, Jesús pā duparure āi, Marīpɛre: “Ōāa”, ārī, usɛyari sīmi. Irasiri odo, guare āārīpererā iro doarārē irire gueredoremi. Waaídere gueredoremi. Irasirirā āārīpererārē īgūsā baadɛaropa guereyobɛ. <sup>12</sup> Īgūsā yapimakū iāgū, Jesús guare īgū buerārē ārīmi:

—Īgūsā baadɛarire seaka! Ubugorata kōmobukoa, ārīmi.

<sup>13</sup> Su mojōma pā duparure masaka baadɛáadeare seasārā, pe mojōma pere su gubu peru pērēbejari puuirigora ɛtɛudobobɛ. <sup>14</sup> Masaka Jesús Marīpɛ turari merā īgūsārē baari sīmakū iārā, āsū ārīmi:

—Diayeta āārā. “Īī Marīpɛyɛ kerere weredupiyurimasū i ūmɛgue aaribu āārāyɛpɛ”, īgūsā ārīdita āārīmi.

<sup>15</sup> Irasirirã Jesúre turaro merã ãã, ãgũsã Opũ ããrĩbure sóodũarã iriadima. ãgũ gapũ irire masĩkõãmi. Irasirigũ dupaturi sugũta ãtãũgue mũrĩãkõãmi.

*Jesús deko weka waadea*

(Mt 14.22-27; Mr 6.45-52)

<sup>16</sup> Naĩtĩãwãgãrĩripoe ããrĩmakũ, gũã ãgũ buerã ditarugue buabũ. <sup>17</sup> Buaja, doódirugue ñajãã, Capernaugue taribujapũroribũ. Naĩtĩãrõgue iribũ. Jesús gũã pũrogue ejabirimi dapa. <sup>18</sup> Gũã taribujamakũ, mirũ bũro wẽjãpuwãgãribũ. Pagari makũrĩ wãgãbũ. <sup>19</sup> Su mojõma kilõmetro gũã waadero pũrũ, gũayaru pũro Jesús deko wekague aarimakũ ããbũ. ãgũ irasũ aarimakũ ããrã, bũro gũibũ. <sup>20</sup> Jesús gapũ gũare ãrĩmi:

—Yũta ããrã. Gũimerãta!

<sup>21</sup> ãgũ irasũ ãrĩmakũ pãrã, gũã ãgũrẽ õãrõ bokatĩrĩ ñajãdorebũ. ãgũ ñajãdero pũrũ, mata gũã waaderoguerẽ ejabũ.

*Masaka Jesúre ãmadea*

<sup>22</sup> Gajinũ gapũ masaka ditaru gaji koepũgue dujanerã iri ñamirẽ gũayaru suru dujadiru merã gũã taribujamakũ, Jesús gũã merã waabirideadere masĩñurã. <sup>23</sup> Irogue ãgũsã ããrĩripoere gaji doóriduparu Tiberias wãĩkũrĩ makãgue ããrãdea duparu, Jesús Marĩpũre: “Õãã”, ãrĩ, mũyari sĩ, masakare baari gueredero pũroweyague ejayuro. <sup>24</sup> Irasirirã Jesús, gũã ãgũ buerã marĩmakũ ããrã, iri doóriduparugue ñajãã, Capernaugue taribujañurã Jesúre ãmarã waarã.

*Jesús pã irirosũ ãgũ ããrĩrĩmarẽ weredea*

<sup>25</sup> Ditarure taribuja, Jesúre bokajarã, ãgũrẽ sãrẽñama:

—Buegũ, ¿naásũ ããrĩmakũ õõguere aarari mũ? ãrĩma.

<sup>26</sup> Jesús ãgũsãrẽ ãrĩmi:

—Diayeta mũsãrẽ werea. Yũ Marĩpũ turari merã iri ãmurĩrẽ ããkererã, ãgũ iriudi yũ ããrĩrĩrẽ bũremubea. Irasirirã, yũ mũsãrẽ ejodeare baayapinerã dita ããrĩsãã, yũre ãmãã. <sup>27</sup> Mũsã baari pereburi gapũ ditare wajatamurã, moãbirikõãka! Gaji baari yũ ããrĩpererã tũgũ sĩburi gapũre ãmaka! Iri baarire ãmarã, Marĩpũ merã pereburi okari oparãkoa. Yũpũ yũre irire mũsãrẽ sĩdoregũ ããrĩmi. ãgũ iriudi yũ ããrĩrĩrẽ mũsãrẽ ãmusiami, ãrĩmi.

<sup>28</sup> ãgũ irasũ ãrĩmakũ pãrã, ãgũrẽ sãrẽñama:

—¿Nasirirãkuri Marĩpũ iridorerire õãrõ iriyuwarikũmurã?

<sup>29</sup> Jesús ãgũsãrẽ yũjũmi:

—Marĩpũ mũsãrẽ iridoreri ãsũ ããrã. Yũre ãgũ iriudire bũremudoremi, ãrĩmi.

<sup>30</sup> ãgũ irasũ ãrĩmakũ pãrã, ãgũrẽ ãrĩma:

—Gũare mũrẽ bũremudoregũ, ¿ñeonorẽ mũ turari merã iri ãmugũkuri? ¿Naásũperire iri ãmugũkuri? <sup>31</sup> Masaka marĩrõgue marĩ ñekũsãmarã manã wãĩkũrĩre baanerã ããrĩmã. Marĩpũya werenĩrĩ gojãdea pũgue ãrĩderosũta ãmũgasima baarire ãgũsãrẽ sĩdi ããrĩmĩ, ãrĩma Jesúre.

<sup>32</sup> ãgũsã irasũ ãrĩmakũ pãgũ, Jesús ãgũsãrẽ ãrĩmi:

—Diayeta mũsãrẽ werea. Moisés ãmũgasima baarire mũsãrẽ sĩbiridi ããrĩmĩ. Yũputa baari ãmũgasima, diayemarẽ mũsãrẽ sĩgũ ããrĩmi. <sup>33</sup> Yũ ãmũgasigue ããrĩdi Marĩpũ iriudi, ãgũ baari irirosũ ããrĩgũ, i mũmũ marãrẽ okari sĩgũ ããrã, ãrĩmi.

<sup>34</sup> ãgũ irasũ ãrĩmakũ pãrã, ãgũrẽ ãrĩma:

—Gũã Opũ, iri baarire gũare sĩnĩkõãka!

<sup>35</sup> Jesús ãgũsãrẽ ãrĩmi:

—Yũ okarire sĩgũ, baari irirosũ ããrĩgũ ããrã. Yũre tũyagũ, neõ mũboabi irirosũ ããrĩgũkumi. Yũre bũremugũ, neõ ñemesibubi irirosũ ããrĩgũkumi. <sup>36</sup> Dupiyuro yũ mũsãrẽ ãrĩderosũta, mũsã gapũ yũre ããkererã, bũremubea dapa. <sup>37</sup> ããrĩpererã Yũpũ yũre sĩnerã yũre tũyarãkuma. ãgũsãrẽ yũ neõ beõbirikoa. <sup>38</sup> ãmũgasigue ããrĩdi yũ gããmerĩrẽ irigũ aarigũ

meta iribu. Yure iriudi gãamerĩ gapure irigu aaribú. <sup>39</sup> Yure iriudi àsũ gãamemi. Īgũ yure sĩnerãrẽ neõ sugure yu dedeubirimakũ gãamemi. I ùmũ peremakũ, yu ĩgũsãrẽ masũmakũ gãamemi. <sup>40</sup> Yurũ yure iriudi ããrĩpererã yure ĩgũ magũrẽ ĩãrã, yure bũremurã ĩgũ merã perebiri okarire opamakũ gãamemi. Irasirigu i ùmũ peremakũ, ĩgũsãrẽ masũgũkoa, ãrĩmi Jesús.

<sup>41</sup> Jesús: “Yu ùmũgasigue merã dijaridea baari irirosũ ããrĩgũ ããrã”, ãrĩrĩrẽ pérã, judío masaka oparã ĩgũrẽ werewũama. <sup>42</sup> Āsũ ãrĩma:

—¿Ī Jesús, José magũ ããrĩberi? Marĩ ĩgũ pagũ, ĩgũ pagore masĩa. ¿Nasirigu ĩgũ: “Ūmũgasigue ããrĩdi dijaribu”, ãrĩrĩ?

<sup>43</sup> Īgũsã irasũ ãrĩmakũ pégu, Jesús àsũ ãrĩ yũjumi:

—Mũsã yure werewũarire pirika! <sup>44</sup> Neõ sugũ ĩgũ gãamerõ yure tũyabirikumi. Yurũ gapũ yure iriudi masaka yure bũremumakũ irigu ããrĩmi. I ùmũ peremakũ, yure bũremurãrẽ masũgũkoa. <sup>45</sup> Marĩrũya kerere weredupiyunerã àsũ ãrĩ gojanerã ããrĩmã: “Marĩrũ ããrĩpererãrẽ buegũkumi”. Irasirirã ããrĩpererã Yurũya buerire pé bũremurã, ĩgũyare masĩrã yure tũyarãkuma.

<sup>46</sup> Neõ sugũ masakũ Yurũrẽ ĩãgũ mámi. Yu sugũta ĩgũ merã ããrĩdi ĩgũrẽ masĩa. <sup>47</sup> Diayeta mũsãrẽ werea. Yure bũremugũ Yurũ merã perebiri okari opami. <sup>48</sup> Yu baari irirosũ ããrĩgũ okari sĩgũ ããrã. <sup>49</sup> Mũsã ñekũsãmarã masaka marĩrõgue manãrẽ baanerã ããrĩmã. Irire baakererã, boanerã ããrĩmã. <sup>50</sup> Yu ùmũgasigue merã dijaridea baari gapure werea. Irire baagũ, neõ boabirikumi. <sup>51</sup> Yu ùmũgasigue merã dijaridea baari okari sĩrĩ irirosũ ããrĩgũ yũta ããrã. I baarire baagũ, Yurũ merã okanígũkumi. I baari yu sĩrĩ, yaa dũrũ ããrã. I ùmũ marã Yurũ merã okaníkõãburo, ãrĩgũ, yaa dũrũrẽ sĩgũkoa, ãrĩmi Jesús.

<sup>52</sup> Īgũ irasũ ãrĩmakũ pérã, judío masaka oparã ĩgũsã basi gãme guaseo, àsũ ãrĩma:

—¿Nasirigu marĩrẽ ĩgũya dũrũrẽ baadoregu sĩbukuri?

<sup>53</sup> Īgũsã irasũ ãrĩmakũ pégu, Jesús ãrĩmi:

—Diayeta mũsãrẽ werea. Yu ããrĩpererã tĩgũ ããrã. Mũsã yaa dũrũrẽ baamerã, yaa díre iirĩmerã okari opabea. <sup>54</sup> Yaa dũrũrẽ baagũ, yaa díre iirĩgũ, Yurũ merã perebiri okari opami. I ùmũ peremakũ, ĩgũrẽ masũgũkoa. <sup>55</sup> Yaa dũrũrẽ diayema baari ããrã. Yaa dí diayema iirĩrĩ ããrã. <sup>56</sup> Yaa dũrũrẽ baagũ, yaa díre iirĩgũ yu merã õãrõ ããrĩmi. Yũde ĩgũ merã õãrõ ããrã. <sup>57</sup> Yurũ yure iriudi okanígũ ããrĩmi. Īgũ okanígũ ããrĩsĩã, yũdere okanímakũ yámi. Irasirigu yure baagure yu irirosũ okanímakũ irigũkoa. <sup>58</sup> Yu irire ãrĩgũ, ùmũgasigue merã dijaridea baarire werea. I baari, manã mũsã ñekũsãmarã baadea irirosũ ããrĩbea. Īgũsã irire baakererã, boanerã ããrĩmã. Ūmũgasigue merã dijaridea baari gapure baagũno, okaníkõãgũkumi, ãrĩmi Jesús.

<sup>59</sup> Jesús Capernaugue judío masaka nerẽrĩ wiigue buegu, irire weremi.

### *Jesús werenĩrĩrẽ pérã perebiri okari opaburire werede*

<sup>60</sup> Īgũ irasũ ãrĩ buemakũ pérã, wãrã Jesũre tũyarã àsũ ãrĩ gãme werenĩma ĩgũsã basi:

—Īgũ wereri marĩ pémakũ, diasagorãa. ¿Noã ire bokatĩũbukuri? ãrĩma.

<sup>61</sup> Īgũsã werenĩrĩrẽ Jesús pékõãmi. Irasirigu ĩgũsãrẽ sãrẽñami:

—¿Yu wererire péduabirikuri? <sup>62</sup> Yu ããrĩpererã tĩgũ yu ããrĩderogue murĩãmakũ ĩãrã, ¿naãsũ gũñabukuri mũsã? <sup>63</sup> Ōãgũ deyomarĩgũ masakare okarire sĩmi. Īgũsãya dũrũ gapũ ĩgũsãrẽ okamakũ irimasĩña máa. Yu wererire pérã Ōãgũ deyomarĩgũ okari sĩrĩrẽ opama. <sup>64</sup> Irasũ ããrĩkeremakũ, gajirã mũsã merãmarã gapũ yure bũremubema dapa, ãrĩmi Jesús.

Neõgoraguere ĩgũrẽ bũremumerã ããrĩmurãrẽ, irasũ ããrĩmakũ ĩgũrẽ wẽjẽduarãguere ĩgũrẽ ĩmubure masĩsiayurũ. <sup>65</sup> Āsũ ãrĩmi:

—Āsū ārī wereabu musārē. Neō sugu ĩgū gāāmerō yare t̄yabirikumi. Yuru, yare b̄remumakū irigu āārīmi. ĩgū irasiribirimakū, neō suguno yare b̄remubiribukumi, ārīmi Jesús.

<sup>66</sup> ĩgū irasū ārīrīrē pérā, wárā Jesúre t̄yanerā neō t̄yanemobirima. <sup>67</sup> ĩgūsā irasirimakū ĩāgū, Jesús ḡare pe mojōma pere su gubu peru p̄rēbejarā ĩgū buerāre s̄erēñami:

—¿Musāde yare t̄yaduúrā yári? ārīmi.

<sup>68</sup> ĩgū irasū ārīmakū pégu, Simón Pedro ĩgūrē yajumi:

—Gua Oru, ¿noārē gua t̄yabukuri? Mu wereri, ḡare Marīpu merā perebiri okari opamakū yāa. <sup>69</sup> Gua mūrē b̄remusiāa. Gua ire masīsiāa. Mu ōāgū, Marīpu iriudi āārā, ārīmi.

<sup>70</sup> ĩgū irasū ārīmakū pégu, Jesús ḡare ārīmi:

—Yu musārē pe mojōma pere su gubu peru p̄rēbejarārē beyebu. Yu irasirikeremakū, sugu musā merā āārīgú wātīyagu āārīmi.

<sup>71</sup> Jesús irasū ārīgū, Judare Simón Iscariote magūrē ārīgū iriyupu. Judas pe mojōma pere su gubu peru p̄rēbejarā gua merā āārīkeregu, Jesúre w̄jēduarāguere ĩgūrē ĩmubu āārīmi.

## 7

### *Jesús pagupūrā ĩgūrē b̄remud̄abiridea*

<sup>1</sup> Jesús masakare irire buedero puru, Galilea nikūgue naagū waami. Judío masaka oparā ĩgūrē w̄jēduarire masīgū, Judea nikūguere āārīduabirimi. <sup>2</sup> Iripoere judío masaka ñekūsāmarā masaka marīrōgue āārīrā, wiirigā irideare gūñarī bosenu ejaburo dupiyuro āārībú. <sup>3</sup> Irasirirā Jesús pagupūrā ĩgūrē ārīma:

—Ōōrē dujabita, Judeague bosenure ĩāgū waaka! Irasirirā iroque mu buerā mu turari merā iri ĩmurīrē ĩārākuma. <sup>4</sup> Masaka mūrē masīmakū gāāmegū, mu turari merā iri ĩmurīrē āārīpererā ĩūrō iri ĩmugū waaka! ĩgūsā ĩāberogue iribirikōāka! ārīma.

<sup>5</sup> ĩgū pagupūrā āārīkererā, Jesúre b̄remubirima. <sup>6</sup> Irasirigu Jesús ĩgūsārē ārīmi:

—Masaka ĩgūsā yare masīburo d̄yakōāa dapa. Musārē iri bosenure ĩārā waad̄amakū ōāgorāa. <sup>7</sup> I ũmu marā musārē ĩaturibema. Yu gapure ĩgūsā ñerō irideare yu weremakū ĩaturima. <sup>8</sup> Musā bosenure ĩārā waaka! Yure yu waaburo d̄yakoa dapa. Irasirigu iri bosenure ĩāgū waabea dapa, ārīmi Jesús.

<sup>9</sup> ĩgū irire ārādero puru, Galileague dujami.

### *Jesús ĩgūsā wiirigā iriri bosenure ĩāgū waadea*

<sup>10</sup> ĩgū pagupūrā bosenure ĩārā waadero puru, Jesúde masaka ĩmurō marīrō waami, ĩgūsā ĩgū waarīre masībirikōāburo, ārīgū. <sup>11</sup> Iri bosenure judío masaka oparā ĩgūrē āmarā iriñurā. Āsū ārī s̄erēñañurā:

—¿Noogue āārīkuri ĩgū? ārīñurā.

<sup>12</sup> Wárā masaka Jesúyamarē werenírā iriñurā. Gajirā: “Ōāgū āārīmi”, ārīñurā. Gajirā gapu: “Ōāgū meta, masakare ārīkatorikugu āārīmi”, ārīñurā.

<sup>13</sup> Judío masaka oparārē gūirā, āārīpererā péurogue: “Jesús āsū āārīmi”, ārī werebirīñurā.

<sup>14</sup> Jesús iroque eja, iri bosenu dekok̄aripoe Marīpuya wiigue ñajāa, masakare buemi.

<sup>15</sup> ĩgū buemakū pérā, judío masaka oparā péguka, āsū ārīma:

—Ī buebiridi āārīkeregu, ¿nasirigu ōārō masīrī?

<sup>16</sup> ĩgūsā irasū ārīmakū pégu, Jesús ĩgūsārē ārīmi:

—Yu bueri, yaa meta āārā. Yure iriudiya bueri gapu āārā. <sup>17</sup> Marīpu gāāmerīrē irid̄arā yu buerire pérā: “Marīpu ĩgūrē buedorerosūta buemi. ĩgū gāāmerō werebemi”, ārīrākuma.

<sup>18</sup> Sugu ĩgū gāāmerō weregu, gajirārē: “ĩgū ōārō weremi”, ārī b̄remumakū irid̄agu

ãārĩmi. Gajigu Marĩpu ĩgũrẽ iriudi gããmerĩrẽ weregu gapu masakare: “Marĩpu õãtarimi”, ãrĩ buremumakũ yámi. ĩgũ ãrĩkatori marĩrõ diayeta weregu ãārĩmi.

<sup>19</sup> ‘Moisés Marĩpu doreri gojadea pũrẽ musãrẽ pídi ãārĩmí. Musã gapu neõ sugu iri dorerire iribea. ¿Nasirirã musã yure wějẽduari? ãrĩmi.

<sup>20</sup> Masaka ĩgũrẽ ãrĩma:

—Mu wãtĩ ñajãsũdi ããrã. ¿Noã murẽ wějẽduari?

<sup>21</sup> Jesús ĩgũsãrẽ ãrĩmi:

—Suñarõ siñajãrĩnu ãārĩmakũ yu sugu pũrĩrikugure taumakũ ĩãrã, musã ãārĩpererã ĩãgũkakõãbu. <sup>22</sup> Iripoegue Moisés musã pũrã ãmarẽ ĩgũsãya dupuma gasirogãrẽ\* wi-iridoredi ãārĩmí. ĩgũ irire doreburo dupiyuro musã ñekũsãmarã irasirisianerã ãārĩmã. Irasirirã musã majĩrãgãrẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero puru siñajãrĩnu ãārĩkeremakũ, ĩgũsãrẽ irasirinãa. <sup>23</sup> Irasirirã Moisés dorederosũta irirã, siñajãrĩnu ãārĩkeremakũ musã majĩrãgã ãmarẽ ĩgũsãya dupuma gasirogãrẽ wiiria. Siñajãrĩnu ãārĩmakũ yu sugure ãārĩpereri ĩgũya dupumarẽ õamakũ iribu. ¿Nasirimurã yu merã guari musã? <sup>24</sup> Musã yu irideare ĩãdero puru: “Ñerõ irimi”, ãrĩ werewuabirikõãka! Yu irideare õãrõ keoro pẽmasĩ odorãgue werenĩka! ãrĩmi Jesús.

### *Jesús ãmugasiague merã aaribũ, ãrĩ weredea*

<sup>25</sup> ĩgũ irasũ ãrĩripoere gajirã Jerusalén marã ãsũ ãrĩ werenĩma:

—¿ĩ marĩ oparã wějẽduagu meta ããrĩrĩ? <sup>26</sup> ĩgũ ãārĩpererã ĩũrõgue buegu yámi. Suguno gaputa ĩgũrẽ gajino neõ ãrĩbema. Gajipoe irirã marĩ oparã: “ĩ diayeta Cristo, Marĩpu iriudi ãārĩmi”, ¿ãrĩ gũñabukuri? <sup>27</sup> Marĩ ĩ aariderore masĩa. Cristo, Marĩpu iriugu gapure aarimakũ, ĩgũ ãārĩderoquere masĩbirikoa. Irasirigu Cristo ãārĩbirikumi ĩ, ãrĩma.

<sup>28</sup> Jesús Marĩpuya wiigue bueripoe ĩgũsã irasũ ãrĩ werenĩmakũ pẽgu, buro busuro merã ãsũ ãrĩ weremi:

—Musã yure masĩa, ãrã. ĩgũ aariderodere masĩa, ãrã. Yu gããmerõ aaribiribu. Yure iriudi keoro irigu ãārĩmi. Musã ĩgũrẽ masĩbea. <sup>29</sup> Yu ĩgũ purogue ããrĩdi ããrĩsĩã, ĩgũrẽ masĩa. ĩgũta yure iriumi, ãrĩmi Jesús.

<sup>30</sup> ĩgũ irasũ ãrĩmakũ pẽrã, ĩgũrẽ peresu iridũakererã, ñeãbirima. ĩgũ ñerõ tariburinu duyabu dapa. Irasirirã ĩgũrẽ ñeãbirima. <sup>31</sup> Gajirã wãrã masaka ĩgũrẽ buremuma. ãsũ ãrĩma:

—Neõ sugu, ĩ nemorõ Marĩpu turari merã iri ĩmugũ mámi. Irasirigu ĩ Cristo, Marĩpu iriudi ãārĩmi.

### *Fariseo bumarã Jesúre peresu iridoredea*

<sup>32</sup> Fariseo bumarã, masaka Jesúre: “ĩ Marĩpu iriudi ãārĩmi”, ãrĩrĩrẽ pẽñurã. Irasirirã ĩgũsã paia oparã merã Marĩpuya wiire korerã surarare ĩgũrẽ ñeã, peresu iridorerã iriudĩñurã.

<sup>33</sup> Irasirigu Jesús masakare ãsũ ãrĩmi:

—Yoaweyaripoe musã merã ããrĩgũkoa. Puru yure iriudi purogue waagũkoa. <sup>34</sup> Yu ããrĩburore musã waamasĩbirikoa. Irasirirã yure ãmakererã, neõ bokabirikoa.

<sup>35</sup> ĩgũ irasũ ãrĩmakũ pẽrã, judío masaka oparã ĩgũsã basi ãsũ ãrĩ gãme sërẽñama:

—Ĩgũ marĩrẽ: “Yure musã neõ bokabirikoa”, ãrĩgũ, ¿noógue waagũkuri? ¿ĩgũ judío masaka griego ããrĩrõgue makãrĩ waanerã purogue griego masakare buegu waabukuri?

<sup>36</sup> ĩgũ marĩrẽ: “Yu ããrĩburore musã waamasĩbirikoa. Irasirirã yure ãmakererã, neõ bokabirikoa”, ãrĩrĩ, ¿naásũ ãrĩduaro iriayuri? ãrĩma.

\* **7:22** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupuma gasirogãrẽ wiiridoredi ãārĩmí. Puru iri dorerire Moisére pídi ãārĩmí. Irasirirã judío masaka Abraham parãmerã ããrĩturarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero puru irasũ yáma.

### *Jesús okari sīrī dekomarē weredea*

<sup>37</sup> Īgūsā bosenu iritūnurīnu dupanugora āārīmakū, Jesús wāgānugā, buro busuro merā masakare āsū ārī weremi:

—Nemesiburā yu p̄rogue iirírā aarika! <sup>38</sup> Marīp̄ya werenírī gojadea p̄gue āsū ārī gojasūdero āārībú: “Yure b̄remurāya yuj̄p̄ūrārīguere okari sīrī deko ūmayoro irirosū āārīnikōārokoa”, ārī gojasūdero āārībú, ārīmi.

<sup>39</sup> Jesús irire ārīgū: “Yure b̄remurā Ōāgū deyomarīgūrē oparākuma”, ārīgū irimi. Jesús ūmugasigie m̄rīaburo dupiyuro Ōāgū deyomarīgū ejabirimi dapa.

### *Masaka dukawaridea*

<sup>40</sup> Jesús ārīrīrē pérā, gajirā āsū ārīma:

—Ī diayeta Marīp̄ya kerere weredupiyurimasū: “Marī p̄ro aaribu āārāyup̄”, Īgūsā ārīdi āārīmi.

<sup>41</sup> Gajirā āsū ārīma:

—Ī, Cristo Marīp̄ iriudi āārīmi.

Gajirā gap̄:

—Cristo, ¿nasiribu Galileamu āārībukuri? ārīma. <sup>42</sup> Marīp̄ya werenírī gojadea p̄gue āsū gojasūdero āārībú: “Cristo Marīp̄ iriubu, op̄ David parāmi āārīturiagu āārīgukumi. David deyoadea makā Belén wāik̄rī makāgue deyoagukumi”, ārī gojasūdero āārībú.

<sup>43</sup> Irasirirā Jesúre surosū gūñabirisīā, gāme dukawariakōāma. <sup>44</sup> Surāyeri Jesúre ñeā, peresu iridukererā, iribirima.

### *Judío masaka oparā Jesúre b̄remubiridea*

<sup>45</sup> Irasirirā Marīp̄ya wiire korerā surara Jesúre ñeādorera iriunerā, paía oparā, fariseo bumarā p̄rogue goedujáañurā. Īgūsā goedujajamakū ĩārā, Īgūsārē sērēñañurā:

—¿Nasirirā Jesúre ñeā, āiribirari?

<sup>46</sup> Surara Īgūsārē yuj̄ñurā:

—Neō suḡ Īgū irirosū werenígū mámi.

<sup>47</sup> Īgūsā irasū ārīmakū pérā, fariseo bumarā Īgūsārē ārīñurā:

—¿M̄sāde Īgū ārīkatori merā weremakū: “Diayeta weremi”, ārī b̄remurī? <sup>48</sup> Neō suḡ marī oparā, neō suḡ ḡua fariseo bumarā Īgūrē b̄remugū mámi. <sup>49</sup> Sīsā masaka gap̄ Īgū wererire b̄remurā, Marīp̄ Moisére doreri pídeare masībema. Wajamoāsūmurā āārīma.

<sup>50</sup> Nicodemo fariseo buma iro dupiyuro ñami merā Jesúre ĩāgū ejadi, Īgūsā merā āārīyup̄. Īgūsā irasū ārīmakū pégu, Īgūsārē ārīyup̄:

<sup>51</sup> —Marīrē doreri āsū ārā. Suḡ masakū Īgū irideare weremakū marī péburo dupiyuro ĩgūrē: “Ñerō iribu”, ārī wajamoāmasībea, ārīyup̄.

<sup>52</sup> Īgū irasū ārīmakū pérā, āsū ārī yuj̄ñurā:

—¿M̄de Īgū irirosū Galileamu āārīrī? Marīp̄ya werenírī gojadea p̄rē bueka! Iri p̄rē buegu: “Neō suḡ Galileamu Marīp̄ya kerere weredupiyurimasū mámi”, ārī masīgukoa.

### *Ūmū merā ñerō irigore weresādea*

<sup>53</sup> Īgūsā irasū ārādero p̄ru, Īgūsāya wiirigie dujáakōañurā.

## 8

<sup>1</sup> Jesús gap̄ ūtāū Olivos wāik̄digie waami. <sup>2</sup> Gajinu gap̄ boyoripoe āārīmakū, Marīp̄ya wiigie waami doja. Īgū ejamakū ĩārā, masaka āārīpererā Īgū p̄ro nerēma. Irasirigu eja doa, Īgūsārē buenugāmi. <sup>3</sup> Moisés gojadeare buerimasā, fariseo bumarā sugo nomeōrē gajigu igo marāp̄ āārībi merā igo ñerō irigore bokajañurā. Irasirirā Jesús bueripoe iri wiigie āārīpererā masaka ĩūrō igore āññajānū, Jesúre ārīma:

4 —Buegu, igo marāpukugo āārīkerego, gajigu merā ñerō irigore bokajabu. 5 Moisés Marīpu doreri gojadea pūgue igo nomeō irirosū irigonorē ūtāyeri merā dea wējēdoredi āārīmí. Mukoa, ¿naásū āārī?

6 “¿Naásū yujugukuri?” āārīā, ĩgūrē irasū ārī sērēñadima. “Īgū keoro yujubirimakū, marī oparāguere weresārākoa”, ārī gūñañurā. Īgūsā irasū sērēñamakū pégu, Jesús gapu muúbia doaja, nikūgue ĩgūya mojōsūrū merā gojami. 7 Īgūsā ĩgūrē sērēñaduúbirimakū pégu, Jesús wāgānugā, āsū ārīmi:

—Mūsā merāmu ñerō iribino igore ūtāye merā deapuroriburo.

8 Irasū ārī odo, dupaturi muúbia doaja, nikūgue gojami doja. 9 Īgū irasū ārīmakū pérā, ĩgūsā ñerī irideare pémasī, gūyasīrīrī merā, murā sugu puru, gajigu puru wiriapurorima. Irasirirā Jesúre suguta nomeō iro dujago merā pikōā, waakōāma. 10 Jesús wāgānugā, igore ārīmi:

—¿Noógue āārīrī murē weresānerā? ¿Neō sugu murē wajamoādoregu márī?

11 —Mámi, yu Opu, ārī yujumo.

Igo irasū ārīmakū, Jesús igore ārīmi:

—Yude murē wajamoādorebea. Irasirigo waaka! Dupaturi ñerīrē neō irinemo-birikōāka!

*Jesús i ūmu marārē sīāgori sīgū āārīrīmarē weredeā*

12 Jesús dupaturi masakare āsū ārī weremi:

—Yu i ūmu marārē sīāgori sīgū āārā. Yure tūyarā naītīārōgue āārīrā irirosū āārībema. Boyorogue āārīrā irirosū āārīma. Irasirirā yu okari sīrīrē oparākuma.

13 Īgū irasū ārīmakū pérā, fariseo bumarā ārīma:

—Mu basi mu āārīrikurire werea. Irasiriro mu werenírī neō wajamāa.

14 Jesús ĩgūsārē āsū ārī yujumi:

—Yu aariderore, yu waaburodere yu masīa. Mūsā gapu irire neō masībea. Irasirigu yu basi yu āārīrikurire werekeremakū, yu werenírī diayeta āārā. 15 Mūsā i ūmu marā irirosū yure werewhāa. Yu gapu neō sugure mūsā irirosū werewhabea. 16 Yu masaka āārīrikurire: “I gapu oāa, i gapu oābea”, ārīgū, keoro ārā. Yu suguta yu gāāmerō irire ārībea. Yuru yure iriudi merā irire irasū yāa. 17 Mūsārē doreri gojadea pūgue āsū ārā: “Pērā masaka ĩgūsā ĩdeare surosū weremakū: ‘Diayeta āārā’, ārī buremurō gāāmea”, ārī gojasūdero āārībú. 18 Yu basi yu āārīrikurire werea. Yuru yure iriudide yu āārīrikurire weremi, ārīmi.

19 Īgū irasū ārīmakū pérā, ĩgūrē sērēñama:

—¿Noógue āārīrī muru?

Jesús ĩgūsārē yujumi:

—Mūsā yure, Yurudere masībea. Yure masīrā, Yurudere masīboayo.

20 Jesús irasū ārī weregu, Marīpuya wiigue āārīmí. Masaka niyeru sīrā, ĩgūsā sārī kūmarī puru āārīmí. Īgū ñerō tariburinu ejabiribu dapa. Irasirirā neō sugu ĩgūrē ñeā, peresu iribirima.

*Jesús: “Yu waaburore mūsā waamasībirikoa”, ārī weredeā*

21 Jesús dupaturi judío masaka oparārē weremi:

—Yu āārīderogue waagukoa. Yu waadero puru, mūsā yure āmarākoa. Mūsā ñerī iridea waja, waja oparā boarākoa. Yu waaburoguere mūsā waamasībirikoa.

22 Īgū irasū ārīmakū pérā, gāme sērēñama:

—¿Nasirigu: “Yu waaburoguere mūsā waamasībirikoa”, ārīrī? ¿Īgū basi wējē boagukuri irasū ārīgū?

23 Jesús ĩgūsārē ārīmi:

—Mūsā gapu i ūmugue āārīrā, i ūmu marā āārā. Yu gapu ūmugasigue āārīdi, i ūmumu meta āārā. 24 Irasirigu mūsārē: “Mūsā ñerī iridea waja, waja oparā boarākoa”, ārābu.

Musã: “Y<sub>u</sub> ìgũ àãrã\*”, ãrĩ wereadeare b<sub>u</sub>remubirisĩã, musã ñerĩ iridea waja, waja oparã boarãkoa.

<sup>25</sup> Irasũ ãrĩgũ p<sub>é</sub>rã ìgũr<sub>é</sub> s<sub>ê</sub>r<sub>ê</sub>ñama:

—¿Noãno ããrĩrĩ m<sub>u</sub>?

Jesús ìgũsãr<sub>é</sub> y<sub>u</sub>j<sub>u</sub>mi:

—Buen<sub>u</sub>gãgũgueta musãr<sub>é</sub>: “Y<sub>u</sub> ìgũ àãrã”, ãrĩ weresiab<sub>u</sub>. <sup>26</sup> Y<sub>u</sub> musãyamar<sub>é</sub>, musã ñer<sub>ô</sub> iridea waja musãr<sub>é</sub> wajamoãburire wered<sub>u</sub>ari, wãri àãrã. Y<sub>u</sub>re iriudi gap<sub>u</sub> diaye weremi. Irasirigu ìgũ weremakũ y<sub>u</sub> p<sub>é</sub>dea ditare musã i ùm<sub>u</sub> marãr<sub>é</sub> werea, ãrĩmi.

<sup>27</sup> Jesús: “Y<sub>u</sub>re iriudi”, ãrĩgũ, ìgũ Pag<sub>u</sub>reta werenígũ irimi. Ìgũsã gap<sub>u</sub> irire p<sub>é</sub>masĩbirima.

<sup>28</sup> Irasirigu Jesús ìgũsãr<sub>é</sub> ãrĩmi:

—Y<sub>u</sub>re ããrĩpererã tígũr<sub>é</sub> musã curusague pábiatú ãiwãgũnúrãkoa. Musã irasũ irirã: “Y<sub>u</sub> ìgũ àãrã”, ãrĩ wereadeare: “Diayeta àãrã”, ãrĩ masĩrãkoa. Y<sub>u</sub> gããmer<sub>ô</sub> ne<sub>ô</sub> iribi, irasũ ããrĩmakũ Y<sub>u</sub>p<sub>u</sub> y<sub>u</sub>re buedea ditare y<sub>u</sub> wereg<sub>u</sub> ããrĩrĩr<sub>é</sub> masĩrãkoa. <sup>29</sup> Y<sub>u</sub>re iriudi y<sub>u</sub> merã ããrĩmi. Ìgũ gããmerĩ ditare irinía. Irasirigu ìgũ y<sub>u</sub>re ne<sub>ô</sub> béobemi.

<sup>30</sup> Jesús irasũ ãrĩmakũ p<sub>é</sub>rã, wãrã masaka ìgũr<sub>é</sub> b<sub>u</sub>remuma.

*Jesús Marĩp<sub>u</sub> pũrãyamar<sub>é</sub>, ñer<sub>ô</sub> iririmasãyamar<sub>é</sub> weredea*

<sup>31</sup> Jesús, judío masaka: “Marĩp<sub>u</sub> iriudi ããrĩmi”, ãrĩ b<sub>u</sub>remurãr<sub>é</sub> ãsũ ãrĩmi:

—Y<sub>u</sub> werenĩrĩr<sub>é</sub> b<sub>u</sub>remuduúmerã, diayeta y<sub>u</sub> buerã àãrã. <sup>32</sup> Irasirirã diayema ããrĩrĩr<sub>é</sub> masĩrãkoa. Irire masĩrã, ñer<sub>ô</sub> iririre pirirãkoa. Moãboanerã musã op<sub>u</sub>re wirianerã irirosũ ããrĩrãkoa.

<sup>33</sup> Ìgũ irasũ ãrĩmakũ p<sub>é</sub>rã, ìgũr<sub>é</sub> ãrĩma:

—G<sub>u</sub>a Abraham parãmerã ããrĩturiarãgue àãrã. Irasirirã ne<sub>ô</sub> gajirãyarã ìgũsãr<sub>é</sub> moãboerã ããrĩbea. Irasirigu: “Moãboanerã musã op<sub>u</sub>re wirianerã irirosũ ããrĩrãkoa”, ãrĩgũ, ¿naásũ ãrĩd<sub>u</sub>agu irasũ ãrĩrĩ m<sub>u</sub>?

<sup>34</sup> Jesús ìgũsãr<sub>é</sub> ãrĩmi:

—Diayeta musãr<sub>é</sub> werea. ããrĩpererã ñerĩr<sub>é</sub> irirã, ñerĩr<sub>é</sub> iridoreg<sub>u</sub>yarã ìgũ dokamarã irirosũ ããrĩma. <sup>35</sup> Sug<sub>u</sub> moãboeg<sub>u</sub> wii op<sub>u</sub> magũ irirosũ ne<sub>ô</sub> ããrĩbemi. Wii op<sub>u</sub> magũ gap<sub>u</sub> ìgũ pag<sub>u</sub>ya wiim<sub>u</sub> ããrĩnĩk<sub>ô</sub>ãkumi. <sup>36</sup> Y<sub>u</sub>, ùm<sub>u</sub>gasigue ããrĩgũ magũ àãrã. Irasirigu musãr<sub>é</sub> ñerĩr<sub>é</sub> iridoreg<sub>u</sub>yarã irirosũ ããrĩbirimakũ irig<sub>u</sub>, diayeta moãboanerã musã op<sub>u</sub>re wirianerã irirosũ ããrĩmakũ irig<sub>u</sub>koa. <sup>37</sup> Y<sub>u</sub> musã Abraham parãmerã ããrĩturiarire masĩa. Irasũ ããrĩkererã, musã y<sub>u</sub> wererire p<sub>é</sub>d<sub>u</sub>abea. Irasirirã y<sub>u</sub>re w<sub>é</sub>j<sub>é</sub>d<sub>u</sub>ãã. <sup>38</sup> Y<sub>u</sub>p<sub>u</sub> y<sub>u</sub>re masĩmakũ irideare musãr<sub>é</sub> werea. Musã gap<sub>u</sub> musãp<sub>u</sub> dorerire yáa.

<sup>39</sup> Ìgũsã ìgũr<sub>é</sub> ãrĩma:

—Abraham g<sub>u</sub>a ñekũ ããrĩdi ããrĩmĩ.

Jesús gap<sub>u</sub> ìgũsãr<sub>é</sub> ãrĩmi:

—Musã diayeta Abraham parãmerã ããrĩturiarã ããrĩrã ìgũ iriunaderosũta iririk<sub>u</sub>boayo.

<sup>40</sup> Y<sub>u</sub>p<sub>u</sub> y<sub>u</sub>re diaye wererire musãr<sub>é</sub> y<sub>u</sub> werekeremakũ, y<sub>u</sub>re w<sub>é</sub>j<sub>é</sub>d<sub>u</sub>ãã. Abraham gap<sub>u</sub> musã irirosũ ne<sub>ô</sub> irasiribiridi ããrĩmĩ. <sup>41</sup> Musã musãp<sub>u</sub> irirosũta yáa.

Ìgũ irasũ ãrĩmakũ p<sub>é</sub>rã, ãrĩma:

—G<sub>u</sub>a, pag<sub>u</sub> marĩrã irirosũ ããrĩbea. Marĩp<sub>u</sub> sug<sub>u</sub>ta g<sub>u</sub>ap<sub>u</sub> ããrĩmi.

<sup>42</sup> Jesús ìgũsãr<sub>é</sub> ãrĩmi:

—Y<sub>u</sub>p<sub>u</sub> diayeta musãp<sub>u</sub> ããrĩmakũ, musã y<sub>u</sub>re maĩboayo. Y<sub>u</sub> ìgũ merã ããrĩdita ò<sub>ô</sub> musã p<sub>u</sub>rogue aaribú. Y<sub>u</sub> gããmer<sub>ô</sub> aaribirib<sub>u</sub>. Y<sub>u</sub>p<sub>u</sub> y<sub>u</sub>re iriumi. <sup>43</sup> ¿Nasirirã y<sub>u</sub> wererire p<sub>é</sub>masĩberi musã? Musã y<sub>u</sub> wererire p<sub>é</sub>d<sub>u</sub>abirisĩã, p<sub>é</sub>masĩbea. <sup>44</sup> Musãp<sub>u</sub> wãtĩ ããrĩmi. Musã ìgũyarã àãrã. Irasirirã ìgũ gããmerĩr<sub>é</sub> irid<sub>u</sub>ãã. Ne<sub>ô</sub>gorag<sub>u</sub>eta masakare w<sub>é</sub>j<sub>é</sub>b<sub>é</sub>odi

\* **8:24** Exodo 3.13-15: Iripoegue Moisés Marĩp<sub>u</sub>re s<sub>ê</sub>r<sub>ê</sub>ñadi ããrĩmĩ: “Israel bumarã y<sub>u</sub>re: ‘M<sub>u</sub> iriudi wãĩ, ¿naásũ ããrĩrĩ?’ ãrĩ s<sub>ê</sub>r<sub>ê</sub>ñamakũ, ¿naásũ ãrĩ wereg<sub>u</sub>kuri?” Marĩp<sub>u</sub> ìgũr<sub>é</sub> ãsũ ãrĩdi ããrĩmĩ: “Y<sub>u</sub> wãĩ ‘YO SOY EL QUE SOY’ àãrã. Irasirigu Israel bumarãr<sub>é</sub> ãsũ ãrĩ wereka: ‘YO SOY y<sub>u</sub>re musãguere weredoreg<sub>u</sub> iriumi’, ãrĩka!” ãrĩdi ããrĩmĩ. “YO SOY EL QUE SOY”, ãrĩr<sub>ô</sub>: “Y<sub>u</sub> ããrĩnĩgũta àãrã, o ìgũta àãrã y<sub>u</sub>”, ãrĩd<sub>u</sub>aro yáa.



ããrĩgú yámi. Ìgũguere diayema neõ máa. Irasirigu ìgũ neõ diayemarẽ werebemi. Neõgoraguere masakare ãrĩkatopuroridi ããrĩmí. Irasirigu ìgũ irasũ ãrĩkatorikugũ ããrĩsĩã, ãrĩkatori ditare weremi. <sup>45</sup> Yũ gapũ diayemarẽ werea. Irasirirã yũ wererire pérã, musã irire buremubea. <sup>46</sup> ¿Noã yũre: “Mũ ãsũ irigu, ñerõ iriabũ”, ãrĩ masĩbukuri? Yũ musãrẽ diayemarẽ werekeremakũ, ¿nasirirã yũ wererire buremuberi? <sup>47</sup> Yũpũ pũrã ìgũ werenírĩrẽ péma. Musã gapũ ìgũ pũrã ããrĩbirisĩã, irire péduabea, ãrĩmi Jesús.

### *Cristo Abraham dupiyuro ããrĩdeamarẽ weredea*

<sup>48</sup> Jesús irasũ ãrĩmakũ pérã, judío masaka ìgũrẽ ãrĩma:

—Gũa: “Mũ Samariamũ, wãtĩ ñajãsũdi ããrã”, ãrĩrã, diayeta ãrĩrã yáa.

<sup>49</sup> Jesús ìgũsãrẽ ãrĩmi:

—Yũ wãtĩ ñajãsũdi ããrĩbea. Yũ iriri merã masaka Yũpũre: “Õãtaria mũ”, ãrĩmakũ yáa. Musã gapũ yũ iririre ìãkererã: “Ñerĩrẽ irigu ããrĩmi”, ãrã. <sup>50</sup> Yũre: “Õãrõ yáa”, ãrĩ buremurãrẽ ãmabea yũ. Yũpũ gapũ masakare yũre buremumakũ gããmemi. Ìgũta yũ iririre ìãgũ, yũre: “Õãrõ yáa”, ãrĩmi. <sup>51</sup> Diayeta musãrẽ werea. Yũ wererire irigu neõ boabirikumi.

<sup>52</sup> Ìgũ irasũ ãrĩmakũ pérã, ìgũrẽ ãrĩma:

—Dapagora gũa ire masĩa. Mũ wãtĩ ñajãsũdi ããrã. Abraham iripoegue boakõãdi ããrĩmí. Marĩpũya kerere weredupiyunerãde boakõãnerã ããrĩmã. Mũ gapũ: “Yũ wererire irigu neõ boabirikumi”, ãrã. <sup>53</sup> ¿Gũa ñekũ Abraham nemorõ ããrĩrĩ mũ? Ìgũ, Marĩpũya kerere weredupiyunerãde boakõãnerã ããrĩmã. ¿Noã ããrĩrĩ mũ irasũ ãrĩ weregũ?

<sup>54</sup> Jesús ìgũsãrẽ ãrĩmi:

—Yũ, yũ basi õãrõ werenírĩ wajamãa. Yũpũ gapũ musã: “Gũapũ ããrĩmi”, ãrĩgũ gapũ yũre õãrõ weremi. <sup>55</sup> Musã gapũ Yũpũre neõ masĩbea. Yũ ìgũrẽ masĩa. Yũ: “Ìgũrẽ masĩbea”, ãrĩgũ, musã irirosũ ãrĩkatorikugũ ããrĩbukoa. Yũ gapũ ìgũrẽ õãrõ masĩa. Irasũ ããrĩmakũ, ìgũ wererire yáa. <sup>56</sup> Musã ñekũ Abraham yũ i ãmũgue aariburire masĩdi ããrĩmí. Irasirigu yũ aarimakũ ìãgũ, bureo usuyari merã ããrĩdi ããrĩmí.

<sup>57</sup> Ìgũsã Jesúre ãrĩma:

—Mũ cincuenta bojori opabirikeregũ, ¿nasirigu Abrahãrẽ ìãdi ããrĩbukuri?

<sup>58</sup> Jesús ìgũsãrẽ ãrĩmi:

—Diayeta musãrẽ werea. Abraham dupiyuro ããrĩdi yũta ããrã.

<sup>59</sup> Ìgũ irasũ ãrĩmakũ pérã, ìgũsã ãtãyeri ãĩ, ìgũrẽ dea wẽjẽduamakũ, Marĩpũya wiigũ ããrãdi ìgũsã watope duriwiriakõãmi.

## 9

### *Deyoagũgueta koye ìãmasĩbire Jesús taudea*

<sup>1</sup> Gajinũ Jesús maague waagú, deyoagũgueta koye ìãmasĩbire bokajami. <sup>2</sup> Gũa ìgũrẽ ìãrã, Jesúre sërẽñabũ:

—Buegũ, ¿noã ñerõ iridea waja ìgũ koye ìãmasĩbi deyoayuri? ¿Ìgũ pagũsãmarã ñerõ iridea waja, o ìgũ basi ìgũ ñerõ iridea waja ìgũrẽ irasũ waayuri? ãrĩbũ.

<sup>3</sup> Jesús gũare ãrĩmi:

—Ìgũ ñerõ iridea, ìgũ pagũsãmarã ñerõ iridea ìgũ deyoagũgueta koye ìãmasĩbi ããrĩmakũ iribiribũ. Marĩpũ ìgũ turari merã ìgũrẽ õãrĩ iririre masakare ìmugũkumi. Irasirigu ìgũ koye ìãmasĩbi deyoami. <sup>4</sup> Ɖmũ merã masaka moãmasĩrã irirosũ dapagora Marĩpũ yũre iriugũ pídeare marĩrẽ iriro gããmea. Ñami merã moãmasĩmerã irirosũ pũrũgue ìgũ pídeare irimasĩbirikoa pama. <sup>5</sup> Yũ i ãmũguere ããrĩgú, masakare sĩãgori sĩgũ ããrã. Irasirigu ìgũsãrẽ Marĩpũre masĩmakũ yáa, ãrĩmi.

<sup>6</sup> Irasũ ãrĩ odo, nikũgue síkure eomeépí, iri merã morẽ, koye ìãmasĩbiya koyeguere túwãkãmi. <sup>7</sup> Irasiri odo, ìgũrẽ ãrĩmi:

—Siloé wāikuri deko gobegue ĩgūsā iridea gobegue m̄ya koyere koeg̃u waaka! ārīmi. “Siloé”, ārīrō: “Iriug̃u”, ārīduaro yāa.

Īgū irasū ārīmakū p̄eg̃u, koye ĩāmasībi irogue ĩgūya koyere koeg̃u waakōāmi. Koe odo, koye ĩāmasīgūgue dujariyup̄u. <sup>8</sup> Īgūya wiig̃ue dujajamakū, ĩgūya wii p̄uro āārīrā, iro dupiyuro ĩgū niyeru s̄ērēdi āārīmakū ĩānerā, s̄ērēñañurā:

—¿Ī dupiyuro niyeru s̄ērē doanídita āārīrī?

<sup>9</sup> Gajirā ārīñurā:

—Īgūta āārīmi.

Gajirā gap̄u ārīñurā:

—Īgū āārībemi. Īgū irirosū deyog̃u āārīmi.

Īgūsā irasū ārīmakū p̄eg̃u, koye ĩāmasībi āārādi gap̄u āsū ārīyup̄u:

—Īgūta āārā ȳu.

<sup>10</sup> Īgū irasū ārīmakū, masaka ĩgūrē s̄ērēñañurā:

—M̄u ĩāmasībiradi āārīg̃ú, ¿nasirig̃u dapagorare irasū ĩāmasīrī?

<sup>11</sup> Īgūsārē ȳj̄uyup̄u:

—Jesús wāikug̃u ĩgūya síku nikū merā moāmorē, ȳu koyere túwūkāmi. Túwūkā odo, ȳure: “Siloé wāikuri deko gobegue ĩgūsā iridea gobegue m̄ya koyere koeg̃u waaka!” ārāmi. Ȳu irogue waa, koyere koe odo, ĩāmasīp̄uroriab̄u.

<sup>12</sup> Īgū irasū ārīmakū, ĩgūrē s̄ērēñañurā doja:

—M̄urē irasiriadi, ¿noóg̃ue āārārī?

—Masībirikoa. Noó āārīg̃ú āārīkumi, ārīyup̄u.

*Fariseo bumarā koye ĩāmasībi āārīdire s̄ērēñadea*

<sup>13</sup> P̄uru ĩgūsā koye ĩāmasībiridire fariseo bumarā p̄rogue āāñurā. <sup>14</sup> Jesús ĩgūya síku nikū merā moāmorē, koye ĩāmasībire taudeanu judío masaka siñajārīnu āārībú. <sup>15</sup> Irasirirā fariseo bumarā koye ĩāmasībiridire s̄ērēñañurā:

—¿Nasirig̃u dapagorare oārō ĩārī?

Īgūsārē ȳj̄uyup̄u:

—Sug̃u ĩgūya síku nikū merā moāmorē, yaa koyere túwūkāmi. Irasirig̃u yaa koyere koeadero p̄uru, ĩāmasīp̄urorib̄u.

<sup>16</sup> Īgū irasū ārīmakū, surāyeri fariseo bumarā merāmarā ārīñurā:

—Īgūrē irasiridi, marī siñajārīnrīma dorerire iribi āārīmi. Irasirig̃u Marīp̄u iriudi āārībemi.

Gajirā gap̄u ārīñurā:

—Īgū ñerō irig̃uno āārīg̃ú, i iri ĩmurīrē irimasībiriboayup̄u. Irasirirā ĩgūsā surosū gūñabirisīā, dukawariñurā. <sup>17</sup> Irasirirā dupaturi koye ĩāmasībiridire s̄ērēñañurā doja:

—M̄ukoa, ¿naásū ārīrī m̄urē koye ĩāmasīmakū iridire?

Īgū ȳj̄uyup̄u:

—Īgū Marīp̄u kerere weredupiyug̃u āārīmi, ārā ȳu, ārīyup̄u.

<sup>18-19</sup> Judío masaka oparā gap̄u: “Ī koye ĩāmasīg̃ú, dupiyuro koye ĩāmasībi āārīdi āārībemi”, ārī gūñadiñurā. Irasirirā ĩgū pag̃usāmarārē siiu, s̄ērēñañurā:

—“¿Ī m̄u mag̃ú neō deyoag̃ug̃ueta koye ĩāmasībi āārīdi āārīmi”, ārīrī? Īgū diayeta koye ĩāmasībiridi āārīg̃ú, ¿nasiri dapagorare oārō ĩāmasīrī?

<sup>20</sup> Īgū pag̃usāmarā ȳj̄uñurā:

—Ire gua masīa. Ī gua mag̃úta āārīmi. Īgū deyoag̃ug̃ueta koye ĩāmasībiridita āārīmi.

<sup>21</sup> Īgū dapagora koye ĩāmasīrī gap̄ure, ĩgūrē ĩāmakū irididere masībea. Īgūrē s̄ērēñaka! B̄ug̃uro āārīmi. Īgū basi musārē ȳj̄umasīmi.

<sup>22</sup> Judío masaka oparā dupiyurogue āsū ārīñurā:

—Jesúre: “Marĩpu iriudi Cristo ããrĩmi”, ãrĩgũnorẽ marĩ nerẽrĩ wiirigue neõ ñajãdorebirikõãrã! ãrĩñurã. Irasirirã, Ìgũsã ãrĩdeare pénerã ããrĩsã, koye Ìãmasĩbiridi pagusãmarã Ìgũsãrẽ güigorañurã. <sup>23</sup> Irasirirã Ìgũsãrẽ: “Buguro ããrĩmi. Ìgũrẽ sërẽñaka!” ãrĩñurã.

<sup>24</sup> Judío masaka oparã irire pérã, dupaturi koye Ìãmasĩbiridire siiu, Ìgũrẽ ãrĩñurã doja:

—Marĩpu mu wererire pémi. Irasirigu Ìgũ péurogue guare diaye wereka! Gũa ire masã. Jesús ñerõ irigu ããrĩmi.

<sup>25</sup> Ìgũsã irasũ ãrĩmakũ pégu, Ìgũsãrẽ ãsũ ãrĩ yujuyupu:

—Jesúre Ìgũ ñegũ, o õãgũ ããrĩrĩrẽ masĩbirikoa yu. I ditare masã. Yu dupiyuroguere koye Ìãmasĩbi ããrĩbú. Dapagorare Ìãa, ãrĩyupu.

<sup>26</sup> Ìgũ irasũ ãrĩmakũ pérã, dupaturi Ìgũrẽ sërẽñañurã doja:

—¿Nasiriri Ìgũ murẽ? ¿Nasirigu Ìgũ murẽ koye Ìãmasĩmakũ iriri?

<sup>27</sup> Ìgũ yujuyupu Ìgũsãrẽ:

—Irireta musãrẽ weresiabu. Yu irasũ ãrĩ werekeremakũ, musã gapu yu wererire péduabirabu. ¿Nasirirã dupaturi yu irire weremakũ péduari? ¿Musãde Ìgũ buerã ããrĩduakuri?

<sup>28</sup> Ìgũ irasũ ãrĩmakũ pérã, Ìgũrẽ turiñurã:

—Mu Ìgũ buegu ããrã. Gũa gapu Moisés gojadeare buerã ããrã. <sup>29</sup> Ire gũa masã. Marĩpu Moisére weredi ããrĩmí. Jesúre iriudi gapure gũa masĩbea.

<sup>30</sup> Ìgũsã irasũ ãrĩmakũ, Ìgũsãrẽ ãsũ ãrĩ yujuyupu:

—Musã irasũ ãrĩmakũ, pégukakõãkoa. Ìgũ yure koye Ìãmasĩmakũ irikeremakũ, musã Ìgũrẽ iriudire masĩbea, ãrã. <sup>31</sup> Marĩ ire õãrõ masã. Marĩpu ñerõ irirã Ìgũrẽ sërẽmakũ pébemi. Ìgũrẽ buremugũ, Ìgũ dorerire irigure Ìgũ sërẽrĩ ditare pémi. <sup>32</sup> Marĩ neõ sugu deyoagugua koye Ìãmasĩbire Ìãmakũ irigu ããrĩrĩrẽ pébea. <sup>33</sup> Marĩpu Jesúre iriubirimakũ, yure koye Ìãmasĩmakũ iribiriboañumi, ãrĩyupu.

<sup>34</sup> Ìgũ irasũ ãrĩmakũ pérã, ãrĩñurã:

—Mu deyoagugua ñerĩ merã deyoadi ããrĩkeregu, ¿irire wereduari guare buebu? ãrĩñurã.

Irasirirã judío masaka nerẽrĩ wiigue Ìgũrẽ ñajãdorebiriñurã.

*Jesús Ìgũyare pémerã koye Ìãmasĩmerã irirosũ ããrĩma, ãrĩ werede*

<sup>35</sup> Jesús koye Ìãmasĩbiridire Ìgũsã béowiuadeare pémi. Irasirigu Ìgũrẽ bokajagu, sërẽñami:

—¿Marĩpu magũ ããrĩpererã tígũrẽ buremurĩ mu?

<sup>36</sup> Ìgũ Jesúre ãrĩmi:

—Yu Opu, ¿noã ããrĩrĩ Ìgũ? Wereka yure! Ìgũrẽ masĩgũ, buremugura.

<sup>37</sup> Jesús Ìgũrẽ ãrĩmi:

—Mu Ìgũrẽ Ìãsiáa. Yu mu merã werenígũ, Ìgũta ããrã.

<sup>38</sup> Irire ãrĩmakũ pégu, Jesús puro ñadukupuri merã ejamejã, Ìgũrẽ:

—Yu Opu, murẽ buremua, ãrĩmi.

<sup>39</sup> Puru Jesús ãsũ ãrĩmi:

—Yu masaka irideare: “I gapu õãa, i gapu õãbea”, ãrĩgũ, i umuguerere aaribú. Yuru gããmerĩrẽ masĩmerã, koye Ìãmasĩmerã irirosũ ããrĩma. Irasirigu koye Ìãmasĩmerã irirosũ ããrĩrãrẽ Ìgũ gããmerĩrẽ masĩburo, ãrĩgũ, “Gũa õãrõ masã”, ãrĩ güñarã gapure koye Ìãmasĩmerã irirosũ waaburo, ãrĩgũ aaribú.

<sup>40</sup> Ìgũ irasũ ãrĩmakũ pérã, surãyeri fariseo bumarã Ìgũrẽ ãrĩma:

—¿Mu irire ãrĩgũ, guadere: “Koye Ìãmasĩmerã irirosũ ããrã”, ãrĩgũ yári?

<sup>41</sup> Jesús Ìgũsãrẽ ãrĩmi:

—Musã koye Ìãmasĩmerã irirosũ Yuru gããmerĩrẽ masĩmerã ããrĩã, musã ñerĩ iridea wajare opabiribukoa. “Gũa õãrõ masã”, ãrĩã ããrĩsã, musã ñerõ iridea wajare opãa dapa, ãrĩmi.

## 10

*Jesús oveja korerimasū iririkuri keori merā weredeā*

<sup>1</sup> Jesús irire āri odoadero puru, keori merā āsū āri weremi:

—Diayeta musārē werea. Oveja korerimasū ĩgūsārē duripiri sārīrō makāpurore űajāgū irirosū iribino, yajarimasū āārīkumi. Makāpuro marīrōgue űajākumi. <sup>2</sup> Makāpuro űajāgū gapu oveja korerimasū āārīkumi. <sup>3</sup> Makāpurore koregu tūpākumi, oveja korerimasūrē űajāridoregu. Oveja korerimasū űajāmakū, oveja ĩgū werenīmakū pékuma. ĩgūyarārē ĩgūsā wāi merā oekumi. Irasū oegu, ĩgūsārē siu wiukumi. <sup>4</sup> ĩgūyarā āārīpererārē oe, siu wiu odo, ĩgūsārē dupiyuwāgākumi. Oveja ĩgū werenīrērē masīrā āārīsīā, ĩgūrē tuyakuma. <sup>5</sup> Gajigure ĩgūsā ĩāmasībire tuyabirikuma. ĩgū werenīrērē masīmerā āārīsīā, ĩgūrē gūi űmaduriwāgākōākuma.

<sup>6</sup> Jesús iri keori merā ĩgūsārē weremakū pérā gapu pémasībirima. “Āsū ārīduaro irikoa i”, ārīmasībirima.

*Jesús ovejare oārō koregu irirosū āārīrīmarē weredeā*

<sup>7</sup> Irasirigu Jesús ĩgūsārē werenemomi doja:

—Diayeta musārē werea. Yu ovejare duripiri sārīrō makāpuro irirosū āārā. <sup>8</sup> Āārīpererā űerā yu dupiyuro aarinerā, yajarimasā irirosū āārīma. Yaarā oveja irirosū āārīrā gapu ĩgūsārē pébema. <sup>9</sup> Yu makāpuro irirosū āārā. Yure bāremurā iri makāpurore űajārā irirosū āārīma. ĩgūsārē peamegue waabonerārē taugūkoa. Oveja gūiro marīrō ĩgūsārē duripiri sārīrō makāpurore űajārā, wirirā ĩgūsā baaburi bokarā irirosū āārīrākuma.

<sup>10</sup> Yajarimasā ovejare yajamurā, wējēmurā, poyanorēmurā aarīma. Yu gapu ĩgūsārē okarire opamakū irigu aaribū. Āārīpereri oārīrē opaburo, ārīgū, aaribū. <sup>11</sup> Yu ovejare oārō koregu irirosū āārā. Ovejare oārō koregu wējēsūbu āārīkoregu, ĩgūsārē béobirikumi. ĩgūsā oārō āārīburire boabosagukumi. <sup>12</sup> Gajigu moārīmasū gapu ĩgū moāwajatari ditare gūñami. Ovejare oārō koregu irirosū āārībemi. Oveja ĩgūyarā āārībema. Irasirigu makānūumu diayée ovejare űeā wējēgū aarimakū ĩāgū, ovejare bēo, gūi űmaduriwāgākōāmi. ĩgūsārē bēowāgādero puru, makānūumu diayée ovejare űeāmakū ĩārā, gajirā oveja űmasiriwāgākōāma. <sup>13</sup> Moārīmasū ĩgū moāwajatari ditare gāāmemi. Irasirigu ovejare ĩgūsā oārō āārīburire gūñabemi.

<sup>14-15</sup> Yu ovejare oārō koregu irirosū āārā. Yuru yure masīmi. Yude Yuru masīa. I irirosū yaarā ovejare yu masīa. Yaarāde yure masīma. Irasirigu yu okarire maībea. ĩgūsā oārō āārīburire boabosagūkoa. <sup>16</sup> Gajirā oveja gaji duripiri sārīrō marā irirosū āārīma. ĩgūsāde yaarā āārīma. ĩgūsādere āīgūkoa. Yu werenīrērē pérākuma. Irasirirā yaarā āārīpererā su buta āārīrākuma. Yu suguta ĩgūsārē koregūkoa.

<sup>17</sup> Yaarā oārō āārīburire boabosagūkoa. Yu okarire maībi āārīsīā, irasirigūkoa masā, dupaturi okabu. Yu irasiribu āārīmakū, Yuru yure maīmi. <sup>18</sup> Yu gāāmebirimakū, neō sugū yure boamakū irimasībiribukumi. Yu gāāmerō merā boagūkoa. Yu turaro merā yu gāāmerērē irimasīgū āārīsīā, yu gāāmerō merā boa, puru masāgūkoa. Yuru yure irireta iridoremi, ārīmi Jesús.

<sup>19</sup> ĩgū irasū ārīmakū pérā, judío masaka dupaturi surosū ĩgūrē gūñabirisīā, dukawarima.

<sup>20</sup> Gajirā wārā ĩgūsā merāmarārē ĩgūyamarē ārīma:

—ĩgū wātī űajāsūdi, niāsūgū yāmi. ¿Nasirirā ĩgūrē péri masā?

<sup>21</sup> Gajirā gapu ārīma:

—Wātī űajāsūdi, ĩgū irirosū oārō werenībiribukumi. Koye ĩāmasībidere ĩāmakū iri-masībiribukumi, ārīma.

*Judío masaka Jesúre gāāmebiridea*

<sup>22</sup> Puibu ããrĩmakũ, Jerusalégue judío masaka bosenu irima. Iripoegue marã Marĩpuya wiire iripeodeare gũñarĩ bosenu ããrĩbú. <sup>23</sup> Iri bosenuř Jesú, Pórtico de Salomón wãikuri taribu Marĩpuya wii turo biaña marĩrĩ taribugue waagorenami. <sup>24</sup> Irogue ĩgũ ããrĩmakũ ĩãrã, judío masaka oparã ĩgũ puro nerẽ, ĩgũrẽ sërẽñama:

—¿Naásũ ããrĩmakũ guare õãrõ diaye weregakuri? ¿Mu Cristo, Marĩpu iriudita ããrĩrĩ?

<sup>25</sup> Jesú ĩgũsãrẽ yũjumi:

—Mũsãrẽ weresiabu. Mũsã gapu yu wererire bũremubea. Yu, Yũpu yure dorerosũta ĩgũ turari merã iri ĩmurĩrẽ irinagũ yãa. I merã yu ããrĩkũrĩre masĩsũa. <sup>26</sup> Yu ĩgũ turari merã iri ĩmurĩrẽ ĩãkererã, mũsã gapu yure bũremubea. Mũsã yaarã ããrĩbirisĩã, yure bũremubea. Yu dupiyuro werederosũta mũsã gajigũyarã oveja irirosũ ããrã. <sup>27</sup> Yaarã oveja yu werenĩrĩrẽ masĩma. Yu ĩgũsãrẽ masĩa. Irasirirã yure tũyama. <sup>28</sup> Yu ĩgũsãrẽ mũmugasigue perebiri okari opamakũ yãa. Irasirirã perebiri peamegue neõ waabirikuma. Yu ĩgũsãrẽ korea. Gajirã ĩgũsãrẽ neõ yure emamasĩbema. <sup>29</sup> Yũpu ĩgũsãrẽ yure sĩdi ããrĩmĩ. ĩgũ ããrĩpererã nemorõ turagu ããrĩmĩ. ĩgũde ĩgũsãrẽ koremi. Gajirã ĩgũsãrẽ neõ ĩgũdere emamasĩbema. <sup>30</sup> Yu, Yũpu merã suguta ããrã, ãrĩmi Jesú.

<sup>31</sup> ĩgũ irasũ ãrĩmakũ pérã, dupaturi judío masaka ãtãyeri ãĩma, ĩgũrẽ dea wẽjẽduarã.

<sup>32</sup> ĩgũsã irasiridũamakũ ĩãgũ, Jesú ĩgũsãrẽ ãrĩmi:

—Yu, Yũpu yure dorederosũta wãri ĩgũ turari merã iri ĩmurĩrẽ iribu. Mũsã irire ĩãbu. ¿Ñeeno yu iridea waja mũsã yure ãtãyeri merã dea wẽjẽduari?

<sup>33</sup> ĩgũsã ĩgũrẽ ãrĩma:

—Mu õãrõ iriri waja gũa mũrẽ ãtãyeri merã dea wẽjẽduabea. Mu Marĩpũre ñerõ werenĩrĩ waja mũrẽ ãtãyeri merã dea wẽjẽduãa. Mu masakũ ããrĩkeregu: “Marĩpu ããrã yu”, ãrĩ werenĩa.

<sup>34</sup> ĩgũsã irasũ ãrĩmakũ pégũ, Jesú ĩgũsãrẽ ãrĩmi:

—Marĩpu ãsũ ãrĩdi ããrĩmĩ ĩgũ mũsãrẽ doreri gojadea pũgue: “Mũsã yu irirosũ ããrã”, ãrĩdi ããrĩmĩ. <sup>35</sup> Marĩ ire masĩa. Marĩpu ĩgũya werenĩrĩ gojadea pũgue ãrĩrĩ diayeta ããrã. Marĩrẽ neõ irire: “Diaye ããrĩbea”, ãrĩ masĩña máa. Irasiriro iri pũguere ĩgũya kerere pérãrẽ: “Yu irirosũ ããrĩma”, ãrĩrĩ diayeta ããrã. <sup>36</sup> Marĩpu yure beyesĩã, i mũmguere iriumi. Irasũ ããrĩkeremakũ: “Yu Marĩpu magũ ããrã”, ãrĩdea waja mũsã gapu yure: “Marĩpũre ñerõ werenĩmĩ”, ãrã. ¿Nasirirã yure irasũ ãrĩrĩ mũsã? <sup>37</sup> Yũpu yure dorerosũta ĩgũ turari merã yu iri ĩmubirimakũ ĩãrã, yu wereri gapure bũremubirikõãka! <sup>38</sup> Yũpu yure dorerosũta yu iri ĩmumakũ ĩãrã, yu wererire bũremubirikererã, yu iriri gapure: “Marĩpu turari merã iriri ããrã”, ãrĩ bũremuka! Mũsã irire ãrĩ bũremurã, Yũpu yũguere õãrõ ããrĩrĩrẽ, irasũ ããrĩmakũ yu ĩgũ merã suguta ããrĩrĩrẽ masĩrãkoa.

<sup>39</sup> ĩgũ irasũ ãrĩmakũ, ĩgũrẽ peresu iridũarã ñeãduarã iriadima doja. ĩgũ gapu ĩgũsãrẽ duriwiriakõãmi.

<sup>40</sup> Wiria, Juan masakare wãiyepuroriderogue dia Jordán wãikũdiya gaji koepugue dupaturi waa, irogue dujami. <sup>41</sup> Masaka wãrã ĩgũrẽ ĩãrã ejama. ãsũ ãrĩma:

—Juan masakare wãiyedi Marĩpu turari merã iririre iri ĩmubirikeregu, ããrĩpereri Jesúyamarẽ weredeã diayeta ããrã, ãrĩma.

<sup>42</sup> Irasirirã wãrã iroguere Jesúre bũremuma.

## 11

### *Lázaro boadea (Lc 10.38-42)*

<sup>1-2</sup> Iripoere Betania wãikuri makãmu Lázaro wãikũgu pũrĩrikũgu iriyupu. Iri makã, ĩgũ tĩrã nome María, Marta wãikũrãya makã ããrĩbú. María marĩ Opũ Jesúya gubure sũrõrĩ merã piupeo, igo poari merã túkoebo ããrĩmó. <sup>3</sup> Lázaro pũrĩrikũmakũ ĩãrã, ĩgũ tĩrã nome gajirã merã Jesúre kere iriuñurã:

—Gua Opu, mu maĩgũ pũrĩrikũgũ yámi, ãrĩ kere iriuñurã.

<sup>4</sup> Jesús iri kerere pégu, ãrĩmi:

—Iri pũrĩrĩ ĩgũrẽ boamakũ iriburi ããrĩbea. Iri merã Marĩpu masakare ĩgũ turarire ĩmugukumi. ĩgũ irire ĩmugũ, yũ ĩgũ magũ ããrĩrĩrẽ, ĩgũ turari opagũ ããrĩrdere ĩmugukumi.

<sup>5-6</sup> Irasirigũ Jesús Martare, igo pagumore, Lázaro bũro maĩsĩã, Lázaro pũrĩrikũri kere péadero pũrũ, penũ ĩgũ ããrĩrũguere dujanemomi. <sup>7</sup> Penũ pũrũ guare ĩgũ buerãrẽ ãrĩmi:

—Náka, dupaturi Judea nikũgue waarã doja!

<sup>8</sup> Gua ĩgũrẽ ãrĩbũ:

—Buegũ, irinũgue marĩ irogue ããrĩmakũ, judío masaka mũrẽ ùtãyeri merã dea wẽjẽdũama. ¿Nasirigũ mu irogue dupaturi waadũari?

<sup>9</sup> Gua irasũ ãrĩmakũ, Jesús keori merã guare ãsũ ãrĩ weremi:

—Sunũrẽ pe mojõma pere su gubu peru pẽrẽbejari horagora ããrã. Irasirirã, i ùmũguere sĩãgori ããrĩyumakũ, iri boyori merã masaka noó waaró waarã, gubutũabirikuma. <sup>10</sup> Nami merã sĩãgori marĩrõ waarã gapũ gubutũama.

<sup>11</sup> ĩgũ irire ãrĩ odo, guare ãrĩmi:

—Marĩ merãmu Lázaro kãrĩakõãmi. Yũ ĩgũrẽ yobegũ waagũkoa.

<sup>12</sup> Gua ĩgũrẽ ãrĩbũ:

—Gua Opu, Lázaro kãrĩmakũ, ĩgũ sĩrĩrĩ tarirokoa, ãrĩbũ.

<sup>13</sup> Jesús: “Kãrĩakõãmi”, ãrĩgũ, ĩgũ kõmoadeare weregũ iridi ããrĩmĩ. Gua gapũ: “Ĩgũ kãrĩrĩrẽ weremi”, ãrĩ gũñadibũ. <sup>14</sup> Irasirigũ Jesús pémasĩma õãrõ guare weremi:

—Lázaro boakõãmi. <sup>15</sup> Yũ usũyáa, yũ marĩrõ boami. ĩgũ boari merã mũsã yũre bũremunemorãkoa. Náka, marĩ ĩgũrẽ ĩãrã! ãrĩmi.

<sup>16</sup> Jesús irire ãrĩmakũ pégu, Tomás “Sũduadi” ĩgũsã ãrĩgũ guare ãrĩmi:

—Marĩ Jesús merã waarã! ĩgũ irogue boamakũ, marĩde ĩgũ merãta boakõãrã!

*Jesús boanerãrẽ masãmakũ irigũ, okari sĩgũ ããrĩrĩmarẽ werede*

<sup>17</sup> Jesús Betaniague ejamakũ, iro marã ĩgũrẽ werema:

—Wapikũrinũ taria, Lázaro dagũre ĩgũsã yáadero pũrũ, ãrĩma.

<sup>18</sup> Betania, Jerusalén pũrogã, pe kilómetro gaji kilómetro deko yoaro ããrĩbũ. <sup>19</sup> Irasirirã judío masaka wãrã Lázaro boadea kerere pãrã, Marta, Marĩare ĩãrã waañurã, ĩgũsãrẽ ĩã gũñaturaburo, ãrĩrã. <sup>20</sup> Jesús ĩgũsã pũro ejaburi kerere pégo, Marta ĩgũrẽ bokatĩrĩgõ aarimó. Marĩa gapũ wiigueta dujakõãdeo ããrĩmó. <sup>21</sup> Marta Jesús pũro ejago, ĩgũrẽ ãrĩmo:

—Yũ Opu, mu õõgue ããrĩmakũ, yũ pagũmũ boabiriboadi ããrãmi. <sup>22</sup> Yũ masĩa. Mu Marĩpũre sãrẽmakũ, ããrĩpereri mu sãrẽrõsũta irigũkumi.

<sup>23</sup> Jesús igore ãrĩmi:

—Mu pagũmũ dupaturi okagũkumi.

<sup>24</sup> Igo ĩgũrẽ ãrĩmo:

—Yũ masĩa. I ùmũ peremakũ ããrĩpererã boanerã masãmakũ, ĩgũde dupaturi okagũkumi.

<sup>25</sup> Igo irasũ ãrĩmakũ, Jesús ãsũ ãrĩmi:

—Yũ boanerãrẽ masãmakũ irigũ, ĩgũsãrẽ okari sĩgũ ããrã. Yũre bũremugũ boadigue ããrĩkeregũ, okagũkumi. <sup>26</sup> Irasirirã okarã yũre bũremurãno neõ boabirikuma\*. ¿Mu ire bũremurĩ?

<sup>27</sup> Igo ĩgũrẽ ãrĩmo:

—Yũ Opu, mũrẽ bũremua. Mu, Cristo Marĩpu magũ, i ùmũgue aarigũkumi, ĩgũsã ãrĩdi ããrã.

*Jesús Lázaro yã dũpũre yáadea masãgobe pũro oredea*

\* **11:26** Jesús: “Okarã yũre bũremurãno neõ boabirikuma”, ãrĩgũ, ĩgũsã ùmũgasigue perebiri okaburire, perebiri peamegue neõ waabiriburire werenígũ irimi.

28 Marta irasũ ārĩ odo, igo pagũmo Mariare siiugo waamo. Gajirã péberogã igore àsũ ārĩyupo:

—Marĩrẽ buegũ ejasiami. Mũrẽ siiuami.

29 Igo irasũ ārĩmakũ pégo, mata María ĩgũ pũrogue mumurõ merã aarimó. 30 Jesús makãgue ejabirimi dapa. Marta ĩgũrẽ bokatĩrĩaderogueta ãārĩmĩ. 31 Judío masaka wiigue Mariare ĩã gũñaturaburo, ārĩrã, igo merã ãārãnerã, igo mumurõ merã waamakũ ĩãrã, igore tũyawãgãñurã. “Igo pagũmũ yãa masãgobegue orego waagó irikumó”, ārĩ gũñãñurã.

32 María Jesús pũrogue ejago, ĩgũrẽ ĩã, ĩgũ guburi pũro ñadũkũpuri merã ejamejã:

—Yũ Opũ, mũ òõgue ãārĩmakũ, yũ pagũmũ boabiriboadi ãārãmi, ārĩmo.

33-34 Igo, igore tũyanerã merã oremakũ ĩãgũ, Jesús bũro bopoña, bũjawereri merã ĩgũsãrẽ ĩã:

—¿Noógue ĩgũrẽ yáari mũsã? ārĩ sērẽñami.

Ĩgũsã ĩgũrẽ ārĩma:

—Gua Opũ, ĩãgũ aarika!

35 Jesús oremi.

36 ĩgũ oremakũ ĩãrã, judío masaka ārĩma:

—Ĩãka! Noópogora ĩgũrẽ maĩayuriye!

37 Gajirã ĩgũsã merãmarã gapũ ārĩma:

—Koye ĩãmasĩbire ĩãmakũ iridi ãārĩmi. ¿Lázaro boaburi dupiyuro ĩgũrẽ ĩãgũ taukõãboayuri?

### *Jesús Lázarore masũdea*

38 Jesús bũro bũjawereri merã masãgobe pũro waami. Iri gobe ùtãtore ãārĩbũ. Iri gobe ñajãrõrẽ wári majĩ ùtã majĩ merã biasũbũ.

39 Jesús ārĩmi:

—Ùtã majĩrẽ ãĩ weanúka!

Ĩgũ irasũ ārĩmakũ pégo, Marta boadi tĩgõ ārĩmo:

—Yũ Opũ, ĩgũya dũpũ daro ùrĩasiakuyo. Wapikũrinũ tarisiáa, ĩgũ boadero pũrũ.

40 Jesús gapũ igore ārĩmi:

—Mũrẽ wereabũ: “Yũre bũremugõ Marĩpũ turarire ĩãgokoa”, ãrãbũ.

41 ĩgũ irasũ ārĩ odomakũ, ĩgũsã ùtã majĩrẽ ãĩ weanúma. Jesús ùmũgasigue ĩãmu, Marĩpũre àsũ ārĩmi:

—Aũ, yũ sērẽrĩrẽ mũ pésiabũ. Irasirigũ mũrẽ: “Õãa”, ārĩ, mũyari sĩa. 42 Yũ masĩa. Yũ mũrẽ sērẽrĩrẽ irasũ pénkõãa. Yũ irire masĩkeregũ, òõ nĩrã yũ mũ iriudi ãārĩrĩrẽ masĩburo, ārĩgũ, ĩgũsã péurogue mũrẽ: “Yũ sērẽrĩrẽ mũ pésiabũ”, ārĩ werea.

43 Irasũ ārĩ odo, Jesús bũro bũsũro merã ārĩmi:

—Lázaro, irore wirika!

44 ĩgũ irasũ ārĩmakũta, masãgobegue wiririmi. ĩgũya mojõrĩ, guburire surĩ gasiri merã dũrasũdi, ĩgũya diapure surĩro gasiro merã õmasũdi ãārĩmĩ. Irasirigũ Jesús ĩgũsãrẽ:

—Kuranoka ĩgũ waamakũ! ārĩmi.

### *Judío masaka oparã Jesúre ñeãdũadea*

(Mt 26.1-5; Mr 14.1-2; Lc 22.1-2)

45 Wárã judío masaka María merã masãgobegue wapikũnerã Jesús iriadeare ĩãrã, ĩgũrẽ bũremuma. 46 Gajirã ĩgũsã merãmarã gapũ fariseo bumarã pũrogue waa, Jesús iriadeare ĩgũsãrẽ wereñurã. 47 Irasirirã fariseo bumarã, irasũ ãārĩmakũ paía oparã gajirã judío masaka oparã merã nerẽ, àsũ ārĩ werenĩñurã:

—¿Nasirĩkuri marĩ? Jesús wári turari merã iri ĩmũgũ yámi. 48 Marĩ ĩgũrẽ: “Iropata irika!” ãrĩbirimakũ, ãārĩpererã masaka ĩgũrẽ bũremurãkuma. Irasirirã romano marã oparã aarirãkuma, Marĩpũya wiire béo, marĩrẽ marĩya nikũrẽ ãmamurã, ãrĩñurã.

<sup>49</sup> Sugũ ĩgũsã merãmu, Caifás wãikũgu iri bojorire paía opu ããrĩmĩ. ĩgũsã irire irasũ ãrĩmakũ pégu, ĩgũsãrẽ ãrĩyupu:

—Mũsã irima ããrĩpererire neõ masĩbea. <sup>50</sup> Ire pémasĩbea. Sugũta marĩ judío masakaya ããrĩburire boabosamakũ õãrokoa. ĩgũ boabirimakũ, marĩ ããrĩpererã judío masaka gapu pereakõãbukoa.

<sup>51</sup> ĩgũ Jesús judío masakaya ããrĩburire boabosaburire weregũ, ĩgũ basi gũñarĩ merã irasũ ãrĩbiriypũ. Iri bojorire ĩgũ paía opu ããrĩmakũ, Marĩpu ĩgũrẽ irire ãrĩmakũ iriyupu.

<sup>52</sup> Jesús boagu, judío masakaya ããrĩburire, irasũ ããrĩmakũ ããrĩpererã Marĩpu pũrã ããrĩperero ããrĩrãdere ĩgũsãya ããrĩburidere boami, su buta ããrĩburo, ãrĩgũ. <sup>53</sup> Caifás ĩgũsãrẽ irasũ ãrãdero purũ: “¿Nasiri Jesũre wẽjẽrãkuri marĩ?” ãrĩ werenĩrã iriñurã.

<sup>54</sup> Jesús, ĩgũsã ĩgũrẽ wẽjẽduarire masĩkõãmi. Irasirigu judío masaka oparã ĩũrõgue neõ waagorenabirimi. Judea nikũma makã, masaka marĩrõ puro ããrĩrĩ makã Efraín wãikũri makãgue waakõãmi. Irogue gũa ĩgũ buerã merã dujami.

<sup>55</sup> Iripoere pascua bosenu gũa judío masaka bosenu ããrĩburo mérõgã duypũ. Irasirirã bosenu dupiyuro masaka wãrã gaji makãrĩ marãde Jerusalẽgue iri bosenu marẽ baaburo dupiyuro Marĩpu dorederosũta koerã waama ĩgũ ĩgũsãrẽ: “Ñerĩ opamerã, õãrã ããrĩma”, ãrĩ ĩãburo, ãrĩrã. <sup>56</sup> ĩgũsã irogue ejarã, Jesũre ãmagorenañurã. Marĩpũya wiigue ããrĩrã, ãsũ ãrĩ gãme werenĩñurã:

—¿Naásũ gũñarĩ? ¿Bosenu rẽ ĩãgũ aarigũkuri, o aaribirikuri?

<sup>57</sup> Paía oparã, fariseo bumarã masakare doreñurã. ãsũ ãrĩñurã:

—Jesũ ããrĩrõrẽ masĩrã, gũare wereka! ĩgũrẽ ñeã, peresu iriduarã irasũ ãrĩñurã.

## 12

### *María Jesũya guburire sãrõrĩ piupeodea* (Mt 26.6-13; Mr 14.3-9)

<sup>1</sup> Su mojõma pere gaji mojõ suru pẽrẽbejarinũrĩ pascua bosenu waaburi dupiyuro Jesús Betaniague waami. Iri makã, Lázaro boadiguere Jesús masũdiya makã ããrĩbũ. <sup>2</sup> Irogue Jesũre bosenu iripeoma. Marta baarire gueremo. Lázaro ĩgũ merã baa doami. Gũade ĩgũsã merã baabũ. <sup>3</sup> Gũa ĩgũsã merã baaripoe María suru sũrõdiru wãdiru su litro deko opadirure Jesús puro ãija, ĩgũya guburire piupeomo. Iri sãrõrĩ “nardo” wãikũri sãrõrĩ, gajino merã morẽña marĩrĩ, wajapari sãrõrĩ ããrĩyuro. Irire piupeo odo, igoya poañapu merã ĩgũya guburire túkoemo. Iri wii ããrĩperero sũrõseyakõãbũ. <sup>4</sup> Igo irasirimakũ ĩãgũ, gũa Jesús buerã watopenu Jesũre wẽjẽduarãguere ĩgũrẽ ĩmubu Judas Iscariote ãsũ ãrĩmi:

<sup>5</sup> —¿Nasirigo i sãrõrĩrẽ duabirari? Irire duago, trescientos nũrĩ moãdea wajare wãjataropa wajataboakuyo. Irasirigo iri niyerure boporãrẽ sĩboakuyo, ãrĩmi.

<sup>6</sup> Yajarikũsã, irasũ ãrĩmi. Boporãrẽ iritamudũagu meta ããrĩmĩ. ĩgũ gũaya niyeru ajurore koregu ããrĩmĩ. Iri ajurogue gũa niyeru duripĩrere yajanokõãmi.

<sup>7</sup> Jesús ĩgũrẽ ãrĩmi:

—Iropata ãrĩka! Igo iri sãrõrĩ duripĩadeare yãre piupeogo, ĩgũsã yãre yãaburi dupiyuro iriburire irasũ yãmo.

<sup>8</sup> Boporã mũsã merã ããrĩnĩkõãrãkuma. Yũ gapũ mũsã puro ããrĩnĩbirikoa.

### *Judío masaka oparã Lázarore wẽjẽduadea*

<sup>9</sup> Jesús Betaniague ããrĩrĩ kerere pẽrã, judío masaka wãrã irogue ĩgũrẽ ĩãrã aarirã, ĩgũ ditare ĩãrã aaribirima. Lázaro boadiguere Jesús masũdidere ĩãrã aarimã. <sup>10-11</sup> Jesús ĩgũrẽ masũmakũ ĩãdero purũ, wãrã judío masaka paía oparã bueri gapũre tũyanemobiri, Jesũre bũremupũroriñurã. Irasirirã paía oparã Jesũre wẽjẽduarosũta Lázarodere wẽjẽduañurã.

### *Jesũs Jerusalẽgue ejadea*

(Mt 21.1-11; Mr 11.1-11; Lc 19.28-40)



<sup>12</sup> Gajinu gapu wárã masaka Jerusalëgue pascua bosenure ããrã ejanerã, Jesús iroque waaburi kerere péñurã. <sup>13</sup> Irasirirã beje pũ diti ãiwãgã, ãgũrẽ ãsũ ãrĩ gaguini bokatĩrĩã aarimã:

—Marĩ Opure ushyari sirã! Ì Marĩpu marĩrẽ taugu iriudi õãrõ aariburo. Ìgũ marĩ Israel bumarã Oputa ããrĩmi, ãrĩma.

<sup>14</sup> Jesús burrore bokaja, ãgũ weka murĩbejami. Irasirigu Marĩpuya werenĩrĩ gojadea pũgue ãrĩderosũta irimi. ãsũ ãrĩ gojasũdero ããrĩbũ:

<sup>15</sup> Jerusalén marã güibirikõãka!

Ìãka! Musã Opu burro weka peyawãgãrimi, ãrĩ gojasũdero ããrĩbũ.\*

<sup>16</sup> Gũã ãgũ buerã iri gojadeare pémasĩbiribũ. “Dapagora Jesús iri gojaderosũta irigu yãmi”, ãrĩ güñabiribũ. Umugasigue ãgũ murĩadero purũ, iri gojadeare güñaboka, pémasĩbũ. “Marĩpuya werenĩrĩ gojadea pũgue ãrĩderosũta Jesúre waabu”, ãrĩ güñabũ.

<sup>17</sup> Jesús Lázarore ãgũsã yáadea gobere wiridore, ãgũrẽ masũmakũ ããnerã gajirãrẽ ãgũsã ããdeare wererã irima. <sup>18</sup> Irasirirã wárã masaka Lázarore Jesús masũdea kerere pénerã ããrĩsã, Jesúre bokatĩrĩã aarimã. <sup>19</sup> ãgũsã irasirimakũ ããrã, fariseo bumarã ãgũsã basi ãsũ gãme ãrĩ werenĩñurã:

—Ìãka! ããrĩpererã ãgũ merã dita waarã yãma. Marĩ neõ ãgũsã iririre kãmutamasĩbea.

### *Surãyeri griego masaka Jesúre ããduadea*

<sup>20</sup> Jerusalëgue pascua bosenu ããrĩmakũ, Marĩpure buremurã ejanerã watopere surãyeri griego masaka ããrĩmã. <sup>21</sup> ãgũsã Jesúre ããduarã, Felipere wererã aarimã. Felipe Betsaida wãikuri makãmu ããrĩmĩ. Betsaida, Galilea nikũgue ããrĩrĩ makã ããrĩbũ. ãsũ ãrĩma ãgũrẽ:

—Jesúre ããduakoa gũã.

<sup>22</sup> ãgũsã irasũ ãrĩmakũ pégu, Felipe Andrére weregu waami. Irasirirã ãgũsã pẽrãgueta Jesúre wererã waama. <sup>23</sup> Jesús, griego masaka ãgũrẽ ããduarire pégu, gũare ãrĩmi:

—Mérõgã duyãa yũ ããrĩpererã tĩgũ boa, masã, umugasigue murĩaburo. <sup>24</sup> Diayeta musãrẽ werea. Oteri yere otebirimakũ, suyeta dujarokoa. Iri yere otedero purũ, yeba poekague boa, purũ puri wiri, wãri dũka sũkoa. <sup>25</sup> Sugũ ãgũ i umugue okarire maĩgũno, perebiri peamegue waagũkumi. ãgũ i umugue okarire maĩbi gapu umugasigue perebiri okari opagũkumi. <sup>26</sup> Yũ dorerire iridũagu, yũre tuyaburo. Yũre tuyagu, yũ ããrĩburoguere yũ merã ããrĩgũkumi. Yũpu yũ dorerire irigure: “Õãrõ irigu yãmi”, ãrĩ, ãgũrẽ õãrõ irigũkumi.

### *Jesús ãgũ boaburire weredea*

<sup>27</sup> ‘Dapagorare yũ burõ bujawereri merã ããrã. ¿Naásũ ãrĩgũkuri? “Au, yũ ñerõ tariburore tauka!” ¿ãrĩgũkuri? Iririre ãrĩbea. Ñerõ taributa i umuguerere aaribũ, ãrĩmi. <sup>28</sup> Irasũ ãrĩ odo, ãgũ Pagure: “Au, mu turagu ããrĩrĩrẽ masakare ãmuka!” ãrĩmi.

Ìgũ irasũ ãrĩmakũ, Marĩpu umugasigue ããrĩgũ werenĩrĩrẽ pébu. ãsũ ãrĩmi:

—Yũ turagu ããrĩrĩrẽ masakare ãmusiabũ. Iririre dupaturi ãmugura doja.

<sup>29</sup> Masaka iroque ããrĩrã ãgũ werenĩrĩrẽ pérã, ãrĩma:

—Bupu busũkumi.

Gajirã ãrĩma:

—Marĩpure wereboegu Jesúre werenĩami.

<sup>30</sup> Jesús gapu ãsũ ãrĩmi:

—Yũpu irire werenĩgũ, yũre pédoregu meta werenĩami. Musã gapure pédoregu werenĩami. <sup>31</sup> Dapagorare waarĩ merã, i umũ marã ãgũsã ñerĩ iridea waja wãjamoãsũrãkuma. Irasũ ããrĩmakũ, ñegũ i umũ marãrẽ doregu béosũgũkumi. <sup>32</sup> Curusague ãgũsã yũre pábiatũ, ãiwãgũnúmakũ, ããrĩpererã masakare siiugũkoa, yũ merã ããrĩburo, ãrĩgũ.

\* 12:15 Zac 9.9

<sup>33</sup> Irasũ ārĩgũ, ĩgũ curusague boaburire weregũ irimi. <sup>34</sup> ĩgũ ārĩrĩrẽ pérã, masaka ĩgũrẽ ārĩma:

—Marĩpũya werenĩrĩ gojadea pũgue ĩgũsã bue ĩmumakũ pébu. “Marĩpũ iriudi Cristo okaníkõagukumi”, ārĩ bue ĩmuma. ¿Nasirigu mũ gapũ: “Āārĩpererã tĩgũrẽ curusague pábiatú, āĩwãgũnũrākuma”, ārĩrĩ? ¿Noã āārĩrĩ āārĩpererã tĩgũ?

<sup>35</sup> ĩgũsã irasũ ārĩmakũ, Jesús ārĩmi:

—Yũ masakare sĩãgori sĩgũ āārã. Yoaweyaripoe mũsã pũroque āārĩgũkoa dapa, Marĩpũre masĩburo, ārĩgũ. Irasirirã sĩãgori merã õarõ waamasĩrã irirosũ āārĩka! Naĩtĩārõgue waagorenagũno, ĩgũ waaburore neõ masĩbirikumi. <sup>36</sup> Yũ mũsãrẽ sĩãgori sĩgũ āārĩgũ mũsã merã āārã, Marĩpũre masĩburo, ārĩgũ. Irasirirã, mũsã merã yũ āārĩtũnuburo dupiyuro yũre bũremuka! Yũre bũremurã, boyorogue āārĩrã irirosũ, yaarã āārĩrãkoa.

Irasũ ārĩ odo, ĩgũsãrẽ duriwãgãkõami.

### *Judío masaka Jesúre bũremubiridea*

<sup>37</sup> Jesús wári Marĩpũ turari merã iri ĩmumakũ ĩãkererã, ĩgũrẽ bũremubirima. <sup>38</sup> Marĩpũya werenĩrĩ gojadea pũgue Isaías gojaderosũta irima. Āsũ ārĩ gojadi āārĩmĩ Isaías:

Gũa Opũ, masaka gũa mũya kere wererire pékererã, bũremubema. Mũ turari merã mũ iri ĩmurĩrẽ ĩãkererã: “Gũa Opũ iriri āārã i”, ārĩbema, ārĩ gojadi āārĩmĩ.✧

<sup>39</sup> ĩgũsã Marĩpũre bũremumasĩbirideadere Isaías gajirogue Marĩpũya werenĩrĩ gojadea pũgue āsũ ārĩ gojadi āārĩmĩ:

<sup>40-41</sup> Marĩpũ ĩgũsãrẽ koye ĩãmasĩmerã irirosũ āārĩmakũ iridi āārĩmĩ. ĩgũyare pémasĩbirimakũ iridi āārĩmĩ.

Irasirirã ĩgũ turari merã iri ĩmurĩrẽ ĩãkererã, irire neõ ĩãmasĩbema. ĩgũyare pékererã, irire neõ pémasĩbema. ĩgũrẽ neõ bũremudũabema.

Ĩgũrẽ bũremumakũ, ĩgũsãrẽ taubukumi, ārĩ, Isaías Jesús turarire, ĩgũ goesiririre ĩadi āārĩsĩã, irasũ ārĩ gojadi āārĩmĩ.✧

<sup>42</sup> Gajirã Jesúre bũremubirikeremakũ, wárã judío masaka, ĩgũsã oparãgueta ĩgũrẽ bũremuñurã. Irasũ bũremukererã, fariseo bumarãrẽ gũisĩã, gajirãrẽ Jesúre ĩgũsã bũremurĩrẽ werebiriñurã. Fariseo bumarã ĩgũsãrẽ: “Neõ marĩ judío masaka nerẽrĩ wi-igũe ñajãnemobirikõãka!” ārĩbukuma, ārĩrã, irasiriñurã. <sup>43</sup> Irasirirã Jesúre bũremukererã, gajirã masaka, Marĩpũ nemorõ ĩgũsãrẽ: “Õarã āārĩma”, ārĩmakũ gããmeñurã.

### *Masaka Jesús wererire pédũabiri waja wajamoãsrãkuma, ārĩ gojadea*

<sup>44</sup> Jesús masaka péburo, ārĩgũ, bũro bũsũro merã āsũ ārĩ weremi:

—Yũre bũremugũ yũ ditare bũremubemi. Yũpũ yũre iriudidere bũremumi. <sup>45</sup> Yũre ĩãgũ, yũre iriudidere ĩami. <sup>46</sup> Yũ sĩãgori sĩgũ āārĩgũ i ãmũguere yũre bũremurã yũre iriudire masĩmerã irirosũ āārĩbirikõãburo, ārĩgũ aaribũ. Irasirirã naĩtĩārõgue āārĩrã irirosũ āārĩbirikuma. <sup>47</sup> Yũ wererire pékererã, irire irimerãrẽ yũ wajamoãbirikoa. Yũ i ãmũguere masakare wajamoãgũ aaribiribũ. Ubu gapũ taugũ aaribũ, ĩgũsã perebiri peamegue waabirikõãburo, ārĩgũ. <sup>48</sup> Yũre gããmemerã, yũ wererire pédũamerã wajamoãsrãkuma. ĩgũsãrẽ wajamoãbu, Yũpũ āārĩmi. I ãmũ peremakũ, yũ ĩgũya werenĩrĩ wererire pébiridea waja ĩgũsãrẽ wajamoãgukumi. <sup>49</sup> Yũ gããmerõ werebea. Yũpũ yũre iriudi ĩgũ weredorerosũta werea. ĩgũ yũre buedorerosũta buea. <sup>50</sup> Yũpũ dorerosũta irigũno, ãmũgasigue perebiri okarire opagukumi. Irasirigũ Yũpũ yũre weredorerosũta mũsãrẽ werea, ārĩmi Jesús.

## 13

### *Jesús ĩgũ buerãya guburire koedea*

✧ 12:38 Is 53.1 ✧ 12:40-41 Is 6.10

<sup>1</sup> Pascua bosenu waaburo mérōgā dūyabu. Jesús i ūmurē wiri, ĩgū Pagu puro waaburo mérōgā dūyarire masīsiami. ĩgūyarā i ūmugue āārīrārē neō maĩduúbirimi. ĩgūsārē buro maĩrīrē ĩmuburo mérōgā dūyabu.

<sup>2-4</sup> Wātī Judare Simón Iscariote magūrē ĩgūya gūñarĩgue Jesúre wējēduarāguere ĩgūrē ĩmudoresiadi āārīmí. Jesús ĩgū Pagu puro merā aarideare, puru ĩgū irogue waaburire masími. Marĩpu ĩgū Pagu āārĩpererārē dorebure pídeadere masími. Irasirigu gha ĩgū buerā merā baa doaníadi, wāgānugā, ĩgūya suríro wekamañerē túwea, túkoeri gasiro merā ĩgūya yujurure sūami. <sup>5</sup> Sūa odo, soropa merā deko piusā, guare ĩgū buerārē gūaya guburire koenugāmi. Sugūya guburire koe odo, ĩgū sūadea gasiro merā túkoemi. Gajirāya guburidere irasū dita irimi.

<sup>6</sup> ĩgū Simón Pedroya guburire koebu irimakū ĩāgū, Pedro ĩgūrē ārīmi:

–Yū Opu, ¿yaa guburire koeri mu?

<sup>7</sup> Jesús ĩgūrē ārīmi:

–Dapagora yu iririre mu pémasíbea. Purugue pémasĩgukoa.

<sup>8</sup> Pedro ĩgūrē ārīmi:

–Yaa guburire mu neō koebirikoa.

Jesús ĩgūrē ārīmi:

–Murē yu koebirimakū, yaagu āārĩbirikoa.

<sup>9</sup> ĩgū irasū ārīmakū pégu, Simón Pedro ĩgūrē ārīmi:

–Yū Opu, yaa guburi ditare koebirikōāka! Yaa guburire koegu, yaa mojōrĩ, yaa dipurudere koeka!

<sup>10</sup> ĩgū irasū ārīmakū, Jesús āsū ārīmi:

–Sugu masakū òārō guadigue dupaturi guuabirikumi. Naagorena odoadero puru, ĩgūya guburi ditare koekumi. Āārĩpererā musā gurari marĩrā irirosū āārā. Irasū āārĩkeremakū, sugu musā merāmu ñegū, gurarikugu irirosū āārīmi.

<sup>11</sup> Jesús, Judas ĩgūrē wējēduarāguere ĩgūrē ĩmuburire masīsiami. Irire masīsīā: “Sugu musā merāmu ñegū, gurarikugu irirosū āārīmi”, ārĩgū irimi.

<sup>12</sup> Gūaya guburire koe odo, ĩgūya wekamañerē sāña, ĩgū doaderogue dupaturi eja doaja, guare āsū ārīmi:

–¿Yū musārē dapagora iririre pémasĩrĩ musā? <sup>13</sup> Musā yure: “Guare buegu, gha Opu āārā”, ārĩrā, keoro werea. Diayeta yu musārē buegu, musā Opu āārā. <sup>14</sup> Yū musārē buegu, musā Opu āārĩkeregu, musāya guburire koeabu. Irasirirā musādere musāya guburire gāme koero gāāmea. <sup>15</sup> Musā gāme iritamumakū gāāmegū, musārē irasiri ĩmuabu, yu musārē iriaderosūta iriburo, ārĩgū. <sup>16</sup> Diayeta musārē werea. Neō sugu moāboerimasū, ĩgū opu nemorō āārĩbirikumi. Sugu iriusūdi, ĩgūrē iriudi nemorō āārĩbirikumi. <sup>17</sup> Musā ire pémasĩrā, ire irirā, usuyari merā āārĩrākoa.

<sup>18</sup> Yū irire ārĩgū, musā āārĩpererārē ārĩbea. Yū beyenerārē masīa. Marĩpūya werenĩrĩ gojadea pūgue ārĩderosūta keoro waarokoa. Āsū ārĩ gojasūdero āārĩbú: “Yū merā baaguta yure ĩaturigu dujami”, ārĩ gojasūdero āārĩbú. <sup>19</sup> I waaburi dupiyuro yu musārē werea. Irasirirā yu weredea keoro waadero puru: “ĩgū āārā yu\*”, ārĩdeare buremurākoa. <sup>20</sup> Diayeta musārē werea. Yū iriunerārē òārō merā bokatĩrĩñeāgūno, yudere bokatĩrĩñeāmi. Yure òārō merā bokatĩrĩñeāgū, yure iriudidere bokatĩrĩñeāmi, ārīmi Jesús.

*Judas Jesúre wējēduarāguere ĩgūrē ĩmuburire weredea*  
(Mt 26.20-25; Mr 14.17-21; Lc 22.21-23)

\* **13:19** Exodo 3.13-15: Iripogue Moisés Marĩpure sērēñadi āārīmí: “Israel bumarā yure: ‘¿Mu iriudi wāĩ naásū āārĩrĩ?’ ārĩ sērēñamakū, ¿naásū ārĩ weregukuri?” Marĩpu ĩgūrē āsū ārĩdi āārīmí: “Yū wāĩ ‘YO SOY EL QUE SOY’ āārā. Irasirigu Israel bumarārē āsū ārĩ wereka: ‘YO SOY yure musāguere weredoregu iriumi’, ārĩka!” ārĩdi āārīmí. “YO SOY EL QUE SOY”, ārĩrō: “Yū āārĩñigūta āārā, o ĩgū āārā yu”, ārĩduaro yāa.

<sup>21</sup> Irasũ arĩ odo, Jesús bũro bujawereri merã aãrĩmĩ. Guare pémasĩma õãrõ ãsũ arĩ weremi:

—Diayeta musãrẽ werea. Sugũ musã merãmu yũre wẽjẽduarãguere yũre ãmugukumi.

<sup>22</sup> Ìgũ irasũ arĩmakũ pérã, gũa: “¿Noãrẽ irasũ arĩrĩ?” arĩrã, gãme ãã oya doanĩbu. <sup>23</sup> Yũ Juan, Jesús buegu ìgũ maĩsũgũ, ìgũ pũrogã doabu. <sup>24</sup> Simón Pedro ìgũya mojõ merã yũre soepumi, Jesũre ìgũ irasũ arĩrĩrẽ sãrẽñadoregu. <sup>25</sup> Irasirigu yũ Jesús pũrogã gãme doaweya, ìgũrẽ sãrẽñabu:

—Yũ Opũ, ¿noã aãrĩrĩ ìgũ?

<sup>26</sup> Jesús yũre arĩmi:

—Yũ pãrũrẽ moãwa, yosa, ìgũrẽ sũgũkoa. Ìgũta aãrĩmi yũre ãmubu.

Irasũ arĩ odo, pãrũrẽ moãwa, yosa, Judare Simón Iscariote magũrẽ sĩmi. <sup>27</sup> Judas ire ñeãmakũ, mata wãtĩ ìgũguere ñajãdi aãrĩmĩ. Irasirigu Jesús Judare arĩmi:

—Mũ iriburire iripurumuka!

<sup>28</sup> Jesús ìgũrẽ irasũ arĩrĩrẽ pékererã, gũa irogue baa doanĩrã irire pémasĩbiribu. <sup>29</sup> Surãyeri gũa ãsũ arĩ gũñabu: “Judas gũa niyerure koregu aãrĩmi. Irasirigu Jesús ìgũrẽ gũa bosenũ baaburire wajaridoregu iriuami, o boporãrẽ niyerure sĩdoregu iriuami”, arĩbu. <sup>30</sup> Judas iri pãrũrẽ moãwa, yosadeare ñeã odogũta gũa pũrogue aãrĩdi wiriakõami. Ìgũ wiriaripoe ñamigue aãrĩbũ.

### *Jesús maama dorerire weredeia*

<sup>31</sup> Judas waadero pũrũ, Jesús guare arĩmi:

—Dapagora Marĩpu yũ aãrĩpererã tĩgũ yũ turagu aãrĩrĩrẽ masakare ãmugukumi. Irasũ aãrĩmakũ, yũ merã ìgũ turagu aãrĩrĩdere ãmugukumi. <sup>32</sup> Yũ merã ìgũ turagu aãrĩrĩrẽ ãmugũ, yũ turagu aãrĩrĩdere ãmugukumi. Dapagorata iripurumugukumi. <sup>33</sup> Yaarã, yũre péka! Yoaweyaripoeta musã merã aãrĩgũkoa. Musã yũre ãmarãkoa. Irasirigu yũ judío masakare dupiyurogue arĩderosũta dapagora musãdere: “Yũ waaburore musã waamasĩbea”, arĩ werea. <sup>34</sup> Maama dorerire musãrẽ píguara. ãsũ arã. Gãme maĩka! Yũ musãrẽ maĩrõsũta gãme maĩka! <sup>35</sup> Musã gãme maĩmakũ ããrã, aãrĩpererã masaka musãrẽ yũ buerã aãrĩrĩrẽ masĩrãkuma, arĩmi Jesús.

*Jesús Pedrorẽ: “Yũre masĩkeregũ: ‘Masĩbea’, arĩgũkoa”, arĩ weredeia*  
(Mt 26.31-35; Mr 14.27-31; Lc 22.31-34)

<sup>36</sup> Simón Pedro Jesũre sãrẽñami:

—Yũ Opũ, ¿noógue waagũkuri mũ? arĩmi.

Jesús ìgũrẽ arĩmi:

—Yũ dapagora waaburoguere mũ yũ merã waamasĩbea. Pũrũ yũ pũrogue waagũkoa.

<sup>37</sup> Ìgũ irasũ arĩmakũ pégu, Pedro ìgũrẽ arĩmi:

—Yũ Opũ, ¿nasiribu dapagorata yũ mũ merã waamasĩbirikuri? Ìgũsã yũre wẽjẽduakeremakũ, yũ mũrẽ béobirikoa. Mũya aãrĩburire boabosagũkoa.

<sup>38</sup> Jesús ìgũrẽ arĩmi:

—“Mũya aãrĩburire boabosagũkoa”, arã mũ. ¿Aãrĩrõta yũre iribosagũkuri? Diayeta mũrẽ werea. ãgãbo wereburo dupiyuro mũ yũre mũrea gajirãrẽ: “Ìgũrẽ masĩbea”, arĩgũkoa, arĩmi.

## 14

### *Jesũre bũremurã Marĩpu pũro waaburire weredeia*

<sup>1</sup> Jesús guare ãsũ arĩmi:

—Bũro gũñarikũbirikõãka! Marĩpũre bũremuka! Yũdere bũremuka! <sup>2</sup> Yũpũ pũrogueere su wii wãri taridupabu opari wii irirosũ aãrã. Irogue musã aãrĩburore ãmuyugu waagũkoa. Iri diaye aãrĩbirimakũ, musãrẽ irire werebiriboayo. <sup>3</sup> Musã aãrĩburore ãmu

odo, dupaturi aarigukoa musârê ããabu. Irasirirã musãde yu purogue yu merã ããrãrãkoa. <sup>4</sup> Musã yu waaburore, yu irogue waaburi maarê masã, ãrĩmi Jesús.

<sup>5</sup> Tomás ìgũrê ãrĩmi:

—Gua Opu, mu waaburore masĩbea. ¿Nasiri mu waaburi maarê gua masĩrãkuri?

<sup>6</sup> Jesús ìgũrê ãrĩmi:

—Yu dita Yupu purogue waarĩ maa irirosũ ããrã. Yu diayema ããrĩrĩrê masakare masĩmakũ irigu, ìgũsãrê okamakũ irigu ããrã. Yu merãta Yupu purogue waarãkuma. <sup>7</sup> Musã yure masĩrã, Yupudere masĩboayo. Dapagora merã ìgũrê masĩsiãa. Ìgũrê ìãsiãa.

<sup>8</sup> Ìgũ irasũ ãrĩmakũ, Felipe ìgũrê ãrĩmi:

—Gua Opu, Marĩpure ìmuka guare! Iropata gããmea gua.

<sup>9</sup> Jesús ìgũrê ãrĩmi:

—Felipe, yu yoaripoe musã merã ããrĩkeremakũ, ¿yure masĩberi? Sugũ yure ìãgũno, Yupudere ìãmi. ¿Nasirigu mu yure: “Marĩpure ìmuka guare!” ãrĩrĩ? <sup>10</sup> ¿Yupu yuguerẽ ããrĩrĩrê, irasũ ããrĩmakũ yu ìgũ merã ããrĩrĩrê buremuberi? Yu musârê weregu, yu gããmerõ werebea. Yupu yuguerẽ ããrĩgũ yu merã iri ìmugũ yãmi. <sup>11</sup> Yu musârê: “Yupu yuguerẽ ããrĩmi, irasũ ããrĩmakũ yu ìgũ merã ããrã”, ãrĩ wererire: “Diayeta ããrã”, ãrĩ buremuka! Musã yu wererire pédero puru buremumerã, Yupu turari merã yu iri ìmurĩ gapure gũñaka! Irire gũñarã, yu wereridere buremuka! <sup>12</sup> Diayeta musârê werea. Yure buremugũ, yu iriderosũta irigukumi. Yu, Yupu purogue waabu yãa. Yu waamakũ, yure buremugũ yu nemorõ wãri Yupu turari merã iri ìmurĩrê irigukumi. <sup>13</sup> Musã yure buremumakũ, ããrĩpereri musã yu wãĩ merã yure sêrêrĩrê pégukoa. Irasirigu musã yure sêrêrõsũta irigukoa. Yu irasiriri merã musârê Yupu turagu ããrĩrĩrê masĩmakũ irigukoa. <sup>14</sup> Musã yu wãĩ merã yure sêrêrõsũta irigukoa.

*Jesús: “Õãgũ deyomarĩgũrê musârê iriugura”, ãrĩ werede*

<sup>15</sup> Musã yure maĩrã, yu dorerire irirãkoa. <sup>16</sup> Yupure musãya ããrĩburire sêrêbosagukoa. Irasirimakũ, Yupu gajigũre iriugukumi, musârê iritamuburo, ãrĩgũ. Ìgũ iriubu musã merã ããrĩnikõãgukumi. <sup>17</sup> Ìgũ Õãgũ deyomarĩgũ musârê diayemarê masĩmakũ irigu ããrĩmi. I ãmu marã yure buremumerã gapu ìgũrê masĩbema. Irasirirã ìgũrê bokatĩrĩñeãmasĩbema. Ìgũ musã merã ããrĩmi. Irasũ ããrĩmakũ, musãguere ããrĩnikõãgukumi. Irasirirã ìgũrê masĩa. <sup>18</sup> Yu musârê béowãgãbirikoa. Musã merãta ããrĩgũ aarigukoa doja. <sup>19</sup> Mérõgã duyãa yu waaburo. Yu waadero puru, i ãmu marã yure buremumerã neõ ìãbirikuma. Musã gapu yure ìãrãkoa. Yu okãa. Irasirirã musãde okarãkoa. <sup>20</sup> Yu aariburinurê yu, Yupu merã sugũta ããrĩrĩrê masĩrãkoa. Irasũ ããrĩmakũ, musã yu merã ããrĩrĩrê, yu musãguere ããrĩrĩrê masĩrãkoa. <sup>21</sup> Yu dorerire masĩgũ irire irigu yure maĩgũta ããrĩmi. Yupu yure maĩgũrê maĩgukumi. Yude ìgũrê maĩgukoa. Ìgũrê yaamarê õãrõ masĩmakũ irigukoa, ãrĩmi Jesús.

<sup>22</sup> Ìgũ irasũ ãrĩmakũ, gajigu Judas wãikũgu Jesure sêrêñami. Judas Iscariote meta ããrĩmi.

—Gua Opu, ¿nasirigu gua ditare mu ããrĩrikurire masĩmakũ irigukuri? ¿Nasirigu i ãmu marã gapure irire masĩmakũ iribirikuri?

<sup>23</sup> Jesús ìgũrê ãrĩmi:

—Yure maĩgũ yu dorerire irigukumi. Yupu ìgũrê maĩgukumi. Yupu, irasũ ããrĩmakũ yu ìgũ merã ããrĩrã aarirãkoa. <sup>24</sup> Yure maĩbi gapu yu dorerire iribemi. Yu musârê wereri, yaa werenĩrĩ ããrĩbea. Yupu yure iriudiya gapu werenĩrĩ ããrã.

<sup>25</sup> Yu musã merã ããrĩgũ, i ããrĩpererire musârê werea. <sup>26</sup> Yu sêrêmakũ, Yupu Õãgũ deyomarĩgũrê musãguere iriugukumi. Irasirigu Õãgũ deyomarĩgũ musârê iritamubu ããrĩsĩã, ããrĩpererire buegukumi. ããrĩpereri yu musârê weredeare gũñamakũ irigukumi.

<sup>27</sup> Yu musârê siñajãrĩ merã ããrĩmakũ irigukoa. Yu siñajãrĩ merã ããrĩgũ irirosũ musãdere siñajãrĩ merã ããrĩmakũ irigukoa. Yu musârê siñajãrĩ merã ããrĩmakũ iriri, i ãmuma irirosũ ããrĩbea. Buro gũñariku, guibirikõãka! <sup>28</sup> Yu musârê: “Waa, dupaturi musã merãta ããrĩgũ

aarigukoa doja”, āri weremakū pébu musā. Yurū yu nemorō āārīmi. Irasirirā īgū pūroque yu waaburire pédero purū, musā yure diaye maīrā, usuyari merā āārīboayo. <sup>29</sup> Yu musārē ire wereyugū iriabū. Irasirirā ire keoro waamakū, yu musārē weredeare: “Diayeta gūare weremi”, āri būremurākoa.

<sup>30</sup> I ūmu marārē doregū ñegū āārīmi. Īgū aaribu yāmi. Irasirigū yu musārē mérōgā werenīnemogūra. Īgū yure neō doremasībemi. <sup>31</sup> Yu, Yurū gapure maīa. Irasirigū īgū yure doreri gapure yāa, yu īgūrē maīrīrē i ūmu marārē masīburo, ārīgū. Wāgānūgāka! Náka waarā! ārīmi Jesús.

## 15

### *Jesús iguida keori merā weredeā*

<sup>1</sup> Jesús keori merā gūare āsū āri weremi:

—Yu diayeta iguida irirosū āārā. Yurū iridare koregū irirosū āārīmi. <sup>2</sup> Yaarā iridama dūpuri irirosū āārīma. Yurū iguidare koregū dūka marīrī dūpuri ditibéogū irirosū yāmi. Gaji dūkakuri dūpuri gapure ditiwea āmuḡū irirosū yāmi dūkakūnemoburo, ārīgū. <sup>3</sup> Musā yu weredeare būremurā āārā. Irasirigū Yurū musārē ñerī opamerā āārīmakū irisiāmi. <sup>4</sup> Yu merā ōārō āārīka! Irasirigū musāguere ōārō āārīnīkōāgūkoa. Su iguidama dūpuri iridaguere marīrō iri dūpuri seyaro dūkakūbirīkoa. I irirosūta yu merā ōārō āārīmerā neō ōārī dūka sībiri dūpuri irirosū āārīma.

<sup>5</sup> Yu iguida irirosū āārā. Musā yaarā iridama dūpuri irirosū āārā. Yu merā ōārō āārīnīrāno, yude īgūsāguere ōārō āārīnīmakū, īgūsā ōārō dūkakuri dūpuri irirosū āārīma. Musā yu merā ōārō āārīmerā, ōārīrē neō irimasībēa. <sup>6</sup> Yu merā ōārō āārīmerā ditibéodea dūpuri bojegue ñāi oyanīrī dūpuri sea, peamegue soebéoro irirosū āārīrākuma.

<sup>7</sup> Musā yu merā ōārō āārīnīrā, yu buerire kātīmerā, musā gāāmerīnorē Yurū: “Sīka!” āri sērēmakū, sīgukumi. <sup>8</sup> Musā wāri ōārī dūkakuri dūpuri irirosū āārīmakū īārā, gajirā masaka Yurū: “Ōātarigū āārīmi”, āri masīrākuma. Irasirirā musā wāri ōārī irirā, diayeta yu buerā āārīrīrē gajirārē masīmakū yāa. <sup>9</sup> Yurū yure maīrōsūta yude musārē maīa. Irasirirā yu musārē maīḡū merā āārīnīka, yu maīrīrē masīmurā! <sup>10</sup> Yu, Yurū yure maīḡū dorerire irigū, īgū merā ōārō āārīnīkōāa. Irasūta musāde yu dorerire irirā, yu musārē maīḡū merā ōārō āārīnīkōāa.

<sup>11</sup> Ire musārē werea musā yu merā usuyaburo, ārīgū. Irasirirā usuyari opatarirākoa. <sup>12</sup> Yu doreri āsū ārā. Yu musārē maīrōsūta gāme maīka! <sup>13</sup> Sugū masakū īgū merāmarārē boabosagū, gajirā nemorō īgūsārē maīmi. <sup>14</sup> Musā yu dorerire irirā yu merāmarā āārā. <sup>15</sup> Dapagorare yu musārē: “Yure moāboerā āārā”, ārībirīkoa. Moāboerā īgūsā opu iririre masībirīkuma. Yu gapū Yurū yure weredeare musārē werepeobū. Irasirigū musārē: “Yu merāmarā”, ārā. <sup>16</sup> Musā yure beyebirībū. Yu gapū musārē beyebū wāri ōārīrē irirā waaburo, ārīgū. Musā ōārī iriri, ōārī dūka neō boabiri irirosū āārā. Irasirirā musā yure būremumakū, Yurū musā yu wāi merā īgūrē sērērōsūta musārē sīgukumi. <sup>17</sup> Yu musārē dorea. Musā basi gāme maīka!

### *I ūmu marā Jesúre, īḡūyarārē iāturiburire weredeā*

<sup>18</sup> I ūmu marā musārē iāturīmakū īārā, yure iāturipūrorideare masīka! <sup>19</sup> Musā diayeta i ūmu marā āārīmakū, īgūsā merāmarārē maīrōsūta musādere maībukuma. Yu musārē i ūmu marā watopegue āārīrārē beyebū. Irasirirā i ūmu marāgora āārībēa. Musā īgūsā irirosū āārībirīmakū īārā, i ūmu marā musārē iāturīma. <sup>20</sup> Yu musārē ārīdeare ḡūñaka! “Neō sugū moāboerīmasū, īgū opu nemorō āārībirīkumi”, ārībū. Īgūsā yure ñerō irirā, musādere ñerō irirākuma. Yu buerire pérā, musā bueridere pérākuma. <sup>21</sup> I ūmu marā yure iriudire masībēma. Irasirirā musā yure būremumakū īārā, musārē āārīpereri ñerī irirākuma.

<sup>22</sup> Yu īgūsārē weregū aarībirīmakū, neō ñerī irīdea wajare opabirībukuma. Dapagorare yu īgūsārē weredero purū: “Ñerī irīdea wajare opabea gūa”, ārīmasībēma. <sup>23</sup> Yure

ĩaturigu Yũpũdere ĩaturimi. <sup>24</sup> Yũ, Yũpũ turari merã iri ĩmugũ, gajirã neõ iribirideare iribũ. Yũ ĩgũ turari merã iri ĩmubirimakũ, neõ waja opabiribukuma. ĩgũsã yũ iri ĩmurĩrẽ ĩãma. Irire ĩãdero pũrũ, yũre, Yũpũdere ĩaturima. <sup>25</sup> I ĩaturiri, Marĩpũya werenĩrĩ gojadea pũgue gojaderosũta keoro waaró yãa. Āsũ ãrĩ gojasũdero ããrĩbũ: “ĩgũsã yũre: ‘Ñerõ yãmi’, ãrĩmasĩbirikererã, ĩaturima”, ãrĩ gojasũdero ããrĩbũ.

<sup>26</sup> ’Õãgũ deyomarĩgũ, mũsãrẽ iritamugũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Yũ ĩgũrẽ Yũpũ merã ããrĩgũrẽ mũsãrẽ iriugũkoa. ĩgũ yaamarẽ weregũkumi mũsãrẽ. <sup>27</sup> Yũ mũsãrẽ buepũrorimakũgueta yũ merã ããrĩbũ. Irasirirã mũsãde yaamarẽ wererãkoa, ãrĩmi Jesũs.

## 16

<sup>1</sup> Jesũs gũare ãsũ ãrĩnemomi doja:

—Yũ mũsãrẽ irire wereabũ, yũre piribirikõãburo, ãrĩgũ. <sup>2</sup> Judío masaka ĩgũsã nerẽrĩ wi-irigue mũsã ããrãnerãrẽ bẽowiurãkuma. Gajipoe gajirã mũsãrẽ wẽjẽrã: “Marĩpũ gããmerĩrẽ yãa”, ãrĩ gũñarãkuma. <sup>3</sup> Yũre, Yũpũdere masĩmerã ããrĩsĩã, irasirirãkuma. <sup>4</sup> Yũ irire werea mũsã, ĩgũsã irasirimakũ ĩãrã: “Jesũs gũare irireta weremi”, ãrĩ gũñaburo, ãrĩgũ.

### *Jesũs, ’Õãgũ deyomarĩgũ irimarẽ weredea*

’Yũ neõgorague mũsã merã ããrĩsĩã, ire werebiribũ. <sup>5</sup> Dapagorare yũre iriudi pũrogue waagũkoa. Yũ mũsãrẽ ire werekeremakũ, neõ sugũ yũre: “¿Noógue waagũkuri?” ãrĩ sãrẽñabea. <sup>6</sup> Irasirirã yũ waaburire weremakũ pãrã, yũ waaburo gapũre sãrẽñabirisĩã, bũro bujawereri merã ããrã. <sup>7</sup> Diayeta mũsãrẽ werea. Yũ waadero pũrũ, õãrokoa mũsãrẽ. Yũ waabirimakũ, ’Õãgũ deyomarĩgũ mũsãrẽ iritamubu aaribiribukumi. Yũ irogue waagũ, ĩgũrẽ mũsãrẽ iriugũkoa, mũsã merã ããrĩnikõãburo, ãrĩgũ. <sup>8</sup> ĩgũ aarigũ, i ãmũ marãrẽ ĩgũsã ñerõ irirã ããrĩrĩrẽ, yũ diayema irigu ããrĩrĩrẽ, ĩgũsã ñerõ iridea waja Marĩpũ ĩgũsãrẽ wajamoãburire masĩmakũ irigũkumi. <sup>9</sup> ĩgũsã yũre bũremubirisĩã, ñerã ããrĩma. <sup>10</sup> Yũ, Yũpũ pũrogue waamakũ, mũsã yũre ĩãnemobirikoa. Yũ irogue waamakũ, ’Õãgũ deyomarĩgũ aarigũkumi, i ãmũ marãrẽ yũ diayema irigu ããrĩrĩrẽ masĩmakũ iribu. <sup>11</sup> I ãmũ marãrẽ doregũ ñegũ ĩgũsãrẽ ñerĩ iridoreri waja, Yũpũ ĩgũrẽ wajamoãdoresiami. Irasirigu ’Õãgũ deyomarĩgũ aarigũ, ĩgũsãrẽ Yũpũ ĩgũrẽ wajamoãdoredeare masĩmakũ irigũkumi.

<sup>12</sup> ’Wãri ããrã mũsãrẽ yũ wereburi. Dapagorare yũ ire weremakũ, mũsã pãmasĩbiribukoa. <sup>13</sup> ’Õãgũ deyomarĩgũ gapũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Irasirigu mũsãrẽ i ããrĩpererire buegũkumi. ĩgũ gããmerõ werebirikumi. Yũpũ ĩgũrẽ weredorerire, pũrugue waaburidere mũsãrẽ weregũkumi. <sup>14</sup> Yũ ĩgũrẽ wererire pãdeare mũsãrẽ masĩmakũ irigu, yũ õãrõ ããrĩrĩrẽ masĩmakũ irigũkumi. <sup>15</sup> ããrĩpereri Yũpũ opari, yaa ããrã. Irasirigu yũ mũsãrẽ: “’Õãgũ deyomarĩgũ mũsãrẽ yaamarẽ masĩmakũ irigũkumi”, ãrãbũ.

### *Bũjawerenerã, mũsãyari merã ããrĩburire weredea*

<sup>16</sup> ’Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja. I Yũpũ pũrogue waadero pũrũ, irasũ waarokoa, ãrĩmi.

<sup>17</sup> ĩgũ irasũ ãrĩmakũ pãrã, gũa surãyeri ãsũ ãrĩ gãme werenĩbũ:

—¿Naásũ ãrĩdũaro irikuri ĩgũ irasũ ãrĩrĩ? ĩgũ marĩrẽ: “Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja”. Ire ãrĩ odo: “I Yũpũ pũrogue waadero pũrũ, irasũ waarokoa”, ãrĩmi. <sup>18</sup> ĩgũ marĩrẽ: “Mérõgã pũrũ”, ãrĩmakũ, ¿naásũ ãrĩdũaro irikuri? ĩgũ irasũ ãrĩrĩrẽ marĩ pãmasĩbea, ãrĩbũ.

<sup>19</sup> Jesũs ĩgũrẽ gũa sãrẽñadũarire masĩkõãmi. Irasirigu gũare ãrĩmi:

—Yũ mũsãrẽ: “Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja”, ¿ãrĩ wererire gãme sãrẽñarã yãri? <sup>20</sup> Diayeta mũsãrẽ werea. Yũ boamakũ ĩãrã, bũro

bujawereri merã orerãkoa. I ùmu marã yure buremumerã gapu usuyari merã ããrĩrãkuma. Musã bujawererã, puru usuyarãkoa. <sup>21</sup> Æsũ ããrã. Nomeo majĩgũ kũaburo dupiyurogã, igore pũrĩrĩrẽ bujawereri merã gũñakumo. Majĩgũgã deyoadore iãgõ, usuyakumo. Igore pũrĩadeare gũñanemobirikumo. <sup>22</sup> Musãde irasũta dapagorare bujawereri merã ããrã. Puru yu musãrẽ dupaturi iãgũ aarigũkoa. Yu irasirimakũ iãrã, musã usuyari opatarirãkoa. Musã irasũ usuyari merã ããrĩmakũ, gajirã musãrẽ bujaweremakũ irimasĩbirikuma.

<sup>23</sup> Irinurẽ yure neõ sërẽñabiriko. Diayeta musãrẽ werea. Musã yure buremumakũ iãgũ, Yurũ ããrĩpereri musã yu wãĩ merã ãgũrẽ sërẽrĩrẽ pégũ, musã sërẽrõsũta sīgũkumi. <sup>24</sup> Iro dupiyurogue musã yu wãĩ merã Yurũre neõ sërẽbiribu. Dapagorare yu wãĩ merã ãgũrẽ sërẽka! Musã irasũ sërẽmakũ, musã sërẽrõsũta sīgũkumi. Irasirirã usuyari opatarirãkoa.

### *Jesús i ùmu marã ñerãrẽ tarinũgãdeare weredea*

<sup>25</sup> Yu keori merã musãrẽ wereabu. Puru keori merã werebiriko. Irasirirã, Yurũyamarẽ yu wererire õãrõ pémasĩrãkoa. <sup>26</sup> Musã Yurũyamarẽ õãrõ pémasĩrĩnurẽ yu wãĩ merã ãgũrẽ sërẽrãkoa. Irasũ ãrĩgũ: “Musãya ããrĩburire yu ãgũrẽ sërẽbosagũkoa”, ãrĩgũ meta yáa. <sup>27</sup> Yurũ musãrẽ maĩmi. Irasirirã musã yu wãĩ merã musã basi ãgũrẽ sërẽrãkoa. Musã yure maĩa. Irasũ ããrĩmakũ musã yure: “Marĩpu purogue ããrĩdi, ãgũ iriudi ããrã”, ãrĩ buremua. <sup>28</sup> Yu, Yurũ purogue ããrĩdi, i ùmũguere aaribũ. Dapagorare i ùmũgue ããrĩdi, Yurũ purogue waagũkoa doja, ãrĩmi Jesús.

<sup>29</sup> ãgũ irasũ ãrĩmakũ pérã, gũa ãgũ buerã ãgũrẽ ãrĩbu:

—Dapagorare keori merã mu gũare werebea. Irasirirã mu wererire pémasĩa.

<sup>30</sup> Dapagorare gũa masĩa. Mu ããrĩpererire masĩpeokõãa. Gajirã murẽ sërẽñabirikeremakũ, ãgũsã gũñarĩgue sërẽñaduarire mu masĩa. Irasirirã: “Marĩpu purogue ããrĩdi, ãgũ iriudi ããrã”, ãrĩ buremua, ãrĩbu.

<sup>31</sup> Jesús gũare ãrĩmi:

—¿Dapagorare buremurĩ? <sup>32</sup> Mérõgã dũyáa, musã yure béowãgãburo. Musãya wiirigue waasiri, yure suguta dujamakũ irirãkoa. Musã irasirikeremakũ, Yurũ gapu yu merã ããrĩmi. Irasirigũ yu suguta ããrĩbea. <sup>33</sup> Musã yu merã õãrõ siñajãrĩ opaburo, ãrĩgũ, musãrẽ i ããrĩpererire wereabu. Musã i ùmũgue ããrĩripoe i ùmu marã musãrẽ ñerõ tarimakũ irirãkuma. ãgũsã irasirikeremakũ, yu merã gũñaturaka! Yu i ùmu marã ñerãrẽ tarinũgãdigue ããrã. Irasirirã yu merã gũñatura usuyaka! ãrĩmi Jesús.

## 17

### *Jesús ãgũ buerãya ããrĩburire Marĩpũre sërẽbosadea*

<sup>1</sup> Jesús irasũ ãrĩ odo, ùmũgasigue ããmu, ãgũ Pagũre ãsũ ãrĩmi:

—Au, dapagorare mu ãrĩderosũta yure waaburi ejasiáa. Irasirigũ masakare yu mu magũ, mu iriudi ããrĩrĩrẽ ãmuka! Mu irasirimakũ, yu mu turagu, mu õãgũ ããrĩrĩrẽ ãgũsãrẽ ãmũgũkoa. <sup>2</sup> Mu yure masaka ããrĩpererãrẽ doregu píbu, mu yure sĩnerãrẽ ùmũgasigue perebiri okari opamakũ iridoregu. <sup>3</sup> Masaka mu diayeta Marĩpu sugũ ããrĩgũ ããrĩrĩrẽ, irasũ ããrĩmakũ yu Jesucristo mu iriudi ããrĩrĩrẽ masĩrã, ùmũgasigue perebiri okari opamurã ããrĩma.

<sup>4</sup> I ùmũguere mu yure iridoredeare yu iriyuwarikũbu. Irasirigũ i ùmu marãrẽ mu turagu, õãgũ ããrĩrĩrẽ ãmubu. <sup>5</sup> Au, mu i ùmurẽ iriburo dupiyuro yu mu merã õãrõ ããrĩbu. Mu ããrĩrikũrĩre opabu. Irasirigũ dapagorare mu ããrĩrõgue yu mu merã õãrõ ããrĩmakũ murãrõta irika!

<sup>6</sup> Mu yure sĩnerãrẽ i ùmu marã watope ããrĩrãrẽ beyenerãrẽ mu ããrĩrikũrĩre masĩmakũ iribu. Mu yure sĩnerã mũyarã ããrĩma. Mu dorerire irima. <sup>7</sup> Dapagorare masĩma. ããrĩpereri yu opari, mu yure sĩdea ããrã. <sup>8</sup> Mu yure weredoredeare ãgũsãrẽ werebu. Yu wererire pérã, buremuma. Yu diayeta mu purõ ããrĩdi ããrĩrĩrẽ masĩma. Yu mu iriudi ããrĩrĩrẽ: “Diayeta ããrã”, ãrĩ buremuma.



<sup>9</sup> Y<sub>H</sub> ĩgūsāya āārĩburire sērēbosáa. Gajirā i ũm<sub>H</sub> marā y<sub>H</sub>re b<sub>H</sub>remumerāya āārĩburi gap<sub>H</sub>re sērēbosabea. Y<sub>H</sub>re b<sub>H</sub>remurā m<sub>H</sub> y<sub>H</sub>re sīnerā m<sub>H</sub>yarā āārĩma. Irasirig<sub>H</sub> ĩgūsāya āārĩburire sērēbosáa. <sup>10</sup> Āārĩpererā yaarā, m<sub>H</sub>yarā āārĩma. Irasirirā m<sub>H</sub>yarāde, yaarā āārĩma. ĩgūsā yaarā āārĩsīā, y<sub>H</sub> oārō āārĩrikurire masakare masĩmakū yāma.

<sup>11</sup> Y<sub>H</sub> i ũm<sub>H</sub>guere dujabiriko. M<sub>H</sub> y<sub>H</sub>re sīnerā gap<sub>H</sub> i ũm<sub>H</sub>guere dujarākuma. A<sub>H</sub>, m<sub>H</sub> oāgū āārā. M<sub>H</sub> wāi merā m<sub>H</sub> turari merā ĩgūsārē koreka, marĩ sug<sub>H</sub> āārĩnĩrōsūta ĩgūsāde suro merā āārĩnĩkōāburo, ārĩgū. <sup>12</sup> Y<sub>H</sub> i ũm<sub>H</sub>guere m<sub>H</sub> y<sub>H</sub>re sīnerā merā āārĩgú, m<sub>H</sub> turari merā ĩgūsārē oārō koreb<sub>H</sub>. Neō sug<sub>H</sub> dederibirima. Sug<sub>H</sub>ta peamegue waadederibu āārĩmi. M<sub>H</sub>ya werenĩrĩ gojadea pūgue ārĩderosūta iri irasū waab<sub>H</sub>.

<sup>13</sup> Dapagorare y<sub>H</sub> m<sub>H</sub> p<sub>H</sub>rogue waabu yāa. Y<sub>H</sub> waaburi dupiyuro i ũm<sub>H</sub>gue āārĩgú i āārĩpererire y<sub>H</sub>re b<sub>H</sub>remurārē werea, ĩgūsāde y<sub>H</sub> irirosūta m<sub>H</sub>yari opatariburo, ārĩgū. <sup>14</sup> M<sub>H</sub>ya kerere ĩgūsārē wereb<sub>H</sub>. Y<sub>H</sub> i ũm<sub>H</sub>m<sub>H</sub> āārĩbea. Irasirirā y<sub>H</sub>re b<sub>H</sub>remurāde i ũm<sub>H</sub> marā irirosū āārĩbema. Irasirirā i ũm<sub>H</sub> marā y<sub>H</sub>re ĩāturirosūta y<sub>H</sub>re b<sub>H</sub>remurādere ĩāturima. <sup>15</sup> Y<sub>H</sub> m<sub>H</sub>rē: “Y<sub>H</sub>re b<sub>H</sub>remurārē i ũm<sub>H</sub>rē āāka!” ārĩ sērēbea. Āsū gap<sub>H</sub> ārĩ sērēa. ĩgūsārē oārō koreka, wātĩ ñerĩ iridorerire pébirikōāburo, ārĩgū! <sup>16</sup> Y<sub>H</sub> i ũm<sub>H</sub>m<sub>H</sub> āārĩbea. Irasirirā y<sub>H</sub>re b<sub>H</sub>remurāde i ũm<sub>H</sub> marā irirosū āārĩbema. <sup>17</sup> M<sub>H</sub>ya kere diayema āārā. Irasirig<sub>H</sub> iri merā ĩgūsārē m<sub>H</sub> dorerire irirā āārĩmakū irika! <sup>18</sup> M<sub>H</sub> y<sub>H</sub>re m<sub>H</sub>ya kerere i ũm<sub>H</sub> marārē weredoreg<sub>H</sub> iriuderōsūta y<sub>H</sub>re b<sub>H</sub>remurārē m<sub>H</sub>ya kerere i ũm<sub>H</sub> marārē weredoreg<sub>H</sub> iriua. <sup>19</sup> ĩgūsāya āārĩburire m<sub>H</sub> dorerire irig<sub>H</sub> yāa, ĩgūsāde diayeta m<sub>H</sub> dorerire iriburo, ārĩgū.

<sup>20</sup> Y<sub>H</sub> ĩgūsāya āārĩburi ditare sērēbosabea. ĩgūsā m<sub>H</sub>ya kere wererire pérā, gajirāde y<sub>H</sub>re b<sub>H</sub>remurākuma. Irasirig<sub>H</sub> y<sub>H</sub> ĩgūsāya āārĩburidere sērēbosáa. <sup>21</sup> Y<sub>H</sub> irire sērēbosáa, y<sub>H</sub>re b<sub>H</sub>remurā āārĩpererā suro merā āārĩburo, ārĩgū. A<sub>H</sub>, m<sub>H</sub> y<sub>H</sub>guere oārō āārā. Y<sub>H</sub> m<sub>H</sub> merā āārā. Irasirirā marĩ āārĩrōsūta ĩgūsā marĩ merā oārō āārĩburo. ĩgūsārē suro merā āārĩmakū irika, i ũm<sub>H</sub> marā y<sub>H</sub> m<sub>H</sub> iriudi āārĩrĩrē b<sub>H</sub>remuburo, ārĩgū! <sup>22</sup> M<sub>H</sub> āārĩrikurire y<sub>H</sub>re sīb<sub>H</sub>. Irasirig<sub>H</sub> ĩgūsārē y<sub>H</sub> irirosū āārĩrikumakū irib<sub>H</sub>, y<sub>H</sub> m<sub>H</sub> merā sug<sub>H</sub> āārĩrōsūta ĩgūsāde suro merā āārĩburo, ārĩgū. <sup>23</sup> Y<sub>H</sub> ĩgūsāguere āārā. M<sub>H</sub> y<sub>H</sub>guere āārā. Marĩ ĩgūsā merā āārā, ĩgūsā diayeta suro merā āārĩburo, ārĩrā. ĩgūsā suro merā āārĩmakū ĩārā, i ũm<sub>H</sub> marā y<sub>H</sub> m<sub>H</sub> iriudi āārĩrĩrē, m<sub>H</sub> y<sub>H</sub>re maĩrōsūta y<sub>H</sub>re b<sub>H</sub>remurārē maĩrĩrē masĩrākuma.

<sup>24</sup> A<sub>H</sub>, m<sub>H</sub> i ũm<sub>H</sub>rē iriburo dupiyuro y<sub>H</sub>re maĩb<sub>H</sub>. Irasirig<sub>H</sub> m<sub>H</sub> āārĩrikurire y<sub>H</sub>re sīb<sub>H</sub>. Y<sub>H</sub>re m<sub>H</sub> sīnerārē y<sub>H</sub> āārĩburogue y<sub>H</sub> merā āārĩmakū gāāmea m<sub>H</sub> y<sub>H</sub>re āārĩrikurĩ sīdeare masīburo, ārĩgū. <sup>25</sup> A<sub>H</sub>, m<sub>H</sub> keoro irig<sub>H</sub> āārā. I ũm<sub>H</sub> marā y<sub>H</sub>re b<sub>H</sub>remumerā m<sub>H</sub>rē masībema. Y<sub>H</sub> gap<sub>H</sub> m<sub>H</sub>rē masīa. Y<sub>H</sub>re b<sub>H</sub>remurā y<sub>H</sub> m<sub>H</sub> iriudi āārĩrĩrē masīma. <sup>26</sup> M<sub>H</sub> āārĩrikurire ĩgūsārē masĩmakū irib<sub>H</sub>. Y<sub>H</sub> ĩgūsāguere āārĩgú m<sub>H</sub>rē irasū masĩmakū irinĩkōāguko, m<sub>H</sub> y<sub>H</sub>re maĩrōsūta ĩgūsāde gāme maĩburo, ārĩgū, ārĩmi Jesús.

## 18

### *Jesúre peresu ñeāwāgādea*

*(Mt 26.47-56; Mr 14.43-50; Lc 22.47-53)*

<sup>1</sup> Jesús ĩgū Pagure sērē odoadero p<sub>H</sub>r<sub>H</sub>, g<sub>H</sub>ya ĩgū buerā merā Jerusalērē wiri, Cedrón wāikurĩ ũmayuridijari mārē taribuja, olivos wāikurĩ yuku otederogue waami. <sup>2</sup> Iro dupiyuro wārĩ Jesús irogue g<sub>H</sub>are siiuwāgānami. Irasirig<sub>H</sub> Judas Jesúre ĩāturirāguere ĩgūrē ĩmubu irore masĩmi. <sup>3</sup> Jesús g<sub>H</sub>ya merā irogue ejadero p<sub>H</sub>r<sub>H</sub>, Judas subu surara merā aarimí. Gajirā surara Marĩp<sub>H</sub>ya wiire korerāde ĩgū merā aarimá. ĩgūsā paía oparā, fariseo bumarā iriunerā surara āārĩmá. ĩgūsā mojōkurĩ merā, sīāgoriduparu, sīāgori tururi merā aarimá. <sup>4</sup> Jesús ĩgūrē waaburire masĩsiami. Irasirig<sub>H</sub>, ĩgūsā ĩgū p<sub>H</sub>ro ejarimakū, bokatĩrĩ sērēñami:

—¿Noārē āmarĩ m<sub>H</sub>sā?

<sup>5</sup> ĩgūrē y<sub>H</sub>j<sub>H</sub>ma:

—Jesús Nazaretmurē āmāa.

Jesús ĩgūsārē ārĩmi:

—Īgūta āārā yu\*.

Judas Jesúre wējēduarāguere ĩgūrē ĩmubu surara merā āārĩmĩ. <sup>6</sup> Jesús: “Īgūta āārā yu”, ārĩmakū pérā, duusirimawāgā, yebague meémejākōāma. <sup>7</sup> Jesús ĩgūsārē dupaturi sērēñami doja:

—¿Noārē āmarĩ musā?

Īgūrē yujuma:

—Jesús Nazaretmurē āmāa.

<sup>8</sup> Jesús ĩgūsārē ārĩmi:

—Yu musārē: “Yu ĩgūta āārā”, ārĩ weresiabu. Yure āmarā, ĩsā yu merāmarārē waadoreka!

<sup>9</sup> Īgū: “Yuru yure sīnerārē neō sugure dedeubiribu”, ārĩdeare keoro waaburo, ārĩgū, irire irasū ārĩmi. <sup>10</sup> Īgūsā Jesúre ñeāmurā irimakū ĩāgū, Simón Pedro sareri majĩrē opagu tūāwea āĩ, paía opure moāboegure Malco wāikugure diaye garuma gāmpūrē dítitá dijukōami.

<sup>11</sup> Jesús garu Pedrorē ārĩmi:

—Muya sareri majĩrē duripika! Yuru yure ñerō taridorederosūta ñerō tarigura, ārĩmi.

*Jesúre paía opu prerogative āĩdea*

*(Mt 26.57-58; Mr 14.53-54; Lc 22.54; Jn 11.49-50)*

<sup>12</sup> Īgū irasū ārĩmakū, surara, ĩgūsā opu, Marĩpuya wiire korerā surara Jesúre ñeā, suama. <sup>13</sup> Sua odo, ĩgūrē Anás wāikuguya wiigüe āiwāgāpuroroma. Anás, Caifás wāikugu máñekū āārĩmĩ. Caifás iri bojorire paía opu āārĩmĩ. <sup>14</sup> Īgūta iro dupiyuro judío masaka oparārē: “Suguta masakū marĩ judío masakaya āārĩburire boabosamakū oārokoa”, ārĩdi āārĩmĩ.

*Pedro Jesúre masĩkeregu: “Masĩbea”, ārĩdea*

*(Mt 26.69-70; Mr 14.66-68; Lc 22.55-57)*

<sup>15</sup> Īgūsā Jesúre āĩāmakū, yu, Simón Pedro merā Jesúre yoaweyarogue ĩātuyabu. Paía opu yure masĩmi. Irasirigu yu Jesúre ĩātuyawāgā, paía opuya wii makāpuroroma yebague ñajābu. <sup>16</sup> Pedro garu iri wii turo ñajāri makāpurogue dujanugāmi. Īgū iro dujanugāmakū ĩāgū, yu iri makāpuro korego merā werení, Pedrorē siiu ñajābu. <sup>17</sup> Īgū ñajāmakū, makāpuro korego Pedrorē sērēñamo:

—¿Mu sī buerā merāmu āārĩberi?

Pedro igore ārĩmi:

—Āārĩbea yu.

<sup>18</sup> Yusa gorabu. Irasirirā iri wii moāboerimasā, surara merā ĩgūsā peame diudeame turo sūma níma. Pedrorē ĩgūsā purota sūma ními.

*Paía opu Jesúre sērēñadea*

*(Mt 26.59-66; Mr 14.55-64; Lc 22.66-71)*

<sup>19</sup> Paía opu Anás Jesúre sērēñayuru:

—¿Noā āārĩrĩ mu buerā? ¿Ñeonorē ĩgūsārē bueri? ārĩyuru. <sup>20</sup> Jesús ĩgūrē yujayuru:

—Yu āārĩpererā péurogue buebu. Marĩ judío masaka nerērĩ wiirigue, irasū āārĩmakū Marĩpuya wiiguedere masaka nerērōgue buebu. Gajirogue durisīā, neō buebiribu.

<sup>21</sup> ¿Nasirigu yure sērēñari? Yu buerire sērēñaduagu, yure pénerārē sērēñaka! Īgūsā yu weredeare masĩma, ārĩyuru.

\* **18:5** Exodo 3.13-15: Iripoegue Moisés Marĩpuro sērēñadi āārĩmĩ: “Israel bumarā yure: ‘¿Mu iriudi wāi naásū āārĩrĩ?’ ārĩ sērēñamakū, ¿naásū ārĩ weregukuri?’ Marĩpuro ĩgūrē āsū ārĩdi āārĩmĩ: “Yu wāi ‘YO SOY EL QUE SOY’ āārā. Irasirigu Israel bumarārē āsū ārĩ wereka: ‘YO SOY yure musāguere weredoregu iriumi’, ārĩka!” ārĩdi āārĩmĩ. “YO SOY EL QUE SOY”, ārĩrō: “Yu āārĩnigūta āārā, o ĩgūta āārā yu”, ārĩduaro yāa.

<sup>22</sup> Īgũ irasũ ārĩmakũ pégu, Marĩpaya wii koregu surara ĩgũ mojõ merã Jesúya diapure pá, ĩgũrẽ ārĩyupũ:

—¿Nasirigu irasũ yujuri paía opure? Irasũ ārĩbita ĩgũrẽ!

<sup>23</sup> Jesús ĩgũrẽ yujuyupũ:

—Yu ñerõ werenĩmakũ: “Ñeéno werenía”, ārĩka yure! Yu diayema gapure keoro weremakũ, ¿nasirigu yure pári?

<sup>24</sup> Jesús irasũ ārãdero purũ, Anás ĩgũrẽ ĩgũsã suadire paía opu Caifás purogue iriuyupũ.

*Pedro Jesúre masĩkeregu, dupaturi: “Masĩbea”, ārĩdea*

*(Mt 26.71-75; Mr 14.69-72; Lc 22.58-62)*

<sup>25</sup> Irasiriripoe Simón Pedro peame turota sũma níkõãmakũ ĩārã, iro ãārĩrã ĩgũrẽ sērẽñama:

—¿Mu sũ buerã merãmu meta ãārĩrĩ?

Pedro ĩgũsãrẽ ārĩmi:

—Ãārĩbea yũ.

<sup>26</sup> Īgũ irasũ ārãdero purũ, sugũ paía opure moãboegu Pedro ĩgũya gãmipũ dítitadiyagu Pedrore ārĩmi:

—Yu olivos otederogue mu ĩgũ merã ãārĩmakũ ĩãbũ.

<sup>27</sup> Pedro dupaturi: “Ãārĩbea, ĩgũ merã ãārĩbirabu”, ārĩmi. Irire ārĩripoeta, ãgãbo weremi.

*Pilato Jesúre sērẽñadea*

*(Mt 27.1-2, 11-14; Mr 15.1-5; Lc 23.1-5)*

<sup>28</sup> Purũ Jesúre Caifáya wii ãārãdire Pilato purogue ãĩãma. Boyoripoe ãārĩbũ. Pilato romanomu judío masakare doregu ãārĩmĩ. Jesúre ĩgũ purogue ãĩārã, ĩgũya wiiguere ñajãbirima. “Marĩ judío masaka, ĩgũ judío masakũ ãārĩbiya wiiguere ñajãrã, marĩ dorerire tarinũgãbukoa. Irasirirã pascua bosenu baaburire baabiribukoa”, ārĩ gũñama. <sup>29</sup> ĩgũsã ñajãbirimakũ ĩãgũ, Pilato ĩgũsã merã werenĩgũ wiririmi. ĩgũsãrẽ sērẽñami:

—¿Neénorẽ iriari ĩĩ, musã yure wajamoãdorerã aarimakũ?

<sup>30</sup> ĩgũsã Pilatore ārĩma:

—Ĩĩ ñerĩ iribirimakũ, murẽ wiarã aaribiriboakuyo.

<sup>31</sup> ĩgũsã irasũ ārĩmakũ, Pilato ārĩmi:

—Ãĩaka! Musãrẽ doreri ārĩrõsũta musã basi ĩgũrẽ wajamoãka!

ĩgũsã ĩgũrẽ ārĩma:

—Gua judío masaka sugure mu guare: “Wějẽka!” ārĩrõ marĩrõ wějẽmasĩbea.

<sup>32</sup> ĩgũsã irire irasũ ārĩrã, Jesúre ĩgũ curusague boaburire iro dupiyuro weredea keoro waamakũ irima†. <sup>33</sup> ĩgũsã irasũ ārĩmakũ pégu, Pilato wiigüe gãmenugã ñajãa, Jesúre siiu, sērẽñayupũ:

—¿Muta judío masaka Opũ ãārĩrĩ?

<sup>34</sup> Jesús ĩgũrẽ ārĩyupũ:

—¿Mu basi gũñarõ merã yure irasũ sērẽñarĩ, o gajirã murẽ yaamarẽ wereari?

<sup>35</sup> Pilato ĩgũrẽ ārĩyupũ:

—Yu judío masakũ meta ãārã. Muya nikũ marã judío masaka, irasũ ãārĩmakũ paía oparã murẽ õõ yũ purogue ãĩjama. ¿Ñeénorẽ iriari mu?

<sup>36</sup> Jesús ārĩyupũ:

—Yu Opũ ãārĩrĩ, i ãmuma ãārĩbea. I ãmuma ãārĩmakũ, yaarã gãmekẽãbukuma, judío masaka yure ñeã, peresu iribirikõãburo, ārĩrã. Yu Opũ ãārĩrĩ, gajiroguema ãārã.

<sup>37</sup> ĩgũ irasũ ārĩmakũ pégu, Pilato ĩgũrẽ ārĩyupũ:

—¿Mu irasũ ārĩgũ: “Opũ ãārã”, ārĩrĩ?

† 18:32 Judío masaka sugũ ñerõ irigure ütayeri merã dea wějẽnerã ãārĩmã ĩgũrẽ wajamoãrã. Romano masaka gapũ ĩgũrẽ wajamoãrã, curusague pábiatũ wějẽnerã ãārĩmã.

Jesús ĩgũrẽ ģrĩyupũ:

—Mũ ģrĩrõsũta Opũ ģãrã. Yũ deyoabũ i ũmũ marãguere diayemarẽ werebu. ģãrĩpererã diayema ģãrĩrĩrẽ pẽdũarã, yũ wererire pẽma.

<sup>38</sup> ĩgũ irasũ ģrĩmakũ, Pilato ĩgũrẽ ģrĩyupũ:

—¿Nẽeno ģãrĩrĩ diayema?

*Judío masaka Pilatore: “Jesúre wẽjẽka!” ģrĩ doredea  
(Mt 27.15-31; Mr 15.6-20; Lc 23.13-25)*

Irasũ ģrĩ odo, Pilato judío masaka oparã merã werenĩgũ wiriri, ĩgũsãrẽ ģrĩmi doja:

—ĩrẽ neõ ñerĩ iridea máa yũ ĩãmakũ. <sup>39</sup> Bojorikũ pascua bosenu ģãrĩmakũ, musã irinarõsũta sugũ peresu ģãrĩgũrẽ yũre wiudorea. ¿Musã judío masaka Opũre musãrẽ wiũmakũ gããmekuri?

<sup>40</sup> ĩgũ irasũ ģrĩmakũ pẽrã, ĩgũsã gaguinĩma:

—ĩgũrẽ wiubirikõãka! Barrabás gapũre guare wiuka! ģrĩma. Barrabás yajarimasũ ģãrĩmĩ.

## 19

<sup>1</sup> ĩgũsã irasũ ģrĩ gaguinĩmakũ pẽgu, Pilato ĩgũyarã surarare Jesúre tãrãdoreyupũ. <sup>2</sup> Jesúre tãrã odo, pora bero iri, ĩgũya dipurure peoñurã. Peo odo, opũya surĩro irirosũ deyoriñe diiañiweyariñerẽ ĩgũrẽ sãñurã. <sup>3</sup> Sã odo, ĩgũ pũro ejanugã, ãsũ ģrĩ buridañurã:

—Õãrõ ģãrĩburo judío masaka Opũ! ģrĩñurã, Irasũ ģrĩrãta, ĩgũsãya mojõrĩ merã ĩgũya diapure páñurã.

<sup>4</sup> Pilato dupaturi masakare weregũ wiriri, ãsũ ģrĩmi:

—ĩgũrẽ neõ ñerĩ iridea máa yũ ĩãmakũ. Irasirigũ musãrẽ masĩburo, ģrĩgũ, ĩgũrẽ siũ wiugura musãrẽ ĩãdoregu.

<sup>5</sup> Irasũ ģrĩ odo, Jesúre siũ wiũmi. Irasirigũ, Jesús pora berore peyadi, opũya surĩrore sãñadi ĩgũ wiririmakũ, Pilato masakare ģrĩmi:

—ĩãka! ĩta ģãrĩmi ĩgũ.

<sup>6</sup> Paía oparã, Marĩpũya wii korerã surara Jesúre ĩãrã, gaguinĩnugãma:

—ĩgũrẽ curusague pábiatú wẽjẽka! Curusague pábiatú wẽjẽka! ģrĩ gaguinĩma.

Pilato ĩgũsãrẽ ģrĩmi:

—Yũ ĩãmakũ, ĩgũrẽ neõ ñerĩ iridea máa. Irasirirã musã ĩgũrẽ ģãka! Musã basita ĩgũrẽ curusague pábiatú wẽjẽrã waaka!

<sup>7</sup> Judío masaka oparã ĩgũrẽ ģrĩma:

—ĩgũ: “Yũ Marĩpũ magũ ģãrã”, ģrĩmi. Guare doreri irasũ ģrĩgũnorẽ wẽjẽdorea.

<sup>8</sup> ĩgũsã: “ĩgũ: ‘Yũ Marĩpũ magũ ģãrã’, ģrĩmi”, ģrĩmakũ pẽgu, Pilato ĩgũ dupiyuro gũiadero nemorõ gũimi. <sup>9</sup> Irasirigũ Jesúre dupaturi siũ ñajãa, sẽrẽñayupũ doja:

—¿Noómmũ ģãrĩrĩ mmũ? ģrĩyupũ.

Jesús gapũ ĩgũrẽ neõ yũjubiriyupũ.

<sup>10</sup> ĩgũ yũjubirimakũ ĩãgũ, Pilato ĩgũrẽ ģrĩyupũ:

—¿Nasirigũ yũre yũjuberi? Yũ yaarã surarare mũrẽ peresu ģãrĩgũrẽ wiudoremakũ, mũrẽ wiurãkuma, o ĩgũsãrẽ mũrẽ curusague pábiatú wẽjẽdoremakũ, mũrẽ pábiatú wẽjẽrãkuma. ¿Irire masĩberĩ mmũ?

<sup>11</sup> Jesús ĩgũrẽ yũjuyupũ:

—Mũ yũre irasũ iridoreri, Yũpũ ũmũgasigue ģãrĩgũ mũrẽ pídea ģãrã. Irasirigũ yũre mũguere wiadi, mmũ nemorõ waja opami, ģrĩyupũ.

<sup>12</sup> ĩgũ irasũ ģrĩmakũ pẽgu, Pilato Jesúre: “¿Nasiri wiugũkuri yũ ĩgũrẽ?” ģrĩ pẽmaadiyupũ. ĩgũrẽ irasũ wiudũmakũ ĩãrã, judío masaka gapũ gaguinĩma:

—M<sub>u</sub> ĩgũrẽ wiugu, romano marã opu merãmu ããrĩbirikoa. Sugu: “Yu judío masaka opu ããrã”, ãrĩgũno romano marã opure marĩrẽ doregure béodugũ, ĩgũrẽ ĩaturigu yámi, ãrĩma.

<sup>13</sup> ĩgũsã irasũ ãrĩmakũ pégu, Pilato Jesúre wiigue ããrĩgũrẽ ütã majĩrĩ merã ĩgũsã iridea yebague wiriridoremi. ĩgũ, masaka weresãrĩrẽ beyerimasũ doarogue eja doami. Iri ütã majĩrĩ merã ĩgũsã iridea yeba, hebreo ya merã Gabata wãikubũ. <sup>14</sup> Irasũ waarínũ, gũa pascua bosenũma baaburi ãmurĩnũ ããrĩbũ. Goeripoe dupiyuro ããrĩbũ. Pilato ĩgũ doarogue eja doa, judío masakare ãsũ ãrĩ weremi:

—Ĩta ããrĩmi mũsã Opũ.

<sup>15</sup> ĩgũ irasũ ãrĩmakũ pérã, judío masaka gaguiníma:

—Boaburo ĩgũ. Boaburo. Curusague pábiatú wějẽka ĩgũrẽ! ãrĩma.

Pilato ĩgũsãrẽ ãrĩmi:

—¿Yu yaarã surarare mũsã Opure curusague pábiatú wějẽdoremakũ gããmerĩ mũsã?

Paía oparã ĩgũrẽ yũjũma:

—Gũa opu, romano marã opu ããrĩmi. Gajigu gũa opu mámi.

<sup>16</sup> ĩgũsã irasũ ãrĩmakũ pégu, Pilato Jesúre ĩgũsãrẽ wiami, curusague pábiatú wějẽdoregu. Irasirirã ĩgũrẽ ãĩãkõãma.

### *Jesúre curusague pábiatú wějẽdea*

*(Mt 27.32-44; Mr 15.21-32; Lc 23.26-43)*

<sup>17</sup> Irasirigu Jesús curusare kõã, “Masakũ dipuru boaweadea pero” wãikurogue waami. Hebreo ya merã Gólgota wãikubũ. <sup>18</sup> Irogue eja, Jesúre curusague pábiatúma. Gajirã pẽrãrẽ pábiatúma. Sugure ĩgũ diaye gapũ, gajigure ĩgũ kúgapũ curusague pábiatú ãĩwãgũnúma. Jesúre ĩgũsã deko ãĩwãgũnúma. <sup>19</sup> Pilato taboa majĩrẽ ĩgũ gojadea majĩrẽ curusague Jesús dipuru weka pábiatúdoreyupũ. ãsũ ãrĩ gojasũdero ããrĩbũ: “Ĩ Jesús Nazaretmũ, judío masaka Opũ ããrĩmi”. <sup>20</sup> Hebreo ya merã, latín ya merã, griego ya merã gojadea ããrĩbũ. Jesúre curusague ĩgũsã pábiatú ãĩwãgũnúdero, makã pũrogã ããrĩbũ. Irasirirã wárã judío masaka irogue aari, iri gojadeare ĩã buema. <sup>21</sup> Paía oparã judío masaka ããrĩsĩã, Pilato gojadeare gããmebirĩnũrã. Irasirirã ĩgũrẽ wererã waañurã. ãsũ ãrĩñurã:

—Mũ: “Ĩ judío masaka Opũ ããrĩmi”, ãrĩ gojadeare gorawayuka! ãsũ gapũ gojaka: “Ĩ: ‘Judío masaka opu ããrã’, ãrĩmi”, ãrĩ gojaka! ãrĩñurã.

<sup>22</sup> Pilato gapũ ĩgũsãrẽ ãrĩyupũ:

—Yu gojadeare gorawayubirikoa, ãrĩyupũ.

<sup>23</sup> Jesúre curusague pábiatú ãĩwãgũnúaderõ pũrũ, wapikurã surara ĩgũya surĩ ããrãdeare sea, ĩgũsãkũ suñeno dita gãme dukawama. Suñe surĩro su gasirota suadea surĩro, eañeãña marĩrõ merã iridea gasiro ããrĩbũ. <sup>24</sup> Iri surĩro irasũ ããrĩmakũ ĩãrã, gãme ãrĩ werenĩma:

—Ĩñe surĩrore yeguebirikõãrã! Ubu ãrĩboka birarã! “¿Noãrẽ dujarokuri?” ãrĩma.

Ĩgũsã irasirimakũ, Marĩpũya werenĩrĩ gojadea pũgue gojaderosũta keoro waabũ. ãsũ ãrĩ gojasũdero ããrĩbũ: “Yaa surĩre: ‘¿Noãrẽ dujarokuri?’ ãrĩboka birarãkuma, irire gãme ĩgũsã basi dukawamurã”, ãrĩ gojasũdero ããrĩbũ. Iri pũgue gojaderosũta surara irasirima.

<sup>25</sup> Jesúya curusa pũro ĩgũ pago, igo tĩgõ, María Cleofas marãpo, María Magdalena níma.

<sup>26</sup> Jesús, ĩgũ pagore, irasũ ããrĩmakũ yũ ĩgũ maĩsũgũ igo pũro nímakũ ĩãgũ, igore ãrĩmi:

—Meõ, ĩ mũ magũ ããrĩmi.

<sup>27</sup> Irasũ ãrĩ odo, yure:

—Igo, mũpo ããrĩmo, ãrĩmi.

Irasirigu Jesús pagore yaa wiigue ãã opabũ.

### *Jesús boadea*

*(Mt 27.45-56; Mr 15.33-41; Lc 23.44-49)*

<sup>28</sup> Jesús irasũ ãrĩ odo: “Ããrĩpereri Yurũ yure iridoregũ pídeare iripeo odosiáa”, ãrĩ masĩmi. Irasirigũ ãsũ ãrĩmi:

—Ñemesibukoa yure. Irire ãrĩgũ, Marĩpũya werenĩrĩ gojadea pũgue gojadeare iriyuwarikumi.

<sup>29</sup> Irogue suru borewariru igui deko sũrĩ deko utaudiru ããrĩbũ. Irasirirã iro ããrĩã Jesús irasũ ãrĩmakũ pérã, iri igui deko sũrĩ merã yurayusũ merã yosa, hisopo wãikudima dũpũ yuwague sũatũ, Jesúya disire soemuúma. <sup>30</sup> Jesús iri yurayusũ igui deko sũrĩ yosadeare mimimi. Mimi odo, ãsũ ãrĩmi:

—Ããrĩpereri iripeo odosiáa, ãrĩmi. Ire ãrĩgũta, ĩgũya dipurure mumusiudija, ĩgũya yũjũpũrãrẽ Marĩpũre wia, boakõãmi.

### *Surara Jesúre curusague boadire saredea*

<sup>31</sup> Jesús boarinũ gũa pascua bosenua baaburire ãmurĩnũ ããrĩbũ. Gajinũ gapũ gũa judío masaka siñajãrĩnũ, irasũ ããrĩmakũ pascua bosenua gũa iririnũ, ubu ããrĩrĩnũ meta ããrĩbũ. Irinũrẽ boanerã curusarigue ããrĩmakũ judío masaka oparã gããmebirima. Irasirirã Pilato pũrogue ĩgũrẽ sërẽrã waañurã: “Mũyarã surarare curusarigue pábiatúsũnerãrẽ mata boaburo, ãrĩrã, ĩgũsãya ñigã gõãrĩrẽ pánuadoreka! Pũrũ ĩgũsãya dũpũrĩre ãĩdiju, gajirogue píadoreka!” ãrĩñurã. <sup>32</sup> Irasirirã surara Jesús merã curusarigue pábiatúsũnerãya ñigã gõãrĩrẽ pánuama. Sugũre irasũ iripũrori, gajigũdere irasũta irima. <sup>33</sup> Jesús pũro waa ejanũgãrã, boadiguere ĩãma. Irasirirã ĩgũya ñigã gõãrĩrẽ pánuabirima.

<sup>34</sup> Sugũ surara ĩgũya sareri merã Jesúre ĩgũya arupãma doka saremi. ĩgũ saremakũ, mata ĩgũya dí, deko merã wiribũ. <sup>35</sup> Yũ, i waamakũ ĩãbũ. Irasirigũ yũ i pũrẽ gojagũ, diayema ããrĩrĩrẽ mũsarẽ werea. Yũ ire masĩa. Yũ ĩãdea diayeta waabũ. Yũ wereri diayeta ããrã. Irasirigũ mũsarẽ irire werea, mũsãde Jesúre bũremuburo, ãrĩgũ. <sup>36</sup> Surara Jesúya ñigã gõãrĩrẽ pánuabirimakũ, Marĩpũya werenĩrĩ gojadea pũgue ãrĩderosũta waabũ. Iri pũgue ãsũ ãrĩ gojasũdero ããrĩbũ: “Ĩgũya gõãrĩrẽ, neõ su gõãrẽ pánuabirima”, ãrĩ gojasũdero ããrĩbũ. <sup>37</sup> Gajirogue Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Ĩgũsã saredire ĩãrãkuma”, ãrĩ gojasũdero ããrĩbũ.

### *José Jesúya dũpũre masãgobegue ãĩwãgã yáadea* (Mt 27.57-61; Mr 15.42-47; Lc 23.50-56)

<sup>38</sup> Jesús boadero pũrũ, José Arimatea wãĩkũri makãmũ Pilatore Jesúya dũpũre sërẽgũ waayurũ. José judío masaka oparãrẽ gũisĩa, Jesúre bũremugũ ããrĩrĩrẽ gajirãrẽ werebiridi ããrĩmĩ. Pilato ĩgũrẽ: “Jãu, ĩgũya dũpũre ãĩaka!” ãrĩmakũ, José curusa pũro waa, Jesúya dũpũre ãĩdijumi. <sup>39</sup> Nicodemode wãri sũrõrĩrẽ treinta kilo nukãrĩrẽ ãĩjami, Jesúya dũpũre õãrõ ãmubu. ĩgũ iro dupiyuro ñami merã Jesúre werenĩgũ ejadi ããrĩmĩ. ĩgũ ãĩdea: mirra wãĩkũri sũrõrĩ, áloes wãĩkũri sũrõrĩ merã morẽdea ããrĩyuro. <sup>40</sup> Irasirirã ĩgũsã pérã Jesúya dũpũre iri sũrõrĩ merã piupeo, õãrĩ surí gasiri merã õmama. Judío masaka ĩgũsã boanerãya dũpũre yáaburi dupiyuro ãmunaderosũta irima. <sup>41</sup> Jesúre curusague pábiatũ wẽjẽdero pũro pooe ããrĩbũ. Iri poeeguere masãgobe ãtãyegue mádea gobe ããrĩbũ. Iri gobere neõ sugũ boadire yáabirima dapa. <sup>42</sup> Gũa judío masaka siñajãrĩnũ ejaburo iribũ. Irasirirã iri gobe curusa ãĩwãgũnũadero pũrogã ããrĩmakũ, Jesúya dũpũre irogue yáama.

## 20

### *Jesús masãdea* (Mt 28.1-10; Mr 16.1-8; Lc 24.1-12)

<sup>1</sup> Judío masaka siñajãrĩnũ\* waadero pũrũ, boyoburo dupiyurogã María Magdalena ĩgũsã Jesúya dũpũre yáaderogue ĩãgõ waayupo. Irogue ejago, iri gobere biadea ãtã majĩrẽ

\* 20:1 Judío masaka siñajãrĩnũ, sãbado ããrã.

bojegue ããrĩmakũ ãyũyupo. <sup>2</sup> Irasirigo, gũa pẽrã Simón Pedro, irasũ ããrĩmakũ yũ Jesús maĩsũgũ pũroguẽ ãmawãgãrimo. Igo gũa pũroguẽ ejago, gũare ãrĩmo:

—Marĩ Opũya dũpũre ãĩkõãnerã ããrãma. Ìgũrẽ Ìgũsã píaderore marĩ masĩbea, ãrĩmo.

<sup>3</sup> Igo irasũ ãrĩmakũ pẽrã, yũ, Pedro merã Ìgũsã Jesũya dũpũre yãaderogue ããrã waabu. <sup>4</sup> Irogue waarã, gũa pẽrãgueta ãmawãgãbu. Yũ gapũ Pedrore ãmatariwãgã, masãgobegue ejapũroribu. <sup>5</sup> Irogue ejagu, iri gobere muũbia ãã sóobũ. Irasũ ãã sóogu, Jesũya dũpũre õmadea surĩ gasiri ditare ããbu. Iri gobegue ñajãbiribu. <sup>6</sup> Mẽrõgã pũrũ Simón Pedro ejami. Irogue eja, iri gobegue ñajãa, Ìgũde Jesũya dũpũre õmadea surĩ gasiri ditare ããmi. <sup>7</sup> Ìgũya dipurure Ìgũsã õmadea surĩro gasirodere ããmi. Iri gasiro túpeasũbu. Gaji surĩ gasiri merã peyabiribu. <sup>8</sup> Pedro irasũ ñajãmakũ ããgũ, yũde iri gobegue ejapũroridi ñajãa, iri ditare ããgũ, bũremubu. <sup>9</sup> Gũa, Jesũya dũpũre masãgobegue marĩmakũ ããkererã, Marĩpũya werenĩrĩ gojadea pũgue Jesús boadigue masãgũkumi, ããrĩdeare pẽmasĩbiribu. Keoro waarokoa, ããrĩ gũñabiribu. <sup>10</sup> Irire ãã odorã, gũaya wiigũe goedujãakõãbu.

### *Jesús María Magdalenarẽ deyoadea*

*(Mr 16.9-11)*

<sup>11</sup> María gapũ masãgobegueta dujãa, bũro oreyupo. Oregota, iri gobegue muũbia ãã sóoyupo. <sup>12</sup> Irasũ ãã sóogo, pẽrã Marĩpũre wereboerãrẽ boreri surĩ sãñarãrẽ Jesũya dũpũ peyaderogue Ìgũsã doamakũ ããyũyupo. Sugũ, Ìgũya dipuru ããrĩdero gapũ, gajigu, Ìgũya guburi ããrĩdero gapũ doañurã. <sup>13</sup> Ìgũsã igore sẽrẽñañurã:

—¿Nasirigo orego yãri?

Igo Ìgũsãrẽ ããrĩyupo:

—Yũ Opũya dũpũre ãĩkõãnerã ããrãma. Ìgũrẽ Ìgũsã píderore yũ masĩbea, ããrĩyupo.

<sup>14</sup> Irire ããrĩ odo, gãmenugã ããgõ, Jesũre iro nĩmakũ ããyũyupo. Ìgũrẽ ããkeregõ: “Jesũta ããrĩmi”, ããrĩ ããmasĩbiriyupo.

<sup>15</sup> Jesús igore ããrĩyupũ:

—¿Nasirigo orego yãri? ¿Noãrẽ ãmarĩ?

Igo gapũ: “Ì, i pooere koregũ ããrĩkumi”, ããrĩ gũñagõ, Ìgũrẽ ããrĩyupo:

—Mũ Ìgũya dũpũre gajirogue ããadi, yũre wereka! ¿Noógue píari? Mũ weremakũ, Ìgũya dũpũre ããgõ waagorãa.

<sup>16</sup> Igo irasũ ããrĩmakũ, Jesús igore ããrĩyupũ:

—María.

Ìgũ irasũ ããrĩmakũ pẽgo, gãmenugã, hebreo ya merã Ìgũrẽ:

—Rabuni, ããrĩyupo. “Rabuni”, ããrĩõ, hebreo ya merã: “Buegũ”, ããrĩduaro yãa.

<sup>17</sup> Jesús igore ããrĩyupũ:

—Yũre pirika! Yũpũ pũroguẽ mũrĩabea dapa. Gajirã yaarã pũroguẽ waaka! Ìgũsãrẽ ããsũ ããrĩ wereka: “Jesús ããrãmi: ‘Yũpũ pũroguẽ waabu yãa. Ìgũ mũsãdere mũsãpũta ããrĩmi. Ìgũ yũ Opũ, irasũ ããrĩmakũ mũsãdere mũsã Opũta ããrĩmi’, ããrãmi”, ããrĩka Ìgũsãrẽ!

<sup>18</sup> Ìgũ irasũ ããrĩmakũ pẽgo, María Magdalena gũa Jesús buerã pũroguẽ aari, gũare igo marĩ Opũre ããdeare, Ìgũ igore weredoreadeare weremo.

### *Jesús Ìgũ buerãrẽ deyoadea*

*(Mt 28.16-20; Mr 16.14-18; Lc 24.36-49)*

<sup>19</sup> Irinũ semana ããrĩpũrorinũta† ñamigue gũa Jesús buerã gũaya wiigũe nerẽrã, judío masaka oparãrẽ gũirã, makãpũrorire õãrõ biabu. Gũa irogue ããrĩripoe Jesús gũa dekogue deyoa, gũare õãdoregũ, ããsũ ããrĩmi:

—Mũsã õãrõ siñajãrĩ merã ããrĩrikũka!

<sup>20</sup> Irasũ ããrĩ odo, Ìgũya mojórĩrẽ, Ìgũrẽ arupãma doka sarederore gũare ããmumi. Gũa Ìgũrẽ marĩ Opũre ããrã, bũro mũnyabu. <sup>21</sup> Dupaturi Jesús gũare ããrĩmi doja:

† 20:19 Semana ããrĩpũrorinũno, domingo ããrã.

—Ōārō siñajārī merā āārīrikuka mūsā! Yuru yare iriuderosūta yude mūsārē iriua, ārīmi.

<sup>22</sup> Irasū ārī odo, guare puripeo, āsū ārīmi:

—Ōāgū deyomarīgūrē bokatīrīñeāka, mūsārē iritamubure! <sup>23</sup> Mūsā masakare īgūsā ñerō irideare kātimakū, īgūsā ñerō irideare kātisūrākuma. Mūsā gajirārē īgūsā ñerō irideare kātibirimakū, īgūsā ñerō irideare kātisūbirikuma, ārīmi Jesús.

### *Tomás Jesúre masādire iādea*

<sup>24</sup> Jesús guare deyoamakū, Tomás Jesús buegu “Suduadi” īgūsā ārīdi gua merā āārībirimi.

<sup>25</sup> Puru īgū gua merā āārīmakū, īgūrē ārību:

—Gua marī Opure iābu.

Tomás gapu guare ārīmi:

—Īgūya mojōrīgue īgūsā pábiadea goberire iābi, iri goberire yaa mojōsūrū merā puuñabi, irasū āārīmakū īgū arupāma dokare īgūsā saredea gobere yaa mojō merā soesooñabi, īgū masādea kerere neō buremubirikoa.

<sup>26</sup> Su semana Jesús guare deyoadero puru, gua īgū buerā dupaturi wiigue nerēbu. Iripore Tomás gua merā āārīmi. Iri wii biadea wii āārīkeremakū, Jesús ñajāa, gua dekogue deyoa, guare oādoregu, āsū ārīmi:

—Mūsā siñajārī merā ōārō āārīrikuka!

<sup>27</sup> Irasū ārī odo, Tomārē ārīmi:

—Īāka yaa mojōrīrē! Mū mojōsūrū merā yaa mojōrīgue īgūsā pábiadea goberire puuñaka! Mū mojō merā yu arupāma doka īgūsā saredea gobere soesooñaka! Yu masādeare: “Diaye āārībea”, āārībirikōāka! “Diaye āārā”, ārī buremuka!

<sup>28</sup> Īgū irasū ārīmakū, Tomás āsū ārīmi:

—Mū, yu Opure, yu buremugū āārā.

<sup>29</sup> Jesús īgūrē ārīmi:

—Mū yure iāsīā: “Diayeta boadigue masādi āārā”, ārī buremua. Gajirā gapu yare iābirikererā, yu boadigue masādeare buremurākuma. Irasirirā īgūsā buro usuyari merā āārīrākuma, ārīmi.

### *Ipūgue āārīrē nasiriburo, ārī gojadea*

<sup>30</sup> Jesús gua merā āārīgū, wāri gajī Marīpu turari merā iri ĩmurīrē irimi. Iri āārīpereri īgū irideare i pūguere gojapeobirību. <sup>31</sup> Irire gojapeobirikeregu, surāyeri Jesús irideare gojāa, īgū Marīpu iriudi Cristo āārīrē, īgū diayeta Marīpu magū āārīrē buremuburo, ārīgū. Irasū āārīmakū mūsā īgūrē buremurī merā okari opaburo, ārīgū, irasū ārī gojāa.

## 21

### *Jesús dupaturi īgū buerārē deyoadea*

<sup>1</sup> Puru Jesús Tiberias wāikuri ditaru turo dupaturi guare īgū buerārē deyoami. Guare deyoagu āsū irimi. <sup>2</sup> Gua iroque āārīrā ĩsāku āārībú: Simón Pedro, Tomás “Suduadi” īgūsā ārīdi, Natanael Galilea nikūma Caná wāikuri makāmu, gua pērā Zebedeo pūrā, irasū āārīmakū gajirā pērā āārībú.

<sup>3</sup> Gua iroque āārīripoe Simón Pedro ārīmi:

—Waaí wējēgū waagú yāa.

—Gude mū merā waarāra, ārību.

Irasū ārī, buāa, doódiru merā waabu. Iri ñamirē waaí wējēboyotamuakōādibu.

<sup>4</sup> Boyowāgariripoe Jesús ditaru turo nímakū iābu. Īgūrē iākererā, iāmasībirikubu. <sup>5</sup> Irasirigu guare ārīmi:

—¿Waaí wējēārī?

—Neō wējēbirakubu, ārī yujubu.

<sup>6</sup> Gua irasū ārīmakū pégu, Jesús ārīmi:



—Doódiru diaye gapu buidire meéyoka! Iro gapu waaí wējērākoa. Īgū ārīrōsūta meéyomakū, wārā waaí ñajāma. Wārā waaí ñajāmakū, buidire doódirugue neō āīsāturabiribu. <sup>7</sup> Irasū waamakū iāgū, yu Jesús maīsūgū Pedrore ārībū:

—Īgūta marī Opū āārīmi.

Yu irasū ārīmakū pégu, Simón Pedro ĩgūya wekama surírore túweadi, sãña, ditarugue meébia báwāgāmi. <sup>8</sup> Gūa ĩgū merāmarā ditaru turore cien metros yoaro payarā, buidire waaí wārā ñajādire guayaru merā tūānumuabū. <sup>9</sup> Majānugārā, peame nitī dita gose oyanīrīme weka waairé Jesús mupūnugūnerārē, pādere iābū.

<sup>10</sup> Jesús guare ārīmi:

—Gajirā waaí, mērā musā wējērārē ārīka!

<sup>11</sup> Īgū irasū ārīmakū, Simón Pedro doódirugue ñajāa, buidire ĩmparogue tūāmajāmi. Pagarā waaí ñajānerā ciento cincuenta y tres āārīmá. Wārā waaí ñajānerā āārīkererā, buidire neō yeguebirima.

<sup>12</sup> Jesús guare ārīmi:

—Baa yoberā aarika!

Gūa neō sugūno ĩgūrē: “¿Noāno āārīrī mu?” ārī sērēñabiribu. “Īgū marī Opūta āārīmi”, ārī masībū. <sup>13</sup> Jesús peame pūro waa, pā, waairé āi, guare gueremi.

<sup>14</sup> Jesús boadigue masādero pūru, pea guare deyoasiami. Irasirigu ditaru turogue deyoagu, urea guare ĩgū buerārē deyoagu irimi.

### *Jesús Pedro merā werenídea*

<sup>15</sup> Gūa baadero pūru, Jesús Simón Pedrore sērēñami:

—Simón, Jonás magū, ¿mu ĩisā nemorō yure maīrī?

Pedro ĩgūrē ārīmi:

—Yu Opū, murē maīa. Mu irire masīa.

Jesús ārīmi:

—Irasirigu ovejare koregu oveja majīrārē oārō korerosūta yure buremurārē majīrā irirosū āārīrārē oārō koreka!

<sup>16</sup> Irasū ārī odo, dupaturi Simón Pedrore sērēñami doja:

—Simón, Jonás magū, ¿yure maīrī mu?

—Yu Opū, murē maīa. Mu irire masīa, ārīmi.

Jesús ārīmi doja:

—Ovejare koregu ovejare oārō korerosūta yure buremurārē oārō koreka! ārīmi.

<sup>17</sup> Irasū ārī odo, dupaturi Simón Pedrore sērēñami:

—Simón, Jonás magū, ¿diayeta yure maīrī mu?

Urea ĩgūrē irasū sērēñamakū pégu, Simón Pedro buro bujawereri merā āārīmí. Īgūrē ārīmi:

—Yu Opū, mu āārīpereri masīa. Murē yu maīrīrē masīa.

Irasirigu Jesús ĩgūrē ārīmi:

—Ovejare koregu ovejare oārō kererosūta yure buremurārē oārō koreka! <sup>18</sup> Diayeta murē werea. Mu maamu āārīgú suríre sãña, mu gāāmerō noó waaduro waaunabu. Pūru buguo āārīgú, muya mojōrīrē soemugūkoa. Gajigu murē suríre sāgukumi. Mu waaduberogue murē āīwāgāgukumi.

<sup>19</sup> Jesús, Simón Pedro ĩgū boaburi merā masakare Marīpu turagu, oāgū āārīrīrē masīmakū iriburire irasū ārī weremi. Irire were odo, Jesús ĩgūrē ārīmi:

—Yure tūyaka!

### *Jesús Juārē ĩgū maīgūrē werede*

<sup>20</sup> Pedro gāmenugā, yu ĩgūsārē tūyawāgāmakū iāmi. Yu, Jesús maīgū, iro dupiyuro Jesús pūro baa doanīgū ĩgūrē: “Yu Opū, ¿noā murē wējēduarāguere murē ĩmubu āārīkuri?” ārī sērēñadi āārībū. <sup>21</sup> Pedro yure iāgū, Jesúre sērēñami:

—Y<sub>u</sub> Op<sub>u</sub>, ¿naásũ waarokuri ãgũrẽ?

<sup>22</sup> Jesús ãgũrẽ ãrĩmi:

—Y<sub>u</sub> i ãmũguere dupaturi aariripoeta ãgũ okamakũ y<sub>u</sub> iridũarire, o iridũabirire mũya meta ããrã. Irire gũñarikũbirikõãka! Y<sub>u</sub>re tũyaka!

<sup>23</sup> Jesús irasũ ãrĩrĩ kerere pérã, gajirã ãgũrẽ bũremurã: “Juan boabirikumi”, ãrĩ gãme weresirima. Jesús: “Juan boabirikumi”, ãrĩdi meta ããrĩmĩ. “Y<sub>u</sub> i ãmũguere dupaturi aariripoeta ãgũ okamakũ y<sub>u</sub> iridũarire, o iridũabirire mũya meta ããrã”, ãrĩdi ããrĩmĩ.

<sup>24</sup> Y<sub>u</sub> Jesús bueg<sub>u</sub>, y<sub>u</sub> ããdeare i pũrẽ gojáa. Irasirirã mũsã y<sub>u</sub> gojarire: “Diayeta ããrã”, ãrĩ masĩa.

<sup>25</sup> Jesús wári gaji irimi. Iri ããrĩpererire y<sub>u</sub> gojapeomakũ, wári pũrĩ ããrĩbukoa. Y<sub>u</sub> péñamakũ, masaka iri pũrĩrẽ i ãmũguere duripídũamakũ, utũriakõãbukoa.

Iropata ããrã.

Juan

## LOS HECHOS

*Jesús ĩgũ buedoregũ beyenerãrẽ: “Õãgũ deyomarĩgũ aarigũkumi”, ãrĩ weredeã*  
(Lc 1.1-4)

<sup>1</sup> Opũ Teófilo, yũ mũrẽ gojadupiyudea pũguere Jesús neõgorague irinũgãdeare, ĩgũ buedea ããrĩpererire gojabũ. <sup>2</sup> ĩgũ ãmũgasigue mũrĩaburo dupiyuro Õãgũ deyomarĩgũ turaro merã ĩgũ buedoregũ beyenerãrẽ: “Ãsũ irirãkoa”, ãrĩ weredeãdere gojabũ. <sup>3</sup> Jesús ĩgũ boa, masãdero pũrũ, ĩgũsãrẽ cuarenta nũrĩgora deyoayupũ. Irasirigũ ĩgũ dupaturi okarire ĩgũsãrẽ õãrõ masĩmakũ iriyupũ. Marĩpũ ĩgũyarãrẽ doreri kerere ĩgũsãrẽ wereyupũ.

<sup>4</sup> Jesús ĩgũsã merã ããrĩgũ, ĩgũsãrẽ ãsũ ãrĩyupũ:

—Jerusalẽta dujaka dapa! Iripoegue Yũpũ: “Õãgũ deyomarĩgũrẽ mũsãrẽ iriugũra”, ãrĩdeare yũka! Irire weresiabũ. <sup>5</sup> Juan mũsãrẽ deko merã wãiyedi ããrĩmĩ. Yũ gapũ mérõgã pũrũ mũsãrẽ Õãgũ deyomarĩgũ merã wãiyegũkoa, ĩgũ mũsã merã ããrĩnĩkõãburo, ãrĩgũ, ãrĩyupũ.

*Jesús ãmũgasigue mũrĩadeã*

<sup>6</sup> Pũrũ ãtãũ Olivos wãĩkũdigue Jesús merã nerẽ, ĩgũrẽ sãrẽñañurã:

—Gũã Opũ, ¿dapagorare gajigũ gũaya nikũmũrẽ gũare dorebure, opũ pígũkuri? ãrĩñurã.

<sup>7</sup> Jesús ĩgũsãrẽ yũjũyupũ:

—Yũpũ sugũta masĩmi. ĩgũ irasũta waaburo, ãrĩmakũ irasũta waarokoa. Mũsãya meta ããrã i. <sup>8</sup> Mérõgã pũrũ Yũpũ Õãgũ deyomarĩgũrẽ iriugũ, mũsãrẽ ĩgũ turarire opamakũ irigũkumi. ĩgũ irasirimakũ, mũsã gũiro marĩrõ gũñaturari merã masakare yaa kerere wererã waarãkoa. Jerusalén marãrẽ, Judea nikũ marãrẽ, Samaria nikũ marãrẽ, ããrĩperero i nikũgue ããrĩrãrẽ wererã waarãkoa, ãrĩyupũ Jesús ĩgũ buedoregũ beyenerãrẽ.

<sup>9</sup> ĩgũ irasũ ãrĩ wereadero pũrũ, Marĩpũ ãmũgasigue ĩgũrẽ ãĩmũrĩãkõãyupũ. ĩgũsã ĩgũrẽ ĩãmutũyamakũ, su yebo ĩĩmikãyebo túbiakõãyuro. Irasirirã ĩgũrẽ neõ ĩãnemobiriñurã.

<sup>10</sup> ĩgũsã ĩãmutũyaripoe gũñaña marĩrõ pãrã ãma surĩ boreri sãñanerã ĩgũsã pũro deyoa, <sup>11</sup> ãsũ ãrĩñurã:

—Galilea marã, ¿nasirirã ãmũgasire ĩãmunĩrĩ? Jesús ãmũgasigue mũrĩagũta dupaturi i ãmũguere aarigũkumi doja. Mũsã ĩgũrẽ mũrĩãmakũ ĩãrõsũta aarimakũ ĩãrãkoa, ãrĩñurã.

*Judare gorawayurã, Matías wãĩkũgũre beyedeã*

<sup>12</sup> Irasiri, pũrũ Jesús buedoregũ beyenerã Olivos wãĩkũdi ãtãũgue ããrãnerã dijãã, Jerusalẽgue dujããkõãñurã doja. Iri makã pũrogã ããrĩyuro iri ãtãũ. <sup>13</sup> Dujaja, ĩgũsã kãrĩrĩ taribu ãmarõma taribugue ñãjãkõãñurã. ĩĩsãkũ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãĩkũri bumũ, Santiago Alfeo magũ, Judas Santiago magũ ããrĩñurã. <sup>14</sup> Gajirãde ĩgũsã merã nerẽñurã: Jesús pagupũrã, Jesús pago María, gajirã nome ããrĩñurã. Ëmũrikũ iri taribugue Marĩpũre sãrẽmurã nerẽñañurã.

<sup>15</sup> Sunũ ĩgũsã merã gajirã Jesũre bũremurã ciento veinte gora nerẽñurã. Irasirigũ Pedro ĩgũsã watopegue wãgãnũgã, ĩgũsãrẽ ãsũ ãrĩyupũ:

<sup>16-17</sup> —Yaarã, gũã Judas merã pe mojõma pere su gubu peru pãrẽbejarãgora ããrãdibũ. Jesús gũare beyederosũta ĩgũdere beyeadimi, gũã merã ĩgũya kerere weredoregũ. Judas gapũ Jesũre peresugue ñãwãgãmurãrẽ ĩgũrẽ ĩmumi. Õãgũ deyomarĩgũ Judas waaburire Davire iripoegue gojadorederosũta diayeta waabũ. <sup>18</sup> ĩgũ Jesũre oparãguere ĩmudea wajare ĩgũsãrẽ wia, makã ojarogue waa, dipuru gapũ merã meẽmejã, ĩgũya paru meẽ ooreakõã, gũramisĩ wirisiri kõmoakõãyupũ. Irasirirã oparã iri niyeru merã ĩgũ meẽmejãdea nikũrẽ wajariñurã. <sup>19</sup> Judas irasũ waadeare ããrĩpererã Jerusalén marã pãperekõãñurã. Irasirirã, ĩgũ irasũ waaderore: “Acældama” wãĩyeñurã. “Acældama”, ãrĩrõ,

Īgūsā ya merā: “Dí béodero”, āriđuaro irikoa. <sup>20</sup> Iripoegue Salmos wāikuri pūgue āsū āri gojasūdero āārībú Judare:

Īgūya wii āāridero masaka marīrō dujaburo. Neō sugu Īgū āāriderore dupaturi āārībirikōāburo, āri gojasūdero āārībú.\*

Āsū āri gojasūdero āārībú doja:

Gajigu Īgūya moādeare gorawayuburo, āri gojasūdero āārībú.\*

<sup>21-22</sup> Irasirirā marīrē sugu Judas gorawayugure beyero gāāmea. Sugu, gua merā āārīdire, Juan marī Opu Jesúre deko merā wāiyemakū ĩādire, āārīpereri Jesús irideare ĩādire, Marīpu Īgūrē ūmugasigue āimurīāmakū ĩādire beyero gāāmea. Irasirigu, Jesús boadigue masādeare gua merā weregu waagukumi, āriyupu Pedro.

<sup>23</sup> Īgū irasū ārimakū pé, pērārē beyeñurā. Sugu José wāikuyupu. Gajirā Īgūrēta “Justo”, gajirā “Barsabás” wāiyenerā āarīmá. Gajigu Matías wāikuyupu. <sup>24-25</sup> Beye odo, āsū āri sērēñurā Marīpure:

—Gua Opu, mu āārīpererā masaka gūñarīrē ōārō masā. Judas Īgū dapagora āārīrōgue waagú, mūya kere weredoredeare pirikōāmi. Sugu Īgū gorawayubure beyesiabu mu. Irasirigu mu beyeadire ĩmuka guare! āriñurā.

<sup>26</sup> Irasū āri odo, peye ūtāyegāgue Matías, José wāirē goja, puuigāgue sā, suye āi ĩāñurā. Matías wāi gojatúadeayere āi bokañurā. Irasirirā Matiare: “Gua pe mojōma pere su gubu suru pērēbejarā āārānerā merā Jesúya kerere weregu waagukoa”, āriñurā Īgūrē.

## 2

### *Ōāgū deyomarīgū Jesúre bremurāre ejadea*

<sup>1</sup> Pentecostés\* wāikuri bosenu āarīmakū, āārīpererā Jesúre bremurā Īgūsā nerēdea wiigueta nerēñurā. <sup>2</sup> Puru gūñaña marīrō ūmugasigue mirū buro aarirósū, Īgūsā āārīrōguere buro busu dijiriyuro. <sup>3</sup> Irasū waaripoe peame ūjūrī pūrā dijari, nediru irirosū deyori masakakure dipu weka deyoayuro. <sup>4</sup> Āārīpererā Ōāgū deyomarīgūrē opatari, Īgū iritamurī merā gaji masā ya Īgūsā dupiyuro werenībirideare werenīnugāñurā.

<sup>5</sup> Iripoere wārā judío masaka āārīpereri nikū marā Jerusalēgue ejanerā āarīmá. Īgūsā bremurīrē ōārō tayarimasā āarīñurā. <sup>6</sup> Irasū busurire pérā, Jesúre bremurā pūroque nerēwāgāñurā. Iroque masakaku Īgūsāya werenīrī merā Jesúre bremurā werenīmakū péñurā. Irasū waarire pémasībiriñurā. <sup>7-8</sup> Irasirirā ĩāguka, āsū āri gāme werenīñurā:

—¿Nasirirā Īgūsā Galilea marā āārīkererā, marī yare ōārō werenīrī? Marī deyoadea nikū marā irirosū werenīma. <sup>9</sup> Marī gajiro marā āārā. Partia marā, Media marā, Elam marā, Mesopotamia marā, Judea marā, Capadocia marā, Ponto marā, Asia marā, <sup>10</sup> Frigia marā, Panfilia marā, Egipto marā, Libia Cirene wāikuri nikū turo marā āārā. Marī Roma marāde ōōguere naarīmasā āārā. <sup>11</sup> Surāyeri judío masaka, gajirā judío masaka āārībirikererā, judío masaka irirosū bremurā ōōguere āārā. Creta marā, Arabia marāde marī merā āarīma. Irasirirā marī āārīpererā gajiro marā āārīkererā, marī ya merā ĩisā ōārō werenīmakū péa. Īgūsā Marīpu ōārō iridea kerere werenīrā yāma, āriñurā.

<sup>12</sup> Irasirirā āārīpererā pégukakōāñurā.

—¿Nasiriro irasū waari? āri gāme werenīñurā.

<sup>13</sup> Gajirā gapu:

—Mejārā yāma, āri buridañurā.

### *Pedro masakare werede*

<sup>14</sup> Īgūsā irasū ārimakū pégu, Pedro gajirā pe mojōma pere su gubu suru pērēbejarā Jesús buedoregu beyenerā merā wāgānugā, buro busuro werenīyupu:

\* 1:20 Sal 69.25 ☆ 1:20 Sal 109.8 \* 2:1 Pascua bosenu waadero puru, cincuenta narī puru, Pentecostés wāikuri bosenu waayuro.

—Musã ããrĩpererã judío masaka òõgue Jerusalègue ããrĩrã òãrõ péka yu wererire!  
 15 Musã gũare: “Mejãrã yáma”, ãrĩ gũñarã, diaye gũñabea. Goeripoe dupiyuro ããrã dapa. Irasirirã gũa mejãrã meta yáa. 16 Gũa irasũ werenírĩrẽ Joel Marĩpũya kerere weredupiyudi ãsũ ãrĩ gojadi ããrĩmĩ:

17-18 Marĩpũ ãsũ ãrĩmĩ: “I ãmũ pereburo dupiyuro Õãgũ deyomarĩgũrẽ iriugũra, masaka ããrĩpereri buri marãrẽ. Irasirirã musã pũrã ãma, nomede yaa kerere wererãkuma. Maamarã kërõ irirosũ, mũrã kërõgue yu ãmurĩrẽ ããrãkuma. Yu dorerire irirãrẽ ãmarẽ, nomedere Õãgũ deyomarĩgũrẽ iriugũra. Irasirirã, yaa kerere wererãkuma.  
 19 Yu ãmũgasiguere gajirosũperi deyoamakũ irigũra. I nikũdere dí, peame, ãmĩkã deyoamakũ irigũra.

20 Abe ãmũmũ naĩtĩãgũkumi. Abe ñamimũ dí irirosũ deyogu waagũkumi. Musã Opũ i ãmũguere dupaturi aariburo dupiyuro irasũ waarokoa. Ìgũ aarirĩnũ goerinũ ããrĩrokoa. Ubu ããrĩrĩnũ ããrĩbirikoa.

21 ‘Yu Opũ, tauka yũre!’ ãrĩgũnorẽ taugũra”, ãrĩmĩ Marĩpũ, ãrĩ gojadi ããrĩmĩ Joel.✠

22 ‘Musã Israel bumarã yu wererire òãrõ péka! Marĩpũ Jesũre Nazaretmũrẽ iriudi ããrĩmĩ. Jesũs musã pũroque ããrĩgũ, Marĩpũ turari merã pũrĩrikũrãrẽ tau, wãtẽa masakare ñajãnerãrẽ béowiu, boanerãrẽ masũdi ããrĩmĩ. Irasirigũ Jesũs, Marĩpũ iriudi ããrĩsĩã, ãgũ turari merã irire iri ãmudi ããrĩmĩ. Irire musã òãrõ masĩa. 23 Musã ñerãrẽ ãgũrẽ curusague pábiatũ wẽjẽdoremakũ, Marĩpũ iripoegue Jesũre irasũ waarokoa, ãrĩderosũta waabũ. 24 Irasũ waakeremakũ, Marĩpũ gapũ ãgũ boadiguere masũkõãdi ããrĩmĩ. Boanerã ããrĩrõrẽ ãgũrẽ wiudi ããrĩmĩ. Irasirimakũ, boari Jesũre tarinũgãmasĩbiridero ããrĩbũ. 25 Iripoegue David ãsũ ãrĩ gojadi ããrĩmĩ, Jesũs Marĩpũre werenĩburire:

Yu Opũ, mũrẽ ããrĩkõãa. Mũ yu diaye gapũ, yu merã ããrĩnĩkõãa. Irasirigũ yu neõ gũibebe.

26-27 Yaa yũpũrãgue bũro usũyari merã ããrã. Irasirigũ usũyari merã werenĩa. Yu boamakũ, boanerã ããrĩrõgue béobirikoa. Yu masãgobegue ããrĩmakũ, yaa dupũ neõ boabirikoa. Yũre dupaturi okamakũ irigũkoa doja. Irasirigũ yu gũiro marĩrõ ããrĩgũkoa.

28 Mũ, yu dupaturi okaburire yũre òãrõ masĩmakũ yáa. Irasirigũ yu merã mũ ããrĩmakũ, bũro usũyari merã ããrã, ãrĩ gojadi ããrĩmĩ David.✠

29 ‘Yaarã, yu musãrẽ diayeta weregũra. Marĩ ñekũ David boadi ããrĩmĩ. Marĩ ñekũsãmarã ãgũrẽ yãanerã ããrĩmã. Ìgũya masãgobe i makãguere ããrã dapa. 30-31 Iripoegue Marĩpũ Davire ãsũ ãrĩ weredi ããrĩmĩ:

Yu mũrẽ diayeta werea: “Pũrũguere mũ parãmi i nikũ marã Opũ ããrĩgũkumi. Yu mũrẽ píderosũta pígũkoa ãgũdere”, ãrĩdi ããrĩmĩ.

David Marĩpũya kerere weredupiyugũ ããrĩdi ããrĩmĩ. Irasirigũ Jesũre Marĩpũ píburire masĩsĩã, ãsũ ãrĩ weredi ããrĩmĩ ãgũ masãburire:

Ìgũ boadero pũrũ, boanerã ããrĩrõgue neõ béosũbirikumi. Ìgũya dupũ masãgobegue neõ boabirikoa, ãrĩ gojadi ããrĩmĩ.✠

32 Marĩpũ Jesũre boadiguere masũdi ããrĩmĩ. Ìgũrẽ masũadero pũrũ, gũa ããrĩpererã ãgũrẽ ããbũ. “Dupaturi okami”, ãrĩ masĩa. 33 Ìgũ Pagũ ãgũrẽ masũ, ãmũgasiguere ãĩmũrĩã, ãgũ diaye gapũ dobodi ããrĩmĩ. Ìgũ ãrĩderosũta Jesũre Õãgũ deyomarĩgũrẽ iriudi ããrĩmĩ. Irasirigũ Jesũs gũare Õãgũ deyomarĩgũrẽ iriumi. Irasirirã musã, ãgũ gũaguere ejamakũ ããa. Ìgũ iritamurĩ merã gũa werenĩmakũ péa. 34-35 David† gapũ ãgũ boadero pũrũ, Jesũs mũrĩaderosũ mũrĩabiridi ããrĩmĩ. Ìgũ boaburo dupiyuro ãsũ ãrĩ gojadi ããrĩmĩ, Marĩpũ Jesũre ãrĩdeare gojagu:

✠ 2:21 Jl 2.28-32 ✠ 2:28 Sal 16.8-11 ✠ 2:30-31 Sal 132.11 † 2:34-35 David ãgũ boadero pũrũ, ãgũ dupũ merã ãmũgasiguere mũrĩabiridi ããrĩmĩ. Irasirigũ Jesũs mũrĩaderosũ mũrĩabiridi ããrĩmĩ.

Marĩpu yu Opure asũ arĩmi: “Õõ yu diaye gapu doaka, yu merã dorebu! Irasiriripoe mure ãaturirãrẽ mu dorerire tarinugãnemobirimakũ irigura”, arĩmi, arĩ gojadi arĩmi.✠

<sup>36</sup> Irasirirã musã Israel bumarã arĩpererã õarõ pemasika! Marĩpu Jesure, musã curusague pábiatú wējẽdire marĩ Opu arĩmakũ iridi arĩmi. Marĩpu igurẽ iriudi arĩmi, marĩrẽ tauburo, arĩgũ, arĩ wereyupu Pedro masakare.

<sup>37</sup> Igũ irasũ arĩmakũ pérã, igũsãya yujupũrãrigue buro bujawereri merã gũnariku, Pedre, gajirã Jesús buedoregu beyenerãrẽ asũ arĩ sereñañurã:

—Guayarã, ¿nasirirãkuri gu?

<sup>38</sup> Pedro igũsarẽ yujuyupu:

—Musã ñerõ irideare bujawere, musã gũnarĩrẽ gorawayuka! Irasirirã musã arĩpererã Jesucristore buremua, arĩ, guare deko merã wãiyedoreka! Musã irasirimakũ, Marĩpu musã ñerõ irideare kãtigukumi. Õãgũ deyomarĩgurẽ iriugukumi, musã merã arĩnikõaburo, arĩgũ. <sup>39</sup> Marĩpu arĩderosũta musãrẽ, musã pũrã arĩturiarãrẽ, gajiro marãdere arĩpererã igũ beyenerãrẽ Õãgũ deyomarĩgurẽ iriugukumi, arĩyupu.

<sup>40</sup> Irire arĩ odo, gaji wãri werenemoyupu Pedro igũsarẽ:

—Õarõ pemasika musã! I nikũ marã Jesure wējẽnerã ñerã arĩma. Igũsã ñerõ iridea waja Marĩpu igũsarẽ wajamoãgukumi. Igũsã ñerã irirosũ neõ irinemobirikõaka pama! Irasiribirimakũ, Marĩpu igũsarẽ wajamoãgũ, musã gapure wajamoãbirikumi, arĩyupu.

<sup>41</sup> Wãrã igũ wererire õarõ pẽñurã. Irasirirã deko merã wãiyesũñurã Jesure buremurĩrẽ ãmurã. Irasirirã Jesure buremupũrorinerã merã arĩnugãñurã. Pedro igũsarẽ weread-eanu merãta wãrã tres mil gora masaka buremunugãñurã. <sup>42</sup> Irasirirã umariku Jesure buremupũrorinerã merã nerẽñañurã, igũ buedoregu beyenerã buerire pẽmurã. Irasũ nerẽnarã, Marĩpure sere, pãrẽ dukawa, siiu baanañurã.

### *Jesure buremupũrorinerã iridea*

<sup>43</sup> Jesús buedoregu beyenerã igũ iriderosũta wãri Marĩpu turari merã iri ãmunãñurã. Irasirirã pũrĩkurãrẽ tau, wãtẽa masakare ñajãnerãrẽ beowiu, boanerãrẽ masũnañurã. Igũsã irasirimakũ ãrã, masaka arĩpererã ãgukanañurã. <sup>44</sup> Arĩpererã Jesure buremurã su bumarã irirosũ õarõ arĩrikũñurã. Irasirirã igũsã oparire gãme sãnañurã. <sup>45</sup> Gajinorẽ oparã, irire dua, iri waja merã gajino opamerãrẽ sãnañurã. <sup>46</sup> Umariku arĩpererã surosũ gũnarĩ oparã Marĩpuya wiigue nerẽñañurã. Igũsãya wiirigue pãrẽ dukawa, õarõ usuyari merã siiu baanañurã. <sup>47</sup> Marĩpure: “Õãtaria mu”, arĩ, usuyari sãnañurã. Gajirã masaka igũsarẽ: “Õãrã arĩma”, arĩ ãñurã. Umariku marĩ Opu Jesús gajirãrẽ igũrẽ buremumakũ iriyupu. Irasirirã igũrẽ buremurã wãrã arĩñurã.

## 3

### *Sugu waamasĩbire waamasĩmakũ iridea*

<sup>1</sup> Sunu, ñamika tres arĩmakũ Pedro, Juan merã Marĩpuya wiigue waañurã. Iri horata masaka Marĩpure sereñañurã. <sup>2</sup> Iri wiima makãpũrore sugu masakũ deyoagũgueta waamasĩbi arĩdi doayupu. Iri makãpũro: “Õãrĩ makãpũro” wãikuyuro. Umariku igũ merãmarã igũrẽ arĩwãgã, iri makãpũrore dobonañurã, iri wii ñajãrãrẽ niyeru sere doanidorã. <sup>3</sup> Pedrosã iri wii ñajãmurã iriripoe igũsarẽ ãrã, niyeru sereyupu. <sup>4</sup> Igũsã pẽrãgueta igũrẽ ãrã, Pedro gapu igũrẽ arĩyupu:

—Guare ãka!

<sup>5</sup> Igũ irasũ arĩmakũ: “Yure niyeru sĩmurã irikuma”, arĩ gũnarĩ merã buro ãyupu. <sup>6</sup> Pedro gapu igũrẽ arĩyupu:

—Niyerure opabea. Irire opabirikeregu, yu opari merã mure iritamugura. Jesucristo Nazaretmu wã merã, igũ turaro merã wãgãngã waaka! arĩyupu.

✠ 2:34-35 Sal 110.1

<sup>7</sup> Pedro ìgùrè irasũ àrìgùta, diayema mojòrè ñeã, tũãwãgũnúyupũ. Irasirimakũta, ìgũya guburi, ìgũya ãñagubuyeri turanugãjayuro. <sup>8</sup> Irasirigu pari wãgãñugãja, waapũrori, pũru ìgũsã merã Marĩpũya wiigue Marĩpũre: “Õãtaria mũ”, àrĩ gaguiní, pariñajãyupũ. <sup>9-10</sup> Ìgũ mũyari merã Marĩpũre: “Õãtaria mũ”, àrĩ, pariñajãmakũ ìãrã, iri wiigue ããrĩrã ããrĩpererã ìgùrè ìãmasĩ:

—Ìĩ, i wii òãrĩ makãpũrogue niyeru sèrè doaníadita ããrĩmi, àrĩñurã. Irasirirã ìgũ waamasĩmakũ ìãrã, “¿Naásũ waari?” àrĩ ìãgũkakõãñurã.

*Pedro masakare Marĩpũya wiigue weredeã*

<sup>11</sup> Waamasĩbiradi Pedrosãrè duúbirimakũ, ããrĩpererã masaka iri wii ããrĩrã ìãgũkari merã, ìgũsã pũrogue “Pórtico de Salomón” wãikũrogue ùmanerèñurã. <sup>12</sup> Ìgũsã irasũ ùmanerèmakũ ìãgũ, Pedro ìgũsãrè àrĩyupũ:

—Mũsã, Israel bumarã, ¿nasirirã iropa gũkari? ¿Nasirirã gũare bũro ìãrĩ? “Ìgũsã Marĩpũre bũremurĩ merã, ìgũsã turaro merã ìrè waamasĩmakũ iriama”, àrĩ gũñabirikõãka! <sup>13</sup> Jesús ìgũ turaro merã ìgùrè waamasĩmakũ iriami. Marĩ ñekũsãmarã Abraham, Isaac, Jacob Marĩpũre ùmũgasigue ããrìgùrè bũremunerã ããrĩmã. Marĩpũ ìgũ magũ Jesùre, ìgũ doreri òãrò iridire: “Õãtarigu ããrĩmi”, àrĩdi ããrĩmí. Mũsã gapũ ìgùrèta oparãguere wiabũ. Pilato ìgùrè wiudũakeremakũ, mũsã gapũ gããmebiribu. <sup>14</sup> Jesús òãgũ, ñerĩrè neò iribi ããrĩkeremakũ, ìgùrè neò wiudorebiribu. Sugu ñegũ masakare wèjèdi gapũre wiudorebũ mũsã. <sup>15</sup> Irasirirã, Jesús marĩrè okari sìgũ gapũre wèjèdorebũ. Ìgũ boadero pũru, Marĩpũ gapũ ìgùrè masũdi ããrĩmí. Gũa ìgùrè Marĩpũ masũdire ìãbũ, àrĩ masĩa. <sup>16</sup> Jesũta ìgũ turaro merã ìĩ waamasĩbiradire mũsã ìãmasìgùrè waamasĩmakũ iriami. Gũa Jesús taumasĩrĩrè bũremumakũ ìãgũ, ìgùrè tauami. Mũsã ããrĩpererã ìgũ tauadire ìgũ waamasĩmakũ ìãa.

<sup>17</sup> Yaarã, mũsã, mũsã oparãde Jesùre: “Marĩpũ magũta ããrĩmi”, àrĩ pémasĩbirisĩã, ìgùrè wèjèdorebũ. <sup>18</sup> Iripoegue Marĩpũ ìgũya kerere weredupiyunerã ããrĩpererãrè: “Cristo yũ iriubu ñerò tarigũkumi”, àrĩderosũta Jesùre waabũ. <sup>19</sup> Irasirirã mũsã ñerò irideare bũjawere, mũsã gũñarĩrè gorawayuka! Marĩpũ dorerire irika! Irasirimakũ, Marĩpũ mũsãrè mũsã ñerò irideare kãti, siñajãrĩ merã ããrĩrikũmakũ irigũkumi. <sup>20</sup> Irasirigu mũsãrè Cristore dupaturi iriugũkumi. Cristo, Marĩpũ beyedi mũsãrè taugũ, Jesũta ããrĩmí. <sup>21</sup> Jesucristo ùmũgasigue mũrĩadi, irogueta ããrĩmi dapa. Marĩpũ iripoegue ìgũ iriburire ìgũya kerere weredupiyunerãrè weredorederosũta ããrĩpererire òãrò ãmu, pũru Jesùre iriugũkumi. <sup>22</sup> Iripoegue Moisés irimarè marĩ ñekũsãmarãrè ãsũ àrĩdi ããrĩmí:

Pũrugue Marĩpũ marĩ Opũ sugũ ìgũya kerere werebure iriugũkumi. Yũre iriuderosũta ìgũdere iriugũkumi. Ìgũde marĩyagũta ããrìgũkumi. ããrĩpereri ìgũ wererire péka! Ìgũ dorerire òãrò iritũyaka!

<sup>23</sup> Ìgũ dorerire iritũyamerã gapũ béosũrãkuma. Irasirirã Marĩpũyarã merã neò ããrĩnemobirikuma pama, àrĩdi ããrĩmí Moisés.\*

<sup>24</sup> ããrĩpererã iripoegue marã Marĩpũya kerere weredupiyunerãkũ, Samuel pũru marãde dapagora waarire irasũta àrĩ gojanerã ããrĩmã. <sup>25</sup> Iripoegue Marĩpũ marĩ ñekũ Abrahãrè: “Yũ, mũ parãmi ããrĩturiagu merã i ùmũ marã ããrĩpererãrè òãrò irigũra”, àrĩdi ããrĩmí. Ìgũya kerere weredupiyunerãrè ìgũ Abrahãrè àrĩdeare weredoredi ããrĩmí marĩ ñekũsãmarãrè. Irasirigu Marĩpũ ìgũsãrè àrĩderosũta mũsãrè iridi ããrĩmí. <sup>26</sup> Irasirigu ìgũ magũ Jesús boadiguere masũ, marĩrè judío masakare iriupũroridi ããrĩmí, marĩrè òãrĩ gapũre iri, marĩ ñerò iririre piriburo, àrìgũ, àrĩ wereyupũ Pedro ìgũsãrè.

## 4

*Pedrore, Juãrè oparã pũrogue ããideã*

\* 3:23 Dt 18.15-19; 34.10

1-2 Pedro, Juan merã masakare wereníripoe paía, Marĩpũya wii korerã surara opu, gajirã saduceo bumarã ejañurã. Pedrosã masakare: “Jesús boadero pũũ masãdi ããrĩmĩ. Irasirirã marĩde boadero pũũ ããrĩpererã masãrãkoa”, ãrĩ buenañurã. Īgũsã irasũ ãrĩ buemakũ pérã, saduceo bumarã, masaka boanerã masãrĩrẽ bũremubirisĩã, Īgũsã merã bũro guañurã. <sup>3</sup> Irasirirã abe ñajãripoe ããrĩmakũ, Pedrosãrẽ ñeã, iri ñamirẽ peresu iriñurã. <sup>4</sup> Irasirikeremakũ, gajirã wárã Jesũya kerere pénerã, Īgũrẽ bũremunugãrã ããrĩñurã. Irasirirã dupiyurogue Jesũre bũremupũrorinerã merã wárã ããrĩñurã. Ūma ditare keomakũ, cinco mil ããrĩñurã.

<sup>5</sup> Pedrosãrẽ peresu iriadero pũũ, gajinũ gapũ Jerusalẽgue judío masaka oparã, gajirã murã, gajirã Moisés gojadeare buerimasã nerẽñurã. <sup>6</sup> Gajirãde, paía opu Anás, Caifás, Juan, Alejandro, gajirã paía opũyarã Īgũsã merã ããrĩñurã. <sup>7</sup> Irogue nerẽ, Pedrosãrẽ Īgũsã pũro ãiridore, Īgũsã ejamakũ:

—¿Noã musãrẽ doreri, noã musãrẽ inorẽ irasiridoreri? ãrĩ sërẽñañurã.

<sup>8-9</sup> Pedro Ōãgũ deyomarĩgũrẽ opatarisĩã, ãsũ ãrĩ yũjuyupũ Īgũsãrẽ:

—¿Musã judío masaka oparã, murãde guare ĩĩ waamasĩbiradire õãrõ iriadeare, Īgũrẽ tauadeare sërẽñarã yári? <sup>10</sup> Musãrẽ ire weregũra, ããrĩpererã Israel bumarã õãrõ pémasĩburo, ãrĩgũ. Jesucristo Nazaretmũ turaro merã, Īgũ wãĩ merã ĩĩ waamasĩbiradi waamasĩami. Musã Īgũrẽta curusague pábiatú wẽjẽdorebũ. Īgũ boadero pũũ, Marĩpũ gapũ Īgũrẽ masũ, dupaturi okamakũ iridi ããrĩmĩ. <sup>11</sup> Iripoegue Marĩpũya kerere weredupiyudi ãsũ ãrĩ gojadi ããrĩmĩ: “Suye ãtãye wii iririmasã Īgũsã béoadeaye merã gajigũ gapũ õãrõ turari wii irigũkumi”, ãrĩ gojadi ããrĩmĩ. Jesús iri ãtãye Īgũsã béoadeaye irirosũ ããrĩmĩ. Marĩpũ Īgũrẽ beyedi ããrĩmĩ marĩrẽ taubure. <sup>12</sup> I nikũguere Jesús suguta marĩrẽ taugũ ããrĩmĩ. Gajigũ marĩrẽ taugũ neõ mámi. Marĩpũ Īgũrẽta iriudi ããrĩmĩ marĩrẽ taubure, ãrĩ wereyupũ Pedro Īgũsãrẽ.

<sup>13</sup> Judío masaka oparã Pedro, Juan buebirinerã ããrĩkererã, õãrõ gũñaturari merã, pémasĩrĩ merã weremakũ pérã, pégũkakõãñurã. Īgũsãrẽ: “Diayeta Jesús merãmarãta ããrĩma”, ãrĩ ñãmasĩñurã. <sup>14</sup> Waamasĩbiradi Pedrosã pũro nímakũ ñãrã, Īgũsãrẽ: “Ñerõ irirã iriabũ”, ãrĩ werewũamasĩbiriñurã.

<sup>15</sup> Irasirirã, Īgũsãrẽ Īgũsã nerẽrĩ taribugue ããrĩrãrẽ wiriadoreñurã, Īgũsã basi gãme werenímurã:

<sup>16</sup> Āsũ ãrĩñurã:

—¿Nasirirãkuri Īgũsãrẽ? ĩĩ waamasĩbiradire Īgũsã waamasĩmakũ iriadeare Jerusalén marã pépereakõãñurã. Irasirirã: “Iribirama”, ãrĩmasĩbirikoa marĩ. <sup>17</sup> Gajirãrẽ irire neõ pénemomakũ iribirikõãrõ gããmea marĩrẽ. Irasirirã: “Jesũyamarẽ gajirãguere neõ werenemobirikõãka pama!” ãrĩrã Īgũsãrẽ, ãrĩ wereníñurã.

<sup>18</sup> Irasũ ãrĩ werení odo, Pedrosãrẽ siiu, ãsũ ãrĩñurã:

—Gajirãguere neõ Jesũyamarẽ werenemobirikõãka! Neõ Īgũya kerere buenemobirikõãka! ãrĩñurã.

<sup>19</sup> Īgũsã irasũ ãrĩkeremakũ, Pedro, Juan gapũ ãsũ ãrĩ yũjuñurã Īgũsãrẽ:

—¿Marĩpũ musã guare dorerire irimakũ gããmerĩ, o Īgũ doreri gapũre gũa irimakũ gããmerĩ? ¿Naásũ gũñarĩ musã irire? <sup>20</sup> Gũa Īgũ dorerire iritũyarã ããrã. Irasirirã gũa ñãdeare, gũa pédeare neõ wereduũmasĩña máa, ãrĩñurã.

<sup>21-22</sup> Īgũsã irasũ ãrĩmakũ pérã, judío masaka oparã gapũ dupaturi ãrĩñurã:

—Jesũyamarẽ neõ werenemomerãta pama! Irire pirimerã, wajamoãsũrãkoa, ãrĩñurã. Gajirã gapũ usũyari merã Marĩpũre: “Mũ ĩĩ waamasĩbiradire tauadea õãtariabũ”, ãrĩñurã. Īgũ cuarenta bojori nemorõ opagũ ããrĩyupũ. Irasirirã oparã gapũ Pedrosãrẽ: “Ñerõ irirã iriama”, ãrĩmasĩbiri, wajamoãmerãta Īgũsãrẽ wiukõãñurã.

*Jesũre bũremurã Marĩpũre iritamurĩ sërẽdea*



<sup>23</sup> Pedrosã iroque ããrãnerã wiria, ïgũsã merãmarã pũroque waakõãñurã. Iroque eja, paía oparã, judío masaka mũrã ïgũsãrẽ ãrãdeare ïgũsã merãmarãrẽ wereñurã. <sup>24</sup> ïgũsã weremakũ pérã, ããrĩpererã iro ããrĩrã Marĩpũre sërẽñurã:

—Gua Opũ, mũ diayeta ãmũgasi, i nikũ, dia wádiya, i ãmũma ããrĩpererire iridi ããrã.

<sup>25</sup> Iripoegue gua ñekũ Davire mũrẽ moãboegure Õãgũ deyomarĩgũ merã ãsũ ãrĩ were-doredi ããrĩbũ:

Judío masaka ããrĩmerã Marĩpũ merã bũro guama. Israel bumarãde Marĩpũyare: “Gããmebea”, ãrĩ gũñadima.

<sup>26</sup> I nikũ marã oparã Marĩpũ merã gãmekẽãduarã nerẽrãkuma. ïgũ beyedi merãdere irasũta gãmekẽãrãkuma, ãrĩ weredoredi ããrĩbũ.✠

<sup>27</sup> Mũ weredorederosũta diayeta waabũ. I makãguere opũ Herodes, Poncio Pilato, gajirã Israel bumarã, gajirã judío masaka ããrĩmerã nerẽma Jesús mũ magũrẽ wẽjẽmurã. ïgũ õãgũ, mũ beyedi ããrĩmi. <sup>28</sup> Irasirirã, iripoegue mũ turaro merã mũ beyedire: “Irasũ waarokoa ïgũrẽ”, ãrĩderosũta irima. <sup>29</sup> Gua Opũ, dapagora paía oparã mũya kerere: “Werebirikõãka! Mũsã irire wererã, wajamoãsũrãkoa”, ãrãma guare. ïgũsã irasũ ãrãdeare gũñaka mũ! Gua mũrẽ moãboerã ããrã. Irasirigũ guare mũyare gajirãrẽ gũiro marĩrõ weremakũ irika! <sup>30</sup> Guare mũ turaro merã pũrĩrikarãrẽ taumakũ irika! Irasirigũ guare mũ turaro merã Jesús mũ magũ, õãgũ wãĩ merã iri ïmurĩrẽ irimakũ irika! ãrĩ sërẽñurã Marĩpũre.

<sup>31</sup> ïgũsã irasũ ãrĩ sërẽaderõ pũrũ, ïgũsã ããrĩrĩ wii gãmeñayuro. ããrĩpererã Õãgũ deyomarĩgũrẽ opatariñurã. Irasirirã, ïgũ iritamurĩ merã gũiro marĩrõ Marĩpũya kerere wererã waañurã.

### *Jesúre bũremurã ïgũsã oparire gãme dukawadea*

<sup>32-33</sup> Irasirirã Jesús buedoregũ beyenerã Marĩpũ turaro merã masakare: “Marĩ Opũ Jesús boadero pũrũ masãdi ããrĩmĩ. ïgũ dupaturi okadero pũrũ, gua ïgũrẽ ïãbũ”, ãrĩ wereñurã. ããrĩpererã Jesúre bũremurã surosũ gũñañurã. Irasirirã ïgũsã oparire: “Yaa ããrã”, ãrĩrõ marĩrõ gãme dukawañurã. Marĩpũ ïgũsãrẽ ããrĩpererãrẽ õãrõ iritamuyupũ. <sup>34-35</sup> Irasirirã wiiri oparã, nikũ oparã, gajirãrẽ irire duañurã. ïgũsã duadea wajare Jesús buedoregũ beyenerãrẽ sinañurã. Jesús buedoregũ beyenerã irire ïgũsã watope ããrĩrãrẽ gajino opamerãrẽ dukawañurã. Irasirirã ïgũsã watopegue boporã marĩñurã pama. <sup>36</sup> Iripoere sugũ Jesúre bũremugũ José wãikũgũ ããrĩyupũ. ïgũ Chipre wãikũri ñũgũrõmũ, Levíya bumũ ããrĩyupũ. Jesús buedoregũ beyenerã ïgũrẽ “Bernabé” wãiyẽñurã. “Bernabé”, ãrĩrõ, griego ya merã: “Masakare õãrõ yũjũpũrãkũmakũ irigũ”, ãrĩduaro irikoa. <sup>37</sup> ïgũ nikũ opagũ ããrĩsĩã, su pooe ejatuaro gajirãrẽ duayupũ. ïgũ duadea wajare Jesús buedoregũ beyenerãrẽ sĩpeokõãyupũ.

## 5

### *Ananías, Safira merã ãrĩkatodea*

<sup>1</sup> Gajigũ Ananías wãikũgũ ïgũ marãpo Safira merã su pooe ejatuaro nikũrẽ duayupũ. <sup>2</sup> ïgũ duadea wajare ïgũ basi deko merã duripíkõãyupũ. Irasirigũ ããrĩpereri niyerure Jesús buedoregũ beyenerãrẽ sĩpeobirikeregũ: “Iropata wajariama”, ãrĩkatoyupũ. ïgũ marãpo ããrĩpereri ïgũ irasiriadeare masĩyupo. <sup>3</sup> Pedro ãsũ ãrĩyupũ ïgũrẽ:

—Ananías, ¿nasirigũ wãtĩrẽ mũya gũñarĩguere ñajãdoreari? ïgũ ñajãmakũta, mũya nikũ duadea wajare guare sĩpeobirikeregũ, mũ Õãgũ deyomarĩgũrẽ ãrĩkatoa. <sup>4</sup> Iri nikũ mũ duaburo dupiyuro mũya nikũ ããrĩbũ. Mũ duadea waja mũya niyeruta ããrã. Noó mũ sĩduaropa sĩboakuyo. ¿Nasiribu irasũ ãrĩkatori? Gua ditare ãrĩkatogũ meta yãa. Marĩpũdere ãrĩkatoa mũ, ãrĩyupũ.

✠ 4:26 Sal 2.1-2

<sup>5</sup> Īgũ irasũ āĩmakũ pégu, mata Ananías meémejá kōmoakōāyupũ. Īgũ irasũ waadea kerere pérã, āāĩpererã bũro gũĩñurã. <sup>6</sup> Īgũ kōmoadero pũrũ, gajirã maamarã ñajãja, Īgũya dũpũre surĩro gasiro merã õma, āĩwiriakōāñurã Īgũrẽ yáarã waarã.

<sup>7</sup> Ure hora pũrũ, Ananías marãpo āārãdeo ñajãjayupo. Īgũ boadeare neõ masĩbiriyo. <sup>8</sup> Igo ñajãmakũ ĩāgũ, Pedro igore sērẽñayupũ:

—Wereka yũre! ¿Musãya pooere duarã, iropata niyeru wajatari musã? āĩyupũ. Igo Īgũrẽ yũyupũ:

—Iropata wajatabu, āĩyupũ.

<sup>9</sup> Pedro āĩyupũ igore:

—¿Nasirirã musã, marĩ Opũ Ōāgũ deyomarĩgũrẽ āĩkatoari? “Gũa irasirimakũ masĩbirikumi”, ¿āĩ gũñadari musã? ĩāka! Mũ marãpũre yáarã ejanerã sĩĩsã dujarima. Mũya dũpũdere āĩwiriarākuma, mũ marãpũya dũpũre āĩwiriaderosũta, āĩyupũ. <sup>10</sup> Īgũ irasũ āĩmakũta, igode Pedroya guburi pũro meémejá kōmoakōāyupo. Irasirirã maamarã igo kōmoadeoguere bokaja, igoya dũpũre āĩwiria, igo marãpũ dagũre Īgũsã yáadero pũrogueta igodere yáañurã. <sup>11</sup> Irasirirã āāĩpererã Jesũre bũremurã, gajirãde Ananías, Safirare waadea kerere pérã, bũro gũĩñurã.

### *Jesús buedoregũ beyenerã Marĩpũ turaro merã iri ĩmudea*

<sup>12</sup> Iripoere masaka watopegue Jesũs buedoregũ beyenerãrẽ Marĩpũ Īgũ turari merã wári iri ĩmurĩrẽ irimakũ iriyupũ. Āāĩpererã Jesũre bũremurã Marĩpũya wii tũro biaña marĩrĩ taribu “Pórtico de Salomón” wāĩkũri taribugue nerẽñañurã. <sup>13</sup> Masaka Īgũsãrẽ: “Ōārã āāĩma”, āĩkeremakũ, gajirã gapũ Īgũsãrẽ gũĩñurã. Īgũsã merã neõ nerẽdũabiriñurã. <sup>14</sup> Gajirã gapũ marĩ Opũ Jesũre wárã ũma, nomede bũremuñurã. <sup>15</sup> Irasirirã pũrĩrikũrãrẽ Īgũsã peyari gasiri merã Pedro waaburi maa tũro píñurã. “Pedro Īgũsãrẽ ñapeobirikeremakũ, Īgũ wātĩ meépiro Īgũsã weka ejamakũ, Īgũsãrẽ pũrĩrĩ tarirokoa”, āĩrĩ gũñarã, irasiriñurã. <sup>16</sup> Wárã Jerusalén tũro marãde pũrĩrikũrãrẽ, wātẽa ñajãsũnerãrẽ iroguẽ āĩñañurã. Irasirirã Jesũs buedoregũ beyenerã Īgũsã āāĩpererãrẽ taunañurã.

### *Oparã Jesũs buedoregũ beyenerãrẽ ĩāturidea*

<sup>17</sup> Irasirirã paía opũ, gajirã Īgũ merãmarã saduceo bumarãde Jesũs buedoregũ beyenerãrẽ bũro ĩāturi, <sup>18</sup> Īgũsã merã bũro gua, Īgũsãrẽ ñeã, peresu iriñurã. <sup>19</sup> Irasirikeremakũ, sugũ Marĩpũre wereboegũ iri ñamita peresu wii makãpũrorire tũpã, Īgũsã āāĩrĩ taribugue ñajãja, Īgũsãrẽ āsũ āĩrĩ āĩwiriayupũ:

<sup>20</sup> —Marĩpũya wiigũe waaka! Iroguẽ eja, Marĩpũ Jesũre bũremurãrẽ Īgũ merã õārõ āāĩmakũ iriburi kerere wereka masakare! āĩyupũ Marĩpũre wereboegũ Īgũsãrẽ.

<sup>21</sup> Īgũ irasũ āĩmakũ pérã, Īgũsã peresu āārãnerã wiriakōāñurã. Gajinũ gapũ boyoripoe āāĩmakũ, Marĩpũya wiigũe ñajãa, masakare buenũgãñurã, Marĩpũre wereboegũ Īgũsãrẽ weredoreaderosũta.

Īgũsã iroguẽ bueripoe paía opũ gapũ, Īgũ merãmarãde, Pedrosã peresu āārãnerã wiriadeare masĩbiriñurã dapa. Irasirirã Īgũsã Israel bumarã oparãrẽ āāĩpererãrẽ neeõñurã. Īgũsã nerẽperemakũ ĩārã, surarare peresu iriri wiigũe Jesũs buedoregũ beyenerãrẽ Īgũsã biadoboanerãrẽ āĩridoreñurã. <sup>22</sup> Irasirirã surara Īgũsãrẽ āĩrã waadiñurã. Iroguẽ eja, Pedrosãrẽ neõ bokabiriñurã. Īgũsãrẽ bokabirisĩã, oparãguere wererã dujáakōāñurã doja.

<sup>23</sup> Dujaja, oparãrẽ:

—Peresu iriri wii makãpũrori õārõ biadea makãpũrori āārãdabu. Iroguẽ biadoboanerãrẽ korerãde iri makãpũrorikũ níadama. Irasũ āāĩkeremakũ, gua Īgũsã āārãdeã taribure makãpũro tũpãmakũ neõ marãma, āĩñurã.

<sup>24</sup> Īgũsã irasũ āĩmakũ pérã, paía opũ, Marĩpũya wii marã surara opũ, paía oparãde: “¿Naásũ waayuri Īgũsãrẽ?” āĩrĩ gũñarikuñurã. <sup>25</sup> Īgũsã irasũ gũñarikuñurã sugũ masaku Īgũsã pũro eja:

—Mũsã peresu irianerã Marĩpũya wiigüe ããrãma. Masakare buerã iriama, ãrĩyupũ.

<sup>26</sup> Ĩgũ irasũ ãrĩmakũ pérã, Marĩpũya wii marã surara opũ, Ĩgũyarã surara merã Ĩgũsãrẽ ñeãrã waañurã. Irogue eja, Ĩgũsãrẽ ñeã, paía oparã pũro ãĩãñurã doja. Masakare gũisĩã, Ĩgũsãrẽ tãrãbiriñurã. “Gũa Ĩgũsãrẽ tãrãmakũ ããrã, masaka gũare ãtãyeri merã deabukuma”, ãrĩ gũñañurã. <sup>27</sup> Ĩgũsãrẽ judío masaka oparã pũro ãĩjamakũ, paía opũ Ĩgũsãrẽ turiyupũ:

<sup>28</sup> —Gũa mũsãrẽ: “Jesúyare neõ buenemobirikõãka!” ãrãdibũ. Gũa irasũ ãrĩkeremakũ, mũsã ããrĩperero Jerusalén marãrẽ buegorenãa. Jesús boadea waja gũare waja opamakũ iridũarã yãa mũsã, ãrĩyupũ.

<sup>29</sup> Ĩgũ irasũ ãrĩmakũ, Pedro gajirã Jesús buedoregũ beyenerã merã Ĩgũrẽ ãsũ ãrĩ yũjũyupũ:

—Masaka doreri nemorõ Marĩpũya gapũre iriro gããmea. Gũa mũsã dorerire irirã, Marĩpũ doreri gapũre iribiribukoa. <sup>30</sup> Mũsã Jesúre curusague pábiatú wẽjẽdoredire Marĩpũ, marĩ ñekũsãmarã Opũ gapũ Ĩgũrẽ masũdi ããrĩmĩ. <sup>31</sup> Ĩgũrẽ masũ odo, ãmũgasigue ãĩmũrĩagũ, Ĩgũ diaye gapũ dobodi ããrĩmĩ. Marĩrẽ taubure, marĩ Opũ ããrĩbure irasiridi ããrĩmĩ. Irasirigũ marĩ judío masaka marĩ ñerõ irideare bujawere, gũñarĩrẽ gorawayumakũ kãtigukumi. <sup>32</sup> Gũa ããrĩpereri Jesús irideare ããnerã ããrã. Irasirirã irire werea. Õãgũ deyomarĩgũde gũare irire pémasĩmakũ yãmi. Irasirirã Ĩgũ iritamurĩ merã werea. Marĩpũ dorerire pérãnodere Õãgũ deyomarĩgũrẽ iriugukumi, ãrĩ wereyupũ Pedro paía opũre.

<sup>33</sup> Ĩgũ irasũ ãrĩmakũ pérã, oparã gapũ guataria, Pedrosãrẽ wẽjẽdũadiñurã. <sup>34</sup> Sugũ fariseo bumũ Gamaliel wãĩkũgũ gapũ wãgãñũgãyupũ Ĩgũsãrẽ werebu. Ĩgũ judío masaka oparã merãmũ Moisés gojadeare buerimasũ ããrĩyupũ. Masaka Ĩgũrẽ: “Õãgũ ããrĩmĩ”, ãrĩ bũremuñurã. Ĩgũ wãgãñũgã, surarare: “Ĩĩsãrẽ ãĩwiriaka dapa!” ãrĩyupũ. <sup>35</sup> Ĩgũsãrẽ ãĩwiriadero pũrũ, oparãrẽ ãsũ ãrĩyupũ:

—Mũsã Israel bumarã, mũsã Ĩgũsãrẽ iridũarire õãrõ gũñaka! <sup>36</sup> Teudas wãĩkũgũ waadeare gũñaka! Irinũguere Ĩgũ masakare: “Masĩtarinũgãgũ ããrã yũ”, ãrĩdi ããrãdimi. Irasirirã wãrã cuatrocientos ãma Ĩgũ merãmarã ããrĩnerã ããrãdima Ĩgũ buerire péduarã. Pũrũ gajirã Ĩgũrẽ wẽjẽkõãnerã ããrĩmã. Ĩgũrẽ wẽjẽadero pũrũ, Ĩgũ merãmarã ããrãdinerã waasiriakõãnerã ããrĩmã. Irasũ waadero pũrũ, Ĩgũ buedea pereakõãdero ããrĩbũ. <sup>37</sup> Pũrũ i nikũ marãrẽ Ĩgũsã keoripoe gajigũ Judas wãĩkũgũ Galileamũ ããrĩdi ããrãdimi. Wãrã Ĩgũ merãmarã ããrĩnerã ããrãdima. Pũrũ gajirã Ĩgũdere wẽjẽkõãnerã ããrĩmã. Ĩgũrẽ wẽjẽadero pũrũ, Ĩgũ merãmarã ããrãdinerã waasiripereakõãnerã ããrĩmã. <sup>38</sup> Irasirigũ mũsãrẽ werea. Sũĩsãrẽ, marĩ peresugue biadoboanerãrẽ wiuka! Mũsã Ĩgũsãrẽ iridũarire iribirikõãka! Ĩgũsã bueri, Marĩpũya bueri ããrĩbero, pereakõãrokoa Teudas, Judas buedea perederosũta. <sup>39</sup> Ĩgũsã bueri, Marĩpũya bueri ããrĩrõ, neõ perebirikoa. Ĩgũsãrẽ irire pirimakũ iribirikoa. Irasirirã irire õãrõ pémasĩka! Ĩgũsã bueri, diayeta Marĩpũya bueri ããrĩmakũ, mũsã Ĩgũsãrẽ wẽjẽdũarã, Marĩpũ merã gãmekẽãduarã irirosũ iribirukoa, ãrĩyupũ Gamaliel.

<sup>40</sup> Ĩgũ irasũ ãrĩmakũ pérã: “Jãũ, marĩrẽ diayeta weremi ãĩ”, ãrĩ péñurã. Irasirirã Jesús buedoregũ beyenerãrẽ siiu, surarare tãrãdoreñurã. “Jesúyare neõ werenemobirikõãka!” ãrĩñurã. Irasũ ãrĩ odo: “Waaka!” ãrĩ, wiuñurã Ĩgũsãrẽ pama. <sup>41</sup> Irasirirã Jesús buedoregũ beyenerã judío masaka oparã pũro ããrãnerã waakõãñurã. “Marĩ Jesúyare bueri waja marĩrẽ tãrãdoreama gũyasĩrĩburo, ãrĩrã”, ãrĩñurã. “Marĩpũ gapũ marĩrẽ: ‘Irire bokatĩũkõãma’, ãrĩ masĩmi”, ãrĩñurã. Irasirirã oparã Ĩgũsãrẽ ñerõ irikeremakũ, bũro usũyañurã. <sup>42</sup> Irasirirã ãmũrikũ Marĩpũya wiigüe, wiiriguedere masakare: “Jesúta Marĩpũ iriudi, Cristo ããrĩmĩ”, ãrĩ buenañurã.

## 6

*Jesús buedoregũ beyenerã Ĩgũsãrẽ iritamumũrãrẽ beyedea*

<sup>1</sup> Irasirirā irinurĩrē wārā judío masaka Jesúre buremunugãñurā. Surāyeri hebreo ya merā werenĩñurā. Gajirā griego ya merā werenĩñurā. Īgūsā wapiweyarā nomerē ũmurikũ Īgūsā baarire keoro guerebirimakũ ĩārā, hebreo ya merā werenĩrā gapure turiñurā. <sup>2</sup> Irasirirā Jesús buedoregũ beyenerā Jesúre buremurārē āārĩpererārē Īgūsā purogue siiu needõ, āsũ ārĩ wereñurā:

—Gua baarire guererā, Marĩpũya kere gapure wereduũmakũ õābiribukoa. <sup>3</sup> Irasirirā musā gũayarā, Jesúre buremurā musā watope āārĩrārē su mojõma pere gaji mojõ peru pērēbejarāgora beyeka! “Õārõ masĩrā, Õāgũ deyomarĩgũ turarire opatarirā āārĩma”, musā ārĩ ĩārārē beyeka! Musā beye odomakũ, gua Īgūsārē baari gueremurārē sóorākoa. <sup>4</sup> Irasirirā gua ũmurikũ Marĩpũre sērē, Īgũyare buerākoa, ārĩñurā.

<sup>5</sup> Īgūsā irasũ ārĩmakũ pérā, āārĩpererā: “Jáũ, irasũta irirāra”, ārĩ, Esteban wāĩkũgure beyeñurā. Īgũ Jesúre õārõ buremugũ, Õāgũ deyomarĩgũrē opatarigũ āārĩyupũ. Gajirā Felipe, Prócoro, Nicanor, Timón, Parmenas, Nicolás wāĩkũrārē beyeñurā. Nicolás Antioquĩamũ judío masakũ āārĩbirikeregũ, judío masaka irirosũ buremugũ āārĩyupũ. <sup>6</sup> Īgūsārē beye odo, Jesús buedoregũ beyenerā puro āĩñurā. Īgūsā āĩjamakũ ĩārā, Marĩpũre: “Õārõ iritamuka Īgūsārē!” ārĩ sērēbosa, Īgūsāya dipu weka mojõrĩ merā ñapeoñurā.

<sup>7</sup> Irasirirā Marĩpũya kerere weregorenamakũ, wārā masaka irire péñurā. Wārā Jerusalén marā masaka, paĩade Jesúre buremunugãñurā.

### *Estebārē peresu iridoredea*

<sup>8</sup> Esteban Marĩpũ iritamurĩ merā Īgũ turaro merā pũrĩrikũrārē tau, gaji õārĩ iri ĩmurĩrē iriyupũ masaka wārā watopere. <sup>9</sup> Īgũ irasirimakũ ĩārā, surāyeri judío masaka “Esclavos Libertado” wāĩkũri bumarā Īgũ merā guaseopũrorĩñurā. Īgūsā: Cirene marā, Alejandría marā, Cilicia marā, Asia marā su wii judío masaka Īgūsā nerērĩ wiigue nerēnarā āārĩñurā.

<sup>10</sup> Esteban, Õāgũ deyomarĩgũ Īgũrē õārĩ masĩrĩ sĩrĩ merā werenĩmakũ pérā, Īgũrē neõ werenĩ bokatĩubiriñurā. <sup>11</sup> Irasirirā masaka ĩāberogue gajirārē niyeru wajari: “Āsũ ārĩkatoka masakare!” ārĩñurā:

—“Esteban Moisere, Marĩpũre ñerõ werenĩmakũ péabu gua”, ārĩka! ārĩñurā. <sup>12</sup> Irasirirā Īgūsā ārĩkatadoresũanerā irire weremakũ pérā, iri makā marā, murā, Moisés gojadeare buerimasāde Esteban merā bure gua, Īgũrē ñeā, oparā puro āĩñurā. <sup>13</sup> Īgũrē iroque āija, gajirārē āsũ ārĩkatonemodoreñurā doja:

—Ĩĩ ũmurikũ Marĩpũya wiire, Moisés gojadedere ñerõ werenĩgorenami. <sup>14</sup> Masakare: “Jesús Nazaretmũ, Marĩpũya wiire béogũkumi. Moisés marĩrē pídeadere gorawayugũkumi”, ārĩmakũ péabu gua, ārĩkatoñurā oparārē.

<sup>15</sup> Īgūsā irasũ ārĩmakũ pérā, oparā āārĩpererā iroque doarā Estebārē bure ĩañurā. Īgūsā ĩāmakũ, Īgũya diapu Marĩpũre wereboegũya diapu irirosũ deyoyuro.

## 7

### *Esteban oparārē weredea*

<sup>1</sup> Īgūsā Estebārē ĩarĩpoe paía opu Īgũrē sērēñayupũ:

—¿Diayeta ārĩrĩ, Īgūsā murē weresārā? ārĩyupũ.

<sup>2</sup> Esteban yũjũyupũ Īgũrē:

—Yaarā, yũre õārõ péka! Marĩ ñekũ Abraham, Harán wāĩkũri makāgue waaburo dupiyuro Mesopotamiague āārĩdi āārĩmĩ Caldea masaka āārĩrõgue. Īgũ iroque āārĩpoe Marĩpũ õārõ goesiriri merā Īgũrē deyoa, <sup>3</sup> āsũ ārĩdi āārĩmĩ: “I nikũrē, mũyarārē béowāgāka! Mũ waamakũ, yũ gaji nikũ mũ āārĩburi nikũrē ĩmugũkoa”, ārĩdi āārĩmĩ Marĩpũ Abrahārē. <sup>4</sup> Marĩpũ irasũ ārĩmakũ pégũ, Abraham Caldea nikũ āārĩdi Harāgue waadi āārĩmĩ. Iroque ejadero purũ, Īgũ pagũ boadi āārĩmĩ. Īgũ boadero purũ, Marĩpũ Abrahārē wiridoredi āārĩmĩ doja. Irasirigũ Abraham õõ, marĩ āārĩrĩ nikũrē ejadi āārĩmĩ

pama. <sup>5</sup> Īgũ õõgue ejamakũ, Marĩpu ĩgũrẽ neõ nikũrẽ sĩbiridi ããrĩmĩ dapa. Sĩbirikeregu, ĩgũrẽ: “Purugue m̃ya, m̃ parãmerã ããrĩturiarãya nikũ ããrĩrokoa”, ãrĩdi ããrĩmĩ. ĩgũ irasũ ãrĩripoere Abraham neõ pũrã marĩdi ããrĩmĩ dapa. <sup>6</sup> Gaji Marĩpu ĩgũrẽ ãrĩnemodi ããrĩmĩ doja: “M̃ parãmerã ããrĩturiarã gaji nikũgue waarãkuma dapa. Cuatrocientos bojorigora iri nikũ marãrẽ moãboerãkuma. ĩgũsãrẽ moãdore, pãbirarãkuma. <sup>7</sup> Ỹ gapu iri nikũ marãrẽ wajamoãgura ĩgũsã irasiriri waja. Ỹ ĩgũsãrẽ wajamoã odoadero puru, m̃ parãmerã ããrĩturiarã iri nikũrẽ wirirãkuma. Wiri, ỹ ĩgũsãrẽ sĩburi nikũgue eja, ỹre buremurã ỹ dorerire irirãkuma”, ãrĩdi ããrĩmĩ Marĩpu Abrahãrẽ. <sup>8</sup> ĩgũ irasũ ãrãdero puru, ãsũ iridoredi ããrĩmĩ doja: “Ããrĩpererã ãmarẽ ĩgũsãya dupuma gasirogãrẽ\* wiirika! Irasirirã musã ỹ werenĩ buremurĩrẽ ỹre ĩmurãkoa”, ãrĩdi ããrĩmĩ. Irasirigu Abraham ĩgũ magũ Isaare su semana ĩgũ deyoadero puru, ĩgũrẽ wiiridi ããrĩmĩ. Murãrõta Isaade ĩgũ magũ Jacore iridi ããrĩmĩ. Jacode murãrõta ĩgũ pũrãrẽ pe mojõma pere su gubu peru pẽrẽbejari buri ããrĩmurãrẽ iridi ããrĩmĩ.

<sup>9-10</sup> Jacob pũrã marĩ ñekũsãmarã ĩgũsã pagumũrẽ Josere ĩãturisĩã, Egiptogue waarãrẽ duanerã ããrĩmã, iro marãrẽ moãboegu ããrĩburo, ãrĩrã. Marĩpu gapu ĩgũ merã ããrĩnikõãdi ããrĩmĩ ĩgũrẽ iritamugũ. ĩgũ ñerõ tarikeremakũ, ããrĩpereri ĩgũ ñerõ taririre taudi ããrĩmĩ. Wãri masĩrĩ sĩdi ããrĩmĩ. Irasirigu faraón† Egiptomũ i nikũ marã opu Josere beyedi ããrĩmĩ, ĩgũ dokamu opu ããrĩburo, ãrĩgũ. ĩgũya wiimadere moãdoregu sóodi ããrĩmĩ.

<sup>11</sup> Puru ããrĩperero Egiptoguerẽ, Canaán nikũguedere baari pereakõãdero ããrĩbũ. Irasirirã masaka bũro ñerõ tarinerã ããrĩmã. Marĩ ñekũsãmarã uaboanerã ããrĩmã. <sup>12</sup> Irasirigu Egiptogue trigo ããrĩrĩ kerere pẽgu, Jacob ĩgũ pũrãrẽ marĩ ñekũsãmarãrẽ: “Wajarirã waaka!” ãrĩ iriudi ããrĩmĩ. ĩgũ irasũ ãrĩmakũ pẽrã, neõ waarã irinerã ããrĩmã iroguerẽ. Irogue eja, baari wajari odo, gãme dujarikõãnerã ããrĩmã doja. <sup>13</sup> ĩgũsã baari wajariadeare baapeo, dupaturi wajarirã waanerã ããrĩmã doja. Iripoeta pama Josẽ ĩgũsãrẽ: “Musã pagumũta ããrã ỹ”, ãrĩ weredi ããrĩmĩ. Irasirigu Egipto marã opu Josẽ tĩrãrẽ masĩdi ããrĩmĩ. <sup>14</sup> Puru Josẽ ĩgũ tĩrã merã kerere iriudi ããrĩmĩ ĩgũ pagure. “Ỹpurũ, ĩgũyarã merã aariburo”, ãrĩ iriudi ããrĩmĩ. Jacoyarã setenta y cinco gora ããrĩnerã ããrĩmã. <sup>15</sup> Josẽ kere iriuadeare pẽgu, Jacob ĩgũ pũrã merã Egiptogue waadi ããrĩmĩ. Jacob irogue boadi ããrĩmĩ. ĩgũ pũrã, marĩ ñekũsãmarãde boanerã ããrĩmã. <sup>16</sup> Purugue ĩgũsã parãmerã ããrĩturiarã ĩgũsãya gõãrĩrẽ Siquem wãikuri makãgue Abraham, Hamor pũrãrẽ ĩgũ ãtãgobe wajaridea gobegue pĩmurã ããrĩnerã ããrĩmã.

<sup>17</sup> Marĩpu Abrahãrẽ: “M̃ parãmerã ããrĩturiarãrẽ i nikũrẽ sĩgura”, ãrĩdero ejawãgãripoe Abraham parãmerã ããrĩturiarã Egiptogue ããrĩrã wãrã masãporenerã ããrĩmã. <sup>18</sup> ĩgũsã irogue ããrĩmakũ, Josẽ boadero puru yoadero puru, gajigu iri nikũ marã opu ñajãdi ããrĩmĩ doja. ĩgũ, Josẽ õãrõ irideare õãrõ masĩbiridi ããrĩmĩ. <sup>19</sup> Irasirigu marĩ ñekũsãmarã wãrã masãporemakũ ĩãgũ, ĩgũsãrẽ tarinũgãduagu, ñerõ iridi ããrĩmĩ. ũma pũrã deyoarãrẽ boaburo, ãrĩgũ, bẽdoredi ããrĩmĩ. <sup>20</sup> Iripoeta Moises deyoadi ããrĩmĩ. ĩgũ Marĩpu ĩũrõrẽ õãgũ ããrĩdi ããrĩmĩ. Irasirirã ĩgũ deyoadero puru, ĩgũ pagusãmarã ĩgũsãya wiigüe urerã abegora duri merã ĩgũrẽ masũnerã ããrĩmã. <sup>21</sup> ĩgũrẽ duũnemomasĩmerã, diague puui merã paubõnerã ããrĩmã. Puru Egipto marã opu magõ ĩgũrẽ boka, igoya wiigüe ãĩmajã, igo magũ diaye irirosũ masũdeo ããrĩmõ. <sup>22</sup> Moises iri wiigüe masã, ããrĩpereri Egipto marã buerire buepeodi ããrĩmĩ. Irasirigu ĩgũ masĩrĩ merã werenĩ, ããrĩpereri õãrõ iridi ããrĩmĩ.

<sup>23</sup> Puru cuarenta bojori opagu ĩgũyarãrẽ Israel bumarãrẽ ĩãduagu, ĩgũsã purogue waadi ããrĩmĩ. <sup>24</sup> Irogue ejagu, sugu Egiptomũ ĩgũyagure ñerõ irimakũ ĩãdi ããrĩmĩ.

\* **7:8** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupuma gasirogãrẽ wiiridoredi ããrĩmĩ. Puru iri dorerire Moiserẽ pĩdi ããrĩmĩ. Irasirirã judio masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinũrĩ waarõ merã ĩgũsã deyoadero puru irasũ yãma. † **7:9-10** “Faraón”, ãrĩrõ, Egipto marã ya merã: “opu”, ãrĩduaro yãa.

Irasirigu ĩgũrẽ gãmbosagu Egiptomurẽ wẽjẽkõadi ããrĩmĩ. <sup>25</sup> ĩgũ basi: “Marĩpu yaarãrẽ wijatadoregu iriuami, ĩgũsã irire õãrõ pẽmasĩkuma”, ãrĩ gũñadi ããrĩmĩ. ĩgũsã gapu ĩgũ gũñarõsũ gũñabirinerã ããrĩmã. <sup>26</sup> Gajinu gapu Moises ĩgũsã purogue waadi ããrĩmĩ doja. Irogue ejagu, gajirã ĩgũyarã pẽrã ĩgũsã basi gãmekẽãmakũ ĩãdi ããrĩmĩ. “Iropata gãmekẽãka! ĩNasirimurã su bumarã ããrĩkererã, iropa gãmekẽãkõãrĩ?” ãrĩdi ããrĩmĩ Moises ĩgũsãrẽ. <sup>27</sup> ĩgũ irasũ ãrĩmakũ pẽgu, buru pãdi gapu, Moiserẽ túmeénú: “ ‘ĩNoã murẽ guã opu, guãre dorebu ããrĩburo’, ãrĩ sóoari? <sup>28</sup> ĩNamika Egiptomurẽ mu wẽjẽaderosũ yũdere wẽjẽduagu yãri?” ãrĩdi ããrĩmĩ Moiserẽ. <sup>29</sup> ĩgũ irasũ ãrĩmakũ pẽguka, Moises Egiptore wiri, gaji nikũ Media wãikuri nikũgue waadi ããrĩmĩ. Irogue ĩgũsã watopegue ããrĩgũ, iromorẽ marãpoku, pẽrã ũma pũrãkudi ããrĩmĩ.

<sup>30</sup> Moises cuarenta bojorigora iri nikũguere ããrĩdi ããrĩmĩ. Iriku bojori puru Sinai wãikudi ãtãũ puru, masaka marĩrõgue waadi ããrĩmĩ. Irogue sugu yukugã dupuri watopegue peame ãjũmakũ ĩãdi ããrĩmĩ. Marĩpure wereboegu iri peame ãjũrĩ pũrã dekgue deyoadi ããrĩmĩ ĩgũrẽ. <sup>31</sup> Moises iri peame ãjũmakũ ĩãgũ, ĩãgũkakõadi ããrĩmĩ. “ĩNaásũ waari?” ãrĩ, iri yukugã purugãgue ĩãgũ waagú, marĩ Opu ãsũ ãrĩ werenĩmakũ pẽdi ããrĩmĩ: <sup>32</sup> “Yũ, mu ñekũsãmarã: Abraham, Isaac, Jacob Opu ããrã”, ãrĩdi ããrĩmĩ. ĩgũ irasũ ãrĩmakũ pẽgu, buru gũi narada, neõ ĩãnemodũabiridi ããrĩmĩ. <sup>33</sup> Marĩpu ĩgũrẽ: “Yũ puruota nĩa mu. Irasirigu mũya gubu surĩre túweaka, yũre burumũrĩrẽ ĩmubu. <sup>34</sup> Yaarã Egiptogue ããrĩrãrẽ buru poyamakũ ĩãa. ĩgũsã buru burawereri merã gaguinĩmakũ pẽa. Irasirigu ĩgũsãrẽ taubu dijijabu. Irasirigu murẽ Egiptogueta iriugura ĩgũsãrẽ iritamudoregu”, ãrĩ weredi ããrĩmĩ Marĩpu Moiserẽ.

<sup>35</sup> ĩ Moisereta marĩ ñekũsãmarã ĩgũrẽ gããmemerã: “ ‘ĩNoã murẽ guã opu, guãre dorebu ããrĩburo’, ãrĩ sóoari?” ãrĩnerã ããrĩmã. Marĩpu gapu ĩgũrẽ: “ĩgũsã opu pĩgura murẽ”, ãrĩ, ĩgũrẽ iriudi ããrĩmĩ ĩgũsãrẽ taudoregu. Marĩpu ĩgũrẽ wereboegu yukugã dupuri watopegue peame ãjũderogue deyoadi merã ĩgũrẽ iriudi ããrĩmĩ. <sup>36</sup> Irasirigu Moises Egiptogue eja, Marĩpu turaro merã wãri iri ĩmurĩrẽ iridi ããrĩmĩ. Puru marĩ ñekũsãmarãrẽ Egiptogue ããrãnerãrẽ siuwãgã, wãdiya deko diadiyague eja, Marĩpu turaro merã irasũta iridi ããrĩmĩ doja. Puru cuarenta bojorigora masaka marĩrõgue ĩgũsã waagorenamakũdere, irasũta iridi ããrĩmĩ doja. <sup>37</sup> Moisereta marĩ ñekũsãmarã Israel bumarãrẽ ãsũ ãrĩ weredi ããrĩmĩ: “Purugue marĩyagure Marĩpu iriugukumi ĩgũya kerere werebure. Yũre ĩgũ iriuderosũta ĩgũdere iriugukumi. ĩgũ wererire õãrõ pẽduripĩka!” ãrĩ weredi ããrĩmĩ. <sup>38</sup> Marĩ ñekũsãmarã masaka marĩrõgue nerẽmakũ, Moises ĩgũsã merã ããrĩdi ããrĩmĩ. Irogue Sinai wãikudi ãtãũgue Marĩpure wereboegu ĩgũrẽ weredi ããrĩmĩ. ĩgũ irasũ weremakũ pẽadeare Moises marĩ ñekũsãmarãrẽ weretaudi ããrĩmĩ. Marĩ irire pẽmakũ, Marĩpu marĩrẽ ĩgũ merã õãrõ ããrĩmakũ yãmi. Iri neõ perebirikoa.

<sup>39</sup> Moises irire werekeremakũ, marĩ ñekũsãmarã gapu neõ burumubirinerã ããrĩmã. ĩgũdere burumubiri: “Egiptogue dujãakõãrã”, ãrĩ gũñanerã ããrĩmã. <sup>40</sup> Irasirirã Moises ãtãũgue ããrĩripoe ĩgũ tĩgũ Aarõrẽ: “Marĩrẽ Egiptogue ããrĩrãrẽ ãrĩdi, ĩnaásũ waayuri? Marĩ neõ masĩbea”, ãrĩnerã ããrĩmã. Irasirirã Aarõrẽ: “Keori weabosaka guãre! I keori weadea merã kõãdupiyurãkoa, marĩ waaburi maarẽ ĩmuburo, ãrĩrã”, ãrĩnerã ããrĩmã. <sup>41</sup> Irasũ ãrĩ odo, sugu weku majĩgũ keori oro merã weanerã ããrĩmã. Puru ĩgũsãyarã waimurã ejorãrẽ wẽjẽ, soepeonerã ããrĩmã iri weadeare burumurã. Puru irire usuyari merã ĩãrã, bosenu irinũgãnerã ããrĩmã. <sup>42</sup> ĩgũsã weadeare burumumakũ ĩãgũ, Marĩpu ĩgũsãrẽ bẽodi ããrĩmĩ, ĩgũsã gããmerõ iriburo, ãrĩgũ. Irasirirã neñukãrẽ, abeare burumunũgãnerã ããrĩmã. Marĩpũya kerere weredupiyunerã ãsũ ãrĩ gojanerã ããrĩmã Marĩpu ãrĩdeare gojarã:

Musã, Israel bumarã masaka marĩrõgue cuarenta bojori ããrĩrã, yu gapure musãyarãrẽ waimurã ejorãrẽ wẽjẽ soepeo burumubiribu.

<sup>43</sup> Irasirirã müsã Moloc wãikugũ keorire b̄remurã, ãgũrẽ b̄remurĩ wiire, müsã surí gasiri merã iridea wiire kõãgorenabũ.

Gajigũ Refán wãikugũ neñukãmũ keori müsã weadeadere b̄remubũ. M̄sã iri keorire weabũ b̄remuduarã. Irasirigũ, müsã yure b̄remubiridea waja müsãrẽ Babilonia wãikuro koregue béogura, ãrĩ gojanerã ããrĩmã.✧

<sup>44</sup> Irasũ ãrĩ odo, Esteban oparãrẽ Marĩpũya wiima gapure wereyupũ doja:

—Marĩ ñekũsãmarã masaka marĩrõgue ããrĩã, Marĩpũre b̄remurĩ wii, waimurã gasiri merã ãgũsã iridea wiire opanerã ããrĩmã. Iri wiiguere Marĩpũ pe mojõma doreri gojadea majĩ ütã majĩ ããrĩdero ããrĩbũ. ãgũsã iri wiire iriburo dupiyuro Marĩpũ Moisére iri wii keorire: “Ãsũpero irika!” ãrĩdi ããrĩmĩ. Irasirirã marĩ ñekũsãmarã iri wiire Marĩpũ doredersũta keoro irinerã ããrĩmã. <sup>45</sup> ãgũsã boadero pũrũ, ãgũsã pũrũ marã iri wiire opaturianerã ããrĩmã. Pũrũ Josué ãgũsãrẽ siiuwãgãmakũ, iri wiire ãgũsã noó waaró ãñãnerã ããrĩmã. ãgũsã õõgue ejamakũ, Marĩpũ i nikũ marãrẽ judío masaka ããrĩbirinerãrẽ béokõãdi ããrĩmĩ. Yoaripoe marĩ ñekũsãmarã Marĩpũre iri wiigũe b̄remunerã ããrĩmã. David opũ ñajãdero pũrũguedere opanerã ããrĩmã. <sup>46</sup> Marĩpũ Davire ãgũ ãũrõ õãrõ iridire usuyari merã ããdi ããrĩmĩ. Irasirigũ David Marĩpũre ãsũ ãrĩdi ããrĩmĩ: “Gua ñekũ Jacob b̄remudi ããrã mũ. Irasirigũ yũ marẽ wãri wii mũ ããrĩburi wiire iribosasi”, ãrĩdi ããrĩmĩ. ãgũ irasiridũakeregũ, iri wiire iribiridi ããrĩmĩ. <sup>47</sup> ãgũ magũ Salomón gapũ iri wiire iridi ããrĩmĩ pama. <sup>48</sup> Irasirikeremakũ, Marĩpũ gapũ ããrĩpererãrẽ doregũ ããrĩsãã, masaka iridea wiirigue dita ããrĩbemi. Iripoegue ãgũya kerere weredupiyudi ãsũ ãrĩ gojadi ããrĩmĩ Marĩpũ ãrĩdeare gojagũ:

<sup>49</sup> Yũ, ããrĩpererã Opũ ããrã. Ëmũgasi yũ doaro irirosũ ããrã. I nikũ yaa guburi kũraña doanĩrõ irirosũ ããrã. Irasirirã, yũ ããrĩburi wiire irimasĩbea müsã.

<sup>50</sup> Yũta ããrĩpererire iribũ, ãrĩmi Marĩpũ, ãrĩ gojasũdero ããrĩbũ.✧

<sup>51</sup> Esteban irasũ ãrĩ odo, ãsũ ãrĩ werenemoyupũ doja:

—M̄sã Marĩpũ dorerire tarinũgãa. ãgũrẽ masĩmerã irirosũ ãgũ wererire neõ pẽdũabea. Õãgũ deyomarĩgũ dorerire neõ iridũabea. Marĩ ñekũsãmarã iriderosũta iririkũkõãa.

<sup>52</sup> ãgũsã ããrĩpererã Marĩpũya kerere weredupiyunerãrẽ ñerõ waamakũ irinerã ããrĩmã. Gajirãrẽ: “Jesús marĩrẽ taubu, Marĩpũ doreri iribu aarigũkumi”, ãrĩ wererãrẽ wẽjẽnerã ããrĩmã. ãgũrẽta ãgũ ejadero pũrũ, müsã gapũ ñeã, gajirãrẽ wia wẽjẽdorebũ. <sup>53</sup> Marĩpũ ãgũrẽ wereboerã merã ãgũ dorerire marĩ ñekũsãmarãrẽ pĩkeremakũ, müsã irire bũro tarinũgãa, ãrĩ wereyupũ Esteban oparãrẽ.

### *Estebãrẽ wẽjẽdea*

<sup>54</sup> ãgũ irasũ ãrĩmakũ pẽrã, bũro guari merã ãgũsãya guikare kũrĩduútũñurã. <sup>55</sup> Esteban gapũ Õãgũ deyomarĩgũrẽ opatariyupũ. Ëmũgasigue ããmu, Marĩpũ goesiririre ããyupũ. Marĩpũ diaye gapũ Jesús nĩmakũ ããyupũ. <sup>56</sup> Esteban ãgũrẽ ããgũ: “ããka!” ãrĩyupũ. “Ëmũgasi tũpãmakũ ããa. Jesús ããrĩpererã tũgũ Marĩpũ diaye gapũ nĩmakũ ããa yũ”, ãrĩyupũ oparãrẽ.

<sup>57-58</sup> ãgũ irasũ ãrĩmakũ pẽdũamerã, bũro gaguinĩ, ãgũsãya gãmipũrĩrẽ biañurã. Suro merã ãmawãgã, ãgũrẽ ñeã, iri makã tũroque ãããñurã. ãgũsãya surĩ wekamarẽ túwea pí, sugũ maamũ Saulo wãikũgũre irire koredoreñurã. Odo, Estebãrẽ ütãyeri merã dea wẽjẽñurã.

<sup>59</sup> ãgũsã irasirimakũ, Esteban ãsũ ãrĩ sẽrẽyupũ:

—Jesús yũ Opũ, yũ kõmomakũ, yaa yũjũpũrãrẽ ñeãka! ãrĩyupũ. <sup>60</sup> Pũrũ ãgũya ñadũkupuri merã ejamejãja, bũro gaguinĩrĩ merã:

—Yũ Opũ, kãtika, ãsãrẽ yure ãgũsã irasiririre, ãrĩyupũ. Irasũ ãrĩ, kõmoakõãyupũ pama.

## 8

### *Saulo Jesũre b̄remurãrẽ ñerõ iridea*

1 Saulo ìgūsā Estebārē dea wējēmakū ìāgū: “Ōārō irirā irasū yāma”, ārī gūñayurū. Irineta Jesure b̄remumerā ìgūrē b̄remurārē Jerusalēgue āārīrārē ñerō irinugāñurā. Irasirimakū ìā, Jesure b̄remurā gapū āārīpererā Judea nikūgue, Samaria nikūgue waasiriakōāñurā. Jesús buedoregū beyenerā dita Jerusalēguere dujañurā. Gajirogue waabiriñurā. 2 Gajirā ūma Marīp̄ure b̄remurā Estebāya dup̄ure yáarā, b̄uro ore b̄jawereñurā. 3 Saulo gapū neō sugū Jesure b̄remugū marīkōāburo, ārīgū, Jesure b̄remurāya wiirigue ñajāa, ūmarē, nomedere ñeā, peresu iribu āñayurū.

### *Felipe Samaria marārē buedea*

4 Ìgū irasirimakū, Jesure b̄remurā Jerusalērē wirirā, noó ìgūsā waaró Marīp̄u masakare tauri kerere werenañurā. 5 Felipe wāikugū Samaria nikū āārīrī makāgue waa, iroque eja, iro marārē Jesucristoya kerere werenayurū. 6 Ìgū iri kerere weremakū pérā, ìgū Marīp̄u turaro merā iri ìmumakū ìārā, ìgū p̄uro nerēnañurā ìgū wererire ōārō pémurā. 7 Wárā wātēa ñajāsūnerārē tauyurū. Wātēa gapū ìgūsāguere āārīnerā b̄uro gaguinīrī merā wiriñurā. Wárā dup̄u b̄uarārē, waamasīmerādere tauyurū. 8 Irasirimakū ìārā, iri makā marā b̄uro us̄yañurā.

9 Iri makārē sugū Simón wāikugū yé āārīyurū. Ìgū yoaripoe yéa iririkurire irigore-namakū ìārā, Samaria marā ìāgukanokōāñurā. “Yū masītarinugāgū āārā”, ārī werenayurū ìgūsārē. 10 Irasirirā āārīpererā iri makā marā oparā, oparā āārīmerāde ìgūrē: “Ì ìmugasigū marā Op̄u irirosū turari opagū āārīkumi”, ārī gūñadiñurā.

11 Ìgū sōō gapū merā wári yéa iririkurire irimakū ìārā, wárā masaka ìgūrē b̄remuñurā. 12 Felipe gapū Samaria marārē: “Marīp̄u āārīpererā Op̄u āārīmi. Ìgū magū Jesucristo marīrē taugū āārīmi”, ārī wereyurū. Ūma, nome, ìgū wererire pé b̄remumakū ìāgū, ìgūsārē deko merā wāiyeyurū. 13 Simōde Jesure: “B̄remua yū”, ārīmakū pégu, Felipe ìgūdere wāiyeyurū. P̄urū Felipe merā waagorenayurū. Felipe Marīp̄u turaro merā iri ìmumakū ìāgū, ìāgukanokōāyurū.

14 Jesús buedoregū beyenerā Jerusalēgue āārīrā: “Samaria marā Marīp̄uyare ōārō b̄remunugāñurā”, ārīrī kerere pérā, Pedro, Juārē ìādorerā iriuñurā. 15 Iroque ejarā, Jesure b̄remurārē Marīp̄ure sērēbosañurā, Ōāgū deyomarīgūrē bokatīrīñeāburo, ārīrā. 16 Ìgūsā marī Op̄u Jesure b̄remunugādero p̄urū, ìgū wāi merā dita wāiyesūñurā. Ōāgū deyomarīgū ìgūsārē ejabiriyurū dapa. 17 Irasirirā Pedrosā ìgūsāya mojōrī merā Jesure b̄remunugānerāya dipu weka ñapeoñurā. Ìgūsā ñapeomakū, Ōāgū deyomarīgū ìgūsāguere ejayurū.

18 Pedrosā ñapeomakū, Ōāgū deyomarīgū ejamakū ìāgū, Simón gapū ìgūsā turarire gāāmegū, niyeru merā wajarid̄adiyurū. Āsū ārīyurū:

19 –Iri turarire sīka ȳdere! Yū ñapeorāguere Ōāgū deyomarīgū ejamakū irid̄akoa, ārīyurū.

20 Ìgū irasū ārīmakū, Pedro ìgūrē yuj̄yurū:

–M̄u Marīp̄u turari sīrīrē: “Niyeru merā wajariḡkōa” ārī gūñarī waja, m̄ya niyeru, m̄ merāta béosūrokoa. 21 Marīp̄u ìūrōrē m̄ gūñarī diaye āārībea. Irasirigū ḡua irirosū irimasībirikōa. 22-23 M̄ ñerō iririre iripautariadi āārā. Irasirigū m̄ ñerō iririre b̄jawere, m̄ gūñarīrē gorawayuka! Marīp̄ure sērēka, m̄ ñerō gūñarīrē kātiburo, ārīgū. Gajipoe irigū irire kātibukumi m̄ ìgūrē sērēmakū, ārīyurū.

24 Irasū ārīmakū pégu, Simón ìgūsārē ārīyurū:

–M̄sā Marīp̄ure sērēbosaka, ȳre m̄sā ārādea waabirikōāburo, ārīrā, ārīyurū.

25 Pedrosā, Jesús irimakū ìādeare, ìgū buemakū pédeare iri makā marārē were odo, Jerusalēgue goedujāañurā. Goedujāarā, wárā masakare Samaria nikū āārīrī makārī marādere Jesúya kerere werewāgāñurā.

### *Felipe Etiopíam̄rē weredea*



<sup>26</sup> Pɩɩ sugɩ Marĩpɩre wereboegɩ Felipere ʼsũ ʼrĩyupɩ:

—Jerusalén merá ʼʼĩnɩgāwāgārĩ maa, Gaza wāĩkɩrĩ makā buari maague waaka! Iri maa masaka marĩrōgue ʼʼrĩwāgāa, ʼrĩyupɩ.

<sup>27</sup> Īgũ irasũ ʼrĩmakũ pé, Felipe iri maague buagɩ, sugɩ Etiopíamɩrē bokajayupɩ. Īgũ iri nikũ marā opo dokamɩ, ʼʼrĩpereri igoya niyerure korerimasũ ʼʼrĩyupɩ. Īgũ Jerusalégue Marĩpɩre bɩremugũ ejadi ʼʼrĩyupɩ. <sup>28</sup> Irogue ejadi Īgũya nikũgue goedujáagɩ, Īgũya tũrũdiru caballua tũʼdiru wekague doagɩ, Isaías Marĩpɩya kerere weredupiyudi gojadea pũrē buegɩ iriyupɩ. <sup>29</sup> Īgũ bueripoe Ōāgũ deyomarĩgũ Felipere:

—Iriru pɩroweya waaka! ʼrĩyupɩ.

<sup>30</sup> Īgũ irasũ ʼrĩmakũ pé, Felipe iriru pɩro ũmawāgā, Etiopíamɩ Isaías gojadea pũrē buemakũ péyupɩ. Īgũ irire buemakũ pégu:

—¿Mɩ buerire pémasĩrĩ? ʼrĩ sērēñayupɩ.

<sup>31</sup> Īgũ gapɩ yɩjɩyupɩ:

—¿Nasiri pémasĩbukuri, yɩ gajigɩ yɩre i irasũ ʼrĩduaro yáa, ʼrĩgũ marĩkeremakũ? Marĩñajāka, irire yɩre buebu, ʼrĩyupɩ Felipere.

<sup>32</sup> Īgũ bueri ʼsũ ʼrĩyuro:

Ovejare ñeá wějēderosũta Īgũdere ñeá wějērākuma. Oveja majĩgũrē Īgũya poarire Īgũsā peramakũ, Īgũ gaguinĩbiriderosũta ñĩ masakude gaguinĩbirikumi.

<sup>33</sup> Masaka Īgũrē bɩridarākuma. Īgũ ñerō iribirikeremakũ, neō sugɩ Īgũrē: “Waja opabemi”, ʼrĩbirikuma.

Irasirirā, Īgũ i nikũgue ʼʼrĩripoe Īgũya nikũ marā Īgũrē ñerō iri, wějērākuma. Īgũsā ñerō irideare neō sugɩ werepeomasĩbirikumi, ʼrĩ gojadea ʼʼrĩyuro.\*

<sup>34</sup> Irire bue odo, Felipere sērēñayupɩ:

—Wereka yɩre! ¿Noārē gojagɩ iriyuri Isaías, Īgũ basi, o gajigɩguere?

<sup>35</sup> Felipe ʼsũ ʼrĩ yɩjɩyupɩ Īgũrē:

—Iri Jesúre ʼrĩ gojadea ʼʼrā, ʼrĩyupɩ. Irasirigɩ Jesúyare Īgũ ōārō iridea kerere wereyupɩ Īgũrē. <sup>36</sup> Irasũ wereníwāgārā, ditarugue ejañurā. Iri ditarure ĩāgũ, Etiopíamɩ Felipere:

—Īāka! Deko ʼʼrā. ¿Mɩ yɩre wāiyemakũ ōāgorabukuri? ʼrĩyupɩ.

<sup>37</sup> Felipe gapɩ Īgũrē:

—Mɩ Jesucristore ōārō bɩremumakũ, mɩrē deko merā wāiyegɩra, ʼrĩyupɩ. Etiopíamɩ Īgũrē ʼrĩyupɩ doja:

—Jesucristore bɩremua yɩ. Īgũta Marĩpɩ magũ ʼʼrĩmĩ, ʼrĩyupɩ.

<sup>38</sup> Irasirigɩ Etiopíamɩ Īgũya tũrũdiru wejatugɩre dujupídore, Īgũsā pērā dijinugā, ditarugue ñumuwija, Felipe Īgũrē deko merā wāiyeyupɩ. <sup>39</sup> Īgũrē wāiye odo, ñumuwāgāriripoe gũñaña marĩrō merā Ōāgũ deyomarĩgũ Felipere gajirogue ʼʼrĩkōāyupɩ. Etiopíamɩ Īgũrē dupaturi ĩānemobirikeregɩ, Īgũrē waadeare gũña, bɩro ɩsɩyari merā Īgũya makāgue dujāakōāyupɩ. <sup>40</sup> Felipe gapɩ Ōāgũ deyomarĩgũ Īgũrē ʼʼrĩadero pɩɩ, Azote wāĩkɩrĩ makāgue ejayupɩ. Irogue eja, makārĩkɩ Jesúya kerere weregorenagũ, Cesarea wāĩkɩrĩ makāgue weretũnujayupɩ.

## 9

### *Saulo Jesúre bɩremunugādea* (Hch 22.6-16; 26.12-18)

<sup>1</sup> Felipe buegorenaripoe Saulo gapɩ Jesúre bɩremurārē ĩaturigɩ: “Wějēpeokōāgura”, ʼrĩrĩrē piribirisĩā, paía opɩ pɩrogue waa, ʼsũ ʼrĩyupɩ:

<sup>2</sup>—Yɩre papera pũ ʼmubosaka, Damascogue waaburire. Iri pũrē marĩ nerērĩ wiiri marā oparārē wiabu yáa. Iri makā marā Jesúre bɩremurārē ũma, nomerē, noó yɩ bokajarārē

\* 8:33 Is 53.7-8

ñeã ãirigura Jerusalégue peresu iribu, ãrĩ sērēyupũ Saulo paía opare. <sup>3</sup> Iri pūrē sñadero pupũ, Saulo gajirã merã Damascogue waakõãyupũ. Ìgũ iri makã ejabu iriripoe gũñaña marĩrõ ùmugasigue merã burõ kũmijũrõ Ìgũ purõre gosesiridijuyuro. <sup>4</sup> Irasũ waamakũ, Saulo yebague meémejëgũ, ãsũ ãrĩ werenímakũ péyupũ:

—Saulo, ¿nasirigũ yare ñerõ yári mũ?

<sup>5</sup> Ìgũ irasũ ãrĩmakũ pégu: “¿Noã ããrĩrĩ mũ?” ãrĩyupũ.

—Yũ Jesús, mũ ñerõ iriguta ããrã. Mũ yare ñerõ irigũ, mũ basita ñerõ yáa, ãrĩyupũ.

<sup>6</sup> Ìgũ irasũ ãrĩmakũ, Saulo burõ gũi naradari merã:

—Yũ Opũ, ¿naásũpero gapũ yũ irimakũ gããmerĩ? ãrĩyupũ.

Ìgũ irasũ ãrĩmakũ, Ìgũrẽ:

—Wãgãnugã, makãgue waaka! Irogue sugũ yũ murẽ iridoreburire weregũkumi, ãrĩyupũ Jesús Saulore.

<sup>7</sup> Saulo merã waanerãde Jesús werenírĩrẽ pérã gũka, werenímasĩbirĩñurã. Irire pékererã, Jesús gapure neõ ããbirĩñurã. <sup>8</sup> Saulo yebague oyadi wãgãnugãja, ããpãgũ, neõ ããbiriyupũ. Irasirirã Ìgũ merãmarã Ìgũrẽ tũãwãgãñurã Damascogue waarã. <sup>9</sup> Irogue eja, ùrenugora koye ããbiri, neõ baabiri, ããbirĩ iriyupũ.

<sup>10</sup> Damascoguere sugũ Jesúre burẽmugũ Ananías wãikũgũ ããrĩyupũ. Kẽrõ irirosũgue Jesús Ìgũrẽ wereniyupũ:

—¿Ananías, ããrĩrĩ mũ?

—Yũ Opũ, õõta ããrã, ãrĩ yũjũyupũ.

<sup>11</sup> Ìgũ irasũ ãrĩmakũ, Jesús Ìgũrẽ:

—Wãgãnugãka! “Diyema maa” wãikũri maague waaka! Iri maague waagú, Judaya wiigue ñajãa, sugũ Tarsomurẽ Saulo wãikũgure sērẽñaka! Dapagorare Ìgũ yare sērẽgũ yámi. <sup>12</sup> Ìgũdere neãgue kẽrõ irirosũ ããrĩrĩ merã ãmuabũ. Mũ Ìgũ purõ ñajãa, Ìgũya dipurure ñapeori merã dupaturi Ìgũya koye ããburire ãmuabũ. Mũ wãĩdere ãmuabũ Ìgũrẽ, ãrĩyupũ Jesús Ananíare.

<sup>13</sup> Ìgũ irasũ ãrĩmakũ pégu, ãsũ ãrĩyupũ:

—Yũ Opũ, Ìgũ murẽ burẽmurãrẽ Jerusalégue ããrĩrãrẽ ñerõ iriadeare wãrã masaka yare wereama. <sup>14</sup> I makã marãdere murẽ burẽmurãrẽ ããrĩpererã mũ wãĩ merã Marĩpũre sērẽrãrẽ peresu iribu, paía oparã: “Ãsũ irika!” ãrĩ iriuadea pũ merã ejáayupũ, ãrĩ wereyupũ.

<sup>15</sup> Ìgũ irasũ ãrĩkeremakũ, Jesús gapũ:

—Ìgũ purõgue waaka! Ìgũ yũ beyesũdi ããrĩmi. Irasirigũ yaa kerere gaji nikũ marãrẽ, Ìgũsã oparãrẽ, Israel bumarãdere weregũkumi. <sup>16</sup> Irire weregorenagũ, burõ ñerõ tarigũkumi. Yũ basi Ìgũrẽ weregũra, ãrĩyupũ.

<sup>17</sup> Ìgũ irasũ ãrĩmakũ pé, Ananías Judaya wiigue waa, iri wiigue ñajãa, Saulore bokaja, Ìgũya dipurure ñapeo, ãsũ ãrĩyupũ:

—Yaagũ Saulo, péka yare! Marĩ Opũ Jesúta murẽ maague deyoadi yare iriuami, murẽ dupaturi koye ããburo, ãrĩgũ. Õãgũ deyomarĩgũdere opatariburo, ãrĩgũ, iriuami, ãrĩyupũ.

<sup>18</sup> Ìgũ irasũ ãrĩripoeta Sauloya koyeguere waaí nutũrĩ irirosũ deyori tuuyadea yurisiridijakõãyuro. Õãrõ ããkõãyupũ doja. Irasirigũ wãgãnugã, deko merã wãĩyesũadi dujayupũ. <sup>19</sup> Purũ baa, turakõãyupũ. Iri makãguere yoaweyaripoe Jesúre burẽmurã merã dujayupũ dapa.

### *Saulo Damasco marãrẽ Jesúyare buenugãdea*

<sup>20</sup> Iro ããrĩgũ, judío masaka nerẽrĩ wiirigũ waa, irogue ããrĩrãrẽ: “Jesús, Marĩpũ magũ ããrĩmi”, ãrĩ werenayupũ. <sup>21</sup> Ìgũ weremakũ pérã, ããrĩpererã pégũka, Ìgũsã basi ãsũ ãrĩ gãme werenĩñurã:

—Ī Jerusalēgue Jesúre b̄remurārē ĩgũ wāĩ merā Marĩp̄ure s̄ērērārē w̄jēdoredita āārĩmi. Dapagorare i makāguedere oō marārē Jesúre b̄remurārē ñeāgũ aarigũ iriañumi Jerusalēgue āia, paía oparāguere wiabu, ārĩñurā.

<sup>22</sup> ĩgũsā irasũ ārĩkeremakũ, Saulo gap̄ũ ũmurikũ judío masakare, Damascogue āārĩrārē güiro marĩrō oārō merā: “Jesús diayeta Marĩp̄ũ iriudi, Cristo āārĩmi”, ārĩ werenayup̄ũ. ĩgũ irasũ ārĩ weremakũ pérā, ĩgũrē: “Ārĩkatogũ yámi ĩĩ”, ārĩmasĩbiriñurā.

### *Saulo judío masakare duriwāgādea*

<sup>23</sup> Yoadero p̄ũũ, surāyeri judío masaka Saulore ĩgũsā w̄jēburire werenímurā nerēñurā.

<sup>24</sup> Irasirirā ũmurikũ, ñamirikũ makā turo ĩgũsā ũtā koeri merā weadea sārĩrō makāp̄urore koreñañurā ĩgũrē w̄jēduarā. Saulo gap̄ũ ĩgũsā ĩgũrē w̄jēduarire masĩkōāyup̄ũ.

<sup>25</sup> Irasirirā su ñami Jesúre b̄remurā wári puui merā ĩgũrē iri sārĩrōma gobegue yótaudijuñurā. Āsũ irisĩā, Saulo iri makārē wiriyup̄ũ.

### *Saulo Jerusalēgue goedujáadea*

<sup>26</sup> P̄ũũ Jerusalēgue goedujayup̄ũ doja. Irogue ejagũ, Jesúre b̄remurā merā āārĩduadiyup̄ũ. ĩgũsā gap̄ũ ĩgũrē güigorañurā. “Jesúre b̄remugũ āārĩbemi ĩĩ”, ārĩñurā.

<sup>27</sup> ĩgũsā irasirimakũ ĩāgũ, Bernabé gap̄ũ Saulore Jesús buedoregũ beyenerā p̄uro āiayup̄ũ. Irogue eja, ĩgũsārē Saulo maague waagũ ĩgũ Jesúre ĩādeare, Jesús ĩgũ merā wereniadeare, ĩgũ Damascogue Jesúya kerere güiro marĩrō merā wereadeadere ĩgũsārē wereyup̄ũ.

<sup>28-29</sup> ĩgũ irasũ ārĩ wereadero p̄ũũ, Saulo ĩgũsā merā āārĩñugāyup̄ũ. Irasirigũ ĩgũsā merā Jerusalēgue güiro marĩrō marĩ Op̄ũ Jesúya kerere weregorenayup̄ũ. Iri kerere weregorenagũ, surāyeri judío masaka, griego ya merā werenirārē were, ĩgũsā merā gāme wereniyup̄ũ. ĩgũsā gap̄ũ ĩgũ wererire péduabirisĩā, ĩgũrē w̄jēduadiñurā. <sup>30</sup> Irasirirā ĩgũsā w̄jēduamakũ ĩārā, Jesúre b̄remurā gap̄ũ ĩgũrē Cesarea wāĩkuri makāgue āia, irogue eja, ĩgũya makā Tarsogue iriukōāñurā pama.

<sup>31</sup> ĩgũ irogue waadero p̄ũũ, āārĩpererā Jesúre b̄remurā Judea marā, Galilea marā, Samaria marā siñajārĩ merā dujañurā. Ōāgũ deyomarĩgũ iritamurō merā b̄remunemoñurā. Jesúyare goepeyari merā iritayañurā. Gajirā wārā ĩgũrē b̄remunugāñurā.

### *Pedro Enearē taudea*

<sup>32</sup> Pedro āārĩpereri makārĩ marārē Jesúre b̄remurārē ĩāgorenagũ waagũ, Lida wāĩkuri makāguedere ejayup̄ũ. <sup>33</sup> Irogue eja, sugũ Eneas wāĩkugare bokajayup̄ũ. Su mojōma pere gaji mojō ureru p̄ērēbejari bojorigora ĩgũya wiiguere dup̄ũ buadi peyayup̄ũ. <sup>34</sup> Pedro ĩgũrē ārĩyup̄ũ:

—Eneas, Jesucristo m̄rē tauḡukumi. Wāgāñugā, m̄ peyaderore āmu duripíkala!

ĩgũ irasũ ārĩmakũta, Eneas wāgāñugākōāyup̄ũ. <sup>35</sup> Āārĩpererā Lida marā, Sarón marāde ĩgũrē ĩārā, iripoegue ĩgũsā b̄remunadeare piri, Jesús gap̄ure b̄remunugāñurā.

### *Pedro Dorcare masũdea*

<sup>36</sup> Gaji makā Jope wāĩkuri makāgue sugo nomeō Jesúre b̄remugō “Tabita” wāĩkugo āārĩyupo. Griego ya merā “Dorcas” wāĩkuyupo. Igo oārĩrē irigo, boporārē oārō iritamugō āārĩyupo. <sup>37</sup> Iripoere Pedro Lidague āārĩripoe igo p̄ũrĩrikũ kōmoakōāyupo. Igo kōmoadero p̄ũũ, ĩgũsā irinaderosũta igo merāmarā igoya dup̄ũ darore koeñurā. Koe odo, ũmarōma taribugue píñurā. <sup>38</sup> Jope, Lida p̄rogā āārĩyuro. Irasirirā Jope marā Jesúre b̄remurā Pedro Lidague āārĩmakũ pérā, ũma p̄rārē ĩgũ p̄rogue iriuñurā. Irogue ejarā, ĩgũrē:

—Mumurō merā Jopegue waaka! ārĩñurā.

<sup>39</sup> ĩgũsā irasũ ārĩmakũ pégũ, mata Pedro ĩgũsā merā Jopegue waayup̄ũ. Irogue ejarā, ĩgũrē Dorcas boadeo peyari taribugue siu marĩñurā. ĩgũ iri taribugue ejamakũ, wapiweyarā nome Pedro p̄uro nerēñugāñurā. Orerāta, igo ĩgũsārē surí eabosadeare ĩmuñurā

ĩgũrẽ. <sup>40</sup> Pedro iri taribugue ããrĩrãrẽ ããrĩpererãrẽ wiriadoreyupũ. Ĩgũsã wiriadero purũ, ñadũkũpurĩ merã ejamejãja, Marĩpure sërẽyupũ. Sërẽ odo, boadeore gãmenũgã ãã:

—Tabita, wãgãnũgãka! ãrĩyupũ.

Ĩgũ irasũ ãrĩmakũta, koye ããpã, Pedrore ããgõta wãgãdoayupo. <sup>41</sup> Pedro igoya mojõgue ñeã, tũãwãgũnú, purũ wapiweyarã nomerẽ gajirã Jesũre bũremurãdere siiumu, ĩgũsãrẽ wiayupũ igore. <sup>42</sup> ããrĩpererã Jope marã igore ĩgũ masũadea kerere pẽpereakõãñurã. Irasirirã wãrã Jesũre bũremunũgãñurã. <sup>43</sup> Pedro yoaripoe Jopeguere sugũ Simõn wãikũgũ, waimurã gasirire ãmurĩmasũya wiigũ ããrĩyupũ.

## 10

### *Cornelio Pedrore siudoredea*

<sup>1</sup> Cesareaguere Cornelio wãikũgũ wãrã surara, “Italiano” wãikũri bumarã opũ ããrĩyupũ. <sup>2</sup> Cornelio, ããrĩpererã ĩgũya wii marã merã Marĩpure gopeyari merã bũremuñurã. Irasirigũ judío masaka boporãrẽ iritamugũ wãri niyeru sĩnayupũ. Æmarikũ Marĩpure sërẽnayupũ. <sup>3</sup> Sunũ ñamika tres ããrĩmakũ, kërõ irirosũgue sugũ Marĩpure wereboegu deyoa, ĩgũ purõ ñajãmakũ ããyupũ. Ñajãa, ĩgũrẽ:

—Cornelio, ãrĩyupũ.

<sup>4</sup> Cornelio bũro gũiri merã ĩgũ ditare ãã:

—Yũ Opũ, ¿ñeonorẽ gããmerĩ? ãrĩyupũ.

Ĩgũ irasũ ãrĩmakũ, Marĩpure wereboegu ĩgũrẽ ãrĩyupũ:

—Marĩpu mũ sërẽrĩrẽ pẽmi. Mũ boporãrẽ niyeru sĩrĩdere ããmi. <sup>5</sup> Irasirigũ Simõn Pedro wãikũgũre siudoregũ, Jopegue iriuka mũyarã ãmarẽ! <sup>6</sup> ĩgũ gajigũ Simõn wãikũgũ waimurã gasirire ãmurĩmasũya wiigũ ããrĩmi. Iri wii wãdiya tũro ããrã, ãrĩyupũ.

<sup>7</sup> Marĩpure wereboegu irasũ ãrĩ odo, waadero purũ, Cornelio ĩgũrẽ moãboerã pẽrãrẽ, gajigũ surara ĩgũrẽ iritamugũrẽ Marĩpure gopeyari merã bũremugũrẽ siuyupũ.

<sup>8</sup> ĩgũsãrẽ siiu, ããrĩpereri Marĩpure wereboegu ĩgũrẽ wereadeare wereyupũ. Were odo, ĩgũsãrẽ Jopegue iriukõãyupũ.

<sup>9</sup> ĩgũsã waadeanũ gajinũ gapũ goeripoe ããrĩmakũ, Jopegue ejamurã iriripoe Pedro ĩgũ ããrĩrĩ wii wekague Marĩpure sërẽgũ mũrĩayupũ. <sup>10</sup> ĩgũ irogue ããrĩgũ bũro mũboa, baadũadiyupũ. Iri wii marã ĩgũsã baari ãmuripoe kërõ irirosũ waasũ, ãmũgasi tũpãmakũ ããyupũ. <sup>11</sup> Irasũ tũpãmakũ, suñe surĩro irirosũ deyori gasiro wapikũri tũrori mũadea gasiro miẽ, yebague dijarimakũ ããyupũ. <sup>12</sup> Iri gasiro poekaguere ããrĩpererã waimurã: paárã, yebague sĩgũwãgãrã, wãrã sãñañurã. <sup>13</sup> Marĩpu ĩgũrẽ:

—Pedro, wãgãnũgã, ãsãrẽ wẽjẽ baaka! ãrĩyupũ.

<sup>14</sup> ĩgũ irasũ ãrĩmakũ:

—Yũ Opũ, yũ ĩgũsãnorẽ neõ baañabea. Ñerãrẽ, mũ guare baadorebirinerãrẽ neõ baabea, ãrĩyupũ.

<sup>15</sup> Marĩpu ĩgũrẽ dupaturi ãrĩnemoyupũ doja:

—Yũ: “Õãrã ããrĩma”, ãrĩrãrẽ, ĩgũsãrẽ: “Ñerã, baaya marĩrã ããrĩma”, ãrĩbirikõãka! <sup>16</sup> Ærea ĩgũrẽ irire ĩmuadero purũ, iri gasirore ãmũgasigue ãĩmũrĩãkõãyupũ doja. <sup>17</sup> Pedro: “¿Naásũ ãrĩdũaro irikuri iri yũre ĩmuadea?” ãrĩ gũñarikũripoe Cornelio iriuanerã ĩgũ ããrĩrĩ wii makãpurõ: “¿Simõya wii noõgue ããrĩrĩ?” ãrĩ sërẽñarã ejañurã. <sup>18</sup> Irogue eja, iri wii marãrẽ: “¿Õõta ããrĩrĩ, Simõn Pedro wãikũgũ?” ãrĩ oeñurã. <sup>19</sup> Pedro ĩgũ ããdeare gũñagũ iriyupũ dapa. ĩgũ irire gũñaripoe Õãgũ deyomarĩgũ ĩgũrẽ:

—Íãka! Æma urerã ãmarã yãma mũrẽ. <sup>20</sup> Murĩgora dijapurumuka! “¿Naásũ waarokuri yũre?” ãrĩ, neõ gũñarikũro marĩrõ ĩgũsã merã waaka! Yũ ĩgũsãrẽ iriuanũ mũrẽ, ãrĩyupũ Pedrore.

<sup>21</sup> ĩgũ irasũ ãrĩmakũ pẽgũ, Pedro dija, ĩgũsãrẽ:

—Yuta ããrã musã ãmagú. ¿Nasirirã aarari? ãrĩyupũ.

<sup>22</sup> Ìgũsã Ìgũrẽ ãrĩñurã:

—Surara opũ Cornelio wãikũgũ guare iriuami. Ìgũ òãrĩrẽ irigũ, Marĩpũre goepeyari merã buremugũ ããrĩmi. ããrĩpererã judío masaka Ìgũrẽ: “Òãgũ ããrĩmi”, ãrĩ ìãma. Sugu Marĩpũre wereboegu murẽ Ìgũya wiigwe waadoregũ siiudoreayupũ. Mu Ìgũ pũro waa-makũ, mu wererire pégũkumi. Irasirirã murẽ siiurã aarirã iriabũ, ãrĩñurã.

<sup>23</sup> Ìgũsã irasũ ãrĩmakũ pégũ, Pedro: “Ñajãrika! Òõ kãrĩka dapagã ñamirẽ!” ãrĩyupũ. Gajinũ gapũ Ìgũsã merã waakõãyupũ. Gajirãde Jope marã Jesúre buremurã Ìgũsã merã wapikũwãgãñurã.

<sup>24</sup> Gajinũ gapũ Cesareaguere ejañurã. Cornelio gapũ, Ìgũyarãrẽ, Ìgũ merãmarãdere Ìgũya wiigwe siiu needõ, Pedrore yúyupũ. <sup>25</sup> Pedro Ìgũya wii ejamakũ, Cornelio makãpũrogue bokatĩrĩgũ wiria, ñadũkũpuri merã ejamejãyupũ Ìgũrẽ buremugũ. <sup>26</sup> Ìgũ irasirimakũ ìã, Pedro gapũ Ìgũrẽ tããwãgũnú:

—Wãgãñũgãka! Yude mu irirosũta masakũ ããrã, ãrĩyupũ.

<sup>27</sup> Ìgũya wiigwe weretamu ñajãrã, Pedro wãrã masaka irogue nerẽanerãrẽ bokajayupũ.

<sup>28</sup> Irasũ bokajagũ, Ìgũsãrẽ ãrĩyupũ:

—Gua judío masaka ããrĩrã, judío masaka ããrĩmerãya wiiriguere ñajãrã, Moisés guare pídeare tarinũgãbukoa. Musã irire òãrõ masã. Marĩpũ gapũ gaji bumarãrẽ: “Ñerã ããrĩma”, ãrĩdorebirami yũre. <sup>29</sup> Irasirigũ mu iriuanerã yũre siiurimakũ, “Waabea”, ãrĩrõ marĩrõ mata aarabũ. Dapagora yũ òõgue ejasã, musãrẽ: “¿Nasiribu yũre siiuari?” ãrĩ sërẽñadũakoa, ãrĩyupũ.

<sup>30</sup> Cornelio Ìgũrẽ ãrĩyupũ:

—Wapikũrinũ taria i horanota tres ããrĩmakũ, i wii yũ bere, Marĩpũre sërẽripoe gũñaña marĩrõ sugũ ùmu suríro bure goseriñe sãñagũ deyoa: <sup>31</sup> “Cornelio, Marĩpũ mu sërẽrĩrẽ pémi. Mu boporãrẽ iritamurĩdere ìãmi”, ãrĩmi yũre. <sup>32</sup> “Muyarã ùmarẽ iriuka, Jopegue Simón Pedro wãikũgũre siiudoregũ. Ìgũ gajigũ Simón wãikũgũ waimarã gasirire ãmugũya wiigwe wãdiya tũro ããrĩrĩ wiigwe ããrĩmi. Ìgũ mu pũro ejagũ, murẽ weregũkumi”, ãrĩ weremi yũre. <sup>33</sup> Irasirigũ mata yaarã ùmarẽ murẽ siiudoregũ iriuabũ. Irasirigũ mu gua pũro òãrõ aarayo. Marĩ ããrĩpererã òõrẽ Marĩpũ ìũrõ ããrã. Irasirirã ããrĩpereri murẽ Marĩpũ weredorerire mu guare weremakũ péduakoa, ãrĩyupũ Cornelio Pedrore.

### *Pedro Cornelioya wii ããrĩrãrẽ weredeã*

<sup>34</sup> Ìgũ irasũ ãrĩmakũ pégũ, Pedro ãsũ ãrĩ werenũgãyupũ Ìgũsãrẽ:

—Yũ dapagoragueta pémasã. Diayeta ããrã. Marĩpũ marĩ ããrĩpererãrẽ surosũ ìãmi.

<sup>35</sup> Irasirigũ ããrĩpereri bumarã Ìgũrẽ buremu, òãrĩrẽ irirãnorẽ ìãbéobirikumi. <sup>36</sup> Marĩpũ Ìgũya kerere judío masakare pídi ããrĩmí. “Jesucristo merã siñajãrĩ bokarãkuma”, ãrĩdi ããrĩmí. Ìgũta ããrĩpererã Opũ ããrĩmi. <sup>37</sup> ããrĩpereri gua judío masaka ããrĩrĩ nikũgue waadeare òãrõ masĩkoa musã. Juan masakare bue, Ìgũsãrẽ deko merã wãiyemi. Ìgũ irasiriadero pũrũ, Jesús Galileague buenũgãmi. <sup>38</sup> Idere masĩkoa musã. Ìĩ Jesús Nazaretmurẽ Marĩpũ Òãgũ deyomarĩgũ merã Ìgũrẽ turarire sídi ããrĩmí. Marĩpũ Ìgũ merã ããrĩnikõãdi ããrĩmí. Irasirigũ Jesús masakare òãrĩrẽ irigorenami. Noó Ìgũ waaró ããrĩpererã wãtĩ doreri irirãrẽ taumi. <sup>39</sup> Gua judío masaka ããrĩrĩ nikũgue Jerusaléguedere ããrĩpereri Ìgũ irideare ìãbũ. Irogue Ìgũrẽ curusague pábiatú wějẽma.

<sup>40</sup> Ìgũsã wějẽkeremakũ, ùrenũ waaró merã Marĩpũ gapũ Ìgũrẽ masũkõãdi ããrĩmí. Ìgũrẽ masũ, pũrũ guare deyoamakũ irimi, Ìgũ dupaturi okarire masĩburo, ãrĩgũ. <sup>41</sup> Jesús ããrĩpererã masakare deyoabiridi ããrĩmí. Gua ditare deyoami. Ìgũ deyoamakũ, gua Ìgũ merã baa, iiribũ. Iripoegueta Marĩpũ guare beyedi ããrĩmí, Jesúre Ìgũ masũadire ìãmurãrẽ. <sup>42</sup> Marĩpũ Jesúreta masaka ããrĩpererã okarãrẽ, boanerãdere: “Òãrãrẽ taugũkoa,

ñerã gapure wajamoãgukoa!” ãrĩ beyebure pídi ããrĩmí. Irire masakare weredoremi guare Jesús. <sup>43</sup> Æãrĩpererã Jesúre buremurãrẽ Marĩpu ãgũsã ñerõ irideare kãtigakumi, ãrĩrĩrẽ gojanerã ããrĩmã ããrĩpererã Marĩpuya kerere weredupiyunerã, ãrĩ wereyupu Pedro Cornelioya wii nerẽanerãrẽ.

*Judío masaka ããrĩmerãde Õãgũ deyomarĩgũrẽ opanugãdea*

<sup>44</sup> Pedro werenĩrĩrẽ pérãguere Õãgũ deyomarĩgũ dijijayupu. <sup>45-46</sup> Ìgũ ejadero puru, ãgũsã gajirã ya merã werenĩmasĩbirideare werenĩnugã, usuyari merã Marĩpуре: “Õãtarĩgu ããrã mu”, ãrĩ buremuñurã. Ìgũsã irasũ ãrĩmakũ pérã, Pedro merã irogue ejanerã judío masaka Jesúre buremurã péguakakõãñurã. “Marĩpu Õãgũ deyomarĩgũrẽ iriumi judío masaka ããrĩmerãdere”, ãrĩñurã. <sup>47</sup> Irasirĩgu Pedro ãgũ merãmarãrẽ ãrĩyupu:

—Marĩpu Õãgũ deyomarĩgũrẽ marĩ judío masakare iriuderosũta ãsãdere iriumi. Irasirirã ãgũsã Õãgũ deyomarĩgũrẽ opamakũ ããrã, marĩ ãgũsãrẽ deko merã wãiyebirikõãrã, ãrĩmasĩña máa. <sup>48</sup> Irasirirã: “Musã Jesucristore buremurã ãgũyarã ããrã”, ãrĩ wãiyeka ãgũsãrẽ! ãrĩ wereyupu Pedro ãgũ merãmarãrẽ.

Ìgũsãrẽ wãiyeadero puru, Pedrosãrẽ: “Yoaweyaripoe dujaka guã merã dapa!” ãrĩñurã.

## 11

*Pedro Jerusalén marãrẽ Jesúre buremurãrẽ weredea*

<sup>1</sup> Jesús buedoregu beyenerã, gajirã ãgũrẽ buremurã Judeague ããrĩrã: “Judío masaka ããrĩmerãde Marĩpuyare buremuma”, ãrĩrĩ kerere péñurã. <sup>2</sup> Pedro Cesareague ããrãdi Jerusalẽgue dujajamakũ ããrã, iro marã judío masaka Jesúre buremurã ãgũrẽ ãsũ ãrĩ werewua, sãrẽñañurã:

<sup>3</sup> —¿Nasirĩgu judío masakũ ããrĩkeregũ, judío masaka ããrĩmerãya wiigue ñajãa, ãgũsã merã baáari?

<sup>4</sup> Ìgũsã irasũ ãrĩmakũ, Pedro ããrĩpereri ãgũrẽ irogue waadeare ãsũ ãrĩ wereyupu:

<sup>5</sup> —Yu Jopegue ããrĩgũ, Marĩpуре sãrĩripoe kãrõ irirosũ waabu yure. Æmugasigue suñe surĩro irirosũ deyori gasiro wapikuri turori suadea gasiro miẽ, yu puro dijarimakũ ããrã. <sup>6</sup> Yu iri gasiro poekaguere: “¿Ñeeno ããrĩrĩ?” ãrĩ, õãrõ ããrã, ããrĩpererã waimurã: paárã, makãñuu marã, yebague sĩgũwãgãrã, wãrã sãñamakũ ããrã. <sup>7</sup> Yu ãgũsãrẽ ããrĩripoe Marĩpu yure: “Pedro, wãgãnugãka! Ìgũsãrẽ wẽjẽ baaka!” ãrĩmakũ pébu. <sup>8</sup> Yu gapu ãgũrẽ yujubu: “Baabea yu Opu. Gajirã waimurã guã judío masaka baaya marĩrã ããrĩma. Neõ suñarõ ãgũsãnorẽ baañabi ããrĩkubu”, ãrĩbu ãgũrẽ. <sup>9</sup> Yu irasũ ãrĩmakũ, Marĩpu ãmugasigue ããrĩgũ dupaturi ãrĩmi doja: “Yu baadorerãrẽ: ‘Baaya marĩrã ããrĩma’”, ãrĩbirikõaka! ãrĩmi yure. <sup>10</sup> Urea ãgũ irire ãmugadero puru, iri gasirore ããrĩpererã merã ãmugasigue ããrĩrãkõãmi doja. <sup>11</sup> Irasiriripoeta urerã ãma Cesarea marã yure siudorerã iriuanerã yu ããrĩrĩ wiiguere ejama. <sup>12</sup> Õãgũ deyomarĩgũ yure: “ Ìgũsã judío masaka ããrĩmerã merã waabea, ãrĩ gũñabita waaka!” ãrĩmi. Irasirĩgu yu Jope marã Jesúre buremurã su mojõma pere gajĩ mojõ suru pãrẽbejarã merã waa, Cesareague eja, guã ããrĩpererã Cornelioya wiigue ñajãbu. <sup>13</sup> Guã iro ñajãjamakũ, Cornelio guare: “Sugu Marĩpуре wereboegu yaa wii ñajãjamakũ ããrã. Ìgũ yure: ‘Jopegue ãma muyarãrẽ iriuka, Simón Pedro wãikugure siudoregu!’ ãrĩmi”, ãrĩ weremi. <sup>14</sup> “ Ìgũ murẽ Marĩpuyare weremakũ buremugũ, mu, muyarã ããrĩpererã õãrõ tarirãkoa. Æmugasiguere Marĩpu merã õãrõ usuyari bokarãkoa, ãrĩ weremi yure Marĩpуре wereboegu”, ãrĩmi Cornelio. <sup>15</sup> Irasirĩgu yu ãgũsãrẽ werenugãripoe Õãgũ deyomarĩgũ marĩrẽ neõgora ãgũ dijijaderosũta ãgũsãguere dijijami. <sup>16</sup> Irasirĩmakũ ããrã, Jesús ãrĩdeare gũñabokabu. Æsũta ãrĩmi: “Juan musãrẽ deko merã wãiyedi ããrĩmí. Yu gapu musãrẽ Õãgũ deyomarĩgũ merã wãiyegukoa, ãgũ musã merã ããrĩnikõãburo, ãrĩgũ”. <sup>17</sup> Marĩpu marĩrẽ iriuderosũta Õãgũ deyomarĩgũrẽ iriumi, judío

masaka ããrĩmerãdere, marĩ Opũ Jesucristore ïgũsã bũremumakũ. ïgũ irasirimakũ ïãgũ, Marĩpũre: “Irasiribirikõãka ïgũsãrẽ!” ãrĩmasĩbiribũ yũ, ãrĩ wereyupũ Pedro iro ããrĩrãrẽ.

<sup>18</sup> ïgũ wereadero pũrũ, toeperea:

—Marĩpũ judío masaka ããrĩmerãdere ïgũsã ñerõ irideare bujawere, piridoremi, ïgũsãde ãmũgasigue ïgũ merã õãrõ usũyari bokaburo, ãrĩgũ, ãrĩ, usũyari sĩñurã Marĩpũre.

### *Antioquía marã Jesúre bũremudea*

<sup>19</sup> Estebãrẽ wẽjẽadero pũrũ, Jesúre bũremurãrẽ ñerõ iriñurã. Irasirirã surãyeri Feniciague, gajirã Chipre nũgũrõgue, gajirã Antioquíague duriwãgãñurã. ïgũsã iroque ejarã, Jesúya kerere wereñurã judío masaka ditare. <sup>20</sup> Surãyeri Jesúre bũremurã Chipre marã, Cirene marã ããrĩñurã. ïgũsã Antioquíague eja, judío masaka ããrĩmerãrẽ Jesúya kerere wereñurã. “Jesús, marĩrẽ taugũ, ããrĩpererã Opũ ããrĩmi”, ãrĩ wereñurã ïgũsãrẽ. <sup>21</sup> Marĩpũ irasũ ãrĩ wererãrẽ õãrõ iritamuyupũ. Irasirirã ïgũsã weremakũ pérã, iro marã wárã Jesúre bũremunũgãñurã. ïgũsã dupiyuro bũremudeare pirikõãñurã.

<sup>22</sup> “ïgũsãde Jesúre bũremuma”, ãrĩrĩ kerere pérã, Jerusalén marã Jesúre bũremurã Bernabére Antioquíague iriũñurã: “¿Naásũ waáari?” ãrĩ ïãgũ waaka!” ãrĩrã. <sup>23</sup> Irasirigu iroque eja, Marĩpũ ïgũsãrẽ ïgũ iritamuadeare ïã, bũro usũyari merã:

—Marĩ Opũ Jesúre õãrõ bũremunika! ïgũrẽ bũremurĩrẽ neõ piribirikõãka! ãrĩ wereyupũ ïgũsãrẽ. <sup>24</sup> Bernabé Õãgũ deyomarĩgũrẽ opatarigũ, õãgũ, Jesúre õãrõ bũremugũ ããrĩyupũ. Irasirirã ïgũ weremakũ pérã, wárã masaka Jesúre bũremuñurã.

<sup>25</sup> Pũrũ Bernabé Antioquíague ããrãdi Saulore Tarsogue ããrĩgũrẽ ãmagú waayupũ. <sup>26</sup> ïgũrẽ bokaja, ïgũsã pẽrãgueta Antioquíague goedujaja, Jesúre bũremurã merã su bojorigora iri makãguere ããrĩñurã. Iroguere wárã masakare Jesúyare bueñurã. Iripoe merãta iro marãrẽ Jesúre bũremurãrẽ: “Cristoyarã, Cristiano ããrĩma”, ãrĩ wãĩyepũroriñurã.

<sup>27</sup> Bernabé, Saulo merã Antioquíague ããrĩripoe gajirã Jerusalén marã Marĩpũya kerere weredupiyurã iroguere waañurã. <sup>28</sup> Sugũ ïgũsã merã, Agabo wãikũgu ããrĩyupũ. ïgũ iroque eja, Õãgũ deyomarĩgũ masĩrĩ sĩrĩ merã iro marãrẽ:

—Ããrĩpereroguerẽ masaka usũboarãkuma, ãrĩ wereyupũ ïgũsãrẽ. Claudio wãikũgu romano marã opũ ñajãdero pũrũ Agabo ïgũ ãrĩdea waayuro. <sup>29</sup> ïgũ irasũ ãrĩmakũ pérã, Antioquía marã Jesúre bũremurã ãsũ ãrĩñurã:

—Marĩ Judeague ããrĩrãrẽ Jesúre bũremurãrẽ marĩ niyeru oparire, marĩ sĩrõ bokatĩũrõ iriurã! ãrĩñurã. <sup>30</sup> Irasirirã niyeru neõ, Bernabé, Saulo merã: “Jesús buedoregu beyenerãrẽ iritamurãrẽ wiaka!” ãrĩ iriũñurã.

## 12

### *Santiagore wẽjẽdea, Pedrore peresu iridea*

<sup>1</sup> Iripoere Herodes wãikũgu Judea marã opũ, surãyeri Jesúre bũremurã Jerusalẽgue ããrĩrãrẽ ñerõ irinũgãyupũ. <sup>2</sup> Irasirigu ïgũyarã surarare Santiagore Juan tĩgũrẽ sareri majĩ merã wẽjẽdoreyupũ. <sup>3</sup> ïgũrẽ wẽjẽmakũ ïãrã, judío masaka usũyañurã. Herodes ïgũsã usũyamakũ ïãgũ, Pedrore ñeãdore, peresu iriyupũ. Irasiriripoe pã wemasãrĩ morẽña marĩrĩ baari bosenu pascua bosenu ããrĩyuro. <sup>4</sup> ïgũrẽ peresu iriadero pũrũ, wapikũri bu surarare gorawayu koredoreyupũ. Iri burikũ wapikũrã dita ããrĩñurã. “Pascua bosenu pũrũ, ãĩwiugũra masaka ïũrõgue ïgũrẽ wẽjẽdorebu”, ãrĩ gũñadiyupũ Herodes. <sup>5</sup> Irasirirã Pedrore surara õãrõ korenikõãñurã. ïgũ iroque ããrĩripoe Jesúre bũremurã gapũ Marĩpũre bũro sërẽbosanikõãñurã.

### *Marĩpũ Pedrore peresugue ããrĩgũrẽ taudea*

<sup>6</sup> Herodes Pedrore masaka iūrōgue iḡūrē āiwiuburi ñamirē pērā surara watopegue peda kōmeda merā s̄as̄uadi kāriyup̄. Gajirā surara pērā mak̄ap̄uro wiriarore koreñurā. <sup>7</sup> Āārīpererā kāriripoe gūñaña marīrō suḡu Marīp̄ure wereboeḡu Pedro āārīrī taribugue deyoayup̄. Irasiro iri taribu poekague oārō boyosiriakōāyuro. Marīp̄ure wereboeḡu Pedroya dukare tūkare, iḡūrē yobeyup̄.

—Murīgora wāgānugāka! āriyup̄. Iḡū irasū ārīmakūta, Pedroya mojōrīrē iḡūsā kōmedari s̄adea kuradijakōāyuro. <sup>8</sup> Marīp̄ure wereboeḡu iḡūrē:

—Yujutúka! M̄ya gubu surīre s̄aña! āriyup̄.

Iḡū irasū ārīmakū pégu, yujutú, iḡūya gubu surīre s̄añayup̄. Iḡū s̄aña odomakū, āriyup̄ doja:

—Wekamañe surīrore s̄aña! Náka, yu merā! āriyup̄.

<sup>9</sup> Iḡū irasū ārīmakū pégu, Pedro iḡūrē tuyawiriayup̄. “¿Diayeta Marīp̄ure wereboeḡu yure āiwiriagu irikuri? Gajipoe irigu kēgū iribukoa”, āri gūñayup̄. <sup>10</sup> Marīp̄ure wereboeḡu, Pedro merā surara korerā āārīp̄rorirārē tari, p̄ru gajirārē tari, iri wii ñaj̄ap̄roriri kōme mak̄ap̄urogue ejañurā. Iro iḡūsā ejamakū, iri mak̄ap̄uro basi t̄p̄ākōāyuro. Iri mak̄ap̄urore tariwiria, yoaweyaro waa, Marīp̄ure wereboeḡu dederiakōāyup̄. Pedro suḡuta dujayup̄ pama. <sup>11</sup> Marīp̄ure wereboeḡu dederiadero p̄ru, Pedro iḡūrē waadeare oārō pémasī:

—Diayeta Marīp̄u yure wijatadoreḡu, iḡūrē wereboeḡure iriuañumi Herodes yure ñerō iribirikōāburo, āriḡū, gaji āārīpereri judío masaka yure ñerō irid̄arire k̄amutadoreḡu, āri gūñayup̄.

<sup>12</sup> Irire gūñawāgā, Maríaya wiiḡue ejayup̄. Igo, Juan Marcos wāik̄uḡu pago āārīyupo. Iri wiiḡuere masaka wārā nerē, Marīp̄ure s̄ērēbosarā iriñurā iḡūrē. <sup>13</sup> Irogue ejagu, Pedro iri wii t̄ro ñaj̄ari mak̄ap̄urore doteyup̄. Iḡū dotemakū pégo, sugo Rode wāik̄ugo iri wii marārē moāboego: “¿Noā āārīrī?” āri iḡō waayupo. <sup>14</sup> Iḡū werenírīrē pémasī, mak̄ap̄urore t̄p̄ābeota us̄yari merā ūmañaj̄aa, iro nerēanerārē: “Pedro mak̄ap̄uro āārīḡū kárinami”, āri wereyupo. <sup>15</sup> Igo irasū ārīmakū pérā, igore: “M̄u irasū ārīmoāmakōāgō yáa”, āri, igo wererire b̄remubiriñurā.

Igo gap̄u iḡūsārē: “Diayeta ārā yu”, āriyupo.

“Iro merē Pedroya yujup̄rā āārīkoā”, āriñurā.

<sup>16</sup> Pedro gap̄u mak̄ap̄urore doteḡu iriyup̄ dapa. Irasirimakū waa, iri mak̄ap̄urore t̄p̄ā, iḡū iro nímakū iārā, ḡukakōāñurā. <sup>17</sup> Iḡū gap̄u iḡūya mojō merā irikeo, iḡūsārē toodoreyup̄. P̄ru wiiḡue ñaj̄aja, iḡū peresu āārīḡūrē Marīp̄u iḡūrē āiwiriadeare wereyup̄u iḡūsārē:

—Irire wereka, Santiagore, gajirā Jesúre b̄remurārē! āri were odo, gajirogue waakōāyup̄.

<sup>18</sup> P̄ru boyoripoe peresu korerā Pedro marīmakū iārā: “¿Naásū waáyuri?” āri gāme gaguiniñurā iḡūsā basi. <sup>19</sup> Irasiriḡu Herodes iḡūyarā surarare Pedrore āmadoreyup̄. Iḡūsā bokabirimakū iḡū, Pedrore koreadinerārē b̄ro s̄ērēña, iḡūsā yujubirimakū, iḡūsārē wējēdoreyup̄. P̄ru Judeare wiri, Cesareague āārīḡū waayup̄u Herodes.

### *Herodes boadea*

<sup>20</sup> Iripoere Herodes Tiro, Sidón wāik̄ari makārī marā merā b̄ro guayup̄. Iri makārī marā baari, Herodeya nikū marā duadea āārīyuro. Irasirirā, iḡū guamakū iārā: “Ḡuare baari duabiribukumi”, āri, iḡū p̄rogu irire āmurā waañurā. Irogue eja, Herodeya wii koreḡu Blasto wāik̄uḡu: “Iritamuka ḡuare!” āriñurā. Iḡū: “Jáa”, ārīmakū pérā: “Herodere wereníbosaka, iḡū ḡua merā guanemobirikōāburo, āriḡū!” āriñurā iḡūrē. <sup>21</sup> Irasiriḡu Herodes iḡūsā merā werenídarin̄u ejamakū, op̄u s̄añarī surīre s̄aña, masaka iūrō op̄u doarogue doa, iḡūsārē wereníyup̄u. <sup>22</sup> Iḡū irasū werenímakū pérā, masaka gaguiniñurā:



—Ī ðõ werenígũ masakũ ããrĩbemi. Ɛmũgasigue marã Opũ ããrĩmi, ãrĩñurã.

<sup>23</sup> Īgũsã irasũ ãrĩmakũ pégu, Herodes ĩgũsãrẽ: “Masakuta ããrã yũ”, ãrĩbiriyupũ. Irasirigu Marĩpũre bũremubiri waja, mata Marĩpũre wereboegu Herodere pũrĩrikũmakũ iriyupũ. Irasirigu Herodes beka baaweasũ boakõãyupũ. <sup>24</sup> Iri irasũ waadero pũrũ, Jesũre bũremurã Marĩpũya kerere ããrĩpereroguerẽ weregorenañurã. Wãrã masaka ĩrire péñurã. <sup>25</sup> Bernabé, Saulo merã Jerusalégue gajirã Jesũre bũremurãrẽ iritamu odo, Antioquíague gãme dujáañurã. Juan Marcos wãikũgũde ĩgũsã merã waayupũ.

## 13

### *Bernabé, Saulo merã Jesúya kerere buenũgãdea*

<sup>1</sup> Antioquíague Jesũre bũremurã watopegue surãyeri Marĩpũya kerere weredupiyurã, gajirã masakare buerimasã ããrĩñurã. Bernabé ĩgũsã merãmũ ããrĩyupũ. Gajigu Simón wãikũgũ ããrĩyupũ. Īgũrẽta masaka: “Ñígũ” ãrĩ wãiyẽñurã. Gajigu Lucio wãikũgũ Cirenemu ããrĩyupũ. Gajigu Manaén wãikũgũ, Herodes Galilea marã opũ dagũ merã suro merã masãdi ããrĩyupũ. Gajigu Saulo ããrĩyupũ. <sup>2</sup> Sunũ ĩgũsã bere, Marĩpũre sãrẽripoe Ōãgũ deyomarĩgũ ĩgũsãrẽ wereyupũ:

—Bernabé, Saulore beyepĩka! Īgũsã yũre moãboemurã, yũ beyesũnerã ããrĩma, ãrĩyupũ.

<sup>3</sup> Īgũ irasũ ãrĩmakũ pérã, ĩgũsã bere, Marĩpũre sãrẽ odo, ĩgũsãya dipure ñapeo, seretu iriũñurã.

### *Bernabé, Saulo merã Chipre marãrẽ buedea*

<sup>4</sup> Pũrũ Bernabé, Saulo merã Ōãgũ deyomarĩgũ ĩgũsãrẽ iriuderosũta Seleucia wãikũri makãgue waa, irogue eja, doódiru merã Chipre wãikũri nũgũrõgue waañurã. <sup>5</sup> Iri nũgũrõma makã Salamina wãikũri makãrẽ eja, judío masaka nerẽrĩ wiirigue Marĩpũya kerere wereñurã. Juan Marcode ĩgũsãrẽ iritamugorenayupũ. <sup>6</sup> Pũrũ iri nũgũrõrẽ tariwerewãgã, Pafos wãikũri makãgue ejañurã. Irogue ejarã, sugũ judío masakure yé ããrĩgũrẽ bokajañurã. Īgũ Barjesús wãikũgũ ããrĩyupũ. Griego ya merã Elimas wãikũyupũ. Iri makã marãrẽ: “Ɛmũgasigue marã Opũya kerere weredupiyurimasũ ããrã yũ”, ãrĩkatogorenayupũ. <sup>7</sup> Sergio Paulo wãikũgũ merãmũ ããrĩyupũ. Sergio Paulo iri nũgũrõ marã opũ, wãri masĩgũ ããrĩyupũ. Īgũ Marĩpũya kerere péduagũ, Bernabé, Saulore siudoreyupũ. <sup>8</sup> Irasirirã ĩgũsã ĩgũ pũrogue wererã waañurã. Elimas, yé ããrĩgũ gapũ Sergio Paulo Jesũre bũremumakũ gããmebiriyupũ. Irasirigu ĩgũsã wererire kãmutaduadiyupũ. <sup>9</sup> Irasirimakũ, Saulo Ōãgũ deyomarĩgũrẽ opatarigu, ĩgũrẽ bũro ĩayupũ. Saulota, “Pablo” wãikũyupũ. <sup>10</sup> Āsũ ãrĩyupũ:

—Mũ ãrĩkatorikũgũ, ñegũ, ããrĩpereri õãrõ iririre kãmutaduagũ, wãrĩ irirosũ ããrã. Marĩ Opũya diayemarẽ gorawayuduagũ ããrã. <sup>11</sup> Mũ irasiriri waja marĩ Opũ mũrẽ wãjamoãgũkumi. Irasirigu mũ koye ĩãbi dujagũkoa. Marĩ Opũ mũrẽ wãjamoãrõpa abe gosesiririre ĩãbirikoa, ãrĩyupũ Pablo ĩgũrẽ. Īgũ irasũ ãrĩrĩ merãta ĩgũrẽ naĩĩãkõãyuro. Neõ koye ĩãbi dujayupũ. Irasirigu ĩgũrẽ tũãwãgãbure ãmayupũ. <sup>12</sup> Īgũ irasũ waamakũ ĩãgũ, Sergio Paulo marĩ Opũ Jesúya buerire pégũkakõãyupũ. Irasirigu Jesũre bũremuyupũ.

### *Pablo, Bernabé merã Pisidia nikũma makã Antioquia wãikũri makãgue ejadea*

<sup>13</sup> Pũrũ Pablo ĩgũ merãmarã merã Pafogue ããrãnerã wiri taribuja, Perge wãikũri makãgue ejañurã. Iri makã Panfilia wãikũri nikũgue ããrĩyuro. Īgũsã Pergegue eja-makũ, Juan Marcos gapũ ĩgũsãrẽ iro pí, Jerusalégue gãme dujáakõãyupũ doja. <sup>14</sup> Pũrũ Pergegue ããrãnerã gajĩ makã Antioquia wãikũri makãgue waañurã. Iri makã Pisidia wãikũri nikũgue ããrĩyuro. Irogue eja, judío masaka siñajãrĩnũ\* ããrĩmakũ ĩgũsã nerẽrĩ

\* **13:14** Judío masaka siñajãrĩnũ, sábado ããrã.

wiigüe† ñajãa, doañurã. <sup>15</sup> Iri wii marã oparã Moisés gojadeare, Marĩpuya kerere weredupiyunerã gojadeare bueadero puru, Pedrosãrẽ siiu:

—Guayarã, masakare weredarã, wereka, ìgüsãrẽ òãrõ ããrĩrikuburo, ãrĩrã! ãrĩñurã.

<sup>16</sup> Ìgüsã irasũ ãrĩmakũ pégu, Pablo wãgãnugã, ìgũya mojõ merã irikeo, ìgüsãrẽ wereyupu:

—Musã Israel bumarã, gajirã ìgüsã irirosũ Marĩpure buremurã, òõ ããrĩrã, yu wererire òãrõ péka! <sup>17</sup> Marĩpu, gna judío masaka Israel bumarã buremugũ, gna ñeküsãmarãrẽ beyedi ããrĩmi. Irasirigu iripoegue ìgüsã Egiptogue ããrĩrãrẽ wãrã masãporemakũ iridi ããrĩmi. Puru iri nikũgue ããrĩrãrẽ ìgũ turaro merã ãiwiridi ããrĩmi. <sup>18</sup> Ìgüsã Egiptore wiridero puru, cuarenta bojorigora masaka marĩõgue waagorenanerã ããrĩmã. Irogue ìgüsã ìgũ dorerire tarinugãkeremakũ, Marĩpu ìgüsãrẽ òãrõ koredi ããrĩmi. <sup>19</sup> Puru ìgüsã Canaán nikũgue ejamakũ, iri nikũ marãrẽ su mojõma pere gaji mojõ peru pẽrẽbejari buri marãrẽ Marĩpu béosiã, gna ñeküsãmarãrẽ pídi ããrĩmi iro ããrĩdoregu. <sup>20</sup> Marĩpu ìgüsãrẽ iri nikũgue pídero puru, cuatrocientos cincuenta bojorigora ããrĩnerã ããrĩmã. Ìgüsã irogue ããrĩmakũ, Marĩpu ìgüsãrẽ doremurãrẽ pídi ããrĩmi. Ìgüsã Samuel wãikugu Marĩpuya kerere weredupiyudi ìgũ ããrĩnugãriipoegue doretũnunerã ããrĩmã. <sup>21</sup> Gna ñeküsãmarã Samuere: “Sugu gna opu gããmekoa”, ãrĩ sërẽmakũ pégu, Marĩpu ìgüsã opu ããrĩbure Saure pídi ããrĩmi. Saúl, Cis wãikugu magũ, Benjamíya bumu ããrĩdi ããrĩmi. Ìgũ cuarenta bojorigora ìgüsã opu ããrĩdi ããrĩmi. <sup>22</sup> Puru Marĩpu Saure Israel bumarã opu ããrĩrẽrẽ béo, David wãikugure ìgüsã opu ããrĩbure pídi ããrĩmi. Àsũ ãrĩdi ããrĩmi ìgũrẽ: “Davire Isaí magũrẽ bokabu. Buro usuyãa ìgũ merã. ããrĩpereri yu gããmerĩrẽ irigukumi”, ãrĩdi ããrĩmi. <sup>23</sup> “Sugu David parãmi ããrĩturiagu, musãrẽ Israel bumarãrẽ taugu aarigukumi”, ãrĩ weredi ããrĩmi Marĩpu gna ñeküsãmarãrẽ. Irasirigu ìgũ ãrĩderosũta Jesúre iriudi ããrĩmi. <sup>24</sup> Jesús masakare buenugãburi dupiyuro Juan ããrĩpererã Israel bumarãrẽ: “Musã ñerõ irideare bujawere, musã gũñarĩrẽ gorawayuka! Musã irasirimakũ ìgũ, musãrẽ deko merã wãiyegukoa”, ãrĩ buedi ããrĩmi. <sup>25</sup> Ìgũ buetũnuburi dupiyuro ìgüsãrẽ ãrĩdi ããrĩmi: “Musã yure: ‘Guare taugu ããrĩmi’, ãrĩ gũñadáa. ããrĩbea yu. Yu puru gajigu aarigukumi. Yu gapu ubu ããrĩgũ, ìgũrẽ neõ saropebirikoa”, ãrĩdi ããrĩmi.

<sup>26</sup> Yaarã, Abraham parãmerã ããrĩturiarã, gajirã ìgüsã irirosũ Marĩpure buremurã òõ ããrĩrãde òãrõ péka! Marĩpu marĩrẽ: “Taugura”, ãrĩ kere iriudi ããrĩmi. <sup>27</sup> Jerusalén marã, ìgüsã oparãde Jesús marĩrẽ taugure ìãmasĩbirinerã ããrĩmã. Siñajãrĩnuriķu Marĩpuya kerere weredupiyunerã gojadeare buekererã, neõ pémasĩbirinerã ããrĩmã. Pémasĩbirisã, Jesúre wẽjẽdorerã, Marĩpuya werenĩrĩ gojadea pũgue ãrĩderosũta irinerã ããrĩmã. <sup>28</sup> Jesús ìgũ ñerõ irideare bokabirikererã, Pilatore: “Wẽjẽka ìgũrẽ!” ãrĩ sërẽñurã. <sup>29</sup> Irasirirã iripoegue Marĩpuya kerere weredupiyunerã gojadea pũgue ãrĩderosũta Jesúre ããrĩpererire iri odo, ìgũrẽ curusague boadire ãidiju, masãgobe ùtãyegue mádea gobegue pínerã ããrĩmã. <sup>30</sup> Ìgũrẽ wẽjẽkeremakũ, Marĩpu gapu boadiguere masũdi ããrĩmi. <sup>31</sup> Ìgũ masãdero puru, wãrinurĩ deyoadi ããrĩmi ìgũ merãmarãrẽ. Dupiyurogue ìgüsã ìgũ merã Galileague wiri, Jerusalẽgue wapikugorenarã waanerã ããrĩmã. Dapagorare ìsãta ìgũ masãdire ìãnerã, ìgũyare werema guayarãrẽ.

<sup>32-33</sup> Irasirirã yu, yu merãmu Bernabé musãrẽ Jesúya kerere wererã aaribá. Iripoegue Marĩpu ìgũ Jesús merã òãrõ iriburire weredi ããrĩmi gna ñeküsãmarãrẽ. Ìgũ ãrĩderosũta guare ìgüsã parãmerã ããrĩturiarãrẽ irasiridi ããrĩmi Jesúre boadiguere masũgũ. Salmos wãikuri gojadea pũgue àsũ ãrĩ gojasũdero ããrĩbú: “Yu magũ ããrã mu. Dapagã murẽ masãmakũ yãa”, ãrĩdi ããrĩmi Marĩpu. <sup>34</sup> Gaji pũgue Marĩpu àsũ ãrĩdi ããrĩmi, Jesúre boadiguere masũburire, ìgũ dũpu boabiriburire: “Iripoegue yu Davire: ‘Òãrõ irigura’, ãrĩderosũta murẽ irigukoa”, ãrĩdi ããrĩmi. <sup>35</sup> Gaji Salmos pũ David ìgũ gojadea pũgue àsũ

† 13:14 Judío masaka nerẽrĩ wii, sinagoga wãikuri wii ããrã. Irogue ìgüsã siñajãrĩnu ããrĩmakũ nerẽ, Marĩpuya werenĩrĩ gojadea pũrẽ buenama.

ārī gojadi āārīmí: “M̄ dorerire òārō iridiya d̄p̄ure neō boadorebirikoa”, āārī gojadi āārīmí. <sup>36</sup> Diayeta werea. David okaḡ, Marīp̄ gāamederosūta īgū āārīdeapoe marārē iritamuníkōādi āārīmí. Īgū boadero p̄r̄, Īgū ñekūsāmarā darārē yáaderogueta gajirā Īgūrē yáanerā āārīmá. Īgūrē yáadero p̄r̄, Īgūya d̄p̄ boakōāyuro. <sup>37</sup> Jesús Marīp̄ masūdiya d̄p̄ gap̄ neō boabiridero āārībú. <sup>38-39</sup> M̄sā āārīpererā Jesúya kerere ȳ weremakū, òārō péka! Īgū merā marī ñerō irideare kātiri bokarākoa. Īgūrē b̄remurānorē Īgūsā ñerō irideare Marīp̄ kātīgukumi. Moisés doreri iriri merā neō kātiri bokabirikoa. <sup>40</sup> Irasirirā m̄sā dapagora marā òārō pémasīka! M̄sā òārō pémasībirimakū, iripoegue marā Marīp̄ya kerere weredupiyunerā gojaderosūta m̄sādere waarokoa. <sup>41</sup> Āsū āārī gojanerā āārīmá Marīp̄ya werenírī gojadea p̄gue:

Òārō péka, ȳre b̄ridarimasā! M̄sā okarin̄r̄ē m̄sārē gajino b̄ro goerire Īmuḡra. Gajirā m̄sārē irire weremakū pékererā, b̄remubirikoa. Irasirirā m̄sā b̄remubirideia waja béosūrākoa, āārī gojanerā āārīmá,✠

ārī wereyup̄ Pablo Antioquía marārē. <sup>42</sup> Pablosā irire were odo, wiriamakū, judío masaka āārīmerā iri wiigue nerēanerā Īgūsārē:

—Gaji siñajārīn̄ āārīmakū, ḡare irireta werenemoka doja! āārī sērēñurā. <sup>43</sup> Irasirirā iri wii nerēanerā wiriamakū, wárā judío masaka, judío masaka irirosū b̄remurāde Pablosā wererire b̄remusīā, Īgūsārē t̄yañurā. Irasirirā Pablosā Īgūsārē: “Marīp̄ m̄sārē b̄ro maírī merā Īgūrē b̄remur̄rē neō piribirikōāka!” āārīñurā.

<sup>44</sup> Gaji semana siñajārīn̄ āārīmakū, wárā iri makā marā Marīp̄ya kerere pémurā iri wiigue nerēñurā doja. <sup>45</sup> Īgūsā wárā nerēmakū Īārā, judío masaka Pablore b̄ro Īāturiñurā. Irasirirā ñerō werenírī merā Pablo wererire: “Diaye āārībea”, āārīñurā. <sup>46</sup> Īgūsā irasū āārīmakū pérā, Pablo, Bernabé ḡuro marīrō merā Īgūsārē āārīñurā:

—Marīp̄ dorederosūta ḡa m̄sārē judío masakare Īgūya kerere werep̄roriadab̄. M̄sā gap̄ irire neō gāāmebea. Marīp̄ p̄ro perebiri okari opaburidere gāāmebea. Irasirirā ḡa judío masaka āārīmerā gap̄ure iri kerere wererākoa. <sup>47</sup> Āsūta doredi āārīmí Marīp̄ Īgūya werenírī gojadea p̄guere:

M̄sārē judío masaka āārīmerārē yaa kerere weredoreḡ píḡkoa. Irasiriḡ Īgūsārē āārīpererā i nikū marā m̄sā irire weremakū pérānorē tauḡkoa perebiri peamegue waabonerārē, āārīdi āārīmí Marīp̄, āārī wereñurā.✠

<sup>48</sup> Īgūsā irasū āārīmakū pérā, judío masaka āārīmerā b̄ro us̄yari merā: “Marīp̄ya kere gap̄ òārī āārā”, āārīñurā. Irasirirā Marīp̄ beyesūnerā, Īgū p̄roque perebiri okari Īgū s̄sūmurā, Jesúre b̄remuñurā. <sup>49</sup> Irasirirā Marīp̄yare āārīpererogue iri nikū marārē weregoreñañurā. <sup>50</sup> Irasirimakū Īārā, surāyeri judío masaka Pablosārē ñerō wereniñurā. Īgūsā wererire pérā, gajirā wáro niyeru oparā judío masaka iririk̄ire b̄remurā nome Pablosā merā guañurā. Iri makā marā oparāde Īgūsā merā guañurā. Irasirirā Īgūsārē ñerō irin̄gā, Īgūsāya nikūrē béowiukōāñurā. <sup>51</sup> Irasirirā Pablo, Bernabé Īgūsāya gubu surire tuadea nikūwerare mojébéoñurā, iri makā marā Īgūsā ñerī iriri waja Īmurā. Irasiri odo, Iconiogue waakōāñurā. <sup>52</sup> Īgūsā waakeremakū, Jesúre b̄remurā gap̄ iroque āārīrā Ōāgū deyomarīgūrē opatari, b̄ro us̄yari merā dujañurā.

## 14

### *Pablo, Bernabé merā Iconiogue ejadea*

<sup>1</sup> Pablo, Bernabé merā Iconiogue eja, judío masaka nerērī wiigue ñajāa, Jesúya kerere wereñurā. Īgūsā weremakū pérā, judío masaka, gajirā judío masaka āārīmerāde wárā Jesúre b̄remun̄gāñurā. <sup>2</sup> Judío masaka Jesúyare péduamerā gap̄, Jesúre b̄remurārē ñerō wereniñurā. Judío masaka āārīmerārē, Jesúre b̄remurā merā guamakū iriñurā.

✠ 13:41 Hab 1.5 ✠ 13:47 Is 49.6

Irasirirã judío masaka ããrĩmerã Jesúre buremurãrẽ ñerõ gũñañurã. <sup>3</sup> Ìgũsã irasũ gũñamakũ ããrã, Pablosã gapũ yoaripoe irore duja, güiro marĩrõ merã: “Marĩpũ masakare bure maĩrĩ merã ããmi”, ãrĩ bueñurã. Ìgũsã buemakũ, Marĩpũ Ìgũyare: “Diyeta buema”, ãrĩgũ, Ìgũ turaro merã iri Ìmurĩrẽ Ìgũsã irimakũ iritamuyupũ. <sup>4</sup> Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã. <sup>5</sup> Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ùtãyeri merã dea wẽjẽduañurã. <sup>6-7</sup> Ìgũsã irasũ wẽjẽduarire pérã, Pablo, Bernabé merã Licaonia nikũgue duriwãgãñurã. Irogue eja, iro marãrẽ Jesúya kerere buegoreñañurã. Ìgũsã irasũ buegorenarã, iri nikũ ããrĩrĩ makãrĩ Listra, Derbe wãikũri makãrĩgue ejañurã.

*Listrague Pablöre ùtãyeri merã deadea*

<sup>8</sup> Listrague eja, sugũ neõ deyoagũgueta waamasĩbiridire iro doagure bokajañurã. <sup>9</sup> Irasirigũ irogue doagũ, Pablo buemakũ péyupũ. Ìgũ pémakũ, Pablo su diayeta ããyupũ Ìgũrẽ. “Ìĩ Jesúre buremumi. ‘Ìgũ yũre taumasĩmi’, ãrĩ gũñakumi”, ãrĩ gũñayupũ Pablo Ìgũrẽ ããgũ. <sup>10</sup> Irasirigũ turaro merã:

—Wãgãñugãka! ãrĩyupũ Ìgũrẽ.

Ìgũ irasũ ãrĩmakũ pégu, pariwãgãñugã waayupũ. <sup>11</sup> Pablo Ìgũrẽ irasirimakũ ããrã, Licaonia marã Ìgũsã ya merã ãsũ ãrĩ gaguiniñurã:

—Marĩ buremurã ùmarõgue ããrãnerã ùma irirosũ deyorã marĩ pũrogue dijajama, ãrĩ gaguiniñurã.

<sup>12</sup> Irasirirã Bernabére: “Marĩ buremurã opũ Zeus wãikũgũ ããrĩmi”, ãrĩ wãĩyeyñurã. Pablo gapũre Ìgũsãrẽ werepũroridi ããrĩmakũ: “Marĩ buremugũ Hermes wãikũgũ ããrĩmi”, ãrĩ wãĩyeyñurã. <sup>13</sup> Iri makã ñajãrõ tũro Zeure buremurĩ wii ããrĩyuro. Sugũ paĩ iri wiire koregũ wekũare, goori Ìgũ ãmuadeare ããwãgãyupũ. Ìgũ, iro marã merã wekũare wẽjẽ soepeodũadiyupũ Pablosãrẽ buremudũagũ. <sup>14</sup> Ìgũsã irasũ iridũamakũ ããrã, Pablosã Ìgũsãya surĩre yegue, iro ããrĩrã watopegue ùmawãgã, ãsũ ãrĩ gaguiniñurã:

<sup>15</sup> —Mũsã gũare, ¿nasirimurã irasũ yãri? Gũade mũsã irirosũta masaka ããrã. Gũa mũsãrẽ Marĩpũya kerere ãsũ ãrĩ wererã aaribũ. Keori weadeare béokõãka! Marĩpũ okagu gapũre buremuka! Ìgũta ùmũgasi, i nikũ, dia, ããrĩpererã i ùmũgue ããrĩrãrẽ iridi ããrĩmi. <sup>16</sup> Iripoegue ããrĩpereri buri marãrẽ Ìgũsã gããmerõ irimakũ kãmutabiridi ããrĩmi. <sup>17</sup> Masaka Ìgũrẽ buremubirikeremakũ, marĩrẽ õãrõ irigũ, Ìgũ õãrõ ããrĩrikũrere Ìmumi ããrĩpererãrẽ. Irasirigũ deko merẽmakũ yãmi. Marĩ oterire dukakũmakũ yãmi marĩ baaburire sigũ. Irasirigũ usũyari merã ããrĩmakũ yãmi marĩrẽ, ãrĩñurã Pablosã Ìgũsãrẽ.

<sup>18</sup> Ìgũsã irasũ ãrĩmakũ pékererã, Pablosãrẽ buremudũarã, wekũare wẽjẽ soepeodũadiñurã dapa. Pablosã gapũ Ìgũsãrẽ: “Iropata irika! Iririre pirikõãka!” ãrĩmakũ pérã, irire pirikõãñurã pama.

<sup>19</sup> Pũrũ gajirã judío masaka, Antioquía marã, Iconio marãde Listrague ejañurã. Irogue ejarã, Pablöre ñerõ wereniñurã. Ìgũsã irasũ ãrĩmakũ pérã, iro marãde Ìgũ merã gua, Ìgũrẽ ùtãyeri merã deañurã. Dea odo: “Ìĩ kõmoakõãmi”, ãrĩ, iri makã tũrogue tũãwãgã meépibéokõãñurã. <sup>20</sup> Ìgũsã irasirikeremakũ, Jesúre buremurã gapũ Ìgũ pũro nerẽjañurã. Ìgũsã nerẽjamakũ, wãgãñugã, Ìgũsã merã makãgue dujáakõãyupũ doja. Gajinũ gapũ Bernabé merã Derbegue waayupũ.

<sup>21</sup> Irogue eja, Jesúya kerere wereñurã. Ìgũsã weremakũ pérã, wãrã iro marã Jesúre buremuñurã. Irire were odo, Listrague goedujãañurã. Iro eja, Iconiogue waañurã. Pũrũ Pisidiana makã Antioquíague ejañurã. <sup>22</sup> Iri makãrĩgue weregorenarã, Jesúre buremurãrẽ õãrõ ããrĩrikũmakũ iriñurã. “Jesúre buremurĩrẽ neõ piribirikõãka! Marĩpũ Ìgũyarãrẽ doreroguerẽ waadũarã, õõguere wãri poyari merã ããrĩrãkoa”, ãrĩ bueñurã Ìgũsãrẽ.

<sup>23</sup> Pwɔ iri makārīkɔ marārē Jesúre bwemurārē iritamumurārē beyeñurā. Beye odo, bere, āsū ārī sērēñurā Marīpwɔre ĩgūsā bwemugūrē:

—Gua Opɔ, ĩsā mɔyarārē iritamuka! ārīñurā.

*Pablo, Bernabé merā Siria nikūma makā Antioquíague dujáadea*

<sup>24</sup> ĩgūsā Pisidia nikūgue weregorenadero pwɔ, Panfilia nikūgue ejañurā. <sup>25</sup> Iri nikūma makā Pergere Marīpwɔya kerere were odoadero pwɔ, Atalia wāikuri makāgue waañurā. <sup>26</sup> Iri makā āārānerā Antioquíague dujáarā, doódiru merā waañurā. Iripoegue iri makā marā Jesúre bwemurā Pablosārē iriupwɔrorirā, Marīpwɔre ĩgūsāya āārīburire āsū ārī sērēbosanerā āārīmá: “Gɔpwɔ, mɔ maĩrī merā ĩsārē mɔyare buegorenamakū, ōārō koreka!” ārī sērēnerā āārīmá. Irasirirā Pablo, Bernabé merā ĩgūsā buedoreadeare buepeo, iri makārē goeñurā doja. <sup>27</sup> Irasirirā iri makārē goejarā, gajirā Jesúre bwemurā merā nerē, āārīpereri ĩgūsā Marīpwɔ turari merā iriadeare, Marīpwɔ judío masaka āārīmerādere Jesúre bwemumakū iriadeare wereñurā ĩgūsārē. <sup>28</sup> Yoaripoe iroguere Jesúre bwemurā merā āārīñurā.

## 15

*Jerusalégue Jesúre bwemurā nerēdea*

<sup>1</sup> Pablo, Bernabé Antioquíague āārīripoe gajirā Judea nikū marā iroguere eja, Jesúre bwemurārē āsū ārī buenugāñurā.

—Moisés dorederosūta āārīpererā mɔsāya dɔpwɔma gasirogārē wiiribirimakū, Marīpwɔ mɔsārē taubirikumi, ārīñurā. <sup>2</sup> ĩgūsā irire ārīmakū pérā, Pablosā ĩgūsā merā bwɔro gāme guaseoñurā. Irasirirā Antioquía marā Jesúre bwemurā Pablōre, Bernabé, gajirā iro marādere Jerusalégue waamurārē beyeñurā. Āsū ārīñurā: “Jerusalégue waaka! Jesús buedoregɔ beyenerārē, ĩgūsārē iritamurādere: ‘¿Judea marā buerire diayeta āārīrī?’” ārī sērēñarā waaka!” ārī iriñurā.

<sup>3</sup> Irasirirā Jesúre bwemurā ĩgūsārē iriadero pwɔ, Pablo, Bernabé merā Fenicia nikū waa, pwɔ Samaria nikūrē tariwāgā, judío masaka āārīmerā ĩgūsā ñekūsāmarā bwemunadeare piri, Marīpwɔya gapwɔre bwemunugārī kerere wererā iriñurā Jesúre bwemurārē. Irire pérā, āārīpererā bwɔro mɔyayāñurā.

<sup>4</sup> Pablosā Jerusalégue ejamakū ĩārā, Jesúre bwemurā, Jesús buedoregɔ beyenerā, ĩgūsārē iritamurāde ōārō mɔyari merā bokatīrīñurā. Irasirirā Pablo, Bernabé merā āārīpereri ĩgūsā Marīpwɔ turari merā irideare wereñurā. <sup>5</sup> Iroguere surāyeri fariseo bumarā Jesúre bwemurā āārīñurā. Pablosā weremakū pékererā, ĩgūsā gapwɔ wāgānugā, āsū ārīñurā:

—Judío masaka āārīmerā Jesúre bwemurā, ĩgūsāya dɔpwɔma gasirogārē wiiriburo. “Moisés doredeare irika mɔsādel!” ārīrō gāāmea ĩgūsārē, ārīñurā.

<sup>6</sup> ĩgūsā irasū ārīmakū pé, Jesús buedoregɔ beyenerā, gajirā ĩgūsārē iritamurā nerē, irire āmuduarā wereníñurā. <sup>7</sup> ĩgūsā yoaripoe wereníadero pwɔ, Pedro wāgānugā, wereyupu ĩgūsārē:

—Yaarā, ōārō péka ywɔre! Iripoegue, ywɔ mɔsā merā āārīgūrē Marīpwɔ beyedi āārīmí, ywɔre ĩgūya kerere judío masaka āārīmerārē weredoregɔ. Irasirigɔ ĩgū masakare tauri kerere werea, Jesúre bwemuburo, ārīgū. <sup>8</sup> Marīpwɔ āārīpererā gūñarīrē masīgū, judío masaka āārīmerārē Jesúre bwemurārē: “Yaarā āārīma”, ārī ĩmubu, ĩgūsādere Ōāgū deyomarīgūrē iriumi marīrē iriuderosūta. <sup>9</sup> Irasirigɔ marīrē ĩgūsā merā surosū ĩāmi. ĩgūsā Jesúre bwemumakū, ĩgūsādere ĩgūsā gūñarīgue ōārō āārīrikamakū yāmi. <sup>10</sup> Marīpwɔ Moisere doreri pídeare marī ñekūsāmarā bokatīūbirinerā āārīmá. Marīde ĩgūsā irirosū bokatīūbirikererā, ¿nasirimurā Jesúre bwemurārē judío masaka āārīmerārē irire iridorebukuri? ¿Nasirimurā Marīpwɔ judío masaka āārīmerārē ĩgūyarā āārīmakū iririre: “Iro āārībea”, ārī gūñabukuri? <sup>11</sup> Āsū gapwɔ gūñarō gāāmea. Marī Opɔ Jesús marīrē maĩrī merā,

Marĩpu marĩrẽ taumi. Irasirigu marĩrẽ taurosũta judío masaka ããrĩmerãdere taumi, ãrĩyupu Pedro ĩgũsãrẽ.

<sup>12</sup> ĩgũ irasũ ãrĩmakũ pérã, ããrĩpererã toepereakõãñurã. Irasirirã Pablo, Bernabé merã judío masaka ããrĩmerã watopegue Marĩpu turari merã ĩgũsã iri ĩmudeare weremakũ õãrõ péñurã. <sup>13</sup> ĩgũsã irire were odoadero puṛu, Santiagode wereyupu:

—Yaarã, péka yure! <sup>14</sup> Marĩpu judío masaka ããrĩmerãrẽ ĩgũyarã ããrĩnugãmakũ neõ irideare weresiami Simón Pedro musãrẽ. <sup>15</sup> Marĩpuya kerere weredupiyunerã werederosũta waabu judío masaka ããrĩmerãrẽ. Marĩpuya werenĩrĩ gojadea pũgue ãsũ ãrĩ gojanerã ããrĩmã ĩgũ ãrĩdeare gojarã:

<sup>16</sup> Puṛu Daviya bumarã ĩgũsã oparã ããrĩdea pereadero puṛugue dupaturi ĩgũ parãmi ããrĩturiagure ĩgũsã Opu sóogura doja. Irasirigu ĩgũyarãrẽ ĩgũsã õãrõ ããrĩrikumakũ irigũkoa.

<sup>17-18</sup> Irasirirã ããrĩpererã judío masaka ããrĩmerã yu beyenerã, yure ĩgũsã Opure buremurãkuma, ãrĩmi Marĩpu masakare irire masĩdoregu, ãrĩ gojanerã ããrĩmã.\*

<sup>19</sup> Irasirigu ãsũ gũñãa yu. Judío masaka ããrĩmerãrẽ Jesúre buremunugãrãrẽ wári: “Ãsũ irika!” ãrĩ garibobirikõãrõ gããmea marĩrẽ. <sup>20</sup> Irasirirã marĩ ĩgũsãrẽ ãsũ ãrĩ gojarã: “Keori weadea puṛo baari pídeare baabirikõãka! Nome merã ñerõ iribirikõãka! Nomedede ãma merã ñerõ iribirikõãka! Waimurã wánugũ biu wějẽanerãya díkuri díre baabirikõãka! Díre iiribirikõãka!” ãrĩ gojarã! <sup>21</sup> Iripoegueta marĩ nerẽrĩ wiirigue siñajãrĩnũrikũ Marĩpu Moisére doreri pídeare masaka buema. Irasirirã ããrĩpereri makãrĩ marã iri dorerire masĩkuma. Irasirirã yu ãrãdea ditare gojarã! ãrĩyupu Santiago ĩgũsãrẽ.

### *Judío masaka ããrĩmerãrẽ gojadea*

<sup>22</sup> Irasirirã Jesús buedoregu beyenerã, ĩgũsãrẽ iritamurã, gajirã ããrĩpererã Jesúre buremurã merã Santiago ãrãdeare: “Irasũta irirã!” ãrĩ, ĩgũsã merãmarã pẽrãrẽ beyeñurã Antioquíague Pablo, Bernabé merã waamurãrẽ. Irasirirã Judare, Silare beyeñurã. Judata, “Barsabás” wãikũyupu. ĩgũsã Jesúre buremurã watopegue ããrĩrã oparã irirosũ ããrĩrã ããrĩñurã. <sup>23</sup> Puṛu ĩgũsã gojadea pũrẽ ĩgũsã merã iriũñurã. ãsũ ãrĩ gojañurã:

Gua, Jesús buedoregu beyenerã, guare iritamurã, gajirã Jesúre buremurã õõgue ããrĩrã õãdorea musãrẽ.

Ããrĩpererã judío masaka ããrĩmerã Antioquíague, Siriague, Ciliciague ããrĩrãrẽ Jesúre buremurãrẽ õãdorea.

<sup>24</sup> Gajirã gua merãmarã musã puṛogue ejarã, musãrẽ garibogoreñañurã. Musãya dupuma gasirogãrẽ wiiridore: “Ããrĩpereri Moisés doredeare irika!” ãrĩgoreñañurã. Gua gapu ĩgũsãrẽ irire: “Buerã waaka!” ãrĩbiradibu. <sup>25</sup> Irasirirã gua ããrĩpererã nerẽ, gua merãmarã Judas, Silas wãikũrãrẽ beyeabu musã puṛogue iriumurã. ĩgũsã marĩ maĩrã Pablo, Bernabé merã waarãkuma. <sup>26</sup> Masaka Pablosãrẽta Jesucristo marĩ Opuya kerere gũiro marĩrõ merã buemakũ wějẽboyaunanerã ããrĩmã. Mẽrõgã tarinerã ããrĩmã.

<sup>27</sup> Judasã musã puṛogue ejarã, gua gojadeare wererãkuma. <sup>28</sup> Õãgũ deyomarĩgũ guare gũñãrĩ sĩrõsũta: “Gaji dorerire píbirikoa musãrẽ”, ãrĩ gũñãa. Irasirirã i doreri ditare píràkoa: <sup>29</sup> “Keori weadea puṛo baari pídeare baabirikõãka! Díre iiribirikõãka! Waimurã wánugũ biu wějẽanerãya díkuri díre baabirikõãka! Nome merã ñerõ iribirikõãka! Nomedede ãma merã ñerõ iribirikõãka!” I gua dorerire irirã, õãrĩrẽ irirãkoa musã. Iropata ããrã musãrẽ gua wereduarĩ, ãrĩ gojañurã Jesúre buremurã Jerusalẽgue ããrĩrã.

<sup>30</sup> Iri pũrẽ goja odo, Pablosãrẽ: “Õãrõ waaka!” ãrĩ seretuñurã. Puṛu Pablosã Antioquíague waañurã. Irogue eja, Jesúre buremurãrẽ siu neede, iri pũrẽ wiañurã. <sup>31</sup> Iri pũrẽ bue odo, õãrĩ ĩgũsã were gojadeare ããrã, buro usyañurã. <sup>32</sup> Judas, Silas merã Marĩpuya kerere weredupiyurã ããrĩñurã. Irasirirã Jesúre buremurãrẽ Marĩpu ĩgũsãrẽ

\* 15:17-18 Am 9.11-12

weredoredeare wereñurã. Ìgūsã weremakũ pérã, Jesúre b̄remurã gap̄ ʘsuya, òãrõ gũñaturari merã dujañurã. <sup>33</sup> Judas iroguere yoaweyaripoe ããrĩ: “Dujáaḡ yáa”, ãrĩ seretuyup̄ iro marãrẽ. Irasũ ãrĩmakũ pé: “Òãrõ waaka! B̄ro siñajãrĩ merã dujáaka Jerusalẽgue. Òãburo iro marã, m̄sãrẽ iriuanerã”, ãrĩ dujuñurã. Ìgūsã irasũ ãrãdero p̄r̄, Judas, gajirã merã Jerusalẽgue dujáakõãyup̄ doja. <sup>34</sup> Silas gap̄: “Òõgue dujaḡra”, ãrĩ gũñasã, Antioquíague dujakõãyup̄ dapa. <sup>35</sup> Pablo, Bernabé merã yoaweyaripoe iroguere dujañurã. Irasirirã wãrã gajirã merã iro marãrẽ bue, marĩ Op̄ Jesúya kerere weregorenañurã.

### *Dupaturi Pablo Jesúya kerere buegorenagũ waadea*

<sup>36</sup> Mérõgã p̄r̄ Pablo Bernabére wereyup̄:

—Náka, ããrĩpereri makãrĩ marĩ Op̄ Jesúya kerere marĩ buegorenadea makãrĩ marãrẽ: “¿Naásũ ããrĩrikurĩ?” ãrĩ, Ìãgorenarã! ãrĩyup̄.

<sup>37</sup> Ìgũ irasũ ãrĩmakũ péḡ, Bernabé gap̄ Juan Marcove ããd̄adiyup̄. <sup>38</sup> Dupiyurogue Juan Marcos Ìgūsã merã Panfiliague ããrĩgũ, Ìgūsã moãrĩrẽ bokatĩũbiridea waja Pablo dupaturi Ìgũrẽ ããd̄abiriyup̄. Irasiriḡ Bernabé: “Ìgũrẽ ããabirimakũdere òãrokoa”, ãrĩyup̄. <sup>39</sup> Irasirirã Ìgūsã basi irire b̄ro gãme guaseo, dukawariakõãñurã. Irasiriḡ Bernabé gap̄ Juan Marcove ããyup̄, doódiru merã Chipre n̄gũrõgue waagũ. <sup>40</sup> Pablode Silare beyeyup̄ Ìgũ merã waabure. Ìgūsã buerã waaburi dupiyuro Jesúre b̄remurã Ìgũsãrẽ: “Marĩ Op̄ m̄sãrẽ maĩgũ òãrõ koreburo”, ãrĩ s̄rẽbosa, iriũñurã. <sup>41</sup> Irasirirã Siria nikũ, Cilicia nikũdere tariwãgã, Jesúre b̄remurãrẽ Ìgũyare bue, òãrõ gũñaturamakũ iriñurã Ìgũsãrẽ.

## 16

### *Timoteo, Pablo, Silasãrẽ wapik̄wãgãdea*

<sup>1</sup> P̄r̄ Pablo, Silas merã Derbegue, Listrague ejañurã. Iroguere ejarã, Timoteore Jesúre b̄remugũrẽ bokajañurã. Ìgũ pagode Jesúre b̄remugõ, judío masako ããrĩyupo. Paḡ gap̄ griego masakũ ããrĩyup̄. <sup>2</sup> Jesúre b̄remurã Listra marã, Iconio marãde Timoteore: “Òãgũ ããrĩmi”, ãrĩ Ìãñurã. <sup>3</sup> Irasiriḡ Pablo Timoteore Ìgũrẽ wapik̄bure ããd̄ayup̄. Judío masaka iri nikũ marã gap̄ Timoteo paḡ griego masakũ ããrĩrẽ masiñurã. Irasiriḡ Pablo Ìgūsã merã guamakũ irid̄abi, Timoteoya d̄p̄ma gasirogãrẽ wiiriyup̄ judío masaka irinarõsũ iriḡ. <sup>4</sup> P̄r̄ Pablo, Timoteo merã waa, Ìgūsã gojadea pũmarẽ Jesúre b̄remurãrẽ Ìgūsã ejari makãrĩ marãrẽ wereñurã. Iri pũ Jerusalẽgue Jesús buedoreḡ beyenerã, Ìgũsãrẽ iritamurã: “Ãsũ irika!” ãrĩ gojadea pũ ããrĩyuro. <sup>5</sup> Ìgūsã irire weremakũ pérã, Jesúre b̄remurã: “Jã”, ãrĩ, gũñaturari merã Jesúre b̄remunemoñurã. Gajirãde ãm̄rikũ Jesúre b̄remubirinerã, b̄remunemowãgãñurã.

### *Pablo k̄rõgue irirosũ Macedoniãrẽ Ìãdea*

<sup>6-7</sup> P̄r̄ Pablosã Asia nikũgue Jesúya kerere buerã waad̄arãrẽ Òãgũ deyomarĩgũ waadorebiriyup̄. Irasirirã Ìgūsã Frigia nikũrẽ taria, Galacia nikũdere taria, Misia nikũ t̄roguere eja, Bitinia nikũgue waad̄adiñurã. Òãgũ deyomarĩgũ gap̄ iroguedere waadorebiriyup̄. <sup>8</sup> Irasirirã Misia nikũ t̄rore tariwãgã, Troas wãĩkurĩ makãgue buajañurã. <sup>9</sup> Iroguere iri ñamirẽ Pablo k̄rõgue irirosũ suḡ Macedonia nikũm̄ Ìgũ p̄ro nímakũ Ìãyup̄. “Ḡare Macedonia marãrẽ iritamugũ aarika!” ãrĩ siiuyup̄. <sup>10</sup> Pablo k̄rõ irirosũ waadeare ḡare weremakũ pérã: “Marĩp̄ iri nikũ marãrẽ Ìgũya kerere weredoreḡ iriuḡ irikumi marĩrẽ”, ãrĩ gũña, ḡayare ãmu, Macedoniague waakõãb̄. ((Ȳ Lucas i pũrẽ gojabude Ìgūsã merã waab̄.))

### *Pablo, Silas merã Filipogue waadea*

<sup>11</sup> Irasirirã Troague ããrãnerã doódiru merã Samotracia wãikuri nũgũrõgue taribuja, gajinũ gapũ Neápoligue waabũ. <sup>12</sup> Iri makãrẽ taria, Filipino romano marãya makãgue ejabũ. Iri makãta Macedonia nikũma makãrĩrẽ doreri makã ããrĩbũ. Iroguere yoaweyaripoe ããrĩbũ. <sup>13</sup> Judío masaka siñajãrĩnũ ããrĩmakũ, Ìgũsã Marĩpure sãrẽrã nerẽnarõrẽ ãmarã waarã, iri makã tũro, dia wekague waabũ. Iroguere eja, iro nerẽanerã nomerẽ Jesũya kerere were doanĩbũ. <sup>14</sup> Iroguere sugo Tiatira wãikuri makãmo, Lidia wãikũgo õãrĩ suri diari surĩre duarimasõ ããrĩmó. Marĩpure bũremugõ ããrĩmó. Irasirigũ Marĩpũ igore Pablo wererire õãrõ pémasĩrĩ merã pé bũremumakũ irimi. <sup>15</sup> Irasirigũ Pablo igore, igoya wii marã ããrĩpererãrẽ deko merã wãiyemi. Ìgũ wãiyeadero purũ, ãsũ ãrĩmo:

—Mũsã yũre: “Diayeta Jesũre bũremugõ ããrĩmo”, ãrĩ gũñarã, yaa wiigũe dujaka! ãrĩmo guare.

Igo irasũ ãrĩmakũ pérã, igoya wiigũe dujabũ.

<sup>16</sup> Sunũ iro marã Marĩpure sãrẽrã nerẽnarõgue dupaturi waarã, wãtĩ ñajãsũdeore bokajabũ. Igo gajirãrẽ moãboego ããrĩmó. Irasirigo wãtĩ masĩrĩ sĩrĩ merã masakare: “Ãsũ waarokoa mũsãrẽ”, ãrĩboka, wáro niyeru wajatabosamo igo oparãrẽ. <sup>17</sup> Igo gũa noó waaró gũa merã waagó, ãsũ ãrĩ gaguinĩmo:

—Ìgũsã Marĩpũ ããrĩpererãrẽ doregũre moãboerimasã ããrĩma. Marĩpũ marĩrẽ tauri kerere werema mũsãrẽ, ãrĩ gaguinĩmo.

<sup>18</sup> Wárinũrĩ gũare garibomakũ, Pablo gãmenugã, wãtĩ igoguere ããrĩgũrẽ ãsũ ãrĩmi:

—Jesucristo wãĩ merã, Ìgũ turari merã mũrẽ: “Igo irepata wirika!” ãrĩmi.

Ìgũ irasũ ãrĩmakũta, wãtĩ igore wiriakõãmi.

<sup>19</sup> Wãtĩ igore wiriadero purũ, masakare: “Ãsũ waarokoa”, ãrĩ weremasĩbiri, igo oparãrẽ niyeru wajatanemobosabirimo pama. Irasirirã, igo oparã gapũ Pablo, Silare ñeã, iri makã marã oparã purogue ãĩãma. <sup>20</sup> Purũ weresãrĩrẽ beyerimasã purogue Ìgũsãrẽ ãĩja, ãsũ ãrĩma:

—Ìĩsã judío masaka ããrĩma. Marĩya makã marãrẽ gariborã yãma. <sup>21</sup> Ìgũsã marĩrẽ buerã, marĩ romano marã iririkũrere iridorebema. Irasirirã Ìgũsã buerire gããmebea. Ìgũsã doreridere irimasĩbea, ãrĩma.

<sup>22</sup> Ìgũsã irasũ ãrĩmakũ pérã, masaka wãrã iroguere ããrĩrã Pablosã merã guama. Weresãrĩrẽ beyerimasã gapũ Pablosãya surĩre túweadore, yuku merã tãrãdorema. <sup>23</sup> Ìgũsãrẽ bũro tãrã odo, peresu irima. Ìgũsãrẽ korebure õãrõ Ìãduripídorema. <sup>24</sup> Irasirigũ Ìgũsãrẽ koregũ gapũ iri wii dekoma taribugue Ìgũsãrẽ Ìgũsãya guburire taboa majĩrĩma goberigue sũadobo, õãrõ biadobokõãyurũ.

<sup>25</sup> Purũ ñami deko ããrĩmakũ, Pablosã Marĩpure sãrẽ, bayapeoñurã. Ìgũsã irasũ bayamakũ, gajirã peresugue ããrĩrã péñurã. <sup>26</sup> Ìgũsã bayaripoe gũñaña marĩrõ nikũ bũro ñomeyuro. Irasiriro iri wiide bũro gãmeña, suro merã ããrĩpereri iri wiima makãpurori tũpãperekõãyuro. Peresugue ããrĩrãrẽ Ìgũsã kõmedari merã sũadeadaride kurakõãyuro. <sup>27</sup> Irasũ waamakũ, Ìgũsãrẽ koregũ yobe, iri wiima makãpurori toyomakũ Ìãgũ: “Peresu ããrãnerã duriwiriaperekõãñuma”, ãrĩ gũñayurũ. Irasirigũ Ìgũya sareri majĩrẽ ãĩ, Ìgũ basi sareboadũagũ iriadiyurũ. <sup>28</sup> Ìgũ irasirimakũ Ìãgũ, Pablo Ìgũrẽ gaguinĩyurũ:

—Mũ basi ñerõ neõ iribirikõãka! ããrĩperekõãa gũa, ãrĩyurũ.

<sup>29</sup> Ìgũ irasũ ãrĩmakũ pégũ, sĩãgodore, Pablosã purõ ùmawãgã, Ìgũsãya guburi purõ naradari merã ejamejãyurũ. <sup>30</sup> Purũ Ìgũsãrẽ ãĩwũ, ãsũ ãrĩ sãrẽñayurũ:

—¿Nasirigũkuri, yũ Marĩpũ yũre taumakũ gããmegũ? <sup>31</sup> Pablosã yũñũñurã:

—Marĩ Opũ Jesucristore bũremuka! Mũya wii marãde Ìgũrẽ bũremuburo. Mũsã Ìgũrẽ bũremumakũ Ìãgũ, Marĩpũ mũsãrẽ taugũkumi, ãrĩñurã.

<sup>32</sup> Irasũ ãrĩ odo, Ìgũya wii marãdere Jesũya kerere wereñurã. <sup>33</sup> Ñami deko purũ Ìgũsãrẽ koreadi Ìgũsãya kãmire koeypurũ. Ìgũ koe odoadero purũ, Pablosã Ìgũrẽ, Ìgũya wii



marādere deko merā wāīyeñurā. <sup>34</sup> Īgūsārē wāīyeadero p̄r̄u, Pablosārē ĩgūya wiigüe āña, baari ejoyup̄. Īgū, ĩgūya wii marā merā Marīp̄ure b̄remusīā, b̄ro us̄yāñurā.

<sup>35</sup> Boyoripoe oparā surarare iriuñurā, peresu wii koregure Pablosārē wiudorerā. <sup>36</sup> Iri wii koregū irire pégu, Pablosārē ārīyup̄:

—Oparā m̄sārē wiridoreañurā. Irasirirā güiro marīrō us̄yari merā wirika! ārīyup̄.

<sup>37</sup> Īgū irasū ārīmakū pégu, Pablo gap̄u ārīyup̄ surarare:

—Oparā ḡua ñerō irideare bokabirikererā, masaka wárā ĩūrō ḡuare tārādoreama. Īgūsā, ḡua romano marā āārīkeremakū, tārādoreama. P̄r̄u peresu iriama. ¿Dapague ḡuare masaka ĩābero wiuduri? Āārībea. Īgūsā basita wiurā aariburo ḡuare, ārīyup̄ Pablo.

<sup>38</sup> Īgū irasū ārīmakū pérā, surara Pablo ārādeare oparārē wererā waañurā. Pablo, Silas romano marā āārīma, ārīrī kerere pérā, oparā güigorañurā. <sup>39</sup> Irasirirā Pablosā p̄ro ejarā, āsū ārīñurā:

—Kātika, ḡua m̄sārē peresu iriadeare! Irasū ārī odo, ĩgūsārē peresugue āārānerārē wiu: “Ḡuaya makārē wirika!” ārīñurā. <sup>40</sup> Irasirirā Pablosā peresugue āārānerā wiria, Lidiaya wiigüe waañurā. Irogue eja, Jesúre b̄remurā nerēanerārē bokajarā, ōārō güñaturanemomakū iriñurā. P̄r̄u waakōāñurā.

## 17

### *Tesalónica marā Pablo, Silas merā guadea*

<sup>1</sup> Pablo, Silas merā waarā, Anfípolire, Apoloniare taria, Tesalónicague ejañurā. Iri makāguere judío masaka nerērī wii āārīyuro. <sup>2</sup> Irogue eja, Pablo iri wiigüe waayup̄ ĩgū gaji makārīrē irinaderosūta. Ūre semana judío masaka siñajārīñarī āārīmakū, iro marārē Marīp̄yare werenayup̄. <sup>3</sup> Āsū ārī bueyup̄:

—Marīp̄u iriudi, Cristo āārīmi. Marī ñerō iridea waja ñerō taridi āārīmí. Īgū boadero p̄r̄u, Marīp̄u gap̄u ĩgūrē masūdi āārīmí marī ōārō āārīburire. Ī Jesús yu āsū ārī wereḡu, ĩgūta Cristo āārīmi marīrē tauḡu. Āsūta ārī werea, Marīp̄yaya kerere ĩgūsā gojadea p̄guere, ārī wereyup̄.

<sup>4</sup> Īgū irasū ārīmakū pérā, surāyeri judío masaka ĩgū wererire: “Diayeta āārā”, ārī b̄remuñurā. Irasirirā Pablosā merā waañurā. Gajirā wárā griego masaka Marīp̄ure b̄remurīmasā, oparā nomede, Pablo wererire pérā, b̄remuñurā. Irasirirā ĩgūsāde ĩgūsā merā waañurā. <sup>5</sup> Gajirā judío masaka irasirimakū ĩārā, Pablosārē ĩāturi, wárā ñerā moāmerārē siiu needō: “Pablo ĩgū merāmarā merā ñerō iriḡu yámi”, ārī gaguinírā waaka i makā marārē, ārī iriuñurā. Irasū ārī gaguinírā, āārīpererā iri makā marārē Pablosā merā guamakū iriñurā. Irasirirā Jesúre b̄remugū Jasón wāīkuḡuya wiima makāp̄rore turaro merā tūākoro, ñajāa, Pablosārē āmadiñurā masakaguere wiad̄urā. <sup>6</sup> Īgūsārē bokabirisīā, Jasōrē, gajirā Jesúre b̄remurādere ñeā tūāwāgā, iri makā marā oparā p̄roogue āña, irogue eja, gaguiníñurā:

—Pablosā āārīpererogue masakare gariborā iriama. Dapagorare marīya makārē ejasiama. <sup>7</sup> Ī Jasón ĩgūsārē ĩgūya wiigüe ñajādoreami. Īisā āārīpereri marī romano marā op̄u dorerire tarin̄gāma. “Gajiḡu m̄sā Op̄u, Jesús wāīkuḡu āārīmi”, ārī buema masakare, ārī gaguiníñurā oparārē.

<sup>8</sup> Īgūsā irasū ārī gaguinímakū pérā, āārīpererā iri makā marā, ĩgūsā oparāde Pablosā merā guañurā. “¿Naāsū waáari?” ārī gaguinísirikōāñurā. <sup>9</sup> Irasirirā oparā Jasōrē, ĩgū merāmarādere peresu waadoremerā: “Dupaturi Pablosārē iritamubirikōāka!” ārī, niyeru wajaridore, wiukōāñurā.

### *Pablo, Silas merā Bereague ejadea*

<sup>10</sup> P̄r̄u iri ñamita Jesúre b̄remurā Pablosārē Bereague iriukōāñurā. Irogue eja, judío masaka nerērī wiigüe waañurā. <sup>11</sup> Judío masaka Berea marā gap̄u Tesalónica marā

nemorō Jesúya kerere òârō péduañurã. Irasirirã irire: “¿Diayeta ãârĩrĩ?” ãrĩ masĩduarã, ãmurikũ Marĩpũya werenĩrĩ gojadea pũmarẽ bueníkõañurã. <sup>12</sup> Irasirirã wãrã Jesúre bũremuñurã. Gajirã griego masakade, iri makã marã oparã nomede bũremuñurã. <sup>13</sup> Pablo, Berea marãrẽ Marĩpũyare wereri kerere pérã, Tesalónica marã judío masaka ejañurã. Irore eja, Berea marãrẽ kere ãrĩ, Pablosã merã guamakũ iriñurã. <sup>14</sup> Ìgũsã irasirimakũ ìãrã, Jesúre bũremurã Pablore mumurō merã dia wãdiya tũrogue iriuñurã. Ìgũ merãmarã gapũ Silas, Timoteo merã Bereague dujañurã. <sup>15</sup> Pablore ãiwãgãnerã Atenas wãikũri makãgue eja, Ìgũrẽ irogue pí, Bereague gãme dujáakõañurã doja. Irogue dujajarã, Pablo Ìgũ: “Murĩgora Silas, Timoteode òõgue aariburo”, ãrĩ kere iriuadeare wereñurã Ìgũsãrẽ.

### *Pablo Atenague ãârĩdea*

<sup>16</sup> Pablo Atenague Silas, Timoteore yũgũ, iri makã marã keori weadeare wãri opamakũ ìãgũ, bũro bũjawereyupũ. <sup>17</sup> Irasirigũ judío masaka nerẽrĩ wiigue Ìgũsã merã werenígũ waayupũ. Iroguere gajirã judío masaka ãârĩmerã Marĩpũre bũremurã ãârĩñurã. Ìgũsã merãdere wereníyupũ. Ëmurikũ iri makã marã Ìgũ bokajarã merã wereníyupũ. <sup>18</sup> Gajirã ãmade Epicúreos wãikũri bumarãyare buerimasã, gajirã Estoicos wãikũri bumarãyare buerimasã Pablo merã wereníñurã. Ìgũ weremakũ pérã, ãsũ ãrĩ gãme sãrẽñañurã:

—¿Naásũ ãrĩ weredũagũ yãri, ñi iropa werenígũ? ãrĩñurã.

Pablo Jesúyare, Ìgũ masã mũrĩadeare weremakũ pérã, gajirã ãsũ ãrĩñurã:

—Gajiro marã Ìgũsã bũremurãyare weregũ irikumĩ, ãrĩñurã. <sup>19</sup> Irasirirã Ìgũsã nerẽrõ Areópago wãikũrogue Pablore ãrĩñurã. Irogue ãija, Ìgũrẽ ãrĩñurã:

—Gũa maama bueri mũ wererire masĩduakoa. <sup>20</sup> Mũ bueri gajirosũ ããrã. Irasirirã gũa: “¿Naásũ ãrĩduaro yãri iri?” ãrĩ masĩduakoa, ãrĩñurã Pablore.

<sup>21</sup> ãârĩpererã Atenas marã, gajiro marã iri makã ejanerãde maama bueri ditare wereníduañurã.

<sup>22</sup> Irasirigũ Pablo Areópagogue Ìgũrẽ ãijadero pũrũ, wãgãnũgã, ãsũ ãrĩ wereyupũ Ìgũsãrẽ:

—Keori weadeare mũsã ãârĩpererã òârō bũremua. Irire masĩa yũ. <sup>23</sup> I makã mũsãya makãrẽ naagorenagũ, mũsã bũremurõrẽ ìãbũ. Sugũ mũsã bũremugũrẽ sĩdea soepeorogue gojatúdeadeare ìãbũ. “Ëmũgasigue marã Opũ marĩ masĩña marĩgũrẽ bũremurõ ããrã”, ãrĩ gojatúdeadeare ìãbũ. Mũsã Ìgũrẽ masĩbirikeremakũ, Ìgũrẽta werea yũ mũsãrẽ, ãrĩyupũ Pablo. Irasũ ãrĩ odo, ãrĩnemoyupũ doja:

<sup>24</sup> —Marĩpũ i ãmurẽ ãârĩpereri iridi ãârĩmĩ. Ëmũgasi, i nikũ Opũ ãârĩmĩ. Masaka iridea wiirire ãârĩbemi. <sup>25</sup> Marĩ iritamurĩrẽ gããmebemi. Ìgũ gapũ marĩrẽ iritamumi. Marĩ ãârĩrikũrere, ãârĩpereri gajinodere sĩmi. Okari opamakũ yãmi. Yũjuãĩmakũ yãmi marĩrẽ.

<sup>26</sup> Marĩpũ sugũ ãmũũ merãta ãârĩpereri buri marã ãârĩmakũ iridi ãârĩmĩ, Ìgũsãrẽ i nikũ ãârĩpererogue ãârĩburo, ãrĩgũ. “Òõpa yoaripoe okarãkuma Ìgũsã ãârĩrõguere”, ãrĩ pídi ãârĩmĩ. <sup>27</sup> Marĩpũ: “Yũre ãmarã bokaburo”, ãrĩgũ, irasiridi ãârĩmĩ. Ìgũrẽ marĩ bokaburo, ãrĩgũ, yoarogue ãârĩbemi. Marĩ merãta ãârĩmĩ. <sup>28</sup> Marĩpũ marĩrẽ ãârĩmakũ yãmi. Ìgũ marĩmakũ marĩbukuyo. Marĩ okari, marĩ irimasĩrĩ, marĩ ãârĩrikũrere sĩgũ ãârĩmĩ. Mũsã bayarire gojarimasãde ãsũ ãrĩ gojanerã ãârĩmã: “Marĩde ãmũgasigue marã Opũ pũrã ããrã”, ãrĩ gojanerã ãârĩmã. <sup>29</sup> Irasirirã marĩ Ìgũ pũrã ãârĩrã, keori masaka weadeare Ìgũsã gũñarõ merã irideare: “Marĩpũ irirosũ ãârĩmĩ”, ãrĩ gũñabirikõãrã! Marĩpũ, masaka oro, plata, ãtãyeri merã keori weadea irirosũ ãârĩbemi. <sup>30</sup> Marĩpũ iripoegue marã Ìgũrẽ masĩmerã Ìgũrẽ bũremubirimakũ irasũ ìãkõãdi ãârĩmĩ. Irasirigũ, dapaguere pama marĩrẽ ãârĩpererã i nikũgue ãârĩrãrẽ: “Mũsã ñerõ irideare bũjawereka! Mũsã gũñarĩrẽ gorawayuka!” ãrĩmĩ. <sup>31</sup> Pũrũ Marĩpũ ãârĩpererã ñerãrẽ wajamoãrĩnũ ejamakũ, Ìgũ beyedi Jesús merã ãârĩpererã i nikũgue ãârĩrãrẽ diayeta irigũkumi òãrãrẽ beye, ñerã gapũre béobu. Jesús boadero pũrũ, Marĩpũ Ìgũrẽ masũgũ, Ìgũ beyedi ãârĩrĩrẽ ìmudi ãârĩmĩ ãârĩpererãrẽ, ãrĩ wereyupũ Pablo Atenas marãrẽ.

<sup>32</sup> Īgū Jesús boadigue masãdeare weremakū pérã, gajirã ĩgūrē ubu burikōãñurã. Gajirã gapu:

—Dupaturi ire mu weremakū peduakoa doja, arĩñurã.

<sup>33</sup> Pablo ĩgūsārē piri waakōãyupu. <sup>34</sup> Gajirã, ĩgū wererire penemoduarã ĩgū merã waañurã. Irasirirã Jesúre buremunugãñurã. ĩgūsã merã sugu Dionisio wãikugu Areópague oparã merã nerērĩmasū ããrĩyupu. Gajigo Dámaris wãikugode gajirã merã Jesúre buremunugãyupo.

## 18

### *Pablo Corintogue ejadea*

<sup>1</sup> Pumu Pablo Atenague ããrãdi waa, Corinto wãikuri makãgue ejayupu. <sup>2</sup> Irogue judío masaku Aquila wãikugure Ponto nikūmurē bokajayupu. Aquila, ĩgū marãpo Priscila merã Italia nikūgue ããrĩnerã ããrãdima. ĩgūsã irogue ããrĩripoe romano marã opu Claudio wãikugu ããrĩpererã judío masakare Romarē wiridoremakū, Aquila ĩgū marãpo merã Corintogue ejanerã ããrĩmã. ĩgūsã irogue ããrĩmakū, Pablo ĩgūsārē ĩãgū waayupu. <sup>3</sup> ĩgūde ĩgūsã moãrikurĩnorēta moãgū ããrĩyupu. Irasirigu dujakōãyupu ĩgūsã merã moãbu. ĩgūsã surí gasiri merã wiiri irirã ããrĩñurã. <sup>4</sup> Pablo, judío masaka siñajãrĩñuriku ĩgūsã nerērĩ wiiguge waa, judío masakare, judío masaka ããrĩmerãdere Jesúya kerere werenayupu, ĩgūsã iri kerere: “Diayeta ããrã”, arĩ gũñaburo, arĩgū.

<sup>5</sup> Timoteo, Silas merã Macedoniague ããrãnerã Pablo purogue ĩgūsã ejadero pumu, Pablo surí gasiri merã wiiri moãrĩrē piri, umuriku judío masakare Jesúya kerere diaye arĩrĩ merã bueyupu:

—Jesús ããrĩmi marĩ yoaripoe yúdi. ĩgūta Marĩpu iriudi, Cristo ããrĩmi, arĩyupu.

<sup>6</sup> ĩgū irasū arĩ buekeremakū, judío masaka gapu ĩgūrē peduabiriñurã. Irasirigu ĩgūsã ñerō werenĩrĩ merã ĩgūrē werewamamakū pégu, Pablo ĩgūsārē: “Buenemobirikoa”, arĩ ĩmugū ĩgūya surire iroma nikū tuadeare pásiri, ãsū arĩyupu:

—Marĩpu dorederosũta musãrē bueabu. Musã gapu yare peduabea. Irasirirã musã peduabiri waja perebiri peamegue waarãkoa. Irasirigu yu musãrē bueadeare pirigukoa. Dapagorare judío masaka ããrĩmerãrē buegu waagura, arĩyupu.

<sup>7</sup> Irasū arĩ, iri wiiguge ããrãdi wiria, Ticio Justo wãikuya wiiguge waayupu. ĩgūya wii judío masaka nerērĩ wii taro ããrĩyuro. ĩgū Marĩpore buremugū ããrĩyupu. <sup>8</sup> Nerērĩ wii opu Crispo wãikugu, ããrĩpererã ĩgūya wii marãde Jesúre buremuñurã. Gajirã Corinto marãde wárã Jesúya kerere pérã, ĩgūrē buremunugãñurã. Irasirirã deko merã wãĩyesũñurã, ĩgūsã Jesúre buremurĩrē ĩmurã. <sup>9</sup> Su ñami Pablöre kërõgue irirosū marĩ Opu ĩgūrē ãsū arĩ werenyupu:

—Gũbirikõãka! Neõ piriro marĩrõ yaa kerere buenikõãka i makã marãrē! <sup>10</sup> Yu, mu merã ããrã. Irasirirã masaka murē ñerō irimasibema. I makãrē wárã yaarã ããrĩma, arĩyupu.

<sup>11</sup> Irasirigu Pablo iro marã merã su bojori gaji bojori deko ããrĩyupu Marĩpuya kerere buegu.

<sup>12</sup> Iripore romanomu Galión wãikugu Acaya nikū marã opu ããrĩripoe judío masaka suro merã nerē, Pablöre ñeã, Galión purogue ãĩja, <sup>13</sup> ãsū arĩñurã:

—Ĩ masakare: “Ãsū gapu irika, Marĩpore buremurã!” arĩ buegu, i nikūma doreri gapure béodoremi, arĩñurã Galiõrē.

<sup>14</sup> ĩgūsã irasū arĩmakū, Pablo ĩgūsārē werebu iriripoeta Galión gapu judío masakare arĩyupu:

—Ĩgū ñerō iriadero pumu tamerãrē yu péboakuyo musã judío masaka weresãrĩrē. <sup>15</sup> Musã dorerire tarinugãmakū, musã basi amuka! Ire masibea yu. Irasirigu irire: “Irasũta irika!” arĩmasibirikoa, arĩyupu.

<sup>16</sup> Irasũ ãrĩgũta ãgũyarã surarare Pablore weresãrãrẽ béowiudoreyupũ. <sup>17</sup> Irasirimakũ ãrã, ããrĩpererã iri wii ããrĩrã Sóstenẽrẽ judío masaka nerẽrĩ wii opũre ñeã, Galión ãũrõ páñurã. ãgũsã pámakũ ããgũ, Galión gapũ: “ãgũsã gããmerõ iriburo”, ãrĩ ããkõãyupũ.

### *Pablo Antioquíague goedujáa, dupaturi buegorenadea*

<sup>18</sup> Pablo Corintogue yoaripoe ããrĩyupũ dapa. Pũrũ Jesúre bũremurãrẽ: “Waagú yáa”, ãrĩ odo, doódiru merã Priscila, Aquila merã Siriama makãgue waakõãñurã. ãgũ doódiru merã waaburi dupiyuro Cencreague ããrĩgũ, Marĩpũre: “ãsũ irigũra mũrẽ bũremugũ”, ãrĩderosũta ãgũya poarire wũuapeokõãdoreyupũ. <sup>19</sup> Pũrũ ãgũsã merã waa, Efeso wãĩkũri makãgue eja, Priscila, Aquilare pikõã, judío masaka nerẽrĩ wiigũe waayupũ. Iri wiigũe eja, judío masaka iro nerẽanerã merã Marĩpũyare wereyupũ. <sup>20</sup> ãgũ irasũ weremakũ pérã, ãgũrẽ: “Yoaripoe dujaka gũa merã!” ãrãdiñurã. ãgũ gapũ: “Dujabea mũsã merã”, <sup>21</sup> ãrĩgũta ãgũsãrẽ seretuyupũ:

—Jerusalẽgue bosenu ããgũ waagú yáa. Marĩpũ gããmemakũ dupaturi ããgũ dujaribukoa mũsãrẽ, ãrĩyupũ.

Irasũ ãrĩ odo, Efesogue ããrãdi doódiru merã waakõãyupũ. <sup>22</sup> Irasirigũ Cesareare tariwãgã, Jerusalẽgue eja, iro marã Jesúre bũremurãrẽ õãdoregũ ejayupũ. Pũrũ Antioquíague waayupũ doja. <sup>23</sup> Irore yoaweyaripoe ããrĩ, pũrũ Galaciama makãrĩgue Frigiama makãrĩrẽ dupaturi eja, iri makãrĩ marãrẽ Jesúre bũremurãrẽ bue, ãgũsãrẽ õãrõ usũyari merã ããrĩrikũmakũ iriyupũ.

### *Apolos Efesogue buedea*

<sup>24</sup> Iripoere judío masakũ Apolos wãĩkũgũ, Alejandría wãĩkũri makãmũ Efesogue ejayupũ. ãgũ õãrõ weregũ, Marĩpũya werenĩrĩ gojadeare masĩgũ ããrĩyupũ. <sup>25</sup> Gajirã ãgũrẽ marĩ Opũ Jesúya kerere weresianerã ããrĩmã. Irasirigũ usũyari merã Jesús irideare diaye ãrĩrĩ merã wereyupũ. Irasirikeregũ, Juan masakare deko merã wãĩyedeã ditare masĩyupũ. <sup>26</sup> Güiro marĩrõ judío masaka nerẽrĩ wiigũe ããrĩrãrẽ buenũgãyupũ. ãgũ buerire péanerã Priscila, Aquila ãgũsãya wiigũe ãgũrẽ ãã, irogoe õãrõ diaye ãrĩrĩ merã wereñurã ãgũ Marĩpũyare masĩbirire. <sup>27</sup> Pũrũ Apolos Acayague waadũamakũ, Jesúre bũremurã ãgũrẽ su pũ gojabosañurã. Irasirirã Jesúre bũremurãrẽ Acayague ããrĩrãrẽ: “Apolore õãrõ bokatĩrĩñeãka!” ãrĩrĩ pũrẽ ãgũ merã iriũñurã. Irasirigũ Apolos irogoe ejamakũ, Marĩpũ ãgũsãrẽ maĩgũ, ãgũ merã õãrõ iritamuyupũ. <sup>28</sup> Irasirigũ Apolos ããrĩpererã ãũrõ judío masakare õãrõ turari merã:

—Marĩpũ iriudi, mũsã yoaripoe yúdi, Cristo ããrĩmi. ãgũta Jesús ããrĩmi, ãrĩyupũ. Irasirirã Marĩpũya werenĩrĩ gojadea pũrẽ keoro weremakũ pérã, judío masaka: “Diaye ããrĩbea”, ãrĩmasĩbiriñurã.

## 19

### *Pablo Efesogue buedea*

<sup>1</sup> Apolos Corintogue ããrĩripoe Pablo gapũ ãtãyuku watopegue taria, Efesogue eja, wárã Jesúre bũremurãrẽ bokajayupũ. <sup>2</sup> Bokaja, ãgũsãrẽ sãrẽñayupũ:

—¿Mũsã Jesúre bũremurã, Õãgũ deyomarĩgũrẽ bokatĩrĩñeãrĩ? ãrĩyupũ.

ãgũrẽ yũjuñurã:

—“Õãgũ deyomarĩgũ ããrĩmi”, ãrĩmakũ, neõ pébiribũ gũa.

<sup>3</sup> Pablo ãgũsãrẽ sãrẽñayupũ doja:

—¿Noãya buerire pédero pũrũ, deko merã wãĩyeri mũsãrẽ? ãrĩyupũ. ãgũsã gapũ yũjuñurã:

—Juãya buerire gũa pédero pũrũ, gũare wãĩyema, ãrĩñurã.

<sup>4</sup> Pablo ãsũ ãrĩyupũ doja:

—Juan masakare ìgùsà ñerĩ irideare bujawere, gũñarĩrẽ gorawayurãrẽ wãiyedi ããrĩmĩ. Irasũ wãiyekeregũ: “Yũ pũrũ aaribure bũremuka!” ãrĩ buedi ããrĩmĩ. Irasũ ãrĩgũ: “Jesũre Marĩpũ iriudire bũremuka mũsã!” ãrĩgũ iridi ããrĩmĩ, ãrĩyupũ Pablo.

<sup>5</sup> Ìgũ irasũ ãrĩmakũ pérã, marĩ Opũ Jesús wãĩ merã wãiyesũñurã ìgũrẽ bũremurĩrẽ ìmurã. <sup>6</sup> Pũrũ Pablo ìgùsãya dipu weka ìgũya mojõrĩ merã ñapeomakũ, Òãgũ deyomarĩgũ dijjayupũ ìgùsãrẽ. Ìgũ dijjamakũ, gaji masã ya werenĩrĩ merã ìgùsã werenĩmasĩbirideare werenĩñurã. Marĩpũ ìgùsãrẽ weredorerire wereñurã. <sup>7</sup> Ìgùsã ããrĩpererã pe mojõma pere su gubu peru pẽrẽbejarãgora ããrĩñurã.

<sup>8</sup> Pablo iri makãguere urerã abe ããrĩgũ, judío masaka nerẽrĩ wiigue ñajãa, gũiro marĩrõ Marĩpũ marĩ Opũ ããrĩrĩ kerere masakare werenayupũ. Irire gũñaturari merã weremakũ pérã: “I diayeta ããrã”, ãrĩñurã. <sup>9</sup> Gajirã gapũ Marĩpũyare pẽdũamerã, ìgũ wererire bũremubiriñurã. Irasirirã masaka pẽurogue marĩ Opũya bueri: “Ñegorãa”, ãrĩ wereñurã. Ìgùsã irasũ ãrĩmakũ pẽgũ, Pablo gapũ Jesús bũremurãrẽ siiu wiria, Tiranno wãikũgũya bueri wiigue waayupũ. Iroguere ãmũrikũ masakare buenayupũ. <sup>10</sup> Pe bojorigora bueyupũ ìgùsãrẽ iri wiiguere. Ìgũ irasũ buemakũ, ããrĩpererã Asia nikũ marã judío masaka, judío masaka ããrĩmerãde marĩ Opũyare pẽpereakõãñurã.

<sup>11</sup> Pablo iri makãgue ããrĩmakũ, Marĩpũ ìgũ turari merã ìgũrẽ wãri iri ìmurĩrẽ irimãkũ iriyupũ. <sup>12</sup> Irasirimãkũ ìãrã, masaka surĩ gasiri, Pabloya dũpũ pẽrẽadea gasirire pũrĩrikũrã pũro ãĩãnañurã. Ìgùsã ãĩãmakũ, pũrĩrikũrã iri gasirire moãña, tarinañurã. Wãtẽa ñajãũnerãde irire moãña, wirisũnañurã.

<sup>13-14</sup> Iripoere gajirã judío masaka wãtẽãrẽ béowiugorenarã iriñurã. Ìgùsã Esceva wãikũgũ pũrã su mojõma pere gaji mojõ peru pẽrẽbejarãgora ããrĩñurã. Esceva paía opũ ããrĩyupũ. Ìgũ pũrã Pablo irirosũta marĩ Opũ Jesús wãĩ merã wãtẽãrẽ béowiudũarã, ãsũ ãrĩñurã:

—Jesũs, Pablo weredi wãĩ merã dorea mũsãrẽ. Wirika mũsã ñajãdire! ãrĩ béowiuadiñurã.

<sup>15</sup> Ìgùsã irasũ ãrĩkeremakũ, wãtĩ masakãguere ñajãdi ãsũ ãrĩyupũ:

—Jesũre, Pablora masĩa. Mũsã gapũre masĩbea. ¿Niĩsãno ããrĩrĩ mũsã? ãrĩyupũ.

<sup>16</sup> Ìgũ irasũ ãrĩmakũta, wãtĩ ñajãũdi gapũ pari meẽbeja, bũro turaro merã ìgùsã ããrĩpererãrẽ ñeã, tarinũgãyupũ. Ìgùsãrẽ pá, kãmitú, ìgùsãya surĩre yeguepeokõãyupũ. Irasirirã surĩ marĩrã, kãmikũrãgue ãmawiriañurã. <sup>17</sup> Ìgùsã irasũ waadea kerere pérã, ããrĩpererã Efeso marã, judío masaka, judío masaka ããrĩmerãde pẽgũka, bũro gũĩñurã. Irasirirã marĩ Opũ Jesús wãĩrẽ õãrõ goepeyari merã bũremuñurã pama.

<sup>18</sup> Irasirirã wãrã dupiyuro Jesús bũremunũgãnerã gapũ ìgùsã ñerõ irideare masaka pẽurogue weretarirã ejañurã. <sup>19</sup> Ìgùsã merã wãrã yea ããrĩrã ããrĩñurã. Irasirirã ìgùsã bayirima gojadea papera turirire iroguẽ ãĩa, masaka ìũrõ irire soebéokõãñurã. ããrĩpereri iri wajakũdeare ìgùsã keoñamakũ, cincuenta mil niyeru koeri wajakũadiyuro. <sup>20</sup> Ìgùsã irasirimãkũ ìãdero pũrũ, ãmũrikũ wãrã masaka Marĩpũya kerere pérã, ìgũ turari merã Jesús bũremunũgãñurã.

<sup>21</sup> Irasũ waadero pũrũ, Pablo ãsũ ãrĩ gũñayupũ: “Macedonia nikũ waapũrori, iri nikũrẽ taria, Acaya nikũdere taria, Jerusalẽgue waagũra. Iro merãta Romarẽ ìãgũ waagũra”, ãrĩ gũñayupũ. <sup>22</sup> Irasirigũ ìgũ waaburi dupiyuro pẽrã ìgũrẽ iritamurãrẽ Erasto, Timoteore iriyupũ Macedoniague. Pablo gapũ sugũta dujayupũ dapa Asiaguere.

### *Efeso marã Pablo merã gua, gaguinĩdea*

<sup>23</sup> Pablo Efesogue ããrĩripoe gajirã iro marã bũro werenĩrĩ merã ìgũrẽ ìãturiñurã, masaka wãrã Jesús bũremumãkũ ìãrã. <sup>24</sup> Sugũ plata wãikũri kõme merã moãrĩmasũ Demetrio wãikũgũ Pablora ìãturiwãgũyupũ. Ìgũ plata merã iro marã bũremugõ Artemisa wãikũgũ bũremurĩ keori wiirigãrẽ weanayupũ. Ìgũ, gajirã moãrã merã ìgùsã weadeare

masakare duarã, wáro wajatanañurã. <sup>25</sup> Irasirigũ Demetrio ãgũ merã moãrãrẽ, gajirã ãgũ irirosũ plata moãrãrẽ siiu neeõ, ãsũ ãrĩyupũ:

—Yũ merãmarã, õãrõ péka! Irire masĩa musã. Marĩ weadeare duari merã wáro wajata, õãrõ ããrĩkõãa. <sup>26</sup> Pablo buedeade masĩa. Æsũ ãrĩ buegorenami: “Masaka buremurã keori weadea, turari oparã irirosũ ããrĩbea. Æmũgasigue marã Opũ irirosũ neõ ããrĩbea, keori weadea ããrã”, ãrĩ buemi. Irire pérã, wãrã masaka õõ marã, ããrĩperero Asia marãde ãgũ buedeare: “Diayeta ããrã”, ãrĩ gũñama. <sup>27</sup> I marĩrẽ bure goea. Marĩya moãrĩ wajamarĩãkõãburo yãa. Marĩ buremugõ Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã buremuadima igore. Masaka Pablo wererire buremurã sõõ gapũ merã igore buremunemobirikuma pama, ãrĩyupũ Demetrio ãgũsãrẽ.

<sup>28</sup> ãgũ irasũ ãrĩmakũ pérã, bure guari merã:

—Artemisa, Efeso marã buremugõ turago ããrĩmo, ãrĩ gaguinĩpũrorĩñurã.

<sup>29</sup> ãgũsã gaguinĩmakũ, gajirã wãrã Efeso marã: “¿Naásũ waari?” ãrĩ pémasĩbirikererã, ãgũsãde gaguinĩpereakõãñurã. Irasũ gaguinĩrãta Gayore, Aristarcore ñeã, iri makã marã nerẽrõgue ãgũsãrẽ tũãwãgãñurã. Gayo, Aristarco Macedonia marã, Pablore wapikũwãgãnerã ããrĩñurã. <sup>30</sup> ãgũsãrẽ ñeãmakũ ããgũ, Pablo gapũ masaka wãrã watopegue ãgũsãrẽ werẽgũ waadũadiyupũ. Jesúre buremurã gapũ waadobirĩñurã. <sup>31</sup> Gajirã iri nikũ marã oparãde, Pablo merãmarã ãgũrẽ: “Gũa murẽ dorea: ‘ãgũsã nerẽrõgue waabirikõãka!’ ” ãrĩ kere iriũñurã.

<sup>32</sup> Irogue nerẽanerã bure gaguinĩrã iriñurã dapa. “¿Nasirirã marĩ õõgue nerẽrĩ?” ãrĩmasĩmerã ãgũsã gããmerõ gaguinĩmirẽkõãñurã. <sup>33</sup> Irasirirã judío masaka ãgũsãyagure Alejandro wãikũgure gaguinĩrã iũrõgue túmeénũñurã ãgũsãrẽ weredorerã. Irasirigũ ãgũ gapũ ãgũya mojõ merã irikeo: “Iropata gaguinĩka, toeaka!” ãrĩdũadiyupũ. “Gũa judío masaka ñerõ iribeã”, ãrĩ weredũadiyupũ. <sup>34</sup> ãgũ judío masakũ ããrĩrĩrẽ ããmasĩrã, ããrĩpererã suro merã pe hora gaguinĩñurã:

—Artemisa, Efeso marã buremugõ turago ããrĩmo, ãrĩ gaguinĩñurã.

<sup>35</sup> ãgũsã bure gaguinĩmakũ ããgũ, sugũ iri makã marã oparãrẽ iritamugũ masakare toedore, ãsũ ãrĩyupũ:

—Musã, Efeso marã õãrõ péka! Artemisa, marĩ buremugõ turago ããrĩmo. Iгоре buremurĩ wiire, igo keori ãmũgasigue dijarideadere korerã ããrã marĩ. Irire ããrĩperero marã õãrõ masĩa. <sup>36</sup> “I diaye ããrĩbeã”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka musãde! Noó gããmerõ pémasĩrĩ marĩrõ gajinorẽ iribirikõãka! <sup>37</sup> ãsã musã ñeãnerã marĩ buremurĩ wiirimarẽ neõ yajabirama. Marĩ buremugõrẽ ñerõ neõ ãrĩ werenĩbirama. ãgũsã ñerõ iribirikeremakũ, ãgũsãrẽ ñeã, õõgue ãrĩriayo. <sup>38</sup> Demetrio, ãgũ merã moãrã ãgũsãrẽ weresãduarã, weresãrĩrẽ beyerimasã pũrogue waaburo. Irogue i nikũ marã oparã iũrõgue ãgũsãrẽ weresãdeare ãmumasĩma. <sup>39</sup> Oparã i makã marãrẽ siiu neeõmakũ ããrã, gajino sãrẽduarã, werenĩrã aarika! <sup>40</sup> Dapagã musã guari merã gaguinĩadea kerere marĩ oparã pérã: “Marĩrẽ tarinũgãduarã yãma”, ãrĩ weresãbukuma. Irasirirã marĩ bure gaguinĩadea waja marĩrẽ weresãmakũ neõ yũjamasĩbiribukoa, ãrĩyupũ oparãrẽ iritamugũ ãgũsãrẽ. <sup>41</sup> Irire were odo: “Iropata ããrã. Waaka musãya wiirigue!” ãrĩyupũ.

## 20

### *Pablo Macedoniague, Greciague ejadea*

<sup>1</sup> ãgũsã irasũ ãrĩ gaguinĩmirẽdero pũrũ, Pablo gapũ Jesúre buremurãrẽ siiu neeõ, ãgũsãrẽ õãrõ ããrĩrikũdoregũ, wereyupũ. Were odo, mojõ ñeã, ãgũsãrẽ seretu, Macedoniague waakõãyupũ. <sup>2</sup> Irogue eja, iroma makãrĩ marãrẽ Jesúre buremurãrẽ ãgũ werenĩrĩ merã õãrõ gũñaturamakũ iriyupũ. Pũrũ Greciague waayupũ. <sup>3</sup> Irore urerã abegora ããrĩyupũ. Pũrũ Siria nikũgue doódiru merã taribujabu iriripoe judío masaka: “Murẽ ñerõ iridũarã

iriana”, āriī kerere péyup. Irasirig: “Maa merā Macedoniagueta dujáagura doja”, āri gūñayup. <sup>4-5</sup> Gha, ĩgū merā waaburi dupiyuro gajirā ĩgū merāmarā Troas wāikuri makāgue waa, gware yūñurā. Īsāku āārīmá: Sópater wāikugu Bereamu, Pirro wāikugu magū āārīmí. Gajirā Tesalónica marā pērā Aristarco, Segundo wāikurā āārīmá. Gajigu Derbem Gayo wāikugu, gajigu Timoteo, gajirā Asia marā Tíquico, Trófimo āārīmá. <sup>6</sup> ĩgūsā yúripoe gha gapu pā wemasārī morēña marīī baari bosenu puru, Filipogue āārānerā doódiru merā su mojōma nūrī taribuja, Troague ejabu. Irogue ĩgūsārē bokaja, ĩgūsā merā su semana dujabu.

### *Troague Pablo naadea*

<sup>7</sup> Siñajārīnū āārīmakū, gajirā Jesúre bremurā merā pārē dukawa baamurā nerēbu. Pablo gajinu gapu waabu āārīsīā, yoaripoe buemi ĩgūsārē. Nami deko āārīmakū bue odobirimi dapa. <sup>8-9</sup> Gha nerērī taribu, ure kaya wekama taribu, sīāgori wāri opari taribu āārībú. Pablöre iro āārīrā péripoe sugu maamu Eutico wāikugu ventanague doami. Pablo ĩgūsārē yoaripoe buemakū, ĩgūrē waja ejayuro. Irasirigū kārītari, yebague yuridijakōāmi. ĩgū yuridijamakū ĩārā, ĩgū puro waa, kōmoadiguere āiwāgū doboma. <sup>10</sup> ĩgūsā irasū irimakū ĩāgū, Pablo dijari, maamurē pábua āiwāgūnū, ĩgūsārē weremi:

—Gukabirikōāka! Okami dapa, āriimi.

<sup>11</sup> ĩgū irasū ārīmakū, maamu kōmoadiguere āārīkeregū, masākōāmi. ĩgū masāmakū ĩāgū, Pablo dupaturi marīa, pārē dukawa, ĩgūsā merā baami. ĩgū irasiriadero puru, yoaripoe buenemomi doja. Boyoburo dupiyurogā ĩgūsārē bue odo, wiriakōāmi. <sup>12</sup> ĩgū wiriadero puru, irogue nerēanerā Eutico kōmoadiguere masādire usuyari merā ĩgūya wiigūe āīāma.

### *Pablosā Troas āārānerā Miletogue waadea*

<sup>13</sup> Pablo gware ārīderosūta doódiru merā ĩgū dupiyuro Asogue waabu. ĩgū gapu ĩgū waadaderosūta maague waami. <sup>14</sup> Asogue gware bokaja, gha merā doódirugue ñajāa, Mitilenegue waami. <sup>15-16</sup> Gajinu iro merā waarā, Quío wāikuri nugūrō bokatiūrōgue ejabu. Gajinu waarā, Samogue ejabu doja. Iro merā waa, Trogilio wāikurogue kārību. Pablo, Pentecostés bosenu dupiyuro Jerusalēguere ejadugu, gware: “Asiare yoaripoe āārīdhabirikoa yu”, āriimi. “Irasirirā Efesore diayeta taria, Miletogue waapurumurā!” āriimi. Irasirirā gajinu gapu waa, Miletogue ejabu.

### *Pablo Efeso marā Jesúre bremurā oparārē weredea*

<sup>17</sup> Pablo Miletogue āārīgú, Efeso marā Jesúre bremurā oparārē kere iriumi ĩgū puro aaridoregu. <sup>18</sup> ĩgūsā ĩgū puro ejamakū, ĩgūsārē āriimi:

—Asiague ejagu, musā merā neōgora yu irideare oārō masīa musā. <sup>19</sup> Musā merā āārīgú, marī Opuyare iribu. Irasirigū musārē neō tarinugābiribu. Masaka Jesúre bremubirimakū ĩāgū, orebu. Judío masaka yure wējēduakeremakū, musārē buebu. <sup>20</sup> Musā nerērōgue, musāya wiiriguedere āārīpereri musā oārō āārīrikuburire buebu. <sup>21</sup> Judío masakare, judío masaka āārīmerādere irireta buebu. “Oārō péka! Musā ñerō iririre piri, Marīpuya gapure oārō irinugāka! Marī Opu Jesúre bremuka!” āri buebu. <sup>22</sup> Irasirigū dapagorare Ōāgū deyomarīgū dorederosūta Jerusalēgue waagū yāa. Irogue yure āsū waarokoa, ārīmasībirikoa dapa. <sup>23</sup> Yu ejadea makārīkū Ōāgū deyomarīgū āsū āriimi yure: “Mu irogue waamakū, masaka murē peresu iri, ñerō tarimakū irirākuma”, āriimi. Iri ditare masīa. <sup>24</sup> Irire masīkeregū, güibe. Yaa okaridere maībea. Marīpu masaka āārīpererārē maīrī merā ĩāmi, āriī kerere marī Opu Jesús weredoremi yure. I ditare ĩgū yure moārī pídeare iripeodūāa.

<sup>25</sup> Yu musā merā āārīgú, Marīpu ĩgūyarārē doreri kerere weregorenabu. Dapagorare musā neō dupaturi yure ĩānemobirikoa. Irire masīa yu. <sup>26-27</sup> Irasirigū dapagārē irire werea musārē. Āārīpereri Marīpuyare ĩgū yure weredoredeare werebu musārē. Irasirirā

musã äärïpererã irire: “Neõ pébea yu”, äärïmasïbirikoa. Perebiri peamegue waamakü, ïgüsã péduabiridea waja äärïrokoa. Yaa waja äärïbirikoa. <sup>28</sup> Irasirirã Marïpuyare õãrõ péduripïka! Musã Jesúre buremurãrê, Õãgü deyomarïgü musãrê koredorerãdere: “Õãrõ péka musãde!” ärrï wereka! ïgü magü boagu dí béodea merã Marïpu ïgüsãrê ïgüyará äärïmakü iridi äärïmí. Irasirirã ïgüsãrê õãrõ koreka, oveja korerã ïgüsãyarã ovejare õãrõ korederosüta! <sup>29</sup> Yu waadero puru, gajirã ärrïkatorimasã, makãnúu marã diayéa ovejare wëjêduarã irirosü musã puro ejarãkuma. ïgüsã bueri merã musãrê dukawarimakü iriduarãkuma. <sup>30</sup> Puruguerë gajirã musã merãmarãta musãrê Jesúre buremurãrê ärrïkatorãkuma ïgüsã buerire pédorerã. <sup>31</sup> Irasirirã õãrõ pémasïka! Ëre bojorigora umurï, ñamirï oreri merã musã äärïpererãrê werebu. Irasirirã yu weredeare güñanikõãka!

<sup>32</sup> Dapagorare Marïpure sêrêbosagura musãrê koreburo, ärrïgü. ïgü musãrê maïrï merã ïãrï kerere buerã, õãrõ äärïrikurãkoa. Ëmuriku ïgü turari merã musãrê ïgürê buremunemomakü yámi. Musãrê ïgüyarárê äärïpererãrê õãrïrê sïgukumi ïgü iripoegue ärrïderosüta. <sup>33</sup> Yu musã merã äärïgü, musãya niyerure, musãya surídere: “Yure sïka!” neõ ärrïbiribu. <sup>34</sup> Yu basi moãdea waja merã, yu gããmerïrê, yu merãmarã gããmerïdere bokabu. Irire õãrõ masïa musã. <sup>35</sup> Marï moã wajatadea merã gajino opamerãrê iritamurõ gããmea. Ire musãrê iri ïmubu: “Äsü iririkuka musãde!” ärrïgü. Marï Opu Jesús ärrïdeare güñaka! Äsü ärrïyupu: “Sugu gajino sïgü gapu ïgü sïrïrê ñeãgü nemorõ usuyami”, ärrï weremi Pablo Efeso marã Jesúre buremurãrê.

<sup>36</sup> Irasü ärrï odo, Pablo ïgüsã merã ñadukupuri merã ejamejã, Marïpure sêrêmi. <sup>37-38</sup> Sêrê odo: “Musã dupaturi neõ ïãnemobirikoa yure”, ïgü ärrïdeare güñarã, buro bujawereri merã dujama. Irasirirã äärïpererã ïgürê pábu, orema. Puru ïgürê perague tuyabuajama gna doódiru merã waamakü ïãtuyará.

## 21

### *Pablo dupaturi Jerusalëgue waadea*

<sup>1</sup> Gna Efeso marãrê Jesúre buremurãrê seretu odo, doódiru merã Cos wãikuri nugürõgue diaye waakõãbu. Gajinu Rodas wãikuri nugürõrê taria, Pátara wãikuri makãgue ejabu. <sup>2</sup> Iroque eja, doódiru Feniciague waaburidirure bokaja, iriru merã waabu doja. <sup>3</sup> Waa, Chipre wãikuri nugürõrê tariarã, iri nugürõ kúgapu dujamakü ïãbu. Irore taria, Siria nikürê eja, Tiro wãikuri makãma perague ejabu. Iroque doódirure moãrã iriruma doebirire píma. <sup>4</sup> Iroque eja, Jesúre buremurãrê bokaja, su mojõma pere gaji mojõ peru pêrêbejarinurï ïgüsã merã äärïbü. ïgüsã Õãgü deyomarïgü masïrï sïñunerã äärïñã, Pablöre: “Jerusalëgue waabirikõãka murê wëjêrï!” ärrï werema. <sup>5</sup> ïgüsã irasü ärrïkeremakü, su mojõma pere gaji mojõ peru pêrêbejarinurï puru, waakõãbu. Gna waamakü, äärïpererã Jesúre buremurã, ïgüsã marãposã nome, ïgüsã pürã iri makã turogue guare ïãtuyará ejama. Irasirirã gna äärïpererã ïgüsã merã perague buáa, iroma ïmiparogue ñadukupuri merã ejamejãja, Marïpure sêrêbu. <sup>6</sup> Puru ïgüsãrê pábu seretu odo, doódiru merã waakõãbu. ïgüsã gapu ïgüsãya wiirigue majãkõãma.

<sup>7</sup> Irasirirã gna Tirore äärãnerã waa, Tolemaida wãikuri makãgue ejabu. Iroque eja, Jesúre buremurãrê õãdore, sunu ïgüsã merã äärïbü. <sup>8</sup> Gajinu gapu Pablo gna merã maague waami, Cesarea wãikuri makãgue waagü. Iroque eja, Felipe wãikugu Jesúya kerere weregorenaguya wiigüe waa, ïgü merã äärïbü. Felipe Jesúre buremurã su mojõma pere gaji mojõ peru pêrêbejarã baari guerenerã watope äärïdi äärïmí. <sup>9</sup> Felipe pürã wapikurã nóome, marãpu marïrã nome äärïmã. ïgüsã Marïpu weredorederosüta ïgüya kerere wereturiarã nome äärïmã. <sup>10</sup> Gna irore yoaweyaripoe äärãdero puru, Agabo wãikugu Marïpuya kerere weredupiyugu Judeague äärãdi guare ïãgü ejami. <sup>11</sup> ïgü gna puro eja,



Pabloya yujwēñarĩdare āi, ĩgũ basi ĩgũya guburire, ĩgũya mojõrĩrē sũami. Sũa odo, gũare ārĩmi:

—Āsũ ārĩmi Ōāgũ deyomarĩgũ yũre: “Idare opagũ Jerusalēgue ejamakũ, mũ basi ida merã sũaderosũta judío masaka sũarākuma ĩgũrē. Sũa odo, judío masaka āārĩmerārē ĩgũrē wiarākuma”, ārĩmi yũre, ārĩ weremi Agabo gũare.

<sup>12</sup> ĩgũ irasũ ārĩmakũ pérã, gũa Cesarea marã merã Pablore: “Jerusalēguere waabirikõāka!” ārĩ werebũ. <sup>13</sup> Pablo gapũ gũare ārĩmi:

—¿Nasirimurã iropa ore, yũre bũro bujaweremakũ yári? Jerusalēgue ĩgũsã yũre sũa, peresu irimakũ õārokoa. Marĩ Opũ Jesúya kerere weredeã waja yũ boamakũ õārokoa. Ñerõ yũre āārĩkeremakũ waagũra, ārĩmi.

<sup>14</sup> Irasirirã gũa ĩgũrē: “Waabirikõāka!” ārãnerã pirikõābũ pama. Āsũ ārĩbũ:

—Marĩ Opũ ĩgũ gãāmerõsũta iriburo, ārĩkõābũ.

<sup>15</sup> Pũũ gũayare āmu, Jerusalēgue waakõābũ. <sup>16</sup> Irogue waamakũ, gajirã Cesarea marã Jesúre bũremurã gũa merã waama. ĩgũsã merãmũ Mnasón wãĩkũgũ Chipremũ āārĩdi, yoaripoe Jesúre bũremugũ āārĩmĩ. Irasirirã Jerusalēgue eja, ĩgũya wiigũe ĩgũ merã āārĩbũ.

### *Pablo Santiagore ĩāgũ ejadea*

<sup>17</sup> Gũa Jerusalēgue ejamakũ, iro marã Jesúre bũremurã usũyari merã bokatĩrĩma. <sup>18</sup> Gajinũ Pablo gũa merã Santiagore ĩāgũ waami. ĩgũ pũroguere āārĩpererã Jesúre bũremurã oparã, nerēnerã āārĩmã. <sup>19</sup> Pablo ĩgũsārē õādore odo, judío masaka āārĩmerārē āārĩpereri Marĩpũ ĩgũ merã irideare weremi. <sup>20</sup> ĩgũ weremakũ pérã, Marĩpũre: “Ōātaria mũ”, ārĩ, usũyari sĩma. Pũũ āsũ ārĩma Pablore:

—Gũayagũ, ire õārõ masĩa mũ. Wárã judío masaka Jesúre bũremukererã, āārĩpererã: “Moisés doredeare iriro gãāmea dapa”, ārĩma. <sup>21</sup> Gajirã masaka āsũ ārĩ werewũama mũrē: “ĩgũ judío masaka āārĩmerã āārĩrõgue āārĩgũ, judío masaka irogue āārĩrārē Moisés doredeare iridorebemi. ĩgũsã pũrārē ĩgũsãya dũpũma gasirogārē wiiridorebemi. Marĩ judío masaka iririkũrere iridorebemi”, ārĩ werewũama. <sup>22</sup> ĩgũsã mũ õõrē ejayupũ, ārĩrĩ kerere pérã, nerē, mũrē turirākuma. Iro tamerārē, ¿nasirigũkuri mũ? <sup>23</sup> Āsũ irika! Ōõrē wapikũrã ũma āārĩma. “Marĩpũre bũremurã, āsũ irirãra!” ārĩnerã āārĩma. <sup>24</sup> ĩgũsã merã Marĩpũya wiigũe waaka! Mũde ĩgũsã irirosũta irika! Moisés doredeare irirã waamurã yãma. Irasirigũ Marĩpũ ĩũrõrē ĩgũsã iriri wajare wajaribosaka! Mũ irasiriadero pũũ, ĩgũsãya poarire wũadorerākuma. Mũ irasirimakũ ĩārã, āārĩpererã masaka mũrē werewũadeare: “Ārĩkatorã iriñũma”, ārĩrākuma. “ĩgũde Moisés doredeare õārõ irigũ āārĩmi”, ārĩrākuma. <sup>25</sup> Judío masaka āārĩmerārē Jesúre bũremurārē gũa gojadea pũrē iriusiabũ. Āsũ ārĩ gojabũ: “Keori weadea pũro baari pídeare, waimũrã wũnugũ biu wējēanerãya díkũri díre baabirikõāka! Díre iirĩbirikõāka! Nome merã ñerõ iribirikõāka! Nomede ũma merã ñerõ iribirikõāka!” ārĩ gojabũ gũa, ārĩma Pablore.

### *Marĩpũya wiigũe judío masaka Pablore ñeãdea*

<sup>26</sup> Irasirigũ Pablo gajinũ gapũ wapikũrã ũma merã Marĩpũ ĩũrõ Moisés doredeare irigũ waayupũ. Pũũ Marĩpũya wiigũe ñajãa, Pablo paĩre ārĩyupũ: “Su semana dũyãa, gũa Moisés doredeare iri odoburo. Gũa odorinũ āārĩmakũ, guakũ waimũrã ejorārē āĩrĩrãkoa. Marĩpũ ĩũrõ ĩgũsārē wējē soepeoka! ārĩrã!” ārĩyupũ.

<sup>27</sup> ĩgũsã Moisés doredeare iri odoburipoe Asia marã judío masaka Pablore Marĩpũya wiigũe āārĩgũrē ĩãñurã. Irasirirã gajirārē iri wii āārĩrārē ĩgũ merã guamakũ iri, Pablore ñeã, āsũ ārĩ gaguinĩñurã:

<sup>28</sup> —Gũayarã Israel bumarã, gũare iritamuka! ĩĩta āārĩmi, āārĩpererogũere marĩrē ñerõ ārĩ werenĩgorenagũ. “Judío masaka ñegorama. Moisés doredeã wajaãa. I wiide ñegorãa”,

ãrĩ buegorenami masakare. Gajire griego masakare i wiigue ãñajãgũ ñerõ irigu yámi i wiire, ãrĩñurã.

<sup>29</sup> Pablo iro dupiyuro Trófimo merã makãgue ããrĩmakũ ããnerã ããrĩsĩã, Pablo ãgũrẽ Marĩpũya wiigue ãñajãgũ irikumi, ãrĩ gũñañurã. Trófimo Efesomu judío masakũ ããrĩbi ããrĩyupũ. Irasiriro ãgũnorẽ iri wiiguere ñajãmasĩña marĩyuro.

<sup>30</sup> Pablöre weresã gaguinĩmakũ pérã, iri makã marã ããrĩpererã burõ guañurã. Irasirirã ãmañajãa, Pablöre ñeã tũawiria, iri wii makãpũrorire mata biakõãñurã. <sup>31</sup> ãgũsã Pablöre wẽjẽmurã iriripoe gajirã surara opũguere wererã waañurã. ãgũ pũroque eja: “ããrĩpererã Jerusalén marã nerẽ, burõ guarĩ merã gaguinĩrã iriama”, ãrĩ wereñurã. <sup>32</sup> ãgũsã irasũ ãrĩmakũ pégu, surara opũ ãgũyarã surarare, ãgũsarẽ dorerãdere siiu neõ, ãgũsã merã Pablöre wẽjẽmurã pũroque ãmawãgãyupũ. ãgũsã ejamakũ ããrã, Pablöre pánerã piriñurã. <sup>33</sup> Surara opũ Pablo pũroque eja, ãgũyarã surarare ãgũrẽ ñeãdore, pe kõmeda merã suadoreyupũ. ãgũsã sua odomakũ ããgũ, surara opũ masakare sãrẽñayupũ:

—¿Niño ããrĩrĩ ñi? ¿Nasiriri, ãgũ masã irasirimakũ? ãrĩ sãrẽñayupũ.

<sup>34</sup> ãgũ irasũ ãrĩmakũ, masaka gapũ: “ãsũ iriami”, ãrĩ, gajirã gajirosũ, gajirã gajirosũ gaguinĩmirẽkõãñurã. ãgũsã irasũ gaguinĩmakũ, surara opũ neõ diaye pébiriypũ. Irasirigu ãgũyarã surara ããrĩrĩ wiigue Pablöre ããadoreyupũ. <sup>35-36</sup> ãgũsã iroque ãgũrẽ ããmakũ ããrã, wãrã masaka: “Wẽjẽkõãka ãgũrẽ!” ãrĩ gaguinĩ, tũyañurã. Irasirirã surara ãgũsãya wii makãpũro marĩaro ejarã, Pablöre ããkõã marĩãñurã, masaka ãgũrẽ wẽjẽrĩ, ããrã.

*Pablo masakare: “Neõ ñerõ iribeaya”, ãrĩ werede*

<sup>37</sup> Iri wiigue eja, ãgũrẽ peresu irimurã iriripoe surara opũre:

—Yũ, mũ merã werenĩdũakoa, ãrĩyupũ.

Pablo griego ya merã werenĩmakũ pégu, surara opũ gapũ ãrĩyupũ:

—¿Mũ griego yare masĩrĩ? <sup>38</sup> ¿Sõõ ããrãdi, Egiptomũ meta ããrĩrĩ mũ? ãgũ romano marã oparã merã gãmekẽãdũagũ, wãrã cuatro mil wẽjẽrĩmasãrẽ siiu neõ, masaka marĩrõgue ããyupũ. ¿ãgũ meta ããrĩrĩ mũ?

<sup>39</sup> ãgũ irasũ ãrĩmakũ pégu, Pablo yũyupũ:

—Yũ, ãgũ meta ããrã. Judío masakũ ããrã. Tarso, Cilicia nikũ ããrĩrĩ makã deyoabũ. Ubu ããrĩrĩ makãmũ ããrĩbea. Irasirigu mũrẽ sãrẽa. ããsã masaka merã werenĩdoreka yũre! ãrĩyupũ.

<sup>40</sup> ãgũ irasũ ãrĩmakũ pégu, surara opũ: “Jãũ, werenĩka!” ãrĩyupũ. Irasirigu Pablo marĩroque marĩñgã, ãgũya mojõ merã masakare toeburo, ãrĩgũ, irikeoyupũ. ãgũ irasirimakũ ããrã, toekõãñurã. ãgũsã toemakũ, Pablo hebreo ya merã wereyupũ ãgũsarẽ:

## 22

<sup>1</sup> —Yaarã, yũ irideare mũsãrẽ weremakũ, õãrõ péka! ãrĩyupũ Pablo.

<sup>2</sup> ãgũ hebreo ya merã werenĩmakũ pérã, masaka toepereakõãñurã. Irasirigu Pablo ãgũsarẽ ãsũ ãrĩ wereyupũ:

<sup>3</sup> —Yũ judío masakũta ããrã. Cilicia nikũ Tarso wãĩkũri makãgue deyoabũ. Iro deyoadi ããrĩkeregũ, õõ Jerusalén masãbũ. Gamaliel wãĩkũgũ buemi yũre. Irasirigu marĩ ñekũsãmarãrẽ Moisés doreri pídeare õãrõ masã. Irasirigu mũsã irirosũta yũde Marĩpũ doredeare õãrõ yãa. <sup>4</sup> Iripoeguere Jesũre bũremurãrẽ ñerõ iriunabũ. Surãyerire wẽjẽdorebũ. Ñmarẽ, nomedere ñeã, peresu iriunabũ. <sup>5</sup> Paía opũ, ããrĩpererã judío masaka oparã yũ ãrĩrĩrẽ: “Irasũta iriunami”, ãrĩ weremasĩma mũsãrẽ. ãgũsãta yũre su pũ gojabosama marĩyarã Damasco marãrẽ Jesũre bũremurãrẽ ñeãdorerã. Irasirigu iri pũ merã Jesũre bũremurãrẽ ñeãgũ waadibũ, õõ Jerusalẽgue ãgũsarẽ ããya peresu iribu.

*Pablo ãgũ Jesũre bũremunũgãdeare werede*

6 'Goeripoe ããrĩmakũ, yu Damascogue ejabu iriripoe gũñaña marĩrõ ãmugasi buro kũmijũrõ yu pũrore goesiribu. 7 Irasũ waamakũ, yebague meemejã, pũru ãsũ ãrĩ werenĩmakũ pébu. "Saulo, ¿nasirigu yure ñerõ yári mu?" 8 Ìgũ irasũ ãrĩmakũ pégu: "¿Noã ããrĩrĩ mu?" ãrĩ sërẽñabu. Ìgũ gapu: "Yu, Jesús Nazaretmu mu ñerõ irigũta ããrã", ãrĩmi yure. 9 Yu merã ããrĩnerã iri goesiririre ìãgukakõãma. Irire ìãkererã, Jesús yure werenĩmakũ pébirima. 10 Pũru: "Yu Opu, ¿nasirigukuri yu?" ãrĩ sërẽñabu ìgũrẽ. Ìgũ yure yujumi: "Wãgãnuã, Damascogue waaka! Irogue sugu ããrĩpereri yu murẽ iridoreburire murẽ weregukumi", ãrĩmi. 11 Buro kũmijũrõ waadea yaa koyere neõ deyomarĩmakũ irikubu. Irasirirã yu merãmarã yaa mojõgue ñeã, Damascogue ãããma.

12 'Yu iro ejadero pũru, Ananías wãikugũ, Marĩpũre buremugũ, Moisés doredeare õãrõ irigu yure ìãgũ ejami. Ìgũ iro marã judío masaka ããrĩpererã buremugũ ããrĩmi. 13 Ìgũ yu pũro ejanugãja: "Yaagu Saulo, mu dupaturi koye ìãgukoa doja", ãrĩmi. Ìgũ irasũ ãrĩmakũta, dupaturi ìãbu doja. Irasirigu Ananías yu pũro nĩmakũ õãrõ ìãbu. 14 Yu ìãmasiadero pũru, yure ãrĩmi doja: "Iripoegue Marĩpu marĩ ñekũsãmarã buremudi murẽ beyesiadi ããrĩmi, Ìgũ dorerire õãrõ iribure, ìgũ magũrẽ ñerĩ opabire ìãbure, ìgũ werenĩrĩrẽ pébure. 15 Irasirigu ããrĩpererã masakare mu ìãdeare, mu pédeare weregorenagukoa. 16 Dapagorare yoaripoe yúbirikõãka! Wãgãnuã, deko merã wãiyedoreka, mu marĩ Opu Jesúre buremurĩrẽ ìmugũ! Marĩpũre: 'Jesúre buremua, irasirigu yu ñerõ irideare kãtika!' ãrĩ sërẽka, mu ñerõ irideare kãtiburo, ãrĩgũ!" ãrĩmi Ananías yure.

### *Pablo judío masaka ããrĩmerãrẽ Marĩpu ìgũrẽ buedoredeare weredeã*

17 Pũru Damascogue ããrãdi i makã Jerusalẽgue dujajagu, Marĩpũya wiigue ìgũrẽ sërẽgũ waabu. Irogue kërõ irirosũ waarĩre ìãbu. 18 Irogue Jesús yure deyoo, weremi: "Jerusalén marã yaare mu weremakũ péduabema. Irasirigu murĩgora gajirogue waaka!" ãrĩmi. 19 Ìgũ irasũ ãrĩmakũ pégu, ìgũrẽ ãrĩbu: "Yu Opu, Jerusalén marã yu irideare õãrõ masĩma. Yu judío masaka nerẽrĩ wiirigue ããrĩrãrẽ murẽ buremurãrẽ ñeã pá, peresu iribu. 20 Mũya kerere weredi Estebãrẽ ìgũsã wẽjẽmakũ, ìgũrẽ wẽjẽrãya surĩ wekamarẽ korebosabu. 'Õãrõ irirã, wẽjẽma', ãrĩ gũñabu", ãrĩ werebu yu Opure. 21 Yu irasũ ãrĩmakũ pégu, yu Opu weremi: "Yoarogue waaka! Judío masaka ããrĩmerãrẽ buedoregu iriugũra murẽ", ãrĩmi, ãrĩ wereyupu Pablo ìgũsãrẽ.

### *Surara opu Pablo merã werenĩdea*

22 Pablo: "Yu Opu Jesús judío masaka ããrĩmerãrẽ buedoregu iriugũra", ãrĩrĩrẽ pérã, buro guari merã gaguinĩñurã:

—Dapagorare ñi ããrĩnemobirikõãburo. Dapagorata boaburo, ãrĩ gaguinĩñurã.

23 Irasũ ãrĩ gaguinĩrã, ìgũsãya surĩ wekamarẽ wẽjãsiri, nikũwera merã meesiriñurã. 24 Irasirimakũ ìãgũ, surara opu ìgũyarãrẽ Pabloure ìgũsãya wiigue ãññajãadoreyupu. Pabloure: "¿Nasirirã masaka murẽ guari merã gaguinĩrĩ?" ãrĩ masĩduagu ìgũrẽ tãrãdoreyupu. 25 Irasirirã ìgũrẽ sua, tãrãmurã iriripoe Pablo gapu ìgũ pũro nĩgũrẽ surarare doregure ãrĩyupu:

—Yu romano marãya nikũmu ããrã. Irasirirã weresãrĩrẽ beyerimasũ yure: "Ãsũ iriami ñerõ irigu", ãrĩ weresãbirikeremakũ, ubugorata tãrãmasĩbea musã yure, ãrĩyupu.

26 Ìgũ irasũ ãrĩmakũ pégu, surarare doregu ìgũ opu weregu waayupu:

—Õãrõ pémasĩka! "Romano marãya nikũmu ããrã yu", ãrãmi. Irasirigu ñerõ iribirikõãka ìgũrẽ! ãrĩyupu.

27 Ìgũ irasũ ãrĩmakũ, surara opu Pabloure sërẽñagũ waayupu:

—¿Diyeta romano marãya nikũmu ããrĩrĩ mu? Wereka yure!

Pablo gapu ìgũrẽ:

—Ìgũta ããrã, ãrĩ yujuyupu.

28 Surara opu ìgũrẽ ãrĩyupu:

—Y<sub>u</sub> romanom<sub>u</sub> ããrĩd<sub>u</sub>ag<sub>u</sub> wáro niyeru wajarib<sub>u</sub>.

Pablo ìgūrē ãrĩyup<sub>u</sub> doja:

—Y<sub>u</sub> tamerã romanoma makãgue deyoab<sub>u</sub>. Irasirig<sub>u</sub> deyoag<sub>u</sub>gueta romanom<sub>u</sub> ããrĩdi ããrã y<sub>u</sub>.

<sup>29</sup> Ìgū irasū ãrĩmakū pérã, ìgūrē tãrãboanerã güi wiriakõãñurã. Surara op<sub>u</sub>de Pablo romanom<sub>u</sub> ããrĩrĩrē pég<sub>u</sub>, kōmedari merã ìgūrē sua tãrãdoreadeare güñagū, güiyup<sub>u</sub>.

### *Pablo judío masaka oparã puro ããrĩdea*

<sup>30</sup> Irasirig<sub>u</sub> gajin<sub>u</sub> gap<sub>u</sub> judío masaka Pablöre weresãdeare masĩd<sub>u</sub>ag<sub>u</sub>, paía oparãrē, gajirã ããrĩpererã judío masaka oparãrē siiu neeoyup<sub>u</sub>. Ìgūsã nerēmakū ìãgū, Pablöre ìgūsã suadea kōmedarire kura, ãĩ, ìgūsã ìūrō doboyup<sub>u</sub>.

## 23

<sup>1</sup> Pablo judío masaka oparãrē ìãbokatĩũn<sub>u</sub>gãja, ãsū ãrĩyup<sub>u</sub>:

—Yaarã, y<sub>u</sub> okaro bokatĩūrō Marĩp<sub>u</sub> ìūrō òãrō ããrĩrik<sub>u</sub>a, ãrĩ péñãa. Irasirig<sub>u</sub> güñarik<sub>u</sub>ro marĩrō ããrĩkõãa.

<sup>2</sup> Ìgū irasū ãrĩmakū pég<sub>u</sub>, paía op<sub>u</sub> Ananías Pablo werenĩrĩrē péduabi ìgū puro ããrĩrãrē ìgūya disire pádoreyup<sub>u</sub>. <sup>3</sup> Irasirig<sub>u</sub> Pablo Ananĩare ãsū ãrĩyup<sub>u</sub>:

—Marĩp<sub>u</sub> m<sub>u</sub>rē wajamoãg<sub>u</sub>kumi gajirãrē m<sub>u</sub> y<sub>u</sub>re pádoreri waja. M<sub>u</sub> irikatorik<sub>u</sub>g<sub>u</sub> ããrã. Y<sub>u</sub>re: “Moisés doredeare tarin<sub>u</sub>gãa”, ãrĩ ìãkereg<sub>u</sub>, m<sub>u</sub> gap<sub>u</sub> iri dorerire tarin<sub>u</sub>gãa, gajirãrē y<sub>u</sub>re pádoreg<sub>u</sub>, ãrĩyup<sub>u</sub>.

<sup>4</sup> Irasū ãrĩmakū pérã, iro ããrĩrã ãsū ãrĩñurã Pablöre:

—Ñerō ãrĩ werenĩbirikõãka paía op<sub>u</sub>re Marĩp<sub>u</sub> beyedire!

<sup>5</sup> Ìgūsã irasū ãrĩmakū pég<sub>u</sub>, Pablo ãrĩyup<sub>u</sub> doja:

—Yaarã, y<sub>u</sub> masĩbirakub<sub>u</sub> ìgū paía op<sub>u</sub> ããrĩrĩrē. Masĩgū irasū ãrĩbiriboakuyo. Marĩp<sub>u</sub>ya werenĩrĩ gojadea pũguere: “M<sub>u</sub>sãya makã marã op<sub>u</sub>re ñerō ãrĩ werenĩbirikõãka!” ãrĩ gojasũdero ããrĩbú.

<sup>6</sup> Irogu<sub>u</sub> ããrĩrã: Saduceo bumarã, gajirã fariseo bumarã ããrĩñurã. Irasirig<sub>u</sub> ìgūsãrē ìãgū, Pablo bus<sub>u</sub>ro werenĩyup<sub>u</sub>:

—Yaarã, y<sub>u</sub>de fariseota ããrã. Fariseo bum<sub>u</sub> magãta ããrã. Irasirirã masaka boanerã masãrĩrē y<sub>u</sub> b<sub>u</sub>remurĩ waja y<sub>u</sub>re wajamoãd<sub>u</sub>akoa, ãrĩyup<sub>u</sub>.

<sup>7</sup> Ìgū boanerã masãrĩrē weremakū pérã, fariseo, saduceo bumarã merã gãme guaseon<sub>u</sub>gãñurã. Irasirirã iri wiig<sub>u</sub>e suro merã ããrãnerã ããrĩkererã, gãme dukawariakõãñurã. <sup>8</sup> Saduceo bumarã: “Masaka boanerã masãbirikuma. Marĩp<sub>u</sub>re wereboerã marĩkuma. Masaka boanerã y<sub>u</sub>çpũrãrĩde marĩkoa”, ãrĩ wererã ããrĩñurã. Fariseo bumarã gap<sub>u</sub> ããrĩpereri irimarē b<sub>u</sub>remurã ããrĩñurã. <sup>9</sup> Irasirirã irimarē gãme guaseo, b<sub>u</sub>ro gaguinĩn<sub>u</sub>gãñurã. Irasirirã surãyeri fariseo bumarã Moisés doredeare buerimasã wãgãn<sub>u</sub>gã, wereñurã:

—Masak<sub>u</sub> boadi, o Marĩp<sub>u</sub>re wereboeg<sub>u</sub> diayeta ñĩ merã werenĩakumi. Irasirirã ìgūrē ñerō iriami, neō ãrĩmasĩbea. Ìgūrē wajamoãrã, Marĩp<sub>u</sub>re ñerō irirã iribukõãa marĩ, ãrĩñurã.

<sup>10</sup> Ìgūsã b<sub>u</sub>ro gaguinĩmakū ìãgū, surara op<sub>u</sub> gap<sub>u</sub> Pablöre güisãyup<sub>u</sub>. “Ìgūrē ñeã, tũãwējãsiribéokõãbukuma”, ãrĩgū, ìgūyarã surarare: “Pablöre ãĩaka, dupaturi marĩ ããrĩrĩ wiig<sub>u</sub>e!” ãrĩ iriuyup<sub>u</sub>.

<sup>11</sup> Iri ñamita marĩ Op<sub>u</sub> Jesús Pablöre deyoa, wereyup<sub>u</sub>:

—Güñaturaka! Güibirikõãka! I makã Jerusalén marãrē yaa kerere wereaderosũta Roma marãdere wereg<sub>u</sub> waaka! ãrĩyup<sub>u</sub>.

### *Judío masaka Pablöre wējẽd<sub>u</sub>adea*

<sup>12</sup> Gajin<sub>u</sub> gap<sub>u</sub> surãyeri judío masaka Pablöre wējẽd<sub>u</sub>arã nerē, ãsū ãrĩñurã:

—Dapagã merã neõ baabiri, iiribirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo, ãrĩñurã.

<sup>13</sup> Irasũ ãrĩ werenĩrã cuarenta nemorõ ããrĩñurã. <sup>14</sup> Pũrũ paía oparã, gajirã judío masaka oparã pũroguere wererã waañurã:

—“Dapagã merã neõ baabirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo”, ãrãbũ, ãrĩñurã. <sup>15</sup> Irasirirã mũsã, mũsã merãmarã oparãde ãrĩkatori merã kere iriuka surara opũguere! “Ñamigã Pablöre dupaturi Ìgũ irideare weremakũ pẽduakoa”, ãrĩka Ìgürẽ! Surara opũ iri kerere pẽgũ, Pablöre õõgue ãĩwãgãridoregukumi. Irasirirã maague yũrã, Ìgũ õõrẽ ejaburo dupiyuro Ìgürẽ wějẽmurã, ãrĩñurã.

<sup>16</sup> Pablo tĩgõ magũ gapũ Ìgũsã irasũ ãrĩ werenĩmakũ pẽyupũ. Irasirigũ Pablöre surara ããrĩrĩ wiigue ããrĩgürẽ weregũ waayupũ. <sup>17</sup> Pablo irire pẽgũ, sugũ surarare siiu wereyupũ:

—Ìĩ maamũ mũ opũre gajino weredũayupũ. Irasirigũ Ìgũ pũroguere ãĩaka! ãrĩyupũ.

<sup>18</sup> Ìgũ irasũ ãrĩmakũ pẽgũ, surara Pablo tĩgõ magũrẽ Ìgũ opũ pũroguere ãĩja, ãrĩyupũ:

—Pablo peresugue ããrĩgũ yũre Ìĩ maamũrẽ mũ pũro iriuami. Ìgũ mũrẽ gajino weregũ aarigũ iriami, ãrĩyupũ.

<sup>19</sup> Ìgũ irasũ ãrĩmakũ pẽgũ, surara opũ maamũrẽ Ìgũya mojõrẽ ñeã tũãwãgã, masaka pẽberogue sãrẽñayupũ:

—¿Naásũ ãrĩbu iriari mũ yũre?

<sup>20</sup> Maamũ gapũ Ìgürẽ ãrĩyupũ:

—Judío masaka oparã mũrẽ Ìgũsã pũroguere Pablöre ãĩadorerãkuma. Mũrẽ ãsũ ãrĩ werenĩama: “Ñamigãrẽ dupaturi Pablöre sãrẽñaduakoa Ìgũ irideare õãrõ masĩmurã”, ãrĩkatorãkuma. <sup>21</sup> Irasirigũ Ìgũsãrẽ yũjubirikõãka! Ëma cuarenta nemorõ maague Pablöre wějẽmurã duriri merã yũsiamã. “Dapagã merã neõ baabirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo”, ãrãma, ãrĩ wereyupũ maamũ surara opũre.

<sup>22</sup> Ìgũ irasũ ãrĩmakũ pẽgũ, surara opũ gapũ:

—Waaka doja! Irire gajirãrẽ neõ werebirikõãka! ãrĩyupũ Ìgürẽ.

### *Surara opũ Pablöre Félix pũroguere iriudea*

<sup>23</sup> Maamũ waadero pũrũ, opũ pẽrã Ìgũyarã surarare dorerãrẽ siiu wereyupũ:

—Yaarã surarare doscientos gubu merã waamurãrẽ, setenta caballo weka peyamurãrẽ, doscientos sareri yuku oparãdere Cesareague waamurãrẽ Ìgũsãyare ãmudorerã waaka! Ìgũsã ãmu odomakũ, dapagã ñami nueve ããrĩmakũ, Ìgũsãrẽ siiuaka! <sup>24</sup> Pablo peyamurã caballuadere ãmubosaka! Irasirigũ õãrõ waagũkumi. Õãrõ pĩrã waaka, Ìgürẽ opũ Félix pũro Cesareague! ãrĩyupũ surara opũ Ìgũ dokamarãrẽ.

<sup>25</sup> Irasũ ãrĩ odo, Félire su papera pũ ãsũ ãrĩ gojayupũ:

<sup>26</sup> Yũ, Claudio Lisias, mũrẽ opũ Félire yũ bũremugũrẽ õãdorea.

<sup>27</sup> Judío masaka Ìĩ Pablo wãikũgũre ñeã, wějẽadima. Ìgũ romano marã nikũmũ ããrĩrĩrẽ masĩgũ, yũ gapũ Ìgürẽ Ìgũsã wějẽboadire yaarã surara merã wijatagũ ejabũ. <sup>28</sup> Irasirigũ Ìgürẽ Ìgũsã weresãdeare masĩduagũ judío masaka oparã pũro ãĩjabũ. <sup>29</sup> Judío masakaya doreri ditare Ìgũ tarinũgãdea waja Ìgũsã weresãmakũ pẽgũ, Ìgürẽ peresu iribiribũ. Ñeeno waja wějẽmasĩña marĩbũ Ìgürẽ. <sup>30</sup> Irasirigũ judío masaka Ìgürẽ wějẽkõãrã, ãrĩrĩ kerere pẽgũ, mũ pũroguere iriua. Ìgürẽ weresãnerã mũ pũrogueta waa, mũrẽ weresãrã waaburo, ãrĩbũ Ìgũsãrẽ. Iropata ããrã, ãrĩ gojayupũ surara opũ Félire.

<sup>31</sup> Irasirirã surara Ìgũsã opũ doreaderosũta iri ñami merã Pablöre Antĩpatris wãikũri makãgue ããñurã. <sup>32</sup> Gajinũ gapũ surara gubu merã waanerã iro merãta Ìgũsã ããrĩrĩ wiigue gãme dujãkõãñurã. Caballua weka waanerã dita Pablöre Cesareague ãĩ tariañurã.

<sup>33</sup> Pɔɔ Cesareague Pablore ãija, surara opɔ ãgũ iriuadea pũrẽ Félire wiañurã. Irasirirã Pablore Félix pɔrogueta pikõãñurã. <sup>34</sup> Félix iri pũrẽ bueña odo, ãsũ ãrĩ sêrẽñayupɔ:

—¿Dií nikũmɔ ããrĩrĩ ãĩ?

—Cilicia nikũmɔ ããrĩmi, ãrĩ yɔjũñurã.

<sup>35</sup> Félix Pablore ãrĩyupɔ:

—Mɔrẽ weresãnerã õõrẽ ejamakũ, mɔ wererire péguɔ, ãrĩyupɔ.

Irasũ ãrĩ odo, opɔ Herodes dagɔya wiigue Pablore pí, ãgũyarã surarare koredoreyupɔ.

## 24

### *Pablore Félix ãũrõ weresãdea*

<sup>1</sup> Su mojõma nɔrĩ tariadero pɔɔ, paía opɔ Ananías Cesareague waayupɔ. ãgũ merã gajirã judío masaka oparã, gajigɔ masakare wereníbosarimasũ Tértulo wãikugɔde opɔ Félire Pablore weresãrã waañurã. <sup>2</sup> Pablore ãgũsã nerẽrõgue ãjjamakũ, Tértulo ãgũrẽ Félire ãsũ ãrĩ weresãnugãyupɔ:

—Gɔa opɔ, wári masĩrĩ merã gɔare i nikũ marãrẽ doregɔ ããrã mɔ. Mɔ doreri merãta i nikũ õãrĩ gorawayuro yáa. Gãmekẽãrõ marĩrõ õãrõ ããrĩkõãa. <sup>3</sup> Irasirirã gɔa ããrĩperero marãgue mɔ merã õãrõ ɔsɔyáa. <sup>4</sup> Yoaripoe mɔ merã wereníbirikoa. Irasirigɔ yɔ mɔ merã mérõgã werenímakũ péka dapa! <sup>5</sup> Gɔa ire weredɔakoa mɔrẽ. ãrĩ Pablo wãikugɔ gɔare garibotarimi. ããrĩpereri nikũgue judío masakare guari merã gaguiní, ãgũsã basi gãme dukawarimakũ irigorenami. “Nazarenos” wãikuri bumarã opɔ ããrĩmi. <sup>6</sup> Marĩpɔya wiire ãgũ ñerõ iridɔamakũ ããrã, ãgũrẽ peresu irimurã ñeãbɔ, gɔa judío masakaya dorerire ãgũ tarinugãrĩ waja ãgũrẽ wajamoãdɔarã. <sup>7</sup> Gɔa irasiridɔamakũ ããgũ, surara opɔ Lisias wãikugɔ gapɔ gɔa pɔro eja, ãgũrẽ turaro merã êmakõãmi. <sup>8</sup> Pɔɔ Lisias, gɔa ãgũrẽ weresãnerãrẽ mɔ pɔroguete iriuami. ãgũ irasũ ãrĩmakũ pérã, õõgue aarabɔ. Mɔ basita ãgũrẽ sêrẽñagũ, ããrĩpereri gɔa ãgũrẽ weresãrĩrẽ diayeta ãrĩma, ãrĩgɔkoa, ãrĩyupɔ Tértulo Félire.

<sup>9</sup> Gajirã judío masaka iro ããrĩrãde: “Tértulo diayeta wereními”, ãrĩñurã. <sup>10</sup> ãgũsã irasũ ãrĩmakũ pégu, opɔ Félix Pablore mojõ merã irikeo, weredoreyupɔ. Pablo ãrĩyupɔ ãgũrẽ:

—Wári bojori i nikũ marãrẽ mɔ dorerire õãrõ masĩa yɔ. Irasirigɔ yaamarẽ ɔsɔyari merã mɔrẽ werégɔa. <sup>11</sup> Pe mojõma pere su gubu peru pẽrẽbejarinurĩta taria, yɔ Jerusalégue Marĩpɔre bɔremugũ ejadero pɔɔ. Irire diaye masĩdɔagu, gajirãrẽ sêrẽñaka! <sup>12</sup> Yɔ iri makãgue ããrĩmakũ, yɔre weresãnerã yɔ gajirã merã guaseomakũ neõ ããbirama. Marĩpɔya wiire, judío masaka nerẽrĩ wiiriguedere, noó gajiro iri makã marãrẽ gua gaguinímakũ iribirabɔ. <sup>13</sup> Irasirirã yɔre weresãnerã: “Ãsũ iriami, irasirigɔ waja opami”, ãrĩmasĩbema. <sup>14</sup> Mɔrẽ gajigã gapɔre werégɔa. Gɔa ñekũsãmarã Marĩpɔre, Moisés doreri pídeare, Marĩpɔya kerere weredupiyunerã gojadeare bɔremuderosũta yɔ bɔremua. Irire bɔremukeregɔ, Jesús buedeare bɔremua. Yɔre weresãnerã: “Jesús buedeã ãrĩkatori ããrã”, ãrĩ wereníma. <sup>15</sup> ãgũsã: “Marĩpɔ ããrĩpererã masaka boanerãrẽ õãrãrẽ, ñerãdere masũgukumi”, ãrĩ gũñarõsũta yɔde gũñãa. <sup>16</sup> Irasirigɔ yɔ Marĩpɔ ãũrõ, masaka ãũrõdere yɔ turaro bokatĩũrõ õãrõ iridɔakoa.

<sup>17</sup> Yaa makã Jerusalãrẽ yɔ wiriadero pɔɔ, wári bojori gajirogue naagorena, pɔɔ irogueta dujãbɔ. Iroguete eja, yaarã boporãrẽ niyeru sãgũ ejabɔ. Iroguete ããrĩgũ, Marĩpɔ ãũrõ waibɔre soepeodɔadibɔ ãgũrẽ bɔremugũ. <sup>18</sup> Marĩpɔya wiigue waa, ãgũ ãũrõ Moisés doredeare yɔ iriripoe judío masaka Asia marã yɔre bokajama. Yɔ merã gajirã masaka mérãgã ããrĩmã. Neõ ãgũsãrẽ gua gaguinímakũ iribiribɔ. <sup>19</sup> Judío masaka Asia marã yɔ Marĩpɔya wiigue irideare ããnerã, yɔre: “Ñerõ iriami”, ãrĩ weresãdɔarã, õõgue mɔ ãũrõgue weresãrã aariburo. <sup>20</sup> ãgũsã aaribirimakũ, judío masaka oparã õõgue ããrĩrã yɔ ãgũsã oparãrẽ wereadeare péanerã: “Ãsũ ããrã”, ãrĩ weresãdɔarã, weresãburo. <sup>21</sup> I tamerãrẽ

yure weresãmasĩma. Yu ĩgũsã merã ããrĩgũ, buro turaro merã: “ ‘Boanerã masãrãkuma’, ãrĩdea waja yure wajamoãduakoa”, ãrĩbu ĩgũsãrẽ, ãrĩ wereyupu Pablo Félire.

<sup>22</sup> ĩgũ irasũ ãrĩmakũ pégu, Félix gapu Jesúre buremurã iririkurire õãrõ masĩsĩã, ãsũ ãrĩyupu Pablöre:

—Iropata pégu. Surara opu Lisias ejadero puru, murẽ yu iriburire wereguakoa, ãrĩyupu.

<sup>23</sup> Irasũ ãrĩ odo, Pablöre koregure: “Peresugue õãrõ koreka ĩgũrẽ! Iri wiigueta naãã ããrĩkõãburo. ĩgũ merãmarã ĩgũrẽ iritamudũamakũ kãmutabirikõãka!” ãrĩyupu.

<sup>24</sup> Yoaweyaripoe tariadero puru, Félix ĩgũ marãpo judío masako Drusila wãikũgo merã eja, Pablöre ãrĩdoreyupu, Jesucristore ĩgũ buremurĩrẽ weremakũ péduarã. <sup>25</sup> Pablo ĩgũsãrẽ ãsũ ãrĩyupu: “Marĩpu masakare diayemarẽ irimakũ, ĩgũsã basi ñerõ iriduarire iribirimakũ gããmemi. I mũmu peremakũ, Marĩpu ããrĩpererã ñerãrẽ wajamoãgũkumi”, ãrĩ weremakũ, Félix gapu péguaka, gũi, “Waaka!” ãrĩyupu ĩgũrẽ:

—Gajipoe yure gajino moãrĩ marĩmakũ siiugura doja murẽ, ãrĩyupu.

<sup>26</sup> Félix irasũ ãrĩkeregu: “Pablo yure niyeru sĩburo”, ãrĩgũ, ĩgũ merã werenĩgũ wãri ĩgũrẽ siiunayupu. “Gajipoe irĩgu niyeru sĩmakũ ĩgũrẽ wiubukoa”, ãrĩ gũñadiyupu. <sup>27</sup> Pe bojori puru, Porcio Festo wãikũgu Félire gorawayugu, opu ñajãyupu. Irasirĩgu Félix gapu ĩgũ opu ããrĩrĩrẽ wirĩgu, judío masaka merã õãrõ ããrĩduagu, Pablöre peresugueta ããrĩdorekõãyupu dapa.

## 25

### *Pablo, Festo merã werenĩdea*

<sup>1</sup> Urenu ĩgũ opu ããrĩrĩ ñajãdero puru, Festo Cesareague ããrãdi, Jerusalẽgue waayupu.

<sup>2</sup> ĩgũ irogue ejadero puru, paia oparã, gajirã judío masaka oparã Pablöre ĩgũsã weresãdeare Festoguere wererã waañurã. <sup>3</sup> ĩgũ puro eja, turaro merã: “Gũare iritamuka! Pablöre õõ Jerusalẽgue ãrĩdoreka!” ãrĩ sãrẽñañurã. ĩgũsã ĩgũrẽ maague aarĩgure: “Wẽjẽkõãrã!” ãrĩ amuyusiadiñurã. <sup>4</sup> Festo gapu ĩgũsãrẽ yũjũyupu:

—Pablo Cesareague peresu ããrĩmi dapa. Mérõgã puru irogue goedujãagũkoa doja.

<sup>5</sup> Pablo ñerõ iririkũgu ããrĩmakũ ããrã, musã oparã Cesareague yu merãta waa, ĩgũrẽ weresãrã waaburo, ãrĩyupu.

<sup>6</sup> Irasirĩgu Festo su semana pere, gajĩ semana ñrenu waaró merã Jerusalẽgue ããrãdi Cesareague goedujãakõãyupu. ĩgũ dujajadero puru, gajĩnu gapu weresãrĩrẽ beyeri wiigũ waayupu. Iro eja, opu doarogue doa, Pablöre ãrĩdoreyupu. <sup>7</sup> Pablo irogue ejamakũ ããrã, judío masaka Jerusalén merã aaranerã ĩgũ puro waa ejanũgã, ĩgũrẽ wãri ñerĩ weresãdiñurã. Irasũ ãrĩ weresãkererã: “Ãsũ irimakũ ããrã”, neõ ãrĩmasĩbiriñurã. <sup>8</sup> Puru Pablo ĩgũ irideare wereyupu:

—Judío masaka dorerire, Marĩpũya wiima dorerire, romano marã opu doreridere neõ tarĩnũgãbirĩbu yu, ãrĩyupu.

<sup>9</sup> Festo gapu judío masaka merã õãrõ ããrĩduagu, Pablöre sãrẽñayupu:

—¿Jerusalẽgue waadũakuri? Irogue mu irideare yure weremakũ, ĩgũsã murẽ weresãdeare weremakũ péduakoa, ãrĩyupu.

<sup>10</sup> ĩgũ irasũ ãrĩmakũ, Pablo yũjũyupu:

—Yu õõ romano marãrẽ weresãrĩrẽ beyerogue ããrĩsĩãã. Irasirĩgu Jerusalẽguere waadũabirĩkoa. Õõta yure irire beyero gããmea. Judío masakare neõ ñerõ iribirĩbu. Mu irire õãrõ masĩkoa. <sup>11</sup> Yu ñerõ iridi tamerã: “Yu wẽjẽbirikõãka!” ãrĩbirĩboakuyo. ĩgũsã yure ãrĩkatori merã weresãdea ããrĩmakũ, neõ sugũ opũguere wiamasĩña mãã. Yu irideare romano marã opũre beyemakũ gããmekoa, ãrĩyupu Pablo Festore.

<sup>12</sup> ĩgũ irasũ ãrĩmakũ pégu, Festo ĩgũ merãmarã merã werenĩ odo, Pablöre ãrĩyupu doja:

—Mu irideare romano marã opũre weredũamakũ, ĩgũ purogue iriugũra murẽ, ãrĩyupu.

*Pablo, opu Agripare werede*

<sup>13</sup> Yoaweyaripoe puru Festo opu ñajãdero puru, Judea marã opu Agripa wãikugũ, ìgũ tìgõ Berenice merã Cesareague Festore òãdorerã waañurã. <sup>14</sup> Agripa irore yoaripoe ããrĩmakũ, Festo Pablöre ìgũsã irideare wereyupu ìgũrẽ:

—Òõrẽ sugũ ããrĩmi Félix peresu iridi. <sup>15</sup> Yu Jerusalëgue ããrĩmakũ, paía oparã, gajirã judío masaka oparã ìgũrẽ yure weresãrã ejama. “Ìgũ ñerõ iridea waja wëjèdoreka!” ãrĩ sërẽma yure. <sup>16</sup> Yu gapu: “Gua romano marã ubugorata gajirãrẽ neõ wëjèdorebea. Irasirirã sugũ masakure weresãnerã ìgũsã weresãdi merã weresãrĩrẽ beyerimasũ ìürõ gãme wereníbirikererã: ‘Wëjèkõãka!’ ãrĩmasĩbema”, ãrĩ yujubu. <sup>17</sup> Irasirigu ìgũrẽ weresãnerã yu merã òõgue ìgũsã ejadero puru, yooboro marĩrõ gajinu gapu weresãrĩrẽ beyeri wiigüe waabu. Iro eja, opu doarogue doa, ìgũsã weresãdire ãiridorebu. <sup>18</sup> Ìgũ yu puro ejamakũ ìãrã, ìgũrẽ weresãnerã wãgãnugãma. Ìgũsã wãgãnugãmakũ ìãgũ: “Ìgũ ñerĩ irideare wãri weremurã yãma”, ãrĩ gũñadibu. Ìgũsã gapu: “Ìgũ ñerĩ irimakũ ìãbu”, ãrĩ neõ weremasĩbirima. <sup>19</sup> Judío masaka buremurĩ ditare weresãma. “Jesús wãikugũ boa, puru masãdi ããrĩmĩ”, ìgũ ãrĩdea waja weresãma ìgũrẽ. <sup>20</sup> Nasirimasĩbirisĩã, ìgũrẽ sërẽñabu: “¿Jerusalëgue mude yu merã waadũakuri? Irogue yu merã waasĩã, mu irideare wereaso yure”, ãrĩbu ìgũrẽ. <sup>21</sup> Yu irasũ ãrĩmakũ pëgu: “Iroguere waadũabirikoa, Romano marã opu gapure yu irideare weregu waadũakoa”, ãrĩmi. Irasirigu yu gapu ìgũrẽ òõta píkõãbu dapa. “Yu murẽ iriumakũ, romano marã opu Augusto puro waagukoa mu”, ãrĩbu ìgũrẽ, ãrĩ wereyupu Festo Agripare.

<sup>22</sup> Agripa Festore ãrĩyupu:

—Yude ìgũ weremakũ péduakoa.

—Jãu, ñamigãta ìgũrẽ pégukoa mu, ãrĩyupu.

<sup>23</sup> Gajinu gapu Agripa, ìgũ tìgõ Berenice merã iri makã marã nerẽrĩ taribugue waañurã. Irogue ñajãrã, oparã sãñarĩ suri merã ñajãñurã. Gajirã surara oparã, iri makã marã oparãde ìgũsã merã ñajãñurã. Ìgũsã nerẽadero puru, Festo Pablöre ãiridoreyupu. <sup>24</sup> Pablo ìgũsã purogue ñajãjamakũ, Festo iro ããrĩrãrẽ ãrĩyupu:

—Opu Agripa, ããrĩpererã i taribugue nerẽanerã òãrõ péka yure! Wãrã judío masaka Jerusalén marã, i makã marãde ìrẽ weresãma yure. “Wëjèkõãka ìgũrẽ!” ãrĩ gaguiníma.

<sup>25</sup> Ìgũsã irasũ ãrĩkeremakũ, yu gapu ìgũsã ìgũrẽ wëjërõ gããmea, ãrĩrĩ wajare bokabiribu. Irasirigu opu Augustore ìgũ irideare weregu waadũakoa, ãrĩmakũ: “Ìgũ purogue iriugura”, ãrĩ gũñabu. <sup>26</sup> Yu gapu ìgũrẽ ìgũsã weresãdeare òãrõ masĩbirisĩã, opu Augustore irimarẽ gojabiribu dapa. Irasirigu ìgũrẽ ãiridoreabu, ìgũ irideare musã péuro weredoregu. Opu Agripa, ìgũ irideare weremakũ mu péadero puru, ìgũrẽ sërẽña, puru yu òãrõ gojagukoa pama marĩ opu Augustore. <sup>27</sup> Sugũ masakure ìgũ ñerõ irideare masĩbirikererã, marĩ opu Augusto purogue iriumasĩña máa. Ìgũrẽ weresãdeare òãrõ masĩbirikererã ìgũrẽ iriurã, ubugorata iriubukoa, ãrĩyupu Festo Agripare.

## 26

*Pablo Agripare werede*

<sup>1</sup> Irasirigu Agripa Pablöre:

—Wereka yure mu irideare! Ìgũsã murẽ weresãdeare mu yujumakũ péduakoa, ãrĩyupu.

Ìgũ irasũ ãrĩmakũ pëgu, Pablo ìgũya mojõrẽ soemu, ìgũ irideare werenugãyupu:

<sup>2</sup> —Opu Agripa, dapagorare mu yure weredoremakũ, buro usuyãa. Irasirigu yu irideare, judío masaka yure weresãdeare ããrĩpererire murẽ weregura. <sup>3</sup> Gua judío masaka iririkurire gua gãme werenírdere òãrõ masĩkoa. Irasirigu bopoñarĩ merã yu weremakũ, òãrõ péka!

*Pablo Jesúre buremuburi dupiyuro ìgũ ããrĩrikũdeare werede*



<sup>4</sup> Āārīpererā judío masaka yaa nikū marā, Jerusalén marāde yu majīgūgueta ĩgūsā merā āārīdeare masīma. <sup>5</sup> Yu maamūgueta fariseo bumu āārīdi āārībá. Murē irire wereduarā, weremasīma. Āārīpererā gu judío masaka watopeguere fariseo bumarā gu bremurīrē gajirā nemorō ōārō yáma. <sup>6</sup> Marīpu gu ñekūsāmarārē masaka boanerārē masūgura, ārīdeare yu bremurī waja yure weresārā ōōgue iriuma wajamoāburo, ārīrā. <sup>7</sup> Gu judío masaka, Israel bumarā pe mojōma pere su gubu peru pērebejari buri marāgora, Marīpu marī boadero puru masūburire usuyari merā yúa. Irasirirā umarī, ñamirī Marīpūre bremunikōāa. Opu Agripa, gu irire yúkeremakū, surāyeri judío masaka weresāma yu irire bremurī waja. <sup>8</sup> Musā gapu, ¿nasirirā Marīpu boanerārē masūburire bremuberi?

*Pablo Jesúre bremurārē ĩgū ñerō iriunadeare werede*

<sup>9</sup> Iripoegue Jesús Nazaretmurē bremurārē yu bokatīūrō ñerō iridudibū. <sup>10</sup> Jerusalēguere paía oparā dorero merā wārā Jesúre bremurārē peresu iribū. Irasirigu oparā ĩgūsārē wējēdoremakū, yude neō kāmatabiribū. <sup>11</sup> Āārīpereri ĩgūsā nerērī wiirigue ñajāa, Jesúre bremurārē ñerō iriunabū, ĩgūrē bremurīrē piriburo, ārīgū. ĩgūsā merā buro guabū. Gaji makārīguedere irasūta ñerō irigorenabū.

*Pablo Jesúre bremunūgādeare werede*

<sup>12</sup> Irasirigu Damascogue Jesús bremurārē ñerō irigu waadibū, paía oparā yure: “Gu dorero merā waaka!” ārīmakū pégu. <sup>13</sup> Opu Agripa, yu maague waamakū, āsū waabū. Goeripoe āārīmakū, umugasigue abe umumu gosero nemorō gosesiribū yu puro, yu merā waanerā pūrodere. <sup>14</sup> Gu āārīpererā yebague meémejābū. Sugū yure hebreo ya merā werenīmakū pébū. “Saulo, ¿nasirigu yure ñerō yári mu? Mu yure ñerō irigu, mu basita ñerō yáa”, ārīmi yure. <sup>15</sup> ĩgū irasū ārīmakū pégu, yu gapu: “¿Noā āārīrī mu?” ārī sērēñabū. Marī Opu gapu āsū ārīmi: “Yu, Jesús, mu ñerō iriguta āārā. <sup>16</sup> Wāgānūgāka! Yu marē deyoa, yure moāboegu āārīburo, ārīgū. Irasirigu mu yure ĩādeare, purugue yu murē ĩmuburidere gajirārē werēgukoa. <sup>17</sup> Yu murē judío masaka āārīmerārē buebure iriugura. Judío masaka, judío masaka āārīmerāde murē ñerō irimakū wijatagura. <sup>18</sup> Yu murē judío masaka āārīmerārē buedoregu iriugukoa, yaa kerere masīburo, ārīgū. Irasirirā ñerīrē pirirākuma. Koye ĩāpāmerā, naītīārōgue āārīrā irirosū āārībirikuma. Boyorogue āārīrā irirosū āārīrākuma. Wātī ĩgūsā opu āārībirikumi pama. Marīpu gapu ĩgūsā Opu āārīgukumi. Irasirigu, ĩgūsā yure bremumakū ĩāgū, Marīpu ĩgūsā ñerī irideare kātīgukumi. ĩgūsārē ĩgūyarā āārīmakū irīgukumi”, ārīmi Jesús yure.

*Pablo, Jesús dorerire yujudea*

<sup>19</sup> Opu Agripa, umugasigue Jesús yure werenīdeare tarinūgābiribū. <sup>20</sup> Irasirigu Damasco marārē ĩgūya kerere wereroribū. Puru Jerusalén marārē, āārīpererogue Judea marārē werebū. Judío masaka āārīmerādere werebū. “Musā ñerō irideare bujawere, musā gūñarīrē gorawayuka! Marīpu gāāmerī gapure irika! Irasirirā musā gūñarī gorawayuadeare ĩmurākoa”, ārī buebū ĩgūsārē. <sup>21</sup> Yu irire budea waja judío masaka Marīpūya wiigū yu āārīgūrē ñeā wējēduarā irima. <sup>22</sup> ĩgūsā irasirikeremakū, Marīpu gapu yure iritamunikōāmi. Irasirigu āārīpererā oparārē, ubu āārīrādere yu ĩgūya kerere wererire neō piribea. Iripoegue Moisés, gajirā Marīpūya kerere weredupiyunerā, purugue āsū waarokoa, ārīdeare werea. Āsū ārī gojanerā āārīmá: <sup>23</sup> “Cristo, Marīpu iriudi buro ñerō tarīgukumi. ĩgū boadero puru, ĩgūta masāpurori, neō dupaturī boabirikumi. Irasirigu ĩgū masakare taugu āārīrīrē judío masakare judío masaka āārīmerādere masīmakū irīgukumi”, ārī gojanerā āārīmá, ārī wereyupu Pablo Agripare.

*Pablo Agripare: “Jesúre bremuka!” ārī werede*

<sup>24</sup> ĩgū irasū ārīripoeta Festo gaguiniyupu:

—Pablo, mirēgū yáa. Wári buetarisīā, mirērīmasū waáa, ārīyupu.

<sup>25</sup> Pablo gapu Festore arĩyupu:

—Yu opu, mirēbea. Yu wereri diayeta aārā. Irasirigu ire goepeyaro merā werea. <sup>26</sup> Opu Agripa gapu, yu wereri aārĩpererire oārō masĩkumi. Irire masĩa yu. Irasirigu ĩgūrē gũiro marĩrō werea. Yu Jesũyare weregu, yayerogue werebea, arĩyupu Pablo Festore. Irasũ arĩ odo, asũ arĩyupu Agripare:

<sup>27</sup> —Opu Agripa, Marĩpuya kerere weredupiyunerā gojadeare buremua mu. Mu irire buremurĩrē masĩa yu, arĩyupu.

<sup>28</sup> Agripa ĩgūrē yujyupu:

—Iropagā werekeregu, cyure Jesũre buremumakũ iridũari? arĩyupu.

<sup>29</sup> ĩgũ irasũ arĩmakũ pēgu, Pablo yujyupu ĩgūrē:

—Jesũyare wári, o mērōgā weregu, musā aārĩpererārē yu irirosũ ĩgūrē buremumakũ gāāmea. Marĩpuguere irire sērēbosāa. Yu peresugue aārĩgũ irirosũ musā aārĩmakũ tamerārē gāāmebea, arĩyupu.

<sup>30-31</sup> ĩgũ irasũ arĩmakũ pērā, Agripa, Festo, Berenice gajirā ĩgūsā merā doanerāde wāgānugā, gaji taribugue waa, ĩgūsā basi asũ arĩ gāme werenĩnurā:

—ĩgūrē i waja wējērō gāāmea, arĩrĩ máa. I waja peresu iriro gāāmea, arĩrĩde máa, arĩ gāme werenĩnurā.

<sup>32</sup> Irasirigu Agripa asũ arĩyupu Festore:

—Pablo romano marā opure yu irideare weredũakoa, ĩgũ arĩbirimakũ, marĩ ĩgūrē peresugue aārĩgūrē wiukōāboakuyo, arĩyupu.

## 27

### *Pablora Romague iriudea*

<sup>1</sup> Irasirirā Pablora, gajirā peresu aārĩrādere doódiru merā Italia nikũma makā Romague gu merā iriuma. Julio wāikugu surara opudere iriuma ĩgūsārē koredorerā. ĩgūsā romano marā opu Augusto wāikuguyarā surara aārĩmá. <sup>2</sup> Gna Adramitio wāikuri makā marāya doódiru Asia nikũma perague waadiru merā waabu. Gajigu Aristarco wāikugu Macedonia nikũma makā Tesalónica wāikuri makāmade gu merā waami. <sup>3</sup> Gajinu gapu Sidón wāikuri makāma perague ejabu. Irogue ejadero puru, Julio Pablora boponarĩ merā ĩā, ĩgūrē ĩgũ merāmarā puro naadoregu iriumi, ĩgūsā ĩgũ gāāmerĩrē sĩburo, arĩgũ. <sup>4</sup> Gna iri makāgue aārānerā doódiru merā waamakũ, buro mirũ guare gajipārēgue wējāputaribujubu. Irasirirā Chipre wāikuri nugūrō kugapu dujamakũ taribu. Iro gapu mirũ wējāpubiriweyabu. <sup>5</sup> Ciliciare, Panfiliadere taribu. Puru Licia nikũma makā Mira wāikuri makāgue ejabu.

<sup>6</sup> Gna irogue ejamakũ, surara opu gajiru doódiru bokajami. Iriuru Alejandrĩague aaradiru, Italiague waaburidiru aārĩbũ. Irasirigu guare irirugue ñajādozemi. <sup>7</sup> Iriuru merā waarā, mirũ guare buro wējāpu kāmutamakũ, yoaripoe yoobobu. Buro ñerō tariri merā waa, Gnido wāikuri makā bokatĩūrō ejabu. Irore gu tarimakũ, mirũ dupaturi buro wējāpubu. Gna waaderoguere ejamasĩbiribu. Irasirirā Creta wāikuri nugūrōgue waa, Salmón wāikuri ñorōrē tariadero puru, mirũ guare neō wējāputaribujubiribu pama. <sup>8</sup> Iri nugūrō turo taria, gariboretarianerāgue “Oārĩ pera” wāikurogue ejabu. Iri pera Lasea wāikuri makā purogue aārĩbũ.

<sup>9</sup> Gna yoaripoe yooboadea waja puibu waaburo mērōgā dũyabu. Irasirigu Pablo doódiru moārārē weremi:

<sup>10</sup> —Péka! Marĩ dapagora waamakũ, iru doódiru, doebiride dederibukoa. Marĩdere mirĩboama goegorāa, arĩdimi.

<sup>11</sup> ĩgũ irasũ arĩkeremakũ, surara opu Pablo wererire pėbirimi. Doódiru opu, iriuru wejatugu wereri gapure buremami. <sup>12</sup> ĩgūsā ejadea pera gapu puibu tamumakũ, ñegorayuro. Irasirirā: “Fenice wāikuri makāgue waakōādorea. Gajipoe irirā irogue puibu

tamubukoa”, ārīma. Fenice, Creta nūgūrōma makā abe ñajārō gapu āārīrī makā āārīyuro. Iri makāma pera gapure mirū wējāpubiriweyayuro.

### *Wádiyague buro mirū waadea*

<sup>13</sup> Irasirirā sur gapu mirū wējāpuweyamakū iārā, doódiru moārā: “Ōārīnu āārīrokoa”, ārī gūñadima. Gua irirure ñajāa, Creta nūgūrō turo waabu Fenicegue waaduarā. <sup>14</sup> Mérōgā puru buro mirū nordeste wāikuri aaribú. <sup>15</sup> Irasiriro guaya doódirure mirū wējāpubéokōābu. Mirū iro wējāpumakū gāme goroamasībiri, mirū wējāpuro gaputa waabu. <sup>16</sup> Gua Cauda wāikuri nūgūrōgā turogue ejamakū, mirū wējāpubiriweyabu. Irasirirā gua buro moātarianerāgue doódirumarū médiru kūmagārē oārō tūāmu saapeobu. Iriuru wádiru mirīmakū, ĩgūsā ñajāburidirugā āārībú. <sup>17</sup> Irirugārē saapeo odo, wádirure pūgubudari merā sanemoma mirū merā waarīri, ārīrā. Puru güi, Sirte wāikuri ĩmparo miēgue marīrē mirū āārīrī, ārīrā, ĩgūsā mirū ñeārī gasiri saatúdea gasirire kuradijukōāma. ĩgūsā kuradijuadero puru, mirū wējāpuro gaputa waabu. <sup>18</sup> Gajinu gapu murārōta buro mirū wējāpumakū iārā, iriruma doebirire diague béobu. <sup>19</sup> Gajinu gapudere iriruma āārīrīrē diague béobu. <sup>20</sup> Yoaripoe ñipirinurī āārīmakū, abe umumu, neñukāde neō deyomarīma. Buro mirū wējāpubu dapa. Irasirirā: “Iro diaye waakōāa”, ārī masīña marību guare. “Mirī boakōārākoa”, ārī gūñabu.

<sup>21</sup> Irasirigu yoaripoe gua baabirimakū ĩāgū, Pablo gua watopegue āārādi wāgānugā, āārīpererārē ārīmi:

—Musā yu Cretague weredeare pémakū oāgorabukuyo. Marī iro wirimerā, irure poyanorē, doebiridere dedeubiriboakuyo. <sup>22</sup> Irasirirā dapagorare yu weremakū péka! Gūñaturaka! Güibirikōāka! Neō sugu boabiriko. Iru doódiru dita dederirokoa. <sup>23</sup> Yu Marīpuyagu āārā. ĩgūrē buremua. Dapagā ñami ĩgūrē wereboegu yure deyoami. <sup>24</sup> Āsū ārāmi: “Pablo, neō güibirikōāka! Mu romano marā opure mu irideare wereguko. Marīpu murē maīrī merā ĩāgū, mu sērēaderosūta murē, mu merāmarā irugue āārīrādere taugukumi”, ārāmi. <sup>25</sup> Irasirirā gūñaturaka! Marīpu ĩgūrē wereboegu yure ārēaderosūta waamakū irigukumi, ārī buremua. <sup>26</sup> Irasiriro marīrē nūgūrōgue mirū wējāpumeétúrokoa, ārī weremi Pablo.

<sup>27</sup> Su ñami, pe semana gua Cretare wiriadero puru, wádiya Adria wāikudiya mirū buro wējāpuro gaputa waabu dapa. Ñami deko āārīmakū, doódiru moārā: “Marī nikūgue ejarā irisuyua”, ārīma. <sup>28</sup> Irasirirā pūgubudague kōmerūrē saatúdiyu keoñama. ĩgūsā keoñamakū, treinta y seis metrogora ũkūābu. Mérōta waa, dupaturi keoñamakū, veintisiete metrogora ũkūābu. <sup>29</sup> Irasirirā ñami āārīyomakū, ũtāyerigue meétuabukoa, ārī güirā, āsū irima. Wapikuri majī kōme majīrīpare iriyaburigue pūgubudari merā saatúdeare wejaturo gapu meéyoma irirure tūāñeāpauburo, ārīrā. Irasiri odo: “Murīgora boyoro gāameadāa”, ārī gūñarikuma. <sup>30</sup> Iri ñamita irirure moārā gapu duriduarā irima. Irasiri gajī kōme majīrīrē wejadupiyuro gapu meéyomurā yāa, ārīkato, doódirumarū médirugārē āīdiyu, iriru merā duriduarā irima. <sup>31</sup> ĩgūsā duriduumakū ĩāgū, Pablo surara opure ĩgūyarā suraradere weremi:

—Īsā iru moārā médirugā merā waamakū, musā āārīpererā taribirikoa, ārīmi.

<sup>32</sup> ĩgū irasū ārīmakū pérā, surara gapu médirugā ĩgūsā suadeadarire dítá, diague béokōāma.

<sup>33</sup> Boyoburi dupiyuro Pablo ĩgūsārē baadoregu, āsū ārīmi:

—Pe semanagora waáa, musā baamerāta buro gūñarikuro. <sup>34</sup> Irasirigu tariduarā baaka! ārī, buro sērēa. Neō sugu musā dederibirikoa. Musāya poadaride neō dederibirikoa, ārīmi.

<sup>35</sup> Irasū ārī odo, Pablo pārē āi, āārīpererā ĩūrō Marīpore: “Mu merā usuyāa”, ārī, irire dukawa baami. <sup>36</sup> ĩgū baamakū iārā, ĩgūsāde āārīpererā gūñatura baama. <sup>37</sup> Gua irirugue

ããrĩrã ããrĩpererã doscientos setenta y seis gora ããrĩbú. <sup>38</sup> Irasirirã ïgũsã ããrĩpererã baayapi, pũũ irirugue ããrĩrĩ, wári trigore diague béoma, kãrãwũridiru dujaburo, ãrĩrã.

*Doódiru ïmparogue soemũrĩbeja mirĩdea*

<sup>39</sup> Boyoripoe doódiru moãrã nũgũrõrẽ ïãboka: “Ãsũ wãikũri nũgũrõ ããrã”, ãrĩ ïãmasĩbirima. Dupatũgũguere ïmparo ããrĩmakũ ïãrã: “Sõõ bũanumuarã! Gajipoe irirã iro majãbukoa”, ãrĩma. <sup>40</sup> Irasirirã kõme majĩrĩrẽ ïgũsã sũadeadarire ditimeedijubéokõãma. Iri odo, wejadupabu wejaturi ïgũsã sũadeadarire kurama. Pũũ iriru wejadupiyuro gapũ ããrĩrĩ suri gasirore ãiwãgũnúma mirũ ããburo, ãrĩrã. Irasiriro ïmparo pũro gapũ numuabũ.

<sup>41</sup> Numua, wejadupiyuro gapũ ïmparo ïkũãberogue soemũrĩbejabũ. Neõ soebumasĩña marĩbũ. Iriru wejaturu gapũ makũrĩ pagari meétuamakũ waariakõãbũ.

<sup>42</sup> Irasũ waamakũ ïãrã, surara gapũ ãrĩma:

—Iru mirĩmakũ, marĩ peresu irianerã bánumuã, duriakõãbukuma. Irasirirã ïgũsãrẽ wẽjẽpeokõãrã! ãrĩ werenĩma ïgũsã basi.

<sup>43</sup> ïgũsã opu gapũ Pabloure tauduagu: “Neõ sugũre wẽjẽbirikõãka! ããrĩpererã bámasĩrã mata nũgũrõ tũroguẽ bánumuaka!” ãrĩmi. <sup>44</sup> “Gajirã taboa majĩrĩ merã, gaji iriruma waariadea majĩrĩ merã payanumuaka!” ãrĩmi. Irasirirã ããrĩpererã iri merã bánumuã, õãrõ tariperekõãbũ.

## 28

*Pablo, Malta wãikũri nũgũrõgue ejadea*

<sup>1</sup> ããrĩpererã tũroguẽ majãnũgãdero pũũ iri nũgũrõrẽ ïãmasĩbũ. Malta wãikũri nũgũrõ ããrĩdero ããrĩbú. <sup>2</sup> Iri nũgũrõ marã masaka guare õãrõ irima. Deko merẽmakũ, guare bũro yũsakubũ. Irasirirã guare peame diubosa, sũmadorema. <sup>3</sup> Pablode pea bojoñajãri seagu waa, seatĩãmi. ïgũ seatĩãripoe ãña ïgũ seadeague ããrãdi peame asiri gũiwirigu, Pabloure ïgũya mojõgue kũrĩmeésiami. <sup>4</sup> ïgũrẽ kũrĩmeésiamakũ ïãrã, iri nũgũrõ marã ïgũsã basi ãsũ ãrĩ gãme werenĩma:

—Ïĩ masakare wẽjẽdi ããrĩkumi. ïgũ dia wãdiyare tariadi ããrĩkeremakũ, marĩ bũremugõ masakare wajamoãdorego ïgũrẽ okadorebirikumo, ãrãdima.

<sup>5</sup> Pablo gapũ ãñarẽ peamegue wẽjãsiri meépeokõãmi. Neõ pũrĩsũbirimi. <sup>6</sup> Irasirimakũ ïãrã, iro marã gapũ: “Bijjakõãrokoa”, ãrĩma. ïgũrẽ bijibirimakũ ïãrã: “Gũñaña marĩrõ kõmoakõãgũkumi”, ãrĩma doja. Yoaripoe ïgũ pũrĩsũbirimakũ ïãrã: “Ïĩ sugũ ãmũgasigue marã opu ããrĩkumi”, ãrĩma.

<sup>7</sup> Gũa majãdero pũro iri nũgũrõ marã opu Publio wãikũya nikũ ããrĩbú. Guare ïgũya wiigue siuami. Irasirirã gũa urenũ ïgũ merã ããrĩmakũ, guare õãrõ irimi. <sup>8</sup> Publio pagu nimakũri yojo merã sirĩgũ ïgũ kãrĩrõgue peyami. Irasirigu Pablo ïgũrẽ ïãgũ waa, ïgũya taribugue ñajãa, Marĩpũre sãrẽ odo, ïgũya mojõrĩ merã ïgũ weka ñapeo, taumi. <sup>9</sup> ïgũrẽ taumakũ ïãrã, ããrĩpererã gajirã iri nũgũrõ marã pũrĩrikũrã Pablo pũro ejama. ïgũsã ejamakũ ïãgũ, Pablo ïgũsãdere taumi. <sup>10</sup> ïgũ irasirimakũ ïãrã, wári gajino sĩma, guare ïgũsã bũremurĩrẽ ïmurã. Pũũ gũa waaburi dupiyurogã ããrĩpereri gũa gããmerĩ, gũa baaburidere doódirugue durisãbosama.

*Pablo Romague ejadea*

<sup>11</sup> Gũa iri nũgũrõgue urerã abe ããrãdero pũũ, doódiru Alejandriague aaradiru merã waabũ doja. Iriru iri nũgũrõgue puibũ tamudero ããrĩbú. Iriru wejadupiyurore pãrã masaka bũremurã Cástor, Pólux wãikũrã keori weadea ããrĩbú. <sup>12</sup> Gũa iriru merã waa, Siracusa wãikũri makãma perague ejabũ. Irore urenũ ããrĩbú. <sup>13</sup> Iri makãrẽ wiriwãgã, iri nũgũrõ tũro taria, Regio wãikũri makãgue ejabũ. Gajinũ gapũ gũa waaripoe gũa pũũ gapũ mirũ wẽjãpuwãgãribũ. Irasirirã gajinũ gapũta Puteoli wãikũri makãgue ejabũ. <sup>14</sup> Iroguẽ gajirã Jesũre bũremurãrẽ bokajabũ. ïgũsã guare: “Su semana gũa merã dujaka!”

ārimakū pérā, su semanagora ĩgūsā merā dujabu. Puru Romague waarā, maa merā waabu. <sup>15</sup> Gajirā Roma marā Jesúre buremurā gha waarí kerere pérā, Apio wāikuri makāgue ghare bokatīrīrā ejama. Iri makā doebiri duari makā āārībú. Puru maague yoawayaro waaripoe naarā kārīrī wiiri, ure wii āārīrōgora gajirā ghare bokatīrīrā ejama. ĩgūsā bokatīrīrā ejamakū ĩāgū, Pablo usuyari merā Marīpūre: “Murē usuyari sīa”, ārī, siñajā gūñaturakōāmi. <sup>16</sup> Romague gha ejadero puru, surara opu peresu āārīrārē Pablo merā āānerārē iro marā peresu āārīrārē korerā opure wiami. Pablo gapure: “Suguta āārīduamakū ōārokoa”, ārī, sugu surara ĩgūrē korebure pími.

### *Pablo Roma marārē buedea*

<sup>17</sup> Urenu puru Pablo judío masaka oparārē iro āārīrārē siiu neōmi. ĩgūsā nerēperemakū ĩāgū, āsū ārīmi:

—Yarā, yu marīyarārē, marī ñekūsāmarā iriunadeadere tarinugābirikeremakū, Jerusalén marā yure ñeā, romano marā oparāguere wia, yure peresu irima. <sup>18</sup> Romano marā oparā gapu yure sērēña wiudhadima wējērō gāāmea, ārīrī bokabirisīā. <sup>19</sup> Marīyarā judío masaka gapu neō yure wiudhabirima. ĩgūsā irasirimakū ĩāgū: “Romano marā opure yu irideare weredorerā iriuka!” ārī sērēbu. Iri sērēgū, yu gapu marīyarārē: “Ñerō irima”, ārī weresābiribu. <sup>20</sup> Irasirigu musārē ire werebu siuabu. Marī judío masaka yoaripoe yūdi, marīrē taugu, Jesucristo āārīmi. Yu ĩgūrē buremurī waja peresugue i kōmeda merā sasūdi āārā, ārī weremi Pablo judío masaka oparārē.

<sup>21</sup> ĩgūsā ĩgūrē ārīma:

—Neō su papera pū, marīyarā Judea marā, muyamarē gojadea pūrē ñeābea. ĩgūsā ōōgue naarā ejanerāde murē neō ñerō ārī weresābirima. Gajirāde: “Ñerō irimi”, ārī werebirima ghare. <sup>22</sup> I ditare masīa. Āārīpererogue marā masaka mu merāmarārē: “ĩgūsā bueri ñegorāa”, ārī werenīma. Irasirirā mu buerire péduakoa, ārīma.

<sup>23</sup> Irasirirā sunu irire wereniburinurē beye odo, waakōāma. Puru irinu ejamakū ĩārā, wārā masaka Pablo āārīrī wiigue ejama. Irasirigu boyoripoe āārīmakū, ĩgūsārē buenugādi, bueneākōāmi. Marīpu ĩgūyarārē doreri kerere buemi. Moisés gojadeare, Marīpuya kerere weredupiyunerā gojadeadere buemi, Jesúre buremuburo, ārīgū. <sup>24</sup> Surāyeri ĩgū buerire buremuma. Gajirā gapu neō péduabirima. <sup>25</sup> Irasirirā surosū gūñabiri, wirianokōāma. ĩgūsā wiriaripoe Pablo ārīmi:

—Ōāgū deyomarīgū Marīpuya kerere weredupiyugu Isaías merā marī ñekūsāmarārē diayeta weredi āārīmí. Āsū ārī weredi āārīmí:

<sup>26</sup> Masakare āsū ārī weregu waaka: “Ūmuriku musā yaare pékererā: ‘Irasū ārīduaro irikoa’, ārī neō pémasībea. Ūmuriku yu ōārō iririre ĩakererā: ‘Irasū ārīduaro irikoa’, ārī neō ĩāmasībea”, ārī wereka ĩgūsārē!

<sup>27</sup> Yaa werenīrē pémerā diayeta pémasībema. Irasirirā gānipūrī pémerā, koye ĩāpāmerā irirosū āārīma. Irasū āārīmerā ĩāmasī, ōārō pémasībukuma. Irasirirā yu pémasīrī sīrē oparā yure buremubukuma. Irasirigu ĩgūsārē tauboakuyo, ārīdi āārīmí.✠

<sup>28</sup> Irasirirā musā yure péduabiri waja dapagora merā Marīpu masakare tauri kerere judío masaka āārīmerā gapure wererā waarākoa. ĩgūsā gapu pérākuma, ārīmi Pablo judío masaka ĩgū puro nerēanerārē.

<sup>29</sup> ĩgū irasū ārimakū pérā, ĩgūsā basi buro gāme turi wiriama.

<sup>30</sup> Pe bojorigora Pablo iro marā ĩgūrē wayudea wiigue āārīmí. ĩgū iri wiigue āārīrī waja ĩgūsārē niyeru merā wajarinami. Iri wiigue āārīgú, ĩgūrē ĩārā ejanarārē usuyari merā bokatīrīñeānami. <sup>31</sup> Güiro marīrō Marīpu ĩgūyarārē doreri kerere, Jesucristoya keredere buenami. Neō sugu ĩgūrē: “Buebirikōāka!” ārībirima.

Iropata āārā.

Lucas

## ROMANOS

### *Pablo Roma marârê ôãdoredea*

<sup>1</sup> Y<sub>u</sub> Pablo, Jesucristore moãboegu ãârã. Marĩpu y<sub>u</sub>re ïgũ masakare tauri kerere buedoregu beyepĩmi.

<sup>2</sup> Iripoegue Marĩpu ïgũyare weredupuyunerãrê iri kerere weredi ãârĩmĩ. Irasirirã irire ïgũya werenĩrĩ gojadea pũgue gojanerã ãârĩmã. <sup>3</sup> ïgũsã gojadea, Marĩpu magũ marĩ Op<sub>u</sub> Jesucristoya kere ãârã. ïgũta i ãmũguere marĩ irirosũ dupakũgu deyoagu, David parãmi ãârĩturiagu ãârĩdi ãârĩmĩ. <sup>4</sup> ïgũ, Ôãgũ deyomarĩgũrê opagu ãârĩmĩ. ïgũ boadero p<sub>u</sub>r<sub>u</sub>, Marĩpu ïgũ turari merã ïgũrê masũdi ãârĩmĩ ãârĩpererãrê: “Diayeta y<sub>u</sub> magũ ãârĩmĩ”, ãrĩ ïmugũ. <sup>5</sup> ïgũta guare ôãrõ irigu, Jesucristo merã ïgũyare weredoregu pími, ãârĩpereri buri marârê ïgũrê b<sub>u</sub>remurãno ïgũ dorerire iriburo, ãrĩgũ. <sup>6</sup> M<sub>u</sub>sãdere Jesucristoyarã ãârĩburo, ãrĩgũ, beyedi ãârĩmĩ.

<sup>7</sup> Irasirigu y<sub>u</sub> m<sub>u</sub>sãrê Marĩpu beyenerãrê ãârĩpererã Roma marârê ôãdorea. Marĩpu ãârĩnĩgũ, marĩ Op<sub>u</sub> Jesucristo m<sub>u</sub>sãrê ôãrõ iritamu, siuñajãrĩ merã ãârĩrikumakũ iriburo.

### *Pablo: “Romague waadũakoa”, ãrĩ gojadea*

<sup>8</sup> Ire m<sub>u</sub>sãrê werer<sub>u</sub>rorig<sub>u</sub>ra. ãârĩperero marã masaka, m<sub>u</sub>sã Jesucristore b<sub>u</sub>remurĩrê werenĩpereakõãma. Irire pég<sub>u</sub>, Jesucristo iritamurĩ merã Marĩp<sub>u</sub>re <sub>u</sub>suyari sãa.

<sup>9</sup> ãârĩpereri y<sub>u</sub> turari merã Marĩpu y<sub>u</sub>re dorerosũta masakare ïgũ magũya kerere werea. Irasirigu ïgũrê sêrêrik<sub>u</sub>, m<sub>u</sub>sãya ãârĩburire sêrêbosanĩkõãa. Marĩpu irire masĩmi. <sup>10</sup> Irasirigu Marĩp<sub>u</sub>re: “M<sub>u</sub> y<sub>u</sub>re Romague iriudũagu, y<sub>u</sub> waaburire ãmuyuka!” ãrĩ sêrênãa. <sup>11</sup> M<sub>u</sub>sã p<sub>u</sub>ro ejagu, gũñaturari merã Jesúre b<sub>u</sub>remunemoburo, ãrĩgũ, ïgũyare weredũakoa, Ôãgũ deyomarĩgũ y<sub>u</sub>re iritamurõsũta m<sub>u</sub>sãdere iritamuburo, ãrĩgũ. <sup>12</sup> Marĩ Jesúre b<sub>u</sub>remurã ãârã. Irasirirã m<sub>u</sub>sã, y<sub>u</sub> ïgũrê b<sub>u</sub>remumakũ ïãrã, nemorõ gũñaturarãkoa. Y<sub>u</sub>de, m<sub>u</sub>sã ïgũrê b<sub>u</sub>remumakũ ïãgũ, gũñaturagũkoa.

<sup>13</sup> Yaarã, y<sub>u</sub> m<sub>u</sub>sã p<sub>u</sub>ro waadũarire masĩmakũ gããmekoa. Gajero marã masaka y<sub>u</sub> Jesúya kerere weremakũ pérã, ïgũrê b<sub>u</sub>remuma. Irasirigu m<sub>u</sub>sãya makã marãdere irire weregu waadũakoa, ïgũsãde ïgũrê b<sub>u</sub>remuburo, ãrĩgũ. <sup>14</sup> Marĩpu y<sub>u</sub>re ãârĩpererãrê iri kerere weredoremi. Paga makãrĩ marârê, m<sub>u</sub>tã makãrĩ marârê, masĩrãrê, masĩmerãdere weredoremi. <sup>15</sup> Irasirigu m<sub>u</sub>sãya makã marârê Jesúre b<sub>u</sub>remumerãrê ïgũya kerere b<sub>u</sub>ro weredũakoa.

### *Jesúya kerere pérã, ïgũrê b<sub>u</sub>remunũgãrãkuma, ãrĩ gojadea*

<sup>16</sup> Masaka iri kerere pérã, ïgũrê b<sub>u</sub>remunũgãrãkuma. Irasirigu Marĩpu ãârĩpererã Jesúre b<sub>u</sub>remurãrê ïgũ turari merã taugũkumi, perebiri peamegue waabirikõãburo, ãrĩgũ. Judío masaka, judío masaka ãârĩmerãde iri kerere pé, ïgũrê b<sub>u</sub>remumakũ, Marĩpu ïgũsãrê taugũkumi. Irasirigu y<sub>u</sub>, g<sub>u</sub>yasĩrĩrĩ marĩrõ gũñaturari merã iri kerere werea.

<sup>17</sup> Iri kere ãsũ ãrã. Marĩpu Jesucristore b<sub>u</sub>remurã direta: “Ôãrã ãârĩma”, ãrĩ ïãmi. Marĩp<sub>u</sub>ya kerere gojadea pũguedere ãsũ ãrĩ gojasũdero ãârĩbú: “Marĩpu irasũ b<sub>u</sub>remurãrê: ‘Ôãrã ãârĩma’, ãrĩ ïãmi. Irasirirã ïgũ merã ãârĩnĩkõãrãkuma”, ãrĩ gojasũdero ãârĩbú.

### *Masaka ïgũsã ñerĩ iriri merã waja opama, ãrĩ gojadea*

<sup>18-19</sup> Marĩpu masakare ïgũyamarê ôãrõ masĩmakũ yãmi. ïgũ irire masĩmakũ irikerep<sub>u</sub>r<sub>u</sub>, ñerĩrê yãma. Irasirirã Marĩp<sub>u</sub>ya diayemarê masĩmerã dujama. Irasirigu Marĩpu ãmũgasigue ãârĩgũ ãârĩpererã diayemarê irimerãrê, ñerõ irirãrê ïgũ b<sub>u</sub>ro wajamoãburire masĩmakũ yãmi. <sup>20</sup> Marĩpu deyomarĩgũ ãârĩkerep<sub>u</sub>r<sub>u</sub>, ïgũ neõgorague i ãm<sub>u</sub>rê ãârĩpereri iri-dea merã ïgũ perebiri turarire, ïgũyamarê masĩsũa. Irasirirã masaka ïgũrê: “Masĩbirisĩã, waja opabea”, ãrĩmasĩbirikuma.

21 Marĩpuyamarẽ masĩkererã, ãgũrẽ: “Õãtaria mũ”, ãrĩ bũremubema. Ñgũ õãrõ irikererũ, ãgũrẽ: “Õãa”, ãrĩ, usuyari sĩbema. Irasirirã ãgũyare pẽmasĩmerã dujama. Ñerĩ direta gũñarĩ opama. Irasiriro ãgũsã gũñarĩguere naĩtĩãrõ irirosũ ããrã. 22 “Gũa masĩrã ããrã”, ãrĩkererã, Marĩpuyare neõ pẽmasĩmerã waama. 23 Irasirirã Marĩpũ ããrĩngũ gapũre bũremubema. Pũngue boaburi gapũre: masaka keorire, mirã, waimũrã paãrã, pĩrũa keori ãgũsã weadeare bũremuma.

24 Irasirigũ Marĩpũ ãgũsãrẽ ãgũsã ñerĩrẽ ãaribejari direta irinaburo, ãrĩgũ, bẽomi. Irasirirã gũyasiũrõ ñerĩrẽ gãme irinĩkõãma. 25 Marĩpũya diayema gapũre bũremubema. ãrĩgatori direta õãrõ pẽma. Irasirirã Marĩpũ ããrĩpereri i ãmãmarẽ iridi gapũre bũremumerã, ãgũ iridea gapũre bũremuma. ãgũsã ãgũrẽ bũremubirikerepũrũ, marĩ gapũ ãgũrẽ: “Õãtaria mũ”, ãrĩ, usuyari sĩnĩkõãrõ gããmea. Irasũta irirã!

26 ãgũsã bũremubiri waja Marĩpũ ãgũsãrẽ bẽomi, ãgũsã gããmerõ gũyasiũrõ ñerĩrẽ iriburo, ãrĩgũ. Irasirirã nome ãmarẽ marãpũkũduabema. Nome basita gãme marãpũkũduarã irirosũ ããrĩma. Irasirirã ãgũsã nome seyaro ñerõ yãma. 27 Ñmade irirosũta yãma. Nomerẽ marãpokũduabema. Ñma basita gãme marãpokũduarã irirosũ ããrĩma. ãgũsã ãma seyaro ñerõ yãma. Irasirirã ãgũsã basita ñerõ iriri waja ãgũsãya dupũrĩre poyanorẽma.

28 ãgũsã Marĩpũre masĩduabiri waja ãgũsãrẽ bẽomi, ñerĩ gũñarĩ direta opaburo, ãrĩgũ. Irasirirã noó gããmerõ ñerĩrẽ irinĩkõãma. 29 ããrĩpereri ñerĩrẽ iririkũma. Ñma nome merã, nome ãma merã ñerõ iririkũma. Ñetariro iririkũma. Gajerãyare bũro gããmemema. Gajerãrẽ ñerõ iridũama. Gajerã gajino opamakũ ããrã, ãgũsãrẽ ããturima. Gãmewẽjẽrikurã, gãmekẽãrikurã, ãrĩgatorikurã, ñerõ ããrĩrikurã, bũro kerekurã ããrĩma. 30 Gajerãrẽ ãrĩgatori merã ñerõ ãrĩ werenĩma. Marĩpũre gããmemerã dooma. Gajerãrẽ ããmuĩrikũma. “Gajerã nemorõ ããrã”, ãrĩ gũñarã: “Õãrõ yãa”, ãrĩ weregorenama. Gajerosũperi ñerĩ iririre iribokadũama. ãgũsã pagũsãmarãrẽ tarinũgãrikũma. 31 Ñãrĩrẽ pẽmasĩduabema. Gajerãrẽ: “ãsũ irirãra”, ãrĩdeare neõ keoro iribema. Neõ sugũnorẽ maĩrĩ merã ããbema. ãgũsãrẽ gajerã ñerõ irideare neõ kãtimasĩbema. Gajerãrẽ bopoñabema. 32 Marĩpũ irasirirãrẽ: “Wajamoãgũra”, ãrĩderosũta irigũkumi. Perebiri peamegue bẽogũkumi. ãgũsãrẽ bẽoburire masĩkererã, ñerĩrẽ neõ piribema. Gajerã ãgũsã irirosũ ñerĩrẽ irimakũ ããrã, õãrõ usuyari merã ããma.

## 2

### *Ñerĩ irirãrẽ Marĩpũ diayeta wajamoãgũkumi, ãrĩ gojadea*

1 Irasirirã gajerãrẽ werewũarã ãgũsã irirosũ irikererã, mũsã basita werewũarã yãa. ãgũsãrẽ: “ãgũsã ñerõ iriri waja, waja opama”, ãrĩrã, mũsã basita: “Gũade waja opãa”, ãrĩrã irirosũ ãrĩrã yãa. 2 Marĩpũ ñerĩ irirãrẽ: “ãgũsã ñerĩ iriri waja, wajamoãgũra”, ãrĩgũ, diayeta ãrĩgũ yãmi. Irire masĩa marĩ. 3 Mũsã gajerãrẽ: “Ñerõ yãma”, ãrĩ werewũarã, ãgũsã irirosũ irikererã: “Marĩpũ gũa gapũre wajamoãbirikumi”, ¿ãrĩ gũñarĩ? Irire irasũ ãrĩ gũñabirikõãka! Marĩpũ mũsãdere mũsã ñerõ iriri waja, wajamoãgũkumi.

4 Mũsã ñerĩ irirã: “Marĩpũ gũare bũro bopoñarĩ merã ããgũ, mata wajamoãbemi”, ãrĩ gũñabirikõãka! Ñãrõ pẽmasĩka! Mũsã ñerõ iririre bũjoweremakũ ããduagũ, mũsã gũñarĩrẽ gorawayumakũ ããduagũ, mata wajamoãbirikeregũ, mũsã ãgũrẽ neõ pẽbirimakũ ããgũ, ñerõ iririre neõ piridũabirimakũ ããgũ, mũsã merã guanemomi. Irasirigũ pũngue ããrĩpererã ñerãrẽ ãgũ wajamoãrĩnũ ejamakũ, mũsãrẽ bũro wajamoãgũkumi. ãgũ irasirimakũ ããrã, ããrĩpererã: “Diayeta ãgũsãrẽ wajamoãgũta yãmi”, ãrĩ masĩrãkuma. 6 Irinũrẽ Marĩpũ masakakũre ãgũsã irideare ãã beye, keoro wajarigũkumi. 7 Ñãrĩrẽ irinĩrã gapũ: Marĩpũ merã ããrĩduarã: “Mũsã õãrõ yãa”, ãrĩmakũ pẽduarã, ãgũ pũrogue perebiri okarire opadũarã ããrĩma. Irasirigũ ãgũsãrẽ perebiri okarire sĩgũkumi, ãgũ merã ããrĩnĩkõãburo, ãrĩgũ. 8 ãgũsã gããmerõ irirã gapũ diayemarẽ iridũabema. Ñerĩ direta



iriduma. Irasirigu Marĩpu ĩgũsã merã gua, buro ĩgũsãrẽ wajamoãgukumi. <sup>9</sup> Āārĩpererã ñerĩ irirã ñerõ tari, buro gũñarikurãkuma. Judío masakare waapũrorirokoa. Judío masaka āārĩmerãdere irasũta waarokoa. <sup>10</sup> Marĩpu āārĩpererã õārĩ irirã gapũre: “Õārõ yãma”, ārĩ ĩãgukumi. ĩgũsãrẽ ĩgũ merã õārõ āārĩmakũ irigukumi. Irasirigu siuñajãrĩ opamakũ irigukumi. Judío masakare irire iripũrorigukumi. Judío masaka āārĩmerãdere irasũta irigukumi.

<sup>11</sup> Marĩpu marĩ āārĩpererãrẽ: judío masakare, judío masaka āārĩmerãdere sũrosũta ĩãmi. <sup>12</sup> Judío masaka āārĩmerã, Marĩpu Moisere doreri pídeare opabirikererã ñerĩ irimakũ ĩãgũ, Marĩpu ĩgũsãrẽ perebiri peamegue béogukumi. Judío masaka ĩgũ doreri pídeare oparãde ñerĩ irimakũ ĩãgũ, ĩgũsãdere irire tarinũgãrĩ waja, wajamoãgukumi. <sup>13</sup> ĩgũ Moisere doreri pídeare pékererã irire iribirimakũ ĩãgũ, ĩgũsãrẽ: “Õãrã āārĩma”, ārĩ ĩãbemi. Irire irirã gapũre: “Õãrã āārĩma”, ārĩ ĩãmi. <sup>14</sup> Judío masaka āārĩmerã Marĩpu Moisere doreri pídeare opabirikererã õārõ irirã, Marĩpu dorederosũta yãma. Irasirirã ĩgũsã basi Marĩpu doredeare oparã irirosũ irire yãma. <sup>15</sup> Marĩpu ĩgũsã gũñarĩgue ĩgũ doredeare masĩmakũ iridi āārĩmĩ. Irasirirã ĩgũ dorederosũta irirã, irire masĩrã irirosũ yãma. Õārõ irirã, o ñerõ irirã, ĩgũsã gũñarĩ merã ĩgũsã irideare masĩma. Ñerĩrẽ irianerã: “Waja opãa”, ārĩ gũñama. Irasũta õārĩrẽ irianerãde: “Waja opabea”, ārĩ gũñama.

<sup>16</sup> Irasirigu Marĩpu āārĩpererã ñerãrẽ wajamoãrĩnũ ejamakũ, Jesucristore: “Āārĩpererã gũñarĩrẽ, ĩgũsã gajerã ĩãberogue irideare ĩã beyeka!” ārĩgukumi. Irasirigu Jesucristo ñerĩ gũñarĩ oparãrẽ, ñerĩ iririkurãrẽ: “Wajamoãgura”, ārĩgukumi. Õārĩ gũñarĩ oparãrẽ, õārõ iririkurãrẽ: “Wajamoãbirikoa”, ārĩgukumi. Marĩpu masakare tauri kerere buegu, irireta buea yũ.

### *Marĩpu Moisere doreri pídeamarẽ gojadea*

<sup>17</sup> Mũsã gapũ: “Gũna judío masaka Marĩpu Moisere doreri pídeare buremusĩã, gajerã nemorõ Marĩpuyarã āãrã”, ārĩ gũñadãa. <sup>18</sup> Gajire ãsũ ārĩ gũñãa: “Gũna Marĩpu gããmerĩrẽ, ĩgũ Moisere doreri pídeare masĩrã āārĩsĩã, õārĩ direta beyemasĩã. <sup>19</sup> Irasirirã koye ĩãmerãrẽ tũãdupuyuwãgãrã irirosũ Marĩpuyare masĩmerãrẽ buemasĩã. Naĩĩãrõgue āārĩrãrẽ sĩãgoro irirosũ diayema iririre masĩmerãrẽ diayema gapũre ĩgũsãrẽ iridorea. <sup>20</sup> Marĩpu Moisere doreri pídeare opasĩã, diayema iririre õārõ masĩã. Irasirirã masĩmerãrẽ, majĩrã irirosũ āārĩrãrẽ buerimasã āãrã”, ārĩ gũñadãa mũsã. <sup>21</sup> Gajerãrẽ irasũ ārĩ buekererã, ¿nasirirã mũsã basi bueberi? “Yajabirikõãka!” ārĩ buekererã, ¿nasirirã yajari mũsã? <sup>22</sup> “Gajigu marãpo, gajego marãpu merã ñerõ iribirikõãka!” ārĩ buekererã, ¿nasirirã irasũ yãri? Masaka buremurĩ keori weadeare dookererã, ¿nasirirã ĩgũsã buremurĩ wiirimarẽ yajari, irire opamurã? <sup>23</sup> “Marĩpu Moisere doreri pídeare opasĩã, gajerã nemorõ āãrã”, ārĩ gũñakererã, iri dorerire tarinũgãrã, gajerãdere ĩgũrẽ buremubirimakũ irirã yãa. <sup>24</sup> Marĩpuya werenĩrĩ gojadea pũgue mũsã irasiririre ãsũ ārĩ gojasũdero āārĩbũ: “Mũsã judío masaka, judío masaka āārĩmerãrẽ Marĩpũre ñerõ ārĩ werenĩmakũ yãa”, ārĩ gojasũdero āārĩbũ.

<sup>25</sup> Mũsã judío masaka Marĩpu Moisere doreri pídeare irirã, mũsãya dupũma gasirogãrẽ\* wiirisũnerã āārĩmakũ õãgorãa. Marĩpu mũsãrẽ: “Yaarã āārĩma”, ārĩ ĩãmi. Irire tarinũgãrã, mũsãya dupũma gasirogãrẽ wiirisũbirinerã irirosũ āãrã. <sup>26</sup> Judío masaka āārĩmerã irasũ wiirisũbirinerã āārĩkererũ, Marĩpu Moisere doreri pídeare irimakũ: “Yaarã āārĩma”, ārĩ ĩãgukumi. Judío masakadere ĩgũsã irire irimakũ, irasũta ārĩ ĩãgukumi. <sup>27</sup> Judío masaka āārĩmerã gapũ ĩgũsãya dupũma gasirogãrẽ wiirisũbirinerã āārĩkererã, Marĩpu doredeare irirã, mũsãrẽ judío masakare iri doredeare oparãrẽ mũsã irire tarinũgãrĩ

\* **2:25** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã āārĩburo”, ārĩgũ, ĩgũsãya dupũma gasirogãrẽ wiiridoredi āārĩmĩ. Pũru iri dorerire Moisere pídi āārĩmĩ. Irasirirã judío masaka Abraham parãmerã āārĩturĩarã iri dorerire irirã, ĩgũsã pũrã ãmarẽ su mojõma pere gajĩ mojõ ureru pẽrẽbejarĩnũrĩ waarõ merã ĩgũsã deyoadero pũru irasũ yãma.

waja: “Waja opama”, ãrĩrãkuma. <sup>28</sup> Sugũ judío masakũ irasũ wiirisũdi: “Marĩpũyagũ ããrã”, ãrĩ gũñakeregũ, Marĩpũre bũremubi, diayeta Marĩpũyagũ, judío masakũgora ããrĩbemi. <sup>29</sup> Marĩpũyarã gapũ irasũ wiirisũnerã dita ããrĩbema. Õãgũ deyomarĩgũ ìgũsãya gũñarĩgue òãrĩ merã gorawayumakũ iridero pũrũ, ìgũsã Marĩpũyarã, judío masakãgora ããrĩma. Masaka ìgũsãrẽ: “Õãrã ããrĩma”, ãrĩ ìãbirikerepũrũ, Marĩpũ gapũ: “Õãrã ããrĩma”, ãrĩ ìãmi.

### 3

<sup>1</sup> Musã, yũ irasũ ãrĩmakũ pérã: “¿Gũã judío masaka, gũaya dupũma gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ? <sup>2</sup> Gũã judío masaka ããrĩmakũ òãgorãa. Marĩpũ gũare wãri òãrĩrẽ sídi ããrĩmĩ. Irasirigũ gũare ìgũya kerere pípuroridi ããrĩmĩ, irire gajerãrẽ weredoregũ. <sup>3</sup> Yũ irasũ ãrĩmakũ pérã: “Judío masaka surãyeri Marĩpũ ìgũsãrẽ: ‘Ãsũ irigũra’, ãrĩdeare bũremubirimakũ, irire iribirikumĩ” ¿ãrĩ gũñarĩ? <sup>4</sup> Neõ irasũ ãrĩ gũñabirikõãka! ããrĩpererã masaka ãrĩgatokerepũrũ, Marĩpũ gapũ neõ ãrĩgatobemi. Ìgũya werenĩrĩ gojadea pũgue ãsũ ãrĩ gojasũdero ããrĩbũ:

Gũapũ, mũ werenĩrĩ merã masakare mũ diayema iririre masĩmakũ yãa. Mũ ãrĩderosũta keoro irimakũ, neõ sugũ masakũ mũrẽ: “Diaye iribemi”, ãrĩmasĩbirikumĩ, ãrĩ gojasũdero ããrĩbũ.\*

<sup>5</sup> Gajerã irire pérã, ãsũ ãrĩmoãmabokuma: “Gũã ñerõ iriri merã Marĩpũ diaye iriri masakare masĩmakũ yãa. Gũã irasirikerepũrũ, Marĩpũ gũare wajamoãgũ, diaye iribemi”, ãrĩbokuma. <sup>6</sup> Neõ irasũ ããrĩbea. Ìgũsã irasũ ãrĩrĩ keoro ããrĩmakũ, Marĩpũ neõ sugũnorẽ ìgũsã ñerõ irikerepũrũ, wajamoãbiribokumi.

<sup>7</sup> Gajerã idere ãrĩmoãmabokuma: “Gũã ãrĩgatori merã Marĩpũ ãrĩgatobi ããrĩrĩrẽ masakare masĩmakũ yãa. Irasirirã ìgũrẽ: ‘Õãtarimi’, ãrĩ bũremuma. Gũã irasirikerepũrũ, Marĩpũ gũare wajamoãgũ, diaye iribemi”, ãrĩbokuma. <sup>8</sup> Ãsũ ãrĩbokuma doja: “Gũã ñerĩ irimakũ, gajerã Marĩpũ òãgũ ããrĩrĩ gapũre masĩnemorãkuma”, ãrĩbokuma. Surãyeri gũare ñerõ gũñarĩ merã: “Pablosãde irasũta ãrĩ buema”, ãrĩ werenĩma. Ìgũsã irasũ ãrĩrĩ waja Marĩpũ ìgũsãrẽ wajamoãgũ, diayeta irigũkumi.

#### *Ããrĩpererã masaka waja oparã dita ããrĩma, ãrĩ gojadea*

<sup>9</sup> ¿Naásũ ãrĩ gũñarĩ? ¿Marĩpũ ìũrõ marĩ judío masaka, gajerã nemorõ òãrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsĩã, waja oparã dita ããrã. Irire yũ mũsãrẽ weresiabu.

<sup>10</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ:  
Neõ sugũno òãgũ mámi. Neõ marĩgorakõãmi.

<sup>11</sup> Neõ Marĩpũyare pémasĩgũ mámi. Neõ sugũno ìgũrẽ masĩdũagũ mámi.

<sup>12</sup> ããrĩpererã Marĩpũyare iritũyamerã, dedirimurã dita ããrĩma. Neõ sugũno òãrĩrẽ irigu mámi. Neõ marĩgorakõãmi.\*

<sup>13</sup> Masãgobe toyori gobe ãrĩwiurosũ ìgũsã ñerĩ werenĩrĩ ããrã. ãrĩgatorikuma. ããrã disigue nima opagũ irirosũ pũrĩrõ werenĩma.\*

<sup>14</sup> Ñerĩ diretta werenĩ, gajerãrẽ dojama. Bũro turirikuma.\*

<sup>15</sup> Masakare wẽjẽbéodũari diretta opasũrima.

<sup>16</sup> Noó ìgũsã waaró masakare poyanorẽ, ìgũsãrẽ ñerõ tarimakũ yãma.

<sup>17</sup> Gajerãrẽ siuñajãrĩ merã ããrĩmakũ neõ iribema.\*

<sup>18</sup> Marĩpũre goepeyari merã bũremubema. Irasirirã ìgũrẽ gũibema, ãrĩ gojasũdero ããrĩbũ.\*

<sup>19</sup> Marĩ ire masĩa. ããrĩpererã Moisés doreri gũã judío masakare: “Ãsũ irika!” ãrĩ pídeare iripeobirisĩa: “Waja opabea”, ãrĩmasĩbema. Irasirirã ããrĩpererã judío masaka,

\* 3:4 Sal 51.4 \* 3:12 Sal 14.1-3; 53.1-3 \* 3:13 Sal 5.9; 140.3 \* 3:14 Sal 10.7 \* 3:17 Is 59.7-8 \* 3:18 Sal 36.1

judío masaka ããrĩmerãde waja opasĩã, Marĩpũ wajamoãsumurã dita ããrĩma. <sup>20</sup> Neõ sugũ masakũ Moisés doredeare iripeomasĩbemi. Irasirigũ: “Marĩpũ yũre: ‘Õãgũ ããrĩmi’, ãrĩ ããgũkumi”, ãrĩmasĩbirikumi. Marĩpũ iri dorerire pídea merãta marĩrẽ: “Ñerã ããrã”, ãrĩ masĩmakũ yãmi.

### *Marĩ Jesucristore bũremurĩ merã tausũrãkoa, ãrĩ gojadea*

<sup>21-22</sup> Daporare Marĩpũ marĩrẽ ire masĩmakũ yãmi. Marĩ Jesucristore bũremumakũ, ãgũ Moisére doreri pídeare iripeobirikerepũ, marĩrẽ: “Õãrã, waja opamerã ããrĩma”, ãrĩ ããmi. Irasirigũ marĩ ããrĩpererãrẽ Jesucristore bũremurãrẽ sũrosũta ããmi. ãgũ irasũ ãrĩ ããburire Moisés, gajerã ãgũyare weredupuyurimasãde ãgũya kerere gojadea pũgue gojanerã ããrĩmã.

<sup>23</sup> Marĩ ããrĩpererã ñerĩ irirã dita ããrã. Irasirirã, Marĩpũ: “Yũ merã õãrõ ããrĩrãkoa”, ãrĩdeare marĩ basi neõ bokabirikoa. <sup>24</sup> Marĩ irasũ ããrĩkerepũ, Marĩpũ marĩrẽ maĩgũ ãgũ magũ Jesucristore iriudi ããrĩmĩ, marĩ ñerĩ iridea wajare wajaribosadoregũ. Irasirigũ, marĩrẽ Jesucristore bũremurãrẽ: “Waja opamerã ããrĩma”, ãrĩ ããmi. <sup>25</sup> Marĩpũ Jesucristore ããrĩpererã masakare ãgũsã ñerĩ iridea wajare wajaridoregũ, ãgũrẽ iriudi ããrĩmĩ. Irasirigũ, Jesucristo boagũ dí béodea merã ãgũrẽ bũremurãrẽ ãgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ãgũsã ãgũ: “Ãsũ irigũra”, ãrĩdeare bũremudea merã ãgũsã ñerõ iridea wajare kãtidi ããrĩmĩ. Irire irigũ, ãgũ diaye irigũ ããrĩrĩrẽ ãmudi ããrĩmĩ. <sup>26</sup> Marĩpũ dapora marãdere Jesús marĩ ñerĩ iridea wajare wajaribosadea merã ãgũrẽ bũremurãrẽ: “Õãrã, waja opamerã ããrĩma”, ãrĩ ããmi. Irasirigũ marĩrẽ ãgũ diaye irigũ ããrĩrĩrẽ masĩmakũ yãmi.

<sup>27</sup> Irasirirã Marĩpũ ãũrõ marĩ basita: “Õãrã ããrã, ãgũ Moisére doreri pídeare iripeorã yãa”, ãrĩmasĩbea. Ãsũ gapũ ãrĩ masĩa. Marĩpũ, Jesúre marĩ bũremumakũ, marĩrẽ: “Õãrã ããrĩma”, ãrĩ ããmi. <sup>28</sup> Ire masĩa. Marĩpũ Moisére doreri pídeare marĩ irimakũ meta marĩrẽ: “Õãrã ããrĩma”, ãrĩ ããmi. Marĩ Jesúre bũremumakũ, marĩrẽ: “Õãrã ããrĩma”, ãrĩ ããmi.

<sup>29-30</sup> ¿Marĩpũ judío masaka direta Opũ ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ãgũ sugũta ããrĩpererã Opũ ããrĩmi. Irasirigũ, ãgũsã Jesúre bũremumakũ: “Õãrã, waja opamerã ããrĩma”, ãrĩ ããmi. <sup>31</sup> Irasirirã marĩ Jesúre bũremurã, ¿Marĩpũ Moisére doreri pídeare béorã yãri? ããrĩbea. Marĩ ãgũrẽ bũremurã Marĩpũ dorerire nemorõ irinemowãgãrãkoa.

## 4

### *Pablo, Abraham Marĩpũre bũremudeare gojadea*

<sup>1</sup> Irasirirã, ¿naásũ ããrĩrãkuri Abrahãrẽ, marĩ ñekũ ããrĩpũroridire? ¿Naásũ waayuri ãgũrẽ? <sup>2</sup> Marĩpũ Abrahãrẽ: “Õãrõ irigũ ããrĩsĩã, õãgũ ããrĩmi”, ãrĩ ããbodi ããrĩkerepũ, Abraham ãgũ basi: “Marĩpũ ãũrõ õãrõ yãa”, neõ ããrĩmasĩbiriunadi ããrĩmĩ. <sup>3</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Abraham Marĩpũre bũremumakũ, Marĩpũ ãgũrẽ: ‘Õãgũ ããrĩmi’, ãrĩ ããdi ããrĩmĩ”, ãrĩ gojasũdero ããrĩbũ.

<sup>4</sup> Ãsũ ããrã. Sugũ gajino moãdire wajarirã, irasũ sũkõãrã meta irikuma. ãgũ moãdea waja wajarirã irikuma. <sup>5</sup> Marĩpũ gapũ irasiribemi. Ñerãrẽ, ãgũsã õãrĩrẽ iribirikerepũ, ãgũrẽ bũremumakũ: “Waja opamerã ããrĩma”, ãrĩ ããmi. Irasirigũ, marĩ ãgũrẽ bũremumakũ: “Yũ ãũrõ õãrã ããrĩma”, ãrĩ ããmi. <sup>6</sup> Iripoeguemu Davide yũ ããrĩrõsũta gojadi ããrĩmĩ. Marĩpũ masaka iririre ããgũ: “Õãrã ããrĩma”, ãrĩ ããgũ meta ããrĩmi. ãgũrẽ bũremurã direta: “Õãrã ããrĩmã”, ãrĩ ããgũ ããrĩmi. Irasirirã ãgũ merã õãrõ usuyama. <sup>7</sup> Irire ãsũ ãrĩ gojadi ããrĩmĩ David:

Marĩpũ dorerire tarinũgãrãrẽ ãgũsã ñerõ iridea wajare ãgũ kãtimakũ, õãrõ usuyama.

<sup>8</sup> Marĩpũ ĩgũsã ñerõ iridea wajare: “Neõ gũñabirikoã”, ãrĩmakũ, õãrõ usũyama, ãrĩ gojadi ããrĩmĩ David.\*

<sup>9</sup> Judío masaka ĩgũsãya dupũma gasirogãrẽ wiirisũnerã dita usũyabirikuma. Judío masaka ããrĩmerãde usũyarãkuma. Abrahãrẽ dupaturi gũñaka! ĩgũ Marĩpũre bũremumakũ, Marĩpũ ĩgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ. <sup>10</sup> ĩNaásũ ããrĩmakũ, Marĩpũ Abrahãrẽ: “Õãgũ ããrĩmi”, ãrĩ ĩãyuri? ĩgũya dupũma gasirogãrẽ wiiridero pũrũ, ĩgũrẽ irasũ ãrĩ ĩãyuri? ããrĩbea. ĩgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ. <sup>11</sup> Marĩpũ ĩgũrẽ: “Õãgũ ããrĩmi”, ãrĩ ĩãdero pũrũ, ĩgũrẽ irasũ wiiridoredi ããrĩmĩ, ĩgũyagũ ããrĩrĩrẽ ĩmudoregũ. Irasirigũ dupuyurogue ĩgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugũ Abraham bũremuderosũta Marĩpũre bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãmi. Irasirigũ Abraham ããrĩpererã Marĩpũre bũremurã ñekũ ããrĩpũroridi ããrĩmĩ, ĩgũsãya dupũma gasirogãrẽ wiirisũbirikerepũrũ.

<sup>12</sup> ããrĩpererã ĩgũsãya dupũma gasirogãrẽ wiirisũnerã Marĩpũre bũremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpũre bũremuderosũ ĩgũsãde bũremurã, diayeta Abraham parãmerã ããrĩma.

*Marĩpũ, Abraham ĩgũrẽ bũremumakũ: “Ãsũ irigũra”, ãrĩdeare gojadea*

<sup>13</sup> Marĩpũ Abrahãrẽ: “I nikũrẽ murẽ, mũ parãmerã ããrĩturiarãdere sĩgũra”, ãrĩdi ããrĩmĩ. ĩgũ doredeare irimakũ ĩãgũ meta irasũ ãrĩdi ããrĩmĩ. ĩgũrẽ bũremumakũ: “Õãgũ ããrĩmi”, ãrĩ ĩãdi ããrĩmĩ. Irasirigũ ĩgũrẽ: “I nikũrẽ sĩgũra”, ãrĩdi ããrĩmĩ. <sup>14</sup> Marĩpũ ĩgũ doredeare irirã direta: “Sĩgũra”, ãrĩdeare sĩmakũ, marĩ ĩgũrẽ bũremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgũra”, ãrĩdea ubu ããrĩrĩta ããrĩyuwarikũkõãbokuyo. <sup>15</sup> Marĩpũ Moisere doreri pĩdeare masĩkererã, irire tarinũgãrã, wajamoãsũrãkuma. Iri doreri marĩmakũ, irire neõ tarinũgãrĩ marĩbokuyo.

<sup>16</sup> Irasirigũ Marĩpũ ĩgũrẽ bũremurã direta ĩgũ Abrahãrẽ ãrĩderosũta sĩgũkumi. ĩgũ doreri pĩdeare irirã direta: “Sĩgũra”, ãrĩbirikumi. Abraham Marĩpũre bũremuderosũ bũremurãno ĩgũ parãmerã ããrĩturiarã ããrĩma. Irasirigũ Marĩpũ Abrahãrẽ ãrĩdeare ĩgũsãrẽ ããrĩpererãrẽ wajamarĩrõ sĩgũkumi. Abraham, marĩ ããrĩpererã Marĩpũre bũremurã ñekũ ããrĩdi ããrĩmĩ. <sup>17</sup> Marĩpũ ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Murẽ wãri buri marã ñekũ ããrĩbure pĩbũ”, ãrĩdi ããrĩmĩ. Marĩpũ irasũ ãrĩmakũ pégũ, Abraham ĩgũrẽ bũremudi ããrĩmĩ. Irasirigũ Marĩpũre bũremugũ, ĩgũ ĩũrõ marĩ ñekũ ããrĩdi ããrĩmĩ. Marĩpũ boanerãrẽ masũgũ ããrĩmĩ. ĩgũ werenĩrĩ merã dupuyurogue marĩdeare ããrĩmakũ irimasĩmi.

<sup>18</sup> Marĩpũ Abrahãrẽ: “Mũ parãmerã ããrĩturiarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregũ: “Marĩpũ ĩgũ yare ãrĩderosũta irigũkumi”, ãrĩ bũremudi ããrĩmĩ. Irasirigũ Abraham wãri buri marã ñekũ waadi ããrĩmĩ. <sup>19</sup> ĩgũ cien bojori opakeregũ, ĩgũ marãpode búro ããrĩkerepũrũ, Marĩpũre bũremusĩã: “Neõ pũrãkũbirikoã”, ãrĩ gũñabiridi ããrĩmĩ. ãsũ gapũ ãrĩ gũñadi ããrĩmĩ: “Gũare pẽrãguereta pũrãkũboadero tarikerepũrũ, Marĩpũ ĩgũ yare ãrĩderosũta irigũkumi. Yũ irire masĩã”, ãrĩdi ããrĩmĩ. <sup>20</sup> “Marĩpũ ãrĩderosũta irigũkumi”, ãrĩ bũremurĩrẽ neõ piribiridi ããrĩmĩ. Irasirigũ gũñatura, Marĩpũre bũremunemodi ããrĩmĩ. “Marĩpũ turatarigũ ããrĩmi”, ãrĩ, usũyari sĩdi ããrĩmĩ. <sup>21</sup> Irasirigũ Abraham: “Marĩpũ yare ãrĩderosũta diayeta ĩgũ turari merã iriyuwarikũgũkumi. Yũ irire õãrõ masĩã”, ãrĩ bũremudi ããrĩmĩ. <sup>22</sup> ĩgũ bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãdi ããrĩmĩ.

<sup>23</sup> Irire Marĩpũya werenĩrĩ gojadea pũguere gojasũdero ããrĩbũ. Iri Abrahãyama direta gojadea meta ããrĩdero ããrĩbũ. <sup>24-25</sup> Marĩpũ Abrahãrẽ: “Õãgũ ããrĩmi”, ãrĩ ĩãderosũta marĩdere: “Õãrã ããrĩma”, ãrĩ ĩãburire gojadea ããrĩdero ããrĩbũ. Irasirigũ Marĩpũ, marĩ ĩgũrẽ

\* 4:8 Sal 32.1-2

buremumakū, marĩdere: “Ōārā āārĩma”, ārĩ ĩāmi. Marĩ ñerĩ iridea waja Marĩpu Jesúre ĩgũrē wējẽmurāguere wiadi āārĩmĩ, marĩrē boabosaburo, ārĩgũ. Marĩ Opũ Jesús boadero puũ, Marĩpu marĩrē ōārā, waja opamerā āārĩmakū iribu, ĩgũrē masũdi āārĩmĩ.

## 5

### *Marĩpu ĩũrō waja opamerā āārā, ārĩ gojadea*

<sup>1</sup> Marĩ Opũre Jesucristore marĩ buremumakū, Marĩpu marĩrē: “Ōārā, waja opamerā āārĩma”, ārĩ ĩāmi. Irasirigũ Marĩpu, Jesús marĩ ñerĩ iridea waja boabosadea merā marĩrē ĩgũ merā siuñajārĩ opamakū iridi āārĩmĩ. <sup>2</sup> Marĩ Jesucristore buremurā, Marĩpu marĩrē maĩgũ merā ōārō āārā. Puũgue Marĩpu ĩgũ irirosũ marĩrē ōārā āārĩmakū irigũkumi. Irasirirā gũñaturari merā, ōārō usũyari merā ĩgũ ōārō iriburire yúa. <sup>3</sup> Gajire masĩa. Marĩ ñerō tarirā, Marĩpũre marĩrē iritamugũrē gũñaturanemorākoa. Irasirirā marĩ ñerō tarikererā, usũyamasĩa. <sup>4</sup> Marĩ ĩgũrē gũñaturari merā ñerō tarire bokatĩumakū, Marĩpu marĩrē: “Ōārō yāma”, ārĩgũkumi. Irasirirā, ĩgũ marĩrē ōārō iriburire gũñaturari merā yúa. <sup>5</sup> Marĩpu marĩrē Ōāgũ deyomarĩgũrē iriudi āārĩmĩ marĩ merā āārĩdoregũ. Irasirigũ Ōāgũ deyomarĩgũ merā marĩrē ĩgũ maĩrĩrē opatarimakū yāmi. Irasirirā: “Marĩpu marĩrē: ‘Ōārō iritamugũra’, ārĩdeare keoro irigũkumi”, ārĩ masĩa.

<sup>6</sup> Marĩ basi peamegue waaburire tarimasĩbirimakū, Marĩpu marĩrē tauripoe ejamakū, Cristo marĩ ñerārē boabosadi āārĩmĩ. <sup>7</sup> Marĩ gapũ sugũ boaboadeare boabosabiriko, ĩgũ diayemarē irigũ āārĩkerepuũ. Gajipoe irirā sugũ ōāgũ gapũre boabosabokoa. <sup>8</sup> Marĩpu gapũ marĩ ñerā āārĩkerepuũ ĩgũ marĩrē buro maĩrĩrē masĩmakū iribu, Cristore iriudi āārĩmĩ. Irasirigũ Cristo marĩya āārĩburire boabosadi āārĩmĩ. <sup>9</sup> Cristo boagũ ĩgũya dí béodea merā Marĩpu marĩrē waja opamerā āārĩmakū iridi āārĩmĩ. ĩgũ irasiridero nemorō ĩgũ āārĩpererā ñerārē wajamoārĩnu ejamakū, Cristo merāta marĩrē taugũkumi. <sup>10</sup> Marĩ Marĩpũre gāāmemerā āārĩkerepuũ, ĩgũ magũ marĩrē boabosadea merā ĩgũ merā siuñajārĩ opamakū iridi āārĩmĩ. ĩgũ irasiridero nemorō Cristo marĩrē boabosa, dupaturi okadea merā marĩrē ĩgũ merā siuñajārĩ oparārē taugũkumi. <sup>11</sup> I gaji āārĩnemoa. Marĩpu, marĩ Opũ Jesucristo merā marĩrē ĩgũ merā siuñajāmakū irideare gũñarā, ĩgũ merā buro usũyāa.

### *Adán, irasũ āārĩmakū Cristo iridea*

<sup>12</sup> Āsũ āārā. Neōgoraguere Adán ñerĩ iripũroridi āārĩmĩ. ĩgũ ñerĩ iridea waja boadi āārĩmĩ. ĩgũ sugũya waja merāta āārĩpererā ĩgũ parāmerā āārĩturiarāde ñerĩ iri, boamurā dita āārĩma. <sup>13</sup> Marĩpu Moisére ĩgũ doreri píburĩ dupuyurogueta masaka ñerĩ irisianerā āārĩmā. ĩgũsā ñerĩ irikerepuũ iri doreri marĩmakū, Marĩpu ĩgũsārē: “Iri dorerire tarinũgārĩ waja, waja opama”, ārĩbiridi āārĩmĩ dapa. <sup>14</sup> Irasũ āārĩkerepuũ, Adán parāmerā āārĩturiarā Moisés āārĩdeapoegue āārĩnerāde boanerā āārĩmā. ĩgũsā Marĩpu doredeare Adán tarinũgāderosũ iribirikererā, ĩgũsā ñerĩ iridea waja boanerā āārĩmā. Adán i ũmũrē āārĩpũrorigũ, Marĩpu doredeare tarinũgāpũroridi āārĩmĩ. Jesucristo gapũ i ũmũguere aarigũ, Marĩpu dorerire tarinũgābiripũroridi āārĩmĩ.

<sup>15</sup> Marĩ Adán tarinũgādeare, Marĩpu marĩrē maĩgũ ōārō irideare masĩa. Adán sugũya waja merāta masaka āārĩpererā boamurā dita āārĩma. Marĩpu gapũ marĩrē maĩgũ, marĩrē taubure Jesucristore iriudi āārĩmĩ. Irasirigũ Jesucristo sugũ āārĩkeregũ, āārĩpererāya āārĩburire wajamarĩrō boabosadi āārĩmĩ. Irasirigũ Marĩpu Jesucristo merā marĩrē wáro ōārĩ iridi āārĩmĩ. <sup>16</sup> Adán Marĩpu doredeare suñarō tarinũgāde waja merāta āārĩpererā masaka waja opama. Marĩ wári ñerĩ irikerepuũ, Marĩpu marĩrē maĩgũ, wajamarĩrō Jesucristore iriudi āārĩmĩ, marĩ ñerō iridea wajare taudoregũ. Irasirigũ Jesús merā marĩrē waja opamerā āārĩmakū iridi āārĩmĩ. <sup>17</sup> Adán sugũ Marĩpu doredeare tarinũgāde waja merāta marĩ āārĩpererā boamurā dita āārā. Marĩpu gapũ marĩrē buro maĩgũ Jesucristore iriudi āārĩmĩ, marĩrē boabosadoregũ. Irasirigũ Jesucristo sugũ marĩrē

wajamarĩrõ boabosadea merã Marĩpũ marĩrẽ: “Õãrã, waja opamerã ããrĩma”, ãrĩ ããmi. Ìgũ irasiridero nemorõ Jesucristo merã Ìgũ irasũ ãrĩ ããrãrẽ maama okari opamakũ irigũkumi, Ìgũ turari merã Ìgũyare iriburo, ãrĩgũ.

<sup>18</sup> Adán, Marĩpũ doredeare tarinũgãdea waja merãta masaka ããrĩpererã ñerĩrẽ iriwekabejama. Irasirirã Marĩpũ wajamoãsumurã dita ããrĩma. Jesucristo diayema irigũ marĩ ñerĩ iridea waja boabosadea merã gapũ Marĩpũ marĩrẽ: “Õãrã, waja opamerã ããrĩma”, ãrĩ ããmi, Ìgũ merã ããrĩnikõãburo, ãrĩgũ. <sup>19</sup> Æsũ ããrã. Adán, Marĩpũ doredeare tarinũgãdea waja merãta masaka ããrĩpererã ñerĩrẽ irirã dita ããrĩma. Jesucristo Marĩpũ dorerire iridea merã ããrĩpererã Ìgũrẽ buremurãnorẽ waja opamerã ããrĩmakũ iridi ããrĩmĩ. Irasirigũ Marĩpũ Ìgũsãrẽ: “Õãrã ããrĩma”, ãrĩ ããmi.

<sup>20</sup> Marĩpũ Ìgũ dorerire pídi ããrĩmĩ, marĩrẽ iri dorerire tarinũgãrĩrẽ masĩnemomakũ iribu. Wári ñerĩ marĩ irikerepũrũ, Marĩpũ gapũ marĩrẽ bure maĩgũ, marĩ ñerĩ iriro nemorõ Jesucristo merã marĩrẽ õãtariro iridi ããrĩmĩ. <sup>21</sup> Marĩ ããrĩpererã ñerĩ iridea waja boamurã dita ããrĩunanerã ããrĩbũ. Irasũ ããrĩkerepũrũ, Marĩpũ marĩrẽ maĩgũ, bopoñarĩ merã ããsĩã, marĩ Opũ Jesucristo boabosadea merã marĩrẽ waja opamerã ããrĩmakũ iridi ããrĩmĩ, Ìgũ pũro perebiri okarire opadoregũ.

## 6

### *Cristo merã õãrõ ããrĩrã, waja opamerã ããrĩrĩmarẽ gojadea*

<sup>1</sup> Marĩpũ marĩrẽ bopoñamakũ ããrã, ¿naãsũ ããrĩrãkuri? Marĩrẽ Ìgũ bopoñanemomakũ ããduarã, ¿ñerĩrẽ irinemorãkuri? <sup>2</sup> Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea. <sup>3</sup> Mũsã ire masĩa. Marĩ deko merã wãiyesũrã, marĩ Jesucristoyarã ããrĩrĩrẽ Ìmubu. Marĩ Ìgũyarã ããrĩsĩã, Ìgũ boamakũ, marĩde Ìgũ merã boanerã irirosũ waanerã ããrĩbũ. <sup>4</sup> Marĩ wãiyesũrã, Ìgũ boadero pũrũ yãasũmakũ, marĩde Ìgũ merã yãasũnerã irirosũ waanerã ããrĩbũ. Marĩpũ ãmũgasigue ããrĩgũ Ìgũ turari merã Ìgũrẽ masãgũ, marĩdere Ìgũ merã masãnerã irirosũ ããrĩmakũ iridi ããrĩmĩ, Ìgũ merã maama okarire opaburo, ãrĩgũ.

<sup>5</sup> Marĩ Cristoyarã ããrĩsĩã, Ìgũ boaderosũta marĩde Ìgũ merã boanerã irirosũ waanerã ããrĩbũ. Irasirirã, Ìgũ boadigue masãderosũta marĩde masãrãkoa. <sup>6</sup> Æsũ masĩa. Cristo curusague boamakũ, marĩ ñerĩ direta iririkũnerã Ìgũ merã curusague boanerã irirosũ waanerã ããrĩbũ. Irasiriro marĩ ñerĩrẽ ãaribejari, marĩrẽ tarinũgãmasĩbirikoa pama. <sup>7</sup> Masaka boadero pũrũ, Ìgũsã ñerĩ iririkũrere neõ irinemobirikuma.

<sup>8</sup> Marĩ Cristo merã boanerã irirosũ ããrĩrã: “Ìgũ merã õãrõ ããrĩnikõãrãkoa”, ãrĩ buremua. <sup>9</sup> Idere õãrõ masĩa. Cristo boadero pũrũ, Marĩpũ Ìgũrẽ masũ, dupaturi okamakũ iridi ããrĩmĩ. Irasirigũ Cristo dupaturi neõ boabirikumi pama. Boari neõ dupaturi Ìgũrẽ tarinũgãmasĩbirikoa. <sup>10</sup> Ìgũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. Ìgũ boadero pũrũ, Marĩpũ Ìgũrẽ masũ, dupaturi okamakũ iridi ããrĩmĩ. Ìgũrẽ masũ, dupaturi okamakũ iridero pũrũ, Marĩpũ gããmerõsũta irigũ Marĩpũ merã õãrõ ããrĩnikõãmi. <sup>11</sup> Irasirirã mũsã ãsũ ãrĩ gũñaka! “Gũna Opũ Jesucristo merã gũna boanerã irirosũ ããrĩsĩã, gũna ñerĩrẽ iriunaderosũ irinemobirikoa”, ãrĩ gũñaka! “Irasirirã Ìgũyarã ããrĩsĩã, Marĩpũ gããmerõsũta iri, Ìgũ merã õãrõ ããrĩnikõãrã!” ãrĩ gũñaka!

<sup>12</sup> Irasirirã mũsãya dupũ boaburi dupũ merã ñerĩrẽ neõ irinemobirikõãka, mũsã ñerĩrẽ ãaribejari mũsãrẽ tarinũgãbirikõãburo, ããrĩrã! <sup>13</sup> Mũsãya mojõrĩ, mũsã gũñarĩ, ããrĩpereri mũsãya dupũgue ããrĩrĩ merã ñerĩrẽ iribirikõãka! Mũsã Cristo merã boanerã dupaturi okarã irirosũ ããrã. Irasirirã ãsũ gapũ irika! Æãrĩpereri mũsãya dupũgue ããrĩrĩrẽ Marĩpũre wiaka, Ìgũ gããmerõsũta õãrĩ direta irimurã! <sup>14</sup> Marĩ irire irasirimakũ, marĩ ñerĩ iridũari marĩrẽ tarinũgãmasĩbirikoa. Marĩpũ marĩrẽ: “Yũ Moisére doreri pídeare iribirimakũ,

musārē béogura”, āriḃemi. Āsū gapu marĩrē yámi. Īgū marĩrē maĩgū āārĩsĩā, marĩrē iritamumi, Īgū doredeare iriburo, āriḃgū.

*Marĩ, Cristore moāboerā āārĩrĩmarē gojadea*

<sup>15</sup> Marĩpu marĩrē maĩmakū ĩārā: “Marĩ, Marĩpu doreri pídea merā āārĩbea. Irasirirā ñerĩrē irirā!” ĵārĩrĩ? Irire neō āriḃirikōārā! <sup>16</sup> Musā ire oārō masĩa. Marĩ sugu dorerire irirā, ĩgūyarā ĩgūrē moāboerā āārĩrākoa. Īgū marĩ opu āārĩgukumi. Iri irirosūta marĩ ñerĩ iriduarĩ, marĩ opu, marĩrē doregu irirosū āārĩrokoa. Irasirirā marĩ ñerĩ iririre pirimerā, Marĩpu merā perebiri okari bokabirikoa. Īgū doreri gapure irirā ĩgūrē moāboerā diayemarē irinĩrākoa. <sup>17-18</sup> Iripoegue ñerĩ iridoreguyarā ĩgūrē moāboerā irirosū musā ñerĩ iriduarire irinerā āārĩbú. Marĩpu musārē ĩgūya buerire pémasĩmakū iridero puru, ĩgū doreri gapure musā oārō iritayáa. Irasirirā ñerĩ iridoreguyarā ĩgūrē moāboerā irirosū neō āārĩbea pama. Īgūrē wirinerā irirosū āārĩrā, Marĩpure moāboerā ñajānerā āārā, diayema gapure irimurā. Irasirirā irire gūñarā: “Mu guare irasiridea oātaria”, ārĩ, usuyari sĩka ĩgūrē! <sup>19</sup> Yu ire musārē pémasĩmakū gāamegū, masaka ĩgūsā gūñarĩ merā wererosū werea. Iripoegue āārĩpereri musāya dupugue āārĩrĩ merā umuriku ñerĩ direta irinikōānerā āārĩbú. Daporare āārĩpereri musāya dupugue āārĩrĩrē Marĩpure wiaka, ĩgūrē moāboerā diayema direta irimurā! Irasirirā ĩgū gāamerĩ direta iririkurākoa.

<sup>20</sup> Iripoegue musā ñerĩ iriduarĩ direta irirā, Marĩpure moāboerā ĩgū gāamerĩ direta iriro gāamekoa, āriḃirinerā āārĩbú. <sup>21</sup> Musā ñerĩrē irasirirā, ĵñeéno oārĩrē bokari? Dapora musā ñerĩ iriunadeare gūñarā, buro guyasĩrĩa. Iri ñerĩrē musā iridea waja perebiri peamegue waabokuyo. <sup>22</sup> Iripoegue marĩ ñerĩ direta iridoregure moāboerā irirosū āārĩunanerā āārĩbú. Daporare Marĩpu marĩrē wiudero puru, ĩgūrē moāboerā āārā. Irasirirā ĩgū gāamerĩrē iriwāgārā, ĩgū puro perebiri okarire opamurā āārā. <sup>23</sup> Ñerĩ irirāno, ĩgūsā ñerĩ iriri waja, perebiri peamegue waarĩre wajatarākuma. Marĩpu, marĩ Opu Jesucristore buremurā gapure wajamarĩrō ĩgū puro perebiri okari opaburire sīgukumi.

## 7

*Mojōsiarima keori merā weredea*

<sup>1</sup> Yaarā, musā Marĩpu Moisére doreri pídeare oārō masĩa. Sugu masakū ĩgū okarinurĩ direta iri dorerire irimasĩmi. <sup>2</sup> Marĩpu doreri pídea āsū ārā. Sugo nomeō igo mojōsiadero puru, igo marāpu okaripoere igo ĩgū merā āārĩnĩkōākumo. Īgū boamakū, igo marāpu dagu merā āārĩdea perekoa. Gajigu merā mojōsiamasĩkumo doja. <sup>3</sup> Igo marāpu okakerepuru gajigu merā marāpukugo, ĩgū merā ñerō irigo Marĩpu dorerire tarinugāgō irikumo. Igo marāpu boadero purugue dita gajigu merā marāpukumasĩkumo. Irasirigo ĩgū merā ñerō irigo meta irikumo. Marĩpu dorerire tarinugābirikumo.

<sup>4</sup> Yaarā, musāde āsūta āārā. Iripoegue Marĩpu Moisére doreri pídea merā āārĩnerā āārĩbú. Jesucristo boamakū, ĩgū merā boanerā irirosū āārĩsĩā, daporare iri doreri pídea merā āārĩbea. Jesucristo boa, masārĩ merā Marĩpu marĩrē ĩgūyarā āārĩmakū iridi āārĩmĩ, ĩgū gāamerĩrē iriburo, āriḃgū. <sup>5</sup> Iripoeguere marĩ ñerĩrē uribejari direta iriunanerā āārĩbú. Marĩpu Moisére doreri pídeare masĩdero puru, iri dorerire tarinugā, āārĩpereri marĩya dupuma merā ñerĩrē uribejanemonerā āārĩbú. Irasirirā perebiri peamegue waamurā dita āārĩnerā āārĩbú. <sup>6</sup> Daporare pama marĩ Cristo merā boanerā irirosū āārĩsĩā, Marĩpu Moisére doreri pídea merā āārĩbea. Irire tariwerenerāgue āārā. Irasirigu Marĩpu, Ōgū deyomarĩgū merā marĩrē maama okarire opamakū yámi, ĩgū gāamerĩrē iridoregu.

*Marĩrē ñerĩ irimakū iriri marĩquere āārĩrĩmarē weredea*

<sup>7</sup> Irasirirā, Marĩpu Moisére doreri pídeare: “Ñegorāa”, ĵārĩrākuri? Neō irasū āriḃirikōārā! Irita yu ñerĩ iririkurire masĩmakū iribu. Iri doreri pídea āsū ārā. “Gajerāyare

buro ɥaribejabirikõaka!” Irasirigu, iri doreri marĩmakũ, yu gajerãyare ɥaribejarire masĩbiribokuyo. <sup>8</sup> Iri doreri: “Ãsũ iribirikõaka!” ãrĩdeare masĩdero puru, iri yure ããrĩpereri ñerĩrẽ ɥaribejamakũ iribu. Iri doreri marĩmakũ: “Irire tarinugãgũ irikoa”, ãrĩmasĩbiribokuyo. <sup>9</sup> Yu iri dorerire masĩburi dupuyuro: “Yu, Marĩpu merã õãrõ ããrĩkõãgũ irikoa”, ãrĩ gũñadibu. Iri dorerire masĩdero puru, irire tarinugãgũ: “Ñerõ irigu irikoa, Marĩpu merã õãrõ ããrĩbirikoa”, ãrĩ masĩbu pama. <sup>10</sup> Marĩ iri dorerire irirã, Marĩpu merã õãrõ ããrĩkõãbokoa. Yu gapu irire iripeomasĩbirisĩã, ñerĩ iridea waja, waja opagu, perebiri peamegue waabodi dujabu. <sup>11</sup> “Marĩpu dorerire irigu, ãgũ merã õãrõ ããrĩkõãgũ irikoa”, ãrĩ gũñakererũ, yu ñerĩ ɥaribejari, yure Marĩpu dorerire tarinugãmakũ iribu. Irasirigu iri dorerire tarinugãsiã, ñerĩ iridea waja, waja opagu peamegue waabodi dujabu.

<sup>12</sup> Irasũ ããrĩkererũ, Marĩpu Moisére doreri pídea õãrĩ ããrã. Diayema doreri ããrã. Marĩpu irire pídi ããrĩmĩ marĩrẽ iritamubu. <sup>13</sup> Iro tamerãrẽ Marĩpu doreri õãrĩ ããrĩkerero, ¿marĩrẽ peamegue waabonerã dujamakũ irikuri? Neõ irasũ ããrĩbirikoa. Marĩ ñerĩ iriri gapu marĩrẽ peamegue waabonerã dujamakũ iribu. Irasiro Marĩpu ãgũ õãrĩ doreri pídea merã marĩ ñerõ iririre: “Ñegorãã”, ãrĩ masĩsũa.

<sup>14</sup> Ire masĩã marĩ. Marĩpu ãgũ dorerire Õãgũ deyomarĩgũ merã Moisére pídi ããrĩmĩ. Irasiro õãrĩ dita ããrã. Marĩ gapu marĩ ñerĩrẽ ɥaribejari merã ñerĩ iridoregure duasũnerã irirosũ ããrã. Irasirirã ñerĩrẽ iririkurã ããrã. <sup>15</sup> Õãrĩrẽ iridũakererã, iribea. Ñerĩrẽ iridũabirikererã, irinĩkõãa. Marĩ irasiririre pémasĩbea. <sup>16</sup> “Ñerĩrẽ iridũabirikoa”, ãrĩkererã, irikõãa. Irasirikererã: “Ñerĩrẽ iridũabirikoa”, ãrĩrã, Marĩpu dorerire: “Õãrĩ ããrã”, ãrĩ masĩã. <sup>17</sup> “Marĩ ñerĩrẽ dupaturi iribea pama”, ãrĩkererã, ñerĩrẽ irirã, marĩ basi meta irire yãa. Marĩguere ñerĩ ããrĩrĩ gapu marĩrẽ irire irimakũ yãa. <sup>18</sup> Marĩ ñerĩrẽ ɥaribejari merã ñerĩ direta irirã yãa. Irasirirã: “Marĩguere õãrĩ mãã”, ãrĩ masĩã. Marĩ õãrĩrẽ iridũakererã, bokatĩũbea. <sup>19</sup> Marĩ õãrĩ iridũakererã, iribea. Ñerĩ iridũabirikererã, iri gapure yãa. <sup>20</sup> Irasirirã marĩ basi: “Ñerĩrẽ dupaturi iribirikoa”, ãrĩkererã, irikõãa doja. Marĩguere ñerĩ ããrĩrĩ gapu marĩrẽ irire irimakũ yãa.

<sup>21</sup> Irasiro ãsũ waãã marĩrẽ. Õãrĩrẽ marĩ iridũakererũ, marĩguere ñerĩ ããrĩrĩ marĩrẽ ñerĩ direta irimakũ yãa. <sup>22</sup> Marĩ basi marĩ gũñarĩgue: “Marĩpu dorerire iridũakoa”, ãrĩ gũñãã. <sup>23</sup> Iri dorerire iridũakererũ, marĩ ñerĩ iridũari gapu marĩ gũñarĩgue õãrĩ iridũarire tarinugãã. Irasirirã marĩ basi iri ñerĩ iridũarire tarinugãmasĩbea.

<sup>24</sup> Marĩ basi ñerĩ iridũarire tarinugãmasĩmerã, buro bujawereri merã: “¿Noã marĩrẽ ñerĩ iridea wajare taugukuri, Marĩpu merã õãrõ ããrĩburo, ãrĩgũ?” ãrĩ gũñãã. <sup>25</sup> Marĩpu dita Jesucristo marĩ Opũ merã marĩrẽ taumasĩmi. Irasirirã Marĩpure: “Õãtaria mu”, ãrĩ, ɥũyari siã. Irasirirã marĩ gũñarĩgue: “Marĩpu dorerire iridũakoa”, ãrĩ gũñãã. “Gua Opũ ããrã mu”, ãrã ãgũrẽ. Marĩ irasũ ãrĩkererũ, marĩ ñerĩrẽ ɥaribejari, marĩrẽ ñerĩrẽ iridoregu irirosũ ããrĩkõãã dapa.

## 8

### *Õãgũ deyomarĩgũ iritamurĩ merã õãrõ ããrĩrĩmarẽ gojadea*

<sup>1</sup> Dapora Marĩpu marĩrẽ Jesucristoyarãrẽ ñerĩrẽ ɥaribejarire piri, Õãgũ deyomarĩgũ dorerosũ irirãrẽ: “Wajamoãgũra”, ãrĩrĩno neõ mãã. <sup>2</sup> Õãgũ deyomarĩgũ, marĩ Jesucristoyarã ãgũ dorerosũ irimakũ, marĩ ñerĩ iririkurire pirimakũ yãmi. Irasirigu marĩrẽ, perebiri peamegue waabonerãrẽ Marĩpu merã õãrõ ããrĩmakũ yãmi. <sup>3</sup> Marĩ ñerĩ iriri direta ɥaribejasiã, Marĩpu Moisére doreri pídeare neõ iripeomasĩbirinerã ããrĩbũ. Irasirigu Marĩpu gapu ãgũ magũrẽ iriudi ããrĩmĩ, marĩ ñerĩ iridea wajare boa, wajaribosadoregu. ãgũ ñerĩrẽ iribirikeregu, marĩ ñerĩ iridea waja, waja oparã irirosũ dupukugu, marĩrẽ boabosadi ããrĩmĩ, marĩ ñerĩ iridea waja oparire wajarigu. <sup>4</sup> Marĩpu, marĩrẽ ãgũ dorerire



iriburo, ãrĩgũ, irasiridi ããrĩmĩ. Irasirirã marĩ ñerĩ iririre ùaribejabea. Õãgũ deyomarĩgũ dorerosũ irirã yáa.

<sup>5</sup> Ñerĩ iririre ùaribejarã, iri direta gũña, iridũama. Õãgũ deyomarĩgũ dorerosũ irirã gapũ, ĩgũ gããmerĩ direta gũña, iridũama. <sup>6</sup> Ñerĩ direta gũña, iridũarã, perebiri peamegue waarākuma. Õãgũ deyomarĩgũ gããmerĩ direta gũña, iridũarã gapũ Marĩpũ merã perebiri okari oparākuma. Irasirirã siuñajãrĩ merã ããrĩrākuma. <sup>7</sup> Ñerĩ direta gũña, iridũarã, Marĩpure ĩaturirã ããrĩma. ĩgũ dorerire iridũabiri, irire neõ irimasĩbema. <sup>8</sup> Irasirirã ñerĩ iriri direta ùaribejarã, Marĩpure ùsũyamakũ irimasĩbema.

<sup>9</sup> Musã gapũ ñerĩ iriri direta ùaribejabea. Õãgũ deyomarĩgũ musãguere ããrĩmi. Irasirirã ĩgũ turari merã ĩgũ dorerosũ yáa. Õãgũ deyomarĩgũrẽ opamerã gapũ, Cristoyarã ããrĩbema. <sup>10</sup> Marĩ ñerõ iridea waja marĩya dupũ boaburi dupũ ããrĩkererũ, Cristo marĩguere ããrĩmakũ, Marĩpũ marĩrẽ: “Õãrã, waja opamerã ããrĩma”, ãrĩ ĩãmi. Irasiriro marĩya dupũ boakererũ, marĩya yũjũpũrã ùmũgasigue okanĩkõãrokoa. <sup>11</sup> Marĩpũ, Õãgũ deyomarĩgũ merã Jesucristore boadiguere masũ, dupaturi okamakũ iridi ããrĩmĩ. Õãgũ deyomarĩgũ marĩguere ããrĩmakũ, Marĩpũ Jesucristore masũdita marĩya dupũ boadero pũũ, marĩdere masũ, maama okari opamakũ irigũkumi.

<sup>12</sup> Yaarã: “Marĩpũ marĩrẽ irasũta irigũkumi”, ãrĩ masĩrã, ñerĩ iririre ùaribejabirikõãrã! <sup>13</sup> Ñerĩ iriri direta ùaribejarã, perebiri peamegue waarãkoa. Õãgũ deyomarĩgũ turari merã marĩ ñerĩrẽ ùaribejarire pirirã, Marĩpũ merã perebiri okarire oparãkoa.

<sup>14</sup> Õãgũ deyomarĩgũ dorerosũ irirãno, Marĩpũ pũrã ããrĩma. <sup>15</sup> Marĩpũ marĩrẽ Õãgũ deyomarĩgũrẽ iriudi ããrĩmĩ. ĩgũ marĩrẽ Marĩpũ pũrã ããrĩmakũ yãmi. ĩgũ merã Marĩpũ marĩrẽ wajamoãburire gũiderosũ dupaturi gũibe. Irasirirã ĩgũ iritamurĩ merã gũiro marĩrõ Marĩpure: “Yũpũ”, ãrĩ masĩa. <sup>16</sup> Õãgũ deyomarĩgũ marĩ gũñarĩgue marĩrẽ: “Diayeta Marĩpũ pũrã ããrã”, ãrĩ masĩmakũ yãmi. <sup>17</sup> Irasirirã marĩ ĩgũ pũrã ããrĩsĩa: “Ããrĩpererire yũ pũrãrẽ sĩgũra”, ãrĩdeare Cristo merã irire oparãkoa. Marĩ Cristoyarã ããrĩsĩa, ĩgũ i ùmũgue ñerõ tariderosũ marĩde ñerõ tarikererã, pũrugue ùmũgasigue ĩgũ ããrĩrõsũta ĩgũ merã õãrõ ããrĩrãkoa.

<sup>18</sup> Dapora marĩ i ùmũgue ñerõ tarikererã, pũrugue ùmũgasigue Marĩpũ marĩrẽ õãrĩ sĩburire gũñarã: “Bũro ñerõ taribe”, ãrĩ masĩa. <sup>19</sup> Sunũ Marĩpũ marĩrẽ: “Īisã yũ pũrã ããrĩma”, ãrĩ, õãrĩrẽ sĩgũkumi. ĩgũ marĩrẽ sĩburire ããrĩpereri ĩgũ i ùmũma iridea, masaka gajinorẽ bũro ĩãũarã irirosũ yũro yáa.

<sup>20</sup> Iripoegue Adán ñerĩrẽ iripũroridea waja i ùmũma poyakõãdero ããrĩbũ. Iri gããmerõ poyabiridero ããrĩbũ. Marĩpũ dorederosũ poyadero ããrĩbũ. Irasirikeregũ, pũrugue õãrĩ gorawayugũkumi. <sup>21</sup> Irasirigũ Marĩpũ, i ùmũma boapereburi ããrĩkererũ, marĩrẽ ĩgũ pũrãrẽ õãrã gorawayurosũ, i ùmũma ããrĩpererire õãrĩ dita gorawayugũkumi doja. <sup>22</sup> Ire marĩ masĩa. Adán ñerĩrẽ iripũroridero pũũ, daporaguedere ããrĩpereri i ùmũma Marĩpũ iridea, nomeõ majĩgũ nijĩwãgũgõ pũrĩsũrõsũ ããrã. <sup>23</sup> I ĩgũ iridea irirosũta marĩde poyari merã ããrã. Marĩ ĩgũyarã ããrĩnũgãmakũ, Õãgũ deyomarĩgũrẽ marĩrẽ sĩdi ããrĩmĩ. Daporare bũro ñerõ tarikererã, pũrugue ĩgũ marĩrẽ: “Yũ pũrã ããrĩma”, ãrĩ, boabiri dupũre maama dupũre sĩburire ùsũyari merã yũa. <sup>24</sup> “Marĩpũ marĩrẽ: ‘Taugũra’, ãrĩderosũta taugũkumi”, ãrĩ yũmasĩa. ĩgũ marĩrẽ taudero pũũ, marĩ irire yũderosũ neõ yũnemobirikoa. <sup>25</sup> Marĩ gajinorẽ ĩãbirikererã gũnaturari merã: “Īãrãkoa”, ãrĩ yũrosũ, Marĩpũ pũrugue ĩgũ marĩrẽ tauburire gũnaturari merã yũro gããmea.

<sup>26</sup> Marĩ Marĩpure: “¿Naásũ sērẽrõ gããmerĩ?” ãrĩ masĩbirimakũ, Õãgũ deyomarĩgũ marĩrẽ iritamumi. Irasirigũ, marĩ Marĩpure keoro sērẽmasĩbirimakũ, Õãgũ deyomarĩgũ marĩya ããrĩburire Marĩpure õãrõ sērẽbosami. Masaka werenĩrõsũ sērẽbemi. Marĩrẽ bũro bopoñarĩ merã, õãrõ masĩrĩ merã sērẽbosami. <sup>27</sup> Marĩpũ gããmerõsũta Õãgũ deyomarĩgũ marĩ

Īgūyarā āārīburire sērēbosami. Irasirigū Marīpū, āārīpereri marī gūñarīrē masīpeogu, Ōāgū deyomarīgū marīrē sērēbosaridere ōārō masīmi.

*Jesucristo turari merā ñerīrē tarinūgāmasīa, ārī gojadea*

<sup>28</sup> Idere marī masīa. Marīpū Īgū gāāmederosūta marīrē beyedi āārīmī. Irasirigū āārīpereri marīrē Īgūrē maīrārē waaburire āmumi ōārī direta iribu. <sup>29</sup> Neōgoragueta Marīpū marīrē Īgūyarā āārīmurārē masīsiadi āārīmī. Marī neō deyoaburo dupuyurogueta beyesiadi āārīmī, marīrē Īgū magū irirosū āārīburo, ārīgū. Irasirigū Īgū magū marī tīgū āārīmī. Marī Īgū pagupūrā wārā āārā. <sup>30</sup> Neōgoragueta Marīpū Īgūyarā āārīmurārē: “Yū pūrā āārīma”, ārī beyesiadi āārīmī. Irasirigū marīrē Īgū beyenerārē Jesúre bñremunūgādoge sīiu: “Ōārā, waja opamerā āārīma”, ārī ĩāmi. Īgū marīrē irasū ārī ĩārārē ūmūgasigue Īgū āārīrōsūta Īgū merā ōārō āārīmakū irigūkumi.

<sup>31</sup> Marī irire masīrā, ĩnaásū ārīrī? Āsū ārā. Marīpū marīrē iritamumakū, gajerā marīrē ĩaturikererā, neō poyanorēmasībema. <sup>32</sup> Marīpū marī ñerī iridea waja boabosabure Īgū magū Jesucristore iriudi āārīmī. “Yū magūrē maīsīā, iriubea”, ārībiridi āārīmī. Irasirigū Īgū magūrē iriudi āārīsīā, āārīpereri marīya āārīburire ōārī direta sīgūkumi. <sup>33</sup> Marīpū marīrē Īgū beyenerārē: “Ōārā, waja opamerā āārīma”, ārī ĩāmakū, gajerā marīrē: “Ñerā āārīma”, neō ārī weresāmasībema.

<sup>34</sup> Cristo marī ñerī iridea wajare boabosa, masā, ūmūgasigue mūrīadi āārīmī. Irasirigū Marīpū diaye gapū doami. Marīya āārīburire sērēbosanīkōāmi. Irasirirā gajerā Marīpūre marīrē: “Īīsā ñerī iridea waja Īgūsārē wajamoāka!” neō ārīmasībema. <sup>35</sup> Cristo marīrē bñro maīmakū, gajerā Īgūrē: “Neō maīnemobirikōāka Īgūsārē!” ārīmasībirikuma. Marī ñerō tarikererū, marī diasaro péñakererū, gajerā marīrē ñerō irikererū, marī ūaboakererū, surī marīrā āārīkererū, goero marīrē āārīkererū, gajerā marīrē wējēkererū, Cristo marīrē maīgū marī merā āārīnīkōāmi. Īgū marīrē maīrīrē neō piribirikumi. <sup>36</sup> Marīpūya werenīrī gojadea pūgue marī waaburire āsū ārī gojasūdero āārībú:

Gūa mūyarā āārīrī waja gajerā gūare ūmūrikū wējēduanīkōāma. Ovejare wējēmurā wējērōgue āārā irirosū gūare yāma, ārī gojasūdero āārībú.\*

<sup>37</sup> Marī gapū ñerō tarikererā, Cristo marīrē maīgū iritamurī merā, marī āārīpereri ñerīrē tarinūgāa. Irasirirā Īgū merāta gūñaturanemoa. <sup>38</sup> Irasirigū ire ōārō masīa. Marīpū marīrē bñro maīmi. Marī Opūre Jesucristore iriugū, Īgū marīrē maīrīrē masīmakū iridi āārīmī. Marī boamakū, o marī yoaripoe okamakū, marīrē maīgū marī merā āārīnīkōāmi. Marīpūre wereboerā, masaka oparā, wātēa oparāde Marīpūre marīrē maīrīrē pirimakū irimasībema. Marīrē gajino irimakū, Marīpū marīrē maīgū marī merā āārīmī. Daporama āārīrī, pūrama āārīburide Marīpūre marīrē maīrīrē pirimakū irimasībirikoa. <sup>39</sup> Marī ūmarōgue waamakū, o ūkūārōgue waamakū, marīrē maīgū marī merā āārīmī. Gajinode Marīpū iridea āārā. Irasiriro iride Īgūrē marīrē maīrīrē pirimakū irimasībea. Marīrē marī Opū Jesucristoyarārē Īgū maīrī neō perebirikoa.

## 9

*Israel bumarā Marīpū beyenerā āārīma, ārī gojadea*

<sup>1</sup> Yū, Cristore bñremugū āārīgū, diayeta werea mūsārē. Ārīgatobea. Ōāgū deyomarīgūde yū merā āārīgū, yū ārīrīrē: “Diayeta āārā”, ārī masīmakū yāmi. <sup>2</sup> Yaarā Israel bumarā Cristore bñremubirimakū ĩāgū, bñro bñjawereri merā gūñarikūa. <sup>3</sup> Īgūsā Īgūrē bñremumakū gāāmegū, yū gapū gorawayudūadāa: “Perebiri peamegue wajamoāsūbokuma”, ārīgū. Yū Īgūsārē irasiribosagu Cristore dukawarinūgājagu, Īgūrē neō dupaturi ĩānemobiribokoa. <sup>4</sup> Īgūsā, Israel parāmerā āārīturiarā āārīma. Marīpū Īgūsārē: “Yū pūrā āārā”, ārīdi āārīmī.

\* 8:36 Sal 44.22

Īgū gosewasiriri merā Īgūsā watope āārīdi āārīmī. Īgūsārē: “Yū, musā Opū āārā. Musā, yaarā āārā”, āārīdi āārīmī. Īgūsārē Īgū dorerire masīburo, ārīgū, Moisére irire pídi āārīmī. “Yaa wiigue yure buremurā, āsū irika!” ārī pídi āārīmī. “Musā parāmerā āārīturiarārē ōārō iritamugura”, āārīdi āārīmī. <sup>5</sup> Israel pūrā pe mojōma pere su gubu peru pērēbejarāgora, gua ñekūsāmarā āārīnerā āārīmā. Cristode marī irirosū dupukugū deyoagu Īgūsā parāmi āārīturiagu, Israel bumuta āārīdi āārīmī. Īgū āārīpererā, āārīpereri Opū āārīmī. Irasirirā Īgūrē: “Ōātaria mu”, ārī, usuyari sīnīrā! Irasūta irirā!

<sup>6</sup> Israel bumarā āārīpererā diayeta Marīpūyarāgora āārībema. Irasirigū Marīpū Israel bumarārē: “Yaarārē āsū irigura”, ārīdeare Īgūsārē āārīpererārē iribirimakū Īgū: “Marīpū Īgū ārīderosūta iribemi”, ārī gūñabea yū. <sup>7</sup> Israel bumarā, Īgūsā ñekū Abraham parāmerā āārīturiarā āārīkerepuru, Marīpū Īgūsārē āārīpererārē: “Diayeta yū pūrā āārīma”, ārī Īābemi. Irasirigū Abrahārē: “Mū magū Isaac parāmerā āārīturiarā dita diayeta mū parāmerā āārīturiarā āārīrākuma”, ārīdi āārīmī. <sup>8-9</sup> Marīpū Abrahārē Īgū magū Isaac deyoaburire weregū, āsū ārīdi āārīmī: “Gaji bojori ipapoeta aarigura doja. Iripoeta mū marāpo Sara majīgūrē pūrākugokumo”, ārīdi āārīmī. Irasirigū Marīpū ārīderosūta Abraham magū deyoadi āārīmī. Irasirirā marī ire masīa. Abraham parāmerā deyoaturawāgārā āārīpererā Marīpū pūrā āārībema. Marīpū ārīdeare buremurā dita diayeta Abraham parāmerā āārīturiarā, Marīpū pūrā āārīma.

<sup>10</sup> Gaji āsū āārā. Isaac, Rebeca merā marāpokūdero pūgū, igo ūma pērāgue pūrākūdeo āārīmō. Īgūsā pagū Isaac, gua ñekū āārīdi āārīmī. <sup>11-13</sup> Īgū pūrā deyoaburi dupuyuro, Īgūsā ōārīrē, o ñerīrē iriburi dupuyuro Marīpū Īgūsā pago āārībore āsū ārīdi āārīmī: “Īgū tīgū Īgū pagumūrē moāboegukumi”, ārīdi āārīmī. Īgū igore irire ārīderosūta Īgūya werenīrī gojādea pūgue āsū ārī gojasūdero āārībū: “Jacore beyebu. Esāu gapure beyebiribū”, ārī gojasūdero āārībū. Irasirigū Marīpū Jacore beyederosūta Īgūyarā āārīmurārē beyegu, Īgūsā gajino iriburi dupuyuro Īgū gāāmederosūta Īgūsārē: “Yaarā āārīma”, ārīdi āārīmī.

<sup>14</sup> Irire pérā, ¿naāsū gapū ārīrākuri marī? “Sugū gajino iriburi dupuyuro Marīpū Īgūrē beyegu, diaye iribemi”, ¿ārīrākuri? Irasū ārībirikōārā! Marīpū diayeta irigū āārīmī. <sup>15</sup> Iripoegue Marīpū Moisédere āsū ārīdi āārīmī: “Yū bopoñarī merā Īāduarārē bopoñarī merā Īāgura. Yū maīrī merā Īāduarārē maīgura”, ārīdi āārīmī. <sup>16</sup> Irasirirā ire masīa. Marīpū, Īgū bopoñaduarārē bopoñarī merā Īāmi. Masaka Īgūrē bopoñadoremakū meta, Īgūsā ōārō irimakū meta Īgūsārē bopoñarī merā Īāmi. <sup>17</sup> Marīpū Īgūya werenīrī gojādea pūgue āsū ārīdi āārīmī Egipto marā opure, faraōrē: “Yū gāāmerōsūta mūrē Egipto marā opū āārībure píbu, mū merā yū turarire āārīpererārē Īmubu. Āārīperero marārē, yū turagu āārīrīrē masīdoregū, irasiribū”, ārīdi āārīmī. <sup>18</sup> Irasirigū Īgū bopoñaduarārē bopoñarī merā Īāmi. Īgū dorerire péduamerārē nemorō péduabirimakū yāmi.

<sup>19</sup> Yū irasū ārīrīrē pérā, musā āsū ārībokoa: “Marīpū Īgū basita masakare Īgū dorerire péduabirimakū irikeregū, ¿nasirigū Īgūsārē wajamoāgukuri? ¿Nasirisīā, Īgū gāāmerō irasiririre kāmutamāsībokuri marī?” ārī pūrīwisi sērēñabokoa. <sup>20</sup> Irire irasū ārībirikōāka! Marī masaka ubu āārīrā, Marīpū irinerā āārā. Irasirirā Īgūrē: “¿Nasirigū yure irasū yāri mū?” ārī pūrīwisi sērēñamasībea. Diarisoro irisoro weagore: “¿Nasirigo yure irasū yāri mū?” ārīberosūta marīde Marīpūre irasū ārīmasībea. <sup>21</sup> Sorori weago diari merā igo iridūaro irikumō. Irasirigo ōārī soro iridūago, ōārī soro irikumō. Iri diari merāta ubu āārīrī sorodere iridūago, ubu āārīrī soro irikumō. Igo diari merā irirosūta Marīpūde masakare Īgū iridūarosūta yāmi.

<sup>22</sup> Marīpū peamegue Īgū béomurārē, Īgūsārē Īgū turari merā būro wajamoāburire masīdoregū, Īgūsā ñerō irire gūñatura, mumurō marīrō Īgūsārē wajamoābemi. <sup>23</sup> Marī Īgū bopoñarī merā Īārā gapure Īgū ōātarigū āārīrīrē masīburo, ārīgū, Īgūsārē irasirigū yāmi. Neōgoragueta marīrē ūmugasigue Īgū āārīrōsūta Īgū merā ōārō āārīmurārē beyedi āārīmī. <sup>24</sup> Marīrē beyegu, surāyeri judío masaka watopegue āārīrārē, gajerā

judío masaka aãrĩmerã watopegue aãrĩrãdere beyedi aãrĩmí, ìgũyarã aãrĩburo, ãrĩgũ.  
<sup>25</sup> Marĩpũya werenĩrĩ gojadea pũgue ìgũya kerere weredupuyudi Oseas, judío masaka aãrĩmerãyamarẽ ãsũ ãrĩ gojadi aãrĩmí:

Marĩpũ ãsũ ãrĩmí: “Yaarã aãrĩbirinerãrẽ: ‘Yaarã aãrĩma’, ãrĩgũkoa. Yũ maĩbirinerãrẽ: ‘Yũ maĩrã aãrĩma’, ãrĩgũkoa”, ãrĩmí.

<sup>26</sup> Marĩpũ: “Mũsã, yaarã meta aãrã”, ãrĩdea nikũ marãrẽ: “Yũ okanígũ pũrãta aãrã”, ãrĩsũrãkuma, ãrĩ gojadi aãrĩmí.✠

<sup>27-28</sup> Isaías, Israel bumarã gapũre ãsũ ãrĩ gojadi aãrĩmí: “Marĩ Opũ ìgũ ãrĩderosũta i ùmũ marãrẽ mumurõ merã diayeta wajamoãgũkumi. Irasirirã Israel bumarã wadiyama ìmipayeri irirosũ wãrã aãrĩkererã, mërãgã tausũrãkuma”, ãrĩ gojadi aãrĩmí. <sup>29</sup> Ìgũta idere ãrĩ gojadi aãrĩmí doja:

Marĩ Opũ aãrĩpererã nemorõ turagũ, marĩ ñekũsãmarã aãrĩturiarãrẽ mërãgãrẽ taubirimakũ, marĩ judío masaka aãrĩpererã béosũbonerã aãrĩbũ. Sodoma marãrẽ, Gomorra marãrẽ béoderosũta marĩdere béobodi aãrĩmí, ãrĩ gojadi aãrĩmí.✠

### *Judío masaka Jesucristoya kerere bũremubiridea*

<sup>30</sup> Irire pérã, ¿naásũ ãrĩrãkuri? ãsũ aãrã. Judío masaka aãrĩmerã Marĩpũ merã ìgũsã õãrõ aãrĩburire ãmabirikererã, ìgũsã Jesucristore bũremurĩ merã irire bokama. Irasirigũ Marĩpũ ìgũsãrẽ: “Õãrã aãrĩma”, ãrĩ ìãmi. <sup>31</sup> Judío masaka gapũ: “Marĩpũ Moisére doreri pídeare marĩ irimakũ, marĩrẽ: ‘Õãrã, waja opamerã aãrĩma’, ãrĩ ìãgũkumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpũ merã õãrõ aãrĩbema.

<sup>32</sup> ¿Nasirirã Marĩpũ merã õãrõ aãrĩberi? Jesucristore bũremurõ marĩrõ ìgũsã basi Marĩpũ Moisére doreri pídeare iridea merã gapũ, Marĩpũ merã õãrõ aãrĩduadima. Irasirirã Cristore Marĩpũ iriudire bũremumerã, Marĩpũ pũrogue neõ waabirikuma. Ìgũsã ùtãye, maa deko píadeayegue gubu tuameémejãnerã irirosũ aãrĩrãkuma. <sup>33</sup> Marĩpũya werenĩrĩ gojadea pũgue Marĩpũ ìgũ magũrẽ iriburire ãsũ ãrĩ gojasũdero aãrĩbũ:

Sugũ yũ iriubure ùtãye irirosũ aãrĩgũrẽ Jerusalégue pígũra. Ìgũrẽ bũremumerã, iri yegue gubu tuameémejãrã irirosũ aãrĩrãkuma. Irasirirã yũ pũrogue neõ ejabirikuma. Ìgũrẽ bũremurã gapũ: “Ìgũrẽ ubugorata bũremukubũ”, ãrĩbirikumã. Yũ pũro ejarãkuma, ãrĩ gojasũdero aãrĩbũ.✠

## 10

<sup>1</sup> Yaarã, yũ Israel bumarãrẽ Marĩpũ ìgũ tauburire bũro gããmea. Irasirigũ ìgũrẽ ìgũsãya aãrĩburire bũro sërëbosáa. <sup>2</sup> Diayeta ìgũsã Marĩpũ gããmerĩrẽ bũro iridũakererã, ìgũ gããmerĩrẽ õãrõ pëmasĩbema. <sup>3</sup> Marĩpũ marĩrẽ Jesucristore bũremurĩ merã: “Õãrã aãrĩma”, ãrĩ ìãrĩrẽ masĩbema. Irasirirã ìgũsã basi õãrĩrẽ iridũakererã, Marĩpũ Jesucristore bũremudoregũ iriudire bũremubema. Irasirigũ Marĩpũ ìgũsãrẽ: “Õãrã aãrĩma”, ãrĩ ìãbemi. <sup>4</sup> Cristo aãrĩpereri Marĩpũ Moisére doreri pídeare iripeodi aãrĩmí. Irasirigũ Marĩpũ aãrĩpererã Cristore bũremurãnorẽ: “Õãrã, waja opamerã aãrĩma”, ãrĩ ìãmi.

<sup>5</sup> Moisés ãsũ ãrĩ gojadi aãrĩmí: “Marĩ, Marĩpũ dorerire aãrĩpereri iripeomakũ, Marĩpũ marĩrẽ: ‘Õãrã, waja opamerã aãrĩma, yũ merã õãrõ aãrĩrãkuma’, ãrĩ ìãgũkumi”, ãrĩ gojadi aãrĩmí. <sup>6</sup> Marĩpũ marĩrẽ: “Õãrã, waja opamerã aãrĩma”, ãrĩ ìãrĩ gapũ ãsũ aãrã. Marĩ Cristore bũremumakũ, Marĩpũ marĩrẽ: “Õãrã aãrĩma”, ãrĩ ìãgũkumi. Irasirirã ãsũ ãrĩ gũñabirikõãka: “¿Noã Cristore ãmũgasigue aãrĩgũrẽ ãidijugũkuri marĩrẽ taudoregũ?” ãrĩ gũñabirikõãka! Cristo i ãmũguere marĩrẽ taugũ ejasiadi aãrĩmí. <sup>7</sup> Irasirirã doja: “¿Noã, boanerã aãrĩrõgue ãkũãrĩ gobegue dijagũkuri Cristore siiu mũrĩribu?” ãrĩ gũñabirikõãka! Marĩ basi irire irimasĩña máa. Ìgũ boa, masã, mũrĩasiadi aãrĩmí. <sup>8</sup> Marĩpũya werenĩrĩ gojadea pũgue ãsũ ãrĩ gojasũdero aãrĩbũ: “Marĩpũya kerere mũsã pësiáa. Irire mũsãya

✠ 9:26 Os 2.23; 1.10 ✠ 9:29 Is 1.9 ✠ 9:33 Is 28.16

disi merã werenía. Musãya gũñarĩgue: ‘Diayeta ããrã iri’, ãrĩ gũñáa”, ãrĩ gojasũdero ããrĩbú. Irire, marĩrẽ Jesucristo tauri kerere diayeta b̄remua. Irasirirã masakare irireta werea. <sup>9</sup> Irasirirã marĩya disi merã: “Jesús, yu Op̄u ããrĩmi”, ãrĩ werenímakũ, marĩya gũñarĩgue: “Ígũ boadero p̄ru, Marĩpu Ígũrẽ masũdi ããrĩmĩ”, ãrĩ b̄remumakũ, Marĩpu marĩrẽ perebiri peamegue waabonerãrẽ taugũkumi, Ígũ merã õãrõ ããrĩníkõãburo, ãrĩgũ. <sup>10</sup> Marĩpu, marĩ Jesucristore b̄remumakũ, marĩrẽ: “Õãrã, waja opamerã ããrĩma”, ãrĩ ããrĩmĩ. Marĩ gajerãrẽ: “Jesucristo yure taugũ ããrĩmi, Ígũrẽ b̄remua”, ãrĩ weremakũ, marĩrẽ peamegue waabonerãrẽ Ígũ taumurã ããrĩmakũ yãmi.

<sup>11</sup> Marĩp̄ya werenĩrĩ gojadea pũgue: “Neõ sugũ Ígũrẽ b̄remugũ: ‘Ígũrẽ ubugorata b̄remukubu’, ãrĩbirikumi”, ãrĩ gojasũdero ããrĩbú. <sup>12</sup> Marĩpu, ããrĩpererã Op̄u ããrĩmĩ. Irasirigũ judío masakare, judío masaka ããrĩmerãdere s̄rosũta ããrĩmĩ. Irasirigũ ããrĩpererãrẽ Ígũrẽ b̄remurĩ merã s̄rẽrãrẽ õãrĩrẽ wãri s̄gũkumi. <sup>13</sup> Marĩp̄ya werenĩrĩ gojadea pũgue ããrĩ ããrĩ gojasũdero ããrĩbú: “‘Yu Op̄u, yu ñerõ irideare yure kãtika!’ ãrĩ s̄rẽrãno tausũrãkuma. Peamegue wajamoãsũbirikuma”, ãrĩ gojasũdero ããrĩbú. <sup>14</sup> Irasũ ããrĩkererũ, marĩ Op̄ure: “Diayeta marĩrẽ taugũ ããrĩmi”, ãrĩ b̄remumerã, Ígũrẽ s̄rẽmasĩbema. Ígũya tauri kerere p̄merã, Ígũrẽ b̄remumasĩbema. Ígũya kerere Ígũsãrẽ weregũ marĩmakũ, irire masĩbirikuma. <sup>15</sup> Marĩpu Ígũya kerere weremurãrẽ iriubirimakũ, irire wererã waabirikuma. Ígũya werenĩrĩ gojadea pũgue ããrĩ ããrĩ gojasũdero ããrĩbú: “Marĩp̄ya õãrĩ kerere, Ígũ merã õãrõ siuñajãrĩ opari kerere wererã ejamakũ ããrã, marĩ b̄ro usuyãa”, ãrĩ gojasũdero ããrĩbú.

<sup>16</sup> Iri Marĩpu masakare tauri kere ããrĩkererũ, wãrã p̄duabema. Isaías ããrĩ gojadi ããrĩmĩ: “Gua Op̄u, Ígũsã gua wererire p̄duabema”, ãrĩ gojadi ããrĩmĩ. <sup>17</sup> Irasirirã Cristoya kerere weremakũ p̄duripĩrã, Ígũrẽ b̄remurãkuma.

<sup>18</sup> Irasirigũ ire s̄rẽñaduakoa musãrẽ. ¿Israel bumarã iri kerere p̄biriyuri? P̄nerã ããrĩmã. Marĩp̄ya werenĩrĩ gojadea pũguedere irasũta ããrĩ gojasũdero ããrĩbú: Marĩp̄yare wererimasã ããrĩpererogue marãrẽ Ígũya kerere wererã waama. Irasiriro Ígũsã wereri i ããrĩpererogue seyakõãa, ãrĩ gojasũdero ããrĩbú.\*

<sup>19</sup> Dupaturi musãrẽ s̄rẽñaduakoa doja. ¿Israel bumarã p̄kererã, õãrõ p̄masĩbiriyuri? P̄masĩnerã ããrãdima. Yu irire werenemogũ, Moisés ããrĩdeare wererũrorigũra. ããrĩ gojadi ããrĩmĩ:

Marĩpu Israel bumarãrẽ ããrĩ ããrĩmi: “Ubu ããrĩrãrẽ, yaare p̄masĩmerãrẽ yaarã ããrĩmakũ irigũra. Yu irasirimakũ ããrã, musã gapũ Ígũsãrẽ ããrĩturirãkõa. Irasirigũ musãrẽ Ígũsã merã guamakũ irigũkõa”, ããrĩmi, ããrĩ gojadi ããrĩmĩ Moisés.\*

<sup>20</sup> P̄ru Isaíade: “Irasũ ããrĩbokõa”, ããrĩ, gũiri marĩrõ ããrĩ ããrĩnemopeodi ããrĩmĩ:

ããrĩ ããrĩmi Marĩpu: “Yure ããrĩmerã gapũ yure bokama. Irasirigũ yure masĩmerãrẽ yure masĩmakũ iribu”, ããrĩmi, ããrĩ gojadi ããrĩmĩ Isaías.\*

Judío masaka ããrĩmerã Marĩp̄yarã ããrĩburire weregũ irasũ ããrĩ gojadi ããrĩmĩ. <sup>21</sup> Israel bumarã gapure ããrĩ ããrĩ gojadi ããrĩmĩ: “ããrĩ ããrĩmi Marĩpu: ‘Ëmurikũ yu merã õãrõ ããrĩduarã aarika!’ ããrĩdibu Ígũsãrẽ. ‘Ígũsã gapũ yu dorerire tarinugãrã, yure p̄duabirima’, ããrĩmĩ”, ããrĩ gojadi ããrĩmĩ Isaías.

## 11

### *Marĩpu Israel bumarãrẽ beyedeamarẽ gojadea*

<sup>1</sup> Irasirigũ musãrẽ ire s̄rẽñagura. ¿Marĩpu Israel bumarãrẽ: “Yaarã ããrĩma”, ããrĩdero p̄ru, Ígũsãrẽ b̄okõãyuri? B̄obiridi ããrĩmĩ. Yude Israel bumũ, Abraham parãmi ããrĩturiaguta Benjamĩya bumũ ããrã. <sup>2</sup> Iripoegue Marĩpu Israel bumarãrẽ Ígũyarã ããrĩburo, ããrĩgũ, beyedi ããrĩmĩ. Ígũ irasũ beyenerãrẽ b̄obemi. Musã Marĩp̄ya kerere

\* 10:18 Sal 19.4 \* 10:19 Dt 32.21 \* 10:20 Is 65.1

weredupuyudi Elías ĩgũrẽ: “Israel bumarã waja opama”, ãrĩdeare masĩkoa. Irire Marĩpũya werenĩrĩ gojadea pũgue ãsũ ãrĩ gojadi ããrĩmĩ: <sup>3</sup> “Yũ Opũ, Israel bumarã mũya kerere weredupuyurimasãrẽ wẽjẽkõãma. Mũrẽ sĩdea soepeerore tuúmeédijukõãma. Irasirigũ ĩgũsã watope yũ sugũta mũrẽ bũremua. Yũ irasũ ããrĩmakũ ĩãrã, yũdere wẽjẽduama”, ãrĩ gojadi ããrĩmĩ. <sup>4</sup> ĩgũ irasũ ãrĩmakũ pẽgu, Marĩpũ ãsũ ãrĩ yũjudi ããrĩmĩ: “Mũ, sugũta ããrĩbea. Yaarã siete mil ããrĩma. ĩgũsãrẽ iritamubũ. Irasirirã yũre õãrõ bũremuma. Baal wãikũgũ keori weadeare neõ bũremubema. Irasirigũ mũrẽ wẽjẽduarãrẽ gũibirikõãka!” ãrĩdi ããrĩmĩ. <sup>5</sup> Elías ããrĩripoe Marĩpũ ĩgũ beyenerãrẽ iritamuderõsũta daporadere Israel bumarã watopere surãyeri ĩgũ beyenerãrẽ iritamumi. Irasirirã ĩgũrẽ bũremuma. ĩgũsãrẽ bopoñarĩ merã ĩãsiã, beyedi ããrĩmĩ. <sup>6</sup> ĩgũsã iririkũrere ĩãgũ meta beyedi ããrĩmĩ. ĩgũsãrẽ bopoñagũ beyedi ããrĩmĩ. ĩgũsã õãrõ iriadero pũru ĩgũsãrẽ beyegũ, bopoñagũ meta iribokumi. ĩgũsã õãrĩrẽ iridea waja ããrĩbokuyo.

<sup>7</sup> ãsũ ããrã. Israel bumarã ĩgũsã iriri merã, Marĩpũ ĩgũsãrẽ: “Õãrã ããrĩma”, ãrĩ ĩãmakũ gããmekererã, ĩgũsã Marĩpũ merã õãrõ ããrĩburire neõ bokabema. Irasirirã Marĩpũyare neõ pẽmasĩmerã dujama. Marĩpũ beyenerã gapũ ĩgũ merã õãrõ ããrĩma. <sup>8</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ ĩgũrẽ gããmemerãrẽ ĩgũyare pẽmasĩbirimakũ yãmi. Irasirirã diayemarẽ pẽkererã, pẽmasĩbema. ĩgũ iririre ĩãkererã, ĩãmasĩbema. Daporaguedere irasũta ããrĩnikõãma”, ãrĩ gojasũdero ããrĩbũ.

<sup>9</sup> Davide ãsũ ãrĩdi ããrĩmĩ Marĩpũre:

Israel bumarã bosenũrĩ irirã ñerõ yãma. Irasirigũ, ĩgũsã ñerĩrẽ iriri merã ĩgũsãrẽ wajamoãsumurã ããrĩmakũ irika!

<sup>10</sup> ĩgũsãrẽ pẽmasĩmerã, koye ĩãmerã irirosũ waamakũ irika! Ɛmũrikũ nukũrĩ ũũmarã sũgũ pũrĩsũrã irirosũ ñerõ tarimakũ irika! ãrĩdi ããrĩmĩ David Marĩpũre.\*

### *Marĩpũ judío masaka ããrĩmerãrẽ taugũkumi, ãrĩ gojadea*

<sup>11</sup> Gaji mũsãrẽ sërẽñanemogũra. Judío masaka Jesucristore bũremubirimakũ, Marĩpũ ĩgũsãrẽ bẽopeokõãyuri? Bẽopeobiridi ããrĩmĩ. ĩgũsã Cristore irasũ bũremubirimakũ, daporare judío masaka ããrĩmerã gapũ Marĩpũ taumurã ããrĩma. ĩgũsãrẽ ĩgũyarã waamakũ yãmi, judío masakade ĩgũsãrẽ ĩãkũĩ, ĩgũsãde Cristore bũremuburo, ãrĩgũ. <sup>12</sup> Judío masaka Cristore bũremubirisĩã, Marĩpũ ĩgũsãrẽ: “Yũ pũrãrẽ õãrĩ sĩgũra”, ãrĩdeare opabema. Irasirirã judío masaka ããrĩmerã gapũ Cristore bũremurã, irire oparãkuma. Pũru judío masaka Cristore bũremumakũ, ããrĩpererãrẽ i mũmũ marãrẽ nemorõ õãrõ waarokoa.

<sup>13</sup> Daporare mũsãrẽ judío masaka ããrĩmerãrẽ weregũra. Jesucristo yũre mũsãrẽ judío masaka ããrĩmerãrẽ ĩgũya kerere weredoregũ pími. Ire weregũ, ubugora irigũ meta yãa. <sup>14</sup> ĩgũyare weregũ, gajipoe irigũ surãyeri yaarãrẽ judío masakare mũsãrẽ ĩãkũĩmakũ iribokoa, ĩgũsãde Jesucristore bũremuburo, ãrĩgũ. ĩgũrẽ bũremurã, tausũrãkuma ĩgũ merã õãrõ ããrĩmurã. <sup>15</sup> Marĩpũ judío masakare Cristore bũremumerãrẽ bẽomakũ, gajerã gapũ ĩgũ merã siuñajãrĩ opama. Judío masakade ĩgũrẽ bũremumakũ, õãtarirokoo. ĩgũsã boanerãgue masãnerã irirosũ Marĩpũ merã perebiri okarire oparãkuma. <sup>16</sup> ãsũ ããrã. Pã iriri merã suru iripũroridiru Marĩpũre sĩmakũ, ããrĩpereri iri pã iriri Marĩpũya ããrã. Yuku nũgũrĩ Marĩpũya ããrĩmakũ, irigũ dupũride ĩgũya ããrã. Gũa ñekũ Abraham, irigũ nũgũrĩ irirosũ ããrĩdi ããrĩmĩ. Marĩ Jesucristore bũremurã Abraham parãmerã ããrĩturiarã ããrã. Irasirigũ Marĩpũ ĩgũrẽ: “Yaagũ ããrĩmĩ”, ãrĩ ĩãderõsũta marĩdere: “Yaarã ããrĩma”, ãrĩ ĩãmi.

<sup>17</sup> Judío masaka olivogũ dupũri irirosũ ããrĩma. ĩgũsã irasũ ããrĩkerepũru, su dupũrere ditibẽoderõsũ Marĩpũ surãyeri ĩgũsãrẽ bẽodi ããrĩmĩ. Pũru iri dupũri ããrĩderore gajigũ olivo makãnũmũma dupũrere purĩñeãtuadoregũ, wiiri, puũñeãturosũ iridi ããrĩmĩ. Irasiriderosũ mũsãrẽ judío masaka ããrĩmerãrẽ ĩgũyarã ñajãmakũ iridi ããrĩmĩ. Irasirirã mũsã judío masaka ããrĩbirikererã, ããrĩpereri Marĩpũ Abraham parãmerã ããrĩturiarãrẽ õãrĩrẽ sĩgũra,

ārīdeare mūsāde ñeānerā āārībú. <sup>18</sup> Mūsārē ĩgũ irasirimakũ: “Gũa judío masaka nemorõ õārā āārā”, ārĩ gũñabirikõāka! Ire gũñaka! Judío masaka olivogu Marĩpu otedi irirosũ āārĩma. Mūsā gapũ irigũgue ĩgũ āitũdea dũpũri irirosũ āārā. Irasirigu judío masaka merā mūsārē iritamumi. Mūsā merā meta ĩgũsārē iritamumi.

<sup>19</sup> Mūsā judío masaka āārĩmerā gapũ āsũ ārĩboko: “Surāyeri judío masakare, olivogu dũpũri ditibéoderosũ Marĩpu ĩgũsārē béodi āārĩmĩ. Irasũ béogu, gaji dũpũri irigũgue ĩgũ āitũderosũ marĩrē pídi āārĩmĩ, ĩgũyarā āārĩmurārē”, ārĩboko mūsā. <sup>20</sup> Irasũta āārā. ĩgũsā Jesucristore bũremubiridea waja Marĩpu ĩgũsārē béodi āārĩmĩ. Irasirigu mūsādere Cristore bũremubirimakũ, ĩgũyarā āārĩmakũ iribiribodi āārĩmĩ. Irasirirā: “Gũa judío masaka nemorõ õārā āārā”, ārĩ gũñabirikõāka mūsā! Irasũ ārĩmerāta Marĩpũre õārõ gopeyari merā bũremuka! <sup>21</sup> Pũrorima dũpũri irirosũ judío masaka Marĩpũyarā āārĩpũrorinerā āārĩmā. Mūsā gapũ ĩgũsā pũrũ ĩgũyarā waanerā āārībú. Irasirigu Marĩpu ĩgũyarā āārĩpũrorinerā ĩgũrē bũremubirimakũ, ĩgũsārē béodi āārĩmĩ. Mūsā ĩgũrē bũremubirimakũ, ĩgũsārē béoderosũta mūsādere béogũkumi. <sup>22</sup> Marĩpu õārõ irigu bopoñarĩrē, ĩgũ turari merā wajamoārĩrē pémasĩka! ĩgũrē bũremumerārē wajamoāgũkumi. Irasirikeregu, mūsā piriro marĩrõ ĩgũrē bũremunĩmakũ, mūsārē õārõ irigũkumi. ĩgũrē bũremubirimakũ, ñerĩ dũpũri ĩgũ ditibéoderosũta mūsādere béogũkumi. <sup>23</sup> Judío masaka ĩgũ béosũnerā Jesucristore bũremumakũ, ĩgũsārē yuku dũpũri ditibéodeare dupaturi irigũgueta āitũro irirosũ irigũkumi, ĩgũyarā ñajāmakũ irigu. ĩgũ sugũta ĩgũ turari merā irire irimasĩmi. <sup>24</sup> Mūsā judío masaka āārĩmerā olivo makāñũmũma dũpũri irirosũ āārā. Judío masaka gapũ ĩgũ beyepũrorinerā āārĩmā. Olivogu Marĩpu otedi irirosũ āārĩma. Mūsā irigũgue ĩgũ āitũdea dũpũri irirosũ āārā. Irasirigu Marĩpu mūsārē ĩgũyarā ñajāmakũ iridi āārĩmĩ. Mūsārē irasirikeregu, judío masakare ĩgũ beyepũrorinerā gapũre mūsā nemorõ ĩgũyarā dupaturi ñajāmakũ irimasĩmi.

### *Pũrgue Israel bumarārē Marĩpu taugũkumi, ārĩ gojadea*

<sup>25</sup> Yaarā, masaka iripoegue masĩbirideare, Marĩpu ĩgũ gũñaderosũta iriburire weregũra mūsārē: “Gũa judío masaka nemorõ masĩpeokõāa”, ārĩ gũñabirikõāburo, ārĩgũ. Wārā judío masaka Marĩpũyare pémasĩturabema dapa. Marĩpu judío masaka āārĩmerārē: “Bũremurākuma”, ārĩnerākũta Cristore bũremudero pũrũ, judío masakade bũremurākuma. <sup>26</sup> ĩgũsā irasũ bũremumakũ, āārĩpererā Israel bumarārē Marĩpu ĩgũsā peamegue waabonerārē taugũkumi. ĩgũya werenĩrĩ gojadea pũgue āsũ ārĩ gojasũdero āārībú:

Jerusalēgue, Siõn wāĩkari makāgue, judío masakaya makāgue ĩgũsārē taubu aarigũkumi.

ĩgũsārē Jacob parāmerā āārĩturarārē ĩgũsā ñerĩrē béogũkumi.\*

<sup>27</sup> Marĩpu āsũ ārĩmi: “ĩgũsārē ñerĩrē béogu, yũ ĩgũsārē ārĩdeare irigũkoa”, ārĩ gojasũdero āārībú.\*

<sup>28</sup> Inũguere wārā judío masaka Jesucristoya kerere péduamerā, Marĩpũre ĩāturirā āārĩma. ĩgũsā irasũ āārĩmakũ, mūsā judío masaka āārĩmerā gapũ Cristore bũremunũgābũ. Irasirigu Marĩpu judío masaka ñekũsāmarā ĩgũ beyenerā ĩgũsā āārĩmakũ, ĩgũsārē āārĩturarādere maĩmi. <sup>29</sup> “ĩgũsārē õārĩrē sĩgũra”, ārĩ gũñadeare gorawayubemi. ĩgũ ārĩderosũta ĩgũ beyenerārē õārĩrē diayeta sĩgũkumi. <sup>30</sup> Iripoeguere mūsāde Marĩpu dorerire tarinũgānerā āārībú. Inũguere judío masaka Marĩpu dorerire ĩgũsā tarinũgāmakũ ĩāgũ, mūsā gapũre bopoñarĩ merā ĩāmi. <sup>31</sup> Daporare judío masaka ĩgũ dorerire tarinũgārā āārĩma. ĩgũsā irasũ āārĩkerepũrũ, Marĩpu mūsārē bopoñarĩ merā ĩārõsũta, ĩgũsādere bopoñarĩ merā ĩāmi. <sup>32</sup> Āsũ āārā. Marĩpu āārĩpererā masakare

\* 11:26 Is 59.20 \* 11:27 Jer 31.33-34

Īgū dorerire Īgūsā tarinugāmakū, Īgūsārē peresu irigu irirosū iridi āārīmí, p̄r̄ugue Īgū āārīpererārē bopoñarī merā Īārīrē masīburo, ārīgū.

<sup>33</sup> Marīp̄u marīrē bopoñatarigu, turatarigu, āārīpererire masīpeogu āārīmi. Irasirirā marī Īgū gūñarīrē, Īgū iriburire ōārō pémasībea. <sup>34</sup> Āsū ārī gojasūdero āārībú Marīp̄uya werenīrī gojadea p̄ugue: “Masaka marī Op̄u gūñarīrē ōārō pémasībema. Irasirirā Īgūrē: ‘Āsū irika!’ ārī weremasībema. <sup>35</sup> Marīp̄ure gajino sī, p̄r̄u: ‘Marīrē wajamomi’, neō ārīmasībema”, ārī gojasūdero āārībú. <sup>36</sup> Marīp̄u āārīpererire iridi āārīmí. Īgū turari merā āārīpererire āārīmakū iridi āārīmí. Irasiriro āārīpereri Īgūya dita āārā. Irasirirā āārīpererā Īgūrē: “Ōātaria m̄u”, ārī, us̄yari sīnīkōārā! Irasūta irirā!

## 12

### *Marīp̄u dorerire irinīkōāka! ārī gojadea*

<sup>1</sup> Yaarā, Marīp̄u marīrē b̄uro bopoñarī merā Īāmi. Irasirirā marīrē Īgūrē b̄uremurā waib̄u sīunaderosūta daporare marī basita sīrō gāāmea. Irasirirā marī okaro bokatīūrōpā Īgūyarā āārīrā Īgū dorerire ōārō irinīkōārā! Īgūrē marī merā us̄yamakū gāāmerā, irasirirākoa. Āsū iriro gāāmea marīrē Īgūrē b̄uremurārē. <sup>2</sup> I ūm̄u marā Īgūsā ñerī iririkurire neō irinemobirikōārā! Āsūpero gap̄u ārīrā! Marīp̄ure: “Ḡua gūñarīrē ōārī gap̄ure gorawayuwāgānīkōāka!” ārīrā! Īgū marīrē gorawayumakū, marī Īgū gāāmerīrē: “Āsū āārā”, ārī masīrākoa. Īgū gāāmerī, ōārī dita āārā. Iri, ñerī marīrī āārā. Marī Īgū gāāmerīrē irirā, Īgūrē us̄yamakū irirākoa.

<sup>3</sup> Marīp̄u ȳure ōārō irigu, m̄usārē Īgūya kerere weredoreḡu beyedi āārīmí. Irasirigu m̄usārē āārīpererārē āsū ārī wereḡura. Neō suḡu irimasībirikereḡu: “Ȳu irikōāmasīa”, ārī gūñabirikōārō gāāmea. Marī irimasīrī direta: “Diaye irimasīa”, ārī gūñarō gāāmea. Irasirirā marī masakak̄u āsū ārī gūñarā: “Marīp̄u ȳure irimasīrī p̄ideare Īgūrē ȳu b̄uremurō oparosūta ȳu bokatīūrō irimasīa”, ārī gūñarā! <sup>4</sup> Suḡu masak̄uya dup̄u āsū āārā. Su dup̄u āārīkerero, w̄ari opāa. W̄ari āārīkerero, s̄urosū moābea. <sup>5</sup> I irirosūta marī Jesucristore b̄uremurā w̄arā āārīkererā, Īgū merā āārīrā suḡuya dup̄u irirosū āārā. Irasirirā marī āārīpererā su dup̄uma moārō irirosū yāa.

<sup>6</sup> Irasirigu Marīp̄u marīrē maīgū, marī masakak̄ure gajerosūperi dita marī irimasībure p̄idi āārīmí. Irasirirā irire ōārō iriro gāāmea. Marīrē Īgūya kerere weretaudoreḡu p̄imakū, marī Īgūrē b̄uremurō oparosūta Īgūyare gajerārē ōārō weretauro gāāmea. <sup>7</sup> Marīrē gajerārē iritamudoreḡu p̄imakū, Īgūsārē ōārō iritamurō gāāmea. Gajerārē Īgūyare bue-doreḡu p̄imakū, Īgūsārē ōārō buero gāāmea. <sup>8</sup> Marīrē gajerārē gūñaturamakū irimurārē p̄imakū, irire ōārō iriro gāāmea. Marīrē gajerārē Īgūsā gāāmerīrē sīmurārē p̄imakū, gajinorē sīrā ōārō us̄yari merā sīrō gāāmea. Marīrē gajerārē doremurārē p̄imakū, ōārō merā dorero gāāmea. Marīrē gajerārē bopoñarī merā iritamumurārē p̄imakū, Īgūsārē iritamurā us̄yari merā iritamurō gāāmea.

### *Jesucristore b̄uremurā āsūpero āārīdorea, ārī gojadea*

<sup>9</sup> Gajerārē maīrā, diayeta maīka! Ñerīrē dooka! Ōārī gap̄u direta iriwāgānīka! <sup>10</sup> M̄usā Jesucristore b̄uremurā, suḡu p̄ūrā gāme maīrōsūta m̄usā merāmarā merā gāme maīka! Īgūsāya āārībure m̄usāya nemorō gūñaka! B̄uremurī merā ōārō gāme iritamuka!

<sup>11</sup> Marī Op̄u dorerire irirā, neō tébori marīrō ōārō us̄yari merā irika!

<sup>12</sup> “Marīp̄u ōārō iritamuḡukumi ȳure”, ārī, us̄yari merā Īgū iritamubure yūka! Irasirirā ñerō tarirā, Marīp̄ure piriro marīrō s̄urosū gūñaturari merā b̄uremunīkōāka! Īgūrē irasū s̄erēnīkōāka!

<sup>13</sup> Jesucristore b̄uremurā gajino gāāmemakū Īārā, m̄usā opari merā Īgūsārē iritamuka! M̄usāya wiiriḡue ejarārē ōārō bokatīrīñeāka!



14 Músārē ñerō irirārē ĩgūsāya āārĩburire Marĩpũre sērēbosaka! “Īgūsā yũre ñerō iriri waja ĩgūsārē wajamoāka!” ārĩ sērēbirikōāka!

15 Gajerā usuyamakũ ĩārā, ĩgūsā merā musāde usuyaka! Gajerā oremakũ ĩārā, musāde ĩgūsā merā oreka!

16 Gajerā merā sũrosũ usuyari merā āārĩrikũka! “Yũ gajerā nemorō oāgũ āārā”, ārĩ gũñabirikōāka! Ubu āārĩrā merādere oārō āārĩrikũka! “Masĩtarinũgāgũ āārā yũ”, ārĩ gũñabirikōāka!

17 Gajerā musārē ñerō irikererũ, ĩgūsārē ñerō iri gāmibirikōāka! Ñerĩ gapũre irirono irirā, āārĩpererā masaka ĩũrōrē oārĩ gapũre irika! 18 Āārĩpererā merā musā oārō āārĩrikũburosũta musā bokatĩũrō oārĩrē irika! 19 Yaarā yũ maĩrā, gajerā musārē ñerō irikererũ, ñerō iri gāmibirikōāka! Musā basi ĩgūsārē wajarākũbirikōāka! Marĩpũ gapũ musārē ñerō irinerārē wajamoāgũkumi. ĩgũya werenĩrĩ gojadea pũgue āsũ ārĩ gojasũdero āārĩbũ: “Marĩ Opũ āsũ ārĩmi: ‘Yũ gapũ, masaka ñerō iridea waja ĩgūsārē wajamoāgũ āārā. ĩgūsārē diayeta wajamoāgũra’, ārĩmi”, ārĩ gojasũdero āārĩbũ. 20 Gaji āsũ ārĩ gojasũdero āārĩbũ: “Mũrē ĩaturigũ uaboamakũ ĩāgũ, baari ejoka! ĩgũ ñemesibusũmakũ ĩāgũ, ĩĩrĩrĩ tĩāka! Mũ irasirimakũ, ĩgũ mũrē ñerō irideare gũyasĩrĩgũkumi”. 21 Irasirirā musārē ñerō irinerārē ñerō iri gāmibirikōāka! Ñerĩ gapũre irirono irirā, ĩgūsārē oārō irika! Irasiriri merā ñerĩ iririre tarinũgārākoa.

## 13

1 Marĩpũ dita i ũmũ marā oparārē sóomi. ĩgũ pĩnerā āārĩma. Irasirirā āārĩpererā ĩgūsārē oārō yũjũka! 2 Sugũ oparārē tarinũgāgũno, Marĩpũ pĩnerārē tarinũgāgũ yámi. Marĩpũ ĩgūsārē tarinũgārārē wajamoāgũkumi. 3 Oparā, oārō irirārē gũimakũ iribema. Ñerō irirā gapũre gũimakũ yáma. Gũimerāta āārĩrikũduarā, oārō irika! Irasirimakũ, oparā musārē: “Oārō yáa”, ārĩrākuma. 4 Marĩpũ ĩgūsārē musāya āārĩburire iritamudoregũ pĩdi āārĩmĩ. Irasirirā ñerō irirā gũika! Oparā, ñerĩ irirārē wajamoārā, Marĩpũ dorero irirāta yáma. Marĩpũ ñerō irirārē wajamoādoregũ oparārē pĩdi āārĩmĩ. 5 Irasirirā oparā marĩrē doremakũ, bũremurĩ merā ĩgūsā dorerire oārō yũjũro gāāmea. Wajamoārĩ, ārĩrā dita yũjubirikōārō gāāmea. “Marĩpũ ĩũrō ĩgũ gāāmerĩrē iridũakoa”, ārĩ gũñarĩ merā ĩgūsā dorerire oārō yũjũro gāāmea. 6 Oparā ĩgūsā moārĩrē oārō irirā, Marĩpũre moāboerā irirosũ āārĩma. Irasirirā ĩgūsā wajasearopā keoro wajarika!

7 Āārĩpererā oparā dorerosũta keoro irika! ĩgūsā wajaseamakũ wajarika! ĩgūsā gajinorē irimurā wajaseamakũde wajarika! Irasirirā musā oparārē bũremuka! ĩgūsārē gopeyari merā ĩāka!

8 Neō gajerārē wamorĩrē opabirikōāka! ĩgūsārē wamorĩrē oparono irirā, maĩrĩ gapũre opaka! Sugũ ĩgũ bokajagũnorē maĩrĩ merā iritamugũno, Marĩpũ doreri pĩdeare keoro irigũ yámi. 9 Āsũ ārā Marĩpũ doreri pĩdea: “Gajigũ marāpo merā, nomede gajego marāpũ merā ñerō iribirikōāka! Masakare wējēbéobirikōāka! Yajabirikōāka! Gajerāyamarē ārĩgatori merā werebirikōāka! Gajerāyare uaribejabirikōāka!” ārĩ werea. Gaji ĩgũ doreri pĩdea āsũ ārā: “Mũ basi maĩrōsũta mũ pũro āārĩrādere maĩka!” ārĩ werea. Musā gajerārē maĩrā, Marĩpũ doreri pĩdea āārĩpererire irirā yáa. 10 Gajerārē maĩgũno, ĩgūsārē neō ñerō iribemi. Irasirigũ ĩgūsārē maĩgũno, Marĩpũ doreri pĩdeare iripeogũ yámi.

11 I āārĩpererire gũñaka! Irasirirā pēmasĩka! Kārĩrā irirosũ āārĩbirikōāka! Marĩ iripoegue Jesucristoya kerere bũremupũrorirā, ũmũgasigue marĩ waaburi dũyataria, ārādibũ. Daporare marĩ masĩa. Jesucristo dupaturi aariburo mērō dũyáa. 12 Irasiro boyomũrĩro irirosũ āārā. Irire masĩrā, ñerĩrē masaka naĩtĩārōgue iririre pirirā! Oārĩrē boyorogue masaka ĩũrō iriri gapũre irirā! Marĩ irasirirā, Marĩpũ turari merā ñerĩ iririre pirikōārākoa. 13 Irasirirā masaka ũmũ merā deyorogue oārĩrē irirā irirosũ irirā! Bosenũrĩ āārĩmakũ, mejā, gainĩbirikōārā! Nome merā ñerō iribirikōārā! Nomede ũma merā ñerō

iribirikõãburo. Gajerã merã gãme guaseobirikõãrã! Gajerãyare ububirikõãrã! <sup>14</sup> Æsũ gapu ããrĩrikurã! Marĩ Opu Jesucristo iritamurĩ merã ĩgũ irirosũ õãrõ ããrĩrikurã! Marĩ ñerĩ uribejarire iridurire pirikõãrã!

## 14

### *Marĩ Jesucristore buremurã gãme werewurabirikõãrõ gããmea*

<sup>1</sup> Sugũ Jesucristore buremuturabi ããrĩkeregũ, ĩgũ musã merã ããrĩduramakũ, ĩgũrẽ werewuraro marĩrõ ñeãka! ĩgũrẽ ñeãrã, Marĩpuyare masĩbirimakũ ĩãrã, ĩgũ merã guaseobirikõãka! <sup>2</sup> Gajerã surãyeri Jesucristore buremurã: “Marĩ ããrĩpereri baamakũ õãgorãa”, ãrĩma. Gajerã gapu Jesucristore buremuturamerã: “Marĩ waibu diĩ baarã, Marĩpu dorerire tarinũgãbokoã”, ãrĩ gũñama. Irasirirã oteri direta baarikuma. <sup>3</sup> Æãrĩpererire baagũ, oteri direta baagũre irasũ ĩãbéobirikõãburo. Oteri direta baagũde ããrĩpererire baagũre: “Irasũ baamakũ ñegorãa”, ãrĩbirikõãburo. Marĩpu ããrĩpereri baagũdere: “Yaagu ããrĩmi”, ãrĩ ĩãsiadi ããrĩmĩ. <sup>4</sup> Marĩ gajigare moãboegũre: “Ñerõ yãa”, ãrĩmasĩbirikoa. ĩgũ opu dita irasũ ãrĩmasĩmi. Marĩ Jesucristore buremurãde irasũta ããrã. Irasirirã marĩ gajerã Jesucristore buremurãrẽ: “Ñerõ yãa”, ãrĩmasĩbirikoa. Marĩpu ĩgũsã Opu ããrĩmi. ĩgũ sugũta ĩgũsãrẽ: “Õãrõ yãa, o ñerõ yãa”, ãrĩmasĩmi. ĩgũ turagũ ããrĩsĩã, ĩgũyarãrẽ ĩgũrẽ õãrõ buremuturamakũ irigũkumi.

<sup>5</sup> Gaji werenemogura musãrẽ. Surãyeri: “Sunũta gajinurĩ nemorõ Marĩpũre buremurõ gããmea”, ãrĩ gũñama. Gajerã gapu: “Æãrĩpererinurĩ surõsũ, Marĩpũya ããrã”, ãrĩ gũñama. Irasirirã masakakũ: “Marĩpu yũre ãsũ irimakũ gããmemi”, ãrĩ gũñarõ gããmea. <sup>6</sup> Sugũ: “Irinũno direta nerẽ, Marĩpũre buremudorea”, ãrĩ gũñagũ, Marĩpũre buremubu irasũ ãrĩ gũñami. Gajigu ããrĩpererire baagũde Marĩpũre: “Yũ baari, mũ sĩdea ããrã”, ãrĩ, usuyari sĩmi. Irasirigũ ĩgũde Marĩpũre buremugũta ããrĩmi. Gajigu gajinorẽ baabide Marĩpũre buremumi. ĩgũde Marĩpũre: “Yũ baari, mũ sĩdea ããrã”, ãrĩ, usuyari sĩmi.

<sup>7</sup> Marĩ okarã, boarãde marĩ basi: “Æsũ irigũra”, ãrĩmasĩña mãa. <sup>8</sup> Marĩ, Jesucristoyarã marĩ okarinurĩrẽ ĩgũyare irimurã ããrã. Marĩ boadero purũguedere ĩgũyarã ããrĩnikõãrãkoa. Irasirigũ marĩ okamakũ, marĩ boamakũdere Cristo marĩ Opũta ããrĩnikõãgũkumi. <sup>9</sup> Irasũta ããrã. Cristo boa, purũ masãdi ããrĩmĩ ããrĩpererã okarã, boanerã Opu ããrĩbu.

<sup>10</sup> Iro merẽ, ĩnasirirã musã gajerã Jesucristore buremurãrẽ: “Ñerõ yãma”, ãrĩ werewurari? ĩnasirirã ĩgũsãrẽ irasũ ĩãbéokõãrĩ? Cristo marĩ ããrĩpererãrẽ ĩgũ diaye nĩdoregũkumi marĩ irideare werebu. Irasirirã gajerã Jesucristore buremurãrẽ: “Ñerõ yãma”, ãrĩ werewurabirikõãrõ gããmea. <sup>11</sup> Marĩpũya werenĩrĩ gojãdea pũgue ãsũ ãrĩ gojasũdero ããrĩbũ:

Æsũ ãrĩmi marĩ Opu: “Yũ okagũ ããrã. Yũ werenĩrĩ diayeta ããrã. Æãrĩpererã yũ ĩũrõ ñadũkupuri merã ejamejãrãkuma. Æãrĩpererã yũre: ‘Mũ, gũã Opu õãgũ, turagũ ããrã’, ãrĩrãkuma”, ãrĩ gojasũdero ããrĩbũ.\*

<sup>12</sup> Irasirirã, Marĩpu marĩ irideare sãrẽñamakũ, marĩ masakakũ ããrĩpereri marĩ irideare wererãkoa.

### *Neõ musã iriri merã gajerã Jesucristore buremurãrẽ ñerĩ irimakũ iribirikõãka!*

<sup>13</sup> Irasirirã gãme werewuranemobirikõãrã! Æsũ gapu ãrĩ gũñarã! “Gũã iriri merã gajerã Jesucristore buremurãrẽ ñerĩ irimakũ iridurabirikoa”, ãrĩ gũñarã! <sup>14</sup> Yũ, marĩ Opu Jesucristore buremugũ, ãsũ õãrõ masĩa. Æãrĩpereri Marĩpu baari pídea õãgorãa yũre. Gajigu gapu: “Yũ irire baamakũ, ñegorãa”, ãrĩ gũñamakũ, ĩgũrẽ diayeta ñegorãa. <sup>15</sup> I diayeta ããrã. Gajigu Jesucristore buremugũ, ĩgũ baabirire musã baamakũ ĩãgũ: “Iri Marĩpu baadorebiridea ããrã”, ãrĩ gũñakeregũ, musãrẽ ĩãkũĩ, baabokumi. Irasũ

\* 14:11 Is 45.23

baagu: “Ñerō iriabũ”, ãrĩ gũñarikubokumi. Irasirirã, ãgũ baabirire dupaturi baarã, ãgũrẽ maĩrã meta yãa. Cristo ãgũdere boabosadi ããrĩmĩ. Irasirirã mũsã baari merã gajigu Cristore bũremugũrẽ poyanorẽbirikõãka! <sup>16</sup> Irasirirã: “Gua ãsũ iriri õãgorãa”, ãrĩ gũñakerepũ, gajerã gapũ mũsãrẽ: “Ñerō yãma”, ãrĩ werewuamakũ pãrã, dupaturi irire irinemobirikõãka! <sup>17</sup> Marĩpũ ãgũyarãrẽ doreri: baa, iirĩri meta ããrã. I gapũ ããrã. Diayemarẽ irinĩrĩ, ãgũ merã siuñajãrĩ opari, usuyari merã ããrĩrĩ ããrã. Irire Õãgũ deyomarĩgũ iritamurĩ merã irisũa. <sup>18</sup> Sugũ irasũta Cristoyare õãrõ irigu Marĩpũre usuyamakũ yãmi. Masakade ãgũ õãrõ irimakũ ããrã, ãgũrẽ: “Õãrõ yãmi”, ããrãkuma.

<sup>19</sup> Marĩpũ merã siuñajãrĩ opamurã, marĩ basi gãme iritamumurã irasiro gããmea. Irire irirã, Jesucristore bũremunemowãgãnrãkoa. <sup>20</sup> Marĩpũ Jesucristore bũremurãnorẽ ãgũ merã õãrõ ããrĩmakũ yãmi. Irasirirã, mũsã baari merã Marĩpũyare ãgũsã iririre pirimakũ iribirikõãka! Diayeta ããrĩpereri Marĩpũ baari pĩdea õãrĩ dita ããrã. Gajigu ãgũ baabirire mũsã baamakũ ããgũ: “Iri Marĩpũ baadorebiridea ããrã, irire baagu ñerõ iribokoa”, ãrĩ gũñakeregũ, mũsãrẽ ããkũĩ, baagu ñerõ iribokumi. Irasirirã mũsã irire baarã, ãgũrẽ ñerõ irimakũ iribokoa. Mũsã irasiriri ñegorãa. <sup>21</sup> Gajigu Jesucristore bũremugũrẽ marĩ iriri merã ãgũrẽ ñerĩ irimakũ iribokoa, ããrã, ãsũpero iriro gããmea. ãgũ waibũ diĩ baabirimakũ ããrã, irire baabirikõãrõ gããmea. Iguĩ deko pãmudeare ãgũ iirĩbirimakũ ããrã, irire iirĩbirikõãrõ gããmea. ãgũrẽ Jesucristore bũremuturabirimakũ iribirikõãrõ gããmea. <sup>22</sup> “Marĩpũ ããrõ yũ iriri õãgorãa”, ãrĩ bũremugũno irimarẽ gajerã bũremuturamerãrẽ guaseobirikõãburo. Sugũ: “Marĩpũ ããrõ ñerõ iribea, waja opabea, diayeta yãa”, ãrĩ gũñagũ, usuyari merã ããrĩgũkumi. <sup>23</sup> Gajigu gapũ: “Iri baarire baagu, ñerõ iribokoa”, ãrĩ gũñarikukeregũ irire baagu, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opãa. ããrĩpereri marĩ irasiriri, ñerĩ iriri ããrã.

## 15

### *Gajerãya ããrĩburidere gũñarõ gããmea, ãrĩ gojadea*

<sup>1</sup> Marĩ Jesucristore bũremurã, ãgũrẽ bũremuturamerãrẽ iritamurõ gããmea. Marĩya ããrĩburi direta iribirikõãrõ gããmea. <sup>2</sup> Marĩ masakakũ marĩ pũro ããrĩrãya ããrĩburire gũñarõ gããmea, ãgũsãde Jesucristore bũremunemowãgãburo, ããrã. <sup>3</sup> Cristode ãgũyama direta iribiridi ããrĩmĩ. Marĩpũya gapũre iridi ããrĩmĩ. Irasiro ãgũrẽ waadeare Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Mũrẽ ñerõ werenĩrã, yũguere ããrĩmeétuma”. <sup>4</sup> ããrĩpereri iripoegue Marĩpũya werenĩrĩ gojadea marĩrẽ buedorero gojasũdero ããrĩbũ. Irire buerã, gũñatura, õãrõ yũjũpũrãkũrãkoa. Irasirirã ñerõ tarirã, Marĩpũ iritamuburire usuyari merã yũa. <sup>5</sup> Marĩpũ marĩrẽ gũñatura, õãrõ yũjũpũrãkũmakũ irigu, Jesucristo gããmerõsũta mũsãrẽ sugũ pũrã irirosũ sũrosũ ããrĩrikũmakũ iriburo. <sup>6</sup> Irasirirã mũsã ããrĩpererã suro merã Marĩpũre marĩ Opũ Jesucristo Pagũre: “Õãtaria mũ”, ãrĩ, usuyari sũrãkoa.

### *Jesucristo judío masaka ããrĩmerãrẽ tauburire gojadea*

<sup>7</sup> Jesucristo ãgũ marĩrẽ ñeãderosũta marĩde gajerãrẽ õãrõ gãme bokatĩrĩñeãrõ gããmea, ããrĩpererã Marĩpũre: “Õãtaria mũ”, ããrĩburo, ããrã. <sup>8</sup> Mũsãrẽ ire werea. Marĩpũ gua ñekũsãmarãrẽ ãgũ: “ãsũ irigũra”, ããrĩdeare diaye iridi ããrĩmĩ. Irasirigu Jesucristo judío masakare iritamugũ i ãmũguere aaridi ããrĩmĩ. ãgũ irasiriri merã ãgũ Pagũ ããrĩdeare iri ãmũpeodi ããrĩmĩ. <sup>9</sup> Irasũ ããrĩmakũ, judío masaka ããrĩmerã: “Marĩpũ guadere bopoñagũ õãtarimi”, ããrĩdoregũ, aaridi ããrĩmĩ. Marĩpũya werenĩrĩ gojadea pũgue gojaderosũta irasiridi ããrĩmĩ. ãsũ ãrĩ gojasũdero ããrĩbũ:

Marĩpũre ãsũ ããrĩmĩ: “Judío masaka ããrĩmerã watopegue mũrẽ usuyari sũgũra. ‘Turatarigu ããrã’, ãrĩ bayapeogũra mũrẽ”, ããrĩmĩ, ãrĩ gojasũdero ããrĩbũ.\*

\* 15:9 2 S 22.50; Sal 18.49

<sup>10</sup> Gajeroguedere àsũ arĩ gojasũdero ããrĩbú:

Mũsã judío masaka ããrĩmerã Marĩpũyarã judío masaka merã usũyaka! arĩ gojasũdero ããrĩbú.✠

<sup>11</sup> Gajeroguedere àsũ arĩ gojasũdero ããrĩbú:

Ããrĩpererã judío masaka ããrĩmerã Marĩpũre: “Õãtaria mũ”, arĩ, usũyari sĩburo. ããrĩperero marã masaka: “Ìgũ turatarigũ ããrĩmi”, arĩburo, arĩ gojasũdero ããrĩbú.✠

<sup>12</sup> Isaíade àsũ arĩ gojadi ããrĩmĩ David pagũ, Isaí wãikũgũre gojagũ:

Isaí parãmi ããrĩturiagũ aarigũkumi. Irasũ aarigũ, judío masaka ããrĩmerã Opũ ããrĩgũkumi. Ìgũsã Ìgũrẽ: “Gũare taubu ããrĩmi”, arĩ bũremurãkuma, arĩ gojadi ããrĩmĩ.✠

<sup>13</sup> Marĩpũ marĩrẽ Ìgũ òãrõ iriburire usũyari merã yũmakũ irigũ, mũsãrẽ Ìgũrẽ bũremurãrẽ usũyari, siũñajãrĩ sĩnemoburo. Irasirirã mũsã Õãgũ deyomarĩgũ iritamurĩ merã nemorõ usũyari merã yũrãkoa.

<sup>14</sup> Yaarã mũsã, yũ péñamakũ, Jesucristore bũremurã, gajerã merã òãrõ ããrĩrikũa. Cristoyare òãrõ masĩa. Irasirirã mũsã basi irire òãrõ gãme weremasĩa. <sup>15</sup> Mũsã irasũ masĩkerepũrũ, i papera pũguere gũiro marĩrõ irire gojáa, mũsã masĩdeare kãtibirikõãburo, arĩgũ. Marĩpũ yũre òãrõ irigũ, mũsãrẽ Jesucristoyare buedoregũ pími. <sup>16</sup> Ìgũ yũre irasũ pímakũ, paía Marĩpũre gajino sĩrõ irirosũta yũ judío masaka ããrĩmerãrẽ Ìgũrẽ wiadũakoa, Ìgũyarã ããrĩburo, arĩgũ. Irasirigũ Ìgũsãrẽ Jesucristoya kerere buea. Yũ irasũ buemakũ pérã, Jesũre bũremurãkuma. Ìgũsã irasũ bũremumakũ Ìãgũ, Marĩpũ Ìgũsãrẽ: “Õãrã ããrĩma”, arĩ Ìãgũkumi. Õãgũ deyomarĩgũ Ìgũsãrẽ Marĩpũyarã waamakũ irigũkumi. Irasirigũ Marĩpũ Ìgũsãrẽ: “Yaarã ããrĩma”, arĩ ñeãgũkumi.

<sup>17</sup> Yũ Jesucristore bũremugũ, Ìgũ iritamurĩ merã Marĩpũ yũre pídeare òãrõ yáa. Irasirigũ yũ moãrĩ merã òãrõ péñáa. <sup>18</sup> Irasirigũ Jesucristo yũ merã iridea direta mũsãrẽ weregũra. Mũsã judío masaka ããrĩmerãrẽ Marĩpũre bũremumakũ gããmesãgũ, yũre iritamumi. Irasirigũ yũ bueri merã, yũ iriri merã mũsã judío masaka ããrĩmerãrẽ Marĩpũre bũremumakũ irimi. <sup>19</sup> Yũ, Marĩpũ turari merã iri Ìmurĩ merã, Õãgũ deyomarĩgũ iritamurĩ merã mũsãrẽ buebũ. Irasũ buegũ, Jesucristo masakare tauri kerere Jerusalén merã buerũrori, pũrũ ããrĩpererogue buegorena, pũrũ Ilírigo wãikũri nikũgue iri kerere buetũnubũ. <sup>20</sup> Gajerã buesũña marĩrõgue Jesucristoyare masĩmerãrẽ bũro buedũari merã buebũ. Irasũ buegũ, gajerã Ìgũsã buedeaguere buewekapeobiribũ. <sup>21</sup> Irasũ buegũ, Marĩpũya werenĩrĩ gojadea pũgue gojasũderosũta iribũ. Àsũ arĩ gojasũdero ããrĩbú Cristore masĩbirinerã masĩburire:

Ìgũya kerere neõ pébirinerã weresũrãkuma. Ìgũyare neõ pébirinerã òãrõ pémasĩrãkuma, arĩ gojasũdero ããrĩbú.✠

### *Pablo Ìgũ Romague waaburire gojadea*

<sup>22</sup> Yũ gaji makãrĩ marãrẽ buegorenasĩa, wãri mũsãrẽ Ìãgũ waadũakeregũ, waa-masĩbiribũ dapa. <sup>23</sup> Dapagueta iri makãrĩguere yũ moãrĩ peoa. Irasirigũ iripoegueta mũsã pũrogue waadũanĩdĩ ããrĩsĩa, pũrũ weya irogue waagũra, mũsã merã ããrĩbu. <sup>24</sup> Irasirigũ Espaĩague waagũ, mũsã pũro eja, mũsãrẽ Ìã, usũya, mũsã merã mérõgã ããrĩ, pũrũ mũsã yũre iritamurĩ merã tariagũra. <sup>25</sup> Daporare Jerusalẽgue waapũroribu yáa dapa. Iro marãrẽ Jesucristore bũremurãrẽ iritamugũ, niyeru ãĩabu yáa. <sup>26</sup> Jesucristore bũremurã Macedonia, Acaya marã Jerusalẽgue ããrĩrãrẽ boporãrẽ gũña, niyerure neõ, iriudũama Ìgũsãrẽ iritamurã. Irasirigũ irogue iri niyerure Ìgũsãrẽ sīgũ waabu yáa. <sup>27</sup> Judío masaka ããrĩmerã Macedonia, Acayague ããrĩrã, judío masaka Jerusalẽgue ããrĩrãrẽ gũñama Ìgũsãrẽ iritamumurã. Ìgũsã irasũ gũñarĩ òãgoráa. Judío masaka, judío masaka ããrĩmerã gapũre Jesucristoya kerere wererũrorima. Irasirirã judío masaka ããrĩmerã Jesucristore bũremurã, Marĩpũ judío masakare: “Sĩgũra”, arĩdeare Ìgũsãde ñeãma. Irasirirã

judío masaka ããrĩmerã ãgũsã opari merã judío masakare boporãrẽ iritamurõ gããmea. <sup>28</sup> Irasirigũ Jerusalén marãrẽ iri niyerure yũ sĩ odoadero pũũ, Españague waagũ, mũsãrẽ ãtariagũra. <sup>29</sup> Yũ mũsã pũrogue waagũ, Jesucristoya kerere mũsãrẽ weregũkoa. Irasirirã mũsã iri merã õãrõ yũjũpũrãkũrãkoa.

<sup>30</sup> Yaarã, mũsã marĩ Opũre Jesucristore bũremua. Õãgũ deyomarĩgũ marĩrẽ gãme maĩmakũ yãmi. Irasirigũ yũ mũsãrẽ ãsũ irimakũ gããmea. Yũre iritamurã, yaa ããrĩburire Marĩpũre sërẽbosaka, yũ moãrĩmarẽ! <sup>31</sup> Ìgũrẽ yaa ããrĩburire ãsũ sërẽbosaka! Judea nikũ marã Jesũre bũremumerã yũre ãgũsã ñerõ iridũamakũ, Marĩpũ yũre iritamuburire sërẽka! Jerusalén marãrẽ iri niyerure yũ sĩmakũ, ãgũsã irire usũyari merã õãrõ ñeãburire sërẽka! <sup>32</sup> Mũsã irasũ sërẽmakũ, Marĩpũ gããmemakũ, usũyari merã mũsã pũro waagũkoa. Irasirigũ mũsã merã usũya, siũñajãgũkoa. <sup>33</sup> Marĩpũ marĩrẽ siũñajãrĩ merã ããrĩmakũ irigũ, mũsã ããrĩpererã merã ããrĩburo. Irasũta ããrĩburo.

## 16

### *Pablo Romague ããrĩrãrẽ õãdoreri gojadea*

<sup>1</sup> Gũa merãmo Jesucristore bũremugõ Febe wãikũgo mũsã pũrogue waabo yãmo. Igo Cencrea wãikũri makãgue Jesucristore bũremurãrẽ iritamugõ ããrĩmo. <sup>2</sup> Mũsã Jesucristore bũremurã usũyari merã igore bokatĩrĩñeãka! Marĩrẽ Jesucristore bũremurãrẽ irasũta õãrõ bokatĩrĩñeãrõ gããmea. Igo wãrãrẽ iritamudeo ããrĩmo. Yũdere iritamumo. Irasirirã, igo gajino gããmemakũ iritamuka!

<sup>3</sup> Aquila, ãgũ marãpo Priscilade õãburo. Jesucristoyare yũ buemakũ, ãgũsãde yũre buetamuma. <sup>4</sup> Gajerã yũre wẽjẽdũamakũ, ãgũsã yũre iritamurĩ waja ãgũsãdere mërõ wẽjẽboyama. Ìgũsã yũre irasũ õãrõ iritamurĩrẽ yũ dita Marĩpũre usũyari sĩbea. Judío masaka ããrĩmerã Jesucristore bũremurã ããrĩpererã Marĩpũre usũyari sĩma. <sup>5</sup> Jesucristore bũremurã Aquilaya wiigue nerẽnarãde õãburo. Yũ maĩgũ Epenetode õãburo. Ìgũta Asiaguere Cristore bũremupũrorinũgãdi ããrĩmĩ. <sup>6</sup> Mariãde õãburo. Igo mũsã merã bũro moãyupo. <sup>7</sup> Yaarã Andrónico, Juniãde õãburo. Peresu yũ ããrĩmakũ, ãgũsãta yũ merã ããrĩmã. Yũ Cristore bũremuburi dupuyuro ãgũsã gapũ bũremunũgãsianerã ããrĩmã. Jesús buedoregũ pĩnerã ãgũsãrẽ: “Diayeta õãrã ããrĩma”, ãrĩ werenĩma.

<sup>8</sup> Amplias yũ maĩgũ Jesũre bũremugũ õãburo. <sup>9</sup> Urbano õãburo. Ìgũde gũa merã moãmi, Jesucristoya kerere masakare buegũ. Yũ maĩgũ Estaquide õãburo. <sup>10</sup> Apelede õãburo. Ìgũ diayeta Jesucristore õãrõ bũremumi. Ìgũ iririkũrere ããrĩ: “Cristore õãrõ bũremugũ ããrĩmĩ”, ãrĩ masĩa. Aristóbulo yũ wii marãde õãburo. <sup>11</sup> Gajigũ yaagũ judío masaku Herodiõde õãburo. Narcisoya wii marã marĩ Opũ Jesũre bũremurãde õãburo. <sup>12</sup> Trifena, Trifosa õãburo. Ìgũsã nome marĩ Opũ Jesũyare moãma. Gũa maĩgõ Pãrsidade õãburo. Igo marĩ Opũ Jesucristoyare bũro moãmo. <sup>13</sup> Rufode õãburo. ããrĩpererã ãgũrẽ: “Jesucristore õãrõ bũremumi”, ãrĩ ããma. Ìgũ pagode õãburo. Igo, yũpo irirosũta yũre õãrõ irimo. <sup>14</sup> Asĩncrito, Flegonte, Hermes, Patrobas, Hermas, gajerã Jesũre bũremurã ãgũsã merã ããrĩrãde õãburo. <sup>15</sup> Filólogo, Julia, Nereo, ãgũ pagũmode Olimpã, gajerã Jesũre bũremurã ãgũsã merã ããrĩrãde õãburo.

<sup>16</sup> Mũsã gãme õãdorerã, õãrõ usũyari merã, bũremurĩ merã pãbũa õãdoreka! ããrĩpererã Jesucristore bũremurã mũsãrẽ õãdoreri iriũma.

<sup>17</sup> Yaarã mũsã Jesucristore bũremurã, surãyeri mũsã watopegue ããrĩrã ãgũsã iriri merã mũsãrẽ ñerõ irimakũ, mũsãrẽ gãme dukawarimakũ iridũama. Irasirirã, mũsãrẽ Jesũyare buedeare goroweodũama. Irasirirã irasũ ããrĩrãrẽ wapikũbirikõãka! <sup>18</sup> Ìgũsã, marĩ Opũ Jesucristo dorerire irirã meta ããrĩma. Ñerĩrẽ ãgũsã haribejari direta irirã ããrĩma. Ìgũsã õãrõ pẽma õãrĩ werenĩrĩ merã pẽmasĩturamerãrẽ ãrĩgatoma. Ìgũsã irasũ ãrĩgatoma, ãgũsãrẽ õãrõ pẽtũyama. Irasirirã ãrĩgatorimasãrẽ wapikũbirikõãka! <sup>19</sup> ããrĩpererã masaka

m̄sã Jesucristoyare õãrõ iririre masĩsiamã. Irasirigũ yũ m̄sã merã burõ usũyãã. Yũ m̄sãrẽ õãrĩ gapũre masĩmakũ gããmekoa. Neõ ñerĩ tamerãrẽ gããmesãbirikoa. <sup>20</sup> Marĩpũ marĩrẽ õãrõ siuñajãrĩ merã ããrĩmakũ irigũ, mérõgã purũ wãtẽã opũ Satanãrẽ béogakumi, m̄sãrẽ neõ tarinũgãnemobirikõãburo, ãrĩgũ. Marĩ Opũ Jesucristo m̄sãrẽ õãrõ iritamunĩkõãburo.

<sup>21</sup> Timoteo yũ merã Jesucristoya kerere weretamugorenagũ m̄sãrẽ õãdoremi. Yaarã Lucio, Jasón, Sosípater m̄sãrẽ õãdorema.

<sup>22</sup> Yũ, Tercio wãĩkũgũ i pũrẽ Pablõre gojabosãã. Ìgũ yũre gojadorerire gojatúa. Irasirigũ yũde Jesucristore burẽmugũ, m̄sãrẽ Jesucristore burẽmurãrẽ õãdorea.

<sup>23</sup> Yũ Pablo, Gayoya wii ããrã. Ìgũyã wiigũe Jesucristore burẽmurã nerẽnama. Ìgũde m̄sãrẽ õãdoremi. Erasto, i makã marã oparãrẽ niyeru duripĩboerimasũ m̄sãrẽ õãdoremi. Cuartode Jesucristore burẽmugũ m̄sãrẽ õãdoremi.

<sup>24</sup> Marĩ Opũ Jesucristo m̄sãrẽ ããrĩpererãrẽ õãrõ iritamuburo. Irasũta iriburo.

*Pablo usũyari merã gojatũnudeã*

<sup>25</sup> Daporare Marĩpũre: “Õãtaria mũ”, ãrĩ, usũyari sĩrã! Marĩpũ, marĩ Opũ Jesucristoya kere merã marĩrẽ ìgũrẽ nemorõ burẽmumakũ yãmi. Yũ iri kerere, Marĩpũ ìgũ Cristo merã marĩrẽ tauri kerere wereã m̄sãrẽ. Neõgoragueta Marĩpũ ìgũ masakare: “Taugũra”, ãrĩdea ããrĩsiadero ããrĩbũ. Irasũ ããrĩkererũ, ããrĩpererã masaka gapũ irire masĩbirinerã ããrĩmã.

<sup>26</sup> Daporare Marĩpũyare weredupuyunerã gojadeã kere merã ìgũ marĩrẽ: “Taugũra”, ãrĩdeare marĩ masĩã pama. Marĩpũ ããrĩnĩgũ ìgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yãmi. ããrĩpererã masakare ìgũrẽ burẽmu, ìgũ dorerire iriburo, ãrĩgũ, irasũ yãmi. <sup>27</sup> Marĩpũ sugũta ããrĩmi. Ìgũ sugũta ããrĩpererire masĩpeogũ ããrĩmi. Irasirirã Jesucristo iritamurĩ merã ìgũrẽ: “Õãtaria mũ”, ãrĩ burẽmunĩkõãrã! Irasũta irirã!

Iropãta ããrã.

Pablo

# 1 CORINTIOS

## *Pablo Corinto marārē òãdoredea*

<sup>1</sup> Y<sub>H</sub> Pablo, Sóstenes merā m<sub>u</sub>sārē òãdoredea. Marĩp<sub>H</sub> gããmederosũta Jesucristo y<sub>H</sub>re ìgũyare buedoreg<sub>H</sub> beyepími. Sóstenes Jesúre b<sub>u</sub>remugũ, marĩyaguta ããrĩmi. <sup>2</sup> Y<sub>H</sub> ìgũ merā m<sub>u</sub>sã Corinto marārē gojáa. M<sub>u</sub>sã Jesucristore b<sub>u</sub>remurã, ìgũ merā òãrõ ããrĩsĩã, Marĩp<sub>H</sub>yarã ããrã. Marĩp<sub>H</sub> m<sub>u</sub>sārē, gajerã ããrĩpererogue marã marĩ Op<sub>H</sub> Jesucristore: “Iritamuka y<sub>H</sub>re!” ãrĩ sērērãrē siudi ããrĩmĩ ìgũyarã ããrĩburo, ãrĩgũ. Jesucristo ìgũsã Op<sub>H</sub> ããrĩmi. Irasũ ããrĩmakũ, marĩdere marĩ Op<sub>H</sub>ta ããrĩmi. <sup>3</sup> Marĩp<sub>H</sub> ããrĩnĩgũ, marĩ Op<sub>H</sub> Jesucristo m<sub>u</sub>sārē òãrõ iritamu, siuñajãrĩ merã ããrĩrik<sub>u</sub>makũ iriburo.

## *Marĩp<sub>H</sub> Jesucristo merã m<sub>u</sub>sārē òãrõ iritamumi, ãrĩ gojadea*

<sup>4</sup> Ũm<sub>u</sub>rik<sub>u</sub> y<sub>H</sub> Marĩp<sub>H</sub>re ũsuyari sĩnĩkõãa Jesucristo iridea merã ìgũ m<sub>u</sub>sārē òãrõ iritamumakũ ìãgũ. <sup>5</sup> M<sub>u</sub>sã Cristo merã òãrõ ããrĩmakũ, Marĩp<sub>H</sub> m<sub>u</sub>sārē ìgũyamarē ããrĩpereri òãrĩrē sĩdi ããrĩmĩ. Irasirig<sub>H</sub> m<sub>u</sub>sārē òãrõ pémasĩrĩ merã ìgũyare gajerãrē weremakũ, irire masĩmakũ yámi. <sup>6</sup> Marĩp<sub>H</sub> irire sĩgũ, y<sub>H</sub> m<sub>u</sub>sārē: “Cristo òãrõ iritamug<sub>u</sub>kumi”, ãrĩderosũta irire iridi ããrĩmĩ. <sup>7</sup> Irasirirã marĩ Op<sub>H</sub> Jesucristo dupaturi aariburire yúrã Marĩp<sub>H</sub> sĩrĩrē opapeokõãa. <sup>8</sup> I ũm<sub>u</sub> peremakũguedere ìgũ turari merã m<sub>u</sub>sārē Jesucristore b<sub>u</sub>remunĩmakũ irig<sub>u</sub>kumi. Irasirig<sub>H</sub> marĩ Op<sub>H</sub> Jesucristo dupaturi aarimakũ, marĩrē waja opamerã ããrĩmakũ irig<sub>u</sub>kumi. <sup>9</sup> Marĩp<sub>H</sub>, ìgũ: “Ãsũ irig<sub>u</sub>ra”, ãrĩdeare keoro irig<sub>u</sub> ããrĩmi. Ìgũta m<sub>u</sub>sārē beyedi ããrĩmĩ, ìgũ magũ Jesucristo marĩ Op<sub>H</sub> merã òãrõ ããrĩburo, ãrĩgũ.

## *Pablo Corinto marārē Marĩp<sub>H</sub>yarãrē: “Gãme dukawaribirikõãka!” ãrĩ gojadea*

<sup>10</sup> Yaarã, y<sub>H</sub> marĩ Op<sub>H</sub> Jesucristo dorederosũta m<sub>u</sub>sārē ãsũ ãrĩ wereg<sub>u</sub>ra. S<sub>u</sub>rosũ gũñarĩ merã werenĩka! M<sub>u</sub>sã werenĩrĩ merã gãme dukawaribirikõãka! Ũsuyari merã werenĩ, s<sub>u</sub>rosũ gũñarĩ merã ããrĩrik<sub>u</sub>ka! <sup>11</sup> Yaarã, Cloéya wii marã y<sub>H</sub>re m<sub>u</sub>sã gãme werenĩ guaseorire werema. <sup>12</sup> M<sub>u</sub>sã ãsũ ãrĩ gãme guaseoyuro: “G<sub>u</sub>a Pabloyarã ããrã”, ãrĩ guaseoyuro. Gajerã: “Apoloyarã ããrã”, gajerã: “Pedroyarã ããrã”, gajerã: “Cristoyarã ããrã”, ãrĩ gãme guaseoyuro. <sup>13</sup> Irasũ ãrĩ gãme guaseobirikõãka! Marĩ Cristore b<sub>u</sub>remurã ããrã. Irasirirã ìgũ sug<sub>u</sub>yarãta ããrã. Gãme dukawarimasĩña máa. Y<sub>H</sub>, m<sub>u</sub>sãya ããrĩburire curusague boabosabirib<sub>u</sub>. M<sub>u</sub>sã, y<sub>H</sub> wãĩ merã wãĩyesũbirib<sub>u</sub>. <sup>14</sup> Y<sub>H</sub> Marĩp<sub>H</sub>re: “Òãa” ãrĩ, ũsuyari sĩa. Y<sub>H</sub> m<sub>u</sub>sārē deko merã wãĩyebirib<sub>u</sub>. Crispo, Gayosã direta wãĩyeb<sub>u</sub>. <sup>15</sup> Irasirirã m<sub>u</sub>sã: “G<sub>u</sub>a Pablo wãĩ merã wãĩyesũnerã ããrã”, ãrĩmasĩbea. <sup>16</sup> Gajerãrē Estéfanaya wii marãdere wãĩyeb<sub>u</sub>, ãrĩ gũñab<sub>u</sub>. Gajerãgue tamerãrē wãĩyeb<sub>u</sub>, ãrĩmasĩbirikoa. <sup>17</sup> Cristo y<sub>H</sub>re wãĩyedoreg<sub>H</sub> pĩbirimi. Ìgũ masakare tauri kere gap<sub>u</sub>re weredoreg<sub>H</sub> pími. Irire y<sub>H</sub>re pígu, masĩrĩmasã werenĩrõsũ werenĩdorebirimi. Y<sub>H</sub>, ìgũsã irirosũ werenĩmakũ, masaka Cristo curusague boabosadeare pémasĩbiribokuma. Irasirirã ìgũ taiburire neõ masĩbiribokuma.

## *Cristo merã Marĩp<sub>H</sub> turarire, ìgũ masĩrĩrē masĩsũa, ãrĩ gojadea*

<sup>18</sup> Jesucristore b<sub>u</sub>remumerã peamegue béosũmurã, ìgũ curusague boadea kerere pérã: “Pémasĩmerãya bueri ããrã”, ãrĩma. Marĩ ìgũ tausũmurã gap<sub>u</sub>re i kerere pémakũ, Marĩp<sub>H</sub> ìgũ turari merã marĩrē ìgũrē b<sub>u</sub>remumakũ yámi. <sup>19</sup> Marĩp<sub>H</sub>ya werenĩrĩ gojadea pũgue ãsũ ãrĩ gojasũdero ããrĩbú:

I ũm<sub>u</sub> marã masĩrĩmasã ìgũsã masĩrĩrē ubu ããrĩrĩ dujamakũ irig<sub>u</sub>ra. Gajinorē ãmabéogu irirosũ ìgũsã pémasĩrĩrē ãmagura, ãrĩdi ããrĩmĩ Marĩp<sub>H</sub>.<sup>☆</sup>

<sup>20</sup> Irasirirã: “Masĩpeokõãa”, ãrĩrã, ubu ããrĩrã dujama. Gajerã ìgũsã gũñarõ buerimasãde irasũta dujama. I ũm<sub>u</sub>marē òãrõ werenĩmasĩrãde irasũta dujama. I ũm<sub>u</sub>marē: “Òãrõ

☆ 1:19 Is 29.14

masĩa”, ārkerepuru, Marĩpu gapu ĩgũsā masĩrĩrē ubu āārĩrĩ dujamakū yāmi. <sup>21</sup> Marĩpu masĩgũ āārĩsĩā, i ũmu marārē ĩgũsā masĩrĩ merā ĩgũrē masĩmakū iribiridi āārĩmĩ. Āsũ gapu ārĩdi āārĩmĩ. Jesucristoya kerere buremurārē: “Taugura”, ārĩdi āārĩmĩ. ĩgũrē buremumerā gapu iri kerere pérā: “Pemasĩmerāya bueri āārā”, ārĩma.

<sup>22</sup> Judío masaka iri kerere buremumerā: “Marĩpu turari merā gajino iri ĩmumakū ĩārāgue buremurākoa”, ārĩma. Judío masaka āārĩmerā griego masakade i ũmuma ĩgũsā masĩrĩ diretta masĩduama. <sup>23</sup> Gũa gapu Jesucristo curusague boadiya kerere werea. Judío masaka iri kerere pérā: “ĩgũ guare taugu meta āārĩmi”, ārĩma. Judío masaka āārĩmerāde iri kerere pérā: “Pemasĩmerāya bueri āārā”, ārĩma. <sup>24</sup> Marĩ gapu Marĩpu beyenerā āārĩsĩā, iri kerere pérā: “Marĩpu masĩgũ, turatarigu āārĩsĩā, Cristo iridea merā marĩrē peamegue waabonerārē taugukumi”, ārĩ masĩa. Marĩ judío masaka, judío masaka āārĩmerāde Cristore buremurā āārĩsĩā, irire masĩa. <sup>25</sup> Cristore buremumerā gapu Marĩpu ĩgũ masĩrĩ merā, ĩgũ turari merā iririre āsũ ārĩ gũñama: “Ubu āārĩrĩ āārā”, ārĩ gũñama. ĩgũsā irasũ ārĩ gũñakerepuru, Marĩpu masĩrĩ gapu masaka masĩrĩ nemorō ōārĩ āārĩtarinugārĩ āārā. ĩgũ turari gapu, masaka turari nemorō āārā.

<sup>26</sup> Yaarā, Marĩpu musārē ĩgũyarā āārĩdoregu siiuburo dupuyuro musā āārĩrikudeare gũñaka! Musā i ũmu marā masĩrĩmasā, dorerimasā, oparā pūrā irirosũ āārĩrā mérāgā āārĩnerā āārĩbũ. <sup>27</sup> Marĩpu, i ũmu marā masĩrārē guyasĩũrō taridoregu, ĩgũsā pemasĩmerā āārĩma, ārĩrā gapure beyedi āārĩmĩ. Irasũ āārĩmakū, i ũmu marā oparārē guyasĩũrō taridoregu, ubu āārĩrā gapure beyedi āārĩmĩ. <sup>28</sup> Ubu āārĩrā gapure, masaka ĩāduña marĩrā gapure beyedi āārĩmĩ ĩgũyarā āārĩburo, ārĩgũ. Oparā irirosũ āārĩrā gapure ubu āārĩrā dujaburo, ārĩgũ, irasiridi āārĩmĩ. <sup>29</sup> Irasirigu neō sugu masakũ: “Yũ gajerā nemorō masĩtarinugāgũ āārĩmakū ĩāgũ, Marĩpu yũre beyedi āārĩmĩ”, ārĩmasĩbirikumĩ. <sup>30</sup> Musārē Marĩpu basita Jesucristo merā ōārō āārĩmakū iridi āārĩmĩ. Irasirigu Marĩpu Cristo merā marĩrē ĩgũyare masĩmakū yāmi. ĩgũ merā marĩrē: “Ōārā, waja opamerā āārĩma”, ārĩ ĩāmi. Irasirirā marĩ ĩgũyarā, peamegue waabonerā ĩgũ tausũnerā āārā. <sup>31</sup> Irasiriro Marĩpuya werenĩrĩ gojadea pũgue āsũ ārĩ gojasũdero āārĩbũ: “Neō sugu: ‘Gajerā nemorō masĩtarinugāgũ āārā’, ārĩbirikōāburo. Irasũ ārĩrōno irigu marĩ Opu gapure: ‘Turatarigu āārĩsĩā, marĩrē ōātariro iridi āārĩmĩ’, ārĩburo”, ārĩ gojasũdero āārĩbũ.

## 2

### *Cristo curusague boadea kerere gojadea*

<sup>1</sup> Yaarā, yũ musā pũroge Marĩpuya kerere, masaka masĩbirideare buegu ejagu, masĩrĩmasā diasari werenĩrĩ merā buerosũ buebiribu. <sup>2</sup> Yũ musā merā āārĩgũ: “Jesucristoya kerere, irasũ āārĩmakū ĩgũ curusague boadea directa buegura”, ārĩ gũñabu. <sup>3</sup> Irasirigu musā merā āārĩgũ, ubu āārĩgũ irirosũ péñabu. “Gajipoe irigu yũ iri kerere ōārō buemasĩbiribokoa”, ārĩgũ, gũi naradari merā āārĩkubu. <sup>4</sup> Yũ musārē iri kerere buremumakū gāamegũ, masĩrĩmasā werenĩrĩosũ buebiribu. Irasirirā, Marĩpu turari, Ōāgũ deyomarĩgũ iritamurĩ merā yũ musārē iri kerere buemakū pérā: “Diyeta āārā”, ārĩ buremubu. <sup>5</sup> “Masaka masĩrĩ merā ĩgũsā guare buemakū buremua”, ārĩ gũñamakū gāamebiribu. “Marĩpu, ĩgũ turari merā guare Jesucristoya kerere buremumakū yāmi”, ārĩ gũñamakū gāamegũ, irasũ buebu musārē.

### *Marĩ Ōāgũ deyomarĩgũ iritamurĩ merā Marĩpũre masĩa, ārĩ gojadea*

<sup>6</sup> Gũa musārē Jesucristore ōārō buremurĩ oparārē buerā, Marĩpu wáro masĩrĩ sĩrĩ merā buea. Iri masĩrĩ i ũmuma meta āārā. Irasũ āārĩmakū, i ũmu marā masakare dorerāya meta āārā. I ũmuma ĩgũsā basi masĩrĩ pereakōārokoa. <sup>7</sup> Gũa, Marĩpu ĩgũ masĩrĩ merā irideare, neōgorague masaka ĩgũsā masĩbirideare buea. I ũmu iriburo dupuyuro, Marĩpu: “Āsũ irigura”, ārĩ gũñasiadi āārĩmĩ. Irasirigu marĩrē tauburire, marĩ ũmugasigue ĩgũ merā



ããrĩnĩburire gũñasiadi ããrĩmĩ. <sup>8</sup> ããrĩpererã i ùmũ marã masakare dorerã gapũ Marĩpũ òãrõ gũñadeare pémasĩbirinerã ããrĩmã. Irire òãrõ pémasĩrãno ããrĩã, marĩ Opũ Jesucristo òãtarigure curusague pábiatú wějẽbiribonerã ããrĩmã. <sup>9</sup> ãsũ ãrĩ gojasũdero ããrĩbũ Marĩpũya werenĩrĩ gojadea pũgue:

Marĩpũ ìgũrẽ maĩrãya ããrĩburire òãrõ ãmuyusiadi ããrĩmĩ. I ìgũ òãrĩ ãmubosadea, ìgũsã neõ ìãbiridea, pébiridea, neõ mérõgã gũñabiridea ããrã, ãrĩ gojasũdero ããrĩbũ.✠

<sup>10</sup> Marĩpũ ìgũ irideare, marĩ masĩbirideare Òãgũ deyomarĩgũ merã marĩrẽ masĩmakũ yámi. Òãgũ deyomarĩgũ Marĩpũ gũñarĩrẽ masĩgũ ããrĩpererire masĩpeokõãmi.

<sup>11</sup> Gajigũ masakũ gũñarĩrẽ marĩ neõ masĩbea. Ìgũ basi ìgũ gũñarĩrẽ masĩmi. Ìgũ irirosũta Òãgũ deyomarĩgũ sugũta Marĩpũ gũñarĩrẽ masĩmi. <sup>12</sup> Marĩrẽ i ùmũma direta gũñabirikõãburo, ãrĩgũ, Marĩpũ marĩrẽ Òãgũ deyomarĩgũrẽ sidi ããrĩmĩ ìgũ irirosũ gũñaburo, ãrĩgũ. Marĩrẽ maĩgũ, Òãgũ deyomarĩgũ merã ããrĩpereri ìgũ sĩdeare masĩburo, ãrĩgũ, irasiridi ããrĩmĩ. <sup>13</sup> Irasirirã gũa mũsãrẽ Marĩpũyare buerã, Òãgũ deyomarĩgũ masĩrĩ sĩrĩ merã buea. Gũa basi masĩrĩ merã buebea. Irasirirã, Òãgũ deyomarĩgũ gũare buedorerosũta ìgũrẽ oparãrẽ buea.

<sup>14</sup> Òãgũ deyomarĩgũrẽ opamerã, Marĩpũ Òãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Òãgũ deyomarĩgũ iritamurĩ merãta marĩ ìgũyare pémasĩa. Ìgũrẽ opamerã gapũ ìgũyare neõ pémasĩbema. <sup>15</sup> Marĩ Òãgũ deyomarĩgũrẽ oparã, ìgũ iritamurĩ merã ããrĩpereri ñerĩrẽ, òãrĩrẽ ìã beyemasĩa. Òãgũ deyomarĩgũrẽ opamerã gapũ, marĩ ìgũrẽ oparã iririre neõ ìã beyemasĩbirikuma. <sup>16</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ìgũrẽ buemasibirikumi”, ãrĩ gojasũdero ããrĩbũ. Marĩ gapũ Òãgũ deyomarĩgũrẽ oparã ããrĩsĩã, marĩ Opũ Cristo gũñarĩrẽ masĩa.

### 3

#### *Marĩpũyarã ìgũrẽ moãboerã ããrĩma, ãrĩ gojadea*

<sup>1</sup> Yaarã, yũ Òãgũ deyomarĩgũ doreri irirãrẽ buerosũ mũsãrẽ buebiribũ. I ùmũ marã Òãgũ deyomarĩgũrẽ opamerã irirosũ mũsã ããrĩmakũ ìãgũ, irasiribũ. Cristoyare mũsã bũremuturabirimakũ ìãgũ, majĩrãgãrẽ buerosũ mũsãrẽ buebũ. <sup>2</sup> Irasirigũ, majĩrãgã baari baamasĩmerã, ùpĩku dita mirĩrã irirosũ mũsã ããrĩmakũ ìãgũ, diasabiri direta mũsãrẽ buebũ. Daporadere mũsã diasari buerire pémasĩbea dapa. <sup>3</sup> Mũsã, Òãgũ deyomarĩgũrẽ opamerã irirosũ gãme uburikũrã, gãme ìãduamerã, gãme dukawaridũarã yáa. Irasirirã i ùmũ marã ìgũsã noó gããmerõ iridũarosũ yáa. <sup>4</sup> Mũsã: “Yũ Pabloyagũ ããrã”, gajigũ: “Yũ Apoloyagũ ããrã”, ãrĩ werenĩa. Irasũ ãrĩrã, i ùmũ marã masaka Òãgũ deyomarĩgũrẽ opamerã irirosũ werenĩa.

<sup>5</sup> Gũa Apolos merã, ¿nasirirã ããrĩrĩ mũsã ìãmakũ? Gũa Marĩpũre moãboerã ããrã. Gũa ìgũ iridorederosũta yáa. Irasirirã gũa Jesucristoya kerere weremakũ pérã, mũsã ìgũrẽ bũremunũgãbũ. <sup>6</sup> Yũ neõgoraguere mũsãrẽ buerũroribũ. Irasirigũ sugũ oteri yerire otegu irirosũ iribũ. Irasiriadero pũrũ, Apolos mũsãrẽ buenemogũ, oterire koregũ irirosũ iridi ããrĩmĩ. Marĩpũ gapũ oteri purimakũ irirosũ mũsãrẽ Jesũre bũremunũgãmakũ iridi ããrĩmĩ. <sup>7</sup> Irasirirã oteri yerire oterimasã, korerimasãde ubu ããrĩã ããrĩma. Marĩpũ gapũ iri oterire purimakũ irigũ ããrĩmi. Ìgũ sugũta irire irimasĩmi. <sup>8</sup> Otepuroridi, pũrũ iri oteadeare koredi ìgũsã suro merã moãboerimasã ããrĩma. Marĩpũ ìgũsã moãderopã ìgũsãrẽ keoro wajarigũkumi. <sup>9</sup> Gũa Marĩpũyarã ìgũrẽ moãboerã ããrã. Mũsã gũayarã ããrĩbea. Marĩpũyarã ããrã. Irasirirã mũsã ìgũyã poore otedea irirosũ ããrã.

Irasũ ããrĩmakũ, mũsã ìgũ wãri wii irimũrĩri wii irirosũ ããrã. <sup>10</sup> Wii irimerẽgũ borari keoro nũpurorigũ irirosũ, yũ, Marĩpũ iritamurõ merã mũsãrẽ Jesucristoyare keoro

✠ 2:9 Is 64.4

buep̄rorib̄u. P̄ru gajerā m̄sārē buenemorā, iri wiire peom̄rĩārā irirosū irirākuma. Iri wiire odorā irirosū m̄sārē buenemorā, goepeyari merā keoro buero gāāmea.

<sup>11</sup> Marĩp̄u Jesucristore suḡureta pídi āārĩmĩ masakare tauburo, ārĩgũ. Irasiriḡu yu m̄sārē bueḡu, Jesucristo masakare tauri kerere buep̄rorib̄u. Neō suḡuno iri kerere gorawayumasĩbirikumi. <sup>12</sup> Jesucristoyare ōārō keoro buenemorā, oro, plata, gaji wajapari ūtāyeri merā wii irirā peom̄rĩārā irirosū irirākuma. Gajerā gap̄u piriri yuku merā, tá merā, mijĩ p̄u merā tiiam̄rĩārā irirosū irirākuma. Īḡusā irirosū gajerā m̄sārē buenemorā, ubu āārĩrĩrē, mata pererinorē buerākuma. <sup>13-14</sup> I ūm̄u peremak̄u, Jesucristo masakare Īḡusā buedeare: “I m̄sā buedea ōāb̄u, i ōābirib̄u”, ārĩ wereḡukumi. Oro, plata, wajapari ūtāyeri merā iridea gap̄u peamegue soemak̄u ūj̄ubirikoa. Yuku, tá, p̄urĩ merā iridea gap̄u ūj̄upereakōārokoa. Irasiriḡu, gajinorē peamegue soeḡu, ĩdĩ ūj̄urokuri, diĩ ūj̄ubirikuri? ārĩ beyerosū, Jesucristo Īḡusā ōārō, ñerō buedeare beyeḡukumi. Ōārō keoro buedire keoro wajariḡukumi. <sup>15</sup> Ōārō keoro buebiridi gap̄ure wajaribirikumi. Gajino ūj̄arōsū Īḡu buedea waja, wajataboadea pereakōārokoa. Īḡu wajatabirikereḡu, peamegue waabirikumi. Tausũḡukumi. Wii ūj̄amak̄u duriwiriaḡu irirosū mérōḡa tariḡukumi.

<sup>16</sup> ĩM̄sā masĩberi? Ōāḡu deyomarĩḡu marĩguere āārĩmi. Irasirirā Marĩp̄uya wii irirosū āārā. <sup>17</sup> Īḡuya wii irirosū āārĩrā, Īḡuyarā āārā. Irasiriḡu Marĩp̄u Īḡuyarārē poyanorērānorē poyanorēḡukumi.

<sup>18</sup> M̄sā basi péwisibirikōāka! “Ȳu i ūm̄u marā buerire masĩtarinuḡāḡu āārā”, ārĩbirikōāka! Irire masĩmerā irirosū āārĩka! Irasirimak̄u, Marĩp̄u diayeta ōārō masĩrā dujamak̄u iriḡukumi. <sup>19</sup> I ūm̄u marā Īḡusā masĩrĩ, Marĩp̄u ĩāmak̄u ubu āārĩrĩ āārā. Marĩp̄uya werenĩrĩ gojadea p̄ugue āsū ārĩ gojasũdero āārĩb̄u: “Marĩp̄u gap̄u masĩrĩmasā: ‘Āsū irirāra’, ārĩ ḡũñaderosū irid̄uarire iribirimak̄u yāmi”, ārĩ gojasũdero āārĩb̄u. <sup>20</sup> Gajeroguedere āsū ārĩ gojasũdero āārĩb̄u: “Marĩ Op̄u, i ūm̄u marā masĩrĩmasā ḡũñarĩrē masĩmi. Irire masĩḡu: ‘Ubu āārĩrĩ āārā iri’, ārĩ ĩāmi”, ārĩ gojasũdero āārĩb̄u. <sup>21</sup> Irasirirā m̄sārē bueḡure: “Gajiḡu nemorō ōārō buemi”, ārĩbirikōāka! Marĩp̄u āārĩpereri m̄sāya āārĩburire sĩsiadi āārĩmĩ. <sup>22</sup> Irasiriḡu yare, Apolore, Pedrore iriumi m̄sā ōārō āārĩburire buedoreḡu. Irasū āārĩmak̄u, i ūm̄uma, m̄sāya āārĩburire sĩdi āārĩmĩ. Dapora m̄sā āārĩburire, m̄sā boadero p̄ur̄ugue āārĩburidere sĩdi āārĩmĩ. I āārĩpereri m̄sāya āārā. <sup>23</sup> Irasū āārĩmak̄u, m̄sā Cristoyarā āārā. Cristo Marĩp̄uyaḡu āārĩmi. Irasirirā m̄sā Cristo merā Marĩp̄uyarā āārā.

## 4

### *Pablo, Jesucristo Īḡuyare buedoreḡu pínerā moārĩrē gojadea*

<sup>1</sup> M̄sā ḡuare: “Cristore moāboerimasā āārĩma”, ārĩ ḡũnarō gāāmea. Ḡuare Marĩp̄uya kerere, masaka masĩbirideare buedoreḡu pídi āārĩmĩ. <sup>2</sup> Moārĩmasā Īḡusā op̄u dorerire keoro irirā irirosū ḡu Cristore moāboerimasādere Īḡu dorerire keoro iriro gāāmea. <sup>3</sup> M̄sā yare: “Marĩ Op̄uyare ōārō buemi, o ōārō buebirimi”, ārĩmak̄u, neō bujawerebirikoa. Gajerā masaka, yu buerire: “Keoro āārā, o keoro āārĩbea”, ārĩmak̄udere neō bujawerebirikoa. Yu baside yu buerire: “I gap̄ure ōārō bueb̄u, i gap̄ure ōārō buebirib̄u”, ārĩmasĩbirikoa. <sup>4</sup> Yu buedeare ḡũñaḡu: “Ñerō buekub̄u”, ārĩ ḡũñabea. Irasiriḡu: “Yu ñerō buedea waja, waja op̄aa” ārĩmasĩbea. Marĩ Op̄u suḡuta yu buerire: “Ōāgorāa, o ōābea”, ārĩ masĩmi. <sup>5</sup> Irasirirā marĩ Op̄u i ūm̄ugue dupaturi aariburo dupuyuro gajerārē: “Īḡu dorederosū keoro iribema”, ārĩ werew̄uabirikōāka! Īḡu dupaturi aariḡu, āārĩpererārē Īḡusā iridea gajerā masĩbirideare masĩmak̄u iriḡukumi. Īḡusā ḡũnarĩgue: “Āsū irid̄uakoa”, ārĩ ḡũñadeadere masĩmak̄u iriḡukumi. Irasiriḡu Marĩp̄u ōārō irirārē: “Ōārō irib̄u”, ārĩḡukumi. Īḡusā ōārō irideropā Īḡusārē keoro iriḡukumi.

<sup>6</sup> Yaarā, m̄sāya āārĩburire gua Apolos merā iririkurire wereb̄u, m̄sāde gua irirosūta iriburo, ārĩḡu. Marĩp̄uya werenĩrĩ gojadea p̄ugue Īḡu dorerire tarinuḡābirikōāburo,

āriḡū, mūsārē irire werebu. Irasirirā mūsā guare iākūirā: “Guare buegu gapu, mūsārē buegu nemorō masītarinugāmi”, āribiriko. <sup>7</sup> Mūsā gajerā nemorō masītarinugārā āārībea. Āārīpereri mūsā opari, Marīpu mūsārē sīdea dita āārā. Īḡū sīdea āārīkerepuru, iro tamerārē, ħnasirirā mūsā basi: “Īḡūyare masīpeokoa”, ārīrī? Īḡū mūsārē masīrīrē sībirimakū, neō masībiribokoa. Īḡū mūsārē masīmakū iridea direta masīa.

<sup>8</sup> Mūsā i gapure āsū ārī ḡūñadāa: “Gua āārīpereri opāa. Marīpuḡyare masīpeokōāa”, ārī ḡūñadāa. Irasirirā gua mūsārē Īḡūyare buenemomakū ḡāāmebea. Mūsā oparā irirosū: “Āārīpereri masītarinugārā āārā”, ārī ḡūñadāa. Mūsā diayeta oparā irirosū āārīpereri masītarinugārā āārīmakū oātari bokoa. Irasirirā gua mūsārē buerāde mūsā merā oparā irirosū āārībokoa. <sup>9</sup> Yu āsū ārī péñāa: “Marīpu guare Jesucristoyare buedoregu pígu, āārīpererā nemorō ubu āārīrā irirosū āārīdoregu pídi āārīmī”, ārī péñāa. Irasirirā gua wējēbéosūmurā irirosū āārā. Āārīpererā i ūmu marā masaka, Marīpure wereboerā iūrō gua ñerō taria. <sup>10</sup> Jesucristoya kerere gua buemakū, masaka guare: “Pemasīmerā āārīma”, ārīma. Mūsā gapu mūsā basi: “Gua Cristoyare pēmasīpeorā āārā”, ārīkoa. Gua, mūsā iāmakūta ubu āārīrā āārā. Mūsā gapu: “Gua oparā irirosū āārā”, ārīkoa. Masaka gua gapure ubu iābéokōāma. Mūsā gapure gopeyari merā iāma. <sup>11</sup> Gua neōgoragueta ñerō tarīpurorimūrīrīnerā, daporaguedere irasūta āārīkōāa. Ūaboāa, ñemesibua, surī opabea. Jesucristore buremumerā guare buro ñerō iribirama. Gua buegorenasīā, wiiri opabea. <sup>12</sup> Irasū āārīmakū, guaya āārīburire, gua baaburidere, gua basi moāpoyāa. Gajerā guare ñerō werenīmakū, gua gapu Marīpure Īḡūsāya āārīburire sērēbosāa. Gajerā gua noó waaró guare ñerō irimakū, ubu péñakōāa. <sup>13</sup> Gajerā guare ñerō ārī werewhamakū, gua gapu Īḡūsārē āmuduarā, Īḡūsārē oārō merā werea. I ūmumarē Īḡūsā ḡāāmebirire Īḡūsā béodea irirosū guare iāma. Neōgoragueta guare doopurorinerā, daporaguedere irasūta doonīkōāma.

<sup>14</sup> Irire gojagu, mūsārē ḡuyasīrdoregu meta yāa. Yu mūsārē maīḡū, yu pūrārē irirosū werea. <sup>15</sup> Wārā gajerā diez mil gora mūsārē Cristoyare buebonerā āārīkerepuru, Īḡū masakare tauri kerere buepuroridi sugūta āārīmi. Iri kerere mūsārē buepuroridi yūta āārā. Yu iri kerere buemakū pérā, mūsā Īḡūrē buremunugābu. Irasirigū yu mūsāpu irirosū āārā. <sup>16</sup> Irasirigū mūsārē: “Yu iririkurire, majīrā Īḡūsā pagure iākūirōsū iākūituyaka!” ārī werea.

<sup>17</sup> Mūsā irire irimakū ḡāāmegū, Timoteore mūsā pūroque iriua. Īḡū yu buedi yu magū irirosū, yu maīḡū āārīmi. Marī Opū ḡāāmerōsū keoro irinīkōāmi. Yu Cristore buremugū iririkurire mūsārē ḡūñamakū irigukumi mūsāde irasūta iriburo, āriḡū. Irasirigū, āārīpererā Cristore buremurārē āārīpererogue āārīrārē yu buederosūta mūsārē buegukumi. <sup>18</sup> Surāyeri mūsā watope āārīrā: “Pablo gua pūro aaribirikumī”, ārī ḡūñañurā. Irasirirā Īḡūsā basi: “Gua gajerā nemorō masītarinugārā āārā”, ārī, ḡūñanīkōāñurā. <sup>19</sup> Yu gapu āsū ārī ḡūñāa: “Marī Opū ḡāāmemakū, mata mūsā pūroque waagura”, ārī ḡūñāa. Iroque ejagu, masītarinugārā āārā, ārī werenīrārē iāḡura. Iri direta iābiriko. “Īdiayeta Īḡūsā marī Opū turari merā Īḡūyare irirāta yāri?” ārī iāḡuko. <sup>20</sup> Marīpu Īḡūyarārē doreri āsū āārā. Marī Īḡūyare werenīkererā irire marī iribirimakū, marī werenīrī wajamāa. Īḡū turari merā Īḡūyare irimakū ḡāāmeme. <sup>21</sup> Īñeēnorē ḡāāmekuri mūsā? Īmūsā pūroque mūsā ñerō iriri waja mūsārē turigū waamakū ḡāāmekuri, o mūsā oārō iriri waja gapure usuyari merā mūsārē weregu waamakū ḡāāmekuri?

## 5

### *Ñerō irigure béokal ārī gojadea*

<sup>1</sup> Gajerā āsū ārī kere werema yure. Sugū mūsā merāmu Īḡū búamorēta marāpokuyayuru. Irire pégu, pégukakōābu. Gajerā Marīpure masīmerā āārīkererā, irasūgora ñerō iribema.

<sup>2</sup> Īḡū ñerī irigū mūsā merā āārīkerepuru, mūsā gapu: “Gua gajerā nemorō oārā āārā”,

ãrĩ gũñadáa. Irasũ gũñarõno irirã, ìgũ ñerĩ iriri gapure buro bujawereri merã gũñaka! Irasirirã, ìgũ ñerõ iririre piribirimakũ ìãrã, ìgũrẽ béokõãka! Mũsã merã nerẽdorebirikõãka! <sup>3</sup> Yũ gapũ mũsã pũroque ããrĩbirikeregũ, yũ gũñarĩ merã mũsã merã ããrĩgũ irirosũ ããrã. Irasirigũ yũ gũñarĩgue mũsãrẽ: “Ìgũ ñerõ irigure béokõãrõ gããmea”, ãrĩ gũñasiãa. <sup>4</sup> Irasirirã mũsã, marĩ Opũ Jesucristoyarã, ìgũ dorero merã nerẽka! Yũde, yũ gũñarĩ merã mũsã merã nerẽgũ irirosũ ããrĩgũkoa. Marĩ Opũ Jesũde ìgũ turari merã mũsã merã ããrĩgũkumi. <sup>5</sup> Mũsã irasũ nerẽrã, ìgũ ñerõ irigure béokõãka, wãtẽa opũ Satanás ìgũ gããmerõ ìgũrẽ iriburo, ãrĩrã! Irasirigũ ñerõ tarigũ, ìgũ ñerõ iririre pirigũkumi. Marĩ Opũ Jesũs i ãmũgue dupaturi aarigũ, ìgũrẽ taugũkumi.

<sup>6</sup> Ìgũ ñerõ irigure béomerã: “Gua gajerã nemorõ õãrã ããrã”, ãrĩ gũñabirikõãka! Mũsã ìgũ ñerõ iririre ubu ìãkõãrã, ããrĩpererã mũsãde ìgũ ñerõ iririre pẽrẽbejarãkoa. ¿Mũsã ãsũ ãrĩ wererire masĩberi? “Pãrẽ irirã, mërõgã pã wemasãrĩ poga merã trigo pogare morẽkuma. Pũrũ iri wemasãseyakõãkoa”, ãrĩ werea. Iri poga wemasãseyarosũta ñerĩde mũsãguere õãrõ seyakõãrokoa. <sup>7</sup> Irasirirã ìgũ ñerĩ irigure béoka, gajerãde ñerõ iriri, ãrĩrã! Gũayarã, judío masaka pascua bosenu irimurã pã wemasãmakũ iriri pogare béokuma. Irire béorosũta mũsã ñerĩ iririre béoka, ñerĩrẽ opamerã ããrĩmurã! Pascua bosenu ããrĩmakũ, judío masaka ovejare wẽjẽkuma ìgũsã ñerĩ irideja wajare Marĩpũre béodorẽrã. Oveja boaderosũta Cristo marĩ ñerõ irideja waja boabosadi ããrĩmĩ Marĩpũ marĩrẽ: “Ñerĩ marĩrã ããrĩma”, ãrĩ ìãburo, ãrĩgũ. <sup>8</sup> Irasirirã marĩ ñerĩ iririkũdeare pirikõãrõ gããmea. Ñerĩrẽ iriro marĩrõ ããrĩrõ gããmea. Irigatorĩ marĩrõ, diayema õãrõ werenĩrĩ merã ããrĩrõ gããmea.

<sup>9</sup> Yũ mũsãrẽ iripoegue gojadea pũgue ãsũ ãrĩ gojabũ: “Nomerẽ ñerõ gãmebirarikũrãrẽ wapikũbirikõãka!” ãrĩ gojabũ. <sup>10</sup> Yũ irasũ gojagũ: “Ããrĩpererã ñerõ iririmasã i ãmũgue ããrĩrãrẽ neõ wapikũbirikõãka!” ãrĩgũ meta iribũ. I ãmũguere noó mũsã waaró Jesũre bũremumerã ããrĩma. Nomerẽ ñerõ gãmebirarikũrã, gajerãyare buro gããmerã, yajarimasã, keori weadeare bũremurĩmasã wãrã ããrĩma. Ìgũsã ããrĩpererogue ããrĩmakũ, ìgũsãno marĩrõgue waamasĩña máa. <sup>11</sup> ãsũ gapũ ãrĩ gojabũ: “Surãyeri mũsã merã ããrĩrã: ‘Jesũre bũremua’, ãrĩkererã ñerĩ iririkũmakũ ìãrã, ìgũsãrẽ wapikũbirikõãka!” ãrĩ gojabũ. “Irasirirã nomerẽ ñerõ gãmebirarikũrãrẽ, gajerãyare buro gããmerãrẽ, keori weadeare bũremurãrẽ, gajerãrẽ ñerõ kere wererãrẽ, mejãrikũrãrẽ, yajarikũrãrẽ wapikũbirikõãka! Irasiririkũrãno merã neõ baabirikõãka!” ãrĩ gojabũ. <sup>12-13</sup> Marĩpũ Jesũre bũremumerãrẽ ìgũsã ñerõ irideja waja wajamoãgũkumi. Irasirigũ yũ mũsãrẽ: “Wajamoãka ìgũsãrẽ!” ãrĩbea. Mũsã tamerã mũsã merã ããrĩrãrẽ ìgũsã ñerõ irimakũ ìãrã, ìgũsãrẽ wajamoãka! Marĩpũya werenĩrĩ gojadea pũgue gojaderosũta irika! ãsũ ãrĩ gojasũdero ããrĩbũ: “Sugũ mũsã merã ããrĩgũ ñerõ irimakũ ìãrã, ìgũrẽ béokõãka!” ãrĩ gojasũdero ããrĩbũ. Irasirirã mũsã merã ããrĩgũrẽ ìgũ búamorẽ ñerõ irigure béokõãka!

## 6

### *Jesũre bũremurã gãme weresãrĩrẽ gojadea*

<sup>1</sup> Mũsã basi gãme guaseorã, ¿nasirirã weresãrĩrẽ beyerimasã Jesũre bũremumerã pũroque ãmudorerã waari? Jesũre bũremurãrẽ mũsã merãmarãrẽ weresãduarã, gajerã Jesũre bũremurãrẽ irire ãmudorerã waaró gããmea. <sup>2</sup> ¿Ire mũsã masĩberi? I ãmũ pere-makũ, marĩ Jesũre bũremurã Marĩpũyarã ããrĩsĩã, Jesũs merã i ãmũ marãrẽ dorerã ããrĩrãkoa. Irasirirã ìgũsãrẽ doremurã daporadere marĩ gãme guaseorire ãmudoremasĩa. <sup>3</sup> ¿Idere masĩberi mũsã? Marĩ Jesũs merã Marĩpũre wereboerã ãmũgasigue ããrĩrãrẽ dorerãkoa. Irasirirã ìgũsãrẽ doremurã ããrĩsĩã, i ãmũmadere ãmudoremasĩa. <sup>4</sup> ¿Nasirirã i ãmũmarẽ gãme guaseorã, Marĩpũyare masĩmerã pũroque irire ãmudorerã waari? <sup>5</sup> Mũsãrẽ gũyasĩrĩburo, ãrĩgũ, ire gojãa. ¿Mũsã watopeguere neõ sugũ masĩgũ, mũsã

guaseorire amugano marigorakõarĩ? <sup>6</sup> Musã merãmu masĩgũno gapure amudorerono irirã, gajĩgu Jesure bremugurẽ weresaduarã, Jesure bremumerã pãroque amudorerã waãa.

<sup>7</sup> Irasiriro, musã gãme guaseorã, musã basi amumasĩmerã, Jesure bremumerã pãroque irire amudorerã waamakũ õãbea. Igũsarẽ weresãrõno irirã, gajerã Jesure bremurã musãrẽ diaye iribirideare, musãrẽ yajadeare irasũ iãkõamakũ nemorõ õãboakuyo. <sup>8</sup> Musã Jesure bremurã aãrĩkererã, gajerã musãyarãrẽ diaye irimerã, musãde igũsãyare yajarã yãa.

<sup>9</sup> ¿Ire musã masĩberi? Ñerõ iririkurã Marĩpu igũyarãrẽ doreroguere waabirikuma. Ire pẽwisibirikõãka! Uma nomerẽ ñerõ gãmebirarikurã, keori weadeare bremurĩmasã, gajĩgu marãpore ema marãpokurã, gajego marãpu merã ñerõ iririkurã, uma seyaro igũsã dupuri merã ñerõ iririkurã, nome de igũsã seyaro ñerõ iririkurã Marĩpu pãroguere neõ waabirikuma. <sup>10</sup> Irasũ aãrĩmakũ, yajarimasã, gajerãyare buro gããmerĩmasã, mejãrikurã, gajerãrẽ ñerõ kere wererimasã, arĩgatori merã gajerãyare yajarimasã neõ Marĩpu pãroque waabirikuma. <sup>11</sup> Iripoeguere musã surãyeri irasiririkurã aãrĩnerã aãrĩbũ. Irasiririkurã aãrĩkererũ, Marĩpu musã ñerĩ oparire koedi aãrĩmĩ igũyarã aãrĩmakũ irigu. Irasirigu musãrẽ: “Õãrã, waja opamerã aãrĩma”, arĩ iãmi. Marĩ Opũ Jesucristo iridea merã, Õãgũ deyomarĩgũ musãguere aãrĩrĩ merã irasũ arĩ iãmi.

### *Marĩya dupũ merã õãrõ iridorea, arĩ gojadea*

<sup>12</sup> Masaka surãyeri asũ arĩ werenĩma: “Marĩ iriduarire noó gããmerõ irimasã”, arĩ werenĩma. Irasũta aãrã, arĩrõ tamerã. Yũ iriduarĩ gajerãrẽ iritamubirimakũ iãgũ, irire iribea. Irasirigu irire piridũagu, pirikõãrõ gããmea. <sup>13</sup> I masaka werenĩrĩ diayeta aãrã. Asũ arĩ werenĩma: “Baari, marĩya paruma aãrĩburi aãrã. Marĩya paru, baari baasãdiru aãrã”, arĩ werenĩma. Marĩpu gapũ i pe wãirẽ peremakũ irigũkumi. Irasiriro baari, marĩya paru irasũ aãrĩkõãrõ yãa. Asũ gapũ aãrã. Marĩpu, marĩya dupũ irigu, ñerĩrẽ uribejaburi dupure iribiridi aãrĩmĩ. Marĩ Opũ Jesucristo gããmerĩ gapure iriburi dupũ aãrã. Igũta marĩ merã aãrĩgũ marĩya dupũ Opũ aãrĩmĩ irire õãrõ iribu. <sup>14</sup> Marĩpu igũ turari merã marĩ Opũ Jesucristo boadero purũ, igũya dupure masũdi aãrĩmĩ. Igũrẽ masũderosũta marĩ boadero purũ, marĩya dupũdere masũgũkumi.

<sup>15</sup> ¿Ire musã masĩberi? Marĩ Cristoyarã aãrĩmakũ, marĩya dupũ, igũya dupũma aãrĩrĩ irirosũ aãrã. Marĩ irasũ aãrĩrã, nomeõ uma merã ñerõ iririkurimasõ merã ñerõ irimakũ õãbirigorakõãa. Irasirirã irinorẽ neõ iribirikõãdorea. <sup>16</sup> ¿Idere musã masĩberi? Marĩpũya werenĩrĩ gojadea pũgue asũ arĩ gojasũdero aãrĩbũ: “Umũ, nomeõ merã marãpokũgu, pẽrã aãrĩkererã, Marĩpu iãmakũ su dupũ irirosũta aãrĩrãkuma”, arĩ gojasũdero aãrĩbũ. Irasirigu sugũ ñegõ merã marãpokũmakũ, igũya dupũ igoya dupũ merã aãrĩrõ, su dupũ irirosũta aãrã. <sup>17</sup> Irasũta sugũ marĩ Opũ Jesucristore bremugũ igũ merã pẽrã aãrĩkererã, su dupũ irirosũta aãrĩma. Irasirirã su gũñarĩta opama.

<sup>18</sup> Irasirirã uma nomerẽ gãmebirarire neõ iribirikõãka! Gaji marĩ ñerõ iririre irirã, marĩya dupũguere ñerõ iribea. Uma igũsã marãposã nome aãrĩmerã nomerẽ gãmebirarã gapũ igũsã basi igũsãya dupure ñetariro irirã yãma. Cristoya dupũguere ñerõ irirã irirosũ yãma. <sup>19</sup> ¿Musã ire masĩberi? Marĩpu marĩrẽ Õãgũ deyomarĩgũrẽ sĩdi aãrĩmĩ. Irasirigu Õãgũ deyomarĩgũ marĩguere aãrĩmakũ, marĩya dupũ igũya wii irirosũ aãrã. Irasiriro marĩya dupũ marĩya dupũgora aãrĩbea. <sup>20</sup> Marĩpu marĩrẽ buro maĩgũ, Jesucristore iriudi aãrĩmĩ marĩ ñerĩ iridea wajare wajaridoregu. Igũyarã aãrĩburo, arĩgũ, irasiridi aãrĩmĩ. Irasirirã marĩ igũ wajarinerã aãrĩsã, marĩya dupũ merã Marĩpu gããmerõsũta iriro gããmea gajerãde igũrẽ bremuburo, arĩrã.

<sup>1</sup> Daporare musã yare sêrêña gojadeare yujugura. Marâpokubirimakû, marâpokubirimakû, ôãgoráa. <sup>2</sup> Irasû ãârîkereruru, ãârîpereroguere ùma nomerê gãmebirari ãârã. Irasirirã ùma ìgûsãkû marâpokuro gããmea, gajerã nome merã ñerõ iriri, ãrîrã. Nomedede ìgûsãkû marâpokuro gããmea, gajerã ùma merã ñerõ iriri, ãrîrã. <sup>3</sup> Marâpokugu ìgû marâpo merã ôârõ ãârîrikuro gããmea. Igoode marâpu merã ôârõ ãârîrikuro gããmea. <sup>4</sup> Marâpokugore igoya dupu igoya dita ãârîbea. Igo marâpu gããmerõsûta ìgû merã ãârîrõ gããmea. Igo marâpudere ìgûya dupu ìgûya dita ãârîbea. ìgû marâpo gããmerõsûta igo merã ãârîrõ gããmea. <sup>5</sup> Æsû iriburo. Igo marâpu igo merã ãârîduamakû yujuburo. ìgûde igore yujuburo. ìgûsã Marîpûre sêrêmurã: “Irikunurî marî iririkurinerê iribirikõârã”, ãrî ãmuadero puru merê irasû iribirikõãburo. Marîpûre sêrê odoadero puru, dupaturi ìgûsã ãârîrikuderosûta ãârîburo doja. ìgûsã irasiribirimakû, wãtî ìgûsãrê gajerã merã ñerõ irimakû iribokumi.

<sup>6</sup> Yu musãrê ire dorerigora irirosû werenígû meta yáa. Musã irasû irimakû ôãrokoa, ãrîgû, irasû ãrã. <sup>7</sup> Yu ãsû ãrî gûñáa. Æârîpererã musã yu irirosûta marâpo marîrã ãârîmakû gããmeadikoa. Marîpu gapu marî ãârîpererãrê surosû píbiridi ãârîmí. Surayerire marâpo marîmurãrê, o marâpu marîmurãrê pídi ãârîmí. Gajerã gapure marâpokumurãrê, o marâpokumurãrê pídi ãârîmí.

<sup>8</sup> Irasirigû musã marâpo marîrãrê, marâpu marîrãrê, wapiweyarã nomerê ãsû ãrã. Yu irirosû musã marâpokubirimakû, o marâpokubirimakû ôãgoráa. <sup>9</sup> Æma, nome merã ãârîduarire nûgãmerãno marâpokuburo. Nomedede irasûta iriburo. ìgûsã marâpokumakû, marâpokumakû ôãgoráa. Irasirirã ìgûsã nome merã, ùma merã ãârîduari direta gûñanîbirikuma.

<sup>10</sup> Marâpokurãrê, marâpokurãrê yu ãsû dorea. I yu doreri ãârîbea. Marî Opu ire doredi ãârîmí. Æsû ãrî doredi ãârîmí: “Nomeõ igo marâpûre béobirikõãburo”. <sup>11</sup> Nomeõ igo marâpûre béogo, gajigure marâpokubirikõãrõ gããmea. Igo marâpu ãârîdi merã ãmubeo, sugota ãârîkõãrõ gããmea. Æmãude ìgû marâpore béobirikõãrõ gããmea. ìgûde ìgû marâpo ãârîdeo merã ãmubi, marâpo marîgûta ãârîkõãrõ gããmea.

<sup>12</sup> Gajerãrê yu gûñarîrê weregura marî Opu weredoredea ãârîbirikereruru. Æsû ãrã. Sugû Jesúre bûremugû, Jesúre bûremubeore marâpokuburo puru, igo ìgû merãta dujaduamakû, igore béobirikõãrõ gããmea. <sup>13</sup> Nomeõde Jesúre bûremugõ Jesúre bûremubire marâpokugo, igo merã ìgû dujaduamakû, ìgûrê béobirikõãrõ gããmea. <sup>14</sup> Sugû Jesúre bûremubi marâpo Jesúre bûremugõ ãârîmakû ìãgû, Marîpu ìgûrê: “Yaagu irirosû ãârîmí”, ãrî ìãmi. Irasûta sugo Jesúre bûremubeo marâpu Jesúre bûremugû ãârîmakû ìãgû, Marîpu igore: “Yaago irirosû ãârîmo”, ãrî ìãmi. ìgû irasû ìãbirimakû, ìgûsã pûrã Jesúre bûremumerã pûrã irirosû ãârîbokuma. Irasirigû ìgûsã pûrãdere Jesúre bûremurã pûrã irirosû ìãmi. <sup>15</sup> Jesúre bûremubi gapu ìgû marâpo Jesúre bûremugõrê béoduagu, béoburo. Irasûta Jesúre bûremubeo igo marâpu Jesúre bûremugûrê béoduago, béoburo. Marîpu marîrê gajerã merã gãmekêãrõ marîrõ usuyari merã ãârîmakû gããmemi. Irasirirã ìgûsã béoduamakû ôãgoráa. <sup>16</sup> Jesúre bûremugõ, igo marâpu Jesúre bûremubire: “Yu merã ãârîgû, bûremugukumi”, ãrîmasîña máa. Irasûta Jesúre bûremugû, ìgû marâpo Jesúre bûremubeore: “Yu merã ãârîgõ, bûremugokumo”, ãrîmasîña máa.

<sup>17</sup> Æsû iriro gããmea marîrê ãârîpererã marî Opu Jesucristoyarãrê. Marîpu marîrê Jesúre bûremunugãdoregu siiudeapoe ìgû marîrê: “Æsû irika!” ãrî píderosûta iriwãgãrõ gããmea. Yu irire ãârîperero marãrê Jesúre bûremurãrê dorea. <sup>18</sup> Marîpu sugure ìgûya dupuma gasirogãrê\* wiirisûdire siiumakû, irasûta dujaro gããmea. Irasûta wiirisûbire

\* **7:18** Gn 17.1-14: Iripoegue Marîpu Abrahãrê ìgû pûrã ãmarê: “Yaarã ãârîburo”, ãrîgû, ìgûsãya dupuma gasirogãrê wiiridoredi ãârîmí. Puru iri dorerire Moisére pídi ãârîmí. Irasirirã judío masaka Abraham parãmerã ãârîturiarã iri dorerire irirã, ìgûsã pûrã ãmarê su mojõma pere gaji mojõ ureru pêrêbejarinurî waaró merã ìgûsã deyoadero puru irasû yáa.

siiumakū, wiirisūbita dujaro gāamea. <sup>19</sup> Daporare wiirisūnerā āārīrī, wiirisūbirinerā āārīrīde wajamáa. Marīpυ dorerire marī iriri gapυ wajakutarinugāa. <sup>20</sup> Irasirirā Marīpυ marīrē masakakure siuideapoe īgū marīrē pīderosūta iriwāgārō gāamea.

<sup>21</sup> Marīpυ mūsārē siuideapoe surāyeri gajerārē moāboerimasā āārībū. Irasū āārīkererā, mūsā moāboerimasā āārīrīrē gūñarikubirikōāka! Gajipoe mūsā oparā mūsārē wiudhamakū, wirika! <sup>22</sup> Marīpυ mūsārē marī Opυ Jesucristore bυremudoregυ siiudi āārīmī. Irasirirā surāyeri mūsā gajerārē moāboerimasā āārīkererā, daporare Jesucristoyarā īgū wiunerā irirosū āārā īgūyare irimurā. Mūsā gajerārē moāboerimasā āārībirikererā, daporare Jesucristore moāboerā āārā. <sup>23</sup> Marīpυ marīrē īgūyarā āārīburo, ārīgū, īgū magū Jesucristo boagυ dí béodea merā wajaridi āārīmī. Irasirirā masakare moāboerā irirosū āārībirikōāka! Masaka gāamerīnorē iribirikōāka! Marīpυ gāamerī gapυre irika! <sup>24</sup> Irasirirā, Marīpυ mūsārē Jesucristore bυremunugādoregυ siuideapoe mūsārē pīderosūta īgū merā ōārō āārīnīkōāka!

<sup>25</sup> Daporare mūsā marāpo marīrārē, marāpυ marīrādere weredukaoa. I yυ wereburi marī Opυ weredoredea āārībea. Irasū āārībirikererēpυ, yυ basi gūñarī merā mūsārē weregυra. Marī Opυ yυre bopoñarī merā īāsīā, yυre iritamumi. Irasirirā mūsā yυ wererire: “Irimakū ōāgorāa”, ārī masīrākoa. <sup>26</sup> Daporare marīrē wārī ñerō tariri āārā. Irasirirā mūsā āārīrikurosūta dujamakū ōāgorāa. <sup>27</sup> Marāpokurā, marāpukurā gāme béobirikōāka! Marāpo marīrā, marāposā nome āmabirikōāka! <sup>28</sup> Yυ mūsārē irire werekererēpυ, mūsā marāpokurā, Marīpυ dorerire tarinugārā meta yāa. Nomeōde marāpukugo, Marīpυ dorerire tarinugāgō meta yāmo. Irasū āārīkererēpυ, marāpokurā, marāpukurā gapυ īgūsā okarinurīrē poyari merā āārīrākuma. Irasirigυ yυ irire: “Poyari merā āārībokuma”, ārīgū: “Marāpo marīrā, marāpυ marīrā āārīkōāka!” ārā mūsārē.

<sup>29</sup> Yaarā, yυ mūsārē irasū ārīgū, āsū ārīduagυ yāa. Marī i ūmugue āārīrikuri pereburo mērō dūyāa. Irasirirā daporare marāpo marīrā Marīpuyare ōārō moārōsūta marāpokurādere ōārō moārō gāamea. Marāpukurā nomede irasūta Marīpuyare ōārō iriro gāamea. <sup>30</sup> Marī orekererā, bujaweremerā irirosū āārīrō gāamea. Usuyakererā, usuyari merā bosenu irimerā irirosū āārīrō gāamea. Gajino wajarikererā: “I yaa āārīnīkōārokoa”, ārī gūñabirikōārō gāamea. Irasirirā, marīrē Marīpuyare ōārō iriro gāamea. <sup>31</sup> I ūmuma marī īārī perewāgārō yāa. Irasirirā i ūmumarē iriduarire bυro gūñarikubirikōārō gāamea.

<sup>32</sup> Yυ mūsārē gūñarikuro marīrō āārīmakū gāamea. Marāpo marīgū, marī Opuyare ōārō gūñami. Irasirigυ īgūrē usuyamakū gāamegū, īgūyare ōārō yāmi. <sup>33</sup> Marāpokugυ gapυ īgū marāpo ōārō usuyari merā āārīmakū gāamegū, i ūmumarē gūñami. <sup>34</sup> Irasirigυ marī Opυ gāamerīrē, īgū marāpo usuyamakū gāamerī gapudere gūñami. Nomedere irasūta āārā. Marāpυ marīgō marī Opuyare ōārō gūñamo. Igo gūñarī merā Marīpuyago ōārō āārīduago, īgū gāamerōsūta iridūamo. Marāpukugo gapυ igo marāpυ ōārō usuyari merā āārīmakū gāamegō, i ūmumarē gūñamo.

<sup>35</sup> Yυ mūsārē ōārō waaburo, ārīgū, marī Opυ gāamerī direta keoro iridoregυ ire gojāa. Mūsārē marāpokurire, marāpukurire kāmūtage meta yāa.

<sup>36</sup> Sugυ īgū magō búro waamakū īāgū, āsū ārībokumi: “Yυ magōrē ōārō iribirikoa. Igo marāpukumakū ōābokoā”, ārībokumi. Irasū ārīgū nomesukōāburo. Irasiriri, ñerō iriri āārībea. <sup>37</sup> Gajigυ gapυ: “Nomesuro gāamekoa”, ārībiribokumi. Āsū gapυ ārībokumi: “Yυ magō marāpukubirikōāburo”, ārībokumi. Īgū irasū ārīmakū, igore ōārō waabokoā. Īgū irasū iriduari ōāgorabokoā. <sup>38</sup> Magōrē marāpukudoregυ, ōārō irigυ yāmi. Irota marāpukudorebi gapυ nemorō ōārō iritarinugāgū yāmi. Daporare marīrē wārī ñerō tariri āārā. Irasiriro marāpukubirimakū, marāpokubirimakū nemorō ōāa.

<sup>39</sup> Marīpυ marīrē doreri āsū ārā. Marāpukugo igo marāpυ okamakū, īgū merā āārīnīkōāburo. Īgū boadero purugue, gajigυ igo suyugure marāpukumasīgokumo īgū Jesúre bυremugū āārīmakū. <sup>40</sup> Yυ gapυ āsū ārī gūñāa. Igo dupaturi marāpukubeo,

nemorõ ɯɯyabokumo. Yude, gajerã mɯsãrẽ buerimasã irirosũ Õãgũ deyomarĩgũrẽ opáa. Irasirigɯ irire werea mɯsãrẽ.

## 8

### *¿Keori weadea ɱuro baari pídeare baamakũ õãkuri? ãrĩ gojadea*

<sup>1</sup> Dapora mɯsã: “¿Keori weadea ɱuro baari pídeare baamakũ õãkuri?” ãrĩ sērẽñadeare yɱɱugura. Mɯsã irire masĩa. Ìgũsã ɱuremurĩ weadea neõ wajamáa. Irasirirã: “Gɯa tamerã õãrõ masĩa”, ãrĩ gũñarã, gajerãrẽ masĩtarinugãduarã irirosũ yáa. Gajerãrẽ maĩrã, ãsũ gapɱ iriro gããmea. Nemorõ Ìgũsãrẽ Marĩɱuyare ɱuremunemomakũ iriro gããmea. <sup>2</sup> Sugɱ: “Masĩpeokõãa”, ãrĩgũno, õãrõ masĩbemi. Wári dɱyáa Ìgũ masĩbiri. <sup>3</sup> Marĩɱ Ìgũrẽ maĩgũ gapɱre masĩmi. “Yaagɱ ããrĩmi, Ìgũrẽ masĩa”, ãrĩmi.

<sup>4</sup> Irasirigɱ yɱ mɯsãrẽ keori weadea ɱuro baari pídea baarire weregura. Diayeta ããrã. Ìgũsã ɱuremurĩ weadea neõ wajamáa. Gajigɱ, Marĩɱ irirosũ ããrĩgũ neõ mámi. Ìgũ suguta ããrĩmi. <sup>5</sup> Gajerã masaka Ìgũrẽ ɱuremumerã wárã gajerãnorẽ ɱuremuma. Ɛmarõgue ããrĩrãrẽ, i ɱmugue ããrĩrãrẽ ɱuremuma. “Marĩ ɱuremurã, marĩ oparã ããrĩma”, ãrĩ ɱuremuma. <sup>6</sup> Marĩɱ suguta ããrĩpererire iridi ããrĩmi. Irasirirã marĩ Ìgũyarã ããrĩsĩã, Ìgũ dorerire irimurã ããrã. Irasũ ããrĩmakũ, Jesucristo suguta marĩ Opɱ ããrĩmi. Ìgũ merã Marĩɱ ããrĩpererire iridi ããrĩmi. Ìgũ merã marĩdere Ìgũyarã ããrĩmakũ iridi ããrĩmi. Irasirirã Ìgũ merã ããrĩníkõãrãkoa.

<sup>7</sup> Yɱ wereri diaye ããrĩkereɱɱɱ, surãyeri Jesúre ɱuremurã irire masĩbema. Iripoegue keori weadeare ɱuremumerã ããrĩsĩã, daporadere iri keori weadea ɱuro baari pídeare baarã: “Marĩ ɱuremumerã keori weadeare ɱuremurã yáa”, ãrĩ gũñadima. Irasirirã õãrõ masĩmerã irire baarã: “Ñerõ irirã yáa”, ãrĩ gũñadima. Irasũ gũñakererã, irire baakõãma. <sup>8</sup> Marĩ irire baarã, Marĩɱ merã nemorõ õãrõ ããrĩmasĩbirikoa. Gajerã nemorõ õãrã waabirikoa. Irire baamerãde, gajerã nemorõ ñerã waabirikoa. <sup>9</sup> Irasũ ããrĩkereɱɱɱ, õãrõ pémasĩka! Mɯsã noó gããmerõ baarã, gajigɱ Jesúre ɱuremuturabire ñerõ irimakũ iribirikõãka! <sup>10</sup> Æsũ ããrã. “Ìgũsã ɱuremurĩ keori weadea neõ wajamáa”, ãrĩ masĩa. Irasirirã iri keori weadeare ɱuremurĩmasã baarogue baarã: “Õãbea”, ãrĩ gũñabea. Jesúre ɱuremuturabi gapɱ, mɯsã irogue baamakũ Ìãgũ: “Irogue baarã, Marĩɱre ɱuremubema”, ãrĩ gũñabokumi. Irasũ ãrĩ gũñakeregɱ, mɯsãrẽ Ìãkũĩ, Ìgũde baakõãbokumi. Irasũ baagɱ: “Ñerõ irigɱ yáa”, ãrĩ gũñabokumi. Ìgũ irasũ gũñamakũ, mɯsã Ìgũrẽ ñerõ irimakũ irirãkoa. <sup>11</sup> Mɯsã õãrõ masĩrã irogue baarã, gajigɱ õãrõ masĩbi gapɱre ñerõ irimakũ iribokoa. Cristo Ìgũdere boabosadi ããrĩmi. Irasirirã mɯsã baari merã Cristoyagɱre poyanorẽbokoa. <sup>12</sup> Irasũ ããrĩmakũ, gajigɱ õãrõ masĩbire: “Irire baamakũ ñegorãa”, ãrĩ gũñakeregɱ irire baamakũ irirã, Cristodere ñerõ irirã yáa. <sup>13</sup> Irasirigɱ yɱ baari merã gajigɱ Cristoyagɱre ñerõ irimakũ iribokoa, ãrĩgũ, iri baarire neõ dupaturi baabirikoa.

## 9

### *Jesús buedoregɱ pídi Ìgũ wajatarimarẽ gojadea*

<sup>1</sup> Jesucristo yɱre Ìgũyare buedoregɱ pídi ããrĩmi. Irasirigɱ yude gajerã Ìgũ buedoregɱ pínerã irirosũta irimasĩa. Yude marĩ Opɱ Jesúre Ìãdita ããrã. Irasũ ããrĩmakũ, yɱ mɯsãrẽ Ìgũya kerere buemakũ pérã, Ìgũrẽ ɱuremunugãɱɱ. <sup>2</sup> Gajerã yɱre: “Ìgũ Jesús buedoregɱ pídi meta ããrĩmi”, ãrĩ werewɱakererɱɱɱ, mɯsã gapɱ irasũ ãrĩbea. Yɱ buemakũ pérã, mɯsã Jesúre ɱuremubɱ. Irasirirã Ìgũrẽ ɱuremurã ããrĩsĩã, yɱre: “Ìgũ Jesús buedoregɱ pídi ããrĩmi”, ãrĩ masĩa.



<sup>3</sup> Yure werewuarārē āsū ārī yuḡuḡura. <sup>4</sup> Yu musārē bueri waja, musā yure baari ejo, iiriri tīmakū ñeāmasīa. <sup>5</sup> Gajerā Jesús buedoreḡu pīnerā, ĩḡu paguḡūrā, Pedrosā buegorenarā, ĩḡūsā marāposā nomerē āīānama. ĩḡūsā irirosūta yude Jesucristore buremugōrē marāpokugū āīānabokoa. <sup>6</sup> ¿Naāsū ḡūñarī musā? Gajerā Jesús buedoreḡu pīnerā musārē buerā, ĩḡūsā baaburire moā wajatabema. ¿Nasirirā yu, Bernabé musārē buerā, ḡua baaburire wajataduarā, moāduūmasībirikuri? <sup>7</sup> Surara ĩḡu baaburi waja ĩḡu basī wajaribirikumi. ĩḡu surara moārī waja ĩḡu oparā gapu irire wajaribosakuma. Iguidari otedi, ĩḡu otedea dukare tea, baamasīkumi. Ovejare koreḡude, ĩḡūsāya ūpīkure bipi, iirīmasīkumi. <sup>8</sup> Yu musārē irasū ārīḡū, masaka ḡūñarī merā werebea. Yu ārīrōsūta Marīḡu doreri gojadea pūḡue āsū ārī gojasūdero āārībú: <sup>9</sup> “Weku trigo yeri gasirire ĩḡūya guburi merā kura koro, trigore baadugū baaburo. ĩḡūya disi túsārī berore túsābirikōāka!” ārī gojasūdero āārībú. Marīḡu irire doreḡu, wekuayama direta ārīḡū meta iridi āārīmí. <sup>10</sup> Irire doreḡu, ḡua ĩḡūya kerere buerāya āārīburire ārīḡū iridi āārīmí. Āsū āārā. Sugu oteburore āmukumi. Pḡuḡu gajigū iro otedea dukare seakumi. Irasirirā iri otedea dukare dukawaburire ḡūñarā, pērāḡueta ōārō moākuma. <sup>11</sup> ḡua musārē Marīḡuya werenīrīrē buerā, oterimasū ĩḡu oteri yerire oteḡu irirosū iribu. Oterimasū ĩḡu moārī waja, ĩḡu otedea dukare seamasīkumi ĩḡūya āārīburire. Irasiriro, ḡua musārē bueri waja, musā ḡuaya āārīburire gajino ḡuare sīmakū ōābokoa. <sup>12</sup> Musā ḡuare sībirikererā, gajerā buerā musārē sērēmakū, ĩḡūsā gapure sīyuro. ḡua gapu ĩḡūsā nemorō sērēmasīa musārē bueri waja.

ḡua musārē: “Sīka!” ārībonerā āārīkererā, neō irasū ārībea. “ĩḡūsā Cristoya kerere péduabiribokuma ḡua ĩḡūsārē gajinorē sērēmakū”, ārī ḡūñabu. Irasirirā ḡua ḡāāmerīrē opabirikerepḡuḡu, musārē neō sērēbiribu. <sup>13</sup> Musā ire masīa. Marīḡuya wiḡue moārīmasā, Marīḡure buremurā waibu dií āiri sīdeare baama ĩḡūsā iroḡue moārī waja. Iri wiima waimurārē wējē soepeoro pḡuro moārāde irireta baama. <sup>14</sup> I irirosūta marī Opḡu ĩḡūya kerere wererāya āārīburire āsū ārīdi āārīmí: “ĩḡūsā moārī merā ĩḡūsā baaburire wajata baaburo”, ārīdi āārīmí. <sup>15</sup> Irasū āārīkerepḡuḡu, yu gapu musārē: “Sīka!” neō ārībiribu. Daporadere gojagū, musārē gajino sērēḡū meta gojāa. Ūboari merā boakereḡu, musārē buedea waja neō wajaseabirikoa. Irasirigū wajamarīrō musārē usuyari merā buea. Yu musārē buedea waja merā neō wajata baabirikoa.

<sup>16</sup> Marīḡu yure ĩḡu masakare tauri kerere weredoreḡu pídi āārīmí. Irasirigū yu iri kerere wereḡu: “Gajerā nemorō masītarinḡḡāḡū āārā”, neō ārī ḡūñabea. Iri kerere werebi, buro bujawereri merā ñerō taribokoa. <sup>17</sup> Iri kerere yu basī yu ḡūñarī merā bueḡu, wajatabokoa. Marīḡu yure dorederosūta iri kerere bueḡu, ĩḡu yure pídea gapure irigū yāa. ĩḡu yure píderosūta iriro ḡāāmea. Gaji gapure neō irimasīña máa. <sup>18</sup> Irasirigū Jesucristoya kerere bueḡu, yu bueri waja musārē: “Wajarika!” ārī sērēbuno āārīkereḡu, irire neō sērēbiribu. Yu irasirimakū, yu wajatari āsū āārā: “Jesucristo ĩḡūrē buremurārē taugḡukumi”, ārīrī kerere wajamarīrō bueḡu, ōārō usuyari merā āārā. Irita āārā yu wajatari.

<sup>19</sup> Masakare moāboeḡu neō āārībirikereḡu, āārīpererārē moāboeḡu irirosū irigū yāa, ĩḡūsā Jesucristoya kerere péburo, ārīḡū. Wārā ĩḡūrē buremumakū ḡāāmeḡū, irasū yāa. <sup>20</sup> Irasirigū yaarā judío masaka merā āārīḡú, ĩḡūsā ōārī iririkurosūta yāa, ĩḡūsā Jesúre buremumakū ḡāāmeḡū. Āsū āārā. ĩḡūsā Moisés dorerire buremuma. Yu Moisés doreri direta buremugū āārībirikereḡu, ĩḡūsā merā āārīḡú, ĩḡūsā iririkurosūta yāa, yu buerire pémakū ḡāāmeḡū. <sup>21</sup> Moisés dorerire buremumerā merā āārīḡú, ĩḡūsā ōārī iririkurosūta yāa, ĩḡūsāde Jesúre buremumakū ḡāāmeḡū. Irasirikereḡu, Cristore buremusīa, Marīḡu dorerire tarinḡḡābea. <sup>22</sup> Jesúre buremuturamerā merā āārīḡú, ĩḡūsā ōārī iririkurosūta yāa, ĩḡūsāde Jesúre buremunemoburo, ārīḡū. “Musā nemorō Jesúre buremugū, ĩḡūyare

masĩpeogu ããrã”, neõ ãrĩbea ĩgũsãrẽ. Irasirigu ããrĩpererã õãrĩ iririkũrosũta yáa: “Surãyeri yũ buerire pérã, tausũrãkuma”, ãrĩgũ. <sup>23</sup> I ããrĩpererire irasũ yáa: “Jesucristo ĩgũrẽ bũremurãrẽ taugũkumi”, ãrĩrĩ kerere ĩgũsã õãrõ péburo, ãrĩgũ. ĩgũsã iri õãrĩ kerere bũremumakũ ĩãgũ, yũ ĩgũsã merã bũro usuyáa.

<sup>24</sup> Musãrẽ i keori merã ãsũ ãrĩ werea. Ũma birarimasã, ããrĩpererã ũmakererã, wajataperebirikuma. Ũmaturagu dita wajakatumi. Irasirirã, wajataduagu bũro ũmaderosũta musãde Marĩpũ gããmerĩrẽ õãrõ irika, ĩgũ sĩburire wajakaturã! <sup>25</sup> ããrĩpererã ũma biraturã ĩgũsã ũmaburi dupuyuro õãrõ ũma buekuma. ããrĩpereri ĩgũsãya dupure poyanorẽrĩrẽ pirikõãkuma. Olivo wãikũdima pũrĩ merã iridea berore wajakaturã, irasũ ũma buekuma. Pũrũ gajerãrẽ ĩmurã, wajakadiya dipurugue iri berore peokuma. Iri bero mata boakõãkoa. Marĩde Marĩpũyare õãrõ buero gããmea. Ñerĩrẽ pirikõã, ĩgũ gããmerĩ gapure iriro gããmea, ĩgũ sĩburire wajakaturã. ĩgũ sĩrĩ neõ boabirikoa. <sup>26</sup> Irasirigu yũ gapũ, ũma birarimasũ ĩgũ noó gããmerõ ũmagũ irirosũ iribebe. Yũ gããmerõ irimoãmabea. Marĩpũyare masĩsĩã, ĩgũ gããmerĩrẽ irigu yáa. <sup>27</sup> Irasirigu yũ iriduarire, yũ uaribejarire iribebe. Yũ iriduarire irimakũ, gajerãrẽ Marĩpũyare buedi ããrĩkererũ, Marĩpũ yare: “Õãrõ iribũ”, ãrĩbiribokumi.

## 10

### *Keori weadeare bũremubirikõãka! ãrĩ gojadea*

<sup>1</sup> Yaarã, musãrẽ irire masĩmakũ gããmea. Marĩpũ, gũ ñekũsãmarã merã ããrĩdi ããrĩmĩ ĩgũsãrẽ Egiptogue ããrĩrãrẽ ãrĩ wiugu. ĩgũ iriudea mikãyebo merã ĩgũsãrẽ dupuyudi ããrĩmĩ. ããrĩpererã ĩgũrẽ tuyarã, dia wãdiya, deko diadiya wãikũdiya dekogue, bojori maã ĩgũ iridea maague taribujanerã ããrĩmã. <sup>2</sup> ĩgũsã Moisés merã mikãyebo doka, dia wãdiyare taribujanerã ããrĩmã. Iro taribujarã, ããrĩpererã ĩgũ merã wãdiya dekogue wãiyesũrã irirosũ waanerã ããrĩmã. Iri merã ĩgũyarã ããrĩrĩrẽ ĩmunerã ããrĩmã. <sup>3</sup> ĩgũsã ããrĩpererã Marĩpũ sĩdea ũmugasima baarire baanerã ããrĩmã. <sup>4</sup> ããrĩpererã Marĩpũ ũtãyegue deko wiridoredeare iirĩnerã ããrĩmã. Cristo iri ũtãye irirosũ ããrĩdi ããrĩmĩ. ĩgũta okari sĩdi ããrĩmĩ. Irasirigu ĩgũta ĩgũsãrẽ wapikũwãgãdi ããrĩmĩ. <sup>5</sup> Marĩpũ ĩgũsãrẽ õãrõ iritamukererũ, wãrã ĩgũ dorerire tarinũgãnerã ããrĩmã. ĩgũsã irasirimakũ ĩãgũ, Marĩpũ ĩgũsãrẽ ĩãsuyubiridi ããrĩmĩ. Irasirigu ĩgũsãrẽ masaka marĩrõgue boamakũ iridi ããrĩmĩ ĩgũ dorerire tarinũgãdea waja.

<sup>6</sup> ããrĩpereri ĩgũsãrẽ waadea kere, marĩrẽ ĩgũsã iriderosũ ñerĩrẽ iribirikõãburo, ãrĩ keori pídea ããrã. <sup>7</sup> Irasirirã, keori weadeare surãyeri ĩgũsã bũremuderosũ bũremubirikõãka! Keori weadeare ĩgũsã bũremudeare Marĩpũyare werenĩrĩ gojadea pũgue ãsũ ãrĩ gojasũdero ããrĩbũ: “Masaka baa, iirĩ odo, bosenu irinũgãnerã ããrĩmã”, ãrĩ gojasũdero ããrĩbũ. <sup>8</sup> Pũrũ surãyeri ũma nomerẽ ñerõ iri gãmebiranerã ããrĩmã. ĩgũsã iriderosũ iribirikõãrõ gããmea marĩrẽ. ĩgũsã ñerõ iriri waja, sunũrẽ veintitrés mil masaka boanerã ããrĩmã. <sup>9</sup> Gajipoe gajerã: “Marĩpũ gũare õãrõ korebemi”, ãrĩ werewũanerã ããrĩmã. ĩgũsã ãrĩderosũ ãrĩbirikõãrõ gããmea marĩrẽ. ĩgũsã ñerõ werenĩrĩ waja ĩgũsãrẽ ãña kũrĩ wẽjẽnerã ããrĩmã. <sup>10</sup> Gajipoe gajerã ĩgũsã Marĩpũ irideare ñerõ ãrĩ werewũamakũ, Marĩpũyare wereboegu ĩgũsãrẽ wẽjẽdi ããrĩmĩ. ĩgũsã ãrĩderosũ ãrĩbirikõãrõ gããmea marĩrẽ.

<sup>11</sup> Marĩrẽ inũ marãrẽ i ũmũ pereburo mérõgã dũyawãgãriro yáa. Irasirigu Marĩpũ ĩgũyare werenĩrĩ gojadea pũgue gũ ñekũsãmarãrẽ ĩgũ wajamoãdeare gojadoredi ããrĩmĩ, ĩgũsã iriderosũ ñerõ iribirikõãburo, ãrĩgũ. <sup>12</sup> Sugu: “Yũ tamerã Marĩpũyare õãrõ bũremusĩã, ñerõ iribirikoa”, ãrĩ gũñagũno, õãrõ pémasĩka, iripoegue marã iriderosũ ñerĩrẽ iriri, ãrĩgũ! <sup>13</sup> Gajipoere marĩ ããrĩpererã sugu dũyaro marĩrõ ñerĩrẽ iriduarã, wãtĩ ñerĩ ãrĩmesãsũrã, ñerõ tarirã ããrã. Irasũ ããrĩkererũ, Marĩpũ gapũ ĩgũ ãrĩderosũta marĩrẽ

iritamunikõãmi ñerĩrẽ tarinugãburo, ãrĩgũ. Marĩ ñerĩrẽ tarinugãnemomasĩbirimakũ ããgũ, gaji ñerĩrẽ tau kãmutagukumi marĩrẽ poyanorẽĩ, ãrĩgũ. Irasirigũ marĩrẽ ãgũ merã gũñaturamakũ irigukumi ñerĩrẽ iribirikõãburo, ãrĩgũ.

<sup>14</sup> Yaarã yũ maĩrã, yũre péka! Neõ keori weadeare bũremubirikõãka! <sup>15</sup> Mũsã õãrõ pémasĩrã ããrĩmakũ, irire mũsãrẽ werea. Irasirirã yũ ãrĩrĩrẽ: “Diayeta ããrã”, ãrĩ masĩa.

<sup>16</sup> Marĩ nerẽ bokatĩrĩrã Marĩpũre: “Õãã”, ãrĩ, mũyari sĩ odo, igui deko iirĩripare iirĩa. Irasũ iirĩrã: “Cristo boagũ, marĩ ñerĩ iridea wajare ãgũ dí béodea merã wajaribosadi ããrĩmĩ”, ãrĩ ãmuã. Pãrũrẽ marĩ dukawa baarã: “Cristo ãgũya dupũ curusague boadea merã marĩrẽ ãgũyarã ããrĩmakũ iridi ããrĩmĩ”, ãrĩ ãmuã. <sup>17</sup> Marĩ wãrã ããrĩkererã, suru pãrũrẽ dukawa baarã, ããrĩpererã marĩ Cristoyarã su dupũta irirosũ ããrã. Irasirirã sugũyarãta ããrã.

<sup>18</sup> Gũayarã Israel marã Moisés dorederosũta iririre gũñaka! Marĩpũre bũremurã, ãgũya wiigũe waibũre ãã wẽjẽ soema. Wẽjẽ soe odo, Marĩpũ iũrõ diire baama. Irasũ baarã: “Marĩpũyarã ããrã”, ãrĩ ãmuma. <sup>19</sup> Yũ ire irasũ ãrĩgũ: “Keori weadea wajakũ, irasiriro iri keori weadea pũro waibũ dí pídea, gaji waibũ dí nemorõ ããrã”, ãrĩgũ meta yãa. <sup>20</sup> ãsũ gapũ ãrĩ werea. Marĩpũre masĩmerã, keori weadea pũro waibũ dí píra, Marĩpũre bũremubema. Wãtẽa gapũre bũremurã yãma. ãgũsã irasũ bũremumakũ, ãgũsã bũremurĩ wiigũe mũsã ãgũsã merã baarã: “Wãtẽayarã ããrã”, ãrĩ ãmurã irirosũ yãa. Mũsã irasirimakũ, neõ gããmebea. <sup>21</sup> Marĩ Opũ Jesucristoyarã ããrĩsĩa, ãgũrẽ bũremurã nerẽ bokatĩrĩrã, igui deko iirĩripare iirĩ, pãrũrẽ dukawa baãa. Gajerã ãgũsã keori weadeare bũremurã iirĩri, waibũ dí ãgũsã baari, wãtẽaya ããrã. Irasirirã marĩ Opũ Jesúyare baarã, wãtẽayare baamasĩbea. Irasũta wãtẽayare baarã, Jesúyare baamasĩbea.

<sup>22</sup> Marĩ Opũ ãgũyarãrẽ ãgũ direta bũremumakũ gããmemi. Irasirirã marĩ wãtẽãrẽ bũremurã, marĩ ãgũrẽ guamakũ iribokoa. ãgũ guamakũ, marĩ ãgũrẽ tarinugãmasĩbirikoa. Marĩrẽ wajamoãburire kãmutamasĩbirikoa.

### *Marĩpũ gããmerĩ direta irika! ãrĩ gojãdea*

<sup>23</sup> Masaka surãyeri ãsũ ãrĩ werenĩma: “Marĩ iridũarire noó gããmerõ irimasĩa”, ãrĩ werenĩma. ãgũsã irire irasũ ãrĩkererũ, ããrĩpereri marĩ iridũarire irirã, gajerãrẽ iritamurã meta yãa. Noó marĩ gããmerõ irirã, gajerãrẽ Marĩpũre bũremunemomakũ iribiribokoa. <sup>24</sup> Marĩya ããrĩburi direta gũñabirikõãrõ gããmea. Gajerãya ããrĩburidere gũñarõ gããmea.

<sup>25</sup> Irasirirã baari duarogue baarire wajarirã, noó gããmerõ wajari baaka! “¿I baari keori weadea pũroge pídea ããrĩrĩ?” ãrĩ sãrẽñabirikõãka: “Irire baarã, ñerõ irirã yãa”, ãrĩ gũñarĩ, ãrĩrã! <sup>26</sup> Marĩpũya werenĩrĩ gojãdea pũgũe ãsũ ãrĩ gojasũdero ããrĩbũ: “ããrĩpereri i mũmuma, marĩ Opũya ããrã”, ãrĩ gojasũdero ããrĩbũ. Irasirirã ããrĩpereri ãgũ baari pídeare baamasĩa.

<sup>27</sup> Jesúre bũremubi mũsãrẽ baadoregũ siumakũ, waadũarã waaka! Baarã waarã, mũsãrẽ ãgũ ejorire baaka! “¿I baari, keori weadea pũroge pídea ããrĩrĩ?” ãrĩ sãrẽñabirikõãka: “Irire baarã, ñerõ irirã yãa”, ãrĩ gũñarĩ, ãrĩrã! <sup>28</sup> Gajigũ iro ããrĩgũ ãsũ ãrĩbokumi mũsãrẽ: “I baari, keori weadea pũroge pídea dí ããrã”, ãrĩbokumi. ãgũ irasũ ãrĩmakũ, iri díre baabirikõãka! ãgũ, mũsã baamakũ: “Ñerĩrẽ irirã yãma”, ãrĩ gũñabokumi. ãgũ irasũ ãrĩ gũñabirikõãburo, ãrĩrã, irire baabirikõãka! <sup>29</sup> Yũ irire ãrĩgũ, ãgũ gũñarĩrẽ werenĩgũ yãa. Mũsã gũñarĩrẽ werenĩbea.

Mũsã gapũ ãsũ ãrĩ sãrẽñabokoa yũre: “¿Nasirirã, gajigũ diaye gũñabiri waja, gũa iridũarire gorawayubokuri? <sup>30</sup> Gũa baarire Marĩpũre: ‘Õãã’, ãrĩ, mũyari sĩmakũ, gajigũ gũa baarire werewũamasĩbemi”, ãrĩbokoa mũsã yũre. <sup>31</sup> Yũ gapũ ãsũ ãrĩ werea mũsãrẽ. Mũsã baa, iirĩrã, gajinorẽ irirãde, Marĩpũ gããmerĩ direta irika, gajerãde ãgũrẽ: “Õãtarigũ ããrĩmĩ”, ãrĩ bũremuburo, ãrĩrã! <sup>32</sup> Neõ mũsã iriri merã judío masakare, judío masaka ããrĩmerãrẽ, Marĩpũyarãdere ñerõ irimakũ iribirikõãka! <sup>33</sup> Yũ irirosũ irika! ããrĩpereri yũ

iriri merã masaka ããrĩpererãrẽ õãrõ iriduãa. Irasirigu õãrõ yu ããrĩburi direta gũñabea. Gajerãya ããrĩburi gapure õãrõ gũñãa, ìgũsãde Jesucristore buremuburo, ãrìgũ. Ìgũrẽ buremumakũ, ìgũsãrẽ taugakumi, peamegue waabirikõãburo, ãrìgũ.

## 11

<sup>1</sup> Irasirirã yu Cristore irituyarosũta musãde yure irituyaka!

*Jesúre buremurã nerẽrõgue nome irimarẽ gojadea*

<sup>2</sup> Yaarã, yure musã gũñamakũ, ããrĩpereri yu buedeare keoro irimakũ ìãgũ, musãrẽ: “Õãrõ yãa”, ãrì, usuyari merã werea. <sup>3</sup> Gaji musãrẽ masĩmakũ gããmea. Cristo, ããrĩpererã ãma dipuru ããrĩmì. Ëmũu, marãpore igo dipuru ããrĩmì. Marĩpu, Cristo dipuru ããrĩmì. <sup>4</sup> Musã Marĩpure buremurã nerẽmakũ, sugu Marĩpure sërẽgũ, Marĩpu ìgũrẽ weredoredeare weregu, ìgũya dipurare buremabirikumi. Ìgũya dipurare buremabu, guyasĩũrõ irigu iribokumi. Cristore ìgũ Opure gopeyari merã buremubiribokumi. <sup>5</sup> Nomeõ gapu Marĩpure sërẽgõ, Marĩpu ìgore weredoredeare werego, igoya dipurare buremabokumo. Igoya dipurare buremabeo, guyasĩũrõ irigo iribokumo. Marãpure igo dipurare gopeyari merã buremubiribokumo. Poari pera buremabeodeo irirosũ ããrĩbokumo. <sup>6</sup> Igoya dipurare buremabirimakũ, diayeta igoya poarire pera buremabeokõãrõ gããmea. Igoya poarire pera buremabeodeo: “Guyasĩũgorãa”, ãrìgõ, igoya dipurare buremaburo. <sup>7</sup> Ëmũu gapu Marĩpu irirosũ opu ããrĩsã, ìgũya dipurare buremabirikõãburo, Marĩpu yu Opure ããrĩmì, ãrì ìmubu. Nomeõ gapu igoya dipurare buremaburo, ãmũu yu opu ããrĩmì, ãrì ìmubo. <sup>8</sup> Neõgoraguere Marĩpu ãmũurẽ irigu, nomeõya gõã merã iribiridi ããrĩmì. Nomeõ gapure ãmũuya gõã merã iridi ããrĩmì. <sup>9</sup> Irasirigu ãmũurẽ irigu, nomeõrẽ iritamubure iribiridi ããrĩmì. Nomeõ gapure, ãmũurẽ iritamubore iridi ããrĩmì. <sup>10</sup> Irasirirã musã Marĩpure buremurã nerẽrõguere, nome ìgũsãya dipure buremabo gããmea. Irasũ buremarã, ãmũu dorerire õãrõ yujurire ìmurakuma. Ìgũsã irasiririre Marĩpure wereboerã ìãrãkuma. <sup>11</sup> Irasũ ããrĩkererũ, marĩ Jesucristore buremurã gãme iritamua. Ëma, nome iritamurĩ marĩrõ ããrĩmasĩbirikuma. Nomedede ãma iritamurĩ marĩrõ ããrĩmasĩbirikuma. <sup>12</sup> Diayeta ããrã. Marĩpu nomeõrẽ ãmũuya gõã merã iridi ããrĩmì. Ide diayeta ããrã. Ëma, nome merã deyoama. Irasirirã ããrĩpererã masaka: ãma, nome Marĩpu irinerã ããrĩma.

<sup>13</sup> I ããrĩpereri diayeta ããrĩmakũ, ¿musã basi naãsũ gũñarĩ? Musã Marĩpure buremurã nerẽrõgue, nomeõ igoya dipurare buremabeota, Marĩpure sërẽmakũ ¿õãrì, o õãberi? <sup>14</sup> Ëmũu poañapu ãmamakũ guyasĩũgorãa. ããrĩpererã masaka irire masĩma. <sup>15</sup> Nomeõ poañapu ãmagõ ããrĩmakũ: “Õãgorãa”, ãrã. Igo poañapu ãmamakũ, igoya dipuru buremabo irirosũ ããrã. <sup>16</sup> Yu werenĩrĩrẽ: “Irasũ ããrĩbea”, ãrì guaseodugunorẽ ãsũ ãrì weregura. Marĩ Jesúre buremurã, gajerã Marĩpureyãrãde irire irasũ dita yãa.

*Marĩ Opure Jesucristo boadeare gũñarã, ìgũ nerẽ baadorederosũ keoro iribiridea*

<sup>17</sup> Dapora musãrẽ gaji gojãa. Irire gojagu, yu musãrẽ: “Õãrõ irirã yãa”, ãrĩbea. Musã nerẽrã, õãrõ iriboanerã, ubu gapu poyanorẽayuro. <sup>18</sup> Irasirigu ãsũ ãrì werepurorigura musãrẽ. Musã nerẽrã, gãme guaseo dukawariayuro. Gajerã yure irire weremakũ pẽgu: “Diayeta ããrĩkoa”, ãrì gũñãa. <sup>19</sup> Musã gãme dukawarirã, ãsũ ãrì gũñãkoa: “Marĩrẽ gãme dukawariro gããmea. Irasirirã, ¿noã gapu Jesucristoyarãgora ããrĩrì? ãrì masĩrãkoa”, ãrĩkoa. <sup>20</sup> Irasirirã musã gãme dukawariri waja, musã marĩ Opure Jesucristo boadeare nerẽ gũñarã, ìgũ buerã merã baatũnugũ dorederosũ keoro iirì, baabea. <sup>21</sup> Musã nerẽ baarã, surãyeri noó gããmerõ baapurorikõã. Gajerã naboama. Gajerã mejãma. <sup>22</sup> Musã noó gããmerõ iirì, baadmarã, ¿nasirirã musãya wiirigue baa, iirìberi? Musã Marĩpureyãrã ããrĩkererã, noó gããmerõ baa, iirirã, musã nerẽrĩrẽ wajamarĩrõsũ irirã yãa. Musã watopegue ããrĩrã baari opamerãrẽ guyasĩũrõ tarimakũ irirã yãa. Musã irasiriri kerere pẽgu, ¿naãsũ ãrì weregukuri yu musãrẽ? “Õãrõ irirã yãa”, ãrĩbirikoa.

### *Marĩ Opũ Jesucristo ĩgũ buerã merã baatũnudeare gojadea*

<sup>23-24</sup> Marĩ Opũ Jesucristo yũre buedeare yũ musãrẽ werebũ. Iri ãsũ ããrã. ĩgũrẽ wẽjẽduarãguere ĩgũrẽ Judas ĩmuburi dupuyuro ma ñamita marĩ Opũ Jesucristo pãrũrẽ ãĩ, Marĩpũre: “Murẽ usuyari sĩa”, ãĩ, irirure pea, ĩgũ buerãrẽ: “I yaa dupũ ããrã”, ãĩ gueredi ããrĩmĩ. “Irasirirã yũ musã merã dapora iriaderosũ nerẽ, pãrũrẽ baarikũ, yũ musãrẽ boabosarire gũñaka!” ãrĩdi ããrĩmĩ. <sup>25</sup> ĩgũsã baa odoadero purũ, pãrũrẽ ãĩderosũta iirĩripare ãĩ, ãsũ ãrĩdi ããrĩmĩ: “Yũ musãrẽ boabosagũ yaa dí béori merã Yũpũ musãrẽ: ‘Õãrõ irigũra’, ãrĩdeare iriyuwarikũgũkumi. Irasirirã musã nerẽ, iirĩripare iirĩrikũ, yũ dí béobosarire gũñaka!” ãrĩdi ããrĩmĩ. <sup>26</sup> ĩgũ ãrĩderosũta irirã, marĩ nerẽrã, pãrũrẽ baarikũ, iirĩripare iirĩrikũ: “Marĩ Opũ Jesucristo marĩrẽ boabosadi ããrĩmĩ”, ãĩ ĩmurãkoa. Irire irinĩkõãrõ gããmea. ĩgũ i ĩmũgue dupaturi aarimakũ, irire irinemobirikoa.

### *Marĩ Opũ Jesucristo boadeare gũñarã, ãsũ iridorea, ãrĩ gojadea*

<sup>27</sup> Marĩ Opũ Jesucristo boadeare marĩ nerẽ gũñaripoe Marĩpũre bũremurĩ marĩrõ merã pãrũrẽ baa, iirĩripare iirĩgũno ñerõ irigũ yãmi. Jesucristo marĩrẽ boabosagũ dí béodeare ubu ããrĩrĩ irirosũ gũñami. <sup>28</sup> Irasirirã pãrũrẽ baa, iirĩripare iirĩburi dupuyuro masakakũ marĩ irideare: “Ñerõ irikubũ”, ãrĩ gũñapũroriro gããmea. <sup>29</sup> Marĩ Opũ Jesucristoya dupũ ããrĩrĩrẽ pẽmasĩrõ marĩrõ merã pãrũrẽ baa, iirĩripare iirĩmakũ, Marĩpũ marĩrẽ wajamoãgũkumi. <sup>30</sup> Musã irire pẽmasĩbiridea waja wãrã musã merãmarã pũrĩrikũrã, turamerã ããrĩma. Surãyeri boakõãsiama. <sup>31</sup> Marĩ baa, iirĩburi dupuyuro marĩ irideare: “Ñerõ irikubũ”, ãrĩ gũñapũrorimakũ, marĩ Opũ marĩrẽ wajamoãbirikumi. <sup>32</sup> Marĩ Opũ gapũ marĩrẽ ĩgũyarãrẽ marĩ ñerĩ iririre piriburo, ãrĩgũ, wajamoãmi. Irasirigũ ĩgũrẽ bũremumerãrẽ peamegue waadore, marĩ gapũre ĩgũsã merã wajamoãbirikumi.

<sup>33</sup> Irasirirã yaarã, musã nerẽ baarã, suro merã baamurã gajerãdere yũka! <sup>34</sup> Uaboagũno ĩgũya wiigue baaburo. Irasirimakũ, musã õãrõ nerẽ baamakũ, Marĩpũ musãrẽ wajamoãbirikumi. Gajire musã pũroque waagũ, õãrõ were ãmũgũra.

## 12

### *Õãgũ deyomarĩgũ Marĩpũyare marĩrẽ irimasĩmakũ iririre gojadea*

<sup>1</sup> Yaarã, Õãgũ deyomarĩgũ Marĩpũyare marĩrẽ irimasĩmakũ irigũ ããrĩmĩ. Yũ irire musãrẽ õãrõ masĩmakũ gããmea. <sup>2</sup> Musã ire õãrõ masĩsiãa. Jesucristore bũremuburi dupuyuro keori weadeare bũremutũyanerã ããrĩbã. Iri keori weadea okari opabea. Neõ werenĩbea. <sup>3</sup> Irasirigũ daporare yũ musãrẽ ire masĩmakũ gããmea. Neõ sugũ Õãgũ deyomarĩgũ iritamurĩ merã weregũ: “Jesũre ñerõ waanaburo”, ãrĩmasĩbirikumi. Gajigũ Õãgũ deyomarĩgũ iritamurĩ marĩrõ merã weregũ: “Jesũs marĩ Opũ ããrĩmĩ”, neõ ãrĩmasĩbirikumi.

<sup>4</sup> Õãgũ deyomarĩgũ Marĩpũyare marĩrẽ irimasĩmakũ iriri, wãri ããrã. ĩgũ sugũta irire sĩgũ ããrĩmĩ. <sup>5</sup> Marĩ Opũ Jesucristo marĩrẽ moãdoreri, wãri ããrã. ĩgũ sugũta irire moãdoregu ããrĩmĩ. <sup>6</sup> Marĩpũyare iriri, sũrosũ ããrĩbea. Marĩpũ sugũta marĩ ããrĩpererãrẽ ĩgũyare õãrõ irimasĩmakũ irigũ ããrĩmĩ. <sup>7</sup> Marĩpũ Õãgũ deyomarĩgũrẽ marĩ masakakũre sĩrĩ merã ĩgũ marĩ merã ããrĩrĩrẽ ĩmumi, ããrĩpererã Jesucristore bũremurãrẽ gãme iritamuburo, ãrĩgũ. <sup>8</sup> Õãgũ deyomarĩgũ surãyerire õãrõ masĩrĩ merã Marĩpũyare weremakũ yãmi. Gajerãdere õãrõ pẽmasĩrĩ merã ĩgũyare weremakũ yãmi. <sup>9</sup> Gajerãrẽ: “Marĩpũ iritamurĩ merã marĩ õãrõ irimasĩãa”, ãrĩ bũremumakũ yãmi. Irasũ ããrĩmakũ, gajerãrẽ ĩgũ turarire sĩmi pũrĩrikũrãrẽ tauburo, ãrĩgũ. <sup>10</sup> Gajerãrẽ ĩgũ turari merã iri ĩmurĩrẽ irimasĩmakũ yãmi. Gajerãrẽ Marĩpũ ĩgũsãrẽ weredorerire õãrõ weremasĩmakũ yãmi. Gajerãrẽ: “Wãtĩ turari merã, o Õãgũ deyomarĩgũ turari merã ãsũ yãmi ĩĩ”, ãrĩ masĩrĩrẽ sĩmi. Gajerãrẽ gajĩ masã ya werenĩrĩ merã ĩgũsã dupuyurogue werenĩmasĩbirideare werenĩmasĩmakũ yãmi. Gajerãrẽ, iri werenĩrĩrẽ masĩbirikererã, Õãgũ deyomarĩgũ iritamurĩ merã: “Ãsũ ãrĩduaro

yáa i”, ãrĩ masĩmakũ yámi. <sup>11</sup> Ōãgũ deyomarĩgũ marĩ masakakũre gajerosũperi dita ãgũ sĩduarire sĩmi. ãgũ sugũta Marĩpũyare marĩ irimasĩburire sĩgũ ããrĩmi.

*Marĩ Cristoyarã ããrĩrã su dupũta irirosũ ããrã, ãrĩ gojadea*

<sup>12</sup> Marĩya dupũma wári ããrã. Wári ããrĩkerero, su dupũta ããrã. Cristode irasũta ããrĩmi. Marĩ ãgũrẽ buremurã wárã ããrĩkererã, su dupũta irirosũ ããrã. <sup>13</sup> Murãrõta marĩ ãgũrẽ buremurã ããrĩpererã: judío masaka, judío masaka ããrĩmerã, gajerãrẽ moãboerã, moãboemerãde wárã ããrĩkererã, Ōãgũ deyomarĩgũ sugũ merãta wãiyesũbu. Irasirigũ marĩrẽ su dupũta irirosũ ããrĩmakũ yámi. Irasirirã marĩ ããrĩpererã Ōãgũ deyomarĩgũrẽ opáa.

<sup>14</sup> Marĩya dupũma ããrĩrĩ su wãita ããrĩbea. Wári ããrĩkõãa. <sup>15</sup> Marĩya gubu werenĩrĩ gubu ããrĩrõ ãsũ ãrĩbokoa: “Mojõ ããrĩbea. Irasiriro mũya dupũma ããrĩbea”, ãrĩbokoa. Marĩya gubu irasũ ãrĩkerero, marĩya dupũmata ããrã. <sup>16</sup> Marĩya gãmipũ werenĩrĩ gãmipũ ããrĩrõ ãsũ ãrĩbokoa: “Koyeru ããrĩbea. Irasiriro mũya dupũma ããrĩbea”, ãrĩbokoa. Marĩya gãmipũ irasũ ãrĩkerero, marĩya dupũmata ããrã. <sup>17</sup> Marĩya dupũ, koyeru dita ããrĩmakũ, ¿nasirisĩã, pébokuri marĩ? Marĩya dupũ, gãmipũ dita ããrĩmakũ, ¿nasirisĩã, gajinorẽ wĩjĩbokuri marĩ? <sup>18</sup> Marĩpũ marĩya dupũre irigũ, ããrĩpereri ãgũ gããmerõsũta keoro iridi ããrĩmĩ. <sup>19</sup> ããrĩpereri marĩya dupũgue ããrĩrĩno su wãita ããrĩmakũ, marĩya dupũ marĩbokuyo. <sup>20</sup> ãsũ ããrã. Marĩya dupũgue ããrĩrĩ wári ããrĩkererũ, su dupũta ããrã. I irirosũta marĩ Jesúre buremurã wárã ããrĩkererã, su dupũta irirosũ ããrã.

<sup>21</sup> Irasiriro koyeru, mojørẽ: “Murẽ gããmebea”, ãrĩmasĩbirikoa. Dipuru, guburire: “Murẽ gããmebea”, ãrĩmasĩbirikoa. <sup>22</sup> ãsũ gapũ ããrã. Gaji marĩya dupũgue ããrĩrĩ, turabiri ããrĩkererũ, marĩ gapũ irire burõ gããmea. <sup>23</sup> Gaji marĩya dupũgue ããrĩrĩrẽ: “Ubu ããrĩrĩ ããrã”, ãrĩ gũñãa. Irasirirã irire õãrõ deyoburo, ãrĩrã, õãrõ ãmua. Gaji marĩ gũyasĩrĩsãrĩrẽ surĩ sãña kãmutãa masaka ããrĩkõãburo, ãrĩrã. <sup>24</sup> Gaji marĩya dupũgue ããrĩrĩrẽ õãrĩ deyori gapũre ãmubea. Marĩpũ marĩya dupũgue ããrĩrĩrẽ ããrĩpererire õãrõ ãmudi ããrĩmĩ, su dupũta õãrõ dupũkũburo, ãrĩgũ. Irasirigũ: “Ubu ããrĩrĩ ããrã”, marĩ ãrĩrĩ gapũre õãrõ gããmemakũ yámi. Irasirirã marĩ neõ gajigũ Jesúyagũre: “Ubu ããrĩgũ ããrĩmi, irasirirã ãgũrẽ gããmebea”, ãrĩbirikõãrõ gããmea. <sup>25</sup> ãsũta ããrĩdoredi ããrĩmĩ, Marĩpũ marĩya dupũ suro merã iritamuburo, ãrĩgũ. <sup>26</sup> Marĩya dupũgue ããrĩrĩ su wãĩ ñerõ tarimakũ, gajide ããrĩpereri ñerõ taria. Su wãirẽ õãrõ ãmumakũ: “Marĩya dupũ ããrĩperero õãrõ ããrã”, ãrĩ gũñãa.

<sup>27</sup> Yũ irire ãrĩgũ, ãsũ ãrĩduagũ yáa. Marĩ Cristore buremurã ãgũya dupũ irirosũ ããrã. Irasirirã marĩ masakakũ ãgũya dupũgue ããrĩrã irirosũ ããrã. <sup>28</sup> Irasirigũ Marĩpũ marĩ Jesúre buremurãrẽ gãme iritamuburire pígu, ãsũ pídi ããrĩmĩ. Jesucristo buedoregũ pínerãrẽ pípuroridi ããrĩmĩ. Pũrũ Marĩpũ gajerãrẽ ãgũ weredorerosũ weremurãrẽ pídi ããrĩmĩ. Pũrũ gajerãrẽ ãgũyare buemurãrẽ pídi ããrĩmĩ. Gajerãrẽ ãgũ turaro merã iri ãmumurãrẽ, gajerãrẽ pũrĩrikũrãrẽ taumurãrẽ, gajerãrẽ masakare iritamumurãrẽ, gajerãrẽ dorerimasã ããrĩmurãrẽ, gajerãrẽ gaji masã ya merã ãgũsã dupuyurogue neõ werenĩmasĩbirideare werenĩmasĩmurãrẽ pídi ããrĩmĩ. <sup>29</sup> Irasirigũ marĩ ããrĩpererãrẽ sũrosũ irimurãrẽ píbiridi ããrĩmĩ. Irasirirã marĩ ããrĩpererã Jesucristo buedoregũ pínerã meta ããrã. Marĩ ããrĩpererã Marĩpũ weredorerosũ wererã meta ããrã. Marĩ ããrĩpererã Marĩpũyare buerã meta ããrã. Marĩ ããrĩpererã Marĩpũ turaro merã iri ãmumurã meta ããrã. <sup>30</sup> Marĩ ããrĩpererã pũrĩrikũrãrẽ taumasĩrã meta ããrã. Marĩ ããrĩpererã gaji masã ya werenĩrĩ merã werenĩmasĩrã meta ããrã. Marĩ ããrĩpererã ãgũsã werenĩrĩrẽ péadero pũrũ: “ãsũ ãrĩduaro yáa”, ãrĩ wererã meta ããrã. <sup>31</sup> Irasirirã Ōãgũ deyomarĩgũ Marĩpũyare irimasĩrĩ sĩrĩrẽ gããmekã mũsã! Yũ mũsãrẽ i ããrĩpereri nemorõ õãrĩrẽ wererũ.

## 13

*Gãme maĩrĩmarẽ gojadea*

<sup>1</sup> Marĩ gaji masã ya werenĩrĩre werenĩmasĩkererã, Marĩpũre wereboerã ya werenĩrĩre werenĩmasĩkererã, gajerãrẽ maĩbirimakũ, marĩ werenĩrĩ wajamarĩbokoa. Kõme majĩ pábiramakũ busũrosũ marĩ werenĩrĩ busũkõãbokoa. <sup>2</sup> Marĩpũ marĩrẽ weredorerosũ õãrõ weremasĩkererã, gajerãrẽ maĩbirimakũ, marĩ wereri wajamarĩbokoa. Aãrĩpererire masĩkererã, Marĩpũyare masaka dupuyurogue masĩbiridea aãrĩpererire pémasĩkererã, gajerãrẽ maĩbirimakũ, marĩ masĩrĩ wajamarĩbokoa. Marĩpũre bũremurĩ marĩrẽ ìgũ sĩrĩ merã buúrure gajerogue waadoremasĩkererã, gajerãrẽ maĩbirimakũ, marĩ bũremurĩ merã iriri wajamarĩbokoa. <sup>3</sup> Marĩ opari aãrĩpereri boporãrẽ sĩkererã, ìgũsãrẽ maĩbirimakũ, marĩ iriri wajamarĩbokoa. Marĩpũyare marĩ iridea waja marĩya dupũre masaka sokekererũ, marĩ gajerãrẽ maĩbirimakũ, Marĩpũ marĩrẽ: “Õãrõ iribũ”, ãrĩbiribokumi.

<sup>4</sup> Marĩ gajerãrẽ maĩrã, mata ìgũsã merã guaña máa. Ìgũsãrẽ bopoñarĩ merã õãrõ yáa. Ìgũsãrẽ ìãturiña máa. “Ìgũsã nemorõ õãgũ aãrã”, ãrĩmasĩña máa. “Ìgũsã nemorõ masĩtarinũgãgũ aãrã”, ãrĩmasĩña máa. <sup>5</sup> Marĩ gajerãrẽ maĩrã, ìgũsãrẽ bũremurĩ merã keoro werea. Marĩya aãrĩburi direta gũñabea. Ìgũsãya aãrĩburidere gũñáa. Ìgũsãrẽ guari merã wereña máa. Ìgũsã marĩrẽ ñerõ irimakũ, yoaripoe ìgũsã merã guanĩña máa. <sup>6</sup> Gajerãrẽ maĩrã, ìgũsã ñerõ irimakũ ìãrã, usũyamasĩña máa. Diayema gapũre ìgũsã irimakũ ìãrã, usũyáa. <sup>7</sup> Marĩ gajerãrẽ maĩrã, ìgũsã ñerõ irimakũ ìãrã, masakare neõ kere werebea. Gajerã ìgũsãrẽ werewũakererũ, marĩ ìgũsãrẽ bũremurĩrẽ neõ piribirikoa. “Pũrugue ìgũsãde õãrĩ gapũre irirãkuma”, ãrĩ gũñáa. Ìgũsã iriri merã marĩ ñerõ tarikererã, ìgũsãrẽ maĩsĩã, neõ piribeã.

<sup>8</sup> Marĩ gãme maĩrĩ neõ perebirikoa. Marĩpũ weredorerosũ wereri gapũ pererokoa. Gaji masã ya merã marĩ werenĩrĩde pererokoa. Marĩpũyare masĩrĩ merã õãrõ wereride, pũrugue pererokoa. Iri irasũ waamakũ, marĩ masĩdero nemorõ aãrĩpererire masĩrãkoa. <sup>9</sup> Daporare marĩ aãrĩpereri Marĩpũyare masĩbea. Ìgũ weredorerosũta ìgũ masĩrĩ sĩrĩ merã werekererã, aãrĩpereri ìgũyare weremasĩbea. <sup>10</sup> Pũrugue Jesucristo Marĩpũyare masĩpeogũ aarimakũ, marĩ masĩbirideare masĩpeorãkoa.

<sup>11</sup> Yũ majĩgũ aãrĩgũ, majĩrã irirosũ gũñarĩ marĩrõ werenĩ, ìgũsã irirosũta iriunabũ. Yũ bũgũro waagũ, majĩrã irirosũ aãrĩdeare pirikõãbũ. <sup>12</sup> Daporare Marĩpũyare marĩ õãrõ masĩbea. Diuru bũgũru merã marĩ ãĩnamakũ õãrõ deyomarĩrõ irirosũ aãrã. Õãrõ deyobeã. Pũrũ õãrõ deyorogue Marĩpũre ìãrãkoa. Daporare marĩ ìgũrẽ sĩrũgã masĩã. Pũrũ Marĩpũ marĩrẽ masĩpeorosũta marĩde masĩpeorãkoa.

<sup>13</sup> Daporare ure wãĩ aãrã: Marĩpũre bũremurĩ, ìgũ marĩrẽ õãrõ irigũkumi, ãrĩ usũyari, marĩ gãme maĩrĩ aãrã. Iri ure wãĩ neõ perebirikoa. Gãme maĩrĩ gapũ gaji nemorõ õãrĩ aãrã.

## 14

### *Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea*

<sup>1</sup> Gajerãrẽ maĩnemoka! Irasũ aãrĩmakũ, Marĩpũyare Õãgũ deyomarĩgũ musãrẽ irimasĩrĩ sĩrĩrẽ gããmekã! Aãrĩpereri ìgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ weremasĩrĩ gapũre bũro gããmekã! <sup>2</sup> Sugũ gaji masã ya werenĩrĩ merã werenĩmasĩbirikeregũ werenĩmakũ, Marĩpũ dita ìgũ werenĩrĩrẽ pémi. Masaka gapũ ìgũ werenĩrĩrẽ pébema. Õãgũ deyomarĩgũ turari merã Marĩpũyare masĩña marĩdeare werenĩmi. <sup>3</sup> Marĩpũ weredorerosũ weregũ gapũ masakare weremi. Ìgũ wereri pérãrẽ Jesucristore bũremunemomakũ yãmi. Ìgũ wereri merã ìgũsãrẽ õãrõ aãrĩrikũmakũ, õãrõ yũjũpũrãkũmakũ yãmi. <sup>4</sup> Gaji masã ya werenĩrĩ merã werenĩmasĩbirikeregũ werenĩgũ ìgũ basi Jesucristore bũremunemogũ yãmi. Marĩpũ weredorerosũ weregũ gapũ gajerã Jesucristore bũremurãrẽ ìgũrẽ bũremunemomakũ irigũ yãmi.

<sup>5</sup> Gaji masã ya werenírĩ merã musã werenímasĩbirideare ããrĩpererã musã werenímasĩmakũ gããmea yu. Iri nemorõ Marĩpu weredorerosũ musã weremakũ buro gããmea. Marĩpu weredorerosũ weregu gapu, gaji masã ya werenírĩ merã werenígũ nemorõ masakare iritamugũ ããrĩmi. Irasũ ããrĩkerepu, gaji masã ya werenírĩrẽ pégu: “Ãsũ ãrĩduaro yáa”, ãrĩ weremakũ õãgoráa. Ígũ irasũ ãrĩ weregu, Jesucristore buremurãrẽ ígũrẽ buremunemomakũ irigu yámi. <sup>6</sup> Yaará, yu musã prougue waagú, gaji masã ya werenírĩ merã werenígũ, musãrẽ iritamubiribokoa. Marĩpu ígũyare yure masĩmakũ irideare weregu, ígũya diayema kerere masĩrĩ merã weregu, ígũ yure weredorerire weregu, ígũyare musãrẽ buegu, musãrẽ iritamubokoa.

<sup>7</sup> Keori merã musãrẽ weregu. Tẽrẽdirure keoro puribirimakũ, o arpa wãikuro buaputẽrõde keoro buaputẽbirimakũ, iri wãĩ bayari ããrĩkoa, ãrĩmasĩña máa. <sup>8</sup> Surara gãmewẽjẽrã waaburi dupuyuro sugu ígũsã merãmu puridirure keoro puribirimakũ, gajerã surara ígũsã mojõkuburire ãmubirikuma. <sup>9</sup> Musãde irasũta ããrã. Musã gaji masã ya werenírĩ merã werenímakũ pérã: “Ãsũ ãrĩrã irikuma ígũsã”, ãrĩmasĩbirikuma. Irasirirã musã ubugorata werenímoãmakõãrã irikoa. <sup>10</sup> I ãmũguere wári buri marã ããrĩma. Ígũsã basi ígũsã werenírĩrẽ pémasĩma. <sup>11</sup> Yu gaji masã ya werenírĩ merã werenígũrẽ pébi: “Gajeromu ããrĩmi”, ãrĩ gũñagukoa. Ígũde yu gaji masã ya werenírĩ merã werenímakũ pébi yure: “Gajeromu ããrĩmi”, ãrĩ gũñagukumi. <sup>12</sup> Irasũta ããrã musãdere. Musã Õãgũ deyomarĩgũ turaro merã irimasĩrĩ sĩrĩrẽ gããmea. Irasirirã gajerã Jesucristore buremurãrẽ ígũrẽ buremunemomakũ irimasĩrĩrẽ buro gããmekã!

<sup>13</sup> Irasirigu sugu gaji masã ya werenírĩ merã werenímasĩbirikeregu werenígũno Marĩpũre: “Yu werenírĩrẽ gajerãrẽ: ‘Ãsũ ãrĩduaro yáa’, ãrĩ weremakũ iritamuka yure!” ãrĩ sãrẽburo. <sup>14</sup> Yu gaji masã ya werenírĩ merã werenímasĩbirikeregu werenírĩ merã Marĩpũre sãrẽgũ, Õãgũ deyomarĩgũ gũñarĩ sĩrĩ merã sãrẽa. Irasũ sãrẽkeregu, gũñarĩ merã yu sãrẽadeare: “Ãsũ ãrĩduaro irikoa”, ãrĩ pémasĩbirikoa. <sup>15</sup> Irasirirã ãsũ iriro gããmea. Õãgũ deyomarĩgũ turari merã gaji masã ya werenírĩ merã Marĩpũre sãrẽrõ gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpũre sãrẽrõ gããmea. Õãgũ deyomarĩgũ turari merã gaji masã ya werenírĩ merã Marĩpũre bayapeoro gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpũre bayapeoro gããmea. <sup>16</sup> Marĩ Õãgũ deyomarĩgũ turari merã gaji masã ya werenírĩ merã Marĩpũre usuyari sĩkerepu, marĩ merã ããrĩrã pẽbiribokuma. Ígũsã irire pẽmerã: “Irasũta ããrã”, ãrĩ, marĩ merã Marĩpũre usuyari sibiribokuma. <sup>17</sup> Marĩ gaji masã ya werenírĩ merã Marĩpũre usuyari sĩrĩ õãgoráa. Irasũ ããrĩkerepu, marĩ merã ããrĩrã gapu marĩ werenírĩrẽ pẽbirimakũ, marĩ ígũsãrẽ Jesucristore buremunemomakũ iribirikoa. <sup>18</sup> Gaji masã ya werenírĩ merã werenímasĩbirikeregu werenírĩrẽ yuta musã ããrĩpererã nemorõ werenía. Irire irisĩa, Marĩpũre usuyari sĩa. <sup>19</sup> Irasũ ããrĩkeregu, Jesure buremurã nerẽrõgue gaji masã ya werenírĩ merã wári musã pẽbirire yu weremakũ musãrẽ õãbirikoa. Musã pémasĩrĩrẽ yu mĩrĩgã weremakũ gapu, musãrẽ õãrokoa.

<sup>20</sup> Yaará, majĩrã pémasĩmerã irirosũ gũñabirikõãka! Murã irirosũ õãrõ pémasĩrĩ merã gũñaka! Nẽrõ iriri gapure majĩrãgã gũñamerã irirosũ ããrĩka! <sup>21</sup> Marĩpũya werenírĩ gojadea pũgue ãsũ ãrĩ gojasũdero ããrĩbũ: “Marĩ Opũ ãsũ ãrĩmi: ‘Gajero marãrẽ ígũsã ya werenírĩ merã i makã marãrẽ weredoregu. Yaare ígũsãrẽ irasũ weredorekerepu, i makã marã yure neõ buremubirikuma’, ãrĩmi marĩ Opũ”, ãrĩ gojasũdero ããrĩbũ. <sup>22</sup> Irasirigu Marĩpu gajero marãrẽ ígũsã ya werenírĩ merã ígũrẽ buremurãrẽ weredoregu, ígũsã ígũrẽ buremubirire ãmumi. Ígũrẽ buremurã gapure irasiribemi. Ígũyare ígũ weredorerosũ wererã merã ígũsãrẽ weremi. <sup>23</sup> Irasirirã musã Jesure buremurã nerẽrõgue gaji masã ya werenírĩ merã werenímasĩbirikererã werenírĩrẽ musã ããrĩpererã wereníbokoa. Musã irasũ werenímakũ, Marĩpũyare masĩmerã, gajerã Jesure



buremumerãde ñajãjabokuma. Mũsã irasũ werenírĩrẽ pérã, mũsãrẽ: “Niãrĩmasã ããrĩma”, ãrĩbokuma. <sup>24</sup> Mũsã ããrĩpererã Marĩpũ weredorerosũ weremakũ Marĩpũyare masĩbi, Jesũre buremubide ñajãri pégu, ãgũ ñerõ irideare masĩgakumi. Irasirigu ãgũ ñerĩ irideare bujaweregukumi. <sup>25</sup> ãgũ gũñarĩgue ñerõ: “Ñerĩrẽ gũñayo yũ”, ãrĩ pémasĩgakumi. Irasirigu ñadũkupuri merã ejamejã, Marĩpũre: “Yũ Opũ ããrã”, ãrĩ buremugukumi. Irasũ ããrĩmakũ: “Marĩpũ diayeta mũsã merã ããrĩmi”, ãrĩ masĩgakumi.

*Mũsã nerẽrã, gopeyari merã õãrõ keoro irika! ãrĩ gojadea*

<sup>26</sup> Yaarã, mũsãrẽ ãsũ ãrĩ werea. Mũsã nerẽmakũ, surãyeri Marĩpũre bayapeoma. Gajerã Marĩpũyare buema. Gajerã Marĩpũ ãgũyare ãgũsãrẽ masĩmakũ irideare werema. Gajerã gaji masã ya werenírĩ merã werenĩmasĩbirikererã werenĩma. Gajerã iri werenírĩrẽ: “Ãsũ ãrĩduaro yãa”, ãrĩ werema. Irasirirã ããrĩpereri irire mũsã Jesũre buremurã õãrõ keoro irika, mũsã ãgũrẽ buremunemoburosũta! <sup>27</sup> Irasirirã gaji masã ya werenírĩ merã werenĩmasĩbirikererã werenĩrã, pẽrã, o ñrerã werenĩburo. Sugũ werenĩ odoadero pũrũ, gajigu werenĩburo. Pũrũ gajigu ãgũsã werenírĩrẽ: “Ãsũ ãrĩduaro yãa”, ãrĩ wereburo. <sup>28</sup> Mũsã nerẽmakũ, ãgũsã werenírĩrẽ: “Ãsũ ãrĩduaro yãa”, ãrĩ werebu marĩmakũ, gaji masã ya merã werenĩbirikõãburo. ãgũsã seyaro ãgũsã gũñarĩgue Marĩpũ merã werenĩburo. <sup>29</sup> Marĩpũ weredorerosũ wererãde, pẽrã, o ñrerã wereburo. Irasũ keoro weremakũ pérã, gajerã ãgũsã wererire: “Diayeta Marĩpũya kereta ããrã”, ãrĩburo. <sup>30</sup> Mũsã nerẽrõgue sugũ weremakũ, Marĩpũ gajigũre irogũ doagũre weredoremakũ, werepũroriadi gapũ toeburo. <sup>31</sup> Mũsã irasũ irirã, mũsã ããrĩpererã Marĩpũ weredorerosũ weremasĩrãkoa. Sugũ werepũroriadi were odoadero pũrũ, gajigu werewãgãnaburo. Irasirimakũ, ããrĩpererã pé, õãrõ yũpũrãkũrãkuma. <sup>32</sup> Marĩpũ weredorerosũ wererã mũsã wereburi dupuyuro: “¿Naãsũ ããrĩmakũ irire wererãkuri?” ãrĩ gũñapũroriro gããmea. <sup>33</sup> Marĩ nerẽmakũ, Marĩpũ marĩrẽ keoro irimakũ gããmemi. Noó gããmerõ iriro marĩrõ ñsũyari merã nerẽmakũ gããmemi. ããrĩpererogue Jesũre buremurã nerẽrãrẽ irasũ dita irimakũ gããmemi.

<sup>34</sup> Jesũre buremurã nerẽmakũ, nome werenĩbirikõãburo. Nomerẽ werenĩdoreri máa. Werenĩrõnorẽ irirã, Marĩpũya werenírĩ gojadea pũgue doredorosũta õãrõ péro gããmea. <sup>35</sup> Jesũre buremurã nerẽmakũ, sugo nomeõ werenĩgõ, gũyasĩũrõ iribokumo. Irasirigo igo gajino õãrõ pébirideare masĩduago igoya wiigũ igo marãpũre sërẽñaburo.

<sup>36</sup> Ire mũsã masĩka! Mũsã Marĩpũya kerere werepũrorinerã ããrĩbea. Irasũ ããrĩmakũ, mũsã dita ãgũyare buremurã ããrĩbea. Gajerãde ãgũrẽ buremurã ããrĩma. <sup>37</sup> Sugũ mũsã merãmũ: “Yũ Marĩpũ weredorerosũ weregu ããrã”, ãrĩ gũñagũ, o gajigu: “Yũ Õãgũ dey-omarĩgũ irimasĩrĩ sĩrĩrẽ opãa”, ãrĩ gũñagũ, i yũ mũsãrẽ gojarire: “Marĩ Opũ doreri ããrã”, ãrĩ masĩgakumi. <sup>38</sup> Yũ gojarire: “Marĩ Opũ doreri ããrĩbea”, ãrĩmakũ, ãgũrẽ: “Marĩpũyare weregu ããrĩbemi”, ãrĩka!

<sup>39</sup> Yaarã, Marĩpũ weredorerosũ weremasĩrĩrẽ bure gããmea mũsã! Mũsã merãmarãrẽ ãgũsã gaji masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka! <sup>40</sup> Mũsã nerẽrã, noó gããmerõ iribirikõãka! Gopeyari merã ããrĩpereri mũsã iririre õãrõ keoro irika!

## 15

*Cristo masãdeare gojadea*

<sup>1</sup> Yaarã, yũ mũsãrẽ iripoegue weredea, Jesucristo masakare tauri kerere daporare gũñamakũ gããmea. Mũsã irire pérã, buremubũ. Daporadere irire buremunikõãa. <sup>2</sup> Mũsã iri kerere buremusĩã, peamegue waamurã meta ããrã. Iri kerere mũsãrẽ yũ weredeare buremurĩrẽ piribirimakũ, Marĩpũ mũsãrẽ taugũkumi. Mũsã iri kerere buremubirinerã, diayeta tausũbiribokoa.

<sup>3</sup> Yure buedeare masārē weretaubũ. Iri bueri, gaji bueri nemorō ōātaria. Āsũ āārã. Marĩpũya werenĩrĩ gojadea pũgue gojaderosũta Cristo marĩ ñerō iridea waja marĩrē boabosadi āārĩmĩ. <sup>4</sup> Īgũ boadero pũũ, ĩgũrē yáanerã āārĩmã. Pũũ Marĩpũya werenĩrĩ gojadea pũgue gojaderosũta urenũ waaró merã Marĩpũ ĩgũrē masũdi āārĩmĩ. <sup>5</sup> Īgũrē masũdero pũũ, Cristo Pedrore deyoayupũ. Pũũ ĩgũ buedoregũ pĩnerã, pe mojõma pere su gubu peru pērēbejarārē deyoayupũ. <sup>6</sup> Pũũ suñarō wárã quinientos masaka nemorō ĩgũrē bũremurārē deyoayupũ. Wárã ĩgũrē ĩānerã okama dapa. Gajerã boasianerã āārĩmã. <sup>7</sup> Pũũ Santiagore deyoayupũ. Iro pũũ āārĩpererã ĩgũ buedoregũ pĩnerārē deyoayupũ.

<sup>8</sup> Āārĩpererã gajerārē ĩgũ deyoadero pũũ, yũdere deyoatũnumi pama. Majĩgũgã keoro deyoabigã deyoadi irirosũ yũ āārĩkeregũ, Jesũre bũremutũyãa. <sup>9</sup> Īgũ yure deyoaburi dupuyurogue ĩgũrē bũremurārē ñerō irigorenabũ. Irasirigũ gajerã Jesús buedoregũ pĩnerã āārĩpererã dokague āārã. Masaka yure: “Īgũ Jesús buedoregũ pĩdi āārĩmĩ”, ārĩmakũ: “Yũ Jesús buedoregũ pĩbodi āārĩbiradibũ”, ārĩ gũñãa. <sup>10</sup> Irasũ āārĩkerepũũ, Marĩpũ yure ōārō iritamumi. Irasirigũ Jesucristo yure ĩgũyare buedoregũ pĩmĩ. Marĩpũ yure ubugora ōārō iritamugũ meta yãmi. Yũ āārĩpererã gajerã Jesucristo buedoregũ pĩnerã nemorō moãa. Yũ gũñarĩ merã irasiribea. Marĩpũ yure ōārō iritamugũ, yũ merã āārĩnkõãmi. Yure ĩgũ iritamurĩ merã ōārō moãmakũ yãmi. <sup>11</sup> Yũ bueri, gajerã Jesucristo buedoregũ pĩnerã bueri irirosũta āārã. Gũã āārĩpererã Jesucristo boa, masãdea kerere buea. I kerere pērã, masã ĩgũrē bũremunũgãbũ.

### *Boanerã masãburire gojadea*

<sup>12</sup> Gũã, Cristo boa, masãdeare buekerepũũ, gajerã masã merã āārĩrã: “Boanerã neõ masãbirikuma”, ārĩma. ¿Nasirĩã irasũ ārĩrĩ ire? <sup>13</sup> Boanerã masãburi marĩmakũ, Cristode masãbiribodi āārĩmĩ. <sup>14</sup> Cristo masãbirimakũ, gũã bueri neõ wajamarĩbokoa. Masã ĩgũrē bũremurĩde wajamarĩbokoa. <sup>15</sup> Marĩpũ boanerārē masũbi, Cristodere masũbiribodi āārĩmĩ. Īgũ irasũ iribirimakũ, gũã: “Marĩpũ Cristore masũdi āārĩmĩ”, ārĩrã, ārĩgatorã iribokuyo. <sup>16</sup> “Boanerã masãbirikuma”, ĩgũsã ārĩrĩ diaye āārĩmakũ, Cristode masãbiribodi āārĩmĩ. <sup>17</sup> Cristo masãbirimakũ, ĩgũrē masã bũremurĩ wajamarĩbokoa. Irasirirã masã ñerĩ iridea waja, waja opakõãbokoa dapa. <sup>18</sup> Diayeta i irasũ āārĩmakũ, Cristore bũremurã boanerã, ĩgũrē bũremubirinerã peamegue waamurã irirosũ āārĩbokoma. <sup>19</sup> Marĩ Cristore bũremurã: “Marĩ okarinurĩ dita ĩgũ merã ōārō āārĩrãkoa. Marĩ boadero pũũ masãburire masĩña máa”, ārĩ gũñarã, āārĩpererã masaka nemorō boporã āārĩbokoa.

<sup>20</sup> “Cristo boadero pũũ, masãdi āārĩmĩ”, ārĩrĩ gapũ diaye āārã. Marĩ āārĩpererã masaka boadero pũũ masãburi dupuyuro masãpũroridi āārĩmĩ. <sup>21</sup> Āsũ āārã. Neõgorague āārĩpũroridi Adán ñerĩ iripũroridea waja marĩ masaka āārĩpererã boamurã dita āārã. Pũũ Jesucristo ōārĩrē iripeodea waja marĩ boadero pũũ masãrãkoa. <sup>22</sup> Marĩ masaka āārĩpererã Adán parãmerã āārĩturĩarã āārĩrĩ waja boamurã dita āārã. Cristoyarã marĩ āārĩmakũ, marĩ boadero pũũ, Marĩpũ marĩ āārĩpererārē masũgũkumi. <sup>23</sup> Marĩpũ marĩrē keoro masũgũkumi. Cristo masãsiadi āārĩmĩ. Pũũ ĩgũ i ãmũgue dupaturi aarimakũ, marĩ ĩgũyarã āārĩsĩã, masãrãkoa. <sup>24</sup> Irasũ waamakũ, i ãmũ pereakõãrokoa. Irinurē Cristo āārĩpererã ñerārē: oparārē, dorerārē, turarārē béogũkumi. Īgũ irasiriadero pũũ, ĩgũ Pagure ĩgũ āārĩpererã Opũ āārĩrĩrē wiagũkumi. <sup>25</sup> Īgũ wiaburi dupuyuro Marĩpũ Cristore ĩaturĩrã āārĩpererārē béogũkumi. Īgũsārē béoburi dupuyuro Marĩpũ gããmederosũta Cristo āārĩpererã Opũ āārĩgũkumi. <sup>26</sup> Āārĩpererã ĩgũrē ĩaturĩrārē béodero pũũ, boaridere pere-makũ irigũkumi. <sup>27</sup> Marĩpũ ĩgũya werenĩrĩ gojadea pũgue ārĩderosũta Cristore āārĩpererārē doregũ, āārĩpererire opagũ āārĩmakũ iridi āārĩmĩ. Irasũ ārĩrō: “Marĩpũ weka doregũ Cristo āārĩmĩ”, ārĩdũaro meta yãa. Marĩputa āārĩpererire, āārĩpererārē Cristo dokague pĩdi āārĩmĩ. <sup>28</sup> Marĩpũ ĩgũrē irasiri ododero pũũ, Cristo Marĩpũ magũ ĩgũ āārĩpererārē doregũ,

ããrĩpereri opagu ããrĩrĩrẽ Marĩpũre wiagakumi. Irasirigu Marĩpũ ããrĩpereri, ããrĩpererã Opũ ããrĩgũkumi.

<sup>29</sup> Gaji ããrã. “Boanerã masãbirikuma”, ĩgũsã ãrĩkerekerepũ, ĩnasirirã gajerã masaka boanerãya ããrĩburire wãĩyebosayuri? ĩgũsã: “Boanerã masãbirikuma”, ãrĩrã, ĩgũsãya ããrĩburire wãĩyebosabiribokuma.

<sup>30</sup> Gũa: “Boanerã masãrãkuma”, ãrĩ bueri waja ãmũrikũ gajerã gũare ñerõ iridũama. Gũare ĩgũsã ñerõ iridũakererepũ, boanerã masãburire masĩsĩã, irire buenĩkõãa. <sup>31</sup> Yaarã, i diayeta ããrã. Marĩ Opũ Jesucristore musã buremumakũ ĩãgũ, yũ burõ usũyãa. Ide diayeta ããrã. Ñmũrikũ: “Masaka yũre wẽjẽkõãrãkuma”, ãrĩ pẽñaã. <sup>32</sup> Yũ Jesucristoya kerere bueri waja Efesoguere makãnúũ marã yãa burõ guarã irirosũ ããrĩrã, yũre ñerõ irima. “Boanerã masãbirikuma”, ĩgũsã ãrĩrĩ diaye ããrĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ĩgũsã ãrĩrĩ diaye ããrĩmakũ, marĩde gajerã irirosũ ãsũ ãrĩ werenĩbokoã: “Nãka baa, iirĩrã! Ñamigã boakõãbokoa. Irasirirã marĩ boaburi dupuyuro marĩ gããmerõ irirã!” ãrĩbokoa.

<sup>33</sup> Gajerã ãrĩgatorire pãbirikõãka! Masaka ãsũ ãrĩ werewũakuma: “Ñerãrẽ wapikũrã, musã õãrõ iririkũre pirikõãrãkõa”. <sup>34</sup> Irasirirã musã dupuyurogue goepeyari merã keoro iriderosũta irika doja! Ñerĩrẽ irinemobirikõãka! Musã surãyeri Marĩpũre masĩbea. Musãrẽ gũyasĩrĩdoregũ irasũ ããrã.

### *Boanerã masãburire gojanemodea*

<sup>35</sup> Gajipoe sugũ ãsũ ãrĩ sãrẽñabokumi: “ĩNasiri boanerã masãrãkuri? ĩNaásũperi dupũ oparãkuri?” ãrĩbokumi. <sup>36</sup> Irasũ sãrẽñagũ pẽmasĩbi ããrĩmi. Marĩ oteri yeri otedero pũrũ, iri yeri puriburi dupuyuro yeba poekague boakõãkõa. Boa, pũrũ puri wirikõa. Boabirimakũ, neõ puri wirimasĩbirikõa. <sup>37</sup> Marĩ oterã, puridiguere ãĩ otebea. Dupayeri direta otea. Iri yeri trigo yeri ããrĩrõ, o gaji yeri ããrĩrõ ããrĩkõa. <sup>38</sup> Iri yerire marĩ otedero pũrũ, Marĩpũ gapũ ĩgũ gããmederosũta iri yerire purimakũ yãmi. Irasirigu ojodũka yerire ojodũkañũ waamakũ yãmi. Trigo yerire trigo sari waamakũ yãmi. Irasũ dita yãmi Marĩpũ. <sup>39</sup> ããrĩpererã okari oparã sũrosũ dupũkũrã ããrĩbema. Masakaya dupũ, waimũrãya dupũ irirosũ ããrĩbea. Mirãya dupũ, waaiya dupũ irirosũ ããrĩbea. <sup>40</sup> Ñmarõ marãya dupũ, i ãmũ marãya dupũ irirosũ ããrĩbea. Ñmarõ marã õãrĩ dupũ opama. I ãmũ marã, ãmarõ marã irirosũ ããrĩbirikererã, ĩgũsãde õãrĩ dupũ opama. <sup>41</sup> Abe ãmũmũ kũmijũrĩ merã asimi. Ñamimũ irirosũ boyobemi. Neñukãde gajerosũperi gosema. Neñukãrẽ marĩĩãmakũ, gajerã sĩrũgã goserã deyoma. Gajerã burõ goserã deyoma.

<sup>42</sup> Marĩ boanerã masãrã ãsũ ããrĩrãkõa. Marĩ boamakũ yãadero pũrũ, marĩya dupũ boarokõa. Pũrũ masãrã, gaji dupũ neõ boabiri dupũ oparãkõa. Irasirirã neõ dupaturĩ boabirikõa. <sup>43</sup> Marĩya dupũre yãamakũ, boanerãya dupũ boari dupũ, turabiri dupũ darõ ããrã. Marĩpũ marĩrẽ masũmakũ, marĩya dupũ õãrĩ dupũ, turari dupũ ããrĩrokõa. <sup>44</sup> Marĩya dupũre yãamakũ, marĩya dupũ i ãmũma dupũ ããrã. Marĩ boanerã masãmakũ, marĩya dupũ ãmũgasima dupũ ããrĩrokõa. Irasirirã ãsũ ãrĩ masĩa. Daporare marĩ i ãmũma dupũre opãa. Pũrũ ãmũgasima dupũre oparãkõa.

<sup>45</sup> Marĩpũya werenĩrĩ gojadea pũgue ãsũ ãrĩ gojasũderõ ããrĩbũ: “Marĩpũ ĩgũ iripũroridi Adãrẽ okarire sĩdi ããrĩmĩ”, ãrĩ gojasũderõ ããrĩbũ. Adãn pũrũmũ Jesucristo gapũ perebiri okarire sĩgũ ããrĩmĩ. <sup>46</sup> Marĩ i ãmũma dupũre opapũroria. Pũrũguere ãmũgasima dupũre oparãkõa. <sup>47</sup> I ãmũgue ããrĩpũroridi Adãn, nikũ merã irisũdi ããrĩmĩ. ĩgũ pũrũmũ marĩ Opũ Jesucristo gapũ ãmũgasiguemũ ããrĩmĩ. <sup>48</sup> Adãn nikũ merã iridea dupũ dupũkũderõsũ marĩ ããrĩpererã nikũ merã iridea dupũ dupũkũã. Irasũ ããrĩmakũ, ãmũgasiguemũ Jesucristoyarã ããrĩsĩã, ĩgũya dupũ irirosũ dupũkũrãkõa. <sup>49</sup> Adãn nikũ merã irisũdi ããrĩmĩ. Marĩ ĩgũ irirosũ dupũkũã. Pũrũ ãmũgasiguemũ Cristo irirosũ dupũkũrãkõa.

<sup>50</sup> Yaarã, musãrẽ ire werea. Marĩrẽ i ãmũma dupũ merã ãmũgasigue Marĩpũ ĩgũyarãrẽ dorerogue neõ waamasĩña mãa. I ãmũma boaburi dupũ merã ãmũgasigue perebiri okari

ããrĩrõguere neõ waamasĩña máa. <sup>51-52</sup> Masaka masĩbirideare daporare musãrẽ weregura. Jesucristo i amugue dupaturi aariburi dupuyuro ããrĩpererã ãgũyarã boabirikuma. Jesucristo aaripoe Marĩpũ wereboegu puriduru puritũnugukumi. Irasũ puriadero pũrũ, mata kãrĩ yoberã irirosũ marĩ ããrĩpererã Jesucristore bũremurã gorawayurãkoa. Marĩ boanerã gajĩ dupũ boabiri dupũ merã masãrãkoa. Irasirirã neõ dupaturi boabirikoã. Okarãde gajĩ dupũ boabiri dupũ oparãkuma. <sup>53</sup> Marĩpũ marĩya dupũ pereburi dupũ gorawayugukumi, perebiri dupũ opaburo, ãrĩgũ. Marĩya dupũ boaburi dupũ gorawayugukumi, neõ boabiri dupũ opaburo, ãrĩgũ. <sup>54</sup> Marĩya dupũ pereburi dupũ, neõ perebiri dupũ gorawayumakũ, marĩ boaburi dupũ, neõ boabiri dupũ gorawayumakũ, Marĩpũya werenĩrĩ gojadea pũgue ãrĩderosũta waarokoa. Æsũ ãrĩ gojasũdero ããrĩbũ iri pũguere: “Marĩpũ boarire béokõãmi, dupaturi marĩrẽ neõ boabirikõãburo, ãrĩgũ. <sup>55</sup> Marĩ boakõãrãkoa, ãrĩ gũidea pereakõãã”, ãrĩ gojasũdero ããrĩbũ. <sup>56</sup> Marĩ ñerõ iridea waja boamurã dita ããrã. Marĩpũ Moisére doreri pídea merã marĩ ñerõ irideare masĩa. <sup>57</sup> Irasũ ããrĩkerepũrũ, Marĩpũ marĩ Opũ Jesucristo iridea merã marĩrẽ peamegue waabonerãrẽ taumi. Irasirirã Marĩpũre: “Õãtaria mũ”, ãrĩ, usũyari sĩa.

<sup>58</sup> Irasirirã, yaarã yũ maĩrã, musãrẽ ãsũ ãrĩ weregura. Musã marĩ Opũ Jesucristore bũremurĩrẽ neõ piribirikõãka! Gajerã musãrẽ ãgũyare béodoremakũ, neõ béobirikõãka! Æmũrikũ ãgũ moãdorerire õãrõ irinĩkõãka! Ire marĩ masĩa. ãgũ merã marĩ õãrõ ããrĩrã ãgũ marĩrẽ moãdorerire irimakũ, marĩ moãrĩ, ubu ããrĩrĩ neõ ããrĩbea.

## 16

### *Corinto marã gajerã Jesúre bũremurãrẽ niyeru sĩburi neeõrĩrẽ gojadea*

<sup>1</sup> Daporare musãrẽ niyeru neeõ, musã gajerã Jesúre bũremurãrẽ sĩburire weregura. Yũ gajerã Jesúre bũremurãrẽ Galacia nikũgue ããrĩrãrẽ dorederosũta musãde irika! <sup>2</sup> Semanarĩkũ siuñajãrĩnũ\* ããrĩmakũ, ããrĩpererã musã gajerã Jesúre bũremurãrẽ sĩburi niyerure dukawa duripĩka! Mérõgã oparã mérõgã dukawa duripĩka! Waaweyaro oparã waaweyaro dukawa duripĩka! Irasirirã, yũ musã pũrogue ejamakũ, musã sĩburire opasiarãkoa. <sup>3</sup> Yũ musã pũrogue ejagu, musã beyenerãrẽ Jerusalẽgue iriugukoa. Papera pũgue ãsũ ãrĩ gojagukoa: “Ïsã ããrĩma Corinto marã beyenerã”. Irasũ ãrĩ goja odo, ãgũsã merã iri pũrẽ, musã duripĩ neeõdea niyerure iriugukoa, Jesúre bũremurã Jerusalẽgue ããrĩrãrẽ sĩdoregu. <sup>4</sup> Musã yũre: “Ëgũsã merã waamakũ gããmea”, ãrĩmakũ, ãgũsã yũ merã waarãkuma.

### *Pablo ãgũ Corintogue waaburire gojadea*

<sup>5</sup> Yũ musã pũrogue waagũ, Macedonia nikũgue waapũrorĩgukoa. Irore tariwãgã, musã pũro waagukoa. <sup>6</sup> Gajipoe irigu yoaweyaripoe musã merã ããrĩgukoa, o gajipoe irigu puibũre ããrĩpeogu, ããrĩpeokõãbokoa. Irasirirã musã yũ gajerogue waaburire iritamumasĩrãkoa. <sup>7</sup> Yũ musãrẽ ããrĩ dita ããrĩtariadũabirikoã. Irasirigu marĩ Opũ gããmemakũ, yoaripoe musã merã ããrĩgukoa. <sup>8</sup> Pentecostés bosenu ããrĩmakũ, õõ Efesogueta taugukoa dapa. <sup>9</sup> Õõguere wãri moãrĩ ããrã. Marĩ Opũya kerere pẽdũarã wãrã ããrĩma. Irasũ ããrĩmakũ, yũ irire weremakũ kãmutadũarãde wãrã ããrĩma.

<sup>10</sup> Timoteo musã pũrogue ãgũ ejamakũ, ãgũrẽ õãrõ merã bokatĩrĩ, õãrõ usũyari merã ñeãka! Musã irasirimakũ, ãgũ musã merã bũjawereri marĩrõ ããrĩgukumi. ãgũ yũ irirosũ marĩ Opũyare moãmi. <sup>11</sup> Irasirirã ãgũrẽ irasũ ããrĩbéomerãta õãrõ merã ãgũrẽ iritamuka! Musã irasirimakũ, ãgũ yũ pũrogue õãrõ usũyari merã goedujarĩgukumi. Gajerã Jesúre bũremurã merã gũ ãgũrẽ yũrã yãa. Irasirirã, ãgũ õõgue aariburire iritamuka!

\* **16:2** Jesúre bũremurãya siuñajãrĩnũ, domingo ããrã. Domingo ããrĩmakũ, Jesús boadigue masãdi ããrĩmĩ. Irasirirã, domingo ããrĩmakũ, ãgũrẽ bũremurã nerẽnama.

<sup>12</sup> Apolore marĩyagu Jesúre b̄remuḡrē m̄s̄rē ãḡũ waamakũ b̄uro ḡãmeadibũ. Irasirigu ãḡrē gajerã Jesúre b̄remurã merã waadoreadibũ. Yũ waadorekerepũ, ãḡũ daporare waad̄habemi. Pũ ãḡrē gajino iriri marĩmakũ, m̄s̄ã p̄rogue waaḡkumi.

*Pablo Corinto marãrē õãdoretũnudea*

<sup>13</sup> Õãrõ pémasĩka! Jesucristore b̄remurĩrē neõ piribirikõãka! Güiri marĩrõ õãrõ gũñaturarã ããrĩka! Marĩpũ turari merã õãrõ ããrĩrikuka! <sup>14</sup> ããrĩpereri gajinorē irirã, gajerãrē maĩrĩ merã irika!

<sup>15</sup> Yaarã, m̄s̄ã masĩa. Acaya nikũguere Estéfanos wãĩkũgũya wii marã, gajerã iro marã Jesúre b̄remup̄roriburi dupuyuro ãḡrē b̄remup̄rorinerã ããrĩma. ãḡsã, gajerã Jesúre b̄remurãrē õãrõ iritamuníkõãma. <sup>16</sup> ãḡsã irirosũ irirãrē õãrõ ãḡsã dorerire irit̄yaka! Gajerã ãḡsã merã Jesucristoyare moãtamurãrē m̄s̄ã õãrõ ãḡsã dorerire irit̄yamakũ ḡãmea yũ. <sup>17</sup> M̄s̄ã merãmarã Estéfanos, Fortunato, Acaico yũ p̄rogue ejasiama. ãḡsã yũ merã ããrĩmakũ, b̄uro us̄yãa. ãḡsã m̄s̄ã yũre iritamuboadearē iritamuma. <sup>18</sup> Yũre õãrõ yũj̄p̄rãkũmakũ yãma. M̄s̄ãdere irasũta iriñurã. M̄s̄ãrē gajerã p̄rogue ãḡsã irirosũ irirãrē: “Õãrõ irirã yãma”, ãrĩ werero ḡãmea.

<sup>19</sup> Asia nikũ marã Jesúre b̄remurã m̄s̄ãrē õãdorema. Aquila, Priscila, gajerã Jesúre b̄remurã ãḡsãya wiigue nerẽnarãde m̄s̄ãrē b̄uro õãdorema. <sup>20</sup> Õõ marã Jesúre b̄remurã ããrĩpererã m̄s̄ãrē õãdorema. Us̄yari merã gãme bokatĩrĩ, õãrõ merã mojõ ñeãnaka!

<sup>21</sup> Yũ Pablo, yũ basi: “M̄s̄ãrē õãdorea”, ãrĩ gojãa.

<sup>22</sup> Marĩ Op̄re Jesucristore maĩbino wajamoãsũburo. “Gũa Op̄re aarika!”

<sup>23</sup> Marĩ Op̄re Jesucristo m̄s̄ãrē õãrõ iritamuburo. <sup>24</sup> Marĩ ããrĩpererã Jesucristoyarã ããrã. Irasirigu yũ m̄s̄ã ããrĩpererãrē b̄uro maĩa. ãsũ ããrã. Irasũta ããrĩburo.

Iropãta ããrã.

Pablo

## 2 CORINTIOS

### *Pablo Corinto marārē òãdoredea*

<sup>1</sup> Y<sub>u</sub> Pablo, marĩyagu Timoteo merã musã Marĩpuyarã Corinto marārē, irasũ ããrĩmakũ ããrĩpererã Acaya nikũgue ããrĩrãrē òãdoredea. Marĩpu gããmederosũta Jesucristo yare ĩgũyare buedoregu pími. <sup>2</sup> Marĩpu ããrĩngũ, marĩ Op<sub>u</sub> Jesucristo musãrē òãrõ iritamu, siuñajãrĩ merã ããrĩrikũmakũ iriburo.

### *Pablo ĩgũ ñerõ tarideare gojadea*

<sup>3</sup> Marĩpu, marĩ Op<sub>u</sub> Jesucristo Pag<sub>u</sub> marĩrē bopoñarĩ merã ĩãmi. ĩgũ sugũta marĩrē gũñaturamakũ irigu ããrĩmi. Irasirirã ĩgũrē: “Òãtaria mu”, ãrĩ, usuyari sĩrã! <sup>4</sup> Marĩ ñerõ taririkũ, Marĩpu marĩrē gũñaturamakũ yãmi. Irasirirã gajerã ñerõ tarimakũ ĩãrã, Marĩpu marĩrē gũñaturamakũ iriderosũ marĩde ĩgũsãrē gũñaturamakũ irimasĩa. <sup>5</sup> Marĩde Cristoyarã ããrĩslã, ĩgũ ñerõ tariderosũ buro ñerõ taria. Marĩ ñerõ tariro nemorõ Marĩpu Cristo merã marĩrē iritamugũ òãrõ gũñaturamakũ irigũkumi. <sup>6</sup> G<sub>ua</sub> Marĩpu musãrē taurire gũñaturaburo, ãrĩrã, ñerõ taria. G<sub>ua</sub> ñerõ tarimakũ, Marĩpu gũare iritamumi gũñaturari merã tariburo, ãrĩgũ. Musã, g<sub>ua</sub> irirosũ ñerõ tarimakũ, Marĩpu musãdere iritamumasĩmi gũñaturari merã tariburo, ãrĩgũ. <sup>7</sup> G<sub>ua</sub> ire masĩa. G<sub>ua</sub> ñerõ tarirosũ musãde g<sub>ua</sub> merã ñerõ taria. Irasũ ñerõ tarimakũ, Marĩpu gũare gũñaturamakũ irirosũ musãdere òãrõ gũñaturamakũ yãmi. Irasirirã musã gũñaturari merã ñerõ tariburire g<sub>ua</sub> masĩa.

<sup>8</sup> G<sub>uay</sub>arã, Asia nikũgue gũare waadeare musãrē masĩmakũ gããmea. G<sub>ua</sub> iroguere ããrĩrã buro ñerõ tarirã: “I ñerõ taririre neõ bokatĩũbirikoa. Boarãkoa. <sup>9</sup> Wējēbéokõãrãkuma”, ãrĩ gũñadibu. Marĩpu direta g<sub>ua</sub> gũñaturaburire irasũ ñerõ taribu. Irasirirã: “Marĩ basi neõ iritamumasĩbirikoa. Marĩpu boanerãrē masũgũ sugũta marĩrē taumasĩmi”, ãrĩ gũñaturabu. <sup>10</sup> G<sub>uare</sub> buro wējēdũakerepũ, Marĩpu gũare taumi. Irasirirã: “Dapoadere, pũrugedere taugũkumi”, ãrĩ buremua. <sup>11</sup> Irasirirã musã gajerã merã Marĩpũre gũaya ããrĩburire sērēbosarosũta ĩgũ gũare iritamumakũ ĩãrã, wãrã ĩgũrē: “Pablosãrē òãrõ iritamubu”, ãrĩ, usuyari sĩrãkuma.

### *Pablo ĩgũ Corintogue waadũadideare gojadea*

<sup>12</sup> G<sub>ua</sub> irideare gũñarã, usuyari merã ãsũ ãrĩ gũñãa: “G<sub>ua</sub> i ãmũguere Marĩpu ĩũrõ ãrĩgatori marĩrõ goepeyari merã masakare buebu”, ãrĩ gũñãa. Musãdere irasũta iribu. G<sub>ua</sub> masĩrĩ merã buebiribu. Marĩpu gũare maĩgũ ĩgũ turari merã iritamumi. <sup>13</sup> G<sub>ua</sub> musãrē gojarã, pémasĩma òãrõ dita gojabũ, òãrõ pémasĩmakũ gããmerã. <sup>14</sup> Irasirirã g<sub>ua</sub> musãrē gũñarã: “G<sub>uayamar</sub>ē ĩgũsã pémasĩturabirideare pũrugue òãrõ pémasĩrãkuma”, ãrĩ gũñãa. Irasirirã, marĩ Op<sub>u</sub> Jesús dupaturi aarimakũ, g<sub>ua</sub> musã iridea merã usuyarosũta, musãde g<sub>ua</sub> iridea merã usuyarãkoa.

<sup>15-16</sup> Irasũ ãrĩ gũñagũ, Macedonia nikũgue waagũ musãrē ĩãgũ waapũroridũadibu. Irasirigu musãrē ĩãtariwãgã, gãme dujari, musãrē dupaturi ĩãbokuyo. Pea yare musã ĩãrĩ merã usuyamakũ iridũagu, irasiridũadibu. Musã, irasirimakũ, y<sub>u</sub> Judea nikũgue waaburire iritamubokuyo. <sup>17</sup> “Y<sub>u</sub> musã pũro waagũra”, ãrĩkeregu, ejabirimakũ ĩãrã: “Pablo, gajerã masaka ĩgũsã gããmerõ irirosũ iriañumi”, ¿ãrĩ gũñarĩ? “ĩgũ ãrĩderosũ iribirañumi”, ¿ãrĩ gũñarĩ? <sup>18</sup> Marĩpu ĩgũ: “Ãsũ irigũra”, ãrĩdeare yãmi. G<sub>uade</sub>: “Ãsũ irirãkoa”, ãrĩdeare: “Iribirikoa” ãrĩrã meta yãa. Irire masĩmi Marĩpu. <sup>19</sup> Y<sub>u</sub>, Silvano, irasũ ããrĩmakũ Timoteo, Marĩpu magũ Jesucristoyare musãrē werebu. Marĩpu: “Y<sub>u</sub> magũ merã ãsũ irigũra”, ãrĩgũ, diayeta irigũno ããrĩmi. “ĩgũ merã ãsũ irigũra”, ãrĩ, pũrũ: “Iribirikoa”, ãrĩgũ meta yãmi. <sup>20</sup> Irasirigu ããrĩpereri Marĩpu masakare: “Ãsũ irigũra”, ãrĩdeare Jesucristo ĩgũ magũ merã iripeokõadi ããrĩmi. ĩgũ irasirimakũ ĩãrã, marĩ Jesucristoyarã Marĩpũre: “Irasũta ããrã, m<sub>u</sub> magũ Jesucristo merã iridea òãtaria”, ãrĩ,

usuyari sĩa. <sup>21</sup> Guare, irasũ ããrĩmakũ musãdere Cristore piriro marĩrõ buremurã, ìgũ merã õãrõ ããrĩmakũ irigũ, Marĩputa ããrĩmi. Ìgũta marĩrẽ beyepĩdi ããrĩmĩ Cristoyarã ããrĩdoregũ. <sup>22</sup> Irasirigũ marĩrẽ ìgũyarã ããrĩrĩrẽ masĩmakũ iridoregũ, Òãgũ deyomarĩgũrẽ marĩ merã ããrĩmakũ iridi ããrĩmĩ. Irasirigũ ããrĩpereri ìgũ marĩrẽ sĩburire ìgũ merã masĩmakũ yãmi.

<sup>23</sup> Marĩpu yũ wererire, yũ gũñarĩrẽ masĩmi. Irasirigũ yũ musã pũroguere Corintoguere waabirideare diayeta weregũra. Musã ñerõ iridea waja turidũabi, musã pũroguere waabiribũ, musãrẽ bujaweremakũ iribokoa, ãrĩgũ. <sup>24</sup> Gũta musãrẽ bure doreri merã: “Jesucristore buremurã ãsũpero gapũ iriro gããmea”, ãrĩrã meta ããrã. Piriro marĩrõ musã ìgũrẽ õãrõ buremua. Irasirirã, musãrẽ ìgũ merã nemorõ usuyamakũ gããmerã, õãrõ iritamudũãa.

## 2

<sup>1</sup> Iro dupuyuro yũ musãrẽ ìãgũ ejagũ, yũ wereri merã musãrẽ bujaweremakũ iribũ. Irasirigũ: “ ‘Dupaturi ìgũsãrẽ bujaweremakũ iribokoa’, ãrĩgũ, daporare ìgũsãrẽ ìãgũ waabea”, ãrĩ gũñabũ. <sup>2</sup> Musãrẽ bujaweremakũ irigũ, yũde bujawerebokoa. Marĩ basi gãme bujaweremakũ irirã, gãme usuyamakũ irimasĩña marĩbokoa. <sup>3</sup> Irasirigũ irinũgue musãrẽ su pũ gojabũ yũ musã pũroguere waaburi dupuyuro iririre ãmudoregũ. Irire ãmuburi dupuyuro yũ musãrẽ ìãgũ waamakũ, yũre usuyamakũ iriboanerã, yũre bujaweremakũ iribokoa. Yũ ãsũ ãrĩ gũñãã: Yũ musã merã usuyamakũ, musãde yũ merã usuyarãkoa. Irasirigũ musã merã bujaweredũabi: “Waabea dapa”, ãrĩ gojabũ. <sup>4</sup> Musãrẽ irire gojagũ, bure gũñarikũri merã, õãrõ yũjũpũrãkũri marĩrõ merã, bure oreri merã musãrẽ gojabũ. Musãrẽ bujawereburo, ãrĩgũ meta gojabũ. Yũ musãrẽ bure maĩrĩrẽ masĩmakũ iridũagũ, gojabũ.

### *Ñerõ iridi irideare kãtika! ãrĩ gojãdea*

<sup>5</sup> Sugũ musãyagũ ìgũ ñerõ iridea merã yũre bujaweremakũ irimi. Yũ direta irasũ iribirimi. Musãdere ããrĩpererãrẽ bujaweremakũ iridi ããrĩmĩ. Ìgũ yũre musã nemorõ bujaweremakũ irikererũũ: “Ìgũrẽ bure wajamoãka!” ãrĩgũ meta yãa. <sup>6</sup> Musã nerẽnarõgue: “Ìgũ ñerõ iridea waja marĩ merã neõ nerẽnemobirikõãburo”, ãrĩdeare irisi-ayuro. Irasirigũ yũ musãrẽ: “Iropãta ìgũrẽ wajamoãka!” ãrĩ gojãa. <sup>7</sup> Ìgũ ñerõ irideare bujawerekeregũ, ìgũrẽ musã wajamoãnemomakũ, bure bujawereri merã dujabokumi. Irasirirã ìgũ ñerõ irideare kãti, ìgũrẽ iritamuka, gũñaturari merã ããrĩburo, ãrĩrã! <sup>8</sup> Irasirigũ yũ musãrẽ: “Dupaturi ìgũrẽ õãrõ bokatĩrĩñeãka, musã dupuyurogue maĩderosũta ìgũrẽ maĩrĩrẽ masĩburo, ãrĩrã!” ãrĩ gojãa. <sup>9</sup> Iro dupuyuro musãrẽ gojagũ: “¿Diayeta yũ dorerire irirãkuri?” ãrĩ masĩdũagũ gojabũ. <sup>10</sup> Musã ìgũ ñerõ irideare kãtirosũta, yũde irire kãtia. Yũre ñerõ iribirikererũũ, musãrẽ iritamudũagũ: “Ìgũ ñerõ irideare kãtia. Cristo marĩ ñerõ irideare kãtigũ ìũrõ, irasũ yãa”, ãrĩ gojãa. <sup>11</sup> Marĩ ìgũ ñerõ irideare kãtimakũ ìãgũ, wãtẽa opu Satanás marĩrẽ ñerõ iridoredũagũ marĩrẽ tarinũgãmasĩbirikumi. Ìgũ marĩrẽ ñerĩ irimakũ gããmerĩrẽ õãrõ masĩa.

### *Pablo: “Troague ããrĩgũ gũñarikũbũ”, ãrĩ gojãdea*

<sup>12</sup> Yũ Troas wãikũri makãgue Jesucristoya kerere buegũ ejamakũ, marĩ Opu Jesucristo wãrã iroguere ããrĩrãrẽ iri kerere pẽdũamakũ iridi ããrĩmĩ. <sup>13</sup> Irasũ ããrĩkererũũ, marĩyagu Titore bokabirisĩã, bure bujawere gũñarikũbũ. Irasirigũ iro marãrẽ: “Waagũ yãa”, ãrĩ, Macedonia nikũgue ìgũrẽ ãmagũ waabũ.

### *Cristoyarã wãtĩ ñerõ iridorerire tarinũgãmasĩma, ãrĩ gojãdea*

<sup>14</sup> Yũ gũñarikũkererũũ, Marĩpũre: “Mũ yũre õãrõ iritamunĩã”, ãrĩ, usuyari sĩa. Marĩ Jesucristoyarã ããrĩmakũ, Marĩpu marĩrẽ ìgũ iritamurĩ merã ããrĩpereri wãtĩ ñerõ iridorerire tarinũgãmasĩmakũ yãmi. Marĩ Jesucristoya kerere bueri merã masakare ìgũyamarẽ masĩmakũ yãmi. Sũrõrĩ ããrĩpererogue sũrõ seyaro irirosũ ããrĩpererogue marãrẽ masĩmakũ

yámi. <sup>15</sup> Ásũ ããrã. Marĩpũ, marĩ Jesucristoya kerere were, ãgũyare iritũyamakũ ããgũ, õãrĩ sãrõrĩ ãgũrẽ sãdea soemurĩ merã usũyarusũ, marĩ merã usũyami. Sãrõrĩrẽ ãgũ ãũrõ soemumakũ sãrõ seyarosũ, marĩ noó waaró marĩ Jesucristoyarã ããrĩrĩrẽ ãgũ taumurãrẽ, peamegue waamurãdere masĩmakũ yámi. <sup>16</sup> Peamegue waamurã Jesucristoya kerere marĩ weremakũ pérã, ãgũrẽ gããmebiri waja irogue wajamoãsũburire masĩma. Jesucristo taumurã gapũ iri kerere marĩ weremakũ pé buremurã, Marĩpũ pũro ãgũ merã ããrĩburire masĩma. Marĩ basi iri kerere õãrõ weremasĩbea. Marĩpũ iritamurĩ merã irire õãrõ weremasĩa. <sup>17</sup> Wãrã gajerã Marĩpũyare buegorenarã, niyeru direta wajatadũama. Gũa gapũ ãgũsã irirosũ iribea. Gũa Cristore moãboerã, Marĩpũ iriunerã ãgũ ãũrõ ãgũ weredoredeare goepeyari merã werea.

### 3

#### *Marĩpũ Jesucristo iridea merã: “Õãrõ irigũra musãrẽ”, ãrĩrĩrẽ gojadea*

<sup>1</sup> Gũa musãrẽ irire ãrĩrã, dupaturi gũa basi õãrõ werenĩrã meta yáa. Gajerã buerimasã musã pũro ejaburi dupuyuro ãgũsã buenerãrẽ su papera pũgue ãgũsã buerire: “Keoro ããrã”, ãrĩrĩrẽ gojadoreñurã. Irasirirã musã pũro ejarã, iri pũrẽ musãrẽ wiañurã. Musã gũare masĩsĩaã. Irasirirã gũa ãgũsã irirosũ musãrẽ iri pũnorẽ iriubea. Irasũ ããrĩmakũ gajerogue buerã waamurã, musãrẽ iri pũnorẽ gojabosadorebea. <sup>2</sup> Gũa iri pũnorẽ gããmebea. Musã, gũa Jesucristoya kerere weremakũ pérã, ãgũrẽ buremu, ãgũyare irinũgãbũ. Masaka, musã irasirimakũ ããrã, gũa buerire: “Keoro ããrã”, ãrĩ masĩrãkuma. Gũade gũa gũñarĩgue musãrẽ: “Diayeta Jesucristore buremu, ãgũyare iritũyarã yáma”, ãrĩ masĩa. Musã irasiriri merã masaka gũare: “Õãgorama”, ãrĩ masĩrãkuma. Gũayamarẽ gojadea pũ merã masĩrõsũ irire masĩrãkuma. <sup>3</sup> Jesucristo, gũa ãgũya kerere weremakũ, musãrẽ ãgũrẽ buremu, ãgũyare iritũyamakũ iridi ããrĩmĩ. Irasirirã masaka musã ãgũyare iririre ããrã, ãgũyarã musã ããrĩrĩrẽ gojadea pũ merã masĩrõsũ masĩrãkuma. Irasirirã musã Cristo gojadea pũ irirosũ ããrã. Irire masĩdoregũ, papera pũgue gojadi merã gojabiridi ããrĩmĩ. Marĩpũ okanĩgũ gããmerõsũta Õãgũ deyomarĩgũ turari merã musãya gũñarĩgue: “ãgũ iritamurĩ merã gũa ãsũ ããrĩrikua”, ãrĩ masĩmakũ yámi. Irasirigũ, iripoegue Marĩpũ Moisére ãgũ dorerire pídeare ããrĩrĩrẽ ããrĩmĩ.

<sup>4</sup> Gũa Cristo iritamurĩ merã Marĩpũre gũñaturasĩã, musãrẽ irire gojãa. <sup>5</sup> “Gũa masĩrĩ merã i moãrĩrẽ yáa”, neõ ãrĩmasĩbea. Marĩpũ iritamurĩ merãta Jesucristoya kerere werea. <sup>6</sup> Irasirigũ gũare iri kerere, ãgũ masakare: “Õãrõ irigũra musãrẽ”, ãrĩrĩrẽ õãrõ buemakũ yámi. Iri kere, iripoegue Marĩpũ Moisére ãgũ doreri pídea irirosũ ããrĩbea. Marĩpũ Jesucristo iridea merã, Õãgũ deyomarĩgũ iritamurĩ merã marĩrẽ ãgũ merã õãrõ ããrĩmakũ iriri kere ããrã. Neõ sugũ ãgũ dorerire iripeogũ mámi. Irasirirã marĩ irire iripeobiri waja peamegue waamurã dita ããrĩbokoã. Õãgũ deyomarĩgũ iritamurĩ merãta Marĩpũ merã õãrõ ããrĩmasĩa.

<sup>7</sup> Marĩpũ Moisére ãgũ doreri pídeare ããrĩrĩrẽ ããrĩmĩ, ãgũ ããrĩrõgue gosegasiriri waamakũ iridi ããrĩmĩ. Irasiriro Moiséya diapu Marĩpũ gosegasiriri merã kũmijũdero ããrĩbũ. Iri gosegasiriri peredijakerepũrũ, Israel bumarã ãgũrẽ ããrĩmĩmasĩbirinerã ããrĩmã. Marĩpũ bure gosegasiriri merã deyoa, Moisére iri doreri pídea ããrĩkerepũrũ, iri doreri, masakare ãgũsã irire iripeomasĩbiri waja peamegue waamurã dita ããrĩmakũ iridero ããrĩbũ. <sup>8</sup> Irasirigũ Marĩpũ iri doreri merã iridea nemorõ, ãgũ Õãgũ deyomarĩgũ iritamurĩ merã marĩrẽ ãgũ merã õãrõ ããrĩmakũ iriri õãtaria. <sup>9</sup> Marĩpũ, masaka Moisére ãgũ doreri pídeare iripeobiri waja ããrĩrĩrẽ: “Wajamoãgũra”, ãrĩkerepũrũ, õãgoradero ããrĩbũ. Iri nemorõ, Marĩpũ Jesucristo iridea merã marĩrẽ: “Õãrã, waja opamerã ããrĩma”, ãrĩ ããrĩ, õãtaria. <sup>10</sup> Irasiriro Marĩpũ Moisére ãgũ doreri pídea õãrĩ ããrĩkerepũrũ, Jesucristoya kere gapũ, iri nemorõ õãtaria. Iri kere, iri dorerire ubu ããrĩrĩrẽ ããrĩrĩrẽ ããrĩmĩ. <sup>11</sup> Marĩpũ bure gosegasiriri merã Moisére ãgũ dorerire píkerepũrũ, iri pereburi ããrĩdero ããrĩbũ.



Jesucristo ìgũ iridea merã marĩrẽ tauri kere gapũ òãtaria. Neõ ubu ããrĩrĩ ããrĩbirikoa. Neõ perebirikoa.

<sup>12</sup> Irasirirã gũa irire masĩsĩã, gũiro marĩrõ merã pémasĩma òãrõ musãrẽ Jesucristoya kerere werea. <sup>13</sup> Iri kere, Marĩpũ Moisére ìgũ doreri pídea perederosũ neõ perebirikoa. Irasirirã gũa iri kerere wererã, Moisés iriderosũ irirã meta yáa. Moisés Marĩpũ merã ããrĩdero pũũ, ìgũya diapu Marĩpũ gosewasiriri merã kũmijũdero ããrĩbũ. Israel bumarã iri gosewasiriri peredijarire masĩrĩ, ãrĩgũ, ìgũya diapure suríro gasiro merã buuadi ããrĩmĩ. <sup>14</sup> Moisés irasirimakũ, iri gosewasiriri peredijarire masĩbiriderosũ, Marĩpũ doreri ìgũrẽ pídeare: “Àsũ ãrĩduaro irikoa”, ãrĩ pémasĩbirinerã ããrĩmã. Daporaguedere Israel bumarã irire buerã, pémasĩbema dapa. Cristoyarã dita irire pémasĩma. <sup>15</sup> Daporaguedere Israel bumarã Marĩpũ Moisére ìgũ doreri pídeare buekererã, pémasĩrĩ marĩrõ buema. <sup>16</sup> Sugũ masakũ marĩ Opũre bũremunugãmakũ, marĩ Opũta ìgũyare pémasĩmakũ yámi. <sup>17</sup> Marĩ Opũ, Òãgũ deyomarĩgũ merã sugũta ããrĩmi. Irasirirã, Òãgũ deyomarĩgũ marĩ merã ããrĩmakũ: “Marĩpũ Moisére ìgũ doreri pídeare marĩ tarinugãdea waja marĩrẽ wajamoãgũkumi”, ãrĩ gũñabea. <sup>18</sup> Irasirirã marĩ Opũyarã ããrĩsĩã, marĩ Opũ òãtarigu ããrĩrĩrẽ masĩa. Gajerãde marĩ ìgũyarã ããrĩrĩrẽ masĩma. Irasirigu marĩrẽ ìgũ òãgũ ããrĩrõsũ ããrĩmakũ gããmegũ, ããrĩpereri marĩ okarinũrĩrẽ gorawayumakũ yámi. Marĩ Opũ, Òãgũ deyomarĩgũ merã sugũta ããrĩmi. Ìgũta marĩrẽ irasũ yámi.

#### 4

<sup>1</sup> Marĩpũ gũare bopoñarĩ merã ìãgũ, gũare Jesucristoya kerere weremurãrẽ pídi ããrĩmĩ. Irasirirã piriro marĩrõ gũñaturari merã masakare iri kerere werea. <sup>2</sup> Gũyasĩũrõ iririre, masaka ìãberogue ñerĩ iririre doogorãa. Ærĩgatori merã buebea. Marĩpũya werenĩrĩrẽ gorawayuro marĩrõ buea. Marĩpũ iũrõ diayema ããrĩrĩ diretta pémasĩma òãrõ masakare werea, ããrĩpererã gũare: “Keoro buema”, ãrĩburo, ãrĩrã. <sup>3</sup> Peamegue waamurã dita Marĩpũ Jesucristo iridea merã masakare tauri kerere gũa wererire pémasĩbema. <sup>4</sup> Ìgũsã Jesucristore bũremubiri waja, wãtĩ i ãmũ marã ñerã opũ ìgũsãrẽ iri òãrĩ kerere pémasĩbirimakũ yámi. Koye ìãmerã sĩãgorire ìãmasĩmerã irirosũ ããrĩmakũ yámi. Irasirirã Cristo òãtarigu ããrĩrĩrẽ ìãmasĩbema. Cristo, Marĩpũ ããrĩrikũrere opagũ, Marĩpũta ããrĩmi. <sup>5</sup> Gũa Jesucristoya kerere wererã, masaka gũare òãrõ gũñaburo, ãrĩrã meta yáa. Ìgũsãrẽ: “Jesucristo marĩ Opũta ããrĩmi. Ìgũrẽta bũremurõ gããmea”, ãrĩ werea. Gũayamarẽ wererã: “Jesús gũare maĩgũ ìgũyare weredoredea merã gũa musãrẽ moãboerã irirosũ musãrẽ iritamurã yáa”, ãrĩ werea. <sup>6</sup> Neõgoraguere ããrĩperero i ãmũgue naĩtĩãrõ ããrĩmakũ, Marĩpũ: “Boyori waaburo”, ãrĩrĩ merãta boyori waamakũ iridi ããrĩmĩ. Ìgũta iriderosũ marĩya gũñarĩgue boyori ããrĩmakũ yámi. Irasirigu marĩrẽ ìgũ òãtarigu ããrĩrĩrẽ masĩmakũ yámi. Marĩ Jesucristo òãtarigu ããrĩrĩrẽ masĩã, Marĩpũ òãtarigu ããrĩrĩdere masĩa.

#### *Jesucristore bũremurã Marĩpũ merã òãrõ ããrĩma, ãrĩ gojadea*

<sup>7</sup> Gũa Marĩpũ òãtarigu ããrĩrĩrẽ masĩã, diarisoro ubu ããrĩrĩ soro, òãtariri opari soro irirosũ ããrã. Irasirirã gajerã, gũa Marĩpũya kerere weremakũ pérã: “Marĩpũ turatarigu iritamurĩ merãta marĩrẽ ìgũyare werema ìgũrẽ bũremuburo, ãrĩrã”, ãrĩ gũñarãkuma. <sup>8</sup> Gũa noó waaró ñerõ tarikerepũũ, Marĩpũ iritamumi, gajerã gũare ìgũyare wererire pirimakũ iribirikõãburo, ãrĩgũ. Irasirirã: “¿Naásũ waarokuri?” ãrĩ gũñarĩkũkererã: “Marĩpũ marĩrẽ iritamubirikumi”, ãrĩ gũñabea. <sup>9</sup> Gajerã gũare ñerõ irikerepũũ, Marĩpũ gũare koregũ neõ béowãgãbemi. Ìgũsã gũare wẽjẽduarã pámeépĩkerepũũ, Marĩpũ ìgũsãrẽ gũare wẽjẽdorebemi. <sup>10-11</sup> Jesús i nikũgue ããrĩmakũ, masaka ìgũrẽ wẽjẽma. Irasirirã gũa ìgũyarã ããrĩrĩ waja ããrĩpereri gũa okarinũrĩrẽ ããrĩpererogue gũa noó waaró gũadere wẽjẽduama. Marĩpũ gapũ Jesúre dupaturi okamakũ iridi ããrĩmĩ. Irasirigu, gũa boaburi dupure opakerepũũ, gũare Jesús okari sĩrĩrẽ opamakũ yámi gajerã irire masĩburo, ãrĩgũ.

<sup>12</sup> Irasirirã gũa Jesúya kerere wereri waja gajerã gũare wějẽma goero ããrĩkererũ, masã gapũ iri kerere bũremurã, Marĩpũ pũro perebiri okari opamurã ããrã.

<sup>13</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ Marĩpũre bũremubũ. Irasirigũ ĩgũyare werebũ”. Gũade irasũta bũremua. Irasirirã ĩgũyare werea. <sup>14</sup> Ire masĩa. Marĩpũ, marĩ Opũ Jesũre boadiguere masũdi ããrĩmĩ. ĩgũrẽ masũderosũta marĩ Jesũyarã ããrĩmakũ, marĩdere masũgũkumi. Irasirigũ marĩrẽ ĩgũ pũrogue ãĩmarĩagũkumi ĩgũ merã ããrĩdoregũ. Gũa irire masĩsĩa, masãrẽ ĩgũyare werea. <sup>15</sup> Irasirirã masãrẽ iritamudũarã masã õãrõ ããrĩburire i ããrĩpererire irirã ñerõ taria. Wãrã gajerãdere gũa wererire pãrã Marĩpũ Jesũs merã õãrõ iririre masĩmakũ gããmerã, irasũ yãa. Irire masĩrã, ĩgũrẽ: “Õãtaria mũ”, ãrĩ, usũyari sĩrãkuma.

<sup>16</sup> Irasirirã gũa ñerõ tarikererã, piriro marĩrõ gũñaturari merã masakare ĩgũyare werea. Ũmarĩkũ gũaya dupũma turari perewãgãkererũ, Marĩpũ gũare gũñaturamakũ yãmi. <sup>17</sup> Irasirirã gũa Jesúya kerere wereri waja gũa daporare ñerõ taririre, Marĩpũ pũrũgue gũare iriburire ãsũ ãrĩ gũñãa: “Marĩ ñerõ tariri, pereburi ããrã. Marĩpũ pũrũgue nemorõ õãrĩ iriburi gapũ neõ perebirikoa. Bũro usũyari merã ĩgũ pũro ããrĩnikõãrãkoa”. <sup>18</sup> Daporare gũa i nikũmarẽ ĩãrĩrẽ gũñarikũbea. Ũmũgasima ĩãña marĩrĩrẽ, irogue Marĩpũ merã ããrĩburire gũñãa. Gũa daporare i nikũmarẽ ĩãrĩ, pereakõãrokoa. Ũmũgasima ĩãña marĩrĩ gapũ ããrĩnikõãrokoa.

## 5

<sup>1</sup> Marĩ ire masĩa. Marĩya dupũ, marĩya wii irirosũ ããrã. Wii irirosũ marĩya dupũ boamakũ, Marĩpũ gaji wii marĩrẽ sĩrõsũ gaji dupũ ũmũgasima dupũre sĩgũkumi. Iri dupũ, masaka iridea dupũ meta ããrĩrokoa. Irasiriro neõ boabiri dupũ ããrĩrokoa. <sup>2</sup> Marĩ i nikũma dupũre oparã yũjũpũrãkũturabiri, bũjawereri merã ñerõ taria. Maama wii marĩ õãrõ ããrĩburi wiire bũro opadũarosũ, ũmũgasima dupũre bũro gããmea. <sup>3</sup> Surĩro maamañerẽ sãñadũarosũ iri dupũre gããmea. Surĩ marĩrã ããrĩdũamerã irirosũ, dupũ marĩrã ããrĩdũabea. <sup>4</sup> I nikũma dupũre oparã yũjũpũrãkũturabiri, gũñarikũ, ñerõ taria. Ñerõ tarikererã, marĩya dupũ, boaburi dupũre bẽodũarã meta yãa. Maama dupũ, neõ boabiri dupũ gapũre bũro opadũãa. Iri dupũre oparã, Marĩpũ pũro ĩgũ merã ããrĩnikõãrãkoa. <sup>5</sup> Marĩpũ marĩrẽ maama dupũre opamurã ããrĩmakũ iridi ããrĩmĩ ĩgũ pũro õãrõ ããrĩburo, ãrĩgũ. Marĩrẽ irire masĩburo, ãrĩgũ, Őãgũ deyomarĩgũrẽ marĩ merã ããrĩdoregũ sĩdupuyudi ããrĩmĩ.

<sup>6</sup> Irasirirã Marĩpũre gũñaturanĩkõãa. Ire masĩa. Marĩ i nikũma dupũkũrã, marĩ Opũ pũro ããrĩbea. <sup>7</sup> ĩgũrẽ ĩãbirikererã: “Diyeta ĩgũ ãrĩderosũta irigũkumi”, ãrĩ bũremurĩrẽ neõ piribea. <sup>8</sup> Gũñaturari merã marĩya ããrĩburire ãsũ ãrĩ gũñãa: “Marĩ boarã, i nikũma dupũre bẽorã, marĩ Opũ pũro bũro usũyari merã ããrĩrãkoa. Irire bũro gããmea marĩ”. <sup>9</sup> Irasirirã marĩ Opũre marĩ merã usũyamakũ iridũarã, i nikũgue ããrĩrã, o ĩgũ pũrogue ããrĩrã, ĩgũ gããmerĩrẽ iridũãa. <sup>10</sup> Marĩ Cristo pũrogue waamakũ, marĩ ããrĩpererãrẽ ĩgũ diaye nidoregũkumi marĩ i nikũgue ããrĩrã irideare werebu. Irasirigũ, marĩ õãrĩ irideare, o ñerĩ irideare keoro weregũkumi. Marĩ, ĩgũ irasiriburire masĩrã, ĩgũ gããmerĩrẽ iridũãa.

### *Marĩpũ merã õãrõ ããrĩrĩmarẽ gojadea*

<sup>11</sup> Irasirirã gopeyari merã marĩ Opũ Jesucristore bũremua. Gũa masakare ĩgũsã ĩgũrẽ bũremumakũ gããmerã, ĩgũyare werea. Marĩpũ gũa iririre masĩmi. Yũ, masãdere gũa iririre: “Õãrõ yãma”, ãrĩ masĩmakũ gããmea. <sup>12</sup> Yũ masãrẽ gojagũ, dupaturi gũayamarẽ: “Õãgorãa”, ãrĩ gojagũ meta yãa. Gũare õãrõ masĩ, usũyari merã gũñaburo, ãrĩgũ, masãrẽ gojãa. Gajerã buerimasã: “Gajerã nemorõ õãrã ããrã”, ãrĩ gũñarã, masaka ĩũrõ direta õãrã irirosũ ããrĩma. ĩgũsã ããrĩrikũri gapũre pẽmasĩbema. Gũare: “Keoro buebema”, ãrĩ werewũamakũ, masã ĩgũsãrẽ õãrõ yũjũrãkoa. <sup>13</sup> Gajerã gũa iririre ĩãrã: “Niãsũrã yãma”, ãrĩ ĩãkererũ, niãsũrã meta yãa. Marĩpũ gããmerĩrẽ irirã, irasũ yãa. Pẽmasĩrĩ merã masãrẽ

iritamurã yáa. <sup>14</sup> Cristo suguta marĩ ããrĩpererãrẽ maĩgũ marĩ ñerĩ iridea waja marĩrẽ boabosadi ããrĩmĩ. Irasirirã marĩ ããrĩpererã ĩgũ merã boanerã irirosũ dujabũ. Gũa irire gũñarã: “Diayeta ããrã”, ãrĩ gũñáa. Irasirirã ĩgũyare piriro marĩrõ yáa. <sup>15</sup> ããrĩpererã marĩ ñerĩ iridea waja marĩrẽ boabosadi ããrĩmĩ, marĩ gããmerõ irinemobirikõãburo, ãrĩgũ. Marĩ õãrõ ããrĩburire marĩrẽ boabosa, masãdi ããrĩmĩ ĩgũ gããmerĩrẽ iridoregũ. <sup>16</sup> Irasirirã ĩgũrẽ masĩsĩã, i ãmũ marã ĩgũrẽ masĩmerã gajerãrẽ werewũari merã ĩãrã irirosũ neõ ĩãbea. Iripoeguere yũ ĩgũrẽ: “Ubu ããrĩgũ, i nikũmuta ããrĩmĩ”, ãrĩ ĩãunabũ. Dapora gapũre ĩgũrẽ masĩã. <sup>17</sup> Marĩ Cristoyarã ñajãmakũ, Marĩpũ marĩrẽ maama ããrĩrikũrĩre opamakũ iridi ããrĩmĩ. Irasirirã marĩ ĩgũyarã ããrĩburi dupuyurogue ããrĩrikũunaderosũ neõ ããrĩbea.

<sup>18</sup> Marĩpũ marĩrẽ iri ããrĩpererire irasiridi ããrĩmĩ. Iripoeguere marĩ, Marĩpũ merã õãrõ ããrĩbiriunanerã ããrĩbã. Irasirigũ Marĩpũ, Cristo boari merã marĩrẽ ĩgũ merã õãrõ ããrĩmakũ iridi ããrĩmĩ. ããrĩpererã irasũ ããrĩmakũ gããmegũ, gũare ĩgũya kerere weredoregũ pídi ããrĩmĩ. <sup>19</sup> Iri kere ãsũ ãrã: “Marĩpũ, Cristo boari merã ããrĩpererã i ãmũ marãrẽ ĩgũ merã õãrõ ããrĩburire pídi ããrĩmĩ. ĩgũsã ñerõ iridea wajare peremakũ iridi ããrĩmĩ”. Irasirigũ ããrĩpererãrẽ ĩgũ merã õãrõ ããrĩmakũ gããmegũ, gũare iri kerere weredoregũ pídi ããrĩmĩ. <sup>20</sup> Irasirirã Cristore wereboerã ĩgũ iriunerã ããrã. Gũa ĩgũyare wererã, Marĩpũ ĩgũ basi masakare wereboderosũta gũa ĩgũsãrẽ ãsũ ãrĩ werea: “Cristore wereboerã ĩgũyare wererã yáa. Irasirirã musãrẽ: ‘Marĩpũ merã õãrõ ããrĩka!’ ” ãrĩ werea. <sup>21</sup> Cristo neõ ñerĩ iribirikerepũrũ, Marĩpũ, marĩ ñerĩ iridea waja marĩrẽ wajamoãboderosũ ĩgũrẽ iridi ããrĩmĩ marĩrẽ Cristoyarã ããrĩdoregũ. ĩgũ gããmerõsũta ĩgũ irirosũ marĩrẽ diaye irirã ããrĩdoregũ, irasiridi ããrĩmĩ.

## 6

<sup>1</sup> Gũa Marĩpũyare moãrã ããrĩsĩã, turaro merã musãrẽ: “Marĩpũ Cristo merã musãrẽ õãrõ iritamudeare ubu ããrĩrĩrẽ irirosũ ĩãbéobirikõãburo, ãrĩrã, ĩgũyare irinĩkõãka!” ãrĩ werea. <sup>2</sup> Marĩpũ ĩgũya werenĩrĩ gojadea pũgue ãsũ ãrĩdi ããrĩmĩ:

Yũ musãrẽ: “Õãrõ iritamugũra”, ãrĩdeare iriripoe ããrĩmakũ, musã sërẽrĩrẽ pébũ. Yũ tauripoe ããrĩmakũdere musãrẽ iritamubũ, ãrĩdi ããrĩmĩ.✠

Irasirirã gũa wererire õãrõ péka! Daporare masaka Marĩpũre: “Yũre iritamuka!” ãrĩ sërẽrãrẽ ĩgũ péduaripoe ããrã. Daporare ĩgũrẽ: “Yũre tauka!” ãrĩ sërẽrãrẽ ĩgũ taudũaripoe ããrã, ãrĩ werea.

<sup>3</sup> Gũa Marĩpũyare buerire ñerõ werenĩrĩ, ãrĩrã, gũa neõ sugunorẽ ñerõ iribeã, ĩgũyare piribokumi, ãrĩrã. <sup>4</sup> ããrĩpereri gũa iriri merã Marĩpũre moãboerã ããrĩrĩrẽ gajerãrẽ masĩmakũ gããmerã, ãsũ gapũ yáa. ĩgũyare buegorenarã, ñerõ taririre, gũa gããmerĩrẽ opabirire, ñerõ gũare waarĩre õãrõ merã gũñatura, bokatĩũa. <sup>5</sup> Gajipoere gajerã gũare tãrãma. Peresugue biadoboma. Gajipoere wãrã masaka nerẽ, guarĩ merã gainĩma gũare wějẽduarã. Gajipoere bũro poyari merã moãbũ. Kãrĩrõ marĩrõ, ãboari merã moãbũ.

<sup>6</sup> Gũa Marĩpũre moãboerã ããrĩrĩrẽ masakare masĩmakũ gããmerã, idere yáa. ĩgũsãrẽ ĩgũyare buerã, õãrĩ direta iridũari merã, diayema ããrĩrĩ masĩrĩ merã, bopoñarĩ merã, iritamudũari merã, Õãgũ deyomarĩgũ gũaguere ããrĩrĩ merã, diaye maĩrĩ merã, <sup>7</sup> diayema ããrĩrĩrẽ wereri merã, Marĩpũ turari merã buea. Sugũ masakũ ĩgũ mojõkũri merã ĩgũ merã gãmekẽãduagũre kãmuta tarinũgãgũ irirosũ gũa diayema iriri merã ñerĩrẽ kãmuta tarinũgãa. <sup>8</sup> Gũa masakare buemakũ, surãyeri gũare bũremurĩ merã ĩãma. Gajerã gũare bũremubema. Surãyeri gũare õãrõ werenĩma. Gajerã gũare ñerõ werenĩma. Diayema ããrĩrĩrẽ gũa werekerepũrũ: “Ãrĩgatori merã buema”, ãrĩma. <sup>9</sup> Gajerã gũare ĩãmasĩkererã: “Ubu ããrĩã ããrĩma”, ãrĩsĩã, ĩãmasĩmerã irirosũ ĩãma. Gũa noó waaró gajerã gũare wějẽduakererũ, okáa dapa. Gũare bũro wajamoãkererã, wějẽbema. <sup>10</sup> Gũa bujawereri

✠ 6:2 Is 49:8

merã ããrĩkererã, usuyankõãa. Boporã ããrĩkererã, gũa buerire pérãrẽ wajaparire opamakũ irirosũ yãa. Wãri i umumarẽ opabirikererã, Marĩpũ merã ããrĩpereri õãrĩrẽ opãa.

<sup>11</sup> Gũayarã Corinto marã, gũa musãrẽ gojarã, gũa gũñarĩrẽ diayeta gojãa. Musãrẽ gũa bũro maĩrĩrẽ masĩmakũ gããmea. <sup>12</sup> Gũa musãrẽ maĩrĩrẽ neõ piribea. Musã gapũ gũare maĩturabea. <sup>13</sup> Irasirigũ sugũ ãgũ pũrãrẽ wererosũ, musãrẽ ãsũ ãrĩ weregura. Yũ musãrẽ diaye maĩrõsũta yũdere maĩka!

*Marĩpũ okanígũ marĩ merã ããrĩmi, ãrĩ gojadea*

<sup>14</sup> Cristore bũremumerã merã sũrosũ ããrĩbirikõãka! Sugũ õãrĩrẽ irigũ, ñerĩrẽ irigũ merã õãrõ gãmesuribemi. Boyorogue ããrĩrã irirosũ Marĩpũre masĩrã, naĩtĩarõgue ããrĩrã irirosũ Marĩpũre masĩmerã gãme wapikumasĩbema. <sup>15</sup> Cristo, wãtẽa opũ merã sũrosũ gũñabemi. Cristore bũremugũ, Cristore bũremubi merã sũrosũ gũñarĩrẽ opabemi. <sup>16</sup> Marĩpũre bũremurĩ wii ãgũ ããrĩrĩ wii, masaka ãgũsã bũremurĩ keori weadeare pĩburi wii ããrĩbea. Marĩ, Marĩpũ okanígũya wii irirosũ ããrĩsĩã, ãgũ direta bũremua. ãgũya wiigũ ããrĩrõsũta marĩ merã ããrĩmi. ãgũya werenĩrĩ gojadea pũgue irire ãsũ ãrĩ weredi ããrĩmi:

Yũ ãgũsã merã ããrĩgũ, ãgũsã watopegue ããrĩnikõãgũkoa. Yũ ãgũsã Opũ ããrĩgũkoa. ãgũsã, yaarã ããrĩrãkuma, ãrĩdi ããrĩmi.\*

<sup>17</sup> Irasirigũ marĩ Opũ ãsũ ãrĩnemodi ããrĩmi:

Ñerõ iririkurãrẽ wapikunemobirikõãka! ãgũsã ñerĩ iririre iribirikõãka! ãgũsã irirosũ ñerĩ iribirimakũ, yũ musãrẽ õãrõ bokatĩrĩñeã, wapikuníkõãgũkoa.\*

<sup>18</sup> Yũ, Musãpũ ããrĩgũkoa. Musã yũ pũrã ããrĩrãkoa, ãrĩdi ããrĩmi marĩ Opũ ããrĩpererã nemorõ turagũ.\*

## 7

<sup>1</sup> Yaarã yũ maĩrã, musãrẽ ire werea. Marĩ, i Marĩpũ ãrĩdeare pérã, ããrĩpereri ñerõ iririre, ñerĩ gũñarĩdere pirirã! Irasirirã gopeyari merã ãgũrẽ bũremu, ãgũ gããmerĩ direta irinĩrã!

*Pablo, Corinto marã gũñarĩ gorawayudeare gojadea*

<sup>2</sup> Gũare maĩka! Gũa musãrẽ neõ poyanorẽbiribũ. Gũa bueri merã musãrẽ ñerõ irimakũ iribiribũ. Neõ sugunorẽ musã merãmũrẽ ãrĩgatori merã ãgũyare ãĩabiribũ. <sup>3</sup> Yũ irire irasũ ãrĩgũ: “Musã gũare ñerõ werenĩdea waja opãa”, ãrĩgũ meta yãa. Gũa musãrẽ bũro maĩrĩ merã gũñanĩa. Yũ irire musãrẽ weresiabũ. Irasirirã marĩ okarã, o boarã, suro merãta ããrĩnrãkoa. <sup>4</sup> Yũ, musã õãrõ iriri kerere pégu: “Diayeta yãma”, ãrĩ gũñãa. Irasirigũ ñerõ tarikeregũ, gũñatura, bũro usuyãa.

<sup>5</sup> Gũa Macedonia nikũgue ejarãgueta neõ siuñajãrĩ bokabiribũ. Noó waaró ñerõ taribũ. Gajerã gũa merã gãme guaseodũama. Musãrẽ gũa buenerãrẽ gũñarã, bũro gũñarikũbũ. <sup>6</sup> Marĩpũ, bũjawereri merã ããrĩrãrẽ gũñaturamakũ irigũ gapũ Tito gũa pũrogue ejari merã gũare gũñaturamakũ irimi. <sup>7</sup> ãgũ gũa pũrogue ejari direta usuyabiribũ. Musã ãgũrẽ gũñaturamakũ irideare ãgũ weremakũ pérã, bũro usuyabũ. Musã yũre ããduarire, musã yũre werewũdeare bũjawereri merã ããrĩrĩrẽ, musã yũre gũñarikũrere gũare weremi. Yũ irire pégu, bũro usuyanemobũ.

<sup>8</sup> Yũ musã ñerõ irideare musãrẽ gojadupuyudea pũ merã yoaweyaripoe bũjaweremakũ iribũ. Irasirigũ: “Yũ gojabirimakũ õãboyo”, ãrĩ gũñabũ. Irasũ ãrĩ gũñakeregũ, daporare: “Yũ irire gojamakũ õãgorabũ”, ãrĩ gũñãa. <sup>9</sup> Irasirigũ daporare usuyagũ, musã bũjaweredearẽ usuyagũ meta yãa. Yũ musãrẽ gojadea pũrẽ buedero pũrũ, musã ñerõ irideare gũña, Marĩpũ gããmerõsũta bũjawereyuro. Musã gũñarĩrẽ gorawayu, ñerõ iririre piriyo. Iri gapũ yũre usuyamakũ yãa. Musãrẽ bũjaweremakũ irikeregũ, neõ poyanorẽbiribũ. <sup>10</sup> Marĩ ñerõ irideare gũñarã, Marĩpũ gããmerõsũta bũjawere, marĩ gũñarĩrẽ gorawayu, ñerĩ iririre pirirã, peamegue waabonerã tausũrãkoa. Gajerã i umũ

\* 6:16 Lv 26.12; Ez 37.27 \* 6:17 Is 52.11 \* 6:18 2 S 7.14; 1 Cr 17.13; Is 43.6; Jer 31.9

marã Jesúre b̄remumerã gap̄ ãḡsã ñerõ irideare b̄jawerekererã, ãḡsã ḡñarĩrẽ neõ gorawayubema. Ñerĩ iririre piribema. Irasirirã peamegue waamurã ããrĩma. <sup>11</sup> M̄sã gap̄ m̄sã ñerõ irideare ḡñarã, Marĩp̄ gããmerõsũta b̄jawereyuro. Irasirirã m̄sã iririre goepeyari merã ḡñanugãyuro. M̄sã ñerõ irideare piririre gajerãrẽ b̄ro masĩmakũ gããmeyuro. M̄sã ñerõ irideare ḡñarikũ, b̄ro b̄jawere, ḡuiyuro. Irasirirã yure b̄ro ããduayuro. Ñerĩ iriḡure wajamoãyuro, ãḡ ñerõ irideare dupaturi iribirikõãburo, ãrĩrã. ããrĩpereri m̄sã irasiriri merã m̄sã daporare diaye irirã ããrĩrẽ ḡuare ãmua. <sup>12</sup> Irasiriḡ ȳ m̄sãrẽ gojadupuyuḡ, ñerõ iridire ãḡ ñerõ irididere iritamud̄aḡ iribũ. M̄sãdere iritamubu, iri p̄rẽ gojabũ, Marĩp̄ ãũrõ ḡuare m̄sã õãrõ ḡñarĩrẽ masĩburo, ãrĩḡũ. <sup>13</sup> Irasirirã m̄sã ḡuare ḡñaturamakũ yãa.

Irasũ ããrĩmakũ m̄sã Titore õãrõ bokatĩrĩñeãrã ãḡrẽ us̄yamakũ iriyuro. Ḡua irire p̄rã, m̄sã merã us̄yadero nemorõ us̄yanemobũ. M̄sã ãḡrẽ õãrõ ããrĩrikũmakũ iriyuro. <sup>14</sup> Tito m̄sã p̄ro waaburi dupuyuro ȳ m̄sã merã us̄yarire ãḡrẽ werebũ. ãḡ irogue ejamakũ, ȳ ãrĩderosũta ãḡrẽ õãrõ iriyuro. Irasiriḡ ȳ ãḡrẽ weredeare ḡuyasĩrĩbea. Ḡua m̄sãrẽ diayema ããrĩrĩ direta wererosũta ḡua Titore m̄sãyamarẽ weredeade diayeta ããrĩbũ. <sup>15</sup> M̄sã p̄rogue ãḡ ejamakũ, ããrĩpererã b̄remurĩ merã ãḡrẽ õãrõ bokatĩrĩñeãyuro. Goepeyari merã ãḡ dorerire iriyuro. M̄sã irasirideare ḡñaḡũ, m̄sãrẽ maĩdero nemorõ maĩnemomi. <sup>16</sup> Ȳ, m̄sã õãrõ iririre masĩsã, “Õãrõ yãma”, ãrĩ, b̄ro us̄yãa.

## 8

### *Gajerãrẽ ãḡsã gããmerĩrẽ sĩburimarẽ gojadea*

<sup>1</sup> Ḡuayarã, ḡua m̄sãrẽ ire masĩmakũ gããmea. Marĩp̄ Jesúre b̄remurĩ buri marãrẽ Macedonia nikũgue ããrĩrãrẽ õãrõ iritamumi. <sup>2</sup> ãḡsã b̄ro ñerõ tarikererã, gajerãrẽ iritamuma. B̄ro bopokererã, ãḡsãya niyerure maĩrõ marĩrõ, b̄ro us̄yari merã ãḡsãrẽ sĩburire neeõnama. <sup>3</sup> ãḡsã gããmerõ ããrĩpereri ãḡsã s̄rõ bokatĩũrõ s̄kererã, s̄nemonama. Ȳ, ãḡsã irasirideare masĩa. Irasiriḡ m̄sãrẽ irire werea. <sup>4</sup> Marĩp̄yarãrẽ boporãrẽ iritamud̄arã, ãḡsãrẽ s̄d̄uarire ḡuare: “Ãiabosaka!” ãrĩ s̄rẽma. <sup>5</sup> Irasũ ãrĩrã, ḡua ḡñadero nemorõ õãrõ yãma. Niyerure ãḡsã sĩburire neeõburi dupuyuro marĩ Op̄re: “M̄ gããmerĩ direta irid̄akoa”, ãrĩma. P̄rũ ḡuare: “Marĩp̄ gããmerõsũta m̄sã dorerire irirãra” ãrĩma. <sup>6</sup> ãḡsã irasirideare ããrã, ḡua Titore m̄sã p̄ro Corintogue waadorebũ. Iro dupuyuro m̄sã p̄rogue ããrĩḡũ, boporãrẽ iritamuburire niyerure s̄rẽ, neeõnugãdi ããrĩmĩ. Irasirirã, m̄sã õãrõ irinugãderosũta irire odonũburo, ãrĩrã, ãḡrẽ iriua. <sup>7</sup> M̄sã Marĩp̄yare ããrĩpererire õãrõ yãa. ãḡrẽ diayeta b̄remua. ãḡya kerere ãḡ masĩrĩ s̄rĩ merã keoro buea. ãḡ gããmerõsũta gajerãrẽ õãrõ iritamud̄ãa. Ḡuare b̄ro maĩa. Irasirirã m̄sã i ããrĩpererire õãrõ irirosũta m̄sã boporãrẽ s̄buri neeõrĩdere õãrõ irika!

<sup>8</sup> Ȳ irire m̄sãrẽ irasũ ãrĩḡũ, turaro merã: “ãḡsãrẽ niyeru s̄ka!” ãrĩḡũ meta yãa. Macedonia marã boporãrẽ õãrõ iritamudeare werea, ãḡsã irirosũ m̄sãde diayeta maĩrĩ merã boporãrẽ iritamud̄uarire masĩd̄aḡũ. <sup>9</sup> Ire m̄sã masĩa. Marĩ Op̄ Jesucristo marĩrẽ b̄ro maĩḡũ, marĩrẽ õãrõ iritamudi ããrĩmĩ. ããrĩpereri ãm̄gasiguema õãrĩrẽ opaḡũ ããrĩkereḡũ, marĩya ããrĩburire i nikũguere aariḡũ, bopoḡũ irirosũ aaridi ããrĩmĩ, marĩrẽ ããrĩpereri ãm̄gasiguema õãrĩrẽ opaburo, ãrĩḡũ.

<sup>10</sup> Irasiriḡ ȳ m̄sãrẽ: “Ãsũ irimakũ õãgorabokoa”, ãrĩ ḡñarĩrẽ wereḡura. M̄sã gap̄ si bojori merã gaji makã marã dupuyuro boporãrẽ niyeru s̄burire us̄yari merã neeõp̄rorisiabũ. <sup>11</sup> Irasirirã m̄sã us̄yari merã neeõp̄roriderosũta daporare s̄iyuwarikũka! Wãro oparã, wãro s̄ka! M̄rõgã oparã, m̄rõgã s̄ka! <sup>12</sup> Us̄yari merã m̄sã s̄d̄uaropã s̄makũ, Marĩp̄ m̄sã merã us̄yaḡakumi. Wãro opamerãrẽ wãro s̄dorebemi.

<sup>13</sup> Y<sub>H</sub> musārē: “Boporārē iritamuka!” āriḡū, “Īḡūsā gap<sub>H</sub> wáro oparā dujaburo, musā gap<sub>H</sub> boporā dujaka!” āriḡū meta yáa. <sup>14</sup> Āārīpererā surosū āārīrikaburo, āriḡū, irire irasū ārā. Daporare musā opari merā Īḡūsārē iritamumasīa. P<sub>H</sub>rugue musā gāāmerīrē opabirimakū, Īḡūsāde musārē iritamumasīrākuma. Musā irasū gāme sīrā, musā gāāmerīrē opapeokōārākoa. <sup>15</sup> Marīp<sub>H</sub>ya werenīrī gojadea pūgue marī gāme sīrīrē āsū ārī gojasūdero āārībú\*: “Wáro opadi gajig<sub>H</sub> nemorō opabirimi. Mérōgā opadide mérōgā opakereg<sub>H</sub>, Īḡū gāāmerīrē opapeokōāmi”, ārī gojasūdero āārībú.

*Tito Īḡū merāmarā merā Corintog<sub>H</sub> waadea*

<sup>16</sup> Y<sub>H</sub> musārē b<sub>H</sub>ro iritamud<sub>H</sub>arosūta Marīp<sub>H</sub> Titore musārē iritamud<sub>H</sub>amakū yámi. Irasirig<sub>H</sub> Marīp<sub>H</sub>re <sub>H</sub>s<sub>H</sub>yari sīa. <sup>17</sup> Tito, g<sub>H</sub>ua Īḡūrē musā p<sub>H</sub>rogue waadoreburi dupuyurogueta musārē iritamug<sub>H</sub> waad<sub>H</sub>asiadi āārīmí. Irasirig<sub>H</sub>, g<sub>H</sub>ua Īḡūrē waadoremakū pégu: “Já<sub>H</sub>, waag<sub>H</sub>ura”, ārī y<sub>H</sub>y<sub>H</sub>mi.

<sup>18</sup> Īḡū merā gajig<sub>H</sub> marīyag<sub>H</sub>ure iriua. Āārīpererog<sub>H</sub>ue Jesúre b<sub>H</sub>remurī buri marā Īḡūrē: “Marīp<sub>H</sub> masakare Jesucristo iridea merā tauri kerere oārō buemi”, ārī werenīnūrā.

<sup>19</sup> Īḡūrēta beyenerā āārīmá, niyerure boporā p<sub>H</sub>rogue g<sub>H</sub>ua āiāmakū g<sub>H</sub>uare wapikaburo, ārīrā. Iri niyerure musā gajerā merā neeōdeare g<sub>H</sub>ua boporārē sīmakū Īārā: “Marī Op<sub>H</sub> marīrē oārō iritamug<sub>H</sub> yámi”, ārīrākuma. Marī Īḡūsārē b<sub>H</sub>ro iritamud<sub>H</sub>arire masīrākuma.

<sup>20</sup> G<sub>H</sub>ua iri niyerure wáro musā neeōdeare oārō kore, boporārē keoro sīrākoa, gajerā g<sub>H</sub>uare: “Keoro iribirima”, ārī werew<sub>H</sub>abirikōāburo, ārīrā. <sup>21</sup> G<sub>H</sub>ua marī Op<sub>H</sub> Īūrō, masaka Īūrōdere diayemarē irid<sub>H</sub>áa.

<sup>22</sup> Irasirirā Titosā merā gajig<sub>H</sub> marīyag<sub>H</sub>ure iriua. G<sub>H</sub>ua, Īḡū gajerārē oārō iritamumakū wári Īāb<sub>H</sub>. Irasirig<sub>H</sub> daporare musā gajerārē iritamud<sub>H</sub>arire pésīā, Īḡū dupuyuro musārē iritamud<sub>H</sub>adero nemorō iritamug<sub>H</sub> waad<sub>H</sub>ami. <sup>23</sup> Masaka Titoyamarē sērēñamakū, Īḡūsārē āsū ārī y<sub>H</sub>y<sub>H</sub>ka: “Pablo merā<sub>H</sub>, Īḡū merā moāḡū āārīmí musārē iritamubu”, ārīka! Gajerā Īḡū merā waamurārē sērēñamakū, āsū ārīka: “Jesúre b<sub>H</sub>remurī buri marā iriuanerā āārīma. Cristoyare iriri merā gajerārē Cristore: ‘Oātarimi’, ārī, <sub>H</sub>s<sub>H</sub>yari sīmakū yáma”, ārīka! <sup>24</sup> Irasirirā g<sub>H</sub>ua Titosārē: “Corinto marā musārē oārō bokatīrīñeārākuma”, ārī wererosūta oārō bokatīrīñeāka! Musā irasiririre pérā, Īḡūsārē iriuanerā musā Īḡūsārē maīrīrē masīrākuma.

## 9

*Jesúre b<sub>H</sub>remurārē niyeru sīburi neeōrīrē gojadea*

<sup>1</sup> Y<sub>H</sub> musārē gojag<sub>H</sub>: “Īḡūsā gajerā Jesúre b<sub>H</sub>remurārē niyeru sīburi neeōrīrē masīsīama. Irasirig<sub>H</sub> irire gojanemobea”, ārī gūñáa. <sup>2</sup> Y<sub>H</sub>, gajerārē musā iritamud<sub>H</sub>arire masīsīáa. Irasirig<sub>H</sub> <sub>H</sub>s<sub>H</sub>yari merā Macedonia nikū marārē āsū ārī wereb<sub>H</sub>: “Si bojorire Corinto marā Acaya nikūgue āārīrā, gajerā Jesúre b<sub>H</sub>remurārē boporārē iritamud<sub>H</sub>asiama”, ārīb<sub>H</sub>. Irire pérā, wárā Macedonia nikū marāde musā irirosū <sub>H</sub>s<sub>H</sub>yari merā Īḡūsārē iritamud<sub>H</sub>ama.

<sup>3</sup> Y<sub>H</sub> Macedonia nikū marārē: “Corinto marā niyeru sīrākuma”, ārīderosūta waamakū gāāmea. Irasirig<sub>H</sub> iri niyeru musā sīd<sub>H</sub>arire y<sub>H</sub> musā p<sub>H</sub>rogue ejaburi dupuyuro neeō odosiaburo, āriḡū, Titosārē iriua. <sup>4</sup> Y<sub>H</sub> Macedonia nikū marā merā musā p<sub>H</sub>rogue ejag<sub>H</sub>, musā sīd<sub>H</sub>arire neeō odobirimakū Īāḡū, g<sub>H</sub>uyasīrībokoa. Y<sub>H</sub> Īḡūsārē: “Corinto marā boporārē sīrākuma”, ārīdero p<sub>H</sub>r<sub>H</sub> musā sībirimakū Īāḡū, g<sub>H</sub>uyasīrībokoa. Musāde irasūta g<sub>H</sub>uyasīrībokoa. <sup>5</sup> Irasirig<sub>H</sub>: “Y<sub>H</sub> musā p<sub>H</sub>rogue ejaburo dupuyuro Titosārē iriup<sub>H</sub>rorig<sub>H</sub>ura”, ārī gūñáa. Īḡūsā irogue ejarā, musārē iritamurākuma musā: “Sīrākoa”, ārīdeare iri odoburo, ārīrā. Irasirirā g<sub>H</sub>ua musā p<sub>H</sub>rogue ejamakū, g<sub>H</sub>ua musārē sīdorero marīrō musā gajerārē sīd<sub>H</sub>arire b<sub>H</sub>ro iritamud<sub>H</sub>ari merā, neeō odosiarākoa.

\* **8:15** Exodo 16.13-18: Iripog<sub>H</sub>ue Israel bumarā masaka marīrōg<sub>H</sub>ue waagorenamakū, ām<sub>H</sub>urik<sub>H</sub> Marīp<sub>H</sub> Īḡūsārē maná wāik<sub>H</sub>uri baari sīdi āārīmí. Irasirig<sub>H</sub> Marīp<sub>H</sub> dorederosūta Moisés Īḡūsārē irire keoro seadoredi āārīmí, Īḡūsāk<sub>H</sub> Īḡūsā baaburire opaburo, āriḡū.

<sup>6</sup> Ire gũñaka! Méri yeri otedi, mérĩgã ðuka seagukumi. Wári yeri otedi, wári ðuka seagukumi. Iri irirosũ marĩ boporãrẽ mérõgã sĩmakũ, Marĩpũ marĩrẽ mérõgã sĩgukumi. Wáro marĩ sĩmakũ, wáro sĩgukumi. <sup>7</sup> Irasirirã musã: “Õõpã sĩgũra”, ãrĩ gũñaderosũta sĩka! “Sĩðuabirikerepũ, yũre sĩdorema. Irasirigũ sĩgũkoa”, ãrĩ gũñarõ marĩrõ sĩka! Marĩpũ, usũyari merã sĩrãrẽ maĩmi. <sup>8</sup> Æãrĩpereri õãrĩrẽ musãrẽ sĩmasĩmi musã gããmerĩrẽ opapeokõãburo, gajerãdere musã opari merã õãrõ iritamuníkõãburo, ãrĩgũ. <sup>9</sup> Marĩpũya werenĩrĩ gojadesa pũgue irire ãsũ ãrĩ gojasũdero ããrĩbũ:

Õãgũ boporãrẽ wáro sĩmi. Ìgũsãrẽ õãrõ iritamurĩ neõ perebirikoa.\*

<sup>10</sup> Marĩpũ, oterimasũrẽ oteri koyere ìgũ oteburire opamakũ yámi. Oterimasũ irire otedero pũrũ, Marĩpũ ìgũ otedeare ðukakumakũ yámi masaka baaburire. Irire irirosũ musãrẽ ããrĩpereri musã boporãrẽ sĩburire opamakũ irigukumi. Irire sĩdero pũrũ, musã opadero nemorõ musã boporãrẽ sĩnemoburire opamakũ irigukumi. <sup>11</sup> Marĩpũ musãrẽ ããrĩpereri õãrĩrẽ opamakũ irigukumi gajerãrẽ wáro sĩburo, ãrĩgũ. Irasirirã gũa iri niyerure musã neeõdeare marĩyarã boporãrẽ sĩmakũ ìãrã, Marĩpũre usũyari sĩrãkuma. <sup>12</sup> Musã ìgũsãrẽ iritamurã, ìgũsã gããmerĩ diretta sĩrã meta yáa. Marĩpũre: “Õãtaria, mu ìgũsãrẽ gũare sĩmakũ iriri”, ãrĩ, usũyari sĩmakũ yáa. <sup>13</sup> Musã ìgũsãrẽ iritamumakũ ìãrã: “Corinto marã Cristoyare õãrõ yáa. Gũare wáro sĩrã, gajerãdere õãrõ sĩma”, ãrĩrãkuma. Irasirirã Marĩpũre burõ usũyari sĩrãkuma. <sup>14</sup> Ìgũ musãrẽ õãrõ iritamurĩrẽ masĩrãkuma. Irasirirã musãrẽ burõ maĩrĩ merã musãya ããrĩburire ìgũrẽ sërëbosarãkuma. <sup>15</sup> Marĩpũ Jesucristo merã marĩrẽ õãtariro iridi ããrĩmĩ. Ìgũ irasũ irideare marĩ werenĩrĩ merã weredũarã, werepeomasĩña máa. Irasirirã ìgũrẽ: “Õãtaria mu”, ãrĩ, usũyari sĩa.

## 10

### *Pablo ìgũ Jesús buedoregũ pídi ããrĩrĩrẽ gojadesa*

<sup>1</sup> Yũ Pablo musãrẽ gaji weregũra. Ire weregũ, Cristo turiro marĩrõ bopoñarĩ merã werederosũta musãrẽ weredũáa. Surãyeri musã pũro ããrĩrã, yũre ãsũ ãrĩñurã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ burõ turari merã were gojami”, ãrĩñurã. <sup>2</sup> Irasirigũ musãrẽ ãsũ ãrĩ werea. Yũ musã pũrogue ejamakũ, yũre turaro merã weremakũ iribirikõãka! Gajerã musã watopegue ããrĩrã gũare: “Ì ùmu marã irirosũ ìgũsã gããmerĩ diretta irirã yáa”, ãrĩñurã. Irasũ ãrĩrãrẽ turaro doreri merã weregũra. <sup>3</sup> Gũa ì ùmũgue ããrĩkererã, gũare ìãturirãrẽ wererã, ì ùmu marã irirosũ iribea. <sup>4</sup> Ì ùmu marã ìgũsã turaro merã ìgũsãrẽ ìãturirãrẽ tarinũgãmurã werema. Gũa gapũ Marĩpũ doreri merã ìgũsãrẽ werea, ìgũyare ãrĩgatori merã gũñarĩrẽ: “Diaye ããrĩbea”, ãrĩ masĩburo, ãrĩrã. <sup>5</sup> Iri doreri merã Marĩpũyare: “Diaye ããrĩbea”, ãrĩrãrẽ diayema ããrĩrĩrẽ masĩmakũ irimasĩa. “Masĩtaria”, ãrĩ gũñarãrẽ ããrĩpereri ìgũsã gajerãrẽ Marĩpũre masĩbirimakũ iririre pirimakũ irimasĩa. Iri doreri merã ããrĩpereri ìgũsã gããmerõ gũñarĩrẽ pirimakũ irimasĩa, Cristo gapũre gũña, ìgũ gããmerĩ diretta iriburo, ãrĩrã. <sup>6</sup> Musã: “Ìgũ dorerire tarinũgãbirikoa”, ãrĩdero pũrũ, iri dorerire tarinũgãgũnorẽ gũa wajamoãmasĩa.

<sup>7</sup> Musã gajerãrẽ ìãrã, ìgũsã iririkũri diretta ìãrã yáa. Ìgũsã gũñarĩ gapũre neõ ìãmasĩbea. “Cristoyagũ ããrã”, ãrĩgũno gũadere: “Cristoyarã ããrĩma”, ãrĩ masĩdorea. <sup>8</sup> Yũ musãrẽ: “Marĩ Opũ gũare ìgũyare buedoregũ pími”, ãrĩ werekeregũ, irire gũyasĩrĩbea. Gũare irasũ buedoregũ, musãrẽ iritamudoregũ pími. Musãrẽ poyanorẽdoregũ meta pími. <sup>9</sup> Yũ musãrẽ gojagũ, yũ gojari merã gũkamakũ iridũagũ meta yáa. <sup>10</sup> Surãyeri musã watopegue ããrĩrã ãsũ ãrĩma: “Pablo marĩrẽ gojagũ, burõ turari merã doremi. Irasirikeregũ, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma. <sup>11</sup> Irire irasũ ãrĩgũnorẽ ãsũ ãrĩ weregũra: “Gũa gajerogue ããrĩrã, musãrẽ: ‘Ãsũ irirãra’, ãrĩ gojaderosũta musã pũrogue ejarã, irire irirãkoa”.

\* 9:9 Sal 112.9

<sup>12</sup> Surāyeri mūsā watopegue āārīrā ĩgūsā basi: “Marĩ gapu ōārō masīa, gajerā nemorō āārā”, ārĩ gāme wereníma. Irasū ārĩ wereníkera, masībema. Gua gapu ĩgūsā irirosū gua basi gua iririre neō wereníñabea. <sup>13</sup> Irasirirā gua mūsārē wererā, Marĩpu guare buedoregu pídea direta werea. Gajerārē ĩgū pídeare irirā meta yāa. ĩgūta guare pími mūsādere buedoregu. <sup>14</sup> Irasirirā, ĩgū guare buedoregu píderosūta mūsārē Cristoya ōārĩ kerere buerorirā ejabu. Irogue mūsārē buerā ejarā, ĩgū guare dorederosūta iribu. <sup>15</sup> ĩgū guare buedoregu píderosūta iririre wererā, keoro werea. Gajerā iririre: “Gua iriri āārā”, neō ārĩbea. Mūsārē buerā, mūsārē Cristore buremunemomakū gāāmea. Mūsā buremunemomakū ĩārā, Marĩpu guare dorederosūta irirā, gajerā mūsā pūrogu āārĩrādere buerākoa Cristore buremuburo, ārĩrā. <sup>16</sup> Pūru yoarogue marārē Marĩpu Jesucristo merā masakare tauri kerere pémerārē buerā waarākoa. Gajerā iri kerere buederoguere buerā waa: “Gua bueri gapure pérā, Jesucristore buremunegāma”, ārĩrā meta yāa.

<sup>17</sup> Marĩpuya werenírĩ gojadea pūgue āsū ārĩ gojasūdero āārībú: “Neō sugu: ‘Gajerā nemorō masīgū āārā’, ārĩbirikōāburo. Irasū ārĩrōno irigu marĩ Opu gapure: ‘Turatarigu āārĩsīā, marĩrē ōātariro iridi āārĩmí’, ārĩburo”, ārĩ gojasūdero āārībú. <sup>18</sup> Sugu ĩgū basi: “Ōārō yāa”, ārĩ werenírĩ waja máa. Marĩ Opu: “Ōārō yāmi”, ārĩ ĩāsūgū gapu diayeta ōārō irigu āārĩmi.

## 11

### *Pablo ārĩgatori merā buerimasāyamarē gojadea*

<sup>1</sup> Daporare mūsārē mérōgā yaamarē ārĩmoāmagū irirosū were gojagura. Yu irasū ārĩ gojarire gariborero marĩrō buemakū gāāmekoa. <sup>2</sup> Marĩpu mūsārē maĩrōsūta yude buro maīa. Mūsā yu magō irirosū āārā. Cristo mūsā marāpu āārĩbu irirosū āārĩmi. Irasirigu, yu magō gajerā ūma merā neō ñerō iribeo sugureta marāpukmakū gāāmegū irirosū, yu mūsārē Cristoyarā dita āārĩmakū gāāmea. <sup>3</sup> Irasū gāāmekeregu: “Evare iripoegue waaderosū ĩgūsādere waabokoa”, ārĩ gūñariku. Wātĩ, pĩrū irirosū deyoa, ĩgū masĩrĩ merā ārĩgatomakū pégo, Marĩpu dorerire tarinugādeo āārĩmó. ĩgū iriderosū gajerā mūsārē ārĩgatomakū pérā, mūsā gūñarĩgue Cristoya direta mūsā iriduarire piribokoa. <sup>4</sup> Mūsā āsū yāa. Gajerā mūsā pūro ārĩgatori merā buerā ejamakū, ĩgūsā buerire ōārō pésuyua. ĩgūsā Jesúyamarē, Ōāgū deyomarĩgū mūsā bokatĩrĩñeādiyamarē, Marĩpu Jesús merā masakare tauri kerere gua mūsārē buede irirosū ĩgūsā buebirikerepūru, ĩgūsā buerire pé buremua. <sup>5</sup> ĩgūsā mūsārē buerā: “Gua gajerā Jesús buedoregu pínerā nemorō masīa”, ārĩ péñakuma. Yu gapu: “Jesús yure ĩgūyare buedoregu pími. Irasirirā yure masĩtarinugābema”, ārĩ péñāa. <sup>6</sup> Yu ōārō wererimasū irirosū werebirikeregu, Marĩpu werenírĩrē ōārō masīa. Yu masĩrĩrē, āārĩpereri yu ĩgūyare iriri merā mūsārē masĩmakū iribu.

<sup>7</sup> Yu mūsārē Marĩpu Jesús merā masakare tauri kerere buegu: “Niyeru sīka!” neō ārĩ sērēbiribu. Ubu āārĩgū irirosū moā wajata baabu, mūsārē Marĩpuyare ōārō masīburo, ārĩgū. ¿Yu irasiridea ōāberi? ¿Naāsū gūñarĩ? <sup>8</sup> Gajerā Jesúre buremurĩ buri marā yure niyeru sīma mūsārē bueburo, ārĩrā. ĩgūsā sĩrĩrē ñeābu mūsārē iritamubu. Irire ñeāgū, ĩgūsāya niyerure ēmawāgāgū irirosū péñabu. <sup>9</sup> Mūsā merā āārĩgū, gajino yu gāāmerĩrē opapeobirikeregu, mūsārē niyeru neō sērēbiribu. Marĩyarā Macedonia nikū marā yu gāāmerĩnorē āijama. Irasirigu mūsārē: “Niyeru sīka!” neō ārĩ garibobiribu. Pūrugedere mūsārē neō garibobirikoa. <sup>10</sup> “Cristo weregu, diayeta weredi āārĩmĩ”, ārĩ masīa. ĩgū diaye werederosūta yude mūsārē niyeru sērēbirideare diayeta werea. Neō sugu āārĩperero Acaya nikūgue āārĩgāno i mūsārē yu sērēbirideare wererire: “Diaye werebemi”, ārĩmasĩbirikumi. <sup>11</sup> Mūsārē yu sērēbirideare wererire pérā, ¿naāsū gūñarĩ mūsā? “Pablo



guare maĩbirisĩã, irasũ ãrĩ weremi”, ¿ãrĩ gũñarĩ? Æãrĩbea. Musãrẽ maĩa. Marĩpũ irire masĩmi.

<sup>12</sup> Irasirigũ yũ musãrẽ irinũgãderosũta iriwãgãnikõãgũra. “Gajerã Jesús buedoregũ pĩnerã nemorõ masĩa”, ãrĩgatorã musãrẽ bueri waja niyeru wajatadũama. Gũa gapũ ìgũsã irirosũ wajatadũabea. Irasirirã ìgũsã: “Gũade Pablosã irirosũta yãa”, neõ ãrĩmasĩbema. <sup>13</sup> “Jesús buedoregũ pĩnerã ããrã”, ãrĩrã, ãrĩgatorã yãma. “Diayeta Jesús buedoregũ pĩnerã ããrĩma”, ãrĩ gũñamakũ iridũarã ããrĩsĩã, masakare ãrĩgatorã. <sup>14</sup> Yũ gapũ ìgũsã irasirimakũ ìãkeregũ: “¿Nasirimurã irire irasũ yãri?” ãrĩ gũñabea. Wãtẽa opũ Satanãde Marĩpũre wereboegũ irirosũ deyoami masaka ìgũ ãrĩgatorire: “Diayeta ããrã”, ãrĩ gũñamakũ iridũagũ. <sup>15</sup> Irasirirã ãrĩgatori merã buerimasã wãtĩrẽ moãboerã ìgũ irirosũ yãma. Ñerã ããrĩkererã, ìgũsã irigatori merã masakare: “Marĩpũre moãboerã ããrĩma, õãrõ yãma”, ãrĩ gũñamakũ iridũama. Daporare masaka ìgũsãrẽ: “Õãrã ããrĩma”, ãrĩ gũñakererũ, pũngũguere ããrĩpereri ìgũsã ñerõ iridea waja bũro wajamoãsurãkuma.

### *Pablo, ìgũ ñerõ tarideare gojadea*

<sup>16</sup> Dupaturi musãrẽ ire were gojagũra. Neõ sugũ yũre: “Niãrĩmasũ ããrĩmi”, ãrĩ gũñabirikõãka! Irasũ ãrĩ gũñarã: “Niãrĩmasũ irirosũ werenĩburo”, ãrĩka! Irasirigũ mérõgã yũ basi werenĩgũra. <sup>17</sup> Yũ irasũ werenĩgũ, niãrĩmasũ irirosũ werenĩgũ yãa. Marĩ Opũ yũre: “Irire wereka!” ãrĩbirimi. <sup>18</sup> Wãrã masaka i ùmũma direta gũñakererã, ìgũsã iririre: “Õãrõ yãa”, ãrĩma. Yũde ìgũsã irirosũ musãrẽ yũ õãrõ iririre weregũra. <sup>19</sup> Musã basi: “Masĩtaria”, ãrĩkererã, niãrĩmasã irirosũ werenĩrã bueri gapũre gariborero marĩrõ péa. ¿Nasirirã ìgũsãrẽ õãrõ péri? <sup>20</sup> ìgũsãrẽ moãboerãrẽ dorerosũ musãrẽ bũro dorekererũ, ãrĩgatori merã musãyare ãĩakererũ, musãrẽ oparã irirosũ dorerã ìgũsã gããmerĩ direta gũñakererũ, musãrẽ: “Ubu ããrĩrã ããrĩma”, ãrĩ ìãbéokerepũ, musãrẽ gũyasĩrĩmakũ iridũarã musãya wayupãrãrĩrẽ pákererũ, ããrĩpereri ìgũsã irasiririre gariborebirikoa musã. <sup>21</sup> Musãrẽ irasirirã, ñerõ irirã yãma. Gũa gapũ ìgũsã irirosũ musãrẽ neõ irasiribiri-bokoa.

Yũ ìgũsã irirosũ musãrẽ ñerõ iribirikeregũ, niãrĩmasũ ìgũ iririre: “Õãrõ yãa”, ãrĩ werenĩgũ irirosũ musãrẽ ãsũ ãrĩ weregũra. <sup>22</sup> ìgũsã: “Hebreo masaka ããrã”, ãrĩma. Yũde hebreo masakuta ããrã. “Israel bumarã ããrã”, ãrĩma. Yũde Israel bumuta ããrã. ìgũsã: “Abraham parãmerã ããrã”, ãrĩma. Yũde Abraham parãmita ããrã. <sup>23</sup> ìgũsã: “Cristore moãboerã ããrã”, ãrĩma. Yũ tamerã ìgũsã nemorõ Cristore moãboegũ ããrã. Ìgũyare õãrõ yãa. Yũ basi niãrĩmasũ irirosũ werenĩkeregũ, yũ õãrõ iririre ãsũ ãrĩ werenemogũra. Yũ Cristoyare irigũ, ìgũsã nemorõ moãtarinũgãbũ. Cristoya kerere wereri waja ìgũsã nemorõ peresugue biadobosũbũ. Ìgũsã nemorõ tãrãsũbũ. Wãri masaka yũre wẽjẽboyama. Irasirigũ mérõgã merã taribũ yũ boaboderore. <sup>24</sup> Su mojõmagora judío masaka yũre ñeãma. Ìgũsã yũre ñeãrikũ, treinta y nueve gora tãrãnama. <sup>25</sup> Urea gajerã yũre ñeã, yuku merã páma. Suñarõ masaka ùtãyeri merã yũre deama. Urea doóriduparu merã mirĩbũ. Suñarõ mirĩgũ, sunũ, su ñami taboa majĩ weka wãdiyaguere bá payanĩbũ. <sup>26</sup> Yũ wãri makãrĩguere buegorenagũ waanabũ. Yũ buegorenamakũ, goetaribũ. Diarigue yũ mirĩrĩ, yũre yajari, yaa nikũ marã judío masaka, judío masaka ããrĩmerãde yũre ñerõ iridũari, makãrĩgue, masaka marĩrõgue yũre wẽjẽdũari, wãdiyague mirĩboama goetaribũ. “Mũ merãmarã ããrã”, ãrĩgatorãde yũre ñerõ irima goetarima. <sup>27</sup> Cristoya kerere weregũ, bũro moã wajata baabũ. Irasũ moãgũ, ñerõ taribũ. Wũja pũrĩkererũ, irasũ moãnikõãbũ. Gajipoere ùaboabũ. Ñemesibubũ. Gajipoere baabiritaunokõãbũ. Gajipoere bũro yũsamakũ, gajĩ surĩ sãñanemoburi marĩbũ.

<sup>28</sup> Irasũ ããrĩmakũ ùmũrikũ Jesũre bũremurĩ buri marãrẽ ããrĩpererogue ããrĩrãrẽ gũñarikũ. <sup>29</sup> Irasirigũ sugũ gũñaturabi ããrĩmakũ ìãgũ, yũ basi gũñaturabi irirosũ péñãa. Jesũre bũremugũrẽ ñerõ irimakũ irirã merã gua, Jesũre bũremugũrẽ gũyasĩrĩsãa.

<sup>30</sup> Musãrẽ yaamarẽ werenemogũ, yũ turabi ããrĩrĩrẽ masĩburo, ãrĩgũ, yũre waadeare

weregura. <sup>31</sup> Marĩ Opũ Jesús Pagũ, yũ musãrẽ ãrĩgatori marĩrõ merã yaamarẽ wererire masĩmi. Ìgũrẽta: “Turatarigũ ããrã”, ãrĩ, usũyari sĩnikõãrõ gããmea. <sup>32</sup> Yũ Damascogue ããrĩmakũ, iro marã opũ Areta wãikũgũ dokamũ yũre ñeãduadi ããrãdimi. Yũre ñeãduagu, iri makã turogue Ìgũsã ùtã majĩrĩ merã weadea sãrĩrõma disipũrorikũ surarare koredoredi ããrĩmĩ. <sup>33</sup> Yũ merãmarã gapũ puui wãri puui merã iri sãrĩrõ ããrĩrĩ gobegue yũre yótaudijuma. Irasirigũ, Ìgũsã iritamurĩ merã yũre ñerõ iridũarãrẽ duriwãgãkõãbũ.

## 12

### *Pablo kërõ irirosũ Ìgũ Ìãdeare gojadea*

<sup>1</sup> Marĩ basi: “Õãrõ masĩa”, ãrĩ werenígozenarĩ wajamarĩkererũgũ, marĩ Opũ Jesús kërõ irirosũ yũre Ìmudeare, Ìgũ yũre masĩmakũ irideare werenemogura. <sup>2</sup> Yũ Cristore bũremunũgãdero pũrũ, Marĩpũ yũre ùmũgasigue Ìgũ ããrĩrõgue ãimũrĩãmi. Irogue ãimũrĩadero pũrũ, catorce bojorigora taria. Yũ dupũ merã, o yũ yũjũpũrã merãta irogue waagũ waakuyo, masĩbirikoa. Marĩpũ dita masĩmi. <sup>3-4</sup> I gapũre masĩa. Yũre irogue ãimũrĩagu, paraíso wãikũrogue ãimũrĩjami. Yũ dupũ merã, o yũ yũjũpũrã merãta yũre irogue ããgu, ããgũkumi, masĩbirikoa. Marĩpũ sugũta irire masĩmi. Yũ irogue ããrĩgũ, Ìgũ masaka iripoegue neõ masĩbirideare werenĩrĩrẽ pébũ. Iri, Ìgũ neõ sugũ masakure were-doreri meta ããrĩbũ. <sup>5</sup> Irogue Ìgũ yũre ãimũrĩadeare gũyasĩrĩrĩ marĩrõ musãrẽ weremasĩa. Yaama gapũre weregũ, gũyasĩrĩbokoa. Irasirigũ yũ turabi ããrĩrĩ direta werenemogura. <sup>6</sup> Yũ basi yaamarẽ weredũamakũ, yũ werenĩrĩ diaye ããrĩbokoa. Niãrĩmasũ werenĩrĩ irirosũ ããrĩbiribokoa. Yaamarẽ weremasĩkererũ, werebirikoa musã yũre: “Gajerã nemorõ õãmi”, ãrĩ gũñabirikõãburo, ãrĩgũ. Yũ iririkũrere Ìãdero pũrũ, yũ bueri gapũre pãdero pũrũ, musã yũre: “Õãgorami”, ãrĩ gũñamakũ gããmea.

<sup>7</sup> Marĩpũ yũre Ìmudea õãtaribũ. Yũ irire gũñagũ: “Gajerã nemorõ masĩa”, ãrĩ gũñabokuyo. Marĩpũ gapũ irire gũñabirikõãburo, ãrĩgũ, wãtẽa opũ Satanás yaa dupũre pũrĩrikũmakũ iririre kãmutabiridi ããrĩmĩ. Iri pũrĩrĩ poraru ñajãrõsũ pũrĩa. <sup>8</sup> Ùrea yũ marĩ Opũre: “Yũre i pũrĩrĩrẽ tauka!” ãrĩ sãrẽadibũ. <sup>9</sup> Ìgũ gapũ yũre ãsũ ãrĩmi: “Mũrẽ maĩsĩã, õãrõ iritamugura. Yũ mũrẽ iritamurĩ neõ perebirikoa. ‘Turabea’, ãrĩ gũñagũnorẽ yũ turari merã õãrõ iritamua gajerã yũ turarire masĩnemoburo, ãrĩgũ”, ãrĩmi. Irasirigũ yũ turabi ããrĩrĩrẽ usũyari merã weregũkoa Cristo Ìgũ turari merã yũre õãrõ iritamunĩkõãburo, ãrĩgũ. <sup>10</sup> Irasirigũ Cristoyagu yũ ããrĩrĩ waja pũrĩrĩ merã turabi ããrĩsĩã, usũyari merã irire bokatĩũa. Gajerã yũre ñerõ werenĩkererũgũ, yũ gããmerĩrẽ opabirikeregũ, gajerã yũre ñerõ irikererũgũ, yũre ñerõ waakererũgũ, usũyari merã irire bokatĩũa. ãsũ ããrã. Yũ, turari opabirimakũ, Cristo gapũ yũre Ìgũ turarire opamakũ yãmi ñerõ taririre bokatĩũburo, ãrĩgũ. Irasirigũ usũyãa.

### *Pablo Corinto marãrẽ Jesũre bũremurãrẽ Ìgũ gũñarikũrere gojadea*

<sup>11</sup> Yũ basi yaamarẽ werenĩgũ: “Niãrĩmasũ irirosũ werenĩgũ iribũ”, ãrĩ gũñãã. Musã gapũ yũre irasirimakũ iribũ. Musã yaamarẽ õãrõ werenĩmakũ, õãgorabokuyo. Musã yũre õãrõ werenĩbirikererũgũ, “Ubu ããrĩgũ ããrĩmi”, ãrĩkererũgũ: “Jesũs buedoregũ pĩnerã ããrã”, ãrĩgatorã yũ nemorõ ããrĩbema. <sup>12</sup> Yũ musã pũro ããrĩgũ, musãrẽ bũro iritamudũari merã, wãri Marĩpũ turari merã iririre iri Ìmubũ, diayeta Jesús buedoregũ pĩdi ããrĩrĩrẽ masĩburo, ãrĩgũ. <sup>13</sup> Gajerã Jesũre bũremurĩ buri marãrẽ, musãdere sũrosũ iribũ. Yaa ããrĩburire musãrẽ niyeru wajaseabiribũ. Musã pãñamakũ, ¿iri musãrẽ ñegorari? Iri musãrẽ ñemakũ, musãrẽ: “Irire kãtika!” ãrĩ sãrẽã.

<sup>14</sup> Pea musã pũrogue ejasiabũ. Daporare dupaturi yũ irogue waaburire ãmugũ yãa. Irogue ejagu, musãrẽ: “Niyeru yũre sĩka!” ãrĩ sãrẽbirikoa. Musãyare gããmebea. Cristoya gapũre musã iritũyanemomakũ gããmea. ãsũ ããrã. Pagusãmarã Ìgũsã pũrãrẽ masũrã, Ìgũsã gããmerĩrẽ sĩma. Pũrã gapũ pagusãmarãrẽ Ìgũsã gããmerĩrẽ sĩbema. <sup>15</sup> Irasirigũ musãrẽ

y<sub>u</sub> pūrā irirosū āārīrārē iritamugū āārīpereri y<sub>u</sub> oparire sīmakū ōārokoa. M<sub>u</sub>sāya āārīburire, āārīpereri y<sub>u</sub> turari merā m<sub>u</sub>sārē b<sub>u</sub>ro iritamud<sub>u</sub>akoa. M<sub>u</sub>sārē y<sub>u</sub> b<sub>u</sub>ro maīkerep<sub>u</sub>ru: “Īgūsā gap<sub>u</sub> y<sub>u</sub>re sīrūgā maīma”, ārī gūñāa.

<sup>16</sup> Surāyeri m<sub>u</sub>sā watopegue āārīrā, y<sub>u</sub> m<sub>u</sub>sārē sērēbirideare masīkererā, āsū ārīma: “G<sub>u</sub>are sērēbirikereg<sub>u</sub>, ārīgatori merā g<sub>u</sub>ayare āīadi āārīmī”, ārīma. <sup>17</sup> ĶM<sub>u</sub>sā p<sub>u</sub>rogue y<sub>u</sub> iriunerā ārīgatori merā m<sub>u</sub>sāyare y<sub>u</sub>re āiriyuri? M<sub>u</sub>sā masīkoa. Neō gajino m<sub>u</sub>sāyare āiribirinerā āārīmā. <sup>18</sup> Irin<sub>u</sub>gue Titore m<sub>u</sub>sā p<sub>u</sub>rogue waadoreb<sub>u</sub>. Gajig<sub>u</sub> marīyagure Īgū merā iriub<sub>u</sub>. Tito m<sub>u</sub>sā merā āārīgū, Ķgajino m<sub>u</sub>sāyare ārīgatori merā āārī? M<sub>u</sub>sā masīkoa. Neō āābiridi āārīmī. Īgū y<sub>u</sub> irirosūta m<sub>u</sub>sārē iritamud<sub>u</sub>ag<sub>u</sub> āārīmi.

<sup>19</sup> Gajipoe irirā, y<sub>u</sub> m<sub>u</sub>sārē gojarire buerā: “Pablosā Īgūsāyamarē wereri merā g<sub>u</sub>are: ‘Ōāgorama Īgūsā’, ārī gūñadorerā yāma”, ārī gūñabokoa. Āārībea. G<sub>u</sub>a Cristoyarā āārā. Irasirirā Marīp<sub>u</sub> Īūrō m<sub>u</sub>sārē diayeta werea. Yaarā y<sub>u</sub> maīrā, āārīpereri g<sub>u</sub>a iriri merā m<sub>u</sub>sārē iritamud<sub>u</sub>āa Cristoyare irit<sub>u</sub>yanemoburo, ārīrā. <sup>20</sup> Y<sub>u</sub> m<sub>u</sub>sārē gūñarik<sub>u</sub>a. Gajipoe irirā, y<sub>u</sub> m<sub>u</sub>sā p<sub>u</sub>rogue ejamakū, y<sub>u</sub> gāāmerōsū iribiribokoa. Irasirig<sub>u</sub> y<sub>u</sub>de m<sub>u</sub>sā gāāmerōsū iribiribokoa. Gajipoe irirā gāme guaseorik<sub>u</sub>rā, gajerārē ĩaturirik<sub>u</sub>rā, mata guarik<sub>u</sub>rā, m<sub>u</sub>sāya āārīburi direta gūñarik<sub>u</sub>rā, gajerārē ñerō kere wererik<sub>u</sub>rā, ñerō ārī werew<sub>u</sub>arik<sub>u</sub>rā, “Gajerā nemorō āārā”, ārī weregorenarā, m<sub>u</sub>sā nerērōgue noō m<sub>u</sub>sā gāāmerō iririk<sub>u</sub>rā āārībokoa. Gajipoe irig<sub>u</sub> irasū āārīrārē bokajabokoa, ārīgū, irasū ārī gūñarik<sub>u</sub>a. <sup>21</sup> Irasirig<sub>u</sub> y<sub>u</sub> m<sub>u</sub>sā p<sub>u</sub>rogue dupaturi ejamakū, Marīp<sub>u</sub> m<sub>u</sub>sā ñerō iririk<sub>u</sub>ri waja y<sub>u</sub>re g<sub>u</sub>yasīūrō tarimakū iribokumi. Wārā m<sub>u</sub>sā iro dupuyurogue gūñarīgue ñerī opadeare, ūma nome merā, nome ūma merā ñerō irideare, m<sub>u</sub>sā noō gāāmerō g<sub>u</sub>yasīūrī ñerī irideare pirid<sub>u</sub>aro marīrō iriwāgāmakū ĩāgū, b<sub>u</sub>ro b<sub>u</sub>jawereri merā oreg<sub>u</sub>koa.

## 13

*Pablo: “Āsū irika!” ārī ōādoretūnudea*

<sup>1</sup> Dapora y<sub>u</sub> m<sub>u</sub>sā p<sub>u</sub>rogue waarī merā <sub>u</sub>rea waarokoa. Irasirig<sub>u</sub> m<sub>u</sub>sārē: “Marīp<sub>u</sub>ya werenīrī gojadea pūgue gojaderosūta āārīpererire iriro gāāmea”, ārī werea. Iri pūgue āsū ārī gojasūdero āārībú: “Pērā, o <sub>u</sub>rerā sug<sub>u</sub> ñerō irideare ĩānerā oparāguere weresārō gāāmea”, ārī gojasūdero āārībú. <sup>2</sup> Iro dupuyuro y<sub>u</sub> m<sub>u</sub>sā p<sub>u</sub>rogue āārīgū, m<sub>u</sub>sā āārīpererā p<sub>u</sub>erogue ñerō irirārē: “Wajamoāg<sub>u</sub>ra”, ārī weresiab<sub>u</sub>. P<sub>u</sub>ru ejag<sub>u</sub>, m<sub>u</sub>sārē irireta wereb<sub>u</sub> doja. Daporadere yoarogue āārīkereg<sub>u</sub>, goepeyaro merā irireta were gojāa doja. Mérōgā p<sub>u</sub>ru m<sub>u</sub>sā p<sub>u</sub>ro dupaturi waagū, y<sub>u</sub> werederosūta ñerō irirārē diayeta wajamoāg<sub>u</sub>ra pama. <sup>3</sup> Y<sub>u</sub> irasirimakū ĩārā, ire masīrākoa. Y<sub>u</sub> m<sub>u</sub>sārē Cristo y<sub>u</sub>re gūñarī sīrī merā werea. Cristo turabi āārībemi. Īgū turari merā m<sub>u</sub>sā watopegue ñerō irirārē wajamoāg<sub>u</sub>kumi, Īgūsā ñerō iririre piriburo, ārīgū. <sup>4</sup> Diayeta āārā. Īgū turari opabi irirosū curusague pábiatūsū, boadi āārīmī. Irasū boakereg<sub>u</sub>, daporare Marīp<sub>u</sub> turari merā okami. G<sub>u</sub>ade Īgū āārīderosūta turamerā āārā. Irasū āārīkererā, Cristoyarā āārīsīā, Marīp<sub>u</sub>ya turari merā okāa Īgū turari merā m<sub>u</sub>sārē iritamumurā.

<sup>5</sup> Irasirirā m<sub>u</sub>sā basi: “ĶDiayeta Jesucristore piriro marīrō b<sub>u</sub>remurī y<sub>u</sub>?” ārī gūñaka! Diayeta m<sub>u</sub>sā Jesucristoyarā āārīmakū, Īgū m<sub>u</sub>sā merā āārīmi. <sup>6</sup> Diayeta g<sub>u</sub>a Jesucristoyarā, Īgū buedoreg<sub>u</sub> pīnerā āārīrē m<sub>u</sub>sārē masīmakū gāāmea. <sup>7</sup> Irasirirā ñerō iribirikōāburo, ārīrā, Marīp<sub>u</sub>re m<sub>u</sub>sāya āārīburire sērēbosāa. Īgūrē sērērā, m<sub>u</sub>sārē g<sub>u</sub>are ōārō gūñadorerā meta yāa. M<sub>u</sub>sā g<sub>u</sub>are ōārō gūñabirikerep<sub>u</sub>ru, Marīp<sub>u</sub>re m<sub>u</sub>sāya āārīburire sērēbosāa, Īgū iritamurī merā ōārīrē iriburo, ārīrā. <sup>8</sup> Marīp<sub>u</sub>ya, diayema āārīrī āārā. Irasirirā Īgūyare keoro irimakū ĩārā, g<sub>u</sub>a m<sub>u</sub>sārē: “Irire iribirikōāka!” neō ārīmasībirikoa. “Diayema direta irika!” ārīmasīa. <sup>9</sup> Irasirirā m<sub>u</sub>sā ōārō y<sub>u</sub>jpūrāk<sub>u</sub>turari merā Īgūyare keoro irimakū ōāgorāa. G<sub>u</sub>a b<sub>u</sub>ro turari merā m<sub>u</sub>sārē: “Āsū gap<sub>u</sub> irika!” ārīmasīmerā, <sub>u</sub>suyāa. Marīp<sub>u</sub>re m<sub>u</sub>sāya āārīburire sērēbosanīkōāa, Īgūyare keoro iriwāgānemoburo, ārīrā. <sup>10</sup> Irasirig<sub>u</sub> m<sub>u</sub>sā p<sub>u</sub>rogue waaburi dupuyuro m<sub>u</sub>sārē i pūrē gojāa. Iroque ejag<sub>u</sub>, m<sub>u</sub>sā ñerō iririre

piribirimakũ ããgũ, marĩ Opũ yũre dorederosũta mũsãrẽ buro wajamoãgũra. Pirimakũ ããgũ, wajamoãbirikoa. Marĩ Opũ yũre: “Yũ dorerosũta irika!” ãĩ pími. Mũsã ãgũrẽ bũremunemomakũ gããmegũ, irasirimi. Mũsãrẽ poyanorẽmakũ gããmebemi.

<sup>11</sup> Yaarã, iropãta ããrã yũ mũsãrẽ gojari. Õãrõ ããrĩrikũka! Yũ dorerire õãrõ yũjũpũrãkũri merã keoro irika! Guaseori marĩrõ suro merã gũña, õãrõ siuñajãrĩ merã ããrĩka! Irasirigu Marĩpũ mũsãrẽ siuñajãrĩ sĩgũ, mũsãrẽ maĩgũ mũsã merã ããrĩgũkumi. <sup>12</sup> Mũsã merãmarã merã õãrõ merã gãme mojõ ñeãka! <sup>13</sup> ããrĩpererã Jesũre bũremurã õõgue ããrĩrã mũsãrẽ õãdorema.

<sup>14</sup> Marĩ Opũ Jesucristo marĩrẽ õãrõ iritamugũ, Marĩpũ marĩrẽ maĩgũ, Õãgũ deyomarĩgũ marĩ merã ããrĩnĩgũ ããrĩpererã mũsã merã õãrõ ããrĩburo.

Iropãta ããrã.

Pablo

## GÁLATAS

### *Pablo Galacia nikũ marãrẽ õãdoredea*

<sup>1-2</sup> Yũ Pablo, ããrĩpererã marĩyarã yũ merã ããrĩrã merã musãrẽ Galacia nikũgue ããrĩrãrẽ Jesũre bũremurãrẽ õãdore, gojáa. Jesucristo yũre ãgũyare buedoregũ beyepĩmi. Irasũ ããrĩmakũ, Marĩpũ ãgũrẽ boadiguere masũdi yũre pídi ããrĩmĩ, ãgũ magũyare bueburo, ãrĩgũ. Masaka yũre beyepĩbirima. <sup>3</sup> Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo. <sup>4</sup> Jesucristo, Marĩpũ gããmederosũta irigũ, ãgũ basi marĩ ñerĩ iridea waja boabosadi ããrĩmĩ, í ùmũ marã ñerĩ irirã irirosũ irinemobirikõãburo, ãrĩgũ. <sup>5</sup> Irasirirã ùmũrikũ Marĩpũre: “Õãtaria mũ”, ãrĩ, usũyari sĩnĩkõãrã! Irasũta irirã!

### *Cristo sugũta marĩrẽ taugũ ããrĩmĩ, ãrĩ gojadea*

<sup>6</sup> Marĩpũ musãrẽ maĩgũ, Cristore bũremunũgãdoregũ siiudi ããrĩmĩ musãrẽ peamegue waabonerãrẽ taubu. Musã gapũ, ãgũ irasirikerepũrũ, matagora ãgũ Cristo merã masakare tauri kerere bũremuduũrã irikoa. Gaji bueri gapũre tuyakoa. Musã irasiririre pégũ, bũro pégũkáa. <sup>7</sup> Gajerã musãrẽ, musã Cristoya kerere bũremunũgãdeare bũremuduũdorerã: “Gaji ããrã marĩrẽ tauri kere”, ãrĩgato, werema. Marĩrẽ gaji tauri kere máa. Cristore bũremurĩ merãta marĩ tarimasĩa. <sup>8</sup> Gũũ musãrẽ Marĩpũ Cristo merã marĩrẽ tauri kerere werebũ. “Gaji ããrã marĩrẽ tauri kere”, ãrĩgato, wererãrẽ Marĩpũ bũro wajamoãburo. Yũ, o Marĩpũre wereboegũ ùmũgasiguemũ musãrẽ irasũ ãrĩgato, weremakũdere wajamoãburo. <sup>9</sup> Musãrẽ ire weresiabũ. Weredi ããrĩkeregũ, dupaturi musãrẽ werenemoduakoa doja. Sugũ, gũũ Marĩpũ Cristo merã marĩrẽ tauri kerere musãrẽ weredeare: “Diaye ããrĩbea, gaji ããrã marĩrẽ tauri kere”, ãrĩgato, weremakũ, Marĩpũ ãgũrẽ perebiri peamegue wajamoãburo.

<sup>10</sup> Yũ ire weregũ, Marĩpũ gããmerõsũta buea. Masaka yũre: “Õãrõ weremi”, ãrĩdoregu meta buea. Irasũ ãrĩdoregũ tamerã Cristoyare iribiribokoa. ãgũrẽ moãboegũ meta ããrĩbokoa.

### *Pablo: “Jesucristoya kerere weredoregũ Marĩpũ yũre pími”, ãrĩ werede*

<sup>11</sup> Yaarã, musãrẽ ire masĩmakũ gããmea. Yũ musãrẽ Marĩpũ Cristo merã marĩrẽ tauri kerere bueri, masaka ãgũsã basi ãgũsã gũñarĩ merã bueri meta ããrã. <sup>12</sup> Iri kerere neõ sugũ masakũ yũre werebirimi. Neõ sugũ masakũ yũre irire buebirimi. Jesucristo ãgũ basi yũre irire masĩmakũ irimi.

<sup>13</sup> Musã, yũ iripoegue judío masaka ãgũsã bũremurĩrẽ iririkũdeare péunakuyo. Yũ Marĩpũyarãrẽ Jesũre bũremurãrẽ ñerõ iridũari merã ãgũsãrẽ bũro ããtũritũyaunabũ. ãgũsã Jesũre bũremurĩrẽ peodũagũ irasiriunabũ. <sup>14</sup> Yũ, judío masaka ãgũsã bũremurĩrẽ õãrõ iririkũunakubũ. Gajerã, yũ merãmarã nemorõ gũũ ñekũsãmarã iririkũunadeare iritarinũgãunakubũ. <sup>15</sup> Yũ irasirikũkerepũrũ, Marĩpũ, yũ deyoaburi dupuyuro yũre beyesiadi ããrĩmĩ ãgũyagũ ããrĩburo, ãrĩgũ. Irasirigũ ãgũ yũre bũro maĩrĩ merã ãgũ gããmerõsũ iridoregũ siiumi. <sup>16</sup> ãgũ irasiriderosũta keoro ãgũ magũrẽ yũre masĩmakũ irimi, judío masaka ããrĩmerãrẽ ãgũ magũ merã ãgũsãrẽ tauri kerere weredoregũ. I yũre irasũ waadero pũrũ, gajerãrẽ: “¿Nasirigũkuri yũ?” ãrĩ sãrẽñagũ waabiribũ. <sup>17</sup> Jerusalẽgue ããrĩrãrẽ Jesucristo yũ dupuyuro ãgũyare buedoregũ beyepĩnerãdere sãrẽñagũ waabiribũ. Ubu gapũ Arabia nikũgue diaye waakõãbũ. Pũrũ Damasco goedujãabũ doja.

<sup>18</sup> Ñre bojori tariadero pũrũ, Jerusalẽgue Pedrore ããgũ waabũ. Pe semanata ãgũ merã ããrĩbũ. <sup>19</sup> Irogue ããrĩgũ, gajerã Jesucristo ãgũyare buedoregũ beyepĩnerãrẽ neõ ããbiribũ. Marĩ Opũ Jesucristo pagũmũ Santiago diretta ããbũ. <sup>20</sup> Marĩpũ ããrõ musãrẽ gojáa. Yũ gojari, ãrĩgatori meta ããrã.

<sup>21</sup> Jerusalégue ããrĩdi Siria nikũgue, Cilicia nikũgue waabu. <sup>22</sup> Iripoere Judea nikũgue ããrĩrã Jesucristore b̄remurĩ buri marã yure ããmasĩbirima. <sup>23</sup> Yaa kere diretta pénerã ããrĩmã. Ìgũsãrẽ yaamarẽ wererã ãsũ ãrĩ werenerã ããrĩmã: “Sõõ ããrĩdeapoeguere marĩrẽ ñerõ iridũari merã b̄ro ããturitayadi, marĩ Jesucristore b̄remurĩrẽ peodũadi daporage masakare: ‘Jesucristore b̄remuka!’ ãrĩ weregorenagũ iriayupũ”, ãrĩ werenerã ããrĩmã. <sup>24</sup> Irasirirã Judea nikũgue ããrĩrã Jesucristore b̄remurã yũ ãgũrẽ b̄remurĩrẽ pérã, Marĩpũre usũyari s̄nerã ããrĩmã.

## 2

### *Jesús buedoregũ pínerã Pablõre õãrõ bokatĩrĩñeãdea*

<sup>1</sup> Catorce bojori pũrũ, dupaturi Jerusalégue Bernabé merã waabu doja. Tito wãikũgũdere ããabũ. <sup>2</sup> Marĩpũ yure iroguere waadõremi. Irasirigũ iroguere waabu. Iroguere eja, Jesúre b̄remurã oparã merã dita nerẽ, werenĩbũ. Judío masaka ããrĩmerãrẽ Marĩpũ Cristo merã marĩrẽ tauri kerere yũ buedeare ãgũsãrẽ werebũ. Yũ neõgorague buenagãdeare, dapora yũ buerire: “Diaye ããrã, õãgorãã”, ãrĩ masĩburo, ãrĩgũ, irasũ ãrĩ werebũ. Gajerã yũ buerire: “Wajamãã”, ãrĩrĩ, ãrĩgũ, irasũ ãrĩ werebũ. <sup>3</sup> Titodere, ãgũ judío masakũ ããrĩbirikerepũrũ: “Gũã judío masaka iririkũrosũ dupũma gasirogãrẽ\* wiiriõ gããmea”, neõ ãrĩbirima. <sup>4</sup> Irire dorebirikerepũrũ, gajerã ubu ãrĩboerã gapũ: “Moisés doredederõsũta dupũma gasirogãrẽ wiiriõ gããmea”, ãrĩma. Ìgũsã Jesúre b̄remugatorã, irigatorimasã ããrĩmã. Irasirirã, gũã judío masaka ããrĩkererã Jesúre b̄remurã iririre ããmurã gũã nerẽrõgue gũã merã nerẽnama. “Gũãre peamegue waabõnerãrẽ tausũmurã, Jesucristore b̄remurõ gããmea. Moisés doredeare iriri merã tausũbirikõã”, ãrĩmakũ ããma. Irire ããrã: “Moisés doredeare irirã dita tausũrãkũma, irasirirã ãgũ doredeare irika!” ãrĩma. Gũãre irire b̄remudorerã, irasũ ãrĩma. <sup>5</sup> Ìgũsã gũãre irasũ dorekerepũrũ, neõ ãgũsã dorerire iribiribũ. Gũã musãrẽ Jesucristore b̄remurĩ merã dita tausũrãkõã, ãrĩrĩ kerere: “Diaye ããrã”, ãrĩ b̄remunĩmakũ gããmea. Irasirirã ãgũsã dorerire neõ iribiribũ.

<sup>6</sup> Jesúre b̄remurã oparã yure: “Ãsũ gapũ wereka!” ãrĩbirima. “Judío masaka ããrĩmerãrẽ: ‘Gũã ñekũsãmarãrẽ Moisés iridoredeare iriro gããmea’, ãrĩ wereka!” ãrĩbirima. Ìgũsãrẽ masaka b̄remukerepũrũ, Marĩpũ ããrĩpererãrẽ s̄rosũ ããmi. Irasirigũ: “Ãsã oparã, yũ nemorõ ããrĩma”, ãrĩ gũãbiribũ. “Marĩpũ ããrĩpererãrẽ beyederõsũta yũdere beyemĩ”, ãrĩ gũãabũ. <sup>7</sup> Oparã irasũ yure: “Ãsũ gapũ wereka!” ãrĩrõno irirã, yure ããmasĩ, ãsũ ãrĩma: “Mũde, Marĩpũ judío masaka ããrĩmerãrẽ Jesucristoya kerere weredoregũ beyepĩdita ããrã. Marĩpũ Pedrorẽ judío masakare iri kerere weredederõsũta mũdere iri kerere weredoreñumi”, ãrĩma yure. <sup>8</sup> Marĩpũ Pedrorẽ judío masakare Jesucristoya kerere weredoregũ iriudi ããrĩmĩ. Ìgũta yũdere judío masaka ããrĩmerã pũro iri kerereta weredoregũ iriumi.

<sup>9</sup> Jerusalégue Jesúre b̄remurã urerã oparã: Santiago, Pedro, Juan wãikũrã ããrĩmã. Gajerã oparã nemorõ ããrĩmã. Ìgũsã yure Marĩpũ ãgũ maĩrĩ merã beyepĩdi yũ ããrĩmakũ ããmasĩ, yure, Bernabédere õãrõ bokatĩrĩ: “Marĩ s̄rosũ moãrãkõã”, ãrĩma. “Musã Jesucristoya kerere judío masaka ããrĩmerãrẽ wererã waaka!” ãrĩma. “Gũã gapũ judío masakare wererãkõã”, ãrĩma. <sup>10</sup> Gũãre: “Bõpõñarãrẽ iritamuka!” ãrĩrĩ diretta werema. I dita ããrĩbũ: “Yũ õãrõ irigura”, ãrĩ, b̄ro gũããdea.

### *Pablo Pedrorẽ Antioquãgue weredeã*

<sup>11</sup> Pũrũ gũã Antioquã wãikũri makãgue ããrĩripõẽ Pedro ejami. Ìgũ iroguere ejadero pũrũ keoro iribirimakũ ãã, ãgũguereta turaro merã werebũ. <sup>12</sup> Iro dupuyuro ãgũ

\* **2:3** Gn 17.1-14: Iripoegue Marĩpũ Abrahãrẽ ãgũ pũrã ãmarẽ: “Yaarã ããrĩburo”, ãrĩgũ, ãgũsãya dupũma gasirogãrẽ wiiridoredi ããrĩmĩ. Pũrũ iri dorerire Moisére pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ãgũsã pũrã ãmarẽ su moĩõma pere gajĩ moĩõ ureru p̄rẽbejarinurĩ waarõ merã ãgũsã deyoadero pũrũ irasũ yãma.

irogue ããrĩgũ, judío masaka ããrĩmerã Jesúre b̄remurã merã baa, ããrĩrikukõãyupũ. Īgũ irasiriripoe gajerã judío masaka Santiago iriunerã ejañurã. Īgũsã ejamakũ ĩã, judío masaka ããrĩmerã merã ããrãdi ããrĩduúkõãyupũ: “Yũre turibokuma”, ãrĩgũ. Iroque ejanerã judío masaka ããrĩmerãrẽ: “Moisés dorederosũta dupũma gasirogãrẽ wiiri ro gããmea”, ãrĩ weregorenarã iriñurã. Irasirigũ Pedro, Antioquía marã Īgũsãya dupũma gasirogãrẽ wiirisũbirinerã ããrĩmakũ, Īgũsã merã baa, ããrĩrikũadi duúkõãyupũ. <sup>13</sup> Īgũ irasirimakũ ĩãrã, gajerã judío masaka Jesúre b̄remurã, Īgũ irirosũta irigatori merã iriñurã. Judío masaka ããrĩmerã merã ããrĩrikũanerã, Īgũsã merã baanerã baanemobiriñurã. “Īgũsã merã baaduúmakũ õãbea”, ãrĩ masĩkeregũ, Bernabéde Īgũsã irirosũta iriyupũ. <sup>14</sup> Īgũsã: “Jesucristore b̄remurĩ merã dita tausũrãkoa”, ãrĩrĩ kerere masĩkererã, keoro iribirima. Irasirigũ, irire ĩã, Pedrore ããrĩpererã Jesucristore b̄remurã ĩũrõgue b̄ro turaro merã ãsũ ãrĩ werebũ: “Mũ judío masakũ ããrĩkeregũ, judío masaka ããrĩmerã irirosũta Īgũsã merã baa, ããrĩkõãbũ. Mũ irasirigũ, Moisés marĩrẽ judío masakare iridorederosũ iribiribũ. ¿Nasirigũ judío masaka ããrĩmerã gapũre: ‘Gũã judío masaka iririkũrere irika!’ ãrĩdũari?” ãrĩbũ Īgũrẽ.

### *Ããrĩpererã Jesúre b̄remurã tausũrãkuma, ãrĩ gojadea*

<sup>15</sup> Gũã neõ deyoarãgueta judío masaka ããrĩsianerã ããrĩbũ. Gaji buri marã irirosũ Marĩpũ Moisére doreri pídeare tarinũgãbea. <sup>16</sup> Irasũ ããrĩkererã, ire masĩa. Marĩpũ Moisére Īgũ doreri pídeare masaka irimakũ meta Īgũsãrẽ: “Õãrã, waja opamerã ããrĩma”, ãrĩ ĩãmi. Masaka Jesucristore b̄remumakũ, Marĩpũ Īgũsãrẽ: “Õãrã, waja opamerã ããrĩma”, ãrĩ ĩãmi. Irasirirã guade Jesucristore b̄remunũgãbũ. Īgũrẽ b̄remumakũ, Marĩpũ guadere: “Õãrã, waja opamerã ããrĩma”, ãrĩ ĩãmi. Marĩpũ, iri doreri pídeare gũã irimakũ meta guare irasũ ãrĩ ĩãmi. Neõ sugũ masakũ iri doreri pídeare iripeomasĩbemi. Irasirigũ Marĩpũ neõ sugũre: “Yũ dorerire iripeokõãmi, irasirigũ Īgũrẽ: ‘Õãgũ ããrĩmi’, ãrĩ ĩãã”, ãrĩbirikumi.

<sup>17</sup> Irasirirã: “Gũã Jesucristore b̄remumakũ, Marĩpũ guare: ‘Õãrã, waja opamerã ããrĩma’, ãrĩ ĩãmi”, ãrĩrã: “Gũã judío masakade Marĩpũ Moisére doreri pídeare iripeobirikoa, irasirirã guade ñerõ yáa”, ãrĩ masĩa. ¿Irire irasũ ãrĩ masĩrã: “Jesucristore b̄remusĩã, ñerõ irikerepũru, õãgoráa”, ãrĩrã yári? Irire neõ ãrĩbea. Jesucristo guare Īgũrẽ b̄remurãrẽ ñerõ siiu irigũ meta ããrĩmi. <sup>18</sup> Irasirigũ masakare ãsũ ãrĩ werea. “Jesucristore b̄remumakũ, Marĩpũ m̄sãrẽ: ‘Õãrã, waja opamerã ããrĩma’, ãrĩ ĩãmi” ãrĩ werea. “Marĩpũ Moisére Īgũ doreri pídeare m̄sã irimakũ, m̄sãrẽ: ‘Õãrã, waja opamerã ããrĩma’, ãrĩ ĩãmi”, ãrĩgũ meta yáa. Īgũsãrẽ: “Marĩpũ Moisére doreri pídeare m̄sã iriri merã Marĩpũ ĩũrõ waja opabirikoa”, ãrĩgũ, yũde waja opabokoa irire iripeobirisĩã.

<sup>19</sup> Iripoeguere: “Yũ, Marĩpũ Moisére doreri pídeare irigũ, Īgũ ĩũrõ waja opabi ããrĩgũkoa”, ãrĩ gũñadibũ. Irasũ ãrĩ gũñakeregũ, bokatĩũbirikubũ. Waja opagũ, peamegue waa-bodi ããrĩbũ. Daporare: “Iri dorerire iriri merã Marĩpũ merã õãrõ ããrã”, neõ ãrĩ gũñanemobeã. “Jesucristore b̄remusĩã, Marĩpũ merã õãrõ ããrĩ, Īgũ gããmerĩrẽ yáa”, ãrĩ masĩa. <sup>20</sup> Jesucristo Marĩpũ magũ yũre maĩgũ curusague boagũ, yũ ñerõ iridea wajare wajaribosadi ããrĩmĩ. Yũ Īgũyagũ ããrĩsĩã, Īgũ boaderosũta yũde Īgũ merã boadi irirosũ waadi ããrĩbũ. Sugũ boagũ Īgũ iridũarire neõ irinemomasĩbi irirosũ waadi ããrĩbũ. Irasirigũ Cristore b̄remusĩã, yũ iridũarire piri, Īgũ turaro merã Īgũyare irigũ yáa. <sup>21</sup> Yũ: “Marĩpũ Cristo merã marĩrẽ õãrõ iritamudi ããrĩmĩ”, ãrĩ b̄remurĩrẽ piridũabeã. Marĩpũ Moisére Īgũ doreri pídeare marĩ iriri merã waja opabirimakũ, Cristo marĩ ñerõ iridea waja boabosadeã wajamarĩbokuyo.

## 3

*¿Moisés doredeare iriri merã, o Jesucristore b̄remurĩ merã Marĩpũyarã ããrĩrĩ? ãrĩ gojadea*

<sup>1</sup> Mũsã Galacia marã pémasĩmerã irirosũ irirã yáa. ¿Nasirirã ãrĩgatorimasã buerire pénuġãrĩ? Ĩġũsã buerire pésĩã, Jesucristoya diayema kerere bũremurĩrẽ pirirã yáa. Ģũã, mũsã pũrogue ããrĩrã, mũsãrẽ Jesucristo curusague boadea kerere diaye werebũ. Iri ġũã wererire mũsã õãrõ pébũ. <sup>2</sup> Irasirigũ mũsãrẽ ire sërẽñadũakoa. ¿Mũsã Moisés doredeare iriri merã Őãġũ deyomarĩġũrẽ opanũġãrĩ? Ĩġũrẽ opabiribũ. Jesucristoya kerere péã, Ĩġũrẽ bũremunũġãrã, Őãġũ deyomarĩġũrẽ opanũġãbũ. <sup>3</sup> ¿Nasirirã daporare pémasĩmerã irirosũ irirã yãri? Mũsã Jesucristore bũremurã Őãġũ deyomarĩġũ iritamurĩ merã Marĩpũ dorerire irinũġãbũ. ¿Nasirirã daporare Ĩġũ iritamurĩ marĩrõ mũsã basi mũsã turari merã iri dorerire iripeodũari? <sup>4</sup> ¿Mũsã Jesucristore bũremunũġãripoe gajerã mũsãrẽ ñerõ tarimakũ irideare ġũñaberi? Daporare Ĩġũya kerere bũremuduúrã: “Ubugora irire bũremubũ”, ¿ãrĩ ġũñarĩ? <sup>5</sup> Marĩpũ mũsãrẽ Ĩġũyagũre Őãġũ deyomarĩġũrẽ iriudi ããrĩmĩ. Őãġũ deyomarĩġũ mũsã merã ããrĩmakũ, Marĩpũ Ĩġũ turari merã mũsã watopeguere wãri iri ĩmurĩrẽ irigũ yãmi. Mũsã Moisés doredeare irimakũ, ¿irasirigũ yãri? Iribemi. Mũsã Jesucristoya kerere pé bũremumakũ ġapũ irasũ yãmi.

<sup>6</sup> Abraham Marĩpũre bũremumakũ, Marĩpũ Ĩġũrẽ: “Őãġũ, waja opabi ããrĩmĩ”, ãrĩ ĩãdi ããrĩmĩ. <sup>7</sup> Irasirirã mũsã ire masĩka! Abraham Marĩpũre bũremuderosũta bũremurãno Abraham parãmerãgora ããrĩma. <sup>8</sup> Marĩpũya werenĩrĩ gojadea pũgue judío masaka ããrĩmerãdere Ĩġũsã Marĩpũre bũremumakũ, Marĩpũ Ĩġũsãrẽ: “Őãrã, waja opamerã ããrĩma”, ãrĩ ĩãburire gojasiasũdero ããrĩbũ. Marĩpũ Abrahãrẽ irire wereġũ, ãsũ ãrĩdi ããrĩmĩ: “Yũ, mũ merã ããrĩpereri buri marãrẽ õãrõ irigũra”, ãrĩdi ããrĩmĩ. <sup>9</sup> Abraham Marĩpũre bũremumakũ, Marĩpũ Ĩġũrẽ õãrõ iridi ããrĩmĩ. Irasirigũ daporadere ããrĩpererã Ĩġũrẽ bũremurãnorẽ õãrõ yãmi.

<sup>10</sup> “Moisés doredeare irimakũ, Marĩpũ marĩrẽ: ‘Őãrã, waja opamerã ããrĩma’, ãrĩ ĩãġũkumi”, ãrĩ ġũñarãnorẽ Marĩpũ wajamoãġũkumi. Marĩpũya werenĩrĩ gojadea pũgue irimarẽ ãsũ ãrĩ gojasũdero ããrĩbũ: “Ããrĩpereri Moisés doredeare iripeomerãno wajamoãsũrãkuma”, ãrĩ gojasũdero ããrĩbũ. <sup>11</sup> Neõ sugũ Moisés doredeare iripeomasĩġũ mámi. Irasirigũ Marĩpũ neõ sugũre: “Yũ dorerire iripeokõãmi, irasirigũ Ĩġũrẽ: ‘Őãġũ ããrĩmĩ’, ãrĩ ĩãã”, ãrĩbirikumi. Irire marĩ masĩã. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ Ĩġũrẽ bũremurãrẽ: ‘Őãrã, waja opamerã ããrĩma’, ãrĩ ĩãmi. Irasirirã Ĩġũ merã õãrõ ããrĩnĩkõãrãkuma”, ãrĩ gojasũdero ããrĩbũ. <sup>12</sup> Moisés doreri gojadea pũgue: “Marĩpũre bũremugũno Marĩpũ ĩũrõ waja opabi ããrĩmĩ”, neõ ãrĩ gojasũbiribũ. ãsũ ġapũ ãrĩ gojasũdero ããrĩbũ: “Ããrĩpereri Moisés doredeare iripeogũno, Marĩpũ merã õãrõ ããrĩnĩkõãġũkumi”, ãrĩ gojasũdero ããrĩbũ. Iri dorerire iripeobi ġapũre Marĩpũ Ĩġũrẽ: “Yũ ĩũrõ waja opami, yũ merã neõ õãrõ ããrĩbirikumi”, ãrĩ ĩãġũkumi.

<sup>13</sup> Irasirigũ, marĩ ããrĩpererã Moisés doredeare iripeobirimakũ, Marĩpũ marĩrẽ: “Iri dorerire iripeobema”, ãrĩġũ: “Waja opama”, ãrĩdi ããrĩmĩ. Irasirigũ Jesucristo curusague pábiatúsũġũ, waja opagũ irirosũ marĩrẽ wajamoãbodeare boa, wajaridi ããrĩmĩ. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ yukũgue siasiusũadi, Marĩpũ wajamoãdoreadi ããrĩmĩ”, ãrĩ gojasũdero ããrĩbũ. Jesucristo boari merã marĩ ñerõ iridea wajare taudi ããrĩmĩ. <sup>14</sup> Ĩġũ marĩ ñerõ iridea wajare boa, wajaribosadea merã Marĩpũ Abrahãrẽ: “Irasũta irigũra”, ãrĩderosũta judío masaka ããrĩmerãdere iridi ããrĩmĩ. Irasirigũ Ĩġũ ãrĩderosũta marĩrẽ Jesucristore bũremurãrẽ: “Őãrã, waja opamerã ããrĩma”, ãrĩ ĩã, Őãġũ deyomarĩġũrẽ sĩdi ããrĩmĩ marĩ merã ããrĩburo, ãrĩġũ.

*Marĩpũ: “Abraham merã ãsũ irigũra”, ãrĩdea*

<sup>15</sup> Yaarã, masaka Ĩġũsã iririkũrere, su keori merã mũsãrẽ wereġũra. Ĩġũsã: “Ãsũ irirã!” ãrĩ, oparã pũro papera ãmukuma. Ĩġũsã irire ãmuadero pũrũ, neõ gajerã Ĩġũsãrẽ: “I pũrẽ béokõãka! ãsũ ġapũ ġojaka!” ãrĩbirikuma. <sup>16</sup> Marĩpũ Abrahãrẽ Ĩġũ ãrĩdea, i irirosũta ããrã.



Gajerã ìgũ àrĩdeare neõ béomasĩbema. Àsũ àrĩ weredi àãrĩmĩ ìgũrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩdi àãrĩmĩ. “Mũ parãmerã àãrĩturiarã merã õãrõ irigũra”, àrĩbiridi àãrĩmĩ. Ubu gapũ: “Mũ parãmi àãrĩturiagu sugũ merãta irasirigũra”, àrĩdi àãrĩmĩ. Irasũ àrĩgũ, Jesucristore àrĩgũ iridi àãrĩmĩ. <sup>17</sup> Yũ mũsãrẽ wereri àsũ àrĩduaro yáa. Marĩpũ Abrahãrẽ masakare ìgũ õãrõ iriburire weredi àãrĩmĩ. Pũrũ cuatrocientos treinta bojori pũrũ, Marĩpũ ìgũ doreri Moisére pídi àãrĩmĩ. Irire pígu, Abrahãrẽ: “Yũ irasirigũkoa”, àrĩdeare peremakũ iribiridi àãrĩmĩ. <sup>18</sup> Marĩpũ, Moisés doredeare irirã direta: “Yũ merã õãrõ àãrĩrãkuma”, àrĩmakũ, ìgũ Abrahãrẽ àrĩdea wajamarĩbokuyo. Irasũ àãrĩbea. Marĩpũ Abrahãrẽ maĩgũ wajamarĩrõ ìgũ: “Àsũ irigũra”, àrĩdeare keoro iridi àãrĩmĩ. ((“Àãrĩpererã mũ irirosũ yũre bũremurãrẽ yũ merã õãrõ àãrĩmakũ irigũra”, àrĩdi àãrĩmĩ.))

<sup>19</sup> Iro merẽ, ¿nasirigũ Marĩpũ ìgũ dorerire Moisére píyuri? Masaka ñerõ irirã, waja oparã àãrĩrĩrẽ ìgũsãrẽ masĩdoregu irire pídi àãrĩmĩ. Abraham parãmi àãrĩturiagu Jesucristo aariripoegue Marĩpũ masakare: “Àsũ irika!” àrĩ pítũnudi àãrĩmĩ. Jesucristo aarimakũ, Marĩpũ Abrahãrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩdea keoro waabũ. Marĩpũ ìgũ dorerire ìgũrẽ wereboerãrẽ Moisére weredoredi àãrĩmĩ. Irasirigũ Moisés irire pégu, masakare wereturiadi àãrĩmĩ. <sup>20</sup> Marĩpũ Abraham parãmi àãrĩturiagu merã masakare õãrõ iriburire gajerãgue merã Abrahãrẽ weredorebiridi àãrĩmĩ. ìgũ basita weredi àãrĩmĩ. ((Irasiriro Abrahãrẽ ìgũ weredea gapũ, Moisére ìgũ dorerire pídea nemorõ àãrã.))

### *Pablo, Moisés doredeare weredea*

<sup>21</sup> Iro merẽ, Marĩpũ Abrahãrẽ weredea, ìgũ dorerire Moisére pídea nemorõ àãrĩmakũ, ¿ìgũ dorerire Moisére pídea gapũ wajamarĩyuri? Irasũ àãrĩbiridero àãrĩbú. Àsũ gapũ àãrã. Masaka àãrĩpereri Moisés doredeare iripeori merã Marĩpũ merã õãrõ àãrĩmasĩmakũ, Marĩpũ irire iripeorãrẽ: “Õãrã, waja opamerã àãrĩma”, àrĩ ìãbodi àãrĩmĩ. <sup>22</sup> Marĩpũya werenĩrĩ gojadea pũgue irimarẽ àsũ àrĩ gojasũdero àãrĩbú: “Masaka àãrĩpererã ñerõ irirã, waja oparã àãrĩma”, àrĩ gojasũdero àãrĩbú. Irasirigũ Marĩpũ Abrahãrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩderosũta irigũkumi. Àãrĩpererã Jesucristore bũremurãrẽ: “Õãrã, waja opamerã àãrĩma”, àrĩ ìãgũkumi.

<sup>23</sup> Marĩ Jesucristoya kerere pé, ìgũrẽ bũremuburi dupuyuro Marĩpũ ìgũ dorerire Moisére pídea direta masĩnerã àãrĩbú. Irasirirã marĩ ñerõ iridea waja peresugue do-bosũnerã marĩrẽ peresu iridi doreri direta masĩrã irirosũ àãrĩnerã àãrĩbú. <sup>24</sup> Marĩpũ ìgũ dorerire Moisére pídea merã marĩ iri dorerire iripeomerã àãrĩrĩrẽ masĩmakũ iridi àãrĩmĩ. Pũrũ Cristoyare masĩmakũ iridi àãrĩmĩ ìgũrẽ bũremumakũ, marĩrẽ: “Õãrã, waja opamerã àãrĩma”, àrĩ ìãbu. <sup>25</sup> Daporare Jesucristore bũremua. Irasirirã ìgũrẽ bũremusĩã: “Marĩpũ Moisére ìgũ doreri pídeare marĩ irimakũ meta marĩrẽ: ‘Õãrã, waja opamerã àãrĩma’, àrĩ ìãmi”, àrĩ masĩã.

<sup>26</sup> Irasirirã mũsã àãrĩpererã Jesucristore bũremurĩ merã ìgũyarã àãrĩsĩã, Marĩpũ pũrã àãrã. <sup>27</sup> Mũsã àãrĩpererã deko merã wãiyesũnerã àãrĩbú mũsã Cristoyarã àãrĩrĩrẽ ìmumurã. Irasirirã ìgũyarã àãrĩsĩã, ìgũ irirosũ àãrĩrikũa. <sup>28</sup> Marĩ àãrĩpererã ìgũyarã àãrĩsĩã, sugũyarãta àãrã. Irasirigũ Marĩpũ judío masakare, judío masaka àãrĩmerãdere, moãboerimasãrẽ, moãboemerãdere, ùmarẽ, nomedere sũrosũta ìãmi. Irasiriro marĩrẽ Jesucristoyarãrẽ dukawari masĩña máa. <sup>29</sup> Marĩ Cristoyarã àãrĩsĩã, Abraham parãmerã àãrĩturiarã àãrã. Irasirigũ Marĩpũ Abrahãrẽ: “Mũrẽ õãrõ irigũra”, àrĩderosũta marĩdere irigũkumi. Marĩ Cristoyarã àãrĩmakũ, marĩrẽ irasirigũkumi.

## 4

<sup>1</sup> Mũsãrẽ i keori merã wereduakoa. Sugũ majĩgũ àãrĩpereri ìgũ pagũyare opaturiyabu àãrĩkeregũ, majĩgũ àãrĩsĩã, sugũ moãboegũ irirosũ àãrĩkumi. <sup>2</sup> Gajerã ìgũrẽ,

Īgūya āārīburidere ĩāduripībosakuma. Irasirigu, ĩgūsā doreri doka āārīkumi. Sunu ĩgū pagu, ĩgū boaburi dupuyuro ĩgūya āārādeare ĩgū magūrē wiaburinurē werepīkumi. “Inu ejamakū, āārīpereri yaa āārīdeare yu magūrē wiaka!” āārīkumi. Irasirirā irinu ejamakū, ĩgūrē wiakuma pama. <sup>3</sup> Marīde Jesucristore b̄remuburi dupuyuro marī ñekūsāmarā i ūmumarē buerire iritayarā, majīgū ĩgū āārīderosū marī ñekūsāmarā doreri doka āārīunanerā āārībú. Irasirirā gajerārē moāboerā irirosū āārīnerā āārībú. <sup>4</sup> Irasū āārīkerepuru, Marīpu gapu ĩgū: “Āsū irigura”, āārīdeanu ejamakū, keoro ĩgū magūrē i ūmuguere iriudi āārīmí. ĩgū iriumakū, sugo nomeōguere deyoadi āārīmí. ĩgū judío masaku āārīsīā, Marīpu doreri Moisére pīdeare iridi āārīmí. <sup>5</sup> Marīpu ĩgū magūrē, marī iri dorerire iripeobiri wajare boa, wajaribosadoregu iriudi āārīmí ĩgū pūrā waaburo, āārīgū.

<sup>6</sup> Irasirigu Marīpu marīrē: “Yu pūrā āārīsīama”, āārīgū, ĩgū magū Jesucristo merā Ōāgū deyomarīgūrē iriudi āārīmí. Irasirirā Ōāgū deyomarīgū iritamurī merā Marīpūre: “Guapu”, āārī masīa. <sup>7</sup> Marī, Marīpu pūrā āārīsīā, moāboerimasā irirosū āārībea pama. Irasirirā āārīpereri Marīpu ĩgū magū Cristo iridea merā marīrē ĩgū pūrārē sīburire ñeārākoa.

*Pablo Jesúre b̄remurārē Galaciague āārīrārē gūñarikūdea*

<sup>8</sup> Iripoeguere mūsā Marīpūre masībirisīā, gajerānorē b̄remunerā āārībú. ĩgūsārē b̄remurā, ĩgūsā doreri doka āārītuuyanírā irirosū āārīnerā āārībú. Marīpūgorare b̄remubirinerā āārībú. <sup>9</sup> Dapora mūsā Marīpūre masīa. ĩgū mūsārē masīgū ĩgūrē masīmakū iridi āārīmí. Mūsā ĩgūrē masīsīā, mūsā iripoegue ubu āārīrērē b̄remudeare b̄remuduúkōānerā āārībú. Irasirikererā, daporare Moisés doredeare iripeoduarā, mūsā ubu āārīrērē b̄remupurorideare b̄remurā irirosū irirā yāa. ¿Nasirirā irire irasirirā yāri? ¿Nasirirā dupaturi moāboerimasā irirosū āārīduari doja? <sup>10</sup> Mūsāde, Marīpu merā ōārō āārīduarā, judío masaka bosenuārī irinarōsūta iriadīkoa. Iri bosenuārērē irirā, siuñajārīnurīku, abe deyoarikū, gajinurī bosenuarīku, bojorīku bosenuārērē irīkoa. <sup>11</sup> Mūsā irasirimakū pégu: “¿Yu ĩgūsārē ubugora bueyuri?” āārīgū, b̄ro mūsārē gūñarikūa.

<sup>12</sup> Yaarā, yu mūsārē āsū irimakū gāāmea. Mūsā judío masaka āārībirisīā, Moisés doredeare iribirinerā āārībú. Yude, judío masakū āārīkeregu, mūsā iriderosūta iri dorerire irībea. Irasirigu dupaturi mūsādere yu irirosū irimakū gāāmea. Marī Jesucristore b̄remusīā, Marīpu merā ōārō āārīmasīa. Yu mūsārē Jesucristoyare buemakū, mūsā yure neō ñerō iribirību. <sup>13</sup> Mūsā masīa. Yu, Jesucristo masakare tauri kerere mūsārē buepurorigu, pūrīrikūbu. <sup>14</sup> Yu pūrīrikūmakū mūsārē diasagorabu. Irasū āārīkerepuru, mūsā yure ĩāturi doobirību. Ubu gapu Marīpūre wereboegure irirosū ōārō bokatīrīñeābu. Jesucristore irirosū yure ōārō irību. <sup>15</sup> Mūsā yu merā usuyari opadea, ¿naāsū waāari? Ire yu masīa. Mūsā irasirimasīrā, mūsāya koyere yure wea sībokuyo yure iritamumurā. <sup>16</sup> Yu mūsārē diayemarē weredeā waja daporare yure: “Guare ĩāturīgu irirosū irīgu yāmi”, ¿ārī ĩārī?

<sup>17</sup> Gajerā āārīgatori merā buerimasā gapu mūsārē b̄ro iritamuduarā irirosū irikererā, ōārō merā irirā meta āārīma. Mūsārē guā buerire iritayarire piri, ĩgūsā bueri gapure irituyadorerā yāma. <sup>18</sup> Gajerā mūsārē iritamudūamakū ōāgorāa. ĩgūsā mūsārē iritamuduarā, ōārō gūñarī merā iritamunīkōāburo. Yu mūsā merā āārīmakū direta irasiribirīkōāburo. <sup>19</sup> Mūsā yu pūrā irirosū āārīrārē mūsāya āārīburire gūñagū, dupaturi b̄ro pūrīsūrī merā ñerō tarīgu irirosū āārā. Sugo nomeō pūrākūburi dupuyuro pūrīrī péñarōsū péñakoa. Mūsā Jesucristo irirosū āārīrikūmakūgue, irasū poyarikātūnugūkoa. <sup>20</sup> Yu mūsā p̄ro mūsā merā b̄ro āārīduadīkoa. Mūsārē daporata turīro marīrō ōārō pémasīma ōārō weredūadīkoa. Weredūakeregu, ñeēno merā werenīumasībīrīkoa.

*Pablo, Agar, Saraya keori merā weredeā*

<sup>21</sup> Mūsā, Moisés doredeare iridūakererā, ¿nasirirā iri dorerire ōārō pémasīberī?

<sup>22</sup> Marīpūya werenīrī gojadea pūgue āsū āārī gojasūdero āārībú: “Abraham pērā ūma

pūrākudi āārīmí. Sugure ĩgũ marāpore moāboego Agar wāikũgo merā pūrākudi āārīmí. Gajigure ĩgũ marāpo diaye Sara merā pūrākudi āārīmí. Igo, moāboego meta āārīdeo āārímó”, ārī gojasũdero āārībú. <sup>23</sup> Abraham marāpore moāboego magũ marī masaka deyoarosũta deyoadi āārīmí. Abraham marāpo magũ gapũ Marĩpũ Abrahārē: “Mũ marāpo sugũ majĩgũ pūrākũgokumo”, ārīderosũta deyoadi āārīmí.

<sup>24-25</sup> ĩgũsā pērā nomeya, pe keori irirosũ āārā. Saraya: Abraham, Marĩpũ ĩgũrē ārīdeare bũremuderossũta Jesucristore bũremurāya keori irirosũ āārā. Agarya: Marĩpũ Sinaí wāikũri buúrũgue Arabia nikũgue ĩgũ dorerire Moisére pídeare irirāya keori irirosũ āārā. Agar, moāboego āārīsā, igo magũde moāboegũ āārīdi āārīmí. Irasirirā Moisés doredeare irirā igo magũ irirosũ āārĩma. Moāboerā irirosũ iri doreri doka āārĩma. Daporare Jerusalén marā Moisés doredeare irirā, Agar magũ irirosũ āārĩma. Irasirirā, moāboerā irirosũ iri doreri doka āārĩma. <sup>26</sup> Saraya: Jerusalén ũmũgasima makā marā Jesucristore bũremurāya keori irirosũ āārā. Sara, moāboego āārĩbirimakũ, igo magũde, moāboegũ meta āārīdi āārīmí. Irasirirā marī Jesucristore bũremurā, Sara magũ irirosũ āārā. Moāboerā irirosũ Moisés doreri doka āārĩrā meta āārā. <sup>27</sup> Marĩpũ ĩgũya werenĩrĩ gojadea pũgue āsũ ārīdi āārīmí:

“Nomeõ, mũ pũrā marĩkerego, usũyaka! Sugo nomeõ, pũrākũgo pũrĩrĩ péñarõsũ péñabirikerego, bũro usũyaka! Mũ pũrā marĩkerepũrũ, pũrũguere mũ parāmerā āārĩturiarā wārā āārĩrākuma.

Gajego marāpũkũgo igo marāpũ merā āārĩgõ parāmerā āārĩturiarā nemorõ wārā āārĩrākuma”, ārīdi āārīmí Marĩpũ. ((Iri ārīdea āsũ ārĩdũaro yāa. Jesucristore bũremurā Sara parāmerā āārĩturiarā āārĩma. ĩgũsā, Moisés doredeare irirā nemorõ wārā āārĩrākuma.))<sup>\*</sup>

<sup>28</sup> Irasirirā yaarā, marī Sara magũ Isaac irirosũ āārā. Marĩpũ pũrā Abrahārē ārīderosũta Sara Isaare pũrākũdeo āārímó. Irasirigũ Marĩpũ ĩgũ ārīderosũta marĩrē Jesucristore bũremurārē ĩgũ pũrā āārĩmakũ iridi āārīmí. <sup>29</sup> Iripoeguere Agar magũ marī masaka deyoaderossũta deyoadi, Sara magũ Ōāgũ deyomarĩgũ turari merā deyoadore ĩāturi, ñerõ iridi āārīmí. Daporadere irasũta āārā. Moisés doredeare irirā, marĩrē Jesucristore bũremurārē ĩāturi, ñerõ irirā yāma. <sup>30</sup> Marĩpũ ĩgũya werenĩrĩ gojadea pũgue Abrahārē āsũ ārīdi āārīmí: “Moāboego magũ mũ sĩburire opabirikumi. Mũ marāpo diaye moāboego āārĩbeo magũ gapũ mũ sĩburire opagũkumi. Irasirigũ moāboegore, igo magũ merāta béoka!” ārīdi āārīmí Marĩpũ. <sup>31</sup> Irasirirā yaarā, marī Jesucristore bũremurā, Sara parāmerā āārĩturiarā āārā. Moāboego parāmerā āārĩturiarā meta āārā. Sara magũ ĩgũ pagũ sĩburire opaderosũta, marī Marĩpũ ĩgũ pũrārē sĩburire oparākoa.

## 5

### *Pablo: “Jesucristoyare bũremurĩrē piribirikõõka!” ārĩ gojadea*

<sup>1</sup> Jesucristo marĩrē Moisés doreri doka āārĩnerārē taudi āārīmí. Marĩ ñerõ iridea wajare ĩgũ boari merā wajaribosadi āārīmí, Marĩpũ merā õārõ āārĩburo, ārĩgũ. Irasirirā mũsā Marĩpũ pũrā āārīsā, Jesucristoyare gũñaturari merā bũremunĩkõõka! Ārĩgatori merā buerimasā mũsārē Moisés doredeare iridoremakũ, ĩgũsārē pébirikõõka! Iri dorerire irirā, moāboerā irirosũ āārĩma. Irasirirā iri doreri doka neõ āārĩnemobirikõõka!

<sup>2</sup> Ōārõ péka yũre! Yũ Pablo, mũsārē ire weregũra. “Gũaya dupũma gasirogārē wiirirā, Marĩpũ merā õārõ āārĩrākoa”, ārĩ gũñabirikõõka! Mũsā irasũ ārĩ gũñamakũ, mũsārē Jesucristo boabosadea wajamarĩboyo. <sup>3</sup> Irasirigũ gopeyari merā mũsārē werea doja. Marĩpũ merā õārõ āārĩburire ĩgũsāya dupũma gasirogārē wiirirānorē Moisés doredeare āārĩpererire iripeoro gāāmea. <sup>4</sup> Mũsā: “Moisés doredeare irimakũ, Marĩpũ gũare: ‘Ōārā, waja opamerā āārĩma’, ārĩ ĩāgũkumi”, ārĩ gũñarā, Jesucristore pirirā yāa. Mũsā irasirirā, Marĩpũ mũsārē maĩgũ õārõ iritamurĩdere gāāmebea. <sup>5</sup> Marĩ: “Ōāgũ deyomarĩgũ iritamurĩ

<sup>\*</sup> 4:27 Is 54.1

merã Jesucristore buremumakũ, Marĩpu guare: ‘Õãrã, waja opamerã ããrĩma’, ãrĩ ããmi”, ãrĩ masĩa. <sup>6</sup> Irasiriro, marĩ Jesucristoyarã ããrĩmakũ, Marĩpu iũrõ dupuma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamãa. Marĩpu iũrõ marĩ Jesucristore buremurã ããrĩrĩ gapu wajakua. Ìgũrẽ buremusĩã, gajerãrẽ maĩa.

<sup>7</sup> Musã Jesucristore buremunugãrã, ìgũyare õãrõ irituyanerã ããrĩbũ. Dapora gapure gajerã musãrẽ ìgũya diayemarẽ õãrõ irituyabirimakũ irirã yãma. <sup>8</sup> Ìgũsã musãrẽ irasirirã Marĩpu gããmerĩ gapure irirã meta yãma. Marĩputa musãrẽ Jesucristore buremunugãdoregu siiudi ããrĩmi, Jesucristoyare õãrõ irituyaburo, ãrĩgũ. <sup>9</sup> Masaka ãsũ ãrĩ werema: “Pãrẽ irirã, mërõgã pã wemasãrĩ poga merã trigo pogare morẽkuma. Pũũ iri wemasãseyakõãkoa”, ãrĩ werema. I irirosũ, ãrĩgatori merã buerimasã buerire surãyeri irire irituyarã, pũugue musã ããrĩpererã ãrĩgatori buerire irituyarãkoa. <sup>10</sup> Yũ gũñaturari merã marĩ Opũ Jesucristore buremua. Musãde, yũ irirosũ ìgũrẽ buremua. Irasirigu musãya ããrĩburire ãsũ ãrĩ gũñãa: “Ìgũsã ãrĩgatori merã buerimasã buerire irituyarire piri, dupaturi yũ irirosũ Jesucristoya diayemarẽ irituyarãkuma doja”, ãrĩ gũñãa. Marĩpu, musãrẽ ãrĩgatori merã buerã gapure wajamoãgukumi.

<sup>11</sup> Yaarã, gajerã yũre ãsũ ãrĩma: “Pablo masakare: ‘Marĩpu merã õãrõ ããrĩduarã, dupuma gasirogãrẽ wiirika!’ ãrĩ buemi”, ãrĩma. Yũ irire neõ irasũ ãrĩ buebea. Yũ irasũ ãrĩ buemakũ, judío masaka gajerãrẽ irire iridorerã yũre ñerõ iribiribokuma. Yũ, Jesucristo ìgũ curusague boari merã masakare tauri kere gapure buea. Yũ irire bueri waja judío masaka yũre ñerõ tarimakũ yãma. <sup>12</sup> Yũ, ìgũsã ãrĩgatori merã buerimasã musãrẽ dupuma gasirogãrẽ wiiridorerãrẽ musã puro neõ ããrĩnemobirimakũ gããmea. Musãrẽ irasũ wiiridoreduarã, ìgũsã basi wiiri, pũrã marĩrã dujaburo.

<sup>13</sup> Yaarã, Marĩpu musãrẽ Moisés doreri doka ããrĩburo, ãrĩgũ meta siiudi ããrĩmĩ. Irasirirã: “Gũã gããmerõ ñerĩ ñaribejarire irimakũ õãrokoa”, ãrĩ gũñabirikõãka! ãsũ gapu irika! Maĩrĩ merã gãme iritamunĩka! <sup>14</sup> Musã gajerãrẽ diaye maĩrã, Moisés doredeare ããrĩpererire irirã yãa. Irasũta ãrĩ gojasũdero ããrĩbũ: “Mũ basi maĩrõsũta mũ puro ããrĩrãdere maĩka!” ãrĩ gojasũdero ããrĩbũ. <sup>15</sup> Irasirirã pẽmasĩka! Musã gãme ãaturiduúmerã, pũrĩsũrĩ sĩtĩrĩ werenĩduúmerã, musã basi gãme dukawaripereakõãrãkoa.

*Pablo: “Õãgũ deyomarĩgũ gããmerĩrẽ irinĩka!” ãrĩ weredeã*

<sup>16</sup> Yũ musãrẽ ãsũ ãrĩ werea. Õãgũ deyomarĩgũ gããmerĩrẽ irinĩka! Musã irasirirã, musã gããmerõ ñerĩ ñaribejarire iribirikoa. <sup>17</sup> Marĩ ñerĩ ñaribejari, Õãgũ deyomarĩgũ gããmerĩrẽ meta ããrã. Irasirirã marĩ ñerĩ ñaribejarire irirã, Õãgũ deyomarĩgũ gããmerĩrẽ irirã meta yãa. Õãgũ deyomarĩgũ gããmerĩ gapure irirã, marĩ gããmerõ ñerĩ ñaribejarire iribirikoa. <sup>18</sup> Marĩ Õãgũ deyomarĩgũ marĩrẽ iridorerire irirã, Moisés doreri doka ããrĩrã meta ããrã. “Marĩ Moisés doredeare irirã, Marĩpu merã õãrõ ããrĩrãkoa”, ãrĩ gũñabea.

<sup>19</sup> Masaka ìgũsã ñerĩ ñaribejarire irimakũ, marĩ õãrõ ããmasĩa. Ìgũsã ñerĩ ñaribejarire irirã, ãsũ yãma: Ëma, ìgũsã marãposã nome ããrĩmerãrẽ; nomede, ìgũsã marãpusãmarã ããrĩmerãrẽ ñerõ gãmebiragorenama. ããrĩpereri gũyasĩũrĩ, ñerõ iririre yãma. Gũyasĩrĩrõ marĩrõ ñerõ iririre taubéokõãma. <sup>20</sup> Keori weadeare buremuma. Yãa iririre yãma. Gajerãrẽ ãaturi dooma. Gãme guaseoma. Gãme ãaturima. Gajerã merã mata gua, sĩtĩrĩ werenĩma. Ìgũsãya ããrĩburi direta gũñama. Ìgũsã gããmerĩrẽ ããrĩduarã, ìgũsãya bumarãrẽ gãme dukawarimakũ yãma. <sup>21</sup> Gajerãrẽ gajinorẽ ìgũsã opamakũ, ãaturima. Masakare wẽjẽbãoma. Mejãrikurã ããrĩma. Bosenũrĩrẽ irirã, mejãrã ñerĩrẽ yãma. Irasũ ããrĩmakũ, wãri gajino ñerĩdere yãma. Irasirigu yũ musãrẽ ãrĩderosũta gopeyari merã werea doja. Iri ñerĩrẽ irinĩgũno, Marĩpu ìgũyarãrẽ doreroguerẽ waabirikumi.

<sup>22</sup> Õãgũ deyomarĩgũ gapu marĩrẽ ìgũyare irimakũ yãmi. Irasirirã ìgũ iritamurĩ merã masakare maĩa. Ësũyari opãa. Siuñajãrĩ merã ããrĩrikũ. Gajerã marĩrẽ ñerõ irikerepũrũ, ìgũsã merã guabea. Masakare bopoñarĩ merã ããa. Ìgũsãrẽ õãrõ gũñarĩ merã iritamua.

Piiriro marĩrõ Marĩpũ gããmerõsũ gajerãrẽ keoro õãrõ yáa. <sup>23</sup> “Gajerã nemorõ ããrã”, ãrĩ pẽñabea. Marĩ ñerĩ ñaribejarire iridũakererã, iribeã. Õãgũ deyomarĩgũyare irirã, irasũta yáa. Gajigũ irasirirãnorẽ: “Irire irasiribirikõãka!” neõ ãrĩbemi. <sup>24</sup> Marĩ Jesucristoyarã ããrĩsĩã, marĩ ñerĩ ñaribejarire piribũ. Irasirirã marĩ gããmerĩrẽ, marĩ ñerõ iridũarire iribeã. <sup>25</sup> Marĩ, Õãgũ deyomarĩgũ iritamurĩ merã Marĩpũ merã õãrõ ããrĩrikũã. Irasirirã Õãgũ deyomarĩgũ marĩrẽ iridorerire ĩgũ iritamurĩ merã irinĩkõãrõ gããmea.

<sup>26</sup> Irasirirã marĩ: “Gajerã nemorõ ããrã”, ãrĩbirikõãrã! Marĩ werenĩrĩ merã gajerãrẽ gãme ĩaturimakũ iribirikõãrã! Gajerã õãrõ ããrĩrikũrere ĩaturibirikõãka!

## 6

*Pablo: “Mũsã Jesucristore bũremurã gãme iritamuka!” ãrĩ gojadea*

<sup>1</sup> Yaarã, sugũ Jesũre bũremugũ ñerĩrẽ irimakũ ĩãrã, mũsã Õãgũ deyomarĩgũ iridorerire irirã ĩgũrẽ iritamuka, ĩgũ iri ñerõ iririre piriburo, ãrĩrã! “Gũã, ĩgũ nemorõ ããrã”, ãrĩ gũñarõ marĩrõ õãrõ merã ĩgũrẽ wereka! Irasũ iritamurã, õãrõ pẽmasĩka, mũsãde ĩgũ irirosũta ñerĩrẽ iriri, ãrĩrã! <sup>2</sup> Mũsã bũjawererãnorẽ, gũñaturamerãnorẽ, ñerĩ ñaribejarire tarinũgãmasĩmerãnorẽ iritamuka! Mũsã irasũ iritamurã, Jesucristo dorederosũta irirãkoa.

<sup>3</sup> Sugũ õãrĩrẽ iribirikeregũ: “Yũ õãrĩrẽ irigũ ããrã”, ãrĩ gũñagũ, ĩgũ basi ãrĩgatogũ yámi.

<sup>4</sup> Marĩ masakakũ: “¿Õãrõ irigũ yári?” ãrĩrã, marĩ basi marĩ iririre pẽmasĩrĩ merã gũñarõ gããmea. Irasiridero pũrũ, marĩ iriri õãrĩ ããrĩmakũ: “Gajerã nemorõ ããrã”, ãrĩ gũñarõ marĩrõ ñũyari merã: “Yũ õãrĩrẽ yáa”, ãrĩ masĩrãkoa. <sup>5</sup> Irasirirã marĩ masakakũ, Marĩpũ ĩũrõ ĩgũ: “Yaare irirã, ãsũ irika!” ãrĩ pídeare õãrõ iriro gããmea.

<sup>6</sup> Mũsã Jesũya kerere buerimasãrẽ iritamuka! ĩgũsã mũsãrẽ bueri waja, mũsã õãrĩ oparire ĩgũsãrẽ dukawaka, ĩgũsã gããmerĩrẽ opaburo, ãrĩrã!

<sup>7</sup> Mũsã basi ãrĩgatobirikõãka! Marĩpũre gopepyari marĩrõ merã: “Yũ ñerõ irimakũ, yũre wajamoãbirikumi”, ãrĩ gũñabirikõãka! Marĩ õãrĩ oterã, pũrũgue õãrĩ dukare bokarosũ marĩ õãrĩ irirã, pũrũgue õãrĩrẽ bokarãkoa. Ñerĩrẽ irirã, pũrũgue ñerĩrẽ bokarãkoa.

<sup>8</sup> Sugũ ĩgũ ñerĩ ñaribejarire irinĩgũno, ĩgũ ñerĩ iridea waja ñerĩrẽ bokagũkumi. Perebiri peamegue wajamoãsũgũkumi. Õãgũ deyomarĩgũ gããmerĩrẽ irigũ gapũ õãrĩrẽ bokagũkumi. Marĩpũ pũro perebiri okari opagũkumi. <sup>9</sup> Irasirirã Õãgũ deyomarĩgũ gããmerõsũ gariborero marĩrõ õãrĩrẽ irinĩkõãrã! Marĩpũ iridũarinũ ejamakũ, marĩrẽ õãrĩ iririre pirimerãrẽ õãrĩrẽ sĩgũkumi. <sup>10</sup> Irasirirã noó waaró ããrĩpererã marĩ bokajarãnorẽ õãrĩrẽ irirã! Marĩyarãrẽ Jesucristore bũremurãrẽ neõ piiriro marĩrõ ĩgũsãrẽ õãrĩrẽ irinĩkõãrã!

*Pablo weretũnudea*

<sup>11</sup> ĩãka! Yũ basi mũsãrẽ ire gojadũakoa. Irasirigũ i pagari gojari merã mũsãrẽ ãsũ ãrĩ gojagũ yáa. <sup>12</sup> ĩgũsã mũsãrẽ dupũma gasirogãrẽ wiiridorerimasã, ĩgũsãrẽ gajerã judío masaka õãrõ gũñamakũ gããmerã, irasũ wiiridorema. Marĩ Jesucristo ĩgũ curusague boadea merã masakare tauri kerere bueri waja judío masaka marĩrẽ turi, ñerõ yáma. Mũsãrẽ dupũma gasirogãrẽ wiiridorerimasã gapũ gajerã ĩgũsãrẽ turi, ñerõ irimakũ gããmemerã, mũsãrẽ irasũ wiiridorema. <sup>13</sup> ĩgũsã ĩgũsãya dupũma gasirogãrẽ wiirisũnerã ããrĩkererã, ããrĩpereri Moisés doredere iripeobema. Iri dorerire iripeobirikererã, gajerã judío masaka pẽuro: “Gũã Moisés doredere iridoremakũ, Galacia marã, gũã iridorederosũta irima”, ãrĩdũarã, mũsãrẽ irasũ wiiridorema.

<sup>14</sup> Yũ tamerã ĩgũsã irirosũ irasũ ãrĩrĩrẽ gajerã pẽuro neõ ãrĩbirikoa. Marĩ Opũ Jesucristo ĩgũ curusague boari merã marĩ ñerõ iridea wajare wajaribosadea kere direta masakare weregũkoa. Jesucristo yũre yũ ñerõ iridea wajare taudi ããrĩmakũ, i ãmũma ñerĩ ñaribejarĩ iririre piribũ. I ãmũ marã yũre ĩgũsã irirosũ ñerĩ ñaribejarire iridoremakũ, neõ iribeã.

<sup>15</sup> Irasiriro, marĩ Jesucristoyarã ããrĩmakũ, Marĩpũ ĩũrõ dupũma gasirogãrẽ wiirisũnerã

ããrĩrĩ, wiirisũbirinerã ããrĩrĩde wajaamáa. Marĩ Jesucristoyarã ñajãmakũ, Marĩpũ marĩrẽ maama ããrĩrikũrire opamakũ iridi ããrĩmĩ. Iri maama ããrĩrikũrire opari dita wajakũa.  
<sup>16</sup> Marĩpũ ããrĩpererãrẽ yũ Jesucristoyare buerire iritũyarãrẽ bopoñarĩ merã iã, siuñajãrĩ merã ããrĩrikũmakũ iriburo. Marĩpũ ããrĩpererãrẽ ãgũyarãrẽ irasiriburo.

<sup>17</sup> Yũ Jesucristoyare buedea waja gajerã yũre pá, yaa dupũre kãmitú, ñerõ tarimakũ irima. Ñgũsã irasiridea merã yũ Jesucristore moãboegũ ããrĩrĩrẽ masĩsũa. Irasirirã dapora merã neõ sugũ yũre garibonemobirikõãburo. Yũ buerire: “Diaye ããrĩbea”, ãrĩ, yũre ñerõ werenínemobirikõãburo.

<sup>18</sup> Yaará, marĩ Opũ Jesucristo musãrẽ ããrĩpererãrẽ õãrõ iriburo. Irasũta iriburo.

Iropãta ããrã.

Pablo

## EFESIOS

### *Pablo Efeso marãrẽ õãdoredea*

<sup>1</sup> Yũ Pablo, mũsãrẽ õãdoredea. Marĩpũ gããmederosũta Jesucristo yũre ãgũyare buedoregũ pĩmi. Irasirigũ mũsãrẽ Efeso marãrẽ Marĩpũyarãrẽ Jesucristore bũremurãrẽ gojãa. <sup>2</sup> Marĩpũ ããrĩnĩgũ, marĩ Opũ Jesucristo mũsãrẽ õãrõ iritamũ, siuñajãrĩ merã ããrĩrikũmakũ iriburo.

### *Marĩpũ, Cristo merã marĩrẽ õãrõ iritamũmi, ãrĩ gojãdea*

<sup>3</sup> Ʋsũyari sĩrã marĩ Opũ Jesucristo Pagũre! ãgũ marĩrẽ Cristoyarãrẽ ããrĩpereri ãmũgasimarẽ, marĩya yũjũpũrãrĩma õãrĩrẽ sĩdi ããrĩmĩ. <sup>4</sup> I ãmũ iriburi dupuyuro marĩrẽ Cristoyarã ããrĩmurãrẽ beyedi ããrĩmĩ ãgũ ãũrõ õãrã, waja opamerã ããrĩburo, ãrĩgũ. <sup>5</sup> Neõgoragueta ãgũ marĩrẽ maĩgũ ãgũ gããmederosũta Jesucristo iridea merã marĩrẽ: “Yũ pũrã ããrĩmakũ irigũra”, ãrĩ beyepĩsiadi ããrĩmĩ. <sup>6</sup> Marĩpũ marĩrẽ bũro bopoñarĩ merã ããrĩsã, ãgũ magũ ãgũ maĩgũ merã marĩrẽ ãgũyarãrẽ õãrõ iridi ããrĩmĩ. Irasirirã ãgũrẽ usũyari sĩnĩkõãrã! <sup>7</sup> ãgũ magũ boagũ, ãgũ dí bẽori merã marĩ ñerĩ iridea wajare wajaribosadi ããrĩmĩ. Irasirigũ Marĩpũ marĩrẽ bũro maĩgũ, marĩrẽ bopoñarĩ merã ããrĩgũ, marĩ ñerĩ irideare kãtidi ããrĩmĩ. <sup>8</sup> Marĩrẽ irire masĩburo, ãrĩgũ, ããrĩpereri masĩrĩ, pẽmasĩrĩdere sĩdi ããrĩmĩ. <sup>9</sup> ãgũ iriburire marĩ dupuyurogue masĩbirideare marĩrẽ masĩmakũ iridi ããrĩmĩ. Irasirigũ marĩrẽ: “Yũ gããmerõsũta usũyari merã ããrĩsũ irigũra”, ããrĩdeare masĩmakũ iridi ããrĩmĩ. <sup>10</sup> ãgũ: “Ãsũ irigũra”, ããrĩdeare iriripoe ejamakũ, ããrĩpereri irigũkumi. Irasirigũ ããrĩpererã ãmũgasi ããrĩrãrẽ, i nikũ ããrĩrãdere Cristore ãgũsã Opũ ããrĩmakũ irigũkumi.

<sup>11</sup> Iripoegueta Marĩpũ gũare Cristo merã õãrõ ããrĩmurãrẽ beyesiadi ããrĩmĩ ãgũ sĩgũra, ããrĩdeare opaburo, ãrĩgũ. ãgũ gããmederosũta i ããrĩpererire õãrĩ irigũra, ããrĩdeare irisiadi ããrĩmĩ. <sup>12</sup> Gũare Cristore bũremupũrorinerãrẽ irasiridi ããrĩmĩ. ãgũ gũare wãri õãrĩrẽ irimakũ ããrĩrã, ãgũrẽ: “Õãtaria mũ”, ãrĩ, usũyari sĩa. <sup>13</sup> Marĩpũ, Cristo merã masakare tauri kerere mũsãde pẽbũ. Iri diayema kerere pẽrã, Cristore bũremunũgãbũ. Irasirigũ Marĩpũ mũsãrẽ Cristo merã õãrõ ããrĩmakũ iridi ããrĩmĩ. ãgũ iripoegue ããrĩderosũta Õãgũ deyomarĩgũrẽ mũsãrẽ iriudi ããrĩmĩ ãgũ merã ãgũyarã ããrĩrĩrẽ masĩdoregũ. <sup>14</sup> Irasirigũ Marĩpũ marĩrẽ ãgũyarãrẽ tariwepereperemakũ iridero pũrũ, ãgũ iripoegue: “Sĩgũra”, ããrĩdeare sĩgũkumi. Õãgũ deyomarĩgũ marĩ merã ããrĩgũ, Marĩpũ marĩrẽ: “Sĩgũra”, ããrĩdeare marĩ opaburire masĩmakũ yãmi. Irasirirã Marĩpũre: “Õãtaria mũ”, ãrĩ, usũyari sĩnĩkõãrã!

### *Pablo Marĩpũre: “Cristore bũremurãrẽ mũyare masĩburo”, ãrĩ sãrẽbosarire gojãdea*

<sup>15</sup> Yũ mũsã õãrõ iririkũrere masĩa. Mũsã marĩ Opũ Jesũre õãrõ bũremua. Mũsã ããrĩpererã gajerã Marĩpũyarãrẽ maĩa. <sup>16</sup> Irasirigũ yũ mũsãrẽ gũñagũ, Marĩpũre: “Õãtaria ãgũsã irasũ ããrĩmakũ”, ãrĩ, ãgũrẽ mũsãya ããrĩburire sãrẽnĩkõãa. <sup>17</sup> Marĩpũ, marĩ Opũ Jesucristo Pagũ õãtarimi. Irasirigũ yũ ãgũrẽ mũsãya ããrĩburire ããrĩ ãrĩ sãrẽbosãa: “Gũapũ, Õãgũ deyomarĩgũ masĩrĩ sĩa, ãgũsã mũyamarẽ pẽmasĩrĩ merã masĩnemoburo, ãrĩgũ!” <sup>18</sup> Marĩpũ, ãgũyarã ããrĩmurãrẽ iripoegue ããrĩderosũta mũsãrẽ ãgũ beyepĩnerãrẽ sĩgũkumi. Õãtaria ãgũ mũsãrẽ sĩburi. Irasirigũ yũ Marĩpũre: “ãgũsã gũñarĩgue ãgũsãrẽ irire õãrõ pẽmasĩmakũ irika!” ãrĩ sãrẽa. <sup>19-20</sup> Gajidere mũsã õãrõ pẽmasĩburire sãrẽbosãa. Marĩpũ ããrĩpererã nemorõ turagũ ããrĩmĩ. ãgũ turari merãta marĩ Jesucristore bũremurãrẽ ãgũ merã õãrõ ããrĩmakũ yãmi. ãgũ iri turari merãta Cristo boadiguere masũ, ãmũgasigue ãgũ diaye gapũ doamakũ iridi ããrĩmĩ ãgũrẽ ããrĩpererã Opũ ããrĩdoregũ. <sup>21</sup> ãgũrẽ iroque doamakũ irigũ, ããrĩpererã ãmũgasi, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doregũ wekamũ ããrĩmakũ iridi ããrĩmĩ. Irasirigũ Cristo ããrĩpererã dapora marã oparãrẽ,

pɔɔɔgue marã oparãdere doregɔ ããrĩmi. <sup>22</sup> Marĩpɔ ããrĩpererire, ããrĩpererãrẽ Cristo doka dujamakũ iridi ããrĩmĩ. Irasirigɔ Cristo, ããrĩpererã marĩ ãgũrẽ bɔremurĩ bumarã Opɔ, marĩ dipuru ããrĩmi. <sup>23</sup> Marĩ ãgũrẽ bɔremurĩ bumarã, sugɔyarãta ããrĩsĩã, ãgũya dupɔ irirosũ ããrã. ãgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri ãgũyare opamakũ yãmi.

## 2

### *Marĩpɔ marĩrẽ maĩgũ taurimarẽ gojadea*

<sup>1</sup> Iripoeguere Jesucristore bɔremuburo dupuyuro mɔsã ñerõ iririkɔ, Marĩpɔ dorerire tarinɔgãnerã ããrĩbũ. Irasirirã, Marĩpɔ ãũrõrẽ boanerã irirosũ ãgũ merã õãrõ ããrĩbirinerã ããrĩbũ. <sup>2</sup> Mɔsã i ãmɔ marã irirosũ ñerõ iriunanerã ããrĩbũ. Wãtẽa opɔ dorerire iriunanerã ããrĩbũ. ãgũta i ãmɔ marã ããrĩpererã Marĩpɔ dorerire tarinɔgãrãrẽ doregɔ ããrĩmi. <sup>3</sup> Iripoeguere marĩ ããrĩpererã ñerĩ diretta iriunanerã ããrĩbũ. Irasirirã marĩ noó gããmerõ iridɔarire, ñerĩ gũñarĩrẽ iriunanerã ããrĩbũ. Irasirirã marĩde Marĩpɔre bɔro wajamoãsumurã ããrĩbonerã ããrĩbũ. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbũ. <sup>4</sup> Marĩpɔ gapɔ marĩrẽ bɔro maĩgũ, bopoñarĩ opatarigɔ ããrĩmi. <sup>5</sup> Marĩ ñerõ iridea waja ãgũ ãũrõrẽ marĩ boanerã irirosũ ããrĩkererɔɔ, marĩrẽ Cristo merã õãrõ ããrĩmakũ iridi ããrĩmĩ. ãgũ Cristore masũ, dupaturi okamakũ iriderosũta marĩdere ãgũ pɔro perebiri okari sĩdi ããrĩmĩ. Irasirigɔ marĩrẽ bopoñarĩ merã ããrĩsĩã, taudi ããrĩmĩ.

<sup>6</sup> Marĩpɔ Jesucristo boadiguere masũdi ããrĩmĩ. Masũ, ãmɔgasigue ãgũ merã doamakũ iridi ããrĩmĩ ããrĩpererãrẽ doregɔ ããrĩburo, ãrĩgũ. ãgũrẽ masũderosũta marĩdere Cristoyarãdere masũ: “ãmɔgasigue doarã ãgũ merã dorerã ããrĩma”, ãrĩ ããrĩmĩ. <sup>7</sup> ãgũ, Jesucristo merã marĩrẽ wãro maĩrĩrẽ ãmudi ããrĩmĩ. Pɔɔɔguere ããrĩpererãrẽ ãgũ marĩrẽ bopoñarĩrẽ masĩmakũ gããmegũ, irasiridi ããrĩmĩ. <sup>8</sup> Marĩpɔ marĩrẽ bopoñagũ, Cristore bɔremumakũ, marĩrẽ taudi ããrĩmĩ. Marĩ basi marĩ iridea merã neõ taribirikoa. Marĩpɔ marĩrẽ taudea: ãgũ marĩrẽ wajamarĩrõ sĩdea, ãgũ marĩrẽ iribosadea ããrã. <sup>9</sup> Marĩ õãrõ iririre ããrĩ meta taudi ããrĩmĩ marĩrẽ. Irasirirã marĩ basi: “Yɔ õãrõ iridea waja Marĩpɔ yɔre taumi”, ãrĩmasĩbirikoa. <sup>10</sup> Marĩ, Marĩpɔ irinerã ããrã. ãgũ marĩrẽ Jesucristoyarã ããrĩdoregɔ, irasiridi ããrĩmĩ. Iripoegue marĩ õãrõ iriburire gũñasiadi ããrĩmĩ. Irasirigɔ marĩrẽ Jesucristoyarãrẽ ire pídi ããrĩmĩ õãrĩrẽ iridoregɔ.

### *Marĩ, Jesucristo merã õãrõ mɔsɔyari opãã, ãrĩ gojadea*

<sup>11</sup> Mɔsã iripoegue ããrĩrikũdeare õãrõ gũñaka! Gɔa mɔsãrẽ, judío masaka ããrĩmerãrẽ, mɔsã ãmaya dupɔma gasirogãrẽ wiiribiri waja: “Marĩpɔyarã ããrĩbea”, ãrĩ ããrĩbirinerã ããrĩbũ. Gɔa judío masaka gapɔ irasũ wiirisũnerã: “Marĩpɔyarã ããrã”, ãrĩ gũñakererɔɔ, iri wiiridea marĩrẽ ãgũyarã waamakũ iribea. <sup>12</sup> Iripoeguere Marĩpɔ iriudi Cristore mɔsã bɔremubirinerã ããrĩbũ. Irasirirã mɔsã Israel bumarã merã ããrĩbirinerã ããrĩbũ. Marĩpɔ Israel bumarãrẽ: “ãgũsãrẽ õãrõ irigura. ãgũsã Opɔ ããrĩgura. Yaarã ããrĩrãkuma”, ãrĩ pídeare opabirinerã ããrĩbũ. Irasirirã mɔsã: “Marĩpɔ gɔare taugakumi”, ãrĩmasĩbirinerã ããrĩbũ. Marĩpɔ merã õãrõ ããrĩbirinerã ããrĩbũ. <sup>13</sup> Mɔsã iripoegue Marĩpɔre masĩbirinerã ããrĩkererã, daporare mɔsã Jesucristore bɔremurã ãgũyarãta ããrã. ãgũ boari, ãgũ dí béori merã Marĩpɔ mɔsãrẽ ãgũrẽ masĩrã, ãgũyarã waamakũ iridi ããrĩmĩ. <sup>14</sup> Gɔa judío masaka, mɔsã judío masaka ããrĩmerã merã pe bumarã ããrĩkererɔɔ, Cristo iridea merã marĩrẽ sugɔ pũrãta ããrĩmakũ iridi ããrĩmĩ. Irasirigɔ marĩ basi gãme ããrĩdeare pirimakũ iridi ããrĩmĩ. Irasirigɔ Cristo marĩrẽ ãgũyarãrẽ siuñajãmakũ yãmi. <sup>15</sup> Cristo curusague boagɔ: “Marĩpɔ merã õãrõ ããrĩdɔarã, ããrĩpereri ãgũ Moisére doreri pídeare iripeoka!” ãrĩdeare peremakũ iridi ããrĩmĩ. Irasirigɔ Cristo marĩrẽ ãgũyarãrẽ pe bumarã ããrĩnerãrẽ su bumarãta ããrĩmakũ iridi ããrĩmĩ. Iri merãta marĩrẽ siuñajãrĩ merã õãrõ ããrĩmakũ iridi ããrĩmĩ. <sup>16</sup> ãgũ curusague



boari merã marĩ pe bumarã gãme ãaturideare pirimakũ iridi ããrĩmĩ. Irasirigũ marĩrẽ pe bumarã ããrĩnerãrẽ, Marĩpũyarã ãgũ merã õãrõ ããrĩmakũ iridi ããrĩmĩ.

<sup>17</sup> Cristo, Marĩpũ merã marĩ õãrõ ããrĩburi kerere weregũ aaridi ããrĩmĩ. Mũsãrẽ judío masaka ããrĩmerã Marĩpũre masĩbirinerãrẽ, gũare judío masaka Marĩpũ Moisére doreri pídea oparãdere weregũ aaridi ããrĩmĩ, marĩ ããrĩpererã Marĩpũ merã siuñajãrĩ bokaburo, ãrĩgũ. <sup>18</sup> Irasirirã Cristo merã, irasũ ããrĩmakũ Õãgũ deyomarĩgũ iritamurĩ merã marĩ ããrĩpererã judío masaka, judío masaka ããrĩmerãde Marĩpũ marĩ merã ããrĩmakũ ãgũrẽ sërẽmasĩa. <sup>19</sup> Irasirirã daporare mũsã gajero marã irirosũ ããrĩbea. Mũsãya nikũrẽ ããrĩmerã irirosũ ããrĩbea. Mũsã, gũa merã su makã marã irirosũ, Marĩpũyarãta ããrã. Irasirirã sugũ pũrãta ããrã marĩ.

<sup>20</sup> Mũsã, gũa merã Jesucristore bũremurã, Marĩpũ moãrĩ wii irirosũ ããrã. Iripoegue Marĩpũya kerere weredupuyurimasã ãgũyare gojapũrorinerã ããrĩmã. Pũru Jesucristo buedoregũ pínerã ãgũyare werenerã ããrĩmã. Mũsã, ãgũsã gojadeare buedero pũru, ãgũsã weredeare pédero pũru, Jesucristore bũremunũgãbũ. Jesucristo, Marĩpũya wiima weanũpũroridea ãtãye irirosũ ããrĩmĩ. Marĩpũyare gojapũrorinerã, Jesucristo buedoregũ pínerã, gaji weanũdea ãtãyeri irirosũ ããrĩma. <sup>21</sup> Jesucristo gajerãdere ãgũrẽ bũremumakũ yãmi Marĩpũyarã ããrĩburo, ãrĩgũ. ãtãyeri merã wiire peoturiamũrĩagũ keoro weanũrĩ wiire irirosũ irigũ yãmi. Irasirigũ marĩrẽ gajerã Marĩpũyarã merã õãrõ gãmesurimakũ yãmi. ããrĩpererã marĩ, ãgũsã merã Marĩpũyarã ããrĩsĩa, ãgũ ããrĩrĩ wii irirosũ ããrĩrãkoa. <sup>22</sup> Irasũ ããrĩmakũ mũsãde, gajerã Jesucristore bũremurã ããrĩpererã merã Marĩpũyarã ããrã. Irasirirã Marĩpũ moãrĩ wii, ãgũ ããrĩrĩ wii irirosũ marĩ ããrã. Marĩpũ, Õãgũ deyomarĩgũ merã marĩ merã ããrĩmĩ.

### 3

#### *Pablo judío masaka ããrĩmerãrẽ Jesucristoya kerere weredea*

<sup>1</sup> Yũ Pablo, Jesucristoya kerere mũsãrẽ judío masaka ããrĩmerãrẽ weredea waja peregũ ããrã. Marĩpũ, Jesucristo merã mũsãdere ãgũyarã ããrĩmakũ yãmi. Irasirigũ yũ mũsãya ããrĩburire sërẽbosãa ãgũrẽ. <sup>2</sup> Mũsã ire masĩsiãa. Marĩpũ mũsãrẽ bopoñagũ, Jesucristoya kerere buedoregũ yũre pími mũsã õãrõ irigũ. <sup>3</sup> Marĩpũ, ãgũ Cristo merã iriburire, iripoegue marã masĩbirideare yũre masĩmakũ irimi. Mũsãrẽ irire mérõ gojasiabũ. <sup>4</sup> Yũ gojadeare buerã, Marĩpũ, ãgũ Cristo merã iriburire yũ masĩdeare mũsãde masĩrãkoa. <sup>5</sup> Marĩpũ, ãgũ Cristo merã iriburire iripoegue marã gapũre masĩmakũ iribiridi ããrĩmĩ. Dapora gũa gapũre Jesucristoyare wererimasãrẽ, ãgũya kerere weredupuyurimasãdere Õãgũ deyomarĩgũ merã masĩmakũ yãmi. <sup>6</sup> ãsũ ããrã Marĩpũ iriburi, iripoegue marã masĩbiridea. Gũa judío masaka, mũsã judío masaka ããrĩmerãde Marĩpũ masakare tauri kerere bũremumakũ, gũare, mũsãdere Jesucristoyarã ããrĩmakũ yãmi. Marĩrẽ sugũ pũrãta ããrĩmakũ yãmi. Irasirigũ Marĩpũ judío masakare: “ãsũ sĩgũra”, ãrĩpũroriderosũta marĩrẽ ããrĩpererã Cristoyarãrẽ õãrĩrẽ sĩgũkumi.

<sup>7</sup> Marĩpũ Jesucristoya kerere buedoregũ yũre pídi ããrĩmĩ. Yũre õãrõ iri, ãgũ turarire sĩdi ããrĩmĩ iri kerere õãrõ wereburo, ãrĩgũ. <sup>8</sup> ããrĩpererã gajerã Marĩpũyarã yũ nemorõ ããrĩma. Irasũ ããrĩkererũ, Marĩpũ yũre õãrõ iri, judío masaka ããrĩmerãrẽ Jesucristoya kerere buedoregũ pími. Irasirigũ: “Cristo õãtarigũ ããrĩmĩ, ãgũ marĩrẽ sĩburi õãtariri ããrã”, ãrĩ werea ãgũsãrẽ. Ire neõ pẽmasĩbokajaya mãã marĩrẽ. <sup>9</sup> Marĩpũ yũre pígu: “ãsũ taugũkoa judío masaka ããrĩmerãdere”, ãrĩ gũñadupuyudeare yũre weredoremi. ãgũta ããrĩpereri i ãmũmarẽ iridi, iripoegue marãrẽ ãgũ judío masaka ããrĩmerãrẽ Cristo merã tauburire werebiridi ããrĩmĩ. Daporague yũre weredoremi ããrĩpererã masakare irire masĩdoregũ. <sup>10</sup> Marĩpũ marĩrẽ Jesucristore bũremurãrẽ su bumarã ãgũyarãta ããrĩmakũ iririre ããrã, ãmarõ marã dorerã ãgũrẽ wereboerã, wãtẽade, ãgũ ããrĩpereri masĩpeogu ããrĩrĩrẽ masĩrãkuma. ãgũsãrẽ irire masĩmakũ gããmemi Marĩpũ.

11 I ũmũ iriburo dupuyurogueta Marĩpũ ĩgũ gããmederosũta marĩrẽ: “Yaarã ããĩmurã ããĩma”, ãĩdeare marĩ Opũ Jesucristo merã iriyuwarikũdi ããĩmĩ. 12 Marĩ Cristore bũremurã ĩgũ merã õãrõ ããĩsĩã, gũiro marĩrõ gũnaturari merã Marĩpũre sërẽmasĩã. 13 Yũ musãrẽ Jesucristoya kerere weredeã waja peresugue poyari merã ããrã. Musã õãrõ ããĩburire iri kerere werebũ. Irasirirã musã yũ poyarire gũnarã, bujawereri merã ããĩbirikõãka! Poyakeregũ, Marĩpũ musãrẽ õãrõ irideare gajerãrẽ masĩmakũ yãã.

*Cristo marĩrẽ bũro maĩgũ ããĩmĩ, ãĩ gojadea*

14 Irasirigũ Marĩpũ, marĩ Opũ Jesucristo Pagũ ããĩpereri irideare yũ gũnagũ, ĩgũ ĩũrõrẽ yaa ñadũkupuri merã ejamejã, ĩgũrẽ: “Õãtaria mũ”, ãĩ, usuyari sĩa. 15 ĩgũta ããĩpererã ĩgũyarã ũmũgasigue ããĩrã, i nikũgue ããĩrã Pagũ ããĩmĩ. 16 ĩgũta turatarigũ ããĩmĩ. Irasirigũ yũ musãya ããĩburire ĩgũrẽ sërẽbosãã musãguere Õãgũ deyomarĩgũ merã ĩgũ turarire opaburo, ãĩgũ. 17 Musã Cristore bũremumakũ, ĩgũ musãguere õãrõ ããĩnikõãburo, ãĩgũ, sërẽã. Gaji sërẽbosãã Cristo musãrẽ bũro maĩrẽ masĩsĩã, gajerãrẽ maĩburo, ãĩgũ. 18 Irasirigũ musãrẽ, ããĩpererã gajerã ĩgũrẽ bũremurãdere Cristo marĩrẽ bũro maĩrẽ pẽmasĩdoregũ, sërẽbosãã. Cristo marĩrẽ maĩrẽ neõ keomasĩña mãã. “Õõpã eyaro, yoaro, ũmarõ, ũkũãrõ ããrã”, neõ ãĩ masĩña mãã. 19 Cristo marĩrẽ maĩrẽ marĩ neõ masĩpeobirikerepũ, yũ musãya ããĩburire Marĩpũre sërẽbosagũ: “Ire ĩgũsãrẽ õãrõ masĩnemomakũ irika!” ãĩ sërẽã. Irasirirã marĩ ire masĩpeorã, Marĩpũyamarẽ masĩpeorãkoã.

20 Irasirirã Marĩpũre: “Ãsũ iribosaka gũare!” ãĩ sërẽmakũ, marĩ sërẽrĩ nemorõ irimasĩmĩ. Marĩ basita: “Ãsũpero iriburo ĩgũ”, ãĩ gũnamakũ, marĩ gũnarĩ nemorõ irimasĩmĩ. ĩgũ turagũ ããĩsĩã, ĩgũ turari marĩrẽ sĩdea merã irire iribosami. 21 Irasirirã Jesucristoyamarẽ, ĩgũrẽ bũremurĩ bumarã marĩ ããĩrĩrẽ masĩrã, ããĩpererinũrĩ ããĩpererã Marĩpũre: “Õãtaria mũ”, ãĩ, usuyari sĩburo. ããĩpererã dapora marã, pũrugue marãde neõ ĩgũrẽ usuyari sĩrĩrẽ piribirikõãburo. Irasũta ããrã.

## 4

*Marĩ Cristoyarã Õãgũ deyomarĩgũ merã su bumarãta ããrã, ãĩ gojadea*

1 Yũ marĩ Opũya kerere weredeã waja peresugue ããĩgũ, turaro merã ãsũ wereã musãrẽ doja. Marĩpũ musãrẽ siiudi ããĩmĩ ĩgũyarã ããĩburo, ãĩgũ. Irasirirã ĩgũ musãrẽ: “Ãsũ irika, yaarã ããĩsĩã!” ãĩdeare õãrõ irika! 2 “Gajerã nemorõ ããrã”, ãĩ gũñabirikõãka! Gajerãrẽ õãrõ merã irika! Guari marĩrõ gajerãrẽ bopoñarĩ merã ĩãka! Gajerã musãrẽ garibokerepũ, ĩgũsãrẽ maĩrĩ merã ĩãka! 3 Õãgũ deyomarĩgũ iritamurĩ, ĩgũ musãrẽ siuñajãrĩ pĩri merã suro merã õãrõ ããĩrikũka! Musã irasũ ããĩrĩrẽ piriro marĩrõ ããĩnikõãka! 4 Marĩ Jesucristoyarã su bumarã ããĩsĩã, ĩgũya dupũ irirosũ ããrã. Õãgũ deyomarĩgũ sugũta ããĩgũ, ĩgũ sugũ masakũ merã ããĩrõsũ marĩ ããĩpererã merã ããĩmĩ. Marĩpũ marĩ ããĩpererãrẽ ũmũgasigue perebiri okari sĩbu, siiudi ããĩmĩ. 5 Marĩ Opũ Jesucristo marĩ bũremugũ sugũta ããĩmĩ. Marĩrẽ deko merã wãiyeride su wãita ããrã marĩ ĩgũyarã ããĩrĩrẽ ĩmuburi. 6 Marĩpũ sugũta marĩrẽ iridi ããĩmĩ. ĩgũta marĩ ããĩpererã Opũ ããĩmĩ. Marĩ ããĩpererã merã ããĩmĩ. Irasirigũ ĩgũ gããmederosũta marĩ ããĩpererã merã ããĩpererire õãrõ yãmi.

7 Marĩ su bumarã ããĩkerepũ, Cristo marĩ ĩgũyarãrẽ masakakũre Marĩpũyare irimasĩburire dũkawa pĩdi ããĩmĩ. Irasirigũ ĩgũ dũkawa pĩderosũta keoro marĩ gãme iritamumakũ yãmi. 8 Cristo ĩgũ i nikũgue aariburo dupuyuroguere ãsũ gojasũdero ããĩrũ Marĩpũya werenĩrĩ gojadea pũgue:

Ĩgũrẽ ĩãturĩãrẽ tarinũgãdero pũ, ũmũgasigue mũrĩãkõãgũkumi. Irasirigũ masakare i nikũgue ããĩrãrẽ õãrĩrẽ sigũkumi, ãĩ gojasũdero ããĩrũ.✧

<sup>9</sup> Īgũ ũmugasigue mũrĩarire ãrĩ gojadea, ãsũ ãrĩduaro yáa. Jesucristo ũmugasigue mũrĩaburi dupuyuro i nikũgue dijari, õõgue ããrĩdi ããrĩmĩ. <sup>10</sup> Īgũta i nikũgue ããrĩdi, ũmugasigue Marĩpu ããrĩrõgue mũrĩãkõãdi ããrĩmĩ. Irasirigu ããrĩpererogue ããrĩgũ, ããrĩpererãrẽ doregu ããrĩmĩ. <sup>11</sup> Irasirigu marĩ Īgũyarãrẽ masakakũre Marĩpũyare irimasĩburire pídi ããrĩmĩ õãrõ gãme iritamuburo, ãrĩgũ. Surãyerire beyepídi ããrĩmĩ Īgũyare buedoregu. Gajerãrẽ Marĩpu weredoredeare wererimasã ããrĩmurãrẽ, Īgũ masakare tauri kerere weregorenarĩmasã ããrĩmurãrẽ, Īgũyarãrẽ korerimasã ããrĩmurãrẽ, Īgũyarãrẽ buerimasã ããrĩmurãrẽ beyepídi ããrĩmĩ. <sup>12</sup> Irasũ beyepídi ããrĩmĩ marĩ Īgũyarã gãme iritamuburo, ãrĩgũ. Irasirirã marĩ Īgũyarã su bumarã, Īgũya dupũ irirosũ õãrõ turarã masãrõsũ Īgũrẽ bũremuturawãgãnemorãkoa.

<sup>13</sup> Irasirirã marĩ ããrĩpererã sũrosũ Cristore bũremurã, masã odorã irirosũ ããrĩpereri Īgũ, Marĩpu magũ ããrĩrĩrẽ nemorõ õãrõ masĩrãkoa. Irasirirã marĩde Cristo irirosũ ããrĩrikũrãkoa. <sup>14</sup> Majĩrãgã irirosũ ããrĩrã meta, pémasĩrãkoa. Irasirirã marĩrẽ ãrĩgatomerẽrã buemakũ pérã, diayema ããrĩrĩrẽ bũremurĩrẽ pirimerã: “Īgũsã maama bueri, diaye ããrã”, ãrĩ bũremubirikoa. <sup>15</sup> Marĩ gãme maĩrĩ merã diayema ããrĩrĩrẽ werero gããmea. Irasirirã majĩrãgã masã pémasĩrõsũta marĩde marĩ Opũ Cristo marĩ dipuru ããrĩgũ merã Marĩpũyare õãrõ pémasĩrãkoa. <sup>16</sup> Marĩ Īgũyarã su bumarã ããrĩsĩã, Īgũya dupũ irirosũ ããrã. Sugũ masakũ turagu masã, ããrĩpereri Īgũya dupũma merã õãrõ irimasĩmi. I irirosũ, Cristo marĩ masakakũre: “Ãsũ iriburo”, ãrĩ dukawa pídeare irirã, marĩ ããrĩpererã õãrõ gãme iritamumasĩa. Irasirirã gãme maĩrã, gãme iritamurã, nemorõ turaro merã Cristoyare õãrõ iriwãgãnemorãkoa.

*Marĩpu Cristoyarãrẽ maama ããrĩrikũrere opamakũ iridi ããrĩmĩ, ãrĩ gojadea*

<sup>17</sup> Irasirigu yũ marĩ Opũ Cristo dorero merã mũsãrẽ ãsũ ãrĩ werea. Marĩpũre masĩmerã gapũ noó gããmerõ gũñamoãmakõãma. Īgũsã irirosũ neõ irinemobirikõãka! <sup>18</sup> Īgũsã Marĩpũyare péduabema. Irasirirã irire neõ pémasĩbirigorakõãma. Īgũsãya gũñarĩguere bũro naĩtĩãrĩ oparã irirosũ ããrĩma. Irasirirã Marĩpu merã õãrõ ããrĩburire Īgũ sĩrĩrẽ neõ opabema. <sup>19</sup> Ñerĩrẽ irirã, neõ gũyasĩrĩbirigorakõãma. ããrĩpereri ñerĩ ãaribejarire neõ piridũaro marĩrõ ñerĩ direta iririkũrã yáma. <sup>20</sup> Cristoya bueri gapũ, mũsãrẽ Īgũsã irirosũ ñerõ iririre iridoreri máa. <sup>21</sup> Mũsã Īgũya diayema buerire pérã: “Jesús diayeta ãsũ ããrĩmĩ, diayema ããrĩrĩrẽ buemi”, ãrĩ masĩkuyo. <sup>22</sup> Iripoeguere mũsã ñerĩ ãaribejari iririre: “Õãgorã”, ãrĩ gũñarã, mũsã basita ãrĩgatonerã ããrĩbũ. Iri ñerĩrẽ irirã, mũsã basita poyanorẽnerã ããrĩbũ. Irasirirã mũsã iripoegue ããrĩunaderosũta ããrĩnemobirikõãka! <sup>23</sup> Mũsã ñerĩ direta gũñaunadeare pirikõãka! Õãrĩ gũñarĩ gapũre gorawayuro gããmea mũsãrẽ. <sup>24</sup> Marĩpu Īgũ gããmederõsũta marĩrẽ maama ããrĩrikũrere opamakũ iridi ããrĩmĩ Īgũ irirosũ diayema irirã, Īgũ iũrõ õãrã ããrĩburo, ãrĩgũ. Irasirirã, surĩro boari dariñe béo, maama surĩro õãrĩñe gorawayu sãñarã irirosũ, iripoegue ñerĩ iriunadeare piri, maama iririkũrere gorawayu irika!

<sup>25</sup> Marĩ Cristoyarã Īgũ dupũ irirosũ ããrĩrã, su bumarã ããrã. Irasirirã marĩ basi neõ gãme ãrĩgatonebobirikõãrã! Marĩ merãmarãrẽ ãrĩgatoro marĩrõ diaye wererã!

<sup>26</sup> Gajerã merã guarã, Īgũsãrẽ ñerõ iribirikõãka! Irinũ merãta Īgũsã merã guarire pirikõãka! <sup>27</sup> Wãtĩ mũsãrẽ gajerã merã guamakũ iririre kãmutaka! <sup>28</sup> Yajarikũgu ããrĩdi neõ dupaturi yajabirikõãburo. Õãrĩ moãrĩ gapũre moãburo, Īgũ moã wãjatari merã gajerã boporãrẽ iritamubu.

<sup>29</sup> Neõ ñerõ werenĩrĩrẽ werenĩbirikõãka! Õãrĩ gapũ direta werenĩka! Mũsã werenĩrĩ merã gajerãrẽ iritamuka! Irasirirã mũsã õãrĩ werenĩrĩrẽ pérã, Īgũsãde õãrõ ããrĩrikũrãkuma. <sup>30</sup> Marĩ ñerĩrẽ irirã, ñerõ werenĩrã, Õãgũ deyomarĩgũrẽ bũjaweremakũ irirãkoa. Irire iribirikõãka! Õãgũ deyomarĩgũ marĩrẽ: “Marĩpũyarã ããrã”, ãrĩ masĩmakũ

yámi. Irasirirã marĩ masĩa. Marĩpu, Jesucristo merã marĩrẽ taurinu ejamakũgue õãrõ taugorakõãgukumi.

<sup>31</sup> Irasirirã musã gajerã merã suyubirire, ãgũsã merã guataririre, ñerõ gainírĩ merã gãme turirire, ñerõ ãrĩ buridarire pirikõãka! Irasirirã ããrĩpereri ñerõ iririre pirika! <sup>32</sup> Æsũ gapu irika! Bopoñarĩ merã gãme õãrõ iritamuka! Marĩpu marĩrẽ Cristo merã marĩ ñerĩ irideare kãtiderosũta musãde gajerã musãrẽ ñerõ irideare kãtika!

## 5

### *Marĩpu pũrã ããrĩrã ãsũ ããrĩrikuro gããmea, ãrĩ gojadea*

<sup>1</sup> Musã Marĩpu pũrã, ãgũ maĩrã ããrã. Irasirirã ãgũ irirosũ ããrĩrikuro gããmea.

<sup>2</sup> Cristo marĩrẽ maĩrõsũta musãde gajerãrẽ maĩka! ãgũ marĩrẽ maĩgũ ãgũ basita ãgũrẽ wẽjẽduarãguere wiadi ããrĩmĩ marĩrẽ boabosabu. ãgũ boabosagu, judío masaka oveja majĩgũrẽ wẽjẽ, Marĩpu ãũrõrẽ soepeosũdi irirosũ ããrĩdi ããrĩmĩ. Irasirĩgu ãgũ irasiriri merã Marĩpure usuyamakũ iridi ããrĩmĩ.

<sup>3</sup> Irasirirã Marĩpuyarã ããrĩrã, musã marãposã nome ããrĩmerãrẽ, marãpusãmarã ããrĩmerãrẽ neõ ñerõ gãmebiragorenabirikõãka! ããrĩpereri gũyasĩũrĩ ñerõ iririre neõ iribirikõãka! Gajerãyare uaribejabirikõãka! Neõ mérõgã ñerõ iririre iribirikõãka!

<sup>4</sup> Gũyasĩũrõ werenĩrĩrẽ werenĩbirikõãka! Pémasĩmerã irirosũ werenĩmoãmabirikõãka! Ñerĩrẽ ãrĩ buridabirikõãka! Æsũpero gapu werenĩka! Marĩpure: “Õãrõ yãa mu gũare”, ãrĩ, usuyari sĩka! <sup>5</sup> Ire õãrõ masĩka musã! Gajigu marãpo merã ñerõ iririkurã, gajego marãpu merã ñerõ iririkurã, gũyasĩũrõ ñerĩrẽ iririkurã, Marĩpuyarã ããrĩbema. Gajerãyare uaribejarikurãde Marĩpuyarã ããrĩbema. ãgũsã gajino gapure Marĩpure gããmerõ nemorõ gããmerã, keori weadeare buremurã irirosũ yãma. Marĩpu gapure buremubema. Irasirirã Marĩpu ãgũyarãrẽ dorerogue neõ waabirikuma. Irogue Cristo merã neõ ããrĩbirikuma. <sup>6</sup> Gajerã musãrẽ ãgũsã ñerõ irideare: “Æsũ irimakũ õãgorãa”, ãrĩgatorire pẽbirikõãka! Marĩpu, ãgũsã irasũ ñerõ iri, ãgũ dorerire tarinũgãrĩ waja ãgũsãrẽ perebiri peamegue wajamoãgukumi. <sup>7</sup> ãgũsã ñerĩ irirã merã neõ ñerĩrẽ iriwekabejabirikõãka!

<sup>8</sup> Marĩ Opuyarã musã ããrĩburo dupuyuro ñerĩrẽ irirã, ãgũrẽ masĩmerã naĩtĩãrõgue ããrĩrã irirosũ ããrĩnerã ããrĩbũ. Dapora gapure ãgũrẽ masĩrã ãgũyarã ããrĩsĩã, boyorogue ããrĩrã irirosũ ããrã. Irasirirã ãgũ ãũrõ õãrĩrẽ iririkuka! <sup>9</sup> Boyorogue ããrĩrãno, õãrĩrẽ, Marĩpu dorerire, diayemarẽ irirãkuma. <sup>10</sup> Irasirirã marĩ Opuyare õãrõ bueka, ãgũrẽ usuyamakũ iririre irimurã! <sup>11</sup> Ñerĩ iririkurã, naĩtĩãrõgue ããrĩrã irirosũ ããrĩma. ãgũsã irirosũ neõ iribirikõãka! Æsũ gapu irika! ãgũsã ñerõ iririre: “Ñegorãa”, ãrĩ wereka, ãgũsãrẽ irire masĩdorerã! Musã wererire pẽrã, boyorogue ããrĩrã irirosũ ñerõ irideare piri, õãrĩ gapure irirã dujarãkuma. <sup>12</sup> Masaka ããberogue ãgũsã ñerõ iriboedeare marĩ werenĩmakũ gũyasĩũgorãa. <sup>13</sup> Boyorore ããrĩpereri ããmasĩsũa. Marĩ ãgũsã ñerõ iririre: “Ñegorãa”, ãrĩmakũ, ãgũsã ñerõ iririkurire masĩrãkuma. <sup>14</sup> Irasirirã gajerã sugũ ñerõ iririkugũnorẽ ãsũ ãrĩ werema:

Mu pémasĩbi, kãrĩgũ irirosũ ããrã. Yobe, pémasĩka! Cristo merã õãrõ ããrĩbi, boanerã merã ããrĩgũ irirosũ ããrã.

Irasirigu wãgãnũgã, ãgũ merã õãrõ ããrĩka! Mu irasirimakũ, Cristo murẽ boyorogue ããrĩmakũ irirosũ ãgũyare masĩmakũ irigukumi.

<sup>15</sup> Irasirirã õãrõ pémasĩka, õãrĩrẽ irimurã! Marĩpuyare masĩmerã irirosũ iribirikõãka! ãgũya gapure õãrõ masĩka! <sup>16</sup> Dapora marã masaka ñerĩ iririkuma. Irasirirã musã okarinũrĩrẽ Marĩpu gããmerĩ direta irika, gajerãde ãgũyare masĩburo, ãrĩrã! <sup>17</sup> Pémasĩmerã irirosũ iririkubirikõãka! Marĩpu gããmerĩrẽ õãrõ pémasĩduaka, irire irimurã! <sup>18</sup> Irasirirã mejãbirikõãka! Mejãrã ãgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka! <sup>19</sup> Musã ãgũrẽ opatarirã, Marĩpuyaya bayari merã musã basi gãme

werenírãkoa. Salmos gojadea pũgue bayarire, gaji marĩ Opure buremu bayaridere ãgũrẽ bayapeorãkoa. Mũsãya yũjũpũrãrĩgue õãrõ mũsũyari merã bayapeorãkoa ãgũrẽ: “Õãtaria mũ”, ãrĩ buremurã. <sup>20</sup> Marĩpũ ããrĩpererire marĩrẽ õãrõ yãmi. Irasirirã marĩ Opũ Jesucristoyarã ããrĩsĩã, ãgũ wãĩ merã Marĩpũre: “Mũ iridea õãtaria”, ãrĩnĩkõãka!

*Su wii marã Cristoyarã ãsũ ããrĩrõ gããmea, ãrĩ gojadea*

<sup>21</sup> Mũsã ããrĩpererã Cristore gopeyari merã buremurã ããrĩsĩã, õãrõ gãme pé buremuka!

<sup>22</sup> Mũsã marãposã nomerẽ ãsũ ãrĩ weregũra. Cristo marĩ Opure marĩ pé buremurõsũta mũsã marãpũsãmarãrẽ õãrõ pé buremuka! <sup>23</sup> Cristo marĩrẽ ãgũyarãrẽ oparosũta, marãpũsãmarã mũsãrẽ ãgũsã marãposã nomerẽ opama. Cristo marĩrẽ ãgũrẽ buremurĩ bumarãrẽ taudi ããrĩmĩ. Irasirigũ ãgũ marĩ Opũ ããrĩmĩ. Marĩrẽ doregũ, marĩ dipuru ããrĩmĩ. Marĩ, ãgũya dupũ irirosũ ããrã. <sup>24</sup> Irasirirã marĩ Cristore buremurĩ bumarã ãgũrẽ pé buremurõsũta mũsã marãpũkũrã nome mũsã marãpũsãmarãrẽ õãrõ pé buremuka!

<sup>25</sup> Mũsã marãpũsãmarãdere weregũra. Cristo marĩrẽ ãgũyarãrẽ maĩgũ, marĩya ããrĩburire boabosadi ããrĩmĩ. Irasirirã marĩrẽ ãgũ maĩrõsũta mũsãde mũsã marãposã nomerẽ maĩka!

<sup>26</sup> Cristo marĩrẽ boabosadi ããrĩmĩ ãgũyarã ããrĩmakũ irigũ. Irasirigũ, marĩ ãgũ werenĩrẽ buremumakũ, deko merã gũrarire koebóoro irirosũ marĩrẽ ñerĩ opamerã ããrĩmakũ iridi ããrĩmĩ. <sup>27</sup> ãgũ irire irasirimakũ, marĩ ãgũ ãũrõrẽ neõ mérõgã ñerĩ opamerã, gũrari marĩrã õãrõ deyorã irirosũ ããrĩrãkoa. ãgũyarã õãrã dita ããrĩrãkoa. Irasirigũ: “Yaarã ããrĩma”, ãrĩ, mũsũyari merã marĩrẽ opagũkumĩ.

<sup>28</sup> Mũsã marãpokũrã mũsã marãposã nomerẽ maĩrõ gããmea. Sugũ ãgũ marãpore maĩgũ, ãgũ baside maĩmi. Irasirigũ Cristo marĩrẽ ãgũya dupũ irirosũ ããrĩrãrẽ maĩrĩ merã korerosũta mũsã marãposã nomerẽ maĩrĩ merã õãrõ koreka! <sup>29-30</sup> Neõ marĩya dupũre ñerõ waamakũ gããmebea. Marĩ basi marĩya dupũre korea. Marĩ Cristoyarã ããrĩrã ãgũya dupũ irirosũ ããrã. Irasirigũ Cristo marĩrẽ õãrõ koremi. <sup>31</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ mũmũũ nomeõrẽ marãpokũgũ, ãgũ pagũsãmarãrẽ wirigũkumĩ ãgũ marãpo merã ããrĩbu. ãgũsã pẽrã ããrĩkererã, Marĩpũ ãũrõrẽ su dupũta ããrĩrãkuma”, ãrĩ gojasũdero ããrĩbũ. <sup>32</sup> Iri gojadeare õãrõ pẽmasĩduamakũ, diasagorãa marĩrẽ. Irasũ ããrĩkererũ, yũ irire: “Ãsũ ãrĩduaro yãa”, ãrĩ werea. Cristoyarã Marĩpũ ãũrõrẽ su dupũta ããrĩma. <sup>33</sup> Gaji i marẽ mũsãrẽ ãrĩ werenemogũra doja. Mũsã basi korerosũta mũsã marãposã nomedere maĩrĩ merã koreka! Mũsã nomede mũsã marãpũsãmarãrẽ õãrõ gopeyaro merã pé buremuka!

## 6

<sup>1</sup> Mũsã majĩrãrẽ ãsũ weregũra. Mũsã marĩ Opure buremurã mũsã pagũsãmarãrẽ õãrõ yũjũka! Irasiriri, õãrĩ ããrã. <sup>2-3</sup> Iri poegue Marĩpũ ãgũ pe mojõma dorerire pígu, su dorerire ãsũ ãrĩ pídi ããrĩmĩ: “Mũsã pagũsãmarãrẽ õãrõ buremuka!” ãrĩ pídi ããrĩmĩ. I dorerireta pígu, gajidere pídi ããrĩmĩ. “ãgũsãrẽ irasũ buremurã, i nikũguere yoaripoe mũsũyari merã ããrĩrãkoa”, ãrĩdi ããrĩmĩ.

<sup>4</sup> Mũsã pagũsãmarãdere ãsũ ãrĩ weregũra. Mũsã pũrãrẽ bũro turiri merã ãgũsãrẽ guamakũ iribirikõãka! ãsũ gapũ irika! ãgũsãrẽ marĩ Opũyare bueka, ãgũrẽ buremuburo, ãrĩrã! ãgũsã, ãgũ dorerire iribirimakũ ããrã, ãgũsãrẽ: “ãsũ gapũ irika!” ãrĩ bueka! Irasirirã ãgũsãrẽ õãrã masãmakũ irirãkoa.

<sup>5</sup> Moãboerimasãdere ãsũ ãrĩ weregũra. Mũsã i nikũgue ããrĩrãrẽ mũsã oparãrẽ õãrõ yũjũka! Õãrõ buremurĩ, gopeyari merã moãboeka! Irasũ moãboerã, Cristore moãboerã irirosũ yãa. <sup>6</sup> Mũsã oparã ãũrõ moãrõsũta, ãgũsã ããberoguedere moãka! ãgũsã ãũrõ direta õãrõ moãrã, ãgũsã mũsãrẽ: “Õãrõ moãma”, ãrĩ gũñamakũ iriduarã dita ããrĩbokoa. Irasirirã ãgũsã ããberoguedere õãrõ moãka! Cristore moãboerã irirosũta Marĩpũ gããmerõsũ õãrõ merã moãka! <sup>7</sup> Mũsã masakare moãboerã ããrĩkererã: “Cristore moãboerã irirosũ ããrã”, ãrĩ

gũñaka! Irasirirã usuyari merã moãboeka musã oparãrẽ! <sup>8</sup> Irire masĩsiãa musã. Marĩ Opũ Cristo marĩrẽ õãrõ moãrãkure õãrĩ wajatamakũ irigũkumi. Irasirigũ moãboerimasã ããrĩrãrẽ, ããrĩmerãdere marĩ õãrõ moãderopãta marĩrẽ õãrĩ wajatamakũ irigũkumi.

<sup>9</sup> Oparãdere ãsũ ãrĩ weregũra. Musãrẽ moãboerãrẽ õãrõ irika! Ìgũsãrẽ wajamoãduari merã dorebirikõãka! Ire õãrõ pémasĩka! Marĩ Opũ Cristo ùmũgasigue ããrĩgũ, musã Opũ ããrĩmi. Ìgũta musãrẽ moãboerã Opũ ããrĩmi. Marĩ ããrĩpererã Ìgũrẽ moãboerã ããrã. Irasirigũ oparã ããrĩrãrẽ, ããrĩmerãdere sũrosũta Ìãmi marĩ ããrĩpererãrẽ.

### *Cristoyarã wãtĩrẽ tarinũgãrĩmarẽ gojadea*

<sup>10</sup> Musãrẽ ãsũ ãrĩ weretũnugũra. Musã, marĩ Opũyarã ããrĩsĩã, Ìgũ merã õãrõ ããrã. Irasirirã Ìgũya turari merã Ìgũrẽ gũñaturaka! <sup>11</sup> Wãtĩ ãrĩgatori merã musãrẽ ñerõ iridoremakũ, Marĩpũ iritamurĩ merã Ìgũ ñerĩ ãrĩmesãrĩrẽ kãmutaka! Sugũ surara kãmutari kõme surĩro sãñadi irirosũ ããrĩka! <sup>12</sup> Marĩrẽ Marĩpũ dorerire tarinũgãmakũ iriduarã, masakagora meta ããrĩma. Wãrã ñerã: ùmarõ marã, oparã, turarã, i ùmũma ñerĩrẽ iridorerã ããrĩma. Deyomarĩrã, masakare gũñarĩgue ñerõ iridorerã ããrĩma. <sup>13</sup> Irasirirã musã, surara Ìgũya kõme surĩro sãñadero pũrũ, Ìgũ merã gãmekẽãduarãrẽ kãmuta tarinũgãmasĩgũ irirosũ ããrĩka! Irasirirã, Marĩpũ iritamurĩ merã wãtĩrẽ kãmuta tarinũgãrãkoa. Ìgũrẽ tarinũgãrã, gũñaturarã dujarãkoa.

<sup>14</sup> ãsũ irika, wãtĩrẽ tarinũgãmurã! Marĩpũya werenĩrĩ diayema ããrĩrĩrẽ õãrõ péduripĩka! Irasirirã musã surara Ìgũya surĩrore yũjũwẽñarĩda merã õãrõ yũjũwẽñadi irirosũ ããrĩrãkoa. Marĩpũ iritamurĩ merã diayema irika! Irasirirã musã surara Ìgũya koretibi kãmutari kõme surĩro sãñadi irirosũ ããrĩrãkoa. <sup>15</sup> Marĩpũ masakare siuñajãrĩ sĩburi kerere weregorenarã waamurã õãrõ ãmuyuka! Irasirirã musã surara sapatu sãñadero pũrũ, Ìgũ waaburire õãrõ ãmu ododi irirosũ ããrĩrãkoa. <sup>16</sup> I ããrĩpererire iri odo, gajidere irika, wãtĩrẽ tarinũgãmurã! Musã Cristore bũremurĩrẽ neõ piribirikõãka! Irasirirã musã surara Ìgũ kãmutari kõmeti opagũ, iriti merã gãrũyuku peame opari yukure kãmutagũ irirosũ ããrĩrãkoa. Irasirigũ wãtĩ musãrẽ bokatĩũbirikumi musã Cristore bũremumakũ Ìãgũ. <sup>17</sup> “Cristo marĩrẽ taugũkumi”, ãrĩ gũñanĩkõãka! Irasirirã musã surara Ìgũya dipurugue kõme pero peyarosũ ããrĩrãkoa. Gajidere irika! Marĩpũ werenĩrĩrẽ Õãgũ deyomarĩgũ musãrẽ masĩrĩ sĩrĩ merã wereka! Irasirirã musã surara Ìgũya sareri majĩ opagũ irirosũ ããrĩrãkoa. Iri merã wãtĩrẽ tarinũgãrãkoa.

<sup>18</sup> Irasirirã ùmũrikũ Õãgũ deyomarĩgũ gããmerõsũta Marĩpũre sërẽnĩkõãka! Õãrõ gũñaka! Ìgũrẽ sërẽrĩrẽ neõ piribirikõãka! ããrĩpererã Ìgũyarãya ããrĩburidere sërẽbosanĩkõãka! <sup>19</sup> Yũdere Marĩpũre ãsũ ãrĩ sërẽbosaka! “Ìgũ weremakũ iritamuka, Ìgũ mũyare gũiro marĩrõ õãrõ wereburo, ãrĩgũ”, ãrĩ sërẽka! Irasirigũ Marĩpũ masakare Cristo merã tauburire yũ õãrõ weregũkoa Ìgũsã iripoegue masĩbirideare masĩburo, ãrĩgũ. <sup>20</sup> Marĩpũ yũre iriumĩ Cristoya kerere weredoregũ. Yũ irire weredeã waja peresugue ããrã. Irasirirã Marĩpũre: “Iroge ããrĩgũ, gũiro marĩrõ mũyare wereburo”, ãrĩ sërẽka!

### *Pablo, Efeso marãrẽ õãdoretũnudea*

<sup>21</sup> Tĩquico, marĩyagũ marĩ maĩgũ, yũ merã ããrĩmi. Ìgũ marĩ Opũyare õãrõ iritamunĩkõãmi. Musã pũroge ejagũ, yũ iririre musãrẽ weregũkumi. Irasirirã musã yũre: “Irasũta iriñumi”, ãrĩrãkoa. <sup>22</sup> Irasirirã gũã ããrĩrikũrere musãrẽ weredorerã Ìgũrẽ iriua. Ìgũ irire weregũ, musãrẽ usuyari merã ããrĩmakũ irigũkumi.

<sup>23</sup> Marĩpũ ããrĩnĩgũ, marĩ Opũ Jesucristo ããrĩpererãrẽ musãrẽ siuñajãmakũ iriburo. Musãrẽ Cristore bũremurĩ merã õãrõ gãme maĩmakũ iriburo. <sup>24</sup> Marĩpũ ããrĩpererã marĩ Opũ Jesucristore maĩnĩrãrẽ õãrõ iriburo. Irasũta iriburo.

Iropãta ããrã.

Pablo

## FILIPENSES

### *Pablo peresugue ããrĩgũ Filipos marãrẽ õãdoredea*

<sup>1</sup> Yũ Pablo, Timoteo merã Jesucristore moãboerã ããrã. Irasirirã ããrĩpererãrẽ musãrẽ Filipos marãrẽ Jesucristore buremurãrẽ õãdoredea. Musã oparãdere, ãgũsãrẽ iritamurãdere õãdoredea. <sup>2</sup> Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo.

### *Pablo Marĩpũre Jesũre buremurãya ããrĩburire sãrẽbosadea*

<sup>3</sup> Yũ musãrẽ gũñarikũ, Marĩpũre yũ Opũre usũyari sĩa. <sup>4</sup> Irasũ ããrĩmakũ, yũ musãya ããrĩburire sãrẽbosarikũ, Marĩpũre usũyari merã sãrẽa. <sup>5</sup> Musã neõgoragueta yũ Jesũya kerere weremakũ pé buremunũgãdero pũgũ, yũre iritamunũgãbũ. Dapaguedere irasũta õãrõ iritamunĩkõãa. <sup>6</sup> Irasirigũ ire õãrõ masĩa. Marĩpũ musãrẽ õãrĩrẽ iridũamakũ irinũgãdi irasirigũ yãmi. Musãrẽ ãgũ irinũgãderosũta Jesucristo i ãmũgue dupaturi aarimakũgue iriyuwarikũgũkumi. <sup>7</sup> Yũ musãrẽ ããrĩpererãrẽ õãrõ gũñarĩ merã gũñamakũ õãgorãa. Musãrẽ bure maĩa. Marĩpũ yũre iritamurõsũ musãdere iritamumi. Irasirirã, yũ oparãrẽ Jesũs masakare tauri kerere: “Diayeta ããrã”, ãrĩ weremakũ, musã yũre iritamubũ. Peresu yũ ããrĩmakũdere iritamubũ. Irasirirã marĩ suro merã Marĩpũ iritamurĩrẽ opãa. <sup>8</sup> Marĩpũ ire masĩmi. Jesucristo musãrẽ gũña maĩrõsũ yũde musãrẽ gũña maĩa. <sup>9</sup> Marĩpũre musãya ããrĩburire ãsũ ãrĩ sãrẽbosãa. “Gũapũ, ãgũsã mũyare õãrõ masĩrĩ merã õãrõ pãkũĩnũpeoburo, gajerãrẽ maĩdero nemorõ maĩnemoburo”, ãrĩ sãrẽbosãa. <sup>10</sup> Irire irasirirã: “Marĩpũ gããmerĩrẽ irirã, gajino nemorõ iririre irirã yãa”, ãrĩ, õãrĩrẽ beyemasĩrãkoa. Musã irire beyemasĩrã, Cristo i ãmũgue dupaturi aarimakũ, õãrĩrẽ irinĩnerã, waja opamerã ããrĩrãkoa. <sup>11</sup> Jesucristo musãrẽ Marĩpũ gããmerĩ direta irimakũ irigũkumi. Irasirirã õãrĩrẽ irinĩnerã ããrĩrãkoa. Gajerã ãgũrẽ: “Marĩpũ õãtarigũ, turatarigũ ããrĩmi”, ãrĩ, buremunũmakũ irirãkoa.

### *Pablo ãgũ Cristoyagũ ããrĩrĩrẽ gojadea*

<sup>12</sup> Yaarã, ire musã masĩmakũ gããmea. Daporare yũ peresugue ããrĩkerekerepũ, Jesucristo masakare tauri kere gapũ pãnemosũa. <sup>13</sup> Irasirirã ããrĩpererã surara romano marã opũya wii korerã yũ Cristoyagũ ããrĩrĩ waja peresugue dobobiarire masĩperekõãma. ããrĩpererã gajerãde irire masĩma. <sup>14</sup> Yũ peresugue ããrĩkeregũ marĩ Opũ Jesũre gũñaturari merã buremunũmakũ ããrã, wãrã marĩyarãde gũñaturari merã ãgũrẽ buremunemoma. Irasũ buremurã, gũiro marĩrõ Marĩpũya kerere gajerãrẽ werema.

<sup>15</sup> Surãyeri Cristoyare buerã ããrĩkererã, yũre ããturima. Masakare yũ buerire tũyabirimakũ iridũama. Gajerã gapũ õãrõ gũñarĩ merã Cristoyare buema. <sup>16-17</sup> Jesucristo masakare tauri kerere: “Diaye ããrã”, ãrĩ wereburire Marĩpũ yũre pĩdeare õãrõ masĩma. Irasirirã yũre maĩrã Cristoyare buema. Gajerã gapũ yũre ããturirã, masakare ãgũsã gapũre tũyamakũ gããmerã ãgũsãde Cristoyare buema. Yũ peresugue ããrĩmakũ, ãgũsã yũre bujaweremakũ iridũarã, irasũ yãma. <sup>18</sup> ãgũsã yũre maĩbirikerekerepũ õãrokoa. Õãrõ gũñarĩ marĩrõ Cristoyare buerekerekerepũ õãgorãa. Gajerã õãrõ gũñarĩ merã ãgũyare buemakũdere õãgorãa. ããrĩpererã ãgũsã Cristoyareta buerã yãma. Irasirigũ usũyãa. Irasũ usũyanĩkõãgũkoa.

<sup>19</sup> Ire masĩa. Marĩpũre yaa ããrĩburire musã sãrẽbosadea merã, Jesucristo yũre Õãgũ deyomarĩgũ sĩdi iritamurĩ merã Marĩpũ yũre õãrõ tarimakũ irigũkumi. <sup>20</sup> Marĩpũ iritamurĩ merã ãsũta irinĩkõãdũãa dapa. Yũ irideare gũyasĩrĩrõ marĩrõ gũñadũãa. Irasirigũ doyarõ marĩrõ yũ iriderosũta dapaguedere masaka Cristore: “Õãtarigũ, turatarigũ ããrĩmi”, ãrĩ buremunũmakũ irinĩkõãdũãa. Boagũ, o okagũgora yũ boari merã, o yũ okari merã irasũta iridũakõa. <sup>21</sup> Yũ okaro bokatĩũrõ Cristoyare irinĩkõãgũkoa dapa. Boagũ, Cristo

puro ĩgũ merã ããrĩmakũ õãtarirokoa. Yũ okagũ ããrĩdero nemorõ ããrĩgũkoa. <sup>22</sup> Okagũ, marĩ Opũ Cristoyamarẽ irinemomasĩa. Irasirigũ: “Boamakũ, o okamakũ õãgorarokoa”, ãrĩmasĩbirikoa. <sup>23</sup> “Yũ boadũakoa, o okadũakoa”, ãrĩ beyemakũ diasagorãa yũre. Irasũ ããrĩkerepũ, boadũakoa Cristo puro ĩgũ merã ããrĩbu. Irasirigũ: “Yũ boamakũ õãtarirokoa”, ãrĩ gũñãa. <sup>24</sup> Irasũ ããrĩkerepũ: “Okagũ gapũ musãrẽ nemorõ iritamugũkoa, irasiriro gããmea”, ãrĩ gũñãa. <sup>25</sup> Irire masĩgũ, musã merã yũ ããrĩburidere masĩa. Musã merã ããrĩgũ, musãrẽ iritamugũkoa Cristoyare bũremunemoburo, ãrĩgũ. Irasirirã bũremurĩ merã nemorõ usũyarãkoa. <sup>26</sup> Yũ, musã pũro gũ ããrĩburidere musã merã dupaturi ããrĩmakũ, usũyarãkoa. Irasirirã, Jesucristo yũre iritamurĩrẽ masĩrã, ĩgũrẽ: “Turataria mũ”, ãrĩ, usũyari sĩrãkoa.

<sup>27</sup> I diretta irika! Cristoya bueri ãrĩrõsũta ããrĩrikũka! Gũñaturarã ããrĩka! Irasirirã gãme dukawariro marĩrõ ĩgũ masakare tauri kerere suro gũñarĩ merã bueka, gajerã ĩgũrẽ bũremuburo, ãrĩrã! Yũ musã puro ĩãgũ waabirimakũ, o yũ ĩãgũ waamakũdere musã irasirimakũ gããmea. Musã suro gũñarĩ merã õãrõ ããrĩrikũmakũ pẽduãa. <sup>28</sup> Musãrẽ ĩãturirãrẽ neõ gũibirikõãka! Musã gũibirimakũ ĩãrã, musã Marĩpũyarã ããrĩrĩrẽ masĩrãkuma. Irasirirã, Marĩpũ ĩgũsãrẽ peamegue beoburire, ĩgũ musãrẽ tauburidere masĩrãkuma. Marĩpũ masakare ãsũta irire masĩmakũ yãmi. <sup>29</sup> Marĩpũta musãrẽ Cristore bũremudoregũ pĩdi ããrĩmĩ. Irasũ ããrĩmakũ: “Cristoyare musã wereri waja ñerõ tarirãkoa”, ãrĩ pĩdi ããrĩmĩ. <sup>30</sup> Irasirirã marĩ Cristoyarã ããrĩrĩ waja gajerã marĩrẽ ñerõ yãma. Musã merã yũ ããrĩmakũ, yũre ĩgũsã ñerõ irasirimakũ ĩãbũ. Daporadere ĩgũsã yũre irasiririre pẽkoa musã.

## 2

### *Cristo i ãmũgue marĩ irirosũ dupũkũgũ ããrĩpererã Opũ ããrĩrĩmarẽ gojadea*

<sup>1</sup> Cristo musãrẽ ĩgũyarãrẽ gũñaturamakũ yãmi. ĩgũ musãrẽ maĩgũ õãrõ yũpũrãkũri merã usũyamakũ yãmi. Oãgũ deyomarĩgũ musã merã ããrĩmĩ. Marĩpũ ĩgũ musãrẽ maĩrĩrẽ, ĩgũ musãrẽ bopoñarĩ merã ĩãrĩrẽ masĩmakũ yãmi. <sup>2</sup> Irasirirã yũre usũyari opatarimakũ irika! Sũrosũ gũñarĩ merã õãrõ ããrĩrikũka! Sũrosũ gãme maĩka! Sũrosũ õãrõ yũpũrãkũri merã õãrõ ããrĩka! <sup>3</sup> Musãyama directa gũñarĩkũri marĩrõ: “Gajerã nemorõ ããrã”, ãrĩ gũñarĩ marĩrõ masakare õãrõ irika! Gajerã gapũre: “ĩgũsã nemorõ ããrĩbea”, ãrĩ gũñaka! Bũremurĩ merã ĩgũsãrẽ: “Gũa nemorõ õãrã ããrĩma”, ãrĩ gũñaka! <sup>4</sup> Musãya ããrĩburi directa gũñabirikõãka! Gajerãya ããrĩburidere gũñaka! Gãme iritamuka!

<sup>5</sup> Jesucristo ĩgũyamarẽ gũñaderosũta musãde musãyamarẽ gũñaka! <sup>6</sup> ĩgũ Marĩpũ ããrĩrikũrĩre opakeregũ, i ãmũgue aarigũ, Marĩpũre: “Yũ ãmũgasigue ããrĩrikũrĩre piribirikoa”, ãrĩbiridi ããrĩmĩ. <sup>7</sup> Irasirigũ ĩgũ Opũ ããrĩrĩrẽ piri, i ãmũgue aarigũ marĩ irirosũ dupũkũgũ deyoa, moãrĩmasũ irirosũ ããrĩdi ããrĩmĩ. <sup>8</sup> Irasirigũ marĩ irirosũ dupũkũgũ ubu ããrĩgũ irirosũ waadi ããrĩmĩ. ĩgũ Pagũ ĩgũrẽ masakare boabosabu iriudeare masĩgũ, ĩgũ Pagũre yũpũgũ tarinũgãbiridi ããrĩmĩ. Curusague gũyasĩũrõ boakeregũ, ĩgũ Pagũre tarinũgãbiridi ããrĩmĩ. <sup>9</sup> ĩgũ irasirimakũ, Marĩpũ ĩgũrẽ: “ããrĩpererã Opũ ããrĩbure sóobũ, ĩgũ wãĩ yũ ĩgũrẽ sĩdea wãĩ, ããrĩpererã gajerã wãĩ nemorõ ããrã”, ãrĩ pĩdi ããrĩmĩ. <sup>10</sup> Irasirirã ããrĩpererã ãmũgasi marã, i nikũ marã, boanerã ããrĩrõgue ããrĩrãde Jesús wãĩrẽ pẽrã, ñadũkũpuri merã ejamejã, ĩgũrẽ bũremurãkuma. <sup>11</sup> ĩgũsã ããrĩpererã: “Jesucristo marĩ Opũ ããrĩmĩ”, ãrĩrãkuma. Irasirirã Marĩpũre bũremurãkuma.

### *Jesucristore bũremurã ĩgũyare iriro gããmea, ãrĩ gojadea*

<sup>12</sup> Irasirirã yũ maĩrã, musã merã yũ ããrĩmakũ, musã Marĩpũ dorerire iriderosũta daporadere yũ yoarogue ããrĩmakũdere irire õãrõ irika! Marĩpũ musãrẽ peamegue waabonerãrẽ taudi ããrĩmĩ. Irasirirã, ĩgũ tausũnerã ããrĩsĩã: “Gajerã nemorõ ããrã”, ãrĩ gũñarõ marĩrõ gopeyari merã ĩgũyare irinĩkõãka! <sup>13</sup> ãsũ ããrã. Marĩpũ musãrẽ ĩgũ gããmerĩrẽ iridũamakũ yãmi. Irasũ ããrĩmakũ, musãrẽ iritamunĩkõãmi, ĩgũ gããmerõsũta iriburo, ãrĩgũ. Irasirirã, ĩgũ: “ãsũ irika!” ãrĩderosũta irimasĩa.



14 Āārīpererire gajerārē guaseoro marĩrō usuyari merā irika! 15 Mūsā Marĩpũ pũrā irasirirā, waja opamerā, ñerĩrē irimerā āārĩrākoa. I ũmũ marā ñerā, Marĩpũya diayemarē irimerā watopegue mūsā āārā. Īgūsā ñerā i ũmũ marā naĩtĩārōgue āārĩrā irirosũ āārĩma. Īgūsā watopegue mūsā Marĩpũyare irirā, neñukā naĩtĩārōgue boyorosũ irirā yāa. Īgūsārē mūsā Marĩpũyarā āārĩrĩrē masĩmakũ yāa. 16 Irasirirā Cristore bũremurā Marĩpũ merā perebiri okari opaburire Īgūsārē wererā yāa. Yũ, mūsā irire weremakũ ĩāgũ: “Mūsārē buegũ, ubugorata buebirikuyo”, ārĩ masĩgũkoa. Cristo i ũmũgue dupaturi aarimakũ, mūsā merā usuyagũkoa. 17 Yũ mūsārē Cristoyare bueri waja yũre Īgūsā wējẽduakerepũrũ, usuyāa. Cristore mūsā bũremuturamakũ, ĩgũyare irimakũ ĩāgũ, Marĩpũ, mūsā ĩgũrē gajinorē sĩrĩ merā usuyarosũ mūsā merā usuyami. Irasirigũ yũde mūsā merā usuyāa. 18 Mūsāde yũre usuyatamuka!

*Pablo Timoteoyamarē, Epafroditoyamarē werede*

19 Marĩ Opũ Jesús gāāmemakũ, mata Timoteore mūsā pũroguere iriugũra mūsā āārĩrikũrere masĩbu. Mūsā ōārō āārĩrĩ kerere pẽgũgueta usuyagũkoa. 20 Timoteo yũ irirosũta mūsā ōārō āārĩburire bũro gũñami. Gajigũ ĩgũ irirosũ mūsā ōārō āārĩburire gũñagũ mámi. 21 Gajerā gapũ ĩgūsā āārĩburi direta gũñarikũma. Jesucristo gāāmerĩ gapũre gũñabema. 22 Mūsā, Timoteo ōārō irinĩrĩrē masĩa. Sugũ, pagũ merā moāgũ irirosũ ĩgũ yũ merā Jesucristoya kerere weretamumi. 23 Irasirigũ: “Yũre waaburire ōārō masĩadero pũrũ, ĩgũrē mūsā pũroguere iriugũra”, ārĩ gũñāa. 24 ĩgũrē iriudũakeregũ: “Marĩ Opũ Jesús yũdere iriugũkumi, irasirigũ mata mūsā pũroguere waagũkoa”, ārĩ gũñāa.

25 Idere ārĩ gũñāa: “Epafroditodere mūsā pũroguere iriugũra”, ārĩ gũñāa. Mūsā ĩgũrē yũre iritamudorerā, yũ pũroguere iriunerā āārĩbũ. ĩgũ, yaagũ yũ merā moāgũ, Marĩpũyare yũre weretamugũ āārĩmi. 26 ĩgũ mūsārē āārĩpererārē bũro ĩāduami. ĩgũ pũrĩrikũdeare mūsā masĩmakũ pẽgu: “Īgūsā yũre gũña, bũjawerekuma”, ārĩ gũñarikũmi. 27 Diayeta āārā. ĩgũ bũro pũrĩrikũmi. Mẽrōgā boaboyatarimi. ĩgũ irasũ pũrĩrikũkerepũrũ, Marĩpũ ĩgũrē bopoña, tarimakũ irimi. Yũdere: “Īgũ boamakũ bũro bũjawerebokumi”, ārĩgũ, Marĩpũ bopoñarĩ merā ĩāmi. Irasirigũ ĩgũrē tarimakũ irimi. 28 Irasirigũ, ĩgũrē ĩā, usuya, gũñaturaburo, ārĩgũ, mūsā pũroguere dupaturi bũro iridũari merā iriua. Mūsā usuyari kerere pẽgu, yũde usuyagũkoa. 29 ĩgũ mūsā pũro ejamakũ, ĩgũrē marĩ Opũ Jesũyagũre ōārō usuyari merā bokatĩrĩñeāka! Gajerārē ĩgũ irirosũ āārĩrārē bũremurĩ merā ĩāka! 30 ĩgũ Cristoyare iridũagũ boakōādimi. Mūsā yũre iritamumasĩbirire iridũagũ, irasũ waami. Irasirirā ĩgũrē ōārō bokatĩrĩñeāka!

### 3

*Pablo: “Āsũ āārĩrikũka!” ārĩ gojadea*

1 Yaarā, daporare mūsā marĩ Opũyarā āārĩsĩā, usuyaka! Yũ iro dupuyuroguere mūsārē gojadeare dupaturi mūsārē gojamakũ ōāgorāa, ārĩ gũñāa. Ire dupaturi gojanemogũ, mūsārē iritamugũ yāa. 2 Ñerō irirārē pẽmasĩka! ĩgūsā ñerā keoro buemerā āārĩma. Āārĩpererārē ĩgūsāya dupũma gasirogārē wiiridorema. 3 Irasũ wiiridorerā: “Iri merā Marĩpũre bũremusĩā, peamegue waabiriko”, ārĩ gũñadima. Marĩ gapũ Ōāgũ deyomarĩgũ iritamurĩ merā diayeta Marĩpũre bũremua. “Marĩ Jesucristoyarā āārĩsĩā, peamegue waabiriko”, ārĩ usuyāa. 4 Irasũ āārĩkerepũrũ, yaamarē ĩgūsā irirosũ ārĩduagũ, ĩgūsārē tarinũgākōābokuyo. Gajerā āsũta ārĩ tarinũgākōāduama. Yũ gapũ ĩgūsā nemorō ārĩmasĩa. 5 Āsũ ārā yũre. Su mojõma pere gaji mojõ ureru pẽrẽbejanurĩ waaró merā yũ deyoadero pũrũ, yaa dupũma gasirogārē wiirinerā āārĩmā. Yũ Israemũ, Benjamĩya bumũ āārā. Yũ pagũsāmarāde hebreo masaka āārĩnerā āārĩmā. Irasirigũ hebreo masakũta āārā. Moisés dorerire iripeodũagũ fariseo bumũ āārĩbũ. 6 Iri dorerire tarinũgārō marĩrō iriunabũ. Neõ sugũ yũre: “Iri dorerire keoro iribemi”, ārĩmasĩbirimi. Irasirigũ Jesũre bũremurā

gapure: “Moisés dorerire buremubema”, ārī gūña, ĩgūsārē ñerō iriunabu. <sup>7</sup> Iripoeguere: “Y<sub>u</sub> āārīrikurire oāgorāa”, ārī gūñaunadibu. Daporare: “Jesucristore buremusiā, āārīpereri y<sub>u</sub> iripoegue iriunadeama wajamāa”, ārī gūñāa.

<sup>8</sup> Jesucristore y<sub>u</sub> Opure y<sub>u</sub> masīmakū oātaria. “Gajino āārīpereri gapu wajamāa”, ārī gūñāa. Irasirigu, masaka gajino gāamebirire béorosū iri āārīpereri y<sub>u</sub> iriunadeare béobu. Cristore oārō masību, ĩgūyagu āārību irasiribu. <sup>9</sup> Jesucristo y<sub>u</sub> merā āārīnīmakū gāamea. Marīpu ĩgū Moisére doreri pídeare y<sub>u</sub> iridea merā yure: “Waja opabi, oāgū āārīmi”, ārī ĩābemi. Jesucristo gapure y<sub>u</sub> buremumakū: “Waja opabi, oāgū āārīmi”, ārī ĩāmi. Marī ĩgūrē buremumakū, Marīpu marīrē waja opamerā oārā āārīmakū yāmi. <sup>10</sup> Irasirigu Cristore oārō masīduakoa. Cristo ñerō tarikeregu, Marīpu gāamerīrē iridi āārīmi. Irasirigu curusague boadi āārīmi. ĩgū iriderosūta yude ñerō tarikeregu, Marīpu gāamerīrē iridukoa. Boagugue irire iridukoa. Marīpu ĩgū turari merā Cristo boadiguere masūdi āārīmi. Irasirigu iri turari merā Marīpu gāamerīrē iridukoa. <sup>11</sup> “Marīpu ĩgū boanerārē masūrīnu ejamakū, Cristore masūderosūta, yudere masūgukumi”, ārī gūñāa. Yure irasirimakū buro gāamea.

<sup>12</sup> I āārīpereri irasū ārīgū: “Cristo irirosū Marīpu gāamerīrē iripeosiāa”, ārīgū meta yāa. Y<sub>u</sub> irasiribirikereperu, Cristo yure ĩgūyagu āārīmakū irisiadi āārīmi. Irasirigu ĩgū irirosū āārīduagu turaro merā ĩgūyare yāa. <sup>13</sup> Yaarā, y<sub>u</sub> mūsārē irasū ārīgū: “Cristo irirosū āārīgū ĩgūyare iripeosiāa”, ārīgū meta yāa. Āsū gapu ārīgū yāa. Y<sub>u</sub> iripoegue iriunadeare gūñabea. “Y<sub>u</sub> Op<sub>u</sub>, ĩnaāsū irimakū gāamerī yure?” ārīgū, buro ĩgūyare iritayāa. <sup>14</sup> Ūma birarimasū ejapurorigu wajataduarosū ĩgūyare buro iripeoduaa. Marīpu ĩgū gāamerī direta iriburo, ārīgū, yure Jesucristoyagure ũmugasigue ĩgū merā āārīdoregu siudi āārīmi. Irasirigu irire buro iridugagu Cristoyare turaro merā yāa.

<sup>15</sup> Āārīpererā Cristore oārō buremurā y<sub>u</sub> ārīrōsūta gūñarō gāamea. Mūsā y<sub>u</sub> were-deare péduabirimakū, gajerosū mūsā gūñamakū, Marīpu mūsārē diaye gūñamakū iritamugukumi. <sup>16</sup> Irasirirā Cristoyare marī iritayaderosūta oārō gūña, iritayarā!

<sup>17</sup> Yaarā, mūsā āārīpererā y<sub>u</sub> iririkurire ĩākūītuyaka! Gajerā g<sub>u</sub>a irirosū irirārē ĩgūsā iriridere ĩākūīka! <sup>18</sup> Y<sub>u</sub> mūsārē wāri gajerā ñerō iririre weresiabu. Daporadere oreri merā ĩgūsārēta werea mūsārē doja. ĩgūsā ñerō iriri merā: “Cristo, marī ñerō iridea waja curusague boabosadi āārīmi”, ārī buerire buremumerā āārīma. <sup>19</sup> ĩgūsā purugue peamegue waadedirirākuma. Marīp<sub>u</sub>re buremumerā ĩgūsā haribejari direta irirā yāma. G<sub>u</sub>yasīrīrō marīrō: “Marī iriri oārī āārā”, ārītarinugāma. I ũmuma direta gūñama. <sup>20</sup> Marī gapure marīya makā ũmugasigue āārā. Irogue merāta marīrē taugu marī Op<sub>u</sub> Jesucristo dupaturi aarigukumi. Irasirirā ĩgū aariburire usuyari merā yūrā yāa. <sup>21</sup> Marīrē ĩgū turari merā marīya dupure ubu āārīrī dupure ĩgūya dupu irirosū oārī ũmugasima dupu gorawayugukumi. Iri turari merā āārīpererārē, āārīpererire doregukumi.

## 4

### *Marī Op<sub>u</sub> Jesucristo merā usuyanikōāka! ārī gojadea*

<sup>1</sup> Irasirirā yaarā y<sub>u</sub> maīrā, buro y<sub>u</sub> gūñarā, yure usuyamakū irirā, neō piriro marīrō gūñaturari merā marī Op<sub>u</sub>re buremunikōāka!

<sup>2</sup> Evodiare, Síntiquere ire weregura: “Mūsā Jesúyarā nome āārā. Irasirirā mūsā gāme guaseorire piri, oārō surosū gūñarī merā āārīrikuka!” <sup>3</sup> Y<sub>u</sub> merāmu, mudere y<sub>u</sub> merā oārō moāgūrē weregura: “ĩgūsā nomerē iritamuka!” Y<sub>u</sub>, Clemente merā, gajerā y<sub>u</sub> wapikurā merā Jesús masakare tauri kerere weremakū, ĩgūsā nome g<sub>u</sub>are oārō iritamuma. ĩgūsā wāirē, Marīpu merā perebiri okari opamurā wāirē gojatūri pūgue gojatūsūnerā āārīma.

<sup>4</sup> Mūsā marī Op<sub>u</sub>yarā āārīsīā, ĩgū merā usuyanikōāka! Dupaturi werenemogura doja. Piriro marīrō usuyanikōāka! <sup>5</sup> Mūsā gajerārē bopoñarī merā oārō iritamurīrē āārīpererā masaka ĩāmasīburo. Marī Op<sub>u</sub> Jesucristo i ũmugue dupaturi aariburo mérō duyāa.

<sup>6</sup> Musārē gajerosū waaríre bujawereri merā gūñarikubirikōāka! Āsū gapu irika! Āārīpereri musārē waaríre Marīpure werepeokōāka! Musā gāāmerīrē ĩgūrē sērēka! ĩgūrē sērērā: “Ōāa”, ārī, usuyari sīka! <sup>7</sup> Musā irasirimakū, Marīpu musārē siuñajārī merā āārīrikumakū irigukumi. ĩgū irasū iriri ōātaria. Marī irire neō pémasīpeobirikoa. Marī Jesucristoyarā āārīmakū, Marīpu ĩgū siuñajārī sīrī merā marīrē ōārō yujupūrākumakū irigukumi. Irasū āārīmakū, marī gūñarīguere ōārī gūñamakū irigukumi.

*Ōārī direta gūñarō gāāmea, ārī gojadea*

<sup>8</sup> Yaarā, musārē ire weretūnugura. Āārīpereri diayema āārīrīrē, Marīpure goepeyari merā buremurīrē, diayemarē iririre, ōārīrē, Marīpu: “Ōārī āārā”, ārī ĩārīrē, ĩgū ĩūrō keoro iririre, ĩgūrē: “Mu iriri, ōātari āārā”, ārī, usuyari sīrīrē gūñaka! I āārīpererire gūñaka irire irimurā!

<sup>9</sup> Yu musā merā āārīgū, musārē yu buederosūta, yu werederosūta, yu iriderosūta irinīkōāka! Musā irasirimakū, Marīpu musārē siuñajārī merā āārīrikumakū irigū musā merā āārīgukumi.

*Filipo marā Pablore iritamudea*

<sup>10</sup> Musā yoadero purugue dupaturi yure gūñarā, musā iritamurīrē buro usuyagu, marī Opu Jesucristore: “Ōāa”, ārī, usuyari sīa. “Musā yure kātiakōābu”, ārīgū meta yāa. Musā yure iritamudhakerepuru, iritamumasīña marību. <sup>11</sup> Musārē irasū ārīgū: “Gajino yu gāāmerīrē opabea”, ārīgū meta yāa. Yu opari merā usuyamasīa. <sup>12</sup> Gajinorē opabide, wári opagude ōārō usuyari merā āārīmasīa. Noó waaró ōārō usuyari merā āārīmasīa. Ūboagude, yapigude, wári opatarigude, opabide usuyamasīa. <sup>13</sup> Cristo yure turamakū irigū merā āārīpererire yu irasū waaríre bokatīumasīa. <sup>14</sup> Yu irasū āārīkerepuru, yu ñerō tariripoe musā yure iritamurā, ōārō iribu.

<sup>15</sup> Musā Filipo marā ire masīa. Yu Macedonia nikū musāya nikū āārīdi Jesús masakare tauri kerere weregu waagorenanugāmakū, musā dita yure iritamubu. Musārē yu Jesúyare buemakū, usuyari merā pébu. Irasirirā yure iritamubu. <sup>16</sup> Musā, yu Tesalónicague āārīmakū, yure iritamunabu. Irasirirā gajino yu gāāmerīrē iriunabu. <sup>17</sup> Yu musārē gajino sīuro dita gāāmegū meta yāa. Marīpu ĩūrō gajerārē musā iritamudea merā nemorō ĩgūya ōārī opanemomakū gāāmea. Musā irasū iritamumakū, Marīpu musārē ōārō iritamugukumi. <sup>18</sup> Musā yure yu gāāmerī āārīpereri sību. Musā Epafrodito merā yure iriudero puru, nemorō yu gāāmerī āārīpererire opāa. Musā yure sīdea, Marīpure sīdea irirosū āārā. Musā irasiriri merā Marīpure ōārō usuyamakū yāa. <sup>19</sup> Marīpu yu Opu āārīpereri musā gāāmerīnorē musārē sīgukumi. ĩgū wári ōārī oparire Jesucristo merā musārē sīgukumi. ĩgū musārē sīburi ōātaria. <sup>20</sup> Ūmariku piriro marīrō marī Opu Marīpure usuyari sīnīrā! Irasūta irirā!

*Pablo ōādoretūnudea*

<sup>21</sup> Āārīpererā Marīpureyarā Jesucristore buremurā ōāburo. Marīyarā Jesúre buremurā yu merā āārīrā musārē ōādorema. <sup>22</sup> Āārīpererā ōō marā Marīpureyarā musārē ōādorema. Marīpureyarā romano marā opuya wii āārīrāde buro ōādorema.

<sup>23</sup> Marī Opu Jesucristo musā āārīpererārē ōārō iritamuburo.

Iropāta āārā.

Pablo

## COLOSENSES

### *Pablo Colosas marĩrẽ õãdoredea*

<sup>1</sup> Yũ Pablo, marĩyagũ Timoteo merã musãrẽ õãdorea. Marĩpũ gããmederosũta Jesucristo yũre ìgũyare buedoregũ pími. <sup>2</sup> Irasirigũ musãrẽ Colosas marãrẽ Marĩpũyarãrẽ Jesúre gũñaturari merã bũremurãrẽ gojáa. Marĩpũ ããrĩnìgũ musãrẽ iritamũ, siuñajãrĩ merã ããrĩrikũmakũ iriburo.

### *Pablo Jesúre bũremurãya ããrĩburire Marĩpũre sërẽbosadea*

<sup>3</sup> Marĩpũre marĩ Opũ Jesucristo Pagũre musãya ããrĩburire sërẽbosarikũ usũyari sĩa. <sup>4</sup> Gũa, musã Jesucristore bũremurĩ kerere, gajerãrẽ Marĩpũyarãrẽ ããrĩpererãrẽ maĩrĩ kerere pébũ. <sup>5</sup> Iripoegue musã Jesucristo masakare taurĩ kerere õãrõ péduripíbũ. I diayema kerere pérã: “Marĩpũ Jesucristo merã marĩrẽ taugũkumi. Marĩrẽ taugũ, ãmũgasigue ìgũ merã õãrõ ããrĩmakũ irigũkumi”, ãrĩ masĩbũ. Irasirirã Jesúre bũremurã, gajerãrẽ Marĩpũyarãrẽ maĩa. <sup>6</sup> ããrĩpererogue Jesúya kerere weremakũ pérã, gajerãde musã iriderosũta Jesúre bũremunũgãma. Irasirirã ìgũyare irinũgãma. Musã iri kerere pépũrorirãgueta: “Marĩpũ marĩrẽ maĩsĩã, Jesús merã marĩrẽ taugũkumi”, ãrĩ masĩbũ. Irasirirã: “Iri kere diayeta ããrã”, ãrĩ masĩa. <sup>7</sup> Gũa maĩgũ Epafras musãrẽ iri kerere weremi. Ìgũ, gũare moãtamugũ, Cristore moãboegu, ìgũyamarẽ musãrẽ weregu ããrĩmi. Iri moãrĩrẽ neõ piribemi. <sup>8</sup> Ìgũta gũare musã gajerã Jesúyarãrẽ Õãgũ deyomarìgũ iritamurĩ merã maĩrĩ kerere weremi.

<sup>9</sup> Irasirirã Epafras musãya kerere gũare weredeana merãta Marĩpũre musãya ããrĩburire sërẽbosanerã, inũguedere ãsũ ãrĩ sërẽbosanìkõãa: “Gũapũ, ìgũsãrẽ Õãgũ deyomarìgũ mũ gããmerĩrẽ masĩpeomakũ iriburo, mũyare pémasĩpeomakũ iriburo”, ãrĩ sërẽbosãa. <sup>10</sup> Marĩpũre musã marĩ Opũ Cristoyarã ããrĩsĩã, ìgũ gããmerõsũta õãrõ irinĩburire sërẽbosãa. Ìgũ gããmerĩrẽ irirã, õãrĩ direta irirãkoa. Marĩpũre masĩnemorãkoa. Musã irasirimakũ ìãgũ, usũyagũkumi. <sup>11</sup> Marĩpũre turatarìgũre ìgũ turari merã musã õãrõ yũpũrãkũturarã ããrĩburidere sërẽbosãa. Irasirirã, ñerõ tarikererã, ããrĩpereri musãrẽ waaburire gũñaturari merã, usũyari merã ããrĩrikũrãkoa. <sup>12</sup> Marĩpũ marĩrẽ ìgũyarã ããrĩmakũ iridi ããrĩmĩ. Irasirigũ ìgũyarãrẽ: “Yũ gosewasiriri ããrĩrõgue ãsũ sũgũra”, ãrĩdeare marĩrẽ opamurã ããrĩmakũ iridi ããrĩmĩ. Irasirirã, musã Marĩpũre: “Mũ gũare irasiriburi, õãtaria”, ãrĩ, usũyari sĩburidere ìgũrẽ sërẽa. <sup>13</sup> Ìgũta marĩrẽ naĩtĩãrõgue ããrĩrã irirosũ ããrĩnerãrẽ taudi ããrĩmĩ, wãtĩ doresũnerã ããrĩnemobirikõãaburo, ãrìgũ. Ìgũ magũrẽ ìgũ maĩgũrẽ marĩ Opũ ããrĩburo, ãrìgũ, irasiridi ããrĩmĩ. <sup>14</sup> Ìgũ magũ boari merã marĩ ñerõ iridea wajare taudi ããrĩmĩ. Irasirigũ marĩ ñerĩ irideare kãtidi ããrĩmĩ.

### *Cristo boagũ, marĩrẽ Marĩpũ merã siuñajãrĩ bokamakũ iridea*

<sup>15</sup> Marĩpũre ìãña máa. Cristo ìgũ magũ, ìgũ Pagũ ããrĩrikũrere ìmudi ããrĩmĩ masakare. Ìgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmĩ. Irasirigũ ããrĩpererã Marĩpũ irinerã nemorõ Opũ ããrĩmĩ. <sup>16</sup> Cristo merã Marĩpũ ããrĩpererã ãmũgasigue, i nikũgue ããrĩrã, marĩ ìãrãrẽ, marĩ ìãmerãdere iridi ããrĩmĩ. Gaji marĩ ìãrĩrẽ, marĩ ìãbiridere iridi ããrĩmĩ. Oparãrẽ, dorerãrẽ, turarãrẽ, ãmũgasigue ããrĩrãrẽ, i nikũgue ããrĩrãdere ããrĩpererãrẽ iridi ããrĩmĩ. Irasiriro ããrĩpererã, ããrĩpereri ìgũ iridea ããrã. Irire irigũ: “Yũ magũya ããrã”, ãrĩdi ããrĩmĩ. <sup>17</sup> Cristo ããrĩpererã, ããrĩpereri dupuyuro ããrĩsiadi ããrĩmĩ. Irasirigũ ìgũ turari merã ããrĩpererãrẽ, ããrĩpereridere i ãmũguere ìgũ gããmerõsũta keoro ããrĩmakũ irinĩmĩ. <sup>18</sup> Marĩ ìgũrẽ bũremurĩ bumarã, ìgũyarã ããrĩsĩã, ìgũya dupũ irirosũ ããrã. Irasirigũ marĩ dipuru, marĩ Opũ ããrĩmĩ. Ìgũ boadero pũrũ, marĩ ããrĩpererã dupuyuro ãmũgasigue masã mũrĩapũroridi ããrĩmĩ ããrĩpererere, ããrĩpererãrẽ dorebu.

19 Marĩpu ĩgũ gããmederosũta ĩgũrẽ ասũ արիւմի ասիւմի: “Yũ magũ, yũ irirosũta ասիւմի”, արիւմի ասիւմի. Irasirigũ Cristo ասիւմի Marĩpu ասիւմի opami. 20 Marĩpu ասիւմի i ասիւմի, ասիւմի i ասիւմի ասիւմի ĩgũ merã õãrõ ասիւմի gããmegũ, Cristore iriudi ասիւմի. ĩgũ gããmederosũta Cristo curusague boagũ dí bẽori merã ասիւմի marãrẽ, i nikũ marãdere: “Yũ merã õãrõ ասիւմի”, արĩgũ, irasiridi ասիւմի.

21 Iripoegue musãde ñerĩrẽ iririkũsĩã, Marĩpu merã õãrõ ասիւմի, ĩgũrẽ ĩãturi, ñerõ gũñaunanerã ասիւմի. 22 Musã irasũ ասիւմի, Marĩpu, Cristo boadea merã musãrẽ ĩgũ merã õãrõ ասիւմի iridi ասիւմի. Cristo, marĩ irirosũ dupũkũgũ ñerõ tari, boadi ասիւմի. Irasirigũ Cristo boadea merã Marĩpu musãrẽ ĩgũ pũrogue ĩgũyarã õãrã, waja opamerã ասիւմի ասիւմի. 23 Musã piriro marĩrõ gũñaturari merã Cristore bũremumakũ, ĩgũ musãrẽ tauri kerere kãtibirimakũ, Marĩpu musãrẽ ĩgũ pũrogue ĩgũ merã ասիւմի irigũkumi. Iri kerere musã pẽdeare ասիւմի i ասիւմի marã pẽpereakõãma. Yũ Pablode iri kerere weretamugũta ասiũ.

### *Marĩpu Pablode Jesũre bũremurãrẽ iritamudoredea*

24 Cristo marĩ ĩgũyarã ասիւմի curusague boagũ, bũro ñerõ taridi ասiũ. Marĩ Cristore bũremurĩ bumarã, ĩgũyarãta ասiũ, ĩgũya dupũ irirosũ ասiũ. Irasirirã ĩgũyarã ասiũ waja ñerõ taria. Marĩ ñerõ tariburo dũyãã dapa. Irasirigũ yũde ĩgũrẽ bũremurãrẽ iritamudũgũ, ñerõ taria. Ñerõ tarikeregũ, ասiũ. Pũrugue marĩ ñerõ tariri pererokoa. 25 Marĩpu yũre Jesũre bũremurãrẽ iritamubure, musãya ասiũ ĩgũya kerere musãrẽ werepeobure pĩmi. 26 Iripoeguere wãri buri marãrẽ iri kerere masĩpeomakũ iribiriunadi ասiũ. Dapora marãrẽ ĩgũyarãrẽ irire õãrõ masĩpeomakũ yãmi. 27 Irasirigũ iri kerere iripoegue marã masĩbirideare musã judĩo masaka ասiũ merãdere masĩmakũ gããmemi. Iri kere ասiũ արã: “Cristo ĩgũyarãguere ասiũ. Irasirirã ասiũ ĩgũ õãtariro ասiũ ĩgũ merã ասiũrãkuma”.

28 Gũã Cristoyamarẽta werea. ասiũrẽrẽ ĩgũyare pẽmasĩdorerã, ասiũrẽrẽ Marĩpu gũare masĩrĩ sĩrĩ merã buea. ĩgũ gããmerõsũta iridorerã, ĩgũ merã õãrõ ասiũ, արĩrã, werea. 29 Irita ասiũ yũ moãrĩ. Cristo turari sĩdero bokatiũrõ masakare ĩgũyare bue, ĩgũsãya ասiũrẽ Marĩpũre sẽrẽbosãã.

## 2

1 Ire musã masĩmakũ gããmea. Musãya ասiũrẽ, Laodicea marãya ասiũrẽ, ասiũrẽrẽ yũre ĩãmerãya ասiũridere bũro gũña, Marĩpũre sẽrẽbosãã. 2 ասiũ արĩ sẽrẽã Marĩpũre: “Gũãpũ, ĩgũsãrẽ õãrõ yũpũrãkũmakũ irika! õãrõ gãme maĩrĩ merã ասiũrũmakũ irika! ĩgũsãrẽ mũ magũyamarẽ õãrõ pẽmasĩmakũ irika! Mũ magũyamarẽ pẽmasĩrã, gũñaturari merã ասiũrũrãkuma. Iripoegue marã masĩbirideare õãrõ masĩrãkuma”, արĩ sẽrẽbosãã. 3 Cristo dita ասiũrẽrẽ õãrõ masĩgũ, õãrõ pẽmasĩgũ ասiũ. ĩgũ dita marĩrẽ ĩgũyamarẽ masĩmakũ irigũ ասiũ. Irire masĩrã, õãtarirẽ masĩã. 4 Gajerã musãrẽ õãrõ pẽsuyuri werenĩrĩ merã արĩgatobokuma, արĩgũ, irire werea. 5 Yũ musã watopegue ասiũbirikeregũ, musã merã ասiũ ĩgũ irirosũ pẽñaã. Musãrẽ bũro gũñaã. Musã Cristore gũñaturari merã õãrõ bũremurĩrẽ musã õãrõ ասiũrũrẽ pẽgũ, ասiũ.

6 Irasirirã marĩ Opũ Jesucristore bũremurã ĩgũrẽ musã bũremunũgãderosũta: “Yũre iritamugũkumi”, արĩ bũremunĩ, ասiũ ĩgũ merã õãrõ ասiũrũrẽ! 7 ĩgũrẽ õãrõ masĩrã, ĩgũyare irirã ասiũrũ! Gajerã musãrẽ buederosũta piriro marĩrõ gũñaturari merã ĩgũrẽ bũremunemoka! ասiũ Marĩpũre: “Õãã”, արĩ, ասiũrũrẽ sĩka!

### *Jesũre bũremurã Marĩpu merã õãrõ ասiũrũrẽ gojãdea*

8 õãrõ pẽmasĩka! Masaka ĩgũsã gããmerõ buerire, ĩgũsã արĩgatorire pẽbirikõãka! ĩgũsã iripoegue marã ասiũrũrẽ, ĩgũsã basi i ասiũmarẽ ĩgũsã gũñarĩrẽ buema. Gajerãrẽ Jesucristoyare buerã meta ասiũ. ĩgũsã ĩgũyare pirimakũ iridũarã, irasũ buema.

<sup>9</sup> Cristo, marĩ irirosũ dupukugũ ããrĩgũ ããrĩpereri Marĩpũ ããrĩrikurire opagũ ããrĩmi. <sup>10</sup> Mũsã Cristoyarã ããrĩmakũ, Marĩpũ mũsãrẽ ĩgũ irirosũ õãrã ããrĩmakũ yámi. Cristota ãmũgasi marã, i nikũ marã, deyorã, deyomarĩrã ããrĩpererã oparã nemorõ Opũ ããrĩmi. Irasirirã ãrĩgatori merã buerãrẽ pébirikõãka!

<sup>11</sup> Cristoyarã ããrĩsĩã, dupũma gasirogãrẽ wiirisũbirikererã, wiirinerã irirosũ ããrã. Masaka mũsãrẽ irasũ ããrĩmakũ iribirima. Marĩpũ gapũ mũsã Cristoyarã ããrĩmakũ, mũsãrẽ ĩgũ merã taudi ããrĩmĩ, mũsã ñerĩ ãaribejarire piriburo, ãrĩgũ. <sup>12</sup> Mũsã Cristoyarã ããrĩsĩã, deko merã wãiyesũrã, Cristo boa, yãasũderosũta mũsãde ĩgũ merã boa, yãasũnerã irirosũ waabũ. Boanerã ñerĩrẽ neõ irinemomasĩbema. Irasirirã mũsã wãiyesũrã, mũsã iripoegue ñerõ iriunadeare piririre ĩmurã iribũ. Mũsã irasũ wãiyesũmakũ, Marĩpũ Cristo boadiguere masũderosũta mũsãdere ĩgũ merã masũnerã irirosũ ããrĩmakũ iridi ããrĩmĩ. “Marĩpũ ĩgũ turari merã Cristore masũdi ããrĩmĩ”, ãrĩ bũremumakũ, mũsãrẽ irasiridi ããrĩmĩ õãrĩ gapũre iriburo, ãrĩgũ. <sup>13</sup> Iripoeguere mũsã ñerõ iridea waja peamegue waabonerã ããrĩnerã ããrĩbũ. Marĩpũyarã ããrĩbirisĩã, irasũ ããrĩnerã ããrĩbũ. ĩgũ dorerire opabirisĩã, irire iribirinerã ããrĩbũ. Daporare pama Marĩpũ marĩrẽ ĩgũ merã irasũ õãrõ ããrĩnĩmurã ããrĩmakũ yámi. Cristo boadea merã irasũ yámi. ĩgũ boadea merãta ããrĩpereri marĩ ñerĩ irideare kãtidi ããrĩmĩ. <sup>14</sup> Iripoegue Marĩpũ ĩgũ dorerire marĩrẽ: “Ãsũ irika!” ãrĩ pídi ããrĩmĩ. Marĩ iri dorerire tarinũgãnerã ããrĩkererũ, Cristo curusague boadea merã marĩ ñerĩ iridea wajare kãtipeokõãdi ããrĩmĩ. <sup>15</sup> Irasũ ããrĩmakũ, Cristo curusague boari merã wãtẽa oparãrẽ, ĩgũsãrẽ dorerã turarãrẽ tarinũgãkõãdi ããrĩmĩ. Irasirigũ ĩgũ ĩgũsãrẽ tarinũgãdeare gajerãrẽ masĩmakũ iridi ããrĩmĩ.

### *Ɛmũgasimarẽ, Marĩpũyare iritũyaka! ãrĩ gojadea*

<sup>16</sup> Irasirirã gajerã mũsãrẽ doredũarã: “Irire baarã, irire iirĩrã ñerĩrẽ irirã yãa”, ãrĩ werewũamakũ irasũ pékõãka! Bojorikũ, abe deyoanarikũ, semanarikũ bosenũrĩ ããrĩrĩnũrĩrẽ ĩgũsã judío masaka irirosũ mũsã iridũabirimakũ werewũaridere irasũ pékõãka! <sup>17</sup> Iripoegue Marĩpũ marĩrẽ ĩgũ dorerire pídi ããrĩmĩ, ĩgũ marĩrẽ Cristo merã iritamuburire pémasĩburo, ãrĩgũ. Daporare Cristo iri dorerire iripeogu ejadigue ããrĩmĩ marĩ ñerõ iridea wajare taubu. <sup>18</sup> ĩgũsã mũsãrẽ doredũarã: “Gajerã nemorõ ããrã”, ãrĩ gũñakererã, masaka péurogue: “Gajerã nemorõ ããrĩbea”, ãrĩ weregorenama. Marĩpũre wereboerãrẽ bũremurã, ĩgũsãrẽ: “Iritamuka gũare!” ãrĩ sërẽma. “Kërõ irirosũ Marĩpũ gũare ĩmudeare ĩãbũ”, ãrĩmoãmarã: “Masĩtarinũgãrã ããrã”, ãrĩ gũñadima. ĩgũsã basi gũñarõsũ yãma. Irasirirã mũsãrẽ: “Gũa irirosũ iribirimakũ, diayemarẽ iribeã”, ãrĩ werewũamakũ irasũ pékõãka! <sup>19</sup> ĩgũsã Cristore bũremubema. Marĩ gapũ ĩgũrẽ bũremurĩ bumarã, ĩgũyarã ããrĩsĩã, ĩgũya dupũ irirosũ ããrã. ĩgũta marĩrẽ doregũ, marĩ dipuru ããrĩmi. Irasirigũ, Marĩpũ gããmerõsũta marĩrẽ ĩgũya dupũ irirosũ ããrĩrãrẽ gãme iritamu, ĩgũrẽ bũremunemomakũ yámi.

<sup>20</sup> Mũsã, Cristo boaderosũta ĩgũ merã boanerã irirosũ waanerã ããrĩsĩã, mũsãrẽ doredũarã i ãmũmarẽ ĩgũsã gũñarõsũ buerire bũremubirikõãka! Mũsã ñerõ iririre pirikererã, Cristoya buerire bũremukererã, ¿nasirirã ĩgũsã dorerire iridũari dapa? <sup>21</sup> ĩgũsã gããmerõsũ ãsũ ãrĩ buema: “Irinorẽ baabirikõãka! Irinorẽ ñeãbirikõãka!” ãrĩma. ĩgũsã irire irasũ ããrĩmakũ, ¿nasirirã ĩgũsã dorerire yujuri? <sup>22</sup> ĩgũsã doreri: i ãmũma pereburi, masaka ĩgũsã gũñarĩ merã bueri ããrã. Irasiriro wajamãa. <sup>23</sup> ĩgũsã dorerire irirã: “Marĩpũyare õãrõ masĩrĩ merã ĩgũrẽ bũremurã yãa”, ãrĩ gũñadima. ĩgũsã dupũre ñerõ tarimakũ irirã, “Goepeyari merã Marĩpũre bũremurã yãa”, ãrĩ gũñadima. ĩgũsã dorerire irirã, masaka péurogue: “Gajerã nemorõ ããrĩbea”, ãrĩ weregorenakererã, diayemarẽ irirã irirosũ iriadima. ĩgũsã dorerire irikererã, ĩgũsã ñerĩ ãaribejarire piribema. Irasiriro ĩgũsã doreri wajamãa.

## 3

1 Marĩpu Cristore boadiguere masũderosũta musãdere ĩgũ merã masũnerã irirosũ ããrĩmakũ iridi ããrĩmĩ õãrĩ gapure iriburo, ãrĩgũ. Irasirirã musã iro dupuyuro ñerĩ irideare piri, ãmugasimarẽ Cristoyare gããmekã! Irogue Cristo ĩgũ Pagu diaye gapu doagu ããrĩpererãrẽ doregu ããrĩmi. 2 Ñmugasimarẽ gũñanĩka! I ãmumarẽ gũñanĩbirikõãka! 3 Musã Cristoyarã ããrĩsĩã, ĩgũ boaderosũta musãde ĩgũ merã boanerã irirosũ waanerã ããrĩbũ. Irasirirã boanerã ñerĩrẽ neõ irinemomasĩmerã irirosũ musã iripoegue ñerõ iriunadeare piribu. Daporare Cristo merã Marĩpu pũrogue masaka ĩãberogue perebiri okari opamurã ããrã. 4 Irasirirã, Cristo marĩrẽ okari sĩgũ i ãmugue dupaturi aarimakũ, ãmugasigue ĩgũ gosewasiri ããrĩrõgue ĩgũ merã waarãkoa.

*Iro dupuyuro ñerĩ irideare pirika! ãrĩ gojadea*

5 Irasirirã i ãmuma ñerĩ iririre pirikõãka! Neõ sugu mojõsiabirikeregu, nomeõ merã ããrĩbirikõãka! Neõ sugo mojõsiabirikerego, ãmũu merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ ãaribejarire iribirikõãka! Gajinorẽ opaduarã, bũro gããmebirikõãka! Masaka Marĩpũre gããmerõ nemorõ gajino gapure gããmerã, keori weadeare bũremurã irirosũ yãma. 6 Iri ñerĩrẽ irirã, Marĩpu dorerire tarinũgãrã ããrĩma. Irasirigu ĩgũsãrẽ bũro wajamoãgukumi. 7 Iripoeguere iri ñerĩrẽ irirã irirosũ musã ããrĩunanerã ããrĩbũ. 8 Dapora ããrĩpereri i ñerĩrẽ pirika! Guarire, sĩtĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ gũyasĩũrĩ werenĩrĩrẽ pirikõãka! 9 Gãme ãrĩgatobirikõãka! Musã Cristoyarã ããrĩsĩã, musã ĩgũyarã ããrĩburi dupuyurogue ããrĩrikũunaderosũ neõ ããrĩbea. Musã ñerĩ iririkũunadeare pirinerã ããrã. 10 Musã Cristoyarã ñajãmakũ, Marĩpu musãrẽ maama ããrĩrikũrere opamakũ iridi ããrĩmĩ. Irasirigu musãrẽ ĩgũ õãgũ ããrĩrõsũ ããrĩmakũ yãmi. Musãrẽ ĩgũrẽ õãrõ masĩnemoburo, ãrĩgũ, irasũ yãmi. 11 Irasirirã marĩ Cristoyarã ããrĩrã: judío masaka, judío masaka ããrĩmerãde, dupuma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã ããrĩmerãde, Marĩpu ĩũrõrẽ sũrosũ ããrã. Cristo marĩ ããrĩpererã Opũ ããrĩmi. Irasirigu ããrĩpererã ĩgũyarã merã ããrĩmi.

12 Irasirirã musã Marĩpu beyenerã, õãrã, ĩgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ĩãka! ĩgũsãrẽ õãrõ ãsũyarĩ merã iritamuka! “Gajerã nemorõ ããrã”, ãrĩ gũñabirikõãka! Musãrẽ ñerõ irikerepũru, irasũ peñakõãka! Gũñaturaka! 13 Guarĩ marĩrõ gajerãrẽ bopoñarĩ merã ĩãka! Gajerã merã gãme turianerã, ĩgũsã musãrẽ ñerõ irideare ĩgũsãrẽ kãtika! Marĩ Opũ musã ñerĩ irideare kãtidi ããrĩmĩ. ĩgũ kãtiderosũta musãde musã merãmarã musãrẽ ñerõ irideare kãtika! 14 I doreri nemorõ musãrẽ: “Gajerãrẽ bũro maĩ bũremuka!” ãrã. Musã irasirirã ããrĩpererã gajerã merã õãrõ ããrĩrãkoa. 15 Marĩpu marĩrẽ siuñajãrĩ merã ããrĩrikũmakũ yãmi. Irasirirã musã merãmarã merã õãrõ ããrĩka! Marĩ ĩgũyarã su bumarãta ããrã. Marĩpu marĩrẽ irasũ ããrĩmurãrẽ pídi ããrĩmĩ. Irasirirã ĩgũrẽ: “Õãa”, ãrĩ, ãsũyarĩ sĩnĩkõãka!

16 Cristoya kerere gũñanĩkõãka, irire masĩnemomurã! Õãrõ pémasĩrĩ merã ĩgũyare gajerãrẽ bueka! Goepeyari merã wereka, ĩgũsãde ĩgũyare õãrõ iriburo, ãrĩrã! Irasirirã Salmos wãĩkũri gojadea pũgue Marĩpũya bayarire, gaji ĩgũrẽ bũremurĩ bayarire ĩgũrẽ bayapeoka! Õãrõ gũña bũremurĩ merã bayapeoka! Irasirirã Marĩpũre: “Õãa”, ãrĩ, ãsũyarĩ sĩka! 17 Marĩ Opũ Jesús ãsũyaburosũta ããrĩpereri musã iririre, ããrĩpereri musã werenĩrĩrẽ õãrõ yũpũrãkũri merã irika! Irasirirã, Jesús iritamurĩ merã Marĩpũre: “Õãa”, ãrĩ, ãsũyarĩ sĩka!

*Pablo Jesũre bũremurãrẽ: “Ãsũ irika!” ãrĩ gojadea*

18 Musã marãpũkũrã nome, Cristo marĩ Opũyarã nome ããrĩsĩã, musã marãpũsãmarãrẽ õãrõ yũjũka! 19 Musã marãpokũrã, musã marãposã nomerẽ maĩ bũremuka! ĩgũsãrẽ turibirikõãka! 20 Musã ĩgũsã pũrãde ããrĩpereri musã pagũsãmarã dorerire

tarinugābirikōāka! Mūsā irasirimakū, marī Opū oārō usuyagukumi. <sup>21</sup> Mūsā ĩgūsā pagūsāmarāde mūsā pūrārē turi, ĩgūsārē guamakū iribirikōāka, bujawereri merā yujupūrākuri, ārīrā! <sup>22</sup> Moāboerimasā, āārīpereri mūsā oparā i ũmū marā dorere yujuka! ĩgūsā ĩūrōrē, ĩgūsā ĩāberoguedere oārō moāka! ĩgūsā mūsārē oārō gūñaburire ĩgūsā ĩūrō direta oārō moāmakū oābea. Mūsā, marī Opūre goepeyari merā buremurā āārīsīā, mūsā oparādere oārō merā yujuka! <sup>23</sup> Āārīpereri mūsā iririre, oārō yujupūrākuri merā irika! Masakare moāboekererā, diayeta marī Opūre Cristore moāboerā āārā. Irasirirā mūsā oparārē oārō moāboeka! Irasū moāboerā, Cristore moāboerā irirosū yāa. <sup>24</sup> Mūsā irasirimakū, Cristo mūsārē wajarigukumi. ĩgūyarārē: “Āsū sīgura”, ārīdeare mūsārē sīgukumi. Mūsā irire masīa. Mūsā marī Opūre Cristore moāboerā āārā. ĩgūta mūsā Opūgora āārīmi. <sup>25</sup> Marīpū ñerō irirārē ĩgūsā ñerō iridea waja wajamoāgukumi. ĩgūsārē āārīpererārē sūrosū ĩāgū, keoro wajamoāgukumi. Neō sugū tariwerebirikumī.

#### 4

<sup>1</sup> Mūsā oparā, mūsārē moāboerimasārē diayemarē irika! ĩgūsārē oārō opaka! Ire mūsā masīa. Mūsāde Opū opāa. Mūsā Opū ũmugasigue āārīgū Marīpū āārīmi.

<sup>2</sup> Ūmurikū oārō gūña pémasī, Marīpūre sērēnikōāka! ĩgūrē: “Oāa”, ārī, usuyari sīka! <sup>3</sup> Marīpūre guaya āārīburidere sērēbosaka! Gūa Cristoya kerere iripoegue marā masībirideare gajerārē buedukoa. Irasirirā Marīpūre gūa ĩgūsārē iri kerere oārō bueburire sērēbosaka! Yū iri kerere wereri waja daporare peresugue āārā. <sup>4</sup> Irasirigū Marīpūre yaa āārīburire mūsā sērēbosamakū gāāmea. Marīpūre ĩgū dorederosūta Cristoya kerere gajerārē pémasīma oārō yū wereburire sērēbosamakū gāāmea.

<sup>5</sup> Jesúre burenumerārē pémasīrī merā oārō irika! ĩgūsārē ĩgūyare wereka! ĩgūsā merā mūsā āārīrōpā ĩgūsārē oārō irika, ĩgūsāde Jesúre buremuburo, ārīrā! <sup>6</sup> Gajerā merā weretamurā, oārō merā weretamuka! Oārī direta werenīka! Mūsā irasirirā gajerā ĩgūsā Jesúyamarē mūsārē sērēñamakū, oārō masīrī merā yujurākoa ĩgūsārē.

#### *Pablo oādoretūnudea*

<sup>7</sup> Tīquico, marīyagū marī maīgū, Jesúre buremugū āārīmi. ĩgū yū āārīrikurire mūsārē weregukumi. Marī Opūyare buegū, yū merā moāgū āārīmi. Neō iri moārīrē piribemi. <sup>8</sup> Mūsā pūrogue ĩgūrē iriua, gūa āārīrikurire masī, mūsārē gūñatura, usuyamakū iriburo, ārīgū. <sup>9</sup> Onésimo merā ĩgūrē iriua. ĩgūde Jesúyare neō piribemi. Mūsāya makāmū, marīyagū marī maīgū āārīmi. ĩgūsā pērā gūa naásū waadeare āārīpererire wererākuma mūsārē.

<sup>10</sup> Aristarco yū merāmū, yū merā peresugue āārīgū mūsārē oādoremi. Marcode oādoremi. ĩgū Bernabé pagūmū āārīmi. Mūsā pūrogue ĩgū ejamakū, oārō merā ĩgūrē bokatīrīñeāka, yū mūsārē werederosūta! <sup>11</sup> Jesús wāikugū, gajerā “Justo” wāiyedi mūsārē oādoremi. ĩgū, Marcos, Bernabé merā yūre moātaturā āārīma. ĩsā ũrerāta gajerā judío masaka Jesúre buremurā watopeguere yūre moātamura, masaka Marīpū ĩgūyarārē doreri kerere péburo, ārīrā. ĩgūsā yūre iritamurī merā gūñatura, usuyāa. <sup>12</sup> Epafra mūsāya makāmude mūsārē oādoremi. ĩgū Cristoyagū ĩgūrē moāboegū āārīmi. Marīpūre sērēgū, turaro mūsāya āārīburire sērēbosanīkōāmi. Marīpūre oārō gūñaturaní, ĩgū gāāmerōsū iriburo, ārīgū, irasū sērēbosami. <sup>13</sup> ĩgū Marīpūre mūsāya āārīburire turaro sērēbosamakū ĩāa. Laodicea marāya āārīburire, Hierápolis marāya āārīburidere turaro sērēbosami. ĩgū irasirimakū ĩāgū, mūsārē irire diaye werea. <sup>14</sup> Duturu Lucas, marī maīgū mūsārē oādoremi. Demade oādoremi.

<sup>15</sup> Oāburo marīyarā Laodicea marā. Ninfa wāikugode oāburo. Jesúre buremurā igoya wiigū nerērāde oāburo. <sup>16</sup> I pūrē yū gojadea pūrē mūsā nerērōgue bue ĩmu odo, Laodicea marādere iriuka, ĩgūsāde ĩgūsā nerērōgue bue ĩmuburo, ārīrā! Irasirirā ĩgūsārē gajī yū



gojadea pūrē ñeārã, müsãde iri pūrē bue ñmuka! <sup>17</sup> Ñsũ ãrĩka Arquipore: “Marĩ Opũ Jesúyagũ mũ ããrĩmakũ, mũrē ñgũ moãrĩrē pídi ããrĩmí. Irasirigũ irire õãrõ moãyuwarikũka!” ãrĩka ñgũrē!

<sup>18</sup> Yũ Pablo, yaa mojõ merã ire gojáa: “Müsãrē õãdorea”. Peresugue yũ ããrĩrĩrē gũña, Marĩpure yaa ããrĩburire sērēbosaka! Ñãrõ ããrĩka müsã! Marĩpũ müsãrē õãrõ iritamuburo. Iropãta ããrã.  
Pablo

# 1 TESALONICENSES

## *Pablosã Tesalónica marârê òãdoredea*

<sup>1</sup> Y<sub>H</sub> Pablo, y<sub>H</sub> merãmarã Silvano, Timoteo merã musã Tesalónica marârê Jesúre b<sub>H</sub>remurârê òãdoredea. Musã Marĩp<sub>H</sub>uyarã, marĩ Op<sub>H</sub> Jesucristoyarã ããrã. Irasirig<sub>H</sub> musãrê i papera pũrê gojáa. Marĩp<sub>H</sub> ããrĩnĩgũ, marĩ Op<sub>H</sub> Jesucristo musãrê òãrõ iritamu, siuñajãrĩ merã ããrĩrik<sub>H</sub>makũ iriburo.

## *Pablo, Tesalónica marã Jesúre b<sub>H</sub>remurĩrê gojadea*

<sup>2</sup> G<sub>H</sub>ua Marĩp<sub>H</sub>ure musãya ããrĩburire sêrêbosarã, musã òãrõ iririre gũñáa. Irasirirã ìgũrê: “M<sub>H</sub> iritamurĩ merã òãrõ yáma”, ãrĩ, us<sub>H</sub>yari sĩnĩkõãa. <sup>3</sup> Ìgũrê sêrêrã, ãsũ ãrĩ sêrêa: “G<sub>H</sub>uap<sub>H</sub>, Tesalónica marã m<sub>H</sub> magũ Jesucristore b<sub>H</sub>remusiã, ìgũyare òãrõ irirã yáma. Maĩrĩ merã gajerãrê òãrõ iritamuma. Marĩ Op<sub>H</sub> Jesucristo dupaturi aariburire us<sub>H</sub>yari merã yúsĩã, ñerõ tarikererã gũñaturama. Irasirig<sub>H</sub> ìgũsãrê irire iriduúbirimakũ irika!” ãrĩ sêrêa. <sup>4</sup> G<sub>H</sub>uayarã, Marĩp<sub>H</sub> musãrê maĩmi. Ìgũta musãrê beyedi ããrĩmĩ, ìgũyarã ããrĩburo, ãrĩgũ. G<sub>H</sub>ua irire masĩa. <sup>5</sup> Musãrê Jesús masakare tauri kerere wererã, g<sub>H</sub>ua masĩrĩ merã werebirib<sub>H</sub>. Òãgũ deyomarĩgũ turari merã gap<sub>H</sub> musãrê iri kerere wereb<sub>H</sub>. G<sub>H</sub>ua musãrê òãrõ iritamudeare masĩsĩã, g<sub>H</sub>ua iri kerere weremakũ pérã: “Diayeta ããrã”, ãrĩ masĩb<sub>H</sub>.

<sup>6</sup> Irasirirã, g<sub>H</sub>ua irideare iãnerã ããrĩsĩã, g<sub>H</sub>ua iriderosũ, irasũ ããrĩmakũ Jesucristo iriderosũ irirã dujab<sub>H</sub>. Ñerõ tarikererã, Òãgũ deyomarĩgũ iritamurĩ merã Jesúya kerere us<sub>H</sub>yari merã pé, b<sub>H</sub>remunugãb<sub>H</sub>. <sup>7</sup> Musã irasirideare pérã, ããrĩpererã Jesúre b<sub>H</sub>remurã, Macedonia nikũ marã, òõ Acaya nikũ marã: “Marĩdere ìgũsã irirosũta ããrĩrik<sub>H</sub>ro gããmea”, ãrĩma. <sup>8</sup> Musã merãta ããrĩpererogue marã marĩ Op<sub>H</sub> Jesúya kerere pépereakõãñurã. Macedonia marã, Acaya marã dita iri kerere pérã meta iriñurã. ããrĩpererogue marã musã Marĩp<sub>H</sub>ure b<sub>H</sub>remurĩrê masĩsiañurã. Irasirirã g<sub>H</sub>ua ìgũsãrê irire werenemobirikoa. <sup>9</sup> Ìgũsã gap<sub>H</sub> g<sub>H</sub>ua musã p<sub>H</sub>ro ejamakũ, musã g<sub>H</sub>uare òãrõ bokatĩrĩñeãdeare gajerãguere werema. Gaji musã keori weadeare b<sub>H</sub>remurĩrê pirikõã, Marĩp<sub>H</sub> gap<sub>H</sub>ure b<sub>H</sub>remu, ìgũ gããmerĩ direta irinugãdeare werema. Ìgũ diayeta Marĩp<sub>H</sub> okanĩgũ ããrĩmi. <sup>10</sup> Musã, ìgũ magũ Jesús ùmugasigue ããrĩgũ i ùmugue dupaturi aariburire òãrõ us<sub>H</sub>yari merã yúrã iriayuro. Marĩp<sub>H</sub> Jesúre boadiguere masũdi ããrĩmĩ. Jesúta marĩrê peamegue b<sub>H</sub>ro wajamoãsũbonerãrê taug<sub>H</sub> ããrĩmi.

## 2

## *Pablo Tesalónicague ìgũ buedeare gojadea*

<sup>1</sup> G<sub>H</sub>uayarã, musã ire òãrõ masĩa. G<sub>H</sub>ua musã p<sub>H</sub>ro ããrĩrã, ubu ããrĩrĩrê irirã meta irib<sub>H</sub>. G<sub>H</sub>ua buerire pérã, wárã musã Jesúre b<sub>H</sub>remunugãb<sub>H</sub>. <sup>2</sup> G<sub>H</sub>ua musã p<sub>H</sub>ro waaburi dupuyuro Filipogue ããrĩb<sub>H</sub>. G<sub>H</sub>ua irogue ããrĩmakũ, iro marã g<sub>H</sub>uare ñerõ iri, ñerõ ãrĩ b<sub>H</sub>ridama. Musã irire masĩa. Musãya makã marãde g<sub>H</sub>uare ñerõ irid<sub>H</sub>akerer<sub>H</sub>, Marĩp<sub>H</sub> g<sub>H</sub>uare iritamumi. Irasirirã gũiro marĩrõ gũñaturari merã ìgũ masakare tauri kerere musãrê wereb<sub>H</sub>. <sup>3</sup> G<sub>H</sub>ua musãrê: “Iri kerere b<sub>H</sub>remuka!” ãrĩ wererã, diayema ããrĩrĩrê b<sub>H</sub>remumakũ gããmeb<sub>H</sub>. Musãrê ñerõ irid<sub>H</sub>arã, ãrĩgatori merã buerire b<sub>H</sub>remumakũ irid<sub>H</sub>arã meta irib<sub>H</sub>. <sup>4</sup> Marĩp<sub>H</sub> ìgũ gããmederosũta g<sub>H</sub>uare ìgũ masakare tauri kerere weremurãrê beyepĩdi ããrĩmĩ. Irasirirã, masaka g<sub>H</sub>ua merã us<sub>H</sub>yaburo, ãrĩrã meta iri kerere werea. Marĩp<sub>H</sub> gããmerĩ gap<sub>H</sub>ure irid<sub>H</sub>arã, irire werea. Ìgũta ããrĩpereri marĩ gũñarĩrê iãmasĩgũ ããrĩmi. <sup>5</sup> Musã masĩa. G<sub>H</sub>ua musã p<sub>H</sub>ro ããrĩrã, musãrê òãrõ werenĩgatori merã g<sub>H</sub>ua gããmerĩrê irimakũ irid<sub>H</sub>arã meta irib<sub>H</sub>. Musãrê niyerure ãid<sub>H</sub>arã ãrĩgatori merã wererã meta irib<sub>H</sub>. Marĩp<sub>H</sub>ude irire masĩmi. <sup>6</sup> G<sub>H</sub>ua Marĩp<sub>H</sub>uya kerere wererã, musã g<sub>H</sub>uare: “Òãrõ buema”, ãrĩmakũ irid<sub>H</sub>arã meta yáa. Gajerãde g<sub>H</sub>uare irasũ ãrĩmakũ neõ gããmebea. <sup>7</sup> G<sub>H</sub>ua, Cristo

buedoregũ beyepínerã ããrĩsĩã, m̃sãrẽ: “Gũare iritamuka!” ãrĩbonerã ããrĩkererã, neõ irasũ ãrĩbiribũ. Sugo pago igo pũrãrẽ maĩrĩ merã õãrõ korerosũta m̃sãrẽ maĩrĩ merã õãrõ korebũ. <sup>8</sup> M̃sãrẽ bũro maĩsĩã, Marĩpũya kerere õãrõ iridũari merã buebũ. ããrĩpereri gũa irimasĩrĩ merã m̃sãrẽ iritamubũ. M̃sãrẽ maĩsĩã, irasiribũ. <sup>9</sup> M̃sã gũayarã, gũa m̃sã merã ããrĩrã bũro moãdeare gũñakoa. M̃sãrẽ Marĩpũya kerere buerã: “Gũare iritamuka!” ãrĩdũabirisĩã, gũa baaburire wajarimurã ãmũrĩ, ñamirĩ moãbũ.

<sup>10</sup> Gũa iririkũre m̃sã masĩa. Marĩpũde masĩmi. Gũa, m̃sã Jesũre bũremurã merã ããrĩrã, gũa m̃sãrẽ õãrõ irirã, diayema iribũ. Irasirirã gajerã gũare: “Ñerõ yãma, waja oparã ããrĩma”, neõ ãrĩmasĩbirima. <sup>11</sup> Idere m̃sã masĩa. Sugũ pagũ ãgũ pũrãrẽ õãrõ wereri merã ãgũsãrẽ gũñaturamakũ irirosũta gũa m̃sãdere ããrĩpererãrẽ irasiribũ. <sup>12</sup> Marĩpũ m̃sãrẽ ãgũyarãrẽ dorerogue ãgũ õãrõ gosewasirogue m̃sã ããrĩmurãrẽ beyedi ããrĩmi. Irasirirã m̃sãrẽ ãgũyarãrẽ: “ãgũyare õãrõ irinĩkõãka!” ãrĩ werebũ.

<sup>13</sup> Gũa m̃sãrẽ Marĩpũya kerere weremakũ pérã, m̃sã: “I Marĩpũya werenĩrĩgora ããrã”, ãrĩ bũremubũ. “Masakaya werenĩrĩ meta ããrã”, ãrĩbũ. Gũa, m̃sã irasirideare gũñarã, Marĩpũre m̃sũyari sĩnĩkõã. ãgũ m̃sãrẽ ãgũya kerere bũremurãrẽ iri merã m̃sã gũñarĩrẽ, m̃sã iririre õãrĩ gapũre gorawayumakũ yãmi. <sup>14</sup> Gũayarã, m̃sã Jesucristore bũremurã ããrĩmakũ ããrã, m̃sãya nikũ marã m̃sãrẽ ñerõ tarimakũ iriañurã. M̃sãrẽ waarósũta Judea nikũ marãdere Marĩpũyarãdere waaró iriayuro. ãgũsã Jesucristore bũremurã ããrĩmakũ ããrã, ãgũsãya nikũ marã judío masaka ãgũsãrẽ ñerõ tarimakũ iriañurã. Judío masaka Jesũre gããmemerã ããrĩsĩã, ãgũrẽ bũremurãrẽ ñerõ tarimakũ iriañurã. <sup>15</sup> ãgũsã ñekũsãmarã Marĩpũya kerere weredupuyunerãrẽ wẽjẽderosũ, marĩ Opũ Jesũdere wẽjẽnerã ããrĩmã. Gũadere gũa m̃sãya makãgue ããrĩmakũ, ñerõ iri, béowiuma. Marĩpũ, ãgũsã irasirideare neõ gããmebemi. ãgũsã ããrĩpererãrẽ gããmebema. <sup>16</sup> Judío masaka ããrĩmerãrẽ peamegue waabirikõãburo, ãrĩrã, gũa ãgũsãrẽ Jesũyare buedũamakũ, judío masaka Jesũre gããmemerã gũare kãmutadũadima. Gũare ãgũyare weredorebirima. Irasirirã ãgũsã ñerõ iririre nemorõ irisĩã, wãro waja opama. ãgũsã daporata Marĩpũ bũro wajamoãsũmurã dujasiamã.

### *Pablo Tesalónica marãrẽ ãgũ dupaturi ããgũ waadũarire gojãdea*

<sup>17</sup> Gũayarã, gũa m̃sã pũroque ããrãnerã wiridero pũru m̃erõgã tarikerepũru, m̃sãrẽ gũñanĩkõã, dupaturi bũro ããrã waadũadibũ. <sup>18</sup> Wãri gũa m̃sãrẽ ããrã waadũadibũ. Yũ Pablo wãri: “Irogue waagũra”, ãrĩnadibũ. Gũa waadũarikũ, wãtĩ gapũ gũa waadũarire kãmutanami. <sup>19-20</sup> M̃sãta gũare m̃sũyamakũ irirã, gũare m̃sã õãrõ iriburimarẽ gũñaturamakũ irirã ããrã. Irasirirã m̃sãrẽ ããrã waadũadibũ. Marĩ Opũ Jesucristo i ãmũgue dupaturi aarimakũ, m̃sã õãrõ irideare gũñarã, gũa ãgũrẽ: “ãgũsãta ããrĩma, gũare bũro m̃sũyamakũ irinerã. Gũa m̃yare buemakũ pérã, m̃rẽ bũremunũgãma. M̃yare õãrõ iritũyanĩkõãma”, ãrĩ wererãkoa. Irasirirã m̃sã merã bũro m̃sũyãa.

## 3

<sup>1-2</sup> M̃sãya kerere péduarã bokatĩũbirikubũ. Irasirirã, Timoteore: “ãgũsãrẽ ããgũ waaka!” ãrĩ iriubũ. “Gũa gapũ Atenague dujarãkoa”, ãrĩbũ. Timoteo marĩyagũ, Marĩpũre moãboegũ, gũa merã Jesucristoya kerere buegũ ããrĩmi. “ãgũ Jesũyare buemakũ pérã, gũñaturari merã ãgũrẽ bũremunemorãkuma”, ãrĩrã, ãgũrẽ iriubũ. <sup>3</sup> M̃sã Jesucristore bũremurĩ waja gajerã m̃sãrẽ ñerõ iriañurã. Irasirirã, m̃sã Jesũyare neõ piribirikõãburo, ãrĩrã, Timoteore m̃sã pũroque iriubũ. Marĩ Jesũre bũremurĩ waja gajerã marĩrẽ ñerõ irirãkuma. Irire masĩa m̃sã. <sup>4</sup> Iro dupuyuro gũa irogue m̃sã merã ããrĩrã, irire ãsũ ãrĩ weresiabũ: “Marĩ Jesũre bũremurĩ waja ñerõ tarirãkoa”, ãrĩbũ. Gũa ãrĩderosũta gajerã marĩrẽ ñerõ irirã yãma. M̃sã irire masĩsĩã. <sup>5</sup> Irasirigũ, m̃sãrẽ: “ã Jesũre gũñaturari merã bũremunĩkõãkuri?” ãrĩ s̃erẽña, m̃sãya kerere péduagũ bokatĩũbirisĩã, Timoteore iriubũ. “Gũñaturanerãrẽ gajipoe

irigũ wātĩ ĩgũsārē Jesúya buerire b̄remuduúmakũ irikumi, ḡua irire ubugora bueyo”, āĩ gũñarikabũ. Irasirigũ Timoteore m̄sā p̄rogue iriubũ.

<sup>6</sup> Daporare, Timoteo, m̄sārē ĩāgũ ejadi oōguere goejasiami. ĩgũ oārĩ m̄sāyare kereku goejami. M̄sā piriro marĩrō Jesúre oārō gũñaturari merā b̄remurĩrē, m̄sā gāme maĩrĩrē, ḡuare were goejami. Ḡuare maĩrĩ merā gũñanĩkōāyuro. Ḡua m̄sārē ĩād̄uārosũta, m̄sāde ḡuare b̄uro ĩād̄uāyuro. <sup>7</sup> Irasirirā, m̄sā Jesúre b̄remurĩrē p̄rā, ḡua ñerō tarikererā, oārō ȳj̄p̄rākari merā us̄yáa. <sup>8</sup> Marĩ Op̄u Jesúre m̄sā b̄remunĩmakũ p̄rā, dapagueta siuñajārĩ op̄áa. <sup>9</sup> Irasirirā m̄sārē gũñarā, Marĩp̄re b̄uro us̄yari s̄ia. Nasiri us̄yari s̄ibokatĩũmasĩña máa. <sup>10</sup> Ũm̄arĩ, ñamirĩ Marĩp̄re: “Ḡua ĩgũsārē ĩārā waaburire āmubosaka!” āĩ, b̄uro s̄ērēa. M̄sārē Jesúya kerere wereyuwarik̄rā waad̄uakoa, ĩgũrē oārō b̄remunemoburo, āĩrā.

<sup>11</sup> Marĩp̄u āārĩnĩgũ, marĩ Op̄u Jesucristo ḡuare iritamuburo. Ḡuare m̄sārē ĩārā waaburire āmu, iriuburo. <sup>12</sup> Marĩ Op̄u m̄sārē nemorō gāme maĩwāgānĩmakũ iriburo. Ḡua m̄sārē maĩrōsũta m̄sāde gajerā āārĩpererārē gāme maĩnemomakũ iriburo. <sup>13</sup> M̄sārē ĩgũrē piriro marĩrō oārō gũñaturari merā b̄remunĩmakũ iriburo. Irasirirā, marĩ Op̄u Jesús āārĩpererā ĩgũyarā merā i ũm̄gue dupaturi aarimakũ, Marĩp̄u āārĩnĩgũ ĩũrōgue ĩgũ iritamurĩ merā ñerĩ marĩrā, waja opamerā āārĩrākoa.

## 4

### *Pablo Jesúre b̄remurārē: “Marĩp̄u gāāmerĩ direta irika!” āĩ gojadea*

<sup>1</sup> Daporare marĩ Op̄u Jesús doreri merā m̄sārē āsũ āĩ werea: “Ḡua m̄sārē: ‘Āsũ iriro gāāmea’, āĩ buederosũta irika, Marĩp̄u gāāmerĩ direta irimurā! Daporare m̄sā ĩgũ gāāmerĩrē irirā iriayuro. Irasirirā: ‘Irire nemorō irinemoka!’ ” āĩ werea. <sup>2</sup> Ḡua buedeare m̄sā mas̄ia. Irire buerā, marĩ Op̄u Jesús doreri merā m̄sārē buebũ.

<sup>3</sup> Marĩp̄u m̄sārē ñerĩ marĩrā āārĩmakũ gāāmemi. Irasirirā: marāpo marĩrā, marāpok̄rā, marāp̄u marĩrā, marāp̄uk̄rā gāmebirabirikōāka! <sup>4</sup> M̄sākũ ñerō iri ĩmurō marĩrō gopeyari merā m̄sā marāposā nomerē op̄aka! Gajerā m̄sā irasirimakũ ĩārā: “Oārō yāma”, āĩ ĩārākuma. <sup>5</sup> Marĩp̄re mas̄imerā irirosũ, nomerē ñerō irid̄uari merā uaribejabirikōāka! <sup>6</sup> M̄uyagũ marāpore gāmebirarā, igo marāp̄udere ñerō irikoa. Irinorē iribirikōāka! Marĩp̄u irasirirānorē b̄uro wajamoāgukumi. Ḡua m̄sārē irire weresiabũ. <sup>7</sup> Marĩp̄u marĩrē ñerĩrē iriburo, āĩgũ meta beyepĩdi āārĩmĩ. ĩgũ gāāmerĩ direta iridoregũ, marĩrē beyepĩdi āārĩmĩ. <sup>8</sup> I buerire gāāmemerā, ḡua direta gāāmemerā meta yāma. Marĩp̄udere gāāmebema. Marĩp̄u marĩrē ĩgũ gāāmerĩ direta iridoregũ, Ōāgũ deyomarĩgũrē iriudi āārĩmĩ. Ōāgũ deyomarĩgũ ñerĩ opabi āārĩmĩ.

<sup>9</sup> M̄sā sugũ p̄rā irirosũ gāme maĩrĩ tamerārē gojabea. Marĩp̄u ĩgũ basi m̄sārē gāme maĩd̄oresiadi āārĩmĩ. <sup>10</sup> M̄sā irasũta iriayuro. Marĩp̄u m̄sārē dorederosũta āārĩperero Macedoniague āārĩpererā Jesúre b̄remurārē maĩayuro. M̄sā gāme maĩrĩ merā āārĩkerer̄ũ: “Nemorō gāme maĩnemoka!” āĩ werea. <sup>11</sup> Gāme ĩaturiro marĩrō oārō āārĩrik̄ka! Gajerāya āārĩrĩnorē gũñarikũ, ĩgũsārē werew̄uabirikōāka! M̄sāyama āārĩburi gap̄re gũña, oārō moārikũ, āārĩkōāka! Ḡua m̄sā p̄rogue āārĩrā, ire m̄sārē weresiabũ. <sup>12</sup> M̄sā oārō moārā, gajerārē baari s̄ērēbirikoa. M̄sā moārĩ merā m̄sā baaburire oparākoa. M̄sā irasirimakũ ĩārā, Jesúre b̄remumerā gopeyari merā m̄sārē ĩārākuma.

### *Pablo marĩ Op̄u dupaturi i ũm̄gue aariburire gojadea*

<sup>13</sup> Ḡuayarā, m̄sārē boanerā waaburire wered̄uakoa, irire mas̄iburo, āĩgũ. Jesúre b̄remurā boarā, ĩgũ merā āārĩnĩrā waarākuma. M̄sā irire mas̄irā, m̄sāyarā Jesúre b̄remurā boamakũ, b̄uro b̄jawerebirikoa. Jesúre b̄remumerā gap̄u, ĩgũsāyarā boamakũ, b̄uro b̄jowererākuma. ĩgũsā irirosũ b̄uro b̄jawerebirikoa. <sup>14</sup> Marĩ ire b̄remua. Jesús boadigue mas̄adi āārĩmĩ. ĩgũ dupaturi i ũm̄gue aarimakũ, ĩgũrē b̄remurā

boanerārē Marīpυ ĩgūrē masūderosūta ĩgūsārē masūgukumi. Masū odo, ĩgū āārīrōgue āīmūrīagukumi.

<sup>15</sup> Marī Opυ Jesús weredeare mūsārē werea. Jesús dupaturi i ũmugue aarimakū, ĩgūrē bυremurā boanerā masā, āīmūrīāsūrākuma. ĩgūsā pυpυ, marī Jesúsre bυremurā okarāde āīmūrīāsūrākoa. <sup>16</sup> Āsū waarokoa. Marī Opυ Jesús ĩgū basita ũmugasigue āārīdi bυro turaro werenīrī merā aarigukumi. ĩgū aarimakū, Marīpυre wereboerā opυde werenīgukumi. Marīpυyaru puridirude bυsurokoa. Irasū waamakū, Jesúsre bυremurā boanerā masāpυrorirākuma. <sup>17</sup> ĩgūsā pυpυ, marī okarāde Jesúsre bυremurā, ĩgūsā merā mikāyeborigue mūrīa, irogue Jesúsre bokatīrīrākoa. ũmugasigue ĩgū merā āārīnikōārākoa. <sup>18</sup> Mūsā basi irire gāme werenīka! Irasirirā gāme gūñaturamakū irirākoa.

## 5

<sup>1</sup> Irinυ, iropā āārīmakū, Jesús dupaturi aarigukumi, ārīrī tamerā masīña máa. Irasirigū iri tamerārē gojabea. <sup>2</sup> Mūsā masīsīáa. Sugυ yajarimasū ñami merā gūñaña marīrō yajagυ ejarosū, Jesúsde marī gūñabiripoe ejagukumi. <sup>3</sup> Jesúsre bυremumerā ĩgū dupaturi aariburi dupuyurogārē: “Gυa gūiro marīrō ōārō āārīkōāa”, ārī gūñarākuma. ĩgūsā irasū gūñaripoere ĩgūsārē wāri ñerī waarokoa. Sugo nomeō nijīpo āārīgō, majīgū nijīwāgūgō pūrīsūrōsū, Jesúsre bυremumerā irasūta gūñaña marīrō bυro ñerō tarirākuma. Neō sugυ taribirikumī. <sup>4</sup> Masaka Jesúsre bυremumerā, naītīārōgue āārīrā irirosū āārīma. Mūsā gapυ ĩgūsā irirosū āārībea. Irasirirā Jesús dupaturi i ũmugue aarimakū, yajarimasūrē ĩagukarā irirosū waabirikoa. <sup>5</sup> Mūsā āārīpererā Jesúsarā āārā. Irasirirā ũmυ boyorogue āārīrā ĩāmasīrōsū Jesús aariburire masīa. Jesúsre bυremumerā gapυ naītīārōgue āārīrā irirosū āārīma. Irasirirā ñami merā ĩāmasīberosū Jesús aariburire masībema. <sup>6</sup> Irasirirā ñami merā kārīrā irirosū āārībirikōārā marī! Jesús dupaturi aariburire gūñamerā, kārīrā irirosū āārīma. Marī gapυ ĩgū aariburire pémasīrī merā gūñanīkōārā! Mejārā irirosū iribirikōārā! Diayema gapυre irirā! <sup>7</sup> Masaka ñamirē kārīkuma. Mejārīmasā ñamirē mejākuma. <sup>8</sup> Marī Jesúsarā gapυ ũmυ boyorogue āārīrā irirosū āārā. Irasirirā ōārō pémasīrī merā diayemarē irinīkōārā!

Sugυ surara gāmewējērōgue waabu, ĩgūya koretibire kāmūtagυ, kōme surírore sāñakumi. ĩgū irirosūta marīde Jesúsre bυremurī merā, marī gāme maīrī merā, wātīrē ĩgū marīrē irire pirimakū iriduarire kāmutarā! Surara ĩgūya dipurure kāmūtagυ, kōme perore peyakumi. ĩgū irirosūta marīde, Jesús marīrē taugυ aariburire: “Diayeta aarigukumi”, ārī masīrī merā wātīrē ĩgū marīrē: “Irasū waabirikoa”, ārīgatorire kāmutarā! <sup>9</sup> Marīpυ marīrē wajamoābu meta beyepīdi āārīmī. Marī ñerō iridea wajare marī Opυ Jesucristo merā taubu, marīrē beyepīdi āārīmī. <sup>10</sup> Jesús ĩgū merā āārīnīkōāburo, ārīgū, marīrē boabosadi āārīmī, marī ñerō iridea wajare wajarigυ. Irasirirā ĩgū dupaturi aarimakū, ĩgūrē bυremurā boanerā, marī okarāde ĩgū merā āārīnīkōārākoa. <sup>11</sup> Irire gūñarā, mūsā irinīrōsū nemorō gāme iritamυ, gūñaturamakū irika! Irasirirā Jesúsre bυremunemorākoa.

### *Pablo Jesúsre bυremurārē weretūnudea*

<sup>12</sup> Gυayarā, mūsārē turaro merā āsū ārī wereduakoa. Marī Opυya kerere mūsārē wererārē gopepyari merā ĩāka! Marī Opυ ĩgūsārē mūsārē ōārō doreburo, ārīgū, beyepīdi āārīmī, mūsārē ōārō āārīrikuburire, ōārō iririkuburire buedoregυ. <sup>13</sup> ĩgūsā mūsārē irire buerā, marī Opυyare ōārō irirā yāma. ĩgūsā irasirimakū ĩārā, ĩgūsārē bυro bυremurī merā, bυro maīrī merā ĩāka! Gāme turiro marīrō ōārō āārīrikuka!

<sup>14</sup> Gυayarā, gajī mūsārē āsū ārī wereduakoa doja. Moādυamerārē moādoreka! Gūñaturamerārē gūñaturamakū irika! Jesúsre bυremuturamerārē iritamuka, ĩgūrē bυremunemoburo, ārīrā! Āārīpererā merā guaro marīrō bopoñarī merā ōārō irika!

<sup>15</sup> M̄s̄ar̄ē gajerā ñerō irimakū, ĩḡs̄ar̄ē ḡamibirikoaka! Ōārī gap̄ure m̄s̄ayar̄ar̄ē, āārīpererā gajerādere ōārō irinikōāka!

<sup>16</sup> M̄s̄ā Jesúyarā āārīsīā, us̄yari merā āārīnikōāka! <sup>17</sup> M̄s̄ā noó waaró, m̄s̄ā noó āārīrō, Marīpure gūña, ĩḡr̄ē m̄s̄āya āārīburire s̄ērēnikōāka! <sup>18</sup> M̄s̄ar̄ē gajinu ñerō waamakū, ōārō waamakūdere Marīpure us̄yari s̄īnikōāka! Marīpu, marī Jesucristore b̄uremur̄ar̄ē irire irimakū ḡāāmemi.

<sup>19</sup> Ōāḡū deyomarīḡū, m̄s̄ā gūñarīgue ĩḡū weremakū, irire k̄amutabirikōāka! ĩḡū dorerire ōārō yujuka! <sup>20</sup> Sugu Jesúre b̄uremuḡū Ōāḡū deyomarīḡū masīrī s̄īrī merā, Marīpu weredoredeare weremakū pérā, irire doo b̄uridabirikōāka! <sup>21</sup> Ubu gap̄u ĩḡs̄ā weremakū, ōārō pékūinú, gūñaka! “¿Diayeta wereri?” ārī masīduarā, irasirika! Ōārī bueri āārīmakū, iri gap̄ure irika! <sup>22</sup> Noó ñerī āārīmakū, irire iribirikōāka!

<sup>23</sup> Marīpu siuñajārī merā āārīrikumakū irigu m̄s̄ar̄ē ōārō, ñerī marīrō, ĩḡū ḡāāmerī direta iririkumakū iriburo. M̄s̄ā ñerī opabirimakū, m̄s̄āya gūñarīgue ōārī direta opamakū, m̄s̄āya dup̄ari merā ñerō iribirimakū iriburo. M̄s̄ar̄ē waja opamerā āārīmakū iriburo. ĩḡū irasirimakū, marī Op̄u Jesucristo dupaturi aarigú, m̄s̄ar̄ē waja opamerā āārīmakū bokajagukumi. <sup>24</sup> Marīpu m̄s̄ar̄ē ĩḡūyarā āārīburo, ārīḡū, beyepídi, i āārīpereri ĩḡū m̄s̄ar̄ē: “Āsū iriḡura”, ārīdeare diayeta irigukumi.

*Pablo ōādoretūnudea*

<sup>25</sup> Guayarā, m̄s̄āde Marīpure guaya āārīburire s̄ērēbosaka!

<sup>26</sup> Āārīpererā iro marā Jesúre b̄uremur̄ar̄ē, ĩḡū marīrē maīrōsūta maīrī merā ōādoreka!

<sup>27</sup> Marī Op̄u Jesucristo doreri merā i p̄rē āārīpererā ĩḡr̄ē b̄uremur̄ar̄ē siiu need, bue ĩmuka!

<sup>28</sup> Marī Op̄u Jesucristo m̄s̄ar̄ē ōārō iritamuburo.

Iropāta āārā.

Pablo

## 2 TESALONICENSES

### *Pablo Tesalónica marārē òãdoredea*

<sup>1</sup> Y<sub>H</sub> Pablo, y<sub>H</sub> merāmarā Silvano, Timoteo merā m<sub>S</sub>sā Tesalónica marārē Jesúre b<sub>H</sub>remurārē òãdoredea. M<sub>S</sub>sā Marīp<sub>H</sub>yarā, marī Op<sub>H</sub> Jesucristoyarā āārā. Irasirig<sub>H</sub> m<sub>S</sub>sārē i papera pūrē gojāa. <sup>2</sup> Marīp<sub>H</sub> āārīnīg<sub>H</sub>, marī Op<sub>H</sub> Jesucristo m<sub>S</sub>sārē òārō iritamu, siuñajārī merā āārīrik<sub>H</sub>makū iriburo.

### *Pablo, Jesucristo ñerō irirārē wajamoāg<sub>H</sub> aariburire gojadea*

<sup>3</sup> G<sub>H</sub>ayarā, m<sub>S</sub>sā Jesucristore b<sub>H</sub>remudero nemorō ĩg<sub>H</sub>rē b<sub>H</sub>remunemo, gāme mañnemo iriayuro. Irasirirā g<sub>H</sub>a m<sub>S</sub>sārē g<sub>H</sub>ñarā, diayema irirā Marīp<sub>H</sub>re <sub>H</sub>suyari sīnīkōārō gāāmea. G<sub>H</sub>a irasirimakū òārokoa. <sup>4</sup> G<sub>H</sub>a noó waaró, m<sub>S</sub>sāyamarē gajerārē Marīp<sub>H</sub>yarārē ĩg<sub>H</sub>sā nerērōgue <sub>H</sub>suyari merā werea. M<sub>S</sub>sā Jesúre b<sub>H</sub>remurī waja masaka m<sub>S</sub>sārē ñerō irikerep<sub>H</sub>, neō ĩg<sub>H</sub>rē b<sub>H</sub>remuduúbea. M<sub>S</sub>sārē ñerō waamakūdere g<sub>H</sub>ñaturakōāa. Irire ĩg<sub>H</sub>sārē werea. <sup>5</sup> I merāta marī masīa. M<sub>S</sub>sā Marīp<sub>H</sub>yarā āārīrī waja gajerā m<sub>S</sub>sārē ñerō irikerep<sub>H</sub>, g<sub>H</sub>ñaturanīkōāa. Irasirig<sub>H</sub> Marīp<sub>H</sub> diayema irig<sub>H</sub> m<sub>S</sub>sārē: “Yaarārē dorerogue aarika! Yaarā, òārā āārā”, ārīg<sub>H</sub>kumi.

<sup>6</sup> Marīp<sub>H</sub> diayema irig<sub>H</sub> āārīsīā, m<sub>S</sub>sārē ñerō tarimakū irinerārē ñerō tarimakū irig<sub>H</sub>kumi. <sup>7-8</sup> M<sub>S</sub>sārē ñerō tarinerārē, g<sub>H</sub>adere òārō siuñajārī bokamakū irig<sub>H</sub>kumi. Marī Op<sub>H</sub> Jesús aarirín<sub>H</sub> āārīmakū irasirig<sub>H</sub>kumi. Jesús ũm<sub>H</sub>gasigue merā aarig<sub>H</sub>, ĩg<sub>H</sub>rē wereboerā turarā merā, peame ũj<sub>H</sub>rī pūrā watopegue dijarig<sub>H</sub>kumi. ĩg<sub>H</sub>yā kerere péd<sub>H</sub>amerārē, Marīp<sub>H</sub>re gāāmemerārē b<sub>H</sub>ro wajamoāg<sub>H</sub> aarig<sub>H</sub>kumi. <sup>9</sup> ĩg<sub>H</sub>sā ñerō iri-dea waja prebiri peamegue béosūrākuma. Irasirirā, marī Op<sub>H</sub> turag<sub>H</sub> āārīrōgue neō waabirikuma. ĩg<sub>H</sub> gosewasiririre neō ĩārō marīrōgue béodijusūrākuma. <sup>10</sup> ĩg<sub>H</sub> aarirín<sub>H</sub>urē ĩg<sub>H</sub>yarā ĩg<sub>H</sub>rē b<sub>H</sub>remurā āārīpererā ĩg<sub>H</sub>rē ĩārākuma. ĩg<sub>H</sub>rē ĩārā: “Diayeta òātarig<sub>H</sub>, turatarig<sub>H</sub>, āārīpererā oparā nemorō Op<sub>H</sub> āārīmi”, ārī, ĩāg<sub>H</sub>ka, b<sub>H</sub>ro <sub>H</sub>suyarākuma. M<sub>S</sub>sāde, g<sub>H</sub>a m<sub>S</sub>sārē ĩg<sub>H</sub>yare buedeare b<sub>H</sub>remusīā, ĩg<sub>H</sub>sā merā <sub>H</sub>suyarākoa.

<sup>11</sup> G<sub>H</sub>a irire g<sub>H</sub>ñarā, Marīp<sub>H</sub>re m<sub>S</sub>sāya āārīburire āsū ārī sērēbosanía: “G<sub>H</sub>ap<sub>H</sub>, m<sub>H</sub> ĩg<sub>H</sub>sā y<sub>H</sub> gāāmerī direta irirā āārīburo, ārīg<sub>H</sub>, ĩg<sub>H</sub>sārē beyepídi āārībú. Irasirig<sub>H</sub> ĩg<sub>H</sub>sārē m<sub>H</sub> gāāmerōsūta āārīrik<sub>H</sub>makū irika! ĩg<sub>H</sub>sā āārīpereri m<sub>H</sub>rē b<sub>H</sub>remurī merā òārō iriduarire iriyuwarik<sub>H</sub>buro. ĩg<sub>H</sub>sārē m<sub>H</sub> turari merā irasirimakū irika!” ārī sērēbosāa. <sup>12</sup> M<sub>S</sub>sā irire irimakū ĩārā, gajerā, marī Op<sub>H</sub> Jesúre gopeyari merā ĩārākuma. ĩg<sub>H</sub> m<sub>S</sub>sārē: “Yaarā āārīma, òārō yāma”, ārī ĩāg<sub>H</sub>kumi. Marīp<sub>H</sub>, marī Op<sub>H</sub> Jesucristo m<sub>S</sub>sārē iritamu, b<sub>H</sub>ro mañmakū, irasū waarokoa.

## 2

### *Pablo, ñeg<sub>H</sub> aariburire gojadea*

<sup>1</sup> G<sub>H</sub>ayarā, daporare marī Op<sub>H</sub> Jesucristo aariburire, ĩg<sub>H</sub> marīrē neeōnú, ĩg<sub>H</sub> p<sub>H</sub>rogue āim<sub>H</sub>rīburire wereg<sub>H</sub>ra. <sup>2</sup> Gajerā m<sub>S</sub>sārē: “Marī Op<sub>H</sub> i ũm<sub>H</sub>gue dupaturi aarirín<sub>H</sub> ejasiāa”, ārīmakū g<sub>H</sub>ñarīk<sub>H</sub>birikōāka! Irire péwisībirikōāka! Gajerā: “Irire Ōāg<sub>H</sub> deyomarīg<sub>H</sub> yure irasū ārī wereami”, gajerā: “Sug<sub>H</sub> g<sub>H</sub>are irasū ārī wereami”, gajerā: “Pablosā irasū ārī gojanerā āārīmá”, ārībokuma. Irire pérā, g<sub>H</sub>ñarīk<sub>H</sub>birikōāka! <sup>3</sup> Ārīgatosūbirikōāka! Marī Op<sub>H</sub> Jesús aariburín<sub>H</sub> dupuyuro āsū waarokoa. Wārā masaka Marīp<sub>H</sub> dorerire tarin<sub>H</sub>gārākuma. Irasiriripoe sug<sub>H</sub> ñerō iri, tarin<sub>H</sub>gāg<sub>H</sub>gora deyoag<sub>H</sub>kumi. ĩg<sub>H</sub>ta prebiri peamegue béosūbu āārīg<sub>H</sub>kumi. <sup>4</sup> ĩg<sub>H</sub> Marīp<sub>H</sub>re ĩāturig<sub>H</sub>, āārīpereri masaka Marīp<sub>H</sub>re b<sub>H</sub>remurīrē ñerō ārī werenīg<sub>H</sub>kumi. ĩg<sub>H</sub> direta b<sub>H</sub>remumakū gāāmeg<sub>H</sub>kumi. Irasirig<sub>H</sub>

Īgūrē b̄remudoreḡu: “Yuta āārā, ūm̄ugasiguem̄u m̄usā Op̄u”, ārīgū, Marīp̄uya wiigue ñajāa, doanaḡukumi.

<sup>5</sup> Ȳu, m̄usā p̄rogue āārīgū, irire m̄usārē wereb̄u. ¿M̄usā irire gūñaberi? <sup>6</sup> M̄usā Īgū ñegū aariburire kām̄utaḡare masīa. Īgū aariburire kām̄utanemobirimakū aariḡukumi. <sup>7-8</sup> Īgū w̄ari ñerī iriburire marī masībirikerep̄uru, ñerī Īgū iririno āārīsīāa. Īgū aariburire kām̄utaḡu gajerogue āīsūḡukumi. Īgūrē āiadero p̄uru, ñegū gap̄u aariḡukumi. Īgū ñerō iriri masīsūrokoa. P̄uru marī Op̄u Jesucristo dupaturi i ūm̄ugue aarīgū, puriri merā, Īgū turari merā ñegūrē w̄ējēḡukumi. Īgū gosewasiriri merā aarīgū, Īgūrē béodediuḡukumi. <sup>9</sup> Ñegū aarīgū, wātēa op̄u Satanás iritamurī merā ejaḡukumi. Irasiriḡu wātī turari merā w̄ari iri ĩm̄uḡukumi. “Ūm̄ugasiguema turari merā iri ĩm̄ugū yāa”, ārīgatorḡukumi. <sup>10</sup> W̄ari Īgū ñerō iriri merā perebiri peamegue waamurārē Īgū ārīgatorire b̄remumakū iriḡukumi. Īgūsā Marīp̄uya diayema āārīrīrē b̄remubirisīā, iri ārīgatorire b̄remurākuma. Irasirirā tausūbirikuma. <sup>11</sup> Īgūsā diayema āārīrīrē b̄remud̄abiri waja, Marīp̄u Īgūsārē irire masībirimakū iriḡukumi, ārīgatori gap̄ure b̄remuburo, ārīgū. <sup>12</sup> Irasirirā āārīpererā Īgūsā Marīp̄uya diayema āārīrīrē b̄remud̄amerā āārīsīā, ñerō iririre b̄ro irid̄uanemorākuma. Irasiriḡu Marīp̄u Īgūsārē wajamoādediuḡukumi.

### *Pablo, Marīp̄u Īgū beyenerārē tauburire gojadea*

<sup>13</sup> Ḡuayarā, m̄usā marī Op̄u Jesús maīrā, Marīp̄u beyenerā āārā. Irasirirā ḡua m̄usārē gūñarā, Marīp̄ure ūsuyari sīnikōārō gāāmea. Neōgoragueta m̄usārē beyedi āārīmī peamegue waabonerārē tauḡu. Ōāgū deyomarīgū turari merā m̄usārē Īgūyarā āārīmakū iribu, m̄usā diayema āārīrīrē b̄remuburo, ārīgū, beyedi āārīmī. Irasirirā tausūmurā āārā. <sup>14</sup> Marīp̄u Īgū tauri kerere ḡua m̄usārē buedea merā m̄usārē siudi āārīmī, marī Op̄u Jesucristo ōārī oparire Īgū merā opaburo, ārīgū.

<sup>15</sup> Irasirirā piriro marīrō gūñaturaka! Ḡua m̄usā p̄rogue āārīrā buedeare, irasū āārīmakū ḡua m̄usārē gojadeare gūña, irire irit̄uyaka! <sup>16-17</sup> Marī Op̄u Jesucristo basita, irasū āārīmakū Marīp̄u āārīnīgū m̄usārē āārīpereri m̄usā werenīrī, m̄usā iririkurire gūñaturari merā ōārō āārīrikumakū iriburo. Marīp̄u marīrē bopoñarī merā maīgū, perebiri gūñaturari opamakū iriḡu, Īgū ōārī sīburire: “Oparākōa”, ārī masīmakū iriḡu āārīmī.

## 3

### *Pablo: “Ḡuaya āārīburire Marīp̄ure sērēbosaka!” ārī gojadea*

<sup>1</sup> Ḡuayarā, m̄usārē āsū ārī gojatūnua. Ḡuaya āārīburire Marīp̄ure sērēbosaka! M̄usā, ḡua marī Op̄uya kerere buedeare pé b̄remub̄u. Irasirirā, wārā masaka m̄usā iriderosūta ḡua buerire pé b̄remuburire, Īgūsā ḡuare ōārō bokatīrīñeāburire Marīp̄ure sērēbosaka! <sup>2</sup> Surāyeri masaka Jesūya kerere b̄remubema. Irasirirā masaka diayema irimerā ñerā ḡuare ñerō iribirikōāburo, ārīrā, Marīp̄ure serebosaka! <sup>3</sup> Marī Op̄u: “Āsū iriḡura”, ārīderosūta m̄usārē gūñaturamakū iriḡukumi. Ñegūrē, m̄usārē Īgū ñerō irid̄uarire kām̄utaḡukumi. <sup>4</sup> Ḡua m̄usārē iridorederosūta irirā irikoa. “Irire marī Op̄u iritamurī merā ōārō irinikōārākuma”, ārī b̄remua. <sup>5</sup> Marī Op̄u Jesucristo, Marīp̄u m̄usārē maīrīrē masīnemomakū iriburo. Īgū ñerō tariḡu gūñaturaderosūta m̄usādere gūñaturamakū iriburo.

### *Pablo moādoredea*

<sup>6</sup> Ḡuayarā, Jesucristo marī Op̄u wāi merā Īgū dorero merā m̄usārē werea. Gajerā Jesúre b̄remurā moāduamerārē, ḡua m̄usārē buedeare irit̄uyamerārē wapik̄unemobirikōāka! <sup>7</sup> M̄usā masīa. M̄usādere ḡua iriderosūta iriro gāāmea. Ḡua m̄usā merā āārīrā, gajino iriro marīrō āārībirib̄u. <sup>8</sup> Neō suḡure wajamarīrō sērē, baabirib̄u. M̄usārē garibod̄amerā, ūmurī, ñamirī ḡua baaburire moā wajatab̄u. <sup>9</sup> Ḡua m̄usārē bueri waja: “Ḡuare baari ejoka!” ārībonerā āārīkererā, neō irasū ārībirib̄u. M̄usārē: “Āsū iriro gāāmea”, ārī ĩmud̄arā



gua basi moã wajata baabu. <sup>10</sup> Gua musã merã ããrĩrã, musãrẽ ãsũ ãrĩbu: “Baaburi moã wajatadubino baabirikõãburo”, ãrĩbu. <sup>11</sup> Gajerã musã iriri kerere guare ãsũ ãrĩ werema: “Surãyeri ĩgũsã merã moãmerã ããrĩma. Moãbirikererã, wãri irimoãmarĩ merã gajerãrẽ garibogorenarã yãma”, ãrĩma. <sup>12</sup> Gua marĩ Opũ Jesucristo wãĩ merã ĩgũ dorero merã irasirirãnorẽ: “Irimoãmarĩrẽ iropãta irika! Musã baaburire, musã gããmerĩnorẽ moã wajataka!” ãrĩ werea.

<sup>13</sup> Guayarã, gariborero marĩrõ õãrĩrẽ irinĩkõãka! <sup>14</sup> Gua dorerire i pũgue gojarire tarinugãgũnorẽ ĩãmasĩ, ĩgũrẽ guyasĩũrõ tariburo, ãrĩrã, wapikubirikõãka! <sup>15</sup> ĩgũrẽ wapikubirikererã, musãrẽ ĩãturigũre irirosũ ĩãbirikõãka! Musã pagumũrẽ wererosũ ĩgũrẽ wereka, õãrĩrẽ iriburo, ãrĩrã!

*Pablo õãdoretũnudea*

<sup>16</sup> Marĩ Opũ ĩgũ basi marĩrẽ siuñajãrĩ merã õãrõ ããrĩrikumakũ irigũ musãrẽ ãsũ iriburo. Musã noó waaró, musãrẽ gajerosũ waamakũ, siuñajãrĩ sĩnĩkõãburo. Musã ããrĩpererã merã ããrĩburo.

<sup>17</sup> Yũ Pablo, yũ basita i õãdorerire gojãa. Yũ musãrẽ gojanarõsũta gojãa. Irasirirã musã: “ĩgũta gojañumi”, ãrĩ ĩãmasĩrãkoa. <sup>18</sup> Marĩ Opũ Jesucristo musã ããrĩpererãrẽ õãrõ iritamuburo. Irasũta iriburo.

Iropãta ããrã.

Pablo

# 1 TIMOTEO

## *Pablo Timoteore õãdoredea*

<sup>1</sup> Y<sub>H</sub> Pablo m<sub>ur</sub>ẽ õãdorea. Jesucristo, Marĩp<sub>H</sub> marĩrẽ peamegue waabonerãrẽ taugu dorederosũta y<sub>ur</sub>e pídi ããrĩmĩ ĩgũyare buedoreg<sub>H</sub>. ĩgũrẽta, ĩgũ marĩrẽ õãrõ iriburire yúrã yáa. <sup>2</sup> M<sub>H</sub> diayeta y<sub>H</sub> magũ irirosũ ããrĩgũ ããrã. Irasirig<sub>H</sub> m<sub>ur</sub>ẽ ire gojáa. Marĩp<sub>H</sub> ããrĩngũ, marĩ Op<sub>H</sub> Jesucristo m<sub>ur</sub>ẽ iritamu, bopoñarĩ merã ĩã, siuñajãrĩ merã ããrĩrik<sub>u</sub>makũ iriburo.

## *Pablo ãrĩgatori merã buerire pédorebiridea*

<sup>3</sup> Y<sub>H</sub> Macedonia nikũgue waagũ, m<sub>ur</sub>ẽ Efesogue dujadoreb<sub>H</sub>, irore surãyeri ãrĩgatori merã buerãrẽ: “Iropãta bueka!” ãrĩ weredoreg<sub>H</sub>. <sup>4</sup> ĩgũsãrẽ: “Iripoegue marã ĩgũsã basi ĩgũsã gũñarĩ merã kere wereunadeare, m<sub>ur</sub>sã ñekũsãmarã iririk<sub>u</sub>unadeare gũñanĩbirikõãka!” ãrĩ wereka! Marĩ irire gũñanĩrã, iri merã gãme guaseo, Marĩp<sub>H</sub> marĩrẽ iridorerire iribea. “Marĩp<sub>H</sub> y<sub>ur</sub>e iritamug<sub>u</sub>kumi”, ãrĩ b<sub>ur</sub>emurĩ merãta ĩgũ marĩrẽ dorerire irimasãa.

<sup>5</sup> Marĩp<sub>H</sub> marĩrẽ: ñerĩrẽ opamerã, ĩgũ ĩũrõ waja opamerã ããrã, ãrĩ gũñarã, diaye Jesucristore b<sub>ur</sub>emurã ããrĩmakũ gããmemi. Irasirig<sub>H</sub> õãrĩrẽ doremi. Marĩ irasũ ããrĩrã, ĩgũrẽ, gajerãdere õãrõ maĩrãkoa. <sup>6</sup> Surãyeri irire t<sub>u</sub>yanemobema. Irasirirã gaji ubu ããrĩrĩrẽ gãme guaseoma. <sup>7</sup> Marĩp<sub>H</sub> Moisére doreri pídeare gajerãrẽ buerimasã ããrĩduakererã: “I ãsũ ãrĩduaro yáa”, ãrĩ buekererã, ĩgũsã buerire pémasĩbema.

<sup>8</sup> Marĩ masãa. Marĩp<sub>H</sub> Moisére doreri pídeare diaye buemakũ õãgoráa. Marĩp<sub>H</sub>, masakare iri dorerire tarinũgãrĩrẽ masĩdoreg<sub>H</sub>, irire pídi ããrĩmĩ. <sup>9</sup> Iri dorerire buerã, ire masĩrõ gããmea. Marĩp<sub>H</sub> iri dorerire pígu, diayema irirãrẽ diayema iridoreg<sub>H</sub> meta pídi ããrĩmĩ. Iri dorerire irimerã gap<sub>ur</sub>e irire pídi ããrĩmĩ, diayema gap<sub>ur</sub>e masĩburo, ãrĩgũ. Iri dorerire tarinũgãrãrẽ, ñerãrẽ, ñerõ iririk<sub>u</sub>rãrẽ, ĩgũrẽ b<sub>ur</sub>emumerãrẽ, ĩgũya buerire gããmemerãrẽ, ĩgũsã pagusãmarãrẽ wẽjẽrãrẽ, masakare wẽjẽbéorãrẽ, <sup>10</sup> nome merã ñerõ irirãrẽ, ãma merã ñerõ irirã nomerẽ, ãma seyaro ñerõ irirãrẽ, nome seyaro ñerõ irirãrẽ, masakare ñeã gajerãguere duarãrẽ, ãrĩgatorik<sub>u</sub>rãrẽ, ãrĩgatori merã: “Ãsũ irirãkoa”, ãrĩdeare irimerãnorẽ, ããrĩpererã õãrĩ buerire kãmutad<sub>u</sub>arãrẽ iri dorerire pídi ããrĩmĩ. <sup>11</sup> I õãrĩ bueri, Marĩp<sub>H</sub> masakare tauri kerere wereri ããrã. Marĩp<sub>H</sub> õãtarig<sub>H</sub> y<sub>ur</sub>e i kerere masakare weredoreg<sub>H</sub> pídi ããrĩmĩ.

## *Pablo, Marĩp<sub>H</sub> ĩgũrẽ bopoñarĩ merã ĩãrĩrẽ gojadea*

<sup>12</sup> Y<sub>H</sub> marĩ Op<sub>H</sub> Jesucristore m<sub>ur</sub>s<sub>u</sub>yari sãa. ĩgũ y<sub>ur</sub>e: “Õãrõ bueg<sub>u</sub>kumi”, ãrĩ gũñagũ ĩgũyarãrẽ iritamudoreg<sub>H</sub> beyepídi ããrĩmĩ. Irasirig<sub>H</sub> ĩgũ turarire y<sub>ur</sub>e sídi ããrĩmĩ. <sup>13</sup> Iro dupuyurogue y<sub>H</sub> Jesucristore ñerõ werenĩ, ĩgũrẽ b<sub>ur</sub>emurãrẽ ñerõ iri: “ĩgũ õãbemi”, ãrĩnab<sub>H</sub>. Y<sub>H</sub> ĩgũrẽ b<sub>ur</sub>emubirisãa, y<sub>H</sub> ñerõ iririre: “Ñerõ irig<sub>H</sub> irikoa”, ãrĩ gũñabirisãa, irasirib<sub>H</sub>. Irasirikerep<sub>ur</sub><sub>H</sub>, Marĩp<sub>H</sub> y<sub>ur</sub>e bopoñarĩ merã ĩãgũ, beyedi ããrĩmĩ. <sup>14</sup> Marĩ Op<sub>H</sub> y<sub>ur</sub>e b<sub>ur</sub>o maĩgũ õãrõ irimi. ĩgũ y<sub>ur</sub>e Jesucristore b<sub>ur</sub>emumakũ, gajerãdere maĩmakũ irimi. Marĩrẽ Jesucristo merã ĩgũrẽ b<sub>ur</sub>emumakũ, gajerãdere maĩmakũ irimi.

<sup>15</sup> I y<sub>H</sub> wereburi diayeta ããrã. ããrĩpererã irire b<sub>ur</sub>emurõ gããmea. Jesucristo ñerõ irirãrẽ ĩgũsã ñerĩ iridea wajare taug<sub>H</sub>, i ãmũguere aaridi ããrĩmĩ. Y<sub>H</sub>ta ããrĩpererã nemorõ ñerõ iritarinũgãdi ããrã. <sup>16</sup> Y<sub>H</sub> irasũ ããrĩkerep<sub>ur</sub><sub>H</sub>, Marĩp<sub>H</sub> y<sub>ur</sub>e bopoñarĩ merã ĩãmi. Irasirig<sub>H</sub>, Jesucristo y<sub>ur</sub>e neõ perebiri bopoñarĩrẽ masĩmakũ irimi. Gajerãrẽ Jesucristore b<sub>ur</sub>emurãrẽ ĩgũ y<sub>ur</sub>e bopoñarõsũta ĩgũsãdere bopoñarĩrẽ masĩmakũ irig<sub>u</sub>kumi. P<sub>ur</sub><sub>H</sub> ĩgũsãrẽ ĩgũ p<sub>ur</sub>o perebiri okari opamakũ irig<sub>u</sub>kumi. <sup>17</sup> Irasirirã Marĩp<sub>ur</sub>e: “Õãtarig<sub>H</sub>, turatarig<sub>H</sub> ããrã”,

ārī, usuyari sīnīkōārā! Īgūta marī Opu āārīnīkōāgukumi. Īgū neō boabirikumi. Īgū suguta Marīpu āārīmi. Deyomarīgū, masītarīgū āārīmi. Irasūta āārīmi.

18-19 Timoteo, mu yu magū irirosū āārā. Irasirīgū yu mūrē: “Āsū irika!” ārī werea. Iro dupuyuro Marīpu marīyarārē mu iriburire mūrē weredoredi āārīmi. Irasirīgū, Īgūsā mūrē: “Marīpu yare Īgū turaro merā āsū irigūkoa”, ārī werederosūta Īgūrē b̄remurīrē piriro marīrō gūñaturari merā irika! “Marīpu Īūrō ñerō iridea waja opabea”, ārī, ōārō gūñagū āārīka! Surāyeri: “Ñerīrē iribirikōārō gāāmea”, ārī gūñakererā, ñerō irima. Irasirirā Jesuyare b̄remurīrē poyanorēma. <sup>20</sup> I, Himeneorē, Alejandrore irasūta waabu. Irasirīgū Īgūsā pērārē wātēa opu Satanás Īgū gāāmerō iriburo, ārīgū, Jesúre b̄remurā merā āārīnemodorebiribu. Marīpure ñerō ārī werenīnemobirikōāburo, ārīgū, irasiribu.

## 2

### *Marīpure sērērā āsū iriro gāāmea, ārī gojadea*

<sup>1</sup> Musārē āsū iridorep̄roria. Āārīpererāya āārīburire Marīpure sērēbosaka! Īgūsārē ōārō iritamu, bopoñarī merā Īāburo, ārīrā, Īgūsārē sērēbosaka! Īgūrē: “Mu merā usuyāa”, ārīka! <sup>2</sup> Oparāya āārīburire, masakare dorerā āārīpererāya āārīburidere Marīpure sērēbosaka, ōārō doreburo, ārīrā! Īgūsā ōārō doremakū, gopeyari merā Marīpure b̄remu, Īgū gāāmerī direta iri, ōārō siuñajārī merā āārīrikurākoa. <sup>3</sup> Marī gajerāya āārīburire Marīpure sērēbosamakū ōāgorāa. Irire marī irimakū Īāgū, Marīpu marīrē taugu usuyari merā marīrē Īāmi. <sup>4</sup> Īgūta āārīpererā masakare perebiri peamegue waabirimakū gāāmeme. Diayema āārīrīdere masīmakū gāāmeme. <sup>5</sup> Īgū suguta Marīpu āārīmi. Jesucristo, Marīpu merā marī masakare ōārō āārīmakū āmubosagu suguta āārīmi. Īgū marī irirosū dupukūgu āārīmi. <sup>6</sup> Īgū curusague boari merā āārīpererā masakare Īgūsā ñerī iridea wajare wajaribosadi āārīmi Īgūsārē taugu. Irasirīgū Marīpu Īgū masakare irire masīmakū iriripoe ejamakū, iri kerere wererārē weredoremi āārīpererā masīburo, ārīgū. <sup>7</sup> Jesucristo judío masaka āārīmerārē iri kerere weredoregu, Īgūsārē Īgūrē b̄remurīrē, Īgūyama diaye āārīrīrē yure buedoregu pīmi. Irire diayeta mūrē werea. Ārīgatorgu meta yāa.

<sup>8</sup> Yu āārīperero marā ūmarē guaro marīrō, gāme guaseoro marīrō Marīpu yare ōārō irirārē mojōrī soemu, Marīpure sērēmakū gāāmea. <sup>9</sup> Nomerē, ūma merā ñerō irirā nome sāñarōsūpero sāñabirimakū gāāmea. Ōārō keoro Īgūsārē ejari surīre sāñaburo. Gajerā Īgūsārē: “Ōārō deyoma”, ārī gūñamakū iriduarā, Īgūsāya poañapure w̄napuwea nome āārīduari direta gūñarikūbirikōāburo. Īgūsāya dupuridere oro merā, perla wāīkuri yeri wajapari yeri merā iridea merā mamubirikōāburo. Wajapari surīdere sāñabirikōāburo. <sup>10</sup> Masaka Īgūsārē: “Ōārā āārīma”, ārī gūñaburo, ārīrā, āsū gapu iriburo. Gajerā nome: “Marīpure b̄remua”, ārīrā nome irirosūta ōārīrē iriburo. <sup>11</sup> Jesúre b̄remurā nerērōgue nerērārē Marīpu yare buerimasā bueripoere nome werenīrō marīrō b̄remurī merā pēburo. <sup>12</sup> Musā nerērōgue nerēmakū, nome ūmarē buebirikōāburo. Īgūsārē dorebirikōāburo. Werenīrō marīrō buerimasā buerire pēburo. <sup>13</sup> Āsū āārā. Marīpu Adārē irip̄roridi āārīmi. Puru Evare iridi āārīmi. <sup>14</sup> Adán, wātī ārīgatosūdi meta āārīdi āārīmi. Eva gapu wātī ārīgatorire b̄remusā, Marīpu dorerire tarinugādeo āārīmó. <sup>15</sup> Irasū āārīkererū, igo pūrākūdea merā\* Jesúre b̄remu, gajerārē maī, ñerō iribiri, diayema gapure irirāno tausūrākuma.

\* **2:15** Génesis 3.15: Eva Marīpu dorerire tarinugādero puru, Marīpu āārīnīgū p̄rūrē āsū ārīdi āārīmi: “Igo nomeō mūrē Īāduabirikumo. Dapagā merā igo parāmerā āārīturiarāde mu parāmerā āārīturiarārē Īāduabirikuma. Mu, sugū igo parāmerā āārīturiagūya gubure kūrīmakū, Īgū gapu m̄ya dipurure k̄ramutūgukumi”, ārīdi āārīmi. Irasirīgū Jesús, Eva pūrākūdi parāmerā āārīturiaguta, marī Īgūrē b̄remurārē taugu āārīmi.

## 3

*Jesúre bɔremurã oparãamarẽ gojadea*

<sup>1</sup> I yɔ wereburi diayeta aãrã. Sugɔ Jesúre bɔremurã opɔ aãrĩduagɔ, õãrĩ moãrĩrẽ iridɔagɔ aãrĩmi. <sup>2</sup> Irasiridɔagɔno ãsũ aãrĩburo. Masaka: “Ñerõ irigɔ aãrĩmi”, ãrĩsũña marĩgũ, sugoreta marãpokɔgɔ, pémasĩrĩ merã iririkɔgɔ, diayemarẽ irigɔ, masaka bɔremusũgũ, ãgũya wii gãmeñajãrã ejarãrẽ õãrõ bokatĩrĩñeãgũ, gajerãrẽ õãrõ buegɔ aãrĩburo. <sup>3</sup> Neõ mejãbi, gãmekẽãduabi, gajerã merã guaseobi, ñerõ iriri merã niyeru wajatadɔabi aãrĩburo. Irasirirono irigɔ: masakare bopoñarĩ merã iritamugũ, niyerure uaribejabi aãrĩburo. <sup>4</sup> ãgũya wii marãrẽ õãrõ doremasĩgũ, ãgũ pũrãrẽ bɔremurĩ merã ãgũrẽ õãrõ yɔjumakũ irigɔ aãrĩburo. <sup>5</sup> ãgũya wii marãrẽ doremasĩbi, Marĩpɔre bɔremurĩ bumarãrẽ irota nemorõ koremasĩbirikumi. <sup>6</sup> Sugɔ Jesúre bɔremurã opɔ aãrĩduagɔ maama bɔremunugãgũ aãrĩbirikõãburo. Maama bɔremunugãgũ gajipoe irigɔ ãgũ: “Gajerã nemorõ aãrã yɔ”, ãrĩ gãñabokumi. Irasũ ãrĩ gãñagũ, wãtĩ gãñaderosũ gãñabokumi. Irasirigɔ Marĩpɔ wãtĩrẽ wajamoãderosũ ãgũrẽ iribokumi. <sup>7</sup> Irasirigɔ Jesúre bɔremurã opɔ aãrĩbu Jesúre bɔremumerã: “Õãgũ aãrĩmi”, ãrĩsũgũ aãrĩburo. ãgũ õãrĩrẽ iribirimakũ ããrã, ãgũrẽ ñerõ werenĩbokuma. Wãtĩ ãgũrẽ ñerĩ iridorerire iribokumi.

*Jesúre bɔremurã oparãrẽ iritamurãamarẽ gojadea*

<sup>8</sup> Jesúre bɔremurã oparãrẽ iritamurãde masaka bɔremusũrã aãrĩburo. ãrĩgatori marĩrõ wererã, mejãmerã, ñerõ iriri merã niyerure wajatadɔamerã aãrĩburo. <sup>9</sup> Jesúya diayema aãrĩrĩrẽ Marĩpɔ marĩrẽ ãmudeare piriro marĩrõ bɔremurã: “Marĩpɔ ãũrõ waja opabea”, ãrĩ gãñarã aãrĩburo. <sup>10</sup> ãgũsãrẽ sóoburi dupuyuro ãgũsã aãrĩrikurire õãrõ ããburo. Pɔru ãgũsã õãrõ aãrĩrikurire ãã odo: “Waja opabema”, ãrĩ, ãgũsãrẽ sóoburo. <sup>11</sup> Jesúre bɔremurã oparãrẽ iritamurã nomede irasũta masaka bɔremusũrã aãrĩburo. Gajerãrẽ ñerõ kere ãrĩ weremerã nome, pémasĩrĩ merã irirã nome, õãrĩrẽ irinĩrã nome aãrĩburo. <sup>12</sup> Sugɔ Jesúre bɔremurã oparãrẽ iritamugũ sugoreta marãpokɔgɔ, ãgũ pũrãrẽ, gajerãrẽ ãgũya wii marãrẽ õãrõ doremasĩgũ aãrĩburo. <sup>13</sup> Jesúre bɔremurã oparãrẽ iritamurã õãrõ iritamumakũ ããrã, gajerã ãgũsãrẽ: “Õãrõ yãma”, ãrĩrãkuma. Irasirirã gãiro marĩrõ gɔyasĩrĩrĩ marĩrõ gãñaturari merã ãgũsã Jesucristore bɔremurĩrẽ gajerãrẽ wererãkuma.

*Jesúyamarẽ gojadea*

<sup>14-15</sup> Mata yɔ mɔ pɔrogue waadɔadãa. Waadɔakeregɔ, gajipoe irigɔ waamasĩbiribokoa. Irasirigɔ i pũ merã mure: “Marĩpɔ pũrã ãsũ iriburo”, ãrĩ were gojãa. Marĩpɔ pũrã Jesúre bɔremurĩ bumarã Marĩpɔ okanĩgũyarã aãrĩma. ãgũsãta Marĩpɔya diayemarẽ bɔremurã, gajerãrẽ irire buerã aãrĩma. <sup>16</sup> Marĩ: “I diayeta aãrã”, ãrĩ masãa. Marĩpɔya diayema, marĩ dupuyuro masĩbiridea, ãgũ marĩrẽ ãmudea õãtaria. I ãsũ aãrã:

Marĩpɔ magũ marĩ irirosũ dupɔkɔgɔ deyoadi aãrĩmĩ. Õãgũ deyomarĩgũ: “ãgũ diayema irigɔ aãrĩmi”, ãrĩrĩrẽ marĩrẽ masĩmakũ iridi aãrĩmĩ.

Marĩpɔre wereboerã ãgũrẽ ããnerã aãrĩmã. ãgũyarã ãgũya kerere aãrĩperero marãrẽ weren-erã aãrĩmã. Irasirirã i ãmuguerẽ masaka ãgũrẽ bɔremunerã aãrĩmã. Pɔru Marĩpɔ ãmugasigue ãgũrẽ ãmũrĩadi aãrĩmĩ.

## 4

*Pablo Timoteore Jesúre bɔremudinerã ãgũrẽ bɔremuduúrãamarẽ gojadea*

<sup>1</sup> Õãgũ deyomarĩgũ ire pémasĩma õãrõ marĩrẽ weremi. I ãmɔ pereburi dupuyuro surãyeri masaka Jesúre bɔremudinerã ãgũrẽ bɔremuduúrãkuma. Wãtẽa ãrĩgatorire, wãtẽaya buerire pétɔyarãkuma. <sup>2</sup> Irigatorikurã irire buemakũ pérã: “Õãrĩ bueri aãrã”, ãrĩ gãñarãkuma. ãrĩgatori merã buekererã, ãgũsã basi: “Ñerõ irirã yãa”, neõ ãrĩ gãñabirikuma. <sup>3</sup> Masakare: “Marãpokɔbirikõãka! I baarire baabirikõãka!” ãrĩma. Marĩpɔ aãrĩpereri

marĩ baaburire iridi ããrĩmĩ. Irasirirã marĩ Jesúre b̄remurã diayemarẽ masĩrã, ĩgũrẽ: “Õãa”, ãrĩ, ɯɯyari sĩ odo, baarire baamasĩa. <sup>4</sup> ããrĩpereri Marĩp̄u iridea õãrĩ ããrã. Irasirirã ĩgũ irideare: “Gããmebea”, ãrĩbirikõãrã! ĩgũrẽ: “Õãa”, ãrĩ, ɯɯyari sĩ odo, baaro gããmea. <sup>5</sup> Marĩp̄u ĩgũ irideare: “Õãa”, ãrĩ weresiadi ããrĩmĩ. Irasirirã marĩ baaburi dupuyuro ĩgũrẽ: “Õãa”, ãrĩ, ɯɯyari sĩmakũ, marĩ baarire õãrĩ waamakũ yámi.

*Pablo Jesúre moãboeḡuyamarẽ werede*

<sup>6</sup> M̄u, i ȳu weredeare Jesúre b̄remurãrẽ bueḡu, Jesucristore õãrõ moãboeḡu ããrĩḡukoa. Irasiriḡu Marĩp̄uya werenĩrĩ marĩ b̄remurĩrẽ, ĩgũyare õãrĩ buerire m̄u õãrõ irit̄uyarire gũñaturari merã b̄remunemoḡukoa. <sup>7</sup> Masaka i ùm̄umarẽ ĩgũsã basi ĩgũsã gũñarĩ merã kere wererire pébirikõãka! Iri Marĩp̄uya ããrĩbea. Marĩp̄u gããmerĩ direta irit̄uyawãḡanĩka! <sup>8</sup> Marĩ õãrõ moãpaumakũ õãgorãa. I nemorõ Marĩp̄u gããmerĩrẽ õãrõ irimakũ õãtaria. ĩgũ gããmerĩrẽ iripaurã, i ùm̄uguere marĩ ĩgũ merã õãrõ ããrã. P̄u ùm̄ugasiguedere ĩgũ merã ããrĩrãkoa. <sup>9</sup> Iri ȳu wereri diayeta ããrã. ããrĩpererã irire: “Diayeta ããrã”, ãrĩ b̄remurõ gããmea. <sup>10</sup> Irasirirã marĩ gajerãrẽ Marĩp̄uyare buerã, ñerõ tari, b̄uro moãa. Marĩp̄u okanígũ marĩrẽ õãrõ iriburire ɯɯyari merã yúsĩa, irasũ yáa. ĩgũ ããrĩpererãrẽ tauḡu ããrĩmĩ. Jesúre b̄remurã direta tauḡukumi ĩgũ p̄uro ããrĩburo, ãrĩgũ.

<sup>11</sup> Jesúre b̄remurãrẽ iri ããrĩpereri ȳu ãrĩrĩrẽ iridore, bueka! <sup>12</sup> Gajerã, m̄u maamu ããrĩmakũ ĩãrã, m̄urẽ péduabiribokuma. Irasiriḡu, Jesúre b̄remurãrẽ m̄urẽ péburo, ãrĩgũ, õãrĩrẽ werenĩka! Óãrõ irinĩka! Gajerãrẽ maĩka! Jesúre b̄remut̄uyanĩkõãka! Marĩp̄u ĩũrõ ñerĩ marĩgũ ããrĩka! M̄urẽ ĩãkũburo, ãrĩgũ, irasirika! <sup>13</sup> Ȳu, m̄u p̄urogue ejaburo dupuyuro Jesúre b̄remurã nerẽrãrẽ Marĩp̄uyare gojadea p̄urẽ bue ĩmuka! ĩgũsãrẽ: “Ãsũ ããrĩrikũka!” ãrĩ wereka! Marĩp̄uyare õãrõ bueka, ĩgũsã irire masĩnemoburo, ãrĩgũ! <sup>14</sup> Iro dupuyuro Marĩp̄u Jesúre b̄remurã oparã m̄urãrẽ m̄urẽ weredoredi ããrĩmĩ. Irasiriḡu, ĩgũsãya mojõrĩ merã m̄urẽ ñapeomakũ, ĩgũ turarire sidi ããrĩmĩ, ĩgũ weredorederosũta m̄u ĩgũyare irimasĩburo, ãrĩgũ. Irasiriḡu, ĩgũ m̄urẽ irimasĩrĩ sĩrĩrẽ kãtibirikõãka!

<sup>15</sup> Irire gũña, irinĩka, ããrĩpererã m̄u Marĩp̄uyare irimasĩnemowãḡarire ĩãburo, ãrĩgũ! <sup>16</sup> “¿Óãrõ iriḡu yári?” ãrĩ gũñagũ, m̄u iririk̄urire, gajerãrẽ m̄u buerire gũñaka! Óãrĩ direta irinĩka! Irasirirã m̄u, m̄urẽ pénerãde tausũrãkoa.

## 5

*Pablo Timoteore: “Jesúre b̄remurãrẽ ãsũ irika!” ãrĩ gojadea*

<sup>1</sup> M̄urãrẽ turibirikõãka! M̄up̄ure m̄u õãrõ irirosũta m̄urãdere õãrõ b̄remurĩ merã wereka! M̄u paḡup̄urãrẽ m̄u õãrõ irirosũta maamarãdere b̄remurĩ merã wereka! <sup>2</sup> M̄upore m̄u õãrõ irirosũta m̄urã nomedere õãrõ b̄remurĩ merã wereka! M̄u paḡup̄urã nomerẽ m̄u õãrõ irirosũta nóomedere ñerõ ɯaribejaro marĩrõ õãrõ b̄remurĩ merã wereka!

<sup>3</sup> Wapiweyarã nome iritamusũña marĩrãrẽ iritamuka! <sup>4</sup> Wapiweyo p̄urãk̄udeo ããrĩmakũ, parãmerãk̄udeo ããrĩmak̄udere ĩgũsã igore iritamuburo, igo ĩgũsãrẽ masũdea waja. Irasũ iritamurã, Marĩp̄u ĩgũsãyarãrẽ iritamudorederosũta irirã yáma. ĩgũsã irasiriri merã Marĩp̄ure ɯɯyari merã ĩãmakũ yáma. <sup>5</sup> Bopogo wapiweyo igoyarã marĩgõ: “Marĩp̄u ȳure iritamuḡukumi”, ãrĩ gũñamo. Irasirigo ùm̄urĩ, ñamirĩ Marĩp̄ure: “Iritamuka ȳure!” ãrĩ s̄er̄enĩkõãmo. <sup>6</sup> Gajego wapiweyo igo gããmerĩ direta irimoãmagõ, okago ããrĩkeregõ, boadeo irirosũ Marĩp̄u gããmerĩrẽ irimasĩbeo ããrĩmo. <sup>7</sup> Iri ããrĩpereri wapiweyarã nomerẽ iritamurĩmarẽ ȳu m̄urẽ gojarire Jesúre b̄remurãrẽ wereka, gajerã ĩgũsãrẽ: “Ñerõ yáma, ĩgũsãyarãrẽ iritamubema”, ãrĩ werew̄uabirikõãburo, ãrĩgũ! <sup>8</sup> Sugu ĩgũyarãrẽ, ĩgũya wii marãdere õãrõ korebi: “Jesúre b̄remubea”, ãrĩgũ irirosũ yámi. Jesúre b̄remumerã nemorõ ñerõ iriḡu ããrĩmĩ.

<sup>9</sup> Wapiweyarã nomerẽ iritamuburi dupuyuro, papera pũgue ãsũ ããrĩrã nomerẽ gojatúka! Búro, sesenta bojori nemorõ opago, sugureta marãpũkũdeo ããrĩburo. <sup>10</sup> Masaka: “Igo õãrĩrẽ irigo ããrĩmo”, ãrĩsũgõ, igo pũrãrẽ õãrõ masũdeo, igoya wiire gãmeñajãrã ejarãrẽ õãrõ bokatĩrĩneãgõ, moãboego irirosũ Jesúre bũremurãrẽ iritamugõ, ñerõ tarirãrẽ iritamugõ, ããrĩpererãrẽ bopoñarĩ merã ããgõ, gajino õãrĩrẽ irinĩgõ ããrĩburo.

<sup>11</sup> Wapiweyarã nome, nóomeweya nome ããrĩmakũ, i papera pũgue gojatúbirikõãka! Ìgũsã Cristoyare iridũaro nemorõ ãma merã ããrĩduarã, dupaturi marãpũkũdũabokuma. <sup>12</sup> Irasũ Ìgũsã dupaturi marãpũkurã, Ìgũsã: “Marãpũ marĩgõ, Cristoya direta irigokoa”, ãrĩdeare iribiribokuma. Irire iribiridea waja, waja opabokuma. <sup>13</sup> Ìgũsã dupaturi marãpũkũmerã, térĩkurã, gajerãya wiirigue gãmeñajãgorenarã, gajerãrẽ ñerĩ kerere werenĩrã, gajerãrẽ Ìgũsãamarẽ sãrẽñarikurã, gajerã Ìgũsãrẽ weredorebirideareta masakare weregorenarã dujabokuma. <sup>14</sup> Irasirigu: “Ìgũsãrẽ, gajerã wapiweyarã nome mũrãrẽ iritamurõsũ iritamubirikõãrõ gããmea”, ãrĩ werea. Dupaturi marãpũkũ, pũrãkũburo doja. Ìgũsãya wii marãrẽ õãrõ koreburo. Ìgũsã irasirimakũ, ñegũ marĩrẽ ãaturigu masakare Ìgũsãrẽ: “Ñerĩrẽ irirã yãma”, ãrĩ werewũamakũ iribiribokumi. <sup>15</sup> Surãyeri wapiweyarã nome Cristoyare pirikõã, wãtẽa opũ Satanãya gapũre iritũyasiama.

<sup>16</sup> Jesúre bũremurã, Ìgũsãyarã wapiweyarã nome ããrĩmakũ Ìgũsãrẽ iritamuburo. Jesúre bũremurĩ bumarãguere Ìgũsãrẽ iritamudorebirikõãburo. Irasirirã Jesúre bũremurĩ bumarã gajerã wapiweyarã nome iritamuña marĩrã gapũre iritamumasĩma.

<sup>17</sup> Jesúre bũremurã oparã mũrã Ìgũsãyarãrẽ õãrõ dorerãrẽ gajerãrẽ bũremurõ nemorõ bũremurõ gããmea. Ìgũsã õãrõ moãrĩ waja õãrõ wajariburo. Surãyeri Marĩpũyare wererã, Ìgũsãyarãrẽ buerã ããrĩma. <sup>18</sup> Marĩpũya werenĩrĩ gojadea pũgue, sugu moãgũrẽ marĩ wajariburire ãsũ ãrĩ gojasũdero ããrĩbũ: “Wekũ trigo yeri gasirire Ìgũya guburi merã kũra koro, trigore baadũagu baaburo. Ìgũya disi tũsãrĩ berore tũsãbirikõãka!” ãrĩ gojasũdero ããrĩbũ. Gajero ãsũ ãrĩ gojasũdero ããrĩbũ: “Moãgũrẽ Ìgũ moãrĩ wajare wajariro gããmea”.

<sup>19</sup> Sugũta Jesúre bũremurã opũre: “Ñerĩrẽ iriami”, ãrĩ werewũamakũ pãbirikõãka! Pẽrã o mũrerã Ìgũ irideare ããnerã Ìgũrẽ werewũarire pãka! <sup>20</sup> Jesúre bũremurã nerẽrõgue ããrĩpererã pãurogue ñerõ irigũre: “Irire neõ irinemobirikõãka!” ãrĩ wereka, gajerã gũirã, Ìgũ irirosũ iribirikõãburo, ãrĩgũ!

<sup>21</sup> Yũ, Marĩpũ Ìũrõ, Jesucristo Ìũrõ, irasũ ããrĩmakũ Marĩpũre wereboerã Ìgũ beyenerã Ìũrõguedere mũrẽ ãsũ ãrĩ weregũra. Yũ mũrẽ dorerire irigu, ããrĩpererã Jesúre bũremurãrẽ bũremurĩ merã sũrosũ ããka! Mũsã surãyeri Ìgũsãrẽ õãrõ irirosũ, gajerã Ìgũsã watope marãdere sũrosũ õãrõ irika! <sup>22</sup> Gajerãrẽ Jesúre bũremurã oparã ããrĩmurãrẽ mũya mojõrĩ merã ñapeo, Ìgũsãrẽ sóoburi dupuyuro Ìgũsã ããrĩkurire õãrõ ããpũrorika! Ñerĩrẽ irirãrẽ sóogu, Ìgũsã irirosũta mũde ñerõ irigu ããrĩbokoa. ããrĩpereri ñerĩrẽ iribita ããrĩrikuka!

<sup>23</sup> Mũ paru pũrĩrĩ opagu ããrã. Irasirigu irire kũkũgu, deko direta iirĩbirikõãka! Mẽrõgã igui deko pãmudeadere iirĩka!

<sup>24</sup> Mũ Jesúre bũremurã oparã ããrĩmurãrẽ Ìgũsã ããrĩkurire ããgũ, ire õãrõ masĩka! Marĩpũ ñerãrẽ wajamoãburi dupuyuro surãyeri masaka Ìgũsã ñerĩrẽ iririre marĩ ããmasĩa. Gajerã gapũre Ìgũsã ñerĩ iririre ããmasĩbea. Marĩpũ ããrĩpererã ñerãrẽ wajamoãrĩnũ ããrĩmakũ, Ìgũsã ñerĩ irideare masĩrãkoa. <sup>25</sup> Irasũta masaka Ìgũsã õãrĩ iririre ããmasĩsũa. Gajerã Ìgũsã õãrĩrẽ iririre daporare ããmasĩbirikererã, pũrũgue masĩrãkoa.

## 6

<sup>1</sup> Moãrĩmasã Jesúre bũremurã Ìgũsã oparã dorerire gopeyari merã iriburo. Ìgũsã irasirimakũ ããrã, gajerã Marĩpũre, marĩ bueridere ñerõ ãrĩ werenĩbirikuma. <sup>2</sup> Ìgũsã oparã Jesúre bũremurã ããrĩmakũ: “Ìgũsã guare dorebirikõãrõ gããmea”, ãrĩ gũñabirikõãburo. Irasũ gũñarõno irirã Ìgũsã dorerire bũremurĩ merã iriburo. “Marĩ oparã Jesúre

buremurã ããrĩmakũ, ĩgũsãrẽ maĩa, irasirirã ĩgũsãrẽ õãrõ moãboerãkoa”, ãrĩ gũñaburo. I yu were gojarire Jesúre buremurãrẽ bueka!

*Marĩpũre buremurĩmarẽ, õãrõ ããrĩrikũrimadere gojadea*

<sup>3</sup> Masakare ãrĩgatori merã buerã marĩ Opũ Jesucristoya diayema ããrĩrĩrẽ buedeare buremubema. Marĩpũyare marĩ buremurĩrẽ gããmemerã ããrĩma. <sup>4</sup> “Gajerã nemorõ masĩa”, ãrĩ gũñakererã, diayemarẽ neõ masĩbema. Pémasĩmerã irirosũ masaka werenĩrĩrẽ gãme guaseodũarã ããrĩma. Irasirirã gajerãrẽ gãme ĩãturi, gãme ĩãdũabiri, ñerõ kere gãme ãrĩ were, ñerõ gãme gũñamakũ yáma. <sup>5</sup> Diaye gũñamerãrẽ gãme guaseonĩmakũ yáma. ĩgũsã diayema ããrĩrĩrẽ masĩmerã ããrĩmakũ, ĩgũsãrẽ: “Marĩpũyare iritũyarã, wáro niyerure wajatarãkoa”, ãrĩ gũñamakũ yáma. ĩgũsãnorẽ wapikũbirikõãka! <sup>6</sup> Marĩ, Marĩpũyare buremurĩrẽ õãrõ iritũyarã, wári õãrĩ oparã irirosũ ããrã. I merã usũyáa. <sup>7</sup> Marĩ i ãmũguere deyoarã, neõ gajino merã deyoabiribũ. Boarãde neõ gajinorẽ ãĩabirikoã. <sup>8</sup> Irasirirã surĩ, baari marĩ dapora opari merãta usũyaro gããmea. <sup>9</sup> Gajerã gapũ wári opadũasĩa, ĩgũsã ñerĩ iridũarire pirimerã, pémasĩrĩ marĩrõ ñerĩrẽ ãaribejarã dujama. Irasirirã iri merã ĩgũsã basita poyanorẽsĩa, peamegue béosũrãkuma. <sup>10</sup> Niyeru maĩrĩ, masakare ããrĩpereri ñerĩrẽ irinũgãmakũ iriri ããrã. Surãyeri niyerure bũro gããmerã, Jesúyare buremuadideare piri, ĩgũsã basita bũro bũjawereri bokama.

*Pablo Timoteore: “Mũ Jesúre buremurĩrẽ neõ piribirikõãka!” ãrĩ gojadea*

<sup>11</sup> Mũ tamerã Marĩpũyagũ i ããrĩpereri ñerĩrẽ ãaribejabirikõãka! Diayema irigũ, Marĩpũ gããmerĩrẽ irigũ, ĩgũyare: “Diaye ããrã”, ãrĩ buremugũ, gajerãrẽ maĩgũ, ñerõ tarikeregũ gũñaturari merã Marĩpũyare irigũ, “Gajerã nemorõ ããrã”, ãrĩ gũñarõ marĩrõ ĩgũsãrẽ iritamugũ ããrĩka! <sup>12</sup> Marĩpũ mũrẽ siiudi ããrĩmĩ, ĩgũ pũro perebiri okari opaburo, ãrĩgũ. Irasirigũ Jesucristore mũ buremurĩrẽ wãrã masaka péurogue werebũ. Iri okarire opabu, ñerõ tarikeregũ, ĩgũrẽ buremurĩrẽ piribirikõãka! <sup>13</sup> Yũ, Marĩpũ ããrĩpererãrẽ okari sĩgũ ĩũrõ, Jesucristo ĩgũyamarẽ Poncio Pilatore diaye weredi ĩũrõ ire mũrẽ iridorea. <sup>14</sup> Jesucristo i ãmũguere dupaturi aarimakũguedere ñerĩ marĩgũ, masaka werewũasũña marĩgũ ĩgũ doredeare gorawayuro marĩrõ irinĩkõãka! <sup>15</sup> Marĩpũ ĩgũ: “Ãsũ irigũra”, ãrĩdeare iririnũ ejamakũ, Jesucristore dupaturi iriugũkumi. ĩgũ sugũta õãtarigũ, turagũ, ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi. <sup>16</sup> ĩgũ sugũta neõ boabi ããrĩmi. Boyorogue neõ sugũ masakũ ejamasĩberogue ããrĩmi. Neõ sugũ masakũ ĩgũrẽ ĩãdi, ĩgũrẽ ĩãgũde mámi. Irasirirã neõ piriro marĩrõ ããrĩpererinũrĩ ĩgũrẽ: “Turataria mũ”, ãrĩ buremurã! Irasũta irirã!

<sup>17</sup> I ãmũmarẽ wári oparãrẽ ãsũ ãrĩ wereka: “‘Gajerã nemorõ ããrã’, neõ ãrĩ gũñabirikõãka! Mũsã opari pereakõãrokoa. Irasirirã: ‘Yũ wári opari merã õãrõ ããrĩgũkoa’, ãrĩ gũñabirikõãka! ‘Marĩpũ yũre sĩrĩ merã õãrõ ããrĩgũkoa’, ãrĩ gũñaka!” ãrĩka ĩgũsãrẽ! Marĩpũ marĩrẽ ããrĩpereri marĩ oparire sĩmi, iri merã usũyaburo, ãrĩgũ. <sup>18</sup> Wári oparã õãrĩrẽ iriburo. ĩgũsã wári opari merã opamerãrẽ iritamuburo. ĩgũsãrẽ iritamurã, ĩgũsã oparire õãrõ merã sĩburo. <sup>19</sup> ĩgũsã irasirirã, wári ãmũgasimarẽ opasiarãkuma. Irogue ããrĩrĩ neõ perebirikoã. Irasirirã irogue Marĩpũ merã perebiri okari opanĩkõãrãkuma.

*Pablo Timoteore doretũnudea*

<sup>20</sup> Timoteo, Marĩpũ mũrẽ weredoregũ pídeare piribirikõãka! Marĩpũre gããmemerã i ãmũma ubu ããrĩrĩ werenĩrĩrẽ, ĩgũsã noõ gããmerõ werenĩmoãmarĩdere pétũyabirikõãka! “Marĩ werenĩrĩ, masĩrĩmasã werenĩrĩ ããrã”, ãrĩkererã, Marĩpũyare masĩrã irirosũ werenĩrã meta yáma. <sup>21</sup> Surãyeri ĩgũsã werenĩrĩrẽ pétũyarã, Marĩpũyare ĩgũsã buremuadideare pirinokõãma.

Marĩpũ mũrẽ õãrõ iritamuburo. Irasũta iriburo.

Iropãta ããrã.

Pablo

## 2 TIMOTEO

### *Pablo Timoteore òãdoredea*

<sup>1</sup> Y<sub>u</sub> Pablo m<sub>u</sub>rē òãdoredea. Marĩp<sub>u</sub> g<sub>ã</sub>ãmederosũta Jesucristo y<sub>u</sub>re beyepídi ããrĩmĩ. Marĩp<sub>u</sub>: “Jesucristore b<sub>u</sub>remurã y<sub>u</sub> merã òãrõ ããrĩrãkuma”, ãrĩdeare y<sub>u</sub>re masakare buedoreg<sub>u</sub> beyepídi ããrĩmĩ. <sup>2</sup> M<sub>u</sub> diayeta y<sub>u</sub> magũ irirosũ ããrĩgũ ããrã. Irasirig<sub>u</sub> m<sub>u</sub>rē ire gojáa. Marĩp<sub>u</sub> ããrĩnĩgũ, marĩ Op<sub>u</sub> Jesucristo m<sub>u</sub>rē iritamu, bopoñarĩ merã ãã, siuñajãrĩ merã ããrĩrik<sub>u</sub>makũ iriburo.

### *Pablo Timoteore: “Masakare Cristoyare wereka!” ãrĩ gojadea*

<sup>3</sup> Y<sub>u</sub> Marĩp<sub>u</sub>re sērērik<sub>u</sub>, m<sub>u</sub>rē gũñáa. Ëm<sub>u</sub>rik<sub>u</sub>, ñamirik<sub>u</sub> ĩgũrē: “Òãa”, ãrĩ, ãs<sub>u</sub>yari sĩ, m<sub>u</sub>ya ããrĩburire sērēbosaníkõãa. Y<sub>u</sub> ñek<sub>u</sub>sãmarã ĩgũrē b<sub>u</sub>remuderosũta: “Y<sub>u</sub>, ĩgũ ĩũrõ waja opabi ããrã”, ãrĩ masĩrĩ merã y<sub>u</sub>de ĩgũrē b<sub>u</sub>remua. <sup>4</sup> Y<sub>u</sub>, m<sub>u</sub> p<sub>u</sub>rogue ããrãdi waamakũ m<sub>u</sub> oredeare gũñanísĩã, m<sub>u</sub>rē ããduakoa doja, m<sub>u</sub> merã b<sub>u</sub>ro ãs<sub>u</sub>yad<sub>u</sub>ag<sub>u</sub>. <sup>5</sup> M<sub>u</sub> Jesúre diayeta b<sub>u</sub>remurĩrē gũñáa. M<sub>u</sub> ĩgũrē b<sub>u</sub>remuburi dupuyuro m<sub>u</sub> ñekõ Loida, m<sub>u</sub>po Eunicede Jesúre b<sub>u</sub>remup<sub>u</sub>rorima. Daporare y<sub>u</sub> òãrõ masĩa. ĩgũsã ĩgũrē b<sub>u</sub>remurĩ oparosũta m<sub>u</sub>de opáa.

<sup>6</sup> Irasirig<sub>u</sub> ire m<sub>u</sub>rē gũñamakũ irid<sub>u</sub>áa. Iro dupuyuro yaa mojõrĩ merã m<sub>u</sub>rē y<sub>u</sub> ñapeomakũ, Marĩp<sub>u</sub> ĩgũ turarire m<sub>u</sub>rē sĩmi, ĩgũyare irimasĩburo, ãrĩgũ. Daporare ĩgũ m<sub>u</sub>rē iridorederosũta ĩgũ turari merã ĩgũyare iriwãgãníka! <sup>7</sup> Marĩp<sub>u</sub> marĩrē Òãgũ deyomarĩgũrē sĩmi. Òãgũ deyomarĩgũ marĩrē gũimakũ irig<sub>u</sub> meta ããrĩmĩ. Marĩp<sub>u</sub>yare ĩgũ turari merã irirã, masakare maĩrã, pemasĩrĩ merã irirã ããrĩmakũ irig<sub>u</sub> ããrĩmĩ. <sup>8</sup> Irasirig<sub>u</sub> marĩ Op<sub>u</sub>yare gajerãrē wereg<sub>u</sub>, g<sub>u</sub>yasĩrĩbirikõãka! ĩgũyare gajerãrē y<sub>u</sub> werede waja peresugue ããrĩmakũ, y<sub>u</sub>re g<sub>u</sub>yasĩrĩsãbirikõãka! M<sub>u</sub> Marĩp<sub>u</sub> masakare tauri kerere wereri waja y<sub>u</sub> irirosũ ñerõ tarig<sub>u</sub>: “Òãrokoa”, ãrĩ gũñaka! Marĩp<sub>u</sub> m<sub>u</sub>rē turaro sĩrõpã irasirika! <sup>9</sup> Marĩp<sub>u</sub> marĩrē perebiri peamegue waabonerãrē taudi ããrĩmĩ. Òãrã ĩgũyarã ããrĩburo, ãrĩgũ, marĩrē siiudi ããrĩmĩ. “Òãrĩrē yãma, irasirig<sub>u</sub> ĩgũsãrē siiub<sub>u</sub>”, ãrĩ gũñagũ meta siiudi ããrĩmĩ. ĩgũ marĩrē Jesucristoyarãrē maĩgũ i ãm<sub>u</sub> iriburi dupuyuro: “ĩgũsãrē taug<sub>u</sub>ra”, ãrĩ gũña, marĩrē beyedi ããrĩmĩ. <sup>10</sup> Irasirig<sub>u</sub> Jesucristore marĩrē taug<sub>u</sub>re iriug<sub>u</sub>, ĩgũ marĩrē diayeta maĩrĩrē masĩmakũ iridi ããrĩmĩ. Jesucristo marĩrē ĩgũrē b<sub>u</sub>remurãrē perebiri peamegue waamurã ããrĩmakũ neõ iribiridi ããrĩmĩ. ĩgũ marĩrē tauri kerere weredeare b<sub>u</sub>remurĩ merã marĩrē Marĩp<sub>u</sub> p<sub>u</sub>ro ĩgũ merã ããrĩnĩburire masĩmakũ iridi ããrĩmĩ.

<sup>11</sup> Marĩp<sub>u</sub> y<sub>u</sub>re iri kerere weredoreg<sub>u</sub> beyedi ããrĩmĩ judío masaka ããrĩmerãrē Jesucristoyare buedoreg<sub>u</sub>. <sup>12</sup> Irire bueri waja y<sub>u</sub> b<sub>u</sub>ro ñerõ taria. Ñerõ tarikereg<sub>u</sub>, Jesúre y<sub>u</sub> gũñaturari merã b<sub>u</sub>remugũrē masĩa. Irasirig<sub>u</sub> peresugue ããrĩkereg<sub>u</sub>, g<sub>u</sub>yasĩrĩrõ marĩrõ ããrĩkõãa. Jesúta turag<sub>u</sub>, y<sub>u</sub>re ĩgũyare buedoreg<sub>u</sub> pídi, y<sub>u</sub>re òãrõ koreg<sub>u</sub> ããrĩmĩ. Irasirig<sub>u</sub> dupaturi aarigũ, ĩgũ y<sub>u</sub>re buedoredea merã: “Ãsũ irig<sub>u</sub>ra”, ãrĩdeare iriyuwarik<sub>u</sub>g<sub>u</sub>kumi. Irire masĩa.

<sup>13</sup> Y<sub>u</sub> m<sub>u</sub>rē diayema buedeare: “Ãsũ iriro gããmea y<sub>u</sub>re”, ãrĩ, Jesúre b<sub>u</sub>remurĩ merã, gajerãrē maĩrĩ merã iriníkõãka! Marĩ Jesúyarã ããrĩsĩã, irasirimasĩa. <sup>14</sup> Òãgũ deyomarĩgũ marĩguere ããrĩgũ iritamurĩ merã Marĩp<sub>u</sub> m<sub>u</sub>rē ĩgũya kerere weredoredeare gorawayuro marĩrõ wereka!

<sup>15</sup> M<sub>u</sub> masĩsiáa. Y<sub>u</sub> peresugue ããrĩmakũ ããrã, ããrĩpererã Asia nikũ marã Jesúre b<sub>u</sub>remurã y<sub>u</sub>re béowãgãperekõãma. ĩgũsã watope ããrĩnerãde Figelo, Hermógenesãde béowãgãkõãma. <sup>16</sup> Onesíforo gap<sub>u</sub> irasiribirimi. Marĩ Op<sub>u</sub> ĩgũya wii marãrē bopoñarĩ merã ããburo. Wári Onesíforo y<sub>u</sub>re gũñaturamakũ irimi. Y<sub>u</sub> peresugue ããrĩmakũ ããgũ, y<sub>u</sub>re g<sub>u</sub>yasĩrĩsãbirimi. <sup>17</sup> Irasirig<sub>u</sub> Romague eja<sub>u</sub>, y<sub>u</sub>re ãmaníkõãdi ããrĩmĩ. Y<sub>u</sub>re bokag<sub>u</sub>gue



ãmuduúmi. <sup>18</sup> Marĩ Op<sub>u</sub> dupaturi aarigú, ìgürē bopoñarĩ merã ìãburo. Efesoguedere ìgũ marĩrē iritamudeare m<sub>u</sub> òãrõ masĩsíaa.

## 2

### *Pablo Timoteore òãrõ iridorerimarē gojadea*

<sup>1</sup> M<sub>u</sub>, Jesucristoyag<sub>u</sub> diayeta y<sub>u</sub> magũ irirosũ ããrĩgũ ããrã. Irasirig<sub>u</sub> Jesucristo iritamurĩ merã ìgürē gũñaturari merã b<sub>u</sub>remuníkõãka! <sup>2</sup> Y<sub>u</sub> wárã masaka péurogue buemakũ m<sub>u</sub> pédeare Jesucristoyare gũñaturarãrē bueturiaka! Irasirirã irire gajerãrē keoro buemasĩrãkuma.

<sup>3</sup> Surara ñerõ tarikereg<sub>u</sub> gũñaturakumi. Ìgũ irirosũ m<sub>u</sub> Jesucristoyag<sub>u</sub> gajerã ìgũyarã merã ñerõ tarikereg<sub>u</sub> gũñaturaka! <sup>4</sup> Surara ìgũ op<sub>u</sub> gããmerõsũ doreri direta irikumi. Surara ããrĩbi moãrõsũ iribirikumi. Irasirig<sub>u</sub> m<sub>u</sub> ìgũ irirosũ marĩ Op<sub>u</sub> doreri direta irika! <sup>5</sup> I irirosũ ùma birarimasãde gajerã nemorõ ùmakereg<sub>u</sub>, oparã dorerire keoro iribi, ìgũsã ìgürē sĩboadeare wajatabirikumi. Irasirig<sub>u</sub> marĩ Op<sub>u</sub> dorerire òãrõ irika, ìgũ òãrĩ sĩburire wajatabu! <sup>6</sup> Pooere òãrõ moãgũ ìgũ moãdea waja iri pooema oteri ðakare opap<sub>u</sub>rorikumi. Irasirig<sub>u</sub> ìgũ irirosũ marĩ Op<sub>u</sub>yare òãrõ moãgũ, gajerãrē ìgũyare bueri waja ìgũ murē sĩrĩrē opagakoa. <sup>7</sup> Y<sub>u</sub> wererire òãrõ gũñaka! M<sub>u</sub> irasirimakũ, marĩ Op<sub>u</sub> i ããrĩpererire masĩmakũ irig<sub>u</sub>kumi.

<sup>8</sup> Jesucristore gũñaka! Ìgũ, op<sub>u</sub> David parãmi ããrĩturiag<sub>u</sub> ããrĩmi. Ìgũta boadigue masãdi ããrĩmĩ marĩrē peamegue waabonerãrē taug<sub>u</sub>. Iri marĩrē tauri kerereta y<sub>u</sub> werea. <sup>9</sup> Iri kerere wereri waja ñerõ taria. Masaka y<sub>u</sub>re ñerõ irig<sub>u</sub> irirosũ kõme dari merã sia, peresugue biadoboma. Ìgũsã y<sub>u</sub>re peresu irikerep<sub>u</sub>r<sub>u</sub>, Marĩp<sub>u</sub>ya kerere ããrĩpererogue pésũrokoa. <sup>10</sup> Irasirig<sub>u</sub> y<sub>u</sub> ñerõ tarikereg<sub>u</sub>, gũñaturaníkõãka, Marĩp<sub>u</sub> beyenerã ìgũ merã òãrõ ããrĩburo, ãrĩgũ. Ìgũsãde marĩ irirosũta Jesucristoyarã ããrĩma. Irasirig<sub>u</sub>, ìgũsãde peamegue waabirikõãburo, ãrĩgũ, irasũ yáa. <sup>11</sup> I diayeta ããrã:

Marĩ Jesucristore b<sub>u</sub>remurĩ waja gajerã marĩrē wējẽmakũ, ùm<sub>u</sub>gasigue ìgũ merã ããrĩnìkõãrãkoa.

<sup>12</sup> Marĩ ñerõ tarikererã gũñaturari merã marĩ ìgürē b<sub>u</sub>remurĩrē pirimerã, ìgũyarãrē dorerogue ìgũ merã dorerã ããrĩrãkoa. Marĩ Jesúre masĩkererã gajerãrē: “Ìgürē masĩbea”, ãrĩmakũ, ìgũde marĩrē: “M<sub>u</sub>sãrē masĩbea”, ãrĩg<sub>u</sub>kumi.

<sup>13</sup> Marĩ, ìgũ: “Ãsũ irig<sub>u</sub>ra”, ãrĩdeare b<sub>u</sub>remubirikerep<sub>u</sub>r<sub>u</sub>, ìgũ ãrĩdeare diayeta irig<sub>u</sub>kumi. ããrĩpereri ìgũ ãrĩrĩ, diayeta ããrã. Neõ ãrĩgatomasĩbirikumi.

### *Pablo Timoteore keoro buerimarē gojadea*

<sup>14</sup> I y<sub>u</sub> were gojarire m<sub>u</sub> buerãrē gũñanìmakũ irika! Marĩ Op<sub>u</sub> ìürõrē ìgũsãrē turaro merã ãsũ ãrĩ wereka! Masaka werenĩrĩrē m<sub>u</sub>sã gãme guaseori wajamãa. Irire pérãrē diaye gũñamerã dujamakũ yáa. <sup>15</sup> M<sub>u</sub> gap<sub>u</sub> Marĩp<sub>u</sub> ìürõ ìgũya direta b<sub>u</sub>ro irid<sub>u</sub>ag<sub>u</sub> ããrĩka! Ìgũya diayema kerere pémasĩrĩ merã gajerãrē keoro bueka! Ìgũ murē: “Òãrõ yámi”, ãrĩ ìãburo, ãrĩgũ, òãrõ moãgũ ìgũ moãdeare g<sub>u</sub>yasĩrĩberosũ ããrĩbu, irasirika!

<sup>16</sup> Masaka i ùm<sub>u</sub>ma ubu ããrĩrĩ werenĩrĩrē pébirikõãka! Irire irasũ werenĩrã nemorõ ñerĩrē iriwãgãnemorãkuma. <sup>17</sup> Ìgũsã bueri, dup<sub>u</sub>re kãmirõ boawãgãrõ irirosũ gajerãrē poyanorã. Ìgũsã watopere Himeneo, Fileto ããrĩma. <sup>18</sup> Ìgũsã Marĩp<sub>u</sub>ya diayemarē buebema. “Jesúre b<sub>u</sub>remurã boanerã ìgũsã dup<sub>u</sub> merã masã, m<sub>u</sub>rĩasianerã ããrĩmã, irasirirã i ùm<sub>u</sub> peremakũ, ìgũsã dupaturi masãbirikuma”, ãrĩ buema. Irasũ ãrĩrã, surãyeri Jesúre b<sub>u</sub>remurãrē ìgũya diayema buerire b<sub>u</sub>remuduúmakũ yáma. <sup>19</sup> Marĩp<sub>u</sub>ya werenĩrĩ, ìgũ marĩrē pídea neõ gorawayubea. Wii neõ boabiriburi borari merã òãrõ núdea wii irirosũ ããrã. Neõ perebirikoa. ãsũ ãrĩ gojasũdero ããrĩbú: “Marĩ Op<sub>u</sub> ìgũyarãrē masĩmi. ããrĩpererã: ‘Ìgũyarã ããrã’, ãrĩrã ñerĩ iririre pirikõãburo”.

<sup>20</sup> I keori merã ãsũ ãrĩ weregũra. Sugũ wári opagũya wiiguere wári soropari ããrĩkoa. Bosenũ ããrĩmakũ oro merã irideapari, plata merã irideapari baarogue peokuma. Diiari merã irideaparire, o kooáre ubu ããrĩrĩnũrĩrẽ peokuma. <sup>21</sup> Marĩ õãrĩ pari irirosũ ããrĩduarã, ããrĩpereri ñerĩrẽ opamerã ããrĩnĩkõãrõ gããmea. Irasirirã, marĩ Opũyarã ãgũ irisũnerã ããrĩsĩã, ããrĩpereri ãgũ iridorerire õãrõ irirã ããrĩrãkoa.

<sup>22</sup> Irasirigũ, maamarã ñerĩ ãaribejarire iribirikõãka! Diayemarẽ irinĩka! Jesũre bũremunĩka! Masakadere maĩka! Gajerã merã õãrõ ããrĩrikũka! Irasũta ããrĩpererã ñerĩ opamerã marĩ Opũre sãrẽnĩrã merã ããrĩka! <sup>23</sup> Pémasĩmerã ubu ããrĩrĩrẽ gãme guaseorire pãbirikõãka! Mũ masĩa. ãgũsã irasũ gãme guaseo, pũrũ gãme turirãkuma. <sup>24</sup> Mũ, marĩ Opũre moãboegũ ããrã. Irasirigũ gajerã merã gãme turibirikõãka! ãsũ gapũ ããrĩka! ããrĩpererã merã õãrõ ããrĩgũ, ãgũsãrẽ õãrõ buegũ, bopoñarĩrẽ opagũ ããrĩka! <sup>25</sup> Gajerã mũ buerire gããmebirimakũ, ãgũsãrẽ bũremurĩ merã õãrõ wereka! Marĩpũ ãgũsãrẽ ãgũsã ñerĩ iririre bũjawere, õãrĩ gapũre gorawayumakũ irigũkumi, ãrĩgũ, irasirika! Irasirirã diayema ããrĩrĩrẽ masĩngãrãkuma. <sup>26</sup> Irire masĩrã, pémasĩrãkuma. Wãtĩ ãgũsãrẽ ãgũ gããmerĩrẽ iridorerire pirirãkuma.

### 3

#### *Pablo Timoteore i ãmũ pereburi dupuyuro ñerõ waaburire gojadea*

<sup>1</sup> Ire masĩka! I ãmũ pereburi dupuyuro wári ñerĩ aarirokoa. <sup>2</sup> Masaka ãsũ ããrĩrãkuma. ãgũsãya ããrĩburi direta gũñarã, niyerure ãaribejarã: “Gajerã nemorõ ããrã”, ãrĩ werenĩrã, gajerãrẽ ñerõ turirã, Marĩpũre ñerõ ãrĩ werenĩrã, pagusãmarãrẽ tarinũgãrã, gajerã ãgũsãrẽ sĩkerepũrũ: “ãgũsã gũare õãrõ iriabũ”, neõ ãrĩ, usũyari sĩmerã, gopeyari merã Marĩpũyare bũremumerã ããrĩrãkuma. <sup>3</sup> Gajerãrẽ maĩrĩ merã iritamumerã, bopoñarĩ merã ããmerã, ñerĩ kere wererã, ñerĩ ãaribejarire pirimasĩmerã, gajerãrẽ ñerõ tarimakũ irirã, ããrĩpereri õãrĩrẽ doorã ããrĩrãkuma. <sup>4</sup> ãgũsã merãmarãrẽ ãgũsãrẽ ñerõ iriduarãguere wiarã, pémasĩrĩ marĩrõ ãgũsã noó gããmerõ irirã, “Masĩpeorã ããrã”, ãrĩ gũñarã ããrĩrãkuma. Marĩpũre gããmerõnorẽ irirã, ãgũsã gããmerõ ãaribejarire iri, usũyarã ããrĩrãkuma. <sup>5</sup> Masaka ãũrõ Marĩpũre bũremurã irirosũ irikererã: “Marĩpũ gããmerĩrẽ ãgũ turari merãta irimasĩa”, ãrĩ gũñamerã ããrĩrãkuma. “Yũ basi irire irimasĩa”, ãrĩ gũñarãkuma.

ãgũsãnorẽ neõ wapikũbirikõãka! <sup>6</sup> ãgũsãno ãsũ yãma. Masakaya wiirigue õãrõ werenĩgato, ñajãa, pémasĩmerã nomerẽ ãgũsã ãrĩgatorire pé bũremumakũ yãma. ãgũsã nome bũro ñerĩrẽ irirã nome ããrĩsĩã, ããrĩpereri ñerĩ ãaribejarire iriduarã ããrĩma. <sup>7</sup> Gajino buerire buenĩkererã, Marĩpũya diayema gapũre neõ pémasĩbema. <sup>8</sup> Iripoegue marã Janes, Jambres yã ããrĩnerã Moisés weredeare péduabiriderosũ, ãgũsã ãrĩgatori merã buerã diayemarẽ neõ péduabema. Ñerĩ direta gũñapausĩã, Jesũre bũremumerã ããrĩma. <sup>9</sup> Irasũ ããrĩkererã, wãrã masakare ãgũsã ãrĩgatori merã buerire pé bũremumakũ irimasĩbirikuma. Moisére péduabirinerã Janes, Jambreere waaderosũ ãgũsãdere waarokoa. Irasirirã, ãgũsãrẽ ãrĩgatorikũrã, pémasĩmerã ããrĩrĩrẽ ããrĩpererã ããmasĩrãkuma.

#### *Pablo Timoteore doretũnudea*

<sup>10</sup> Mũ gapũ yũ buedeare õãrõ irinĩkõãa. Yũ ããrĩrikũrĩre, yũ: “ãsũ irigũra”, ãrĩ gũñarĩrẽ, Jesũre yũ bũremurĩrẽ, masakare bopoñarĩ merã yũ iritamurĩrẽ, ãgũsãrẽ yũ maĩrĩrẽ, ñerõ tarikeregũ yũ gũñaturarire mũ masĩa. <sup>11</sup> Jesucristoyare yũ iridea waja masaka yũre ñerõ irima. Bũro ñerõ taribũ. Yũ Antioquíague, Iconiogue, Listrague ããrĩmakũ, ããrĩpereri yũre waadeare, iri makãrĩ marã yũre ñerõ tarimakũ irideare mũ masĩa. Yũ ñerõ taririkũ, marĩ Opũ gapũ yũre iritamumi. <sup>12</sup> I diayeta ããrã. ããrĩpererã Jesucristoyarã Marĩpũ gããmerĩrẽ irinĩduarãnorẽ gajerã ãgũsãrẽ ñerõ tarimakũ irirãkuma. <sup>13</sup> Ñerã, ãrĩgatorikũrã, ãgũsã ñerõ iridero nemorõ ñerõ irinemonĩrãkuma. Gajerãrẽ ãgũsã ãrĩgatorire pé bũremumakũ irirã, ãgũsãde gajerã ãrĩgatorire pé bũremurã ããrĩma.

14 M<sub>u</sub> gap<sub>u</sub> y<sub>u</sub> m<sub>u</sub>rē buedeare irinikōāka! M<sub>u</sub> Marīp<sub>u</sub>yare: “Diayeta āārā”, ārī b<sub>u</sub>remudeare piriro marīrō b<sub>u</sub>remunikōāka! M<sub>u</sub> masīa m<sub>u</sub>rē buenerārē. 15 M<sub>u</sub> majīgūgueta, Marīp<sub>u</sub>yaya werenírī gojadeare masīnūgāyuro. Irasirig<sub>u</sub> ĩgūyare masīgū: “Marīp<sub>u</sub> Jesucristore b<sub>u</sub>remurārē taumi, perebiri peamegue waabirikōāburo, ārīgū”, ārī masīa. 16 Āārīpereri Marīp<sub>u</sub>yaya werenírī gojadea, ĩgū masīrī sīrī merā gojadea āārā. Iri gojadeare buerā, diayemarē marī masīa. Marī ñerō irideare: “Ñegorab<sub>u</sub>”, ārī, “Ōārī gap<sub>u</sub>re iriro gāāmea”, ārī masīa. Irasirirā iri pūgue gojadeare buerā, diayemarē irimasīa. 17 Marīp<sub>u</sub> ĩgūyarārē ĩgūyare ōārō masīdoreg<sub>u</sub>, ĩgūyaya werenírī gojadeare marīrē pídi āārīmī, āārīpereri ōārīrē irimasīburo, ārīgū.

## 4

1 Jesucristo āārīpererā Op<sub>u</sub> i ūmūguere dupaturi aarigukumi. Irasū aarigú, masaka okarārē, boanerādere: “¿Níisā waja oparā, níisā gap<sub>u</sub> waja opamerā āārīrī?” ārī beyegukumi, waja oparārē wajamoābu. Irasirig<sub>u</sub> ĩgū ĩūrō, Marīp<sub>u</sub> ĩūrōdere turaro merā m<sub>u</sub>rē dorea. 2 Marīp<sub>u</sub>yaya kerere masakare ĩgūsā péduamakū, péduabirimakūdere wereka! ĩgūsārē ĩgūsā ñerī irideare masī, piridoreg<sub>u</sub>, iri kerere wereka, ōārī gap<sub>u</sub>re iriburo, ārīgū! B<sub>u</sub>ro bopoñarī merā pémasīma ōārō ĩgūsārē irire bueka! 3 P<sub>u</sub>ng<sub>u</sub>guere masaka Marīp<sub>u</sub>yaya ōārī buerire péduabirikuma. Irasirirā ĩgūsā gāāmerīrē irirā, ĩgūsā péduari direta buemurārē wārā āmarākuma. 4 Marīp<sub>u</sub>yaya diayema āārīrīrē béo, masaka ĩgūsā basi ĩgūsā gūñarī merā wererire pét<sub>u</sub>yarākuma. 5 M<sub>u</sub> gap<sub>u</sub> pémasīrī merā diayemarē irinikōāka! Ñerō tarikereg<sub>u</sub>, gūñaturaka! Ōārō irid<sub>u</sub>ari merā Jesús masakare tauri kerere bueka, peamegue waabirikōāburo, ārīgū! Marīp<sub>u</sub> m<sub>u</sub>rē moādoredeare ōārō iri odonúkōāka!

6 Y<sub>u</sub> Marīp<sub>u</sub>yare iridea waja okanemosūbirikoa, y<sub>u</sub> boaburo mérō d<sub>u</sub>yáa, ārī péñáa. 7 Y<sub>u</sub> Jesucristo y<sub>u</sub>re buedoreg<sub>u</sub> pídeare ōārō bueyuwarik<sub>u</sub>b<sub>u</sub>. ĩgū y<sub>u</sub>re iridorerire ōārō iri odonúb<sub>u</sub>. Ñerō tarikereg<sub>u</sub>, ĩgūrē b<sub>u</sub>remurīrē neō piribirib<sub>u</sub>. 8 Irasirig<sub>u</sub> dapora y<sub>u</sub> diayema iridea waja marī Op<sub>u</sub> y<sub>u</sub>re y<sub>u</sub> wajatadeare siburire us<sub>u</sub>yari merā yúa. ĩgūta diayemarē irig<sub>u</sub> masakare: “¿Níisā waja oparā, níisā gap<sub>u</sub> waja opamerā āārīrī?” ārī beyerin<sub>u</sub> āārīmakū, y<sub>u</sub> wajatadeare sīgukumi\*. Y<sub>u</sub> direta sibirikumi. Āārīpererā ĩgū aariburire b<sub>u</sub>ro ĩād<sub>u</sub>ari merā, ĩgūrē maírī merā yúrārē irire sīgukumi.

### *Pablo Timoteore iridorenemodea*

9 M<sub>u</sub> aarirō bokatīūrō y<sub>u</sub>re ĩāgū aarika! 10 Demas i ūm<sub>u</sub>marē gāāmesīa, y<sub>u</sub>re béo, Tesalónicague waakōāmi. Crescente Galacia nikūgue, Titode Dalmaciague marī Op<sub>u</sub>yare buerā waama. 11 Lucas dita y<sub>u</sub> merā āārīmi. Irasirig<sub>u</sub> Marcore āma, ĩgūrē āirika! ĩgū y<sub>u</sub>re iritamug<sub>u</sub>kumi, marī Op<sub>u</sub>yare ōārō moāburo, ārīgū. 12 Y<sub>u</sub> Tíquicore Efesogue iriub<sub>u</sub>. 13 M<sub>u</sub> ōōgue aarigú, y<sub>u</sub> weka sāñarī surírore, Troas wāik<sub>u</sub>ari makā Carpoya wiigue y<sub>u</sub> pídeañerē āirika! Yaa papera tūrūrīrē āirika! Waim<sub>u</sub>rāya gasiri merā iridea tūrūrīdere b<sub>u</sub>ro gāāmea. Irasirig<sub>u</sub> iridere āirika!

14 Alejandro kōme merā moārīmasū y<sub>u</sub>re ñetariro irimi. ĩgū y<sub>u</sub>re irasiridea waja marī Op<sub>u</sub> ĩgūrē wajamoāgukumi. 15 ĩgū marī buerire neō gāāmebirigorami. Irasirig<sub>u</sub> ĩgūrē pémasīka!

16 Oparā y<sub>u</sub>re peresugue biadoborā y<sub>u</sub> irideare sērēñapurorimakū, neō sug<sub>u</sub> y<sub>u</sub>re iritamubirimi. Āārīpererā y<sub>u</sub>re béowāgāperekōāma. Marīp<sub>u</sub> ĩgūsā y<sub>u</sub>re irasirideare kātiburo. 17 ĩgūsā y<sub>u</sub>re béowāgākerep<sub>u</sub>r<sub>u</sub>, marī Op<sub>u</sub> y<sub>u</sub>re iritamumi. Y<sub>u</sub>re turari sīmi, ĩgū masakare tauri kerere ōārō wereburo, ārīgū. Āārīpererā judío masaka āārīmerā iri

\* 4:8 Sug<sub>u</sub> ūma birarimasū gajirā nemorō ōārō ūmagū, olivo wāik<sub>u</sub>dima pūrī merā iridea berore wajatakumi. Masaka iri berore ĩgūya dipurugue peokuma, gajerārē ĩgū wajatadeare ĩmumurā. I irirosū, sug<sub>u</sub> Jesúre b<sub>u</sub>remugū ĩgū diayema iridea waja ūmagasigue perebiri okari wajatagukumi. Iri ūmagasigue perebiri okari wajatari, i berore wajatari irirosū āārā.

kerere péburo, ãrĩgũ, irasirimi. Ëõkaye yare baabéobodire tariweremakũ irirosũ ñegũ yare wējébéobodire tariweremakũ irimi. <sup>18</sup> Irasũ ããrĩmakũ, ããrĩpereri ñerã yare ñerõ iriburire yare tariweremakũ irigukumi. Ëmũgasigue ĩgũyarãrẽ dorerogue waaburo, ãrĩgũ, yare õãrõ koregukumi. Marĩ Opure: “Õãtarigũ, turatarigũ ããrã”, ãrĩ, usuyari sĩnĩkõãrã! Irasũta irirã!

*Pablo õãdoretũnudea*

<sup>19</sup> Priscila, igo marãpũ Aquila, Onesíforoya wii marãde õãburo. <sup>20</sup> Erasto Corintogue dujami. Trófimo pũrĩrikũakõãmi. Irasirigũ Miletogue ĩgũrẽ píbũ. <sup>21</sup> Mũ puibũ dupuyuro aaripurumuka! Eubulo, Pudente, Lino, Claudia, ããrĩpererã marĩyarã mure õãdorema.

<sup>22</sup> Marĩ Opũ Jesucristo mũ merã ããrĩburo. Marĩpũ ããrĩpererãrẽ mũsãrẽ õãrõ iritamuburo. Irasũta irinĩkõãburo.

Iropãta ããrã.

Pablo

## TITO

### *Pablo Titore òãdoredea*

<sup>1</sup> Yũ Pablo, mũrẽ òãdorea. Yũ Marĩpũre moãboegũ ããrã. Jesucristo yũre ìgũya kerere buedoregũ pími. Marĩpũ beyenerãrẽ ìgũrẽ òãrõ buremumakũ gããmegũ, ìgũsãrẽ ìgũyare òãrõ irimakũ gããmegũ, yũre iriumi, ìgũya diayema kerere masĩburo, ãrĩgũ. <sup>2</sup> Irasirirã iri kerere masĩrã, ìgũsã ùmũgasigue perebiri okari opaburire masĩma. Marĩpũ i ùmũrẽ iriburo dupuyuro: “Perebiri okari sĩgũra”, ãrĩdi ããrĩmĩ. Ìgũ ãrĩgatobi ããrĩsĩã, ìgũ ãrĩderosũta marĩrẽ sĩgũkumi. <sup>3</sup> Daporare Marĩpũ: “Ãsũ irigura”, ìgũ ãrĩdeare iriripoe ejasiãa. Irasirigu ìgũya kerere wererãrẽ weredoremi marĩrẽ irire masĩburo, ãrĩgũ. Ìgũ marĩrẽ taugũ, yũdere iri kerere weredoregũ pími.

<sup>4</sup> Tito, yũ mũrẽ gojãa. Yũ Jesúyare weremakũ pégu, mũ ìgũrẽ buremunũgãbũ. Irasirigu yũ magũ irirosũ ããrã. Daporare marĩ pẽrãgueta Jesúre buremurã ããrã. Marĩpũ ããrĩngũ, Jesucristo marĩrẽ taugũ mũrẽ òãrõ iritamu, siuñajãrĩ merã ããrĩrikũmakũ iriburo.

### *Pablo Titore Creta marãrẽ buedoredea*

<sup>5</sup> Yũ mũrẽ Creta wãikũri nũgũrõgue píwãgãribũ, mũrẽ Jesúre buremurãrẽ yũ iripeo-birideare òãrõ ãmupeokõãburo, ãrĩgũ. Irasirigu iri nũgũrõma makãrĩrẽ waagorenagũ, iri makãrĩkũ yũ mũrẽ dorederosũta Jesúre buremurãrẽ ìgũsã oparã ããrĩmurãrẽ sóoka! <sup>6</sup> Sugũ ìgũsã opũ ããrĩbure sóogũ, ãsũpero ããrĩgũrẽ sóoka! Masaka: “Ñerõ irigu ããrĩmĩ”, ãrĩ werewũasũña marĩgũrẽ, sugoreta marãpokũdire sóoka! Ìgũ pũrãde Jesúre buremurãta ããrĩburo. Masaka ìgũ pũrãrẽ: “Ñegorama, ìgũsã pagũsãmarãrẽ tarinũgãgorama”, ãrĩ werewũasũña marĩrã ããrĩburo. <sup>7</sup> Sugũ Jesúre buremurã opũ Marĩpũre moãboegũ ããrĩmĩ. Irasirigu masaka werewũasũña marĩgũ ããrĩburo. Ìgũ gããmerĩ direta gajerãrẽ iridorebino, mata gajerã merã guarikũbi, mejãbi, gãmekẽãdũabi, ñerõ iriri merã niyeru wajatadũabi ããrĩburo. <sup>8</sup> Ãsũ gapũ irigu ããrĩburo. Ìgũya wiigũe gãmeñajãrã ejarãrẽ òãrõ bokatĩrĩneãgũ, òãrĩ gapũre gããmegũ, pẽmasĩrĩ merã iririkũgu, diayemarẽ irigu, Marĩpũyagũ, noó gããmerõ iridũarire iribi ããrĩburo. <sup>9</sup> Marĩpũya diayema kerere, marĩ ìgũrẽ buedea buremurĩrẽ piribi ããrĩburo. Irasirigũ, ìgũde gajerã Jesúre buremurãrẽ òãrĩ bueri merã ìgũsãrẽ Marĩpũyare gũñatura, òãrõ ããrĩrikũmakũ irigũkumi. Irire buegũ, diayema buerire werewũarãrẽ òãrõ yũjũmasĩgũkumi, ìgũsãde diaye gũñanũgãburo, ãrĩgũ.

<sup>10</sup> Wãrã ããrĩma Marĩpũ dorerire tarinũgãrã. Ìgũsã noó gããmerõ werenĩmoãmarĩ merã masakare ìgũsã ãrĩgatorire buremumakũ yãma. Judío masaka surãyari irasũgora yãma. <sup>11</sup> Niyeru direta wajatadũarã, ìgũsã gããmerõ buemoãmakõãma. Irasirirã wiiri marãrẽ poyanorẽma. Irasirigu mũ ìgũsãrẽ kãmutakõãka! “Irire iropãta buenemoka!” ãrĩka ìgũsãrẽ!

<sup>12</sup> Iripoegue sugũ iro Creta nũgũrõmũ òãrõ wererimasũ ãsũ ãrĩ wereyupũ iro marãrẽ: I nũgũrõ marã bũro ãrĩgatorikũma. Makãnúũ marã waimũrã bũro goerã irirosũ ããrĩma. Baaparã, baari direta gũñarikũrã, moãdũamerã, bũro térĩkũrã ããrĩma, ãrĩyupũ.

<sup>13</sup> Ìgũ irasũ ãrĩgũ, diayeta ãrĩ werenĩdi ããrĩmĩ. Daporare Creta marã iripoegue iriderosũta yãma. Irasirigu Tito, turaro merã ìgũsãrẽ wereka, Marĩpũya diayema buerire òãrõ gũñaturari merã buremuburo, ãrĩgũ! <sup>14</sup> Ìgũsãrẽ òãrõ bueka, judío masaka noó gããmerõ gũñaboka, weremoãmadea kerere, Marĩpũya diayema kerere gããmemerã dorerire pẽnemobirikõãburo, ãrĩgũ!

<sup>15</sup> Marĩpũyare buremurãrẽ òãrĩ gũñarĩ oparãrẽ, ããrĩpereri gajino ìgũsãrẽ ñerĩrẽ gũñamakũ iribirikoa. Marĩpũyare burenumerã gapũre ñerĩ gũñarĩ direta oparãrẽ, ããrĩpereri gajino ìgũsãrẽ ñerĩrẽ gũñamakũ yãa. Irasirirã ñerĩrẽ irirã: “Ñerõ iriakubũ

yu”, neõ arī bujawerebema. <sup>16</sup> “Marĩpure masĩa guã”, arīkererã, ãgũrẽ masĩbema. Ñgũsã ñerõ iriri merã ãgũrẽ masĩbema, arī masĩsũa. Gajerãrẽ ãturi dooma. Marĩpu dorerire tarinũgãgorama. Aãrĩpereri õãrĩrẽ neõ irimasĩmerã, ñerãgora aãrĩma.

## 2

### *Keoro buedorerimarẽ gojadea*

<sup>1</sup> Irasirigu Marĩpuya diayema aãrĩrĩrẽ masakare keoro bueka!

<sup>2</sup> Aũ ãrĩ wereka, mũrã ãmarẽ: “Mũsã pẽmasĩrĩ merã iririkurã, masaka bũremusũrã, diayemarẽ irirã, Marĩpure gũñaturari merã bũremurã, gajerãrẽ maĩrã aãrĩka! Mũsãrẽ ñerõ waamakũ, gũñaturanĩkõãka!” arī wereka ãgũsãrẽ!

<sup>3-4</sup> Mũrã nomedere: “Mũsã Marĩpure gopeyari merã bũremuka! Gajerãrẽ ñerõ arī werewũamerãta, wãro mejãrĩnorẽ iirĩmerãta aãrĩka! Maamarã nomerẽ õãrĩrẽ bueka, ãgũsãrẽ irire irimasĩburo, arīrã! Mũsã irasũ buemakũ pẽduripĩrã, ãgũsã marãpusãmarãrẽ, ãgũsã pũrãdere õãrõ maĩrãkuma. <sup>5</sup> Diayemarẽ irirã, õãrĩ gũñarĩ oparã, ãgũsãya wi-irigue aãrĩrãrẽ õãrõ korerã, gajerãrẽ iritamurã, ãgũsã marãpusãmarãrẽ tarinũgãmerã aãrĩrãkuma. Irasirirã ãgũsã maamarã nome irire õãrõ irimakũ ãrã, gajerã Marĩpuya kerere ñerõ werenĩmasĩbirikuma. ‘Tri kerere bũremurã ñerõ yãma’, arī masĩbirikuma”, arī wereka ãgũsãrẽ!

<sup>6</sup> Maamarã ãmadere: “Mũsãde diayemarẽ irika!” arī wereka! <sup>7</sup> Mũ õãrĩ direta irika! Mũ irasirimakũ ãrã, gajerãde õãrĩrẽ irirãkuma. Masakare gopeyari merã diayema aãrĩrĩrẽ keoro bueka! <sup>8</sup> Oãrõ pẽmasĩrĩ merã werenĩka, gajerã mũrẽ werewũabirikõãburo, arīgũ. Mũ werenĩrĩrẽ pẽrã, mũrẽ gããmemerã: “I diaye aãrĩbea”, arīmasĩbirikuma. Irasirirã marĩrẽ werewũanerã gũyasĩrĩrãkuma. Marĩrẽ ñerĩ werenĩrĩ merã werewũamasĩbirikuma.

<sup>9</sup> Moãboerimasãdere: “Mũsã oparã dorerire tarinũgãbirikõãka! ãgũsã doremakũ, aãrĩpereri ãgũsã dorerire irika! ãgũsãrẽ mũsã merã usũyamakũ irika! ãgũsã mũsãrẽ doremakũ: ‘Iribea’, arībirikõãka! <sup>10</sup> ãgũsã oparire neõ yajabirikõãka! ãgũsã oparire mũsã õãrõ koremakũ ãrã: ‘Oãrõ yãma’, arīrãkuma. Gajerãde mũsã õãrõ iririre ãrã, marĩrẽ taugu Marĩpuya buerire: ‘Oãrĩ aãrã’, arī gũñarãkuma”, arī wereka ãgũsãrẽ!

<sup>11</sup> Marĩpu marĩrẽ maĩgũ aãrĩpererã i ãmũ marã ãgũsã ñerõ iridea wajare taudũagu, Jesucristore iriudi aãrĩmĩ. <sup>12</sup> Marĩrẽ ãgũ gããmibirinorẽ, i ãmũma ñerõ ãaribejarire piriburo, arīgũ, irasiridi aãrĩmĩ. Marĩ i ãmũgue aãrĩrãde õãrõ pẽmasĩrĩ merã diayemarẽ irirã, Marĩpu gããmerĩrẽ irirã aãrĩrõ gããmea. <sup>13</sup> Marĩ Opũ turatarigu marĩrẽ taugu Jesucristo dupaturĩ aariburire usũyari merã yũrã yãa. ãgũ arīderosũta aarigũkumi marĩrẽ õãrĩrẽ irigu aarigũ. Ire marĩ masĩsã, ãgũ gããmerĩrẽ iriro gããmea. <sup>14</sup> Marĩ ñerõ iridea wajare wajaribosabu, ãgũrẽ wẽjẽrãrẽ kãmutaro marĩrõ boadi aãrĩmĩ. Irasirigu aãrĩpereri marĩ ñerõ iridea wajare taudi aãrĩmĩ, marĩrẽ neõ ñerĩrẽ opabirikõãburo, arīgũ. Marĩrẽ ãgũyarã aãrĩburo, õãrĩrẽ õãrõ iriburo, arīgũ, irasiridi aãrĩmĩ.

<sup>15</sup> Mũ Jesũre bũremurãrẽ irire õãrõ bueka, õãrĩrẽ usũyari merã iriburo, arīgũ! Marĩpu mũrẽ irire weredoredi aãrĩmĩ. Irasirigu ãgũ dorero merã irire iridũamerãrẽ: “Aũ irika!” arī wereka! Neõ sugũ masakũ, mũ weremakũ, mũrẽ irasũ ããbõbirikõãburo.

## 3

### *Pablo Jesũre bũremurãrẽ: “Aũ irika!” arī gojadea*

<sup>1</sup> Irogue marã Jesũre bũremurãrẽ aũ ãrĩ wereka: “Mũsã oparãrẽ, mũsãrẽ dorerãrẽ tarinũgãbirikõãka! ãgũsã dorerire õãrõ pẽka! Oãrõ iririre irirã aãrĩka! <sup>2</sup> Neõ sugũ masakũre ñerõ arī werewũabirikõãka! Masaka merã gãme turimerãta, ãgũsã merã õãrõ usũyari merã aãrĩrikũka! Gajerãrẽ maĩrĩ merã iritamuka! Aãrĩpererãrẽ bũremurĩ merã gũña maĩka!” arī wereka ãgũsãrẽ!

<sup>3</sup> Iripoegue marĩ Jesúre b̄remubirisĩã, Marĩp̄uyare pémasĩbiri, ĩgũ dorerire tarinugã, ãrĩgatorire b̄remu, dedirinerã ããrĩbú. ããrĩpereri noó gããmerõ ɯaribearire, ñerĩ iridɯarire pirimasĩbirinerã ããrĩbú. Gajerãrẽ uburikɯã, ĩgũsãrẽ ñerõ irirã ããrĩnerã ããrĩbú. Gajerã marĩrẽ ĩãturi doonerã ããrĩmá. Marĩ baside gãme ĩãturi doonerã ããrĩbú.

<sup>4</sup> Marĩ irasũ ããrĩkerepɯɯ, Marĩp̄u marĩrẽ taugɯ gapɯ ĩgũ marĩrẽ maĩrĩrẽ, ĩgũ marĩrẽ iritamudɯarire marĩrẽ masĩmakũ iridi ããrĩmĩ. <sup>5</sup> Irasirigɯ marĩrẽ taudi ããrĩmĩ. Marĩ õãrĩrẽ neõ iribirikerepɯɯ, marĩrẽ b̄ro bopoñarĩ merã ĩãsiã, marĩrẽ taudi ããrĩmĩ, perebiri peamegue waabirikõãburo, ãrĩgũ. Marĩ ñerĩ oparire koedi ããrĩmĩ, Õãgũ deyomarĩgũ merã marĩrẽ majĩrã maama deyoarã irirosũ ããrĩburo, ãrĩgũ. Irasirigɯ marĩrẽ maama okarire sĩdi ããrĩmĩ ĩgũ pũrã ããrĩburo, ãrĩgũ. <sup>6</sup> Õãgũ deyomarĩgũrẽ Jesucristo marĩ ñerõ iridea wajare taugɯ merã marĩrẽ iriudi ããrĩmĩ ĩgũ turarire opatarikõãburo, ãrĩgũ. <sup>7</sup> Irasirigɯ marĩrẽ maĩgũ: “Õãrã, waja opamerã ããrĩma”, ãrĩ ĩãdi ããrĩmĩ. Irasirirã gũñaturari merã: “Ĩgũ marĩrẽ ĩgũ pũrãrẽ: ‘Ɛmugasigue perebiri okarire sĩgura’, ãrĩdeare oparãkoa”, ãrĩ masĩa.

<sup>8</sup> Iri yɯ m̄rẽ wereri, diayema kere ããrã. Irasirigɯ Marĩp̄ure b̄remurãrẽ irire õãrõ gũñaturari merã bueka, piriro marĩrõ õãrĩrẽ irinikõãburo, ãrĩgũ! I bueri õãgorãa. Irire péduripĩrãnorẽ õãrõ ããrĩrikɯmakũ iriri ããrã. <sup>9</sup> Gajerã merã ubu ããrĩrĩrẽ, gua ñekũsãmarã iriunadea kerere, Marĩp̄u Moisére doreri pídeare: “¿Naásũ ãrĩdɯaro yári?” ãrĩ s̄erẽñarĩrẽ gãme guaseobirikõãka! Irire gãme guaseori ñegorãa. Masakare õãrõ ããrĩrikɯmakũ iriri ããrĩbea.

<sup>10</sup> Sugɯ masakɯ Jesúre b̄remurĩ bumarãrẽ gãme guaseo, dɯkawarimakũ irigɯnorẽ: “Irire iribirikõãka!” ãrĩ wereka! Mɯ suñarõ o péa ĩgũrẽ wereadero pɯɯ ĩgũ pébirimakũ ĩãgũ, Jesúre b̄remurã nerẽrõgue ĩgũsã merã ããrĩgũrẽ béowiuka! <sup>11</sup> ĩgũsãrẽ gãme guaseo, dɯkawarimakũ iriri merã: “Ñegũ, waja opagɯ ããrĩmi”, ãrĩ masĩsũa.

### *Pablo iritamudoredea*

<sup>12</sup> Yɯ Artemarẽ o Tíquicore mɯ p̄rogue iriugɯkoa. Mɯ p̄ro ejamakũ, Nicópolis wãĩkɯri makãgue yɯre bokatĩrĩgũ waapurumuka! Yɯ: “Irogue puibɯ tamugɯkoa”, ãrĩ gũñãa.

<sup>13</sup> Mɯ iritamurõ bokatĩũrõ Zenas masakare werenĩbosarimasũrẽ, Apolodere iritamuka! ĩgũsã gajerogue waaburi dupuyuro ĩgũsã gããmerĩrẽ sĩka, iri ããrĩpererire opaburo, ãrĩrã!

<sup>14</sup> Mɯ irasũ iritamumakũ ĩãrã, marĩyarãde õãrĩ iri, ĩgũsã basi gãme iritamurãkuma ĩgũsã gããmerĩrẽ opamurã. Irasirirã irimoãmamerãta ããrĩrãkuma.

### *Pablo õãdoretũnudea*

<sup>15</sup> ããrĩpererã yɯ merã ããrĩrã m̄rẽ õãdorema. Marĩyarã Jesúre b̄remurãrẽ marĩrẽ maĩrãrẽ mɯ p̄ro ããrĩrãrẽ õãdoreka! Marĩp̄u m̄sãrẽ ããrĩpererãrẽ õãrõ iritamuburo.

Iropãta ããrã.

Pablo

## FILEMÓN

### *Pablo Filemórē òãdoredea*

<sup>1</sup> Y<sub>H</sub> Pablo, Jesucristoya kerere weredeadea waja peresugue ããrã. Marĩyag<sub>H</sub> Timoteo merã m<sub>H</sub>erē òãdoreade. Filemón, m<sub>H</sub> g<sub>H</sub>ua maĩgũ, g<sub>H</sub>ua merã moãgũ ããrã. <sup>2</sup> Y<sub>H</sub> gajerã Jesúre b<sub>H</sub>remurã m<sub>H</sub>uya wiigue nerērãrē, marĩyago Apia wãik<sub>H</sub>gore, irasũ ããrĩmakũ Arquipodere òãdoreade. Arquipo g<sub>H</sub>ua merã moãmi, gajerã Jesucristoya kerere péburo, ãrĩgũ. <sup>3</sup> Marĩp<sub>H</sub> ããrĩnĩgũ, marĩ Op<sub>H</sub> Jesucristo m<sub>H</sub>sãrē òãrõ iritamu, siuñajãrĩ merã ããrĩrik<sub>H</sub>makũ iriburo.

### *Filemón gajerãrē maĩgũ Jesúre b<sub>H</sub>remugũ ããrĩmi, ãrĩ gojadeade*

<sup>4-5</sup> Y<sub>H</sub> Marĩp<sub>H</sub>re sērērik<sub>H</sub> m<sub>H</sub>uya ããrĩburire sērēbosáa. Marĩ Op<sub>H</sub> Jesúre m<sub>H</sub> maĩrĩrē, ãgũrē m<sub>H</sub> b<sub>H</sub>remurĩrē, gajerã Marĩp<sub>H</sub>yarãrē m<sub>H</sub> maĩrĩrē péb<sub>H</sub>. Irasirig<sub>H</sub> Marĩp<sub>H</sub>re: “Òãa”, ãrĩ, usuyari sĩa. <sup>6</sup> M<sub>H</sub> Jesúre b<sub>H</sub>remusĩã, ãgũrē b<sub>H</sub>remurĩrē gajerãrē wereade, ãgũsãde ãgũrē b<sub>H</sub>remuburo, ãrĩgũ. Irasirig<sub>H</sub> y<sub>H</sub> Marĩp<sub>H</sub>re: “Ígũsãrē wereg<sub>H</sub>, ããrĩpereri Jesucristo marĩrē òãrõ iririre masĩpeog<sub>H</sub> waaburo”, ãrĩ sērēa. <sup>7</sup> Yaag<sub>H</sub>, m<sub>H</sub> Marĩp<sub>H</sub>yarãrē òãrõ y<sub>H</sub>jp<sub>H</sub>rãk<sub>H</sub>makũ irib<sub>H</sub>. M<sub>H</sub> ãgũsãrē maĩrĩrē pég<sub>H</sub>, y<sub>H</sub> m<sub>H</sub> merã òãrõ y<sub>H</sub>jp<sub>H</sub>rãk<sub>H</sub>, usuyáa.

### *Pablo Filemórē: “Onésimo m<sub>H</sub>erē moãboeg<sub>H</sub>re òãrõ bokatĩrĩñeãka!” ãrĩ sērēdeade*

<sup>8</sup> Irasirig<sub>H</sub> y<sub>H</sub> Jesucristo buedoreg<sub>H</sub> pídi ããrĩsĩã, m<sub>H</sub>erē doremasĩkereg<sub>H</sub>: “Ãsũ iriro gããmeade, irasirig<sub>H</sub> irire irika!” ãrĩbirikoa. <sup>9</sup> Maĩrĩ merã gap<sub>H</sub> m<sub>H</sub>erē sērēduakoa. Y<sub>H</sub> Pablo b<sub>H</sub>g<sub>H</sub>ro ããrã. Jesucristoya kerere weredeade waja peresugue ããrã. <sup>10</sup> Irasirig<sub>H</sub> Onésimõyamarē m<sub>H</sub>erē sērēduakoa. Ígũ, y<sub>H</sub> peresugue ããrĩgũ p<sub>H</sub>ro eja, y<sub>H</sub> Jesúyare were-makũ pég<sub>H</sub>, ãgũrē b<sub>H</sub>remunugãmi. Irasirig<sub>H</sub> y<sub>H</sub> magũ irirosũ ããrĩmi.

<sup>11</sup> Jesúre b<sub>H</sub>remuburi dupuyuro Onésimo m<sub>H</sub>erē òãrõ moãboebirisĩã, béowãgãdi ããrĩmi. Dapora tamerãrē marĩ pērãguereta iritamumi. Y<sub>H</sub>re òãrõ iritamugũ yámi. M<sub>H</sub>dere òãrõ iritamug<sub>H</sub>kumi. <sup>12</sup> Irasirig<sub>H</sub> daporare m<sub>H</sub> p<sub>H</sub>rogue ãgũrē y<sub>H</sub> b<sub>H</sub>ro maĩgũrē iriua. ãgũrē òãrõ bokatĩrĩñeãka! <sup>13</sup> Y<sub>H</sub> Jesucristoya kerere weredeade waja peresu ããrĩripoe m<sub>H</sub> y<sub>H</sub>re iritamuboadeare iritamudoreg<sub>H</sub>, òõgue ãgũrē y<sub>H</sub> merã dujamakũ gããmeadãa. <sup>14</sup> Ígũ, y<sub>H</sub> merã dujamakũ gããmekereg<sub>H</sub>, m<sub>H</sub> gããmerĩ direta irid<sub>H</sub>akoa. Irasirig<sub>H</sub> m<sub>H</sub> y<sub>H</sub>re: “Jáa”, ãrĩmakũ tamerãrē y<sub>H</sub> doreri meta ããrĩrokoa. M<sub>H</sub> gããmerõsũ waarokoa. <sup>15</sup> “Gajipoe irig<sub>H</sub> Onésimo m<sub>H</sub>erē béowãgãgũ yoaripoe ããrĩbu meta waakumi. Dupaturi m<sub>H</sub> merã òãrõ ããrĩnikõãbu irasirikumi”, ãrĩ gũñãa. Irasirig<sub>H</sub> ãgũrē y<sub>H</sub> merã dujadorebirikoa. <sup>16</sup> Ígũ m<sub>H</sub>erē moãboeg<sub>H</sub> ããrĩkereg<sub>H</sub>, daporare Jesúre b<sub>H</sub>remumi. M<sub>H</sub>uya wereg<sub>H</sub> irirosũ ããrĩmi. Y<sub>H</sub> ãgũrē b<sub>H</sub>ro maĩa. M<sub>H</sub> gap<sub>H</sub> y<sub>H</sub> nemorõ ãgũrē maĩrõ gããmeade. “Y<sub>H</sub>re moãboeg<sub>H</sub> ããrĩkereg<sub>H</sub>, Jesúre b<sub>H</sub>remusĩã, yaa wereg<sub>H</sub> irirosũ ããrĩmi, irasirig<sub>H</sub> ãgũrē b<sub>H</sub>ro maĩa”, ãrĩ gũñarõ gããmeade.

<sup>17</sup> Irasirig<sub>H</sub> m<sub>H</sub> y<sub>H</sub>re: “Y<sub>H</sub> merã moãgũ ããrĩmi gajerã Jesúyare péburo, ãrĩgũ”, ãrĩ gũñagũ, y<sub>H</sub>re bokatĩrĩñeãrõsũta Onésimorē òãrõ bokatĩrĩñeãka! <sup>18</sup> Ígũ gajino m<sub>H</sub>yare poyanorēdi, o m<sub>H</sub>erē wajamomakũ, y<sub>H</sub>re wereka! Y<sub>H</sub> m<sub>H</sub>erē wajarig<sub>H</sub>koa. <sup>19</sup> Y<sub>H</sub> Pablo, y<sub>H</sub> basi ire m<sub>H</sub>erē ãrĩ gojáa: “Y<sub>H</sub> wajarig<sub>H</sub>ra”. Irire irasũ ãrĩ gojakereg<sub>H</sub>, m<sub>H</sub>erē gaji gũñamakũ irimasĩa. Jesúyare y<sub>H</sub> m<sub>H</sub>erē weremakũ pég<sub>H</sub>, ãgũrē b<sub>H</sub>remunugãb<sub>H</sub>. Irasirig<sub>H</sub>, y<sub>H</sub> m<sub>H</sub>erē weredeade waja y<sub>H</sub>re wãro wajamogũ irirosũ ããrã. <sup>20</sup> Irasirig<sub>H</sub> m<sub>H</sub>erē yaag<sub>H</sub>re ãsũ ãrĩ sērēa: “M<sub>H</sub> marĩ Op<sub>H</sub> Jesucristore b<sub>H</sub>remugũ ããrĩsĩã, Onésimorē òãrõ bokatĩrĩñeãka!” Marĩ Cristoyarã ããrã. Irasirig<sub>H</sub> y<sub>H</sub>re òãrõ y<sub>H</sub>jp<sub>H</sub>rãk<sub>H</sub>makũ irika!

<sup>21</sup> I y<sub>H</sub> m<sub>H</sub>erē sērērĩrē: “Irig<sub>H</sub>kumi”, ãrĩ masĩa. Irasirig<sub>H</sub> ire m<sub>H</sub>erē gojáa. Idere masĩa. Y<sub>H</sub> sērērĩrē nemorõ m<sub>H</sub> òãrõ irig<sub>H</sub>koa. <sup>22</sup> M<sub>H</sub>erē gojag<sub>H</sub>, gajidere sērēa. Y<sub>H</sub>re wiuadero p<sub>H</sub>r<sub>H</sub>, m<sub>H</sub>sã p<sub>H</sub>rogue waad<sub>H</sub>akoa. Irasirig<sub>H</sub> y<sub>H</sub> irogue ejaburi dupuyuro y<sub>H</sub> kãrĩburi tarĩbure ãmuyuka! Marĩp<sub>H</sub> m<sub>H</sub>sã ãgũrē sērērĩrē: “Jáa”, ãrĩmakũ, m<sub>H</sub>sã p<sub>H</sub>rogue waag<sub>H</sub>koa.

### *Pablo Filemórē gojatũnudeade*



<sup>23</sup> Epafras m̄rē òãdoremi. Īgũ Jesucristoya kerere weredeia waja ȳ merã peresugue ããrĩmi. <sup>24</sup> Ȳ merã moãrã Marcos, Aristarco, Demas, irasũ ããrĩmakũ Lucas m̄rē òãdorema.

<sup>25</sup> Marĩ Op̄ Jesucristo m̄sãrē òãrõ iritamuburo. Irasũta iriburo.

Iropãta ããrã.

Pablo

## HEBREOS

### *Marĩpu ĩgũ magũ Jesucristo merã weredeamarẽ gojadea*

<sup>1</sup> Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenugãdi aãrĩmĩ. Yoaripoe wãri ĩgũ turari merã iri ĩmurĩ, ĩgũ weredoreri, kërõgue ĩmurĩ merã ĩgũsãrẽ ĩgũyare masĩmakũ iridi aãrĩmĩ. <sup>2</sup> Dapagorare i ãmũ pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i ãmurẽ iridi aãrĩmĩ, aãrĩpereri ĩgũ gããmerõsũta aãrĩburo, ãrĩgũ. Irire iriburo dupiyuro ĩgũ magũrẽ pídi aãrĩmĩ, iri aãrĩpererire opabure. <sup>3</sup> Jesucristo, Marĩpu gosesiririre opagũ, turatarigũ, õãtarigũ, Marĩpu aãrĩrikũrere opagũ aãrĩmĩ. ĩgũ turaro doreri merã aãrĩpereri i ãmũmarẽ aãrĩnikõãmakũ yãmi. Marĩ ñerõ iridea wajare tau odo, pũũ ãmũgasigue Marĩpu turatarigũ diaye gapũ eja doadi aãrĩmĩ, aãrĩpererãrẽ doregũ aãrĩbu.

### *Marĩpu magũ, Marĩpũre wereboerã nemorõ turagũ aãrĩmi, ãrĩ gojadea*

<sup>4</sup> Irasirigũ Marĩpu magũ Jesucristo, Marĩpũre wereboerã nemorõ turagũ aãrĩmi. Marĩpu ĩgũrẽ: “Makũ, mũ yũ magũ aãrã”, ãrĩdi aãrĩmĩ. Ángeles gapũre: “Yũre wereboerã aãrã”, ãrĩdi aãrĩmĩ. <sup>5</sup> ĩgũ magũrẽ ãsũ ãrĩdi aãrĩmĩ: Yũ magũ aãrã mũ. Dapagã merã mũ, yũ magũ aãrĩrẽ masakare masĩmakũ yãa, ãrĩdi aãrĩmĩ.✧

Neõ sugũ ĩgũrẽ wereboegũre irasũ ãrĩbiridi aãrĩmĩ. ĩgũ magũyamarẽ ãsũ ãrĩdi aãrĩmĩ doja: Yũ, ĩgũ pagũ aãrã. ĩgũ, yũ magũ aãrĩmi, ãrĩdi aãrĩmĩ.✧

Neõ sugũ ĩgũrẽ wereboegũre irasũ aãrĩbiridi aãrĩmĩ. <sup>6</sup> ĩgũ magũrẽ sugũ aãrĩgũrẽ i ãmũgue iriugũ, ãsũ gapũ ãrĩdi aãrĩmĩ:

Ããrĩpererã yũre wereboerã, yũ magũrẽ ejamejã, bũremuburo, ãrĩdi aãrĩmĩ.✧

<sup>7</sup> ĩgũrẽ wereboerãyamarẽ ãsũ ãrĩdi aãrĩmĩ:

Yũre wereboerãrẽ mirũ wẽjãpu taurosũ, peame ãjãrĩ pũrã irirosũ waamakũ yãa, ãrĩdi aãrĩmĩ.✧

<sup>8</sup> ĩgũ magũ gapũre ãsũ ãrĩdi aãrĩmĩ:

Mũ aãrĩpererã Opũ aãrĩnĩgũ aãrã. Mũyarãrẽ diayeta dorea.

<sup>9</sup> Diayema iririre gããmea. Ñerõ iririre dooa. Irasirimakũ ĩãgũ, yũ mũpũ mũrẽ aãrĩpererã Opũ aãrĩbure beyebũ.

Irasirigũ mũrẽ aãrĩpererã mũ merãmarã nemorõ usũyari merã aãrĩmakũ iribũ, ãrĩdi aãrĩmĩ.✧

<sup>10</sup> Idere ãrĩdi aãrĩmĩ Marĩpu ĩgũ magũrẽ:

Mũ aãrĩpererã Opũ, neõgoragueta i nikũ, ãmũgasidere iribũ.

<sup>11</sup> Gajipoe i ãmũ mũ iridea pereakõãrokoa. Mũ gapũ aãrĩnikõãgũkoa. Aãrĩpereri mũ iridea gapũ surĩro boarosũ, boapereakõãrokoa.

<sup>12</sup> Irasirigũ surĩro bũgũñerẽ túwea bẽo, gajĩne maamañe gorawayurosũ, aãrĩpereri õãrĩ ditare gorawayugũkoa. Mũ gapũ neõ gorawayubirikoa. Mũrãrõta aãrĩnikõãgũkoa, ãrĩdi aãrĩmĩ.✧

<sup>13</sup> Irasirigũ ĩgũ magũrẽ ãsũ ãrĩdi aãrĩmĩ doja:

Yũ diaye gapũ doaka! Mũ doaripoe mũrẽ ĩãturirãrẽ mũ dorerire neõ tarĩnũgãnemobirimakũ irigũra, ãrĩdi aãrĩmĩ.✧

ĩgũrẽ wereboerã gapũre neõ irasũ ãrĩbiridi aãrĩmĩ. <sup>14</sup> Aãrĩpererã Marĩpũre wereboerã deyomarĩrã, ĩgũrẽ moãboerã aãrĩma. Marĩpu Jesucristo taurãrẽ iritamudoregũ ĩgũsãrẽ iriumi.

✧ 1:5 Sal 2.7 ✧ 1:5 2 S 7.14; 1 Cr 17.13 ✧ 1:6 Dt 32.43 ✧ 1:7 Sal 104.4 ✧ 1:9 Sal 45.6-7 ✧ 1:12 Sal 102.25-27 ✧ 1:13 Sal 110.1

## 2

*Marĩpu ĩgũ masakare tauri kerere õãrõ pémakũ gããmemi, ãrĩ gojadea*

<sup>1</sup> Irasirirã Marĩpu magũ Jesucristoya kerere marĩ pédeare irasũ gãñaníkõãrõ gããmea, ĩgũrẽ bũremurĩrẽ piriri, ãrĩrã. <sup>2</sup> Iripoegue Marĩpu ĩgũrẽ wereboerãrẽ ĩgũya kerere weredoredi ããrĩmĩ. Irasirigu: “Ñerõ irirãnorẽ, yũ dorerire tarinũgãrãrẽ wajamoãgura”, ãrĩderosũta ĩgũsãrẽ diayeta wajamoãdi ããrĩmĩ. <sup>3</sup> Marĩpu masakare tauri kere õãtaria. Marĩ gapũ irire pémerã, ĩgũ wajamoãrĩrẽ tausũbirikoa. Marĩ Opũ Jesucristo iri kerere werepũroridi ããrĩmĩ. ĩgũ weredeare pérã: “Diayeta ããrã”, ãrĩ masĩnerã ããrĩmã. Irasirirã marĩdere wereturiamã, irire masĩburo, ãrĩrã. <sup>4</sup> Marĩpu gajĩ irinemodi ããrĩmĩ. Iri kerere wererãrẽ ĩgũ turari merã wãri iri ĩmurĩrẽ irimakũ iridi ããrĩmĩ. Irasũ ããrĩmakũ ĩgũ gããmederosũta ĩgũsãrẽ wãri Õãgũ deyomarĩgũ iritamurĩ merã irimasĩrĩrẽ sĩdi ããrĩmĩ, iri kerere weremakũ pérã: “Diayeta ããrã”, ãrĩ masĩburo, ãrĩgũ.

*Jesucristo, marĩ irirosũ dupũkũgũ deyoadi ããrĩmi, ãrĩ gojadea*

<sup>5</sup> Marĩpu ĩgũrẽ wereboerãrẽ: “I ãmũ peredero pũrũguere oparã ããrĩrãkoa mũsã”, ãrĩ, neõ píbiridi ããrĩmĩ. <sup>6</sup> ĩgũyare weredupiyudi ãsũ gapũ ãrĩ gojadi ããrĩmĩ: Gũã Opũ, masaka ubu ããrĩrã ããrĩkeremakũ, ĩnasirigu ĩgũsãrẽ gãñarĩ mũ? ĩgũsã boamurã dita ããrĩkeremakũ, ĩnasirigu ĩgũsãrẽ iritamurĩ mũ?  
<sup>7-8</sup> Yoabiripoegãta ĩgũsãrẽ mũrẽ wereboerã doka ããrĩmakũ iridi ããrĩbũ. Irasirikeregũ, pũrũguere ĩgũsãrẽ oparã sóogu, mũ turarire sĩbu, ĩgũsãrẽ ããrĩpereri opaburo, ãrĩgũ, ãrĩ gojadi ããrĩmĩ.\*

Marĩpu masakare irasũ sĩgũ: “Ããrĩpererire dorerãkuma”, ãrĩ pídi ããrĩmĩ. ĩgũsãrẽ irire píkeremakũ, ããrĩpererire dorebema dapa. <sup>9</sup> Marĩ Jesúyama gapũre: “Ããrĩpererã Opũ ããrĩmĩ”, ãrĩ masĩa. Yoabiripoegãta ĩgũdere Marĩpu ĩgũrẽ wereboerã doka pídi ããrĩmĩ, ããrĩpererãya ããrĩburire boabosabure. Jesús marĩrẽ boabosamakũ, Marĩpu ĩgũrẽ maĩgũ, õãrõ iritamudi ããrĩmĩ. Irasirigu ĩgũ boadigue masãdero pũrũ, Marĩpu ĩgũrẽ turarire sĩ, Opũ sóodi ããrĩmĩ, ããrĩpererã ĩgũrẽ bũremuburo, ãrĩgũ.

<sup>10</sup> Marĩpu ĩgũ gããmederosũta ããrĩpereri i ãmũmarẽ iridi ããrĩmĩ. ããrĩpereri ĩgũya dita ããrã. ĩgũ pũrã ããrĩpererã ãmũgasigue ĩgũ ããrĩrõgue ĩgũ merã ããrĩmakũ gããmemi. Irasirigu ĩgũ magũ Jesúre iriudi ããrĩmĩ, marĩrẽ ĩgũ ñerõ tariri merã taubure. ĩgũrẽ iriudi ããrĩmĩ, marĩ Opũ ããrĩbure, marĩrẽ ãmũgasigue ãĩmũrĩabure. <sup>11</sup> Jesús marĩrẽ taugũ, Marĩpũyarã ããrĩmakũ iridi ããrĩmĩ. Irasirirã marĩ ĩgũyarã ããrĩsĩã, sugũ pũrã irirosũ, Jesús marĩ tĩgũ merã Marĩpu pũrã ããrã. Irasirigu Jesús marĩrẽ: “Yũ pagũpũrã ããrĩmã”, ãrĩgũ, neõ gũyasĩrĩbemi. <sup>12</sup> Marĩpũya werenĩrĩ gojadea pũgue Jesús ĩgũ Pagũre weredeare gojasũdero ããrĩbũ. ãsũ ãrĩdi ããrĩmĩ ĩgũrẽ:

Mũ ããrĩrĩkũrĩre, mũyamarẽ weregũkoa yũ pagũpũrãguere. ĩgũsã nerẽnarõgue nerẽmakũ, ĩgũsã merã: “Õãtaria mũ”, ãrĩ bayapeogũkoa mũrẽ, ãrĩdi ããrĩmĩ.\*

<sup>13</sup> Gajĩ ãrĩdi ããrĩmĩ doja:

Yũde mũrẽ yũ Opũre bũremuníkõãgura.\*

Idere ãrĩdi ããrĩmĩ doja:

Õõta ããrã Yũpũ pũrã ĩgũ yũre pínerã merã, ãrĩdi ããrĩmĩ.\*

<sup>14</sup> Marĩ, Marĩpu pũrã, dupũkũrã ããrã. Irasirigu Jesúde marĩ irirosũta dupũkũgũ aaridi ããrĩmĩ. ĩgũ curusague boari merã wãtĩrẽ, boarire gũirã opũre tarinũgã béodi ããrĩmĩ.

<sup>15</sup> Jesús ĩgũrẽ irasũ tarinũgãgũ, marĩ boaburire gũiníkõãnerãrẽ taudi ããrĩmĩ. <sup>16</sup> ãsũ ããrã. Jesucristo Marĩpũre wereboerãrẽ iritamugũ meta aaridi ããrĩmĩ. Marĩ, Abraham parãmerã gapũre ĩgũ Marĩpũre bũremuderosũta bũremurãrẽ iritamugũ aaridi ããrĩmĩ.

<sup>17</sup> Irasirigu marĩ irirosũta dupũkũgũ aaridi ããrĩmĩ, ĩgũ boari merã marĩ ñerĩ iridea wajare

wajaribosabu. I merã Marĩpũre: “Waja opamerã ããrĩma”, ãrĩ ããmakũ iridi ããrĩmĩ. Paía opũ marĩya ããrĩburire Marĩpũre sãrẽbosarosũ, ãgũde marĩrẽ õãrõ sãrẽbosami. Irasirigũ marĩrẽ bopoñarĩ merã ããgũ marĩrẽ õãrõ iritamunĩkõãmi. <sup>18</sup> Wãtĩ ããgũrẽ ñerõ iridoremakũ, Jesũs burõ ñerõ tarikeregũ, ãgũ dorerire iribiridi ããrĩmĩ. Irasirigũ wãtĩ marĩdere ñerĩ iridoremakũ ããgũ, Jesũs marĩrẽ iritamumasĩmi, ñerĩ iribirikõãburo, ããrĩgũ.

### 3

#### *Jesũs, Moisãs nemorõ ããrĩmi, ãrĩ gojadea*

<sup>1</sup> Yaarã, mũsã Marĩpũ beyenerã, ããgũyarã ããrã. Irasirirã Jesucristore: “Bũremua mũrẽ”, ãrĩnerã ããrĩsĩã, ããgũrẽ õãrõ gũñanĩkõãka! Marĩpũ ããgũrẽ iriudi ããrĩmĩ, ããgũya kerere werebure, paía opũ irirosũ marĩya ããrĩburire sãrẽbosabure. <sup>2</sup> Marĩpũ ããgũrẽ beyepĩdi ããrĩmĩ irire iribure. Irasirigũ Moisãs, Marĩpũ ããgũrẽ: “Ãsũ iridoreka yaarãrẽ!” ãrĩ pĩdeare õãrõ iriderosũta Jesũde Marĩpũ ããgũrẽ pĩdea ããrĩpererire õãrõ iridi ããrĩmĩ. <sup>3</sup> Irasirirã Moisãre bũremudero nemorõ Jesũs gapũre bũremurõ gããmea marĩrẽ. Iri ãsũ ããrã. Wiire: “Õãrĩ wii ããrã”, ãrĩ ããrõ nemorõ iri wiire iridi gapũre: “Õãtarimi”, ãrĩ bũremurõ gããmea marĩrẽ. <sup>4</sup> Masaka gapũ wiiri irirã ããrĩma. Marĩpũ gapũ ããrĩpererĩ i ããmũmarẽ iridi ããrĩmĩ. <sup>5</sup> Moisãs gapũ Marĩpũyarãrẽ doregũ, ããgũsãrẽ õãrõ iritamudi ããrĩmĩ. “Ãsũ irika, Marĩpũre bũremurã!” ãrĩ weredi ããrĩmĩ, pũrũgue marã Marĩpũya kerere pãmasĩburo, ããrĩgũ. <sup>6</sup> Cristo, Marĩpũ magũ gapũ Moisãs nemorõ Marĩpũyarãrẽ õãrõ doregũ ããrĩmĩ. Irasirirã marĩ Marĩpũyarã, gũñaturarire piriro marĩrõ ããgũ tauburire usũyari merã yũnĩrã, ããgũya wii marã ããrã.

#### *Marĩpũ ããgũyarãrẽ ããgũ merã õãrõ siñajãmakũ gããmemi, ãrĩ gojadea*

<sup>7</sup> Irasirigũ Õãgũ deyomarĩgũ ire ãsũ ãrĩ weredi ããrĩmĩ, Marĩpũya werenĩrĩ gojadea pũgue:

Dapagãrẽ mũsã Opũ mũsãrẽ weremakũ, pãdũamerã irirosũ ããrĩbirikõãka!

<sup>8</sup> Õãrõ pãka ããgũrẽ! Iripoegue Israel bumarãrẽ masaka marĩrõgue ããrĩrãrẽ ããgũ werekeremakũ, ããgũ dorerire tarinũgãma. “Marĩrẽ iritamumasĩbirikumĩ”, ããrĩrã, ããgũrẽ bũremubirĩma.

<sup>9</sup> Irasirigũ ãsũ ããrĩmi: “Iroguere cuarenta bojorigora yũ turaro merã iririre iri ããmuadibu ããgũsãrẽ iritamugũ. Yũ irasirikeremakũ: ‘ããgũ marĩrẽ iritamumasĩbirikumĩ’, ããrĩ gũñanama yũre.

<sup>10</sup> Irasirigũ ããgũsã merã gua, ãsũ ããrĩbũ: ‘Yaa gapũre neõ gũñatũyabema. Yũ dorerire iridũabema’, ããrĩbũ.

<sup>11</sup> Irasirigũ ããgũsã merã guagũ, gopeyaro merã ãsũ ããrĩ werebũ: ‘Yũ merã õãrõ siñajãrĩ bokabirikoa mũsã yũre bũremubiri waja’ ”, ããrĩmi.✧

<sup>12</sup> Irasirirã yaarã, õãrõ pãmasĩka! Neõ sugũ mũsã watopemũ ñerõ gũña, bũremubi ããrĩbirikõãburo. Irasũ ããrĩgũno, Marĩpũ ããrĩnĩgũrẽ bẽogũ iribukumĩ. <sup>13</sup> ãsũ gapũ iriro gããmea. ããmũrikũ mũsã basi Marĩpũyare gãme werenĩka, ñerĩrẽ iriri, ããrĩrã! Dapagã merã Marĩpũya werenĩrĩ gojadea pũgue dorederosũta gãme werenĩka! “Ñerĩ gapũre irirã, usũyãa gũ”, ããrĩ gũñarã, mũsã basita ããrĩkatorã yãa. Ñerĩrẽ irirã, Marĩpũ dorerire tarinũgãrãkoa. <sup>14</sup> Cristore bũremunũgãderosũta marĩ okaro bokatĩũrõ bũremunĩkõãrã, ããgũ ããrĩrõgue ããgũ merã ããrĩrãkoa.

<sup>15</sup> Yũ wererosũta Marĩpũya werenĩrĩ gojadea pũgue ãsũ ããrĩ gojasũdero ããrĩbũ: Dapagãrẽ Marĩpũ mũsãrẽ weremakũ, ããgũrẽ õãrõ pãka! Iripoegue Israel bumarã ããgũ dorerire tarinũgãderosũ iribirikõãka! ããrĩ gojasũdero ããrĩbũ.✧

<sup>16</sup> ããgũsã Marĩpũya werenĩrĩrẽ pãkererã, ããgũ dorerire tarinũgãnerã ããrĩmã. ããrĩpererã Egiptogue ããrĩrãrẽ Moisãs ããrĩsũnerã ããrĩkererã, Marĩpũ dorerire tarinũgãnerã ããrĩmã.

17 Īgūsā tarinugādea waja cuarenta bojorigora Marīpu Īgūsā merā guadi āārīmī. Masaka marīrōgue Īgūsārē āārīdoredi āārīmī. Irogueta boanerā āārīmá. 18 Īgū dorerire tarinugāmakū Īgū, gopepyaro merā Īgūsārē āsū ārī weredi āārīmī: “Yū merā ōārō siñajārī bokabirimakū irigura”, ārīdi āārīmī. 19 Irasirirā ire masīa marī. Īgūsā Marīpure bñremubiridea waja Īgū merā ōārō siñajārī bokabirinerā āārīmá.

## 4

1 Marīpu iripoegue marārē: “Yū merā siñajārī bokarākoa”, ārī píderosūta marīdere pídi āārīmī. Irasirirā marīde gopepyaro merā Marīpure yujuro gāāmea, Īgū merā ōārō siñajārī bokamurā. 2 Marīpu masakare tauri kerere iripoegue marā péderosūta marīde pébu. Īgūsā gapu iri kerere pékererā, bñremurī merā pébirinerā āārīmá. Irasirirā irire ubugorata péunanerā āārīmá. 3 Marī gapu Marīpure bñremurā Īgū merā ōārō siñajārī bokarākoa. Īgūrē bñremumerā gapure āsū ārīdi āārīmī:

Yūre bñremubiri waja Īgūsā merā guabu. Irasirigu Īgūsārē gopepyaro merā āsū ārī werebu: “Yū merā ōārō siñajārī bokabirikuma”, ārīdi āārīmī.\*

I ūmurē iri odo, siñajādi āārīmī. Irasirigu masakadere Īgū merā siñajāburire pídi āārīmī.

4 Gaji āsū ārī gojasūdero āārībú, Īgūya werenírī gojadea pūgue:

I ūmuma āārīpererire iripeo odogu, su mojōma pere gaji mojō peru pērēbejarinurī waaró merā Īgū moārīrē piri, siñajādi āārīmī.\*

5 Īgūrē bñremumerā gapure āsū ārīdi āārīmī doja Īgūya werenírī gojadea pūgue:

Yū merā ōārō siñajārī bokabirikuma, ārīdi āārīmī.\*

6 Iripoegue marā, Īgū masakare tauri kerere pépurorinerā, Īgū dorerire tarinugādea waja Īgū merā ōārō siñajārī bokabirinerā āārīmá. Gajirā gapu Īgūrē bñremurā Īgū merā ōārō siñajārī bokarākuma. 7 Irasirigu Marīpu masakare Īgū merā siñajāburire pígu: “Dapagorare yūre ōārō péka!” ārīdi āārīmī. Israel bumarā Īgū dorerire tarinugādero puru, yoaripoe puru irire Davire gojadedi āārīmī. Irasirigu musārē dupaturi irire weregura doja. Āsū ārī gojadi āārīmī David:

Dapagorare Marīpu musārē weremakū, ōārō péka! Īgūrē péduamerā irirosū āārībirikōāka! ārī gojadi āārīmī.\*

8 Iripoegue David irire gojaburi dupiyuro Josué Israel bumarārē Marīpu Īgūsārē sídea níkūgue āījadi āārīmī. Iro gapure siñajārī bokabirinerā āārīmá. Irasirigu Marīpu Īgūyarārē gaji siñajārī síburire weredi āārīmī. 9 Irasirirā, Marīpu i ūmurē iri odo, Īgū siñajāderosūta marī Īgūyarāde Īgū merā ōārō siñajārī bokarākoa. 10 Marīpu merā siñajārā, marī gāāmerō moārīrē piri, Īgū gāāmerī gapure iripurorirā, Īgū merā ōārō siñajāníkōārākoa, Īgū i ūmumarē iri odo siñajāderosūta. 11 Irasirirā Īgūrē ōārō bñremurō gāāmea, Īgū merā siñajārī bokamurā. Iripoegue marā Īgūrē bñremubiridea waja Īgū merā neō siñajārī bokabirinerā āārīmá. Īgūsā iriderosū iribirikōārō gāāmea marīrē.

12 Marīpuya werenírīrē pérā, Īgū merā ōārō āārīníkōāa. Sareri majī pe gapu usiri majī sareñajārō nemorō Marīpuya werenírī marīya yujupūrārīgue, marī gūñarīgue ñajārokoa. Irasirirā Īgūya werenírīrē pérā, marīya yujupūrārīmarē marī gūñarīdere: “I gapu ōāgorāa, o i gapu ñegorāa”, ārī masīrākoa. 13 Marī masaka āārīpererā Marīpu irinerā dita āārā. Īgū ĩāberogue neō āārībea. Āārīpereri marī āārīrikurire marī iririkurire masīmi. Irasirirā ōārī gūñarī oparā ōārō irirā, Īgū ĩūrō marī irideare, marī gūñadeare weredoremakū, gūyasīrīrō marīrō weremasīrākoa.

*Jesús paía opu nemorō āārīmi, ārī gojadea*

14 Jesús, Marīpu magū, paía opu nemorō marīya āārīburire Marīpure sērēbosagu āārīmi. Īgū Marīpu purogue āārīmi. Irasirirā neō piri marīrō Īgūrē bñremuníkōārā! 15 Jesús

paía opu nemorõ, marĩ turamerãrẽ bopoñarĩ merã ãgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerosũta Jesũdere ããrĩpereri ñerĩrẽ iridoredi ããrĩmĩ. Jesũs gapu ñerĩrẽ neõ iribiridi ããrĩmĩ. <sup>16</sup> Ìgũ marĩya ããrĩburire sërẽbosagu ããrĩmakũ ããrĩ, Marĩpũre gũiri marĩrõ marĩ sërẽmasĩa. Ìgũ ããrĩrõgue Ìgũ merã ããrĩrã irirosũ sërẽmasĩa. Ìgũ marĩrẽ maĩgũ, marĩrẽ bopoñarĩ merã ããrĩ, marĩ ñerõ tariripoere diayeta iritamugũkumi.

## 5

<sup>1</sup> Marĩ ire masĩa. Sugũ paía opu, masaka watope Marĩpũ beyepísũdi ããrĩmi. Masakaya ããrĩburi ããrĩpererire Marĩpũre sërẽbosagu ããrĩmi. Irasirigu Marĩpũre Ìgũsã síduarire síbosagu ããrĩmi. “Ìgũsã ñerĩ iridea waja Ìgũsãrẽ wajamoãbirikõãka!” ãrĩ sërẽgũ, Marĩpũ ããrĩrõ waĩbũre wẽjẽ soepeobosagu ããrĩmi. <sup>2</sup> Paía opu marĩ irirosũta Ìgũ turari merã Ìgũ ñerĩ iriduarire tau kãmutamasĩbemi. Irasirigu pẽmasĩmerãrẽ, ñerõ irirãrẽ bopoñarĩ merã ããrĩmasĩmi. <sup>3</sup> Turabi ããrĩsĩa, gajirãrẽ iribosarosũta Ìgũ basi ñerõ iridea waja Marĩpũ ããrĩrõ waĩbũre wẽjẽ soepeomi.

<sup>4</sup> Neõ sugũ Ìgũ gããmerõ paía opu ñajãmasĩbemi. Marĩpũ gapu Ìgũrẽ beyepĩmi, iripoeguemu Aarõrẽ Ìgũ beyepĩderosũta. <sup>5</sup> Cristode Ìgũ gããmerõ paía opu ñajãbiridi ããrĩmĩ. Marĩpũ Ìgũrẽ Opu pídi ããrĩmĩ. Æsũ ããrĩdi ããrĩmĩ Ìgũrẽ: Yu magũ ããrã mu. Dapagã merã mu, yu magũ ããrĩrĩrẽ masakare masĩmakũ yãa, ããrĩdi ããrĩmĩ.✠

<sup>6</sup> Gajirogue Ìgũya werenĩrĩ gojãdea pũgue Ìgũ magũrẽ Æsũ ããrĩdi ããrĩmĩ: Melquisedec paĩ ããrĩderosũta mu ããrĩnĩkõãgũkoa, ããrĩdi ããrĩmĩ.✠

<sup>7</sup> Cristo i ãmũgue ããrĩgũ, bũro oreri gaguinĩrĩ merã Marĩpũre Ìgũ turari merã Ìgũ boaburire taumasĩgũrẽ sërẽdi ããrĩmĩ. Ìgũ, Marĩpũ gããmerĩ ditare iriduamakũ ããrĩgũ, Ìgũ sërẽrĩrẽ pé, Ìgũrẽ gũñaturamakũ iridi ããrĩmĩ. <sup>8</sup> Cristo, Marĩpũ magũ ããrĩkeregũ, bũro ñerõ taridi ããrĩmĩ. Ñerõ tarikeregũ, Marĩpũ dorerire tarinũgãrõ marĩrõ Ìgũrẽ õãrõ yũjuri merã irire iritariweredi ããrĩmĩ. <sup>9</sup> Ìgũ curusague boagu, ããrĩpereri Marĩpũ Ìgũrẽ iridoredeare iripeodi ããrĩmĩ. Irasirigu ããrĩpererã marĩrẽ Ìgũrẽ yũjurãrẽ taudi ããrĩmĩ, Ìgũ pũro perebiri okari opaburo, ããrĩgũ. <sup>10</sup> Irasirigu Marĩpũ Ìgũrẽ: “Melquisedec paĩ ããrĩderosũta mu ããrĩnĩkõãgũkoa”, ãrĩ pídi ããrĩmĩ, marĩya ããrĩburire sërẽbosabure.

*Jesucristore bũremurĩrẽ piriri, ããrĩrã, Ìgũrẽ gũñaturanĩkõãrõ gããmea, ããrĩ gojãdea*

<sup>11</sup> Cristo paía opu nemorõ ããrĩrĩrẽ wãri werenemodũadãa. Mũsã pẽmasĩturabirimakũ, irire weremasĩbirikoa. <sup>12</sup> Mũsã yoaripoe Cristore bũremubũ. Irasirirã dapagoragũre gajirãrẽ Marĩpũyare buerimasã ããrĩbukoa. Mũsã irasũ ããrĩbonerã, dapagoragũdere neõ buepũrorirã irirosũta ããrĩkõãa. Õpĩkũ mirĩrã, baari baagasĩmerã, majĩrãgã irirosũta ããrĩkõãa. Irasirirã gajirã buerimasã mũsãrẽ buepũrorideare dupaturi buero gããmea. <sup>13</sup> Õpĩkũ mirĩrã majĩrãgã irirosũ ããrĩrãno, “I ñerĩ, i gapu õãrĩ ããrã”, ãrĩ beyemasĩbema. <sup>14</sup> Baari bũriri gapu mũrã baari ããrã. Mũrã ããrĩrãno, õãrõ buenerã, õãrĩrẽ, ñerĩrẽ beyemasĩrãgue ããrĩma.

## 6

<sup>1</sup> Irasirirã mũrã pẽmasĩrã irirosũ Cristoyamarẽ õãrõ pẽmasĩrã dujarã, irire buenemorõ gããmea. Neõgorague Ìgũyare buepũrorirã, marĩ ñerõ irideare bũjawere, gũñarĩ gorawayurire buebũ, Marĩpũ marĩrẽ perebiri peamegue béori, ããrĩrã. Marĩ ñerõ iririkũdeare piri, Marĩpũre õãrõ bũremurĩdere buebũ. <sup>2</sup> Gajidere, deko merã, Õãgũ deyomarĩgũ merã wãiyerire buebũ. Marĩ oparã Ìgũsãya mojørĩ merã marĩrẽ: “Marĩpũ mũrẽ iritamuburo”, ãrĩ ñapeoridere buebũ. Boanerã masãburire, Marĩpũ Cristore bũremumerãrẽ perebiri peamegue wajamoãburidere buebũ. <sup>3</sup> Irasirirã marĩ Cristore bũremurã Ìgũyare buenemowãgãnĩkõãrãkoa, Marĩpũ gããmemakũ Ìgũ iritamurĩ merã masĩnemorã.

✠ 5:5 Sal 2.7 ✠ 5:6 Sal 110.4

<sup>4</sup> Āsū āārā. Masaka Jesucristoya kerere pémasīkererā, Marīpu ĩgūyarārē ōārī sīburire masīkererā, Ōāgū deyomarīgūrē opakkererā, <sup>5</sup> Marīpu ōārī werenírīrē pékererā, i ūmu peredero puru ĩgū turari merā iriburire masīkererā, <sup>6</sup> iri gapure gāāmemerā, neō dupaturi ĩgūsā ñerō irideare bujawereri merā pirimasībirikuma. Neō dupaturi ĩgūsā gūñarīrē ōārī gapu gorawayumasībirikuma. Irasirirā Marīpu yare gāāmebiri waja, Marīpu magū Cristore b̄remumerā, ĩgūrē dupaturi curusague pábiatú wējērā irirosū āārīrākuma. Gajirārē ĩgūrē masaka ĩūrōgue b̄ridamakū irirākuma. <sup>7</sup> Āsū āārā. Marī, su pooema nikū irirosū āārā. Ōārī nikūrē ūm̄rikū deko merēmakū, sibi ñajānako. Irasiriro iri pooe opu otedea ōārō puri dukakukoa. Irasirigu iri pooe opu dukare opakumi ĩgū baaburire. Gajirā iri yebare ōārī dukakumakū ĩārā: “Marīpu ōārō dukakumakū irikumi”, ārīkuma. Irasūta yámi Marīpu ĩgūyare pérārē. Gajirā ĩgūsā ĩgūyare ōārō irimakū ĩārā: “Marīpu ĩgūsārē ōārō iritamumi, irasirirā ōārō yáma”, ārīrākuma. <sup>8</sup> Iri poeere pora, ñerī tá dita puri dukakumakū, béokōārō gāāmea. Irasūta yámi Marīpu ĩgūyare pékererā irimerārē. Perebiri peamegue béogukumi ĩgūsārē wajamoāgū.

*Jesucristore b̄remurīrē piriro marīrō marī ūm̄gasigue waaburire yúro gāāmea, ārī gojadea*

<sup>9</sup> Yū, Marīpu ĩgūsārē béoburire weregu, musārē yū maīrārē: “Īgū béosūmurā āārā”, ārīgū meta yáa. Marīpu musārē Cristo merā taudi āārīmī, ĩgūyarā āārīburo, ārīgū. Irasirirā musā ōārī yebague otedea ōārō dukakurosūta ōārīrē yáa. Irire yū masīa. <sup>10</sup> Marīpu diayema irigu āārīmi. Irasirigu ĩgūyare musā ōārō iririre kātibirikumi. Musā ĩgūrē maīsīā, gajirā ĩgūyarārē iritamurīdere kātibirikumi. <sup>11</sup> Yū, musā okaropa us̄yari merā gajirārē iritamunimakū gāāmea. Irasirirā Marīpu ĩgūyarārē: “Ōārīrē sīgura”, ārīdeare musā yúrire, purague diayeta oparākoa. <sup>12</sup> Irasirigu musā Marīpu yare téri merā irituyamakū gāāmebea. Gajirā Marīpu Jesucristo merā tauri kerere b̄remurā ñerō tarikererā, Marīpore: “Diayeta yure iritamugukumi”, ārī b̄remunikōāma. ĩgūsā irasirimakū ĩāgū, Marīpu ĩgūyarārē: “Ōārīrē sīgura”, ārīdeare ĩgūsārē sīgukumi. Irasirirā musāde ĩgūsārē ĩākūī, ĩgūsā irirosūta iriníkōāka!

<sup>13-14</sup> Iripoegue Marīpu Abrahārē āsū ārī pídi āārīmī: “Diayeta murē ōārīrē irigura yū ārīderosūta. Mu parāmerā āārīturiarārē wārā āārīmakū irigura”, ārī pídi āārīmī. Irasū ārī pígu, ĩgū wāī merā wāīpeodi āārīmī. Gajigu ĩgū nemorō āārīgú neō marīmakū, ĩgū wāī merā wāīpeodi āārīmī. <sup>15</sup> Abraham, Marīpu ĩgūrē ārī pídeare ōārō b̄remurī merā yúdi āārīmī. Irasirigu Marīpu ĩgū ārīderosūta ĩgūrē ōārō iridi āārīmī. <sup>16</sup> Sugu masakū gajirā péuro: “Diayeta ārīgū yáa”, ārīgū, ĩgū nemorō āārīgúya wāī merā wāīpeokumi. ĩgū irasū ārī wāīpeomakū pérā: “Diayeta werekumi”, ārī, ĩgū merā neō guaseomasībirikuma. <sup>17</sup> Irasirigu Marīpu Abrahārē: “Diayeta murē ōārīrē irigura”, ārī pígu, ĩgū wāī merā wāīpeodi āārīmī. Marī ĩgū irasū wāīpeo weredeare pérā: “Īgū ārīderosūta diayeta irigukumi”, ārī masīa. “Īgū ārīdeare neō gorawayubirikumi”, ārī masīa. Irasirigu irire marīrē ōārō masīburo, ārīgū, Abrahārē ārī pídeare weregu, ĩgū wāī merā wāīpeodi āārīmī. <sup>18</sup> Marīpu neō ārīkatobi āārīmī. Irasirigu ĩgū ārī pídea merā, ĩgū wāīpeodea merā, ĩgū ārīdea neō gorawayubiriburire marīrē masīmakū iridi āārīmī. Marī irasirigure masīrā, marī ñerō irideare piri, ĩgū marīrē taaburire gūñaturari merā yú. “Irasūta irigukumi”, ārī masīa. <sup>19</sup> Irasirigu Marīpu marīrē ĩgū ōārō iriburire yúrārē ūm̄gasigue ĩgū merā āārīmakū irigukumi. ĩgū turatarigu āārīsīā, irire diayeta irigukumi. Irire ōārō masīa marī.

Āsū āārā. Sugu paía opu Marīpu āārīrī taribu poekague ñajāgū, iri taribu makāpuro kāmūtari gasiro tariñajāmi. Irasū ñajāgū, masakaya āārīburire sērēbosami Marīpore. <sup>20</sup> Marīpu āārīrī taribugorogue ñajārōsū Jesús ūm̄gasigue Marīpu āārīrōgue ñajādi āārīmī. Marī iroque ñajāburi dupiyuro ñajāsiadi āārīmī, paía opu nemorō Marīpore marīya āārīburire sērēbosaníkōābu. Melquisedec paí āārīderosūta āārīnókōāgukumi.

## 7

*Melquisedec paí ããrĩderosũta Jesũs ããrĩmi, ãrĩ gojadea*

<sup>1</sup> Iripoegue Melquisedec wãikũgũ Salem\* wãikũri makã marã opũ ããrĩdi ããrĩmĩ. Ĩgũ paí ããrĩgũ, masakaya ããrĩburire Marĩpũre ããrĩpererãrẽ doregũre sãrẽbosagũ ããrĩdi ããrĩmĩ. Abraham gajirã oparãrẽ wẽjẽ tarinũgãgũ ejadi goedujãamakũ, Melquisedec ĩgũrẽ bokatĩrĩgũ waadi ããrĩmĩ. Ĩgũrẽ bokatĩrĩgũ, Marĩpũre: “Gũapũ, ĩrẽ õãrõ irika!” ãrĩ sãrẽbosadi ããrĩmĩ. <sup>2</sup> Abraham gajirã oparãrẽ wẽjẽ tarinũgãsĩã, ĩgũsãya ããrĩdeare ãĩadi ããrĩmĩ. Irasirigũ ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. “Melquisedec”, ãrĩrõ: “Opũ diayeta irigũ”, ãrĩduaro yãa. Ĩgũ Salem marãrẽ doregũ ããrĩdi ããrĩmĩ. Ĩgũyarãrẽ õãrõ siñajãrĩ merã ããrĩmakũ iridi ããrĩmĩ. Irasiriro: “Salem”, ãrĩrõ: “Siñajãrĩ”, ãrĩduaro yãa. <sup>3</sup> Melquisedec pagũsãmarãrẽ, ĩgũ ñekũsãmarãrẽ ĩgũsã were gojatũdea neõ mãa. Ĩgũ deyoadeare, ĩgũ boadeare, ĩgũrẽ gorawayubure were gojatũdea neõ mãa. Irasirigũ ĩgũ, Marĩpũ magũ Jesucristo paí ããrĩnĩkõãgũ irirosũ ããrĩdi ããrĩmĩ.

<sup>4</sup> Irasirirã Melquisedere gũñaka! Ubu ããrĩgũ meta ããrĩdi ããrĩmĩ. Marĩ ñekũ Abraham marĩya bumũ ããrĩpũroridi ããrĩkeremakũ, Melquisedec, Abraham nemorõ ããrĩdi ããrĩmĩ. Irasirigũ Abraham Melquisedere, gajirã oparãrẽ wẽjẽ tarinũgãsĩã, ĩgũsãya ããrĩdea ãĩadeare pe mojõma buri dukawa pí, subu sĩdi ããrĩmĩ. <sup>5</sup> ãsũ ããrã. Moisés dorederosũta ããrĩpererã gajirã Israel bumarã ĩgũsãyare, Levĩ parãmerã ããrĩturiarãrẽ paía ããrĩrãrẽ keoro sĩma. Abraham Levĩya bumarã ñekũ ããrĩdi ããrĩmĩ. Ĩgũ ããrĩpererã gajirã Israel bumarã ñekũ ããrĩdi ããrĩmĩ. Ĩgũ, ĩgũsã ñekũ ããrĩdi ããrĩkeremakũ, ĩgũsã gapũ Moisés dorederosũta irirã, Levĩ parãmerã ããrĩturiarã ditare sĩma. <sup>6</sup> Melquisedec gapũ Levĩ parãmi ããrĩturiagu ããrĩbiridi ããrĩmĩ. Abraham gapũ Marĩpũ: “Õãrõ irigũra”, ãrĩ písũdi ããrĩkeregũ, Melquisedere sĩdi ããrĩmĩ. Irasirigũ Melquisedec Abrahãrẽ: “Marĩpũ mũrẽ õãrõ iriburo”, ãrĩdi ããrĩmĩ. <sup>7</sup> Irasirirã marĩ ire masĩa. Melquisedec Abrahãrẽ: “Marĩpũ mũrẽ õãrõ iriburo”, ãrĩgũ, Abraham nemorõ ããrĩdi ããrĩmĩ. <sup>8</sup> Gajire masĩa. Paía, marĩ watope ããrĩrã, marĩ irirosũta masaka ããrĩma. Irasirirã boamurãta ããrĩma. Moisés dorederosũta irirãno, ĩgũsãyare pe mojõma buri oparire subu sĩma paĩare. Abraham Melquisedere sĩgũ, ããrĩnĩgũ irirosũ ããrĩgũrẽ sĩdi ããrĩmĩ. Marĩpũya werenĩrĩ gojadea pũgue Melquisedere: “Boakõãdi ããrĩmĩ”, ãrĩ gojadea neõ mãa. <sup>9-10</sup> Masaka Moisés dorederosũta irirã, ĩgũsãyare pe mojõma buri oparire subu sĩma, Levĩ parãmerã ããrĩturiarãrẽ paĩare. Iripoegue Levĩ deyoaburi dupiyuro Melquisedec Abrahãrẽ bokatĩrĩgũ waadi ããrĩmĩ. Ĩgũ bokatĩrĩmakũ, Abraham ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. Levĩ, Abraham parãmi ããrĩdi ããrĩmĩ. Ĩgũ parãmerã ããrĩturiarãde Abraham parãmerãta ããrĩnerã ããrĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ããrĩnerã ããrĩmã. Irasirigũ Melquisedec ĩgũsã nemorõ ããrĩdi ããrĩmĩ.

<sup>11</sup> Marĩpũ Israel bumarãrẽ ĩgũ dorerire pígu, Aarõn parãmerã ããrĩturiarã Levĩya bumarãrẽ: “Paía ããrĩma”, ãrĩ pídi ããrĩmĩ. Irasirirã ĩgũ dorederosũta paía waimũrãrẽ wẽjẽ soepeo, Marĩpũre masakaya ããrĩburire sãrẽbosanerã ããrĩmã. Ĩgũsã irasiridea gapũ masakare Marĩpũ ĩũrõ õãrã waamakũ irimasĩbea. Irasirigũ Marĩpũ ĩgũsãrẽ gorawayubure Cristore iriudi ããrĩmĩ, paí ããrĩbure, marĩrẽ õãrã ããrĩmakũ iribure. Cristo gapũ Levĩya bumũ, Aarõn parãmi ããrĩturiagu ããrĩbemi. Melquisedec ããrĩderosũta paí ããrĩmi.

<sup>12</sup> Irasirigũ Marĩpũ Cristore paĩare gorawayubure iriugu, ĩgũ iripoegue dorededere gorawayudi ããrĩmĩ. <sup>13-14</sup> Marĩpũ ĩgũ iripoegue dorederosũta Levĩya bumarã ditare paía sóounadi ããrĩmĩ. Marĩ Opũ Jesucristo gapũ Israel bumũ ããrĩkeregũ, Levĩya bumũ meta ããrĩmi. Judãya bumũ ããrĩmi. Marĩpũ Moisére ĩgũ dorerire pígu, neõ Judãya bumarãrẽ: “Paía ããrĩrãkuma”, ãrĩbiridi ããrĩmĩ. Irire masĩa marĩ.

\* 7:1 Salem wãikũri makã, Jerusal'eta ããrĩyuro.



<sup>15</sup> Irire masĩrã, idere õãrõ pémasĩa. Cristo, Marĩpu paĩ sóodi, gajirã paĩare gorawayugu, Melquisedec irirosũ ããrĩgũ ããrĩmi. <sup>16</sup> Marĩpu iripoegue dorederosũta Levĩya bumarã dita paĩa ñajãunanerã ããrĩmã. Jesucristo gapu Marĩpu pídi gajirã paĩa irirosũ paĩ ñajãbiridi ããrĩmĩ. Marĩpu turari merã ããrĩnĩgũ ããrĩsĩã, paĩ ñajãdi ããrĩmĩ. <sup>17</sup> Marĩpu ĩgũ werenĩrĩ gojadea pũgue ĩgũ magũrẽ irire ãsũ ãrĩdi ããrĩmĩ:

Melquisedec paĩ ããrĩderosũta mu ããrĩnĩkõãgũkoa, ãrĩdi ããrĩmĩ.\*

<sup>18</sup> Marĩpu Moisére doreri pípuroridea marĩrẽ Marĩpu merã õãrõ ããrĩmakũ irimasĩbea. Irasirigu Marĩpu iri dorerire bojepikõãdi ããrĩmĩ. <sup>19</sup> Marĩpu Moisére doreri pídea merã marĩ ĩgũ ĩũrõ õãrã neõ ããrĩmasĩbea. Irasirigu Marĩpu Jesucristo merã marĩrẽ õãrã ããrĩmakũ iriburire pídi ããrĩmĩ. Irasirirã marĩ Cristore buremurã, Marĩpu purogue ñajãrã irirosũ ĩgũrẽ diayeta sërẽmasĩa.

<sup>20</sup> Marĩpu Cristore paĩ sóogu: “Yu wãĩ merã murẽ wãĩpeo píã”, ãrĩdi ããrĩmĩ. <sup>21</sup> Gajirã paĩa gapure ĩgũ wãĩ merã wãĩpeo píbiridi ããrĩmĩ. Cristo gapure wãĩpeo, paĩ pídi ããrĩmĩ. ãsũ ãrĩ weredi ããrĩmĩ Marĩpu Cristore:

Yu, mu Opu ããrã. Irasirigu yu wãĩ merã murẽ wãĩpeogu, diayeta werẽgura.

Irasirigu neõ gorawayuro marĩrõ murẽ ãsũ ãrĩ werea: “Melquisedec paĩ ããrĩderosũta mu ããrĩnĩkõãgũkoa”, ãrĩdi ããrĩmĩ Marĩpu ĩgũ magũrẽ.\*

<sup>22</sup> Marĩpu irasũ ãrĩ weregu, ĩgũ Jesucristo merã marĩrẽ õãrã ããrĩmakũ iriburire pídi ããrĩmĩ. Iri ĩgũ Moisére doreri pípuroridea nemorõ, marĩ õãrõ ããrĩburire pídea ããrã.

<sup>23</sup> ããrĩpurorinerã paĩa boamakũ, gajirã gorawayu ñajãnerã ããrĩmã doja. Irasirirã wãrã paĩa ñajãnanerã ããrĩmã. <sup>24</sup> Jesús gapu irasũ ããrĩnĩkõãmi. Irasirirã ĩgũrẽ gorawayurã paĩa neõ máma. <sup>25</sup> Irasirigu Marĩpure marĩya ããrĩburire sërẽbosanĩkõãmi. Marĩpure masĩrãno, Jesúre buremurã ããrĩma. Irasirigu ããrĩpererã marĩrẽ ĩgũrẽ buremurãrẽ taumasĩmi, Marĩpu merã õãrõ ããrĩnĩkõãburo, ãrĩgũ.

<sup>26</sup> Irasirigu Jesús paĩa opu nemorõ, ããrĩpereri marĩya ããrĩburire keoro iritamugũ ããrĩmi. ĩgũrẽta marĩ buro gããmea. ĩgũ õãtarigu, neõ ñerĩrẽ iribi, ñerĩ opabi ããrĩmi. Irasirigu Marĩpu ĩgũrẽ ñerã watope ããrĩdire ãĩ, umugasigue ããrĩpererã gajirã nemorõ Opu pídi ããrĩmĩ. <sup>27</sup> Gajirã paĩa oparã irirosũ ããrĩbemi. ĩgũsã gapu umurĩku waimurãrẽ wẽjẽ soepeo sërẽbosama, Marĩpure masaka ñerĩ iridea waja ĩgũsãrẽ wajamoãbirikõãburo, ãrĩrã. Paĩade ĩgũsã ñerĩ iridea waja Marĩpu ĩũrõ ĩgũsã basi waimurãrẽ wẽjẽ soepeopurorima. Puru gajirã ñerĩ ĩgũsã iridea waja waimurãrẽ wẽjẽ soepeobosama. Umurĩku irasirinama. Jesús gapu paĩa opu nemorõ ããrĩgũ, marĩ ñerĩ iridea waja waimurãrẽ wẽjẽ soepeobiridi ããrĩmĩ. Suñarõta marĩ ããrĩpererãrẽ boabosadi ããrĩmĩ, marĩ ñerĩ iridea wajare taugu.

<sup>28</sup> Marĩpu Moisére doreri pídea merã paĩa oparã sóosũma. ĩgũsã irasũ sóosũkererã, õãrĩ ditare irimerã ããrĩma. Iri dorerire pídero puru, Marĩpu ĩgũ magũ gapure ĩgũ wãĩ merã wãĩpeo, paĩa opu nemorõ sóodi ããrĩmĩ. Irasirigu ĩgũrẽ sóogu, ĩgũ gããmerõsũta õãrĩ iripeogu ããrĩnĩmakũ iridi ããrĩmĩ.

## 8

### *Jesús marĩya ããrĩburire Marĩpure sërẽbosagu ããrĩmi, ãrĩ gojadea*

<sup>1</sup> ããrĩpereri yu musãrẽ wererire pérã, ire õãrõ pémasĩka! Jesucristo paĩa opu nemorõ ããrĩgũ umugasigue Marĩpu turatarigu diaye gapu doami ĩgũrẽ marĩya ããrĩburire sërẽbosabu. <sup>2</sup> Umugasigue marĩ Opu iridea wii ĩgũya wiigora ããrã. Iri wii, masaka iridea wii meta ããrã. Irasirigu Jesucristo irogue marĩya ããrĩburire Marĩpure sërẽbosagu, iri wiigueta sërẽbosami. <sup>3</sup> Marĩpu i nikũ marã paĩa oparãrẽ sóogu, ĩgũ ĩũrõ waimurãrẽ wẽjẽ soepeomurãrẽ, gajino ĩgũrẽ sĩmurãrẽ sóomi. Irasirigu Jesucristode ĩgũsã Marĩpure gajino sĩrã irirosũ irigu, ĩgũ basi marĩrẽ boabosadi ããrĩmĩ. <sup>4</sup> Jesucristo i nikũgue ããrĩgũ, paĩ ããrĩbiribukumi. Gajirã paĩa Moisés dorederosũta Marĩpu ĩũrõ ĩgũrẽ gajinorẽ sĩrã ããrĩsiamã.

<sup>5</sup> I nikū marā paía Marĩp̄ya wiigüe ãgũ ãũrõ moãma. Iri wii i nikũma wii ããrã. Marĩp̄ya wiigora ãmũgasigüe ããrã. Irasiriro Marĩp̄ya wii i nikũma wii, ãmũgasima wii keori ããrã. Moisés i nikũma wiire iriburo dupiyuro Marĩp̄ ãsũ ãrĩdi ããrĩmĩ ãgũrẽ: “Yũ mũrẽ ãtãũgüe ãmuderosũta yaa wiire irigũkoa. Yũ dorederosũta yaa wiire keoro irika!” ãrĩdi ããrĩmĩ.

<sup>6</sup> Jesús gapũre: “Paía opũ nemorõ ããrã mũ”, ãrĩ pídi ããrĩmĩ. Irasiriro Jesús ãmũgasigüe paí moãrĩ, i nikū marā paía moãrĩ nemorõ õãrĩ ããrã. Iripoegüe Marĩp̄ masakare: “Moisére yũ doreri pídeare iripeorãrẽ õãrõ irigũra”, ãrĩ werepĩdi ããrĩmĩ. Pũrũ Jesucristore iriugũ: “ãgũrẽ bũremurãrẽ yũ merã õãrã ããrĩmakũ irigũra”, ãrĩ werepĩdi ããrĩmĩ. Irasiriro ãgũ iripoegüe werepĩdea nemorõ õãrĩ ããrã. Irasirigũ Jesucristo Marĩp̄ merã marĩ õãrõ ããrĩburire ãmubosagũ ããrĩsã, paía opũ nemorõ ããrĩmĩ.

<sup>7</sup> Moisére Marĩp̄ doreri pídea, marĩrẽ Marĩp̄ merã õãrõ ããrĩmakũ iribiridero ããrĩbũ. Iri doreri marĩrẽ õãrõ irimakũ tamerãrẽ Marĩp̄ dupaturi gajĩ werepĩbiribodi ããrĩmĩ.

<sup>8</sup> ãgũyarã, Israel bumarã ãgũ doredeare iribiri waja ãgũsãrẽ ãsũ ãrĩdi ããrĩmĩ ãgũya werenĩrĩ gojadea pũgüe:

Yũ mũsã Opũ, ãsũ ãrã: “Õãrõ péka! Mũsã Israel bumarãrẽ, Judãya bumarãdere pũrũguere gajĩ maama werepĩgũkoa.

<sup>9</sup> Iri, yũ mũsã ñekũsãmarãrẽ iripoegüe werepĩdea irirosũ neõ ããrĩbirikoa. Yũ basi ãgũsãrẽ Egipto nikũgüe ããrĩrãrẽ õãrõ koreri merã wiubũ. Wiu: ‘Yũ dorerire irimakũ, mũsãrẽ õãrõ irigũra’, ãrĩ werepĩbũ. Yũ irasũ ãrĩdeare ãgũsã gapũ tarinũgãma. ãgũsã tarinũgãrĩ waja ãgũsãrẽ béobũ, ãgũsã gããmerõ iriburo, ãrĩgũ.

<sup>10</sup> Irasirigũ pũrũguere Israel bumarãrẽ ãsũ ãrĩ weregũra: Yũ dorerire ãgũsãrẽ gũña pémasĩmakũ irigũkoa. Yũ dorerire ãgũsãrẽ iridũamakũ irigũkoa. Irasirigũ yũ, ãgũsã Opũ ããrĩgũkoa. ãgũsã, yaarã yũ ditare bũremurã ããrĩrãkuma.

<sup>11</sup> Neõ sugũ ãgũyarãrẽ ãgũ merãmarãrẽ, ãgũ pagũpũrãrẽ: ‘Marĩ Opũre masĩka mũsã!’ ãrĩ buebirikuma. ããrĩpererã yũre masĩrãkuma. Majĩrã, irasũ ããrĩmakũ mũrã yũre masĩrã dita ããrĩrãkuma.

<sup>12</sup> Irasirigũ ãgũsã ñerĩ irideare kãtigũkoa. ãgũsã ñerĩ irideare neõ gũñanemobirikoa. ãgũsãrẽ wajamoãbirikoa”, ãrĩdi ããrĩmĩ Marĩp̄ Israel bumarãrẽ.\*

<sup>13</sup> Irasũ ãrĩ weregũ, maama werepĩri merã iripoegüe ãgũ masakare werepĩpũrorideare peremakũ iridi ããrĩmĩ. Gajino bũgũre béo gorawayurosũ, maama merã ãgũ werepĩpũrorideare gorawayudi ããrĩmĩ.

## 9

### *Marĩp̄re bũremurĩ wiimarẽ gojadea*

<sup>1</sup> Iripoegüe Marĩp̄ Moisére ãgũ dorerire pípũrorigũ, masaka ãgũrẽ bũremuburidere pídi ããrĩmĩ. Irasirigũ ãgũsãrẽ ãgũrẽ bũremuburi wii i nikũma wiire iridoredi ããrĩmĩ.

<sup>2</sup> Iri wii waimũrã gasiri merã ãgũsã iridea wii, pe taribu opari wii ããrĩdero ããrĩbũ.

Ñajãnũgãpũroriri taribu Marĩp̄ya taribu wãĩkũdero ããrĩbũ. Iri taribure sãgõri yuku peodi, irasũ ããrĩmakũ baari peyaro ããrĩdero ããrĩbũ. Iri peyaro weka Marĩp̄ ãũrõ pã duparu peyadero ããrĩbũ. <sup>3</sup> Iri taribu korema taribu surĩro gasiro merã kãmutadea taribu ããrĩdero ããrĩbũ. Iri taribu Marĩp̄ ããrĩrĩ taribugora wãĩkũdero ããrĩbũ. <sup>4</sup> Iri taribugüe ñajãrõ pũro sũrõrĩ soemurõ oro merã iridero ããrĩdero ããrĩbũ. Iri taribu poekagüe oro merã õmabiadea kũma, Marĩp̄ ãgũ doreri gojadea ãtã majĩrĩ opari kũma ããrĩdero ããrĩbũ. Gajĩ soro oro merã iridea soro Marĩp̄ masakare ejodea manã wãĩkũri poga oparisoro, irasũ ããrĩmakũ Aarõyagũ tuadi ñasãtuadi iri kũmagüe ããrĩdero ããrĩbũ.

<sup>5</sup> Marĩp̄ iri kũma bũhari majĩ weka pãrã ãgũrẽ wereboerã kãdũpũrikũrã keori weadea merã ãgũ iri taribugüe ããrĩrĩrẽ ãmudi ããrĩmĩ. ãgũsãya kãdũpũri merã iri kũma bũhari majĩrẽ sãrẽ kãmutadero ããrĩbũ. Iri bũhari majĩ, Marĩp̄ masakare: “ãgũsã ñerõ iridea

\* 8:12 Jer 31.31-34

waja wajamoãbirikoa”, ãrĩdeare keori ããrĩdero ããrĩbú. Dapagorare ããrĩpereri iri wiimarẽ werenemomasĩbirikoa.

<sup>6</sup> Iri wiimarẽ ãmu ododero pũũ, ãmũrikũ paía ããrĩpũroriri taribure ñajãunanerã ããrĩmã Marĩpũ iũrõ ãgũsã moãrĩrẽ irirã. <sup>7</sup> Paía opũ dita gaji taribuguere ñajãunadi ããrĩmĩ. Bojorikũ iri taribuguere suñarõta waimũrã díre ãi ñajãunadi ããrĩmĩ. Dí marĩrõ neõ ñajãbiridi ããrĩmĩ. ãgũ basi ñerĩ iridea waja, irasũ ããrĩmakũ masaka ãgũsã masĩña marĩrõ ñerõ iridea waja iri díre ãi ñajãdi ããrĩmĩ, Marĩpũre: “Wajamoãbirikõãka gũare! Gũa ñerõ irideare kãtika!” ãrĩ sãrẽgũ. <sup>8</sup> I ããrĩpereri merã Õãgũ deyomarĩgũ marĩrẽ ire pãmasĩmakũ yãmi. Iri wii ããrĩdeapoe masaka Marĩpũre bũremurã, ãgũ ããrĩrĩ taribugue ñajãbirinerã ããrĩmã. <sup>9</sup> I ããrĩpereri Marĩpũ ãgũrẽ bũremurĩ wiimarẽ pídeare marĩ buesĩã: “Dapagoraguere marĩ ãgũrẽ bũremurĩ ãsũ ãrĩdũaro yãa”, ãrĩ pãmasĩã. Iro dupiyuro paía gajino Marĩpũre sĩrĩ, waimũrãrẽ wẽjẽ soepeori, masakare: “Marĩpũ iũrõ waja opamerã ããrã gũa”, neõ ãrĩ masĩmakũ iribiridero ããrĩbú. <sup>10</sup> ãsũ ããrã. Marĩpũ Moisére doreri pídea ãgũ masakare baadoreri, iirĩdoreri, ãgũ iũrõ koedoreri dita ããrã. ãgũsãya yũjũpũrãrĩma ããrĩbea. Irasiriro iri doreri marĩrẽ õãrã waamakũ iribeã. Marĩpũ iri dorerire masaka ãgũsã iriburire pídi ããrĩmĩ. Irire Jesucristo merã gorawayuburo dupiyuro pídi ããrĩmĩ.

<sup>11</sup> Cristo gapũ paía opũ nemorõ ããrĩgũ aarisiadi ããrĩmĩ. Irasirigũ ãgũ boadeã merã marĩrẽ õãrõ iridi ããrĩmĩ. Marĩpũ iũrõ marĩ ñerĩ iridea wajare peredoregũ, Marĩpũ ããrĩrõgue ãmũgasima wiigũ ñajãdi ããrĩmĩ. I nikũma wiire ñajãbiridi ããrĩmĩ. ãmũgasima wii, i nikũma wii nemorõ õãtariri wii, masaka iridea wii meta ããrã. <sup>12</sup> Irasirigũ Cristo, Marĩpũ ããrĩrõgue ãmũgasima wiigũ suñarõta ñajãdi ããrĩmĩ. Irogue ñajãgũ, paía oparã i nikũma wiigũ Marĩpũ ããrĩrĩ taribuguere cabraya díre, wekũa majĩrãya díre ãi ñajãderosũ ãi ñajãbiridi ããrĩmĩ. ãgũ basi marĩ ñerĩ iridea waja boagũ, ãgũya dí merã Marĩpũ ããrĩrõgue ñajãdi ããrĩmĩ, marĩrẽ Marĩpũ merã õãrõ ããrĩnikõãburo, ãrĩgũ. <sup>13</sup> Paía oparã cabraya, wekũaya dí merã, wekũgo majĩgõrẽ ãgũsã soeidea nitĩ merã masakare ãgũsã ñerĩ iridea waja Marĩpũya wiigũ ñajãmasĩmerãrẽ wẽãsiripeoma. ãgũsãrẽ wẽãsiripeomakũ, Marĩpũ iũrõ ñerĩrẽ opamerã duja, Marĩpũya wiigũ dupaturi ñajãmasĩma doja. <sup>14</sup> Paía oparã wekũaya dí merã, cabraya dí merã masakare iritamuma. Cristo gapũ ãgũsã nemorõ ãgũya dí merã marĩrẽ õãrõ iritamutarigũ yãmi. ãgũ ñerĩ marĩgũ, Õãgũ deyomarĩgũ ããrĩnĩgũ iritamurĩ merã ãgũ basi Marĩpũre wiadi ããrĩmĩ curusague boabu. Paía waimũrã Marĩpũre wia, ãgũ iũrõrẽ soepeorosũ ãgũ basi irasũ wiadi ããrĩmĩ. Irasirigũ marĩrẽ Marĩpũ merã neõ õãrõ ããrĩbonerãrẽ taudi ããrĩmĩ, Marĩpũ okanĩgũ dorerire õãrõ irimasĩburo, ãrĩgũ. Irasirigũ marĩ gũñarĩgue: “Marĩpũ gũare wajamoãgũkumi gũa ñerõ iridea waja”, ãrĩ gũñarĩkũnemobirimakũ iridi ããrĩmĩ.

<sup>15</sup> Irasirigũ Jesucristo, Marĩpũ ãgũ beyenerãrẽ maama werepĩderosũta iridi ããrĩmĩ marĩrẽ taubu. Marĩrẽ taugũ, Marĩpũyarã ãgũ merã õãrõ ããrĩnĩmakũ iridi ããrĩmĩ. Irasirirã Marĩpũ ãgũyarãrẽ sĩburire oparãkoa. Moisés doreri dita ããrĩmakũ, marĩ ñerĩ iridea waja, waja oparã dita ããrĩbukoa dapa. Cristo marĩrẽ curusague boabosadi ããrĩmĩ, marĩ ñerĩ iridea waja, waja opabonerãrẽ taubu. <sup>16-17</sup> ãsũ ããrã. Sugũ masakũ ãgũ boaburo dupiyuro ãgũyarãrẽ: “Yũ opari mũsãrẽ dujarokoa”, ãrĩkumi. Irasirigũ ãgũ boaburo dupiyuro sĩbirikumi dapa. ãgũ boadero pũũ, ãgũyarãrẽ: “Mũsãrẽ dujarokoa”, ãrĩderosũta ãgũ opadeare ãĩkuma.

<sup>18</sup> Irasiriro Marĩpũ masakare: “ãsũ irigũra”, ãrĩ werepĩpũrorideã, waimũrãrẽ wẽjẽ, ãgũsãya dí béoro marĩrõ wajamarĩdero ããrĩbú. Waimũrãrẽ wẽjẽ, ãgũsãya díre béodero pũũ, Marĩpũ dorerire diayeta irinerã ããrĩmã. <sup>19</sup> Irasirigũ Moisés, Marĩpũ ãgũ doreri pídeare masakare werepeodi ããrĩmĩ. Pũũ cabraya díre, wekũa majĩrãya díre deko merã morẽdi ããrĩmĩ. Morẽ odo, hisopo wãĩkũdi dupũ merã oveja poarire diari merã ñimudeã merã tũrãdi ããrĩmĩ. Iri dupũ merã díre yosa, Marĩpũ dorerire ãgũ gojadeã pũ weka, ããrĩpererã masaka wekadere wẽãsiripeodi ããrĩmĩ. <sup>20</sup> Pũũ ãgũsãrẽ ãsũ ãrĩdi ããrĩmĩ: “Marĩpũ marĩrẽ

Īgū doreri pídea, i dí merā diaye āārīmakū masīa. I díre ĩārā, diayeta ĩgū ārīderosūta ĩgū marīrē iriburire masīa. Irasirigū Marīpū: “Yū dorerire ōārō irika!” ārīmi”, ārīdi āārīmí Moisés. <sup>21</sup> Pūpū masakare ĩgū iriderosūta Marīpūre būremurī wii wiamurā gasiri merā ĩgūsā iridea wiire, āārīpereri iri wiigue āārīrīdere wēāsiripeodi āārīmí. <sup>22</sup> Āsū āārā. ĩgū dorederosūta Marīpūre būremurī wiimarē dí merā wēāsirimakū, Marīpū irire: “Yū ĩūrō ōārī āārā”, ārī ĩādi āārīmí. Irasū wēāsiribirimakū: “Ōārī āārā”, ārī ĩābiribodi āārīmí. Irasirigū dí béoro marīrō, marī űerī iridea wajare marīrē kātimasībirikumi.

*Jesucristo, ĩgū boari merā marī űerō iridea wajare taudi āārīmí, ārī gojadea*

<sup>23</sup> Irasirirā i nikūma wiire, iri wiigue āārīrīdere paía: “Marīpū ĩūrō ōārī āārā”, ārīrā, waimurā dí merā wēāsiripeonerā āārīmá. I nikūma wii, ũmugasima wii keori dita āārīdero āārībú. Irasiriro ũmugasima wiire, iri wiigue āārīrīdere: “Marīpū ĩūrō ōārī dita āārā”, ārī, waimurā dí nemorō Cristoya dí merā wēāsiripeoro gāāmea. <sup>24</sup> Irasirigū Cristo marīya āārīburire Marīpūre sērēbosagū, Marīpūre būremurī wii masaka iridea wiire űajābiridi āārīmí. Iri wii, ũmugasima wii keori āārīdero āārībú. Marīpūya wiigora ũmugasigue āārā. Irasirigū Cristo ũmugasima wiigue űajādi āārīmí, Marīpū ĩūrō marīya āārīburire sērēbosabu.

<sup>25</sup> Bojorikū sugū paía opū i nikūma wiigue, Marīpū āārīrī taribugue waimurā dí merā űajānadi āārīmí. Cristo gapū marīrē boabosagū, suñarōta ũmugasima wiigue, Marīpū āārīrōgue ĩgūya dí merā űajādi āārīmí. <sup>26</sup> Paía opū dí merā űajānaderosū irigū, i ũmū āārīűgādeapoegueta boa, masādi tamerā irasūta boa, masānīkōābodi āārīmí. Suñarōta i ũmū pererīnū ejaburi dupiyuro i nikūguere deyoadi āārīmí, ĩgū suñarōta boari merā marī āārīpererā űerī iridea wajare béobu. <sup>27</sup> Āārīpererā marīde suñarōta boarākoa. Marī boadero pūpū, Marīpū ĩgū ĩūrōrē marīrē nídoregukumi ĩgūrē būremurārē ōārō iri, ĩgūrē būremubirinerārē wajamoābu. <sup>28</sup> Marī suñarōta boarosū, Cristode suñarōta boadi āārīmí. Irasirigū ĩgū boari merā wārā masaka űerō iridea wajare béobosadi āārīmí. Irasiri odo, ũmugasigue mūrīa, pūpū i nikūgue dupaturi aarīgukumi doja. Irasū aarīgú, masaka űerō iridea wajare béogū aarīgú meta irīgukumi. ĩgūrē ũsuyari merā yūrārē taugū aarīgukumi, ũmugasigue ĩgū merā āārīburo, ārīgū.

## 10

<sup>1</sup> Marīpū Moisére ĩgū doreri pídea, pūpūgue ĩgū Cristo merā masakare ōārō iriburi keori dita āārīdero āārībú. Cristo masaka űerī iridea wajare béodi āārīmí. Marīpū Moisére doreri pídea gapū ĩgūsā űerī iridea wajare béomakū irimasībiridero āārībú. Irasiriro iri dorederosūta paía bojorikū Marīpū ĩūrō waimurārē wējē soepeorire irinakeremakū, masaka űerī iridea wajare béomakū irimasībiridero āārībú. ĩgūsārē Marīpū ĩūrō ōārā āārīmakū irimasībiridero āārībú. <sup>2</sup> Iri doreri masakare ōārā āārīmakū irimasīmakū, suñarōta waimurā wējē soepeori merāta ĩgūsā űerī iridea wajare béosūbonerā āārīmá. “Waja opamerā āārā”, ārī gūñabonerā āārīmá. Irasirirā, Marīpū ĩūrō ĩgūsā waimurā wējē soepeorire pirikōābonerā āārīmá. <sup>3</sup> Āsū gapū āārīdero āārībú. Marīpū, bojorikū ĩgūsā waimurārē wējē soepeodea merā ĩgūsā űerō irideare gūñamakū iridi āārīmí. <sup>4</sup> Irasirirā wekūaya dí, cabraya dí merā marī űerī iridea wajare neō béomasībea.

<sup>5</sup> Irasirigū Cristo i nikūguere aariburo dupiyuro ĩgū Pagure āsū ārīdi āārīmí: Mū ĩūrō ĩgūsā waimurārē wējē soepeorire, gajino ĩgūsā mūrē sīrīdere gāāmebea. Irasirigū yūre dupūkūgu deyoamakū irīgukoa, ĩgūsā űerō iridea waja ĩgūsārē boabosadoregū.

<sup>6</sup> Masaka ĩgūsā űerō irideare kātidoreduarā, mū ĩūrō ĩgūsā waimurārē wējē soepeorire, gajino ĩgūsā mūrē sīrīdere ũsuyari merā ĩābea.

<sup>7</sup> Irasirigũ yũ ãsũ ãrĩbũ: “Mũ, yũ Opũ ããrã. Irasirigũ mũya werenĩrĩ gojadea pũgue gojaderosũta mũ gããmerĩrẽ irigũ waagũra”, ãrĩdi ããrĩmĩ Cristo ĩgũ Pagũre.✠

<sup>8</sup> Irire ãrĩgũ, ire ãrĩpũroridi ããrĩmĩ Marĩpũre: “Mũ ĩũrũ ĩgũsã waimũrãrẽ wẽjẽ soepeorire, gajino ĩgũsã mũrẽ sĩrĩdere gããmebea. ĩgũsã irasũ iririre usũyari merã ĩãbea”, ãrĩdi ããrĩmĩ Marĩpũ dorederosũ ĩgũsã irikeremakũ. <sup>9</sup> Pũrũ ãsũ ãrĩnemodi ããrĩmĩ: “Mũ, yũ Opũ ããrã. Irasirigũ mũ gããmerĩrẽ irigũ waagũra”, ãrĩdi ããrĩmĩ. Irasirigũ Marĩpũ ĩgũ masakare waimũrãrẽ wẽjẽ soepeodoredeare bẽodi ããrĩmĩ. Irire bẽogũ: “Cristo boari merã gapũ masakare ĩgũsã ñerĩ iridea wajare taugũra”, ãrĩ werepĩdi ããrĩmĩ. <sup>10</sup> Jesucristo, Marĩpũ gããmederosũta ĩgũ basita Marĩpũre wiadi ããrĩmĩ, marĩ ããrĩpererãrẽ suñarõta boabosagũ. Irasirigũ ĩgũ boari merã Marĩpũ marĩrẽ ĩgũyarã õãrã, waja opamerã ããrĩmakũ iridi ããrĩmĩ.

<sup>11</sup> ããrĩpererinũrĩ Marĩpũ ĩũrũ judío masaka paĩa waimũrãrẽ wẽjẽ soepeonĩkõãma. Irasirikeremakũ, marĩ ñerĩ iridea wajare neõ bẽomakũ irimasĩbea. <sup>12</sup> Jesucristo gapũ suñarõta marĩrẽ boabosadi ããrĩmĩ, marĩ ñerĩ iridea wajare bẽobu. Irire irasiri odo, ãmũgasigue Marĩpũ diaye gapũ doadi ããrĩmĩ marĩ Opũ ããrĩgũ. <sup>13</sup> Iroguere doagũ, ĩgũrẽ ĩãturirãrẽ Marĩpũ tarinũgãbosaburire yũgũ yãmi. <sup>14</sup> ĩgũta suñarõta boari merã ĩgũyarãrẽ õãrã, waja opamerã ããrĩnĩmakũ iridi ããrĩmĩ. <sup>15</sup> Jesucristo irasũ irideare Oãgũ deyomarĩgũ marĩrẽ: “Irasũta ããrã”, ãrĩ masĩmakũ yãmi. ãsũ ãrĩ weredi ããrĩmĩ:

<sup>16</sup> Mũsã Opũ ãsũ ãrĩmi: “Pũrũguere yaarãrẽ ãsũ ãrĩ weregũra: ‘Yũ dorerire ĩgũsãrẽ iridũamakũ irigũkoa. Yũ dorerire gũña pẽmasĩmakũ irigũkoa’ ”.✠

<sup>17</sup> Idere ãrĩnemomi: “Ĩgũsã ñerũ irideare dupaturi neõ gũñanemobirikoa”, ãrĩmi, ãrĩ weredi ããrĩmĩ Oãgũ deyomarĩgũ.✠

<sup>18</sup> Irasirirã marĩ ñerĩ irideare Marĩpũ kãtisũnerã ããrã. Dupaturi marĩ ñerĩ iridea wajare waimũrã wẽjẽ soepeorire gããmenemobea.

*Marĩpũ ããrĩrõgue ñajãrã irirosũ marĩya ããrĩburire ĩgũrẽ sërẽrõ gããmea, ãrĩ gojadea*

<sup>19</sup> Irasirirã dapagorare marĩ ãmũgasigue Marĩpũya wiigue ĩgũ ããrĩrĩ taribugorague ñajãrã irirosũ gũiro marĩrõ ĩgũrẽ diaye sërẽmasĩa. Jesucristo marĩrẽ boabosagũ dí bẽodea merã irasirimasĩa. <sup>20</sup> Jesucristo boaburi dupiyuro Marĩpũ ããrĩrĩ taribugoraguere paĩa opũ dita iri taribu makãpũro kãmutari gasirore tariñajãdi ããrĩmĩ, masakaya ããrĩburire Marĩpũre sërẽbosabu. Jesucristo gapũ ĩgũ boadea merã Marĩpũ merã marĩ õãrõ ããrĩrĩrẽ kãmutadeare bẽodi ããrĩmĩ. Irasirirã dapagorare marĩ Jesucristo marĩrẽ boabosadea merã Marĩpũ ããrĩrõguere ñajãrã irirosũ marĩya ããrĩburire Marĩpũre diaye sërẽmasĩa.

<sup>21</sup> Jesucristo paĩa opũ nemorõ paĩ ããrĩgũ Marĩpũ ããrĩrõgue marĩya ããrĩburire sërẽbosagũ ããrĩmĩ. Iroguere ĩgũ marĩrẽ Marĩpũyarãrẽ õãrõ doregũ ããrĩmĩ. <sup>22</sup> Irasirirã diaye gũñarĩ merã, bũremurĩrẽ neõ piriro marĩrõ merã Marĩpũ ããrĩrõgue ñajãrã irirosũ marĩ ĩgũrẽ diaye sërẽrõ gããmea. Cristo ĩgũ boadea merã marĩrẽ waja opamerã ããrĩmakũ iridi ããrĩmĩ: “Ñerĩ iridea waja, waja oparã ããrã gũã”, ãrĩ neõ gũñarikũnemobirikõãburo, ãrĩgũ. Irasirirã gũrari marĩrĩ deko merã marĩya ããrĩpũre tũkoenerã irirosũ Marĩpũ ĩũrũ õãrã ããrã. <sup>23</sup> Marĩpũ marĩrẽ: “Taugũra”, ãrĩderosũta irigũkumi. Irasirirã marĩrẽ ĩgũ ãrĩdeare bũremupũroriderosũta piriro marĩrõ õãrõ usũyari merã bũremuwãgãnĩkõãrã! <sup>24</sup> Gajirã Jesũre bũremurãdere gũñarã! Irasirirã gãme iritamurã! Gãme maĩrĩ merã õãrõ irirã! <sup>25</sup> Piriro marĩrõ merã Marĩpũyare nerẽ buerã! Surãyeri marĩ merã nerẽ buemerã irirosũ iribirikõãrã! Marĩ Opũ i nikũguere dupaturi aariburo mërõ ãũyãa. Irasirirã irire masĩrã, gãme iritamurõ gããmea ĩgũrẽ bũremunemomurã.

<sup>26</sup> Marĩpũ marĩrẽ Jesũya kerere: “Diayeta ããrã”, ãrĩ masĩmakũ iridero pũrũ, marĩ ñerĩ iridũarire piriro marĩrõ iriwãgãnĩkõãrã, marĩ ñerũ iridea waja Jesucristo ĩgũ boadea merã marĩrẽ taudeare bẽobukoa. Irire bẽomakũ, dupaturi ĩgũ marĩrẽ boabosari neõ mãa.

<sup>27</sup> Marĩ ĩgũ taudeare bẽomakũ ĩãgũ, Marĩpũ ããrĩpererã ĩgũrẽ ĩãturirãrẽ bũro wajamoãgũ,

marĩdere ĩgũsã merã perebiri peamegue béogukumi. Irasirirã marĩrẽ gajirã ĩgũyare béonerã merã ĩgũ wajamoãburire bũro gũiri merã ããrĩbukoa. <sup>28</sup> Iripoegue marã Moisés dorerire tarinũgãgũrẽ wajamoãnerã ããrĩmã. ĩgũ ñerõ irideare pẽrã, o ƿererã ĩã, ĩgũrẽ weresãdero ƿũũ, Marĩƿũ dorederosũta neõ bopoñarĩ merã ĩãrõ marĩrõ ĩgũrẽ wẽjẽnerã ããrĩmã. <sup>29</sup> ¿Naásũ gũñarĩ mũsã? ĩgũrẽ wajamoãdero nemorõ Marĩƿũ magũrẽ ĩãturigũnorẽ bũro wajamoãgukumi. ĩgũ magũya dí béodea merã Marĩƿũ marĩrẽ: “Õãrã, waja opamerã ããrĩma”, ãrĩ ĩãdi ããrĩmĩ. Iripoegue irire werepĩdi ããrĩmĩ. Irasirigu Jesucristoya dí béodeare: “Wajamãa”, ãrĩrãrẽ, Õãgũ deyomarĩgũrẽ Marĩƿũ marĩrẽ maĩrĩrẽ masĩmakũ irigũre ñerõ werenĩrãrẽ bũro wajamoãgukumi. <sup>30</sup> Marĩ Opũ ãrĩdeare masĩa marĩ. Æsũ ãrĩdi ããrĩmĩ: “Yũ ããrã, waja oparãrẽ wajamoãbu. ĩgũsã ñerĩ iridea waja ĩgũsãrẽ wajamoãgũra”, ãrĩdi ããrĩmĩ. Æsũ ãrĩnemodi ããrĩmĩ doja: “Yaarã iririre ĩãgũ, ĩgũsãrẽ diayemarẽ irigũra”, ãrĩdi ããrĩmĩ. <sup>31</sup> Marĩƿũ okanĩgũ masakare wajamoãrĩ bũro goeri ããrã.

<sup>32</sup> Mũsã iripoegue ããrĩdeare gũñaka! Marĩƿũ mũsãrẽ Jesucristoya kerere masĩnũgãmakũ iridero ƿũũ, gajirã mũsãrẽ ñerõ tarimakũ irinerã ããrĩmã. Irasirikeremakũ, mũsã gapũ ĩgũrẽ bũremurĩrẽ neõ piribirinerã ããrĩbũ. <sup>33</sup> Masaka ĩũrõ gajirã surãyeri mũsãrẽ ñerõ werenĩ, ñerõ iribiranerã ããrĩmã. Gajipoe mũsã merãmarãrẽ gajirã ñerõ iribiramakũ ĩãrã, ĩgũsãrẽ béobiri, mũsãde ĩgũsã merã ñerõ iribirasũnerã ããrĩbũ. <sup>34</sup> Surãyeri mũsã merãmarã peresugue ããrĩmakũ ĩãrã, bopoñarĩ merã ĩã, ĩgũsãrẽ iritamunerã ããrĩbũ. Gajirã mũsãyare ãmakeremakũ, usuyari merã: “Õãrokoa”, ãrĩnerã ããrĩbũ. I nikũma nemorõ õãrĩ perebiriburire ãmagasiguere mũsã opaburire masĩnerã ããrĩbũ. Irasirirã mũsã oparire ĩgũsã ãmamakũ, bũjawerebirinerã ããrĩbũ. <sup>35</sup> Irasirirã Jesucristore gũñaturanĩkõãka! ĩgũrẽ bũremurĩrẽ neõ piribirikõãka! ĩgũrẽ bũremurã, wãri õãrĩrẽ wajatarãkoa. <sup>36</sup> Mũsãrẽ õãrõ gũñaturari merã Marĩƿũ gããmerĩrẽ irinĩkõãrõ gããmea. Irasirirã, ĩgũ: “Õãrĩrẽ sĩgũra”, ãrĩdeare oparãkoa. <sup>37</sup> Marĩƿũ Æsũ ãrĩdi ããrĩmĩ ĩgũya werenĩrĩ gojadea ƿũgue: Mẽrõ dũyãa yũ iriudi i ãmũguere dupaturi aariburo. Yooboro marĩrõ ejagukumi.

<sup>38</sup> ĩgũrẽ bũremurãrẽ: “Õãrõ irirã, yaarã ããrĩma”, ãrĩ ĩãa. Yũ merã ããrĩnikõãrãkuma. ĩgũrẽ bũremurĩrẽ pirirã gapũre suyubirikoa, ãrĩdi ããrĩmĩ Marĩƿũ.✠

<sup>39</sup> Marĩ gapũ ĩgũrẽ bũremurĩrẽ pirirã irirosũ ããrĩbea. Irasirirã perebiri peamegue waamurã ããrĩbea. Marĩ Jesucristore bũremua. Irasirirã ĩgũ taunerã, ĩgũ ƿũro waamurã ããrã.

## 11

### *Marĩƿũre bũremurĩmarẽ gojadea*

<sup>1</sup> Marĩƿũre bũremurã: “Ĩgũ marĩrẽ: ‘Õãrĩrẽ sĩgũra’, ãrĩdeare diayeta sĩgukumi”, ãrĩ bũremua. Irire ĩãbirikererã, ĩãrã irirosũ: “Diayeta ããrã, ĩgũ ãrĩdeare oparãkoa”, ãrĩ bũremua. <sup>2</sup> Iripoeguere marĩ ñekũsãmarã ĩgũrẽ bũremumakũ, ĩgũsãrẽ: “Õãrã ããrĩma”, ãrĩ ĩãdi ããrĩmĩ.

<sup>3</sup> Marĩƿũre bũremurĩ merã: “Ĩgũ werenĩrĩ merã i ãmũma ããrĩpereri ããrĩmakũ iridi ããrĩmĩ. Irasirigu iro dupiyuro neõ marĩdeare i ãmũmarẽ ããrĩpereri marĩ dapagora ĩãrĩrẽ iridi ããrĩmĩ”, ãrĩ masĩa.

<sup>4</sup> Iripoeguemu Abel Marĩƿũre bũremusĩã, ĩgũ ĩũrõ oveja majĩgũrẽ wẽjẽ soepeogu, ĩgũ tĩgũ Caín sĩdea nemorõ sĩdi ããrĩmĩ. Marĩƿũ, Abel ĩgũrẽ bũremurĩrẽ ĩãgũ, ĩgũ sĩdeare: “Õãgorãã”, ãrĩdi ããrĩmĩ. Irasirigu ĩgũrẽ: “Õãgũ ããrĩmĩ”, ãrĩ ĩãdi ããrĩmĩ. Abel iripoegue boadi ããrĩkeremakũ, ĩgũ Marĩƿũre bũremurĩ merã irideare marĩde gũñãa. Irasirirã ĩgũ bũremuderosũta marĩdere Marĩƿũre bũremurõ gããmea.

<sup>5</sup> Enoc Marĩƿũre bũremusĩã, boabiridi ããrĩmĩ. ĩgũ boabirikeremakũ, Marĩƿũ ĩgũrẽ ãĩmũrĩãkõãdi ããrĩmĩ. Masaka ĩgũrẽ ãmakererã, neõ bokabirinerã ããrĩmã. Marĩƿũya

✠ 10:38 Hab 2.3-4

werenířĩ gojadea pũgue ășũ ăřĩ gojasũdero ăăřĩbũ: “Marĩpũ Enorė ăĩmarĩaburi dupiyuro ășuyari meră ĩadi ăăřĩmĩ”. <sup>6</sup> Marĩpũre marĩ bũremumeră ĩgũrė ășuyamakũ irimasĩbea. Ĩgũrė sėrėgũno: “Diayeta ĩgũ Marĩpũgora ăăřĩmĩ”, ăřĩ gũňarõ găămea. “Marĩ ĩgũrė bũremurĩ meră sėrėřĩrė õărõ pėmi”, ăřĩ gũňarõ găămea. Marĩ irire gũňameră ĩgũrė sėrėmasĩbea.

<sup>7</sup> Noė Marĩpũre bũremusĩă, Marĩpũ ĩgũrė: “Mũ neõ ĩăbiridea meră i nikũ marărė ĩgũsă yũre bũremubiri waja bũro wajamoăgura”, ăřĩdeare bũremudi ăăřĩmĩ. Irasirigũ, Marĩpũ dorederosũta wădiru doódiru iridi ăăřĩmĩ, ĩgũyară meră dia mirĩburire taribu. Marĩpũre bũremusĩă, i nikũ marărė ĩgũsă ĩgũrė bũremubirire masĩmakũ iridi ăăřĩmĩ. Marĩpũ, ĩgũrė bũremumakũ: “Õăgũ ăăřĩmĩ”, ăřĩ ĩadi ăăřĩmĩ.

<sup>8</sup> Abraham Marĩpũre bũremusĩă: “Gaji nikũ yũ murė sĩburi nikũgue waaka!” ăřĩmakũ pėgũ, ĩgũrė yũjũdi ăăřĩmĩ. “Irogue waagũ irikoa”, ăřĩmasĩbirikeregũ, ĩgũya nikũrė wiriwăgădi ăăřĩmĩ. <sup>9</sup> Marĩpũ ĩgũrė: “Iri nikũrė sĩgũra”, ăřĩdeare bũremugũ, iri nikũgue eja, ăăřĩmejăjadi ăăřĩmĩ. Iro ăăřĩmejăjakeregũ, gaji nikũmũ irirosũ surĩ gasiri meră iridea wiiri meră naaunadi ăăřĩmĩ murărõ ăăřĩbirisĩă. Marĩpũ ĩgũ magũ Isaare, ĩgũ parămi Jacore: “Iri nikũrė sĩgũra mũsădere”, ăřĩmakũ, ĩgũsăde Abraham irirosũta iri nikũgue naaunaneră ăăřĩmă. <sup>10</sup> Abraham iri nikũrė naagũ, makăřĩ iribiridi ăăřĩmĩ. Gaji makăgue Marĩpũ ăăřĩrĩ makăgue ămũgasigue ĩgũ waaburire yũgũ iridi ăăřĩmĩ. Iri makă Marĩpũ iridea makă neõ perebiri makă ăăřă.

<sup>11</sup> Abraham marăpo Sara pũră marĩdeo Marĩpũre bũremusĩă, búrogora ăăřĩkerego: “Marĩpũ ăřĩderosũta yũre irigũkumi”, ăřĩ bũremurĩ meră pũrăkũdeo ăăřĩmõ. <sup>12</sup> Irasirigũ Abraham bũgũrogora ăăřĩkeregũ, Sara meră majĩgũrė pũrăkũdi ăăřĩmĩ. Ĩgũ parămeră ăăřĩturiară wără ăăřĩneră ăăřĩmă. Neňukărė, ĩmipa yerire keo bokatiũňa marĩrõ irirosũ ĩgũsărė keo bokatiũmasĩňa măa.

<sup>13</sup> ăăřĩpereră, Marĩpũ ĩgũsărė: “Sĩgũra”, ăřĩdeare neõ opamerăgue boaneră ăăřĩmă. Irire opabirikereră, gũňaturari meră: “Marĩpũ ĩgũ ăřĩderosũta pũrũgue sĩgũkumi gũare”, ăřĩ, ĩgũrė bũremunikõăneră ăăřĩmă. Irasiriră gajirărė: “Gaji nikũ mară irirosũ i nikũgue naară dita ăăřă”, ăřĩ wereneră ăăřĩmă. <sup>14</sup> Ĩgũsă irirosũta irire ăřĩrăno, gaji nikũ, ĩgũsăya nikũ ăăřĩburire ămară yăma. Irire õărõ masĩa marĩ. <sup>15</sup> Marĩ ñekũsămară: “Gaji nikũ mară ăăřă”, ăřĩră, ĩgũsă bėowăgădea nikũrė gũňabirineră ăăřĩmă. Irasũ ăřĩ gũňară, goeduăakõăboneră ăăřĩmă. <sup>16</sup> I nikũ nemorõ ămũgasigue õăřĩ nikũ gapũre: “Bũro waadũakoa”, ăřĩ gũňaneră ăăřĩmă. Irasirigũ Marĩpũ ĩgũsă ĩgũrė: “Gũa Opũ ăăřĩmĩ”, ăřĩmakũ pėgũ, gũyasĩrĩrĩ marĩrõ: “Ĩgũsă Opũ ăăřă”, ăřĩdi ăăřĩmĩ. Ĩgũ pũro ĩgũsăya makă ăăřĩburore ămubosasiadi ăăřĩmĩ.

<sup>17</sup> Marĩpũ Abrahărė: “¿Diayeta yũre bũremugũ yări?” ăřĩ gũňagũ, ĩgũrė: “Yũ ĩũrõ mũ magũ Isaare wějė soepeoka!” ăřĩdi ăăřĩmĩ. Abraham gapũ Marĩpũre bũremusĩă: “Neõ yũ magũ sugũ ăăřĩgũrė wějė soepeobirikoa”, ăřĩbiridi ăăřĩmĩ. <sup>18</sup> Iro dupiyurogue Marĩpũ ĩgũrė: “Mũ magũ Isaac meră mũ parămeră ăăřĩturiarărė opagũkoa”, ăřĩsũdi ăăřĩkeregũ, Abraham Marĩpũre: “Yũ magũrė neõ wějė soepeobirikoa”, ăřĩbiridi ăăřĩmĩ. <sup>19</sup> Abraham: “Marĩpũ ĩgũ turari meră boanerărė masũmasĩsĩă, yũ magũrė wějėkeremakũ, masũgũkumi”, ăřĩ gũňadi ăăřĩmĩ. Irasirigũ, Marĩpũ Abrahărė kămutagu: “Mũ magũrė wějėbirikõăka!” ăřĩdi ăăřĩmĩ. Irasiriră ire masĩa. Abraham ĩgũ magũrė boadigue masădi irirosũ dupaturi opadi ăăřĩmĩ.

<sup>20</sup> Isaac Marĩpũre bũremusĩă, ĩgũ pũră Jacore, Esaũre: “Pũrũgue Marĩpũ mũsărė õărõ irigũkumi”, ăřĩdi ăăřĩmĩ.

<sup>21</sup> Jacob Marĩpũre bũremusĩă, ĩgũ boaburo dupiyurogă ĩgũ tuadi meră tuawăgănũgăja, Marĩpũre sėrė bũremudi ăăřĩmĩ. Irasirigũ ĩgũ magũ Josė pũrărė: “Marĩpũ mũsărė õărõ iritamuburo”, ăřĩdi ăăřĩmĩ.

<sup>22</sup> José Marĩpũre bũremusĩã, ĩgũ boaburo dupiyurogã ĩgũ pũrãrẽ ãsũ ãrĩ weredi ããrĩmĩ: “Marĩ parãmerã ããrĩturiarã Egiptogue ããrĩrã pũrũ wirirãkuma”, ãrĩdi ããrĩmĩ. “Irore wirirã, yaa gõãrĩrẽ ããburo, ĩgũsã ejari nikũgue yãamurã”, ãrĩdi ããrĩmĩ.

<sup>23</sup> Moisés pagũsãmarã Marĩpũre bũremusĩã, Moisés deyoadero pũrũ, ĩgũ õãgũ ããrĩmakũ ĩãrã, Ɂrerã abegora ĩgũrẽ duripĩnerã ããrĩmã. Egipto marã opũ: “Israel bumarã majĩrã ãmarẽ wẽjẽburo”, ãrĩ doregũ ããrĩdi ããrĩmĩ. Moisés pagũsãmarã gapũ: “Marĩpũ marĩrẽ iritamugũkumi”, ãrĩ gũñarã, iri dorerire gũiri marĩrõ tarinũgãnerã ããrĩmã. <sup>24</sup> Pũrũ Moisés Egipto marã opũ magõ masũdi ããrĩkeregũ, Marĩpũre bũremusĩã: “Igo magũ ããrĩmĩ”, ĩgũsã ãrĩmakũ pẽduabiridi ããrĩmĩ. <sup>25</sup> ãsũ gapũ iridũadi ããrĩmĩ. Marĩpũyarã Israel bumarã merã ñerõ taridũadi ããrĩmĩ. Egipto marã merã wãri opakeregũ, ĩgũsã merã ããrĩduabiridi ããrĩmĩ. ĩgũsã ñerĩ iriri gapũ iridũabiridi ããrĩmĩ. <sup>26</sup> Irasirigũ ñerõ tarikeregũ, Egipto marã opari nemorõ Cristo Marĩpũ iriubuyarã merã ñerõ tariburire suyudi ããrĩmĩ. Pũrũgue Marĩpũ ĩgũrẽ õãrĩrẽ sĩburire masĩgũ, ĩgũsã merã ñerõ taridũadi ããrĩmĩ. <sup>27</sup> Moisés Marĩpũre bũremusĩã, Egipto marã opũ ĩgũ merã guamakũ ĩãgũ: “Marĩpũ yũre iritamugũkumi”, ãrĩ, irore ããrĩdi gũiri marĩrõ wiridi ããrĩmĩ. Irasirigũ Marĩpũ deyomarĩgũrẽ ĩãgũ irirosũ ĩgũ: “Marĩpũ iritamurĩ merã ãsũ irigũra”, ãrĩrĩrẽ neõ gorawayuro marĩrõ iridi ããrĩmĩ.

<sup>28</sup> Moisés Marĩpũre bũremusĩã, Israel bumarãrẽ Egiptogue ããrĩrãrẽ ãĩwiuburi dupiyuro pascua wãĩkũri bosenu iripũroridi ããrĩmĩ. Irasirigũ Marĩpũ dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wãkãdoredi ããrĩmĩ. Irire ĩãgũ, Marĩpũre wereboegũ Egipto marã masã tĩrã ãmarẽ wẽjẽgũ, Israel bumarã masã tĩrã gapũre wẽjẽbiridi ããrĩmĩ. <sup>29</sup> Israel bumarã Marĩpũre bũremusĩã, dia wãdiya deko diiadiya deko dukawanũgãdea maa bojoñajãri maarẽ taribujanerã ããrĩmã. ĩgũsã irasũ taribujamakũ ĩãrã, Egipto marã gapũ ĩgũsãrẽ tũya taribujanerã, mirĩ boakõãnerã ããrĩmã.

<sup>30</sup> Israel bumarã Marĩpũre bũremusĩã, Jericó tũroma sãrĩrõrẽ ãtã majĩrĩ merã iridea sãrĩrõrẽ su mojõma pere gaji mojõ peru pẽrẽbejarinurĩ iri makãrẽ ĩgũsã gãmegorodero pũrũ, iri sãrĩrõ meẽmejãdero ããrĩbũ. <sup>31</sup> Iro dupiyuro iri makãmo ãma merã ñerõ irideo, Rahab wãĩkũgo Marĩpũre bũremusĩã, Israel bumarã iri makãrẽ ĩãdurirã ejarãrẽ iritamudeo ããrĩmõ. Irasirigo iri makã marã Marĩpũ dorerire tarinũgãrã merã boabirideo ããrĩmõ.

<sup>32</sup> ¿Ñeẽnorẽ werenemogũkuri yũ? Gajirã Marĩpũre bũremurã: Gedeõn, Barac, Sansõn, Jeftẽ, David, Samuel irideare, irasũ ããrĩmakũ Marĩpũya kerere weredupiyunerã irideare weregũ, werepeobiribukoa. <sup>33</sup> ĩgũsã Marĩpũre bũremusĩã, gaji nikũgue ããrĩrĩ makãrĩ marãrẽ gãmewẽjẽ, tarinũgãnerã ããrĩmã. ĩgũsãyarã masakare diaye dorenerã ããrĩmã. Marĩpũ: “Mũsãrẽ õãrõ iritamugũra”, ãrĩderosũta ĩgũsãrẽ õãrõ iritamudi ããrĩmĩ. Eõkayea ĩgũsãrẽ baabonerãrẽ disirire biamakũ irinerã ããrĩmã. <sup>34</sup> Surãyeri peame bũro asirogue bẽosũkererã, ãjũbirinerã ããrĩmã. Gajirã, sareri majĩrĩ merã sare wẽjẽduamakũ, tarinerã ããrĩmã. Turamerã ããrĩkererã, Marĩpũre bũremusĩã, turarã waanerã ããrĩmã. Irasirirã gaji nikũ marã ĩgũsãrẽ ĩãturirãrẽ gãmewẽjẽ tarinũgãnerã ããrĩmã. <sup>35</sup> Surãyeri nome ĩgũsãyarã boanerãgue dupaturi okamakũ ĩãnerã ããrĩmã.

Gajirã Marĩpũre ĩgũsã bũremurĩrẽ piridũabiri waja peresugue bũro ñerõ iribirari merã boanerã ããrĩmã. ĩgũsã pũrũgue masã, Marĩpũ merã ãmũgasigue õãrõ ããrĩburire gããmesĩã, ĩgũrẽ bũremurĩrẽ piridũabirinerã ããrĩmã. <sup>36</sup> Gajirã Marĩpũre bũremurã, bũridari merã bũro tãrãsũnerã ããrĩmã. Gajirã ĩgũsãya guburi, mojõrĩrẽ kõme dari merã sua, peresugue biadobosũnerã ããrĩmã. <sup>37</sup> Gajirã ãtãyeri merã dea wẽjẽsũnerã ããrĩmã. Gajirã ĩgũsãya dũpũre wiiri merã wiritã wẽjẽsũnerã ããrĩmã. Gajirã sareri majĩrĩ merã wẽjẽsũnerã ããrĩmã. Gajirã surĩ marĩrã, oveja gasiri, cabra gasiri merã surikũrã waagorenãnerã ããrĩmã. Bũro boporo tarinerã ããrĩmã. <sup>38</sup> I nikũgue ããrĩkererã, i nikũ marã ñerã irirosũ neõ ããrĩbirinerã ããrĩmã. Oãrã ããrĩnerã ããrĩmã. Surãyeri wiiri marĩrã, masaka marĩrõgue,



ūtāyukugue waagorenanerā āārīmá. Ʋtāyukugue āārīrī goberigue, yebague āārīrī gob-eriguedere kārīgorenanerā āārīmá. <sup>39</sup> Marīpɥ ĩgūrē bɥremurārē āārīpererārē: “Ōārō yáma”, ārī ĩādi āārīmí. ĩgūrē ōārō bɥremukererā, ĩgū āārīpereri ĩgūsārē: “Āsū irigura”, ārīdeare ĩgūsā boaburi dupiyuro bokabirinerā āārīmá dapa. <sup>40</sup> Marīpɥ āsū ārī gūñasiadi āārīmí: “ĩgūsārē, pɥrɥgue marā yɥre bɥremurādere suro merā yɥ merā ōārō āārīmakū irigura”, ārīdi āārīmí. ĩgū ārīderosūta irigakumi. Irasiro ĩgū iro dupiyuro iridero nemorō, ĩgū Jesucristo merā iridea ĩgūsārē, marīdere ōātariro āārīrokoa.

## 12

### *Jesúre ĩākū ĩgūñanídorerimarē gojadea*

<sup>1</sup> Iripoegue marā wárā yɥ werenerā ĩgūsā iridea merā ĩgūsā Marīpɥre bɥremurīrē ĩmunerā āārīmá. Irasirirā marī, ĩgūsā ĩānīgāmegorosūrā irirosū sugɥ ũma birarimasū ōārō ũmaduagu āārīpereri nukūrīrē pirirosū, ōārō iriduarā āārīpereri ñerō iririre piriro gāamea. Irire pirirā, Marīpɥ gāamederosūta ōārī gapɥre gūñaturari merā iriwāgānīkōārō gāamea. <sup>2</sup> Irasirirā Jesúre ĩākū ĩgūñanīkōārā! ĩgūta marīrē Marīpɥre bɥremunugāmakū iridi, marīrē piriro marīrō ĩgūrē bɥremuwāgānīkōāmakū irigɥ āārīmí. Bɥro poyari merā ñegū irirosū curusague boagu, gɥyasīrībodi āārīkeregɥ, ĩgū pɥrɥgue ɥsɥyaburire masīsā, gɥyasīrībiriidi āārīmí. Masā mɥrīadero pɥrɥ, dorebu Marīpɥ diaye gapɥ doadi āārīmí.

<sup>3</sup> Irasirirā Jesús waadeare gūñaka! Ñerā ĩgūrē bɥro ñerō tarimakū irinerā āārīmá. Irasirirā mɥsāde ñerō tarirā, ōārō yɥjɥpūrāku, piriro marīrō ĩgūrē gūñaturanīkōāka! <sup>4</sup> Ñerā ñerīrē iridorerire mɥsā tarinugāduamakū ĩārā, mɥsārē wējēñabema dapa. <sup>5</sup> ¿Marīpɥ mɥsārē ĩgū pūrārē weredeare kātiakōārī? ĩgūya werenírī gojadea pūgue āsū ārīdi āārīmí: Yɥ magū, yɥ mɥ Opɥ, mɥrē ōārō iriburo, ārīgū, wajamoārīrē pémasīka! Mɥrē: “Ñerīrē iropata irika!” ārīmakū pégu, bɥjawerebirikōāka!

<sup>6</sup> Āsū āārā. Yɥ maīrārē: “Ñerīrē irimerāta!” ārī, pūrīrō páro irirosū werea. Yɥ pūrā āārīpererārē wajamoāa ōārō iridoregu, ārīdi āārīmí.\*

<sup>7</sup> Marīpɥ mɥsārē wajamoāmakū ĩārā, ĩgūrē ōārō yɥjuka! Sugɥ pagɥ ĩgū magū ñerō irimakū ĩāgū, ĩgūrē wajamoākumi. Irasūta Marīpɥ, marī ñerō irimakū ĩāgū, marīrē ĩgū pūrārē pūrīrō páro irirosū weregukumi ōārō iriburo, ārīgū. <sup>8</sup> Marīpɥ āārīpererā ĩgū pūrārē ĩgūsā ñerō iridea waja pūrīrō páro irirosū weremi. ĩgū werebirimakū, mɥsā ĩgū pūrā āārībiribukoa. Pagɥ marīrā, ñerō irisīā bokasūnerā irirosū āārībukoa. <sup>9</sup> Marī majīrā āārīmakū, marī pagɥsāmarā marī ñerō iriri waja pūrīrō páro irirosū weremakū, ĩgūsārē bɥremubɥ. Irasirirā marī pagɥsāmarārē bɥremurī merā yɥjɥro nemorō, Marīpɥ ũmugasigue āārīgūrē bɥremurī merā ōārō yɥjɥro gāamea. ĩgūrē bɥremurā, ĩgū merā ōārō āārīrākoa. <sup>10</sup> Marī ñerō irimakū, marī pagɥsāmarā ĩgūsā gāamerōsū yoabiripoe wajamoāma. Marīpɥ gapɥ diayema merā wajamoāmi, marīrē ĩgū irirosū ōārā āārīmakū irigɥ. <sup>11</sup> Diayeta āārā. Marīpɥ marīrē wajamoāmakū, ɥsɥyabea. Marī bɥjawerekererā, ĩgū marīrē wajamoādero pɥrɥ, marī ĩgūrē ōārō yɥjɥrā, diayema iririre iri, ĩgū merā siñajārī oparākoa.

### *Marīpɥ werenírīrē péduabirimakū gogorāa marīrē, ārī gojadea*

<sup>12</sup> Irasirirā mɥsā Marīpɥre bɥremuturamerā āārībirikōāka! ĩgūrē ōārō gūñaturanemoka! ĩgūyare piriro marīrō ōārō iritɥyaka! <sup>13</sup> Ōārō diayema irika! Gajirā Marīpɥre gūñaturamerā, mɥsā irasirimakū ĩākūrīrā, gūñaturari merā ĩgūyare iritɥyarākuma.

<sup>14</sup> Āārīpererā masaka merā gāmekēārō marīrō ōārō āārīrikuka! Ñerō iriro marīrō āārīka! Ñerī marīrā dita marī Opɥ Jesucristore ĩārākuma. <sup>15</sup> Ōārō pémasīka! Marīpɥ mɥsārē iritamurīrē: “Gāāmebirikoa”, ārībirikōāka! Ñerī tá puri masā, ōārī oteri gapɥre

\* 12:6 Job 5.17; Pr 3.11-12

poyanorẽrokoa. Musãde ñerĩrẽ irirã, gajirãrẽ poyanorẽrãkoa. Irasirirã ñerĩrẽ iribirikõãka!  
<sup>16</sup> Sugũ Ìgũ marãpo ããrĩbeo merã, neõ sugo ìgo marãpũ ããrĩbi merã ñerõ iribirikõãburo. Marĩpũyadere gããmemerã irirosũ neõ ããrĩbirikõãka! Iripoeguemũ Esau Marĩpũyare gããmebiridi ããrĩmĩ. Ìgũ masã tĩgũ ããrĩsĩã, Ìgũ pagũyare Ìgũ boadero purũ opabu ããrĩkeregũ, sunũ burũ uaboa, baari merã Ìgũ pagũmurẽ Ìgũ opabodeare gorawayudi ããrĩmĩ. <sup>17</sup> Ìgũ irasiridero purũ waadeare masĩa musã. Esau, Ìgũ pagũ Ìgũrẽ: “Yũ sĩburi merã õãrõ ããrĩgũkoa”, ãrĩburire pẽduakeremakũ, Ìgũ pagũ gapũ Ìgũrẽ: “Mũ pagũmurẽ sĩsiabu irire”, ãrĩdi ããrĩmĩ. Ìgũ irasũ ãrĩmakũ pẽgũ, Esau burũ oreri merã Ìgũ pagũre: “Sĩka yare!” ãrĩ sẽrẽkeregũ, Ìgũ pagũ Ìgũrẽ sĩmakũ neõ irimasĩbiridi ããrĩmĩ.

<sup>18</sup> Marĩpũ Ìgũ dorerire Moisere pĩmakũguere marĩ ñekũsãmarã Israel bumarã Marĩpũ ããrĩrõgue ejanũgãmakũ goegoradero ããrĩbũ. Dapagorare musã gapũre irasũ ããrĩbea. Marĩpũ Ìgũ dorerire Moisere pígu, Sinai wãikũdi ùtãũgue ããrĩdi ããrĩmĩ. Irasiriro irogue Ìgũsã ejanũgãburipoe iri ùtãũguere peame burũ ùjãrõ, naĩtĩãrõ, ñĩmikãyebori, mirũ burũ wẽjãpuro ããrĩdero ããrĩbũ. <sup>19-20</sup> Irogue puriduru burũ busumakũ penerã ããrĩmã. Purũ Marĩpũ Ìgũsãrẽ werenĩmakũ penerã ããrĩmã. Marĩpũ goero merã ãsũ ãrĩdi ããrĩmĩ Ìgũsãrẽ: “Iri ùtãũrẽ ñapeorãnorẽ ùtãyeri merã dea wẽjẽka, o sareri majĩ merã sare wẽjẽka!” ãrĩdi ããrĩmĩ. “Waimũradere irasũta irika!” ãrĩdi ããrĩmĩ. Ìgũ irasũ ãrĩ werenĩmakũ pẽrã, gũiri merã Moisere: “Iropata guare wereburo”, ãrĩ, burũ sẽrẽnerã ããrĩmã. <sup>21</sup> Moisès ããrĩpererire ùtãũguere goero ããrĩrẽ Ìgũ: “Burũ gũiri merã naradagũ yãa”, ãrĩdi ããrĩmĩ.

<sup>22</sup> Musã gapũ iripoegue marã Sinai wãikũdi ùtãũgue ejanũgãnerã irirosũ ããrĩbea. Ùmũgasigue Marĩpũ ããrĩrõgue Sion wãikũdi ùtãũgue mũrĩjarosũ diaye Ìgũ merã werenĩmasĩa. Irogue Marĩpũ okanĩgũya makã, Jerusalen wãikũri makã ããrã. Irogue Marĩpũ wereboerã wãrãgora ããrĩma. <sup>23</sup> Ìgũsã usuyari merã nerẽrã, Marĩpũre: “Õãtaria mũ”, ãrĩ buremuma. Irogue Marĩpũ pũrãde ùmũgasima gojadea pũgueta Ìgũsã wãrẽ gojatúsũnerã nerẽma. Marĩpũ ããrĩpererã iririre: “I gapũ õãa, i gapũ õãbea”, ãrĩ weregũ ããrĩmĩ. Marĩde Ìgũ merã õãrõ ããrã. Irasirirã irogue marã merã nerẽrãsũta ããrã. Marĩpũ Ìgũsãrẽta ñerĩ opamerã ããrĩmakũ irisiadi ããrĩmĩ. <sup>24</sup> Marĩ Jesũre buremurã ããrã. Iripoegue Marĩpũ marĩrẽ: “Õãrõ irigũra”, ãrĩ werepĩdi ããrĩmĩ. Ìgũ irasũ ãrĩ werepĩderosũta Jesús iridi ããrĩmĩ. Ìgũya díre bẽo boadea merã marĩrẽ taudi ããrĩmĩ. Iripoeguemũ Abel Ìgũya dí bẽodeare Ìgũ, Marĩpũ Ìgũrẽ wẽjẽdire wajamoãdi ããrĩmĩ. Jesucristoya dí bẽodea gapũre Ìgũ, marĩrẽ waja opamerã ããrĩmakũ iridi ããrĩmĩ. Irasiriro Cristo dí bẽodea, Abel dí bẽodea nemorõ wajakũa.

<sup>25</sup> Irasirirã õãrõ pẽmasĩka! Marĩpũyare weregũre pẽduamerã irirosũ ããrĩbirikõãka! Iripoegue i nikũmũ Moisès Marĩpũyare weremakũ pẽrã, wãrã irire pẽduabirinerã ããrĩmã. Ìgũsã irire pẽduabiridea waja Marĩpũ Ìgũsãrẽ wajamoãdi ããrĩmĩ. Ìgũsã nemorõ Cristore pẽduamerã gapũre burũ wajamoãgũkumi. Cristo ùmũgasiguemũ Marĩpũyare weregũ ããrĩmĩ. <sup>26</sup> Iripoegue Marĩpũ Ìgũ dorerire Moisere pígu, Ìgũ werenĩrĩ merã nikũ ñomemakũ iridi ããrĩmĩ. Dapagorare ãsũ ãrĩmĩ: “Sunũ i nikũ ñomemakũ irigu, suñarõta gajino irinemogũra. I nikũ dita ñomemakũ iribi meta ããrĩgũkoa. Ùmũgasiguedere ñomemakũ irigũra”, ãrĩmĩ. <sup>27</sup> “Sunũ i nikũ ñomemakũ irigu, suñarõta gajino irinemogũra”, ãrĩgũ: “Ããrĩpereri yũ irideare bẽogũkoa”, ãrĩgũ yãmi. Ìgũyarãrẽ doregũ ããrĩrĩ gapũre bẽobirikumi. Irasiriro Ìgũ irideare bẽomakũ, Ìgũyarãrẽ doregũ ããrĩrĩ dita dujarokoa. <sup>28</sup> Marĩpũ Ìgũyarãrẽ dorerogue marĩrẽ Ìgũ merã ããrĩmakũ irigũkumi. Irasirirã Ìgũyarãrẽ doregũ ããrĩrĩrẽ bẽosũbirimakũ Ìãrã, Marĩpũre: “Mũ merã usuyãa”, ãrĩrõ gããmea. Irasirirã buremurĩ, gopeyaro merã Ìgũyare iritũyaro gããmea. Irasũ irirã, marĩ Ìgũrẽ usuyamakũ irirãkoa. <sup>29</sup> Peame ùjãrõ goerosũ Marĩpũ goero wajamoãgũ ããrĩmĩ. Irasirirã Ìgũrẽ gopeyaro merã buremurã!

## 13

*Marĩpũ suyuri ditare iriro gããmea, ãrĩ gojadea*

<sup>1</sup> Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrẽ neõ piribirikõãka! <sup>2</sup> Musã pũro ejarãrẽ õãrõ merã musãya wiirigue ñajãridoreka! Irire kãtibirikõãka! Iripoegue gajirã irasirirã, Marĩpũre wereboerãrẽ ãgũsãya wiigue ñajãdorenerã ããrĩmã. “Marĩpũre wereboerã ããrĩmã”, ãrĩmasĩbirinerã ããrĩmã.

<sup>3</sup> Peresugue ããrĩrãrẽ bopoñarĩ merã gãñaka! ãgũsã merã peresugue ããrĩrã irirosũ pẽñaka! Gajirã ñerõ tarirãdere bopoñarĩ merã gãñaka! ãgũsã merã musãde ñerõ tarirã irirosũ pẽñaka! Iritamuka ãgũsãrẽ!

<sup>4</sup> ããrĩpererã marãpokũrã, marãpũkũrã gãme gopeyari merã ããburo. Ũma ãgũsã marãposã nome merã õãrõ ããrĩrikũburo. Nomedede ãgũsã marãpũsãmarã merã õãrõ ããrĩrikũburo. Marãpũ marĩrã, marãpũkũrãde gajirã ũma merã ñerõ irimakũ ããgũ, marãpo marĩrã, marãpokũrãde gajirã nome merã ñerõ irimakũ ããgũ, Marĩpũ ãgũsãrẽ wajamoãgũkumi.

<sup>5</sup> Niyerure maĩbirikõãka! Musã opari merã usũyaka! Marĩpũ ãsũ ãrĩdi ããrĩmĩ: “Musãrẽ neõ beõbirikoa. Musã merã ããrĩnĩgũkoa musãrẽ iritamubu”, ãrĩdi ããrĩmĩ. <sup>6</sup> Irasirirã gãñaturari merã ãsũ ãrĩ masĩa:

Marĩ Opũ yũre iritamugũ ããrĩmĩ. Neõ sugũ masakũ yũre ñerõ iridũarire gãũbea, ãrĩ masĩa.✧

<sup>7</sup> Musãrẽ õãrõ siiu, Marĩpũya kerere werenerãrẽ gãñaka! ãgũsã okaro bokatĩũrõ õãrõ ããrĩrikũdeare gãñaka! Irasũ gãñarã, Jesucristore ãgũsã bũremuderosũta musãde bũremuka!

<sup>8</sup> Jesucristo marĩrẽ iritamugũ, neõ gorawayubirikumi. Iripoegue, dapagoradere, pũrũguedere ãgũ ããrĩderosũta ããrĩnikõãgũkumi. <sup>9</sup> Gajirã gajirosũ buerire pẽnemobirikõãka, Marĩpũya diayema buerire beõri, ãrĩrã! ãgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubea. Marĩpũyare marĩrẽ gãñaturamakũ iribea. Marĩpũ dita ãgũ marĩrẽ maĩrĩ merã marĩrẽ gãñaturamakũ yãmi.

<sup>10</sup> Iripoegue Marĩpũya wiigue paĩa waimũrãrẽ wẽjẽ soepeonerã ããrĩmã. Irasirikererã, iri merã masakare ãgũsã ñerõ iridea wajare neõ taumasĩbirinerã ããrĩmã. Jesucristo gapũ ãgũ boari merã marĩ ñerõ iridea wajare taudi ããrĩmĩ. <sup>11</sup> Paĩa opũ waimũrã wẽjẽ, Marĩpũ ããrĩrĩ taribugorague ãgũsãya díre ãĩ ñajãdi ããrĩmĩ. Irogue Marĩpũre masaka ãgũsã ñerõ iridea wajare: “Beõka!” ãrĩ sãrẽbosadi ããrĩmĩ. ãgũ wẽjẽnerã waimũrãya dũpũri gapũre makã tũrogue soebẽokõãdi ããrĩmĩ. <sup>12</sup> Irire iriderosũta Jesũdere makã tũrogue wẽjẽbeõnerã ããrĩmã. Irasirikerekũ, ãgũya dí beõri merã marĩrẽ waja opamerã ããrĩmakũ iridi ããrĩmĩ. <sup>13</sup> Jesũs makã tũrogue curusague boari: “Gũyasĩũgorãa”, ãrĩsũdero ããrĩbũ. ãgũ boamakũ, masaka ãgũrẽ turi, bũridanerã ããrĩmã. ãgũrẽ irasiriderosũta masaka marĩdere turi, bũridakeremakũ, piriro marĩrõ ãgũrẽ tũyaro gããmea. <sup>14</sup> I nikũgue marĩ ããrĩburi makã mãa. Gaji makã, marĩ pũrũgue ããrĩburi makãrẽ ũmũgasima makãrẽ yũrã yãa. <sup>15</sup> Irasirirã Jesucristo iritamurĩ merã Marĩpũre bũremurã, iro dupiyuro ãgũrẽ gajino sũnaderosũ, dapagorague ãgũrẽ usũyari sĩnikõãrã! ãgũrẽ: “Gũapũ, õãtarigũ ããrã”, ãrĩ bũremurã! <sup>16</sup> Gajirãrẽ õãrõ irika! Musã oparire opamerãrẽ guereka! Irire kãtibirikõãka! Musã irasirirã, Marĩpũre sĩrã irirosũ irirãkoa. ãgũrẽ usũyamakũ irirãkoa.

<sup>17</sup> Musã oparãrẽ õãrõ pẽka! ãgũsã dorerire bũremurĩ merã iritũyaka! Marĩpũ pĩdi ããrĩmĩ, ãgũsãrẽ musãrẽ õãrõ koredoregũ. Irasirirã musãrẽ ãgũyare õãrõ buenĩkõãma, ãgũrẽ bũremurĩrẽ piribirikõãburo, ãrĩrã. Pũrũgue Marĩpũ ãgũsãrẽ: “Wereka yũre! ¿Naãsũ bueri?” ãrĩ sãrẽñamakũ, ãgũrẽ yũjũrãkuma. Irire masĩsĩã, õãrõ buedũama. Irasirirã

ĭgŭsā buerire mŭsā ōārō pémakŭ, ŭsuyari merā moārākuma. Mŭsā pébirimakŭ gapu bŭjawererākuma. Mŭsā ĭgŭsārē tarinŭgārā, ōārō āārīrikubirikoa.

<sup>18</sup> Mŭsā Marīpure sērērā, gŭaya āārīburire sērēbosanīka! Gŭa ōārī ditare iridŭáa. Marīpu ĭūrō: “Ōārīrē irirā, waja opamerā āārā”, ārī péńáa. <sup>19</sup> Yŭre Marīpure sērēbosarā, āsŭ ārī sērēka: “Mérōgā pŭrŭta ĭgŭ gŭa pŭroque dupaturi aariburire āmuka!” ārī sērēka!

### *Ōādoretŭnudea*

<sup>20</sup> Marīpu marīrē ĭgŭ merā ōārō sińajārī sĭgŭ marī Opŭ Jesucristo boadiguere masŭdi āārīmí. Jesucristo ovejare korerimasŭ irirosŭ marīrē ōārō koregŭ āārīmi. Iripoegue Marīpu marīrē: “Ōārō irigura”, ārī werepídi āārīmí. ĭgŭ werepídeare Jesús boagŭ ĭgŭya dí béodea merā marīrē iriyuwarikŭdi āārīmí. Irire neō béobirikumi. <sup>21</sup> Irasirigŭ Marīpu mŭsārē iritamuníkŭāburo. Iri iritamunírī merā āārīpereri ōārīrē, ĭgŭ gāāmerī ditare irimakŭ iriburo. ĭgŭ gāāmerōsŭta Jesucristo merā marī āārīpererārē irasiriburo. Irasirirā Cristore: “Ōātaria mŭ”, ārī bŭremuníkŭāārā! Irasŭta irirā!

<sup>22</sup> Yaarā, i pŭgue yŭ mŭsārē: “Āsŭ irika!” ārī gojarire ōārō merā péka! Yŭ mŭsārē wárigora gojabodi āārīkeregŭ, mérĭgā were gojabŭ. Irasirirā irire ōārō bueka! <sup>23</sup> Idere mŭsārē weregŭra. Marīyagŭ Timoteore peresugue āārādire wĭuańurā. Dapagorare ĭgŭ aarimakŭ, yŭ ĭgŭ merā mŭsārē ĭāgŭ waagŭra.

<sup>24</sup> Mŭsā oparārē, gajirā Jesucristore bŭremurārē āārīpererā iro āārīrārē ōādorea gŭa. Gŭa merāmarā Italia marā mŭsārē ōādorema.

<sup>25</sup> Marīpu mŭsā āārīpererārē ōārō iritamuburo. Irasŭta iriburo. Iropata āārā.

## SANTIAGO

### *Santiago Marĩpũyarã ããĩpererogue waasirinerãrẽ gojadea*

<sup>1</sup> Yũ Santiago i pũ merã mũsãrẽ õãdorea. Yũ Marĩpũre, irasũ ããĩmakũ marĩ Opũ Jesucristore moãboegũ ããrã. Mũsãrẽ Israel bumarãrẽ pe mojõma pere su gubu peru pẽrẽbejari buri marãrẽ ããĩpererogue waasirinerãrẽ gojáa.

### *Marĩpũ masĩrĩ sĩrĩmarẽ gojadea*

<sup>2</sup> Yaarã, mũsãrẽ wári gajirosũperi ñerĩ waamakũ, gajipoe gũñaña marĩrõ ñerõ tarirã, õãrõ usuyari merã ããĩnikõãka! <sup>3</sup> Mũsã ire masĩa. Ñerõ tarirã: “Marĩpũ yũre iritamugukumi”, ãrĩ bũremurĩrẽ pirimerã, gũñaturari merã ãgũrẽ bũremunemorãkoa. <sup>4</sup> Mũsãrẽ Marĩpũre bũremurĩrẽ neõ piriro marĩrõ gũñaturanĩkõãrõ gããmea. Gũñaturanĩrã, õãrõ pémasĩrã, Marĩpũ ãgũ masĩrĩ sĩrĩrẽ oparã ããĩrãkoa.

<sup>5</sup> Mũsã masĩrĩrẽ opamerã, Marĩpũre sẽrẽka! Mũsã sẽrẽmakũ pégu, mũsãrẽ sĩgukumi. Neõ turiro marĩrõ merã ããĩpererã ãgũrẽ sẽrẽrãrẽ wári masĩrĩ sĩgukumi. <sup>6</sup> Irasirirã irire sẽrẽrã: “¿Yũre sĩgukuri?” ãrĩ gũñamerãta bũremurĩ merã sẽrẽka! Sugũ: “¿Yũre sĩgukuri, o sĩbirikuri?” ãrĩ gũñarikugũ, dia wãdiyama makũrĩ gorawayuro irirosũ ãgũ gũñarĩrẽ gorawayunakumi. <sup>7</sup> Irasirigũ: “¿Yũre sĩgukuri, o sĩbirikuri?” ãrĩ gũñagũ: “Marĩ Opũre sẽrẽrĩrẽ opagũkoa”, neõ ãrĩ gũñabirikõãburo. <sup>8</sup> Sunũrẽ gajirosũ, gajinũrẽ gajirosũ gũñami. Irasirigũ: “Ãsũ irigũra”, ãrĩ gũñabirisĩã, keoro neõ irimasĩbemi.

<sup>9</sup> Sugũ ubu ããĩrĩgũ ããĩkeregũ, Jesũre bũremusĩã, Marĩpũ ãũrõrẽ ubu ããĩrĩgũ meta ããĩrĩmi. ãgũyagũ ããĩrĩmi. Irasirigũ usuyaburo. <sup>10</sup> Gajigũ wári doebiri opagũ, ãgũya doebiri peremakũ ããkeregũ, Jesũre bũremusĩã, usuyaburo. Marĩpũ ãũrõrẽ ãgũya doebiri ubu ããĩrĩ ããrã. Tá goori irirosũ pererokoa. <sup>11</sup> Abe mũrĩja, bũro asimakũ, tá ñããa, iri gooride ñããidijakoa. Iri goori õãrĩ ããĩkerero, pereakõãkoa. ãsũta waakoa doebiri opagũre. ãgũ moãrĩ merãta boakumi.

### *Ñerõ taririre, irasũ ããĩmakũ ñerõ iridũarire gojadea*

<sup>12</sup> Jesũre bũremugũ ñerõ tarikeregũ: “Marĩpũ yũre iritamugukumi”, ãrĩ bũremurĩrẽ piribi, usuyami. ãgũ gũñaturari merã tariwerederõ pũrũ, Marĩpũ ãgũrẽ: “Õãrõ irimi”, ãrĩgũkumi. Irasirigũ ãgũrẽ ãmũgasigue perebiri okari sĩgukumi\*. ããĩpererã ãgũrẽ maĩrãrẽ: “Iri okarire sĩgũra”, ãrĩdi ããĩrĩmi. <sup>13</sup> Sugũ ñerĩrẽ iridũagũ: “Marĩpũ yũre ñerõ iridũamakũ yãmi”, ãrĩ gũñabirikõãburo. Marĩpũ neõ ñerĩrẽ iridũabemi. Irasũ ããĩmakũ, neõ marĩrẽ ñerõ iridũamakũ iribemi. <sup>14</sup> ãsũ gapũ ããrã. Masaka ãgũsã ñerĩ ãaribejari gũñarĩrẽ piribirimakũ, iri gũñarĩ ãgũsãrẽ ñerõ iridũamakũ yãa. <sup>15</sup> Irasirirã ãgũsã ñerĩ ãaribejari gũñarĩrẽ pirimerã, pũrũ iri ñerĩ ãaribejarire irirãkuma. Iri ñerĩ iririre pirimerã, pũrũ perebiri peamegue waarãkuma.

<sup>16</sup> Yaarã yũ maĩrã, diayeta gũñaka! “Marĩpũ yũre ñerõ iridũamakũ yãmi”, neõ ãrĩ gũñabirikõãka! <sup>17</sup> Marĩpũ ãmũgasigue ããĩrĩgũ marĩrẽ õãrĩ, diayema ditare sĩmi. ãgũ abe ãmũmũrẽ, ñamimũrẽ, neñukãdere iridi ããĩrĩmi. Neõ gorawayubemi. Irasirigũ ãgũ ããĩrĩderosũta ããĩrĩnkõãgũkumi. <sup>18</sup> ãgũ gããmederosũta ãgũya kere diayema ããĩrĩ merã marĩrẽ ãgũyarã ããĩmakũ iridi ããĩrĩmi, ãgũ pũrã ããĩpũroriburo, ãrĩgũ.

### *Marĩpũya kerere pérã, ãgũ dorerosũta irika! ãrĩ gojadea*

\* **1:12** Sugũ ãma birarimasã gajirã nemorõ õãrõ ãmagũ, olivo wãikãdima pũrĩ merã iridea berore wajatakumi. Masaka iri berore ãgũya dipurugue peokuma, gajirãrẽ ãgũ wajatadeare ãmũrã. I irirosũ, sugũ Jesũre bũremugũ ñerõ tarikeregũ: “Marĩpũ yũre iritamugukumi”, ãrĩ bũremurĩrẽ piribi, ãmũgasigue perebiri okari wajatagũkumi. Iri ãmũgasigue perebiri okari wajatari, i berore wajatari irirosũ ããrã.

<sup>19</sup> Yaarã yu maĩrã, ire masĩka! Mũsã ããrĩpererãrẽ Marĩpũya kerere õãrõ péro gããmea. Gajirã mũsãrẽ weremakũ pérã, õãrõ gãña odorãgue ìgũsãrẽ wereka! Mata guabirikõãka!  
<sup>20</sup> Sugũ noó gããmerõ guagũ, Marĩpu gããmerĩrẽ iribemi. <sup>21</sup> Irasirirã ããrĩpereri mũsã ñerõ gãñarĩrẽ, ñerĩ iririre pirikõãka! Marĩpũya kerere mũsã pédeare bũremurĩ merã õãrõ irika! Ìgũya kerere pémakũ, ìgũ turari merã mũsãrẽ peamegue waabonerãrẽ taugũkumi.

<sup>22</sup> Ìgũya kere pédeare õãrõ irika! Iri kerere pékererã, irire irimerã, mũsã basi ãrĩkatori merã: “Õãrõ yáa”, ãrĩ gãñarãkoa. <sup>23</sup> Mũsã Marĩpũya kerere pékererã, irire irimerã, sugũ masakũ ìgũya diapure diuru merã ãñĩagũ irirosũ ããrã. <sup>24</sup> Ìgũya diapure ãñĩadero purũ, gajirogue waa, ìgũ deyorire mata kãtiakõãkumi. Irasirirã, ìgũ kãtiderosũta Marĩpũya kerere péadero purũ, mata kãtikõãa. <sup>25</sup> Gajigũ gapũ Marĩpũya kere pédeare gãñanìgũ, kãtibirikumi. Irasirirã, ìgũ irirosũ irirã, marĩ pédeare kãtibirikoa. Marĩpu dorerire irinĩrãkoa. Irasirigũ Marĩpu marĩrẽ marĩ iriri merã usũyamakũ irigũkumi. Ìgũ doreri keoro ããrã. Irire marĩrẽ pídi ããrĩmĩ, iri merã ìgũ gããmerĩrẽ irimasĩburo, ãrĩgũ.

<sup>26</sup> Sugũ: “Marĩpũre bũremua”, ãrĩ gãñakeregu, gajirãrẽ werewũarire, ìgũsãrẽ ñerõ werenĩrĩrẽ piribirimakũ, ìgũ: “Marĩpũre bũremua”, ãrĩrĩ waja máa. Ìgũ basita ãrĩkatogu yámi. <sup>27</sup> Marĩ diayeta Marĩpu ããrĩnìgũrẽ bũremurã, ãsũ iriro gããmea. Pagũsãmarã marĩrãrẽ, wapiweyarãdere ìgũsã ñerõ tarimakũ ìãrã, ìgũsãrẽ iritamurõ gããmea. I ùmu marã ñerĩ irirã irirosũ iribirikõãrõ gããmea.

## 2

### *Masakare surosũ ìãka! ãrĩ gojadea*

<sup>1</sup> Yaarã, mũsãrẽ Jesucristo marĩ Opũ õãtarigũre bũremurã masakare surosũ ìãrõ gããmea. Surãyeri masakare õãrõ irirã, gajirãdere õãrõ irika! <sup>2-3</sup> Mũsãrẽ i keori merã weregũra. Wãri doebiri opagũ oro merã iridea mojõsũrĩ túsãrĩ berorĩre opagũ õãrĩ surĩ sãñagũ, mũsã Jesũre bũremurã nerẽrõgue aarimakũ ìãrã, ìgũrẽ õãrõ merã: “Õõ, i õãrĩ doaripẽrõgue doaka!” ãrĩbukoa. Gajigũ bopogu boaro daro surĩro sãñagũ aarimakũ ìãrã, ìgũ gapũre õãrõ bokatĩrĩñeãbiribukoa. Gajipoe irirã ìgũrẽ: “Irota dujaka!” o “Õõ yebague doaka!” ãrĩbukoa. <sup>4</sup> Mũsã ìgũsãrẽ surosũ ìãmerã, ñerõ gãñarĩ merã: “Wãri doebiri opagũ, bopogu nemorõ ããrĩmĩ”, ãrĩrã yáa.

<sup>5</sup> Yaarã yu maĩrã, yũre péka! Marĩpu i ãmũgue: “Boporã ããrĩma”, masaka ãrĩrãrẽ beyedi ããrĩmĩ, ìgũrẽ wãro bũremurĩ opamurãrẽ. Ìgũrẽ maĩrãrẽ: “Sĩgũra”, ãrĩdeare ìgũyarãrẽ dorerogue opaburo, ãrĩgũ, ìgũsãrẽ beyedi ããrĩmĩ. <sup>6</sup> Marĩpu boporãrẽ beyek-eremakũ, mũsã gapũ ìgũsãrẽ bũremubea. Doebiri oparã gapũ mũsãrẽ bũro poyari merã moãdorenama. Ìgũsãta mũsãrẽ weresãrĩrẽ beyerimasã purõguere weresãmurã ãñwãgãnama. <sup>7</sup> Mũsã: “Jesús õãgũyarã ããrĩma”, ãrĩsũrã ããrã. Doebiri oparã gapũ ìgũyamarẽ ñerõ werenĩrã ããrĩma.

<sup>8</sup> Marĩpu marĩrẽ doregu ìgũ dorerire gojadea pũgue ãsũ ãrĩdi ããrĩmĩ: “Mu basi maĩrõsũta mu purõ ããrĩrãdere maĩka!” Mũsã i dorerire irirã, õãrĩrẽ irirã yáa. <sup>9</sup> Mũsã gajirãrẽ surosũ ìãmerã ñerõ irirã yáa. Marĩpu doreri gojadea pũgue irasirirãrẽ ãsũ ãrĩ gojasũdero ããrĩbũ: “Marĩpu dorerire tarinũgãrã ããrĩma”. <sup>10</sup> Sugũ ããrĩpereri Marĩpu dorerire irikeregu, su wãrẽ tarinũgãgũ, ñerõ iridea wajare opami. Irasirigũ ããrĩpereri Marĩpu dorerire tarinũgãgũ irirosũ ããrĩmĩ. <sup>11</sup> Marĩpu ãsũ ãrĩdi ããrĩmĩ: “Gajigũ marãpo merã ñerõ iribirikõãka!” Gajidere ãrĩdi ããrĩmĩ: “Masakare wẽjẽbirikõãka!” Irasirigũ sugũ, gajigũ marãpo merã ñerõ iribirikeregu, masakare wẽjẽgũ, Marĩpu dorerire tarinũgãgũ ããrĩmĩ. Ñerõ iridea waja, waja opami. <sup>12</sup> Marĩpu ìgũ dorerire marĩrẽ pídi ããrĩmĩ, iri merã ìgũ gããmerĩrẽ irimasĩburo, ãrĩgũ. Ìgũ masakare ìgũsã ñerõ iridea waja, wajamoãgũ ããrĩmĩ. Ìgũ dorerire marĩ irideare: “Õãgorabũ”, marĩ iribirideare: “Ñegorabũ”, ãrĩ beyegũkumi. Irasirirã ìgũ dorerire irika! Ìgũ gããmerõsũta werenĩka! <sup>13</sup> Marĩpu ìgũ ããrĩpererã ñerãrẽ

peamegue wajamoārĩnũ ejamakũ, masakare bopoñarĩ merã ãamerãrẽ bopoñarĩ merã ãabirikumi. Gajirãrẽ bopoñarĩ merã ãarã gapũre bopoñarĩ merã ãagũkumi. Ñgũsãrẽ wajamoãbirikumi.

### *Jesúre bũremurĩrẽ, irasũ ããrĩmakũ òãrĩ iririre gojadea*

<sup>14</sup> Yaarã, ire péka! Sugũ òãrĩrẽ iribi: “Jesúre bũremua”, ãrĩrĩ wajamáa. Irire ãrĩrĩ merã dita tausũbirikumi. Peamegue waagũkumi. <sup>15</sup> Jesúre bũremugũ, o Jesúre bũremugũ, surí gorawayumerã, baari mérõgã opamakũ ãarã, ¿nasirirãkuri mũsã? <sup>16</sup> Ñgũsãrẽ: “Òãrõ waaburo mũsãrẽ. Òãrĩ surí bokarã, baayapirã waaka!” ãrĩrã, Ñgũsã gããmerĩ gapũre sĩbirimakũ, mũsã ãrĩrĩ neõ wajamáa. <sup>17</sup> I irirosũ ããrã. Sugũ: “Jesúre bũremua”, ãrĩgũ, òãrĩ gapũre iribirimakũ, Ñgũ: “Jesúre bũremua”, ãrĩrĩ neõ wajamáa.

<sup>18</sup> Gajipoe irigũ yũ wererire péduabi gapũ yũre ãsũ ãrĩbukumi: “Sugũ Jesúre bũremurĩ opami. Gajigũ gapũ Jesúre bũremubirikeregũ, òãrĩrẽ yámi”, ãrĩbukumi. Ñgũ irasũ ããrĩmakũ pégu, yũ Ñgũrẽ ãsũ ãrĩbukoa: “Masaka sugũ òãrĩ iririre neõ ããbirikererã, Ñgũrẽ: ‘Jesúre bũremugũ ããrĩmi’, ãrĩmasĩbirikuma. Gajigũ gapũ Ñgũ òãrĩ iriri merã gajirãrẽ Ñgũ Jesúre bũremugũ ããrĩrĩrẽ masĩmakũ yámi”, ãrĩbukoa. <sup>19</sup> Mũsã: “Marĩpu sugũta ããrĩmi”, ãrĩ bũremua. Mũsã irasũ ãrĩ bũremumakũ òãgorãa. Wãtẽa òãrĩrẽ neõ irimerãde irire bũremuma. Ñgũsã Marĩpu ããrĩrikurire masĩma. Irasirirã Ñgũrẽ gũirã, naradama. <sup>20</sup> Mũsã pémasĩmerã ããrã. Irasirigũ ire mũsãrẽ werenemogũra, pémasĩdoregu. Sugũ: “Jesúre bũremua”, ãrĩgũ òãrĩ gapũre iribirimakũ, Ñgũ: “Jesúre bũremua”, ãrĩrĩ neõ wajamáa. Jesúre bũremugũ meta ããrĩmi.

<sup>21</sup> Iripoeguemu marĩ ñekũ Abraham irideare gũñaka! “¿Diayeta Ñgũ yũre bũremurĩ?” ãrĩgũ, Marĩpu Ñgũ magũ Isaare ütãyeri merã iridea soepeorogue wẽjẽ soepeodoredi ããrĩmi. Irasirigũ Abraham Marĩpu dorederosũta Ñgũ magũrẽ ãĩ wẽjẽbu iridi ããrãdimi. Marĩpu Ñgũ dorerire Abraham tarinũgãbirimakũ ããgũ, Ñgũrẽ: “Mũ magũrẽ wẽjẽbirikõãka!” ãrĩdi ããrĩmi. Irasirigũ Ñgũrẽ: “Diayeta yũre bũremumi, òãgũ ããrĩmi”, ãrĩ ããdi ããrĩmi. <sup>22</sup> Irasirirã mũsã ire masĩa. Abraham Marĩpũre bũremusĩa, Ñgũ doredere iridi ããrĩmi. Irasũ ããrĩmakũ Ñgũ doredere irisĩa, Marĩpũre bũremurĩ opatarigũ dujadi ããrĩmi. <sup>23</sup> Irasiro Marĩpũya werenĩrĩ gojadea pũgue Abraham irideare gojaderosũta waadero ããrĩbũ. ãsũ ãrĩ gojasũdero ããrĩbũ: “Abraham Marĩpũre bũremudi ããrĩmi. Ñgũ bũremumakũ ããgũ: Marĩpu Ñgũrẽ: ‘Òãgũ ããrĩmi’, ãrĩ ããdi ããrĩmi”, ãrĩ gojasũdero ããrĩbũ. Irasũ ããrĩmakũ, Marĩpu Ñgũrẽ: “Abraham, yũ merãmũ ããrĩmi”, ãrĩdi ããrĩmi.

<sup>24</sup> Irasirirã Abrahãyamarẽ gũñarã, mũsã ire masĩa. Sugũ: “Marĩpũre bũremua”, ãrĩgũ, òãrĩ gapũre iribirimakũ ããgũ, Marĩpu Ñgũrẽ: “Òãgũ ããrĩmi”, ãrĩ ããbemi. Gajigũ gapũ diayeta Marĩpũre bũremugũ òãrĩrẽ yámi. Irasirimakũ ããgũ, Marĩpu Ñgũrẽ: “Òãgũ ããrĩmi”, ãrĩ ããmi. <sup>25</sup> Gaji iripoeguemo ãma merã ñerõ irideo Rahab wãikũgo irideare gũñaka! Josué iriunerã igoya makãgue ããdurirã ejamakũ, Ñgũsãrẽ iritamudeo ããrĩmó. Igoya makã marã Ñgũsãrẽ boka wẽjẽrĩ, ãrĩgõ, igoya wiigũ Ñgũsãrẽ duúdeo ããrĩmó. Pũrũ Ñgũsã duri dujariri maarẽ ãmudeo ããrĩmó. Igo Marĩpũyarãrẽ iritamurĩ merã Marĩpũre igo bũremurĩrẽ ãmudeo ããrĩmó. Irasirimakũ ããgũ, Marĩpu igore: “Òãgõ ããrĩmó”, ãrĩ ããdi ããrĩmi. <sup>26</sup> ãsũ ããrã. Masakũ yũjũpũrã marĩmakũ, Ñgũya dũpũ okabirikoa. Sugũ: “Marĩpũre bũremua”, ãrĩgũ, òãrĩ gapũre iribi, diayeta Marĩpũre bũremubemi. Irasiro Ñgũ: “Marĩpũre bũremua”, ãrĩrĩ neõ wajamáa. Yũjũpũrã marĩrĩ dũpũ, boari dũpũ irirosũ ããrã.

## 3

### *Marĩya disi wiririre gojadea*

<sup>1</sup> Yaarã, ire mũsã masĩa. Marĩpu gũa Ñgũyare buerimasã buerire, gajirã moãrĩmasã iriri nemorõ ãã beyegũkumi. Ñgũyare keoro buebirimakũ ããgũ, gajirã nemorõ gũare wajamoãgũkumi. Irasirirã mũsã watopegue ããrĩrã mérãgã dita gajirãrẽ buerimasã

ãārĩburo. <sup>2</sup> Marĩ ãārĩpererã wári òãrõ iribirire yáa. Sugũ ñerĩ neõ wereníbi: òãgũ Marĩpũ gããmerĩ ditare irigũ ãārĩmi. Gaji ñerõ iriridere neõ iribemi. Ígũ ñerĩ werenírĩ Ígũya disi wiririre kãmutamasígũ, ãārĩpereri Ígũya dupugue ãārĩrĩ merã gaji ñerõ iriridere kãmutamasĩmi.

<sup>3</sup> Marĩ werenírĩmarẽ keori merã weremakũ i irirosũ ããrã. Marĩ kõme berore cabal-luya disire túsãkoa. Irasirirã i berogã merã, Ígũ wágu waibu ãārĩkeremakũ, tũãgãmenú, marĩ waadũaro waamakũ irikoa. <sup>4</sup> Doódirude irasũta ããrã. Iriru wádiru ãārĩkeremakũ, mirũ bũro wẽjãpukeremakũ, wejatugũ mérĩ majígã merã dita iriru waaróre wejatukumi.

<sup>5</sup> Marĩ werenírĩ irasũta ããrã. Marĩya nediru médirugã ãārĩkeremakũ, marĩya disi wári: “Masítaria”, ãrĩ werenírĩ wiria. Ásũ ããrã. Peame marĩ mérĩmegã diukeremakũ, wári makãnúurẽ ãjũmakũ irikoa. <sup>6</sup> Irasiro marĩya disi nediru merã ñerĩ werenírĩ, i peame irirosũ ããrã. Marĩya dupugue, marĩya nediru su wãígã ãārĩkeremakũ, marĩ ñerĩ werenírĩ marĩrẽ ãārĩpereri gajirosũperi ñerĩrẽ irimakũ irikoa. Irasiro peame gajinorẽ ãjũwãgã, poyanorẽrõ irirosũ, marĩ ñerĩ werenírĩ, marĩ i ãmũgue okarinũrĩrẽ òãrõ ãārĩrĩrẽ poyanorẽmakũ yáa. Marĩ ñerĩ werenírã, wãtĩ ñerĩ iridorerire irirã yáa.

<sup>7</sup> Masaka Ígũsãyarã ejorãrẽ kãmutarosũ ãārĩpererã makãnúu marã waimũrãrẽ, wãrãrẽ, pĩrũãrẽ, dia marãrẽ kãmutamasĩma. Neõgoraguedere Ígũsãnorẽ kãmutamasĩsianerã ããrĩmã. <sup>8</sup> Ígũsãrẽ kãmutamasĩkeregũ, neõ sugũ masakũ Ígũ basi Ígũ werenírĩrẽ kãmutamasĩbemi. Irasirirã marĩ ñerĩrẽ wereníduabirikererã, ñerĩ werenía. Áña kũrĩmakũ Ígũya nima merã masakare wẽjẽrõ irirosũ, marĩ ñerĩ werenírĩ merã gajirãrẽ ñetariro yáa.

<sup>9</sup> Marĩ werenírĩ merã Marĩpũ marĩ Opũre: “Òãtaria”, ãrĩ, usuyari sĩa. Marĩ werenírĩ merãta masakare: “Ñerõ waaburo Ígũsãrẽ”, ãrĩ werenía. Marĩpũ marĩ masaka ãārĩpererãrẽ Ígũ irirosũ ããrĩmakũ irikeremakũ, marĩ gãme ñerõ werenía. <sup>10</sup> Su disita òãrĩ werenírĩ, irasũ ããrĩmakũ ñerĩ werenírĩ wiria. Yaarã, irasiribirikõãrõ gããmea. <sup>11</sup> Deko wiriri gobere òãrĩ wiriro, ñerĩ wiribirikoa. <sup>12</sup> Yaarã, mũsã ire masĩa. Higuera, iguĩ dukakũbirikoa. Iguigũ, higuera dukakũbirikoa. Misõrĩ deko wiriri gobere moãkũri dekode wiribirikoa. Marĩde i irirosũ òãrĩ ditare werenírõ gããmea.

### *Diayema masĩrĩ ásũ ããrã, ãrĩ gojadea*

<sup>13</sup> Mũsã watopegue sugũ òãrõ masígũ ããrĩgũno, òãrĩrẽ irinĩkõãburo. “Gajirã nemorõ masítarinũgãa”, ãrĩbi, Ígũ masĩrĩ merã òãrĩrẽ iriburo. Irasirimakũ ããrã, gajirã Ígũrẽ: “Òãrõ masĩmi”, ãrĩrãkuma. <sup>14</sup> Mũsã gajinorẽ oparãrẽ bũro ubu ããrĩrũrã, Ígũsã nemorõ ããrĩduarã, mũsãya ããrĩburi ditare iriduarã: “Masítarinũgãa”, ãrĩ gũñabirikõãka! Mũsã irasũ ãrĩ gũñarã, ãrĩkatorikũrã, diayema ããrĩrĩrẽ keoro werenírã meta yáa. <sup>15</sup> Mũsã: “Masítarinũgãa”, ãrĩ gũñarĩ, Marĩpũ gũñarĩ sĩrĩ ããrĩbea. I ãmũ marã gũñarĩ, wãtĩya ããrã. <sup>16</sup> Masaka gajirãrẽ ubu ããrĩrũrã, Ígũsãya ããrĩburi ditare iriduarã, gãme guaseonírã ããrĩma. ããrĩpereri gajirosũperi ñerĩrẽ yáma. <sup>17</sup> Marĩpũ masĩrĩ sĩrĩ oparã gapũ òãrã ããrĩma. Gãme guaseodũamerã, gajirãrẽ iritamurã, gajirã wererire bũremurĩ merã pérã, bopoñarĩ merã ããrã, òãrĩrẽ irirã, masakare surosũ ããrã, irikatoro marĩrõ irinírã ããrĩma. <sup>18</sup> Gajirã merã òãrõ ããrĩduarã, gãmekẽãrõ marĩrõ òãrõ siñajãrĩ merã ããrĩmakũ iriduarã, diayema iririre irinírã ããrĩma.

## 4

### *I ãmũmarẽ gããmerã, Marĩpũre gããmebema, ãrĩ gojadea*

<sup>1</sup> ¿Nasirirã gãme guaseo, gãmekẽãrĩ mũsã? Ásũ ããrã. Mũsã gũñarĩgue mũsã ñerĩrẽ iriduarĩ, òãrĩrẽ iriduarĩ merã gãmekẽãrĩ irirosũ ããrã. <sup>2</sup> Gajinorẽ mũsã gããmea. Irasirirã irire opabirisĩã, masakare wẽjẽa, Ígũsãyare ãmaduarã. Gajigũ gajinorẽ opamakũ ããrã, Ígũrẽ ubu ããrĩrũrã. Irasirirã Ígũyare opabirisĩã, gãme guaseo, gãmekẽãa. Mũsã Marĩpũre sãrẽbirisĩã, mũsã gããmerĩrẽ opabea. <sup>3</sup> Gajipoere gajinorẽ sãrẽkererã, ñerõ gũñarĩ merã sãrẽa. Mũsã basi mũsã ñerĩ ãaribejari ditare iriduarã sãrẽa. Irasirigũ Marĩpũ mũsã



sērērīrē sībemi. <sup>4</sup> Mūsā sugo nomeō marāpukugo āārīkerego gajigūre gāāmegō irirosū āārā. ĸMūsā ire masīberi? Sugū i ūmū marā űērīrē irirā irirosū iridūagū, Marīpūre gāāmebemi. I ūmū marā űērīrē irimakū īāgū: “Īgūsā irirosū irigūra”, ārī gūñagū, Marīpūre īāturigū dujami.

<sup>5</sup> Marīpūya werenīrī gojadea pūgue irire āsū ārī gojasūdero āārībū: “Marīpū Ōāgū deyomarīgūrē marīrē pīdi āārīmī marī merā āārībure. Ōāgū deyomarīgū marīrē maīgū, marī űērīrē iridūamakū gāāmebemi”, ārī gojasūdero āārībū. Iri gojadea ubu āārīrī meta āārā. Āārīrōma āārā. <sup>6</sup> Irasirigū Marīpū marī űērīrē irinemobirikōāburo, ārīgū, marīrē bopoñarī merā īā, ōārō iritamumi. Irasiriro īgūya werenīrī gojadea pūgue āsū ārī gojasūdero āārībū: “‘Gajirā nemorō āārā’, ārī gūñagūrē Marīpū iritamubemi. ‘Yū ubu āārīgū āārā, yūre iritamuka!’ ārīgū gapūre ōārō iritamumi”, ārī gojasūdero āārībū. <sup>7</sup> Irasirirā Marīpū dorerire būremurī merā irika! Wātī dorerire iribirikōāka! Mūsā īgūrē pēbirimakū īāgū, mūsārē piri, duriwāgākōāgukumi. <sup>8</sup> Marīpū pūroque īgūrē: “Yū merā āārīka!” ārī ejanūgārā irirosū irika, īgūrē masīnemoduarā! Irasirimakū īāgū, mūsā pūroque ejanūgāgū irirosū irigukumi mūsārē iritamunemobu. Mūsā űērō irirā āārā. Irasirirā űērō iririre pirika! Mūsā Marīpūyare irirā, o i ūmū marā irirosū irirā: “Ōāgorāa”, ārī gūñadāa. Ire irasū ārī gūñabirikōāka! I ūmū marā irirosūta űērīrē irimakū, űegorāa. Marīpūya ditare irimakū, ōāa. <sup>9</sup> Mūsā űērō iririre gūñarā, ūsūyari merā būrirono irirā, būjawereri merā oreka! Mūsā űērō iririre gūyasīrīrī merā, būjawereka! <sup>10</sup> Marī Opūre: “Mū īūrōrē yū űegū, ubu āārīgū āārā, irasirigū yūre iritamuka!” ārī sērēka! Mūsā irasū ārī sērēmakū: “Mūrē iritamugūra, yaagū, ōāgū āārā”, ārī īāgukumi.

### *Mūsā Jesúre būremurā mūsā basi gāme werewūabirikōāka! ārī gojadea*

<sup>11</sup> Yaarā, mūsā Jesúre būremurā mūsā basi gāme werewūabirikōāka! Gajirārē űērī werenīrā, o īgūsārē werewūarā, Marīpū marīrē gāme maīdoredeare tarinūgārā yāa. Irire tarinūgārā: “Iri doreri ōābea”, ārīrā irirosū yāa. Irasirirā Marīpū dorerire: “Ōābea”, ārī werewūarā: “Yū Marīpū nemorō doremasīa”, ārīrā irirosū yāa. <sup>12</sup> Marīpū sugūta masakare īgū dorerire pīdi āārīmī. Īgū sugūta īgūsā iririre īā beyemasīmi. Masakare tau-masīmi, o peamegue bēomasīmi. Irasirirā mūsā gapū: “Gajirā masakare werewūamasīa”, ārī gūñabirikōāka!

### *űamigāgue marī iriburire masībirimarē gojadea*

<sup>13</sup> Dapagorare gajire weremakū, ōārō péka! Mūsā surāyeri: “Dapagā, o űamigā gajī makāgue su bojori moā, wáro niyeru wajatarākoa”, ārī werenīa. Irasū ārī werenīrārē āsū ārī weregura. <sup>14</sup> Mūsārē űamigāgue waaburire neō masībea. Marī i ūmūgue okari, űimikā boyoripoe duji, mérōgā pūru perero irirosū āārā. Marī i ūmūgue āārī, mérōgā pūru boakōārākoa. <sup>15</sup> Irasirirā mūsārē āsū ārī werenīrō gāāmea: “Marīpū gāāmemakū, okarākoa ire, o gajire irimurā”. <sup>16</sup> Mūsā gapū: “Marī masīa, irasirirā marī gāāmerō āsū irirākoa”, ārī werenīa. Iri āārīpereri mūsā irasū ārī werenīrī, űegorāa. <sup>17</sup> Irasirirā: “Marī āsū irirā, ōārīrē irirākoa”, ārī masīkererā, irire irimerā, űērīrē irirā yāa.

## 5

### *Wári doebiri oparārē waaburire gojadea*

<sup>1</sup> Mūsā wári doebiri oparā yūre péka! Mūsā űērō tarirākoa. Irasirirā ire gūña, būro būjawereri merā gaguinī oreka! <sup>2</sup> Mūsāya doebiri boakōārōkoa. Mūsāya surīre burua baarākuma. <sup>3</sup> Mūsā niyeru koeri, oro, plata merā iridea koeri mūsā duripīdea gūrawijīakōārōkoa. Irasū waamakū, mūsā niyerure maīsīa, duripīdeare masīsūrokoa. I niyeru mūsā maīrī, peame gajinorē soebéorosū mūsārē poyanorēmakū irirokoa. Dapagorare mūsā, i ūmū pererīnū ejaburo dupiyuro, wáro niyerure duripīrā yāa. Irire duripīri waja būro wajamoāsūrākoa. <sup>4</sup> Mūsāya pooerire moānerārē wajarībea. Irasirirā mūsārē:

“Gware musā ārāderosūta wajarika!” āri gaguiníma. Īgūsā irasū āri gaguinírīrē marī Op<sub>u</sub> Īgūrē wereboerārē doreg<sub>u</sub> pémi. <sup>5</sup> Musā i ūmugue okarā, wári doebiri opáa. Musā opari merā musā gāamerī ditare yáa. Musā irasiriri waja wajamoāsūrākoa. Wekure Īgūsā wējēburi dupiyuro oārō baa, diikug<sub>u</sub> irirosū āārā. <sup>6</sup> Musā ñerō irimerārē: “Ñerō yáma”, āri, peresugue āiwāgā: “Wējēka!” ārā, musā Īgūsārē iririre kāmutamasiña marīrō.

*Jesucristo i ūmugue dupaturi aariburire marīrē oārō yúro gāāmea, āri gojadea*

<sup>7</sup> Irasirirā yaarā, marī Op<sub>u</sub> Jesucristo i ūmugue dupaturi aariburire gūñaturari merā oārō yúka! Pooe op<sub>u</sub> Īgū otedea dukakuburire oārō yúkumi. Īgūya pooere otedero p<sub>u</sub>r<sub>u</sub>, deko merēburire, irasū āārīmakū Īgū otedea puri, masāburire oārō yúkumi. <sup>8</sup> Musāde Īgū irirosūta oārō yúka! Marī Op<sub>u</sub> dupaturi aariburo mérō d<sub>u</sub>yáa. Irasirirā gūñaturari merā Īgūrē b<sub>u</sub>remurīrē neō piriro marīrō merā Īgū aariburire oārō yúníkōāka!

<sup>9</sup> Yaarā, Marīp<sub>u</sub> musārē wajamoārī, ārīrā, gāme turibirikōāka! Īgū āārīpererā ñerārē wajamoāgū aariburo mérō d<sub>u</sub>yáa. <sup>10</sup> Yaarā, iripoegue marārē marī Op<sub>u</sub>ya kerere weredupiyunerārē gūñaka! Marī Op<sub>u</sub>yare werede waja gajirā Īgūsārē ñerō irinerā āārīmá. Īgūya kerere weredupiyunerā gap<sub>u</sub> ñerō tarikererā, Īgūyare wereduúbirinerā āārīmá. Īgūsārē ñerō irirārē ñerō iribirinerā āārīmá. Irasirirā musāde Īgūsā iriderosūta irika! <sup>11</sup> Ñerō tarikererā marī Op<sub>u</sub>re b<sub>u</sub>remurīrē neō piribirinerārē gūñarā: “Marī Op<sub>u</sub> oārō iritamunerā, us<sub>u</sub>yari bokanerā āārīma”, āri gūñāa. Iripoeguema Job wāikug<sub>u</sub> ñerō taridea kerere musā pébu. Īgū b<sub>u</sub>ro ñerō tarikereg<sub>u</sub>, marī Op<sub>u</sub>re b<sub>u</sub>remurīrē piribiridi āārīmí. Irasirig<sub>u</sub> Īgū ñerō taridero p<sub>u</sub>r<sub>u</sub>, marī Op<sub>u</sub> Īgūrē maīgū Īgūrē bopoñarī merā Īāsīā, wári oārīrē iridi āārīmí. Irasirirā, Īgū marīdere maīrīrē, Īgū marīdere bopoñarī merā Īārīrē musā masīa.

<sup>12</sup> Yaarā, gaji y<sub>u</sub> wererire gopeyari merā oārō péka! Musā gajirārē wererā, āsū āri werebirikōāka: “Ūmugasima merā āsū irig<sub>u</sub>ra”, o “I nikūma merā āsū irig<sub>u</sub>ra”, āribirikōāka! Musā gajirārē wererā, ārikatori marīrō su diayeta wereka! Gajinorē irianerā: “Iriabu”, ārika! “Āsū irirāra”, ārīrā, irika! “Āsū iribirikoa”, ārīrā, iribirikōāka! Marīp<sub>u</sub> wajamoābirikōāburo, ārīrā, irasirika!

<sup>13</sup> Musā ñerō tarirā, Marīp<sub>u</sub>re: “Iritamuka y<sub>u</sub>re!” āri sērēka! Ūs<sub>u</sub>yari merā āārīrā, bayapeori merā Īgūrē: “Ōātaria m<sub>u</sub>”, āri, us<sub>u</sub>yari sīka! <sup>14</sup> Sug<sub>u</sub> pūrīrikug<sub>u</sub>, Jesúre b<sub>u</sub>remurā oparārē siuburo. Īgūsā Īgūrē ūye merā piupeo, marī Op<sub>u</sub>re: “Jesús, ĩ m<sub>u</sub>rē b<sub>u</sub>remugūrē tauka!” āri sērēbosarākuma. <sup>15</sup> Īgūsā marī Op<sub>u</sub>re b<sub>u</sub>remurī merā sērēmakū, marī Op<sub>u</sub> Īgūrē taug<sub>u</sub>kumi. Irasirig<sub>u</sub> Īgūrē pūrīrī marīgū dujamakū irig<sub>u</sub>kumi. Pūrīrik<sub>u</sub>adi ñerō iridi āārīmakū, Marīp<sub>u</sub> Īgū ñerō irideare kātig<sub>u</sub>kumi. <sup>16</sup> Irasirirā musā ñerō irideare gāme were-tarika! Irasū āārīmakū, Marīp<sub>u</sub>re musāya āārīburire gāme sērēbosaka! Irasirika, Marīp<sub>u</sub> musārē pūrīrī marīrā āārīburo, ārīrā! Ōārīrē iririkug<sub>u</sub> b<sub>u</sub>ro b<sub>u</sub>remurī merā gajirāya āārīburire Marīp<sub>u</sub>re sērēbosamakū, Marīp<sub>u</sub> Īgū sērērōsūta irig<sub>u</sub>kumi. <sup>17</sup> Iripoeguema Marīp<sub>u</sub>ya kerere weredupiyudi Elías wāikug<sub>u</sub> marīsūta masak<sub>u</sub> āārīdi āārīmí. Īgū āārīdeapogue marā ñerō irimakū Īāgū, Marīp<sub>u</sub>re: “Deko merēbirimakū irika!” āri, b<sub>u</sub>ro b<sub>u</sub>remurī merā sērēdi āārīmí. Marīp<sub>u</sub> Īgū sērērīrē pé, ūre bojori gaji bojori dekogora, Īgūsāya nikūrē deko merēbirimakū iridi āārīmí. <sup>18</sup> Par<sub>u</sub> Marīp<sub>u</sub>re: “Deko merēmakū irika doja!” āri sērēdi āārīmí. Īgū sērēmakū, deko merēdero āārībú. Irasū waamakū, Īgūsāya nikūrē dupaturi oteri puri dukak<sub>u</sub>dero āārībú.

<sup>19</sup> Yaarā, sug<sub>u</sub> musā merām<sub>u</sub> diayema āārīrīrē irinemobirimakū Īārā, dupaturi Marīp<sub>u</sub>yare irimakū irirā, Īgūrē oārō irirā irikoa. <sup>20</sup> Ire masīka! Musā sug<sub>u</sub> ñerō irig<sub>u</sub>re Īgū ñerō iririre pirimakū irirā, Īgūrē oārō irirā irikoa. Marīp<sub>u</sub> Īgūrē peamegue waabodire taug<sub>u</sub>kumi. Īgū wári ñerī irideare kātig<sub>u</sub>kumi.

# 1 SAN PEDRO

## *Pedro Jesúre bɔremurã waasirinerãrẽ gojadea*

<sup>1</sup> Yɛ Pedro mɔsãrẽ õãdorea. Jesucristo yɛre ãgũyare buedoregɛ beyemi. Irasirigɛ mɔsãrẽ, mɔsãya nikũrẽ wiri, gajirogue Ponto, Galacia, Capadocia, Asia, Bitinia wãikuri nikũgue waasirinerãrẽ i pũrẽ gojáa. <sup>2</sup> Marĩpɛ ããrĩnĩgũ dupiyurogue mɔsãrẽ: “Yaarã ããrĩma”, ãrĩderosũta beyedi ããrĩmĩ. Õãgũ deyomarĩgũ merã mɔsãrẽ ããrĩmakũ iridi ããrĩmĩ, Jesucristo gããmerĩrẽ iriburo, ãrĩgũ. Jesucristo dí béori merã ñerĩrẽ koesũnerã ããrĩburo, ãrĩgũ, irasiridi ããrĩmĩ. Mɔsãrẽ õãrõ iritamũ, siñajãrĩ merã ããrĩdero nemorõ ããrĩrikumakũ iriburo.

## *Jesúre bɔremurã Marĩpɛ merã õãrõ ããrĩnĩburire gojadea*

<sup>3</sup> Marĩpɛre, marĩ Opɛ Jesucristo Pagɛre: “Õãtaria mɛ”, ãrĩ, ɛsɛyari sĩrã! ãgũ marĩrẽ bɔro bopõnasĩã, Jesucristore boadiguere masũrĩ merã marĩrẽ dupaturi deyoarã irirosũ ãgũ pũrã ñajãmakũ iridi ããrĩmĩ. Irasirigɛ ãgũ merã marĩ õãrõ ããrĩnĩkõãburire masĩmakũ yãmi. <sup>4</sup> Irasirirã, ãgũyarãrẽ: “Õãrĩrẽ sĩgura”, ãrĩdeare marĩ opaburire ɛsɛyari merã yũrã yãa. ãgũ marĩrẽ sĩburi: ãgũ ɛmɛgasigue õãrĩ opari, neõ pereburi, boaburi meta ããrã. <sup>5</sup> Marĩpɛ marĩrẽ ãgũrẽ bɔremurãrẽ ãgũ turari merã koremi. Irasirigɛ, i ɛmɛ peremakũ, ãgũ marĩrẽ peamegue waabonerãrẽ: “Taugɛra, yɛ merã ããrĩnĩkõãrãkuma”, ãrĩdeare iriyuwarikɛrere masĩmakũ irigukumi.

<sup>6</sup> Marĩ mérõgã i ɛmɛgue ããrĩrõpa wãri gajirosũperi ñerõ tarikererã, ɛmɛgasigue Marĩpɛ marĩrẽ sĩburire gũñarã, bɔro ɛsɛyari merã ããrã. <sup>7</sup> Ñerõ tarikererã, marĩ diayeta Marĩpɛre õãrõ bɔremunĩrĩ, oro nemorõ wajakɛa. Oro wajakɛkerero, pereburi ããrã. Masaka irire peamegue soekuma õãrĩ oro dita dujaburo, ãrĩrã. Irasũta marĩ ñerõ tariri merã diayeta Marĩpɛre õãrõ bɔremunĩrã dujarãkoa. Irasirigɛ, Jesucristo dupaturi aarimakũ, Marĩpɛ marĩrẽ: “Õãrõ iribɛ, irasirirã yɛ pɛro yɛ merã ããrĩnĩkõãrãkoa”, ãrĩgukumi.

<sup>8-9</sup> Mɔsã Jesucristore ãgũ i ɛmɛgue ããrĩmakũ ããrĩnerã ããrĩkererã, ãgũrẽ maĩa. Dapagoradere ãgũrẽ ããrĩkererã, gũñaturari merã ãgũrẽ bɔremua. Mɔsã ãgũrẽ irasũ bɔremunĩmakũ, Marĩpɛ mɔsãrẽ peamegue waabonerãrẽ tarimakũ irigukumi. Irasirirã mɔsã Marĩpɛ pɛrogue waaburire gũñarã, irogue eja, ɛsɛyarosũ bɔro ɛsɛyãa. I ɛsɛyari oparire werenĩrĩ merã weremasĩña mãa.

<sup>10</sup> Iripoegue Marĩpɛya kerere weredupiyunerã ãgũ mɔsãrẽ õãrõ iritamugũ tauburire werenã ããrĩmã. Irire werekererã, pẽmasĩbirinerã ããrĩmã. Irasirirã irire masĩduarã, bue, gũñamanerã ããrĩmã. <sup>11</sup> Õãgũ deyomarĩgũ Cristo ãgũsãrẽ iriudi iritamurĩ merã Cristo ñerõ tari, boadigue masã, ɛmɛgasigue mɛrĩã, pɛrɛ ããrĩpererã Opɛ ããrĩburire weredupiyunerã ããrĩmã. Irasirirã: “¿Noã irasũ waagukuri, ñããsũ ããrĩmakũ irasũ waarokuri?” ãrĩ masĩduarã, irire bue, gũñamanerã ããrĩmã. <sup>12</sup> Marĩpɛ ãgũsã masĩmakũ gããmegũ, ãgũsãrẽ ãsũ ãrĩdi ããrĩmĩ: “Mɔsã ããrĩripoe i irasũ waabirikoa dapa. Pɛrɛ marã gapɛ irire ããrãkuma”, ãrĩdi ããrĩmĩ. Dapagorare Marĩpɛ marĩrẽ tauri kerere wererã ãgũsã iripoegue weredeareta mɔsãrẽ werema. Õãgũ deyomarĩgũ Marĩpɛ ɛmɛgasigue merã iriudi iritamurĩ merã mɔsãrẽ irire werema. Marĩpɛ Jesucristo iridea merã marĩrẽ taurire Marĩpɛre wereboerãde bɔro masĩduama.

## *Marĩpɛ marĩrẽ ñerĩ marĩrã ããrĩdoremi, ãrĩ gojadea*

<sup>13</sup> Irasirirã mɔsã iriburire õãrõ pẽmasĩrĩ merã gũñaka! Jesucristo i ɛmɛgue dupaturi aarimakũ, Marĩpɛ mɔsãrẽ õãrõ iritamugũ mɔsã peamegue waabonerãrẽ tauburire gũñanĩkõãka! Irire gũñarã, bɔro ɛsɛyari merã yũka! <sup>14</sup> Iripoegue mɔsã Marĩpɛre masĩburi dupiyuro ñerõ ɛaribejarire iriunaderosũta dapagorare neõ irinemobirikõãka! Majĩrã ãgũsã pagũsãmarã dorerire tarinũgãmerã irirosũ Marĩpɛ dorerire tarinũgãbirikõãka!

15 Marĩpu musãrẽ ãgũyarã ããrĩdoregu siiudi, ñerĩ marĩgũ ããrĩmi. Irasirirã, ãgũ irirosũ musãde ñerĩ marĩrãta õãrĩ ditare irika! 16 Marĩpũya werenĩrĩ gojadea pũgue irasũta ãrĩ gojasũdero ããrĩbũ. Æsũ ãrĩdi ããrĩmĩ: “Yũ õãgũ, ñerĩ marĩgũ ããrã. Irasirirã musãde ñerĩ marĩrã ããrĩka!” ãrĩdi ããrĩmĩ.

17 Marĩpu ããrĩpererãrẽ surosũ ãgũ, ãgũsã irideare: “Iri õãbũ, iri õãbiribũ”, ãrĩ weregu ããrĩmi. Irasirirã ãgũrẽ: “Guapu”, ãrĩrã, i ãmũgue musã ããrĩrõpa gopeyari merã ãgũyare irika! 18 Musã ñekũsãmarã Marĩpũyare iribirinerã ããrĩmã. Musã ãgũsã iriderosũ iriri wajamãa. Irasirigũ Marĩpu musãrẽ ãgũsã iriderosũ iriunanerãrẽ taudi ããrĩmĩ ãgũyare iriburo, ãrĩgũ. Musã ire masĩa. Marĩpu marĩrẽ taugũ, marĩ ñerõ iridea wajare wajari-bosadi ããrĩmĩ. Irasũ wajaribosagũ, niyeru, oro merã wajaribosabiridi ããrĩmĩ. Niyeru, oro pereburi ããrã. 19 Irasirigũ iri wajakuro nemorõ marĩ ñerĩ iridea wajare wajaribosadi ããrĩmĩ. ãgũ magũ Cristo boagũ dí béodea merã gapũ marĩ ñerĩ iridea wajare wajaribosadi ããrĩmĩ. Oveja majĩgũ masaka Marĩpũre buremurã wẽjẽ soepeobu õãgũ ããrĩderosũta Cristo õãgũ ñerĩ marĩgũ ããrĩmĩ. 20 Marĩpu i ãmurẽ ãgũ iriburo dupiyurogueta Cristo ãgũ boagũ dí béoburire masĩsiadi ããrĩmĩ. Ipapoere i ãmũ pereburi dupiyuro Cristore i ãmũgue iriudi ããrĩmĩ, ãgũya dí béori merã musãrẽ iritamuburo, ãrĩgũ. 21 Irasirirã Cristo iritamurĩ merã Marĩpũre buremua. Marĩpu Cristore boadiguere masũ, ãmũgasigue ãĩmurĩa, ããrĩpererã Opũ sóodi ããrĩmĩ. Irasirirã Marĩpũre: “Guare õãrõ irigũ ããrĩmĩ”, ãrĩ buremu, ãgũ merã õãrõ ããrĩnĩburire õãrõ masĩa.

22 Cristoya diayema kerere pé buremusĩa, musã ñerĩ iririkurire pirinerã ããrĩbũ. Dapagorare diayeta musãyarãrẽ maĩmasĩa. Irasirirã musãya yũjũpũrãrĩ, ããrĩpereri musã turari merã gãme maĩka! 23 Musã Marĩpũya werenĩrĩrẽ buremurã, dupaturi deyoarã irirosũ waabũ. Irasirirã ãgũ pũrã waabũ. Marĩ pagũsãmarã merã deyoa, pũrũ boakõãrãkoa. Iri irirosũ ããrĩbea Marĩpu pũrã waamakũ. ãgũya werenĩrĩ, perebiri werenĩrĩ ããrã. Irasirirã iri werenĩrĩ merã ãgũ pũro ãgũ merã ããrĩnĩkõãrãkoa. 24 ãgũya werenĩrĩ gojadea pũgue ãsũ ãrĩ gojasũdero ããrĩbũ:

Ããrĩpererã masaka tá irirosũ ããrĩma. ãgũsã õãrĩ oparide tá goori irirosũ ããrã. Tá masã, boakõãa. Gooride boakõãa. Iri irirosũta marĩ masakade boarãkoa.

25 Marĩ Opũ werenĩrĩ gapũ neõ perebirikoa. ãgũ ãrĩderosũta waarokoa. ããrĩpereri ãgũ: “Æsũ irigũra”, ãrĩdeare iriyuwarikugũkumi, ãrĩ gojasũdero ããrĩbũ.\*

Iri õãrĩ bueri, musãrẽ ãgũsã weredea, Jesucristo marĩrẽ tauri kerere bueri ããrã.

## 2

1 Irasirirã ããrĩpereri gajirosũperi ñerĩ iririre: ãrĩkatorire, irikatorire, gajirã gajino opamakũ ãaturirire, gajirãrẽ ñerõ ãrĩ werewũarire pirika! 2-3 Musã, marĩ Opũ musãrẽ õãrõ iririre sĩrũ masĩsiãa. Irasirirã neõ deyoarãgã õpĩkũrẽ gããmerõsũ musãde marĩ Opũyare diayemarẽ bure gããmekã! Irire gããmerã, ãgũrẽ buremunemorãkoa. Musã irasirimakũ, musãrẽ taugũkumi.

*Cristo masakare okari sĩgũ ãtãye irirosũ ããrĩmi, ãrĩ gojadea*

4 Cristo marĩrẽ okari sĩgũ suye ãtãye masaka ãgũsã béoadeaye irirosũ ããrĩgũ ããrĩmi. ãgũsã ãgũrẽ gããmibirikeremakũ, Marĩpu ãgũ Pagũ gapũ ãgũrẽ: “Õãtarigũ, ããrĩpererã Opũ ããrĩmi”, ãrĩ beyedi ããrĩmĩ. Irasirirã ãgũrẽ: “Õãgũ ããrĩmi”, ãrĩ buremua. 5 Marĩde Cristo merã okari oparã ãtãyeri irirosũ ããrã. Marĩpu, sugũ ãtãyeri merã wii irigũ irirosũ marĩ merã irigũ yãmi. Irasirigũ marĩrẽ ãgũyarãrẽ ãgũya wiima irirosũ ããrĩmakũ yãmi. ãgũyarã paĩa ãgũrẽ buremurã, ãgũ dorederosũta gajino sĩa. Marĩrẽ ãgũsã irirosũ ããrĩmakũ yãmi, Jesucristo iritamurĩ merã ãgũrẽ usũyari sĩburo, ãrĩgũ. Irasirirã ãgũyare irirã, ãgũrẽ usũyamakũ irirãkoa. 6 Marĩpu ãgũya werenĩrĩ gojadea pũgue ãsũ ãrĩdi ããrĩmĩ:

\* 1:25 Is 40.6-8

Y<sub>u</sub> beyedire yaa wiima weanú<sub>pu</sub>roridea útāye irirosū āārīgūrē Jerusalēgue pí<sub>gu</sub>ra. Īgū, y<sub>u</sub> beyedi ōātarig<sub>u</sub>, āārīpererā Op<sub>u</sub> āārīmi. Īgūrē b<sub>u</sub>remurāno, b<sub>u</sub>ro <sub>u</sub>ṣ<sub>u</sub>yarākuma. “Ubugorata Īgūrē b<sub>u</sub>remukub<sub>u</sub>”, ārī gūñabirikuma, ārīdi āārīmi.✠

7 M<sub>u</sub>sāde Īgūrē b<sub>u</sub>remurā: “Ōātarig<sub>u</sub> āārīmi”, ārī ĩāa. Īgūrē b<sub>u</sub>remumerā gap<sub>u</sub>re Marī<sub>pu</sub>ya werenī<sub>ri</sub> gojadea pūgue āsū ārī gojasūdero āārībú:

Marī<sub>pu</sub> beyedi suye útāye wii iririmasā béoadeaye irirosū āārīkeremakū, Marī<sub>pu</sub> gap<sub>u</sub> Īgūrē iri wiima weanú<sub>pu</sub>roridea útāye irirosū āārīmakū iridi āārīmi. Irasirig<sub>u</sub> Īgūrē āārīpererā Op<sub>u</sub> pídi āārīmi, ārī gojasūdero āārībú.✠

8 Gaji Marī<sub>pu</sub>ya werenī<sub>ri</sub> gojadea pūgue āsū ārī gojasūdero āārībú:

Marī<sub>pu</sub> beyedire b<sub>u</sub>remumerā, iri útāyegue gubut<sub>u</sub>ameémejānerā irirosū āārīma. Irasirirā Marī<sub>pu</sub> p<sub>u</sub>rogue neō waabirikuma, ārī gojasūdero āārībú.✠

Īgūya kerere b<sub>u</sub>remubiri waja útāyegue gubut<sub>u</sub>ameémejānerā irirosū āārīma. Marī<sub>pu</sub> p<sub>u</sub>rogue ejabirikuma. Īgūsārē irasū waaburire Marī<sub>pu</sub> iripoeguetā: “Irasū waarokoa”, ārīsiadi āārīmi.

### *Marī<sub>pu</sub>yarā āsū āārīma, ārī gojadea*

9 M<sub>u</sub>sā gap<sub>u</sub> Marī<sub>pu</sub> pūrā Īgū beyenerā āārā. Marī Op<sub>u</sub>yarā paía irirosū Īgūyare moārā, Marī<sub>pu</sub>ya bumarā Īgū ĩūrō ñerī marīrā Īgūyarā āārā. M<sub>u</sub>sārē naītīārō āārīrā irirosū Īgūyare neō masībirinerārē masīdoreg<sub>u</sub> siiudi āārīmi. Irasirig<sub>u</sub> m<sub>u</sub>sārē boyorogue āārīrā irirosū irire ōārō masīrā āārīmakū iridi āārīmi. M<sub>u</sub>sārē Īgū ōārō irideare gajirārē weredoreg<sub>u</sub>, irasiridi āārīmi. 10 M<sub>u</sub>sā iro dupiyurogue Marī<sub>pu</sub> pūrā āārībirib<sub>u</sub>. Dapagorare Marī<sub>pu</sub> pūrā āārā pama. M<sub>u</sub>sā iro dupiyurogue bopoñarī merā ĩāsūña marīb<sub>u</sub>. Dapagorare m<sub>u</sub>sārē Marī<sub>pu</sub> bopoñarī merā ĩāmi.

### *Marī<sub>pu</sub>yare irirā āārīka! ārī gojadea*

11 Yaarā y<sub>u</sub> maīrā, m<sub>u</sub>sā i ũmūrē naagorenarīmasā m<sub>u</sub>sāya makāgue āārīmerā irirosū, Marī<sub>pu</sub> p<sub>u</sub>ro waamurāta āārā. Irasirig<sub>u</sub> m<sub>u</sub>sārē ire turaro werea. M<sub>u</sub>sā ñerī <sub>u</sub>aribejarire iribirikōāka! M<sub>u</sub>sārē ñerō irimakū irid<sub>u</sub>arā irirosū m<sub>u</sub>sā ñerī <sub>u</sub>aribejari m<sub>u</sub>sārē ñerō irimakū irid<sub>u</sub>aro yāa. 12 Marī<sub>pu</sub>re masīmerā watopegue āārīrā ōārō irirā āārīka, m<sub>u</sub>sārē werew<sub>u</sub>ari, ārīrā! M<sub>u</sub>sā irasirimakū m<sub>u</sub>sārē werew<sub>u</sub>ad<sub>u</sub>akererā, Marī<sub>pu</sub> Īgūsārē Īgūyare masīmakū iriripoe m<sub>u</sub>sā ōārō iririre ĩānerā āārīsīā, Īgūrē: “Ōāgū, turag<sub>u</sub> āārīmi”, ārī b<sub>u</sub>remurākuma.

13 Marī Op<sub>u</sub>re b<sub>u</sub>remusīā, āārīpererā i nikū marā oparārē ōārō merā y<sub>u</sub>juka! I nikū marā oparā op<sub>u</sub> āārīgūdere y<sub>u</sub>juka! 14 Īgū dokamarā oparādere y<sub>u</sub>juka! Īgūsārē Īgū doreri tarinugārārē wajamoāmurārē pídi āārīmi. Īgū dorerire irirārē: “Ōārō iriab<sub>u</sub> m<sub>u</sub>sā”, ārīdoreg<sub>u</sub> pídi āārīmi. Irasirirā Īgūsārē y<sub>u</sub>juka! 15 Marī<sub>pu</sub>, m<sub>u</sub>sā ōārō irimakū gāāmemi. M<sub>u</sub>sā irasirimakū ĩārā, pémasīmerā m<sub>u</sub>sārē werew<sub>u</sub>ad<sub>u</sub>akererā, werew<sub>u</sub>amasībema.

16 M<sub>u</sub>sā, Marī<sub>pu</sub> tausūnerā āārīsīā, gajirārē moāboerimasāgora āārībea. Marī<sub>pu</sub> tausūnerā āārīkererā, “G<sub>u</sub>are doreri máa. Irasirirā g<sub>u</sub>a gāāmerō ñerīrē irirākoa”, ārī gūñabirikōāka! Āsū gap<sub>u</sub> irika! “Marī<sub>pu</sub>re moāboerā āārā g<sub>u</sub>a”, ārī gūñaka! Irasū ārī gūñarā, Īgū dorerire irika! 17 Āārīpererā masakare b<sub>u</sub>remurī merā ĩāka! Marīyarārē Jesúre b<sub>u</sub>remurārē maīka! Marī<sub>pu</sub>re gopeyari merā b<sub>u</sub>remuka! I nikū marā op<sub>u</sub>dere b<sub>u</sub>remurī merā ĩāka!

### *Cristo ñerō tarig<sub>u</sub> Īgū bokatīūderosū m<sub>u</sub>sāde bokatīūka! ārī gojadea*

18 Moāboerimasā, ōārō b<sub>u</sub>remurī merā m<sub>u</sub>sā oparārē y<sub>u</sub>juka! M<sub>u</sub>sārē ōārō irirā ditare y<sub>u</sub>jubirikōāka! M<sub>u</sub>sārē turaro merā dorerādere y<sub>u</sub>juka! 19 M<sub>u</sub>sā ñerō iribirikeremakū, m<sub>u</sub>sā oparā m<sub>u</sub>sārē wajamoābukuma. M<sub>u</sub>sā, Marī<sub>pu</sub> ĩūrō diayemarē irid<sub>u</sub>amakū, Īgūsā wajamoārīrē bokatīūmakū, Marī<sub>pu</sub> m<sub>u</sub>sārē: “Ōārō yāma”, ārī ĩāgukumi. 20 M<sub>u</sub>sā ñerō iriri waja gap<sub>u</sub> Īgūsā m<sub>u</sub>sārē wajamoāmakū, irire m<sub>u</sub>sā bokatīūkeremakū, Marī<sub>pu</sub> m<sub>u</sub>sārē:

“Ōārō yáma”, āri iābirikumi. Musā ōārō irikeremakū ĩgūsā musārē wajamoāmakū, musā ōārō merā guaro marīrō bokatīūmakū, Marīpu musārē: “Ōārō yáma”, āri iāgakumi. <sup>21</sup> Irasiriburo, āriġū, Marīpu musārē ĩgūyarā āārīdoregū siudi āārīmí. Cristode musāya āārīburire ñerō tarimi, musāde ĩgū iriderosū iritayaburo, āriġū. <sup>22</sup> ĩgū neō suñarō ñerō iribirimi. Gajirārē ārīkatori merā neō wereníbirimi. <sup>23</sup> Masaka ĩgūrē turimakū, ĩgūsārē neō turi gāmibirimi. ĩgūrē ĩgūsā ñerō irikeremakū: “Musārē ñerō irigura”, neō ārībirimi. ĩgū Pagū gapure: “Yupū diayemarē irigū, yure ñerō irirārē diayeta wajamoāgukumi. ĩgūgue āmugukumi”, āri gūñadi āārīmí. Irasirirā marīdere ĩgū ārīderosū ārīrō gāamea. <sup>24</sup> Cristo, marī irirosū dupukūgū ĩgū basi marī ñerī iridea wajare wajaribosagū curusague boami. Marī okaropa ñerī iririre piri, Marīpuya diayema gapure iriburo, āriġū, boami. ĩgū marīrē peamegue waabonerārē taugū, buro kāmikū, buro ñerō tarimi. <sup>25</sup> Oveja dederinerā irirosū musāde peamegue dederibonerā āārībú. Dapagorare Cristore buremusiā, ĩgūyarā āārā. Irasirigū ovejare koregū irirosū Cristo musārē koremi. Musā ōārō āārīrikuburo, āriġū, musārē ōārō koremi.

### 3

#### *Mojōshanerā āsū irika! āri gojadea*

<sup>1-2</sup> Moāboerimasārē yu werederosūta musā marāposā nomerē weregura. Musā marāpusāmarārē ōārō merā yujuka! ĩgūsā dorerosū irika! Surāyeri musā marāpusāmarā Marīpuya kerere buremumerā āārīma. Irasirirā ĩgūyare musā ĩgūsārē werebirikererā, ĩgūyare ōārō iririkuka! Ōārī ditare irika! Musā marāpusāmarā musārē dorerire buremurī merā yujuka! Musā irasirimakū iārā, ĩgūsāde Marīpuya kerere buremubukuma. <sup>3</sup> Musāya dupure wāri mamarikubirikōāka! Musāya dupure gajirārē iāsuyumakū iribirikōāka! Musārē: “Ōārō deyoma”, āri iāmakū iribirikōāka! Irasirirā musāya poañapure wūapuwea mamuanerā nome, oro merā iridea dari buyanerā nome, wajapari surī sāñanerā nome āārīduari ditare gūñarikubirikōāka! <sup>4</sup> Āsū gapū āārīka, ōārā, ōārō deyorā nome āārīduarā! Ōārī gūñarī oparā nome, gajirārē turiro marīrō gopepyaro merā weretamurā nome, siñajārī merā āārīrikurā nome āārīka! Ōārō āārīrikuri, dupure mamarī ōārō deyori pereburosū neō perebirioka. Musā ōārō āārīrikuri, Marīpu iūrōrē ōatariri āārā. <sup>5</sup> Iripoeguere Marīpuyarā nome āsūta āārīunanerā āārīmá. ĩgūsā nome: “Marīpu ārīderosūta yure ōārō irigukumi”, āri buremurā, ĩgūsā marāpusāmarā dorerire ōārō yujunerā āārīmá. <sup>6</sup> Āsūta Sara igo marāpure Abrahārē ōārō merā yujudeo āārīmó. Irasirigo ĩgūrē: “Yu opu”, āārīunadeo āārīmó. Irasirirā musā ōārō irirā, güiro marīrō āārīrikurā, Sara āārīderosū āārīrākoa.

<sup>7</sup> Āsūta musā marāpokurāde musā marāposā nomerē pémasīrī merā ōārō irika! Nome, marī ūma irirosū turarā āārībema. Irasirirā ĩgūsārē buremurī merā iritamuka! Marīpu musārē bopoña, ĩgū puro perebiri okari sīburosūta nomedere bopoña, perebiri okari sīgukumi. Irasirirā musā marāposā nomerē ōārō koreka! Marīpu musā sērērīrē yujuburosūta ĩgūsā nomerē ōārō irika!

#### *Ōārō ĩgūsā irikeremakū, gajirā ĩgūsārē ñerō iririre weredeā*

<sup>8</sup> I merā musā āārīpererārē weretūnugura. Suro merā ōārō āārīrikuka! Musā merāmarārē bopoñarī merā iāka! Sugū pūrā irirosū gāme maīrikuka! Ōārō merā gāme iritamuka! “Gua, gajirā nemorō āārībea”, āri gūñaka! <sup>9</sup> Gajirā musārē ñerō irimakū, ĩgūsārē gāmibirikōāka! Musārē ĩgūsā ñerō āri werenímakū, ĩgūsārē ñerō āri gāmibirikōāka! Āsū gapū irika! ĩgūsāya āārīburire Marīpure sērēbosaka! Marīpu musārē ōārō iribu, irire irimurārē pídi āārīmí. <sup>10</sup> Marīpuya werenīrī gojadea pūguere āsūta āri gojasūdero āārībú: Musā okaropa ōārō usuyari merā āārīduarā, neō ñerō wereníbirikōāka! Neō ārīkatobirikōāka!

11 Āārīpereri ñerī iririre pirikōāka! Ōārī gapure irika! Gāme iāturo marīrō siñajārī merā āārīrikuka! Irire bure gāameka!

12 Diayemarē irirārē marī Opu irasū koreníkōāmi. Īgūsā Īgūrē sērērīrē irasū pénikōāmi. Ñerō irirā gapure gāamebemi, ārī gojasūdero āārībú.✠

13 Ōārī ditare iriduumakū, ¿noā musārē poyanorēbukuri? 14 Diayemarē musā irik-eremakū, gajirā musārē ñerō irimakū, Marīpu gapu musārē oārō yāmi. Irasirirā usuyāa. Musārē ñerō iriduarārē gübirikōāka! Īgūsā musārē iriburire güñarikubirikōāka! 15 Āsū gapu irika! Cristore: “Gua Opu āārīmi”, ārī buremuka! Musārē: “¿Nasirirā Cristore buremurī?” ārī sērēñarānorē pémasīrī merā oārō yujuka! Īgūsā musārē sērēñaburo dupiyuro Īgūsārē yujaburire oārō güñayuka! Irasirirā Īgūsārē Cristo musārē tauburire oārō yujarākoa. 16 Turiro marīrō oārō buremurī merā Īgūsārē yujuka! Ōārō irika! Irasirirā: “Marīpu iūrō waja opabea”, ārī güñarākoa. Cristore musā buremurā Īgūyare oārō irirā āārīmakū gajirā musārē: “Ñerō yāma”, ārī werewuanerā Īgūsā musārē werewuadea diaye āārībirimakū iārā, gūyasīrīrākuma. 17 Marī ñerō iriri waja gajirā marīrē ñerō tarimakū iribukuma. Marīpu gāamemakū, marī oārō iriri waja gajirā marīrē ñerō tarimakū iriri gapu oāgorāa.

18 Irasūta Cristo oāgū āārīkeregū, ñerō tarimi. Suñarōta āārīpererā ñerī iridea wajare boa, wajaribosadi āārīmī. Marī ñerā āārīmakū, marīya āārīburire ñerō tarimi, marīrē Marīpuyarā waamakū iribu. Īgū, marī irirosū dupukugū āārīsīā, Īgūya dupugora tamerā boakōāmi. Īgū boakeremakū, Īgūya yujapūrā merā okakōādi āārīmī. 19 Irasirigū Īgūya yujapūrā merā boanerā Īgūsā peresu irisūnerā āārīrōgue waa, Īgūsāya yujapūrārīrē Marīpuhare weredi āārīmī. 20 Īgūsā iripoeguere Marīpu dorerire tarinugāunanerā āārīmā. Noé āārīdeapoeguere Īgū wādiru doódirure dooripoe Marīpu Īgūrē buremumakū gāamedi āārādimi. Irasirigū: “Gajipoe irirā yare buremubukuma”, ārī, Īgūsārē yoaripoe yūdi āārādimi. Īgūsā gapu neō buremubiriunanerā āārīmā. Irasirigū Marīpu Īgūsārē wajamoādi āārīmī. Noé Īgūya wii marā merā dita: su mojōma pere gaji mojō ureru pērēbejarā dia mirīrīrē tariweredi āārīmī. 21 Marīpu i nikūrē miūgū Īgūsārē taudea, marīrē deko merā wāiyeri irirosū āārā. Irasiriro marī peamegue waabonerārē tauburire ĩmua. Deko merā marīrē wāiyemakū, marīya dupure gurarire koerosū āārībea. Marī wāiyesūrā, Marīpuhare: “Gūare mu iūrō ñerī marīrā āārīmakū irika!” ārī sērēa. Irasirirā, Jesucristo masādea merā marī peamegue waabonerā tarimurā āārā. 22 Jesucristo masādero puru, umugasigue marīadi āārīmī. Irasirigū Marīpu diaye gapu doami Īgū merā dorebu. Īgū Marīpuhare wereboerā nemorō, umarō marā oparā nemorō, āārīpererā dorerā nemorō doregu āārīmī.

## 4

### *Marīpu iritamurī merā Īgūyare irimasīrākoa, ārī weredea*

1 Jesucristo, marī irirosū dupukugū ñerō tarimi. Irasirirā: “Īgū ñerō tarikeregū Marīpu gāamerīrē iriderosū marīde ñerō tarikererā Marīpu gāamerīrē irirākoa”, ārī güñarō gāamea. Marīde, Īgū ñerō tariderosū ñerō tarirā, ñerō iririre pirikōāa. 2 Irasū pirirā, i umu marī āārīrōpa dupaturi ñerī uribejarire iribirikoa. Marīpu gāamerīrē irinīrākoa. 3 Iripoegue, Marīpuhare masīmerā ñerīrē iriduarire iriderosūta musāde ñerīrē iriunanerā āārībú. Irasirirā gūyasīrīrō marīrō ñerīrē iririkurā, ñerī uribejarire iririkurā, mejārikurā, bosenuī irirā mejā, gaguinīrikurā āārīnerā āārībú. Marīpu dorerire tarinugārā keori weadeare buremunerā āārībú. Irasirirā iropata iri ñerīrē irika! 4 Dapagorare irire marārōta irirā gapu musā iri ñerīrē Īgūsā merā iribirimakū iārā, iāgukakōāma. Irasirirā musārē iāturi, ñerō werenīma. 5 Marīpu Īgūsārē: “Musā irasū ñerī irideare werepeoka!”

✠ 3:12 Sal 34.12-16

ārīgukumi. Īgūta okarārē, boanerādere: “Ire irimakū ōāgorabu, iri gapure irimakū ōābiribu”, āri beyebu āārīmi. <sup>6</sup> I ūmūrē āārīpererā masaka boamurā dita āārīkeremakū, Marīpu Īgūya kerere wererārē Īgūsārē irire weredoredi āārīmi, boadero puṛu Īgū irirosū Īgū puṛo okanikōāburo, ārīgū.

<sup>7</sup> Āārīpereri i ūmuma pereburo mérō dūyanugāwāgārisiāa. Irasirirā ōārō pémasīrī merā diayemarē irinikōāka! Irasirirā Marīpūre būremurī merā sērērākoa. <sup>8</sup> Āārīpereri gajino iriri nemorō diayeta gāme maīka! Neō gāme maīduūbirikōāka! Marī gajirārē maīrā, marīrē Īgūsā űerō irikeremakū, mata Īgūsā űerō iriadeare kātiakōākoa. <sup>9</sup> Mūsā merāmarā mūsāya wiirigue ejamakū, ōārō ūṣuyari merā Īgūsārē bokatīrīñeāka! <sup>10</sup> Marīpu Īgūyarākure Īgūyare irimasīburire pídi āārīmi. Irasirirā iri merā ōārō gāme iritamuka! Marīpu mūsākure mūsā Īgūyare irimasīburire pídea merā Īgū gāāmerōsū gāme iritamurā, ōārō gāme iritamurā yāa. <sup>11</sup> Irasirirā Marīpūyare wererā, Īgū weredorederosūta wereka! Gajirārē iritamurāde Īgū turari sīrō bokatīūrō iritamuka! Āārīpereri mūsā iririre Marīpūre masaka ūṣuyari sīburosū irika! Jesucristo iritamurī merā irasirika! Marīpūre āārīpererinurī būremuka! Marī āārīpererā Īgūrē: “Ōātarigu, turatarigu āārā”, āri, ūṣuyari sīrā! Irasūta irirā!

### *Jesúre būremurī waja űerō taririre gojadea*

<sup>12</sup> Yaarā yu maīrā, mūsā Jesúre būremurī waja űetariro tarirā, diayeta Īgūrē būremurīrē masīsūa. Irasirirā: “¿Nasiriro yure irasū waari? Gajirosū waakoa”, āri gūkabirikōāka! <sup>13</sup> Āsū gapu irika! űerō tarirā: “Cristo űerō tariderosū guade űerō taria”, āri ūṣuyaka! Irasirirā Cristo dupaturi i ūmugue Īgū gosesiriri merā, Īgū turari merā aarimakū iārā, būro ūṣuyarākoa. <sup>14</sup> Cristoyarā mūsā āārīrī waja gajirā mūsārē űerō āri būridamakū, mūsārē űerō werenīmakūdere ire masīka! Marīpūyagu Ōāgū deyomarīgū mūsā merā āārīmi. Īgū turatarigu mūsārē iritamumi. Irasirirā ūṣuyāa. <sup>15</sup> Masakare wējēbéorimasā, yajarimasā, noó waaró űerō iririmasā, gajirārē Īgūsāyamarē sērēñarikurā űerō tarirākuma. Īgūsā irirosū iribirikōāka! Ōārī iridea waja merā gapu űerō tarimakū ōāgorāa. <sup>16</sup> Cristoyarā mūsā āārīrī waja gajirā mūsārē űerō tarimakū irirā yāma. Īgūsā irasirimakū, guyasīribirikōāka! Ubu gapu Marīpūre: “Mu guare Jesucristoyarā āārīmakū iridi āārā, irasirirā mūrē ūṣuyari sīa”, ārīka!

<sup>17</sup> Marīpu marīrē Īgūyarārē marī irideare: “I gapure irimakū ōāgorabu, i gapure irimakū ōābiribu”, āri beyeripoe ejasiāa. Āārīpererārē marīrē Īgūyarārē marī irideare irasū āri beyepuṛorigukumi. Īgūyarārē irasū beyepuṛorigu, ¿nasirigukuri Īgūyarā āārīmerā gapure? Īgūya kerere gāāmebiri waja Īgūsārē būro wajamoāgukumi. <sup>18</sup> Marīpūya werenīrī gojadea pūgue āsū āri gojasūdero āārībú: “Ōārā Marīpūyarā būro űerō taridero puṛu, Marīpu Īgūsārē tau, Īgū puṛo āīagukumi. űerā Īgūrē gāāmemerā gapu űetariro tarirākuma. Peamegue waadederirākuma”, āri gojasūdero āārībú. <sup>19</sup> Irasirirā Marīpu gāāmerōsū marī űerō tarirā, ōārī iririre irinikōārō gāāmea. Marīya āārīburire Marīpūre marīrē iridire wiaro gāāmea. Āārīpereri Īgū: “Mūsārē ōārō irigura”, ārīdeare diayeta irigukumi. Irasirirā Īgūrē: “Mu gāāmerō yure irika!” ārīrō gāāmea.

## 5

### *Pedro, Jesúre būremurā iriburire gojadea*

<sup>1</sup> Dapagorare mūsārē Jesúre būremurā oparā mūrārē weregura. Yude Jesúre būremurārē doregu āārā. Cristo űerō tarimakū iābu. Īgū gosesiri merā, Īgū turari merā dupaturi i ūmugue aarimakū, yude āārīpererā Īgūrē būremurā merā iāgukoa. <sup>2</sup> Marīpūyarā oveja irirosū āārīma. Mūsā Īgūyarārē dorerā ovejare korerā irirosū āārā. Irasirirā Marīpu mūsārē Īgū pínerārē Īgūyarārē ōārō koreka! Marīpu gāāmerōsū



ōārō yujupūrākuri merā ĩgūsārē koreka! ĩgūsārē korerā: “Niyerure wajatarākoa”, ārī gũñabirikōāka! <sup>3</sup> ĩgūsārē korerā, pūrīrō merā dorebirikōāka! Ōārō iririkuka! Irasirirā musā iririkurire ĩākūrā, ĩgūsāde ōārō iririkurākuma. <sup>4</sup> Musā irasū ōārō iririkurā, Cristo marīrē āārīpererā korerā Opu dupaturi i umugue aarigá, musārē: “Ōārō iribu”, ārīgukumi. Irasirirā, ĩgū puro gosesirogue ĩgū ōātariri sīburire\* wajatarākoa. Iri neō perebirikoa.

<sup>5</sup> Yu musā oparārē wererosū musā maamarādere weregara. “Murārē buremurī merā yujuka!” ārī werea. Irasirirā musā Jesúre buremurā āārīpererā: “Gajirā nemorō āārā”, ārī gũñarō marīrō gāme iritamuka! Marīpuya werenírī gojadea pūgue āsū ārī gojasūdero āārībú:

“Gajirā nemorō āārā”, ārī gũñagūrē Marīpu iritamubemi. “Yu ubu āārīgá āārā, yure iritamuka!” ārīgū gapure ōārō iritamumi, ārī gojasūdero āārībú.\*

<sup>6</sup> Irasirirā: “Gajirā nemorō āārā”, ārī gũñabirikōāka! Marīpu turagu musārē doremakū, yujuka! Musā irasirimakū, Marīpu ĩgū: “Āsū irigura”, ārīrīnu ejamakū, masaka ĩūrō musārē: “Yu maīrā, yu iritamurā āārīma”, ārī ĩmugukumi. <sup>7</sup> Marīpu buro maīrī merā musārē koremi. Irasirirā āārīpereri musā gũñarikurire ĩgūrē wereka! ĩgū musārē iritamugukumi.

<sup>8</sup> Ōārō pémasírī merā diaye gũñaka! Wātī musārē ĩaturigu musārē ñerī irimakū iridugū ēōkaye guagu waibure baadugū āmagorenagū irirosū musārē poyanoredugū āmagorenami. <sup>9</sup> Ire masīa. Musā ñerō tarirosūta āārīpererogue gajirā Jesúre buremurā ñerō tarirā yāma. Irasirirā ñerō tarikererā, wātīrē neō yujubirikōāka! Jesús gapure gũñaturaníkōāka! ĩgūrē buremurīrē neō piribirikōāka! <sup>10</sup> Musā i umugue āārīrōpa dita ñerō tarirākoa. Pupu Marīpu musārē gũñaturarā, ōārā, turarā āārīmakū irigukumi. Marīputa neō piriro marīrō marīrē iritamunígū Jesucristore buremunugādogu siudi āārīmí, marīrē ĩgū merā ĩgū gosesirogue āārīnīkōāburo, ārīgū. <sup>11</sup> Irasirirā ĩgūrē: “Mu turatarigu, āārīpererā Opu āārā”, ārī, usuyari sīnírā! Irasūta irirā!

### *Pedro ōādoretūnudea*

<sup>12</sup> Silvano iritamurī merā i pūguere yu musārē mérīgā gojáa. ĩgū, yu ĩāmakū, Jesúre buremugū marīyagu diayemarē irigu āārīmi. Irasirigu ĩgū iritamurī merā musārē gũñatura, usuyamakū irigu, Marīpu marīrē diayeta maīgū āārīmi, ārīgū, i pūrē musārē gojáa. Marīpu marīrē maīrīrē masīrā ĩgūrē irasū buremuníkōāka!

<sup>13</sup> Babilonia marā Jesúre buremurā musārē ōādorema. ĩgūsāde, musā irirosūta Marīpu beyenerā āārīma. Marcos yu magū irirosū āārīgūde musārē ōādolemi. <sup>14</sup> Musā merāmarārē bokatírīrā, maīrī merā, ōārō usuyari merā mojō ñeāka!

Marīpu āārīpererā musārē Jesucristoyarārē ōārō siñajārī merā āārīrikamakū iriburo. Irasūta iriburo.

Iropata āārā.

Pedro

\* **5:4** Sugu ũma birarimasū gajirā nemorō ōārō ũmagū, olivo wāikūdima pūrī merā iridea berore wajatakumi. Masaka iri berore ĩgūya dipurugue peokuma, gajirārē ĩgū wajatadeare ĩmurā. I irirosū, sugu Jesúre buremugū ñerō tarikeregu: “Marīpu yure iritamugukumi”, ārī buremurīrē piribi, umugasigue perebiri okari wajatagukumi. Iri umugasigue perebiri okari wajatari, i berore wajatari irirosū āārā. ☆ **5:5** Pr 3.34

## 2 SAN PEDRO

### *Pedro Jesúre bɔremurãrẽ gojadea*

<sup>1</sup> Yɔ Simón Pedro, Jesucristore moãboegɔ, ìgũ buedoregɔ pídi, mɔsãrẽ i pũrẽ gojáa. Marĩ Opɔ Jesucristo marĩrẽ taugɔ diayemarẽ irigɔ ããrĩmi. Irasirigɔ Marĩpɔ Jesucristo merã gɔhare iriderosũta mɔsãdere ìgũrẽ bɔremumakũ iridi ããrĩmi. Marĩ Jesucristore bɔremurĩ opamakũ òãtaria. <sup>2</sup> Mɔsã Marĩpɔre, irasũ ããrĩmakũ marĩ Opɔ Jesúre masĩa. Irasirigɔ Marĩpɔ ìgũ mɔsãrẽ òãrò iritamurĩrẽ, ìgũ mɔsãrẽ siñajãrĩ sĩrĩrẽ masĩnemomakũ iriburo.

### *Jesucristoyarã ãsũ ããrĩma, ãrĩ gojadea*

<sup>3</sup> Marĩpɔ marĩrẽ ìgũrẽ masĩmakũ iridi ããrĩmi. Irasirigɔ ìgũ turari merã marĩrẽ ããrĩpereri òãrĩrẽ sĩdi ããrĩmi ìgũ merã òãrò ããrĩ, ìgũ gããmerĩrẽ iriburo, ãrĩgũ. Ìgũ òãtarigɔ, ããrĩpereri òãrò irigɔ marĩrẽ siiudi ããrĩmi, ìgũyarã ããrĩdoregɔ. <sup>4</sup> Ìgũ òãgũ, òãrò irigɔ ããrĩsĩã, marĩrẽ: “Yɔ turari merã mɔsãrẽ wãri òãtaririre irigɔra”, ãrĩdi ããrĩmi. Irasirigɔ ìgũ ãrĩderosũta marĩrẽ yãmi, ìgũ irirosũ òãrĩrẽ iriburo, ãrĩgũ. Marĩrẽ i ùmɔma ñerĩrẽ ɔaribejarire piriburo, ãrĩgũ, irasirimi. <sup>5</sup> Ìgũ marĩrẽ irasirimakũ ìãrã, mɔsã Jesúre bɔremurã ããrĩpereri mɔsã turari merã ire irinemoka! Òãrĩ irika! Òãrĩ irirã, òãrò pémasĩrĩ merã irika! <sup>6</sup> Pémasĩrĩ merã irirã, mɔsã ñerò iridɔarire iribirikòãka! Ñerò iridɔarire irimerã ñerò tarikererã, Marĩpɔre gũñaturaníkòãka! Irasũ gũñaturanĩrã, Marĩpɔre bɔremurĩ merã ìgũ gããmerĩrẽ iririkɔka! <sup>7</sup> Ìgũ gããmerĩrẽ iririkɔrã, sugɔ pũrã irirosũ mɔsã basi gãme iritamuka! Gãme iritamurã ããrĩpererã gajirãdere maĩ bɔremuka!

<sup>8</sup> Mɔsã irasiriwãgãrã, òãrò irirãkoa. Irasirirã marĩ Opɔ Jesucristore masĩrã, ìgũ gããmerĩrẽ òãrò irinĩrãkoa. Ubu ããrĩrĩrẽ iribirikoa. <sup>9</sup> Sugɔ òãrò iriwãgãbi gapɔ koye ìãbi, o koye òãrò ìãjabi ìgũ waaburire masĩbi irirosũ ããrĩmi. Marĩpɔyare masĩbi: “Ìgũyare iriro gããmea”, ãrĩ gũñabemi. Ìgũ ñerò iridea wajare Marĩpɔ koebéodeare gũñabemi. <sup>10</sup> Yaarã, ire péka! Marĩpɔ mɔsãrẽ siiu, beyedi ããrĩmi, ìgũyarã ããrĩburo, ãrĩgũ. Irasirirã ìgũyarã ããrĩsĩã, ìgũ gããmerĩrẽ neò piriro marĩrò merã iridɔarã ããrĩka! Irasiridɔarã, ìgũyarã ããrĩmerã ñerĩrẽ iririkɔrã irirosũ neò ããrĩbirikoa. <sup>11</sup> Marĩpɔ ìgũ gããmerĩrẽ marĩ irimakũ ìãgũ, marĩ Opɔ marĩrẽ taugɔ Jesucristo ìgũyarãrẽ perebiri dorerogue marĩrẽ òãrò bokatĩrĩñeã: “Òò, yɔ merã òãrò ããrĩnókòãka!” ãrĩ ñajãdoregɔkumi.

<sup>12</sup> Mɔsã yɔ wererire masĩsiãa. Irasũ ããrĩmakũ, diayema ããrĩrĩrẽ mɔsã pédeare piriro marĩrò òãrò yãa. Mɔsã irire masĩkeremakũ, yɔ wererire kãtiri, ãrĩgũ, gũñanimakũ irigɔra. <sup>13-14</sup> Marĩ Opɔ Jesucristo yɔre: “Mérògã dɔyãa mɔ boaburo”, ãrĩ weresiãmi. Irasirigɔ yɔ okaro ejatuario mɔsãrẽ: “Ãsũ irika!” ãrĩ weredeare mɔsãrẽ gũñamakũ irigɔra. “Irasiriro gããmekoa yɔre”, ãrĩ gũñãa. <sup>15</sup> Irasirigɔ yɔ boadero pɔrɔ, yɔ weredeare neò kãtibirikòãburo, ãrĩgũ, ããrĩpereri yɔ iridɔaropã merã mɔsãrẽ irire gojapigɔra.

### *Gɔna Jesucristo ìgũ turagɔ ããrĩrĩrẽ ìãbɔ, ãrĩ gojadea*

<sup>16</sup> Gɔna marĩ Opɔ Jesucristo turarire, irasũ ããrĩmakũ ìgũ dupaturi i ùmɔgue aariburire mɔsãrẽ weresiãbɔ. Irire wererã, sugɔ masakũ ìgũ gããmerò gũñaboka weredeare wererã meta iribɔ. Gɔna basi ìgũ turagɔ ããrĩrĩrẽ ìãbɔ. Irasirirã ire mɔsãrẽ werebɔ. <sup>17</sup> Marĩpɔ ããrĩnĩgũ Jesucristo turatarigɔ, gosesirigɔ ããrĩrĩrẽ gɔhare ìmumakũ ìãbɔ. Irire ìmugũ, ùmɔgasigue merã ãsũ ãrĩ werenĩmi: “Ì yɔ magũ, yɔ maĩgũ ããrĩmi. Ìgũ merã bɔro ɔsɔyãa”, ãrĩmi. <sup>18</sup> Ùmɔgasigue merã irasũ ãrĩ werenĩrĩrẽ pérã, ùtãũ wekague marĩ Opɔ Jesús merã ããrĩbũ. Irigɔgue ããrĩgũta ùmɔgasiguema gosesiriri merã ìgũ deyomakũ ìãbɔ.

<sup>19</sup> Gɔna irire ìãnerã ããrĩsĩã: “Marĩpɔyã kerere weredupiyunerã gojadea diayeta ããrã”, ãrĩ masĩa. Irasirirã mɔsã ìgũsã gojadeare òãrò péka! Ìgũsã gojadea mɔsãrẽ sĩãgodiru

irirosũ ããrã. Naĩtĩãrõgue sĩãgodiru merã marĩ waarõre sĩãgowãgãrã irirosũ ïgũsã gojadea merã Marĩpũyare masĩa. Irasirirã Jesucristo dupaturi aarimakũguedere irire buenĩkõãka! ïgũ neñukãmũ boyodiru õãrõ boyoro irirosũ ããrĩgũ, marĩrẽ maama ãmurẽ píbu ããrĩmi. Irasirigu aarigũ, marĩrẽ Marĩpũyare masĩbirideare õãrõ masĩmakũ irigũkumi. <sup>20</sup> I gapũre masĩpũrorika! Marĩpũya kerere weredupiyunerã ïgũya werenĩrĩ gojadea pũgue ïgũyare gojarã, ïgũsã masĩrĩ merã ïgũsã basi gũñarĩ merã gojarã meta irinerã ããrĩmã. <sup>21</sup> ïgũsã Marĩpũya kerere weredupiyudea, ïgũsã gããmerõ ïgũsã gũñarĩ merã weredea meta ããrã. I ïgũsã weredupiyudea, Marĩpũ ïgũsãrẽ weredoredea ããrã. Irasirirã ïgũsã Marĩpũyarã, Õãgũ deyomarĩgũ iritamurĩ merã Marĩpũyare were, irire gojanerã ããrĩmã.

## 2

### *Ãrĩkatori merã buerimasãyamarẽ gojadea (Jud 4-13)*

<sup>1</sup> Iripoegue Israel bumarã surãyeri: “Marĩpũya kerere weredupiyurimasã ããrã”, ãrĩkatonerã ããrĩmã. ïgũsã iriderosũta dapagoradere ãrĩkatori merã buerimasã musã pũro aarirãkuma. Musãrẽ masĩña marĩrõ diayema ããrĩbirire buerãkuma. Marĩ Opũ Jesucristore ïgũsã ñerõ iridea waja ïgũ boari merã wajaribosadire: “Gũã Opũ ããrĩbemi”, ãrĩrãkuma. ïgũsã irasiriri waja gũñaña marĩrõ Marĩpũ ïgũsãrẽ peamegue bêogũkumi. <sup>2</sup> ïgũsã ãrĩkatori merã buerire pérã, ïgũsã ñerĩ ãaribejari iririre ïãrã, wãrã musã watopegue ããrĩã ïgũsãrẽ ïãkũirãkuma. ïgũsãrẽ ïãkũĩmakũ ïãrã, gajirã musã Jesũre buremurã watopegue ããrĩmerã Jesũyamarẽ ñerõ ãrĩ werenĩrãkuma. <sup>3</sup> ãrĩkatori merã buerimasã niyerure bũro gããmesĩã, musãrẽ ãrĩkatori bueri merã musã ïgũsãrẽ niyeru sĩmakũ irirãkuma. Iripoegue Marĩpũ gapũ: “ïgũsã irasiriri waja ïgũsãrẽ wajamoãgũra”, ãrĩsiadi ããrĩmĩ. Irasirigu ïgũ ãrĩderosũta ïgũsãrẽ peamegue bêogũkumi.

<sup>4</sup> Irasirigu yũ musã masĩdeare dupaturi gũñamakũ iridũãã. Iripoegue Marĩpũ ïgũrẽ wereboerã ããrãdinerã ïgũsã ñerõ irimakũ peamegue peresu iribéodi ããrĩmĩ. Naĩtĩãrõgue kõmedari merã siadobobéodi ããrĩmĩ. ããrĩpererã ñerãrẽ wajamoãrĩnũ ejamakũ, ïgũsã ñerõ iridea waja ïgũsãrẽ wajamoãgoragũkumi. <sup>5</sup> Noé ããrĩdeapoegue marãrẽ ïgũsã ñerõ iridea waja ïgũsãrẽ wajamoãdi ããrĩmĩ. Irasirigu i nikũ ããrĩperero miũgũ, ïgũsãrẽ mirĩboaperemakũ iridi ããrĩmĩ. Noé ditare, marãpo, ïgũ pũrã ãma ãrerã, ïgũsã marãposã nomerẽ taudi ããrĩmĩ. Noé masakare: “Diayemarẽ irika!” ãrĩ weregũ ããrĩdi ããrĩmĩ.

<sup>6</sup> Marĩpũ Sodoma, Gomorra wãĩkũri makãrĩ marãdere wajamoãdi ããrĩmĩ. ïgũsã ñetariro iriri waja ïgũsãya makãrĩrẽ peame merã soebéogu, nitĩ poga dita dujamakũ iridi ããrĩmĩ. Pũrũgue gajirã ñerãrẽ wajamoãburire masĩburo, ãrĩgũ irasiridi ããrĩmĩ. <sup>7</sup> Iri makãrĩ marãrẽ wajamoãgũ, Lot diayema irigu ditare taudi ããrĩmĩ. Lot Sodomamũ, gajirã ïgũya makã marã Marĩpũ dorerire irimerã ñerĩ iririkũmakũ ïãgũ, bũro gariboredi ããrĩmĩ. <sup>8</sup> ïgũ õãgũ, ïgũsã watope ããrĩgũ, ãmurikũ ïgũsã ñerõ iririre ïãgũ, ïgũsã ñerõ werenĩrĩrẽ pégu, ïgũya yũpũrãgue bũro bũjawereri merã poyadi ããrĩmĩ. <sup>9</sup> Irasirirã, iripoegue marã waadeare marĩ masĩsã, idere masĩa. Marĩ Opũ ïgũrẽ gããmerãrẽ ñerõ tarimakũ taumasĩmi. Ñerã gapũre: “Wajamoãgũra”, ãrĩdeare pídi ããrĩmĩ. Irasirigu ããrĩpererã ñerãrẽ wajamoãrĩnũ ejamakũ, ïgũsãrẽ wajamoãgũkumi.

<sup>10</sup> Gajirã ñerã nemorõ ñerĩ ãaribejari iririkũrãrẽ, ïgũ Opũ ããrĩrĩrẽ gããmemerãrẽ wajamoãgũkumi. ïgũsã musãrẽ ãrĩkatori merã buerã noó gããmerõ yãma. “Gajirã nemorõ õãrõ masĩa”, ãrĩ gũñama. Gũiri marĩrõ turari oparãrẽ ñerõ ãrĩ bũridama. <sup>11</sup> Marĩpũre wereboerã gapũ ãrĩkatori merã buerimasã nemorõ turarã ããrĩkererã, Marĩpũ ïũrõ neõ ñerõ ãrĩ bũridari merã turari oparãrẽ: “Ñerã ããrĩma”, ãrĩ weresãbema.

<sup>12</sup> Ārīkatori merā buerimasā gapu waimurā pémasīmerā iririkurosū noó gāāmerō iriduari ditare yáma. Īgūsā pémasībirideare ñerō wereníma. Masaka waimurārē ñeā, wējékuma. Ārīkatori merā buerimasā, waimurā irirosū boamurā dita āārīma. Boadero puru peamegue béosūrākuma. <sup>13</sup> Irasirirā gajirārē ñerō tarimakū iriri waja, ñerō tarirākuma. Ūmūrī, masaka iūrōgue noó gāāmerō Īgūsā ñerī uaribejarire iri, usuyama. Musā merā bosebaarā, ñerō guyasīūrī iririkurā āārīma.

<sup>14</sup> Nomerē iārā, Īgūsā merā ñerō iriduumama. Īgūsā merā ñerō iririre neō piribema. Marīpuyare gūñaturamerārē Īgūsā irirosū ñerō iriduumamakū yáma. Īgūsā buro opaduarire: “Āsū irirāra opamurā”, ārī gūñarā āārīma. Irasirirā Marīpu wajamoāsūmurā āārīma. <sup>15</sup> Diayemarē piri, iripoeguemu Balaam iriderosū ñerō yáma. Balaam, Beor wāikugu magū āārīdi āārīmí. Īgū ñerī iriri merā niyerure wajataduagu āārīdi āārīmí. <sup>16</sup> Īgū irasiribu maague waamakū, Īgūyago burra Īgūrē turideo āārímó. Marīpu igore masako irirosū werenímakū iridi āārīmí. Igo werenímakū pégu, Balaam Īgū pémasībi irirosū iriboaidiare pirikōādi āārīmí.

<sup>17</sup> Masaka deko āārīrī gobegue deko bokarākoa, ārī gūñama. Ārīkatori merā buerimasā gapu deko āārīrī gobegue deko marīrō irirosū āārīma. Īmikāyebori mirū wējāpuri merā eja, otederogue deko merērō marīrō tariaro irirosū neō masakare iritamubema. Irasirigu Marīpu: “Īgūsārē āsū wajamoāgura”, ārīderosūta gajiro nemorō naītīārōgue āārīnīmakū irigukumi. <sup>18</sup> Ārīkatori merā buerimasā werenírī, Īgūsā: “Masītarinugāa”, ārīrī neō wajamāa. Jesúre buremunugārārē ñerō iririkurā iririre piriwāgārārē: “Marī noó gāāmerō irimakū oāgorāa”, ārī buema. Irire irasū ārī buerā, Jesúre buremunugārārē ñerō uaribejarire dupaturi iriduumamakū yáma. <sup>19</sup> Īgūsārē: “Marī noó gāāmerō irimasīa”, ārī buema. Irasū āārīkeremakū, Īgūsā ñerō uaribejari, Īgūsārē ñerō irimakū yáa. Ñerō iririre neō pirimasībema. Irasirirā ñerō iridoregure moāboerā, Īgū doreri ditare irirā irirosū āārīma. <sup>20</sup> Marī Opu Jesucristore marīrē taugure masīnugārā i ūmama ñerīrē pirikōāma. Iri ñerīrē piridero puru, dupaturi piriro marīrō irinemomakū, ñegorakoa. Īgūsā Jesucristore masīburo dupiyuro Īgūsā āārīpuroridero nemorō ñerō dujama. <sup>21</sup> Ñerīrē irasiririkurārē diayeta Jesucristoyare diayema iririre masībirimakū oābukuyo. Marīpu doreri Īgūsārē Īgū pídeare masīdero puru irire gāāmemerā, ñetariro dujama. <sup>22</sup> Irasirirā dupaturi ñerīrē piriro marīrō irinemorā, masaka ārīnarōsū irirā yáma. Āsū ārīnama: “Dīayée doka, puru Īgū dokadeareta baakumi doja. Irasū āārīmakū yesede guua, puru ñerī sóoberogue oyakumi doja”, ārīma.

### 3

#### *Marī Opu Jesucristo dupaturi i ūmague aariburire gojadea*

<sup>1</sup> Yaarā yu maīrā, musārē su pū gojasiabu. Yu iri dupiyurogue gojadea pū, irasū āārīmakū i pū merā musārē: “Āsū irika!” ārīrīrē oārō gūñamakū iriduumagu yáa. <sup>2</sup> Iripoegue marā oārā Marīpuya kerere weredupiyunerā gojadeare, irasū āārīmakū marī Opu marīrē taugu dorerire gūñaka! Iri dorerire gūa Īgū buedoregu pīnerā musārē buebu.

<sup>3</sup> Ire gūñapurorika! I ūmu pereburi dupiyuro masaka Marīpuyare buridarākuma. Ñerō uaribejarire iririkurākuma. <sup>4</sup> Buridari merā: “Cristo: ‘Dupaturi aarigura’, Īgū ārīdea, ŷnaāsū waari? Marī ñekūsāmarā boanerā āārīmá. Neōgorague i ūmu āārīnugādero puru, āārīpereri murārōta āārīnīkōāa. Irasirigu Cristo neō aaribirikumi”, ārīrākuma. <sup>5</sup> I gapure neō gūñaduumabema. Iripoeguere Marīpu i nikū, ūmugasire āārīmakū iridi āārīmí. Īgū werenírī merā dorederosūta deko āārīrōgue nikū deyoamakū iridi āārīmí. Irasū āārīmakū deko merā i nikū āārīmakū iridi āārīmí. <sup>6</sup> Puru deko merāta i nikūrē miūdi āārīmí. Irire miūgū, i nikūma āārīdeare peremakū iridi āārīmí. <sup>7</sup> Dapagorare Īgū werenírī merā dorerosūta ūmugasi, i nikū āārīnīmakū yámi. Purguere āārīpererā ñerārē

wajamoãrĩnũ ejamakũ, i ããrĩpererire peame merã peremakũ irigukumi. Irinũ ããrĩmakũ, ñerãrẽ peamegue béogukumi ïgũsãrẽ wajamoãgũ.

<sup>8</sup> Yaarã yũ maĩrã, i gapũre gũñaka! Marĩ: “Mil bojori tariri yoataria”, ãrĩ gũñaã. Marĩ Opũ gapũ gũñamakũ, mil bojori tariri, sunũ tariro irirosũ ããrã. Sunũ tariride mil bojori tariri irirosũ ããrã ïgũrẽ. <sup>9</sup> Surãyeri masaka marĩ Opũ ïgũ: “Dupaturi aarigukoa”, ãrĩdeare gũñarã: “Yoobotarimi, aaribiribukumi”, ãrĩ gũñama. ïgũsã irasũ gũñarĩ diaye ããrĩbea. Masakare bopoñarĩ merã ïãsiã, mata aaribirikumi. Neõ sugũ masakũre peamegue waamakũ gããmebemi. ããrĩpererã ïgũsã ñerõ iririre bujawere, gũñarĩrẽ gorawayumakũ gããmeme. Irasirigu aaribemi dapa.

<sup>10</sup> Marĩ Opũ dupaturi i ãmũgue aarirĩnũ ããrĩmakũ, yajarimasũ gũñaña marĩrõ yajagu aarigũ irirosũ gũñaña marĩrõ aarigukumi. ïgũ aarimakũ, buro busuro merã ãmũgasi pereakõãrokoa. I ãmũma ãjũperekõãrokoa. Nikũ, irasũ ããrĩmakũ ããrĩpereri i nikũgue ããrĩrĩ ãjũperekõãrokoa.

<sup>11</sup> Marĩpũ i ããrĩpereri peremakũ iriburire pérã, marĩ ñerõ iririre piri, Marĩpũ gããmerĩ gapũre iriro gããmea marĩrẽ. <sup>12</sup> Marĩ Opũ dupaturi i ãmũgue aarirĩnũrẽ yúrãta Marĩpũ gããmerĩrẽ iriri merã ïgũ aarimakũ iriyuwarikũpurumurã! Irinũrẽ ãmũgasima ãjũperekõãrokoa. I ãmũgue ããrĩrĩ ãjũ sebeberekõãrokoa. <sup>13</sup> Marĩ gapũ Marĩpũ ïgũ: “Maama ãmũgasi, maama nikũrẽ irigũra”, ãrĩderosũta ïgũ iriburire yúa. ïgũ maama dita iriadero pũrũguere õãrã diayema irirã dita ããrĩrãkuma.

<sup>14</sup> Irasirirã mũsã yũ maĩrã, marĩ Opũ aariburire yúrãta, buro iridũari merã õãrĩ ditare irika! Irasirimakũ, ïgũ aarigũ, mũsãrẽ ïgũ merã õãrõ siñajãrĩ oparã, Marĩpũ ïũrõ ñerĩ marĩrã, waja opamerãrẽ bokajagukumi. <sup>15</sup> Mũsã ire masĩka! Marĩ Opũ masakare bopoñarĩ merã ïãgũ, ïgũsã peamegue waabirimakũ gããmegũ, mata aaribirikumi. ïgũsã ñerõ iririre bujowereri merã gũña, ïgũrẽ buremunũgãmakũ yámi. Marĩyagu Pablo marĩ maĩgũ, Marĩpũ masĩrĩ sĩrĩ merã ãsũta mũsãrẽ gojadi ããrĩmĩ. <sup>16</sup> ããrĩpereri ïgũ gojadea pũgue marĩ Opũ dupaturi aariburimarẽ gojadi ããrĩmĩ. Irire marĩ pémasĩdũamakũ diasagorãa marĩrẽ. Marĩpũyare masĩmerã, irasũ ããrĩmakũ ïgũyare gũñaturamerã: “Pablo gojadea ãsũ ãrĩdũaro yáa”, ãrĩ buerã, keoro buebema. ãrĩkatori merã buema. Gaji Marĩpũya werenĩrĩ gojadea pũgue gojadeare buerãde irasũta yáma. Irasiriri waja peamegue béosũrãkuma.

<sup>17</sup> Yaarã yũ maĩrã, yũ mũsãrẽ ãrĩkatori merã buerimasã iririre weresiabũ. Irasirirã ñerã mũsãrẽ ãrĩkatori merã buerire pémasĩka! ïgũsã Marĩpũ dorerire irimerã irirosũ ããrĩbirikõãka! Irasũ ããrĩmakũ, mũsã ïgũyare gũñaturari merã buremurĩrẽ neõ piribirikõãka! <sup>18</sup> Marĩ Opũ Jesucristo marĩrẽ taugũ gapũre, irasũ ããrĩmakũ ïgũ marĩrẽ maĩrĩ gapũre masĩnemoka! Dapagorare, pũrũguedere neõ piriro marĩrõ marĩ ïgũrẽ buremunĩkõãrã! “Õãtaria mũ”, ãrĩrã ïgũrẽ! Irasũta ãrĩrã!

Iropata ããrã.

Pedro

## 1 SAN JUAN

### *Juan Jesucristoyamarē gojadea*

<sup>1</sup> Gwa musārē Jesucristoyamarē gojáa. Neōgoragueta i ũmu āārīburi dupiyuro āārīsiadi āārīmí. I ũmugue deyoadero puru, ĩgūrē guaya koye merā ĩā, ĩgū werenírīrē pébu. ĩgū āārírīrē ĩāmasí, guaya mojōrī merā ĩgūrē moañabu. ĩgū marírē Marĩpu merā āārínimakū irigu Marĩpuya werenírīrē weregu āārīmi. <sup>2</sup> ĩgū, Marĩpu merā āārínígū, i ũmugue deyoadi āārīmí, marírē Marĩpu merā āārínimakū iribu. ĩgū deyoadero puru, guare ĩgū Pagu merā perebiri okarire sīgū āārírīrē masĩmakū irimi. Gwa ĩgūrē ĩāsĩā, gwa ĩādeare musārē werea. <sup>3</sup> Gwa Marĩpu merā, irasū āārĩmakū ĩgū magū Jesucristo merā oārō āārā. Irasirirā gwa ĩā, pédeare musārē werea, musāde gwa irirosūta Marĩpu merā, Jesucristo merā oārō āārī, gwa merādere oārō āārīburo, ārīrā. <sup>4</sup> Irireta gwa musārē gojáa, buro usuyari opaburo, ārīrā.

### *Marĩpu āārírī, boyorigora āārā, ārī gojadea*

<sup>5</sup> Jesucristo guare ĩgūya kere buedeare musārē werea. Āsū ārīmi: “Marĩpu āārírī, boyorigora āārā. ĩgūguere naĩtīārī neō máa. Irasirigu oārī ditare opagu, ñerírē neō opabi āārīmi”. <sup>6</sup> Ñerírē irirā naĩtīārōgue āārírā irirosū āārīma. Marĩ, ĩgūsā irirosū ñerírē iririkakererā, “Marĩpu merā oārō āārī, oārō yáa”, ārīrā, ārīkatorā yáa. Diayemarē iribea. <sup>7</sup> Marĩpu oārī ditare irigu irirosū marĩ oārírē iririkarā, boyorogue āārírā irirosū āārā. Irasirirā, Marĩpu merā oārō āārírā, marĩ baside oārō āārírā yáa. Jesucristo, Marĩpu magū curusague boagu ĩgūya dí béodea merā marĩ ñerī opari āārīpererire koeníkōāmi.

<sup>8</sup> Marĩ ñerírē irirā: “Ñerírē irirā meta āārā”, ārīrā, marĩ basita ārīkatorā yáa. Diayema āārírírē masĩbea. <sup>9</sup> Marĩ ñerō irideare Marĩpue weretaripeomakū, ĩgū ārīderosūta diayemarē irigu āārīsĩā, marĩ ñerō irideare kātipeokōāgukumi. Āārīpereri marĩ ñerī oparire koepeokōāgukumi. <sup>10</sup> Marĩpu: “Āārīpererā masaka ñerírē irirā āārīma”, ārīdi āārīmí. Irasirirā marĩ: “Neō ñerírē iribea”, ārīrā: “Marĩpu ārīkatogu āārīmi”, ārīrā irirosū āārā. ĩgū werenírīrē gāāmemerā irirosū āārā.

## 2

### *Juan: “Cristo ĩgū Pagure marĩya āārīburi sērēbosami”, ārī gojadea*

<sup>1</sup> Yaarā, musā yu purā irirosū āārā. Yu musārē ire gojáa, ñerírē iribirikōāburo, ārīgū. Marĩ ñerō irimakū, Jesucristo diayemarē irigu ĩgū Pagure marĩya āārīburi āsū ārī sērēbosami: “ĩgūsā ñerō irideare kātika, ĩgūsārē wajamoābirikōāka!” ārīmi. <sup>2</sup> Jesucristo ĩgū boari merā marĩ ñerō iridea wajare marírē wajaribosadi āārīmí. Marĩ ñerō iridea waja ditare wajaribosabiridi āārīmí. Āārīpererā i ũmu marārē ĩgūsā ñerō iridea wajare wajaribosadi āārīmí.

<sup>3</sup> Marĩpu dorerire marĩ irirā: “Marĩpue diayeta masĩa”, ārī masĩa. <sup>4</sup> Sugū Marĩpu dorerire iribi: “Yude Marĩpue masĩa”, ārīgū, ārīkatogu yámi. Diayema āārírírē masĩbemi. <sup>5</sup> Marĩpu dorerire irigu gapu Marĩpue buro maĩmi. Irasirigu: “Yu Marĩpu merā oārō āārā”, ārī masĩmi. <sup>6</sup> Irasirirā marĩ: “Marĩpu merā oārō āārā”, ārīrā, Jesucristo ĩgū iririkaderosūta iriro gāāmea.

### *Juan, Marĩpu dorerimarē gojadea*

<sup>7</sup> Yaarā, yu musārē dapagora gojari, maama doreri meta āārā. I doreri, musā Jesúya kerere buremunugādeapoegue pédeata āārā. Irasirirā musā iri dorerire pésiabu. <sup>8</sup> Iri doreri: “Gāme maĩka!” ārā. Irasiro iri doreri, iripoeguema doreri āārīkerero, maama doreri irirosū āārā. Iri dorerire irimerā naĩtīārōgue āārírā irirosū āārīma. Iro dupiyuro

musã iri dorerire iribirinerã ããrĩbú. Dapagorare Cristo irirosũ musãde irire irirã yáa. Irasirirã naĩtĩãrõgue ããrĩrã irirosũ ããrĩbea. Boyorogue ããrĩnũgãrã irirosũ irirã yáa.

<sup>9</sup> Sugũ gajigu ĩgũyagũre ĩãturi dookeregũ: “Marĩpu dorerire irigu ããrã”, ãrĩgũ, naĩtĩãrõgue ããrĩgũ irirosũ ããrĩmi dapa. <sup>10</sup> Gajirãrẽ ĩgũyarãrẽ maĩgũ gapũ boyorogue ããrĩgũ irirosũ ããrĩmi. ĩgũguere neõ ñerĩ opari ĩgũrẽ ñerõ irimakũ iriri máa. <sup>11</sup> Gajirãrẽ ĩgũyarãrẽ ĩãturi doorikũgũ gapũ naĩtĩãrõgue waagorenagũ irirosũ ñerĩrẽ iririkũgũ ããrĩmi. ĩgũ ñerĩrẽ iririkuri waja, koye ĩãbi ĩgũ waaburore masĩbi irirosũ Marĩpu dorerire neõ masĩbi ããrĩmi.

<sup>12</sup> Yũ musãrẽ yũ pũrã irirosũ ããrĩrãrẽ gojáa. Marĩpu, Jesucristo ĩgũ boari merã musã ñerõ iridea wajare wajaribosari merã musã ñerĩ irideare kãtidi ããrĩmĩ. Irasirigu musãrẽ gojáa. <sup>13</sup> Musã pagũsãmarã, musã Cristore neõgoragueta ããrĩdire masĩa. Irasirigu musãdere gojáa. Musã maamarã, wãtĩrẽ tarinũgãnerã ããrã. Irasirigu musãrẽ gojáa.

<sup>14</sup> Musã Marĩpure masĩa. Irasirigu musãrẽ yũ pũrã irirosũ ããrĩrãrẽ gojáa. Musã pagũsãmarã, musã Cristore neõgoragueta ããrĩdire masĩa. Irasirigu musãrẽ gojáa. Musã maamarã, Marĩpure gũñaturarã ĩgũ werenĩrĩrẽ gããmerã, wãtĩrẽ tarinũgãnerã ããrã. Irasirigu musãrẽ gojáa.

<sup>15</sup> I ãmũrẽ, i ãmũma ñerĩrẽ maĩbirikõãka! Sugũ i ãmũmarẽ maĩgũno, Marĩpure maĩbemi. <sup>16</sup> I ãmũma ãsũ ããrã. Masaka noó gããmerõ ñerĩ ãaribejari, gajinorẽ ĩã bũro gããmerĩ, gajirã nemorõ opari merã usũyari ããrã. Iri Marĩpũyama ããrĩbea. I ããrĩpereri i ãmũma dita ããrã. <sup>17</sup> I ãmũ pereburo yáa. ããrĩpereri masaka ĩgũsã i ãmũma ñerĩ ãaribejaride pereakõãrokoa. Marĩpũya gapũ neõ perebirikoa. Irasirirã, Marĩpu gããmerĩrẽ irirã ĩgũ merã ããrĩnĩkõãrãkuma.

*Juan: “Diayema ããrĩrĩ, diayema ããrĩbiri ããrã”, ãrĩ gojadea*

<sup>18</sup> Musã yũ pũrã irirosũ ããrĩrã, i ãmũ pereburo mérõ dũyáa. I ãmũ pereburo dupiyuro Cristore ĩãturigu aarigũkumi. Musã irire pésiabũ. Dapagoradere gajirã Cristore ĩãturirã wãrã ããrĩsiamã. Irasirirã marĩ i ãmũ pereburo mérõ dũyarire masĩa. <sup>19</sup> ĩgũsã Cristore ĩãturirã marĩ merã ããrĩnerã ããrĩkererã, marĩyarã diaye ããrĩbema. Irasirirã ããrĩpererã marĩrẽ béo wiriamã. ĩgũsã irasirimakũ ĩãrã, masĩa. ĩgũsã marĩyarã ããrĩnerã, marĩ merã dujabonerã ããrĩmã.

<sup>20</sup> Cristo musãrẽ Ōãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirirã musã ããrĩpererã Ōãgũ deyomarĩgũ merã Jesucristoya kere diayema ããrĩrĩrẽ masĩa. <sup>21</sup> Irasirigu yũ musãrẽ gojagũ: “Diayema ããrĩrĩrẽ masĩbea musã”, ãrĩ gojagũ meta yáa. Musã diayema ããrĩrĩrẽ masĩsĩa: “Jesucristoya kere, diayema ããrĩrĩ, neõ ãrĩkatori kere meta ããrã”, ãrĩ masĩa. Irasirigu musãrẽ gojáa.

<sup>22</sup> Ārĩkatorikurã gapũ ãsũ ãrĩma: “Jesús, Marĩpu iriudi Cristo ããrĩbemi”, ãrĩma. Irire irasũ ãrĩrã Cristore ĩãturirã ããrĩma. ĩgũrẽ Marĩpu magũ ããrĩrĩrẽ bũremubirisĩa, ĩgũ Pagũdere bũremubema. <sup>23</sup> Noó: “Jesús, Marĩpu magũ ããrĩbemi”, ãrĩrãno ĩgũ Pagũ merãdere õãrõ ããrĩbema. “Jesús, Marĩpu magũ ĩgũ iriudi Cristo ããrĩmi”, ãrĩrã gapũ ĩgũ Pagũ merãdere õãrõ ããrĩma.

<sup>24</sup> Irasirirã, Jesucristoya kerere musã bũremunũgãdeapoegue pédeare õãrõ gũñaduripĩka! Irire gũñaduripĩrã, Jesucristo merã, ĩgũ Pagũ merãdere neõ piriõ marĩrõ õãrõ ããrĩnĩkõãrãkõa. <sup>25</sup> Jesucristo marĩrẽ ãsũ ãrĩ weresiami: “Yũpũ merã perebiri okari sĩgũkõa musãrẽ”, ãrĩmi.

<sup>26</sup> Gajirã musãrẽ ãrĩkatori merã buedũama. Irasirigu musãrẽ irire gojáa, ĩgũsã ãrĩkatorire péri, ãrĩgũ. <sup>27</sup> ĩgũsã musãrẽ irasũ ãrĩkatokeremakũ, Jesucristo gapũ musãrẽ Ōãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirigu Ōãgũ deyomarĩgũ musã merã

ãārīnīsīā, neō ārīkatori marīrō ãārīpereri diayema ãārīrīrē mūsārē masīmākū yāmi. Irasirimakū ĩārā: “Gajirā gũare diayema ãārīrīrē buemakū gāāmea”, ārībirikōādorea. Irasirirā, Ōāgū deyomarīgū mūsārē buerosūta Cristo merā ōārō ãārīnīkōāka!

<sup>28</sup> Irasirigū yū mūsārē yū pūrā irirosū ãārīrārē: “Cristo merā ōārō ãārīnīkōāka!” ārī werea. Marī irasirirā, Cristo i ūmūgue dupaturi aarimakū, neō gūiri marīrō ĩgū ĩūrōrē gūyasīrīrī marīrō gūñaturari merā ĩgūrē ōārō bokatīrīñeārākoa. <sup>29</sup> Jesucristo Marīpū magū diayemarē irigū ãārīrīrē mūsā masīa. Irasirirā, ãārīpererā diayemarē irirāno Marīpū pūrā ãārīma. Idere mūsā masīa.

### 3

#### *Mūsā Marīpū pūrā ãārā, ārī gojadea*

<sup>1</sup> Marīpū marīrē maītarimi. Irasirigū marīrē: “Yū pūrā ãārīma”, ārīmi. Irasirirā ĩgū pūrā ãārā marī. I ūmū marā ñerā Marīpūre masībema. Irasirirā marīdere ĩgū pūrādere masībema. <sup>2</sup> Yaarā yū maīrā, yū mūsārē werea. Marīpū pūrā ãārā marī. Pūrugue marī ãārīburire marī ōārō masībea dapa. Cristo dupaturi aarimakūgue diayeta irire masīrākoa. ĩgū aarimakū ĩārā: “Āsūta ãārīmi”, ārī masīrākoa. Irasirirā, Cristo aarimakūgue, marī ĩgū irirosū ãārīrākoa. <sup>3</sup> ĩgū irirosū ãārīburire gūñarāno: “ĩgū irirosūta ōārīrē iriro gāāmea marīrē”, ārīrā, ñerī iririre piri, ōārī gapure irirā yāma.

<sup>4</sup> ãārīpererā ñerīrē irirā, Marīpū dorerire tarinūgārā ãārīma. Ñerō iriri, Marīpū dorerire tarinūgārī ãārā. <sup>5</sup> Jesucristo marī ñerō iridea wajare peremakū iribu i ūmūgue aaridī ãārīmī. ĩgūrē ñerī opari neō máa. Mūsā irire masīa. <sup>6</sup> Irasirirā ãārīpererā ĩgū merā ōārō ãārīnīrā, ñerīrē irinīrā meta ãārīma. Ñerīrē irinīrā gapū ĩgūrē neō masībiri, ĩgū ãārīrikuridere masībema. <sup>7</sup> Yaarā, yū pūrā irirosū ãārīrā, ōārō pémasīka! Gajirā mūsārē ārīkatomakū, ĩgūsārē pébirikōāka! Sugū diayemarē irigano, Jesucristo irirosū ōāgū ãārīmi. <sup>8</sup> Ñerīrē irinīgū wātīyagū ãārīmi. Wātī neōgoragueta ñerīrē irinūgādi ãārīmi. Irasirigū Marīpū magū Jesucristo wātī ñerī iririre béogū i ūmūgue aaridī ãārīmī.

<sup>9</sup> Marīpū ĩgū pūrārē ĩgū irirosū ãārīrikumakū iridī ãārīmī. Irasirirā ñerīrē irinībema. Marīpū pūrā ãārīsīā, ñerī ditare irinīmasībema. <sup>10</sup> Marīpū pūrārē, wātī pūrādere āsū ĩāmasīa. Wātī pūrā, Marīpū pūrā irirosū ãārībema. Diayemarē irinīmerā, gajirā ĩgūsāyarārē maīmerā, Marīpū pūrā ãārībema.

#### *Gāme maīdoredea*

<sup>11</sup> “Marīrē gāme maīrō gāāmea”, ārī bueri, mūsā Jesúya kerere bũremunūgādeapogue púdeata ãārā. <sup>12</sup> Irasirirā marī Caín iripoegumū iriderosū iribirikōārā! Caín wātīyagū ãārīsīā, ĩgū pagumūrē wējēbéokōādi ãārīmī. ¿Nasirigū ĩgūrē wējēyuri? ĩgū ñerīrē irinīdi ãārīmī. ĩgū pagumū gapū diayemarē irinīdi ãārīmī. ĩgū irasū iriri waja, Caín ĩgūrē ĩāturi doo, wējēbéokōādi ãārīmī.

<sup>13</sup> Yaarā, i ūmū marā ñerō iririkurā marī ōārīrē iriri waja marīrē ĩāturi doomakū ĩārā: “¿Nasiro irasū waáari yure?” ārī gūñabirikōāka! <sup>14</sup> Iripoeguere marī peamegue waamurā dita ãārīnerā ãārādibu. Dapagora gapure marīyarārē maīsīā: “Marīpū marīrē ĩgū ãārīrōgue waamurā ãārīmakū iridī ãārīmī”, ārī masīa. Sugū gajigū ĩgūyagure maībino, peamegue waabu ãārīmi dapa. <sup>15</sup> ĩgūsāyarārē ĩāturi doorāno Marīpū ĩūrōrē masakare wējēbéorā irirosū ãārīma. Masakare wējēbéorā Marīpū merā perebiri okari opamerā ãārīma. Irire mūsā masīa. <sup>16</sup> Jesucristo marīya ãārīburire marīrē boabosadeare gūñarā, ĩgū marīrē bũro maīrē masīa. Irasirirā marīde marīyarārē maīrā, ĩgūsāya ãārīburire boamurā ãārīkererā, ĩgūsārē iritamurō gāāmea. <sup>17</sup> Sugū wāri ĩgū ãārīburire opagū gapū ĩgūyagure bopogure ĩākeregū, ĩgūrē bopoña sībi, Marīpū maīrōsū maībemi. <sup>18</sup> Yaarā yū maīrā: “Marī gajirārē maīa”, ārī werenīrā, ĩgūsārē iritamurō gāāmea. ĩgūsārē iritamurā, marī ĩgūsārē diaye maīrē masīmākū yāa.



*Marĩpu iũrõ güiro marĩrõ ããrĩrẽ gojadea*

<sup>19</sup> Gajirãrẽ maĩrã: “Marĩ diayeta Marĩpu pũrã ããrã”, ãrĩ masĩa. Irasirirã, ĩgũ iũrõ güiro marĩrõ ããrĩmasĩa. <sup>20</sup> Marĩ basi: “Ñerõ iriakubu, irasirigu waja opakoa”, ãrĩ gũñarikakeremakũ, Marĩpu ããrĩpererire masĩgũ, marĩ nemorõ marĩ ããrĩrikũrĩre masĩmi. Irasirigu marĩrẽ õãrõ ããrĩrikũmakũ irimasĩmi. <sup>21</sup> Yaarã yu maĩrã: “Marĩpu iũrõ marĩ ñerĩ iridea wajare opabea”, ãrĩ gũñarã, ĩgũ iũrõ güiro marĩrõ gũñaturari merã ããrĩmasĩa. <sup>22</sup> Irasũ ããrĩmakũ ĩgũ dorerire ĩgũ gããmerĩrẽ marĩ irimakũ ĩãgũ, ĩgũrẽ marĩ sërẽrĩrẽ sĩgũkumi. <sup>23</sup> ĩgũ marĩrẽ doregu, ãsũ ãrĩmi: “Yu magũ Jesucristore bũremuka! Irasũ ããrĩmakũ, ĩgũ musãrẽ dorederosũta gãme maĩka!” ãrĩmi. <sup>24</sup> Marĩ ĩgũ dorerire irirã, ĩgũ merã õãrõ ããrĩnikõã. ĩgũde marĩguere ããrĩnikõãmi. ĩgũ marĩrẽ Õãgũ deyomarĩgũrẽ sĩsiami. Irasirigu ĩgũ marĩguere ããrĩnĩrĩrẽ Õãgũ deyomarĩgũ merã marĩrẽ masĩmakũ yãmi.

**4***“Marĩpu weredederosũta wererã ããrã”, ãrĩrãyamarẽ masĩdorea, ãrĩ gojadea*

<sup>1</sup> Yaarã yu maĩrã, musãrẽ werea. Dapagorare i ãmurẽ wãrã: “Marĩpu weredederosũta wererã ããrã”, ãrĩkererã, ãrĩkatorã ããrĩma. Irasirirã, ããrĩpererã musã masĩmerã musã pũroque buerã ejamakũ, mata ĩgũsã buerire bũremubirikõãka! ĩgũsã buerire pãrã: “¿Diayeta Marĩpu buedoreri ããrĩrĩ? ¿Õãgũ deyomarĩgũrẽ oparã ããrĩrĩ irasũ ãrĩ wererã?” ãrĩ gũñaka! <sup>2</sup> Õãgũ deyomarĩgũrẽ oparãno, ãsũ ãrĩma: “Jesucristo marĩ irirosũ dũpũkũgu i ãmũguere aaridi ããrĩmĩ”. Musã, ĩgũsã irire irasũ ãrĩmakũ pãrã: “Õãgũ deyomarĩgũrẽ oparã, Marĩpu doredederosũta werema”, ãrĩ masĩrãkoa. <sup>3</sup> “Jesús marĩ irirosũ dũpũkũgu i ãmũguere aaridi ããrĩmĩ”, ãrĩrĩrẽ bũremumerã gapu Õãgũ deyomarĩgũrẽ opabema. Cristore ĩãturigure doreguta ĩgũsãdere doremi. Musã, Cristore ĩãturigu aariburire pãsiabu. Dapagoradere ĩgũrẽ doreguta i ãmũguere ããrĩsiami.

<sup>4</sup> Musã yu pũrã irirosũ ããrĩrã, Marĩpũyarã ããrã. Õãgũ deyomarĩgũ musãguere ããrĩmi. Wãtĩ ĩgũyarãrẽ i ãmũgue ããrĩrãrẽ doregu ããrĩmi. Õãgũ deyomarĩgũ gapu, wãtĩ nemorõ turagu ããrĩmi. Irasirirã, ãrĩkatori merã wererã wererire bũremubiri, ĩgũsãrẽ tarinũgãsiabu. <sup>5</sup> ãrĩkatori merã wererã i ãmu marã ããrĩma. I ãmũma ditare werema. Gajirã i ãmu marã ĩgũsã irirosũ ããrĩrãta ĩgũsã wererire pãma. <sup>6</sup> Marĩ gapu Marĩpũyarã ããrã. Marĩpũre masĩrãno, marĩ wererire pãma. Gajirã ĩgũyarã ããrĩmerã gapu, marĩ wererire pãbema. Irasirirã marĩ ãsũ ãrĩ masĩa: “Marĩpũyarã ããrĩrãno, Õãgũ deyomarĩgũ doredederosũta diayema ããrĩrĩrẽ wererãrẽ pãma. Marĩpũyarã ããrĩmerã gapu, wãtĩ doredederosũta ãrĩkatori merã wererãrẽ pãma”, ãrĩ masĩa.

*Marĩpu diayeta ããrĩpererãrẽ maĩgũ ããrĩmi, ãrĩ gojadea*

<sup>7</sup> Yaarã yu maĩrã, musãrẽ werea. Marĩ gãme maĩmakũ, Marĩputa irasirimakũ yãmi. Irasirirã marĩ gãme maĩrã! Gajirãrẽ maĩrãno, Marĩpu pũrã, ĩgũrẽ masĩrã ããrĩma. <sup>8</sup> Marĩpu diayeta ããrĩpererãrẽ maĩgũ ããrĩmi. Irasirirã gajirãrẽ maĩmerãno ĩgũrẽ masĩbema. <sup>9</sup> Marĩpu ĩgũ magũ sugũ ããrĩgũrẽ i ãmũgue iriudi ããrĩmĩ, marĩrẽ ĩgũ merã perebiri okarire opaburo, ãrĩgũ. ĩgũrẽ iriugu, ĩgũ marĩrẽ maĩrĩrẽ masĩmakũ iridi ããrĩmĩ. <sup>10</sup> ĩgũ marĩrẽ maĩrĩ, marĩ ĩgũrẽ maĩrĩ irirosũ meta ããrã. ĩgũ gapu marĩrẽ diayeta maĩsĩa, ĩgũ magũrẽ iriudi ããrĩmĩ, ĩgũ boari merã marĩ ñerõ iridea wajare wajaribosadoregu. Irasirigu iri merã marĩ ñerõ irideare kãtimi.

<sup>11</sup> Yaarã yu maĩrã, musãrẽ werea. Marĩpu marĩrẽ maĩmakũ ĩãrã, marĩde gãme maĩrõ gããmea. <sup>12</sup> Neõ sugũ masakũ Marĩpũre ĩãdi mámi. ĩgũrẽ ĩãbirikeremakũ, marĩ gãme maĩmakũ, marĩ merã ããrĩnikõãmi. Irasirigu, ĩgũ maĩrõsũta marĩrẽ gajirãrẽ õãrõ maĩmakũ yãmi. <sup>13</sup> Marĩpu Õãgũ deyomarĩgũrẽ marĩrẽ sĩdi ããrĩmĩ. Irasirirã, Õãgũ deyomarĩgũ merã Marĩpu marĩ merã ããrĩnĩrĩrẽ, marĩde ĩgũ merã ããrĩnĩrĩrẽ masĩa. <sup>14</sup> Gũa, Marĩpu magũrẽ

ĩānerā āārĩsĩā, gajirārē: “Marĩpũ ĩgũ magũrē iriudi āārĩmĩ, i ũmũ marārē ĩgũsā ñerō iridea wajare taudoregũ”, ārĩ werea. <sup>15</sup> “Jesús, Marĩpũ magũ āārĩmĩ”, ārĩrāno, Marĩpũ merā āārĩnĩma. ĩgũde ĩgũsā merā āārĩnĩkōāmi.

<sup>16</sup> Irasirirā: “Marĩpũ marĩrē maĩmi”, ārĩ masĩa. “ĩgũta marĩrē maĩmi”, ārĩ bũremua. ĩgũ diayeta āārĩpererārē maĩgũ āārĩmi. Sugũ gajirārē maĩgũno, Marĩpũ merā āārĩnĩmi. Marĩpũde ĩgũ merā āārĩnĩkōāmi. <sup>17</sup> Irasirigũ ĩgũ marĩ merā āārĩnĩsĩā, ĩgũ maĩrōsũta marĩrē gajirārē ōārō maĩmakũ yāmi. ĩgũ āārĩpererā ñerārē peamegue wajamoārĩnũ ejamakũ, marĩrē gũiri marĩrō āārĩburo, ārĩgũ, irasũ yāmi. Marĩ gũiri marĩrō āārĩrā, Jesucristo i ũmũgue āārĩgũ Marĩpũ merā ōārō āārĩderosũta marĩde ĩgũ merā ōārō āārā. <sup>18</sup> Marĩpũre maĩrā, ĩgũ marĩrē maĩrĩrē masĩrā, gũiri marĩrō āārā. Irĩta marĩrē neō gũibirimakũ yāa. Sugũ: “Marĩpũ yũre wajamoāgũkumi”, ārĩ gũñagũno, gũimi. ĩgũrē ōārō maĩbi, ĩgũ ĩgũrē bũro maĩrĩrē masĩbi āārĩmi.

<sup>19</sup> Marĩpũ, marĩ ĩgũrē maĩburi dupiyuro marĩrē maĩpũroridi āārĩmi. Irasirirā marĩde ĩgũrē maĩa. <sup>20</sup> Sugũ masakũ gajigũre ĩgũyagũre ĩāturi doogu: “Yũde Marĩpũre maĩa”, ārĩgũ, ārĩkatogu āārĩmi. Gajigũre ĩgũ ĩāgũrē maĩbi, Marĩpũre ĩgũ ĩābire maĩmasĩbemi. <sup>21</sup> Jesucristo i doreri marĩrē pĩmi: “Marĩpũre maĩrā, gajirādere maĩrō gāāmea”, ārĩmi.

## 5

### *Marĩpũ pũrā āārĩrā ñerĩ iririre piri, ōārĩ gapũre yāma, ārĩ gojadea*

<sup>1</sup> “Jesús, Marĩpũ magũ ĩgũ iriudi Cristo āārĩmĩ”, ārĩ bũremurāno, Marĩpũ pũrā āārĩma. Marĩpũre maĩrāno, ĩgũ pũrādere maĩma. <sup>2</sup> Marĩ, Marĩpũre maĩrā, ĩgũ dorerire irirā, ĩgũ pũrādere maĩa. Irire marĩ masĩa. <sup>3</sup> Marĩpũre maĩrā, ĩgũ dorerire irirā yāa. ĩgũ dorerire irimakũ diasābea. Nũkũrĩrē ũũmarō irirosũ āārĩbea. <sup>4</sup> Irasirirā āārĩpererā Marĩpũ pũrā i ũmũma ñerĩ iririre piri, irire irinĩbema. Marĩ Jesucristore bũremurĩ merā i ũmũma ñerĩ iririre piri, ōārĩ gapũre irimasĩa. <sup>5</sup> “Jesús, Marĩpũ magũ āārĩmĩ”, ārĩ bũremurā dita i ũmũma ñerĩ iririre piri, ōārĩ gapũre irimasĩa.

### *Marĩpũ magũyamarē gojadea*

<sup>6</sup> Jesucristo i ũmũgue āārĩgũ, deko merā wāĩyesũmi. Pũrũ boagu, ĩgũya dí béomi. Irasirirā marĩ, ĩgũ deko merā wāĩyesũdeare, ĩgũya dí béodeadere masĩrā: “Jesús, Marĩpũ magũ āārĩmĩ”, ārĩ masĩa. ĩgũ deko merā wāĩyesũdea ditare masĩrĩ merā irire masĩbea. Ōāgũ deyomarĩgũ marĩrē i Jesucristoyamarē masĩmakũ yāmi. ĩgũta marĩrē diayema āārĩrĩrē masĩmakũ irigu āārĩmi. <sup>7</sup> ũmagasiguedere: “Jesús, Marĩpũ magũ āārĩmĩ”, ārĩ wererā, ũrerā āārĩma. Marĩpũ, ĩgũ magũ, Ōāgũ deyomarĩgũ āārĩma. ĩgũsā ũrerā āārĩkererā, sugũta āārĩmi. <sup>8</sup> I nikũguedere Ōāgũ deyomarĩgũ marĩrē Jesús, Marĩpũ magũ āārĩrĩrē masĩmakũ yāmi. Irasũ āārĩmakũ, marĩ Jesús deko merā wāĩyesũdeare, ĩgũya dí béodeadere masĩrĩ merā: “Jesús, Marĩpũ magũ āārĩmĩ”, ārĩ masĩa. Iri merā marĩ ōārō masĩa. <sup>9</sup> Masaka marĩrē ĩgũsā ĩādeare weremakũ pérā, ĩgũsā wererire bũremua. Marĩpũ marĩrē wereri gapũre, masaka wereri nemorō bũremurō gāāmea. Irasirirā, ĩgũ magũyamarē wererire bũremurō gāāmea. <sup>10</sup> Marĩpũ magũrē bũremurāno, ĩgũyamarē wererire: “Diayeta āārā”, ārĩ gũñama. ĩgũ magũyamarē wererire: “Diaye āārĩbea”, ārĩ gũñarā gapũ: “Marĩpũ ārĩkatogu āārĩmĩ”, ārĩrā irirosũ āārĩma. <sup>11</sup> Marĩpũ ĩgũ magũyamarē āsũ ārĩ weredi āārĩmĩ: “Yũ magũrē bũremurārē yũ pũro perebiri okarire opamurā āārĩmakũ iribũ”, ārĩdi āārĩmĩ. <sup>12</sup> ĩgũ magũrē bũremurĩ oparāno, ĩgũ pũro i perebiri okarire oparākuma. ĩgũrē bũremurĩ opamerā gapũ iri okarire opabirikuma.

### *Juan gojatũnudea*

<sup>13</sup> Yũ mũsārē Marĩpũ magũrē bũremurārē irire gojāa, Marĩpũ pũro perebiri okari opaburire masĩburo, ārĩgũ.

<sup>14</sup> Marĩpure ĩgũ gããmerõsũta marĩ sērēmakũ, ĩgũ marĩrē pémi. Irasirirã irire masĩrã, gũiro marĩrõ gũñaturari merã ĩgũrē sērēmasĩa. <sup>15</sup> Irasũ sērērã, ĩgũ marĩrē périre, marĩ sērērõsũta ĩgũ sĩburidere masĩa.

<sup>16</sup> Mũsã, sugũ mũsãyagure ñerĩ irimakũ ĩãrã, ĩgũya ããrĩburire Marĩpure sērēbosaka! “Ĩgũ ñerõ iridea, ĩgũrē peamegue béomakũ iriri ããrĩbea”, ãrĩ masĩrã, ĩgũya ããrĩburire sērēbosaka! Irasirigũ Marĩpũ ĩgũrē ĩgũ pũro perebiri okari opabu ããrĩmakũ irigũkumi. Gaji ñerõ iriri gapũ, masakare peamegue béomakũ iriri ããrã. Sugũ masakũ irireta irimakũ ĩãrã: “Ĩgũya ããrĩburire Marĩpure sērēbosaro gããmea”, ãrĩbea yũ mũsãrē. <sup>17</sup> ããrĩpereri ñerõ iriri, Marĩpũ dorerire tarinũgãrĩ ããrã. Irasũ ããrĩkerero, ããrĩpereri ñerĩ iriri, masakare peamegue béomakũ iribe. Marĩpũ ããrĩpereri ñerĩ iririre: “Neõ kãtibiriko”, ãrĩbemi.

<sup>18</sup> Ire marĩ masĩa. Marĩpũ magũ marĩrē ĩgũ Pagũ pũrã ããrĩrãrē õãrõ koreri merã iritamumi. Irasirirã marĩ ñerĩrē irinĩbea. Wãtĩ marĩrē ñerõ iridũakeregũ, marĩrē poyanorēmasĩbemi.

<sup>19</sup> Marĩ, Marĩpũ pũrã ããrã. Wãtĩ ããrĩpererã i mũmũ marã ñerãrē doregũ ããrĩmi. Irire masĩa marĩ.

<sup>20</sup> Gajidere masĩa. Marĩpũ magũ marĩrē pémasĩrĩ sĩgũ, i mũmũgue aaridi ããrĩmĩ: “Marĩpũ diayeta ããrĩnĩgũ ããrĩmi”, ãrĩ masĩburo, ãrĩgũ. Jesucristo merã õãrõ ããrĩnĩsĩã, ĩgũ Pagũ merãdere õãrõ ããrĩnĩkõãrã yãa. Jesucristo diayeta Marĩpũ ããrĩmi. ĩgũta marĩrē ĩgũ pũro perebiri okari sĩgũ ããrĩmi.

<sup>21</sup> Irasirigũ mũsãrē yũ pũrã irirosũ ããrĩrãrē werea. Gajirã masaka bũremurã keori weadeare bũremubirikõãka! Marĩpũ ditare bũremuka! Irasũta iriro gããmea.

Iropata ããrã.

Juan

## 2 SAN JUAN

### *Juan gãme maĩrĩmarẽ gojadea*

<sup>1</sup> Yũ bũgũro, mũrẽ Marĩpũ beyedeore mũ pũrãdere i pũrẽ gojáa. Yũ mũsãrẽ diayeta maĩa. Yũ dita mũsãrẽ maĩbea. Aãrĩpererã mũsã pũro aãrĩrã Jesúya diayema aãrĩrĩrẽ masĩrã mũsãrẽ maĩma. <sup>2</sup> Marĩ ãgũya diayema aãrĩrĩrẽ marĩya yũjũpũrãrĩgue masĩa. ãgũ neõ piriro marĩrõ marĩ merã aãrĩnĩsĩã, marĩrẽ irire masĩmakũ yámi. Irasirirã gũa mũsãrẽ maĩa. <sup>3</sup> Marĩpũ aãrĩnĩgũ, ãgũ magũ Jesucristo marĩ Opũ merã mũsãrẽ õãrõ iritamu, bopoñarĩ merã ãã, siñajãrĩ merã aãrĩrikũmakũ iriburo. Irire irigũ, diayema aãrĩrĩ, maĩrĩ merã irasiriburo.

<sup>4</sup> Surãyeri mũ pũrã Marĩpũ marĩrẽ dorederosũta Jesúyare irirã aãrĩma, ãrĩrĩ kerere pégũ, bũro usũyabu. <sup>5</sup> Dapagora mũrẽ ire gojagura. Marĩ gãme maĩrõ gããmea. I yũ gojari, maama doreri aãrĩbea. I doreri, marĩ Jesúre bũremunũgãdeapogue masĩdeata aãrã. <sup>6</sup> Marĩ gãme maĩrã, Marĩpũ dorederosũta yáa. I doreri, mũsã Jesúre bũremunũgãdeapogue pédeata aãrã. Ásũ ãrã. Gajirãrẽ maĩnĩkõãka!

### *Wárã ãrĩkatorikũrã aãrĩma, ãrĩ gojadea*

<sup>7</sup> I ãmũguere wárã ãrĩkatorikũrã waagorenama. “ Jesucristo marĩ irirosũ dũpũkũgũ i ãmũguere aaridi aãrĩmĩ, ãrĩrĩ, diaye aãrĩbea”, ãrĩma. ãgũsãta ãrĩkatorikũrã, Cristore ãaturirã aãrĩma. <sup>8</sup> Irasirirã õãrõ pẽmasĩka mũsã! ãgũsã ãrĩkatorire bũremubirikõãka! ãgũsã ãrĩkatorire bũremurã, mũsã Marĩpũyare iridea waja ãgũ mũsãrẽ wajariburire dedeubukoa. ãgũsã ãrĩkatorire bũremubirimakũ, mũsã ãgũyare iridea waja mũsãrẽ wajariburire sĩpeogũkumi.

<sup>9</sup> Sugũ Cristo buedeare béo, ãgũ gããmerõ gajire buegũno, Marĩpũ merã õãrõ aãrĩbemi. Cristo buedeare bũremugũ ãgũyare iritũyagũ gapũ Marĩpũ merã õãrõ aãrĩmi. Irasũ aãrĩmakũ, ãgũ magũ Cristo merã õãrõ aãrĩmi. <sup>10</sup> Irasirirã, sugũ Cristo buedeare buebi, gaji buerire buegũno mũsã pũro ejamakũ, ãgũrẽ bokatĩrĩsẽrẽ, mũsãya wiigue ñajãdorebirikõãka! <sup>11</sup> Mũsã ãgũrẽ bokatĩrĩñeãrã, ãgũrẽ iritamubukoa. Irasirirã ãgũrẽ iritamurã ãgũ irirosũ ñerõ irirã aãrĩbukoa.

### *Juan gojatũnudea*

<sup>12</sup> Yũ gaji wári mũsãrẽ weredũakeregũ, i pũguere gojabirikoa. Yũ basita mũsã pũrogue mũsã merã werenĩgũ waagũkoa. Marĩ basi weretamurã, õãrõ usũyari merã aãrĩrãkoa.

<sup>13</sup> Mũ pagamo pũrã mũrẽ õãdorema. Igođe Marĩpũ beyedeota aãrĩmo.

Iropata aãrã.

Juan

## 3 SAN JUAN

### *Juan, Gayo wāikguyamarē gojadea*

<sup>1</sup> Y<sub>u</sub> bu<sub>g</sub>uro, m<sub>u</sub>rē Gayore diayeta y<sub>u</sub> maigūrē i pūrē gojáa.

<sup>2</sup> Ire gojáa m<sub>u</sub>rē y<sub>u</sub> maigūrē. Y<sub>u</sub> m<sub>u</sub>ya āārīburire Marīp<sub>u</sub>re sērēbosáa. M<sub>u</sub> Marīp<sub>u</sub> merā ōārō āārīrōsūta āārīpereri m<sub>u</sub>yare ōārō waaburire, pūrīrī marīrō merā m<sub>u</sub> āārīburire sērēbosáa. <sup>3</sup> Gajirā Jesúre b<sub>u</sub>remurā y<sub>u</sub> p<sub>u</sub>ro ejarā, m<sub>u</sub> āārīrikurire y<sub>u</sub>re werema. “Jesúyare irinígū, i diayema āārīrīrē iriwāgāgū yámi”, ārī werema. Īgūsā irire weremakū pégu, b<sub>u</sub>ro usuyáa. <sup>4</sup> Jesúre b<sub>u</sub>remurā y<sub>u</sub> buerā Īgūya diayema āārīrīrē irinírā yáma, ārīrī kerere pégu, usuyataria. Y<sub>u</sub> i kerere péri, āārīpereri gaji nemorō y<sub>u</sub>re usuyamakū yáa.

<sup>5</sup> M<sub>u</sub> Jesúre b<sub>u</sub>remurārē ōārō iritamunígū iriayuro. Gajiro marā m<sub>u</sub> iāmasīmerā āārīkeremakū, Īgūsārē ōārō iritamugū iriayuro. <sup>6</sup> Īgūsā g<sub>u</sub>are, Jesúre b<sub>u</sub>remurā nerēnarōgue gajirārē m<sub>u</sub> maīrīrē werema. Irasirig<sub>u</sub>, Īgūsā m<sub>u</sub> p<sub>u</sub>roque ejarārē Īgūsā gajiroque ōārō waaburire iritamuka! M<sub>u</sub> Īgūsārē iritamugū, ōārō irig<sub>u</sub>koa. Marīp<sub>u</sub> marīrē irasirimakūta gāamemi. <sup>7</sup> Īgūsā Jesucristoya kerere werewāgārā, Jesúre b<sub>u</sub>remumerārē: “G<sub>u</sub>are iritamuka!” neō ārī sērēbema. <sup>8</sup> Irasirirā marī Jesúre b<sub>u</sub>remurā Īgūsārē iritamurō gāamea. Īgūsārē iritamurā, marī Īgūsā merā moārā yáa, gajirā Jesúya diayema āārīrīrē péburo, ārīrā.

### *Diótrfes ñerō irideare gojadea*

<sup>9</sup> Y<sub>u</sub> m<sub>u</sub>sārē Jesúre b<sub>u</sub>remurā iroque āārīrārē su pū gojab<sub>u</sub>. Diótrfes gap<sub>u</sub> m<sub>u</sub>sārē dored<sub>u</sub>agu āārīsīā, g<sub>u</sub>a m<sub>u</sub>sārē: “Āsū irika!” ārī weredeare péduabirayup<sub>u</sub>. <sup>10</sup> Y<sub>u</sub> m<sub>u</sub>sā p<sub>u</sub>roque waagú, Īgūrē m<sub>u</sub>sā péuroque Īgū irideare: Īgū g<sub>u</sub>are ñerō kere ārīdeare, Īgū ārīkatodeare wereg<sub>u</sub>ra. Īgū i ditare iribirayup<sub>u</sub>. Jesúya kerere wererā waagorenarārē bokatīrīñeābirayup<sub>u</sub>. Gajirā m<sub>u</sub>sā merāmarā Īgūsārē bokatīrīñeāduamakū iāgū: “Bokatīrīñeābirikōāka!” ārāyup<sub>u</sub>. Īgūsārē bokatīrīñeārārē Jesúre b<sub>u</sub>remurā nerēnarōgue ñajādorebirayup<sub>u</sub>.

<sup>11</sup> M<sub>u</sub>, y<sub>u</sub> maigū, ñerō irirārē iākūbirikōāka! Ōārō irirā gap<sub>u</sub>re iākūika! Ōārīrē irirā Marīp<sub>u</sub>yarā āārīma. Ñerīrē irirā gap<sub>u</sub> Marīp<sub>u</sub>re masībema.

### *Demetrio ōārō irideare gojadea*

<sup>12</sup> Āārīpererā: “Demetrio ōāgū āārīmi”, ārīma. Irasirirā masaka Īgū iririre iārā: “Marīp<sub>u</sub> dorederosūta Jesúyare yámi”, ārīma. G<sub>u</sub>ade: “Īgū ōārō irig<sub>u</sub> āārīmi”, ārā. M<sub>u</sub>sā masīa. G<sub>u</sub>a diayeta werea.

### *Juan Gayore gojatūnudea*

<sup>13</sup> Y<sub>u</sub> gaji wári m<sub>u</sub>rē wered<sub>u</sub>akereg<sub>u</sub>, i pūguere gojabirikoa. <sup>14</sup> Mérōgā p<sub>u</sub>ru m<sub>u</sub>rē iāgū waaduakoa. Irasirig<sub>u</sub> m<sub>u</sub> p<sub>u</sub>roque waagú, m<sub>u</sub> merā wereníg<sub>u</sub>koa.

<sup>15</sup> Ōārō siñajārī opaka! Ōō marā marī merāmarā Jesúre b<sub>u</sub>remurā m<sub>u</sub>rē ōādorema. Āārīpererā iroque āārīrā marī merāmarā ōāburo.

Iropata āārā.

Juan

## SAN JUDAS

### *Judas Jesúre b̄remur̄rē gojadea*

<sup>1</sup> Ȳu Judas\*, Santiago paḡum̄u Jesucristore mōãboeḡu m̄s̄arē i p̄rē gojáa. Mar̄ip̄u m̄s̄arē māiḡu beyedi āār̄im̄í, ĩḡuyarā āār̄iburo, ār̄iḡū. Jesucristo m̄s̄arē koremi, ĩḡurē b̄remur̄rē piribirikōāburo, ār̄iḡū. <sup>2</sup> Mar̄ip̄u m̄s̄arē b̄ro bopoña, mār̄i merā ĩāburo. M̄s̄arē siñajār̄i s̄iburo.

### *Ār̄ikatori merā buerimasāyamarē gojadea (2 Pe 2.1-17)*

<sup>3</sup> Mar̄ip̄u mar̄rē peamegue waaboner̄rē taurire m̄s̄arē, ȳu mār̄rē b̄ro gojad̄adib̄u. Ir̄ire gojad̄akereḡu, dapagorare gaj̄i gap̄ure gojaro gāāmea, ār̄i ḡūñāa. Mar̄ip̄u āār̄ipererā ĩḡuyar̄rē Jesucristoya kerere: “Ās̄ū āār̄ā, ir̄ire neō gorawayu-birikōāka!” ār̄i p̄idi āār̄im̄í. Mar̄i ĩḡuyarā iri kerere b̄remua. Gajirā ār̄ikatori merā buerimasā gap̄u iri kerere gorawayud̄ama. Ir̄asiriḡu ȳu m̄s̄arē: “Īḡūsā ār̄ikatori merā buerire p̄ebirikōāka!” ār̄i gojáa. Īḡūsārē: “Mar̄ip̄u ḡuare p̄idea diayeta āār̄ā, m̄s̄ā bueri gap̄u ār̄ikatori merā bueri āār̄ā”, ār̄ika! <sup>4</sup> Īḡūsā ñerā, mas̄iña mar̄rō m̄s̄ā p̄uro ejanerā m̄s̄ā merā āār̄ima. Īḡūsā ār̄ikatori merā: “Mar̄ip̄u mar̄i ñerō ir̄ideare k̄atimi, ir̄asirirā noō gāāmerō ir̄imas̄ā”, ār̄i buema m̄s̄ā, ĩḡūsā ñer̄i ir̄irikur̄ire: “Ōāa”, ār̄i ḡūñaburo, ār̄irā. “Jesucristo mar̄rē doreḡu, mar̄i Op̄u suḡu āār̄iḡū āār̄ibemi”, ār̄i buema. Ir̄ipoegue Mar̄ip̄u ĩḡuya weren̄r̄i gojadea p̄ugue ĩḡūsā ir̄irosū ār̄ikatori merā buer̄rē: “Wajamoāḡura”, ār̄idi āār̄im̄í.

<sup>5</sup> Ir̄asiriḡu ȳu m̄s̄ā mas̄ideare dupaturi ḡūñamakū ir̄iduāa. Ir̄ipoegue Mar̄ip̄u ḡua ñekūsāmarā Israel bumar̄rē Egiptogue āār̄ir̄rē wiudi āār̄im̄í. Īḡūsārē wiukereḡu, ĩḡurē b̄remumerā gap̄ure w̄ēj̄edi āār̄im̄í. <sup>6</sup> Mar̄ip̄ure wereboerā āār̄adiner̄dere ḡūñaka! Īḡūsā Mar̄ip̄u doreri p̄ideare tarinugānerā āār̄im̄á. Īḡūsārē ĩḡū āār̄idoredere āār̄iduabirinerā āār̄im̄á. Ir̄asiriḡu Mar̄ip̄u ĩḡūsārē kōmedari merā nāit̄iār̄ogue suap̄ikōādi āār̄im̄í. Īḡū āār̄ipererā ñer̄rē wajamoār̄in̄u ejamakū, ĩḡūsārē b̄ro wajamoāḡukumi. <sup>7</sup> Ir̄ipoegue Sodoma, Gomorra w̄aik̄uri mak̄ar̄i marā, ir̄asū āār̄imakū iri mak̄ar̄i p̄uro āār̄ir̄i mak̄ar̄i mar̄ade, Mar̄ip̄ure wereboerā āār̄adinerā ir̄irosū ñerō ir̄inerā āār̄im̄á. Ūma, nome merā ñerō ir̄inerā āār̄im̄á. Ir̄asū āār̄imakū ūma seyaro ñerō ir̄inerā āār̄im̄á. Nomedē ir̄as̄uta ir̄inerā āār̄im̄á. Ir̄asiriḡu, ĩḡūsā ñerō ir̄idea waja Mar̄ip̄u ĩḡūsārē soeb̄odi āār̄im̄í. Āār̄ipererā ĩḡūsā ir̄iderosū ĩḡū dorerire tarinugārā perebiri peamegue wajamoāburire mas̄iburo, ār̄iḡū, ir̄asir̄idi āār̄im̄í.

<sup>8</sup> Īḡūsā Mar̄ip̄u dorerire tarinugāderosū, ār̄ikatori merā buerimasā m̄s̄ā watope āār̄ir̄ā ñerō yāma. Īḡūsā k̄er̄ogue ĩār̄i merā ĩḡūsā ñerō ir̄id̄uar̄ire: “Ōāa”, ār̄i ḡūñama. Ir̄asirirā ĩḡūsā ñerō ir̄iri merā ĩḡūsāya d̄up̄ure poyanorēma. Mar̄i Op̄u dorerire tarinugāma. Turari opar̄rē ñerō weren̄ma. <sup>9</sup> Mar̄ip̄ure wereboerā op̄u Miguel w̄aik̄uḡu ir̄iderosū ir̄ibema. Miguel Moiséya d̄up̄u darore āīad̄uḡu, wāt̄i merā gāme guaseodi āār̄im̄í. Ir̄asirikeremakū, Miguel gap̄u neō suñarō ñerō weren̄r̄i merā wāt̄irē: “Iropata ir̄ika! Peamegue waaka!” ār̄i turibir̄idi āār̄im̄í. Ās̄ū gap̄u ār̄idi āār̄im̄í: “Ȳu Op̄u m̄r̄ē: ‘Iropata ir̄ika!’ ār̄iburo”, ār̄idi āār̄im̄í. <sup>10</sup> Ār̄ikatori merā buerimasā m̄s̄ā watope āār̄ir̄ā gap̄u ĩḡūsā mas̄ibir̄ideare ñerō weren̄r̄i merā werema. Waim̄urā p̄emas̄imerā ir̄irikurosū ĩḡūsā noō gāāmerō ir̄id̄uari ditare yāma. Ir̄asirirā peamegue b̄eos̄ūr̄akuma.

\* **1:1** Mt 13.55; Mr 6.3: Ip̄u gojadi Judas Iscariote meta āār̄iyup̄u. ĩḡū t̄iḡū Santiago w̄aik̄uyup̄u. Peamas̄aya merā gajirā Santiagore “Jacobo” w̄āiyenerā āār̄im̄á.

11 Īgūsāta neō usuyari bokabirikuma. Caín wāikugū Marīpuyare būremubi, Īgū pagumūrē ĭāturi, wējēderosū űerō yāma. Balaam wāikugū Īgū niyeru wajataburire, Marīpuyarāya āārīburi nemorō gūñasīā, Īgūsārē ārīkatori merā buederosū űerō yāma. Gajigū Coré wāikugū Īgūya bumarā oparā Marīpū pīnerārē tarinugādi āārīmī. Īgū tarinugārī waja Marīpū Īgūrē wajamoāgū, boamakū iridi āārīmī. Ārīkatori merā buerimasā, Coré iriderosū űerō yāma. Irasirigū Marīpū Īgūrē wajamoāderosū Īgūsādere wajamoāgukumi. 12 Mūsārē ārīkatori merā buerimasā, mūsā Jesúre būremurā nerē, bosebaaripoe būremurī marīrō noó gāāmerō yāma. Mūsā merā baa, iirīrā, Īgūsāyama ditare gūñama. űerā oveja korerimasā ovejare baari ejomerā irirosū yāma. Īmikāyebori mirū wējāpuri merā otederogue deko merērō marīrō tariaro irirosū neō mūsārē iritamubema. Yuku dukakuripoe būgū yukū dukamarī yukū irirosū yāma. Masaka irigure nugūrīgue merāta duuadero pūru űāipereakōākoa. Irigū irirosū āārīma. Ōārō iririre neō irimasībema. 13 Īgūsā űerō gūyasīūrī iririkuri, sūmu gūrarikurire makūrī pámuĵūpīdea irirosū āārā. Neñukā Īgūsā keoro waanarōgue merā yuridijanerā irirosū āārīrā, gajirārē diaye buerire tūyamakū neō iribema. Irasirigū Marīpū: “Īgūsārē āsū wajamoāgūra”, ārīderosūta gajiro nemorō naītīārōgue āārīnīmakū irigukumi.

14 Iripoeguemu Enoc wāikugū Adán parāmerā āārīturiagu āārīdi āārīmī. Adán merā marī keopurori, Enoguere keotūnumakū, āārīpererā Adán parāmerā āārīturiarā su mojōma pere gajī mojō peru pērēbejari burigora masāporewāgānerā āārīmā. Marīpū ārīkatori merā buerimasārē Īgū wajamoāburire Enorē weredoredi āārīmī. Irasirigū Enoc āsū ārī weredupiyudi āārīmī: “Péka yūre! Marī Opū wārā Īgūyarā merā aarigukumi. 15 Āārīpererā masaka Īgūsā irideare ĭā beyegu aarigukumi. Āārīpererā űerārē āārīpereri Īgūsā űerī iridea waja, irasū āārīmakū āārīpereri Īgūrē űerō werenīdea waja Īgūsārē wajamoāgū aarigukumi”, ārīdi āārīmī Enoc iripoeguere. 16 Irasirirā ārīkatori merā buerimasā wajamoāsūrākuma. Āārīpererārē werewuarikurā, gajirā iririre: “Ōābea”, ārī gūñarā āārīma. Īgūsā űerī űaribejari ditare yāma. “Masītarinugāa”, ārī weregorenama. Īgūsāya ditare gāāmesārā, gajirārē ōārō werenīkatoma.

### *Judas Jesúre būremurārē gojanemodea*

17 Mūsā yū maīrā, marī Opū Jesucristo buedoregū pīnerā mūsārē buedeare gūñaka! 18 Īgūsā mūsārē āsū ārīnerā āārīmā: “Ī űmū pereburi dupiyuro masaka noó gāāmerō Marīpuyare būridarākuma. Marīpūre gāāmemerā, űerī űaribejarire irirākuma”. 19 Irire irasirirā Jesúre būremurārē gāme dukawarimakū yāma. Īgūsā iridūarire irirā Ōāgū deyomarīgūrē neō opabema.

20 Mūsā yū maīrā gapū, ōārī Jesúyare būremurīrē neō piribirikōāka! Gūñaturanīkōāka! Ōāgū deyomarīgū iritamurī merā Marīpūre sērēka! 21 Marīpū mūsārē maīgūrē piribirikōāka! Marī Opū Jesucristo marīrē bopoñarī merā ĭāgū űmūgasigue perebiri okari sīgukumi. Irasirirā Īgū sīburi: “Oparākoa”, ārī gūñaturari merā yūka!

22 Gajirā Jesúyare: “ĶDiayeta āārīrī?” ārī būremuturamerārē bopoñarī merā ĭāka! Īgūsārē Jesúyare: “Diayeta āārā”, ārī wereka! 23 Wīi űjūrī wīi poekague āārīrārē taurā irirosū Īgūsārē iritamuka, peamegue waabonerārē waabirikōāburo, ārīrā! Gajirārē űerō irimakū, bopoñarī merā ĭāka! Īgūsā űerī iriri gapure dooka, Īgūsārē ĭākūrī, ārīrā! Surīro gūrarikurore gāāmemerā irirosū Īgūsā űerī iririre gāāmebirikōāka, irire pērērī, ārīrā!

### *Judas Marīpūre būremurīmarē gojadea*

24-25 Marīpū sugū āārīgū, marī Opū Jesucristo merā marī peamegue waabonerārē taugū āārīmī. Īgū turari merā marīrē koremasīmi, űerīrē iribirikōāburo, ārīgū. Irasū āārīmakū Īgū pūroguere marī űerī opamerā ōārō usuyari merā āārīmakū irimasīmi. Irasirirā āārīpererā Īgūrē: “Mū ōātarigu, turatarigu, āārīpererārē doregū, gūa Opū āārā”, ārīburo.

“Neōgoragueta ããrĩnkõãdi ããrĩmí. Dapagoradere ããrĩnkõãmi. Paruguedere irasũta ããrĩnkõãgukumi”, ãrĩburo. Marĩde irasũta ãrĩã!

Iropata ããrã.

Judas



## EL APOCALIPSIS

### *Jesucristo Juārē i ũmwa waaburire werede*

<sup>1</sup> I papera pũ Marĩpu ĩgũ mérõgã paru iriburire Jesucristore wereri pũ ãārã. Jesucristo-yarãrē irire masĩdoregũ ĩgũrē weredi ãārĩmĩ. Jesucristo sugũ Marĩpũre wereboegũre iriudi ãārĩmĩ yũre irire weredoregũ. Yũ Juan, Jesucristore moãboegũ ãārã. <sup>2</sup> Irasirigũ i pũguere ãārĩpereri yũ ĩãdeare, yũ pẽdeare, Marĩpũya kerere, Jesucristo yũre weredeade gojãa.

<sup>3</sup> I pũgue gojaderosũ waaburo, mérõ dũyãa. I pũrē gajirãrē buerãno usũyari bokarãkuma. Marĩpũya kerere i pũgue gojadeare buemakũ pẽduripĩrãnode usũyari bokarãkuma.

### *Juan su mojõma pere gaji mojõ peru pẽrẽbejari makãrĩ marãrē Jesucristore bũremurãrē gojãdea*

<sup>4</sup> Yũ, mũsã Asiague ãārĩrãrē su mojõma pere gaji mojõ peru pẽrẽbejari makãrĩ marãrē Jesucristore bũremurãrē gojãa. Marĩpu mũsãrē õãrõ iritamuburo. Mũsãrē ĩgũ siñajãrĩ sĩrĩrē opaka! Marĩpu neõgoragueta ãārĩsiadi ãārĩmĩ. Dapagoradere ãārĩnĩkõãmi. Pũrũguedere irasũta ãārĩnĩkõãgũkumi. Opũ doarogue doami. ĩgũ diaye, Õãgũ deyomarĩgũ su mojõma pere gaji mojõ peru pẽrẽbejari turari\* opagũ ãārĩmĩ. ĩgũde mũsãrē õãrõ iritamuburo. <sup>5</sup> Jesucristode mũsãrē õãrõ iritamuburo. ĩgũ Marĩpũya kerere diayeta weregũ ãārĩmĩ. ĩgũ ãārĩpererã boanerã masãburi dupiyuro boadigue masãpũroridi, neõ dupaturi boabi ãārĩmĩ. Irasirigũ, i ũmũgue ãārĩrã ãārĩpererã masaka oparãrē doregũ ãārĩmĩ. Marĩrē maĩgũ ĩgũya dí béori merã marĩ ñerĩ iridea wajare taudi ãārĩmĩ. <sup>6</sup> Irasirigũ marĩrē oparã ãārĩmakũ iridi ãārĩmĩ. Irasũ ãārĩmakũ marĩrē paía masakaya ãārĩburire Marĩpũre sërẽbosarã ãārĩmakũ iridi ãārĩmĩ, ĩgũ Pagũyare iriburo, ãrĩgũ. Irasirirã ĩgũrē: “Õãtarigũ, ãārĩpererã nemorõ turagũ ãārã mũ”, ãrĩ bũremurã! Irasũta ãārĩburo.

<sup>7</sup> Mũsã õãrõ pẽmasĩka! Jesucristo ĩmĩkãyeborigue dijarigũkumi. ĩgũ dijarimakũ, ãārĩpererã ĩãrãkuma. ĩgũrē curusague pábiatú wẽjẽnerãde ĩãrãkuma. I ũmũ marã ãārĩpereri buri marã, ĩgũ aarimakũ ĩãrã, ĩgũ ĩgũsãrē wajamoãburire gũñarã, orerãkuma. Irasũta waarokoa.

<sup>8</sup> Marĩpu marĩ Opũ ãārĩpererã nemorõ turagũ ãsũ ãrĩmĩ: “Yũ neõgoragueta ãārĩpereri i ũmũmarē iridi, pũrũguedere i ãārĩpererire peremakũ iribu ãārã”, ãrĩmĩ. “I ũmũ ãārĩburo dupiyuro ãārĩsiabũ. Dapagoradere irasũta ãārĩnĩkõãa. Pũrũguedere irasũta ãārĩnĩkõãgũkoa”, ãrĩmĩ.

### *Juan kërõ irirosũ Jesucristore ĩãdea*

<sup>9</sup> Yũ Juan, mũsãyagũ Jesucristore bũremugũ ãārĩsĩã, mũsã irirosũta yũde ñerõ taria. Marĩpu, marĩ Opũ ãārĩmĩ. Marĩ ñerõ tarimakũ, Jesucristo marĩrē gũñaturamakũ yãmi. Yũ Patmos wãĩkũri nũgũrõgue peresu ãārĩbũ. Marĩpũya kerere Jesucristo weredeare gajirãrē yũ buedea waja irogue ãārĩbũ. <sup>10</sup> Irinũ siñajãrĩnũ ãārĩmakũ, Õãgũ deyomarĩgũ ĩgũ turaro merã kërõ irirosũ yũre ĩmumi. Irasũ waaripoe yũ pũrũpũ gapũ turaro werenĩrĩ, suru puriduru turaro bũsũro irirosũ bũsũmakũ pẽbũ. <sup>11</sup> Turaro werenĩgũ yũre ãsũ ãrĩmĩ:

—Yũ neõgoragueta ãārĩpereri i ũmũmarē ãārĩmakũ iridi ãārã. Yũta pũrũguedere i ãārĩpererire peremakũ iribu ãārã. Dapagora ãārĩpereri mũ ĩãrĩrē, papera pũgue gojatũka! Pũrũ iri pũrē Asiague ãārĩrãrē yũre bũremurãrē iriuka! ĩgũsã su mojõma pere gaji mojõ

\* **1:4** “õãgũ deyomarĩgũ su mojõma pere gaji mojõ peru pẽrẽbejari turari opagũ ãārĩmĩ”, ãrĩrõ: “õãgũ deyomarĩgũ ãārĩpereri turari opagũ ãārĩmĩ”, ãrĩduaro yãa. Iri pũgue “su mojõma pere gaji mojõ peru pẽrẽbejari”, ãrĩrõ: “ãārĩpereri”, ãrĩduaro yãa.

peru pērēbejari makārī marā āārīma. Efeso marā, Esmirna marā, Pérgamo marā, Tiatira marā, Sardis marā, Filadelfia marā, Laodicea marā āārīma, ārīmi.

<sup>12</sup> Īgū werenírī busamakū pégu, gāmenugābu Īgūrē ĩābu. Irasū gāmenugā ĩāgū, su mojōma pere gaji mojō peru pērēbejari sīāgori yukure oro merā iridea yukure ĩābu. <sup>13</sup> Iri yuku watopegue sugu masakure ĩābu. Īgū yoaro suríro ĩgūya guburigue āārīdijimejārīñerē sāñami. Īgūya koretibire oro merā iridea yujwēñarīdare suatúadi āārīmí. <sup>14</sup> Īgūya poari ōārō boreri āārībú. Īgūya koye peame ujūrī pūrā irirosū gosesiribu. <sup>15</sup> Īgūya guburi bronze wāikuri kōme tímudea irirosū gosesiribu. Īgū werenírī wári ūtādupabu irirosū busubu. <sup>16</sup> Īgūya mojō diayema mojō gapu su mojōma pere gaji mojō peru pērēbejarāgora neñukā opami. Īgūya disire sareri majī pe gapu ōārō usiri majī wiribu. Īgūya diapu abe ūmumu kūmijūrōsū gosesiribu.

<sup>17</sup> Irasirigu yu ĩgūrē ĩāguka, kōmogū irirosū ĩgūya guburi puro meémejābu. Yu meémejāmakū ĩāgū, ĩgūya mojō diayema mojō merā yure ñapeo, āsū ārīmi:

—Güibirikōāka! Yu neōgoragueta āārīpereri i ūmumarē āārīmakū iridi, purugedere i āārīpererire peremakū iribu āārā. <sup>18</sup> Okanígū āārā. Iripoegue boabu. Dapagorare okanikōāa. Masakare boadoregu, ĩgūsārē boanerā āārīrōgue waadoregu āārā. <sup>19</sup> Dapagora āārīrī, purugue waaburidere mu ĩārīrē gojatúka! <sup>20</sup> Yu masakare neō dupiyuro werebirideare, mu ĩārīrē weregura. Īgūsā su mojōma pere gaji mojō peru pērēbejarā neñukā, yaa mojō diayema mojō gapu yu oparā, yure buremurārē yaare wererā keori irirosū āārā. Iri su mojōma pere gaji mojō peru pērēbejari sīāgori yuku oro merā iridea yuku, yure buremurī buri marā keori irirosū āārā, ārīmi yure.

## 2

### *Jesucristo Juārē Efeso marārē gojadoredea*

<sup>1</sup> Jesucristo irire ārī odo, āsū ārīnemomi:

—Efeso marā yure buremurārē, ĩgūsārē yaare weregudere āsū ārī gojaka!

Yu, yaa mojō diayema mojō gapu su mojōma pere gaji mojō peru pērēbejarā neñukārē opagu, su mojōma pere gaji mojō peru pērēbejari sīāgori yuku watope waagorenagū āārā. <sup>2</sup> Yu, āārīpereri musā iririre masīpeokōāa. Musā buro moārīrē, ñerō tarikererā musā yure güñaturarire, ñerārē musā ĩāduabirire masīa. Gajirā ĩgūsā basi: “Jesús buedoregu beyenerā āārā”, ārīkererā, keoro buebema. Musā ĩgūsā iririre ĩārā: “Ārīkatori merā buema”, ārī masīa. <sup>3</sup> Yaare musā moārī waja ñerō tarikererā, yure neō piribea. Irire gariborero marīrō yāa.

<sup>4</sup> Musā ōārō irikeremakū, gajire musārē āsū ārī weregura. Musā yure neōgorague mañugāderosū iribea. <sup>5</sup> Irasirirā dapagorare musā ñerō waadeare güñaka! Musā ñerī iririre bujawereka! Musā güñarīrē gorawayuka! Ōārī gapure irika doja, musā iripuroriderosūta! Musā ñerī iririre piribirimakū ĩāgū, musāyagu sīāgodire āikōāgura. <sup>6</sup> Musā yure neōgorague mañugāderosū iribirikererā, i ōārī gapure iribu. Nicolaita wāikuri bumarā ñerō iririre musā neō gāamebea. Yude irire neō gāamebea.

<sup>7</sup> Musā gāmpūrī oparā, Ōāgū deyomarīgū yure buremurī buri marārē wererire ōārō péka! Āsū ārīmi Ōāgū deyomarīgū yure buremurārē: “Āārīpererā Jesúre buremurīrē pirimerārē ūmugasigue paraíso wāikurogue Marīpuya pooemu dukare baadoregura”, ārīmi. Irigu perebiri okari sīdi\* āārā. I āārīpererire gojaka, yaarā Efesogue āārīrārē! ārīmi yure Jesucristo.

\* **2:7** Sugu ūma birarimasā gajirā nemorō ūmagū, olivo wāikudima pūrī merā iridea berore wajatakumi. Masaka iri berore ĩgūya dipurugue peokuma, gajirārē ĩgū wajatadeare ĩmumurā. I irirosū, sugu Jesúre buremugū masaka ĩgūrē wējekeremakū, Jesúre buremurīrē neō piribi, ūmugasigue perebiri okari wajatagukumi. Iri ūmugasigue perebiri okari wajatari, i berore wajatari irirosū āārā.

### *Juan Esmirna marārē gojadea*

<sup>8</sup> Jesucristo irire āri odo, āsū ārīnemomi:

—Esmirna marā yure b̄remurārē, ĩgūsārē yaare weregudere āsū āri gojaka!

Y<sub>u</sub> neōgorague āārīpereri i ūmumarē āārīmakū iridi, p̄r̄ugure i āārīpererire peremakū iribu āārā. Y<sub>u</sub> boa, dupaturi masāgū āārā. <sup>9</sup> Y<sub>u</sub>, āārīpereri m̄sā ñerō taririre, boporā āārīr̄rē masīpeokōāa. Irasū boporā āārīkererā, Marīp̄yare masīsīā, wāri ūmugasima ōārīrē opāa. Gajire y<sub>u</sub> masīa. Gajirā m̄sārē ĩaturirā m̄sārē ñerī kere ārīma. ĩgūsā: “Gua judío masaka āārīsīā, Marīp̄yarā āārā”, ārīma. Irasū ārīkererā, ĩgūyarā āārībema. Wātēa op̄u Satanārē b̄remurī bumarā āārīma. <sup>10</sup> M̄sā ñerō tariburire gūibirikōāka! Wātī m̄sārē yure b̄remurīrē pirimakū iriduḡu surāyeri m̄sārē peresugue biadobomakū irigukumi. Pe mojōma n̄rīta ñerō tarirākoa. ĩgūrē b̄remurā m̄sārē wējēkeremakū, yure b̄remurīrē neō piribirikōāka! P̄r̄u y<sub>u</sub> p̄rogue m̄sārē y<sub>u</sub> merā perebiri okarire sīgukoa.

<sup>11</sup> M̄sā gāmpūrī oparā, Ōāgū deyomarīgū yure b̄remurī buri marārē wererire ōārō péka! Āsū ārīmi Ōāgū deyomarīgū yure b̄remurārē: “Āārīpererā yure b̄remurīrē pirimerā, perebiri peamegue neō waabirikuma”, ārīmi. Irasiriḡu iri āārīpererire gojaka, yaarā Esmirnague āārīrārē! ārīmi yure.

### *Juan Pérgamo marārē gojadea*

<sup>12</sup> Jesucristo irire āri odo, āsū ārīnemomi doja:

—Pérgamo marā yure b̄remurārē, ĩgūsārē yaare weregudere āsū āri gojaka!

Y<sub>u</sub> sareri majī, pe gap̄u usiri majīrē opaḡu āārā. <sup>13</sup> M̄sā āārīr̄rē masīpeokōāa. Satanás m̄sāya makā marā op̄u āārīmi. ĩgūsā Satanārē b̄remukeremakū, m̄sā gap̄u yure b̄remua. ĩgūsā m̄sā merām̄ Antipare Marīp̄ya kerere ōārō weredire wējēma. ĩgūrē wējēmakū ĩakererā, m̄sā yure b̄remurīrē neō piribea.

<sup>14</sup> M̄sā yure b̄remurīrē piribirikeremakū, gajino m̄sārē āsū āri weregura. Surāyeri m̄sā merāmarā Balaāya buedeare iritayama. Iripoegue Balaam āsū ārīdi āārīmī, Israel bumarārē ĩaturirā op̄re Balac wāikuḡu: “Israel bumarārē tarinugāduḡu, ĩgūsārē m̄sā merā gāmesurimakū irika, m̄sā irinarīrē iritayaburo, ārīgū!” ārīdi āārīmī. Irasirirā Israel bumarā ĩgūsā merā gāmesurirā, keori weadea p̄ro baari p̄ideare baanerā āārīmā. Ñerō gāmebiranerā āārīmā. <sup>15</sup> ĩgūsā irirosūta gajirā m̄sā merāmarā Nicolaita wāikuri bumarā buerire iritayama. Iri buerire neō piridubema. Y<sub>u</sub> gap̄u irire neō gāamebea. <sup>16</sup> Irasirirā m̄sā ñerī iririre b̄jawereka! M̄sā gūñarīrē gorawayuka! M̄sā gorawayubirimakū ĩāgū, gūñaña marīrō m̄sā p̄rogue waa, yaa disigue sareri majī opari majī merā m̄sārē wajamoāgura.

<sup>17</sup> M̄sā gāmpūrī oparā, Ōāgū deyomarīgū yure b̄remurī buri marārē wererire ōārō péka! Āsū ārīmi Ōāgū deyomarīgū yure b̄remurārē: “Ñerō iridorerānorē tarinugāgūrē maná wāikuri ūmugasima baarire sīgura. Ītāye boreriyedere sīgura ĩgūrē. I ūtāye maama wāirē y<sub>u</sub> gojatúdeaye āārīrokoa. Gajirā iri wāirē neō masībirikuma. Iri ūtāyere āīgū dita masīgukumi”, ārīmi. Irasiriḡu iri āārīpererire gojaka, yaarā Pérgamogue āārīrārē! ārīmi yure.

### *Juan Tiatira marārē gojadea*

<sup>18</sup> Jesucristo irire āri odo, āsū ārīnemomi doja:

—Tiatira marā yure b̄remurārē, ĩgūsārē yaare weregudere āsū āri gojaka!

Y<sub>u</sub>, Marīp̄u magū āārā. Yaa koye peame ūjārī pūrā irirosū gosea. Yaa guburi bronze wāikuri kōme t̄mudea irirosū gosea. <sup>19</sup> Y<sub>u</sub> āārīpereri m̄sā iririre masīpeokōāa. M̄sā yure maīrī, yure b̄remurī, gajirārē iritamurī, ñerō tarikererā m̄sā yure gūñaturarire masīa. Neōgorague m̄sā ōārō iridero nemorō dapagorare ōārō irirā yāa.

20 Músã òãrõ irikeremakũ, gajino músãrẽ àsũ ãrĩ weregũra. Jezabel wãikũgo: “Marĩpũyare werego ããrã”, ãrĩkatogo músã watopegue ããrĩmo. Músãrẽ igo ñerõ buemakũ pékererã, igore: “Gũa merã ããrĩbirikõãka!” neõ ãrĩbea. Igo ãrĩkatori merã buego, yũre moãboerãrẽ ñerõ gãmebiramakũ yámo. Keori weadea pũro baari pídeare ìgũsãrẽ baamakũ yámo. 21 Irinũgue igore, igo ñerõ iririre bujawere, gorawayudore-adibũ. Igo gapũ neõ gorawayuduabemo. Igo ñerõ gãmebirarire neõ piriduabemo. 22 Irasirigũ igore, igo merã ñerõ irinerãdere pũrĩrikũmakũ irigũra. Igo merã ñerõ irideare ìgũsã bujawere, piribirimakũ, ìgũsãrẽ bũro ñerõ tarimakũ irigũkoa. 23 Igo pũrãdere wẽjẽgũra. Yũ irasũ irimakũ ìãrã, ããrĩpererã yũre bũremurã: “Ìgũ marĩ gũñarĩrẽ, marĩ ùaribejaridere masĩpeokõãmi”, ããrĩrãkuma. “Ããrĩpereri marĩ iririkũrere ìã, keoro irigũkumi. Ñerõ irirãrẽ wajamoãgũkumi. Òãrõ irirã gapũre òãrõ irigũkumi”, ãrĩ masĩrãkuma. 24 Surãyeri músã Tiatira marã igoya buerire, wãtẽa opũ Satanáyama yayeridere gããmebea. Irasirigũ yũ músãrẽ gajino dorenemobirikoa. 25 I ditare dorea músãrẽ. Yũ buerire músã masĩdeare neõ mérõgã piribirikõãka! Yũ músã pũro aarimakũguedere òãrõ irinĩkõãka!

26 Yũ músã pũro gae aarigũ, òãrĩrẽ irirãrẽ, yũ dorerire irinĩrãrẽ i ùmũ marãrẽ dorerã ããrĩmakũ irigũra. 27 Yũpũ yũre, Opũ sóoderosũta, yũde músãrẽ, oparã sóogũra. Irasirirã kõmegũ merã, sorori ðiari merã weadea sororire pámutũrõsũ i ùmũ marãrẽ turaro merã dorerãkoa. Irasirirã músã dorerire neõ tarinũgãbirikuma. 28 Yũ gajidere àsũ irigũra. Neñukãmũ boyodiru òãrõ boyoro irirosũ ããrĩgũ, músãrẽ maama perebiri ùmũ pígũkoa. 29 Músã gãmipũrĩ oparã, Òãgũ deyomarĩgũ yũre bũremurĩ buri marãrẽ wererire òãrõ péka! ãrĩ gojaka, yaarã Tiatirague ããrĩrãrẽ! ãrĩmi yũre.

### 3

#### *Juan Sardis marãrẽ gojadea*

1 Jesucristo irire ãrĩ odo, àsũ ãrĩnemomi doja:

—Sardis marã yũre bũremurãrẽ, ìgũsãrẽ yaare weregũdere àsũ ãrĩ gojaka!

Yũ, Òãgũ deyomarĩgũ su mojõma pere gaji mojõ peru pẽrẽbejari turari\* opãa. Irasũ ããrĩmakũ, su mojõma pere gaji mojõ peru pẽrẽbejarã neñukãdere opãa. ããrĩpereri músã iririre masĩpeokõãa. Músã: “Marĩpũyare òãrõ yãma”, ãrĩsũrã ããrã. Irasũ ããrĩkererã, boanerã irirosũ, ìgũyare neõ koero iribeã. 2 Irasirirã òãrõ pémasĩka! Músã òãrĩ iriri ðũyarigãrẽ piriro marĩrõ òãrõ irika! Irire iribirimakũ, músã òãrĩ iriri pereakõãrokoa. Yũ, músã iririre ìãa. Yũpũ ìũrõguere òãrõ iripeobeã. 3 Yũpũyare gajirã músãrẽ buedeare gũñaka! Irireta dupaturi iritũyaka doja! Músã ñerĩ iririre pirika! Irasũ iribirimakũ, gũñaña marĩrõ yajarimasũ aarirõsũ, gũñaña marĩrõ músãrẽ wajamoãgũ aarigũkoa.

4 Irasũ ããrĩkeremakũ, surãyeri músã watopere ñerõ irirãrẽ ìãkũlbema. Marĩpũyare iritũyarã ããrĩsã, ìgũsãya surĩ gũraritũmerã irirosũ ããrĩma. Irasirirã ñerõ iridea wajare opamerã, boreri surĩ sãñarã yũ merã waagorenarãkuma. 5 ããrĩpererã piriro marĩrõ Marĩpũyare irirã irasũta surĩ òãrõ boreri sãñarã yũ pũro ããrĩrãkuma. Yũ merã perebiri okari opamurã wãrẽ gojatũri pũgue ìgũsã wãrẽ gojatũdeare neõ koebirikoa. Koeronorẽ irigũ, Yũpũ, ìgũrẽ wereboerã ìũrõguere: “Yaarã ããrĩma”, ããrĩgũkoa. 6 Músã gãmipũrĩ oparã, Òãgũ deyomarĩgũ yũre bũremurĩ buri marãrẽ wererire òãrõ péka! ãrĩ gojaka, yaarã Sardigue ããrĩrãrẽ! ãrĩmi yũre.

#### *Juan Filadelfia marãrẽ gojadea*

7 Jesucristo irire ãrĩ odo, àsũ ãrĩnemomi doja:

\* 3:1 “Òãgũ deyomarĩgũ su mojõma pere gaji mojõ peru pẽrẽbejari turari opagũ ããrĩmi”, ããrĩrõ: “Òãgũ deyomarĩgũ ããrĩpereri turari opagũ ããrĩmi”, ããrĩduaro yãa. Iri pũgue “su mojõma pere gaji mojõ peru pẽrẽbejari”, ããrĩrõ: “ããrĩpereri”, ããrĩduaro yãa.

—Filadelfia marã yure buremurãrẽ, ãgũsãrẽ yaare weregũdere ãsũ ãrĩ gojaka!

Yũ ñerĩ opabi, diayeta weregũ ããrã. Yũ, iripoeguemu opũ David dorederosũ turari merã doregũkoa. Iri turaro merã doreri, sawire opari irirosũ ããrã. Irasirigũ, yũ tũpãmakũ neõ gajigũ biamasĩberosũ, yũ iridoremakũ kãmutamasĩbemi. Yũ biamakũdere neõ gajigũ tũpãmasĩberosũ, yũ iridorebirimakũ irimasĩbemi. <sup>8</sup> Yũ ããrĩpereri musã iririre masĩpeokõãa. Musã mérõgã turari opakrerã, yaa buerire õãrõ iritũyãa. Gajirã, musã yaarã ããrĩrĩ waja musãrẽ ñerõ iridũakeremakũ: “Jesũre masĩbea”, neõ ãrĩbea. Irasirigũ yũ musãrẽ su makãpũro tũpãnũmakũ, neõ sugũ biamasĩberosũ, yũ musãrẽ yaamarẽ iridoremakũ, musãrẽ kãmutamasĩbemi. <sup>9</sup> Gajirã musã pũro ããrĩrã: “Gũa judío masaka ããrĩsĩã, Marĩpũyarã ããrã”, ãrĩkererã, ãgũyarã ããrĩbema. ãrĩkatorimasã, wãtẽa opũ Satanãrẽ buremurĩ bumarã ããrĩma. Irasirigũ ãgũsãrẽ musãya guburi pũro buremurĩ merã ejamejãjamakũ irigũra. Yũ irasirimakũ ããrã, yũ musãrẽ maĩrĩrẽ ããmasĩrãkuma. <sup>10</sup> Yũ musãrẽ: “Neõ piriro marĩrõ yaare irika!” ãrĩdeare õãrõ irirã yãa. Irasirigũ, ããrĩpererã i ãmũgue ããrĩrã iririkũrere ããbu, ãgũsãrẽ ñerõ tarimakũ irigũ, musãrẽ õãrõ koregũra.

<sup>11</sup> Mérõ dũyãa, yũ i ãmũgue dupaturi aariburo. Irasirirã yaare musã masĩdeare neõ kãtibirikõãka! Piriro marĩrõ irire irinĩkõãka, musã wajataburire ãmarĩ, ãrĩrã! <sup>12</sup> Õãrõ yaare iritariwere, irire pirimerãnorẽ Yũpũ pũroque ããrĩmakũ irigũra. ãgũsã ãgũya wiima borari ããrĩrõsũ ãgũ pũro ããrĩnĩkõãrãkuma. Yũpũ wãrẽ ãgũsãguere gojagũkoa, ãgũyarã ããrĩrĩrẽ ãmubu. ãgũya makã wãidere gojagũkoa. ãgũya makã, maama makã Jerusalén wãikũa. Iri makã ãmũgasigue merã dijariri makã ããrĩrokoa. Yũde ãgũsãrẽ yũ wãĩ, maama wãrẽ gojagũkoa. <sup>13</sup> Musã gãmpĩrĩ oparã, Õãgũ deyomarĩgũ yure buremurĩ buri marãrẽ wererire õãrõ péka! ãrĩ gojaka, yaarã Filadelfiague ããrĩrãrẽ! ãrĩmi yure.

### *Juan Laodicea marãrẽ gojadea*

<sup>14</sup> Jesucristo irire ãrĩ odo, ãsũ ãrĩnemomi doja:

—Laodicea marãrẽ yure buremurãrẽ, ãgũsãrẽ yaare weregũdere ãsũ ãrĩ gojaka!

Yũ ããrĩrõsũta irigũ ããrã. Irasirigũ diayeta weregũ, Yũpũya kerere keoro weregũ ããrã. Yũpũ, yũ merã ããrĩpereri i ãmũmarẽ iridi ããrĩmĩ. <sup>15</sup> Yũ ããrĩpereri musã iririre masĩpeokõãa. Musã yure buremumerã, õãrõ buremurã ããrĩbea. Mérõgã yure buremurĩ opãa. Irasirigũ yũ musãrẽ irasũ ããrĩnemobirimakũ gããmea. <sup>16</sup> Yũ, musã mérõgã buremurĩ oparire doogorãa. Irasirigũ gajino ñerĩrẽ dokabéodũagu irirosũ musãrẽ béodũagu ããrã. <sup>17</sup> Yũ musãrẽ irasũ iridũakeremakũ, musã gapũ ãsũ ãrĩ werenĩa: “Wãri opãa”, ãrã. “ããrĩpereri õãrõ waãa, ããrĩpereri gũa gããmerĩrẽ opakõãa”, ãrã. Irasũ ãrĩkererã, yũ ããrõ neõ gajino opamerã, boporã, surĩ marĩrã, koye ããmerã irirosũ ããrã. Musã buremurĩ opamerã ããrĩrĩrẽ masĩbea. <sup>18</sup> Irasirigũ musãrẽ: “Wãri oparã ããrã”, ãrĩ péñarãrẽ ãsũ ãrĩ weregũra. Oro peamegue soe ãmuadea yũ oparire wãjarika, wãri opamurã! Iri õãrĩ oro oparã irirosũ ããrĩrã, yure õãrõ buremurĩ oparãkoa. Surĩ boreri yũ oparidere wãjarika, surĩ marĩrõ ããrĩbukoa, ãrĩrã! Musã irire sãñarã irirosũ ããrĩrã, musã ñerĩ irideare pirirã, gũyasĩrĩrõ marĩrõ ããrĩrãkoa. Irasũ ããrĩmakũ, koye piuri kũdere wãjarika, õãrõ ããmurã. Musã irire piuanerã irirosũ ããrĩrã, Marĩpũyare õãrõ ããmasĩrãkoa.

<sup>19</sup> Musãrẽ ããrĩpererã yũ maĩrãrẽ ñerĩrẽ irinemobirikõãburo, ãrĩgũ, pũrĩrõ páro irirosũ werea. Irasirirã yaare buro gããmekã! Musã ñerĩ irideare bujawere, irire pirika! <sup>20</sup> Õãrõ péka! Yũ musã merã ããrĩdũagu, sugũ makãpũro ejanũgã oenĩgũ irirosũ ããrã. Sugũ yure pégu, õãrõ merã makãpũro tũpãsóogũ irirosũ ããrĩmĩ. Irasirigũ yũ ãgũ merã õãrõ usũyanĩkõãgũkoa. ãgũde yũ merã usũyanĩgũkumi. <sup>21</sup> Õãrĩrẽ iritariwererãnorẽ yũ doaro tũroque doamakũ irigũra, yũ merã doreburo, ãrĩgũ. Yũ õãrĩrẽ iritariwere, Yũpũ merã Opũ doarogue doarosũ, yũde õãrĩrẽ irirãrẽ iroque doamakũ irigũra. <sup>22</sup> Musã gãmpĩrĩ

oparã, Õãgũ deyomarĩgũ yũre bũremurĩ buri marãrẽ wererire õãrõ péka! ãrĩ gojaka, yaarã Laodiceague ããrĩrãrẽ! ãrĩmi Jesucristo yũre.

## 4

*Juan ãmugasigue Marĩpũre bũremurãrẽ ããdea*

<sup>1</sup> Pũrũ ãmugasigue ããmu, tũpãdea makãpũrore ããbũ. Puridiru turaro bũsũro irirosũ werenĩpũroridi dupaturi turaro werenĩrĩ bũsũrore pébũ. ãsũ yũre ãrĩmi:

—Õõgue mũrĩrika! Pũrũgue yũ waamakũ iriburire mũrẽ ãmugũra. Yũ ãrĩderosũta waarokoa, ãrĩmi.

<sup>2</sup> Ìgũ irasũ ãrĩ wereadero pũrũ, mata Õãgũ deyomarĩgũ ãgũ turari merã yũre ãmugasigue ãĩmũrĩãmi. Irogue mũrĩjagũ, sugũ Opũ doarogue doagũre ããbũ. <sup>3</sup> Ìgũ, jaspe, cornalina wãikũri yeri ãtãyeri goserosũ õãrõ gosesirigũ ããrĩmĩ. Õãrõ gosesiriri bero, esmeralda wãikũriye irirosũ gosesiri bero dekogue doami. <sup>4</sup> Ìgũ doaro tũrore su bero veinticuatro oparã doari ããrĩrĩ berore ããbũ. Iri doariguere veinticuatro gora oparã mũrã doama. Boreri surĩ sãñama. Ìgũsã peyari berorĩde oro berorĩ ããrĩbũ. <sup>5</sup> Opũ doarogue merã bupu miã, bũro pámi. Iro doaro diaye su mojõma pere gaji mojõ peru pẽrẽbejari sĩãgori yuku ããrĩbũ. Iri yukukũta, Õãgũ deyomarĩgũ turari keori ããrĩbũ. <sup>6</sup> Gaji iro doaro diaye dia wãdiya diumajĩ gosesirirosũ ããrĩbũ. Õãrõ deko sũridiya irirosũ ããrĩbũ.

Iro doaro pũro gajirã wapikũrã okarã ããrĩmã. Ìgũsãya diapure, ãgũsãya pũrũpũrũre wãri koye opama. <sup>7</sup> Yũ ããpũroridi, ãõkaye irirosũ deyogũ ããrĩmĩ. Ìgũ pũrũmũ, wekũ irirosũ deyogũ ããrĩmĩ. Ìgũ pũrũmũ, masakũ irirosũ diapukũgũ ããrĩmĩ. Ìgũsã urerã pũrũmũ, gapãu ãgũ kẽdũpũri sãẽgũ irirosũ deyomi. <sup>8</sup> Ìgũsã wapikũrãgueta su mojõma pere gaji mojõ suru pẽrẽbejari kẽdũpũri oparã ããrĩmã. Ìgũsãya kẽdũpũri pe gapũgueta wãri koye opabũ. Ëmũrikũ, ñamirikũ bayama. ãsũ ãrĩ bayama:

“Õãgũ, õãgũ, õãgũ Marĩpũ ããrĩpererã nemorõ turagũ, marĩ Opũ ããrĩmi.✧

Ìgũ neõgoragueta ããrĩsiadi ããrĩmĩ.

Dapagoradere irasũta ããrĩnĩkõãmi.

Pũrũguedere irasũta ããrĩnĩkõãgũkumi”, ãrĩ bayanama.

<sup>9</sup> Irasũ bayarã, Marĩpũ turarire bayarã irima. Ìgũrẽ ããrĩpererĩnũrĩ ããrĩnĩgũrẽ: “Bũro hũyãa mũ merã”, ãrĩ bũremurã irima. <sup>10</sup> Ìgũsã irasũ baya bũremumakũ ããrã, veinticuatro oparã mũrã, ãgũ doarogue doagũ diaye ñadũkũpuri merã ejamejã, ãgũrẽ bũremuma. Ìgũ ããrĩpererĩnũrĩ ããrĩnĩgũ ããrĩmi. Irasũ bũremurã, ãgũsã peyari berorĩre ãgũ diaye meépeo, ãsũ ãrĩma:

<sup>11</sup> “Mũ, gũa Opũ turatarigũ, õãtarigũ ããrã. Gũa bũremugũ ããrĩkõãgũta yãa. Mũrẽ irasũta bũremunĩkõãrõ gããmea. ããrĩpererire iridi ããrã. Mũ gããmerõsũta i ããrĩpererire iribũ”, ãrĩma Marĩpũre.

## 5

*Jesucristo oveja majĩgũ irirosũ ããrĩgũ su papera tũrũrẽ kuraburi*

<sup>1</sup> Marĩpũre Opũ doarogue doagũre ãgũya diayema mojõ gapũ papera tũrũrẽ opagũre ããbũ. Iri tũrũ, pe gapũ gojadea tũrũ, su mojõma pere gaji mojõ peru pẽrẽbejarigora õãrõ wĩtãbiadea tũrũ ããrĩbũ. <sup>2</sup> Marĩpũre wereboegũ turagũdere ããbũ. Ìgũ bũro bũsũro merã ãsũ ãrĩ sãrẽñami:

—¿Noã ããrĩrĩ, gajirã nemorõ õãgũ i papera tũrũ wĩtãbiadeare kurabu? ãrĩmi.

<sup>3</sup> Ɖmugasigue, i nikũgue, i nikũ poeka boanerã ããrĩrõguedere neõ sugũ iri tũrũrẽ kura, iri tũrũma gojadeare ããgũ mámi. <sup>4</sup> Irasirigũ iri tũrũrẽ kurabure ããgũ bokabirimakũ ããgũ, yũ bũro orebũ. <sup>5</sup> Yũ irasũ oremakũ ããgũ, sugũ, oparã mũrã watopemũ ãsũ ãrĩmi yũre:

—Iropata oreka! Iripoeguemu opũ David parãmi ããrĩturiagu iri tũrũrẽ su mojõma pere gaji mojõ peru pẽrẽbejarigora wĩtãbiadeare kuramasĩmi. ããgũ Judáya bumũ, ẽõkaye irirosũ turatarigũ ããrĩmi. ããgũrẽ ããturirãrẽ tarinũgãdi ããrĩmi, ãrĩ weremi yũre.

<sup>6</sup> ããgũ irasũ ããrĩmakũ pẽgũ, Opũ doarogue doagũ diaye Jesucristo oveja majĩgũ irirosũ ããrĩgũ nímakũ ããbũ. ããgũ wapikũrã okarã, oparã mũrã watopegue ními. Oveja majĩgũ wẽjẽsũdi dupaturi okagũ irirosũ deyogũ ããrĩmĩ. Su mojõma pere gaji mojõ peru pẽrẽbejari kũsari, irikũta koyedere opami. Iri kũsari, koye: Õãgũ deyomarĩgũ turari, ããgũ masĩpeori keori ããrã. Marĩpũ, Õãgũ deyomarĩgũrẽ ããrĩperero i nikũguere iriudi ããrĩmi. <sup>7</sup> Jesucristo oveja majĩgũ irirosũ ããrĩgũ, Opũ doaro pũrogue ejagũ, iro doagũre ããgũya diayema mojõ gapũ opadea tũrũrẽ ããmi. <sup>8</sup> ããgũ irire ããmakũ ããrã, wapikũrã okarã, veinticuatro oparã mũrãde ããgũ oveja majĩgũ irirosũ ããrĩgũ diaye ããgũsãya ããdukũpuri merã ejamejã, ããgũrẽ bũremuma. ããgũsãkũ arpa wãikũri bũapũtẽrĩrẽ, oro merã iridea paridere opama. Iri pari sũrõrĩ utũriripari dita ããrĩbũ. Iri sũrõrĩ Marĩpũyarã ããgũrẽ sẽrẽdea ããrĩbũ. <sup>9</sup> Irasũ ããgũrẽ bũremurã, maama bayarire ãsũ ãrĩ bayapeoma:

Mũ wẽjẽsũdi ããrã. Boagũ, mũya dí béori merã masaka ããrĩ iridea wajare wajaribosabũ, ããgũsã Marĩpũyarã ããrĩburo, ããrĩgũ. ããrĩpereri buri marãrẽ, ããgũsã ya werenĩrãrẽ, ããrĩpererogue ããrĩpereri nikũ marãrẽ ããgũsã ããrĩrẽ iridea wajare wajaribosabũ. Irasirigũ iri tũrũrẽ ãã, wĩtãbiadeare kuramasã.

<sup>10</sup> Marĩpũyarãrẽ: oparã, paía masakaya ããrĩburire ããgũrẽ sẽrẽbosarã ããrĩmakũ iribu, ããgũ dorerire iriburo, ããrĩgũ. Irasirirã i ããmũ ããrĩpererogue ããrĩrãrẽ dorerãkuma, ããrĩma.\*

<sup>11</sup> Pũrũ ããmugasigue ããmũ, Marĩpũre wereboerã wãrã werenĩmakũ pẽbũ. Opũ doaro, irasũ ããrĩmakũ wapikũrã okarã, veinticuatro oparã mũrã tũro nígoroama. ããgũsãrẽ keo bokatĩũña marĩbũ. <sup>12</sup> Turaro merã ãsũ ãrĩ bayapeoma:

Oveja majĩgũ, ããgũsã wẽjẽdi, dupaturi okagũ, õãtarigũ ããrĩmi. Irasirirã ããgũrẽ: “ããrĩpererãrẽ doregũ, ããrĩpererire opagũ, masĩpeogũ, turatarigũ, marĩ goepeyari merã bũremugũ, gosesiriri merã deyogũ, õãtarigũ ããrĩmi”, ããrĩ, usũyari sĩburo, ããrĩma.\*

<sup>13</sup> Pũrũ gajirã bayapeomakũ pẽbũ. ããgũsã ããrĩpererã Marĩpũ irinerã ããrĩmã: Ɖmugasigue ããrĩrã, i nikũgue ããrĩrã, i nikũ poeka boanerã ããrĩrõgue ããrĩrã, dia wãdiyague ããrĩrã ããrĩmã. ããrĩperero i ããmũguere ããrĩrã ããrĩmã. ããsũ ããrĩ bayapeoma:

Opũ doarogue doagũre: “Õãtarigũ, marĩ goepeyari merã bũremugũ, gosesiriri merã deyogũ, turatarigũ ããrĩmi”, ããrĩ bũremuburo.

Irasũ ããrĩmakũ, oveja majĩgũ irirosũ ããrĩgũdere irasũta piriro marĩrõ ããrĩpererinũrĩ bũremuburo, ããrĩma.

<sup>14</sup> ããgũsã irasũ ããrĩmakũ pẽrã, wapikũrã okarã: “Irasũta ããrĩburo”, ããrĩma. Irasirirã veinticuatro oparã mũrã ããdukũpuri merã ejamejã, ããgũrẽ ããrĩnĩgũrẽ ããrĩpererinũrĩ usũyari sĩma.

## 6

### *Jesucristo oveja majĩgũ irirosũ ããrĩgũ papera tũrũ wĩtãbiadeare kurawãgãdea*

<sup>1</sup> Pũrũ Jesucristo oveja majĩgũ irirosũ ããrĩgũ papera tũrũ ããgũ ããdea tũrũ wĩtãbiapũroriderore kuramakũ ããbũ. ããgũ kuradero pũrũ, sugũ, wapikũrã okarã watopemũ yũre: “ããgũ aarika!” ããrĩmakũ pẽbũ. Irasũ ããrĩgũ, bupu bũro bũsũrosũ werenĩmi.

\* 5:10 Ex 19.6; Ap 1.6; 20.6 \* 5:12 Jn 1.29; 1 Co 5.7

<sup>2</sup> Īgũ irasũ ārãdero pũrũ, caballu boregũre iãbũ. Īgũ weka peyagũ sĩrĩturore opami. Marĩpũ Īgũrẽ opũ peyari berore sĩmi. Irasirigũ Īgũrẽ iãturirãrẽ gãmekẽã tarinũgãgũ ããrĩsĩã, dupaturi gãmekẽã tarinũgãgũ waami doja.

<sup>3</sup> Pũrũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũrũ, gajigũ wapikũrã okarã watopemũ yũre: “Īãgũ aarika!” ãrĩmakũ pébũ. <sup>4</sup> Īgũ irasũ ārãdero pũrũ, gajigũ caballu diiagũ wirimi. Marĩpũ Īgũ weka peyagũre turarire sĩmi. Iri turari merã i ãmũgue ããrĩrãrẽ Īgũsã basi siñajãrĩ opanemobirimakũ irimi. Wãri majĩ sareri majĩrẽ Īgũrẽ sĩmi. Irasirigũ Īgũsãrẽ gãmewẽjẽmakũ irimi.

<sup>5</sup> Pũrũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũrũ, gajigũ wapikũrã okarã watopemũ yũre: “Īãgũ aarika!” ãrĩmakũ pébũ doja. Īgũ irasũ ārãdero pũrũ, gajigũ caballu ñĩgũrẽ iãbũ. Īgũ weka peyagũ ñũkũrĩ keorore opami.

<sup>6</sup> Pũrũ wapikũrã okarã watopegue sugũ ãsũ ãrĩ werenĩmakũ pébũ:

—Baari pereakõãrokoa. Irasirirã masaka trigo yerire su kilota, sunũ moãrĩ waja merã wajarirãkuma. Sunũ moãrĩ waja merã cebada yeridere ãre kilota wajarirãkuma. Uye, igui deko\* gapũre peremakũ iribirikõãburo, ãrĩmi.

<sup>7</sup> Pũrũ Jesucristo oveja majĩgũ irirosũ ããrĩgũ gajiro wĩtãbiaderore kurami. Īgũ kuradero pũrũ, gajigũ wapikũrã okarã watopemũ yũre: “Īãgũ aarika!” ãrĩmakũ pébũ. <sup>8</sup> Īgũ irasũ ãrĩmakũ pégũ, diiaweya borewijigũ caballure iãbũ. Īgũ weka peyagũ masakare boamakũ irigũ ããrĩsĩã: “Boari” wãikũmi. Īgũ pũrũ gajigũ “Boanerã ããrĩrõ” wãikũgũ aarimĩ. Jesucristo oveja majĩgũ irirosũ ããrĩgũ Īgũsã pẽrãrẽ ããrĩperero i nikũguere surãyeri masakare wẽjẽdoremi. Gãmewẽjẽrĩ merã, ãboari merã, pũrĩrikũri merã, waimũrã makãnũũ marã guarã merã, surãyeri masakare wẽjẽburire pími. ããrĩpererã masaka wapikũri buri dukawa, keomakũ, su bumarã keoropa ããrĩrãrẽ wẽjẽdoremi.

<sup>9</sup> Pũrũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũrũ, Marĩpũre sĩdea soepeoro doka, Jesucristore bũremurã wẽjẽsũnerãya yũjũpũrãrĩrẽ iãbũ. Īgũsã Īgũya kerere weredeã waja, irasũ ããrĩmakũ Īgũyare piribiridea waja wẽjẽsũnerã ããrĩmã. <sup>10</sup> Īgũsã turaro merã Marĩpũre ãsũ ãrĩma:

—Gũã Opũ, mũ õãtarigũ, ñerĩ marĩgũ ããrã. Mũ: “Ãsũ irigũra”, ãrĩdeare diayeta irigũ ããrã. ¿Naásũ ããrĩmakũ i ãmũ marãrẽ wajamoãgũkuri, Īgũsã gũare wẽjẽdeã waja? ãrĩma.

<sup>11</sup> Pũrũ Īgũsãrẽ boreri surĩ, yoarire sĩmi. ãsũ ãrĩmi:

—Siñajãka dapa! Gajirã mũsãyarã Jesucristore bũremurã Īgũya kere wereri waja mũsã irirosũ wẽjẽsũrãkuma. Īgũsãrẽ wẽjẽpeoburo mërõ duyãã, ãrĩmi.

<sup>12</sup> Pũrũ Jesucristo oveja majĩgũ irirosũ ããrĩgũ gajiro wĩtãbiaderore kuramakũ iãbũ doja. Ireore kuramakũ, nikũ bũro ñomebũ. Abe ãmũmũ goero ñĩgũ waami. Kó surĩro ñĩrõ sãñarõ irirosũ deyogũ waami. Abe ñamimũ goero diiagũ, dí irirosũ deyogũ waami. <sup>13</sup> Neñukãde ãmũgasigũ ããrãnerã, nikũgue yuridijakõãma. Yukũbũ dukare mirũ bũro wẽjãpu bura dijurosũ yuridijama. <sup>14</sup> Irasiriro papera pũrẽ tũrãbéo dedeuosũ, ãmũgasi dederiakõãbũ. ããrĩpereri ãtãyuku, ñũgũrĩde gajirogue waabũ. <sup>15</sup> Irasũ waamakũ iãrã, i ãmũ marã oparã ãtãyukuma goberigũ, ãtãyeri watopegue durirã waama. Gajirã: surara oparã, wãri doebiri oparã, turari merã dorerã, ããrĩpererã moãrĩmasã, moãrĩmasã ããrĩmerãde irogueta duriadima. <sup>16</sup> Irasũ durirã, ãtãyukure, ãtãyeridere ãsũ ãrãdima:

—Gũã weka yuridijarikõãka! Kãmutaka, Opũ doarogue doagũ gũare bokabirikõãburo. Kãmutaka, oveja majĩgũ irirosũ ããrĩgũ gũare bũro wajamoãbirikõãburo. <sup>17</sup> Īgũ gũare wajamoãrĩnũ ejasiãã. ¿Noã bokatũbũkuri ire? ãrĩ gaguinĩma.

\* **6:6** Masaka olivo wãikũdima dukã aceitunas wãikũri dukare bipirã, ãye opakuma Īgũsã baaburire. Iguida dukare kũrabipirã, igui deko opakuma Īgũsã iirĩburire. Irasirigũ sugũ wapikũrã okarã watopeguemũ: “ãye, igui deko gapũre peremakũ iribirikõãburo”, ãrĩgũ: “Olivo wãikũri yuku, iguidarire poyanorẽbirikõãburo”, ãrĩ werenĩmi.



## 7

*Israel bumarāya diapuserorire Marīpɛ wāi tuusūnerāyare weredeā*

<sup>1</sup> Pɛɛ wɔpikɛrā Marīpɛ wereboerārē iābɛ. Sugɛ norte gapɛ, gajigɛ sur gapɛ, gajigɛ abe mɛrīriro gapɛ, gajigɛ abe ñajārō gapɛ nīma, mirū wējāpubirimakū irimurā. Irasiriro i nikūgue, dia wādiyaguedere neō mirū wējāpubiribɛ. Neō sugɛ yukɛre mirū wējāpubiribɛ. <sup>2</sup> Īgūsā i nikūrē, dia wādiyadere poyanorēdoresūnerā āārīmá. Pɛɛ gajigɛ Marīpɛ wereboegure iābɛ doja. Īgū abe mɛrīriro gapɛ aarimí. Marīpɛ okanígūya wāi tuuyariñerē opami. Gajirā Marīpɛ wereboerā wɔpikɛrārē turaro merā āsū ārī wereními:

<sup>3</sup>—I nikū, dia wādiya, yukure poyanorēbirikōāka dapa! Marī Opɛre moāboerārē Īgūsāya diapuserorire Īgū wāi tuuadero pɛɛ, irire poyanorēka! ārīmi.

<sup>4</sup> Pɛɛ Īgū werenímakū pébɛ. Āsū ārīmi: “Ciento cuarenta y cuatro mil masaka Israel parāmerā āārīturiari buri marā Īgūsāya diapuserorire Marīpɛ wāi tuusūnerā āārīmá”, ārīmi. <sup>5</sup> Īgūsā āārīnerā āārīmá:

Judáya bumarā doce mil, Rubēya bumarā doce mil,  
Gadya bumarā doce mil, <sup>6</sup> Aserya bumarā doce mil,  
Neftalíya bumarā doce mil, Manaséya bumarā doce mil,  
<sup>7</sup> Simeōya bumarā doce mil, Levíya bumarā doce mil,  
Isacarya bumarā doce mil, <sup>8</sup> Zabolōya bumarā doce mil,  
Joséya bumarā doce mil, Benjamíya bumarā doce mil  
āārīnerā āārīmá.

*Wárā surí boreri sāñarāyare weredeā*

<sup>9</sup> Pɛɛ wárā masakare iābɛ. Surāyeri āārīpereri buri marā, Īgūsā ya werenírā, āārīpererogue āārīpereri nikū marā āārīmá. Īgūsā, Marīpɛ, Opɛ doarogue doagɛ diaye, Jesucristo oveja majīgū irirosū āārīgū diaye nīma. Īgūsārē keo bokatīūña marībɛ. Surí borerire sāñama. Mujī pūrīrē opama. <sup>10</sup> Īgūsā āārīpererā turaro merā āsū ārī gaguiníma: Marīpɛ marīrē taugɛ āārīmi. Īgū, Opɛ doarogue doagɛ āārīmi. Jesucristo oveja majīgū irirosū āārīgūde marīrē taugɛ āārīmi, ārīma.

<sup>11</sup> Āārīpererā Marīpɛ wereboerā Opɛ doaro tɛro, irasū āārīmakū oparā mɛrā, wɔpikɛrā okarā tɛro nígoroama. Marīpɛ irogue doagɛre bɛremurā, Īgū diaye ñadukɛpuri merā ejamejā, Īgūsāya diapurire yebague moomejāma. <sup>12</sup> Āsū ārīma:

Marī Opɛre: “Ōātarigɛ, goesiriri merā deyogɛ, masīpeogɛ āārā, gɛa mɛ merā usuyáa”, ārī, usuyari sīrā!

“Mɛ, gɛa goepeyari merā bɛremugū, turatarigɛ, āārīpererārē doregɛ āārā”, ārīrā Īgūrē!

Āārīpererinurī irasū ārīnírā! Irasirirā: “Irasūta ārīburo”, ārī bɛremuma Īgūrē.

<sup>13</sup> Pɛɛ sugɛ, oparā mɛrā watopemɛ yare sērēñami:

—¿Ñeémarāno āārīrī ĩsā surí boreri sāñarā? ¿Noógue aarayuri? ārīmi.

<sup>14</sup> Īgū irasū ārīmakū pégɛ, yɛ gapɛ Īgūrē yujɛbɛ:

—Yɛ opɛ, mɛ masíkoa, ārībɛ.

Yɛ irasū ārīmakū pégɛ, āsū ārīmi:

—I ũmɛ marā bɛro ñerō tariripoere Īgūsāde ñerō tarima. Īgūsā Jesucristo oveja majīgū irirosū āārīgūya dí béori merā Īgūsāya suríre koe, boreri surí waamakū irinerā irirosū āārīma. Irasū āārīrā, Jesucristore Īgūsārē boabosa, Īgūya dí béodire bɛremusīā, Marīpɛ ĩūrōrē ñerīrē opamerā āārīma. <sup>15</sup> Irasirirā, Marīpɛ, Opɛ doarogue doagɛ diaye nīma, Īgū gāāmerōsū irimurā. Ɛmɛrikɛ, ñamirikɛ Īgūya wii ũmɛgasima wiigue Īgūrē bɛremuma. Īgū, Īgūsā merā irasū āārīnikōāmi Īgūsārē koregɛ. <sup>16</sup> Irasirirā neō dupaturi nabooanemobirikuma. Neō ñemesibusūnemobirikuma. Neō abe ũmɛmɛ Īgūsārē bɛro

asinemobirikumi. Gaji asiri ĩgūsārē neō ñerō tarimakū irinemobirikoā. <sup>17</sup> Oveja majĭgū irirosū āārĭgū, ĩgū doarogue doagū diaye nĭgū, ovejare korerimasū irirosū ĩgūsārē koregukumi. Perebiri okari sĭrĭ deko\* wiriri gobegue āāgukumi. Irasirirā usuyari merā āārĭnĭkōārākuma. Marĭpū āārĭpereri ĩgūsā kōdeko wiririre niūgukumi. Irasirirā neō dupaturi bujawereri merā āārĭbirikuma.

## 8

### *Papera tūrūrē wĭtābiatūnudea, sārōrĭ soemudiru oro merā irideare weredea*

<sup>1</sup> Jesucristo oveja majĭgū irirosū āārĭgū, su mojōma pere gaji mojō suru pērēbejari papera tūrūrē wĭtābiadeare kura odoadero pūru, iri tūrūrē wĭtābiatūnuderore kurami. Irore kuramakū, āārĭperero ũmugasigue gajino neō busubiriakōābu. Su hora deko irasū waabu. <sup>2</sup> Pūru su mojōma pere gaji mojō peru pērēbejarā Marĭpūre wereboerā ē ĩgū pūro nĭmakū ĩābu. ĩgūsākure puririduparure sĭmi. <sup>3</sup> Pūru gajigū Marĭpūre wereboegū sārōrĭ soemudiru oro merā iridirure opagū, Marĭpūre sĭdea soepeoro pūrogoe waa ejanugājami. ĩgū irogoe nĭmakū, wáro sārōrĭrē sĭma. Iri sārōrĭ, āārĭpererā Marĭpūyarā ĩgūrē sērēdea merā morē soemuburi āārĭbū. Irasirigū, Marĭpū, Opū doarogue doagū diaye, oro merā iridea soepeorogue irire soemumi. <sup>4</sup> Iri sārōrĭ, soepeoro weka poósiri peo soemumakū, Marĭpū pūrogoe ĩmĭkā, ĩgūyarā ĩgūrē sērēdea merā mūrĭākōābu. <sup>5</sup> Pūru Marĭpūre wereboegū i soepeoroma peamerē ĩgū soemudirugue āi poósā odo, i nikūgue poómeédijukōāmi. ĩgū irasū poómeédijumakūta, bupu miā, buro pámi. Irasū āārĭmakū, nikūde ñomebu.

### *Marĭpūre wereboerā puririduparure puridea*

<sup>6</sup> Pūru su mojōma pere gaji mojō peru pērēbejarā Marĭpūre wereboerā ĩgūsāya puririduparure āmurā irima.

<sup>7</sup> Āārĭpūrorigū Marĭpūre wereboegū ĩgūyarure purimi. ĩgū puriadero pūru, deko yeri yusari yeri peame merā, dí merā morērĭ yeri nikūgue yuribu. Iri yeri yurimakūta, i nikū ũjūākōābu. I nikū deko ejaburogora ũjūtūnubu. Yukude, tá yasaride iropata ũjūbu.

<sup>8</sup> Pūru gajigū Marĭpūre wereboegū ĩgūyarure purimi doja. ĩgū purimakū, wádi ũtāū irirosū deyodi, peame merā ũjūnĭdi, dia wādiyague mirūa dijabu. Irasiriro i nikū ũjūderopata wādiyama deko, dí poyakōābu. <sup>9</sup> Irasirirā āārĭpererā wādiya marā ure bu dukawamakū, su bumarā boakōāma. Doóriduparu wādiyague āārĭrĭde, iropata ũjūbu.

<sup>10</sup> Pērā Marĭpūre wereboerā ĩgūsāya puririduparu puriadero pūru, gajigū Marĭpūre wereboegū ĩgūyarure purimi doja. ĩgū purimakū, wágū neñukāmu sĭāgori turu ũjūrĭ irirosū deyogū ũjū, mutādi nikūguere dijijami. ĩgū diariguere, deko wiriri goberiguere deko ejaburogora meémejāmi. <sup>11</sup> ĩgū: “Sūĭgū” wāĭkumi. Deko ĩgū meémejādero ejaturo sūĭrĭ deko waabu. Irasū waadero pūru, iri dekore iirĭrā, wārā masaka boama.

<sup>12</sup> Ũrerā Marĭpūre wereboerā ĩgūsāya puririduparu puriadero pūru, gajigū Marĭpūre wereboegū ĩgūyarure purimi doja. ĩgū purimakū, abe ũmumu, ñamimude deko ejaburogora poyanorēma. Neñukāde iropata poyanorēma. Irasirigū abe, ũmūrē wapikari horagora neō boyobirimi. Ñamidere wapikari horagora abe ñamimu, neñukā neō boyobirima.

<sup>13</sup> Pūru ũmarōgue ĩāmugū, gapáu wúwāgāgūrē ĩābu. ĩgū turaro merā āsū ārĭ werenĭmakū pébu:

\* **7:17** San Juan 11.25: Jesús ārĭmi: —Yū boanerārē masāmakū irigū, ĩgūsārē okari sĭgū āārā. Yure buremugū boadigue āārĭkeregū, okagukumi, ārĭmi. San Juan 14.6: Jesús ārĭmi doja: —Yū dita Yūpū pūrogoe waarĭ maa irirosū āārā. Yū diayema āārĭrĭrē masakare masĭmakū irigū, ĩgūsārē okamakū irigū āārā. Yū merāta Yūpū pūrogoe waarākuma, ārĭmi. Irasirigū Jesús deko wiriri gobema perebiri okarire sĭrĭ deko irirosū āārĭmi. ĩgū merā ĩgūrē buremurā ĩgū Pagū pūro i perebiri okarire opamurā āārĭma.

—Ayó! Ayó! Ayó! Gajirã ɯrerã Marĩpɯre wereboerã ïgũsãya puririduparure puribema dapa. ïgũsã irire puriadero pɯɯɯ, ñetariro waarokoa i nikũgue ããrĩrãrẽ, ãrĩmi.

## 9

<sup>1</sup> Pɯɯɯ wapikɯrã Marĩpɯre wereboerã ïgũsãya puririduparu puriadero pɯɯɯ, gajigu Marĩpɯre wereboegu ïgũyarure purimi doja. ïgũ purimakũ, neñukãɯ irirosũ deyogu ãmugasigue ããrãdi i nikũgue yuriadire ïãbɯ. Bɯro ùkũãrĩ gobema sawire ïgũrẽ sĩma. <sup>2</sup> ïgũ iri gobere tũpãmakũ, wãri peamema ïmĩkã wiribɯ. Iri ïmĩkã abe ãmɯɯmɯrẽ tuúbiatobɯ. Irasiriro ãmarõgue naĩtĩãrõ waabɯ. <sup>3</sup> Poreroa, ïmĩkã watopegue ããrãnerã, i nikũgue wãdijarima. Korebaba irirosũ toarã ããrĩmã. <sup>4</sup> Marĩpɯ ïgũsãrẽ táre, yukure, gaji otedeare poyanorẽdorebirimi. “ïgũsãya diapuserorire yɯ wãĩ tuuña marĩrãno ditare ñerõ tarimakũ irirãkoa”, ãrĩmi. <sup>5</sup> ïgũsãrẽ toawẽjẽdorebirimi. Su mojõmarã abegora ïgũsãrẽ bɯro pũrĩmakũ iridoremi. Irasirirã korebaba toari pũrĩrõsũ ïgũsãrẽ pũrĩmakũ irima.

<sup>6</sup> ïgũsãrẽ pũrĩripoere masaka bɯro boadɯadima. ïgũsã boadɯakeremakũ, boamasĩña marĩbɯ.

<sup>7</sup> Poreroa, caballua gãmekẽãburi dupiyuro ãmu odoanerã irirosũ deyoma. ïgũsãya dipure oparã peyari berorí, oro merã iridea berorí irirosũ deyorire peyama. ïgũsãya diapuri masakaya diapu irirosũ deyobɯ. <sup>8</sup> ïgũsãya poari, nomeya poañapu irirosũ ããrĩbú. ïgũsãya guika, eõkayea guika irirosũ ããrĩbú. <sup>9</sup> ïgũsãya koretibirire kõme merã iridea kãmutari suríro sãñanerã irirosũ ããrĩmã. ïgũsã wãmakũ, ïgũsãya kẽdɯpuri bɯro bɯsɯbɯ. Wãrã caballua tũrũrĩduparure ïgũsã gãmewẽjẽrõgue mumurõ merã tũãwãgãrã irirosũ bɯsɯbɯ. <sup>10</sup> Korebaba irirosũ ïgũsãya pore merã toarã, masakare su mojõmarã abegora pũrĩmakũ irima. <sup>11</sup> Poreroa opɯ, bɯro ùkũãrĩ gobe opɯ ããrĩmi. ïgũ Marĩpɯre wereboegu ããrĩdi ããrãdimi. Hebreo ya merã “Abadón” wãĩkãmi. Griego ya merã “Apolión” wãĩkãmi. “Apolión”, ãrĩrõ: “Ñerõ poyanorẽrĩmasũ”, ãrĩdɯaro yãa.

<sup>12</sup> Poreroa masakare ñerõ pũrĩmakũ iriadero pɯɯɯ, ñerõ taripɯroridea pereakõãbɯ. Iri pɯɯɯ, pero ñerõ tariri dɯyãa dapa.

<sup>13</sup> Pɯɯɯ su mojõmarã Marĩpɯre wereboerã ïgũsãya puririduparu puriadero pɯɯɯ, gajigu Marĩpɯre wereboegu ïgũyarure purimi doja. ïgũ purimakũ, sugɯ werenĩmakũ pébɯ. Marĩpɯ ïũrõ ïgũsã ïgũrẽ sĩdea soepeoro, oro merã iridea soepeorogue ïgũ werenĩrĩ bɯsɯbɯ. Iri soepeoroma wapikɯri kúsari watopegue ïgũ werenĩrĩ bɯsɯbɯ. <sup>14</sup> Irasũ werenĩgũ, puriduru puriadire ãsũ ãrĩmi:

—Wapikɯrã Marĩpɯre wereboerã ããrãdinerãrẽ wiuka! ïgũsã dia wãdiya Eufrates wãĩkũdiyague sɯadobosũnerã ããrĩma, ãrĩmi.

<sup>15</sup> Irasũ ãrĩmakũ pégɯ, Marĩpɯre wereboegu ïgũsã wapikɯrãrẽ wiumi, wãrã masakare wẽjẽmurãrẽ. Irasirĩgɯ Marĩpɯ ïgũsãrẽ: “I hora, inɯ, ïĩ abe, i bojori ããrĩmakũ, wiusũrãkuma”, ãrĩderosũta keoro waabɯ. Irasirirã ããrĩpererã i nikũgue masakare ɯre bu dukawamakũ, su bumarãrẽ wẽjẽrã waama. <sup>16</sup> ïgũsã merã wãrã surara caballua weka peyarã ããrĩmã. “ïgũsã ããrĩpererã doscientos millones surara ããrĩma”, ãrĩrĩrẽ pébɯ.

<sup>17</sup> Yɯ kẽrõsũgue caballuare, ïgũsã weka peyarãdere ïãbɯ. ãsũ deyoma: ïgũsãya koretibirire kõme merã iridea kãmutari suríro sãñanerã ããrĩmã. Iri kãmutari surí, diiari, yasari, boreri surí deyobɯ. Irasiriro peame ùjũrĩ, ùtãye jacinto wãĩkũriye, azufre wãĩkũri poga irirosũ deyori ããrĩbú. Caballuaya dipu eõkayea dipu irirosũ deyobɯ. ïgũsãya disirigue peame, ïmĩkã, azufre wãĩkũri poga ùjũrĩ ïmĩkãde wiribɯ. <sup>18</sup> Irasirirã caballua ïgũsãya disi wiriri: peame, ïmĩkã, azufre ùjũrĩ merã ããrĩpererã masakare ɯre bu dukawamakũ su bumarãrẽ wẽjẽma. <sup>19</sup> ïgũsãya disi wiriri merã, ïgũsãya pore merã wẽjẽma. ïgũsãya pore yuwari, ãña dipu irirosũ deyobɯ. Iri merã masakare kãmitúma.

<sup>20</sup> Gajirā masaka peame, ĩmikā, azufre ũjārĩ merā boamerā gapu irire waamakū ĩākererā, ĩgūsā ñerō iririre neō piribirima. Wātēārē buremurĩrē neō piribirima. ĩgūsā buremurā keori weadea: oro, plata, bronce, ũtāyeri, yuku merā irideare buremurĩrē neō piribirima. Iri keori weadea neō ĩābiri, neō pébiri, neō naabiri āārĩkeremakū, ĩgūsā irire soebuima. <sup>21</sup> Irasū āārĩmakū, ĩgūsā masakare wějēdeare, ĩgūsā yéa āārĩrā irideare, ĩgūsā kōābiradeare, ĩgūsā yajadeadere neō bujawerebirima. Iri āārĩpererire neō piribirima.

## 10

### *Marĩpũre wereboegu papera tũrũgārē opadea*

<sup>1</sup> Pũru gajigu turagu Marĩpũre wereboegu ũmugasigue merā ĩmikāyebo dekouge dijari-makū ĩābu. ĩgũya dipuru wekare buida āārĩbũ. ĩgũya diapu abe ũmũmũ irirosū gos-esiribũ. ĩgũya ñigārĩ peame irirosū gosebũ. <sup>2</sup> ĩgũya mojōgue papera pũ kuradea tũrũgārē opami. ĩgũya diayema gubu merā dia wādiyague tāpĩmi, kũgapũma gubu merā nikũgue tāpĩmi. <sup>3</sup> Irogue nígũ, turaro ēōkaye gaguinĩrōsũ gaguinĩmi. ĩgũ irasũ gaguinĩmakū, su mojōma pere gaji mojō peru pērēbejarā bupua werenĩma. <sup>4</sup> ĩgūsā werenĩadero pũru, ĩgūsā werenĩadeare gojanũgābũ. Yũ gojanũgāmakū, sugũ ũmugasigue āārĩgũ yũre āsũ ārĩ weremi:

—Bupua werenĩadeare gajirārē werebirikōāka! Irire gojabirikōāka! ārĩmi.

<sup>5</sup> Pũru yũ wādiyague, nikũgue nímakū ĩādi, ĩgũya diayema mojōrē ũmugasigue soemumi. <sup>6</sup> Irasũ soemugũ, Marĩpũ okanĩgũ, ũmugasĩ, i nikũ, dia wādiya āārĩpererā irogue āārĩrārē iridi wāĩ merā wāĩpeo, āsũ ārĩmi:

—I ũmũ pereakōāa. Iropata āārā. <sup>7</sup> Su mojōma pere gaji mojō suru pērēbejarā Marĩpũre wereboerā ĩgūsāya puririduparure purisĩama. Gajigu ĩgũyarure purimakū, Marĩpũ ĩgũ: “Āsũ irigũra”, ārĩdeare, iripoegue marā masĩbirideare iriyuwarikũgũkumi. Irasĩriro iri, ĩgũrē moāboerārē, ĩgũya kerere weredupiyunerārē ĩgũ: “Āsũ irigũra”, ārĩdea keoro waarokoa, ārĩmi.

<sup>8</sup> ĩgũ irasũ ārĩadero pũru, ũmugasigue āārĩgũ yũre werenĩdi, dupaturi āsũ ārĩ werenĩmi:

—Sĩ Marĩpũre wereboegu, wādiyague, nikũgue nígũ pũroque waaka! ĩgũya mojōgue papera pũ kuradea tũrũgārē opami. Iri pũgārē āĩka! ārĩmi. <sup>9</sup> ĩgũ irasũ ārĩmakū pégu, ĩgũ pũroque waabu. ĩgũrē yũ papera pũgārē sērēmakū pégu, āsũ ārĩ yũjũmi yũre:

—Āĩ, baaka! Mũ baamakū, mume irirosũ ōārō misōrokoa. Mũya paru gapu, pũru bũro sũĩrokoa, ārĩmi.

<sup>10</sup> ĩgũ irasũ ārĩmakū pégu, iri pũgārē ĩgũrē āĩ, baabu. Yũ baamakū, mume irirosũ misōbũ. Baa odoadero pũru, yaa paruguerē sũĩrō péñabu. <sup>11</sup> Pũru āsũ ārĩmi yũre:

—Dupaturi wāri buri marārē, wāri nikũ marārē, ĩgūsā ya werenĩrārē, ĩgūsā oparādere Marĩpũ ĩgūsārē: “Āsũ irigũra”, ārĩdeare weregu waaka! ārĩmi.

## 11

### *Pērā Marĩpũyare wererimasā werede*

<sup>1</sup> Pũru Marĩpũ yũre keodi, tuadi irirosũ deyodire sĩmi. Sĩ odo, yũre āsũ ārĩmi:

—ĩgu merā yaa wiire keogu waaka! Iri wiimarē yũ ĩũrō ĩgūsā yũre sĩdea soepeorodere keoka! Iri wiiguere masakare yũre buremurādere: “¿Nĩsākũ āārĩrĩ?” ārĩ keoka! <sup>2</sup> Iri wii tũroma gapure keobirikōāka! Iri gajiro marā masakare wiadea nikũ āārā. ĩgūsā cuarenta y dos abegora yaa makārē\* poyanorēgorenarākuma. <sup>3</sup> Irasĩrigũ yaare weremurārē pērā iriugũra. Yoaripoe mil doscientos sesenta nũrĩgora yaare wererākuma. ĩgūsā bujawereri ĩmurā, kó surĩ sãñanerā āārĩrākuma, ārĩmi.

\* 11:2 Marĩpũya makā, Jerusal'ēta āārā.

4 Īgūsā pērā Marīpuyare weremurā, pegu olivo wāikuri yuku, irasū āārīmakū pegu sīāgori yuku irirosū āārīma. Marīpu i nikū Opu iūrō nīma. 5 Īgūsārē iāturirā Īgūsārē ñerō iridumamakū, Īgūsāya disigue peame ujūrī pūrā wiriri merā Īgūsārē soe wējēpeokōārākuma. Irasirirā āārīpererā Īgūsārē ñerō iriduarārē iri merā boamakū irirākuma. 6 Īgūsā Marīpuyare wererimārē deko merēdorebirimakū merēbirikoa. Irasū āārīmakū dekore dí poyadoremakū dí poyarokoa. I nikū āārīpererogue āārīrārē āārīpereri gajirosūperi ñerō taridorerākuma. Īgūsā iriduaropa ñerō tarimakū irirākuma.

7 Marīpuyare were odomakū, buro ukūārī gobegue āārīgū, ñegū gajirosū deyogu wirigukumi, Īgūsā pērā merā gāmekēābu. Īgūsārē gāmekēā, Īgūsārē tarinugā, wējēkōāgukumi. 8 Īgūsārē wējēadero puru, Īgūsāya dūpuri dari wāri makāma maague oyarokoa. Iri makā, marī Opure Jesucristore Īgūsā curusague pábiatú wējēdea makā āārā. Iri makā marā ñerā āārīrā, Sodoma marā, Egipto marā ñerā āārīnerā irirosū āārīma. 9 Urenu gajinu dekogora Īgūsāya dūpuri dari iri maarē oyarokoa. Āārīpereri nikū marā, āārīpereri buri marā, Īgūsā ya werenirā Īgūsāya dūpuri darire iārākuma. Gajirārē iri dūpuri darire yáadorebirikuma. 10 Īgūsā pērā okarā, i umu marā masakare buro ñerō tarimakū irinerā āārīma. Īgūsā boamakū iārā, usuyarākuma. Bosenu iri, gajinorē gāme sīrākuma.

11 Īgūsā boadero puru, urenu gajinu deko puru, Marīpu Īgūsārē masū, dupaturi okamakū irimi doja. Īgūsā wāgānugāmakū iārā, āārīpererā buro güima. 12 Puru sugu umugasigue āārīgū Īgūsā pērārē turaro merā āsū āri werenimākū péma:

—Ōōgue mūrīrika musā! ārīmi.

Īgū irasū ārīmakū pērā, ĩmikāyebo merā mūrīākōāma. Īgūsā mūrīāmakū, Īgūsārē iāturirā iāma. 13 Īgūsā mūrīaripoe nikū buro ñomebu. Iri makāma wiiri wāri mirūadijabu. Wārā siete mil masaka boama. Gajirā dūyarā gapu buro güima. “Marīpu umugasigue āārīgū turatarigu āārīmi”, ārīma.

14 I āārīpereri irasū waadero puru, pero ñerō tariri waasiabu. Irasū waakeremakū, mérōgā puru masaka dupaturi ñerō tarirākuma doja.

### *Marīpue wereboegu puriduru puritūnudea*

15 Puru su mojōma pere gaji mojō suru pērēbejarā Marīpue wereboerā Īgūsāya puririduparure puriadero puru, gajigu Īgūrē wereboegu Īgūyare purimi. Īgū purimakū, umugasigue āārīrā turaro merā āsū āri werenīma:

Dapagorare Marīpu, Īgū iriudi Cristo merā āārīpererā i umu marārē doregu ñajāmi. Īgū doreri neō perebirikoa, ārīma.✧

16 Irasū ārīmakū pērā, Marīpu diaye oparā doarigue doarā veinticuatro oparā mūrā Marīpu iūrō ñadukupuri merā ejamejāja, Īgūsāya diapure yebague moomejā, Īgūrē buremu, 17 āsū ārīma:

Gua Opu, āārīpererā nemorō turagu āārā. Mu merā usuyāa. I umurē iriburo dupiyuro āārīsiabu. Dapagoradere āārīnīkōāa. Puruguedere irasūta āārīnīkōāgukoa. Mu turari merā masakare dorenugāa. Irasirirā mūrē usuyari sīa.

18 I umu marā mūrē gāamemerā, mu merā guatarima. Mu Īgūsārē wajamoārīnu, irasū āārīmakū boanerādere mu wajamoārīpoe ejasiāa. Āārīpererā mūyarā gapure oārīrē sīgukoa.✧

Muya kerere weredupiyurimasārē, mūrē oārō gopeyari merā buremurārē, oparārē, ubu āārīrādere oārīrē sīgukoa. I umu marārē poyanorērā gapure béoripoe ejasiāa, ārīma.✧

<sup>19</sup> Īgūsā irasū ārādero p̄r̄u, Marīp̄ya wii ūm̄ugasigie āārīrī wii makāp̄uro t̄p̄āsūbu. Iri wii poekague su kūmarē īābu. Iri kūma, Marīp̄u masakare werep̄iri gojadea opari kūma āārībū. Iri kūmarē īāmakūta, bupu miā, b̄uro p̄ami. Irasū āārīmakū, i nikū ñomebu. Wāri deko yeri ȳsari yeri nikūgue yuribu.

## 12

### *Nomeōya, irasū āārīmakū p̄r̄u irirosū deyoḡya kerere weredea*

<sup>1</sup> P̄r̄u ūm̄ugasigie gajirosūperi b̄uro goeri deyoamakū īābu. Irasū waaripoe sugo nomeōrē īābu. Igoya suriro abe ūm̄umu irirosū goesiribu. Abe ñamim̄u weka nimo. Op̄u peyari berore, pe mojōma pere su gubu peru p̄r̄ebejarā neñukā opari berore peyamo. <sup>2</sup> Igo p̄r̄ākuburo m̄erōgā d̄yabu. Irasirigo igo niñwāḡḡō p̄r̄irō merā gaguinimo. <sup>3</sup> P̄r̄u gaji ūm̄ugasigie deyoamakū īābu. Wāḡu p̄r̄u diiaḡu diakēā irirosū deyoḡre īābu. Īḡu su mojōma pere gaji mojō peru p̄r̄ebejari dipu opaḡu āārīmī. Dipuk̄u, oparā peyari berorire peyami. Pe mojōma kūsari opaḡu āārīmī. <sup>4</sup> Ūm̄ugasigie āārīrā neñukārē ure bu dukawamakū, su bumarārē īḡuya pore merā w̄jāsiri meédijumi. Īḡu, nomeō p̄r̄ākubo p̄uro nīmi, majīḡu deyoamakū baabu. <sup>5</sup> M̄erōgā p̄r̄u, majīḡurē p̄r̄ākumo. Īi majīḡuta āārīpereri nikū marā Op̄u āārību āārīmī. Wāri turari merā, op̄u kōme merā iridea yuku opaḡu masakare dorebu āārīmī. P̄r̄u Marīp̄u Īḡu doaro p̄rogue īḡurē āīm̄rīāmi. <sup>6</sup> Nomeō masaka marīrō Marīp̄u āmuyuderogue duriwāḡkōāmo. Irogue igore mil doscientos sesenta narīgora baari sīmi.

<sup>7</sup> P̄r̄u ūm̄ugasigie ḡāmewējērī waabu. Marīp̄ure wereboerā op̄u Miguel wāik̄uḡu, īḡuyarā Marīp̄ure wereboerā, p̄r̄u merā ḡāmekēāma. P̄r̄u, īḡuyarā merā Miguesā merā ḡāmekēāmi. <sup>8</sup> Miguesā p̄r̄urē tarinḡāma. Irasiriḡu p̄r̄u, īḡuyarā merā ūm̄ugasiguere īḡūsā āārīrō neō bokanemobirimi. <sup>9</sup> Irasiriḡu Marīp̄u p̄r̄urē béokōāmi. Īḡu wāḡu p̄r̄u, neōgoraguere deyoadi, Satanás wāik̄uḡu, wātī āārīmī. Īḡu āārīpererā i ūm̄u marā masakare ārīkatorik̄uḡu āārīmī. Marīp̄u īḡurē, īḡuyarā merā i nikūgue béodijumi.

<sup>10</sup> P̄r̄u sugu ūm̄ugasigie āārīḡu turaro merā āsū ārī werenīmakū p̄ebu:

—Marīp̄u marīrē tauri, īḡu turari merā marī Op̄u āārīrī, īḡu iriudi Cristo marīrē doreri ejasiāa. Irasiriḡu Marīp̄u wātīrē ūm̄ugasigie āārīdire i nikūgue béodijumi. Ūm̄uriku, ñamiriku wātī Marīp̄ure, marīyarā Jesúre b̄remurārē: “Ñerō irirā āārīma”, ārī weresāḡu iriadimi. <sup>11</sup> Marīyarā wātīrē tarinḡāma. Jesucristo oveja majīḡu irirosū āārīḡurē, īḡu dí béori merā īḡūsārē taurire b̄remusīā, irasirima. Jesúya kerere weredea waja gajirā īḡūsārē w̄jēduakeremakū, īḡūsā okarire maībirima. Neō p̄riro marīrō īḡuya kerere weresīā, wātīrē tarinḡāma. <sup>12</sup> Irasirirā m̄sā ūm̄ugasigie āārīrā āārīpererā usuyaka! Wātī nikūgue béodijusūadi āārīmī. M̄sā i nikū āārīrārē, dia wādiyague āārīrārē wātī dijajamakū, m̄sārē ñetariro waanḡābu. Īḡurē wajamoāburo m̄erō d̄yāa. Irire masīmi. Irasiriḡu guatarikōāmi, ārī weremi.

<sup>13</sup> Irasiriḡu p̄r̄u, nikūgue béodijumakū īāḡu, majīḡu pagore narūtuyawāḡāmi. <sup>14</sup> Marīp̄u gap̄u igore gapāu k̄d̄up̄urire sīmi. Iri merā igo, p̄r̄urē masaka marīrōḡue wū duriwāḡāmo. Irogue ure bojori gaji bojori dekogora Marīp̄u igore baari sīmi. <sup>15</sup> Igo irogue āārīmakū īāḡu, p̄r̄u igore miūd̄uḡu, wāro dekore dokabéomi. <sup>16</sup> Irasirikeremakū, i nikū gap̄u igore iritamubu. P̄r̄uya disi wiriri dekore yeteoma, uju āīpeokōābu. <sup>17</sup> Irasū waamakū īāḡu, p̄r̄u igo merā guatarimi. Irasiriḡu igo parāmerā āārīturiarā merā ḡāmewējēḡu waami. Īḡūsā, Marīp̄u dorerire irirā, Jesucristoya diayema buerire neō pirimerā āārīma. <sup>18</sup> P̄r̄u dia wādiya t̄ro eja, irogue yūmi.

## 13

### *P̄r̄u gajirosū deyorāyare gojadea*

<sup>1</sup> Puru gajirosu deyogu dia wadiyague aaradi waggapamakū iābu. Igū su mojōma pere gaji mojō peru pērebejari dipu, pe mojōma kūsari opagu aarimi. Igūya kūsarigue oparā peyari berorire peyami. Igūya dipure Maripure ñerō doori wāi gojatúdea aaribú. <sup>2</sup> Igū, yé dorogu guagu irirosu deyomi. Buguya guburi irirosu opagu aarimi. Eōkaye irirosu disikugu aarimi. Pīrū Igū turarire sīmi Igūrē. Irasū sigū, Igūrē opu doarogue dobomi, Igū irirosuta masaka wārārē doreburo, ārigū. <sup>3</sup> Gajirosu deyogu dipuru su dipuru kāmīrōkuri dipurusu deyobu. Iri kāmīrō Igūrē wējēboyadea kāmīrō, yaridea kāmīrōgue aaribú. Irire iārā, i ūmu marā aaripererā iāgakakōāma. Irasirirā Igūrē: “Turagu aarimi”, āri, Igūyare iritayama. <sup>4</sup> Pīrū Igū turarire gajirosu deyogure sīmakū iārā, masaka pīrūrē: “Ōatarigu aarimi”, āri buremuma. Gajirosu deyogudere āsū āri buremuma:

—Neō gajigu mu irirosu turagu mámi. Gajigu murē neō tarinugāmasībemi, āriāma.

<sup>5</sup> Pīrū dorederosuta gajirosu deyogu: “Yu, gajirā nemorō aaritarinugāgū aarā”, āri weregorenami. Maripure ñerō āri doogorenami. Masakare cuarenta y dos abegora doremi. Maripu Igūrē: “Iropata irika!” ārimakūgue duúmi. <sup>6</sup> Irasirigu masakare doregu, āsū irimi. Maripure, Igū wāirē, Igū aarīrōrē, aarīpererā Igū puro aarīrādere ñerō āri doomi. <sup>7</sup> Maripuyarā merā gāmewējē, Igūsārē tarinugāmi. Aarīpererogue aarīpereri buri marārē, Igūsā ya werenīrārē, aarīpereri nikū marārē doremi. Maripu Igūrē: “Iropata irika!” āribirimi dapa. Irasirigu ñerīrē irimi. <sup>8</sup> Aarīpererā i nikū marā Maripuyarā aarīmerā gajirosu deyogure buremuma. Maripu Igū i ūmarē iriburo dupiyuro Igūyarā aarīmurā Igū merā perebiri okari opamurā wāirē su papera pūgue gojatúsiadi aarimi. Iri pū Jesucristo oveja majīgū irirosu aarīgū wējēsūdiya pū aarā.

<sup>9</sup> Gānipūrī oparā, ire péka! <sup>10</sup> Peresugue waarō gāāmea, ārisūnerā iroque waarākuma. Sareri majī merā gajirārē wējērā, sareri majī merā wējēsūrākuma. Iri irasū waaripoe Maripuyarā aarīrā gūñaturari merā Igūrē buremurīrē neō piribirikōārō gāāmea.

<sup>11</sup> Puru gajigu gajirosu deyogure iābu doja. Nikū poekague aaradi wiri murīrīmi. Igū oveja majīgū irirosu pe kusa opagu aarimi. Irasū aarīkeregū, pīrū irirosu werenīmi. <sup>12</sup> Gajirosu deyogu aarīpuroriadiya turarire opami. Iri turari merā aarīpererā i nikū marārē gajirosu deyogu aarīpuroriadire wējēsūboyadi kāmīrō yarisūadire buremumakū irimi. <sup>13</sup> Wāri deyoromurīrē iri ūmumi. Masaka iūrō peame ūmugasigū aarādeare nikūgue dijarimakū irimi. <sup>14</sup> Igū, gajirosu deyogu aarīpuroriadiya turari Igūrē sīrī merā wāri deyoromurīrē iri ūmumi. Iri merā masakare ārikatomi: “Īi masā buremugū aarimi”, ārigū. Irasirigu Igūsārē gajirosu deyogu aarīpuroriadi keorire weadoremī. Gajirōsu deyogu aarīpuroriadi sareri majī merā saresūadi aarīkeregū okami. <sup>15</sup> Gajirosu deyogu puru aaradi, gajirosu deyogu aarīpuroriadiya turari merā Igū keori weadeare okamakū irimi. Irasirigu iri keori weadeare masakū irirosu werenīmakū, aarīpererā irire burenumerārē wējēmakū irimi. <sup>16</sup> Aarīpererārē Igūsāya diayema mojō gapure, o Igūsāya diapuserorire gajino gojatúdoremi. Ubu aarīrārē, oparārē, wāri doebiri oparārē, boporārē, moāboerimasārē, moāboerimasā aarīmerārē, aarīpererārē irasū gojatúdoremi. <sup>17</sup> Gojatúsūña marīrā neō wajarimasībiri, neō duamasībiri. Iri gojatúdea, gajirosu deyogu aarīpuroriadi wāi, o Igū wāi keori aarā.

<sup>18</sup> Irire oārō pémasīrō gāāmea. Pémasīrā, gajirosu deyogu wāi keorire masīburo. Igū wāi keori, masakū wāi keori, seiscientos sesenta y seis aarā.

## 14

### *Maripu taunerā ciento cuarenta y cuatro mil masaka Igūrē bayadea*

<sup>1</sup> Puru Jesucristo oveja majīgū irirosu aarīgūrē ūtāū Sión\* wāikudigūe nīgūrē iābu. Igū merā ciento cuarenta y cuatro mil masaka aarīmá. Igūsā, Igū wāirē, Igū Pagu wāidere

\* **14:1** Jerusalén, Sión wāikudigūe aarīyuro.

Īgūsāya diapuserorire gojatúsūnerā āārīmá. <sup>2</sup> Puru ūmugasigue merā buro busudijaririre pébu. Wádibu ūtāmu irirosū, buro bupu páro irirosū busubū. Wárā arpa wáikuri buaputērō irirosū busubū. <sup>3</sup> Īgūsā ciento cuarenta y cuatro mil masaka, Marīpu, Opū doarogue doagu diaye, irasū āārīmakū wapikurā okará, opará murā ĩūrō bayama. Maama bayarire bayama. Īgūsā dita iri bayarire masīma. Īgūsā i nikū marā watopegue āārīrā, Marīpu tausūnerā āārīmá. <sup>4</sup> Neō Īgūsā suñarō nome merā ñerō iribirinerā, neō sugo nomeōrē marāpokubirinerā āārīmá. Jesucristo oveja majīgū irirosū āārīgúyare iritayama. I nikū marā masaka watopeguere Marīpu tausūnerā āārīmá. Īgūsā Marīpuyarā, irasū āārīmakū Jesucristo oveja majīgū irirosū āārīgúyarā āārīpurorirā āārīnerā āārīmá. <sup>5</sup> Īgūsā watopere neō sugū ārīkatogu mámi. Marīpu ĩūrōrē ñerīrē opamerā āārīma.

### *Urerā Marīpure wereboerā weredea*

<sup>6</sup> Puru gajigu Marīpure wereboegu ūmarōgue wúgure ĩābū. Īgū āārīpererā i nikūgue āārīrārē Marīpu masakare tauri kerere wererimasū āārīmí. Āārīpererogue āārīpereri nikū marārē, āārīpereri buri marārē, ĩgūsā ya werenírārē iri kerere weregu āārīmí. Iri kere, neō gorawayubiri, perebiri kere āārā. <sup>7</sup> Turaro merā ārīmi:

—Marīpure gopeyari merā āsū ārī buremuka: “Turatarigu, oātarigu āārīmi”, ārīka! Īgū āārīpererā ñerārē peamegue béoripoe ejasiáa. Īgū ūmugasire, i nikūrē, dia wádiyare, āārīpereri deko wiriri goberidere iridi āārīmi. Irasirirā ĩgūrē buremuka! ārīmi.

<sup>8</sup> Īgū purumu, gajigu Marīpure wereboegu āsū ārīmi doja:

—Wári makā Babilonia wáikuri makā pereakōābū. Iri makā marā āārīnerā āārīpereri nikū marārē ñerō irimakū irima. Masaka ĩgūsārē ĩākūrā, mejārikurā igui deko pāmudeare turaro haribejarosūta ĩgūsā ñerī iriridere turaro haribejama, ārīmi.

<sup>9-10</sup> Pērā Marīpure wereboerā irasū ārādero puru, gajigu Marīpure wereboegu turaro merā āsū ārīnemomi doja:

—Āārīpererā gajirosū deyogure, ĩgū keori weadeare ejamejā buremurārē ĩgūsāya diapuserorire, o ĩgūsāya mojóirē ĩgū wāi gojatúsūnerārē Marīpu buro wajamoāgukumi. Īgūsā merā buro guagu, turaro wajamoānīgukumi. Azufre wáikuri poga buro asiri ūjārī, peame merā ñerō tarimakū irigukumi. Īgūrē wereboerā, Jesucristo oveja majīgū irirosū āārīgú ĩūrō, ĩgūsārē wajamoāgukumi. <sup>11</sup> Iri peame irasū ĩmikakunikōārokoa. Neō yaribirikoa. Īgūsārē irasū pūrínimakū irirokoa. Āārīpererā gajirosū deyogure, ĩgū keori weadeare ejamejā buremurārē, ĩgū wāi gojatúsūnerārē irasū pūrínirokoa. Ūmarī, ñamirī pūrínikōārokoa, ārīmi.

<sup>12</sup> Irasirirā musā Marīpuyarā, ĩgū dorerire irirā, Jesúre buremurīrē neō pirimerā āārīrā, gūñaturaka!

<sup>13</sup> Puru sugū ūmugasigue āārīgú werenímakū pébu doja. Yure āsū ārīmi:

—Ire gojaka: “Marī Opure buremurā boadero puruguedere usuyari bokarākuma”, ārīmi. Ōāgū deyomarīgūde: “Irasūta āārā”, ārīmi. “Īgūsā turaro moārīrē pirikōā, siñajārākuma. Ūmugasigue ĩgūsā waamakū, Marīpu ĩgūsā oārō irideare gūñagukumi. Irasirigu ĩgūsārē oārō irigukumi”, ārīmi Ōāgū deyomarīgū.

### *I nikūma otedea dukakurimarē weredea*

<sup>14</sup> Puru ĩmikāyebo boreri yebore ĩābū. Iri yebo weka sugū masakū doami. Īgūya dipurugue oro merā iridea berore peyami. Duka diti āiri usiri berore opami. <sup>15</sup> Puru gajigu Marīpure wereboegu Marīpuya wiigue āārādi wirijami. ĩmikāyebo weka doagure turaro merā āsū ārī gaguiními:

—Muya usiri bero merā i nikūma otedea dukare diti āikōāka! Irire diti āiripoe ejasiáa. Duka boresiabu, ārīmi.



<sup>16</sup> Irasũ āřĩmakũ pégu, ĩĩmikayebo weka doadi ĩgũya usiri bero merã i nikũma otedea dukare wãjĩ āĩmi.

<sup>17</sup> Pũũ gajigu Marĩpũre wereboegu ũmũgasigue āārĩřĩ wii Marĩpũya wiigüe āārãdi wirijami. ĩgũde dukã diti āĩri usiri berore opami. <sup>18</sup> Pũũ gajigu Marĩpũre wereboegu Marĩpũre sĩdea soepeoro pũroguē āārãdi wirijami. ĩgũ peame opu āārĩmĩ. Irasũ wirijagu, dukã diti āĩri usiri bero opagũre turaro merã āsũ āĩmi:

—Mũya usiri bero merã i nikũma igui tũrĩrē diti āĩka! Iri igui ĩĩsiabũ, āĩmi.

<sup>19</sup> ĩgũ irasũ āřĩmakũ pégu, ĩgũya usiri bero merã i nikũma igui tũrĩrē wiiritã āĩmi. Irire āĩ, igui kũrabipiri gobe miēguē sãmi. Iri gobegue kũrabipiri, Marĩpũ ĩgũrē gãamemerãrē bũro wajamoãrũ irirosũ āārã. <sup>20</sup> Makã tũroguē iri igui kũrabipisũbũ. Igui kũrabipisãripoere iri gobeguere wãro dí wiribũ. Iri dí merã wãdiya, caballuya disire tũsãřĩ berogue mirĩtuũnujãbũ. Trescientos kilómetros yoadiya waabũ.

## 15

### *Marĩpũre wereboerã masakare ñerũ tarimakũ iritũnuburire weredeã*

<sup>1</sup> Pũũ ũmũgasigue gajirosũperi bũro goeri deyoamakũ ĩãbũ doja. Su mojõma pere gajĩ mojõ peru pēřēbejarã Marĩpũre wereboerãrē ĩãbũ. Marĩpũ ĩgũsãrē masakare wajamoãtũnudoregũkumi. Irasirirã, ĩgũ wajamoãdoregu pĩnerã āārĩmã. Iri wajamoãřĩ merã Marĩpũ i ũmũ marã merã guari pererokoa.

<sup>2</sup> Pũũ dia wãdiyare õãrũ deko sũridiya peame merã morēadiya irirosũ āārĩdiyare ĩãbũ. Iriya tũro nĩrãrē, gajirosũ deyoguē dorerire iribiri, ĩgũ keori weadeare bũremubirinerãrē ĩãbũ. ĩgũsã gajirosũ deyogũya wãĩrē gojatũdorebirinerã āārĩmã. Iroguē nĩrã, arpa wãĩkũri bũapũtēřĩrē opama. Iri bũapũtēřĩ Marĩpũ sĩdea āārĩbũ. <sup>3</sup> ĩgũsã Marĩpũre moãboegu Moiséya bayarire, Jesucristo oveja majĩgũ irirosũ āārĩgũya bayaridere bayapeoma. Āsũ āřĩ bayama:

Gũa Opu, mũ āārĩpererã nemorũ turaguē āārã. Āārĩpereri mũ iridea õãtaria. Irire ĩãrã, ĩãgũkakõã. Mũ āārĩpererã i nikũ marã Opu āārã. Āřĩkatori marĩrũ, diayemarē õãrũ yãa.

<sup>4</sup> Āārĩpererã mũrē gũĩrãkuma. Āārĩpererã mũrē: “Turatariguē āārĩmi”, āřĩrãkuma. Mũ dita ñerĩ marĩgũ āārã.

Āārĩpereri nikũ marã mũ pũroguē eja, mũ ĩũrũ ñadũkũpuri merã ejamejã, mũrē bũremurãkuma. Mũ diayema irideare ĩãnerã āārĩsĩã, irire irasũ irirãkuma, āřĩ bayama.

<sup>5</sup> Pũũ Marĩpũya wii, ũmũgasigue āārĩřĩ wii tũpãmakũ ĩãbũ. Iri wii poekague Marĩpũ āārĩřĩ taribu ĩgũ doreri gojadeã majĩřĩ ũtã majĩřĩ āārĩbũ. <sup>6</sup> Iri wii poekague āārãnerã, su mojõma pere gajĩ mojõ peru pēřēbejarã Marĩpũre wereboerã wirijama. ĩgũsã Marĩpũ wajamoãdoregu pĩnerã āārĩmã. ĩgũsãkũ masakare ñerũ tarimakũ iriburire opama. ĩgũsã boreri, gũrari marĩřĩ surĩ, bũro goesiriri surĩ sãñarã āārĩmã. ĩgũsãya koretibirire oro merã iridea yũjũwēñarĩdarire suatũanerã āārĩmã. <sup>7</sup> ĩgũsã wirijamakũ, wapikũrã okarã merãmũ ĩgũsãkũ Marĩpũre wereboerãrē oro merã irideaparire sĩmi. Iripari Marĩpũ āārĩĩgũ bũro wajamoãburi õãrũ ũtũribũ. <sup>8</sup> ĩgũ iriparire ĩgũsãrē sĩmakũ, Marĩpũya wii poekague ĩgũ goesiriri merã, ĩgũ turari merã ĩĩmikãkũseyakõãbũ. Irasũ ĩĩmikãkũseyamakũ, iri wiire neõ sugũno ñajãmasĩbirimi. Marĩpũre wereboerã ĩgũ wajamoãdoregu pĩderosũta ĩgũsã masakare wajamoãtũnuadero pũrugue dupaturi iri wiire ñajãmasĩrãkuma doja. ĩgũ wajamoãburo dupiyuro ñajãmasĩña mãã dapa.

## 16

### *Juan Marĩpũ masakare wajamoãburire gojadeã*

<sup>1</sup> Pɥɥ Marĩpɥaya wii ãmugasigue ããrĩrĩ wiigie ããrĩgũ turaro merã werenĩmakũ pébu. Su mojõma pere gajĩ mojõ peru pẽrẽbejarã Marĩpɥare wereboerãrẽ ãsũ ãrĩmi:

—Marĩpɥ wajamoãdoredeare irirã waaka! Irasirirã mɥsãya parimarẽ nikũgue písiridijurã waaka! ãrĩmi.

<sup>2</sup> Irasũ ãrĩmakũ pégu, ããrĩpɥrorigu Marĩpɥare wereboegu ãgũ oparipamarẽ nikũgue písiridijumi. ãgũ irasirimakũ, gajirosũ deyogu wãĩ gojatúsũnerã, ãgũ keori weadeare bɥremurã ñerõ kãmikũ, bɥro pũrĩsũma.

<sup>3</sup> ãgũ irasũ písiridijuadero pɥɥ, gajigu Marĩpɥare wereboegu ãgũ oparipamarẽ dia wádiyague písiridijumi. ãgũ irasirimakũ, deko, dí poyabu. Boadiya dí irirosũ ããrĩbũ. Irasũ waamakũ, wádiyague ããrĩrã boapereakõãma.

<sup>4</sup> Pẽrã písiridijuadero pɥɥ, gajigu Marĩpɥare wereboegu ãgũ oparipamarẽ diarigie, deko wiriri goberigie písiridijumi. ãgũ irasirimakũ, diari, wiriri goberima deko, dí poyabu.

<sup>5</sup> Pɥɥ gajigu Marĩpɥare wereboegu ããrĩpererogue dekore doregu ãsũ ãrĩmakũ pébu:

—Gɥa Opɥ, mɥ ñerĩ marĩgũ ããrã. Dapagoradere irasũta ããrĩnikõãa. Iripoeguedere irasũta ããrĩnikõãbu. Irasirigu wajamoãgũ, diayeta irigu yãa. <sup>6</sup> Gajirosũ deyoguyarã, mɥyarãrẽ, mɥya kerere weredupiyunerãrẽ wẽjẽrã dí béomakũ irima. ãgũsã dí béomakũ iridea waja, deko dí poyamakũ iribu ãgũsãrẽ iirídoregu, ãrĩmi.

<sup>7</sup> ãgũ irasũ ããrãdero pɥɥ, Marĩpɥare sídea soepeoro pɥrogu sugu werenĩmakũ pébu doja: —Irasũta ããrã. Gɥa Opɥ, mɥ ããrĩpererã nemorõ turagu ããrã. ãgũsãrẽ keoro wajamoãdoregu, diayeta irigu yãa, ãrĩmi.

<sup>8</sup> Ʋrerã Marĩpɥare wereboerã ãgũsã opariparimarẽ písiridijuadero pɥɥ, gajigu Marĩpɥare wereboegu ãgũ oparipamarẽ písiridijumi doja. Abe ãmɥmɥ weka písiridijumi. ãgũ irasirimakũ, abe bɥro asimi. ãgũ asiri merã masakare soemi. <sup>9</sup> ãgũsã bɥro ɥjũrĩ merã wajamoãsũkererã, ãgũsã ñerõ iririre bɥjawerebirima. ãgũsã gũñarĩrẽ neõ gorawayubirima. Irasirirã, Marĩpɥare ãgũsãrẽ wajamoãgũrẽ ñerõ doo werenĩma. “Õãgũ ããrĩmi”, neõ ãrĩ bɥremubirima.

<sup>10</sup> Wapikurã Marĩpɥare wereboerã ãgũsã opariparimarẽ písiridijuadero pɥɥ, gajigu Marĩpɥare wereboegu ãgũ oparipamarẽ písiridijumi doja. Gajirosũ deyogu, opɥ doarogue písiridijumi. ãgũ irasiriadero pɥɥ, gajirosũ deyoguyarã ããrĩrõgue naĩtĩãrõ waabu. Irasirirã ãgũyarã masaka ñerõ pũrĩmakũ, ãgũsãya nedearẽ bɥro sírĩtu kũrĩdiuma.

<sup>11</sup> ãgũsãrẽ ñerõ pũrĩkeremakũ, ñerõ kãmikukererã, Marĩpɥare ãmugasigue ããrĩgũrẽ ñerõ doo werenĩma. ãgũsã ñerõ iriri gapɥre bɥjawerebirima. Irasirirã ñerĩrẽ neõ piribirima.

<sup>12</sup> Su mojõmarã Marĩpɥare wereboerã ãgũsã opariparimarẽ písiridijuadero pɥɥ, gajigu Marĩpɥare wereboegu ãgũ oparipamarẽ Eufrates wãikũdiya wádiyague písiridijumi. ãgũ irasirimakũ, iriya bojomejãkõãbu. Abe marĩriro marã oparã ãgũsãyarã surara gãmewẽjẽrã waarã taribujaburore irasũ irimi.

<sup>13</sup> Pɥɥ ɥrerã wãtẽãrẽ tárua irirosũ deyorãrẽ ããbu. Sugu tárua, pĩrũya disigue wirimi. Gajigu, gajirosũ deyoguya disigue wirimi. Gajigu: “Ʋmugasigue marã Opɥare weregu ããrã”, ãrĩkatoguya disigue wirimi. <sup>14</sup> ãgũsã ɥrerã wãtẽa, tárua irirosũ deyorã deyoromurĩrẽ iri ãmuma. Irasirirã ããrĩperero marã oparãrẽ neeõma, Marĩpɥ merã gãmewẽjẽdorerã. ãgũsã gãmewẽjẽrĩnu, Marĩpɥ ããrĩpererã nemorõ turaguyanũ\* ããrĩrokoa.

<sup>15-16</sup> Ʋrerã wãtẽa ããrĩperero marã oparãrẽ hebreo ya merã Armagedón wãikũrogu siiu neeõma. Iro dupiyuro Jesús ãsũ ãrĩdi ããrĩmi: “Ire õãrõ pémasĩka mɥsã! Yajarimasũ gũñaña marĩrõ aarirósũ yude gũñaña marĩrõ aarigũkoa. Sugu yũ aariburore õãrõ yũgũno, yaare irituyagu, Marĩpɥ ãrĩrõ waja opabi ɥsuyagũkumi. Óãrõ yobegũno surĩro sãñadi irirosũ ããrĩgũkumi. Masaka ãrĩrõ surĩro marĩgũ gũyasĩrĩgũ irirosũ ããrĩbirikumi”, ãrĩdi ããrĩmi.

\* **16:14** “ãgũsã gãmewẽjẽrĩnu, Marĩpɥayanũ”, ãrĩrõ: “Marĩpɥ ãgũsãrẽ tarinugãrĩnu, ããrĩpererã ñerãrẽ wajamoãrĩnu ããrĩrokoa”, ãrĩduaro yãa.

<sup>17</sup> Su mojõma pere gaji mojõ suru pẽrẽbejarã Marĩpũre wereboerã ĩgũsã opariparimarẽ pĩsiridijuadero pũũ, gajĩgu Marĩpũre wereboegu ĩgũ oparipamarẽ ĩmĩkãyebori wekague pĩsiridijumi doja. ĩgũ irasiriadero pũũ, Marĩpũya wii ũmũgasigue ããrĩrĩ wii poekague ĩgũ Opũ doarogue doagu turaro merã ãsũ ãrĩ werenĩmi:

—Iropata ããrã. ããrĩpereri iri odosiabũ, ãrĩmi.

<sup>18</sup> ĩgũ irasũ ãrĩmakũ, bupu miã, bũro busaro, páro, goero nikũ ñomebũ. I nikũgue masaka ĩgũsã ããrĩnũgãdero pũũ, i nikũ iropa neõ ñomebiribũ. <sup>19</sup> Irasũ ñomemakũ, wári makã Babilonia wãĩkũri makãrẽ urema yeteomakõãbũ. Paga makãrĩ i nikũ ããrĩrĩ makãrĩ dijakõãbũ. Marĩpũ Babilonia wãĩkũri makã marãrẽ gũñami ĩgũsãrẽ wajamoãbu. ĩgũsã ñerĩrẽ iriri waja ĩgũsã merã bũro guami. Irasirĩgu ĩgũsãrẽ bũro wajamoãmi. <sup>20</sup> ããrĩpereri nũgũrĩ, ũtãyukude dederidijakõãbũ. <sup>21</sup> Irasũ ããrĩmakũ, masaka weka deko yũsari yeripa dijaribũ. Surãyeri deko yeri cuarenta kilo nukũrĩ yeri ããrĩbũ. ĩgũsã weka irasũ dujirimakũ, Marĩpũ ĩgũsãrẽ bũro wajamoãmakũ ĩãrã, ĩgũrẽ ñerõ doo werenĩma masaka.

## 17

### *Ũma merã kõãbirarimasõrẽ wajamoãdea*

<sup>1</sup> Pũũ su mojõma pere gaji mojõ peru pẽrẽbejari parire oparã Marĩpũre wereboerã merãmũ yũ pũrogu eja, ãsũ ãrĩmi:

—Īãgũ aarika! Paga diari weka doagore ũma merã kõãbirarĩkũgore Marĩpũ wajamoãburire mũrẽ ĩmũgũkoa. <sup>2</sup> I ũmũ marã oparã igo merã ñerõ gãmebirarĩkũma. Irasũ ããrĩmakũ, i nikũ marã, mejãrĩkũrã igui deko pãmudeare bũro ãaribejarosũta ĩgũsã igo merã ñerõ gãmebirarire bũro ãaribejama, ãrĩmi.

<sup>3</sup> ĩgũ irasũ ããrẽdero pũũ, Őãgũ deyomarĩgũ yũre kẽrõgue irirosũ gajĩnorẽ ĩãmakũ irimi. Irasirĩgu Marĩpũre wereboegu masaka marĩrõgue yũre ãĩãmi. Irogu igo nomeõrẽ ĩãbũ. Igo gajĩrosũ deyogu diiagu weka peyamo. ĩgũya dũpũgue wári wãĩ gojatũsũdero ããrĩbũ. Iri wãĩ, Marĩpũre doo werenĩrĩ ããrĩbũ. Su mojõma pere gaji mojõ peru pẽrẽbejari dipukũgu, pe mojõmagora kũsarĩkũgu ããrĩmĩ. <sup>4</sup> Nomeõ diãñiweyari surĩrore sãñamo. Igoya surĩro oro, wáro wajapari ũtãyeri, perla wãĩkũri yeri merã mamudeañe ããrĩbũ. Igoya mojõgue ĩrĩrĩpa oro merã irideapare opamo. Iripa igo ñetarĩro iridea ũtarĩrĩpa, igo ũma merã ñerõ kõãbirari oparipa ããrĩbũ. <sup>5</sup> Igoya diapuserore igo wãĩ gojatũsũbũ. Marĩ iri wãĩrẽ õãrõ pẽmasĩbea. ãsũ ãrĩ gojatũsũbũ: “Wári makã Babiloniamo, ããrĩpererã ũma merã kõãbirarĩkũrã, irasũ ããrĩmakũ ããrĩpereri ñetarĩro irĩrĩkũrã pago ããrĩmo”, ãrĩ gojatũsũbũ. <sup>6</sup> Pũũ igo mejãmakũ ĩãbũ. Wãrã Marĩpũyarã Jesũya kerere wererã wẽjẽsũnerãya dí merã irasũ waamo. Mejãrã ũsũyarosũ igo ĩĩsã wẽjẽsũnerãrẽ ĩãgõ, ũsũyamo. Yũ ĩgore ĩãgũ, ĩãgũkakõãbũ. <sup>7</sup> Irasirĩgu Marĩpũre wereboegu yũre ãrĩmi:

—¿Nasirĩgu ĩãgũkari? Mũ masĩbirideare mũrẽ masĩmakũ irĩgũra. Igo nomeõrẽ, igo peyagũdere weregũra. Igo peyagu, gajĩrosũ deyogu ããrĩmi. Su mojõ pere gaji mojõ peru pẽrẽbejari dipukũgu, pe mojõma kũsarĩkũgu ããrĩmĩ. <sup>8</sup> ĩgũ gajĩrosũ deyogu mũ ĩãdi, dupiyurogu ããrĩdi ããrĩmĩ. Dapagorare mãmĩ. Pũũ bũro ũkũãrĩ gobegue ããrãdi wiri, dupaturi deyoagũkumi doja. ĩgũ wiriadero pũũ, peamegue bẽosũgũkumi. I ũmũ marã ĩgũ deyoamakũ ĩãgũkakõã, ĩgũrẽ bũremurãkũma. I ũmũ ããrĩbũro dupiyuro Marĩpũ su papera pũgue ĩgũ merã perebiri okari opamurã wãĩrẽ gojatũdi ããrĩmĩ. ĩgũ gojatũbirinerã gajĩrosũ deyogu bũremurã ããrĩma. Gajĩrosũ deyogu dupiyurogu ããrĩdi, dapagorare mãmĩ. Pũũ dupaturi deyoagũkumi doja. Irasirĩrã masaka ĩgũ deyoamakũ ĩãrã, ĩãgũkakõãrãkũma.

<sup>9</sup> Dapagorare yũ wererire õãrõ masĩduarã, õãrõ pẽmasĩrĩ merã gũñarõ gããmea. Gajĩrosũ deyogũya dipu, su mojõma pere gaji mojõ peru pẽrẽbejari dipu, ũtãyuku irirosũ ããrã. Iri ũtãyuku weka peyamo, ũma merã kõãbirarĩkũgo. <sup>10</sup> Iri diputa, oparã irirosũ

ãārã. Su mojõmarã oparã béosũsiamã. Gajigu ìgũsã pũũ ããrìgũ opũ ããrĩmi dapagorare. Ìgũ pũũ gajigu gapũ opũ ñajãgũkumi. Ìgũ yoaweyaripoeta opũ ããrìgũkumi. <sup>11</sup> Irasirigu gajirosũ deyogu dupiyuro ããrĩdi, dapagorare marìgũ, Ìgũsã su mojõma pere gaji mojõ peru pẽrẽbejarã oparã pũũ opũ ããrìgũkumi. Ìgũsã oparã merãmũ ããrĩmi. Pũũ peamegue béosũgũkumi.

<sup>12</sup> Gajirosũ deyogũya kũsari, mũ ìãdea, pe mojõmarã oparã irirosũ ããrã. Ìgũsã oparã ñajãbema dapa. Pũũ oparã ñajãrã, yoaweyaripoe oparã ããrìrãkuma. Irasirirã gajirosũ deyogu merã dorerãkuma. <sup>13</sup> Ìgũsã pe mojõmarã oparã surosũ gũñarã ããrìrãkuma. Irasirirã gajirosũ deyogũre: “Gũare doregũ ããrìka!” ãrì, Ìgũsã opũ pìrãkuma. <sup>14</sup> Irasirirã Jesucristo oveja majìgũ irirosũ ããrìgũ merã gãmewẽjẽrã waarãkuma. Jesucristo oveja majìgũ irirosũ ããrìgũ gapũ Ìgũsãrẽ tarinũgãgũkumi. Ìgũ ããrìpererã oparã nemorõ Opũ, ããrìpererã dorerã nemorõ Doregũ ããrĩmi. Ìgũrẽ neõ béobirinerã Marìpũ siuu, beyenerã ìgũ merã ããrìrãkuma, ãrĩmi Marìpũre wereboegũ yũre.

<sup>15</sup> Pũũ Marìpũre wereboegũ ire yũre werenemomi doja:

—Igo kõãbirarikũgo paga diari weka doamo. Iri diari mũ ìãdea: wãri makãrì marã, wãri buri marã, Ìgũsã ya werenìrã, wãri nikũ marã irirosũ ããrã. Igo, Ìgũsã wekamo, Ìgũsãrẽ dorego ããrìmo. <sup>16</sup> Gajirosũ deyogu, irasũ ããrìmakũ pe mojõmarã oparã, ùma merã kõãbirarikũgore doo, igoyare ãmãpeo, surì marìgõ béorãkuma. Irasirirã, igoya diire baa, pũũ dũyarire soebéokõãrãkuma. <sup>17</sup> Pũũ Ìgũsã pe mojõmarã oparã surosũ gũñarã, gajirosũ deyogũre Ìgũsã opũ pìrãkuma. Marìpũ ìgũ gããmerõsũta Ìgũsãrẽ irasirimakũ irigũkumi. Irasirigu gajirosũ deyogu Ìgũsã opũ ããrìgũkumi. Marìpũ ããrìpereri ìgũ iripoegue ãrìderõsũta iriyuwarikũdero pũũ, gajirosũ deyogũre béogũkumi. <sup>18</sup> Igo, mũ ìãdeo, wãri makã Babilonia wãikũri makã irirosũ ããrìmó. Iri makãta ããrìpererã i ùmũ marã oparãrẽ doreri makã ããrã, ãrĩmi Marìpũre wereboegũ yũre.

## 18

### *Babilonia marãrẽ wajamoãdea*

<sup>1</sup> Pũũ gajigu Marìpũre wereboegũre ùmũgasigue merã dijarimakũ ìãbũ. Wãri turari opami. Ìgũ gosesiriri ããrìperero i nikũguere õãrõ boyoro waabũ. <sup>2</sup> Turaro merã ãsũ ãrì gaguinĩmi:

—Babilonia wãri makã pereakõãa. Dapagorare wãtẽa iri makã darore ããrìma. Gajirã ñerã deyomerãde, irasũ ããrìmakũ ããrìpererã mirã masaka doo, baaya marìrã iri makã darore biadobosũanerã ããrìma. <sup>3</sup> Iri makã pereburi dupiyuro ããrìpereri nikũ marã, mejãrikũrã igui deko pãmudeare bũro ùaribejarosũ i makã marã merã ñerõ gãmebirarire bũro ùaribejanerã ããrìmã. I ùmũ marã oparã, i makã marã merã ñerõ gãmebirarikerã ããrìmã. I makã marã wãri gajinorẽ wajapari wajarinerã ããrìmã. Irasirirã i ùmũ marã duarimasã Ìgũsãrẽ dua, wãri wajatanerã ããrìmã, ãrĩmi.

<sup>4</sup> Pũũ gajigu ùmũgasigue ããrìgũ ãsũ ãrì werenìmakũ pẽbũ:

—Yaarã, iri makã marã merã ããrìbirikõãka! Ìgũsã ñerõ iririre ìãkũbirikõãka! Mũsã, Ìgũsã merã gãmesurirã, mũsãde Ìgũsã merã wajamoãsurãkoa. <sup>5</sup> Ìgũsã wãri ñerõ yãma. Marìpũ ùmũgasigue ããrìgũ, Ìgũsã wãri ñerì iririre masĩmi. <sup>6</sup> Gajirãrẽ Ìgũsã ñerõ iridero nemorõ Ìgũsãrẽ ñerõ iriburo. Gajirãrẽ Ìgũsã ñerõ tarimakũ iridero nemorõ Ìgũsãrẽ ñerõ tarimakũ iriburo. <sup>7</sup> Ìgũsã gajino wajaparire gããmerã, wajarima. “Gajirã nemorõ ããrã”, ãrì gũñadima. Ìgũsã irasiriropa Ìgũsãrẽ wãri ñerõ tari, bũro ñerõ waamakũ iriburo. Ìgũsã basi: “Gũa i ùmũ marã oparã ããrã. Boporã ããrìbea. Irasirirã neõ ñerõ taribirikõa”, ãrì gũñadima. <sup>8</sup> Irasiriropũ Ìgũsãrẽ gũñaña marìrõ wajamoãburinũ ããrìrokoa. Boari, pũrìrikũri, kó oreri, ùaboari ããrìrokoa. Iri makã soebéosũrokoa. Marìpũ ããrìpererã Opũ iri makã marãrẽ wajamoãgũ turatarigũ ããrìmi.

<sup>9</sup> Iri makã ùjũ ìmìkákùmakù ìãrã, i ùmũ marã oparã bũro bũjawereri merã orerãkuma. Ìgùsã iri makã marã wajaparire opari merã usũya, Ìgùsã merã ñerõ gãmebirarã ããrĩnerã ããrĩmã. <sup>10</sup> Iri makã ùjũmakù ìãrã, bũro gũiri merã yoarogue ìũ nírã, ãsũ ãrĩrãkuma:

—Ayó, bopori makã ããrã Babilonia. Wári makã, turari makã ããrãdabũ. Gũñaña marĩrõ merã iro marã wajamoãsumã, ãrĩrãkuma.

<sup>11</sup> I ùmũ marã doebiri duarimasã iri makã ùjũmakù ìãrã, bũro bũjawereri merã orerãkuma. Iri makã peremakù ìãrã, Ìgùsãya doebirire wajarirã marĩmakù ìãrã, dũjaritua orerãkuma. <sup>12</sup> Ìgùsã ãiwãgã duadũarire: orore, platare, wajapari ùtãyerire, perla wãikuri yeridere wajarirã marĩrãkuma. Gaji Ìgùsã ãiwãgã duadũarire: wáro wajapari suríre, oparã sãñarĩ diiañiweyari suríre, seda wãikuri dari merã suadea suríre, diiari surídere wajarirã marĩrãkuma. Gaji Ìgùsã ãiwãgã duadũarire: yukũ sũrõrĩ yukũre, marfil wãikuri merã irideare, wajapari yukũ merã irideare, bronce merã irideare, hierro merã irideare, mármol merã irideare wajarirã marĩrãkuma. <sup>13</sup> Gaji Ìgùsã ãiwãgã duadũarire: canela wãikurire, gaji baari usũrimakù iririre, incienso, mirra wãikuri sũrõrĩrẽ, gaji sũrõrĩdere wajarirã marĩrãkuma. Gaji: igui deko pãmudeare, uyere, trigo pogare, trigo yerire, wekũare, ovejare, caballuare, Ìgùsã tũãrĩduparure, moãboerimasã opamurãrẽ wajarirã marĩrãkuma. Irasirirã doebiri duarimasã bũro bũjawererãkuma. <sup>14</sup> Irasirirã, iri makã ùjũadero pũrũ, ãsũ ãrĩrãkuma:

—Ñetariro waabũ Ìgùsãrẽ. ããrĩpereri Ìgùsã maĩdea, Ìgùsã õãrĩ wajapari opadea pereakõãbũ. I ããrĩpereri dupaturi neõ marĩrokoa, ãrĩrãkuma.

<sup>15</sup> Ìgùsã iri makã marãrẽ doebiri duarimasã wáro wajataunanerã ããrĩmã. Irasirirã, iri makã marã wajamoãsumakù ìãrã, bũro gũiri merã yoarogue ìũ nírãkuma. Dũjaritua ore, <sup>16</sup> ãsũ ãrĩrãkuma:

—Ayó, ñetariro waabũ i makã wári makã. Iri makã marã õãrĩrẽ opaunadima. Nomeõ õãrĩ suríro, wajapari diiañiweyariñerẽ sãñadeo irirosũ ããrãdima. Oro, wajapari ùtãyeri, perla wãikuri yeri mamudea surírore sãñadeo irirosũ ããrãdima. <sup>17</sup> Gũñaña marĩrõ wári doebirikuri opadea makã pereakõãbũ, ãrĩrãkuma.

ããrĩpererã doóriduparu merã naarã, iri duparu oparã, Ìgùsãyarã ùma, gajirã dia wádiyague moã wajatarãde iri makãrẽ yoarogue ìũ nírãkuma. <sup>18</sup> Iri makã ùjũ ìmìkákùmakù ìãrã, ãsũ ãrĩrãgaguinírãkuma:

—I makã irirosũ ããrĩrĩ makã, neõ gaji makã máa, ãrĩrãkuma. <sup>19</sup> Irasũ bũjawererã, Ìgùsãya dipu weka nikũwera mápeorãkuma. Dũjaritua ore, ãsũ ãrĩrãkuma:

—Ayó, ñetariro waabũ i makã daro. Õãrĩ makã ããrãdibũ. ããrĩpererã marĩ doóriduparu oparã dia wádiyague naarã iri makãma doebiri merã õãrõ wajatadibũ. Gũñaña marĩrõ iri makã pereakõãbũ, ãrĩrãkuma.

<sup>20</sup> Musã ùmũgasigue ããrĩrã gapũ, iri makã béosũmakù ìãrã, usũyaka! Musã Marĩpũyarã, Jesús buedoregũ beyenerã, Ìgũyare weredupiyunerã ããrĩpererã usũyaka! Iri makã marã musãrẽ ñerõ tarimakù irima. Ìgùsã irasiridea waja, Marĩpũ Ìgùsãrẽ wajamoãmi.

<sup>21</sup> Pũrũ turagũ Marĩpũre wereboegũ wáriye trigo yeri Ìgùsã oeri ùtãyere ãiwãgũ, dia wádiyague meéyo, ãsũ ãrĩmi:

—I ye ùtãye meébiaderosũta wári makã Babilonia wãikuri makã béodijusũrokoa. Musã iri makãrẽ neõ dupaturi ìãbirikoa. <sup>22</sup> Iri makã béodijusũdero pũrũ, neõ bayarire péña marĩrokoa. Arpa wãikuri bũapũtãrĩrẽ, tãrẽ duparure, puririduparudere neõ dupaturi péña marĩrokoa. Irore moãnerã dupaturi neõ moãnemobirikuma. Trigo yeri ùtãyeri merã Ìgùsã oedeade neõ péña marĩrokoa. <sup>23</sup> Iri makãrẽ neõ suru sãgõdiru boyobirikoa. Mojõsũarã bosenu irirã usũyari merã Ìgùsã werenĩrĩrẽ neõ dupaturi péña marĩrokoa. Iri makã marã doebiri duarimasã, gajirã i ùmũ marã nemorõ oparã ããrĩmã. Iri makã marã yéa iriri merã ããrĩperero marãrẽ Ìgùsã ãrĩkatorire bũremumakù irima.

<sup>24</sup> Marĩpaya kerere weredupiyunerãrẽ, gajirã ãgũyarãdere, irasũ ããrĩmakũ i ãmugue ããrĩpererã masaka wẽjẽsũnerãrẽ i makã marã wẽjẽnerã ããrĩmã, ãrĩmi yare turagu Marĩpũre wereboegu.

## 19

<sup>1</sup> Babilonia béodijusũdero pũũ, ãmugasigue wãrã turaro merã ãsũ ãrĩ werenĩmakũ pébũ: Aleluya, Marĩpũre usuyari sĩrã! Ìgũ marĩrẽ taugu ããrĩmi. Ìgũrẽ buremurã! Turatarigu ããrĩmi.

<sup>2</sup> Masakare keoro wajamoãgũ, diayeta irigu ããrĩmi. Iri makã Babilonia, nomeõ ãma merã kõãbirarikũgo irirosũ ããrĩbũ. Iri makã marãrẽ ããkũĩrã, i ãmu marã ñerõ irima. Irasirigu Marĩpũ, ãgũrẽ moãboerãrẽ ãgũsã wẽjẽdea waja iri makã marãrẽ wajamoãmi, ãrĩma.\*

<sup>3</sup> Dupaturi ãsũ ãrĩma doja:

Aleluya, Marĩpũre usuyari sĩrã! Iri makã neõ piriro marĩrõ ãjũ ãĩmikãkũnĩkõãrokoa, ãrĩma.\*

<sup>4</sup> Veinticuatro oparã mũrã, wapikũrã okarã merã ejamejãja, ãgũsãya diapuserorire yebague moomejã, Marĩpũre Opũ doarogue doagũre ãsũ ãrĩ buremuma:

—Irasũta ããrã. Aleluya, Marĩpũre usuyari sĩrã! ãrĩma.

<sup>5</sup> Pũũ Opũ doarogũ ããrĩgũ ãsũ ãrĩmi:

Marĩ Opũre usuyari sĩka! ããrĩpererã ãgũrẽ moãboerã gopeyari merã ãgũrẽ buremurã: oparã, ubu ããrĩrã irasũ irika! ãrĩmi.\*

*Jesucristore buremurã mojõsũari bosenuãrẽ usuyarãkuma, ãrĩ weredeã*

<sup>6</sup> Pũũ yũ wãrã masaka werenĩmakũ pébũ. ãgũsã wãdibu ãtãmu irirosũ, bũro bupu páro irirosũ busũma. ãsũ ãrĩma:

Aleluya, Marĩpũre usuyari sĩrã! Ìgũ marĩ Opũ, turatarigu, dapagorare ããrĩpererãrẽ doregu ñajãsiami.\*

<sup>7</sup> Usuyarã! Yũjũpũrãrĩgue wãri usuyari merã ããrĩrã! Marĩpũre: “Õãtaria mũ”, ãrĩ, usuyari sĩrã! Jesucristo oveja majĩgũ irirosũ ããrĩgũ ãgũrẽ buremurã merã ããrĩnũgãrĩnũ, ãgũ mojõsũari bosenu ejasiãã. ãgũrẽ buremurã, ãgũ merã mojõsũabo, iri bosenuãrẽ õãrõ ãmuyudeo irirosũ ããrĩma.\*

<sup>8</sup> ãgũsã õãrĩ surĩ, gũrari marĩrĩ, bũro gosesiriri surĩ Marĩpũ ãgũsãrẽ sĩdea sãñarã ããrĩma. Iri surĩ, Marĩpũyarã õãrĩrẽ iridea irirosũ ããrã, ãrĩma.\*

<sup>9</sup> Pũũ Marĩpũre wereboegu yare ãrĩmi:

—Ire gojaka: “Jesucristo oveja majĩgũ irirosũ ããrĩgũ mojõsũari bosenuãrẽ ãgũ siiunerã usuyarã ããrĩma”, ãrĩ gojaka! ãrĩmi.

Yũre ãrĩnemomi doja:

—Diayeta ããrã yũ wereri. I Marĩpũya werenĩrĩ ããrã, ãrĩmi.

<sup>10</sup> Irasũ ãrĩmakũ pégu, ñadukũpuri merã ejamejã, ãgũrẽ buremubu iriadibũ. Yũ ejamejãmakũ ããgũ, ãsũ ãrĩmi:

—Irire irasiribirikõãka! Mũ, mũyarã Jesũre buremurã ãgũ diaye weredeare iritũyarã irirosũta yũde Marĩpũre moãboegu ããrã. Irasirigu Marĩpũ gapũre ejamejã, buremuka!

Jesũs diaye weredeare wereturiarã Õãgũ deyomarĩgũ iritamurĩ merã wererosũta, Marĩpũ weredoredeare wereturiarã werema.

*Juan, caballu boregu weka peyagũyare weredeã*

<sup>11</sup> Pũũ ãmugasi tũpãmakũ ããbũ. Iro caballu boregu ããrĩmĩ. Ìgũ weka peyagũ\* ãsũ wãĩkũmi: “Ìgũ ãrĩrõsũta keoro irigu, diaye irigu ããrĩmi”. Ìgũ masakare ãgũsã ñerõ iriri waja wajamoãgũ, ãgũrẽ ããturĩrã merã gãmewẽjẽgũ, diayeta yãmi. <sup>12</sup> Ìgũya koye peame ãjũrĩ

\* 19:2 Dt 32.43; 2 R 9.7 \* 19:3 Is 34.10 \* 19:5 Sal 115.13 \* 19:6 Sal 93.1; 97.1; 99.1 \* 19:7 Ef 5.23-32

\* 19:8 Ap 7.14 \* 19:11 Caballu boregu weka peyagũ, Jesucristota ããrĩmi.

pūrã irirosũ gosebũ. Īgũya dipurure wãri oparã peyari berorí peyami. Īgũ wãirẽ Īgũrẽ gojatúsũdero ããrĩbũ. Iri wãirẽ Īgũ dita masĩmi. <sup>13</sup> Īgũ sãñarĩñe yoariñe dí merã dibuadeañe ããrĩbũ. Īgũ ãsũ wãikũmi. “Marĩpũya werenĩrĩrẽ weregũ” wãikũmi. <sup>14</sup> Īgũyarã surara ãmũgasigue marã Īgũrẽ tũyama. Caballua borerã weka peyama. Ōãrĩ surĩ boreri, gũrari marĩrĩ surĩre sãñarã ããrĩmã. <sup>15</sup> Īgũya disigue sareri majĩ usiri majĩ wiribũ. Iri majĩ merã i nikũ marãrẽ tarinũgãgũkumi. Īgũ turari merã, kũme merã iridea yukũ merã Īgũsãrẽ doremakũ, neõ sugũ Īgũrẽ tarinũgãgũno bokatĩũbirikumi. Marĩpũ ããrĩpererã nemorõ turagũ i ãmũ marã ñerã merã guatarimi. Irasirigũ caballu boregũ weka peyagũ, sugũ Īgũ turari merã igui kũrabipsisãrõsũ Īgũsãrẽ Īgũ turari merã wajamoãgũkumi. <sup>16</sup> Īgũya surĩro, Īgũya ñugãdere i wãirẽ gojatúsũdero ããrĩbũ: “Īgũ ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi”, ãrĩ gojatúsũdero ããrĩbũ.

<sup>17</sup> Pũrũ Marĩpũre wereboegũ abe ãmũmũgue nĩgũrẽ ĩãbũ. ããrĩpererã mimua ãmarõgue wãrãrẽ turaro merã ãsũ ãrĩmi:

—Nerẽrã aarika! Marĩpũ baari ãmurĩrẽ baarã aarika! <sup>18</sup> Wãri nikũ marã oparãya diire baarãkoa. Surara oparã, surara turarã, caballua, Īgũsã weka peyarãya diire baarãkoa. ããrĩpererãya diire: moãboerã, moãboerã ããrĩmerã, oparã, ubu ããrĩrãya diire baarã aarika! ãrĩmi.

<sup>19</sup> Pũrũ gajirosũ deyogũre, i ãmũ marã oparã Īgũsãyarã surara merã nerẽnerãrẽ ĩãbũ. Īgũsã nerẽnerã ããrĩmã, caballu boregũ weka peyagũ merã, Īgũyarã surara merã gãmewẽjẽmurã. <sup>20</sup> Caballu boregũ weka peyagũ gapũ gajirosũ deyogũre peresu irimi. Gajigũ: “Īmũgasigue marã Opũyare weregũ ããrã”, ãrĩ ãrĩkatodidere peresu irimi. Īgũ ãrĩkatodi gapũ gajirosũ deyogũ ĩũrõ deyoromurĩrẽ iridi ããrĩmĩ. Īgũ deyoromurĩrẽ iridea merã gajirosũ deyogũ wãĩ gojatúsũnerãrẽ, Īgũ keori weadeare bũremurãrẽ Īgũ ãrĩkatorire pẽmakũ iridi ããrĩmĩ. “Yũ wereri ãmũgasigue marã Opũya ããrã”, ãrĩ ãrĩkatodi ããrĩmĩ. Caballu boregũ weka peyagũ Īgũsã pẽrãrẽ peresu iriadero pũrũ, Īgũsãrẽ okarãrẽta peamegue béomi. Iri peame dia wãdiya irirosũ wãri peame azufre wãikũri poga merã ãjãrĩme ããrĩbũ. <sup>21</sup> Pũrũ Īgũsãyarã surara dũyarãrẽ sareri majĩ Īgũya disigue wiriri majĩ merã wẽjẽmi. Irasũ Īgũ wẽjẽadero pũrũ, mimua Īgũsãya dũpũrĩma diire baayapitari-akõãma.

## 20

### *Mil bojorigora Cristo Īgũyarã merã masakare doregũkumi, ãrĩ gojadea*

<sup>1</sup> Pũrũ gajigũ Marĩpũre wereboegũ ãmũgasigue merã dijarimakũ ĩãbũ. Bũro ãkũãrĩ gobema sawire, wãrida kũmedadere opami. <sup>2</sup> Irasũ dijarigũ, pĩrũrẽ ñeãmi. Īgũ pĩrũ neõgoraguere deyoadi, Satanás wãikũgũ, wãtĩ ããrĩmi. Īgũrẽ ñeã, kũmeda merã sũami, mil bojorigora peresu iribu. <sup>3</sup> Sũa odo, bũro ãkũãrĩ gobegue béodijumi, i ãmũ marãrẽ mil bojorigora ãrĩkatobirikõãbũro, ãrĩgũ. Irasũ béodiju odo, iri gobema makãpũrore sawi merã bia, wĩtãbiatokõãmi. Irasirigũ mil bojori tariadero pũrũ, dupaturi Īgũrẽ mérĩnũrĩgãta wiugũkumi dapa.

<sup>4</sup> Pũrũ oparã doarigue doarãrẽ ĩãbũ. Marĩpũ Īgũsãrẽ masaka irideare: “I gapũ õãbũ, i gapũ õãbiribũ”, ãrĩ weremurãrẽ pídi ããrĩmĩ. Gajirãdere ĩãbũ. Īgũsã Jesũya kerere, Marĩpũyare weredea waja Īgũsãya dipure diti béosũnerã ããrĩmã. Gajirosũ deyogũre, Īgũ keori weadeadere neõ bũremubirinerã ããrĩmã. Īgũsãya diapuserorire, o mojørĩrẽ Īgũ wãirẽ gojatũdorebirinerã ããrĩmã. Irasirirã gajirã Īgũsãrẽ wẽjẽnerã ããrĩmã. Īgũsãrẽ wẽjẽdero pũrũ masã, dupaturi okarã ããrĩnerã ããrĩmã. Mil bojorigora Cristo merã doren-erã ããrĩmã. <sup>5-6</sup> Iri masãrĩ, ããrĩpũroriri masãrĩ ããrã. ããrĩpererã masãpũrorirã, Marĩpũyarã bũro ãsũyarã ããrĩrãkuma. Neõ dupaturi boabiri, perebiri peamegue waabirikuma.

Marĩpu, irasũ ããrĩmakũ Cristo ãũrõ paía ããrĩrãkuma. Mil bojorigora Cristo merã masakare dorerã ããrĩrãkuma. Iri mil bojori tariadero puru, gajirã boanerã masãrãkuma.

### *Wãtẽa opu béosũgukumi, ãrĩ gojadea*

<sup>7</sup> Iri mil bojori tariadero puru, wãtẽa opu peresugue ããrĩgũ wiusũgukumi. <sup>8</sup> Ñgũ wiriadero puru, ããrĩperero i umu marãrẽ ãrĩkatogu waagukumi. “Nãka, gãmewẽjẽrã”, ãrĩgũ, Gog wãikuro marãrẽ, Magog wãikuro marãdere ãrĩkatogu waagukumi. Irasirirã, ñgũ ãrĩkatorire pẽrã, ñgũsãyarã surarare siu neõrãkuma gãmewẽjẽmurã. Dia wãdiyama ñmipa yerire keo bokatũña marĩrõ irirosũ, ñgũsãyarã surarare keo bokatũña marĩrokoa. Wãrãgora ããrĩrãkuma.

<sup>9</sup> Irasirirã i nikũ ããrĩpereroguerẽ ããrĩseyanugã, Marĩpuyarã ããrĩrĩ makã ñgũ maĩrĩ makãrẽ kãmutabianugãjarãkuma. Ñgũsã irasũ kãmutabianugãjadero puru, Marĩpu ñgũsãrẽ umugasima peame merã soepeogukumi. <sup>10</sup> Irasũ waadero puru, wãtĩrẽ ñgũsãrẽ ãrĩkatodire perebiri peamegue béogukumi. Iri peame, dia wãdiya irirosũ ããrĩrĩ peame azufre merã ñjũrĩme ããrã. Irogue gajirosũ deyogure, gajigu: “Umugasigue marã Opuyarẽ weregũ ããrã”, ãrĩkatodire béosiami. Irogue ããrĩrã, umurĩ, ñnamirĩ neõ perero marĩrõ burõ pũrĩrikurãkuma.

### *Masakare wajamoãtũnurĩmarẽ gojadea*

<sup>11</sup> Puru wãro Opu doaro borerore ñãbu. Iro doarogue doagudere ñãbu. Ñgũ ãũrõrẽ i nikũ, umugaside dederipereakõãbu. Neõ deyobiribu. <sup>12</sup> Puru boanerã iro doarogue doagu ãũrõ nímakũ ñãbu. Ubu ããrĩrã, oparãde ããrĩmã. Irogue ñgũsã níripoeta Marĩpu ñgũ gojadea pũrĩrẽ tũpãmi. Iri pũrĩgue masaka irideare gojatúdeã ããrĩbũ. Gaji pũ ñgũ merã perebiri okari opamurã wãirẽ gojatúdeã pũ ããrĩbũ. Irasirigu iri pũrĩgue gojatúdeare ñã odo, boanerãrẽ ñgũsã irideare keoro wajarimi. <sup>13</sup> Dia wãdiyague mirĩnerã, boanerã ããrĩrõgue ããrĩnerãde ñgũ ãũrõ ããrĩmã. Irasirigu Marĩpu, Opu doarogue doagu ããrĩpererãrẽ ñgũsã irideare keoro wajarimi. <sup>14</sup> Puru boarire, boanerã ããrĩrõdere perebiri peamegue béokõãmi. Iri peame, wãdiya irirosũ ããrĩrĩ peame ããrĩbũ. Irasirirã irogue béosũrãno dupaturi boarã irirosũ dujama. Marĩpu merã neõ ããrĩbirikuma. <sup>15</sup> Irasirirã ããrĩpererã Marĩpu merã perebiri okari opamurã wãirẽ gojatúdeã pũgue gojatúsũña marĩnerã perebiri peamegue béosũma.

## 21

### *Umugasĩ, i nikũde maama dita gorawayurimarẽ gojadea*

<sup>1</sup> Puru yu Juan, umugasĩ, i nikũde maama ããrĩrĩrẽ ñãbu. ããrĩpuroridea dari umugasĩ, i nikũ dederidijapereakõãbu. Dia wãdiya marĩbu pama. <sup>2</sup> Neõ ñerĩ marĩrĩ makã, umugasĩ Marĩpu purogue ããrĩrĩ makã dijarimakũ ñãbu. Iri makã, maama makã, Jerusalen wãikuri makã ããrĩbũ. Ñãrõ deyori makã, mojosuabo igo marãpu suyuburo, ãrĩgõ, surĩro ñãrõ sãñadeo irirosũ ããrĩbũ. Marĩpu ãsũta i makãrẽ amuyudi ããrĩmĩ. <sup>3</sup> Puru Opu doaro purõ ããrĩgũ, turaro merã ãsũ ãrĩ werenĩmakũ pẽbu:

—Ñãrõ pẽka! Dapagora Marĩpu masaka watope ããrĩmi. Ñgũsã merã ããrĩgukumi. Ñgũsã ñgũyarã ããrĩrãkuma. Ñgũta ñgũsã merã ããrĩ, ñgũsã Opu ããrĩgukumi. <sup>4</sup> ããrĩpereri ñgũsãya kódeko wiririre niũgukumi. Boari, bujawereri, kó oreri, pũrĩrikuride neõ marĩrokoa. I umuma ããrãdea ããrĩpereri pereakõãbu, ãrĩmi.

<sup>5</sup> Puru Marĩpu, Opu doarogue doagu ãsũ ãrĩmi:

—ããrĩpererire maama dita gorawayumakũ yãa, ãrĩmi.

Puru ãsũ ãrĩmi doja:

—Yu ãrĩrĩrẽ gojaka! Yu ãrĩrĩ diayeta ããrã. Irasiriro yu ãrĩrõsũta waarokoa, ãrĩmi.

<sup>6</sup> Puru yure ãsũ ãrĩmi doja:

—Iropata ããrã. Yu neõgoraguere ããrĩpereri i umumarẽ ããrĩmakũ iridi, i ããrĩpererire peremakũ iribu ããrã. Yure gããmerã, ñemesiburã burõ iirĩduarã irirosũ ããrĩma. Irasirigu



Īgūsārē perebiri okari sīrī deko\*, ūmawiuroma dekore tīāgukoa. Wajamarīrō iri dekore iirīrākuma. <sup>7</sup> Āārīpererā ñerō tarikererā yure buremuduúmerārē āārīpereri yu: “Sīgura”, ārīdeare sīgukoa. Īgūsā Opu āārīgukoa. Īgūsā, yu pūrā āārīrākuma. <sup>8</sup> Gajirā gapu masakare gūisīā, yaare pirirā, yure buremumerā, ñetariro irirā, wējērīmasā, ūma, nome merā, nome ūma merā ñerō kōābirarikurā, yéa āārīrā iririkurā, keori weadeare buremurā, āārīpererā ārīkatorikurā peamegue waarākuma. Iro dia wádiya irirosū āārīrī peame azufre merā ūjārīme āārā. Irogue waarā, yu merā neō āārībirikuma. Irasirirā dupaturi boarā irirosū dujarākuma, ārīmi.

### *Maama makā Jerusalēmarē weredea*

<sup>9</sup> Puru sugu Marīpura wereboegu yu purogue ejami. Īgū su mojōma pere gaji mojō peru pērēbejari pari opanerā merāmu, Marīpu masakare wajamoādogu pīnerā merāmu āārīmi. Āsū ārīmi yure:

—Īgū aarika! Jesucristo oveja majīgū irirosū āārīgū mojōsuabore† ĩmugukoa murē, ārīmi. <sup>10</sup> Irasirigu Ōāgū deyomarīgū, kērō irirosūgue yure Marīpura makārē ĩmakū irimi. Ūmadi ūtāu wekague yure āimurā, irogue Marīpura makārē Jerusalērē neō ñerī marīrī makārē, Marīpu purogue ūmugasigue merā dijariri makārē ĩmumi. <sup>11</sup> Marīpu gosesiriri merā, jaspe wāikuriye, wajapariye, ōārō deko suririye irirosū deyoriye gosesirosū gosesiribu. <sup>12</sup> Iri makā turo wāri sārīrō ūmarī sārīrō āārībú. Iri sārīrōrē pe mojōma pere su gubu peru pērēbejarigora makāpurori āārībú. Iri makāpuroriku sugu Marīpura wereboegu koremi. Iri makā makāpuroriguere Israel bumarā pe mojōma pere su gubu peru pērēbejari buri marā wāirē gojatúsūbu. <sup>13</sup> Iri sārīrōrē abe murīro gapu ure makāpuro āārībú. Sur gapu ure makāpuro, norte gapu ure makāpuro, abe ñajārō gapu ure makāpuro āārībú. <sup>14</sup> Iri sārīrō pe mojōma pere su gubu peru pērēbejari paga ūtā majīrī weka peyabu. Iri ūtā majīrīku Jesucristo oveja majīgū irirosū āārīgū buedoregu beyenerā wāirē gojatúsūbu.

<sup>15</sup> Marīpura wereboegu yure weregu keodi oro merā iridire opami. Iri makārē, iri makāma makāpuroridere, iri sārīrōdere keobu irimi. <sup>16</sup> Īgū keodi merā iri makārē keo odomakū, dos mil doscientos kilómetros yoari makā, iropata eyari makā, iropata ūmarōde āārībú. <sup>17</sup> Puru iri makāma sārīrōrē keomi. “Sesenta y cinco metros āārā”, ārīmi. Marī masaka keorosūta keomi.

<sup>18</sup> Iri sārīrō jaspe wāikuri ūtāye merā iridea sārīrō āārībú. Iri makā oro merā iridea makā āārībú. Iri oro gajino morēña marīrī, ōārō deko suriri irirosū deyobu. <sup>19</sup> Iri sārīrō doka āārīrī ūtā majīrīrē āārīpereri wajapariyeri merā mamudea āārībú. Āārīpuroriri majī jaspe wāikuriye āārībú. Iriye puruma majī zafiro wāikuriye āārībú. Peye puruma majī ágata wāikuriye, ureye puruma majī esmeralda wāikuriye āārībú. <sup>20</sup> Wapikuriyeri puruma majī ónice wāikuriye āārībú. Su mojōma puruma majī cornalina wāikuriye, su mojōma pere gaji mojō suru pērēbejari puruma majī crisólito wāikuriye āārībú. Su mojōma pere gaji mojō peru pērēbejari puruma majī berilo wāikuriye āārībú. Su mojōma pere gaji mojō ureru pērēbejari puruma majī topacio wāikuriye āārībú. Su mojōma pere gaji mojō wapikadiru pērēbejari puruma majī crisoprasa wāikuriye āārībú. Pe mojōma puruma majī acinto wāikuriye āārībú. Pe mojōma pere su gubu suru pērēbejari puruma majī amatista wāikuriye āārībú. <sup>21</sup> Iri sārīrōrē pe mojōma pere su gubu peru pērēbejari makāpurori, perla merā iridea seri āārībú. Iri seriku suye perlaye merā iridea dita āārībú. Iri makā

\* **21:6** San Juan 11.25: Jesús ārīmi: —Yu boanerārē masāmakū irigu, Īgūsārē okari sīgū āārā. Yure buremugū boadigue āārīkeregu, okagukumi, ārīmi. San Juan 14.6: Jesús ārīmi doja: —Yu dita Yuru purogue waarī maa irirosū āārā. Yu diayema āārīrīrē masakare masāmakū irigu, Īgūsārē okamakū irigu āārā. Yu merāta Yuru purogue waarākuma, ārīmi. Irasirigu Jesús perebiri okarire sīrī deko irirosū āārīmi. Īgūrē buremurā Īgū Pagu puro i perebiri okarire opamurā āārīma. † **21:9** Jesucristo oveja majīgū irirosū āārīgūrē buremurā maama makā Jerusalén marā āārīmurā Īgū mojōsuabo irirosū āārīma.

deko waarí maa, oro gajino morēña marĩrĩ merã iridea maa, õãrõ deko sũriri irirosũ deyorí maa ããrĩbũ.

<sup>22</sup> Iri makãrẽ Marĩpũya wiire iãbiribu. Iri makã ããrĩpererogue Marĩpũ turatarigu, irasũ ããrĩmakũ Jesucristo oveja majĩgũ irirosũ ããrĩgũde ããrĩrõ ããrĩbũ. Irasiriro iri makã ããrĩperero Marĩpũya wii irirosũ ããrĩbũ. <sup>23</sup> Iri makã abe ãmũmũ, ñamimude boyoro gããmebea. Marĩpũ goesiriri merã õãrõ boyoa. Jesucristo oveja majĩgũ irirosũ ããrĩgũde iri makãrẽ sããgodiru irirosũ boyomi. <sup>24</sup> Irasirirã i ãmũ marã Marĩpũ taunerã iri makãma boyori merã ããrĩrãkuma. I ãmũ marã oparã iri makãgue ãgũsã õãrĩ oparire sãrã ãĩjarosũ Marĩpũre: “Õãtaria mũ”, ãrĩ, usũyari sãrãkuma. <sup>25</sup> ãmũrẽ iri makãma makãpũrori tũpãdea ããrĩrokoa. Iroguere neõ ñami marĩrokoa. <sup>26</sup> Wãri nikũ marã ãgũsã õãrĩ oparire iri makãgue sãrã ãĩjarosũ Marĩpũre bũremurã ejarãkuma. <sup>27</sup> Ñerĩ ããrĩrĩ gapũre iri makãguere neõ ãĩñajãbirikuma. Ñerõ iririkurã, ãrĩkatorikurãde neõ iri makãguere ñajãbirikuma. Jesucristo oveja majĩgũ irirosũ ããrĩgũ merã perebiri okari opamurã ãgũya gojadea pũgue ãgũsã wãĩ gojatũsũnerã ããrĩma. ãgũsã dita iri makãguere ñajãrãkuma.

## 22

<sup>1</sup> Pũrũ Marĩpũre wereboegu diare yũre ãmumi. Iriyama deko perebiri okari sãrĩ deko\* ããrĩbũ. Õãrõ deko sũridiya, diumajĩ irirosũ ããrĩbũ. Marĩpũ, Jesucristo oveja majĩgũ irirosũ ããrĩgũya doaro doka wiribu. <sup>2</sup> Iri makã dekoma maa, wãri maague ãmayobũ. Iriya pe gapũ tũrorire perebiri okari sãrĩ yukũ nĩbũ. Iri yukũ aberikũ dukakũ. Su bojorire, pe mojóma pere su gubu peru pẽrẽbejarigora dukakũ. Iriguma pũrĩ i ãmũ marã masaka pũrĩrikurire tauri pũrĩ ããrã. <sup>3</sup> Irasiriro neõ pũrĩrĩ marĩrokoa. Iri makãgue Marĩpũ, Jesucristo oveja majĩgũ irirosũ ããrĩgũya doaro ããrĩrokoa. ãgũyarã ãgũrẽ bũremurãkuma. <sup>4</sup> ãgũya diapure iãrãkuma. ãgũsãya diapuserorire ãgũ wãrẽ tuuyasũrã ããrĩrãkuma. <sup>5</sup> Iroguere ñami neõ marĩrokoa. Irasirirã iro ããrĩrã sããgoriduparure, abe boyoridere gããmebirikuma. Marĩpũ boyori merã ããrĩrãkuma. ãgũ merã neõ piriro marĩrõ dorenĩrãkuma.

*Jesucristo i ãmũgue dupaturi aariburo mérõ dũyãa, ãrĩ gojadea*

<sup>6</sup> Pũrũ Marĩpũre wereboegu yũre ãrĩmi:

—Yũ wererĩ diaye ãrĩrĩ ããrã. Irasiriro yũ ãrĩrõsũta waarokoa. Marĩpũ ãgũya kerere weredupiyurãrẽ ãgũyare masĩmakũ irigu ããrĩmi. ãgũrẽ wereboegũre iriumi ãgũrẽ moãboerãrẽ mérõgã pũrũ waaburire masĩdoregũ, ãrĩmi.

<sup>7</sup> Irasirigu Jesús ãsũ ãrĩmi:

—Mérõgã pũrũ aarigũkoa. Irasirirã, Yũpũya kere i papera pũgue gojadeare iritũyarã usũyarãkuma, ãrĩmi.

<sup>8</sup> Yũ Juan, i ããrĩpererire pé, iãbũ. Irasirigu irire pé, iãdero pũrũ, yũre ãmuadi Marĩpũre wereboegũya guburi pũro ñadũkupuri merã ejamejãjabũ ãgũrẽ bũremubu. <sup>9</sup> Yũre ãgũ gapũ ãrĩmi:

—Iri irasiribirikõãka! Mũ, mũyarã Marĩpũya kerere weredupiyurã, ããrĩpererã i papera pũma dorerire irirã irirosũta yũde Marĩpũre moãboegu ããrã. Irasirigu Marĩpũ gapũre ñadũkupuri merã ejamejã, bũremuka! ãrĩmi.

<sup>10</sup> Pũrũ yũre ãrĩnemomi:

—I pũgue: “ãsũ waarokoa”, ãrĩ gojadea keoro waaburo, mérõ dũyãa. Irasirigu, Marĩpũya kere i pũgue gojadeare duũrogu opabirikõãka! Yayeri ããrĩbea. <sup>11</sup> Irasirirã ñerã

\* **22:1** San Juan 11.25: Jesús ãrĩmi: —Yũ boanerãrẽ masãmakũ irigu, ãgũsãrẽ okari sãgũ ããrã. Yũre bũremugũ boadigue ããrĩkerẽgũ, okagũkumi, ãrĩmi. San Juan 14.6: Jesús ãrĩmi doja: —Yũ dita Yũpũ pũrogu waarí maa irirosũ ããrã. Yũ diayemarẽ masakare masĩmakũ irigu, ãgũsãrẽ okamakũ irigu ããrã. Yũ merãta Yũpũ pũrogu waarãkuma, ãrĩmi. Irasirigu Jesús perebiri okarire sãrĩ deko, perebiri okarire sãrĩ yukũ irirosũ ããrĩmi. ãgũ merã ãgũrẽ bũremurã ãgũ Pãrũ pũro i perebiri okarire opamurã ããrĩma.

i kerere péduamerã murãrõta ãgũsã gããmerõ irinikõãburo. Ñerĩrẽ iririkurãde murãrõta ñerĩrẽ irinikõãburo. Õãrõ irirã gapu murãrõta õãrõ irinikõãburo. Marĩpu gããmerĩrẽ iririkurãde murãrõta irire irinikõãburo, ãrĩmi.

<sup>12</sup> Pupu Jesús ãsũ ãrĩmi:

—Ãsũta ããrã. Gũñaña marĩrõ aarigura. Masakakure yu sĩburire opãa. Ñgũsã iriderosũta ãgũsãrẽ keoro sĩgura. <sup>13</sup> Yu neõgoraguere ããrĩpereri i ãmumarẽ ããrĩmakũ iridi, i ããrĩpererire peremakũ iribu ããrã. Yu i ãmurẽ iriburo dupiyuro ããrĩsiabu. Iri pereadero pupu, ããrĩnikõãgukoa, ãrĩmi.

<sup>14</sup> 'Ããrĩpererã ãgũsã ñerĩ irideare pirirã usuyarãkuma. Surĩ koe odo, gurari marĩrĩ sãñanerã irirosũ ããrĩma. Irasirirã iri makãma makãpurorire tariñajãrãkuma. Iri makãma yuku perebiri okari sĩrĩ yuku dukare baarãkuma. <sup>15</sup> Gajirã ñerõ iririmasã gapu iri makãgue ñajãbirikuma. Ñgũsã yã ããrĩrã iririkurã, ãma, nome merã, nome ãma merã ñerõ kõãbirarikurã, wẽjẽrĩmasã, keori weadeare buremurã, ãrĩkatorikurã ããrĩma.

<sup>16</sup> Yu Jesús, yure wereboegure iriubu, musã yure buremurãrẽ i papera pũmarẽ werebure. Opu David parãmi ããrĩturiagu ããrã. Neñukãmu boyodiru õãrõ boyoro irirosũ ããrĩgũ, maama perebiri ãmurẽ pígu ããrã, ãrĩmi.

<sup>17</sup> Õãgũ deyomarĩgũ, irasũ ããrĩmakũ Jesucristo oveja majĩgũ irirosũ ããrĩgũyarãde ãgũ mojõsũabo irirosũ ããrĩrã ãgũrẽ ãsũ ãrĩma: “Aarika!” ãrĩma. ããrĩpererã irire ãrĩmakũ pérãde: “Aarika!” ãrĩburo. Ñemesiburã iiriduarã, perebiri okari sĩrĩ dekore iirirã aariburo. Wajamarĩrõ iri dekore iirirãkuma.

<sup>18</sup> Yu Juan, ããrĩpererã Marĩpuya kere i pũgue gojadeare pérãrẽ gopeyari merã ãsũ ãrĩ weregura: “I pũgue gojadeare gaji bueri merã morẽsóo werenemorãrẽ Marĩpu wajamoãgukumi. I pũgue wajamoãburire gojaderosũta ãgũsãrẽ wajamoãgukumi. <sup>19</sup> Gajirã Marĩpuya kere i pũgue gojadeare gorawayurãrẽ ãsũ irigukumi. ãgũsãrẽ perebiri okari sĩrĩ yuku dukare sĩboadeare sĩbirikumi. Irasirirã Marĩpu merã neõ ñerĩ marĩrĩ makãgue ããrĩnikõãbirikuma. Irire i pũgue gojasũa”, ãrĩmi.

<sup>20</sup> Jesús irire weregu, ãsũ ãrĩmi:

—Irasũta ããrã. Mérõ duyãa yu aariburo, ãrĩmi.

Irasũta waaburo. Guu Opu Jesús aarika!

<sup>21</sup> Marĩ Opu Jesús musã ããrĩpererãrẽ õãrõ iritamuburo. Irasũta ããrĩburo.